













# କେନ୍ଦ୍ରୀୟ ରଚନାବଳୀ

ପ୍ରଥମ ବନ୍ଧୁ



ବନ୍ଧୁ ମାର୍ଗ, ଆଫିସ୍-୪୦୦୦୦୧

## Kedar Rachanabali (Vol. I)

প্রথম প্রকাশ : ১৩৬০

সম্পাদনা :

শিবেশকুমার চট্টোপাধ্যায়

সন্তোষকুমার মজুমদার

ভগবান প্রসাদ মজুমদার

পূর্ণেন্দু মুখোপাধ্যায়

মায়ী ভট্টাচার্য

প্রচ্ছদ শিল্পী :

পাঁচুগোপাল শী

বিজন ভট্টাচার্য

প্রকাশক :

আভাসকুমার চট্টোপাধ্যায়

নির্দেশক, বিহার বাঙলা আকাডেমি

বুদ্ধ মার্গ, পাটনা ৮০০০০১

পরিবেশক :

শৈব্যা পুস্তকালয়

৮/১সি শ্যামাচরণ দে স্ট্রীট, কলিকাতা-৭০০০৭৩

মুদ্রক :

দুর্গাপদ ঘোষ

শ্রীঅরবিন্দ প্রেস

১৬, হেমেন্দ্র সেন স্ট্রীট, কলিকাতা ৭০০০০৬

বিহার বাঙলা আকাদেমির প্রথম অধ্যক্ষ  
খ্যাতনামা কথাসাহিত্যিক  
দেশিকোত্তম বিভূতিভূষণ মুখোপাধ্যায়ের  
পূণ্য স্মৃতির উদ্দেশ্যে





জন্ম :

৪ঠা য়ানুৱন ১২৬৯

১৫ই ফেব্রুৱাৰি ১৮৬৩

মৃত্যু :

১২ই অগ্ৰহায়ণ ১৩৫৬

২৯শে নভেম্বৰ ১৯৪৯





## সূচী পত্র

### উপন্যাস

কোষ্ঠীর ফলাফল	...	১—৩১২
---------------	-----	-------

### গল্প সংকলন

আমরা কি ও কে	...	১—১০
আনন্দময়ী দর্শন	...	১১—৩৫
দেবী মাহাত্ম্য	...	৩৬—৪৭
পুর সুন্দরী	...	৪৮—৫৩
মুক্তি	...	৫৪—৬৩
ভগবতীর পলায়ন	...	৬৪—৭৬
আমাদের সানুড়ে সভা	...	৭৭—৮১
থাকো	...	৮২—৯৬
বিবর্তন	...	৯৭—১১১

### ভ্রমণ কাহিনী

চীন যাত্রী	...	১—১২৬
------------	-----	-------

### কবিতা

কাশীর কিঞ্চৎ		১—১০৮
--------------	--	-------

### বিবিধ

জীবন কথা	...	১—১৩
অবতরণিকা ( লুপ্তরঞ্জনার )	...	১—১০



## কোষ্ঠীর ফলাফল

১

আমার কোষ্ঠীতে নাকি লেখা ছিল,—চিরজীবন ঘুরিয়া মরিতে হইবে। তরুণ বয়সে কথটা বেশ লাগিয়াছিল,—উৎসাহ আগ্রহও আনিয়াছিল।

যৌবনে মহাজনদের পন্থা অনুসরণ করিয়া এমন চাকুরী স্বীকার করিলাম যে, অল্পদিন মধ্যেই কোষ্ঠীর ফল দল বাঁধিয়া দেখা দিতে লাগিল ; আমি কক্ষচ্যুত গ্রহের মত সবেগে সতের বৎসর নানাস্থানী হইয়া ঘুরিতে লাগিলাম। সখ্ মিটিলেও ফলের good luck ( শুভদৃষ্টি ) তখনো তুঙ্গী,—জল, স্থল, মরু, গিরি নির্বিশেষে সমান ফলিতে লাগিল। শেষে চীনের প্রাচীরে পায়েচারি করিয়া, মাম্বুরিয়ার মাটী মাড়াইয়া, রাজপুতানার মরুভূমি ভেদ করিয়া ফিরিয়া আসিয়া দেখি—কোষ্ঠীখানি উইয়ের উদরস্থ হইয়াছে।

যাক্, আপদ গিয়াছে,—ফলের জড় মরিয়াছে—বাঁচা গেল। সুদীর্ঘ বিশ বৎসর খরিয়া ঘেরূপ ফ্যালাও ভাবে ফল ফলিয়াছে, তাহাতে সহজেই বদ্বিলাম—নিশ্চয়ই চতুর্বর্গ লাভ হইয়া গিয়া থাকিবে ; স্বর্গপ্রাপ্তির আর বেশী বিলম্ব নাই। এখন Segregation camp-এ ( ভিন্ন গোয়ালে ) অপেক্ষা করাই সুবুদ্ধি-সঙ্গত।

কাশী আমাদের ভূস্বর্গ, আপাততঃ সেই স্বর্গে থাকাই বিধেয়। তাড়াতাড়ি যাহা জুটিল পেন্সন্ লইয়া, পান্ডাড়ী গুটাইয়া কাশী রওনা হইয়া পড়িলাম।

২

কাশীধামে বাসা বাঁধিতেছিলাম, ইচ্ছা—আর নড়াচড়া নয়, একেবারে শিব হইয়া leave ( ছুটী ) লইব।

মানুষের স্পর্শ তাহাকে বদ্বিতে দেয়না যে, তাহার নিজের ইচ্ছাই চরম নহে। পূর্ণিমা হইতে পরমাষ্টমীরদের জরুরী ডাক আসিল,—বিশেষ কাজ আছে।

অধিকার মত জগতের বহু বাহার আশ্বাদন করিয়া কাশী আসিয়াছিলাম ; এখন ধর্মকর্ম ছাড়া, অর্থাৎ আহার নিদ্রা ছাড়া যে আমার আর কোন কাজ থাকিতে পারে, তাহা মাথার আসে নাই। যাহা হউক, কুটোকাটি পড়িয়া রহিল,—অপম্বর্গে পুনর্বাস্তা করিলাম।

পূর্ণিমা পৌঁছিয়াই দেখি, সেই বিশেষ কার্য্যপালক্ষে দেওঘর যাইবার পরোয়ানা প্রস্তুত ! কি পাপ ! “মরিয়া না মরে রাম—!”

নষ্ট-কোষ্ঠী উদ্ধার হইল নাকি ! আবার যে ফল ধরে !

ব্রাহ্মণী পূর্ণিমাতেই ছিলেন, তিনিই মৃৎপাত্রীরূপে ( দৃংখদাত্রী বলা আইনে আটকায় ) অগ্ণবর্তিনী হইয়া বলিলেন,—“দেবী করলে ত’ চলেবে না, আর দিন নেই, শীগ্গির তলের হয়ে নাও !”

বলিলাম—“তলের হয়ে ত’ অনেক দিন থেকেই রয়েছি, কেউ নেয় কই !” কথাটা বোধহয় তাঁহার ভাল লাগিল না, একটু বিরক্ত হইলেন,—কিন্তু তাগাদা বাহাল রহিল ।

শূন্যিয়াছি সার্ব উইলিয়ম্ জোন্স ( Sir William Jones ) সংস্কৃত শাস্ত্রে সেরা পণ্ডিত ছিলেন, আমাদের সকল শাস্ত্রই নাকি পড়িয়াছিলেন ; কিন্তু তখনকার নবদ্বীপের প্রধান পণ্ডিত তাঁকে নূতন একটি শাস্ত্রের সম্মান বলিয়া দিয়াছিলেন যোঁটির নাম “অনটন” শাস্ত্র, এবং যা তাঁর দেখা ছিল না ।

কার্য হইতে অবসর লইবার জন্য আমার ছটফটানি ধরিয়াছিল, তাই তাড়াতাড়ি অসময়েই retire ( সেলাম ) করি । উদ্দেশ্য,—নূতন আর কিছু দেখিতেছি না, অবস্থা আর যোগ্যতা মত সব কাজই করিয়া দেখা হইয়াছে,—এখন কাশী গিয়া নিশ্চিন্তে শেষ করুণা দিন কাটানো । কিন্তু অচিরেই পরমাশ্রমেরা, বিশেষ করিয়া ব্রাহ্মণী, বাতলে দিলেন,—“ব্যাগার” বলিয়া যে বড়-কাজটি আছে, তাহার অন্ত নাই, এবং কেহ তাহা শেষ করিয়া যাইতে পারেন নাই ।

বলিলাম—“ব্যাগারের” জনাই এখন বাঁচিতে হইবে ! যথা—দুধটো উনানে বসানো রইল, দেখো উথলে না পড়ে,—আমি আঁহিকটে সেরে নি । মাছগুলো না বিড়ালে নে’যায়,—গা’ ধুয়ে আসি । ননীগোপালকে নিয়ে একটু খেলা কর’,—ও ভারি শাস্ত্র ছেলে, আমি একবার হরিমতিদের বাড়ী যাচ্ছি ;—তাদের গুরুদ্বন্দ্বের এসেছেন—হারমোনিয়া বাজিয়ে কি হরিনামই করচেন, পশুপক্ষীতে থির হয়ে শোনে ! —এই শাঁখটা রইল, সম্বোধন হয়ে যায় ত’ তিনবার ফুঁ দিও ( অর্থাৎ ফুঁকো ) —ইত্যাদি ।

শাঁখটা শিঙ্গা হইলেও ভাল হইত, ফুঁকিতে পারিলে আরাম ছিল । ননীগোপাল যে কিরূপ শাস্ত্র ছেলে তা অষ্টপ্রহরই প্রত্যক্ষ করি আর পালাই পালাই করি । ওই বর্ষটির ক্ষুদ্র মস্তিষ্কটি এমনি উর্বর—এর মধ্যে সে দেশলান্নের বাস সংগ্রহে সিদ্ধহস্ত । সৌন্দর্য ভাঁড়ার ঘরের বাড়ির হাঁড়ির মধ্য হইতে তাহা সংগ্রহ করিয়া “মশারি-বাজি” খেলিয়াছিল । নিবাইতে নিবাইতে সাড়ে তিন হাত সাফ । তখন সেই শাস্ত্র ছেলে

লইরা কত আদর, কত আশঙ্কা, কত মানসিক ; কারণ—সোনারচাঁদ গিছলো আর কি,—হরি রক্ষা করেছেন !

পরে শুনতে হয়,—“হ্যাঁগা তুমি মানুষ না কি ! বাড়ীতে বসে রয়েছ”—ইত্যাদি ; এবং বলিতে হয়—“যদি চালিশ বছরে না চিনে থাক’, সেটা কি আমার অপরাধ !” তখন ফুল-বেগের রাগে আমারই দোষ সাব্যস্ত,—আমিই গিল্টি [ guilty ] ! এই কিল্টি নীরবে হজম করাই নিয়ম ।

সে যাহা হউক,—ছেলে শাস্ত বটে ; কিন্তু প্রাকৃতিক-বেগ এবং তার অবশ্যম্ভাবী ফলগতলা ত’ শাস্ত অশাস্ত ভেদে আসে না, আর সে-ফল চতুর্বর্গের চৌহদ্দিও মাড়ায় না, অথচ ভোগটা পুরোপুরি চার-পো ! আবার বোঝাটা চাই—আহিক আর হরিনাম [ যাহা পশুপক্ষীতে থির হয়ে শোনে ], তাহা আমার তরে নয়, তাহাতে আমার অধিকার পঞ্চাশ পেরিয়েও জন্মায় নাই ; বাকিগুলার তরেই বাঁচিয়া থাকা !

কোন দিন বা শুনতে হয়—“একটু নড়াচড়া ভাল-গো,—বরাবর বাইরে বাইরে ঘুরেচ ;—একবার পায়ে পায়ে ঐ বোসেদের বেড়ার ধারে গিয়ে, বসে বসে চারটি সজনে-ফুল কুড়িয়ে আনো দিকি, আহার ওষুধ দুই-ই হবে,—এই নাও, এই ধামটে নাও !” কি দয়া ! আবার হাইজনের হাউই ছাড়ে যে !

কোন দিন বা দেখতে হয়,—বড় নাতি তস্করের মত রুদ্ধধারে—“টোবল আয়নারে” সম্মুখে, ভাস্কর-পাণ্ডিতের ভণিতা ভাঁজিতেছে আর একটা মোটা পাশ-বালিসের ওয়াড়ের বন্ধন-রসজ্বতে একটা নিবস্ত বাতি একবার করিয়া ঠাকাইতেছে আর—“সংহার সংহার” বলিয়া লাফাইয়া উঠিতেছে ! কিন্তু “সংহার” কথাটার কোন অক্ষরের উপর accent ( ঝোঁক ) পড়িলে জীবনটা সার্থক হয় তাহা কিছুতেই ঠিক করিতে পারিতেছে না ; কখন accent on second half, কখন on third one third-এর উপর চাপাইয়া দেখিতেছে । সঙ্গে সঙ্গে দানীবাব, সে-সময় কত ডিগ্রি angle-এ গ্রীবা বক্র করেন এবং তাহার নাসারস্র কতটা diameter-এ dilated ( বিস্তারিত ) হয় ও অক্ষিগোলক খোল ছাড়িয়া কতটা বাহিরে আসে, তাহার কসরৎ চলিতেছে ।

তখন ইচ্ছা হয় বলি—“ওরে রাস্কেল, আসচে বারে ককট জন্ম নিস, ও দ্বন্দ্ব থাকিবে না, চোখ ঠেলিয়া নাকের ডগার সমরেখায় অনায়াসে আনতে পারবি,—দু’শো বাহবা পড়ে যাবে, এবারটা দয়া করে চরকা কাট,—বড় দুঃসময় !”

একটু পরেই গদগদ স্বরে কেশ-প্রসাধন,—গ্রিসিয়ান্ স্নিপার পায়, ও গন্ধ-গোকুলের মত ভরভরে গন্ধ ছড়াইতে ছড়াইতে বেগে জরুরি কার্বে পাঁচ ঘণ্টার মত

প্রস্থান ! বাহিরে পা দিয়াই আওয়াজ—“দোরটা খোলা রইল—গরু না ঢোকে !” তখন বলিতে হয়—“পাঁচ ঘণ্টার মধ্যে ঢুকবে না,—ভয় নেই !”

কেই বা শোনে, বরং ক্রমোচ্চাব স্বরে tidal progression-এ, খন্দুচ্চকার curve-এ, আমার কানে আসে “আ—মা—র দে—শ” ! তখন হাসি পায়, মনে মনে বলি,—“তোমার চৌদ্দপদ্রুঘের দেশ ! ও “বেশে” দেশ হয় না রে পাজি !”

তবে ননীগোপাল বেঁচে থাকুক,—রাতে মশায় rush [ তাড়া ] করিলে, ফস্ করিয়া স্দবর্ণচন্দ্র-কৃত সিঁদ্বোন্ দিয়া ছুটিয়া পালাইবার স্দবিধা আছে ।

কার্য হইতে অবসর লইলে দেখিতেছি স্দবিধা বিস্তর ! পুজনীয় শাস্ত্রকারেরা পদ্মশোকে বনে স্থান নির্দেশ করিয়া দিয়াছিলেন । এখন কিন্তু সে-মুখো পা বাড়াইলেই Forest department ( বনবিভাগ ) ফেরার আসামী বলিয়া চালান দেন । কাজেই কাশী যাই, কারণ কাশীর অপর একটি নাম—“আনন্দ-কানন” ;—এই mild dose-ও বর্ঝি তলায় না ! যদ্বিধেমনসি স্থিতম্ ।

৩

পঞ্জিকা দেখার প্রয়োজন ছিল না,—পেন্সন্-প্রাপ্ত লোকের আর শুভ-অশুভ দিন কি ! তাহার আবার বিপদ-আপদ কি ? তাহার বাঁচিবার যতটাই যে হাসির কথা ! যেহেতু জান্ থাকিতে সরকারিদান জোটে না । শাস্ত্রকারেরা ‘মহাপাতক’ বলিয়া একটা মহা অনর্থ ঘটাইয়া গিয়াছেন, নচেৎ যে গরু দুধ দেয় না বা ছটাক্ ছাড়ে, তাহাকে রাখাটা মস্ত একটা economic problem-এর ( অর্থনৈতিক সমস্যার ) মধ্যে পড়িয়া যাইত । এবং গো—ব্রাহ্মণ ত’ চিরকাল এক ব্রাকেটের মধ্যে পড়িয়াই আছে ।

তাই পঞ্জিকার পরিবর্তে টাইম-টেবলের টান খরিল । এক দুই ক্রমে তিনখানি নাড়াচাড়া করিয়া পথের পাশ্চাত্য লাগিল, কিন্তু আত্মা শুকাইয়া গেল । পুণ্ড্রিগ্না হইতে কাটিহার ; কাটিহার হইতে মনিহারি ঘাট ; পরে স্টিমারে গঙ্গাপার হইয়া সক্রিগলি-ঘাট ; তথা হইতে সাহেবগঞ্জ ; সাহেবগঞ্জ ছাড়িয়া কিউল ; কিউল হইতে যশ্দি ; যশ্দি হইতে destination অর্থাৎ ঠিকানায় । উল্লিখিত প্রত্যেক স্থানেই নাবা-ওঠা, যান-পরিবর্তন, অর্থাৎ আমার পক্ষে ‘জান পরিবর্তন’ ।

এক টুকরো কাগজে এই সমস্ত ওট্ বোসের তালিকা ছকিবার পর দেখি সেখানি যেন কালাঙ্কুরের temperature chart ( নরম-গরমের নক্সা ) দাঁড়াইয়াছে ! এই জ্বর ভোগ

করিতে হইবে, উপায়ান্তর নাই। মনে হইল ইহা অপেক্ষা দক্ষিণ-মেরু আবিষ্কারে লাগিয়া পড়া সহজ।

তাগাদায় অতিষ্ঠ করিয়া তুলিল। “সুখের চেয়ে স্বাস্থি ভাল” ভাবিয়া প্রাণভরে পলাতক প্রাণীর মত পরদিনই শূভাশুভ নিরপেক্ষ কোন এক মন্দিরভর্তি দূর্গা বলিয়া বাহির হইয়া পড়িলাম।

ভাগ্যবানেরা বলেন—Life is holy and sweet,—মিথ্যা নয়।

যাহা হউক, একটী সহকারী সঙ্গীও পাইলাম। ভাল হইল কি মন্দ হইল, তাহা এক্ষণে ডিঃ গুপ্ত মহাশয়ের দাওয়ায়ের মত—“ফলেন পরিচায়তে” থাকাই ভাল। নানা চিন্তা সমেত ইন্টার ক্লাসে enter করা গেল,—কারণ আমরা মধ্যবিস্ত। চিন্তাগুলি ‘নিরাকার’ তাই রক্ষা, নচেৎ সে বোঝা গাড়ীতে ঢুকিত না,—‘ব্রেক-ভানে’ দিতে হইত, এবং তাহার পশ্চাতে পথের সম্বলও সাবাড় হইয়া যাইত।

শূন্যিয়াছি—সাপে-কাটা রোগীকে সর্বক্ষণ সজাগ রাখার ব্যবস্থা করিতে হয়,—পাছে ঢুল্ ধরে। আমাদের কিসে কাটিয়াছিল সেটা ভাষায় না বলাই ভাল, তবে এ-যাত্রায় আমাদের ঢুল্ ধরিবার জো-টি ছিল না। ওট্-বোস করিতে করিতে দিনরাত কাটিতে লাগিল; সুতরাং সহজে আবিষ্কার করিয়া ফেলিলাম,—এই গেঁটে যাত্রাটি সাপে-থাওয়া রোগীর একটি ‘টোট্কা’। যাত্রাটি শূন্যই গেঁটে ছিল না,—প্রত্যেক গাঁটের দ্ব’পিটেই কাটা,—পাশ ফিরিলেই ফোটে,—কুলিদের বুলি শূন্যে কুণ্ডকর্ণের নিদ্রাভঙ্গ হয়! তখনো জানিতাম না—আমার সহকারীটি, ঠাঁড়াইয়া এবং চক্ষু না বন্ধিয়া ঘুমাইতে পারেন।

## ৪

ক্রমে তখন কিউলে আসিয়া পড়িয়াছি। কুলি-জি আশ্বাস দিয়া গেলেন,—বিলম্ব আছে; ট্রেন আসিলেই বোঝাই দিবেন।

সম্মা উত্তীর্ণ হইয়া গিয়াছে, বোড়াদার প্র্যাটফর্মে শীতের হাওয়া হু হু করিয়া অবাধ ছুটিয়াছে। ট্রেনের অপেক্ষায় বহুলোক বৌচুকাবচ্চিক লইয়া—কেহ বসিয়া, কেহ শুইয়া, হিম আর হাওয়ান্ন জড়সড়। আমাদের জন্য সর্বত্রই এই ঢালা-ব্যবস্থা আর খোলা দরবার। সব যেন মড়কের মাল। আচ্ছাদন-যুক্ত অংশটুকু প্রায় কোম্পানীর কুপদ্রুই ভরাট,—কুলি প্রভৃতির আশ্রয়স্থল ঢাকিয়া, লম্বা হইয়া দখল



করিয়েছে। দুইজন বা একজোড়া করিয়া বসিবার, দুইখানি বোম্ব ও বর্তমান পূর্বগতরা তাহা পুটলি সমেত পূর্ণ করিয়াছেন, ও এমনি মৃদু দিয়া গুড়ি মারিয়া আছেন যে, কোনটি মাল কোনটি মালিক তাহা বুঝিয়া লওয়া কঠিন। তাহারি সম্মুখে কুলি-জি আমাদের সামান্য মালপত্রগুলি নামাইয়াছিলেন।

একস্থানে দাঁড়াইয়া সরাসরি হাওয়া খাওয়া অপেক্ষা একটু নড়িয়া চাঁড়িয়া নাড়ী বজায় রাখিবার চেষ্টা পাওয়াই ভাল ভাবিয়া যেই দুই পদ অগ্রসর হইয়াছি, অলক্ষ্যে আকাশবাণী হইল,—“এটা পার্ক (Park) নয় মশাই—কিউল্ ইন্স্টেশন্,—পেছন ফিরলেই পুটলি সরে যায়। বরং বোঁচকার উপর চেপে sit down (বসুন)। এটা মহতের আশ্চর্য, তাঁরা যাত্রীদের ভার লাঘব করতে সর্বদাই যত্নবান!”

এদিক ওদিক তাকাইতেছি আবার আওয়াজ আসিল—“এই একটু আগে একজনের পুটলি পাচার হয়েছে, সে পাগলের মত ছুটোছুটি করে বেড়াচ্ছে।”

বুঝিলাম বোম্বস্থিত দুইটি মোড়কের মধ্যে কোন একটি এই সতর্কবাণী ঘোষণা করিলেন। উদ্দেশ্যে কৃতজ্ঞতা প্রকাশানন্তর আমার বেতের ট্রাঙ্কটি চাপিয়া বসিলাম, এবং নসাদানিটি বাহিরের পকেট হইতে ভিতরের পকেটে চালান দিলাম।

আমার সহকারী-সঙ্গী জমহারি—দৈর্ঘ্যে প্রায় ছয় ফিট, ওজনে সওয়া দুই মণ, এবং বয়সে সাতাশ, স্নেহভর্য মনে কিঞ্চিৎ সাহস পাইয়াছিলাম। চাহিয়া দেখি, সে সোজা প্ল্যাটফর্ম ধরিয়া চলিয়াছে;—নিশ্চয়ই এই ঠান্ডা হাওয়া লাগিয়া কোন একটি স্বাভাবিক পীড়া প্রবল হইয়া থাকিবে।

মিনিটখানেক পরেই সেইদিকে একটা “মার্ মার্” শব্দে সকলকে সচকিত করিয়া দিল। কিন্তু সকলেই পুটলির সঙ্গে বাঁধা। আমি জমহারিকে না দেখিতে পাইয়া উদ্ভ্রম হইলাম; বোম্ব লক্ষ্য করিয়া বলিলাম “অনুগ্রহ করে একটু দেখবেন, আমি আমার সঙ্গীটির খোঁজ লই, আর ব্যাপারটা কি তা শুনেন আসি।” অনুমতিটা সহজেই পাইলাম; বুঝিলাম—তিনিও ঘটনাটা জানিবার জন্য উৎসুক।

এস্থলে একটা বিশেষ কথা আছে যাহা বাদ দিলে ঘটনাটা খোলসা হইবে না। কিউল্ ইন্স্টেশন্ হইতে অন্যান্য পঞ্চাশ হাঁড়ি (কলস) দধি, প্রত্যহ রাত্রে কলিকাতায় চালান যায়, এবং প্রাতে,—রবিবাবুর ভাষায়—

“বঙ্গ তারে আপনার গঙ্গোদকে অতিরিক্ত করি”—লগ্ন চুপে চুপে; অর্থাৎ রাজধানীর রসে—এক হাঁড়ি সাত হাঁড়িতে উন্নতিলাভ করিয়া, ক্রেতাদের দীর্ঘদিন লাভে সাহায্য করে। (ইতি স্যলেন্স)।

কিউল্ সম্ভবতঃ গোড়-মন্ডলের গাড়ীর মধ্যেই পড়ে, বা গাড়ী ঘেঁষিয়া থাকে;

আর গোড়-গরলারাই এই মধু ( স্দধা ) নিত্য সরবরাহ করে,—“গোড়জন যাহে—”।

আজও সেই-সব দধিভাণ্ড—মধু ভাণ্ড—মধু চক্রাকারে প্ল্যাটফর্মের উপর গাড়ীর অপেক্ষায় রক্ষিত ছিল। মালিকেরা অদূরেই স্ব স্ব বাঁকের উপর বসিয়া, কেহ স্দর ভাজিতে, কেহ খইনি টিঁপতেছিল। ইন্স্টেশনে তাহাদের প্রভাব প্রতিপত্তি খুবই, কারণ অনেকেই “মধুংলিহ”। হেনকালে—

গিয়া যাহা দৌখলাম ও শ্দুনিলাম, তাহাতে হাসিব কি কাঁদিব, কি মাথা খুঁড়িব, স্থির করিতে পারিলাম না।

দৌখ—জয়হরি একদম সেই হাড়ি ( হাঁড়ি ) পাড়ার মধ্যে ঢুকিয়া পড়িয়াছে ; এবং বাঁকহস্তে ‘গোড়জন’ তাহাকে ঘিরিয়া—এই মারে ত’ এই মারে। যে-সব শব্দ বাত চলিয়াছে, তাহাতে রক্তপাত হইতে আর বিলম্ব নাই। এমন সময়ে সহসা জয়হারির চট্কা ভাঙ্গিল ; সে একবার চারিদিক চাহিয়া আসন্ন ম্হুর্ন্তে বলিল, “ভাই—শো গিয়া থা”।

দু’একজন বলিয়া উঠিল,—“হাঁ—নাক্ তো বোল্ রহা থা।”

আগুনে যেন জল পড়িল, একটা হাসির সঙ্গে Crisis over,—ফাঁড়া কাটিয়া গেল। তাহারা তাহার হাত ধরিয়া ধীরে ধীরে ব্দ্যহের বাহির করিয়া দিল ও নিজেদের মধ্যে বলাবলি করিতে লাগল,—“বাস্তালীকা সবই আজব হাস্য”।

আমি মনে মনে ভাঁজিতেছিলাম, বলিব—“রাতকানা হাস্য,” নচেৎ নিস্তার নাই ; সেটা ফাঁসিয়া গেল। বলিলাম—“কিছুদিন হইতে এই কঠিন রোগ আশ্রয় করিয়াছে, বড়ই শোচমে ( দুর্ভাবনায় ) পড়িয়াছি ভাই। সেদিন রাস্তায় নূতন গরম কোট্টী কে খুলিয়া লইয়াছে, উনি কিছুই টের পাননি। ডাক্তার বৈদ্যে জবাব দিয়া হাস্য—হাকিম হাল্ ছোড়া হাস্য। এখন সকলেরই রায়—ঝাড়ফৌক্।”

তাহারা উৎসাহের সহিত বলিল—“ইয়ে তো বহুত ঠিক বাত হাস্য।” পরে আমাকে “চুড়ানন্দবা”র ঠিকানা লিখাইয়া দিল, ও বলিল—“প্রেতমোচনের অমন ওস্তাদ্ দ্দনিসায় আর দ্বিতীয় নাই।” কাগজখানি তিনবার মাথায় ঠাঁকাইয়া ব্দুক-পকেটে রাখিলাম ও এইভাবে তাহাদের শ্রদ্ধা-সহানুভূতি আকর্ষণ ও উপদেশ অর্জন করিয়া, আসামী লইয়া ফিরিলাম।

মোড়ক মধ্যস্থ মানদুর্ঘটি.উন্মুখ হইয়াছিলেন ; মোন্দাটা শ্দুনিয়া বলিলেন “বলেন কি—এ যে পথে নারীরা বাবা ! একদিন ওঁর কাছায় আর আপনার কৌচায় গাঁটছড়া বেঁধে ফেলুন ;—এমন বিপদও সঙ্গে আনে !”

জয়হারি অপ্রীতিভের মত বলিল—“কখনো কখনো হলে যায় !”

অবিকশিত মোড়ক মহাশয় বলিলেন,—“বাবা—তোমার ওই ‘কখনো’তেই কুস্তকর্ণকে হটিয়ে দিবে,—তিনি শূন্যে ঘুঁমুতেন ।” পরে আমার দিকে ফিরিয়া বলিলেন—“ওঁকে কতদূর টানতে হবে ?” বলিলাম “দেওঘর পর্যন্ত ।” তিনি বলিলেন “ওঃ বৈদ্যনাথ যাচ্ছেন, ওঁর কল্যাণে ‘হত্যা’ দিতে বদ্বি ?”

আমি বদ্বিলাম—“না, দেওঘরেই দরকার আছে ।” তিনি বলিলেন—“ওই হোলো দেওঘর আর বৈদ্যনাথ ত ভিন্ন নয় ; কাজটা সেরে এলেই ভাল হয়, আবার ত’ ওঁকে নিয়ে ফিরতে হবে ।”

আমি ত’ অবাক্ ; দেওঘর আর বৈদ্যনাথ তবে কি একই জিনিস ! মনে পড়িল,—পঠদশায় একবার জিওগ্রাফির পন্ডা ছিল—“মম্বাসা কোথায় অবস্থিত ?” আমি অনেক চিন্তার পর লিখিয়াছিলাম,—“গোদাবরী নদীর উপর ।” অবশ্য কারণ ছিল,—এমন স্থলপদার্থ নাম, গোদাবরীর সান্নিধ্যেই থাকা সম্ভব ; দ্বিতীয়তঃ পণ্ডিতদের অনেক পাখীই গোদাবরী তীরস্থ শাল্মলী তরুতে বাসা বাঁধিত, সুতরাং মম্বাসা গোদাবরী তীরেই সম্ভব । পণ্ডিতেরা কেতাবের কথারই কদর করিতে জানেন, imagination-এর ( কল্পনার ) কদর জানেন না,—সেবার তাই মোট সাত নম্বর পাই । দৃষ্ট করিয়া লাভ নাই, ও বদ অভ্যাস তাঁহাদের যাইবার নয় ।

যাহা হউক, ভাবিলাম মোড়ক-মধ্যস্থ মানুসটি নিশ্চয়ই কোন স্কুলের বিচক্ষণ শিক্ষক হইবেন, নচেৎ এত ঢাকিয়া ঢুকিয়া থাকেন কেন ;—পরের মগজ নিজের মগজে রাখিতে হইলে বোধহয় ইহাই দস্তুর । পাছে বে-ফাঁস হইয়া পড়ে তাই আমাদের তালপত্রে লিখিত শাস্ত্রাদিকেও “ছিন্নবস্ত্র বিমণ্ডিত” হইয়া থাকিতে হয় । প্রবাদ আছে কোন এক “হব্দচন্দ্র” নামধের মন্ত্রীও নাকি এই প্রথার দস্তুর-মত পক্ষপাতী ছিলেন । এইসব নিজের বর্তমান থাকিতে আমাদের মোড়ক মহাশয়ের কথা অবিশ্বাস করিতে পারিলাম না ; নিশ্চয়ই দেওঘর ও বৈদ্যনাথ এক বস্তুই হইবে ; জগতে এমন ত’ বহুত হইয়াও গিয়াছে । বাক্সবাবুর সাধের জাহানাবাদ এক্ষণে আরামবাগে দাঁড়াইয়াছে ; সহপাঠী নসীরামকে ‘নসীরাম’ বলিলে বিরক্ত হয়, উত্তর দেয় না ; সে এখন,—“সচ্চিদানন্দ স্বামী !” নিশ্চয়ই ৬ বৈদ্যনাথধামও দেওঘর নাম পরিগ্রহ করিয়া থাকিবেন । সর্বদে একটা শিহরণ অলক্ষ্যে শূড়শূড়ি দিয়া গেল । ৩ বৈদ্যনাথধামে চলিয়াছি এ জ্ঞান থাকিলে আর একটি বড়চুকি বাড়িত,—ব্রাহ্মণী নিশ্চয়ই front ( চড়োয়া ) হইয়া দাঁড়াইতেন, এবং সেই গ্রাহস্পর্শ ক্ষেত্রে চাইকি আমাকে মধ্য পথেই কোথাও লাফ মারিয়া হাঁপ ছাড়িতে হইত । এতদিন পরে আজ ignorance is bliss কথাটার প্রকৃত অর্থ উপলব্ধি করিয়া আরাম বোধ করিলাম ।

এই সময়—“টিসন্ ছোড়া হৈঃ”—শব্দের সঙ্গে সঙ্গে ঘণ্টাধ্বনি হইতেই প্ল্যাটফর্মস্থিত সজীব নিজীব পুটলিগদলি নড়িয়া উঠিল, ও মৃদুভ্রু মধ্য সজীবগদলি—বৌচকা-বুঁচকি কাচ্চা-বাচ্চা পৃষ্ঠে লইয়া “অপোজমের” মত ছুটিতে আরম্ভ করিল। আমাদের কুলি বা কলি আসিয়া বলিলেন—“চলিলে বাবুজি—উ পালাট্‌ফারম্‌মে।”

তথাস্তু।

এ কি। দেখি এক প্রকাণ্ড সুড়ঙ্গ-মুখে উপস্থিত। সর্বনাশ—এর মধ্যে ত' আমাদের প্রণয়-ঘটিত কোন কথাই ছিল না, তবে এ বৃথা বিপদের মুখে আত্মসমর্পণ কেন ; এ সিঁদ্বনে' মাথা দেওয়া gallantry-র ( নিভীক নাগরালির ) বাহবা দেবে কে ! কিন্তু ভাবিবার সময় নাই, ট্রেন—এলুম এলুম শব্দে তাহার আগমন ঘোষণা করিতেছে ;—বৈতরণী পার হইতেই হইবে ! দূর্গা বলিয়া স্রোতে গা ঢালিলাম। বহু পশ্চাৎ হইতে আওয়াজ আসিল—“পকেট সামলে ভাই,—এ ভিড় 'ভাসুরকে' ভরা।” এ যে সেই মোড়ক্‌ মহাশয়ের গলা।

যখন আবার আকাশের তলান্ন মাথা দেখা দিল, তখন এক-গা ঘামিয়া গিয়াছি। কাঁবদের তারকা-রাজি তখন হাসিতেছিল কি কাঁদিতেছিল, তাঁহারাই বলিতে পারেন ; আমাদের তাহা দেখিয়া রাখিবার মত অবস্থা ছিল না। সম্মুখে তখন ‘বিশ্বরূপ’ উপস্থিত,—যাহা দেখিয়া অর্জুন আড়ষ্ট হইয়াছিলেন। দেখি অসংখ্য ‘অভিনয়চণ্ডল’ হস্ত, পদ, নাক, মূখ, চোখ, improved by ( অধিকন্তু ) হরেক রকমের বদলি ! ( ‘গীতা’র এটুকু বাদ পড়িয়াছিল। ) তাহা একদল উল্লসিত হইয়া যে শব্দের সৃষ্টি করিতেছে,—তাহাই বোধহয় ‘দেবভাষা’ ! বৃথা ত দুঃসাধাই, কান পাতাই মৃদুস্কল ! শুনিয়াছিলাম—ভগবান কোন কিছুই বৃথা করেন নাই—সবই দরকারী। বধিরতারও যে সার্থকতা আছে আজ তাহা বুঝিলাম।

যাহা হউক, এখন যাই কোথা ? যাহা দেখিতেছি, তাহাতে ত' শনিরও প্রবেশ পথ নাই। এই সময় এক দ্বার দিয়া বহিমুখী তিন মূর্তি খসিল, এবং সঙ্গে সঙ্গে অন্তর্মুখী তিরিশ মূর্তি ঝুঁকিল। সৃষ্টির সব জিনিসই দরকারী, দেখি,—জয়হারি forward হইয়া হাঁকিল—‘আসুন’ এবং হাত ধরিয়া টানিল। তখন—রামে বা রাবণে মারের অবস্থান পড়িয়া গেলাম, অগ্নিপশ্চাৎ সমান হইয়া দাঁড়াইল, একদম Buffer State।

অস্বীকার করিলে মহাপাতক হয়,—এতক্ষণে জয়হরির জবরদস্ত মূর্তি কাজে লাগিল। গত বৎসর সে ‘লালিমল্লির’ একটা পাঁচ হাত পরিমিত কালো কক্ষটোর কিনিয়াছিল ;—সদ্যবহারে অধুনা সেটা এগারো হাতে পরিণত। তাহার তিনপাক্ মাথায়, এক ফেরে কণ্ঠ রোধ, এক ফেরে কণ্ঠে, তেহাই—বক্ষে ঢায়া—( X ) রচনা করিয়া ‘কটি বেড়ী বাম্‌ই’ মধ্যস্থলে সুদৃশ্য গ্রন্থিরূপে কৃষ্ণ নাভিপদ্ম সৃষ্টি করতঃ ‘দশম ভাগের ভাগ’ খুরির মত খুলিতেছিল। ফুল-মোজার উপর মাল্‌কোঁচা। এই ছয়-ফিট্ জীবটির হাতে একটি বর্শা থাকিলে ‘কিং-আর্থারে’র ‘ল্যান্সলট্’ না হইয়া যায় না। সুতরাং যাহারা দ্বার রোধ করিয়াছিল, তাহারা সভয়ে পথ ছাড়িয়া দিল। সম্ভবতঃ বলিল—

“আনন্দে প্রবেশ লভকা নিঃশব্দ হৃদয়ে।”

এই বিশ্বরূপ মধ্যে মিশিয়া সাযুজ্য লাভের পূর্বেই—চক্ষু কণ্ঠ দুই-ই বন্ধিয়াছিলাম ; কারণ সে অবস্থায়—শ্রবণ ও দর্শনেন্দ্রিয় রোধ করাটাই—তাহাদের প্রকৃত কাজে লাগানো। এতদ্বারা ‘ফিলজফি’ একটু জটিল হইল বটে, কিন্তু সত্যের মর্যাদা অক্ষুণ্ণ রহিল। যখন চক্ষু খুলিলাম, দেখি—একস্থানে ( বা অস্থানে ) খাড়া Straight line-এর ( সরল রেখার ) মত দাঁড়াইয়া আছি। “তুমি আমি” আর নাই, সব জমট বাঁধিয়া গিয়াছে, কেবল বিভিন্ন মূখ—খড়্ এক।

শুনিয়াছিলাম—সাযুজ্য লাভের পর নাকি নিরবচ্ছিন্ন আনন্দ আর শান্তি। কিন্তু অনেক আঁচিয়াও কোনটারই স্বাদ পাইলাম না, স্বেদের প্রাচুর্য যথেষ্টই পাইলাম। “অমন অবস্থায় পড়লে” নস্যোথোরদের যা হয়, আমারও তাহাই হইল, অর্থাৎ—নস্য লইবার প্রবল ইচ্ছা। কিন্তু হাত তখন বে-হাত, নস্যদানী সাযুজ্যের গর্ভে,—প্রীভগবানে সমর্পিত। সে কি আনন্দ-ঘন অবস্থা!

সহসা দ্বাররক্ষক বা দ্বার-রোধকদের মধ্যে একটি সোরগোল—“নাহ—নাহ” শব্দ প্রকাশ পাইল,—কারণটা সহজেই সকলে বুঝিয়া লইয়া তাহাতে যোগ দিলেন। কারণ সাযুজ্য অবস্থায় গ্রহণ বলিয়া কিছু থাকিতে পারে না, তখন লোকে প্রবৃত্তির পারে পৌঁছিয়া যায়, তাই ( সরোষে ও সজোরে প্রবেশ-প্রার্থীদের ধাক্কা মারিয়া ) ত্যাগই বিধি।

কিন্তু এ কি! এ যে আবার সেই সুপরিচিত স্বর! বোধহয় সুবিধা নয় দেখিয়া তিনি ধৈর্যে হাঁকিলেন—“বোলো ভাই গান্ধী মহারাজ কি জয়!”

কি আশ্চর্য প্রভাব,—উত্তেজিতেরা বিমূঢ়বৎ হইয়া গেল। কাহারো আর কথা ফুটিল না—কণ্ঠে জড়তা আসিয়া গেল। কেহ কেহ বলিয়া ফেলিল—“আপনি শ্রদ্ধা

করিয়া লইতে পারেন ত' আমাদের কোন আপত্তি নাই।"—“ভাই ভাই এক ঠাই” বলিতে বলিতে তিনি ত' উঠিয়া পড়িলেন।

আরোহীগুণি গান্ধী মহারাজের নামে যেন গেঞ্জী বনিয়া গেল। তিনি যত অগ্রসর হইতে লাগিলেন, স্থানও ততই পরিসর হইতে লাগিল। বেশ সন্নিবিধা করিয়া লইয়া তিনি আর একবার সিংহনাদ ছাড়িলেন,—“আউর একদফে প্রেমসে বোলো ভাই—মহাত্মা গান্ধীজিক জয়”। সঙ্গে সঙ্গে গগনভেদী জয়ধ্বনি হইল, এবং তাহা আশপাশের গাড়ীতে সংক্রামিত হইয়া আদি ও অন্তে গিয়া অনন্তে মিশাইল। পরক্ষণেই দেখি—“আপ্ বৈঠিয়ে তো” বলিয়া পাঁচ সাত জন তাঁহাকে বসিবার স্থান করিয়া দিল। সজীব মন্ত বটে! কোন সুউচ্চ পদাভিষিক্ত ইংরাজ সত্যি বলিয়াছিলেন—“He ( Gandhi ) was their ( 319, 000, 000 peoples' ) God, \* \* \* Gandhi's was the most colossal experiment in world's history and it came within an inch of succeeding \* \* \*”

আগের কোন ইন্সটেশন্ হইতে কয়েকটি ভব্য-বেশধারী বিহারী ভদ্রলোক, সম্ভবতঃ সাবুজের বহু পূর্বে, সালোক্য মাত্র লাভ করিয়াছিলেন, ও সতরাণি বিছাইয়া পাঁচজনে দশজনের স্থান দখল করিয়া বসিয়াছিলেন। ইঁহারা যে শিক্ষিত, তাহাতে কাহারো সন্দেহ করিবার কিছু ছিল না; কারণ, পাশেই Nice লেখা বিস্কুটের বাক্সটির উপর Three-Castle সিগারেটের কোটা ও তদুপরি Vulcan দেশলাই শোভা পাইতেছিল। তাঁহারা চা-পানাস্থে “তিন-কেল্লা” ফুঁকিতেছিলেন। উল্লিখিত ‘জয়নাদ’ তাঁহাদের সহিষ্ণুতার বাঁধ ভাঙিয়া দিয়াছিল। একজন প্র্যাটফর্মের দিকে মদ্য বাড়াইয়া, মিস্টার গার্ড—Mr. Guard. হাঁকিতে লাগিলেন। গার্ড একবার বক্রগ্রীবায় চাহিয়াই—সোনার-চশমা পরা কালো মদ্যখানা নজরে পড়িতেই, মদ্য ফিরাইয়া সজোরে আলো দেখাইলেন—গাড়ী ছাড়িল।

ভগবান এমনি রহস্য-প্রিয় যে, ঠিক তাহাদের প্রায় সম্মুখেই আমাদের নব-আগন্তুকটির আসন নির্দেশ করিয়া দিয়াছিলেন।

কোম্পানীর আখমাড়া কলে ঢুকিয়া সকলেই অল্পবিস্তর সরস হইয়া পড়িয়াছিলেন—সকলেরই ঘাম দেখা দিয়াছিল।

পাগাড়িটি খুলিয়া ফেলায়, এতক্ষণে শব্দভেদী পরিচয় শেষ হইল—মানুষটিকে চাক্ষুষ দেখিবার সুযোগ পাইলাম। বয়স পঞ্চাশের উপকূলে উপস্থিত; বেঁটে গড়ন,—ময়রার দোকানের মালিকের মত বেশ গোলগাল। চক্ষু দুইটি আলুবক্রার বিচি পরিমাণ, অথবা চতুর্দিকের মাংসের চাপে ঐরূপ দেখাইতেছিল, মাথাটি বড় কিন্তু কেশবিরল, মধ্যে টাক্ থাকায় অনেকটা ফাঁক; কাল চুল কয়গাছি সাদার আওতায় পড়িয়া গিয়াছে। সুদৃষ্ট দুই গালের গর্ভে পড়িয়া নাসিকাটি কোনপ্রকারে আত্মরক্ষা করিয়া আসিতেছে। যে কারণেই হউক গোফ জোড়াটি ত্যাগ করা হইয়াছে; কিন্তু তন্মিলে দন্তগুলি সবই বজায় আছে, এবং তাহার জীবন্ত ছাগেরও ভয়ের কারণ বলিয়াই অনুমান করি। ইনি আয়েসা বা তিলোত্তমা নহেন যে, রূপ বর্ণনার আবশ্যকতা ছিল, কিন্তু আমার বহুক্ষণের আগ্রহটা যে-ভাবে মিটল, তাহাও যে একক উপভোগ করার মত নহে।

এই আগন্তুকটির উপর কেহ্না-মারা (Three-castle সেবী) বাবু কয়টি খুবই চটিয়াছিলেন। একজন বিরক্তিব্যঞ্জক মুখে প্রশ্ন করিলেন—“আপ্ কঁহাকে লোক হয়।”

উত্তর—হাম্ কঁহিকে লোক্ নোই হয়।

বাবু—তব্ আপ্ ক্যা হয়?

উত্তর—“খেমোশালিক” হয়।

আমি প্রমাদ গণিলাম। যাহা করিয়াছি মাঘ মাসে, যে মাসের পূর্ণিমাটি প্রসিদ্ধ হয়েছেন—“মঘা” সংযুক্ত হয়ে। এখন সামলাইতে পারিলে হয়। রায় মহাশয়ের রায়ে, মাত্র—“রেলে কলিসন্ হয়,” এই কথাই আছে; এ যে আবার “ফ্লক্সনের” উপক্রম!

বাবু—খেমোশালিক কোন্ চিজ্ হয়?

উত্তর—বড়া অজব চিজ্ বাবুজি;—আপ মালিক হোকে নোই জান্তে? যেমন জাত হারাকে বস্টম বন্তা হয়,—হাম্ খেমোশালিক্ বন্ গিয়া।

বাবু—উ ক্যাসা।

উত্তর—( নিজের প্রতি অঙ্গুলি নির্দেশ করিয়া ) উ অ্যারসা ;—লেকিন বর্ণনা  
কুছ বেশী হায় ।

বাবু—আপ বোলিয়ে—

ব্যাখ্যাটা শুনিবার কৌতুহল সকলকেই পাইয়া বসিল । আগন্তুক আরম্ভ  
করিলেন—

“খেমোশালিক্ বন্নেকে ওয়াস্তে সর্বপ্রথম,—মা কো জল্দি জল্দি গঙ্গা পাওয়ানো  
চাই । বাপ্ কো ভি পাওয়াতে পারলে বহুত আছা—অসমর্থ পক্ষে কাশী যাত্রা  
করাবে । তারপর ভারি ভারি চিজ্—টেবিল, চেয়ার, খাট্, সিদ্দুক, আলমারি,  
বাসন, বগাররা নিলাম, আউর গরু বাছুর—দানপুণ্য করনে হোগা । গরীব আশ্রিত  
আত্মীয় কোই রহে তো—রাস্তাকে হাঁকা দেবে । কুস্তা থাকে তো মিউনিসিপালিটির  
লাঠির মূখে দেবে, আর বিল্লিকে আছাড় মারকে সাবাড়্ কোরবে । তদনন্তর স্ত্রী  
আর পুত্র-কন্যা লেকে রাস্তামে দাঁড়াবে । অতঃপর কোমর বাঁধকে প্যাঁকাটি জ্বালকে,  
হরিবোল্ দেকে,—ঘরবাড়ীর মদ্যখানি করকে—ফুঁক্ দেনা চাই । এবম্-প্রকার-মে  
ভিটে ভস্ম হয়ে গেলে, তিন দফে বোলনা চাই—

বাংলার মাটি বাংলার জল—

শূন্য হোক্—শূন্য হোক্

হে ভগবান্ ।

পরে এক দৌড়ে রেজেন্সীর-আপিসমে যাকে, গেঁটের কড়ি দেকে,—জমি, জল, আর  
পোড়া-ভিটেকা নতুন নামকরণ কোরবে—“ঘুঘুডাঙ্গা” । বাস্, নিশ্চিন্ত হোকে ঘুঘুর  
নামে দান-পত্র দস্তখৎ করকে,—দেশের জলস্পর্শ না করকে, স্ত্রী-কন্যা লেকে, বগল্  
বাজাকে, একদম টিসেন্ মূখে টেনে পাড়ি লাগাও । হাওড়া পুলের মাঝমাধ্যখানে  
পৌঁছকে—গৃহদেবতা শালগ্রাম, বাগলিঙ্গ যো কুছ জঞ্জাল্ থাকে—গঙ্গাজিমে টপাটপ  
ডালো । Then টিসেন্ পৌঁছকে টিকস্ কাটাও, আউর—পাটনা, গঙ্গা, আরা,  
ছাপরা, মঙ্গের, ভাগলপুর যাহা খুসী ভাগো । ঠিকানামে যাকে nest ( বাসা )  
বানাও, ভাগবান্ বন্ যাও । অর্থাৎ বাংলাকে “ভূমি জল তৃণ” শূন্য, “আত্মীয়  
বিমুখ”, “ভস্মভিট্” প্রমাণ করকে “উচ্ছন্ন” এফিডেভিট করো, তব্ আলবৎ সরকারি  
প্রসন্ন-সার্টিফিকেট হাসিল্ হো যায়গা । তদনন্তর বড়ি মজিমে নোক্রি করো, চাক্রি  
বাজাও, বক্রি চরাও, টোক্রি বেচো, সব রাস্তা সাফ্ ।

—“বাবুজি, ইঁসিকা নাম “খেমোশালিক্” হো-যানা—জিস্ কো আপ্ উচ্চ শিক্ষিত



লোক্ রাজভাষামে—“ডোমিসাইল্ড্ ( Domiciled ) কহতে হেঁ । আপ্ তো গুজরাট্ হায়,—সব্ সমঝতে হেঁ ।”

অপর একটি বাব্দ্ সন্দিগ্ধ দৃষ্টি সংযুক্ত অল্প কথায় বলিলেন,—“হাম্‌লোক্ গুজরাটকে নেহি, পাটনেকে হায় ।”

আগন্তুক বলিলেন—“আপ লোক বি-এ পাশ তো হায় ?”

তখন অন্য একটি বাব্দ্ বলিলেন—“O, you mean graduate” (তোমার বলবার উদ্দেশ্য “গ্র্যাজুয়েট্ ? )”

উত্তর,—হাঁ বাব্দজি—ওহি বাৎ ।

শুনিয়া, বাব্দ্ কর্ণটির হাসি আর ধামে না । হাসির হাওয়ার ব্যাপারটা কিছ্ ফিকে হইয়া আসিল । ভাবিলাম—রক্ষা !

কি সর্বনাশ এ যে “দো দমা” ! আবার আরম্ভ করিলেন ;—“আউর একটু হায় বাব্দজি”—

বাব্দ,—বোলিয়ে—বোলিয়ে—

পুনরাবৃত্তি :—কার্যস্থলকে duty-মে একদা কল্‌কাত্তা যানে পড়া । ধর্মশালামে কলা থাকে কাটিয়ে দিয়া, ইতিমধ্যে পঙ্খী পত্র ভেজা । সদরুমে দেখি লিখা হায়—“পরদেশী সেইয়া !” দেখতেহি বন্ধ একদম্ দশ হাত ভেঁইয়া ! Family Certificate-ভি মিল গেঁইয়া !—

“আপ্ লোককে কৃপা সে, এক্ষণে কিঞ্চে বেতন, কথঞ্চিত “হাঁদক-উঁদক” মিলা’কে মজিমে হায় বাব্দজি । আত্মীয় কুটুম্ব ঘুচ গিয়া—কোই “বালাই” নেই । ইচ্ছা হায়—আগামী ভূতচতুর্দশীমে গয়াজি যাকে, আপনা পূর্বাশ্রমকে মদুখমে পিণ্ডদান করতঃ, পাক্সা সহোদর বন্ য়ায়েঙ্গে—“কানাইলাল মিশ্র”—কানাইয়া লাল মিশ্র হো য়ায়গা । আপ্ লোক অভয় দিজিয়ে বাব্দজি ।”

বাব্দদের মদুখের বর্ণ ক্রমে কাঁচা সিঁদুরে-আঁবের মত হইয়া আসিতেছিল, চক্ষুও চাপা বিদ্রোহ ব্যঞ্জক হইয়া দাঁড়াইতেছিল । কিন্তু এই সময় কোন এক স্টেশনে ট্রেন থামিল । দেখি, আগন্তুক উঠিয়া দাঁড়াইলেন ও দৃঃখের সহিত বলিলেন—“সব” বাত্ রয়ে গিয়া—মাগ করবেন বাব্দজি,—মেহেরবাণী রাখবেন । অথদা হাম্ সব ভাই ভাই হায় ; আমাদের coal washing ( অঙ্গার ধৌতিকরণ ) পুরা দশতুর চল্ রহা হায় ; purification ( শুদ্ধি ) অচিরাৎ হো য়ায়গা ;—বোলো ভাই—non-violence in spirit কি ( অহিংস মনোবৃত্তি কি ) জয় ! বাঁড়িয়া দ্রাতৃভাব কি

জয় !!” এই বলিতে বলিতে প্র্যাটফর্ম পা দিয়াই হাঁকিলেন—এইবার পবিত্র দিল্লীমে বোলো ভাই—“শ্রীগান্ধী মহারাজকি জয় !”

তখন রাত বোধহয় নয়টা । নৈশ-গগন, পবন, প্রান্তর, কাঁপাইয়া সহস্র সহস্র কণ্ঠে তাহা একযোগে ধ্বনিতা উঠিল । সেই তরঙ্গ তাড়নে নক্ষত্রগুণি যেন সচকিতে চাহিল । প্রকৃতির শাস্ত্র অনাড়ম্বর সাঁওতাল ভূমির উপর, এই হীরামুখীরা যেমন অবাধে অবগদুষ্ঠন মোচন করে, এমন বোধহয় আর কোথাও নয় । ইহাদের মধ্যে সম্বন্ধ অতি সন্নিকট । কেহই সভ্যতাভিমানী মানুষের গর্বিত-হস্তের প্রসাদ গ্রহণ করে নাই,—স্বভাবেই প্রতিষ্ঠিত আছে ।

আগন্তুক ভিড়ের মধ্যে মিলিয়া গেলেন । বাবুদের কেহ বলিলেন—‘idiot’ ( বিকৃত-মানুষ ), কেহ বলিলেন—“বিচ্ছ বাঙ্গালী” । যিনি একটু মাতঙ্গর গোছের ছিলেন, তিনি যাহা বলিলেন তাহার মর্ম—“লোকটা কোথায় কাজ করে জেনে নিতে পারলে না !” অর্থাৎ তা হ’লে—

সাধারণ আরোহীরা বলাবলি করিতে লাগিল—“মহারাজকি চেল্লা হায় ;—‘হিন্দুস্থানমে ওই একই ইলম্‌দার জাত হায়,” ইত্যাদি । তাহারা সরল প্রকৃতির অশিক্ষিত গাঁওরাল লোক—আপিস-আদালতের সুধায় ক্ষুধা মেটায় না ।

৭

গাড়ী ছাড়িল । প্র্যাটফর্ম পার হইবার মুখেই দৈববাণীর মত আবার সেই কণ্ঠস্বর,—“মনে যেন থাকে—আপনাদের যশোভিতে নেবে অন্য গাড়ীতে উঠতে হবে । সঙ্গীটি—” বস্, গাড়ী সবেগে ছুটিল, উপদেশ অসমাপ্ত রহিয়া গেল । পথে পাওয়া বন্ধ—পথেই হারাইলাম—।

অবাক হইয়া ভাবিতে লাগিলাম,—কত কথাই স্রোতের মত হু হু করিয়া বহিয়া যাইতে লাগিল,—মাথার মধ্যে কি মনের উপর দিয়া সেটা লক্ষ্য ছিল না । লোকটির সবই বোধহয় ঠেকে-শেখা । দেহটা জ্বলিয়া পুড়িয়া—অঙ্গরে দাঁড়াইয়াছে । বোধহয় বহু আশা লইয়া ‘বিদেশে চণ্ডীর কৃপা’ ভাবিয়া আসিয়া পড়েন ; পরে চতুর্দিকের সহানুভূতিশূন্য আবেষ্টনীর ধাক্কা—যৌকো মিটিয়াছে,—দেহ-মন, আশা-উৎসাহ ভাঙ্গিয়া গিয়াছে । দেশে না থাকায়—ভিটে ভূমিসাৎ । তাহা এখন—জঙ্গল, পেচক শৃগাল আর ঘুঘুর দখলে । দেশের লোকের সহানুভূতি সরিয়া গিয়াছে,—কেহ

আপন বলিষ্ঠা কাছে আসে না। সাধিলা কথ্য কহিলে কথ্য কল্প,—সে কথার সুরে আন্তরিকতা নেই এবং এড়াইবার ঝোঁকই বেশী। ২০।২৫ বছরের ছেলে মেয়েরা চেনেই না,—হাঁ করিলা দ্যাখে,—পর বা অপরিচিত ভাবিয়া সরিয়া যায়। দোষ ত' তাদের নয়। যে দেশের অন্নজলে, যে দেশের মাটিতে, যে দেশের ভালবাসা আত্মীয়তায়—এ দেহের, এ জীবনের প্রারম্ভ ও পূর্ণি, যে ভিটার প্রতি-রেশ, পূজ্য-পিতামাতা ও পূর্ব-বর্তি-গণের চরণ-স্পর্শে পুত ও তীর্থ-তুল্য, বোধহয়, যে বাটীর ভগ্ন দেউল সকল—দেবকার্যের শূন্য হোমাবশেষ ঘৃতধারা আজিও মৃদুহিয়া ফেলে নাই, এবং যাহা দেখিলে পূর্ব-পুরুষদের অশ্রুধারা বোধে নিশ্চয়ই বেদনায় প্রাণ হাস হাস করিয়া ওঠে, সে সব ঋণ যে অপরিশোধ্য। যাহাদের শাস্ত্র সামান্য অতিথিকে বিমুগ্ধ করিলে প্রার্থীচন্ডের ব্যবস্থা আছে, তাহারা কি এই আলিঙ্গন-উন্মুগ্ধ মহান্ অতিথিকে বিমুগ্ধ করিয়া কোথাও শাস্ত্র পাইতে পারে! মানুষ ভুল করে, পরে ইচ্ছা সত্ত্বেও শোধরাইতে পারে না, কষ্টে দিন কাটায়।

ক্রমে আগন্তুকের 'ধেমোশালিক' অবস্থার—লাভের দিকটার একটা আনন্দময় চিত্র যেন দেখিতে পাইলাম; কল্লেকখানি খোলার ঘর; উঠানে পালঙ শাক, ঘরের চালে লাউগাছ ঢেউ খেলিতেছে। ধোপা, ম্যাথর, আর আপিসের চাপরাসিরা সেলাম করিতেছে। মৃদুদী, ডাক্তার আর কাপড়ের দোকানের তাগাদা দ্বারে উপস্থিত। কক্ষস্থলে অধমই ভরসা, কারণ উন্নতির আশা আড়ষ্ট! সব তৈলটুকু নিঃশেষ করা হইয়াছে,—এখন গর্ভ পূর্ণিভূতেছে। সম্ভবতঃ বেহারে মধ্যাহ্ন বাঙ্গালীর সত্য অবস্থাও এই। যাহা হউক,—মৃদুদীর প্রায়ই সন্দিগ্ধা জাগে তাই স্বজাতির (আমাদের) প্রতি এই সন্দেহতা; অর্থাৎ—এ অবস্থায় যতটুকু সম্ভব।

এই সব ভাবিয়া, তাহার ওই সব ক্ষুদ্র ক্ষুদ্র অযাচিত সরল-স্বচ্ছাপ্রণোদিত সাহায্যে,—প্রাণটা উদাস হইয়া উঠিল। অন্তরে কেবল মৃদু স্বাক্ষর উঠিতে লাগিল

“পাথক—‘অজানা—তব গীত’ সুর

বাজিতেছে প্রাণে—ভীষণ ও মধুর”।

সহসা মাদলের আওয়াজ কানে গেল! বাহিরে চাহিয়া দেখি, বিম্বস্রষ্টার এই নিভৃত নিকুঞ্জ, ক্ষুদ্র ক্ষুদ্র পাহাড়ের কোলে, প্রকৃতির প্রিয় সন্তানেরা, সারাদিনের স্বাধীন শ্রমের পর, আনন্দ-সঙ্গীত তুলিয়া স্বামী-পুরুষে নৃত্য করিতেছে। পূর্ব চিত্রটির সহিত কী বৈসাদৃশ্য! এখানে সভ্যতার শরতানীর ঠাই নাই,—তাহার জ্বালা-যন্ত্রণার সরঞ্জাম নাই। মোটারের মদগর্ব, টাকার টঙ্কার, অট্টালিকার অহঙ্কার,

বিষয়ের বিষদাহ, খেতাবের খোন্সেবন্দন, আজিও ইহাদের নির্মল আনন্দটুকু নষ্ট করিবার প্রবেশপথ পায় নাই। হাস্য রে সভ্যতা,—তোমাকে সাত সেলাম !

জয়হরি কি ভাবিতোছিল জানি না ; আমি তাহার দিকে চাহিতেই বলিল,—“কিছুই হল না মশাই !” ভাবিলাম—তাহারো বদ্বি বৈরাগ্য আসিল। জিজ্ঞাসা করিলাম—“কি হোলো না ?” সে বলিল—“কেবল কথাতেই শেষ হয়ে গেল !” বদ্বিলাম “হাতাহাতি” হইল না, ইহাই দৃঃখের কারণ ! আর একটা চিন্তা চাপিল ;—অধুনা এ-দিক্‌টাতেও সতর্ক থাকিতে হইবে ! সৃঃখের আর সীমা রহিল না। এই একশো-চুরাঙ্গিশের মরসুমে,—সাথে এই সৃ-সঙ্গ !

৮

বোধ হয় রাত তখন ১০টা উত্তীর্ণ হইয়া গিয়াছে। অন্ধকার যেমন গভীর—পাহাড়ে ঝাঁঝের ডাকও তেমন প্রবল। ট্রেন আবার এক স্টেশনে উপস্থিত হইল, কুলিরা হাঁকিল—“যশ্‌ডিজক্সেন্”। সঙ্গে সঙ্গে ৪১টি মূর্তি—কেহ গাড়ীর হাতল, কেহ রেলিং ধরিয়া টপাটপ পা’দানে উপস্থিত হইয়া বলিল—“দেওঘর বৈদ্যনাথকে যাত্রী উতর আইয়ে।” পুনরায়—ভাষান্তরিত করিয়া—“বৈদ্যনাথ দেওঘরের যাত্রীর এইস্থানে উতরতে হোবে বাবুজী !”

বেশ কথা।

দেখি, জয়হরি দরজার মুখে উপস্থিত হইয়া পড়িয়াছে, এবং “দিন্‌না বাবুজী” বলিয়া তাহার হস্ত হইতে একজন বেতের ট্রাঙ্কটা টানিয়া লইতেছে ; তাহার পোষাক কিন্তু কুলির মত নয়। বলিলাম—“কার হাতে দিলে ?” প্ল্যাটফর্ম হইতে উত্তর আসিল—“কোন চিন্তা নেই বাবুজী,—হামি বাবার পা’ডা আছে।”

কয়েকজন নামিবার পর, আমি ফাঁক পাইলাম। নামিয়া দেখি—জয়হারির ‘নীল-কমলের’ অবস্থা ; ৭৮ জন ষা’ডাষা’ডা পা’ডায় তাহাকে ঘিরিয়া একই প্রশ্ন করিতেছে,—“মোশায়ের পা’ডার নামটি কি আছে,—পিতার নামটি কি আছে ?”

জয়হারি বেশ সোজা পথটি অবলম্বন করিল। আমার দিকে অঙ্গুলি নির্দেশ করিয়া, ছোট্ট দুই কথার এত বড় বিপদটি সহজেই এড়াইল। বলিল—“উনি সব জানেন” ! এতক্ষণে বদ্বিলাম—বদ্বিও আছে।

এইবার আমার পালা। পলক না পড়িতেই স্নেন পোলো-চাপা পড়িলাম। আমার

বুদ্ধির স্বল্পতম পিসিয়াও দিতে পারেন নাই, জগৎ কৃপার আজও ও-জিনিসটি আমাতে নাই। সরল ভাবেই বলিলাম—“পান্ডাজি, আমাদের আপনজন দেওঘরে থাকেন, তাঁদের বাড়ীতেই যাব, কাজ আছে। এখন কিছু বলিতে পারিব না। এ সম্বন্ধে আজ মাপ্ চাই। পান্ডা আর গুরু কখনো পর হন না। আপনারা নিশ্চিন্ত থাকুন। যখন এসেছি, বাবা কৃপা করেন ত’ দর্শন করিতেই হইবে।”

সকলেই বলিয়া উঠিল—“অবশ্য করবেন, বাবা জরুর কৃপা করবেন ;—আহা—ভক্তি তো বাঙ্গালীর। এইরূপ মিষ্ট কথার পর তাহারা বলিল—ভুলবেন না বাবুজি, মনে রাখবেন—এই আমাদের জীবিকা, আপনারা আমাদের সম্পত্তি,—অন্নদাতা।” এই বলিয়া তাহারা অন্য যাত্রীর অনুসন্ধানে গেল। কেবল জামিন স্বরূপ যাহার হস্তে আমাদের বেতের ষ্ট্রাকটি গিয়া পড়িয়াছিল, তিনি বলিলেন,—“এখন চলুন বাবুজি গাড়ীয়ে বৈঠগে দি।”—সেই বেশ কথা।

আমরা দেওঘরের গাড়ীতে বসিলে তিনি ষ্ট্রাক প্রভৃতি ছুঁলিয়া দিয়া বলিলেন, “কুহু দরকার রহে তো বলুন—আনিয়ে দি। গাড়ী এখন বহুৎ দের ঠায়েরবে।” আমাদের কিছুই আবশ্যক নাই শুনিয়া, তিনি বলিলেন,—“শেজ্ বিছাকে আরাম করুন, হামি ঠিক্ সময়মে আস্বে। কেউ পদু হবে তো বলবেন—‘আমরা নন্দকিশোরকা যাত্রী ;—ভুলবেন না বাবুজি।’ এই বলিয়া তিনি সম্ভবতঃ অন্য শিকারের সন্ধানে গেলেন।

মধ্যে মধ্যে এক-একটি বেশ হুস্টপুস্ট গোলগাল মূর্তি, সহসা গাড়ীর মধ্যে মদুখ বাড়াইয়া প্রশ্ন করিতে লাগিল,—“মোশার নামটি কি আছে ?—মোশার পিতার নামটি কি আছে ?—মোশার পান্ডার নামটি কি আছে ?”—সকলেরই ঐ তিন প্রশ্ন ! আমাকে এই হৃদ্যস্পর্শ সামলাইবার আর “মোশার” কামড় ভোগ করিবার ভার দিয়া জরুরি প্র্যাটফর্মে বেড়াইতে লাগিল। ঠান্ডার আর পান্ডার অতিষ্ঠ করিয়া ভুলিল। দেখি, জরুরি একপ্রান্তে হিমের মধ্যে দাঁড়াইয়া, এক এক ভীম-টানে এক-একটি আস্তো সিগারেট আমূল শেষ করিয়া ফেলিতেছে। যাক্—জাগ্রত অবস্থায় আছে জানিয়া নিশ্চিন্ত হইলাম।

রাতি প্রায় সাড়ে এগারটা হইল, গাড়ী ক্রমেই স্নেন গা ঢালিল,—নড়েও না, সাড়াও দেয় না। দারুণ শীত, অন্ধকার গাড়ীর মধ্যে যাত্রীরা শ্রুড়ি বিয়া নিমন্ত্ণ ; স্নোক আছে কি নাই বোকা যায় না। বসিয়া বসিয়া ভাবিতে লাগিলাম—এই ভাবে বাকি

রাতটুকু কাটিয়া যায় ত' মন্দ নয় ; নচেৎ শীতের এই গভীর রাতে, কোথায় এক অজানা জারগর উপস্থিত করিয়া দিয়া তাড়া দিবে—নামিয়া যাও ! কথাটা ভাবিতে ভর হয় । কারণ সঙ্গে যে ঠিকানা আছে, সম্ভবতঃ তাহা সেটেল্‌মেন্ট আপিসের কোন বিচক্ষণ সার্ভেয়রের শরণাপন্ন না হইলে তাহার পাত্তা লাগাইতে পারিব না । ভাবিয়াছিলাম স্টেশনে রাতটা কাটাইয়া দিব, কিন্তু পূর্বোক্ত আগন্তুকের নিকট তাহার চেহারার আভাস পাইয়া হতাশ হইয়াছি । সেটি জ্যামিতির 'বিন্দু'-বিশেষ—without length and breadth, দৈর্ঘ্যও নাই প্রস্থও নাই । সুতরাং একে ভরসা—নন্দ্যাকশোর । সে বলিয়াছে—“কুহ চিন্তা নেই বাবুজি, ইচ্ছা করেন গরীবের ঘর আছে—সে আপনাদেরই ; না হয় টীসেনের সাত গজকে মধ্যে সুন্দর দো-মহলা খরম্‌শালা আছে ; সেখানে বিশ্রাম করবেন । আপনার যা পচন্দ হয় । প্রাতঃকাল হোতেই হামি হাজির হোবে,—ঠিকানা চুড় দেবে । কুহ চিন্তা কোরবেন না বাবুজি ।”—এমন সুমধুর কথা, এমন আন্তরিকতাপূর্ণ আশ্বাসবাণী,—অজানা অচেনা ভূমে, এই গাঢ় তিমিরাঙ্কুর গভীর শীতের রাতে, কে শুনায় ! উচ্চাশ্রিত পাইয়া যাহারা মুখতা বর্জন করিয়াছেন—তাহাদের মধ্যে বোধ করি এমন নিবোধ অল্পই আছেন ।

বাল্যকাল হইতে শুনিয়া আসিতেছি,—উৎসবে, বাসনে, দর্ভিক্ষে, রাষ্ট্রবিপ্লবে, রাজস্বারে ও শ্মশানে—য তিষ্ঠতি স বাম্‌ব । জানিয়া কি কারণে প্রবাস তীর্থের পাণ্ডারা বাম্‌বের কোটা হইতে বাদ পড়িয়াছেন । চাণক্য বোঝেন দূর বিদেশের তীর্থের ধার ধারিতেন না । অতএব “উৎসব” ত' প্রায় উঠিয়াই গিয়াছে ;—“বাসনের” মধ্যে প্রধান দৈর্ঘ্যেছি ঘোড়দোড়,—স্বয়ং সরকার তার স্বপক্ষে, সুতরাং কোন বালাই নাই ;—‘দর্ভিক্ষ’ অভ্যাসের মধ্যে absorbed,—একবেলা চা খাইয়া বেশ চলে । তীক্ষ্ণ দর্ভিক্ষ ( famine ) কথাটির যা ডেফিনেশন দেখা দিয়াছে, তাহাতে সে ত' ব্রহ্ম অপেক্ষাও নিরাকার দাঁড়াইয়া গিয়াছে । রাষ্ট্র নাই—“রাষ্ট্রবিপ্লবের” চিন্তাও নাই ; যাহার আছে, চিন্তার ভার তাহার । “রাজস্বারে” বাম্‌বের অভাব নাই, বরং প্রাচুর্যই পাই,—অনেকেই রিফ্‌লেস্‌ ঘুরিতেছেন ;—আর “শ্মশানে” মিউনিসিপালিটি আছেন—কাজেই ‘বাম্‌বের’ সেকলে ব্যাখ্যা এখন obsolete—অচল । এখন প্রমথ বা অজীর্ণ-দমন ব্যাপদেশে অনেকেই সপরিবারে তীর্থাদি ক্ষেত্রে উপস্থিত হন ; অনেকেই এই পাণ্ডাদের আশ্রয়—অন্ততঃ সাহায্য লইতে হয় । এখন ঐ সেকলে গ্লোকাটি পরিবর্তিত হইয়া “তীর্থে ও চাকুরী-স্থলে য তিষ্ঠতি স বাম্‌ব” হইলেই যেন সঙ্গত হয় ।

যাক, ওসব পণ্ডিতদের অধিকারের কথা ।

আমি ভাবিতে লাগিলাম পাণ্ডা-বেচারীদের কথাই ;—ইহারা সর্বক্ষণই আমাদের সর্বপ্রকারে সাহায্য করিতে প্রস্তুত, এবং করিয়াও থাকে । আমরা কিন্তু ইহাদের উপর যেন **predisposed** ভাবে ( আগে থেকেই ) বিরক্ত ! বোধহয় ইহারা এক-কথা বারবার কয় বলিয়া । এমন কি ইহাদের একটা ভাল কথা বা সংপরাশ্রমও সহিতে পারি না,—অবিশ্বাস করি, চটিয়া নিজেদের দৌর্বল্য দেখাইয়া বসি ।

ইংরাজি শিক্ষায় সভ্য হইবার পর ভিক্ষুকদের উপর আমাদের এই মেজাজটা শতকরা সাতানন্দই জনের সুপ্রকট । পাণ্ডারা ভিক্ষুক নয় । তাহারা কিন্তু আমাদের এই অকারণ অসমী অবহেলা, অপমান, তিরস্কার, গায়ে না মাখিয়া যাত্রীদের ইচ্ছা-পালনে উন্মুখ ও তাহাদের সুখ-স্বাচ্ছন্দ্য বিধানে ব্যস্ত । তাহারা আমাদের এই মেজাজটার সহিত বিশেষ পরিচিত,—তাই তাহারা আমাদের চেনে,—আমরা তাহাদের চিনি না । পিতার নাম, পাণ্ডার নাম প্রভৃতি বারবার জিজ্ঞাসা করিতে তাহারা বাধ্য, কারণ অপরের যাত্রী তাহারা ভাঙ্গাইয়া লইতে চায় না, নিজের অধিকারের লোকই তাহারা খোঁজে । পাণ্ডার নাম বলিতে পারিলেই সব গোল মিটিয়া যায় । শিক্ষিত না হইলেও ইহারা পদ্রুমানরূপে এই নিয়ম রক্ষা করিয়া আসিতেছে ।

আর উচ্চ শিক্ষাপ্রাপ্ত আমরা—ভোট-সাধকেরা, আজ বারবার স্থলে শতবার লোকের দ্বারস্থ হইয়া একই কথা শতবার শুনাইতেছি ; মোটরের চাকা দিয়া তাহাদের ভিটা চষিয়া ফেলিতেছি ; তাহাদের ভদ্রস্বভাব ও চক্ষুদলঙ্গার সুবিধাটুকুর আশ্রয় লইয়া তাহাদের ইচ্ছার বিরুদ্ধে ( অনেক স্থলেই ) মিথ্যাকে বরণ করাইতেছি এবং স্বার্থান্ধ হইয়া অন্যের ভোট ভাঙ্গাইয়া লইতেছি ; সম্মানী প্রতিযোগীর নাম কুকুরের গলায় বাঁধিয়া বিলাতী রহস্য প্রকাশ করিতেছি । এসব উৎপাত উপদ্রব বোধ হয় বিরক্তিকর নহে, কারণ এসব নাকি দেশের ও দেশের উপকারের জন্য করা হইয়া থাকে, এবং ইহাই নিয়ম । ‘পাণ্ডা’ কথাটা ইংরাজী শব্দ নয়, তাই তাহার ন্যায়সঙ্গত কাজটা বড়ই বিরক্তিকর উপদ্রব বলিয়া ঠাাকে । আমাদের **mentality** ( মনোভাবের ) মহিমাই এইখানে ।

ট্রেনখানি যেখানে দাঁড়াইয়া হিম খাইতেছিল, তাহার দূই ধারেই বিস্তৃত বালুময় ভূমি। মধ্যে মধ্যে এক-একখানি অতিকায় শিলাখণ্ড মৃৎ গর্দাজিয়া নিদ্রিত। অদূরে যশেডি পাহাড়। উপরে নক্ষত্রখচিত নির্মল আকাশ ঝক্‌ঝক্‌ করিতেছে। রাত বারটার আমল,—চারিদিক নিস্তম্ভ।

সহসা গাড়ীর সম্মুখেই একটা ‘ফেউ’ ডাকিয়া উঠিল। চারিদিকের নিবিড় নিস্তম্ভতা, তাহার সুস্পষ্টতা বাড়াইয়া, সকলকে সচকিত করিয়া দিল। দৌঁথ জয়হরি সলস্বে হুড়মুড় করিয়া দিক্‌বিদিক্‌ জ্ঞানশূন্যের মত, গাড়ীর মধ্যে ঢুকিয়া একদম ‘বস্কেল’ উপর হাজির হইল।

জিজ্ঞাসা করিলাম—“ব্যাপার কি!—গাড়ী ছাড়লো না কি?”

জয়হরি হাঁপাইতে হাঁপাইতে বলিল—“শুনতে পেলেন না!”

বলিলাম—“কি,—ফেউয়ের ডাক—তা হয়েছে কি!”

জয়হরি আশ্চর্য হইয়া বলিল—“বলেন কি মশাই!—ও ত’ শব্দ ফেউয়ের ডাক নয়,—সঙ্গে কতও আছেন। ও-ডাকটা যোগরুটী!”

উদাহরণটা উপভোগ্য বটে। জয়হারির নিবাস—“লোহারাম শিরোমণির” সান্নিধ্যে।

বলিলাম—“তা হ’লেও তোমার ভয়টা কি? এ অঞ্চলে এতবড় বাঘ নেই যে তোমাকে কামড়া করে।”

জয়হরি বলিল—“আপনি দেখাছি বাঘের শিকার দেখেন নি। ওর ছোট বড় নেই মশাই,—বড় বড় গরু নিয়ে যায়।”

বলিলাম—“তা হ’লে ভয়ের কথা বটে,—সাবধান হওয়াই ভাল।”

গাড়ী গা-নাড়া দিল। দৌঁথ—নন্দকিশোর ঠিক আসিয়া হাজির। বলিল—“গাড়ী ছোড়চে বাবুজি। আধা ঘণ্টামে পৌঁছছে দেবে।”

এ সংবাদে আমার বিশেষ সুখ ছিল না। বলিলাম—“তুমি কিন্তু আমাদের রাতটা কাটাবার একটা উপায় করে দিও।”

নন্দকিশোর বলিল,—“আপনি ফিকর্ করবেন না—ধরমাশালাতে উত্তম ধরমে রাখিলে হবে,—আরাম্‌সে বিশ্রাম করবেন। টিসেন্সে এক মিনিটও লাগবে না।



সেখানে হামার সব পরিচিত লোক আছে,—কুছ চিন্তার কারণ নেই। প্রয়োজন হোবে তো হামি সাথ্ সাথ্ থাকবে। প্রাতঃকাল হোতেই বাসায় পৌঁছছে দেবে। যেমন আজ্ঞা করবেন,—হামি তাবোদার আছে।”

আহা—এমন অভয়বাণী ত্রোতাধুগে মহর্ষি বাল্মীকি, অসহারা জনক-রাজ-দর্শিতাকে একবার শুনাইয়াছিলেন,—আর কলিতে নন্দকিশোর আজ আমাকে শুনাইল! আমি সোজা হইয়া বসিয়া—সজোরে একটিপ নস্য লইলাম। গাড়ী ছাড়িল।

অর্ধ-পথে আধখানা ইস্টেশন্ আছে। যে সকল ভদ্রলোকের ঐ অঞ্চলে স্বাস্থ্য-নিবাস আছে, তাঁহারা উক্ত ইস্টেশনে নামিবার অনুরোধ গার্ডকে পূর্বাঙ্কে জানাইয়া রাখিলে, মিনিটখানেকের জন্য তথায় গাড়ী থামানো হয়। কাজ না থাকিলে সোজা পাড়ি চলে। আমাদের ‘বুড়ি’ ছুইয়াই অগ্রসর হইতে হইল,—দুইজন নামিয়া গেলেন।

এতক্ষণে এই গেটে-যাত্রার সমাপ্ত আসন্ন হইলেও,—তাহার পরের অবস্থাটা সম্পূর্ণ অনিশ্চিত থাকায়,—মনে উবেগই ঘনাইতে লাগিল। গাড়ীও বার-দুই ঘড়াং ঘড়াং করিয়া বস্-বস্ বলিতে বলিতে থামিল। নন্দকিশোর বেতের ট্রাংকটি দখল করিয়া,—“আসেন্ বাবুজি” বলিয়া নামিয়া পড়িল।

‘আসেন’ ছাড়া উপায়ও ছিল না ;—জয়হরির কাঁচা ঘুমটা ভাঙাইতে হইল। উভয়ে নামিলাম। নন্দকিশোর বলিল—“ভিড় কমতে দিন বাবুজি।” বাবুজির ভাহাতে কোন আপত্তি ছিল না ;—যতটা সময় কাটে।

এই অবসরে ইস্টেশনটি একবার দেখিয়া লইলাম। ছোট ছোট দুইখানি ঘরের সম্মুখে একটু বারান্দা। সেটুকু যেন অনুপ্রাসের আড়ত—বাক্স, বস্তা আর বাঁড়লে বোঝাই। ‘দাশরায়’ ইস্টেশন্ মাস্টার থাকিলে, বোধহয় “বস্তার” উপর “বসিবার” অনুমতি পাইতে পারিতাম,—অনুপ্রাস অক্ষুণ্ণ থাকিত।

পাঁচ মিনিটেই ভিড় পাতলা হইয়া পড়িল। এ-রাহে সব গেল কোথায়, কিছই বুঝিলাম না।

নন্দকিশোর বলিল—“আব্ আইয়ে বাবুজি।” এখন বেওয়ারিস্ মালের সামিল হইয়া পড়িয়াছি, বলিলাম—“চলিয়ে”।

ফটকের মধ্যে নন্দকিশোর বলিল,—“টিকস্ দিজিয়ে বাবুজি”।

প্রস্তুতই ছিলাম ;—টিকট্ দ্খানি রেলের বাধুটির হস্তে দিলাম। তিনি টিকটের

দিকে না দেখিরা,—জরুরিকে দেখিতে লাগিলেন ; ভাবটা—যেন বলিবেন—“এ’র একথানা টিকিটে হবে না মশাই !” সেটা আর বলিলেন না, অপাঙ্গে একটু হাসির রেখা টানিয়া বলিলেন—“বাস্তালী নাকি !”

তখন আমার উত্তর দ্বিবার মত অবস্থা নয় ; সকলের প্রকৃতিও হস্য-সহ নয় । চাইকি এইবার সহানুভূতিবশে জিজ্ঞাসা করিতেও পারেন—“এত রাতে আর যাবেন কোথায়... ইত্যাদি” ।

দুরাশা—

এমন সময় সহসা সুমধুর বংশীধ্বনির মত কর্ণে পশিল—“আসুন—আর হিম খাওয়া কেন !”

চমকিয়া চাহিলাম । এ বয়সে, আর এ-রাতে, এক ধর্মরাজের কাছেই এ আহ্বান আশা করিতে পারি,—তুমি কে বন্ধু !

জরুরি সোৎসাহে বলিয়া উঠিল—“জামাইবাবু যে !”

চাহিয়া দেখি,—ফুলকাটা চুলগদলি বাঁচিয়ে একথানা রাস্তা রূপার মূড়ি দেওয়া হাস্যমধুর মুখ । তাই ত’—শ্রীমান নাটজামাই-ই ত’ বটে ! এ কি স্বপ্ন না বারো আনার বৈদ্যুতিক তারের স্দ-তার ! এই নাটকসুলভ ( dramatic ) অবস্থায় ইচ্ছা হইল জগৎসিংহের মত বলি—“আমি কোথায় ?”—আমার ইচ্ছাটাই হইয়াছিল, কিন্তু সত্য সত্যই—আশ্বেষার মত সন্মিস্তবরে warning আসিল—“কথা কহিবেন না” । অর্থাৎ—চলে আসুন ।—বহুৎ বেশ !

সঙ্গে ঠাকুর চাকর হরিকেন্দ-হস্তে উপস্থিত ছিল ; তাহারা নন্দকিশোরের দখলী ট্রংক প্রভৃতি লইল । নন্দকিশোরের উৎসাহ-ভঙ্গ হয় দেখিয়া বলিলাম,—“তুমি ভেব না, সকালে দেখা হবে !”

শ্রীমানের পারে চটি দেখিয়া বলিলাম—“গাড়ী ঠিক করা আছে নাকি ?” শ্রীমান অস্ফুট হাস্যে বলিলেন—“আপনাকে কি হাঁটিয়ে নিয়ে যাব !”

সম্পর্ক ত’ তা নয় ।

ইন্সট্রেক্টর পনের-হাত পশ্চাতেই রাজপথ ; তাহা পার হইয়া অন্য একটি রাস্তায় পা দিয়াই বলিলাম—“গাড়ী কই ?”

“এই যে—উঠে পড়ুন” বলিয়াই শ্রীমান একখানি বাড়ীর রোয়াকে উঠিয়া পড়িলেন । চাকর পূর্বাঙ্কেই পেঁহিয়া, আলো হাতে দাঁড়াইয়া ছিল । চার মিনিটে সকল চিন্তার অবসান !

হঠাৎ এই অভাবনীয় অবস্থার আনন্দ উপলব্ধির সঙ্গে সঙ্গেই adventure-টা মাটি হইয়া যাওয়ার ক্ষোভও যেন অন্তরে অন্তরে অনুভব করিলাম। আশ্চর্য মানুষের প্রকৃতি !

নন্দকিশোর তখনো উপস্থিত,—একটু তফাতে পরের মত দাঁড়াইয়া ।—পাঁচ মিনিট পূর্বে সেই ত' আমাদের অকুলের কাণ্ডারী ছিল ! তাহাকে বলিলাম, “নন্দকিশোর, তুমি কোন সন্দেহ রেখ না, আমাদের অন্য পাণ্ডাও যদি থাকে, তা হ'লেও তুমি আমাদের নতুন পাণ্ডা রইলে, তোমাকে আমরা ছাড়িছি না, তুমি এখন আরাম করগে ।”

সে বলিল—“বাবুজি, আমি আপনাদের তাবেদার, আপনাদের ভরসা রাখি। বাবা বৈদ্যনাথ আপনাদের মঙ্গল করবেন, গরীবকে ভুলিবেন না,—আমি সকালে আসবে ।”

বলিলাম—“নিশ্চয় আসবে, একটু বেলায় এসো। তুমি না হলে আমাদের চলবে না ।”

নন্দকিশোর খুঁসি হইয়া চলিয়া গেল। তাহাকে খুঁসি হইতে দেখিয়া আমার প্রাণটাও শান্তি বোধ করিল। এতক্ষণ কোথায় যেন একটা বেদনা ছিল।

পরবর্তী অধ্যায়টা পুরোপুরি—আনন্দ, আহার, আর, আরামের। প্রথম দশটা মিনিট অবশ্য খাঁটি ধর্ম-কথা শ্রবণে কাটিল, যথা—ভোঁদার-মা কেমন আছে ; পাঁচটার পেটের অসুখ কেমন, স'তে এখনো সেজে-মোতে কি ? ভুলো তে'তুলের তেলো সাবাড় করচে না ত' ! এবার কুমড়ো-বাড়ি কেমন হল ? পোড়ার-মুখো হুন্‌মানের জ্বালায় আমাদের আর কিছ্ন করবার যো নেই। এবারকার নতুন গরুটো খুব শাস্ত—ঘুঁতুতে জানে না। দু'বেলায় তিনপো দুধ দিচ্ছে,—তা মন্দ কি ! এক দোষ নেদে মরেন—পেটে কিছ্ন সয় না—রাক্‌সীর জ্বালায় বাইরে কাপড় শুকুতে দেবার যো নেই—আদা-আদি খেয়ে ফ্যালে। সে-দিন সদীর নতুন র্যাপারখানা পেটে পুরেছেন,—মরেও না—হাড় জুড়োয় ! ইত্যাদি।

গরম জল প্রস্তুতই ছিল,—মুখ হাত পা ধুইয়া বাঁচিলাম,—শীতে জড়সড় করিয়া দিয়াছিল। পরে—একাসনেই চা, লুচি, বেগুনভাজা, কপির তরকারি, রসগোল্লা—হুবহু আলাদািনের রাজ্যন্ত ! জয়হরি চুপি চুপি বলিল—“এ'রা বড়ি মাছ খান না ?” বলিলাম—“চুপ্ চুপ্ মালপাড়ার গুরুর শিষ্য ।” শুনিলো সে একটু যেন মনমরা হইল।

আমার ইচ্ছা—চা খাইয়াই পা ছড়াই। জয়হরির ডাক্তারি পড়িয়াছিল; সে বলিল—  
“বলেন কি মশাই, এমন কাজটি করবেন না। এ শীতে শরীরের [ **heat and vitality** ] উষ্ণতা ও জীবনশীলতা বজায় না রাখলে কি রক্ষা আছে।” এই বলিয়া সে ভর-পেট **vitality** বজায় করিতে লাগিল। ধর্মশালায় এ **vitality** রক্ষা যে কিসে হইত তাহা ভগবানই জানেন। আমি সামান্য কিছু মুখে দিলাম। রাত দুইটা বাজিয়াছে,—শয্যা লইতে পারিলে বাঁচি।

শয্যা প্রস্তুতই ছিল। সে রাতে আর কথা না বাড়াইয়া,—চার-পা লম্বা করিয়া বাড়াইয়া দেওয়া গেল,—অবশ্য দুই জনে!! “যোগরুটী” হইল কি না জানি না।—সে কি আরাম!

চক্ষু না বৃদ্ধিতেই জয়হরির **vitality**-র পরিচয় পাওয়া গেল;—নাসিকাধ্বনির তাড়নায় গৃহ-মধ্যস্থ তৈজসাদি সাড়া দিয়া উঠিতে লাগিল। কিন্তু এই কস্মরূতি **trip**-এ এত ক্লাস্তি আসিয়াছিল—নিদ্রা রুদ্ধকিল না; এই **Rip van Winkle** এর পার্শ্বে কি করিয়া ও কখন যে ঘুমাইয়া পড়িলাম জানি না।

## ১০

যখন নিদ্রাভঙ্গ হইল, তখন বেলা সাড়ে সাতটা। “নিদ্রাভঙ্গ হইল” ঠিক নহে, লাঠালাঠি করিয়া তাহা ভাঙা হইল বলিলেই সত্য অক্ষুণ্ণ থাকে।

দেখি, বাড়ীর সকলের মুখেই হাসি। তাহাতে শব্দের সংমিশ্রণ না থাকিলেও, বেশ **eloquent** (সুপ্রকট)। কারণটা পরে প্রকাশ পাইল,—জয়হরির নাসিকা-ধ্বনির তাড়নায় বাড়ীর কেহই ঘুমাইতে পারেন নাই।

বাড়ীর কৃতজ্ঞ কুকুরটা এই আকস্মিক উৎপাতের কারণ আবিষ্কার করিতে না পারিয়া প্রভুদের সজাগ রাখিবার জন্য যথার্থ চীৎকার করিয়াছে। অবশেষে স্বয়ং ভয় পাইয়া কোন প্রকারে প্রাচীর উল্লঙ্ঘন পূর্বক আত্মরক্ষার্থে কোথায় যে পলাইয়াছে, তাহার সাড়া পাওয়া যাইতেছে না। প্রাণভয়ে পলায়নের সুদীর্ঘ নখাচ্ছ সকল প্রাচীর-গায়ে প্রমাণ স্বরূপ রাখিয়া গিয়াছে মাত্র।

আরো শূন্যলিঙ্গ—সেই নাসিকা-ধ্বনির মধ্যে বাড়ীর সকলেই সারারাত্রি ছয় রাগ ছদ্মশ রাগিণীর পরিচয় পাইয়াছেন। এ স্থলে একটা জ্ঞাতব্য কথা আছে—বাড়ীর

কর্তা মহাশয় স্বয়ং সুদৃষ্টি লোক,—প্রত্যহ প্রভুত্ব পদকন্যাটিকে লইয়া সঙ্গীত-চর্চা করেন, এবং সে সম্বন্ধে তাহাদের তালিম দিয়া থাকেন ।

বাহিরে আসিয়া রোয়াকে দাঁড়াইতেই, নির্মল আকাশতলে সুস্বাদুলাক-সমৃদ্ধ জল যেন একখানি নূতন ছবি দেখিলাম । ঠান্ডা থাকিলেও শীতের হাওয়া বেশ সুমিষ্ট ও উপভোগ্য বোধ করিলাম ; (moist) স্যাৎসেঁতে-ভাব নাই, বেশ বরষারে । পা বাড়াইলেই পথ, বিশ গজের মধ্যেই ইন্সটেশন্, ট্রেন দাঁড়াইয়া রোদ পোয়াইতেছে, মধ্যে মধ্যে শিস্ দিয়া যেন সিগারেটের ধোঁয়া ছাড়িতেছে । ছুটিয়া বাহির হইতে ইচ্ছা হইল ।

সঙ্গে সঙ্গে পূর্ণিয়ার কথাটাও মনে পড়িল,—আলস্য আর অবসাদের আচ্ছা, হাত-পায়ে যেন পাথর বাঁধিয়া পঙ্গু করিয়া রাখে । হস্টে—হবে—থাক্,—এই ভাব । কাজেই লোক বিজ্ঞ হইতে বাধ্য ; কারণ—“কি হবে !” “কি লাভ !” অর্থাৎ সব তাতেই লাভের দিক দিয়া কিছু হওয়াটা চাই,—এবং সেটা কাজের পূর্বেই চাই ; নচেৎ নড়াচড়াটা সেরেফ্ নিবদ্ধীকৃত । ফলকথা,—মাটির গুণ—জলবায়ুর প্রভাব ।

গরম জল, দস্ত-মজুন (tooth-powder), তোয়ালে, সাবান, অর্থাৎ সভ্যজগের ভব্য সরঞ্জাম সবই হাজির ছিল । সস্তর কাজ সারিয়া, কাপড় না ছাড়িতেই,—শুভ সন্দেশ ও চায়ের প্রবেশ ।

শ্রীমান্ নাভজামাই বলিলেন,—“বাবা এখনো বাজার থেকে ফেরেন নি ।” অর্থাৎ এখন সন্দেশেই কাজ চালাইয়া লইতে হইবে । বলিলাম,—“তাই ত’ বড় ব্রটি হয়ে গেল,—তা হোক্ ।—আমরা পরে সামলাইয়া লইব ; তোমাদের কোনরূপ দৃঃখের কারণ রাখিতে আমরা আসি নাই, এবং তাহা থাকিতে ফিরিবও না ।”

কর্তা গত-রাতে আমাদের vitality (জীবন শক্তি) বজার রাখিবার ভীতি-স্থাপনা দেখিয়া নিশ্চয়ই একটু ভাবিত হইয়া থাকিবেন, তাই ভোরেই বাজারে ছুটিয়াছিলেন ।

এ বাটীতে বিংশ-শতাব্দীর ব্যতিক্রমের মধ্যে পাইলাম,—চায়ের অ-চর্চা । বাহা প্রস্তুত হইয়াছিল, এবং অর্ধসের পরিমাণে এক-একটি আলুর্মিনিয়ামের পাত্রে উপস্থিত হইয়াছিল, তাহা চা নহে,—দুগ্ধ-সংযুক্ত গরম চিনির-পানা । অবশ্য তাহাকে “বামনবাড়ীর চা” আখ্যা দিয়া গোরব করা চলে ।

বহুদিন যাবৎ একটি রোগ ভোগ করিয়া আসিতেছি । তিনি আমার মাথাটি দখল করিয়া পাকা আশ্রয় লইয়াছেন, ও সেটিকে কৃপণের খনাদার বানাইয়া

বসিয়াছেন। যিনি একবার সেখানে ঢোকেন, তাঁহার অগন্ত্য-গমন ঘটে,—তিনি থাকিয়াই যান, এবং মনটিকেও তাঁহার অনুচর করিয়া রাখেন। রাজ-বৈদ্যেরা রায় দিয়াছেন—“নার্ভাস্ ডি'বিলিটি”—বা “Nervous devil ইটি”। সোজা কথায়—“ভূতে পাওয়া”!

এক চুমুক চা মধুে দিয়াই মনে পড়িল—“আচ্ছা,—আমি এখন কোথায়,—দেওঘরে না বৈদ্যনাথে?” শ্রীমান্কে প্রশ্ন করিলাম—“এ স্থানটির নাম কি?”

উত্তর পাইলাম—“কার্‌স্টেরার টাউন্”।

নাও কথা! সে আবার কি! আবার তেরোপ্পর্শ জোটে যে! অনামনস্ক অবস্থায় আস্তো একটা সম্বেশ মধুে দিয়াছিলাম,—সে আর নাবে না,—হাঁ করিয়াই রহিলাম।

শ্রীমান্ বলিলেন—“কি হোলো! চা যে জন্ড়িয়ে যায়।”

কোন প্রকারে বলিলাম—“কি যে হল, তুমি তা বদ্বাবে না বন্ধ,—আমাকেও জন্ড়িয়ে আনতে।”

শূদ্রিনরা জয়হরি বেশ সহজ ভাবেই বলিল—তবে আর আপনি খেয়েছেন!—উচিতও নয়! (শেষ মন্তব্যটা বোধহয় ডাক্তারি হিসাবেই উচ্চারিত হইল।)—যে বলা—সেই কাজ! পরে জানিলাম বাকি সম্বেশ তিনটি তাঁরই গর্ভে আশ্রয় গ্রহণ করিয়াছে!

শ্রীমান্ বলিলেন—“বেশ-এক-চুমুক চা খান দ্বিবি,—নেবে যাবে!

চিকিৎসা-বিদ্রাট একেই বলে।

“এই নাও” বলিয়া রোগমুক্ত হইলাম, ও বলিলাম—“রোগ ত ওখানে ছিল না, তিনি এখনও মাথায় মজদু’।—আসিঠেছিলাম দেওঘরে, পথে দাঁড়াইল—বৈদ্যনাথ, পেঁহে শূদ্রিচি—ঐ যে কি সুমধুর নাম নামটা শোনাগে?”

শ্রীমান্—“কার্‌স্টেরার টাউন্”।

“বেশ—তাই না হয় হল; কিন্তু আমি ত কুটুম্-বাড়ী “অমরকোষ” আরম্ভ করতে আসিনি, এখন ঠিক নামটা বাতলাও বন্ধু!”

শ্রীমান হাসিয়া বলিলেন, “But what is there in name! (নামে কি আসে যায়)।”

বলিলাম—“তবে কন্যার নাম ‘নিকষা’ কি ‘মন্হরা’ না রেখে, রবি-বাবুকে বিরক্ত করে ‘নুপু’ নাম আমদানী করতে ছোট্টা হয় কেন! এক স্থানটিকে লন্ডন

বললে মন ওঠে কি ! রায়মহাশয়ও—“বিলেত দেশটা মাটির—সেটা সোনার রূপোর নয়’ ব’লে, সাপ্টায় সেরেছেন,—”

শ্রীমান্—“কেন ? মাটি মাটিই, তা যেখানকারই হোক্ ।”

“তা ঠিক্ বটে, কিন্তু কাবুলের মাটিতে মেওয়া পাই, বাংলার মাটিতে লাউ-কুমড়োই জোটে । যাক্, কই সব মাটিতে ‘স্বৈদম্’ হয় এমন কথা ত’ কোথাও বলে না বন্ধ্ ! শচীর দুলাল শ্রীগোরাঙ্গ নদীয়ায় প্রেমতরঙ্গ এনে সেই বন্যার মূখে সকল বাঁধ ভেঙ্গে যখন আচন্ডালকে এক করে দিয়েছিলেন, তখন কোন প্রেমোন্মত্ত পোলিটিসন্ ভাবের নেশায় নদীয়ার মাটিতে গড়াগড়ি দিয়ে বলেছিলেন—“এই মাটিতে ‘স্বৈদম্’ হয় ।” জিহবার জড়তায় ‘ফ্রিডম্’ ( freedom ) কথাটা স্পষ্ট না বেরিয়ে “স্বৈদম্” শুনিয়েছিল মাত্র । অর্থাৎ সেই অবস্থা যে মাটিতে আসে বা আনে, সেই মাটিতেই ‘ফ্রিডম্’ ( স্বাধীনতা ) ফলে । সব মাটি এক নয় বন্ধ্ !—এখন আসল নামটা শোনাও ।”

শ্রীমান্,—“কি মন্স্কল ! প্রায় সকলেই বলেন—দেওঘর । দশবার দেওঘর বলতে গিয়ে একবার ‘বৈদ্যনাথ’ও বেরিয়ে যায় ! কার্‌স্টেরার-টাউনটা উহারই অংশ বিশেষ । এখন বেড়াতে বেরুবেন ত’ চলুন, ও নিজে মাথা ঘামানো কেন ।”

বলিলাম—“সে বহুৎ কথা, তার ছোট একটা বলি । দ্যাখো—কার্‌স্টেরার-টাউনে বেড়াতে হলে, কাটা ছাঁটা আর অঁটা পোষাক্—এড়ি থেকে ব্রহ্মরন্ধ্র পর্যন্ত খাড়া সরলরেখায় straight and erect ( সোজা ) রেখে সম-পদক্ষেপে পা-ঠুকে চলতে হয়,—এদিক ওদিক হেলবে-দুলবে না । কিন্তু দেওঘরে বেড়াতে হলে, পম্‌শ্‌, লাগাম্-চড়ানে মোজা, আর কালাপাড়ের উপর পলেশ্‌তারা ( অল্‌স্টার ) চাড়িয়ে, মণিক ক্যাপ মাথায় দিয়ে সিগারেট মূখে—ভাইন্‌স্টিক হাতে বেরুনো চলে ।—এটা যেন আমাদের রাজান্তি, এই ভাব । আর বৈদ্যনাথে চলতে হলে নয় পদে, সংযত আর ভক্তিনত ভাবে, সকলকে পথ ছেড়ে দিয়ে এক পাশ ধরে নীরবে একাগ্র-পবিত্র মনে দীনের মত ধীরে ধীরে চলতে হয় । নামটাও মর্যাদা খোঁজে,—বুঝলে বন্ধ্—মাথা ঘামে কেন ।”

শ্রীমান্ হাসিয়া বলিলেন—“না মশায়, ও সব বাজে চিন্তার দরকার ত’ বুঝলাম না ।”

শ্রীমান্‌র মূখে খাঁটি সত্য কথা শুনিয়া সন্নিহিত হইলাম—ভাবিলাম, তাহা হইলে এখনো আশা আছে !—“তা বটে” বলিয়া ঝেড়ে কোপ মারেন নি !

বলিলাম—“খোশ, এখন কি করতে হবে বল, প্রস্তুত আছি ।”

এতক্ষণ শ্রীমুখ চাহিয়াই ছিলাম। আর সময় নাই বদ্বিষা কথা কহিতে কহিতে নীচে রেকাবিখানা হাতড়াইয়া দেখি—সর্বদাই সমতল।

জয়হরির অপ্রতিভ ভাবে বলিল—“আপনি আর খেতেন নাকি ! আমি যে—”

বাধা দিয়া বলিলাম—“বেশ করেছে ; তোমার হাতে তুলে দেবার তরেই খুঁজিছিলাম।” মনে মনে শাস্ত্রকারদের নিকট ক্ষমা প্রার্থনা করিলাম। তাঁহার নাকি উপদেশ দিয়াছেন,—আহারের সময় ভোজনপাত্র বাম হস্তে স্পর্শ করিয়া থাকিবে—এবং মাথা হেঁট করিয়া ও-কাজটি সারিবে। তাঁরা সব কি বিচক্ষণই ছিলেন !

শ্রীমান ব্যস্ত হইয়া বলিলেন—“আপনার খাওয়াই হল না, দু’চারখানা আনি।” তাহাকে অনেক করিয়া নিরস্ত করিলাম ও—“এখন কোথায় যাবে চক্কো” বলিয়া, উঠিয়া পড়িলাম।

## ১১

বাহিরে পা বাড়াইতেই সম্মুখে দেখি,—বেশ সুউচ্চ এক দ্বিতল বাড়ী, গেটের দুই পার্শ্বে দৌড়দার রোয়াক। রোদ্দ, আলোক, বায়ু, তিনই বাধামুক্ত। শূন্যনিলাম, এটি একটি ধর্মভীরু মাড়োয়ারি মহাজনের কীর্তি,—ধর্মশালা। ইন্সটেশন ও ধর্মশালাটির মধ্যে রাজপথের প্রশস্ততাটুকু মাত্রই ব্যবধান,—এইটিই ইহার শ্রেষ্ঠ সৌন্দর্য। গতরাত্রের অনিশ্চিত ও অসহায় অবস্থার কথা মনে হইয়া—এই সহজলভ্য আশ্রয়টি আমার কাছে অমূল্য বস্তু বলিয়া বোধ হইল।

শূন্যনিলাম বিদেশী আশ্রয়হীন যাত্রী বা পথিক এখানে তিন দিন আরামে অতিবাহিত করিতে পারেন ; তদধিক-কালের অবস্থান অনুমতিসাপেক্ষ। গত রাত্রে নন্দকিশোর এই ধর্মশালার কথাই কহিয়াছিল। সে যে বলিয়াছিল—“কুছ চিন্তার কারণ নেই বাবুজি—আরামসে থাকবেন”, তা ঠিক। কেবল ভাইটালিটী বজায় রাখিবার (আহারের) ব্যবস্থাটা নিজেদের। হিন্দুর দেশ না হইলে, অর্থাৎ একজাত—৩২ চুলো আর ৩৬ ফার্সাদ বা ফোর্স না থাকিলে, পেটের ভারও সম্ভবতঃ শেঠেরা নিতেন।

গত রাত্রে অন্ধকারে দেখিতে পাই নাই যে, আমাদের জন্য স্টেশনের পশ্চাতেই (ধর্মশালা হইতে দশ গজের মধ্যেই) কোম্পানী অনুকম্পাবশে waiting-shade



(বিশ্রামাচ্ছাদন) বানাইরা রাখিয়াছেন। তাহা হাত কয়েক লম্বা বেড়াশূন্য ন্যাড়া, করোগেটের একটি খোঁয়াড়। এখানেও রৌদ্র, বায়ু, আলোক (দিবাভাগে) প্রচুর পরিমাণেই উপভোগ করা যায়; অধিকন্তু—বৃষ্টির-ছাট্ বাহিরে অল্পই অপব্যয় হয়। আমরা যেমন দেবতা তার উপযুক্ত একখানি নৈবেদ্য বিশেষ; সুতরাং আক্ষেপের কোন কারণই নাই। রাতে (দিনেও দেখিলাম) নিজেদের সম্পত্তি ভাবিয়া গরু, বাছুর, ছাগল, কুকুর, মায় বেতো-মোড়ায়, সেটি দখল করিয়া থাকে। তাহাদের এরূপ ভাবিবার এবং এরূপ কার্যের বিরুদ্ধে, বিশেষ আপত্তিকর কিছু পাইলাম না। কেবল যে তাহারা থাকে তাহাই নয়,—ধর্ম রক্ষাও করে, কারণ, থাকিতে হইলে, শরীর-ধর্ম বা প্রকৃতির পেছটান্ রক্ষা করিতেই হয়, এবং তাহা উচিতও। Floor বা মেঝে, বেশ উচ্চ।

বিশ-প্রশ পা অগ্রসর হইয়া শ্রীমান—একটু রোম্যাকসংযুক্ত দুইখানি একত্র সংলগ্ন সাধারণ কুঠুরি দেখাইয়া বলিলেন—“এইটি ব্রাহ্ম-মন্দির।” চমকিয়া উঠিলাম। মন্দির হইলেই তাহার চড়া চাই; তাহাও আছে। ইভনিং-ক্যাপের কানিস্ উদ্দেশ্যে উল্টাইয়া রাখার মত, ছাদের সম্মুখস্থ আলিসার উপর ক্রাউন বা মদুকুট হিসাবে তাহা বর্তমান। বেশ সাদাসিধে। আবার বাড়ীটি অপেক্ষাকৃত অনেকটা নিম্নভূমিতে থাকায়—বিনয়-ব্যঞ্জকও।

শ্রীমান না বলিলে বুদ্ধিতেই পারিতাম না যে, এইটি ব্রাহ্মমন্দির। পরে বুদ্ধিলাম, ভুলটা আমারি, প্রতিষ্ঠাতারা এত বড় ভুল করিতেই পারেন না। উক্ত চড়ার ও-পাঠে বা ছাদ-পাঠে “ব্রাহ্ম-মন্দির” বলিয়া বড় বড় হরফে লেখা আছে। কারণ?

মন্দিরটির গাঁ ঘেসিয়াই রেললাইন, স্টেশনে গাড়ী দাঁড়াইলে, যাত্রীরা বৈদ্যনাথের মাটি মাড়াইবার পূর্বে এই ধর্ম মন্দিরটির সংবাদ ও অবস্থিতি স্থান বিনা আশ্রয়েই জানিতে পারেন,—উদ্দেশ্য বোধহয় এই। যাহা হউক, ইহা কম লাভ নয়। বুদ্ধিলাম, এই বৈপরীত্যের পশ্চাতে যথেষ্ট সন্দেহ ও বুদ্ধি খরচ বর্তমান। তবে আমার মত যারা রাত দৃপ্তরের আগন্তুক, তাহাদের জন্য এ পাঠে P. T. O. (পশ্চাৎভাগ দেখ) দাগা থাকিলে যেন আরো ভাল হইত। মানুষের কিছুতেই মন উঠে না।

মন্দিরের position (স্থিতি স্থান) বেশ strategic (কৌশলানুকূল) হইলেও, দেয়ালগুলি “এন্ড কোং” মহাশয়দের পোস্টারের আক্রমণে রক্তরঞ্জিত। ইহাদের range (দৌড়) ত’ কম নয়,—২০৫ মাইল। জানি না ইহারা কি কারণে অনুমান করিয়া

লইয়াছেন যে, এখানে যাঁহারা আসেন, নিশ্চয়ই তাঁহাদের অস-চিন্তা নাই,—বন্দ্য আর অলঙ্কারেরই একান্ত আবশ্যক ।

বলিলাম—“চল ফেরা যাক ।”

শ্রীমান আশ্চর্য হইয়া বলিলেন—“সে কি মশাই, এখনো ত’ বাসা থেকে দূ’শো গজের মধ্যেই আছি ।”

বলিলাম—“আমি যে অনেক এগিয়ে পড়েছি হে ।”

শ্রীমান—“আপনার এগুনো পেছনোর rate-টা ( হারটা ) আমাদের বৃদ্ধির বার । কিন্তু পোস্ট-আপিস্ হয়ে যে যেতেই হবে । দশটা বাজে, window delivery ( জান্‌লা-বিদের ) না নিলে, চিঠি পেতে সেই দু’টো তিনটে ।”

বলিলাম—“তাড়ার কিছ্ আছে না কি ? না—‘কেমন আছ’ আর ‘কেমন আছির’ আদান প্রদান ?”

শ্রীমান—“সকলে কেমন আছে, সেটা জানবার একটা ব্যাকুলতা থাকে না ?”

বলিলাম—“কিছ্ না, আমাদের আবার কেমন থাকা-থাকির এত খোঁজ কেন ? সব বেশ আছে । বড় জোর জ্বর, না হয় সর্দি-কাশি । শাক-পাতাডু খেয়ে বাঁচতে হলে দূ’বারের জায়গায় না হয় চারবার দান্ত । আজো এসব স্বাভাবিক বলে ভাবতে শিখলে না ! ক’দিন অস্তুর এই পত্র-বেদনা চাগায় ?”

শ্রীমান—“বাবার হুকুম,—রোজ পত্র যাওয়া চাই, আর রোজ পত্র পাওয়া চাই । না পেলেই অধীর হন, টেলিগ্রাফ করেন ।”

বলিলাম—“বেশ স্বস্তির পথ খুঁজে নিয়েছেন ত’ ! হেলিসাহেব বিচক্ষণ লোক বটে, তিনি এদের ভরসাতেই বজেট্ বানিয়েছিলেন দেখাছি । যাক,—কর্তার যখন delivery pain-এর ( বেদনার ) আশঙ্কা রয়েছে,—চলো ।”

## ১২

একটু এগিয়েই বন্দ্য বলিলেন—“এই দেওঘর পদলিস-স্টেশন ।”

“বেশ—এঁরা দেশের শান্তি রক্ষা করেন, এঁদের এখান হইতেই নমস্কার করি । বোবার শত্রু নাই, চলো । এইবার বোধহয় জেলখানা ?”

জয়হরি এতক্ষণ একটিও কথা কহে নাই, কিন্তু আর সে থাকিতে পারিল না ; সহসা বলিয়া উঠিল,—“সে এখন থাক্ মশাই, ওটা খাওয়া-দাওয়ার পরই ভাল ।”

শ্রীমান বলিলেন—“আমি এইবার short-cut, অর্থাৎ আনাচ্ কানাচ্ খরলাম ; ও সব দেখতে গেলে delivery ( পত্র বিলি ) শেষ হয়ে যাবে ।”

জয়হরি বলিল—“জগদম্বা মালিক্,—চলুন,—সেই ভাল ।”

অদরে একটা জনতা দেখা গেল । ধূম-বাহুল্য লক্ষ্য করিয়া ভাবিলাম, আগুন লাগিয়া থাকিবে । জোর-কদমে যত নিকট হইতে লাগিলাম, ততই ইংরাজি-বাঙ্গলা মিশ্রিত কলরব কানে পৌঁছিতে লাগিল । দেখি, নানা বয়সের, নানা বেশের তিরিশ চত্বিশ জন বাঙ্গালী,—কেহ পথে, কেহ বারাণ্ডায় দাঁড়াইয়া, একত্রে সিগারেটের ধোঁয়া ছাড়িয়া হাস্যালাপ করিতেছেন ।

শ্রীমান কথাটা ভাঙ্গেন নাই, আমাদের দৌড় করিয়া লইয়া চলিয়াছেন । নিকটে আসিয়া মদুহাস্যে বলিলেন—“এইটি দেওঘর পোস্ট অফিস, উপস্থিত সকলেই পত্রপ্রাপ্তির উমেদার !”

বলিলাম—“বহুৎ ধন্যবাদ !”

কেই বা শোনে,—শ্রীমান তখন বেগে “বিতরণ বাতায়নে” হাজির ।

দেখি,—তরুণ, যুবা, প্রোঢ়, বৃদ্ধ—নিজেরা দল বাঁধিয়া ফেলিয়াছে । বিশ্বের অণু-পরমাণু হইতে জীব-জগৎ এ কাজটিতে ভুল করে না ; কাহারো জাতি বা শ্রেণী বিভাগ করিয়া দিতে হয় না, আপনারাই খুঁজিয়া লয় ও দানা বাঁধে । সম্প্রতি কেবল আমরাই এই শাস্বত নিয়ম ভাঙ্গিয়া এক করিতে বসিয়াছি । তেলে জলে এক করিয়া বোধ হয় “তেজলো” হইতে পারিব । দেখা যাউক । এ মনোরথে যদি চলে ত’ অমত নাই ।

ইতিপূর্বেই পত্র-বিলি স্দর হইয়াছিল ! সেখানে তৃতীয় শ্রেণীর ট্রেনযাত্রীদের টিকিট কিনিবার মত হুড়াফুড়ি পড়িয়া গিয়াছে । আশ্চর্য এই, আজিও পিক্-পকেট বা গাট্‌কাটারী, এ শব্দ সংবাদটি পায় নাই । কেহ পত্র পাইয়াই পাঠ আরম্ভ করিয়া দিয়াছেন, কেহ পকেটে পুঁরিতেছেন [ সম্ভবতঃ সেগুর্দল মহিলাদের নামাঙ্কিত ] । কাহারো মুখে আনন্দ বা আরাম আভা দিতেছে, কাহারো বদন বিবর্ণ হইয়া উঠিতেছে, যেন মেঘ ও রৌদ্রের খেলা । কেহ তখনি পোস্টকার্ড লইয়া লিখিতে লাগিয়া গেলেন ; কেহ টেলিগ্রাফ করিবার জন্য অতিষ্ঠ হইয়া উঠিলেন ।

পত্রের প্রাপ্য বিষয়বস্তু আমাদের প্রায় একই রূপ ; সাধারণতঃ—ভাল আছি, অমরকের অসুখ, শোবার ঘরে সিঁদ, খুড়োর গঙ্গালাভ, পৌষের তত্ত্বের ফর্দ, আর

টাকা চাই। বড়লোকের—মালগুজারি, মকদ্দমা, আর মোটোরের অবস্থা, এবং গ্রে-হাউন্ডটা আপনার বিরহে বিমর্ষ থাকে। আর তা-বড় লোকের অধিকন্তু,—সশস্ত্র ডাকাতিতে ষাট হাজার টাকার সম্পত্তি লাভ,—ও একটা গরীব কেরানীকে মোটরচাপা দিয়া ছোটবাবু সে-লোকটার শাস্তির উপায় করিয়া দিলেও, স্বয়ং নিজের উপর অশাস্তি আনিয়াছেন, এবং তিন হাজার টাকার জামিনে খালাস আছেন। হরকে নয় করিতে পারেন, সত্ত্বর এমন একটি সেরা ব্যারিস্টারের ও দু’তিনটি ভিকলের ‘ফীর’ ব্যবস্থা করিবেন ;—মামলার তারিখ ১৩ই চৈত্র। এই টানা-পোড়েনে দুইটা টায়ার burst করিয়াছে ( ফাটিয়া গিয়াছে ) ও পেট্রল-ট্যাংক তেউড়িয়া গিয়াছে। ইহা অবশ্য উল্লেখযোগ্য নয়,—ক্ষমা করিবেন। নিবেদন ইতি, চিরদাস শ্রীভজহারি হাজরা।—ইত্যাকার।

কোন পরেই ত’ দেখি না ;—ছেলেমেয়ের রং সাহেব-মেমের মত হইয়া গিয়াছে অথবা বাতগ্রস্ত পঙ্গু বৃদ্ধ-কর্তা সহসা যৌবন ফিরিয়া পাইয়াছেন,—টাকাগুলার সম্ভাবহারের সুবাহা হইল।

এই পরের জন্য এই ভিড়,—এই ব্যাকুলতা ! অবাক হইয়া দেখিতে লাগিলাম।

যাহা হউক, একটা মন্ত মন্স্কিল হইল—আমার সমবয়স্কের দল বাছিয়া লইয়া দুইটা বাকালাপের। আমি দাগী-আসামী, মৃতের উপর বয়সটা দাগা রহিয়াছে,—গোফ পাকিয়াছে ! এই দুন্দৈবের সূত্রপাতেই স্থির করিয়াছিলাম, এ বালাই আর রাখা নয় ; কিন্তু ভৈরব ভট্টাচার্য মহাশয়ের মতখানা মনে পড়ায় শিহরিয়া উঠিয়াছিলাম। সাহসে আর কুলায় নাই ; অর্থাৎ—সে মূর্তি আর বাড়ানো কেন ! ক্রমে সেই পাকধরা গোফ অধুনা বেশ সুন্দর। এ জমায়েতে প্রায় সকলেই গোফ-শূন্য। যাহাকে ষাটের উপর বলিয়া সন্দেহ হয়, তাহারো এমন সাফ্ শেভিং ( কামানো ) যে একটু ফুঁপি পর্যন্ত দর্শনেন্দ্রিয়ের গোচর নহে,—ব্রহ্ম বলিলে হয়—আছেন নিশ্চয়ই, কিন্তু অগোচর ! ফাঁসাদ এই, আবার সভ্যতা বলে নাকি—বয়স আর বেতন জিজ্ঞাসা করাটা অসভ্যতার চরম !

এ সম্বন্ধে একটু পূর্ব-অভিজ্ঞতাও ছিল।—তিনি ছিলেন একজন ভাল ডকীল, বয়স ষাট-বাষাট, কিন্তু আমদানীর আতিশয্য—তীর উৎসাহ-উদ্যমটাকে চাড়া দিয়া উঁচু করিয়া রাখিয়াছিল। আমার বয়স জিজ্ঞাসা করার বলি একান্ত ; তখন তিনি দুই কক্ষে হাত দিয়া যথাসম্ভব erect ( খাড়া ) হইয়া, নির্জেই প্রশ্ন করেন,—“আমার

কৃত আন্দাজ কর ?” বলিলাম—“পঞ্চাশ কখনো হয়নি।” তিনি দ্রুত কিঞ্চিৎ কুণ্ঠিত করিয়া—স্মৃতি সানাইয়া লইয়া বলিলেন—“হ্যাঁ—প্রায় তা হোলো বই কি, পাঁচ সাত বছর আর ক’দিন,—ও হওয়াই ধরো !”

বেতন সম্বন্ধেও আমাদের দোয়ারিবাবু বেশ এক টোটকা আবিষ্কার করিয়া বরাবর ব্যবহার করিয়াছিলেন, এবং বেশ সফলও পাইয়াছিলেন। বেচারী—বাবুও ছিলেন, এবং বড় বংশেরও ছিলেন,—বেতনটি কেবল ‘ছোট’ ছিল। সেকালে বেতন জিজ্ঞাসা করিতে কাহারো বাধিত না, এমন কি সর্বাগ্রে ‘ব্যাতন’টাই যেন জিজ্ঞাস্য ছিল। দোয়ারিবাবুর বেশভূষা দেখিয়া ও প্রশ্ৰুতি অনেকেই করিতেন। তিনিও—“সেই পাঁচ কন্ম্ হে বলিতে বলিতে দ্রুত চলিয়া যাইতেন ;—বড় জোর বলিতেন—“ব্যাটার দের কি আর বিচার আছে।”—বাস্।

কাজেই সন্দেহের উপর কোন কিছু করিতে ইতস্ততঃ করিতেছিলাম। মধুসূদন রক্ষা করিলেন। সম্ভবতঃ আমার দ্ব’এক কেলাস ( class ) উপরের, একটি প্রবীণ ভদ্রলোক অগ্রসর হইয়া হাস্য-বিজড়িত বদনে বলিলেন—“মশাইকে নতুন লোক দেখাছি।” আমিও সেই ভাবেই উত্তর করিলাম “আজ্ঞে, লোক আমি খুব পুরাতন, এখানে নতুন আসিয়াছি।”

এটা অবশ্য জানা ছিল—গড়ের মাঠে নতুন ঘোড়ার আমদানী হইলে—আজকাল খোঁড়াও তাহার প্রতি আকৃষ্ট হইয়া ছোটে,—“পঙ্কদ লম্বয়তে গিরিম্ !” এসব ভগবৎ কৃপা-সাপেক্ষ।

যেই কথা কহিয়াছি, দেখি দশজনের মধ্যে বেশ একটা সহাস সমালোচনার সাড়া পাইলাম, গম্ভীও গাঢ় হইয়া ঘেসিয়া আসিল।

কারণটা বুঝিলাম না। দেবদানীর অভিযাপটা যে কতের মারফত সকল ব্রাহ্মণের মধ্যেই সংক্রামিত হইয়াছে, এরূপ সন্দেহ কখন করি নাই ; এখন আর সে সন্দেহ নাই। তাই সৌদিন কার্যকালে ভুলিয়া গেলাম—“যাবৎ কিঞ্চিৎ ন ভাষতে” ! তাবৎটা নাই বা বলিলাম।

প্রবীণ ভদ্রলোকটি জিজ্ঞাসা করিলেন—“এখন দিনকতক থাকবেন ত’ ?” বলিলাম “সংকল্প সেইরূপই ছিল, কিন্তু অদৃষ্ট সেইরূপ নয় দেখাছি—”। কথা শেষ করিতে না দিয়াই, প্রোঢ় গোছের একটি রোগা ভদ্রলোক বলিলেন—“কেন !—এই ত’ চৈত্বে সময়, এখন এখানকার জলহাওয়া খুবই ভাল, খুব ঘরে বেড়াবেন ; যা, আর যত স্থান না, দ্ব’ঘণ্টায় হজম্ ! দ্ব’দিন থাকলেই বদ্ব্যতে পারবেন।”

বদ্বিলাম লোকটি থামিবার পাত্র নন,—শুধু ডিস্‌পেপ্‌টিকই ( অজীর্ণ রোগী ) নহেন,—বস্তাও ; এখনো অনেক কথা বলিবেন । তাই বাধা দিয়া বলিলাম—“মাপ করবেন,—আপনার কথায় আরও দমিয়া গেলাম ।” পাছে আবার ‘কেন ?’ বলিয়া সূর্য করেন, তাই দম না লইয়াই বলিতে লাগিলাম,—“আপনি ক্ষম হবেন না, কিন্তু ঐ যে বলিলেন “জলহাওয়া খুবই ভাল” ঐখানেই খট্‌কা’—আমার এমনি কপাল—“ভাল” কোন কিছুর আমার কস্মিন্‌কালে সহ্য না । আর ‘ঘোরা’ সম্বন্ধে আমার নিজের কোন ওজর-আপত্তি চলিতে পারে না—কারণ ওটি আমার কোষ্ঠীর ঢালা হুকুম ; আমি ঘূরিতে না চাহিলেও সে আমাকে ঘুরাইবে । ও সম্পর্কে আমি সৌরভগতের গ্রহবিশেষ । কিন্তু ঐ যে শুনালেন—‘যত খান্ না—দু’ঘণ্টায় হজম’ ; ঐটিই দেখিতেছি থাকা সম্বন্ধে প্রধান অন্তরায় হইয়া দাঁড়াইবে ।”

প্রাণায়াম-সিদ্ধ নহি,—দম না লইয়া মানুষ কতক্ষণ কথা কহিবে ! লোকটি একটু অপ্রতিভ হইবার মত হইয়া গেলেও, যেই শ্বাস লইব, অমনি আরম্ভ করিলেন,—“কেন ? এখানে মানুষ আসে আর কিসের জন্যে !”

তাড়াতাড়ি বলিলাম—“আপনি উত্তম আজ্ঞাই করেছেন,—তবে দেশের এই দুর্দিনে ‘যতই খান না—দু’ঘণ্টায় হজম হইয়া গেলে,—বোধ হয় ইহাই দাঁড়ায় যে, ভোজনে ভিটেমাটি ফুঁকিয়া ফাঁকির লইবার জন্যই এখানে আসা । এ অধিকারটা নিজের সম্পত্তিতে সকলেরই থাকিতে পারে, কিন্তু আমি যে একটি নিরীহ ভদ্রলোকের বাসায় আসিয়াছি,—আবার একা নই—সঙ্গে একটি বিরাট দোসর ।”

ইতিমধ্যে পত্রাদি পকেটে পড়িয়া, দল ক্রমে বেশ পদুট হইয়া দাঁড়াইয়াছিল । তাহাদের মধ্যে কি কারণে হাসির একটা ঘূর্ণী বহিয়া গেল । রোগা প্রোঢ় ভদ্রলোকটিও এবার সে হাসিতে যোগ দিলেন । বোধ হয় এতক্ষণে তাহার রহস্যানুভূতি হইল ।

প্রবীণ ভদ্রলোকটি হাসিতে হাসিতে বলিলেন—“আর ‘ভাল’ বলিব না, তবে এখানকার জলহাওয়াটা প্রকৃতই স্বাস্থ্যকর,—আমার case-এ দেখিছি খুবই suit করেছে ।”

বলিলাম—“আপনার আমার প্রায় same case ( একই হাল্ ) আমাকেও suit করা ( সওয়া ) সম্ভব ।”

প্যাণ্ট্‌-অলস্টার-পরা, হ্যাট-হাতে, যদ্বাও নন্, প্রোঢ়ও নন্ এমন একটি ভদ্রলোক বলিলেন—“তা বলা যায় না, ওঁর আর আপনার constitution ( শাখারিক ও মানসিক গঠন বা ধাত ) এক না হতেও পারে ।”

চাহিয়া দেখি, পকেট হইতে সানায়ের শেষ-ভাগটা উঁকি মারিতেছে। এ পোষাকের সানাইওয়াল্য দেখি নাই, অতএব নিশ্চয়ই ডাক্তার। সানাই সদর শোনায়ে,—এ যশ্বে সদর শূন্যিতে হয়, প্রভেদ অল্পই।

বলিলাম—“ডাক্তারবাবু, স্বদেশীর সময়ে অনেকেই তর্জন-গর্জন সহ নামে মাত্র অনেক কিছু বর্জন করিয়াছিলেন, পরে মায় সদর সে সব পুনর্জর্জন করেছেন। উনি ও অধীন উভয়েই বোধ হয় সেই সময় হইতেই দস্তবর্জন সদর করিয়াছি, এবং তাহা আর পুনর্গ্রহণের নামটি করি নাই। বরং এক্ষণে সমগ্র বর্জনের প্রায় শেষ সীমায় উপস্থিত হইয়াছি। এ বর্জনে আসল বস্তুর ফাঁক্ ছাড়া, ফাঁকির ফাঁক নাই, এতে স্বদেশীর ছাপমারা রুচিকর লুকোচুরি চলে না। সদরং ‘জল-হাওয়ার’ মত suitable (সুবিধার) জিনিস এখন আর আমাদের কি আছে,—তা এখানেই কি আর অন্যত্রই কি,—চর্বণের চর্চা ত’ উভয়েই একদম চুকিয়ে দিয়েছি! আমাদের same case হল না কি ডাক্তারবাবু! তা না ত’ কালীঘাটেই স্বাস্থ্য সঞ্জয় করিতে যাইতাম, এখানে কেন! কি বলেন?” এই বলিয়া প্রবীণ ভদ্রলোকটির দিকে চাহিতেই তিনি যুবকের মত ডিঙ্ক-মারিয়া সহাস্যে বলিয়া উঠিলেন—“very true” (ঠিক বলেছেন), এবং এতক্ষণ পরে জিজ্ঞাসা করিলেন—“মহাশয়ের নিবাস?” সকলে উৎকর্ণ।

বলিলাম—“পরিচয়ের আদান-প্রদান, কোথাও বসিয়া ধীরে-সুস্থিরে হইলেই ভাল হয়, আজ থাক; বেলাও বাড়িতেছে—আমার সঙ্গীটি বোধ হয় এতক্ষণে আধমরা হইয়া পড়িল;—কারণ হজমের মেসাদ (দুই ঘণ্টা) অনেকক্ষণ অতীত হইয়া গিয়াছে। কোন একটি জীবহত্যার পাপ সংগ্রহ করাও—আমার এখানে আসার উদ্দেশ্য নয়।”

জন-দশেক বন্ধু পরিবৃত্ত একটি লক্ষ্মীমস্ত ডউলের যুবক বলিয়া উঠিলেন—“সেই কথাই ভাল মশায়—এখন থাক। বেলা তিনটে নাগাদ যদি অনুগ্রহ করে সকলে একবার বম্পাস্ টাউনের (Bompass town-এর) দিকে বেড়াতে আসেন ত’ বড়ই আনন্দ হয়। আমাদের “\*\*\*সদন” সদর রাস্তার উপরেই।” পরে আমাকে লক্ষ্য করিয়া বলিলেন—“আপনি চা খান ত?”

বলিলাম—“বড় বড় ডাক্তারেরা দয়া করে নিষেধ করেছেন বটে,—কিন্তু খেতেই হয়।”

ডাক্তারবাবুটি ইকুইলিপটস মাথানো রুমালে মুখ মুছিতেছিলেন, একটু যেন আশ্চর্য হইয়া প্রশ্ন করিলেন—“কেন?”

বলিলাম—“কারণ, যারা নিষেধ করেন তাঁরা সকলেই ওটা খান।”

ডাক্তার ছাড়িয়া পায় নন, বলিলেন—“কিন্তু আপনার ঘাতে চা নিষিদ্ধ হতে পারে। আপনার ডিসপেন্সিয়া থাকে ত’ ওটা আপনার পক্ষে বিষ।”

বিলিলাম—“আপনি উত্তম আশ্রয় করেছেন, সে জন্য ধন্যবাদ,—কিন্তু যাচিয়ে তা পেলাম কৈ! আমার তিনটি সহ-রোগী, ও সম-রোগী, তাঁদের কথায় চা ত্যাগ করে, অল্পদিনেই দেহটাসুদ্ধ ত্যাগ করে গেছেন। অপরাধ মাপ করবেন—আমিই কেবল ওটা ত্যাগ করিনি—উপায়ও ছিল না; কিন্তু তার পর এই সুদীর্ঘ ১৭ বৎসর—চা এবং শরীর দুই-ই যে আমার বজায় আছে, সেটা অস্বীকার করি কি করে।”

একটি গাল-চড়ানো বাঁকারি-প্যাটার্নের কেশ-বিলাসী আপাদলম্বিত পাঞ্জাবী-পরা ভদ্রলোক, আমাকে সমর্থন করিয়া বলিলেন—“ডাক্তারবাবুদের কথা বলবেন না মশাই, ওঁরা পরের গায়ে অস্ত্র চালাতে দশভুজা—নিজের বেলায় জগন্নাথ! চা এক চিজই আলাদা; তা না ত galloping ( লাফমারা ) থাইসিসের ( রাজ-যক্ষ্মার ) মত এত দ্রুত promotion ( উন্নতি ) পেয়ে চলতো না। ভট্টপাল্লীর সরসী স্মৃতিরঙ্গ মশাই তাঁর জামাতাকে পোষড়ার তত্ত্বের সঙ্গে তিন টিন লিপ্টন আর তিন টিন ব্লুকবন্ড পাঠিয়েছেন—স্বচক্ষে দেখেছি। অতঃপর কে বলবে যে চা শাস্ত্রীয় উপকরণ নয়! কিন্তু আপনি ঐ যে দুটি কথা বললেন—“কিন্তু খেতেই হয়,” আর ‘ছাড়বারও উপায়ও ছিল না’ এতে একটু খোঁকার পড়ে গেছি,—আপনার আপত্তি না থাকে ত’—”

বিলিলাম—“কিছু নাঃ—একটু আধ্যাত্মিক অন্তরায়ের কথা। কি জানেন, বরাবরই ঐ উপাদেয় পানীয়টা ‘গোবিন্দকে’ নিবেদন কোরে—”

তিনি হাসিয়া বলিলেন—“ওঃ, মহাশয়ের নামটি তাহ’লে—”

বিলিলাম—“আজ্ঞে না, আমি প্রভু শ্রীগোবিন্দের কথাই বলিচি। চা জিনিসটি চট্ করে অভ্যাসের মধ্যে এসে যায় কি না, সুতরাং বহুদিনের নিবেদনে যদি গোবিন্দের অভ্যাস হয়ে গিয়ে থাকে,—এখন প্রভুকে বাণ্ডিত করি কোন্ অধিকারে?—এমন কাজ চণ্ডালেও পারে কি?”

“কখনই না, কখনই না, কে এমন নরাধম আছে” ইত্যাদি ইত্যাদি, সহাস-উচ্ছ্বাসের স্বর পড়িয়া গেল।

এইরূপ বহু আধ্যাত্মিক আলোচনায়, সেদিনকার দাঁড়া-দরবার ভঙ্গ হইল।



বাসায় ফিরবার পথে শ্রীমান বলিলেন,—“খুব লোক ত’ আপনি ! ক’টা বেজেছে তা জানেন ?”

বলিলাম—“দরকার ? পঁচিশ বছর ঘড়ি ছিলেন আমার ইন্ট-দেবতার শ্রীমদুখ,—ওই দেখে—ওঠা-বসা, চলা-ফেরা, নাওয়া-খাওয়া । এখন সে’টি তোমাদের দিয়ে ছদ্ম্টি নিয়োছি । আর দিন-রাতের ধার ধারি না বন্ধু । এখন—না হেথায়—‘দিন ভায়,—না নিশীথ তারা ।’ সব এক্সা ।”

শ্রীমান । এতক্ষণ ত’ কেবল বাজে ফাঁকা কথাই পেলুম ।

বলিলাম—“ওঃ, **material** চাও,—নিরেট কিছদ্ খুঁজচো ।”

শ্রীমান । তা না ত’ কি ।

বলিলাম—“এ ত’ তোফা কথা ; কিন্তু সেটা ত’ বৈঠকখানায় জন্মায় না, তার গড়ন হয় কারখানায় । সে ত’ মদুখে ফলে না,—দুখে গজায় ;—একটু নড়তে-চড়তে হয় ; পারবে কি ? তবে,—তার সঙ্গে একটু বাজেরও চর্চা রেখো ;—ভয় নেই—ঠোক্বে না, বরং থাকবে ভাল । কেঁচো-মেয়ে যেও না ! কেঁচোগুলো মাটিকে **real** (খাঁটি) ভেবে ‘মার্টিরিয়েল’ (‘**material**’) নিয়ে আজন্ম ব্যস্ত । সে ভাবচে—মাটি-চেনে পৃথিবীটাকে কঁকরশূন্য করে গর্ভে পূরবে ! স্পর্ধার পার নেই ! অস্ত্রানের ধারণা, সে নিরেট মার্টিরিয়েল (বস্তু) চর্চা করছে,—কিন্তু বানিয়ে চলেছে ‘ফাঁক’ ! কাটের-পোকাও দিন নেই, রাত নেই তার জীবনব্যাপী পরিগ্রমে, সশব্দে শব্দক কাট কেটেই চলেছে । তার কাটের কারবারে জন্মাচ্ছে কিন্তু ‘ফাঁক’ ! বন্ধু—আমার মস্তিস্কটি ছাড়া জগতের নিরেট অংশ আর কতটুকু ! তাই বলছিলাম,—সম্ভ্রানে ফাঁকের চাষ একটু রেখো ! আমাদের শ্রদ্ধের কবি-সম্মাট রবিবাবু পেরালার ফাঁকটাই যে তার প্রধান অংশ সে দিন তা বদ্বিয়ে বলে দিয়েছেন ; তা না ত’ চা-টুকু বাদ দিয়ে বাটি কামড়ে সন্তুষ্ট থাকতে হয় ; রাজি আছ কি ?—দলাদলি থাকতে পারে ; ইংরেজের কথা না শুনলে যদি বিশ্বাস না হয় ত’ শোনো—

“How can I drink a cup of tea ? A cup is not a fluid, nor am I an Ostrich. Strictly, I shall drink the Tea of the cup, and not the cup of Tea.”

আবার আমাদের মধুকবি ব্যারিস্টার মাইকেল ক'দিন ধরে এক নাপিতের মামলা—কয়েকটা কবির গান শুন্যে করে দিয়েছিলেন ;—তাইতেই হাজার-টাকার খোলার খোলার ফাঁকটা ভরে উপ্চে উঠেছিল ।”

শ্রীমান । আর তাই তাঁর শেষ অবস্থাটাও খুব শোচনীয়,—মলেনও দাতব্য-চিকিৎসালয়ে ।

বলিলাম—“মলেন !—না মরাকে বাঁচালেন ? কোন খবরই রাখ না বন্ধু । ত্রেতাযুগের মরা মেঘনাদকে সব-যুগে অমর করে গেলেন, আর নিজের অমর হয়ে রইলেন ! তোমার মোটরয়েল ‘মেশিনগনের’ এত শক্তি নেই যে আর তাঁদের মারেন !—‘বাজে’ আছে তাই বাঁচোয়া ! তোমরা বস্তু-ব্যাপারীরাও কিছু হাসিল করতে হলেই ফাঁক খোঁজ ; তোমাদের মূখেই শুন্যি, ‘ফাঁক্ পাচ্চি না—একবার ফাঁক্ পেলে হয় ।’ নয় কি ?”

শ্রীমান । তা যেন স্বীকার করলুম, এখন বলুন ত’ আপনি অতক্ষণ ফাঁকা আলাপে—হাসিল করলেন কি ?

বলিলাম—“বহুৎ, যা খুঁজিতেছিলাম তাই । অর্থাৎ এখনো বৈদ্যনাথ পেঁছাইনি—দেওঘরেই ঘুরাচি । যাঁদের সঙ্গে কথা হল তাঁরা কেহই বৈদ্যনাথে আসেন নাই, সকলেই দেওঘরের ঋতুবিহারী ( *bird of season* ) সখের দল । আর পেলাম,—এ অবস্থায় এঁদের যেটা স্বাভাবিক, অর্থাৎ—সময় কাটাবার নূতন নূতন লোক পাবার আগ্রহ, যাতে আমোদে-আনন্দে দিনগুলো বেশ কাটে । এঁদের অনেকেই আরাম ছাড়া অন্য চিন্তা কমই রাখেন ; পাঁচ-সাত জন স্বাস্থ্য নিয়ে বাস্তব । পোস্ট-অফিসে নিত্য প্রাতে এই যে এত বড় জমায়েৎ হয়,—সেটা কেবল পত্রের টানেই নয়, তার মূলেও ঐ সম্মিলনের আনন্দ বর্তমান ; ওটা ‘ক্লাবের’ কাজও করে,—দেখা-শোনা, আলাপ-পরিচয়, খোঁজ-খবর, নতুন-লোক-পাক্‌ড়াও,—সবই চলে । ওটা সখের-সফরী বাবুদের Feeder Station—মনের খোরাক যোগায় । বাদ দেবার জিনিস নয়,—বড় দরকারী ।”

শ্রীমান । বৈকালে তাহ’লে বম্পাস্ টাউনে যাচ্ছেন ত’ !

বলিলাম—“আমার নিজের যাওয়ার আপত্তি নেই, আমার এখন ঐটাই দরকার ; কিন্তু তোমাদের নিয়ে যেতে রাজি নই ।

শ্রীমান । কেন ?

বলিলাম—“বাবুটি যে ঠিকানা দিলেন, সেটা কেবল আমারি উপযোগী । কি

এক ‘সদন’ বললেন না ? আমার এই দীর্ঘ-জীবনে বিশেষ করে ত’ একটিমাত্র ‘সদনের’ কথাই শোনা হয়েছে, আর সেটি তেমন লোভনীয়ও নয় । কুড়েরাম দত্তের নজরে ফিরে আসতে পারি ত’ ও-কথা পরে বিবেচ্য । কিন্তু তোমাদের বাড়ীর ঠিকানাও ত’ তুমি দিলে দেখলুম,—আবার “দুত” না আসে ।”

শ্রীমান । আমাকে এম্মি পেলেন বন্ধু । থাকি কাস্টেয়ার টাউনে ইন্সটেশনের গায়ে, ঠিকানা দিয়েছি উইলিয়মস্ টাউন্ নন্দন পাহাড় ঘেঁসে—তিন মাইলের তফাত !

বলিলাম—“ইস্—অপরাধ হয়ে গেছে ত’ বটে, ভুলেই গিছলাম যে কলকাতায় থাকো । চাক্ কান্ বন্ধে law-টা ( ভিকলীটা ) দিয়ে ফ্যালো বন্ধ,—চট্ উন্নতি করতে পারবে ।”

শ্রীমান আর কথা না কহিয়া, একটা বাড়ীর রোয়াকে উঠিয়া পড়িল । বলিলাম—“এ আবার কোথায় ?”

দেখি, বামুন-ঠাকুর দরজা খুলিয়া দিল । জয়হরির উদ্দেশে ফিরিয়া দেখি, সে বহু পশ্চাতে,—হাতে একটা ঠোঙ্গা, মূখও বেশ সতেজে চলিতেছে । বোধ হয় বাসা যত নিকট হইতৈছিল,—ঠোঙ্গা খাল্যাসের কাজটা ততই দ্রুতবেগ ধরিতৈছিল । শূন্য পথ পথে পড়িল,—তিনিও বাসায় পা দিলেন, এবং একমুখ হাসিয়া বলিলেন—“এখানকার প্যাঁড়া খুব ভাল, মশাই !—ঠাকুর—দু’ঘটি জল আনো ।”

## ১৪

“ভাল কথা—পত্নাদি কিছু পেলেন” ?

শ্রীমান । বাবার বিলম্ব সহ্যে কি, তিনি নিজেই গিয়ে এনেছেন ।

গায়ের বোঝা নামাইতে নামাইতে বলিলাম—“দুশ্চিন্তা আর অশান্তি ডেকে আনার এ একটা বাতিল ।”

এই সময় মাধুরী আসিয়া শ্রীমানকে বলিল—“মামা, দিদিমা বললেন—‘গোবিন্দের কি কি অভ্যাস হয়ে গেছে তার একটা ফর্দ করে নিতে ।’”

তিনজনে অবাক্ হইয়া মুখ-চাওয়াচাওই করিলাম ।

এ কথা এখানে পৌঁছিল কি প্রকারে । জয়হরিকে আমার সাহায্যার্থে—ই সঙ্গে পাঠানো হইয়াছিল । এ পর্যন্ত বিশেষ উল্লেখযোগ্য সাহায্যের মধ্যে—তিনিটি সন্দেহ সাবাড় করিয়াছিলেন মাত্র । এইবার সে ধর্ম রক্ষা করিল, বলিল—“খুঁকি, মাকে

বলগে, আমি ফর্দ' নিয়ে যাচ্ছি, আপাতক তিনি কিছু গরম গরম কচুরী আর সরভাজা দিয়ে গোবিন্দের পিঠিতে সাম্লে দিন! সস্ত্র রানটা সেরে নিচ্ছি, পরে সম্ভূত অন্নাহার, —নিরামিষ নিষিদ্ধ;—মনে থাকবে ত' খুঁকি?"

মাধুরী হাসিমুখে 'থাকবে' বলিয়া চলিয়া গেল।

আমি ত' সঙ্গীর কথা শুনিয়াই অবাক! পরিত্যক্ত ঠোঙার ব্যাস ও পরিধি হিসাবে অনুমান হয়, তিন-পো না হইলেও, অর্ধ-সের পেঁড়া বে-ওজর পেটে পড়িয়াছে। আবার বলে কি!

চাকর (বাণেশ্বর) ফুলেল তেলের বাটী আনিয়া আস্তিন গুটাইল। আমি সরিয়া দাঁড়াইলাম। জয়হরী একটা মোড়া টানিয়া লইয়া পা ছড়াইয়া দিয়া বসিল, বাণেশ্বর তৈল লইয়া ও বাবুকে লইয়া, ডলাইমলাই স্দরু করিয়া দিল।

আমি এই দৃশ্যটা বরাবরই সহিতে পারি না,—আমার গায়ে অপরে হাত দিবে কেন! মস্তকচ্ছ হইয়া জীবন্ত মাংসপিণ্ডবৎ, অপরের সাহায্যে তৈল-সেবা গ্রহণ—আমাদের অভিশপ্ত দেশের পঙ্গুদের বড়ই প্রিয়, এই মহিষ-মর্দন ব্যাপারটা নাকি সৌভাগ্য ব্যঞ্জক! যাক—আমি তাড়াতাড়ি মাথায় একটু তৈল দিয়া রানটা সারিয়া ফেলিলাম। ভৃত্য তাহাতে যেন একটু কুণ্ঠিত হইল। তাহাকে দৃ'কথায় খুঁসী করিয়া, জিজ্ঞাসা করিলাম—“কতকে দেখতে পাচ্ছি না—তিনি কি এখনো বাজার থেকে ফেরেন নি?”

ভৃত্য বলিল—“তিনি অনেকক্ষণ এসেছেন বাবু,—এসেই চিঠি লিখতে লেগে গেছেন। আজ দেখাছি আমাকেই চিঠি ফেলতে ডাকঘর ছুটতে হবে।”

বলিলাম—“অন্য দিন তবে কে যায়?”

ভৃত্য। বাবু নিজেই যান—তাই রক্ষে।

আমি। কেন রক্ষে আবার কি?

ভৃত্য হাসিতে হাসিতে বলিল—চিঠি যে তাঁর কোম্পানীর কাগজ। আমরা রাস্তায় ফেলবো কি ছিঁড়ে ফেলে দেবো তার ঠিক কি!

শ্রীমান আসিয়া বলিল “কচুরী আর সরভাজা প্রস্তুত, কিন্তু বেলা হয়ে গেছে আহারটা এখন দৃ'অঙ্কে ভাগ না করে সেরে নিলেই ভাল হয়।”

এসম্বন্ধে জয়হরীর মতই চূড়ান্ত। সে বলিল—“কোন আপত্তি নেই,—‘ও-দুটে’ গভাঙ্কে ফেলে দিলেই হবে,—বিস্ময়বস্তু বাদ না গেলেই হল।”

“তা যাবে না” বলিয়া, শ্রীমান হাসিতে হাসিতে বাড়ীর মধ্যে গেলেন।

দশ মিনিটের মধ্যেই সন্মুখের ডাক পড়িল। গিন্না দেখি—ভিতর দালানে রীতিমত দুই প্রস্থ ষোড়শ সাজান' হইয়াছে,—সোপকর্ণ-অন্ন, ফলান্ন, মিষ্টান্ন, পরমান্ন, প্রভৃতি পরিপূর্ণ নৈবেদ্যে ভরাট!

সহসা যেন বিপদের সন্মুখে আসিয়া পড়িলাম। আসনখানা অনুসন্ধান করিয়া লইতে দু'তিন মিনিট গেল।

কর্তা খান্‌কয়েক পত্র হস্তে নিজের আসনে আসিয়া দাঁড়াইলেন ও বলিলেন—  
“বসে পড়ুন—বসে পড়ুন, বড় বিলম্ব হয়ে গেছে। বিদেশ, তার বাসা-বাড়ী, কোন ব্যবসাই নেই; ওঁর আবার অশ্বলের অসুখ,—আগুন-তাত্ লাগানো বারণ; তাতে তবু একই দমন থাকে। তার ওপর বিস্ফোটক—ছোট দৌঁহিটটির মিহিদানার অসুখ, তার স্নর নাচতে না, চড়েই আছে! এই রকম একটা-না-একটা অসুখ সকলেরি লেগে রয়েছে,—কোনটা সামলাই বলুন। বসে পড়ুন—বসে পড়ুন। কোন প্রকারে যা হল দু'টি মনে দিয়ে ক্ষম্মিবৃত্তি করতে হবে।”

আমার ত' দেখিয়াই ক্ষম্মিবৃত্তি হইয়া গিয়াছিল; বিনয়ে বাধা দিয়া বলিলাম,—  
“অতিথি যে দেবতা সে সম্বন্ধে আপনার পূর্ণজ্ঞানের পরিচয় পাইতোছি, এক্ষণে ‘ভোঃ নমঃ’ বলিয়া উৎসর্গ করিয়া দিন, আমরা সন্তুষ্ট হইয়া সরিয়া পড়ি। দেবতার দর্শনেন্দ্রিয়ের দ্বারাই ভোজ্য গ্রহণ করিয়া থাকেন—এ কথা আপনাকে স্মরণ করাইয়া দেওয়াই আমার ধৃষ্টতা—”

জয়হরি তাড়াতাড়ি বলিয়া উঠিল—“আমি কিন্তু ‘দেবতা’ নই মশাই—”

বলিলাম—“ভয় নাই—তুমি যে ‘দানব’ সে পরিচয় ওঁরা ইতঃপূর্বেই পেয়েছেন।”

যাহা হউক বসিতেই হইল। কর্তা আর বসেন না,—তিনি ভূতা বাণেশ্বরকে ডাকিয়া পত্র পোস্টিং সম্বন্ধে উপদেশ দিতে আরম্ভ করিলেন;—“হাত বেশ-করে মোছ, ছ'খানা আছে গুণে নে। সোজা ডাকঘরে গিয়ে,—এক এক-খানা করে গুণে ডাকবাক্সে ফেল'বি। হাঁ করে এদিক-ওদিক চেয়ে ফোর্লস্‌নি,—দেখিস, ‘সব যেন বাজের ভেতর যায়,—পিছলে বাইরে না পড়ে। পারবি ত'?”

বাণেশ্বর। এ আর শক্তটা কি বাবু; পার'ব না কেন?

বাবু। শক্ত নয়? আচ্ছা বল-দিকি কি বললুম?

বাণেশ্বর। চিঠিপত্রলো ডাকবাক্সে ফেলে দিতে—

বাবু। তাই বজ্রম্ রে হারামজাদা! ক'খানা চিঠি তার খোঁজ নেই, কোথাকার

ডাকবাক্সে তার ঠিকানা নেই, ফেললেই হল রে পাজি ! এ কি কুটনোর খোঁসা, না নাকের নিশ্বাস !

বাণেশ্বর । আজে, আমি খুব বুদ্ধি নিয়েছি, আপনি ভাবচেন কেন—

বাবু । নাঃ, আমার আর ভেবে কাজ কি,—যত ভাবনা তোমার ! কি বুদ্ধিহীন বল ।

বাণেশ্বর । আজে—ছ’খানা চিঠি গুণে গুণে ডাকবাক্সে ফেলে আসবো—

বাবু । তোদের মেদিনীপুরের ডাকবাক্সে ?

বাণেশ্বর । আজে তা কেন,—দেওঘরের—ডাকখানার ডাকবাক্সে ।

বাবু । তাই বল । যাবার সময় পথে কারুর সঙ্গে কথা ক’বিনি, কোথাও ব’সবিনি । আসবার সময়—ছ’খানা পোস্টকার্ড কিনি আনিবি ।

এই বলিয়া পত্র ও পয়সা বাণেশ্বরের হাতে দিলেন, এবং বলিলেন—“আজ সোমবার ;—বুধ না হয়—বেস্পতিবার জবাব না আসে ত’—তোমার জবাব—সেটা জেনে রেখো ।”

বাণেশ্বর । তাঁরা যদি না লেখেন হুজুর—

বাবু । তারা লিখবে না ? তাদের ঘাড় লিখবে ;—ব্যাপারটি কেনন !

বাণেশ্বর । তা কি করে জানব বাবু—

বাবু । তা জানবে কেন ! বড় শীত বাবু, গরম কোট না হলে গেল, গরম ব্যাপার না হলে মন,—এসব ত’ বেশ জানো—বেটারছেলে বেইমান !—শুনিস্, নি,—অমলার আজ পাঁচদিন ডিসেণ্ট্রী হয়েছে—

ব্যাপারটা নিশ্চয়ই বড় গুরুতর হইবে ভাবিয়া বাণেশ্বর মদুখানার বেশ বিমর্ষভাবে আনিতেছিল, কিন্তু কতর শেষ কথাটায় একটু আশ্চর্য আর অবিশ্বাস মিশ্রিত ভাব আনিয়া বলিল—“এ কি হতে পারে হুজুর—”

কর্তা আমাকে লক্ষ্য করিয়া বলিলেন—“শুনলেন ত’ !—এইসব লোক নিয়ে আমাকে ঘর করতে হয় !”

বলিলাম—“খুব কঠিন বটে,—কি করে যে মাথা ঠিক রেখেছেন বলতে পারি না ;—আমি ত’ পাগল হয়ে যেতুম ।”

কর্তা । তা কি আর বাকি আছে মশাই । তবু ভবিষ্যৎ ভেবে—বহু পূর্বে থেকে, নিত্য সকালে সাতটা করে বাদাম খেয়ে আসিচি । বলে কিনা—‘তাও কি হতে

পারে’!—“ক্যান রে ব্যাটা হতে পারে না,—তোার কথায় নাকি? বড় বড় লোকের বাড়াই হচ্ছে কি করে রে ছুঁচো!”

বাণেশ্বর এবার একটু বিরক্তিমিশ্রিত অভিমানে বলিল—“তিন বছরের মেয়ে দেশান্তরী হতে ত’ জন্মে শূন্যনি বাবু,—রাগ করেন ত’ হো—(“ক” টা পেটেই রহিয়া গেল।)

বাবু। চুপ কর্ হারামজাদা,—ফের ঐ অলঙ্করণে কথা মধুখে আনুবি ত’—

শ্রীমানও আহারে বসিয়াছিল এবং মাথা হেঁট করিয়া, হাসি চাপিয়া নীরবে কাজ সারিতেছিল। এইবার বদ্বিল—বাবার খাওয়া মাটি হয়। বলিল—“ডিসেণ্ট্রী, কথাটা ও কি করে বদ্বাবে বাবা,—‘আমাশা’ হয়েছে বললেই ত’ হত—”

বাবু। আ—ব্যাটা মেদিনীপুরের ম্যাড়া,—জন্ম কাটলো ঐ নিয়ে, আর ‘ডিসেণ্ট্রী’ বোঝ না! আমাদের পক্ষ-বি যে বোঝে রে মদুখু। আমাশা,—আমাশা,—অমলার আমাশা হয়েছে রে গাধা।

বাণেশ্বর। তাই বলুন বাবু,—তা এত ভাবচেন কেন!

বাবু। শোনো ব্যাটার কথা! তবে কি করবো—নাচবো, করতালি দোব! ভাববো না ত’ কি নিয়ে থাকবো রে রাস্কেল, ভদ্রলোকের ও-ছাড়া আর কি আছে!

বাণেশ্বর। “দেড়মাস হয়ে গেছে বাবু, আমিও ত’ পস্তর পেয়েছ্যানু, আমার মায়ের আমাশা লেগেছে,—আর কোন খবর পাইনি। তা আমাদের আর উপায় কি,—ভাববারও ত’ ফুরসত নেই।” এই বলিয়া বাণেশ্বর মদুখু নীচু করিয়া একটা নিঃশ্বাস ফেলিল।

বাবু একটু মোলায়েম হইয়া বলিলেন—“যেখানে থাকিস, সেখানে ডাক্তার-বন্দি নেই ত’!”

বাণেশ্বর কাতর কণ্ঠে বলিল—“না হুজুর,—সাত কোশের ভেতর কেউ নেই।”

বাবু। যাঃ বেঁচে গিছিস! তোার আবার ভাবনা কি,—কিছু ভাবিসনি;—তোার মাঁকে মারে কে! মারাবার কেউ চাই ত’—

বাণেশ্বর। আপনি তবে অত ভাবচেন কেন?

বাবু। “আমি ভাবব না ত’ ভাববে কে-রে গোমদুখু! কলকাতা যে ডাক্তার-বন্দির আড়োং,—তাদের মোটরগুলো মেটেগ্লহের মত কোসে মাটি চষে বোঁ-বোঁ ঘুরচে! সে চক্রে পড়তেই হবে। তার ওপর বাবুদের টাকা আছেন;—আর কি

বাঁচোয়া আছে ! দু'য়ে মিলে রোগও দু'দিন জোম্‌তে দেয় না,—রুগীও জোম্‌তে দেয় না,—হয়েছে কি গেছে ! আবার এ রোগটির বেগও যেমন, আমাদের বন্দি ডাকার বেগও তেমন ! সেখানে এতক্ষণ ঘটা পড়ে গিয়ে থাকবে ! সাথে কি ভাবিচিরে সিন্ধুঘোটক !”

শ্রীমান এইবার বিরক্ত হইয়া বলিল—“তাই তবে ভাবুন, ওদিকে আজকের ডাক চলে যাক ।”

কর্তা চম্বল হইয়া বলিলেন—“মাথা খেয়েছে, ব্যাটা মজালে দেখিচি ! চিঠি ত' কখন দিইছি,—হারামজাদা কি নোড়বে !”

বাণেশ্বর মুখ ফিরাইয়া চাপা-হাসি হাসিতে হাসিতে দু'পা বাড়াইতেই কর্তা হাঁকিলেন—“ক'থানা বলে যা,—যেন পথেঘাটে নিবেদন করো না,—পোস্ট-আপিসের বাক্সে—বুঝলি ? ওপরে নয়—মধ্যে ।”

বাণেশ্বর আর কথা না কহিয়া বাহির হইয়া গেল ।

—“এই মোড়ের একটা টিনের ঢোল হাঁ-করে বসে আছে, ব্যাটা ঠিক সেই লালিমুলির গর্ভে ঝেড়ে আসবে দেখিছি !”

বলিলাম “তা কি পারে !”

কর্তা উত্তোজিত ভাবে বলিলেন—“ও কি না পারে !—মেদিনীপুর থেকে এখানে হেঁটে এসেছিল—ও-বেটা আবার পারে না ।”

এরূপ অকাটা নজরের উপর আর কথা চলে না, বলিলাম—“তা হলে পারে বটে । যাক্—এখন আহার করে নিন,—আমাদের যে শেষ হয়ে এল !”

কর্তা । না—না, এর মধ্যে ও কি কথা ! কই—কি চাই বলছেন না ত'—দিয়ে যাও না গো ।

বলিলাম—“আমার একটা ছোট আঁকুর্ষি আর এক গাছা ছোট ছিপ হলেই হবে । দু'রের রেকাবীগুলো হাতের আয়ত্তের অনেক বাইবে,—আকুর্ষী না হলে টেনে নেবার সুবিধা হবে না ; আর ছিপ না হলে ঐসব কাঁশার-ডোবা থেকে মাছও তুলে নিতে পারব না । জয়হরি সুদীর্ঘ হস্ত সত্ত্বেও মাঝে মাঝে সাষ্টাঙ্গ হয়ে কাজ সারছে ।”

কর্তা সহাস্যে বলিলেন—“না—না,—মাছ কোথায় ? সবে সাত সের মাছ, তা—এই সাতগুণ্টিতে খাওয়া !—ওগো, তুমি একবার এদিকে এসো না,—বাটীগুনো সরিয়ে দাও, উনি যে শীতে হাত বাড়াত পান্নে না ! তুমি ত' অম্বলে-রুগী,—তোমার এত লজ্জা কেন !”



দুইটি গদ্যরূতর বিষয়ে জ্ঞানলাভ করিলাম,—বোধ হয় ‘নালন্দার’ খুব নিকটেই আসিয়া পড়িয়াছি। প্রথম—মেদিনীপুর হইতে যে লোক হাটিয়া দেওঘর আসিতে পারে—সে পারে না এমন কাজই নাই; এবং দ্বিতীয়,—অম্বলের অসুখ থাকিলে শ্রীলোকের লজ্জা থাকিতে পারে না! গবেষণার বিষয় বটে!

এই বিবিধ ব্যঙ্গের বেড়া জাল সম্বন্ধে প্রশ্ন করায়,—বহু বিনয়বচনের পর পাইলাম—“গোবিন্দের কিসে কিসে পাকা অভ্যাস দাঁড়াইয়া গিয়াছে তাহা জানা না থাকায়, অনুমানে যতটুকু পারেন, তাহারি যত্ন পাইয়াছেন। বিদেশ, বাসা—” ইত্যাদি।

ভাবিলাম,—কথাটা কহিয়া কি বিপদই ডাকিয়া আনিয়াছি,—বিজ্ঞেরা তাই “বোবার শত্রু নাই” বলিয়া গিয়াছেন, এবং ও কাজের ভারটা উকীল, উম্মাদ আর বিশিষ্ট বিশিষ্ট বর্ষীয়াসীদের উপর দিয়া নিশ্চিত হয়েছেন। অধুনা একটু ব্যতিক্রম দেখা দিয়াছে বলিয়াই ভুল করিয়া ফেলি, কারণ নীরব সাধু-পুরুষও দণ্ডভোগ করিতেছেন। যাহা হউক,—আহারের এইরূপ পুনরভিনয় ঘটিলে,—জয়হরি যেরূপ মরিয়া হইয়া উঠিয়াছে,—তাহাকে খোয়াইতে হইবে। বৈষ্ণব যেন বাসন মার্জিতে বসিয়াছিল! কেবল কমলালেবুসংযুক্ত ছানার পায়সের জামবাটীটি ছোঁয় নাই! তাহার এ অর্দ্রাচর কারণটা আমার অনুমানে আসিতেছিল না।

কর্তাকে বলিলাম—“আপনার মত অভিজ্ঞ ব্যক্তির এরূপ ভুল করা উচিত হয় নাই, শ্রীগোবিন্দের কিছুরই অভাব নাই। এ হিন্দুর দেশে শ্রীবন্দাবন হইতে আরম্ভ করিয়া বামী-বসুঁমীর শ্রীকুঞ্জে পর্যন্ত—নিতাই তাঁহাকে বিবিধ ভোজ্য নিবেদন করা হয়। তন্মিহ্ম তিনি ‘স্কৃদে’ও তৃপ্ত লাভ করেন—এমন প্রমাণও আছে। সুতরাং গোবিন্দের অভ্যাসটা দয়া করিয়া কেবল চা সম্বন্ধেই নোট করিবেন।”

শুনিয়া কর্তা বলিলেন—“বাসার এই যৎসামান্য আয়োজনের উল্লেখ করে আর লজ্জা দেবেন না,—এখন যাতে পেট ভরে তা’ করুন।—”

—“একি! জয়হরি বাবু যে পায়সটা ফেলে রাখছেন বড়? ভাল হয়নি বুদ্ধি! তা হোক,—পায়স্ ফেলতে নেই, তা জানেন।”

বলিলাম—“কৃপা করুন, ওকে আর উৎসাহ দেবেন না। স্বেচ্ছায় বা ভুলক্রমে যা ফ্যালে, সেটা ওর পক্ষে শৃঙ্খল বলেই ভাববেন।”

জয়হরি উত্তেজনার সহিত বলিল—“আমাদের দেশেও—পায়সের অণুমাত্র ত্যাগ তনুত্যাগের ভুল্য!”

হতাশ হইয়া বলিলাম—“তবে খাও,—যখন খেলেও যা, না খেলেও তাই,—তখন খেয়েই নাও ।”

কর্তাকে বলিলাম—“উনি শ্রীগোবিন্দ নহেন, আর এটা প্রভাসও নয় ;—তবে উনি যে ‘ভোজগোবিন্দ’—আর ওঁতে যে-বহু অসাধারণত্ব বর্তমান, তার প্রমাণ বোধ হয় অনাবশ্যক । কিন্তু আমাদের জানা না থাকলেও, এ স্থানটা যে “ভোজগোবিন্দের-প্রভাস” হতে পারে না তার প্রমাণ কি ।”

কর্তা বলিলেন—“কেন বলুন দিকি আপনি অত বাধা দিচ্ছেন ;—আপনি ওঁকে খেতে দেবেন না দেখিচি ।”

বলিলাম—“সে সম্বন্ধে আপনি ভাববেন না ;—পায়ের যথাস্থানে প’উছে গেছে ।”

জয়হরি বাজে কথায় কান দেয় না,—সে কর্তব্যকার্য শেষ করিয়া নিশ্চিন্ত হইল । কিন্তু আমি এখন উঠি কি করিয়া এবং কি বলিয়া ।—পাতে সবই মজদুদ, অথচ পেটেও আর স্থান নাই ।

বাণেশ্বর চিটি ফেলিয়া আসিয়া সম্মুখস্থ উঠানেই কি করিতেছিল । রোগটা ত’ জানাই হইয়াছিল, বলিলাম—“সে—চিটি—ফেলতে গিয়েছে ত’ এখন নয়, অন্য কোন ডাকঘর আছে নাকি ?”

কর্তা ব্যস্ত হইয়া বলিলেন—“আমায় ডোবালে দেখিচি, হাঁ-করা বেটা নিশ্চয়ই কোথায় বসে আড্ডা দিচ্ছে ;—দু’খানা ফেলেই যাবে, কি তিনখানা হাত পিচলেই পড়বে, তার ঠিক কি । নাঃ—দেখতে হল ;—আমি উঠতে পারি কি ?”

বলিলাম—“হয়ে থাকে ত’ তাতে আর বাধা কি,—ব্যাপারটি ত’ অবহেলা করবার মত নয় । আমাদের বিলম্ব রয়েছে ।”

কর্তা । সে কথা কি কেউ ভাবে মশাই, তাহ’লে আর দ্বন্দ্ব কি । অম্বলের অসদুখ ত’ অস্বীকার করিচি না, কিন্তু এসব ত’ কাঁচা-লঙ্কাও নয় আর অড়ুডালও নয় যে ঘেঁষতে বারণ । থাক্ আমি তবে উঠি ;—আমার অনেকক্ষণ হয়ে গেছে । আপনারা যেন উঠবেন না ।

একটা আঁক কাটিয়া—হাঁক মারিতে মারিতে উঠিলেন,—“বাণীকণ্ঠ—বাণীকণ্ঠ—ওরে ও বাণীকণ্ঠ—এসোহিস ।—আমার মাথা এসেছে,—তার বয়ে গেছে । যা ভেবেছি ;—ঐ বেটাই আমায় মারবে ।”

এই বলিতে বলিতে সবেগে ‘কুলো’-তলায় উপস্থিত হইতেই বাণেশ্বর হাতে জল

ঢালিয়া দিতে লাগিল। তাড়াতাড়ি দ'টো কুল্কুচো করিয়া—কৌচায় ম'খ ম'ছিতে ম'ছিতে—“বেটা কি কার'র উপনয়ন দিতে গেল,—অপরাহ্ন হল যে। ওরে ও বাণভট্ট,—বাণভট্ট,—” হাঁকিতে হাঁকিতে বাহির হইয়া পড়েন দেখিয়া, বাণেশ্বর চীৎকার করিয়া বলিল—“কাকে ডাকছেন বাবু?”

কর্তা চমকিতভাবে ফিরিয়া বাণেশ্বরকে দেখিতে পাইয়া বলিয়া উঠিলেন—“এই যে হারামজাদা। চোর বেটা এলি কখন,—এত শীগগির যে। এই তেমাতানিতেই আমার ম'ডুপাত করেছ দেখছি। তা না ত' আর এত ডাকে উত্তর নেই—বেটা বেইমান—”

বাণেশ্বর। কি করে জানবো হুজুর যে—আমাকে ডাকছেন—

কর্তা। কাকে আর ডাকি রে হারামজাদা। জান না ব্যাটা—তুমি এ বাড়ীতে ঢুকে-অবাধ আর ভগবানকেও ডাকা নেই। দিন নেই রাত নেই—“বাণলিঙ্গ আর বাণলিঙ্গ।”—

একটু মোলারেম সুরে—“দিয়েছিস ত'—ছ'খানাই?”

বাণেশ্বর। আপনি ব্রাহ্মণ—আপনার কাছে—

কর্তা। ওরে গদ'ভ,—ব্রাহ্মণ কি আর আছি। তা হলে তোকেই বা এম্মিন আস্তো রাখবো কেন,—আগে তোকে ভস্ম করে তবে অন্য কাজ করতুম—

আমরা আঁচাইবার জন্য উঠিয়াছিলাম। কর্তার উপদেশ উপসংহারটুকু শুনিয়া, জয়হরি সোজা বহির্বাটীতে ছুটিল,—কারণ তাহার আর হাসিবার বা হাসি চাপিবার অবস্থা ছিল না। আমিও আর ইতস্ততঃ না করিয়া তাহারই অনুসরণ করিলাম।

## ১৫

হাসির জাবরকাটা আর শেষ হয় না। বহির্বাটীতে পাক দিয়া এক একটা তরঙ্গ—গদ'গদ' বানের মত উপর'পরি আসিয়া সশব্দে ভাঙিয়া পড়িতে লাগিল। কেহ কাহার ম'খের দিকে তাকালেই বেগু বাড়িয়া যায়। আর একদু খাকা যুক্তি নয়, লোকে পাগল ভাবিবে। একটু তফাত হইয়া পড়িলাম। জয়হরি আড় হইয়া ব্যথা খাইতে লাগিল।

শ্রীমান এক-রেকাবী পান লইয়া হাজির। তাহার কাছে শুনিলাম,—কাহারো অসদ্ব্যবহারে কর্তা এইরূপই বিচলিত হন,—বাণেশ্বরের উপর সব ঝোঁকটাই গিয়া

পড়ে। চিটি আর চাকর লইয়া তাঁহার সময় কাটে। বাণেশ্বরকে ভৎসনাও যত করেন—ভালও তত বাসেন। ইত্যাদি।

অদূরে দুইটি ভদ্রলোককে আসিতে দেখিয়া শ্রীমান্ বলিল—“বেশ হয়েছে, মামা আসছেন, আপনার সঙ্গে মিলবে ভাল।”

কথাটা খোলসা হইবার পূর্বেই তাঁহারা আসিয়া উপস্থিত হইলেন ;—নমস্কার বিনিময় হইয়া গেল।

মামাটি পয়তাল্লিশের মধ্যে, বেশ পুষ্ট ও সবল,—মাথায় রসের সযত্ন পরশ,—কেতা-দূরন্ত লোক। তাঁহার সঙ্গীটিকে দেখিয়াই চিনিলাম,—আমার বাল্য-সাথী অমর। তাহার হস্তে একটি বিলাতী বাদ্যযন্ত্র। বহুদিন পরে এই অভাবনীয় সাক্ষাতে বড়ই আনন্দ হইল ! অমর কেবলই হাসে আর বলে—“অনেক কথা আছে—বলিচি।”

অল্প পরিচয়েই বদ্বিলাম,—মামা সেকালের বনেদী-ঘরের ছেলে। অধুনা অবস্থান্তর ঘটিয়াছে,—চাকুরী করেন। প্রকৃত বেশ সরল। শূন্যিলাম—অমর ও তিনি পরস্পরের বৈবাহিক ! ভাবিলাম—মন্দ নয় !—যত কুকুরে-কামড়ানো রোগী কসৌলিতে জমা হয়,—এটা কি তবে বৈবাহিক-চিকিৎসালয় ! রোগটা জানা দরকার।

এই সময় শ্রীমান নীচু-গলায় আমাকে জানাইল—“মামার গলা খুব ভাল।” মাতুল বদ্বিলায় লইয়া বলিলেন,—“সে আশা আর ( অমরকে দেখাইয়া ) ওঁর গর্ভেই দিগ্গেছি। শ্রীকৃষ্ণের বংশীধ্বনি কানের ভিতর প্রবেশ করলেই—শ্রীরাধা আকুল হতেন,—ওঁর গর্ভে না পেঁছলে সাড়্ হয় না।”

বলিলাম—“বদ্বিলাম না যে।”

মামা বলিলেন,—দুই বাল্য-সখায় সাক্ষাৎ হয়েছে—একটু নাড়াচাড়া করুন,—বদ্বিতে পারবেন ! আমি দম্ নি।”

কথাটা জটিলতর দাঁড়াইল,—মনটা দমিয়া গেল,—অমরের মাথা কি তবে খারাপ হইয়াছে। কখনও হাসি, কখনও indifferent ( নির্লিপ্ত উদাসীন ভাব ) দেখিতেছি বটে। শূন্যিয়াছি লোহার কারবারে বহু অর্থ উপার্জন করিয়াছে, আহা—সজ্ঞানে ভোগ করিতে পারিল না !

যাহা হউক, সে বলিয়াছে—অনেক কথা আছে ; শূন্যি কি বলে। বলিলাম—“ভায়া—চার্কার হল,—ব্যবসা হল,—এখন কি ব্যান্ডের ( Band-এর ) দল বানিয়েছ ! যন্ত্রটা একবার বাজাও শূন্যি।”

অমর যন্ত্রটা কানে লাগাইয়া বলিল—“একটু বড় করে বল,—শূন্যিতে পাই না।”

ও হরি,—বধির!—তবু ভাল। প্রহেলিকা পরিষ্কার হইল। ক্রমেই উঁচু পদারি উঠিতে লাগিলাম, “ডি-শার্পেণ্ড” ( D-sharp ) পায় না,—উদারা মদুদারা শেষ করিয়া ‘তারার’ চড়িলে সাড়া পাই! এ কসরৎ কতক্ষণ চলে! নাড়ী পূর্ব হইতেই অবসন্ন ছিল; অল্প কথায় সারিয়া, শূন্যবার দিকটা দরাজ করাই ভাল।

জীবনে বিশেষ করিয়া—যৌবনে, অনেক তরঙ্গই আসে। কখনও ব্যায়াম, কখনও কনসার্ট, কখনও থিয়েটার, কখনও লেকচার, কখনো সমাজ-সংস্কার, কখনো দেশোন্নতি, কখনো হঠযোগ,—ইত্যাদি! আমাদের জীবনেও ইহাদের কোনটিরই অকুপা ঘটে নাই। অমরের যৌবনটা কিন্তু একেবারেই প্রোড্রের রং ধরিয়া দেখা দিয়াছিল; ওসব কিছুই তাহাকে আকর্ষণ করিতে পারে নাই। তাহার একমাত্র উৎসাহ ছিল অর্থোপার্জনে;—সেই কথা ও তাহারই উপায় চিন্তা তাহাকে আনন্দ দিত। এ হাভাতেদের সঙ্গে তাই তাহার মৌখিক মিলন মাত্র ছিল। শেষ লোহার কারবার করিয়া সে সাধনায় সিদ্ধি লাভ করিয়াছে। যাহারা কেবল উপার্জনই করে—অমর তাহাদেরই একজন। তাহার যে অবস্থার পরিবর্তন ঘটয়াছে, সে-টি মা-লক্ষ্মীকেও খড়ি পাতিয়া জানিতে হয়,—এমনি চাপা-চাল।

অমর আমাকে জিজ্ঞাসা করিল—“কেমন আছ আগে বলো!”

বলিলাম—অর্থাৎ হাঁকিলাম—“বেশ আছি, বয়সে ব্রাহ্মণী ক্রমশই ব্যাধিমন্দির বনিতেছেন,—নিজে বাতের সংবাদ পাইতেছি;—বিষয়চিন্তা কোনদিনই ছিল না—আজো নাই। পদ্রুপসন্তান না থাকায় বিশ্ববিদ্যালয়ের পুত্র হাতীর খোরাক যোগাইতে হয় না, এবং ছেলের বিবাহ ব্যাপদেশে ব্রহ্মহত্যার পাতকও স্পর্শ করিবে না। বাস্তব আছে চাবি নাই—বেশ নিশ্চিন্তে নিদ্রা হয়।”

আমাকে আর অগ্রসর হইতে না দিয়া অমর হো হো করিয়া হাসিয়া বলিল—“তুমি দেখছি সে-ই আছ, একটুকু বদলাওনি! বেশ আছ—বেশ আছ! তা—এতদিন যে চাকরি করলে—করলে কি?”

বলিলাম—“চাকরি করলে যা যা করতে হয়, সবই করেছি। মনিবের ভাল মন্দ হুকুম, নির্বিচারে আর কতব্যাজ্ঞানে (?) পালন করেছি; দরকার হলে মিথ্যা আটকায়নি, কারণ চাকরির চাপটোরে সত্যের মর্যাদা কমই,—ক্ষমাও নাই। চাকরির উপর হাড়ে হাড়ে চটেওঁচি,—চাকরিও করোঁছি, ফাঁক পেলে ফাঁকিও কম দিইনি। কেবল বড়বাবু হবার চেষ্টাটি পাইনি,—অনেকের অন্ন মারতে হয়, সঙ্গে সঙ্গে শিশুহত্যাও হয়ে যায়, আর ঐ দুয়ে মিলে দর্শনীয় পঙ্খী ও মায়ে দীর্ঘবাস আর

চোখের জল নীরবে আর নিভূতে পড়লেও—সে ব্রহ্মাস্ত্র যে ব্যর্থ হয় এটা আমি ভাবতেই পারি না।”

“তা হলেও কেরানী জাতের মদুখ হেঁট করি নাই। চীল্লিশ টাকা বেতনে, ঘাট টাকার সন্ট বানিয়েছি ; ভাল খেয়েছি, ভাল পরেছি, ভাল থেকোছি—অবশ্য স্ত্রী-পদ্রুখে। নিভীকৈর মত দেনা করেছি,—কেউ কাপদ্রুখ বলতে পারবে না। টাকায় তিনটে ন্যাংড়া, দেড় টাকা সের পটোল, সাতসিকের একটা ইলিশ, একটাকা পুঁজি এন্ডাওয়ারা-তোপসে, চায়ের সঙ্গে Lady’s Afternoon-biscuit (বিস্কুট) খেয়েছি। ফাস্ট-ক্লাস এসেন্স মেখেছি, বাউটি-ঘড়ি (wrist watch), সোনার চশমা পরেছি। একটা গ্রামোফোনও কিনেছি !—আর কি করতে বলো ?”—

অমর বোধহয় মদুখ হইয়া পড়িয়াছিল, এবার তাহার আর উচ্চহাস্য আসিল না ; তবু একটু মদুখহাস্যে আমার মদুখের উপর একদৃষ্টে চাহিয়া,—মাঝারি আওয়াজে বলিল—“বলি—রেখেছ কি ?”

বলিলাম—“আগেও যা ছিল,—কিঞ্চিৎ ঋণ ! তার কিছুমাত্র নষ্ট হতে দিইনি,—ঠিক তাই আছে। সম্পত্তির মধ্যে গেছে কেবল বইগদুলি,—অবশ্য উইয়ের গর্ভে, আর দাঁত—কালের গর্ভে। বেড়েছে কেবল বয়স,—তা দ’জন্যের। আর হালে বেড়েছে চোতা খাতা আর টুকুরো কাগজ !”

এবার অমর আবার হো হো করিয়া হাসিয়া তাহার বৈবাহিককে বলিল—“ভায়ার কিছুমাত্র পরিবর্তন হয়নি—একভাবেই আছেন,—চীল্লিশ বছর আগে যা ছিলেন, ঠিক তাই। পরে আমার দিকে ফিরিয়া বলিল—“বেশ আছ ; তবে কিছু টাকা,—আচ্ছা তুমি ত’ কবিতা-টবিতা লিখতে, তাতে কিছু করতে পারলে না ?”

বলিলাম—“রবিঠাকুর বাজার মাটি করে রেখেছেন,—তা না হ’লে—”

অমর প্রকৃষ্ণিত করিয়া বলিল—“কে লোকটা,—কই নাম শুনিনি ত’ ! মাড়োয়ারী ?”

বলিলাম—“পোন্দারদের ( পদ্যকারদের ) কাছে শুনোছি—কব্যরী !”

অমর বলিল—“ওঃ বুঝোছি—গব্বয়দের কেউ,—না ? তাদের সঙ্গে পারবে কে। কিসের কারবার ! একচেটে বদ্বি ?”

বলিলাম—“দুনিয়ার সব সেরা রসই তাঁর একচেটে।”

অমর বলিল —“ওঃ, মদের কারবার ; ওতে মোটা লাভ হে। ওটা বরাবর আমার মাথায় আছে। আমাদের সে সময়ের সমাজ মনে পড়ে ত’,—তার উপর পৈতে পরার পাপ ; তাই একটু ইতস্ততঃ ছিল। এখন হাড়ি-মর্দাচতে পৈতে পরে সে বালাই ঘুচিয়ে

দিয়েছে। গেল-বচর দেখি গাঙা-গাঙা প্রাজ্জয়েট্,—কেউ ভট্টাচার্য্য, কেউ মৃদুখ্যো,—  
আবগারী-তলায় আজির অঞ্জলি হাতে উমেদার, ঘাসের উপর গড়াগড়া বোসে বিড়ি  
খাচ্ছে! মদ, গুল্লি, গাঁজা—যা মেলে। আপদ যখন চুকে গেছে,—ধর্মতলার ডাকটা  
এবার ছেলেকে দিয়ে ডাকাবো। আর আমিও কাশী যাচ্ছি, দেখি বিশ্বনাথ সেখানে  
কি করেন! হাঁ—মহাজনটির ঠিকানাটা কি?”

উঃ—এখনো অর্থোপার্জনের পিপাসা প্রবল,—আমার কথাটা ভুলিয়া গিয়াছে,  
—ভালই হইয়াছে। বলিলাম—“লিখে দেব’খন!”

অমরের মাথা তখনো আবগারীর দখলে ছিল, সে বলিল—শর্মা ঝুঁক্লে—মদ  
তো মদ, ঝরঝরে গাঁজা থেকে রসের ঝরনা বেরিয়ে আসবে!”—হি হি হাসা।

বলিলাম—“যখন লৌহ মোক্ষণ করেছ,—তোমার অসাধ্য কিছদু নেই!”

শূনিয়া উত্তেজিত ভাবে অমর বলিল—“লোহা থেকে যে-রস বার করেছি ভায়া,—  
সোমরস তার কাছে ছ্যা-ছ্যা!”

ক্রমে আমার অবস্থা তখন নাভিস্বাসে দাঁড়াইয়াছে। একটু নীচু-সদরে মাতুলকে  
বলিলাম—এর চেয়ে ফুটবল খেলা ভাল, তাতে তবু হাঁপ-ছাড়বার একটা হাফ্-টাইম  
আছে,—আর ত’ পারি না!”

মাতুল বলিলেন—“তবে এখন থাক্—রাগে রেখে যাব’খন, দুই বাল্যবন্ধুতে বেশ  
কথাবার্তায় কাটাবেন!”

শূনিয়া সত্যি ভিতরে ভিতরে একটা আতঙ্ক অনুভব করিলাম। মুখে বলিলাম—  
“আহা, তার চেয়ে আর আনন্দ কি ছিল, কিন্তু আমি যে এই বৈকালের ট্রেনেই চঙ্কম!”

সকলেই হাসিলেন, অমরও যোগ দিল।

মাতুলকে বলিলাম—“আপনার অসুখটা কি?—মাপ করবেন—দেখে ত বোধ হয়  
—ওজনটা কমানোর জন্যে আসা; তা হ’লে এখনো অনেক দিন দেরি। আশা করি—  
আসচে-বছর আসি ত’ দেখা হবে।”

মাতুল হাসিতে হাসিতে বলিলেন—“ভয় নেই, আপনার আর যেতে হবে না,—  
যেতে আমাকেই হবে! নিজের আমার কোন অসুখই নাই, ‘বাড়ীর’ জন্যই আসা।  
আমার কণ্ঠস্বাস দেখে-শুনে আজ তিনি বলছিলেন,—‘তুমিই যদি গেলে ত’ আমার  
সেরে দরকার! —চল, ফিরি!”

আবার একটা হাসি পড়িয়া গেল। অমর আঁচিয়াছিল—তাহার বাহাদুরির প্রসঙ্গই  
চলিয়াছে। সে হাসিয়া বলিল—“ও’র কাছে কি শুনচো,—যে রস টেনেছে তার কাছে

শোনো ।” এই বলিয়া লোহার ব্যবসায়, গত যুদ্ধের সময় সে কিরূপ ও কি পরিমাণ বৃদ্ধি খরচ করিয়া লৌহরস শোষণ করিয়াছে,—বিপদুল উৎসাহে তাহারই ইতিহাস আরম্ভ করিয়া দিল ।

শ্রবণেন্দ্রিয়ের সঙ্গে সঙ্গে শব্দ-জগতের প্রায় সব সম্পর্কই তাহার শেষ হইয়াছিল,—ছিল কেবল লোহার শব্দ, আর সংসারের বেসুরো দাবী শোনা । বাত্ময় জগৎই যদি সত্য হয়, তাহা হইলে সে-জগতে সে থাকিত না ।

যাহা হউক, লৌহ-নির্যাস শোষণ ও সঞ্জয়ের কায়দা-কৌশল, সাহিত্যরস-লিপ্সুদের রুচিকর হইবে না ; কারণ, সেটা লক্ষ্মীর ভাণ্ডারের জিনিস ও লক্ষ্মীমন্তদেরই তাহা প্রাপ্য । তাই সেটা বাদ দিলাম—তাদের কষ্ট দি কেন । আমাদের উপায় ছিল না—অতি কষ্টে অনেকটা সময় সেই কঠিন লৌহ-প্রসঙ্গ শুনিয়া কাটাইলাম,—রসটা বস্তারই রহিল ।

বদ্বিলাম—অমরের এই প্রিয়-প্রসঙ্গ কোন দিনই শেষ হইবে না, বলিলাম—“ভায়া—লোহা যে এমন সরস জিনিস, ইতঃপূর্বে তা জানা ছিল না,—ছাড়তে ইচ্ছে হচ্ছে না, কিন্তু তোমার বৈবাহিকের সঙ্গে আমার নতুন সাক্ষাৎ,—তীর সঙ্গে একটু আলাপ না করলে ভাল দেখায় না—”

অমর তাড়াতাড়ি বলিল,—“তা ঠিক—তা ঠিক, বেই ‘খুব মজাদার লোক, আলাপ কর না—টের পাবে ।”

তার তৃপ্তার্থে বলিলাম—“কাল কিন্তু বার্কটুকু শোনাতে হবে ভাই,—”

অমর প্রফুল্ল হইয়া বলিল—“বেশ—কালই শুনো—হুঁ হুঁ, কেমন চিজ্, তা বলো ।”

মাতুল মধ্যম সুরে বলিলেন—“তা ঠিক,—চিজ্ বটে,—আমাকে শুনিয়ে শুনিয়ে ত’ লোহারাম বানিয়েছেন,—আপনাকেও নিষাত ইন্সপাতরাম বানিয়ে ছাড়বেন ।”

অমরকে বলিলাম—“তবে চল, বৈবাহিকের সঙ্গে আলাপ করতে করতে একটু বেড়ানো যাক ।”

অমর বলিল—“সেই ভাল—সেই ভাল ।”

বাঁচিলাম ;—আর মদুহৃত বিলম্ব না করিয়া উঠিয়া পড়িলাম ।



১, ২, দেগে মার্ক না দিলে, ভুল-ভ্রান্তি হতে পারে ;—আপনাকে আমি ‘মাতুলই’ বোলব !”

মাতুল হাসিয়া বলিলেন—“এক-পা পেঁছিয়ে ‘বাতুল’ও বলতে পারেন, কোন আপত্তি নেই । দিনরাত সপ্তমে সদর বেঁধে চোঁচিয়ে আর মাথার ঠিক নেই ।”

কথাটা যে কতখানি সত্য, এই অল্প সময়ের মধ্যেই সেটা আমার বিশেষ জানা হইয়া গিয়াছে । আমি সহানুভূতির ভূমিকা স্বরূপ বলিলাম—“সতীলক্ষ্মী বিশেষ ভয় পেয়েই বলেছেন—‘তুমিই যদি গেলে, ত’ আমার সেরে দরকার ।’ আহা, দূর্ভাগ্য মধ্যবিত্ত বাঙ্গালীদের অন্ধকার জীবন-পথে, ওই শূদ্র স্বেচ্ছাতারার স্নিগ্ধ জ্যোতিই একমাত্র সম্বল !”

মাতুল যেন প্রতিবাদের ইচ্ছায় আরম্ভ করিলেন—“কিস্তু—”

আমি আশ্চর্য হইয়া বাধা দিয়া বলিলাম—“ওর মধ্যে আর ‘কিস্তু’ ঢোকাবেন না ।”

মাতুল সামলাইতে গিয়া বলিলেন—“না—তা বলিচি না,—তবে এইসব কঠিন রোগ—যার জন্যে স্বাস্থ্যকর স্থানের হাওয়া খাইয়ে নিয়ে বেড়াতে হয়, তাতেও মধ্যবিত্তের মেরদুন্দ মোচকে যায় মশাই !

বলিলাম—“আপনার কথাও অস্বীকার করতে পারি না ।—রোগটা কি !”

মাতুল ঈষৎ রাগমিশ্রিত দৃষ্টিতে বলিলেন—“তাই-ই যদি জানতে পাব ত’ আজ এ ভোগাভোগ ভুগবে কে ! মেয়েটা একদিন বললে—‘মা ত’ আজ ছ-সাত বছর ভুগছেন, তুমি ত’ বাবা সে খোঁজ রাখ না—মা কবে খান, কবে না-খান, —কি খান কখন খান, তাই-ই জান না !”

—“শুনলেন কথা ! এই মৃক্ষ-জাত নিয়ে আমাদের সংসার করতে হয় !”

বলিলাম—“সে ত’ চিরকালই হস্বে আসছে ; এখন দাঁড়িয়েছে কি ?”

মাতুল । এখন দাওয়ানী-মামলায় দাঁড়িয়ে গেছে,—জিতলে ফতুর, হারলে ফর্সা ! শুনলাম আগে আগে মাথা ঘুরতো, মাথা ধোরত, বোধহয় জ্বরও হত । এখন বেশ ধোরালো করে তুলেছেন,—বৈকালে ঘুসঘুসে জ্বর, আর মাথার ভেতর যেন হাতুড়ি পেটে ! ‘ব্রহ্মচারী’ দেখে শূদ্রের আমাকেই দৃষ্টি করলেন ! বজ্জন—‘এখনি কোন স্বাস্থ্যকর স্থানে নিয়ে যান, যা যা ব্যবস্থা দিলাম করবেন । এ ত’ দূর্’ এক মাসের রোগ নয় । কেবল চক্ষু বদজে সেবা নিয়েছেন ! এ দেশের আত্মসুখান্বেষী পুরুষেরাই এইসব স্বাধীনতার জন্য দায়ী ;—এর কড়া আইন হওয়া উচিত ।’—ইত্যাদি ।

—“শুনে আমি ত’ মশাই অবাক ! আমার বিপদ,—আর আমাকেই বকুনি !”

বলিলাম—“তাই ত’ দেখাচি,—ব্যবস্থা মন্দ নয় ! আপনার বিপদ এতই সুস্পষ্ট যে অন্ধেও তা দেখতে পায়,—ব্রহ্মচারী মশাই দেখতে পেলেন না ! বলেন কি !—এটা তিনি বুঝলেন না—যিনি আত্মত্যাগের বা আত্মহত্যার এই দুরভিসন্ধিটা ভিতরে দাবিয়ে রেখে, বাইরে সারাজীবন কেবল স্বামীর আরাম খুঁজে স্বামীকে কাজের বার বানিয়েছেন, দ্বুঃখ যন্ত্রণা বোগ নীরবে সহ্য করে—অকালে কি মুখে দিয়েছেন না দিয়েছেন, তা স্বামীকে দেখবার কষ্ট নিতেও বলেন নি, এত দিন এই বদমতলবটা মনে মনে পুষে, আজ ধীরে ধীরে তিনি সরে যাবার চেষ্টা করেন কোন অধিকারে ! তাঁর এই অন্যায় অত্যাচারের জন্যে কি ব্রহ্মচারী মশাই আইনের আবশ্যক ভাবলেন না ! মজার লোক বটে । আপনার বয়ে গেছে, আপনি ও নিয়ে মাথা ঘামাবেন না—মাতুল !”

মাতুল এলোমেলো দু’চার কথা আরম্ভ করিতে গিয়া কোনটাই শেষ করিতে পারিলেন না ; খানিকক্ষণ অগ্রসর হইতেই তাহা তাঁহার নিজের কানেই বোধহয় আলাপের মত বাজিতে লাগিল ! শেষে বলিলেন—“তা কি হয় মশাই, দু’দিন না উঠলে সংসারের কল-কন্ডা তেউড়ে যায় !”

বলিলাম—“তাই নাকি !”

মাতুল । তিন দিন মাথা তুলতে পারেন নি, চি’ড়ে চিবিয়ে চোয়াল ধরে যায় আর কি ! একটু গরম জল জোটেন—দাঁতগুলো কনকনিয়ে জিলে মেরে গেছে । কে গামছা-খানা দেয়, কে সাবান এনে দাঁড়ায়, কোথায় দেশালাই, কে ঠিকরে খুঁজে দেয় ! ক’দিন আর তেল-তামাক, পান-জরদা, লুচি-হালদা, ছুঁতে হয়নি ! চেহারা দাঁড়িয়েছিল—ভাগ্যহীনের ; কেবল কাছটা গলায় ওঠেনি,—দ্বারস্থ পর্যন্ত হয়েছিলুম—চার’র জন্যে ! কে বিছানা করে, কেই বা মশারি ফেলে দেয় , একদম ভেটেরাখানায় বাস,—ঘর-দ্বার যেন গোয়াল হয়ে দাঁড়িয়েছিল !

বলিলাম—“তিনটে দিন আর চালিয়ে নিতে পারেন নি ?”

মাতুল আশ্চর্য হইয়া বলিলেন—“আপনি বলেন কি ! যাদের যা কাজ ; কখন করেছি, না করবার দরকার হয়েছে !”

বলিলাম—“ঠিক বলেছেন,—আমার রাগ ত’ তাই । যাঁরা এমন করে মানদ্বকে জানোয়ার বানিয়েছেন,—কুটোটি নাড়তে দেন না, তাঁদের উপর আবার দয়া কেন ?”

মাতুল যেন কেমন বিমূঢ় বনিয়া গিয়াছিলেন, বলিলেন—“এখন কি করি বলুন দিকি?”

বলিলাম—“সাত বৎসর সমান ভাবে যা’ করে এসেছেন, এখন যে তার চেয়ে কিছু বেশী করে উঠতে পারবেন, তা ত’ বিশ্বাস হয় না। ঐ যে তাঁর মাথার মধ্যে হাতুড়ি পড়ে বললেন,—সেটা আপনি ছাড়া আর কেউ পেটে না। আমাদের অবহেলার অপমানই—অভিমান এনে তাঁদের নীরব করে মরণের পথে ছোঁটায়! শাস্ত্রে তাঁদের ‘অবলা’ বলা হয়েছে,—তারা নিজদের তরে কিছু বলবার জন্যে জন্মান না। প্রকাশ শক্তিহীন গরুর কষ্ট সহ্য করতে না পেরে গাড়ীর প্রাণহীন-চাকাগুলো পর্যন্ত কাতর চীৎকারে প্রতিকার খোঁজে, আর সজীব স্বামী দেবতার কি এতটা উদাসীন থাকা উচিত মাতুল? যাক্—চিন্তা করবেন না, খোঁজ-খবরটা নেবেন,—তারাও মানুষ; তাহ’লেই স্বহস্তে সেঁরে উঠবেন।”

কথাবার্তাটা ক্রমেই sermon-এ (ধর্মোপদেশে) ঝুঁকিয়া পড়িতেছে দেখিয়া, পালাটাইবার উপায় খুঁজিতে লাগিলাম। তখন একটা বড় কম্পাউন্ড মাড়াইয়া চলিয়াছি। দেখি, তাহারই এক কোণে প্রকাণ্ড প্রকাণ্ড প্রাচীন অশ্বখ ও বট মিলিয়া একটি অশ্বখের অটবী রচনা করিয়াছে,—তলায় বড় বড় পাথর। সসম্প্রদে দৃষ্ট হাত তুলিয়া নমস্কার করিলাম!

মাতুল যে খুব দুর্বল ধাতের ভীতু-লোক, তাহা বদ্বিষাছিলাম। তিনি শশব্যস্তে প্রশ্ন করিলেন—“কি ঠাকুর মশাই?” গম্ভীরভাবে বলিলাম—“যে-সে ঠাকুর নন,—বাবা-ঠাকুর।”

“বলেন কি মশাই,—আঁ—এখানেও!” বলিয়া মাতুল দুই হাত শিথিলভাবে একত্র করিয়া—যেন একটি সুপদ্রুত কাবুলী কাম্রাজ্জা কপালে ঠেকাইলেন ও ধীরে ধীরে আবৃত্তি করিলেন—অপরাধ নিওনা বাবা, বড় বিপদে পড়েছি—জানতেই পারচো, দয়া করে ভাল করে দাও; তা না হলে আমিও বে-খিদ্মতে মরে যাব ঠাকুর।”

মামার আবেদনটা যেমন সত্য, তেমন আন্তরিকতাপূর্ণ ছিল।

অমর কিছু বদ্বিষতে না পারিয়া, বিশেষ আগ্রহে দুই চক্ষু ও হৃদয় কপালে তুলিয়া, ঘাড়টা পশ্চাতে হেলাইয়া তাহার বৈবাহিককে প্রশ্ন করিল—“দেবতা নাকি,—কোন দেবতা?”

মাতুল তাহার কানের কাছে ঝুঁকিয়া গম্ভীরভাবে বলিলেন—“দেবতা নয়—দেবতার বাবা।”

“কাজ নেই বাবা, সকলকে সন্তুষ্ট রাখাই ভাল, কে কখন কি কাজে লাগে বলা যায় না।” এই বলিয়া অমরও নমস্কার করিল।

ভাবিলাম—ব্যবসা-বৃদ্ধি একেই বলে ; পরমহংসদেব বোধ হয় একেই বলিতেন—  
“পাটোয়ারী-বৃদ্ধি।”

“আমারি মাথাটা খেলে,—দু’সন্ধ্যা এই পথেই আমার যাতায়াত,” বলিয়া মাতুল একটু চিন্তিত ও অনামনস্ক হইলেন। বৃদ্ধিলাম পূর্ব প্রসঙ্গ মাথা হইতে একদম সরিয়া গিয়াছে।

ভাবিলাম—সুজলা-সুফলা দেশের এই মোলায়েম জাতটির নিরীহ ছেলেগুলি দৃঢ়তা বলিয়া কোন কিছুর ধার ধারে না, **Sentiment**-এর (খেয়ালের) উপর সাঁতার কাটে,—ডুব দিতে নারাজ।

সহসা আমার দক্ষিণ স্কন্ধে সজোরে একটা টিপনি দিয়া অমর আমার কানের কাছে মুখ আনিয়া নীচু সুরে বলিল—একটি সিদ্ধ পাঞ্জাবী গুরু পেয়েছি,—মহাপুরুষ ! কি চেহারা—ওজনে দু’হুন্দের তিন কোয়াটার,—দীর্ঘ ৬ ফুট ৪ ইঞ্চি ৫ জ পাক্সা। বুদ্ধলে—আসন ছেড়ে দেড় ফুট তিন ইঞ্চি “জ” পর্যন্ত ওঠেন। (এসব লোহা-লকড়ের মাপ)

বলিলাম—“বলো কি। তাহ’লে ত’ বৈতরণীর পোল্ বেঁধে বসে আছে।”

অমর হাসিমুখে বলিল—“তোমার সে স্বভাব আজো যায়নি,—এতেও ঠাট্টা।”

বলিলাম—“ঠাট্টা নয় ভাই,—গুরু যা পাক্‌ড়েছ—ও মাল্ বহুং সৌভাগ্যে মেলে। যা শোনালে, বৈতরণীর কোথাও তাঁর ডুব-জল হবে না—হেঁটে মেরে দেবেন।”

অমর একটু বিরক্ত ভাবে বলিল—“তুমি সেই বৈজ্ঞিকই আছ, তোমার কাছে গুরুদেবের প্রসঙ্গ চলবে না। বরং তোমার কথাই শুন, কাশীতে কাটাও—কি রকম পেলো?”

বলিলাম—“তুমি কি বলবে জানি না—আমার ভাগ্যে ভাই একটা পাঞ্জাবীজামাও জোটেনি।”

অমর বলিল—“নাঃ—তোমাকে পারলুম না। তা হোক, বহুকাল পরে পেয়ে ভারি আনন্দ হচ্ছে, না বলেও থাকতে পারি না। কিছুদিন হল এখানে একজন অবধূত সন্ন্যাসী এসেছেন,—খন্ডস্বরী বললে হয়। তাঁকে খুঁজে বার করতে হবে,—যাব?”

বলিলাম—“কেন, কাজ আছে না কি?”

অমর। “বিনা মতলবে শর্মী কোথাও যান না। কানের জন্যে কবিরাজী, হাকিমী, ইউনানী, অ্যালোপ্যাথী, জ্যোলোপ্যাথী, ইলেক্ট্রো—সবই করেছি; এখন একবার অবধূত সন্ন্যাসীর দৈবাপ্যাথী দেখব। তাঁদের কৃপা হলে মূহুতেই মার দিয়া!”

বলিলাম—“আর কেন অমর! মঙ্গলময় যা করেন সবই মঙ্গলের জন্যে। ছেলেরা এখন আমাদের “ওল্ড-ফুল” Old fool ত’ বলেই,—সেটা তোমার শুনতে হয় না; বউমাদেরও একটু আরাম দেওয়া হয়—অসত্বেকাচে গলা সাধতে পারেন; বিশেষ বিশেষ স্থলে—কোর্টে হলপ্ করে বলা চলে—‘শুনি’। এসব ভগবানদত্ত সুবিধা ছাড়তে নেই।”

অমর হাসিয়া বলিল—“যা বলেছ, তবে কাছে পেয়ে দেখাটা ভাল,—এ সুবিধা ছাড়তে নেই হে।”

বলিলাম—“বেশ, রাজি আছি।”

অমর কি জানি কি ভাবিয়া মত পরিবর্তন করিল, বলিল—“তোমরা কাজ নিতে জান না, সব বিগড়ে না দাও।”

বলিলাম—“আচ্ছা, তুমিই আগে হয়ে এস।”

মাতুল যেন চট্কা ভাঙ্গিয়া উঠিয়া বলিলেন—“কোথায়?”

বলিলাম—“সাধুর কাছে।”

মাতুল। “কান মেরামতের জন্যে বন্ধি! যেন ‘শিশি’ নিয়ে যান।”

বলিলাম—“সাধুর কাছে শিশি কেন?”

মাতুল। “পায়ের ধূলো দিন,—ঐ কথাই ত’ আমিও বলি। আমি কি যেতে বাকি রেখেছি মশাই! মহাপদ্রুঘ সব শূনে বল্লেন—‘শিশি এনেছ।’ আমি ত শূনেই বোকা মেরে গেলুম। সাধুর কাছে শিশি কি মশাই! শিশি ব্রহ্মচারী পর্যন্ত চলিছিল। সাধু একটু পায়ের ধূলো দিন, না হয় একটুপ বিভূতি ঝেড়ে অভয় দিন—’

বলিলাম—“বড় জোর তাতে একটা ফুঁ মেরে দিন—ব্যাঙ্গ।”

মাতুল। “এই ত’, বলুন ত’ মশাই, সেখানেও শিশি! এ কি বটকেষ্ট পালেন দোকানে এসেছি,—বলুন?”

বলিলাম—“ঠিক ত।”

কথা কহিতে কহিতে বম্পাস্ টাউনের ( Bompas-town-এর ) অনেকখানি অতিক্রম করিয়া ফেলা হইয়াছে। ‘বম্পাসের’ এপাশ ওপাশ দ্ব’পাশেই বিশিষ্ট ব্যবধানে, উদ্যানসহ pompous ( জাঁকালো ) বিল্ডিং সকল বাঙ্গালীর বাহাদুরি ঘোষণা করিতেছে। বাঙ্গালার হাওয়া মাড়োয়ারী ধনেশদেরও ব্যপ্টাইজ্ করিয়াছে ; নতুন ব্রতীরা আর ধর্মশালাতেই তুষ্ট ন’ন,—বিলাস বালাখানায় খুঁকিয়াছেন। আরম্ভ দেখিয়া মনে হয়—অচিরে বাঙ্গালীর মতই সর্বাঙ্গসুন্দর হইতে পারিবেন !

সকল সৌধের ফটকেই কর্তাদের নামাঙ্কিত প্রস্তর বা ধাতুফলক দেখিলাম। নামের সহিত সংযুক্ত—কুঞ্জ, নিকুঞ্জ, আবাস, নিবাস, নিকেতন, উদ্যান, আশ্রম, সৌধ, ধাম, ভবন, কুটীর, মন্দির, সদন, সবই পাইলাম,—পাইলাম না কেবল ‘ঘর আর বাড়ী’ স্মৃতির সংসার-ছাড়া জিনিস। নির্মাণ-বৈচিত্র্য ও শিল্পাতিশয্য দেখিলে বিলাসের বাসা বলিতে ইচ্ছা হয়। তাহাদের মধ্যে হাঁপ ছাড়িবার হাঁসপাতালও আছে,—সাধন-কুটীর, শান্তিনিকেতনও আছে—সাধক বা শান্তিভোগীর সাক্ষাৎ মিলিল না। তবে থোস্খবর সর্বথা ‘ওয়েল্-কম্’।

যাহা হউক, নামাঙ্কিত উক্ত ফলকগুলিতে বাঙ্গালার বড় বড় নামী জিস্টস্, ডকীল, ডেপুটি, ডাক্তার, ড্রাগিস্ট, কবিরাজ, শিক্ষক, লেখক, সম্পাদক, পাবলিসার, ব্যবসায়ী, প্রভৃতি অনেককেই পাইলাম। “হাউস্-অফ-লর্ডস্” ( House of Lords ) বলিলেই হয়।

গোয়েন্কা গেটে সশস্ত্র শান্তি পাহারা, নগেন্দ্র গেটে কিশোরী হস্তে কেশরঞ্জন। একটি গেট বিশেষ উল্লেখযোগ্য। তাহার সংশ্রবে স্মৃকৌশলে নির্মিত একখানি ( স্মৃতির অদ্বিতীয় ) প্রকাণ্ড পয়জার। যদি বিজ্ঞাপন হিসাবে হয়—ভাল ; নচেৎ জান ও মান লইয়া সেখানে মাথা গলাইবার সাহস বোধহয় চোরের পক্ষেও সম্ভব নয়।

ভাবিতে লাগিলাম—নিশ্চয়ই ভবিষ্যৎ প্রকৃত্ত্ববিদেরা দুই হাজার বৎসর পরে এই সব ফলক-সাহায্যে বৌদ্ধস্তুপের বহুত কঙ্কাল আবিষ্কার করিবেন ; এবং এই প্রস্তর বহুল সাঁওতাল প্রান্তরটি যে ভিক্ষু ও শ্রমণে শোভিত ছিল, তাহা নির্বিবাদে প্রমাণ হইয়া যাইবে।

বম্পাস্ টাউনের সমৃদ্ধ অংশের শেষ সীমা পর্যন্ত যাওয়া হইল। মধ্যে একটি নির্জলা পাহাড়ী নদী পড়ে,—বালুময়, কোথাও কোথাও প্রস্তর পঞ্জরমাত্র দৃশ্যমান !

শূন্যল্যাম, একটু খুঁড়িলেই জল পাওয়া যায়, এবং সে জল নাকি যেমন স্বাদু তেমনি স্বাস্থ্যকর। উপরটা দেখিলে শ্রদ্ধা হয় না ; নামটিও কবিদের মনে ধরবে না, কাব্যেও অচল,—“ধাওড়া”।

স্থানে স্থানে সুন্দর উদ্যান-সংযুক্ত অট্টালিকা। ফাঁকে ফাঁকে আকাশ বাতাস আলো, মাঝে মাঝে খোলা ময়দান, অদূরে পাহাড়,—জমি বেশ খটখটে। পথের দুই পাশেব' আম, জাম, কাঁটাল, মহুয়া প্রভৃতি ছায়াবহুল বৃক্ষের শ্রেণী ;—সবই শরীর ও মনের অনুকূল, সুতরাং স্বাস্থ্যকর। এসব স্থানে যে দেহ-মন বল পাইবে তাহাতে সন্দেহ নাই,—যদি তাগাদা আর অনটনের চাপ বৃক্কেপটে না থাকে। জল-হাওয়াটা অবশ্য স্থানের গুণ ; তবে ওই যে “ভাল-লাগালগি” সেটা বোধহয় ট্যাকসই নয়—নৃতনের মোহ।

অমরকে বলিলাম—“এ স্থানটি ‘কমলালয়’,—তোমার ধাতে খুব সহিবে। এ দেশের মাটিতে লোহা ফলে ; জলেও লোহার অংশ বেশী। দিনকতক থাকলে ভীম বনে যাবে। এদেশবাসীদের দেহ আর রং লক্ষ করেছ কি?”

অমর হাসিয়া বলিল—“তুমি আর আমাকে বলবে কি, এসে পর্যন্ত ঐ কথাই মাথায় ধরতে। দেখি—”

বলিলাম—“যা কর নিজেই কোরো,—সম্প্রদীক নয়—”

অমর। কেন?

বলিলাম—“পূরুষে ‘লোহার ভীম’ হলে দুষ্কর নেই, কিন্তু “ভীমা” নামের পুরুষকরিণীও ভয়ঙ্কর। ‘লৌহ-কুসুম’টা আকাশ-কুসুম থাকাই ভাল।”

অমর। কোন কাজের কথাই তোমার সঙ্গে হবার যো নেই।

বলিলাম—“এবারটা থাক বন্ধু!”

মাতুল সহসা—“উঃ—এ ঘাড়ভাঙ্গা গাছগুলো কি গাছ মশাই? যেমন দেশ তার গাছও তেমনি,” বলিয়া উঠিলেন।

বলিলাম—“যোজনগন্ধা,—বড় মিঠে গন্ধ।”

মাতুল বিরক্তি ও বিদ্রূপব্যঞ্জক স্বরে বলিলেন—“আজ্ঞে হ্যাঁ, হৃদ্যমানে শৃঙ্খলে বলে শ্রীরামচন্দ্রের সৃষ্টি বৃদ্ধি। আহা, কৃতজ্ঞতার পরাকাষ্ঠা বটে। দশরথের ওই ছেলটিই মানুষের মত ছেলে ছিলেন কি না।”

বলিলাম—“হঠাৎ এ ভাব যে এল?”

মাতুল। মানুষকে ফুলের সৌরভ উপভোগ করতে হলে, আগে একখান

এয়ারোপ্লেন্ কিস্তে হয় ! ওই আপদে গাছের আগাটা দেখতে গিয়ে, ঘাড়টায় এমন খট্কা লেগে গেল ! বেশ আম জাম কাঁটাল চলছিল, কোথেকে মাঝখানে পাঁচপাঁচটা—কি বস্তু—‘ভোজনরস্তু’ ?—হুন্মানে-থেগো নাম বটে !”

শুনিয়া আমি ত অবাক । ভগবানের কাণ্ড দেখিয়া হাসি আর চাপিতে পারি না । চিরদিনই লক্ষ করিতেছি, যেখানেই যাই—আমার ভাগ্যে লোক জোটান ভাল ! চীনযাত্রায় এক চাড়ুযো জুটিয়াছিলেন ।

হঠাৎ তিনি একদিন বলিয়া বসিলেন—“সেই গোপালকুন্ডুর গল্পটা বলতেই হবে !” আমি ত কিছতেই স্মরণ করিতে পারিলাম না,—কোন গোপালকুন্ডুর উল্লেখ কবে করিয়াছি । অনেক জেরা করিয়া বুঝিলাম, জাহাজ-যাত্রার প্রথম দিন অনেকের মনে অনেক ভাবতরঙ্গ উঠিয়াছিল । সেই সময় কপালকুন্ডলার কথাও শুনে, এবং “কপালকুন্ডলাই” চাড়ুযোর কাছে “গোপালকুন্ডু” দাঁড়াইয়াছে ! প্রাচীন শিলালিপি উদ্ধার অপেক্ষা এ কাজটি কঠিন ছিল কি না তাহার বিচার পিণ্ডতেরা করিবেন,—আমি আত্মহত্যা করিতে নারাজ ।

আজ যোজনগন্থাকে এত অল্প সময়ের মধ্যে “ভোজন-রস্তু”র রূপান্তরিত করিতে দেখিয়া ভাবিতে লাগিলাম—কে বড় ! চাড়ুযো না মাতুল !”

বলিলাম—“কেন মাতুল,—গাছের ওপর এত গরম হলেন কেন ?”

মাতুল স্নানমুখে বলিলেন—“কি কৃষ্ণগেই যাত্রা করেছিলাম,—গলাটা ত’ যেতেই বসেছিল,—এ’রা একেবারে গরদান্ নিলেন ! আপদ চুকে গেল—”

বুঝিলাম, মাতুলের ঘাড়ে মক্ষম্ লাগিয়াছে ।

তিনি নিজেই বলিয়া চলিলেন—“এ সব কি গাছ, না মানুষ্যমাত্রা কল ! এখানে একটা Health officer-ও নেই ! এর জড় মেরে দেওয়া উচিত !”

মাতুলের বেশ তোয়াজের শরীর,—দেখিয়াই সেটা বুঝিয়াছিলাম । দেহের উপর ষোলআনা দৃষ্টি রাখেন, তাই পরিবারের অসুখটা বড়ই ভাবনার কারণ হইয়াছে । যাহা হউক, বলিলাম—“এটা যে Nonregulated পরগনা—আইনের বড় একটা অটি নেই !”

মাতুল । তা বুঝতে পেরেছি,—তা না ত’ আর এইসব তাড়কার মত সৃষ্টি-ছাড়া গাছ খাড়া করে রেখেছে । রাখতে হয়—আশুখানা করে বাদ দে না বাবা ;—আর রাখাই বা কেন ! এ কি একটা জামগা মশাই,—পছন্দ দেখুন না,—যা পেয়েছে পুতেই চলেছে ! বাংলা দেশের মত দেশ আছে মশাই,—সব পঙ্কতি-দূরস্ত ।—



এই রায়েদের শিব-মন্দির, গায়েই বিলেতী কেষ্ঠচুড়ো, পরেই আমলকী, তার পর কদম,—পাশেই কামিনী-বধুমী বেগুনী ভাজচে, ধারেই নিমগাছ তার পর বকুল ;—তলাতেই পলটুর পানের দোকান ;—এক দোনা নিন—জরদা আর পানের বোঁটায় চুন চাইতে হয় না । তার পর গলিতে পা দিয়েই—ফুস্ করে বাড়ী ঢুকে পড়ুন,—হাস্-না-হেনা ভর-ভর করে গন্ধ ছড়াচ্ছে ;—বলুন ?

বলিলাম—“আহা, কি শুনালে মামা । ও-ছেড়ে স্বৰ্গও চাই না ।” এই বলিয়া হাত জোড় করিয়া কপালে ঠেকাইয়া বলিলাম :—

“নমো নমো নমঃ, সুন্দরী মম জননী জন্মভূমি !

গঙ্গার তীর স্নিগ্ধ সমীর জীবন জুড়ালে তুমি !

অবারিত মাঠ, গগন-ললাট চুমে তব পদ-খুলি,

ছায়া-সুদৃশিবিড় শাস্তির নীড় ছোট ছোট গ্রামগুদলি ।

পল্লব-ঘন আশ্র-কানন, রাখালের খেলা-গেহ,

সুখ অতল দীর্ঘ কালো জল, নিশীথ-শীতল স্নেহ ।

\* \* \* দ্বিতীয় প্রহরে প্রবেশিন্দু নিজ গ্রামে ।

কুমারের বাড়ি দক্ষিণে ছাড়ি রথতলা করি বামে ।

রাখি হাটেখেলা নন্দীর গোলা, মন্দির করি পাছে ।”

মাতুলের আর অধিক শুনবার সহিষ্ণুতা রহিল না, চোখমুখ উৎফুল্ল হইয়া উঠিল ; বাধা দিয়া উত্তেজিত স্বরে বলিলেন—“ইয়া ঈশ্বরগুপ্ত না হলে এ কথা আর কে বলে, —কেমন, তিনিই ত’ ?”

বলিলাম “আর কার সাধ্য ।”

মাতুল । হুঁ, হুঁ, আর একবার বলুন ত’ ।

আবার আবৃত্তি করিলাম । শুনিয়া বিমুগ্ধ মাতুল বলিলেন—“সে-সব কবি আর জন্মাবে না ।”

বলিলাম—“রামঃ—আর জন্মায় !”

মাতুলটি আগেকার বনেদী-বংশাবতংস, তাই পুরাতনের মত পক্ষপাতী । এ-সব ভুলচুক ভাঙ্গিয়া দিয়া তাঁহাকে ক্ষম করা ভিন্ন অন্য কোন লাভ নাই ।

কথায় কথায় কাস্-টেনার টাউনের ( Carstairs town-এর ) কেজোপটীতে আসিয়া পড়িয়াছিলাম । অনবরত ঢং ঢং শব্দে অস্থির করিয়া দিল ।

অমর আমার হাত ধরিয়া সেই দিকেই টানিয়া লইয়া চলিল, বলিল—“দেখবে এস,

এখানকার পেটা-লোহার জিনিস প্রসিদ্ধ। এরা লোহা পিটে পিটে বড় বড় কড়া, পরাত, কলসী, চাটু প্রভৃতি কি সুন্দর ত'য়ের করে ; কিনলে সাত-পদ্রুঘ কেটে যায় ; এ ঢালায়ের জিনিস নয় যে, পড়লেই পাঁচ টুকরো ! সস্তাও বেশ।”

দেখিয়া আশ্চর্য হইলাম বটে। আধ মোণ লোহার তাল হাতের জোরে টিপিয়া বড় বড় কটাহ বা পরাতে পরিণত করা, অর্থাৎ হাজার লোকের খোরাকের খপ্পোর ষানানো, অসুদের শক্তিসাপেক্ষ। ছোট বড় সব সাইজ্‌ই পাওয়া যায়। কিন্তু যে কারণে খন্দর ভন্দর বাঙ্গালীর কাছে আজও কদর পায় নাই, ইহারাও সেই কারণেই অভদ্রের কোটায় পড়িয়া আছে ; যেহেতু সৌখীন সৌষ্ঠবের নহে ও ভারি,—তাই বাবুদের বাড়ী প্রবেশ নিষেধ। অন্যান্য প্রদেশে ইহাদের আদর যথেষ্ট, বিশেষ করিয়া ধনী রহিসুদের বাড়ী।

অমর বাবু নয়, সে একথানা মাঝারি কড়া কিনিয়া ফেলিল। কন্যাপক্ষ চিরদিনই অধমর্ণ, মাতুল তাই তাড়াতাড়ি সেখানি বহন করিবার ভার লইতে অগ্রসর হইলেন। অমর দিল না।

আমার পরাত লইবার বরাত নয়, মাটির সরায় শেষ দিন কয়টা সরাইয়া দিতে পারিব। আমি ভাবিতে লাগিলাম এই কর্মকারদের ভীম-শ্রমের কথা। এই শীতের দিনে, ঘমস্তি কলেবরে উদয়াস্ত এই পেটাপিটির পর—‘আধ-পেটা’য় সংসার-পালন !

কিছুক্ষণ পূর্বে একটি বাগিচায় ইন্দারা-খনন-কার্য দেখিয়া আসিয়াছি। মাটি কাটিয়া নয়,—পাথর কাটিয়া। তিন হাত মৃত্তিকা খননের পরই—পাষাণ-পিট্ দেখা দিয়াছে। ইহারই অস্ততঃ ৩০ ফিট্ কাটিতে হইবে। এক বৎসরে প্রায় পাঁচ ফিটে পৌঁছান হইয়াছে। কাজ হাড়ভাঙ্গা, পাওনা আধপেটা।

ভারতে ইতর-সাধারণের মধ্যে বিশেষতঃ গরীব শ্রমিকদের মধ্যে পাপের ভয়, ভগবানের নির্ভর, ইজ্জৎ-জ্ঞান এবং সংসার আছে,—তাই ইহাদের জেলের বাহিরে দেখিতে পাই।

মাতুল বলিয়া উঠিলেন—“ও-মশাই, এখানেও যে ‘মোডিকেল্ হল্’ হোমিওপ্যাথ, বৈদ্য, সবই বিদ্যমান। তবে আর আমাদের কল্‌কেতা কসদুরটা করলে কি ! গোরোয় টেনে এনেছে দেখাঁচি,—বালা জোড়াটা যাবে কি না।”

বলিলাম—“অসুখবিসুখ আর কোথায় নেই মাতুল ; তবে এসব স্বাস্থ্যকর স্থান—এখানে কম। ‘ষদি’র উপায়ও ত’ রাখতে হয়।”

মাতুল বলিলেন—“কি বলচেন মশাই, এঁরা ত’ আর এখানে দল বেঁধে আর ঘর

বেঁধে, উপোস করতে আসেন নি। এই কি ‘যদি’র আয়োজন! আবার “রাজ-বৈদ্য”টা কি মশাই? যেমন যক্ষ্মা—রাজ-যক্ষ্মা, মক্কা—পাটনেয়ে-মক্কা?”

বলিলাম—“রাজ-বৈদ্য” নামটি বোধ করি গৌরবান্বিত, অর্থাৎ—বৈদ্যের মধ্যে ওঁরা বোধহয় M. D. ( London ) রাজাদের সঙ্গে সম্পর্কে নামে মাত্র। বুদ্ধে-পিঠে রাজ-বৈদ্য দেখাচি,—এত রাজা-ই বা কোথায়?

মাতুল আশ্চর্য হইয়া বলিলেন—“আপনি বলেন কি মশাই, খবরের কাগজ দেখেন না বন্ধু। ‘বাণিজ্য-নিপাত’ সমাচার আমি আজ বিশ বৎসর পেয়ে আসছি, এবং স্বচক্ষে দেখেও আসছি। তাতে দেখেছি—গরীবেরা বেশ নিয়মিত ভাবে মরচে আর কমচে; আর রাজা মহারাজা বচরে দু’তিন বার জন্মাচ্ছেন। এ হারে জন্মালে, দিনকতক পরে এই গরীবের দেশটা—রাজার দেশে দাঁড়িয়ে যাবে; সঙ্গে সঙ্গে সব দুঃখের অবসান! এখন থেকে রাজ-বৈদ্য ত’য়ের না থাকলে—তখন ‘ম্যাও’ ধরবে কে?”

বলিলাম—“আপনার অনুমান অকাটা বটে। মাথাটি মালগুদাম—”

কথা শেষ হইবার পূর্বেই মাতুল ব্যস্ত হইয়া বলিলেন—“একটু দাঁড়ান—এক-পো. রাবড়ী নিরে নি। এই দোকানটা দেখে রাখুন—তোফা ত’য়ের করে।”

অন্য চর্যার সন্যোগ হইল না, ভিন্ন পথে যে যাহার বাসায় ফিরিতে হইল। অমরকে বলিলাম—“সকালে আসচো ত’?”

মাতুল বলিলেন—“ভাববেন না—আমি নিজেই পৌঁছে দেব।”

## ১৮

শ্রীমান অর্ধপথেই “কাজ আছে” বলিয়া জয়হরির সহ ফিরিয়াছিল। পৌঁছিয়া দেখি—জয়হরির খুব মনোযোগের সহিত এককাসী লস্কা-ফোড়ন দেওয়া কড়াইশুটি ভাজা চর্ষণ করিতেছে। আমি উপস্থিত হইতেই শ্রীমানের দিকে চাহিয়া, খুব উৎসাহের সহিত বলিল—“এইবার সব এনে ফেলুন।”

অর্থ-টা অচিরে আত্মপ্রকাশ করিল,—কড়াইশুটি-ভাজা, কচুরী, পাস্তুরা আর চা উপস্থিত হইল।

জয়হরির আমার দিকে তাকাইয়া বলিল—“আপনি না থাকায় এতক্ষণ চুপ করে বসে থাকতে হয়েছে।”

অর্থাৎ ‘তঁার চুপ করে না থাকারটা’ এইবার আরম্ভ হইবে ।

চাঁয়ের অনুরোধে তাড়াতাড়ি হাত-মুখ ধুইয়া যোগ দিলাম । দেখি দোরের কাছে সেই পলাতক কুকুরটা উঁকি মারিতেছে ।

শ্রীমানকে বলিলাম—“এই যে—ও এল কখন ?”

শ্রীমান বলিল—“ওর ডাক শুনতে পেয়েই ত’ ফিরেছিলদুম । দেখি, খাওয়া নদীর ধারে কেঁদে কেঁদে ফিরচে ।”

বলিলাম—“আজকের ব্যবস্থা কি করবে ? নয় এটি নয় ওটি, একটিকে ধর্মশালায় পাঠান চাই ।”

শ্রীমান হাসিয়া বলিল—“বাবা বলেচেন—তঁার ঘরেই থাকবে ।”

জয়হরির এ প্রসঙ্গে কণপাতও করিল না—“উঃ—আস্তো একটা লঙ্কা চাঁবিয়ে ফেলেছি” বলিয়া দুইটা পাস্তুরা একত্রেই গালে ফেলিল ।

আহারের আয়োজন পদ্য পদ্য প্রমোদন পাইতে বা চাঁড়িতে লাগিল । বিপ্রদাস বাবুর “পাকপ্রণালী” পাঠের ছাড়িয়া পাকশালায় পৌঁছিয়া পরিপাকের পথ মারবার চেষ্টা পাইতে লাগিল । রাতে ফুলকো লুচি, বেগুনভাজা,—একত্র-সংমিশ্রণে আলু কপি কড়াইশুটি ভাজা, গলদা-চিংড়ির কালিয়া, রোহিতের কোরমা, পাঁপের প্রভৃতি ; এবং কমলা ও বাতাবির রস-কোষ সম্মিলনে—শ্বেত-পাথরের রেকাবী আলো-করা চাটনি ; কাগজিলেবুর রস-সিক্ত লবণ-সংযুক্ত আদার সুদ্রবৎ ফালি ; খেজুর-গুড়ের সর্জির পায়স, হালদা, রসগোল্লা, ইত্যাদি ।

দেখি ভিতরটা নিরেট হইয়া গিয়াছে ;—সিগারেটের ধূম টাগরার ওপারে প্রবেশ-পথ পায় না । যাক্, ওটা তেমন মারাত্মক নয় ; এখন নিদ্রার প্রয়োজন, কিন্তু শিয়রে শয়ন ।

শ্রীমানকে জিজ্ঞাসা করিলাম—“নিম্নটে ভাল ডাক্তার আছেন কি ?”

শ্রীমান উৎকণ্ঠিত ভাবে জিজ্ঞাসা করিল—“কেন—ডাক্তার কেন ?”

বলিলাম—“তা হলে একটা ‘মফি’য়া ইন্জেক্‌সন্” নিয়ে শুন । ভগবান কুকুরটার ত’ কিনারা করে দিলেন, এখন—”

শ্রীমান কেবল হাসে । একের বিপদে অন্যের যে কি করিয়া হাসি আসে, তাহা বদ্বিতে পারি না ।

জয়হরির আশ্বাস দিয়া বলিল—“আজ অসাড়ে ঘুম হবে মশাই ।”

জিজ্ঞাসা করিলাম—“কার ?”

জয়হরির বেশ সহজভাবেই বলিল, তাহার নিজের !

বলিলাম—“সে সম্বন্ধে ত’ কাহারো সন্দেহ উপস্থিত হয় নি । গত রাত্রে নিদ্রাটা কি তবে ভাল হয় নাই ?”

জয়হরির বলিল—“তা আমি ত’ বুঝতে পারি নি ; বলচেন—‘নাক ডেকেছিল’ ; আজ আর তার ফাঁক নেই, তাই বলছি ।”

হাসিবার কথা হইলেও, আমি কিন্তু শুনিয়া একটু আশ্বস্ত হইলাম ; কারণ নিদ্রা সম্বন্ধে জয়হরির জানাশোনা অধিক কথাই সম্ভব ।

যাহা হউক,—কাজে,—আসার অর্ধেক ফলও পাই নাই । স্মরণ আছে, এগার বার শেষ একটা পর্যন্ত বাজিতে শুনিয়াছিলাম । তাহার পর একটা অশ্রুতপূর্ব ঘটনা ঘটিল । নাসিকানগরীর একটা দম্কা ধাক্কা মোটরের বিকট ওয়ার্নিং-এর (warning-এর) মত সহসা শুনিয়া উঠিবার পরক্ষণেই জয়হরির জাগ্রতের মতই জোর গলায় বলিয়া উঠিল—“কে ডাকে ?”

বলিলাম, তাহারই নাকের আওয়াজটা তাহার নিজের কানে ঢুকিয়া এই বিভ্রম ঘটাইয়াছে ! বলিলাম—“কেউ নয় । তুমি ঘুমোও !” বলাটা অবশ্য বাহুল্য ছিল ।

অবাক হইয়া অনামনস্কভাবে কিছুক্ষণ এই অভিনব ব্যাপারটা ভাবিতে ভাবিতে ঘুমাইয়া পড়িলাম ।

## ১৯

সূর্যোদয়ের ঠিক পূর্বেই একপশ্চাৎ বৃষ্টি হইয়া গেল,—উঠিয়া পড়িলাম । বাহিরে আসিয়া দেখি—সদ্যন্তাত প্রকৃতি যেন পত্র-পুষ্প-দুবাদির ডালা সাজাইয়া অরুণ-পূজার জন্য প্রস্তুত ! মৃদুমন্দ সমীরণ-সংঘাতে শাখা-পল্লব ব্যজনরম্ভ করিয়াছে,—পাখীদের কণ্ঠে আবাহন-গীতি । কি সুন্দর স্বচ্ছ প্রভাত !

সহসা একটি দোয়েলের কণ্ঠস্বর শুনিয়া চাহিয়া দেখি, অব্যবহার্য খেতাবের মত মিথ্যা অনেকটা জায়গা-ঘোড়া বাড়ীর প্রকাণ্ড প্রাক্ষণটির দূরপ্রান্তে, একটি কুলগাছে বসিয়া সে তাহার শ্রেষ্ঠ সম্বল ভগবানকে নিবেদন করিতেছে ।

বিষয়ী লোক মাঠেই “আয়” রাখিয়া কাজ করেন । কাবুলীরা কতটা বিষয়ী তাহা জানি না ; তাহারাও দেখি, পাঁচগজের পরিবর্তে—পঞ্চাশ গজের পাজামা বানায় ! এ বাড়ীটির নিমাতাও সে সম্বন্ধে ভুল করেন নাই—খুব সজাগ ছিলেন । উঠানটি চার-

পাঁচ কাঠার কম হইবে না,—প্রাচীর দিয়া আঁটা। তিনটি কুলগাছ তাহার প্রায় অর্ধেকটা অধিকার করিয়াছে। এতবড় কুলগাছ ও তাহাতে কুলের এত প্রাচুর্য, বাস্তবিকই দর্শনীয় দৃশ্য! মাঘ মাসের পরিণত-বয়স্ক সুন্দর সদ্য-দ্ব্যত অসংখ্য কুলের উপর প্রাতঃকালের স্নিগ্ধোজ্জ্বল সূর্য্যরশ্মির পালিস এক বিচিত্র সৌন্দর্য সৃষ্টি করিয়াছে। নীচে আশে-পাশে সবুজ লাল হলুদে ফলে—দলে দলে লক্ষাগাছ হাজির। এই সামান্য সম্বলেই তাহারা অনেক পাখী জড় করিয়া ফেলিয়াছে ও তাহাদের গান শুনিতেছে। আমিও তাহা উপভোগ করিতে লাগিলাম।

হঠাৎ নজরে পড়িল—বাড়ীটির আগম-নির্গমের পাঁচটি পথ। মানে কি? কোন অজানা তান্ত্রিয়া-ভীল থাকিতেন না ত? বাড়ীটি পুরাতনও বটে।

আমার সৌন্দর্য উপভোগের আরামটা সহসা সরিয়া গেল। কালধর্ম বেশ মনে হইল—“নজরের” জিনিস নয় ত—সঙ্গে আবার ছ’ফুট্ ছন্দের জয়হরি!

অন্যমনস্ক হইয়া ইতিকতব্য ভাবিতেছি, এমন সময় কর্তার আওয়াজ পাইলাম, তিনি বলিতেছেন,—“এত ভোরে উঠে পড়েছেন যে,—ঘুম হয় নি বন্ধি?”

বলিলাম—“না, ঘণ্টা দুই ঘুমিয়ে নিয়োছি, ওইতেই আমার যথেষ্ট হয়। এখানকার প্রভাত বড় মনোরম, না উঠলে সেটা জানতেই পারতুম না। বাল্যকালে কুলগাছের সঙ্গে কম পরিচয় ছিল না, কিন্তু তার যে এত সৌন্দর্য, তখন সেটা লক্ষ্যই করি নি। শুনোছি, কাশীধামে সকল তীর্থ-ই বর্তমান, বৈদ্যনাথধামেও এইটি বোধ হয় “বদরিকাশ্রম”। ধন্য আপনি ও আপনার ভাগ্য!”

তিনি বলিলেন,—“ধন্য বই কি। তবে বৈকালে দেখলে আপনাকে ঐ ‘বোধ হয়’, টুকু বাদ দিতে হবে, তখন আর সন্দেহ থাকবে না। সেই জন্যই ত’ এ বাড়ীর ওপর সকলের এত টান।”

বলিলাম,—“অলৌকিক কিছুর আছে না কি।”

তিনি বলিলেন, “আমি ত’ অলৌকিকই ভাবি। বিশ্বাসই ধর্মের মূল,—আপনি কি ভাববেন জানি না। আপনি ত’ জানেন—ফিট্, অজীর্ণ, আর অম্বল—এই তিন সম্বলে বাঙ্গালীর সংসার। সোনার গহনা আর সোনালী-মোড়া জরদা সংযোগে—“সোনার সংসার”ও বলতে পারেন। পূর্বেই বলেছি—অম্বলে বড়ই কাতর থাকেন। আহারাশ্বেই ও রোগটার বন্ধি। তখন কুলতলায় মাদুর পেতে ‘হত্যা’ দেন। সঙ্গে সঙ্গেই ফললাভ! ফল—আকাশপথে টুপটাচ্ চলে আসে। ভুগে-ভুগে লোক রোজা হয়ে দাঁড়ায়;—অনুপান ও’দের জানাই আছে—লবণ সঙ্গেই থাকে, আর হাত বাড়ালেই

লক্ষা ! শাস্ত্রীয় সংখ্যা—১০৮ পুরো হলেই বেশ চাক্ষুষ হয়ে ওঠেন । আশ্চর্য মহিমা,  
—অলৌকিক নয় কি ?”

বলিলাম,—“নিশ্চয়ই, হিঁদুর সাধ্য কি যে সন্দেহ করে ! আচ্ছা,—আর একটা জিনিস চোখে পোড়ল, সেটাও ঠিক বদ্বাতে পারি নি । পঞ্চমুখী রত্নদ্রাক্ষই দেখেছি, আর পঞ্চানন—পঞ্চপাণ্ডব এঁরা ছিলেন শুনোছি, এমন পঞ্চমুখী বাড়ী ত’ কখন দেখি নি ! এতেও অলৌকিক কিছন্ন আছে না কি !”

কর্তা হাসিয়া বলিলেন,—“একটু আছে বইকি ! সংক্ষেপেই বলি,—আগে সদর আর খিড়কী মাঠই ছিল । এক ভদ্রলোক ভাড়াটে এই বাড়ীতে কিছন্ন দিন থাকেন । তাঁর ছিল দুই বিবাহ,—দুই স্ত্রীই সঙ্গে ছিলেন । তাই স্নেহ-শাস্তির আতিশয্যে তিনি আত্মরক্ষার্থেই আর তিনটি দোর নিজের ব্যয়েই বানান । শাস্তির চরম অবস্থার তাড়সে,—যে ফাঁকটা সামনে পেতেন সেইটে দিয়েই ছুটে পালাতেন । শুনতে পাই, কারো কারো কাছে তিনি দ্বন্দ্ব করে বসেছিলেন,—কোন জিনিসই নিরবচ্ছিন্ন স্নেহের নয় মশাই ; এত’ ভাবি এ বাড়ীতে আর ঢুকব না,—ঘণ্টাটিনেক পথে পথে ঘুরে, শেষে দেখি, একটা না একটা দোর দিয়ে এই শাস্তি-কুটীরেই ঢুকে পড়েছি ! পৃথিবীতে গোল হয়েই যত গোল বাঁধিয়েছে !”

বলিলাম,—“ভাগ্যে বুদ্ধদেব এটা দেখতে পাননি, তা হলে বোধহয় দেহত্যাগই করে বসতেন । যা হ’ক, বাঙ্গলার ইতিহাসের এইরূপ কত খাঁটি উপকরণই এখনো অনাবিষ্কৃত অবস্থায়, কত স্থানেই আত্মগোপন করে রয়েছে । শক্তিমান সরকার মশাই মোগল-পাঠান নিয়েই রইলেন,—ঘর সামলায় কে ?”

জয়হরির চাঁৎকারে প্রসঙ্গটা থামিয়া গেল । সে বৃষ্টির সংবাদ রাখে নাই, উঠিয়াই আশ্চর্য হইয়া ডাকিয়া বলিতেছে,—“একবার দেখুন মশাই—কী হিমটাই পড়েছে !—রাস্তায় জল দাঁড়িয়ে গেছে । এসব দেশ স্বাস্থ্যকর হবে না ।—দেখুন না, এর মধ্যেই বেশ চন্‌চনে—” ( বলিতে বলিতে দুইবার পেট্‌ চাপড়াইয়াই কর্তাকে দেখিতে পাইয়া সলজ্জ হাস্যে থামিয়া পড়িল । )

কর্তা হো হো করিয়া হাসিয়া বলিলেন,—“আমি ত’ তা-ই চাই ; আপনারা মৃদু-হাত ধুতে ধুতে চা আর হালদ্রা হয়ে যাচ্ছে ।”

আমি বিরজিতা সামলাইয়া বলিলাম,—“ক’দিন এসেছি—এখনো বৈদ্যনাথ দর্শন করি নি ; আজ শুক্রবার—বাবাকে দর্শন করবার প্রশস্ত দিন, শীগ্‌গির কাজ সেরে চলো, দর্শন করে আসি—”

জয়হরি রান্নাঘরের দিকে চাহিয়া বলিল,—“হ্যাঁ, সেই ভাল,—ঐ ধোঁওয়া দেখা দিয়ে  
দিয়েছে—কতক্ষণই বা লাগবে,—চা আর হালদুয়া বই ত’ নয়—”

কর্তা তাড়াতাড়ি বলিলেন,—“একটু দৌর করলে খানকতক গরম গরম ডালপদ্দুরি  
হয়ে যেতে পারে, ডাল ভিজানোই আছে, বেঁটে নিতে যা’ দৌর,—কি বল?”

“ভিজানো থাকলে আর কতক্ষণ—” বলিয়া জয়হরি উৎফুল্ল নেত্রে আমার দিকে  
তাকাইল ।

সে অবস্থায় মানুষকে হতাশ বা ক্ষুব্ধ করবার সাজা নিজেকেই ভোগ করিতে হয়,  
‘এবং সে মন লইয়া দেবদর্শন করা অপেক্ষা না-করাই ভাল,—এই ভাবিয়া সহজভাবেই  
তাহাকে বলিলাম,—“আমার কোন আপত্তিই ছিল না, কিন্তু এত বড় পীঠস্থানে এসে  
কেন আর অনিয়মটা করা ! সব প্রস্তুতই থাকবে, দর্শন করে এসে খেলে দেখবে কত  
বেশী তৃপ্তি হয় । এক পো পথও নয়, রাস্তায় পা দিলেই মন্দির দেখা যায়,—ঘণ্টা-  
খানেকের মধ্যে ফিরে আসা যাবে ।”

বাধাটা সে আশাই করে নাই, তাই একটু অবাক হইয়া শেষে বলিল,—“তা আচ্ছা  
—তবে—, কিন্তু ঐ যে বললেন—‘এক-পো পথও নয়,’ আর তার কারণ দেখালেন,  
“পথে পা দিলেই মন্দির দেখা যায়”,—ওটা আপনার চোখ দিয়ে মাপা “পো”; কিন্তু  
চোখ দিয়ে ত’ হাঁটা চলবে না । পাহাড়ী জায়গায় অমন দেখায় ; তার মাপ কিন্তু  
আলাদা । আপনাকে কখনও কুকুরে কামড়াননি বদ্বি ? আমাকে মশাই সরকারদের  
বেঁড়ে তেড়ে এসে কামড়ে দ’টি সন্নিবিধে করে দিছিল । বাড়ীসুদ্ধ সবাই সেধে সেধে ঘি  
খেতে দিত,—লুচি হালদুয়া তিন চারবার পেতুম । এখন একবারও কেউ পোছে না ;  
—বেঁড়েটাও মরে গেছে । তার পর সরকারের পয়সায় কসৌলী গিয়ে পাহাড়ী মাপ  
শেখাও হল । দেখতুম, সিমলের পাহাড়ে ইলেকট্রিক্ আলো জ্বলছে ; বোধ হত যেন  
ও-পাড়ার মিস্ত্রিরদের বাড়ী—বড় জোর দশ মিনিটের পথ । পরে জানলুম—হেঁটে  
পেঁছতে পাহাড়ীদেরও পুরো দ’দিন লাগে । যাক্—বেঁড়ে বেঁছে থাকলে আপনিও  
দেখে আসতে পারতেন—তা চলুন, একটা লাঠান্ কিন্তু নেওয়া চাই ।”

ভাবিলাম, জয়হারি বদ্বি রহস্য করিতেছে । কিন্তু গৃহস্বামীর দিকে চাহিয়া সে  
শব্দ বলিল,—“ফেউয়ের ডাক যদি শুনতে পান ত’ ডালপদ্দুরিগুলো আর মিচে রাখবেন  
না,—খেয়ে ফেলবেন”, তখন তাহার মৃদুত্বের কাতর ভাব দেখিয়া আর সে সন্দেহের  
অবকাশ রহিল না । বোধ হইল সত্যি তাহাকে যেন ‘দুর্গা’ বলিয়া খুলিয়া পড়িবার



পথে টানা হইতেছে। মনে মনে দেব-দর্শনের আশা ত্যাগ করিলাম—ভাবিলাম—দেবতা অন্তর্যামী!—তিনি নিশ্চয়ই আমার অবস্থা জানিতে পরিতোছেন।

কর্তা কিন্তু জয়হরির ডালপুড়ির সম্বন্ধে শেষ ব্যবস্থা শুনিয়া হাসি চাপিতে পারিলেন না। তিনি খুব হিসেবী লোক,—উকীলের আবাহাওয়ার তাঁর বাস,—জয়হরিকে যথেষ্ট আশ্বাস ও অভয় দিয়া, এবং আমার অবস্থাটাও অনুমান করিয়া লইয়া, দ্বৈদিক রক্ষা হয় এমন একটা মীমাংসা করিয়া দিলেন।

আমি এক ঘণ্টার মধ্যে ফিরিয়া আসিবার আশ্বাস ইতিপূর্বে জয়হরিকে দিয়াছিলাম। তিনি সেই সূত্র টানিয়া একটু লম্বা করিয়া বলিলেন—“জয়হরিবাবু এক ঘণ্টার স্থলে দেড় ঘণ্টা পর্যন্ত দেব-দর্শনার্থ দিতে পারেন। দেড় ঘণ্টা উত্তীর্ণ হইলে তিনি যেখানেই থাকুন, অসঙ্কেচে সরাসর বাসায় ফিরিয়া আসিবেন, তখন কিন্তু আপনার কোন কথা চলবে না।”

আমি আর বিরুদ্ধি না করিয়া ঢালা সম্মতি দিলাম, এবং মিনিট পনরো মধ্যে প্রস্তুত হইয়া নগ্ন-পদে ‘শ্রীদুর্গা’ বলিলাম।

শ্রীমান স্ব-ইচ্ছায় সঙ্গী হইল—যেহেতু আমাদের কিছুই জানা-শুনা নাই, পাণ্ডারা নানা প্রকার বাজে ( item ) ‘বাব্’? উল্লেখ করিয়া পয়সা ঠকাইয়া লইবে। শ্রীমান বাজের যেমন বিরোধী, ঠাকিতেও তেমনি নারাজ।

## ২০

তখন রাস্তায় বাহির হইয়া পড়িয়াছি। এ রাস্তাটি দেওঘরের বায়ু-সেবনার্থীদের জন্য নয়; ইহার দুইধারই দোকান আর মোকাম দিয়া আঁটা, বাতাস বাধা পায়—সুতরাং স্বাস্থ্য শিকারিব বেকাম। দৃশ্যটাও romantic—রম্য নয়।

কাপড়, জামা, বাসন, আসন, ছড়ি, ঘড়ি, ছাতা, চুড়ি, চশমা, সোডা, লিমন্, পান, বিড়ি, সিগার, এসেন্স, সোপ, স্নগন্ধী, মনিহারের বিবিধ বিলাস-সম্ভার; আবার রাবড়ী, লাডু, দধি, পেঁড়া—ইত্যাদি ইত্যাদির সমাবেশ। উপরন্তু—চায়ের দোকান;—অলমতি বিস্তরেন। কাশীর দশাম্বেশ হইতে বিশ্বনাথের গলির খসড়া বা rough sketch বলা চলে।

যাক,—খুঁটিনাটি চলিবে না, বেশী সময় নাই;—ডালপুড়ির পায়দার মত পিছদ

লইয়াছে ও তাড়া দিতেছে। ঘড়ি জয়হরির দখলে, কেবল কোন একটি অনিশ্চিত আশঙ্কায়, তাহার অজ্ঞাতে ঘড়ির চারিটি বাসায় রাখিয়া আসিতে বাধ্য হইয়াছি।

শ্রীমান আমাদের গাইড-রূপে এটা ওটা দেখাইতে দেখাইতে চলিয়াছিল। খুব উৎসাহের সহিত কয়েকটি মনিহারীর দোকান দেখাইয়া বলিল,—“এসব বাঙ্গালীর।”

ভদ্র বাঙ্গালী যুবকদের মনিহারী দোকান করাটা ধাতে সয় ভাল ; কারণ, তাহাতে ত্যাগ স্বীকারের বালাই নাই বলিলেই হয় ; দোকান সাজানো আর নিজে সাজা দই-ই চলে ;—নাড়াচাড়া কেবল—ঝক্‌ঝকে চক্‌চকে সুগন্ধী আর শৌখিন জিনিস। খরচের মধ্যে—মিষ্ট কথা আর হাসি মৃদু, বড় জোর সিগারেট সেবন। খাতায় আঁক পাড়িতে হয় না।

এ ছাড়া এখানে বাঙ্গালীর আরো ব্যবসা আছে,—গোলাপবাগ (Rosary), মেডিকেল-হল, ডিস্পেন্সারি, Newspaper Agency। ইহার কোনটিতেই কাহাকেও কৌলীনী খোয়াইতে হয় না। আমদানী, রপ্তানীর কাজ যথানিয়ম মাড়োয়ারীরাই করিতেছেন।

শ্রীমান বলিলেন—“এক পয়সার বাতাসা, এক পয়সার ফুল আর দু’জনে দু’পয়সা দক্ষিণা দিলেই হবে,—‘রেট্’ খারাপ করবেন না।”

বুঝিলাম—সঙ্গে খুব কড়া হাকিম ; অপরাধের জন্য রাস্তা রাখা চাই ! বলিলাম—“ও সম্বন্ধে আর কথা আছে,—দেবতার স্থানে রেট্‌ খারাপ ! তবে, দেশের অর্শিক্ষিত মেয়েদের মৃদুখন্দমী এড়ানো কঠিন হয়ে পড়ে,—তাদের মানসিকগুণলোই মৃদুশকিল বাধ্য ;—আবার দেবতারাও নাকি অন্তর্যামী। সুতরাং...”

শ্রীমান অসময়ে সাবধান করেন নাই, সম্মুখেই দেখি—মন্দিরপ্রাঙ্গণে প্রবেশের সু-উচ্চ সিংহদ্বার,—চারিদিকে প্রস্তর-প্রাকার। দেখিলেই একটা বড় কিছুর আভাস দেয় ! প্রবেশ করিতেই—সুবৃহৎ প্রাঙ্গণ দর্শনে প্রাণে একটা স্বস্তি অনুভব করিলাম।

অনেক ক্ষেত্রেই দেখিতে পাই, দেবতাকে তাঁহার বিশ্ব হইতে বে-দখল করিয়া এক নিভৃত প্রান্তে কোণঠাসা করিয়া রাখা হইয়াছে ! সেটা যেন,—ছেলেদের সর্বস্ব উইল করিয়া দিবার পর, বিরক্তিকর দীর্ঘায়ুপ্রাপ্ত বৃদ্ধ বাপের অন্যায় বাঁচিয়া থাকার সাজা-ভোগ ! যাহা উইক, এখানে তেমন কোন স্থান-কুষ্ঠার বাধা বা আঘাত না থাকায়, বিমুক্ত প্রাঙ্গণে যেন একটা আনন্দের মৃদু বাতাস গায়ে লাগিল।

মধ্যস্থলে—উন্নতচূড় বাবা বৈদ্যনাথের মন্দির। প্রাকারগাত্রে অন্যান্য দেবদেবীর প্রতিষ্ঠান। সোম-শুদ্ধে যাত্রী-সমাগম ও ভক্তের ভিড় বেশী হয়,—আজ শুক্রবার।

কিন্তু বহিঃপ্রাঙ্গণ এত বড় যে, কাহারো কোন অসুবিধার কারণ নাই,—সকলেই বেশ স্বচ্ছন্দ ।

নন্দকিশোর পাণ্ডাকে বহু অনুসন্धानেও না পাইয়া মনটা বিমর্ষ হইয়া গেল । অপেক্ষা করাও অসম্ভব,—জয়হরি দেব-দর্শন বর্জন করিয়া অনায়াসে ডালপুন্দি চর্বণ শ্রেয়ঃ বলিয়া স্বীকার করিতে পারে ! কাজেই শ্রীমানের পরিচিত এক পাণ্ডার শরণ লওয়া গেল । তিনি সন্নিবৃষ্ট বারাণ্ডায় একজনের নিকট আমাদের উপস্থিত করিয়া দিয়া বলিলেন—“কি কি জল বাবার জন্যে চাই লিয়ে লিনু ।”

জলাধিপিটি বেশ স্থূলকায় বলিলেও অসঙ্গত হয় না । তিনি যেন শরীরের সূক্ষ্মপট বিপদলতা প্রমাণ করিবার জন্য নিজের চতুর্দিকে—বড়, ছোট, খুদে, শিশি—শিশিকা, এমন কি শিশির-কণিকা, অণুকা, রেণুকা, পর্যন্ত সাজাইয়া বিবাজ করিতেছিলেন ।

ভাবিলাম—বাবাকে বোধ হয় গোলাপ জল ও স্দগন্ধী আতর প্রভৃতি উৎসর্গ করিবার রীতি আছে । পরে শ্রীমানের নিকট শূন্যলিঙ্গ,—ইনি গঙ্গা, যমুনা, নর্মদা, গোদাবরী, সিন্ধু, কাবেরী, গ্রিবেণী, সেতুবন্ধ, সাগর-সঙ্গম প্রভৃতি এবং কুণ্ডাদি যোগের জল রাখেন । যাহার যে জল দিয়া বাবাকে স্নান করাইবার অভিলাষ, তিনি ইহার নিকট হইতে তাহা ক্রয় করিয়া লন,—ইত্যাদি ।

আমি লোকটির দিকে চাহিয়া অবাক হইয়া ভাবিতে লাগিলাম,—জলহস্তীরই ভাল নাম কি বরদ্বাণ ।

দেখিলাম—গঙ্গা-যমুনাদির জল ড্রাম পরিমাণ দিবার পর শিশিকা হইতে রেণুকা পর্যন্ত ক্ষুদ্রাধারগুলির জল, ফোঁটা হিসাবে লোটায় পড়িয়া, প্রায় ছ’-আউন্স একটি অ্যালোপ্যাথিক মিক্সচারে দাঁড়াইল । আধার যত ছোট, তাহার মাল ততই দৃষ্টিপ্রাপ্য ও দৃষ্টমূল্য বৃদ্ধিতে হইবে । এই জল-দেবতা এমন সব দুল্লভ জিনিসও রাখেন, যাহাদের ড্রামের মূল্য কিং কোম্পানীর এক ড্রামের মূল্য অপেক্ষা অনেক বেশী । তাহা কিন্তু অন্যায়ও নহে অন্যায়ও নহে ; কারণ—ওই সব জল জাহাজেও আসে না, ল্যাবরেটরীতেও বনে না । গরীবেরা অধিকাংশ পথই পদব্রজে অতিক্রম করিয়া, সেতুবন্ধ দ্বারকা, মানস-সরোবর প্রভৃতি সূদূর দূর্গম তীর্থ হইতে অসীম শ্রমে বিপদ-সংকুল পথে তাহা বহন করিয়া আনে । এই শ্রদ্ধার সামগ্রীর যথার্থ মূল্য আমরা দিতে পারি কি । পারি কেবল উপহাসের এক ফুৎকারে তাহাদের সংকার করিতে ।

দেখি—দুরাগত শত শত নিরক্ষর গরীব শ্রমিক,—সেই জল কতটা শ্রদ্ধার সহিত

কি আগ্রহেই লইতেছে। পয়সা কম পড়ায়, একজনকে কি কাতর বিনয়েই সেই লোকটির হাতে পায়ে ধরিয়ে একবিষদ্ব নর্মদার জল ভিক্ষা করিতে দেখিয়া, আমার উল্লসিত কৌতুহলটা সহসা দপ্ করিয়া নির্বিসা গেল। সেই পবিত্র বারি লইয়া যেন কৃতার্থ হইয়া চরিতার্থতা-মাথা মুখে “জয় ঝাড়খণ্ডী বাবা” বলিতে বলিতে কি সরল বিশ্বাসেই তাহারা মন্দির মধ্যে ছুটিতেছে। আমার প্রাণ স্তম্ভ বিস্ময়ে, বিচারের অপেক্ষা না রাখিয়া, ব্যাকুল ভাবে দীন ভিক্ষুকের মত,—সেই বিশ্বাস ও ভক্তির কণামাত্র চাহিতে চাহিতে তাহাদের অনুসরণ করিল।

পথহারা অসহায়ের মত উদাস ভাবে দাঁড়াইয়া ভাবিতে লাগিলাম,—দয়াময়, তোমার কৃপা করিবার পথও অন্ভূত! আমরা হিন্দুর নিয়ম পালন করিতে আসি মাত্র;—এ-বি-সির বিষ-ই আমাদের হৃদয় হইতে, উহাদের ঐ আন্তরিক ব্যাকুলতা ও সহজ বিশ্বাসের স্বাদ হরণ করিয়া, তথাকথিত জ্ঞানের অহংকার দিয়া তাহা পূরণ করিয়া দিয়াছে! “চরিত্রহীন” শরৎবাবুর “কিরণময়ী” সুরবালার মুখে এই সংবাদই পাইয়াছিলেন, বোধ করি পরাজয়ও স্বীকার করিয়াছিলেন! আবার দেখিতেছি,—রুরোপের গবিত ও মার্জিত সভ্যতার সংস্রবে গত মহাযুদ্ধের নররক্তপিপাসী হিংস্রলোলুপতার বীভৎস কথার উল্লেখ করিয়া ম্যাক্সিম্ গোর্কি (Maxim Gorki) বলিতেছেন—\* \* \* “Culture is in danger, the cultured nations are exhausted and are becoming primitive, and the victory remains on the side of Universal stupidity.”

মন্দির উদ্দেশ্যে কয়েক পদ অগ্রসর হইতেই শ্রীমান এক-নিশ্বাসে বলিলেন—  
“দেখবেন, যেন মাড়িয়ে ফেলবেন না—এরা সব ‘হত্যা’ দিয়ে পড়ে আছে।”

চমকিয়া চাহিয়া দেখি,—সত্যি ত’—দশ-বারজন স্ত্রী-পুরুষ মন্দিরের বাহিরে শীর্ণ নিস্পন্দ দেহে করষোড়ে পড়িয়া রহিয়াছে। ইহাতে হীনতার লজ্জা নাই, সভ্যতার সঙ্কেচ নাই, দাঙিকের দয়ার পীড়ন নাই, আছে কেবল অধিকারের আনন্দ।

মাথাটা আপনা আপনি নত হইল। মাটির পৃথিবীর সংসারী মানুষের দৃংখ কষ্ট-বেদনা নিবেদন করিবার একটি ‘আপন’ স্থান চাই-ই, তা না ত’ সে বাঁচে না, তাহার শাস্তি থাকে না, তাহার চলেই না। বাপ, মা, সমাজ, ডাক্তার, বৈদ্য যখন কুলায় না, তখন সে দেবতার শরণ লয়,—তিনিই তাহাকে শাস্তি দেন। সাধারণ মানুষের এইটাই “হাই-কোর্ট”। এখানে হার হইলে, তাহার দৃংখের তীব্রতা তাহার

অজ্ঞাতেই হাস হইয়া যায়। তখন সে শাস্ত্র ভাবে বলে—“আমরা কতটুকুই বা বন্ধি—  
দেবতা যা ভাল বুদ্ধেছেন তাই করেছেন।”

এ কি কম কথা! শ্রদ্ধেয় রবিবাবু “ভারত কই” বলিয়া খুঁজিয়াছেন। বোধ হয়—  
এইসব প্রাচীন পাষণ্ডভিত্তি আঁকড়িয়া, নিরন্ন দুর্বল ভারত—রোগ-শোক, দুঃখ-কষ্ট,  
জ্বালা-যন্ত্রণা বন্ধে চাপিয়া, পরম নিভয়ে পড়িয়া আছে।

## ২১

বাবাকে দর্শনান্তে, এতদূর আসিবার সার্থকতা অনুভব করিতে করিতে মন্দির-  
প্রাঙ্গণে পা দিয়াই, একটা ছোটখাটো জনতা ও হৈচৈয়ের মধ্যে আসিয়া পড়িলাম।

প্রথমেই চোখে পড়িল,—একটা কোট ঝড়াস্ করিয়া ভূমি স্পর্শ করিবার সঙ্গে  
সঙ্গেই তন্মধা হইতে ফড়াং করিয়া এক দৈত্য রঙ্গ-ভূমে উদয় হইয়া, রক্ত-নেত্রে ফটাফট  
তাল ঠুকিয়া বলিয়া উঠিল—আও জিস্কা সাদিা হয়। পয়সা লুটকে বোট্কে-বোট্কে  
ভুঁড়ি বাগাতে আর গেঁড়া-মারকে পেঁড়া খাবে। সে-বান্দা হামকো পাওনি। ঠাকুর-  
দেবতা কারদুকা বাবার জিনিস নেই হয় যে, পয়সা না দিলে দেখতে নেই দেগা ;—এ  
কি এক্জিবিসনের তিন-পেয়ে বক্ৰি হয়।” ইত্যাদি।

সহসা দেখিয়া আমি ত’ “ভানুমতির খেল্” ভাবিয়াছিলাম। কোটটাকে সজোরে  
আছাড় মারিয়া দূরে নিক্ষেপের সঙ্গে সঙ্গে এই দৈত্যোদ্ভব হওয়ায়—“অহিরাবণের  
জন্ম”, বা রোষ-নিষ্কপ্ত হর-জটা হইতে বীরভদ্রের উৎপত্তির অভিনয় বলিয়াই বোধ  
হইয়াছিল এখন সে ভ্রম দূর হইল ; বন্ধিলাম—hero-টি ( বীরবর ) আন্দাজ বিশ  
বাইশ বৎসরের আর মণ দেড়েক ওজনের একটি বাঙ্গালী যুবক।

চতুর্দিকে চাহিয়া দেখি—রঙ্গভূমিটি পাণ্ডার বেড়া-জালে ঘেরা ; তাহাদের সংখ্যা  
শতকের কম হইবে না,—এক একটি জীবন্ত মূরদ ;—কোনটির ওজন দু’মোণের নীচে,  
আড়াই-মোণী মূর্তিও আছেন। তাহাদের যেকোন একজন আমাদের “হিরোকে”  
ছুঁড়িয়া প্রাচীরের ওপারে শিবগঙ্গায় সমর্পণ করিতে পারে। কিন্তু আশ্চর্য এই,  
তাহাদের অনেকেই এই যুবকের উন্মত্ত-উচ্ছ্বাস হাসিমুখে উপভোগ করিতেছিল।  
অল্পবয়স্কদের রক্ত এক একবার মূখ্যোচ্চ পর্যন্ত দ্রুত ছুটিয়া গিয়া তথানি সরিয়া  
যাইতেছিল।

একজন ৬ ফুট × ২ ফুট বর্গ-বপূর গৌরবর্ণ প্রবীণ পাণ্ডাকে অগ্রসর হইতে দেখিয়া

প্রমাদ গণিলাম। তিনি কিন্তু ধীর অবিকৃত কণ্ঠে—“সাবাস্ বাবুজি—সাবাস্ ! আমরা কি আপনার সাথে পারে ? আপনি ঠাণ্ডা হোন বাবুজি। আসেন আমার সঙ্গে—বাবাকে দর্শন করবেন,” এই বলিতে বলিতে স্নেহস্পর্শে যুবাকে শাস্ত করিয়া তাহার ভুলদৃষ্টিতে কোটের ধূলা ঝাড়িয়া, তাহাকে পরাইয়া বলিলেন—“চলেন, বাবাকে দর্শন করে আসবেন। দেবস্থানে গোসা করতে নেই বাবুজী—ভাব নষ্ট হয়ে যায়। পয়সা কোন চিজ্ আছে, —মানুষ তার বহুৎ বড়। আমরা লিখাপড়া জানি না, মদুর্খ লোক—হামাদের ভাষা গোঁয়ারী, সে আপনাকে কড়া লাগে।—চলেন বাবুজি,” বলিতে বলিতে তিনি যুবাকে শাস্ত করিয়া লইয়া গেলেন। পাণ্ডার দল হাসি-মাখা চোখে যে-যার স্থানে চলিয়া গেল,—ভিড় ভাঙ্গিল।

শ্রীমান কাজের লোক, তিনি ইতিপূর্বেই—বাজার হইয়া যাইতে হইবে বলিয়া রওনা হইয়া পড়িয়াছিলেন,—বাজার মানে বোধ হয় পোস্ট আপিস।

জয়হারি প্রসাদের হাঁড়ি হাতে করিয়া একাই পাড়ি দিতেন,—কারণ তাহার নাড়ী বরাবরই কম্পাসের কাঁটার মত বাড়ীমুখোই ছিল ; কিন্তু লাঠালাঠি সম্বন্ধে তাহার একটু স্বাভাবিক উৎসাহ থাকায় আটকা পড়ে ! প্রহসনটার প্রারম্ভে একবার মাত্র বলিয়াছিল—“সাক্ষী দিতে হলে সন্ধ্যা হয়ে যাবে মশাই।” তাহার পর তাহার আর সাড়া পাই নাই।

আসর ঠাণ্ডা হইয়া গেল দেখিয়া বিরক্ত ভাবে বলিল—“ও আগেই বুঝেছিলুম ; —মিছিঁমিছিঁ লোকের কাজ নষ্ট করা বই ত’ নয় ! সত্যিকার রক্ত দেখতে পাওয়া কি কম কথা মশাই, স্বপ্নেতে দেখতে পেলেও শুভ ফল,—তা-ই জোটে না ! আজকাল এক ডিসেন্টিউ ভরসা,—চলুন।”

জয়হারির এই অভিনব “হতাশের আক্ষেপ” শুনিয়া হাসিও আসিল, বিচলিতও হইতে হইল। এখন এই রক্তপ্রিয় জীবটিকে ভালয় ভালয় যথাস্থানে জমা দিতে পারিলে উভয়েরই মঙ্গল। সময়টাও সন্নিবিধার নয়, তাহা পূর্বেই বলিয়াছি,—কারণ চতুর্দিকেই “বারো-বারং” !

মন্দিরের পশ্চাৎভাগে কম্পাউন্ডের আর একটি অপেক্ষাকৃত ছোট দ্বার আছে। আমরা সেই দ্বার দিয়া বাহির হইবার সংকল্প করায় পাণ্ডাঠাকুর পয়সা ভাঙ্গাইয়া এক-আধ আনার “পাই” সংগ্রহ করিয়া লইবার সদৃশপদেশ দিলেন,—কারণ বাহিরে ভিক্ষুকেরা বিরক্ত করবে, তাহাদের একটা করিয়া “পাই” দিলেই চলবে।

কথাটা মন দিয়া শুন নাই, পরে কথাটা রক্ষা করিতে গিয়া দেখি,—ইনি সরকারী

চাকুরে মাদ্রেরই সুপরিচিত “তাঁবার তেরম্পশ” বা তাম্র-স্রাব ! আধ পয়সাও নয়, সিকি পয়সাও নয়,—“সিকি পয়সা” অর্থাৎ তিনটিতে এক পয়সা । হিসেব মেলাবার আর ছেলে ভোলাবার কাজে লাগেন,—দাতার আর খাতার ধর্ম রক্ষার্থে—ই এঁর জন্ম ! এই তিন কর্ম ছাড়া ইহার ব্যবহার খুঁজিয়া পাই নাই । প্রেমিকদের কাছে ইহার যত্ন ও সদ্যবহার নিশ্চয়ই আছে ; সেটা কিন্তু আমার মত লক্ষ্মীছাড়ার মাথায় বা কাজে কোন দিন আসে নাই । বোধ হয় আমার মত লক্ষ্মীছাড়ার সংখ্যাই বেশী । তাই মনে হয়, প্রতি মাসে এই প্রাপ্ত “পাই” ( pie ) গুলির অধিকাংশই নষ্ট হয় । অর্থনীতি জানা থাকিলে একটা দুর্ভাবনা জন্মিত,—নারায়ণ রক্ষা করিয়াছেন ।

স্মরণাতীত হইলেও, দিনকতক ইংরাজ ইস্কুলে গিয়াছিলাম । আদিত্য-মাস্টার বদ্বাইয়া দিয়াছিলেন—“I by itself I” আমি শুনিয়াছিলাম বা বদ্বিয়াছিলাম—“I by itself pie ( পাই )” । এবং সেই ধারণাই দু’তিন বৎসর কয়েম রাখি । কি সূত্রে তাহা ঠিক স্মরণ নাই, একদিন ভ্রমটা শূধরাইয়া যায় । এখন আবার সারাজীবনের অভিজ্ঞতা বা ভোগাভোগ লইয়া বদ্বিয়াছি,—ও-ভুল না শূধরাইলে কোন ক্ষতি ছিল না,—ও ‘আই’-ও যা, “পাই”-ও তাই,—থাকিলেও যা, না থাকিলেও তাই, বিশেষ কোন ক্ষতি-বৃদ্ধি নাই ।

যাহা হউক, এককাল পরে—এখানে তাহা কাজে লাগে শুনিয়া—দম্কা দু’আনার ভাঙ্গাইয়া লইলাম । পরে তাহার সদ্যবহার করিতে গিয়া—অসদ্যবহারের মতই ঠেকিল । সেগুলা তিন চার জনকে দিয়াই শেষ করিয়া যেন স্বস্তি বোধ করিলাম । শুনলাম বিক্রেতা পয়সায় তিনটি করিয়া যাত্রীদের দেন, এবং পয়সায় পাঁচটি করিয়া ভিক্ষুকদের কাছে খরিদ করেন । মন্দের ভাল বলিতে হয় বলুন ।

২২

মন্দির-প্রাপ্তগণের দ্বিতীয় দ্বারটি দিয়া বাহির হইয়া পড়িয়াছিলাম । দেখি, সেই দীর্ঘছন্দ গোরবর্ণ পাণ্ডাজী আর সেই লড়ায়ে যুবকটি, বাবাকে দর্শনান্তে বাহিরে আসিয়াছেন ।

পাণ্ডাঠাকুর বলিতেছেন—“তীর্থক্ষেত্রে কিছু ‘তৈয়াগ্’ করতে হয়, তাতেই তীর্থের ফল লাভ হয়,—সেইটাই ‘প্রত্যক্ষ’ ( প্রত্যক্ষ ) লাভ । সেবকদের বা গরীব-দুঃখীদের দু’এক পয়সা দেওয়াই ভাল, তার সার্থকতা হাতে হাতে ।”

যদুবা বিজ্ঞ বদ্বদারদের মত বলিল—“পয়সা না দিলে তীর্থের ফল হয় না, এ কথা পাড়াগোঁয়ে ভূতদের বোঝানো সহজ,—আমরা ক্যালক্যাটার ছেলে, বদ্ববেছ পাণ্ডাজী !”

পাণ্ডাজী হাসিমুখে বলিলেন—“এটা বদ্ববা একটু কঠিন আছে বাবদ্বজী ! হাওড়া টিস্টনে যিনি টিকিস্ কোরে পশ্চিমে রওনা হন, তাঁকেই বলতে শুনিন—“কলকাত্তা” ঘর আছে ! কিন্তু খাতা বগলে করে যখনি যজমানদের খবর নিতে গিছি—কলকাত্তায় বাসাড়ে কেরানী-বাবদ্ব ছাড়া কারদ্বর পান্তা পাইনি । তিরিশ মিল্, ষাট্ মিল্ মাঠ ভেঙ্গে, কাদা ষেঁটে, সাঁতার দিয়ে বাবদ্বদের ঘরের সাক্ষাৎ মিলেছে বাবদ্বজী !”

যদ্বক সে কথায় কান না দিয়া বলিয়া চলিল—“বামদ্বনদের ও-সব বসে-বসে পরের মদ্বগে পেট চালাবার ফন্দি ; আমরা “গড়পারের” ছেলে,—ওসব চাল এখানে খাটবে না,—দিতে হয় অন্ধ-খঞ্জকে দেব ।”

পাণ্ডাঠাকুর পদ্বর্ববৎ হাসিমাখা মদ্বখে বলিলেন,—“ও উপদেষ্টা বদ্ববি আপনাদের ইংরাজি কিতাবে আছে ! বামদ্বনদের শাস্ত্রেও ত’ তাদের দিতে বিশেষ কোনো বারণ নেই বাবদ্বজী—তাই দিন না । দেওয়ার একটা আন্দাজ আছে—সেটা প্রাণ অনুভব করে, সেইটাকেই প্রতক্‌ লভ বলছিলদ্বম । দান, প্রেম, কি ভালবাসায় অতো বিচার আনতে নেই, তাতে তাদের অপমান কোরে মলিন করা হয় । প্রেমের দরবারে কাটগোড়া নেই বাবদ্বজী ! আর—দান করা মানে ত’ উপকার করা নয়, ওতে যদি কারদ্বর উপকার থাকে ত’ সেটা দাতার নিজের ।”

আমি অবাক হইয়া শুনিতোছিলাম ; এখন সবিস্ময়ে পাণ্ডাজীকে দেখিতে লাগিলাম । এঁতো মামদ্বলি পাণ্ডা নয় ! যদ্বক বিদ্বদ্বপের হাসি হাসিয়া বলিল—“এ যদ্বগমে বামদ্বনদের ও-সব কথায় ‘ভবি’ ভুলতা নেই !”

কলকেতার ছেলে যে কথাবাতারায় এমন অসভ্য হইতে পারে, এটা ভাবিতেও আমার লজ্জাবোধ হইতোছিল ।

পাণ্ডাঠাকুর পদ্বনরায় সহাস্যেই বলিলেন—“ভবিকে চিরকালই বামদ্বনদের কথায় ভুলতে হবে বাবদ্বজী । ব্রাহ্মণ আপনি কাঁকে বলেন । ব্রাহ্মণকে একটা আলাদা জাত ভেবে ভুল করবেন না, ওটা মানদ্বষের একটা অবস্থা । সকল জাতের ভেতরেই ব্রাহ্মণ আছেন । দেশ কাল অনুসারে সকলের সদ্বখ-স্বাচ্ছন্দ্য বিধান আর বিদ্যাদান করাই তাঁদের কাজ,—সকলের মঙ্গলই তাঁদের কাম্য । তাঁরা চিরদিনই থাকবেন । আজকাল ত’ বহুত প্রাচীন জিনিস বেরদ্বচ্ছে, কই বাবদ্বজী অতগদ্বলো মনদ্ব কি ব্যাস পরাশরের মধ্যে কারো অট্টালিকার একটুকরা ইট পাওয়া গেছে কি, না তাঁদের চৌঘদ্বড়ির চাকা



বিশ্বগ্রামের বুক চিরে লাঙ্গলের মুখে বেরিয়ে পড়েছে ! ত্যাগই যাঁদের ধর্ম, পর্ণ-কুটীরে বাস আর ভিক্ষায়ে জীবনধারণ—তাঁদের উপর ওরূপ বিদ্রুপ করতে নেই বাবুজী। আপনার কাছ থেকে কেউ ত' কিছুর কেড়ে নিচ্ছে না।”

এসব কথা পাথরকে শোনান হইতেছিল বলিয়া আমার বড়ই দ্বঃখ হইতেছিল।

কথাটা কিন্তু আর শোনা হইল না ; কোথা হইতে মাতুল ব্যস্তভাবে ঝড়ের মত আসিয়া উপস্থিত।

শুনিলাম, তাঁহার বৈবাহিক মহাশয় ( অমর বাবু ) “গত রাত্রে চিঁড়ে চিনি রাবড়ী আর রম্ভার একটি বিরাট তাগাড় মারিয়া তেউড়ে ‘হরেকরম্বা’ দাঁড়াইয়া গিয়াছেন, নিরেট হইয়া পড়িয়াছেন ; পেট যেন কচ্ছপের পিট—কোথাও একটু কোঁচ নাই, টিঁপিলে নোয় না,—একদম আধখানা স্কেল ভুগোল-পরিচয় ! চিৎ হইলে চড়্‌চড়্‌ করে, উপ্‌ড় হইলে চাপে চক্ষু বাহিরে আসিতে চায়, কাৎ হইলেই বাতীপাৎ ! সকাল হইতে উবু হইয়া বসিয়া নাগাড় সোড়া আর গুড়ুক চালাইতেছেন,—যেন কাটের জগন্নাথ !”

একটা ঢোক গিলিয়া বলিলেন—“আমার ত' মশাই হাত-পা আসছে না ; যে-সে কুটুম্ব নয়,—বৈবাহিক, আবার শূদ্র বৈবাহিক নয়—লাট্‌-বৈবাহিক—জামায়ের বাপ ! তার মালদার,—এ দেনদারের বাড়ী একি ফ্যাশাদ মশাই। এক ত' প্রথম নম্বর—পরিবারের মাথা নিয়ে বুকের মধ্যে কাঁথা শেলাই চলেছে, তার ওপর আবার ‘দ্বিতীয়ে চ’ উপস্থিত বৈবাহিকের পেট !”

আমি ব্যস্তবিকই চিন্তিত হইয়া পড়িতেছিলাম। বৈবাহিকের-রোগ বর্ণনার রুদ্ধ “রেটারকের” প্রচণ্ড ঘূর্ণীর মধ্যে হাঁ করিবার ফাঁক ছিল না। মাতুল যে “বাকের” বাবা, এই তার প্রথম পরিচয় পাইলাম। এই সংকট অবস্থায় সহসা ‘বসন্তের হাওয়ার মত’—বৈবাহিকের ‘পেট’ উপস্থিত হওয়ায়, সামলাইয়া গেলাম।

বলিলাম—“ভয় নেই মাতুল। ও আমি বিশ্বাস করি না ; এ যুগে আর শোনা যায় না,—আপনাকে আঁতুর বাঁধতে হবে না,—গিয়ে দেখবেন সামলে গেছেন। কিন্তু এ-বেলা যেন জলস্পর্শ না করেন।”

মাতুল বলিলেন—“না—তা করবেন না বলেছেন,—কেবল ফলস্পর্শ করবেন, তাই পেঁপের তল্লাসে ছুটোঁছি। বাজারে তার চিহ্নমাত্র নেই, শূন্যলব্ধ—পড়তে পার না, বাবুরা লব্ধে নেন। এটা যত অজীর্ণ রোগীর আড়ত কিনা, মেয়ে-মন্দের চোয়া-টেঁকুর চলেছে,—পেঁপের পায়োও বেড়ে চলেছে। আর হবে নাই বা কেন,—চিড়িয়াখানায় গিয়ে দেখি—Birds of Paradise-দের পেঁপে ছাড়িয়ে ডিসে করে দেওয়া হয়।

এখানকার শূভ-আগমনকারীদের মধ্যেও অনেকেই **Birds of Paradise** ত'—কি বলেন ?”

আমি চুপ করিয়া থাকায় মাতুল নিজেই বলিয়া চলিলেন—“বলবেন আর কি, —পূর্বজন্মের স্ক্যাভেঞ্জার ভরা ভাইস নিয়ে আমাদের মত পাইসহীন রাইসহীন **birds of “হেলেডাইস্”** যে কেন মরতে আসে তা বলতে পারি না। বাড়ীতে বেঁই দম্‌দম্‌ হয়ে বসলেন, বাইরে একটা পেঁপের জন্যে আমি ক্ষেপে যাবার দাখিল হলদম্‌, ঘুরে ঘুরে পায়ের ডিমগদুলো গুড়িয়ে গুরখা মেরে গেল !—সাত টাকা দামের নতুন জুতো জোড়াটা ধুলো মেখে যেন ভেড়ার বাচ্চা হয়ে দাঁড়ালো ! চুলোয় যাক শালা “শ্যাংফুং” (চীনে মূচী), আর তারই বা দোষ কি, এ কি রাস্তা মশাই—যেন খরশান্—বেরুলেই এক পদ্রু পাচার ! যদি খালি-পায় হাঁট ত' জ্যান্তো চামড়া নেয়,— এখন কি বলুন ! আবার বাড়ীতে বলেন—“সব দিকে নজর রাখতে হয়।” আরে শ্বশুরকা-বেটী, জুতোর তলায় নজর দি কি করে ! রাস্তা যদি গোরস্থান হত, আর আমি যদি একখানি প্যাঁচামুখো চশমা পরে গোরে যেতুম ত' তোফা শুরে...”

আমি মাতুলের সম্বন্ধে ভীত হইয়া পড়িতেছিলাম—তাঁর এলোমেলো কথাগুলি ছুঁচোবাজির মত এদিক ওদিক ছুটোছুটি আরম্ভ করিয়াছিল।

সেটাকে প্রসঙ্গান্তরে মোড় ফিরাইয়া দিবার জন্য জিজ্ঞাসা করিলাম—“প্যাঁচামুখো চশমাটা আবার কি মাতুল !”

মাতুল উত্তেজিত স্বরে বলিলেন—“দ্যাখেন নি, ঐ যে যা চোখে দিলে ছেলেদের অমন সুন্দর মুখগদুলো কি কদাকারই দেখায়, শিশুরা বাপকে দেখে ভয়ে চীৎকার করে মার কাছে ছোটো ! প্রথম দর্শনে মনে হয়েছিল—যশোরের কারখানার নতুন আবিষ্কার, ছোট ছোট মেয়েদের মাথার বাঁক্-চিরুণী ! ভাইপো লাভগাময়ের কাছে শুনলাম—চশমা ! বললেন—“ভারি সুন্দর জিনিস—এই নতুন আমদানী হয়েছে, পরলে আরামও যেমন, উপকারও তেমন, মেটালের মত তাতে না, নাক কি কান ঝলসে যাবার বা ফোশ্কা পড়ে দাগী হবার সম্ভাবনা একদম্‌ নেই। কত-বড় সব মাথা এর পেছনে রয়েছে।” ভাবলদম্‌—তা রয়েছে বই কি—আমাদের গ্রহগদুলো কি শূদ্‌ আকাশেই ঘোরে ! বললদম্‌—“কাটামোটা কিসের বাবাজী ?” বললেন—“ওটা রোল্‌গোল্ডের ওপর গটাপার্চ হবে—ভেতরে সোনার ফ্রেম থাকে।” বলিলাম—“ওঃ—গোকুল-পটে বলো,—রোলগোল্ডের গেলাপ বললেই হত !” সেদিন সারা

বিকেলাটা গুড়ুদুক খেয়েছি আর ভেবেছি—উঃ, এখনো ঝাড়া দ্দ’শো বচর ! আসছে বচর ওইতেই চারটি লোম লাগিয়ে আনবে, বাবাজীরাও পাল্লা দিয়ে পরবেন—কি মোলায়েম ! ঐ গটাপাচা আরো কটা বাচ্চা ছাড়বে তা ভগবানই জানেন । গয়না-গদুলো কবে ঐ পোশাকটা পচন্দ করবে ! বেঁচে থাকতে সে সদ্দিন কি আসবে মশাই !”

আমার দুর্ভাবনা ক্রমেই ঘনীভূত হইয়া আসিতেছিল, মাতুলের মাথায় আজ কোন সন্দেহভী ভর করিয়াছিলেন তাহা বুঝিয়া উঠিতে পারিতেছিলাম না,—তাহার মুখে আজ যে-কোনো কথা মহাকাব্য হইয়া বাহিরে আসিতেছিল, পাথর মাগ্রেই আজ হিমালয় !—আমি তাড়াতাড়ি বলিলাম—“কিছু ভাববেন না মাতুল, সদ্দিনটে যখন পশ্চিম থেকে ঝুংকেছে—সে হুড়মুড় করে এলো বলে । জানেন ত’ অমোঘা পশ্চিমে মেঘা !”

শূনিয়া মাতুল বলিলেন—“পায়ের খুলো দিন মশাই—তাই আসুক । কি বলব দেবতা—এক ভিনোলিয়ায় লুট লিয়া ! আমরা হলুম ফতুর ফিঙে, বায়দ-পরিবর্তন কি—”

আমি তাড়াতাড়ি বাধা দিয়া বলিলাম—“তা’তো বটেই, পৈতৃক পয়সা, উপরি-উপায়, না থাকলে কি আর বায়দ-পরিবর্তনের বাতিক চাগে !—আমাদের সনাতন ব্যবস্থামত নিজের ঘরে শূরে আমদ বজ’নই বিধি । ওসব ফাল্গুতো পয়সার ফুট—”

মাতুল ‘কিন্তু’ হইয়া বিমর্ষ ভাবে বলিলেন “জীবনে এই আমার প্রথম ভুল মশাই । ধর্মের ঘরে পাপ নয় না । বালা জোড়াটা ত’ জন্মের মত গেলই, এখন বেইমশাই দয়া করে হার-ছড়াটা ছেড়ে দিলে যে হরিরলদুট দিয়ে বাঁচি !

এই কথা কয়টি তিনি ছোট অথচ সাথ’ক একটি নিঃশ্বাসের সহিত শেষ করিলেন । বুঝিলাম—এতক্ষণে মাতুল জ্বাতে নামিয়াছেন ।

আমি তাহার কথা শূনিয়া ও অবস্থা ভাবিয়া সত্য সত্যই ব্যথা পাইলাম । আশ্বাস দিয়া বলিলাম—“মাঝে মাঝে অমরের ওরকম হয়ে থাকে, ওতে ভয়ের কারণ কিছু নেই । ডাক্তার-বন্দ ডাকা তাঁর অভ্যাস নেই, আপনাকেও ডাকতে দেবেন না । চারটি জোনে-নুনে একটোক জলের সঙ্গে খেতে দিলে, তিনি খুশী হয়ে খাবেন, সেরেও যাবেন । তাঁকে বলতে শুনোছি—“ডাক্তার-বন্দ ডাকার খরচটা বাজি পোড়াবার মত’ সেরেফ্ একটা বাজে খরচ । তবে বাজিগদুলো দয়া করে নিজেরাই পোড়ে, ওঁরা গেরোস্তাকে পোড়ান, আর রোগীকে ত’ নিশ্চয়ই,—এই যা প্রভেদ ।” যাক,—‘পেঁপেটা তাঁর খুব পেয়ারের জিনিস, কেউ দিলে গেলে খুবই খুশী হতে দেখছি । এখন পাওয়া যাবে কি ?’

মাতুল বোধ হয় একটু বল পাইয়া বলিলেন—“শুনোছি মন্দিরের খুব কাছেই “পাঁড়ের বাগান” বলে একটা বাগিচা আছে ; তার ফলের প্রশংসা বৈবাহিকের মুখেই শুনোছি,—চলুন একবার দেখে আসি।”

কথাটা শ্রীমানের মুখে আমারও শোনা হইয়াছিল। ভাবিলাম—এটা ‘নারীর অগুল, নিশ্চয়ই জ্বর কিছ্ হবে—দেখা উচিত। তন্নিম্ন আমার ‘না’ বলিবার ত’ পথই ছিল না।

জয়হর আমার ভাব বদ্বিষা কানের কাছে মুখ আনিয়া বলিল—একটা টাকা থাকে ত’ দিন, আমি ততক্ষণ একটা চোপলে হাতলান্টান আর দু’টো বাতি কিনে রাখি। মোটা একগাছা বাঁশের লাঠি পেলেও নেবো—সন্ধ্যে ত’ হয়েই এলো।”

তাহার কথার অর্থ—টা বদ্বিষা হাসিও পাইল, লজ্জিতও হইলাম, কিন্তু মাতুলকে ক্লম্ব করার অভদ্রতা ও নিষ্ঠুরতা আমার নিকট সঙ্গত।

বলিলাম—“এই পাশেই বাগান, ফিরতে আমাদের আধঘণ্টাও লাগবে না। এখন বেলা ১০টা বেজেছে মাত্র,—চল না, ভাল কিছ্ পাওয়া যায় ত’ পেট ভরেই ভোগ লাগানো যাবে।”

শেষ কথাটায় কাজ হইল।

## ২৩

বাগানে প্রবেশ করিয়াই দেখি সামনেই—সানবাঁধানো প্রকাণ্ড এক ‘কুয়া’। স্বয়ং মালিক পাঁড়োজ স্নান করিতেছিলেন ; আমাদের দেখিয়া সহাস্যে বলিলেন, “আইয়ে বাবুজী—এ আপনকারই বাগিচা আছে। বাঙ্গালী বাবুরা বৈদ্যনার্থজি ভি দর্শন করেন,—এ বাগিচা ভি দর্শন করেন। এই কুয়ার জল আউর এই বাগিচার ফল সন্মোলে তাল্লাস করেন, আর তারিফ করকে খান। বড়া বড়া বাঙ্গালী জজ, ডিপ্টি, লাক্‌পতি সবাইকে আমিই কেলা খাওয়াই। দু’রোজ সব্দর করেন—আপনাদেরও খাওয়াবো। একটু আগাড়ী ধরন্দর বাবু, জলন্দর বাবু, হিড়িম্বা বাবু, রজক বাবু আউর মাকুন্দি বাবু—কেলা ভি, পেঁপিয়া ভি বিলকুল লইয়ে গেছেন। এই দ্যাখেন পাঁচটাকা দশ আনা পড়িয়ে রয়েছে। কলকাতাসে দুই বড়া বড়া বালিস্‌চোর ( ব্যারিস্টার ) সাহেব আইয়েছেন—মছাল শিকার করবেন। এ—স্থানে দরদস্তুর নেই বাবুজি,—কেলা খেয়ে খুসী হয়ে টাকা ফেলে দ্যানা।”

...ইত্যাদি বিরক্তিকর বক্তৃতার পর পাঁড়েজি বলিলেন—“যাইয়ে একবার বাগিচা ঘুরিয়ে আসেন, যো ফল পছন্দ হোবে, এখানে টিকস্ আছে, আপন দস্তখৎ করকে তাতে লোটকে দেন ;—পাকলে লইয়ে যাবেন । এখানে অবিশ্বাসের কাজ নেই বাবুজি,—এ তীর্থস্থান আছে ।”

বাগিচার দিকে চাহিয়া কিছুই বুঝিলাম না ; কোথাও নির্দিষ্ট কোন পথও দেখিলাম না ;—যিনি যে স্থান দিয়া যান—সেইটিই তাঁর পথ । সেই হিসাবেই অগ্রসর হওয়া গেল । দেখিলাম নেবু, পেঁপে, পেয়ারা আর কলাবন, বোধ হয় আম, কাঁটাল, আনারসও ছিল । অবশিষ্ট স্থান বড় বড় ঘাস আর আগাছায় ভরা, দৃশ্য আদৌ উপভোগ্য নহে । পেঁপেগাছে পেঁপে, কলাগাছে কলা, পেয়ারাগাছে পেয়ারা ( অবশ্য উল্লেখযোগ্য নহে ) রহিয়াছে ;—সব ফলই কাঁচা ।

একটু তফাতে একটা পেঁপেগাছে একটা পেঁপের রং ধরিয়াছে দেখিতে পাইয়া মাতুল সাগ্রহে ও সবেগে তথায় উপস্থিত হইয়া পরক্ষণেই দ্বিগুণ বেগে চেষ্টা খাইয়া পশ্চাতে ( বিপরীত ) লাফ মারিতে গিয়া, ঝাঁটবনে মাটি লইলেন ।

আমাদেরই মত ফলাশেষী আর দুইটি বাবুও ‘চোরকাঁটার’ ভয়ে হাঁটুর উপর কাপড় তুলিয়া সন্তর্পণে ঘুরিতেছিলেন । নিশ্চয়ই সাংঘাতিক কিছু হইবে ভাবিয়া তাঁহারা চোরকাঁটার চিন্তা ত্যাগ করিয়া পড়ি ত’ মরি ভাবে ছুটিয়া একদম গেটে ( gate-এ ) হাজির । গেটটি ছিল—আগড়ের ক্রমোন্নতির অবস্থা বিশেষ ।

আমি দ্রুত গিয়া দেখি—মাতুল উঠিবার পূর্বে, ইতস্ততঃ বিক্ষিপ্ত কেশগর্দল সারিয়া লইতেছেন ।

বুদ্ধিটা বিচলিত হওয়ায়, কি ভদ্রতার খাতিরে ঠিক বলা কঠিন, একটা দুঃসাহসিক কাজ করিয়া ফেলিলাম ;—তাঁহার হাত ধরিয়া তুলিতে গেলাম । মাধ্যাকর্ষণ-শক্তির কথাটা যদি সত্য হয়, তাহা হইলে মাতুলকে তুলিতে যাওয়া মানেই নিজের পড়িতে যাওয়া, কারণ তিনি ছিলেন আমার তিন গুণ ভারি । যাহা হউক, মাতুল নিজগুণেই উঠিয়া পড়িলেন, আমি রক্ষা পাইলাম । উঠিয়াই কোঁচা ঝাড়িতে আর চোরকাঁটা বাঁছিতে মন দিলেন ।

মাতুল আসলে ছিলেন প্রচ্ছন্ন-বিলাসী । দেহটিকে তোমাজে রাখা, প্রসাধনপ্রীতি, পোশাকপ্রিয়তা, পরিচ্ছন্নতা, এসব ছিল তাঁর ধাতের জিনিস, তাই সামান্য কোন আঁচ লাগিলেই তিনি অসামান্য চঞ্চল হইয়া উঠিতেন । যাক—

ওদিকে গেটের বাহিরে গিয়া পূর্বোক্ত বাবু দুটি তখন ‘দ্রাহি দ্রাহি’ ডাক

পাড়িতেছেন—“ওখান থেকে শীগগির চলে আসুন মশাই, শীগগির ; আঃ, করছেন কি—ওখানে আর তিলাধঁ দাঁড়াবেন না ।”

এ সহানুভূতির অর্থ—ব্যাপারটা ফাঁকে ফাঁকে শুনিয়ে সরিয়ে পড়া । না শুনিয়েও নড়িতে পারিতেছেন না ।

জয়হরী তখন বৃথা সময় নষ্ট না করিয়া পাঁড়োজির পেয়ারা গাছে উঠিয়া যথালভ হিসাবে—আস্তো একটা কোষ্ঠো পেয়ারা মুখে পুঁদিয়েছে, এবং আর একটা ঐ জাতীয় মেওয়া লক্ষ্য করিয়া হাত বাড়াইয়াছে । তাহার কানে সহসা গুরুপ তাড়ার ডাক প্রবেশ করিতেই, পটাস্ করিয়া সেই নাবালক ফলটি সংগ্রহ করতঃ এক লক্ষ্যে ভূমি স্পর্শ ও এক দৌড়ে জমি পার হইয়া কুয়াতলায় হাজির হইল ।

পাঁড়োজী তখন উচ্চরবে “সর্ব মঙ্গলো মঙ্গলা শিবো সর্বার্থ সাধিকো”, আবৃত্তি করিতে করিতে জল তুলিতেছিলেন ।

জয়হরী পিপাসা জানাইয়া জলপানার্থে অঞ্জলি পাতিতেই, তিনি এক-বালতি জল তুলিয়া পিপাসিতের হস্তে ঢালিতে লাগিলেন । মাতুলকে লইয়া আমিও আসিয়া পৌঁছিলাম ।

বালতিটি খুব বড় না হইলেও বেশ মাঝারি সাইজের ছিল । তাহার সমস্ত জলটুকু নিঃশেষ করিয়া জয়হরী উটের মত গড়গড় শব্দে একটা লম্বা উদ্‌গার শেষ করিল ।

পাঁড়োজি অবাক হইয়া তাহাকে দেখিতেছিলেন, বলিলেন—“সাবাস্ বাবুজি—গেইয়াকে ভি (গরুকেও) হারায় দিয়েছেন ।” তাহার পর আরম্ভ করিলেন—“এ বাগিচার পেয়ারা কেমন মিঠা বলুন,—এক বালতি জল টানিয়াছে । পিতল-বাবু ( সম্ভবতঃ প্রতুলবাবু ) একঠো এক আনা করকে লিয়ে যান ।”

আমিও পাঁড়োজির শেষের কথাগুলি শুনিয়ে কম অবাক হই নাই,—তাহার দূর-দর্শিতা তথা সূক্ষ্মদর্শিতা লক্ষ্য করিয়া আমি আশ্চর্য হইয়া গিয়াছিলাম । জয়হরী বাগিচার এক প্রান্তে ঝোপের মধ্যে পেয়ারা-পর্বে মন দিয়াছিল, কিন্তু পাঁড়োজির স্তোত্র-স্তিমিত চক্ষু তাহা এড়ায় নাই । তাহার কথাগুলি ত’ কেবল শব্দ নয়, সে যে ‘দু’ আনার বিল (bill) ! যাক যে কারণেই হউক, সেটা আর তিনি লন নাই ।

আমি তখন এ মধুবন হইতে বাহির হইতে পারিলে বাঁচ । পাঁড়োজির বক্তৃতায় বাধা দিয়া বলিলাম—“আজ তবে নমস্কার হই—বেলা হয়েছে ।”

তিনি খুসী হইয়া বলিলেন,—“‘দু’চার রোজ বাদ আসবেন বাবুজি ।”

তথাস্তু ।

গেটের বাহিরে আসিতেই সেই বাবু দুইটি আমাদের ঘিরিয়া ফেলিলেন এবং দুই জনেই সচিন্ত আগ্রহে মাতুলকে প্রশ্ন করিলেন—“কি সাপ্ মশাই,—গাছেই ছিল?”

মাতুল এসব বিষয়ে বেশ হুঁশিয়ার, তিনি গম্ভীর ভাবে বলিলেন—“কি সাপ আবার জিজ্ঞাসা করচেন—আসল ‘খোয়ে’।

শুনিয়া উভয়ে শিহরিয়া বলিলেন—“বাপরে, বলেন কি!”

মাতুল ভয়-ভক্তি মিশ্রিত মন্থে বলিলেন—“ভগবান রক্ষা করেছেন মশাই, খেয়েছিল আর কি! এই বলিয়া ভগবানের উদ্দেশ্যে শূন্যে নমস্কার করিলেন।

বাবু দুইটি প্রশ্ন করিলেন—“কত বড় হবে মশাই?”

মাতুল সেই ভাবেই বলিলেন—“কি করে বলব মশাই—তিন চার পাক ত’ গাছেই ছিল, আর ফণা তুলে ঝুলে এসেছিল তাও তিন হাতের কম হবে না,—আর যদি এক পা বাড়াই”—এই পর্যন্ত বলিয়া মাতুল এমন শিউরে উঠলেন যে, বাবু দুইটিও কাঁপিয়া গেলেন। একজন আর একজনকে বলিলেন—“আর পেঁপে খেয়ে কাজ নেই বাবা, জানুটা জন্মের মত যেতো আর কি! বাপ্—বাগিচা না যমের বাড়ী!”

দ্বিতীয়াটি বলিলেন—“আর এক মিনিট এর দ্বিসীমায় নয় বাবা, সরে পড়’—সরে পড়’।” এই বলিয়াই তাঁহারা দ্রুতপদে অন্যপথ ধরিলেন।

ব্যাপারটা জানিবার জন্য আমিও মাতুলকে বারতিনেক প্রশ্ন করিয়াছিলাম, তিনি বলিয়াছিলেন—“পরে বলিচি”। এখন আবার ঔৎসুক্যের সহিত বলিলাম—“বলো: কি মাতুল—সত্যি সাপ না কি?”

মাতুল বলিলেন—“সে কপাল আমার নয় মশাই—এখনও কণ্টের এরিয়ার (arrear) মেটাতে পাক্কা তিরিশ ইয়ার্ (year) নেবে। গিয়ে যদি দেখতে হয় বৈবাহিক উদ্বল মেয়ে দাওয়ায় খাড়া হয়ে বসে আছেন—তার চেয়ে আমার সর্পাঘাত ভাল ছিল মশাই!”

মাতুলের এসব ‘কথার কথা’ মাত্র, মরিবার ভয় তাঁর অতিরিক্ত, এগুলা সাময়িক জ্বালা উচ্ছ্বাস।

আমি আশ্বাস দিয়া বলিলাম,—“গিয়ে দেখবেন—চা খেয়ে তিনি চাক্ষা হয়ে উঠেছেন—সে ভাব কেটে গেছে।”

মাতুল। আঃ—তাই বলুন মশাই।

বলিলাম—“ভাববেন না, ও সম্বন্ধে আমার দৃঢ় বিশ্বাস আছে। কলিতে চায়ের চেয়ে আর ওষুধ নাই। মেয়েদের হিস্টারিয়া সেরে যায়,—অন্ততঃ চা খাবার ওস্তোটিতে

হয় না। মনে আছে,—স্মৃতিতীর্থ মশাইকে গঙ্গায় নিয়ে যাওয়া গেল, তাঁর শেষ মর্দুত প্রায় উপস্থিত। পুরুষ ব্যাপদেবকে সকলে বললেন—“ফোঁটা ফোঁটা গঙ্গাজল মর্দুখে দাও!” কথাটা তাঁর কানে পৌঁছেছিল, তিনি অতি কষ্টে ঘাড় নেড়ে বললেন—“উহু—উহু, এক-টু—চা।” ছ’ মিনিট পরেই ছুটি!

“যাক—এখন বলুন ত’, পেঁপে দেখতে গিয়ে অমন চমকে উঠে পেছন হঠোঁছিলেন কেন?”

মাতুল। পায়ের ধুলো দিন—বলচি।

এটা ছিল মাতুলের বনেদি বিনয়।

বলিলেন—“চেষ্টা দেখি—পেঁপের গায়ে টিকিট মারা,—তাতে লেখা রয়েছে—**Right reserved—advanced annas ten** (স্বত্ব সংরক্ষিত, দশ আনা আগাম দেওয়া হইয়াছে) তার পর ইনি-শিয়াল (initial) কি একটা ছুঁচো, তা লেখা দেখে বোঝা কঠিন। দেখেই ত’ মশাই মাথাটা বেঁ করে উঠলো,—মনে হল—ফলটিতে ত’ দ্রুবেলার মত মাল নেই—মূল্য কিন্তু দশ আনা। সুতরাং এই ফল-হারি পুজো আমাকে কিছুদিন কাসেম রাখতে হলে—হারছড়াটাও গেল! কপালে অমনি কে যেন চাট্ মারলে,—তার পরই বীরশয্যা!”

আবার মহাকাব্যের সূচনা দোঁখিয়া তাড়াতাড়ি বলিলাম—“বল কি মাতুল,—একটা পেঁপে দশ আনা। বৈবাহিককে ত’ বেদানা খাওয়ালেই হয়।”

মাতুল বলিলেন—“আমি সম্ভ্রম সামলাবার জন্যে বেদানার কথাই ভুলেছিলাম। তাতে যা শুনলাম তা এই—না—না, বেদানা আমি প্রায়ই খাচ্ছি, কালও খেয়েছি। ওতে পয়সা খরচ করতে যেও না,—পেঁপেটা যত পাও এনো।”

“শুনে আমি ত’ মশাই একদম এতটুকু। কখন খেলেন, কে এনে দিলে—কিছুই জানি না।” তবে কি নিজে কিনে খাচ্ছেন। বড়ই অপ্রতিভভাবে বললাম—“এ কি কথা বেঁই—আপনি নিজে,—আমাকে একটু হুকুম করলেই ………”

বৈবাহিক বলিলেন,—“আমি বেদানা কিনে খাবো—শেষে এইটে তুমি ঠাওরালে। তাহ’লে আমি পাগল হয়েছি বলা।—স্বপ্নে হে—স্বপ্নে,—স্বপ্নে খাই। তাতে আম্বাদেরও তফাত নেই, পেটও ভরে,—আবার কি চাই? তবে একটু সদি’ভাব আসে,—বেশী খাওয়া হয়ে যায় কি না।”

—“শুনে আমি ত’ মশাই ‘থ’! ভাগ্যবানের বোঝা ভগবান বন্। আমার ত’ মশাই এই পঁয়তাল্লিশ বছরে স্বপ্নে একটা আমড়াও জোটে নি।”

অমরের সঙ্গে আমার বহুদিনের পরিচয়, তাই এই অভিনব বেদানা খাওয়ার আমার আশ্চর্য হইবার কিছুই ছিল না।



দেখি—দুইটি বাঙ্গালী ভদ্রলোক দ্রুতবেগে বাগান-মুখো আসিতেছেন। একটি বৃদ্ধ হইলেও সঙ্গী যুবকটির সহিত ‘কুইক-মার্চ’ চালাইয়াছেন।

আমাদের পেঁপে-প্রসঙ্গ বন্ধ হইয়া গেল।

উভয়কেই পোস্ট-অফিসের দাঁড়া মজলিসে দেখিয়াছিলাম। সামনাসামনি হইতেই বৃদ্ধ ভদ্রলোকটি বলিয়া উঠিলেন—“এই যে,—আপনার কথা রোজই হয়,—আমরা ভাবলুম চলে গেছেন, —দেখতে পাইনা যে বড়!”

উত্তরের অপেক্ষা না করিয়া বলিয়াই চলিলেন,—“বাগিচায় গেছিলেন বন্ধু,—ও যে যেতেই হবে! হুঁ হুঁ—আমরাও চলছি। আহারের পর fruits (ফল) একটা important item (জরুরি জিনিস) কিনা; যেমন উপকারী তেমনি palatable (মুখরোচক)—তালু তরু করে দেয়। না? এখন এমন অভ্যাস দাঁড়িয়ে গেছে—ও নাহ’লে যেন নেড়ানেড়া বোধ হয়,—যেন খাওয়াই হল না।”

বলিলাম—“তা’ তো হবারই কথা, ওটা যেমন বিবাহের পর বাসর। বাসরটি না থাকলে বিবাহ ব্যাপারটাই আলদনি মেরে যেত,—মজাই থাকতো না।

বৃদ্ধ বলিয়া উঠিলেন—“ইয়াঃ! আপনি একদম ওর মর্মস্থানটিতে পেঁচছেন।”

বলিলাম—“আমি আর কি পেঁছুব, বৃহদারণ্যক-ঘোঁটা ডারউইন্ সাহেবের মতে আমরা যাঁদের বংশাবতংস, তাঁরা ফল খেয়েই থাকেন, বলও তেমনি ধরেন, বাঁচেনও ততোধিক—আবার বৃদ্ধিতেও কম যান না। য়ুরোপ-আমেরিকার আত্মীয়েরা ওটা বৃদ্ধে নিজে প্রচুর পরিমাণে আরম্ভ করে দিয়েছেন,—বাঁচছেনও বেশ লম্বা।”

বৃদ্ধ সোৎসাহে বলিয়া উঠিলেন—“very ঠিক (খুব ঠিক) বলেছেন,—কিন্তু আমাদের দেশ ওটা ধরতে পারে নি।”

মাতুল আমাদের এরূপ অজ্ঞতার অভিযোগ সহ্য করিতে বরাবরই নারাজ। ভারতে ছিল না—জগতে এমন কিছুর নূতন আবিষ্কার হইয়াছে, বা ভারতের লোক কোন একটা বিষয় জানিত না—যাহা অন্যদেশের লোক আগে জানিয়াছে,—এসব কথা তিনি বিশ্বাস করেন না, সহিতেও পারেন না। তাই তিনি শূদ্ধ করিলেন—

“মাপ্ করবেন মশাই—একটা কথা নিবেদন করি,—ওরা কত দিনের সভ্য যে ওরা ধরে ফেললে আর আমাদের দেশ সেটা ধরতে পারলে না,—হাঁ করে বোসে ‘চোলু’ ধরিয়ে ফেললে।”

পদনশ্চ—

“যিনি যাই বলুন মশাই,—ভাষা শুনছে ‘গালাগাল’ থেকে—এটা স্বীকার করতেই হবে। আদিতো মাত্র ‘মুখভঙ্গী’ ছিল। পরে রোকের-মাথায় গলা চিরে মুখ ছুটলো বা ফুটলো—‘গালাগালে’;—এবং তখন থেকেই আমরা পুনরুদ্বুদ্ধকমে বড়দের কাছ থেকে—‘কলাপোড়া খাও, এই উপদেশটা পেয়ে আসছি। কলার গুণ ধরতে না পারলে তাঁরা কখনই অপত্যদের জন্য এ ব্যবস্থা করতেন না।—কি বলেন?”

বুদ্ধ ভদ্রলোকটি আচমকা একজন অপরিচিতের challenge-এর (যুদ্ধং দেহির) এই চোট পেয়ে, মাতুলের দিকে নির্বাক চেয়ে রইলেন।

মাতুল মেতে গিছিলেন। আমি মনে মনে প্রমাদ গণিলাম।

মাতুল বলিতে আরম্ভ করিলেন—“আমাদের দেশে ওর গুণ ধরা না পোড়লে,—বরগডালায় উনি ঘোল-কলায় উপস্থিত থেকে বরের কপাল স্পর্শ করে তাঁর ভাগ্য পর্যন্ত পৌঁছবার সুযোগ পেতেন না। দেবতার নৈবেদ্যে “অষ্টরঙ্গার” বিধানও আজকের নয়। গুণ জানা থাকলে তার আদর তার সম্মান সকলেই করে থাকেন, এমন কি তার নামটি প্রতিষ্ঠানাদির সঙ্গে জুড়ে দিয়ে স্মরণীয় করে রাখেন। আমাদের দেশেও ‘কলা’কে সেই সম্মান, অজানা প্রাচীন যুগ থেকে প্রদত্ত হয়ে আসছে। দু’একটার উল্লেখ করি,—সুন্দরী স্বর্গ-বিদ্যাধরীর নাম রাখা হয়েছিল—“রঙ্গা”, সত্যনারায়ণের কথার প্রধানা নায়িকা—“কলাবতী”; দুর্গোৎসবে গণেশ-গৃহিণী—“কলাবউ”। উপাধিতে—“কলানিধি”। স্থান সংশ্রবে—“কলা-বাড়ী জয়নগর”,—“কলাগেছে”; কোথাও আবার গৌরবার্থে—“কাঁদ”। ইত্যাদি ইত্যাদি—

“আর যা কলাবিদের অতি প্রিয়—অজস্রাগুহার—পাতুরে কলা। সে-ত’ আজকের কথা নয় মশাই—”

কি বিদ্রাট, আমি তাহার উৎসাহ দেখিয়া আশ্চর্য হইয়া গেলাম। কিংকর্তব্য; ভাবিতোছি, দেখি যে আবার আরম্ভ করিলেন—

“বাকরণের দিকে ছেলেরা ঘেঁষতে চায় না, তাদের লোভ দেখাবার জন্যে ব্যাকরণের নাম হল—“কলা”-প।”

কি প্রলাপ! মাতুল যে বেজায় চড়োয়া হইয়া উঠিলেন।

বুদ্ধ ভদ্রলোকটি একবার আমার দিকে চান, একবার তাঁর দিকে তাকান। তাঁহার

যদ্বা সঙ্গীটি সম্ভবতঃ জামাই হইবেন, তাই B. Sc. হইয়াও নীরব হাস্যে শ্রোতা হইয়াই রহিলেন ।

মাতুল থামেন না । “বন্ধুলেন মশাই” বলিয়া আরম্ভ করিলেন—“আমাদের দেশে কলার শ্রীবৃদ্ধি দিন দিন দ্রুত বেড়ে চলেছে,—সব বিদ্যামন্দিরেই কলা-চাষের জোর আয়োজন । অর্চিরেই ছেলেরা সব কলাবিদ্যায় পেকে বেরুবে,—তখন প্রেম্‌সে কলা উপভোগ করুন না—কত করবেন ।”

কথাটা শুনিয়া আমি সংকুচিত হইতেছি, এমন সময় বন্ধ যদ্বা সকলেই হো-হো করিয়া হাসিয়া উঠিলেন । আমিও তাতে যোগ দিলাম ।

মাতুল গম্ভীর ভাবেই দেশের পক্ষ সমর্থন করিতেছিলেন, তিনি সেই ভাবেই বলিলেন—“অত কথাতেই বা কাজ কি, এই যে আমাদের এক একটি নধর মূর্তি দেখছেন, আঁতুড়ের সেটোপড়ো থেকে শ্রদ্ধ-বাসরে পিণ্ড দেওয়া এবং খাওয়া পর্যন্ত কলায় বে-ফাঁক্‌ ভরাট ! আর বিশেষ করে এই জন্যই আমাদের পদ্রের দরকার হয়, ‘পদ্র পিণ্ড প্রয়োজনম্’ কিনা ! সপদ্রেরা বেইমানি করেন না—বেঁচে থাকতেই আরম্ভ করে দ্যান ।”

বন্ধ লোকটি সহাস্যে বলিলেন—ব্রাভো মশাই !

মাতুল উৎসাহ পাইয়া বলিলেন—“মশাই, যাদের কথা পূর্বে বলেছেন, তারা ক’দিনই বা কলা খাচ্ছে ? আমাদের হিসেবে ওরা ত’ এই সৌদিন শুরু করেছে ! তবে ওরা যেরকম বুদ্ধিমান জাত, চট্‌ আমাদের টোপ্‌কে যেতে পারে । তা মশাই কারুর মন্দ চাই না,—আশীর্বাদ করি ভালই হোক ।”

পরে আমাকে লক্ষ্য করিয়া মাতুল বলিলেন—“আপনি যে চুপ করেই রইলেন, এত বড় কথাটার একটুও যে মতামত ছাড়ছেন না ।”

বলিলাম—“কলা সম্বন্ধে বলার ত’ কিছু বাকি রাখেননি, কেবল কাঁচা, মোচা আর থোড় বাদ দিয়েছেন । বলা দরকার যে আমরা ওগুলির চর্চাও রীতিমত রাখি ।”

এতক্ষণ পরে বন্ধ ভদ্রলোকটি অপ্রতিভ ভাবে বলিলেন—“আমার বলবার উদ্দেশ্য ছিল ওঁরা regularly ( নিয়মিত ভাবে ) আহাৰাস্তে fruits-টা ( ফলটা ) ব্যবহার করে থাকেন,—এটা ওঁদের চাই-ই । আমাদের তেমন কোন routine-ও নেই, চাড়ও নেই । তাই বলতে হয়—ওঁর উপকারিতা জানা থাকলেও সে উপকারটা নেওয়া সম্বন্ধে আমরা বড়ই উদাসীন ।”

কিছু বলবার ভারটা যেন আমার উপর দিয়া মাতুল আমার দিকে চাহিয়া

রহিলেন। বলিলাম—“আপনি যা বললেন তা ঠিক—কিন্তু ‘অভাবে স্বভাব নষ্ট’ বলে একটা বহু প্রাচীন সত্য চলে আসছে। আদি পুরুষদের ওপর টেকা মেরে কাপড় পরেই সেটা ঘটিয়ে বসেছি। কাপড়খানা ফেলতে পারলে, আবার **regularity** রক্ষা করে সকলের মাথার ওপর বেড়ান যায়। শ্রীরামচন্দ্র ত্রেতাযুগে তাঁদের পরিচয় পেয়েছিলেন। আর ডারউইন্ সাহেব অনেক খুঁজে এই সে-দিন পূর্ব-পুরুষ বার-করেচেন বটে, কিন্তু তাঁদের মূখ চাননি। বেচারারা একটি ফলে হাত বাড়ালে পটাপট্ গুলি চলে, অথচ ও-জিনিসটি যুগ-যুগান্তর ধরে ওঁদেরই ভোগ-দখলে ছিল! আমরা কিন্তু **regularly** (নিয়মিত ভাবে) অন্যের অধিকার গ্রাস করতে নারাজ! আমরা বরং হনুমানজির মন্দিরও বানাই, পূজাও করি।”

বৃদ্ধ বলিলেন, “এর ওপর আর কথা চলে না, কিন্তু (মাতুলকে দেখাইয়া) একে দেখে ত’ বোধ হয় স্বাস্থ্যরক্ষা সম্বন্ধে ইনি বেশ নজর রাখেন। উনি যাই বলুন, নিজে কিন্তু নিশ্চয়ই **fruit** (ফল) ব্যবহার করে থাকেন; **digestive system** কে (পাকস্থলী) সবল না রাখলে, চেহারায় কখনই এমন লাভণ্য থাকত না। দেখলে আনন্দ হয়।”

কথাটায় মাতুল বেশ একটু আন্তরিক আনন্দ অনুভব করিলেন। চট্ রুমালখানা পকেট হইতে টানিয়া মুখখানা সজোরে মুছিয়া, বিনীত ভাবে বলিলেন—“কোথায় পাবো মশাই, সবই পয়সার খেলা, তার ওপর দশজনেই দেহটা দ-পড়িয়ে দিলে।”

ভদ্রলোকটি বলিলেন—“ও আপনি কি বলচেন,—নিজের শরীরটে আগে মশাই,—পাঁচজন তার পরে।”

বৃদ্ধিলাম—এ চ্যাপ্টার (অধ্যায়) আরম্ভ হইলে জয়হরির অনুমানই ঠিক হইবে, সেও লাঠান না কিনিয়া ছাড়িবে না। তাড়াতাড়ি ভদ্রলোকটিকে বলিলাম “ওঁর **fruit** খাওয়া সম্বন্ধে আপনার অনুমানটা নির্ভুল বললেই হয়, তবে বৃদ্ধি খেলিয়ে উনি সেটাকে এমন সহজ করে নিষ্পন্ন করেন যে অসময়েও, এমন কি মরুভূমেও ওঁর ফল পাওয়া ও খাওয়াটা নিয়মিতই চলে।”

ভদ্রলোকটি সাগ্রহে ও সান্দ্রনয়ে বলিলেন—“বলতে যদি বাধা না থাকে ত’ বড়ই উপকার করা হবে। আমার ওটা আফিং-এর মতই অনিবার্য দাঁড়িয়ে গেছে, আমি বেঁচে যাই মশাই।”

বলিলাম—“আজ্ঞে উনি ফ্রুট্-সল্ট ( **fruit-salt** ) ধরেছেন।”

ভদ্রলোকটি হাসিয়া উঠিলেন ও বলিলেন—“পীজত কিন্তু আমারি রইলো। আপনার

সঙ্গে প্রথম দেখার পর এত আনন্দ উপভোগ করিনি। আপনার সঙ্গী-ভাগ্য খুব জ্বর বটে, তা না ত' এমন সরস যোগাযোগ ঘোটত' না।”

বলিলাম—“ওর যে একটা কারণ আছে—”

ভদ্রলোকটিও বলিলেন—“সেটাও বলতে হয়েছে মশাই।”

বলিলাম—“শোনবার মত কিছুর নেই, সংক্ষেপেই বলি। ভূমিস্পর্শটা আমার খাস আর্থাভাবেই ঘটেছিল। ষষ্ঠীপূজার পুরোহিতও পাওয়া গিছিলো খাঁটি। ইক্ষ্বাকুবংশের। আমার ভাগ্যলিপি লেখবার লেখনির জন্যে মা ঐ ইক্ষ্বাকুবংশীর ওপর খাঁকের-কলম এনে দেবার ভার দেন, কারণ অন্য কলম নাকি বিধাতাপুরুষের হাতে অচল। তিনি যা এনে দ্যান সেটা খাঁক নয়—আক,—অপেক্ষাকৃত সরু হলেও, তাকে বাগিয়ে ধরা এক বিধাতাপুরুষেরই সম্ভব ছিল। তাই দিয়েই তিনি আমার ভাগ্যলিপি দেগে দিয়ে যান! তাই বোধ হয় বরাবরই আমার ভাগ্যে রসন্তু সঙ্গীই জোটে,—সম্প্রস্তুও থাকতে হয়।”

ভদ্রলোকটি উচ্ছ্বাস করিয়া বলিলেন—“বাঃ বেশ,—বেশ আছেন আপনারা!”

পরে বলিলেন—“এতদূর এলুম, বাগিচাটা একবার দেখেই যাই, কি বলেন?”

বলিলাম—“আমরা বাগিচা থেকে এই আসছি, পাকা-ফল একটাও নেই, নিষ্ফলই ফিরতে হবে। পাঁড়োজ খুব অমায়িক লোক, তিন চার দিন পরে আসতে বললেন। আজ সকালে কে ধরুন্ধরবাবু, জলন্ধরবাবু, হিড়িম্বাবাবু, রজকবাবু, মাকুন্দিবাবু—যা ছিল সব ঝোঁটিয়ে নিয়ে গেছেন। ‘বেহারী’ বাবুদেরও ফলের ঝোঁক চেগেছে দেখছি।”

ভদ্রলোকটি হো হো করিয়া হাসিয়া, সঙ্গী ছোকরাটিকে বলিলেন—“চিন্তে পারলে? আমাদের ‘বম্পাসে’র ধরণীধরবাবু, জলধরবাবু, হেরম্ববাবু, রজতবাবু আর মকুন্দিবাবু! ওঁদের ‘ধরণী ধামে’ আজ ভারি ধুম, কলকেতা থেকে দু’জন ব্যারিস্টার গেস্ট (guest) আসছেন—(কি এসে গেছেন)—মিস্টার পীজা and মিস্টার কাড়া। শুনলুম ক্যালকাতা “বারে”র (Bar-এর) shining star (উজ্জ্বল নক্ষত্র)। ভারি শিকারের ঝোঁক, ব্রিফ্ ছোন না, ছিপ নিয়ে বেড়ান। আমিও কার্ড (card) পেয়েছি। আজ অনেক কাজ,—হুইল ঠিক করতে আছে, কেঁচো কম্‌সে কম দু’শো চাই, ওটা অব্যর্থ টোপ্।”

পরে আমাকে বলিলেন, “আপনার নিশ্চয়ই এ শখ আছে,—বিকলে চলুন না; hunting and sporting-এর মত interesting and manly game আর নেই

( শিকারের মত প্রাণ-মাতানো মরদের খেলা আর নেই ) । ওতে শরীর মন দুই সতেজ থাকে । আমার ওতে ভারি বাই মশাই—”

ছিপে মাছ ধরাটা যে কত বড় মরদী-খেলা, তা আর ব্যাখ্যার অপেক্ষা রাখে না ; স্মৃতির কথা না বাড়াইয়া বলিলাম—“ও আর আমাকে মনে করিয়ে দেবেন না,—তের চৌদ্দ বছর বয়সেই ওটা শুরুর করোঁছিলুম । উঃ কি ফুটি'ই ছিল ! এখনো মনে হলে muscle ( পেশী ) নিসপিস করে”—

ভদ্রলোকটি খুব উৎসাহের সহিত বলিলেন—“তের চৌদ্দ বছর—বলেন কি ! হিস্ট্রীটা শুনতেই হবে । ও-বয়সে এ-রকম স্পোর্টিং স্পিরিট্ খুব রেয়ার ( rare )—দেখা যায় না । এইতেই পূর্ব সংস্কার মানতে হয় ।”

ভাবটা—পূর্বজন্মে যেন ব্যাধের-বাচ্চা ছিলুম,—বাঘ মেরে ব্রাহ্মণ পেয়েছি !

বলিলাম—“আজ বেলা হয়েছে, আপনাদেরও বেলা হয়ে যাবে,—আমার সাথীরাও দড়ি-ছেঁড়া হয়ে দাঁড়িয়েছে । অন্য দিন শুনলেই যেন ভাল হয়,—বলেও সুখ হয় ।”

বলিলেন,—“আচ্ছা তবে থাক,—কিন্তু শোনাতেই হবে মশাই । শিকারের কথা ক'জন বাঙ্গালীর মুখে শুনতে পাই বলুন ! এ chance ( সুবিধে ) ছাড়া হবে না ।

বলিলাম,—“নিশ্চয়ই শোনাবো,—আমি নিজেই কি শোনার লোক পাই মশাই !”

নমস্কার আদান-প্রদানান্তে বিদায় লইলেন । ভাবিতে লাগিলাম, খাবার পরবার ভাবনা না থাকিলে এ জাতিটি আড্ডা আর অবাস্তুর গল্প লইয়া জীবনটা বেশ কাটাইয়া দিতে পারে ।

## ২৫

যে-যার চলিয়া যাওয়ায়—সহসা চট্কা ভাঙিল,—দেখি একা একটা গিল-রাস্তায় দাঁড়িয়ে ! সূর্যদেব ঠিক মাথার উপর । জয়হরি কোথায়,—মাতুলই বা কই !

একধারে কয়েকটা কাকের আওয়াজ পাইয়া চাহিয়া দেখি—একদম “সিনেমা !” অদূরে এক পাণ্ডার বাড়ীর বাহিরের রোয়াকে জয়হরি দেয়াল ঠেশ্ দিয়া পা গুটাইয়া বসিয়াছে,—হাঁটুদ্বয়ের মধ্যে প্রসাদের হাঁড়ি । হাত দু'খানি বোধহয় হাঁটুদ্বয় বেঁটন করিয়া হাঁড়ির রক্ষাবন্ধনি হিসাবে ছিল, অধুনা স্থলিত । নাসিকা তাহার অস্বাভাবিক সূত্র সাধিতেছে । রোয়াকের উপর হাত-পাঁচেক তফাতে থাকিয়া, তাহার

উভয় পার্শ্বে দুই-তিনটা কাক হাঁড়ির উপর লক্ষ্য করিতেছে—নীচে একটা কুকুর—  
জয়হরির নাসিকাগর্জনের উদাত্ত অনুদাত্ত অনুসারে—তিন পদ পিছাইতেছে আবার  
দুই পদ অগ্রসর হইতেছে,—ফলে দূরে থাকিয়াই যাইতেছে ।

আমি অবাক হইয়া এই অভিনব অভিনয় দেখিতেছি, এমন সময়—শ্বাস-  
প্রশ্বাসের কোন বাধা-ব্যতিক্রম ঘটাতেই হউক, বা নিদ্রামগ্ন হইবার অব্যবহিতপূর্বে-  
গৃহীত প্রসাদী পেঁড়ার কিয়দংশ মূখে থাকিয়া গিয়া শ্বাস-প্রশ্বাসের ব্যাঘাত  
ঘটাইবার জন্যই হউক, গ্রীবা সঞ্জালনের সহিত জয়হারির নাক মূখ দুই-ই একটা বিকট  
বেসুরো উচ্ছ্বাসে মোড় ফিৰিল । ব্যাপারটা আচমকা ঘটায়—কুকুরটা একবার  
কেঁউ করিয়াই দ্রুত ছুট মারিল ; কাকগুলা দ্বিরতর্গততে নিকটস্থ অশ্বখগাছটায়  
গিয়া বসিল ।

আমি আর অপেক্ষা না করিয়া, রোয়াকটায় উঠিয়া তাহার ক্রোড়স্থিত প্রসাদের  
হাঁড়িটা তুলিয়া লইলাম এবং তাহাকেও তুলিলাম । দেখি—হাঁড়িটা একদম পেঁড়াশূন্য ।  
জিজ্ঞাসা করিয়া জানিলাম—মাতুল এই নিতান্ত আবশ্যকীয় কাজটি এইখানেই নির্বিয়ে  
শেষ করিয়া গিয়াছেন,—কারণ তাঁহার বাসার ব্যবস্থা অনিশ্চিত । তবে জয়হারি সবটা  
শপথ করিয়া বলিতে পারিল না,—সম্ভবতঃ সে ঘুমাইয়া পড়িয়াছিল । তাহার যতদূর  
স্মরণ হয়—মাতুল তাহার পার্শ্বেই উপু হইয়া বসিয়াছিলেন এবং বলিয়াছিলেন—গিয়ে  
যদি দেখি বৈবাহিক মশাই statue ( মুরোদ ) মেরে গেছেন, আর গড়েরমাঠ আলো  
করে আউটর্যামের পাশে লোহারাম হয়ে বসবার নোটিশ দিচ্ছেন, এবং সে মাল যদি  
তাকেই পেঁছে দিতে হয়, তা হলে তাঁকে এইরূপ প্রসাদ পেয়েই এ জন্মটা নাকি প্রাণ  
ধারণ করতে হবে !—

টীকা অনাবশ্যক । মাতুলকে যখন তখন বলিতে শুনিয়াছি—“আম্বাকে কষ্ট দিতে  
দেই”—অর্থাৎ নিজের আত্মাকে ! আজ বদ্বিলাম—তিনি কেবলই বলেন না, যা বলেন  
তা কাজেও করেন ;—প্রকৃত কর্মবীর !

যাহা হউক—এখন উপায় ? ‘একজন ত’ আত্মাকে তুষ্ট করিতে প্রসাদের  
হাঁড়িটা পাতা-সার করিয়া সরিয়া পড়িয়াছেন । অবশ্য—তাঁহাকে দ্বিষিতে পারি না,  
কারণ প্রথম পরিচয়কালে তিনি বলিয়াই রাখিয়াছেন—“আমাকে মাতুলও বলিতে  
পারেন, বাতুলও বলিতে পারেন ।” কিন্তু বাবা বৈদ্যনাথ দর্শনাস্তে কুটুম্বের  
বাসায় প্রসাদশূন্য হস্তে কি করিয়া প্রবেশ করিব, বালক-বালিকাদের হাতেই বা  
কি দিব !

জয়হরি আশ্বাস দিল—“আপনি অত ভাবচেন কেন,—লাঠান যদি কিনতে না হয় ত’ সেই টাকায় ত’ পেঁড়া কেনা যেতে পারে । এখানকার পেঁড়া লাঠানের চেয়ে ঢের ভাল জিনিস মশাই ।”

তার বস্তুবিচার সম্বন্ধে জ্ঞান দেখিয়া আমি ত’ অবাক । বলিলাম—“সেটাকে কি প্রসাদ বলা চলবে ?”

জয়হরি আশ্চর্য হইয়া বলিল,—“কেন চলবে না মশাই, এ হাঁড়িটা ত’ সেই প্রসাদের ! স্পর্শ দোষ যদি থাকে ত’ স্পর্শ গুণও আছে ! এই দেখুন না—মহা-প্রসাদ বাড়ে কি করে,—মায়ের কাছে ত’ একটি বাচ্চা-পাঁটা কাটা হয়,—খাবে কিন্তু তিনশো লোক,—সকলেই চান মহাপ্রসাদ ! তখন পগারে আর পঁচটা কুপিয়ে এনে, তাতে মিশিয়ে দিয়েই ত’ তাদের মহাপ্রসাদ বানিয়ে নিতে হয় ! দিন টাকা দিন ।”

এ উদাহরণ উদরস্থ করিতেই হইল,—জয়হরিও সের খানেক পেঁড়া আনিয়া প্রসাদী হাঁড়ির মধ্যে প্রমোসন্ দিলেন ।

বোধ হয় সে অনুমান করিয়া লইয়াছিল—কাজটা আমার মনঃপূত হয় নাই, তাই অকস্মাৎ মধ্য-পথে আরম্ভ করিল—“আমাদের গাঁয়ের কারখানাবাড়ীর ম্যানেজার সায়েব কেরাণী—কুঞ্জ নন্দীর কান ধনে টেনেছিল ; মশাই সেই মাস থেকেই তার দশ দশ টাকা বেতন বৃদ্ধি ।”

আমি তার মতলব বুদ্ধিতে না পারিয়া বলিলাম—“সে কিছদ্ বললে না ?”

জয়হরি বলিল—“বলবে কি মশাই ! ওরাই জাগ্রত দেবতা,—স্পর্শ-গুণটা দেখুন না । আর এটা ত’ আপনার জানাই আছে—গরম গরম একখানা ইলিসমাছ-ভাজা পাতে মজদুত দেখে,—ভাতে কেবল ঠেকিয়েই—দু-খালি বেশ উড়িয়ে দেওয়া যায় । স্পর্শ-গুণ আর কাকে বলবেন ? এ দুটোই আমার নিজের দেখা ।”

বাসার সামনেই আসিয়া পড়িয়াছিলাম, বলিলাম—“এখন আমার আর কিছদ্মাত্র সন্দেহ নেই জয়হরি—এ কথা কিছু আর নয় ।”

বেলা বারোটা হইয়া যাওয়ায় মনে মনে লজ্জা অনুভব করিতেছিলাম, ভাল মানদুষ-টির মত রোগ্যাকে উঠিতেই রন্ধনশালার স্দমধদুর ছ্যাক্-ছ্যাক্ শব্দ—প্রাণে শক্তি সঞ্চার করিয়া নিরুদ্ধেগ করিয়া দিল । কত বাহিরের ঘরেই ছিলেন, আমাদের দেখিতে পাইয়া—অন্দরের দিকে ফিরিয়া তাড়া দিলেন—এঁরা এসে গেছেন—গরম গরম ভেজে দাও ।” অর্থাৎ সেই ডালপুড়ি !



আমার নিষেধ সত্ত্বেও ডালপুড়ি ও চা আসিয়া পড়িল। কত' বলিলেন—“এ সম্বন্ধে আপনার মতামতের কোন মূল্য নেই, সকালে আপনিই জয়হরি বাবুর মুখের গ্রাস নষ্ট করেছেন।”

জয়হরি তখন কাজ শুরুর করিয়া দিয়াছে,—একবার কেবল মাথা তুলিয়া বলিল—  
“একবার মুখে দিয়ে দেখুন—কি বাড়িয়া হয়েছে। এদিকে ছ'খানা তল্গড়।”

কত' উৎসাহ দিয়া হাসিলেন, আমি কিন্তু পুরো দেড়খানারও খবর লইতে পারিলাম না। তাহার পর একটা সিগারেট সম্পূর্ণ দহন করিবার পূর্বেই আহারের জন্য ডাক পড়িল। মনে মনে ভাবিলাম—এটা মিথ্যা ভোগাভোগ মাত্র ;—কিন্তু উপায়ান্তরও ছিল না, উঠিতেই হইল।

আহারের ও আহারের বিবরণ বাদ দেওয়াই ভাল,—রাবিশ বাড়াইতে আর ইচ্ছা নাই। বোধ হয় এই বলিলেই বিশদ হইবে—বাড়ীওয়ালারাও নিতা নব নব উপ-করণে দূর্বাসার পারণের পাহাড় বানাইতেছিলেন, আমার সঙ্গেও ছিলেন—অকৃত্রিম দামোদের !

রহস্যপ্রিয় “নিঠুর কালিয়া” মানুষের যেন এইসব অবস্থাই খোঁজেন। আহার আরম্ভ হইবার পর, এই অসময়ে—দু'খানা করে গরম গরম ইলিস-মাছ ভাজা,—তার তীব্র মধুর গন্ধ সহ, প্রত্যেকের পাতে আসিয়া পড়িল।—জয়হরির উদাহরণের কি মধুর উপসংহার—আশ্চর্য যোগাযোগ ! সে মাথা তুলিয়া হর্ষোৎফুল্লনে আমার দিকে তাকাইয়া ইঙ্গিতে জানাইল—“দেখিয়ে দিচ্ছি !”

আমি ভীত হইলাম ; প্রাণটা কাতরে বলিয়া উঠিল—“এবার ফিরাও মোরে।”

কত' তখন তাহার প্রিয় ভূতা বাণেশ্বরের সহিত কথাবার্তায় ব্যস্ত ছিলেন,—জয়হরির ইঙ্গিতটা লক্ষ্য করেন নাই। তিনি তাহাকে বলিতেছেন—“সারাদিন কোথায় ছিলিবে বেটা বেণী-সংহার ?—” সারাদিন অর্থে,—সে আমাদের চা দিয়া কি কাজে বাজারে গিয়াছিল।

বাণেশ্বর। আলু আনুতি গেছন বাবু।

কত'। ক' পরসা সরালি ?

বাণেশ্বর। সরাবো কি বাবু।

কত'। আ-বেটা মেদিনীপুত্রের মদুখু—সাধুভাষা বোঝ না,—মরবে যে মদুখু,—চুরি—চুরি রে হারামজাদা ! তোদের ওখানে আজো সাহিত্য-পরিষৎ

টোকেনি বদ্বি ? আচ্ছা,—কত করে সের পেলি ! ঠিক বলিস্, এই আমি ভাত ছ'য়ে রইলুম !

বাণেশ্বর । চৌন্দ পয়সা সের নিলে বাবু ।

কর্তা ! নিলে,—আর তুমি দিলে ! তুইও তাদের কাউন্সিলের মেম্বার না কি রে বেটা ! আর আমি যে এই আজই ছ'পয়সা করে সের রাঙা-আলু এনেছি রে পাজি !

বাণেশ্বর হাসি-মাখানো মুখে বলিল—“সে যে রাঙা-আলু বাবু, আমি যে গোল-আলু আনন্দ ।”

কর্তা আমার দিকে ফিরিয়া বলিলেন—“শুনলেন বেটা বেণীমাধবের কথা । উঃ—এরি জন্যেই Mass Education দরকার ; এসব লোকসেনে মূখ্যকে নিয়ে আর ত' পারি না মশাই ।”

বলিলাম—“আপনি যে কি করে পারছেন, —এসে পর্যন্ত সেই কথাই সর্বক্ষণ ভাবছি । এতে বিশষ্টকে অশিষ্ট করে তোলে ;—এ যাতনা আর রাখা কেন ?”

কর্তা সবেগে বলিলেন—“রাখা ?—ও বেটাকে কি আমি রেখেছি ? ঐ বেটাই ত' আমার কয়েদীর-কম্বল হয়ে দাঁড়িয়েছে,—কি শীত কি গ্রীষ্ম তোফা জড়িয়ে থাকে ! হারামজাদা বলে কি না—আমি যে গোল-আলু আনন্দ ।—ওরে গো-মুখু—রাঙা আলু বড়, না গোল-আলু বড় ! রাঙা আলু গতরে বড়, মালে বেশী, তার রঙের একটা দাম আছে, মিষ্টতার আলাদা মূল্য আছে, তোর গোলার খরচটা কি ? সুখ গোল, চন্দ্র গোল, সারা পৃথিবীটেই গোল,—কারুর তাতে এক পয়সা লেগেছে, না কেউ তা চায় ? তবে কোন্ হিসেবে তোর গোল আলুর দর বেশী হবে রে রাস্কেল ?—চুপ করে রইলি যে ?”

বাণেশ্বর কাতর কণ্ঠে বলিল—“আমাকে আর রাখবেন না বাবু”—

কর্তা একটু মুখভঙ্গী করিয়া বলিলেন—“কেন—তোমার হুকুমে ! তোরে রাখবো না ত' কারে রাখবো রে পাজি ;—তোর জোড়া আর মিলবে ?”

বাণেশ্বর । তা কি জানি বাবু—

কর্তা । তবে ?—তুই বেটাই জানিস—আমার সিদ্ধক পাটরা নেই, টাকাপয়সা যেথা-সেথা পড়ে থাকে ;—সেসব আর আমাকে ফিরে দেখতে হয় না । তুই গেলে সে কাজ করবে কে রে বেইমান !—পারবে কেউ ? বেরো সামনে থেকে ;—বেটা যেন কোলু, —কাপড় দেখ না ।—খাঃ, ঐ মাঝের কুলুঙ্গিতে আছে,—এখনি কাপড় কিনে পর—

জয়হরি ইতিমধ্যে এক থাল অন্ন শেষ করিয়া তজ্জ'ণী তুলিয়া আমাকে ইঙ্গিতে সেটা জানাইয়াছিল। এইবার তজ্জ'ণী ও মধ্যমা তুলিল ;—আমি নিষেধ-কটাক্ষসহ চাপা-গলায় বললাম—“বসু”।

এবার সে কতর দৃষ্টি এড়াইতে পারে নাই ! তিনি সহাস্যে বলিলেন,—“জয়হরি বাবু দেখছি সব-শক্তিমান ! উনি কি করে জানলেন যে কুলদ্বিগিতে দু' টাকা আছে !”

নারায়ণ রক্ষা করিলেন, বললাম—“জোড়া মিলবে না বলেই আপনি ভাবছিলেন না !”

কর্তা উচ্চহাস্য করিয়া বলিলেন,—“আরে বাপ রে—এমন কথা বলবেন না,—সে কি কথা—”

কর্তার দৌহিত্রী—মাধুরী মেয়েটি আসিয়া বলিল,—“দিদিমা বলচেন—”

কর্তা বাধা দিয়া বলিলেন—“হ্যাঁ-হ্যাঁ—সে জানি,—এই ভাতগুড়ি সব খেতে ত' ? তা বলবেন বই কি,—চাল খুব সস্তা কি না !”

মাধুরী মন্থখানা ঘুরাইয়া বলিল—“আহা—তাই বলচেন না কি ? বাণেশ্বর এই সিদিন কাপড় পেয়েছে,—খেখানা পরে রয়েছে, ওখানা ত' নতুন,—ময়লা হয়েছে বই ত' নয়। এসব বাজেখরচ নয় কি ?”

কর্তা আশ্চর্য হইয়া চক্ষু কপালে তুলিয়া বলিলেন—“অ্যাঁ—বলিস কি ! কই ও-বেটা তা বললে না ত' ! ইস্—বেশ নীরবে সর্বনাশ করে চলেছে দেখছি ! হারাম-জাদা থাকে থাকে যায় কোথায় বল দিকি ?—এই দ্বিবেণীশঙ্কর,—ওরে বানোয়ারী ?—বেটা সটকালো নাকি !”

পরে আমার দিকে চাহিয়া বলিলেন—“দেখুন—লোক চিনি না তা ত' নয়। রোজই দেখি—কি রোদ কি বৃষ্টি বেটা কাজকর্ম সেরে দিখি নিশ্চিন্তে ঘুমুচ্ছে ! ভদ্দের লোকের এমন ঘুম হয় মশাই ? আবার উঠেই—ঝাঁটা নিয়ে উঠোন ঝাঁট্ ! ক্যান্‌র্যা বাটা,—বাবার উঠোন পেয়েছ ! ভদ্দের লোকের বাড়ী ভাড়া নির্যেছি পাঁচ মাসে উঠনটা পদুকুর' বনে যাক ! ছেলেপুলেগদুলো খেরকম ধীর—বজায় খঞ্জন পাখীর ল্যাজ,—একদম তলায় গিয়ে নাচুক, আর আমরা ডাঙায় ডিগ্বাজী খাই। উঃ, চোর ব্যাটার কি দুরভিসন্ধি মশাই ! লোক চিনি না ! আর দেখুন এটোও বরাবর লক্ষ্য করছি—বেটা রোজই নাম বদলায় ! এ তো ভাল কথা নয়,—ফেরারী আসামী নয় ত' ! উঃ—আমি ত' আর ভাবতে পারিনে মশাই, আপনারা আছেন, দয়া করে যা বিহিত হয় করুন ; আমি আর চোর বেটার মদুখ দেখব না ;—তা আপনারা

আমাকে ভালই বলুন আর মন্দই বলুন ;—নাঃ—কখনই না ।—কোথায় গেলি,—ওরে ও বক্শেবর । এই যে ব্যাটা ! নে ত' বাবা—বাবুদের খাওয়া হয়ে গেছে, হাতে জল দে ।”

বলিলাম—“মাধুরী বাজে-খরচের কথা কি বলছিল না ?”

কর্তা বেশ সহজ ভাবেই বলিলেন—“সে দঃখের কথা আর কেন বলেন, শিল নয়, পেরেক নয়, যাতে সংসার গোছায়—দ'চার পদ্রুপ থাকে ;—কাল দম করে দ' আনার ধুনো কিনে ফেললেন ! উড়িয়ে পুড়িয়ে দেওয়া চাই ত' ! যাক্—আমি আর ক'দিন দেখবো । ঘুম থেকে উঠেই দেখি—রান্নাঘরে ধোঁ—এক একদিন মশাই,—রোজ ; আর কি বলবো ।”

মাধুরী মাথা নাড়িয়া বিরক্তি প্রকাশের ভঙ্গীতে বলিল—“আহা—আমি বুঝি ঐ কথা বললুম !”

কর্তা বলিলেন—“নাঃ, আমি যেন মেম-সাহেবের কথা বুঝতে পারি না ;—যাঃ, এখন থেগে যা ।”

আমরা ত' অবাক্ !

## ২৬

জয়হরিকে বলিলাম—তুমি যেরকম load ( বোঝাই ) নিয়েছ, একটু গড়াও, আমি একবার অমরকে দেখে আসি ।

সে বলিল—গড়াবো কি মশাই, আমাকেও যেতে হবে ।

বলিলাম,—“যেতে হবে—তার মানে ?”

জয়হরি গম্ভীর ভাবে বলিল,—অসম্মাতে কারুর কিছু নেওয়াকেই ত' অপহরণ বলে । মাতুল সেই কাজটি করে গেছেন, অনেকগুণি পেঁড়া গেঁড়া মেরেছেন, না হয় উড়িয়েছেন ! মনটা ভারী বিগড়ে রয়েছে, দেখলেন না খেতে পারলুম না । পেঁড়াগুনো খুব উঁচুদের ছিল মশাই ।

বলিলাম,—অপহরণটা হল কি করে, তুমি ত' উপস্থিতই ছিলে ।

জয়হরি একটু উত্তেজিত ভাবেই বলিল,—“আমি জ্যাস্তো থাকলে আর এমন সর্বনাশটা ঘটে ।”

“কি করতে ?”

“মাতুল একথানা গালে দিলে আমি পাঁচখানা গালে দিতুম—দেখতুম কেমন খান !”

বলিলাম—তাহ’লে বুঝি যেমন প্রসাদ তেমনি মজদু থাকতো, প্রসাদের second edition-এর ( দ্বিতীয় সংস্করণের ) আর দরকার হত না ?

একটু ভাবিয়া বলিল—“তা আমি ত’ প্রসাদ পেটে নিয়ে এই বাসাতেই ফিরতুম,— অন্য কোথাও ত’ যেতুম না মশাই !”

এ যুক্তির উপর শক্তি ছিল না যে কথা কই।

আবার বলে—“এডিসন্ যত হয় হোক না,—সেটা আমি খুব পচন্দ করি মশাই !”

বলিলাম—“তোমার এই ‘খুব পচন্দ করাটা’ মস্ত একটা ত্যাগ স্বীকার বটে,— এতে উদারতাও যথেষ্ট রয়েছে ! যাক,—এখন মাতুলের বাসায় যাবার উদ্দেশ্যটা কি শুনি !”

জয়হারি বলিল—“শোখটা নিতেই হবে মশাই,—বোলবো—আজ রাতে এইখানেই মদুখ বদলাব মাতুল !—”

বলিলাম—তাঁর বাড়ী আজ যে রকম বিদ্রাট—একজন দেহ বদলাবার জোগাড় করে বসেছেন, এ সময় কি মদুখ-বদলাবার কথা মদুখে আনতে আছে। অমর সামলে উঠলে একদিন দেখা যাবে।

তাহার প্রস্তাবের মধ্যে আমরা পোর্ট থাকিবার আভাস পাইয়া সে আনন্দের সহিত সম্মত হইল। উভয়ে বাহির হইয়া পড়িলাম।

একটা মোড় ফিরিয়াই দেখি—মাতুল আমাদের দিকেই আসিতেছেন। দূর হইতেই হাত নাড়িয়া জানাইলেন—“যেতে হবে না।”

নিকটে আসিয়া বলিলেন, “পায়ের ধুলো দিন মশাই,—যা বর্লোছিলেন তাই,—দু’ কাপ্ চা গলা থেকে নাবতেই পেটে যেন পদলিশ্ ঢুকলো, পাঁচ মিনিটে সব ভিড় সাফ ! \* \* \* এসে বললেন, ‘আঃ বাঁচলুম, একটু গড়াই—ঘুম ভাঙিলো না। আজ আর জলগ্রহণ নয়, উঠে সেরফ্ আধ-সেরটাক গরম মোহনভোগ গ্রহণ। মাঝে মাঝে উপোস দেওয়াটা ভাল।”

“এ কি রকম উপোস মশাই ! বেদানা থেকে বাঁচলুম ত’ ওষুধের বাবা,— খাঁটি বোগদাদী বর্লোন্টিন্—হেঁকমী হালদুয়া। চুন্ড-স্যাকরা কি কু-লগ্নেই হার ছড়াটার হাত দিয়েছিল। এখন আর ব্রহ্মা-বিষ্ণুর সাধ্য নেই যে, সেটাকে বাঁচায়।

চুলোয় থাক, আপনি বলতে পারেন—ত্রিকুট পাহাড়ে বাঘ বেরোয় কখন? রোজ বেরোয় ত'?"

বলিলাম—“কেন, এ খোঁজ কেন?”

মাতুল আশ্চর্য হইয়া বলিলেন—“কেন কি মশাই! এখন বাঘ ছাড়া আর বন্দুকে? —খেলেই বাঁচি। মদ্রশিকল—তাদের education ( শিক্ষা ) নেই যে engagement করি। এ কি অন্য দেশ যে শ্যাল-কুকুরেরও education চাই। হায় গোথলে—তুমি বৃথাই ছোক্লে ( sketched )! এখন কোথায় গিয়ে বনে জঙ্গলে বাঘ হাতড়ে বেড়াই বলুন দিকি! আমার ভাগ্য ত' দেখছেন;—সেদিন নিশ্চয়ই তাদের মধুপদ্র বোড়াবার শখ চাগবে;—এ আপনি দেখে নেবেন।”

কি বিদ্রাট! বলিলাম—“এত ভাবছেন কেন,—দেখবেন দ্রুদিনেই চাপা হয়ে যেখানকার বেঁই সেখানে গেছেন, যেখানকার হার ঠিক সেখানেই শোভা পাচ্ছে; এত অধীর হবেন না। মোহনভোগটা খুব বেশী ঘি ঢেলে যেন করা হয়। দ্রুবারের বেশী তিনবার গাড়ু হাতে করতে হলে “মাঝে মাঝে”র ফঁাসাদটা ঐ সঙ্গেই ফুরিয়ে যাবে,—বেই মশার উপোসে আর রুচী থাকবে না।”

“যে আজে, তাই করেই দেখি। আমি তবে এখন বাজারে চললুম, কখন তাঁর ঘুম ভাঙবে তারও ঠিক নেই।” এই বলিয়া মাতুল গমনোদ্যত হইতেই জিজ্ঞাসা করিলাম—“আহার হয়েছে?”

“আর আহার! একবার বসেছিলুম মাত্র, দ্রুভাবনাতেই পেট ভরপদ্র,”—বলিতে বলিতে মাতুল দ্রুত প্রস্থান করিলেন।

জয়হরি আমার গা টিপিয়া বলিল—“পেঁড়ায় যে আকঁঠ বোঝাই।”

তাহার কথা আমার ভাল লাগিল না। বদ্বিষাছি মাতুল একটি সুখের পায়রা,—জদ্রুতা জোড়াটিতে রঙকা না লাগাইয়া তিনি মদ্রদির দোকানেও মদ্র দেখাইতে পারেন না—অর্থ পথ হইতে ফিরিয়া আসেন; প্রাতে শয্যা ত্যাগান্তে তাঁহার প্রধান কাজ চুল-ফেরানো। তাহা হইলেও তিনি করেনী,—তাঁহার সাংসারিক দ্রুখ-কষ্ট নিশ্চয়ই বহু। তাঁহার এই মোহনভোগের আরোজনের জন্য ছোট্টা পশ্চাতে যে কতটা ভদ্রতা বজায়ের চিন্তা-ভোগ অহরহ রহিয়াছে, সেই ভাবনাই আসিয়া গেল,—

অন্যমনস্ক হইয়া ভাবিতে লাগিলাম—“হায় রে মধ্যবিত্ত ভদ্র করেনী! তোমার মত দ্রুখী জগতে নাই। তোমার মত দ্রুভাবনাবাহী চিরসহিষ্ণু বীরও জগতে নাই। খনী তোমাকে চেনে না, উর্চাশিক্ষিতে বোঝে না, লেখক-বক্তারা আত্ম-মধ্যাদা রক্ষার্থে

বন্ধিয়াও বন্ধিতে চাহে না। সম্মুখে তোমার পেষণ-যন্ত্র—আঁপিস,—পশ্চাতে তোমার গুরুভার—সংসার, দুই পার্শ্বে—পাওনাদারের তাগাদা! বিনয়, কাতরোক্তি, মিথ্যা উদ্ভাবন ভিন্ন তোমার উপায়ান্তর নাই। তাহারাই তোমার রক্ষা-কবচ! চল্লিশ-পঞ্চাশ টাকায় সাতটি মৃত্বে অন্ন, সাতটি দেহে আবরণ, ইক্ষুকের মাইনে,—পড়ার বই, দুর্গোৎসবের যথা-কর্তব্য, লোক-লৌকিকতা রক্ষা, কন্যার বিবাহ,—তত্ত্ব ইত্যাদি ইত্যাদি! জগতের বড় বড় আশ্চর্যগুণি ইহার কাছে কত তুচ্ছ! তোমার এ দৃংখ কেহ জানে না—জানিতেও চায় না, বোঝে না—বন্ধিতে চায়ও না, কেহ ভাবে না—ভাবিবার আবশ্যক বোধও করে না! জানেন কেবল একজন,—যিনি অন্তর্যামী! আর ভাবেন,—যিনি এই নিদারুণ দৃংখ-দারিদ্র্যের মাঝখানে—সংসারের সর্বত্র তাঁর জীর্ণ দীর্ণ হতাশ দেহ ও হৃদয়খানি পাতিয়া দিয়া নীরবে যথাসাধ্য টানিয়া চলিয়াছেন ও সামলাইতেছেন।—যিনি স্বামীর বিষয় মৃত্বে একটু প্রফুল্লতা জাগাইবার জন্য অঙ্গের এক-একখানি প্রিয় অলংকার খুলিয়া দিয়া, ক্রমে ক্রমে নিজেকে নিরাভরণা করিয়া—মাত্র শাখা-সিন্দূরধারিণী! যিনি শত বেদনা বক্ষে চাপিয়া স্বামীর সম্মুখে প্রফুল্ল,—অস্তুরালে—নিঃপ্রভ কুসুম। যাঁর একমাত্র আশা ভরসা ও আশ্রয়,—উঠানের তুলসী-গাছটি, যাঁর পাদমূলে তাঁর মাথা—তাঁর প্রাণ, কাতর নিবেদন সহ দিনে শতবার নত হয়! টেঞ্জ-দারগা আসিয়া ছয় গুড়া পয়সার জন্য যমের মত দ্বারে হানা দিয়াছে—ঘরে ছয়টি পয়সাও নাই! স্বামী, লজ্জা-গ্লান মৃত্বে খিড়কি-দ্বার দিয়া স্নানে সরিয়া গেলেন,—অর্ধাবগত্ঠনে যিনি দ্বারপার্শ্বে গিয়া, লজ্জা-কাতর, মৃদুমৃদু-কণ্ঠে বলিতে বাধ্য হন—“তিনি বাড়ী নাই।” এবং ফিরিয়াই তুলসীতলায় ব্যাধাবিশ্লেষের মত লুটাইয়া মর্মস্তুদ ক্রন্দনে ক্ষমা চান, আর বলেন—“ঠাকুর, লজ্জা রাখো, উপায় করে দাও,—এ যে আর পারি না ঠাকুর!”

—“একমাত্র এই গৃহলক্ষ্মীটিই দৃংখ কেরানীর ভাবনা ভাবেন—তাঁর কুশল যাচেন। গৃহলক্ষ্মী কথাটির এমন সত্য প্রয়োগ বন্ধি আর নাই! অন্যত্রের জন্য অনেক ভাল ভাল শব্দ অভিধান আলো করিয়া থাকিতে পারে যাহা গৌরবের ও আদরের—এটি যেন দৃংখ-দারিদ্র্যের মহিমায় উজ্জ্বল।—

“অনেকেই বোধ হয় জানেন না—কেরানীরাই এই দৃংখ কষ্ট বেদনা বহন করিয়া বাঙ্গলা-দেশের বহু ভদ্রপরিবারের ভার লইয়া আছে ও তিল তিল করিয়া আত্মদান করিতেছে। মাইনে কি মজুরি বাড়াইবার জন্য সকলেই ধর্মঘট করিতে পারেন;—

পারে না ও করে না কেবল কেরানী ! কারণ তার যে একদিন চলবার মতও সঙ্গতি থাকে না,—থাকে কেবল—মুখ চাহিয়া বৃহৎ একটি পরিবার !”

দুর্বল-স্নায়ুর লোকেদের মাথায় নিরর্থক চিন্তাগদা বেশ সহজেই ঢুকিয়া পড়ে আর অবিরাম গতিও লাভ করে । আমার মাথাটারও এ সম্বন্ধে উদারতা যথেষ্ট । জয়হরি বাধা না দিলে চিন্তাটা বোধ হয় স্বরাজ পর্যন্ত পৌঁছিয়া যাইত । সে বলিয়া উঠিল—‘চলুন তবে, ফেরা যাক ।’

বলিলাম—“না, এ অবেলায় আর গড়ানো নয় । চল—একটু ঘুরে আসি ।”

২৭

আহার সম্বন্ধে জয়হরির ওজন-জ্ঞানটা কোন দিনই ছিল না ! আজ সেটার খুঁকতি পেটের উপর অত্যধিক ভর করিয়াছিল । তারই গ্রাভিটেশন্ তাকে শয্যার টানিয়া রাখিল ।

একাই উইলিয়ম্‌স্ টাউনের দিকে গিয়া পড়িলাম । চিন্তা মাত্র সঙ্গী,—সবই অবাস্তব এবং চারিদিকে প্রাস্তর ।

এমন সুন্দর স্বাস্থ্যাকর স্থান, মুক্ত বায়ুর অবাধ বিচরণ, বৃক্ষ শ্রেণীর নির্লিপ্ত অবস্থান,—স্বভাবের বে-পরোয়া বালকেরা দৃঃখ কষ্টকে উপেক্ষা করিয়া প্রাণ খুলিয়া গান ধরিয়াছে ;—সবই বেশ ভালো লাগিতেছিল ।

হঠাৎ দূরে দৃষ্টি পড়ায়,—প্রকৃতির রাজ্যে বিকৃতির মত—আদালতের আবির্ভাবটা আঁস্তাকুড়ের মত ঠোঁকল । সেটা যেন উপকারের নামে—অযাচিত উপসর্গ । বড়ই বে-মানান ।

একটা প্রস্তর-স্তূপ পাইয়া বসিলাম । ভাবিতে লাগিলাম,—আচ্ছা এ-ভাব আসে কেন ? বোধহয়—সংস্কার দোষ...

সহসা—“বাঃ, দিব্য আসন করেছেন ত’ ! আজ একা যে বড় ?”

চমকিয়া পশাৎ ফিরিয়া দেখি,—সেই ফ্লুট্-প্রিয় বৃক্ষ ভদ্রলোকটির সঙ্গে যদ্বা সঙ্গীটি, আর চলন্ত গরুর-গাড়ির মত একটি স্থানীয় ভূত্য । মাথায় চেয়ার, তদুপরি চায়ের সরঞ্জাম, হস্তে—টিফিন কেরিয়ার, বিস্কুটের বাস্কেট, স্টোভ, স্কন্ধে ছিপ্, ইত্যাদি ইত্যাদি । মায় বড়শিতে-বেঁধা একটি বাদুড়,—তখনো বেঁচে ! বজায় বিশ্বরূপ !



বলিলাম,—“মাছ যে চিঁ চিঁ করে। ফ্লাইং-ফিশ না কি?”

সহাস্য বলিলেন,—“তেঁতুল-তলায় বসা হয়েছিল, ফাত্না ডুবতেই যেই উঁচুটান্, অর্মান ওপর থেকে এসে পড়লো। মাছও খুব আছে মশাই!”

“তেঁতুল গাছে না কি?”

হাসিয়া বলিলেন—“না-পুকুরটার। মিস্টার কাড়া—ইয়া এক তিন-পো কালবোস্ সঁ-করে তুলে ফেললেন! তাঁর টি-টম্-সনের বাড়ীর বিলিতী সরঞ্জাম কিনা।—”

—“আজ ফাস্ট-ডে, ওর ওই আনন্দটাই লাভ। প্রেসারে মাথাটা ধরে গেছে।”

বলিলাম—“ওর আনন্দ কি মাছের ওজন ধরে চলে.....”

“ইয়াঃ, আপনি দেখছি ওর হাড়হন্দ বোঝেন! বাই-দি বাই, আজ আপনার কথা না শুনলে উঠছি না,—এই বসলুম।”

উভয়ে পাষাণ-আসন লইলেন এবং ভূত্যাটিকে নানা-ভাষার সংমিশ্রণে উপদেশ দিয়া বিদায় দিলেন।

“এইবার বলুন..”

বলিলাম—“কথাটা খুব সামান্যই, স্মরণ রাখতে অনুরোধ করি—কথাটা beginner-দের (নতুন ব্রতীদের) সম্বন্ধে, কাজেই beginning-টা small—হাতে খড়ির মত।”

তিনি বলিলেন—“তাতে হয়েছে কি, ‘প্রিন্সিপল্’ নিয়ে কথা।”

সঙ্গীটিকে বলিলেন—“ভারী এক্সাইটিং হবে! উঃ, মাথাটা দপ্ দপ্ করছে—”

বলিলাম—“তখন ইংরিজি ইন্সকুলে ঢুকোঁছি, বাঙ্গলা ব’য়ের মধ্যে ছিল কেবল “বোধোদয়”। গ্রীষ্মের ছুটি হল। সব কাজেই ‘মানব’ ছিল আমার ‘guiding spirit’ (নাটের গুরু) আর আমি ছিলাম তার ‘constant quantity’ (কেলে-হাঁড়ি)—সর্বক্ষণই তার পাশে হাজির। সে ছিল পাক্সা বীর-বংশোদ্ভব। তার বংশ পিতামহ কিলিয়ে কচ্ছপ মেয়ে, সাবর্ণ চৌধুরী মশাইদের বাড়ী থেকে বার্ষিক আদায় করছিলেন। মানব তাঁরই প্রতিনিধি রূপে—ঘোড়ার-চালে দূ’ধাপ পৌঁছিয়ে দেখা দেয়।

গ্রামের ওস্তাদদের মূখে শুনলুম,—শালিখ-পাখীর বোশেখী-বাচ্চা পাওয়াটা বড় ভাগ্যের কথা, তারা নাকি অষ্টম গর্ভের সন্তানের মত ধরুন্ধর হয়,—যা শোনে তাই শেখে,—পুরো জগন্নাথ তর্কপণ্ডান হয়ে দাঁড়ায়।

শুনে কিন্তু দূ’জনেই একটু দোমে যাই,—ভাল পড়াশোনা যে হবে না সেটা বুঝতেই

পারলুম ; কারণ দু'জনের জন্ম কার্তিক মাসে ! বিবাহের আশা পর্যন্ত ঘটে গেল ! মানব হেসে বললে—“চুলোয় যাক, তবে পড়াশোনা আর কার জন্যে !”

ওটা তার রহস্যের কথা, কারণ লেখাপড়া সম্বন্ধে মানবের স্বতন্ত্র এক অদ্ভুত ধারণা ছিল। তার বুদ্ধিটা বয়সকে ডিঙিয়ে অনেকটা এগিয়ে পড়েছিল।

এতদিন পরে সব কথাগুলো তার নিজের ভাষাতে দিতে পারব বলে মনে হয় না। সে বোলত—পরের এঁটো খাওয়া ভাল নয় রে, তাতে মানুষ নিজেকে হারিয়ে—পরের কথা, পরের ভাব, পরের ধাত পেয়ে—প্রকৃতি বোদলে পর-ই হয়ে যায়। এত বড় ক্ষেতি আর নেই রে। আমি বেশ করে দেখেছি—একটা গাছের দু'টো পাতা কি দু'টো ফল—ঠিক একরকম নয়। দু'টো মানুষও একরকম নয়, তাদের পাওনাও (পাথেয় বা মাল-মশলাও) এক রকম নয়। তাদের সবাইকে এক ছাঁচে ঢাললে, তাদের জন্মটাই মাটি করে দেওয়া হয়, ...তাদের যে-কাজের জন্যে আসা, তা থেকেও জগৎকে বঞ্চিত করা হয়। তার নিজের সম্পত্তি নষ্ট করে সে নিজের মধ্যেই পর হয়ে যায় ; তাতে হয় এই—সে নিজেকে ত' পেলেই না, আর ঠিক ঠিক পর হতে পেরেছে কি না তা বলাও কঠিন। আমার মনে হয়...সদা সত্য কথা ক'হবে, চুরি করা পাপ, হিংসা করিও না, কাহাকেও মনকণ্ঠ দিও না, সকলকে ভালবাসিবে, ...এ কথাগুলো সবার তরেই এক। ভাল ভাল লোকের বিশ-ত্রিশখানা ইংরিজি বাংলা ভাল ভাল বই পড়তে আর বৃদ্ধিতে পারলেই চের হল। রামায়ণ মহাভারত নিশ্চয়ই পড়িবি। একটা কথা মনে রাখিস—নিজের ধর্মগ্রন্থ ভাল করে না বুঝে খবরদার পরের ধর্ম-পন্থক পড়িসনি। কিন্তু কারুর ধর্মকে ছোটো ভাবিস নি। জাতি-বিচার ছেড়ে গরীবকে দেখিবি—ভালবাসিবি, তাদের সঙ্গে দুটো মিষ্টি কথা ক'বি...আহা, তারা ত্যো পায় না রে ! ঘৃণা কারুকে করিসনি। 'মন' ইচ্ছা করলেও 'প্রাণ' যদি খুঁৎ খুঁৎ করে, সে কাজ কথুখনো করিবি, জানিবি—মা বারণ করচেন। বাস্, এই আমার লেখা পড়া।” এই বলে সে হাসতো। আমি এসব কথা তখন ভাল বৃদ্ধিতে পারতুম না, তার ভালবাসামুগ্ধ শিষ্যের মত শুধু হাঁ করে শুনতুম।

কোন কোন ছেলে ছেলেবেলা থেকেই স্বাভাবিক সদর্পার ;—তারা অনেক অনন্য-সাধারণ গুণ নিয়ে জন্মায়—যেগুলোকে সমাজের বিজ্ঞেরা নিতে না পেরে মদুখুন্দি বলেন, কিন্তু বিপদে পড়লে সেই মদুখুন্দিদেরই সাহায্য নিয়ে উদ্ধার হন। তারপর নেপথ্যে এই “সৈয়ানা-কোম্পানীর”—সহাস চোখ-টেপার্টোপ চলে। সে যা হোক—মানব সেই সব ছেলেদেরই একজন ছিল। যাক—

ছুটি মধুখে আমাদের ঝোঁক চাপালো শালিখের বোশেখী-বাচ্চা সংগ্রহ করতেই হবে। রোজ রোদোদয়ের সঙ্গে সঙ্গে বোধোদয় মূড়ে অনুসন্ধান সূর্য করা গেল। সেটা ছিল বেশপতিবার,—দেখি মানব কপালে রক্তের ধারা নিয়ে ছুটে আসছে; পাঁচ ছ’টা শালিখ সচীৎকারে ঠোকরাতে ঠোকরাতে তার পশ্চাতে ধাবমান! আমি বিদ্যাৎবেগে একটা ভেরেডার ডাল ভেঙ্গে অকুতোভয়ে সেই শত্রুবাহু নিমেষে ছিন্নভিন্ন করে দিলুম। মানব ততক্ষণে নিরাপদ স্থান নিয়ে ফেলেছে! দেখি, তার দু’হাতে দুই বোশেখী-বাচ্চা! সে কি আনন্দ!

চৈয়মাসে মানব বাবা তারকনাথকে মাথার চুলগুলি দিয়ে এসেছিল। দেখি মাথাটা ঠুকরে আর খুবলে যেন কোলকের “পাথপ্রুফ” ঢাকনি বানিয়ে দিয়েছে! যাক—সেদিকে তার লক্ষ্যই রইল না;—কাজের ঘটা পড়ে গেল,—খাঁচা, বাটি, ছাতু ইত্যাদি।

তার পর শিকারের শব্দ **beginning** (সূচনা), ফড়িং চাই! পাঁচ সাতগাছা খেজুর ছড়ি বানিয়ে গঙ্গা-ফড়িং, গোদা-ফড়িং, ঘোড়া-ফড়িং, এস্ট্রাক খড়কে-ফড়িং শিকারে, নির্ভয়ে বনজঙ্গল, পাহাড় পর্বত, কন্দরকান্তার, মাঠ তট নিত্য প্রবলবেগে তাড়না করে বেড়াতে লাগলুম।

আপনি বোধ করি পাহাড় পর্বতের কথা শুনে সন্দেহ করছেন! **Adventurer**-রা (‘ঘোড়াবাইগ্রস্ত’ ডানপিটেরা) দেখে থাকবেন—বাঙ্গলার গ্রামে গ্রামে বড় বড় বংশের বড় বড় বাড়ীর অতিকায় ভগ্ন-স্তুপের উপর দুষ্টো গজাচ্ছে। ম্যালেরিয়া মজুদ থাকলে—দু’এক শতাব্দি পরে শশীবাবু এসে যদি ‘ভূগোল পরিচয়’ লেখেন, তখন ছেলেরা পড়বে—বঙ্গভূমি একটি পর্বতবহুল পাহাড়-প্রধান অসমতল দেশ!

বুদ্ধ ভদ্রলোকটি বলিলেন—**very true and very interesting**—বাঃ, খুব ঠিক—তার পর?”

বলিলাম—“তার পর জয়দ্রথ বধের পালা! শ্রীকৃষ্ণ যেমন সূর্যদর্শন দিয়ে সূর্যদেবকে ঢেকেছিলেন, আমাদেরও তেমনি বোশেখ জ্যেষ্ঠের সমস্ত রোদ্দুরটুকু মাথায় করে ফড়িং-মারা মৃগয়া চলতে লাগলো। মানব প্রতিজ্ঞা করলে মাণ্ডব্যমুনির কীর্তিটা গ্লান করে ছাড়বে।”

“একটুকুও সময় নষ্ট করার ছিল না,—দু’গাছা ছিপও সঙ্গে থাকতো, পুকুর পেলেই যথালভের পন্থা চলতো। ফেব্রুয়ার সময় ফড়িং আর মাছ নিয়ে আসা যেত। বাড়ীর বকুনি এড়াতে মাছের মত জিনিস আর নেই,—মাছ দেখলেই মেয়েরা খুশী,—সঙ্গে সঙ্গেই তার পরদিন বেশী করে আনবার জন্যে উৎসাহদান। রসনার তৃপ্তির এই

লোভটুকুই সকল ছোটবড় কাজের কলকাটি,—প্রাণশক্তি ! দেখুন না, যত্ন করতে গিয়ে আসোরের মাঝখানে অজুর্ন কি রকম ভোড়কে গিছিলো,—বলে ঘাম দিচ্ছে ! তাকে চাঙ্গা করতে কেণ্টকে পুরো আঠারো পর্বের আমদানী করতে হয়েছিল । কি ফার্সাদ বলুন দিকি ! কেন ?—কারণ ওতে রসনাতৃপ্তির কিছুই ছিল না ; সেটি না থাকলে সব রকম মৃগয়ারই ‘মৃ’ টুকু মুছে গিয়ে সেরেফ ‘গয়া’ প্রাপ্তি ঘটে ! যদি কণের কালিয়া, কি শকুনী সড়সড়ি চলতো, তাহ’লে দেখতেন কেণ্টকে কণ্ট করে অত বাজে বোকেতে হত না,—অজুর্নের গাণ্ডীব আপনিই বোঁ-বোঁ করে বাণ ছাড়তো । নয় কি ?”

বৃদ্ধ উত্তেজিত কণ্ঠে বলিলেন—“এটি অকাটা কথা ;—তার পর ?”

কি মৃশকিল,—এখনো “তারপর” ! বলিলাম—“তারপর তিন হপ্তায় মাথার সব রসটুকু সূর্যদেব শব্দে নিয়ে মগজ দু’টিকে ‘খড়ুলি,’ বানিয়ে দিলেন ! নাড়লেই আকরোটের শুকনো শাসের মত খট্‌খট্‌ করে নড়ে ! মানব হেসে বললে—‘তাতে হয়েছে কি—মস্তিস্কের জল মোরে খাঁটি দাঁড়াচ্ছে রে ! বিশ্বাস না হয় শিবনাথ শাস্ত্রী মশাইকে জিজ্ঞেস কর,—তিনি ত’ মিছে কথা কবেন না । ওরে বলে—টনক নড়া—টনক নড়া,—ওটা বড় লোকের চিহ্ন রে । আমাদেরও মাথাটা বোধ হয় এইবার ‘টনকে’ দাঁড়িয়ে গেল !’ শব্দে মনে মনে একটু গর্ব-সুখ অনুভব করলুম—কারণ, মানব ছিল আমার চেয়ে বচর দেড়েকের বড়, আর তার প্রধান গুণ ছিল—সে কোন অবস্থাতেই মিছে কথা কইত না,—বাঘা বেণী-মাস্টারের বেতের ভয়েও নয় ।”

## ২৮

গুরুগর্জনে বর্ষা এসে পোড়ল । মানব বললে—“এইবার শিকারের মজা রে । মহাদেবের মাথায় গঙ্গা নেবেছিলেন, আমাদের সর্বাঙ্গে বর্ষা নাবালেন—ওটা শূভ লক্ষণ ।”

একদিন বিকেলের দিকটায় মানব বললে—“জ্বর এলো রে ।” বললুম—“তবে আর কাজ নেই—বাড়ী ফেরা যাক ।” সে বললে—“একটু জ্বর এসেছে ত’ হয়েছে কি—‘চকোসা’ দেখা দিয়েছে, দাঁঘটে দেখে যাই চ ।”

তখন পশ্চিম আকাশ রক্তবর্ণ,—কিন্তু পূর্বদিকে একখানা মেঘ উঠছে । দাঁঘর

ধারে পৌঁছেই দেখি—আট নয় হাত দূরে, জলের প্রায় ওপরেই একটা মস্ত কাতলা-মাছের মত্নর গতি। মানবকে বলবার আগেই একখানা আদলা ইট ঝপাং করে মাছটার মাথায় গিয়ে পোড়লো। মানব—“ঠিক লেগেছে” বলেই এক লাফে ছয় সাত হাত দূরে পড়েই ডুব। মিনিট খানেকের মধ্যেই মাছ নিয়ে ভেসে উঠলো।

মাথা তুলে চেয়েই—“শীগ্গির নোনা-গাছটায় উঠে পড়—শীগ্গির” বলেই, দূর সেকেণ্ডে ডাঙ্গায় এসে উঠলো।

বললুম—“কেন?” সে ধমক দিয়ে বললে—“বলছি—আগে ওঠ, শীগ্গির—শীগ্গির!”

আর বলতে হল না, হাত তিন চার উঠেই ফিরে দেখি—সর্বনাশ! একেবারে কাট-মেয়ে গেলুম! লাফাবার শব্দ আর জলনাড়া পেয়ে, এক ভীষণ কেউটে দীর্ঘির ভেতর থেকে মাথা তুলে, মানবকে লক্ষ্য করে তীরবেগে আসছে! আমার মুখ থেকে কেবল বেরুলো—“পালাও”—তখন তার আর গাছে ওঠবার সময় নেই।

মানব মাছটা ডাঙ্গায় ছুঁড়ে দিয়ে, কাছেই একটা হাঁড়ি পড়েছিল, সেটা বাঁহাতে নিয়েই এক-হাঁটু-গেড়ে বসতে না বসতে—সেই বিস্তৃত-ফনা কাল একদম সামনে এসেই—প্রায় আড়াই হাত খাড়া হয়ে—মানবের বুককে সজোরে ছোবোল মারলে! অগ্র-পশ্চাতের সময় ছিল না—বোধ হয় একসঙ্গে আর এক সময়েই—মানবের মুখ থেকে এমন জোরে ‘খবরদার’ শব্দটা বেরুলো যে জল, জঙ্গল, আকাশ, বাতাস, শিউরে উঠলো। দীর্ঘির পানকউড়ি ডাকপাখীগদুলো সভয়ে ডাকতে ডাকতে ছুটে জঙ্গলে গিয়ে ঢুকলো। আমি কেঁদে “মা বাঁচাও” বলেই চোখ বদজলুম।

পরক্ষণেই মানব ডাকলে, “শীগ্গির আয়!” পোড়তে পোড়তে গিয়ে দেখি—সাপের গলা আর ফণার প্রায় অর্ধেকটা মানবের মূঠোর মধ্যে!

বৃদ্ধ লোকটি একটা দমকা দম ফেলে বলে উঠলেন—“ও, God is great! ধন্য ভগবান!” যুবটি বলিলেন “miraculous—অলৌকিক!”

আমি বলিলাম—সাপটা তখন তার হাতে জড়াবার চেষ্টা পাচ্ছে,—মানব তাকে একটা জিওল গাছের গুঁড়িতে আছড়াচ্ছে আর এক একবার মূখটা সেই গাছেই ঘষছে। মিনিটপাঁচেক এই কস্তাকস্তির পর, সাপটা নিজেরই হয়ে পোড়লো, মূখদে কতকটা রক্ত বেরিয়ে গেল। তখন মানব সেটাকে “বা বেটা” বলে দূরে ছুঁড়ে ফেলে দিলে; দেখি তখনো সে সাড়ে চার হাত!

মানব সাপটাকে এত জোরে ধরেছিল যে, সেটাকে ফেলে দেবার পর দেখি—হাতের তেলোটো লাল হয়ে যেমে উঠেছে, আর তাতে যেন ফণার ফটো উঠে এসেছে,—সেটা ছাল কি আঁশ বদ্বতে পারলুম না। মানব এক-মুঠো মাটি নিয়ে দাঁঘির জলে বেশ করে হাতটা ধুয়ে ফেললে।

আমার চোখে সে ছাপ কিন্তু এমন পাকা রংয়ে আঁকা হয়ে গিছিলো,—আমি তখনো তার তেলোয় সেই ভীষণ বিষধরের ফণা দেখাছিলুম। বললুম—“কামড়ায়নি ত’?”

মানব আমার জলভরা আওয়াজ পেয়ে,—আমার মূত্থের ওপর চেয়ে বললে—“কি রে—মেয়েমানুষ না কি, কাঁদচিস কেন? ও কামড়ালে পাঁচ মিনিটও কেউ বাঁচে না। মনে রাখিস—মানুষ সবার বড়, নিজেকে ছোট মনে করলেই মোরাবি! জ্বরে হাতের ঠিক ছিল না—যদি ফসকায়,—যম কি না,—ভাবলুম গেলুম! মাকে ডাকতেই—সব ঠিক হয়ে গেল। আর নয়—বাড়ী চ’। মাছটা আমি নিতে পারব না—আট নয় সের হবে। মাথাটা দপ্ দপ্ করচে—জ্বর বোধহয় তিনের কম নয়, দেখাচি তোর কাঁধে ভর দিয়েই যেতে হবে,—আমার হাতে-পায়ে আর বল নেই। এটা সাপের আঙা রে, আসবার সময় আরো দু’টো দেখেছিলুম—ভয় পাবি বলে বলিনি! একলা কথখনো এদিকে আসিস নি।”

অন্ধকার করে বৃষ্টি এল, কিন্তু মানবের গায়ের “তাতে” আমার কাঁধ পড়ে যেতে লাগল।

আমি ভয় পেলুম। বললুম,—“জ্বরটা যে বড় বেশী হল ভাই!”

“একটু জ্বর বই তো নয়,—পুরুষমানুষ—ভয় কি রে!” বলে একটু হাসলে।

মানব যখন-তখন ওই—‘পুরুষমানুষ’ কথাটা এমন জোর দিয়ে উচ্চারণ করতো তাতে তার সব-শরীর দিয়ে যেন শক্তির একটা তড়িৎতরঙ্গ ছুটে বেরিয়ে আসতো! সঙ্গে সঙ্গে তার পেশীগলো—প্রেরণায় পদ্যুত হয়ে উঠতো! নিজে অসীম বল অনুভব করতো,—আমাকেও বল যোগাতো!—

—“তার সেই বিশ্বাস-দৃঢ় সরল হাসিমুখের মাঝে, আমার—সব শক্তি, সব উৎসাহ, সব আশা সজীব হয়ে উঠতো।”

তখন দিনের আলো ছিল কি না জানি না ; যদিও থাকে ত' মেঘবৃষ্টিতে নেটুকু ঢেকে দিচ্ছিলো ! মানব আমার কাঁধে খুব আলগা ভর দিয়ে আসিছিল—পাছে আমার কষ্ট হয় । কিন্তু জ্বরটা খুব বেশী বেড়ে চলায়, তার অজ্ঞাতে তার সে চেষ্টা মাঝে মাঝে ব্যর্থ হয়ে যাচ্ছিল,—তার মাথাটা আমার কাঁধের ওপর অসহায়ের মতই লুটিয়ে পড়িছিল । আবার চমক এলেই সে মাথাটা তুলে নিচ্ছিল আর বলিছিল,—“আমি বডু ভারী, না ? তোকে আজ বড় ভোগাচ্ছি ।”

তখন পল্লীর মধ্যে পড়েছি,—পাড়ার অঁকাবাঁকা কাঁচাপথে চলছি । সহসা কে যেন কিসের উপর কঠিন আঘাত করলে—এই রকম একটা শব্দক-শব্দ কানে এলো । সঙ্গে সঙ্গে মানব সবচেয়ে আমার কাঁধ থেকে মাথা তুলে উৎকর্ষ হয়েছে । পরক্ষণেই মূকের একটা অস্পষ্ট অস্তিম যন্ত্রণা-কাতর ধ্বনির মত শোনা গেল ।

কোথায় গেল মানবের একশো তিন ডিগ্রী জ্বর,—কোথায় গেল তার পায়ের জড়তা, সে তীরের মত বেরিয়ে গেল । আমার নিষেধ তার কানে পৌঁছবারও সময় পেনে না,—পেছনে ছুটলুম ।

সামনের বেকটা ফিরেই দেখি,—একটা পাঁচ-সাত হাত বংশ-খণ্ড হাতে সিধু ভট্‌চার্ঘ্য রাগে ফুলচেন,—এক পায় খড়ম, কাচাটা কাদায় লুটোলুটি খাচ্ছে । তিন চার হাত তফাতে একটা গরু চক্ষু কপালে তুলে, সারা দেহটা রাস্তার উপর এলিয়ে নিস্পন্দ পড়ে । তার কপাল আর কান-মুতো বেয়ে রক্তের ধারা নেবেছে । ভক্ত ভট্‌চার্ঘ্য মশাই তার একটা শিং সাবাড় করে দিয়েছেন !

মানব কাদার ওপর বসে গরুটির গলায় ধীরে ধীরে হাত বুলুচ্ছে । আমাকে দেখতে পেয়েই বললে—“শীগিরি জল আন ভাই ।”

জলের অভাব ছিল না—পাশেই পুকুর ; একটা পরিত্যক্ত হাঁড়ি কুড়িয়ে জল এনে দিতেই ভট্‌চার্ঘ্য পাঁচ পা পেছিয়ে দাঁড়ালেন, পাছে ছিটে লাগে । মানব গরুটির চোখ-মুখ ধুইয়ে, ধীরে ধীরে তার মাথায় আর সেই সদ্য-ভগ্ন শিংয়ের মূলে জল ঢালতে লাগলো । তিন চার হাঁড়ি জল এনে দেবার পর আমাকে বললে—“এখন ধীরে ধীরে ওর গায়ে হাত বুলো ।” সে একটা মান-পাতা এনে তার মাথায় হাওয়া করতে লাগলো ।

মিনিটদশেক পরে গরুটা কান নাড়িলে। মানব বললে, “এইবার চট্ করে হরেরের বাড়ী থেকে একটু রেড়ির তেল নিয়ে আয় ভাই।” তেল আনতেই নিজের কাপড় ছিঁড়ে তেলে ভিজিয়ে সেই ভাঙ্গা শিংয়ের গোড়ায় যে সাদা অংশটুকু বেরিয়ে পড়েছিল তাইতে জড়িয়ে বেঁধে, জবজবে করে তেলে ভিজিয়ে দিলে। গরুটা একটু একটু মাথা নাড়তে লাগলো, আর তার চোখ দিয়ে জল গড়াতে লাগলো। পা চারখানা দ্দ’ একবার নেড়ে যেন ওঠবার চেষ্টা করলে,—পারলে না।

মানব নিজের কোঁচা দিয়ে তার চোখের জল মর্দাছয়ে দিচ্ছিল, সে বলে উঠল—“এতক্ষণ অজ্ঞান হয়েছিল, এইবার যাতনা অনুভব করছে ; উঃ, ভারী কষ্ট পাচ্ছে রে—বলতে ত’ পাচ্ছে না।” মানবের গলার আওয়াজ শুনে চেয়ে দেখে—তারও চোখ জলে ভেসে যাচ্ছে।—তার চোখে এই আমার প্রথম জল দেখা। আমি অবাক হয়ে গেলুম। সে বললে—“ও এখন উঠতে চায়, উঠতে পারলে বোধ হয় নিজের ইচ্ছেমত স্বস্তির উপায় খুঁজে নিতে পারে—আমরা ত’ সেটা জানি না। আমার আজ হাতে পায়ে এমন বল নেই যে ওকে তুলে দি,—তোর কর্মও নয়।”

\*

\*

\*

\*

পাড়ার ঐ গলি-পথটার ধারেই সিন্ধেশ্বর ভট্‌চাখ্যার রাং-চিান্তরের বেড়া ঘেরা খানিকটে জমি। তার মধ্যে কলকাসুন্দে, আপাং, ওক্‌ড়া আর সেওড়া গাছের সঙ্গে সমন্বয় করে পাঁচ সাতটা বেগুন গাছও মিলেমিশে ছিল ; অবশ্য সন্ধ্যাদর্শী ছাড়া সেটা অন্যের নজরে পড়া কঠিন। বেড়ার গায়ে শজনে গাছটির সে-বচরের মত “বেন্” ফুরোবার পর, ভট্‌চাখ্য মশাই মাচা হিসেবে তার ওপর একটা লাউ গাছ তুলে দিচ্ছিলেন,—কারণ কবিতা বিনতা আর লতার একটা আশ্রয় দরকার ;—তিনি অশাস্ত্রীয় কাজ করেন নি। কিন্তু শাস্ত্র-জ্ঞানহীন একটা লাউগাছ আশ্রয় ছেড়ে স্বাধীন ভাবে গলি-পথের ওপর বুলে পড়ায়, কান্ডজ্ঞানহীন গরুটা তার হাত-দেড়েক টেনে নিয়ে খাবার উদ্‌যোগ করছিল, ইতিমধ্যে এই দুর্যোগ।

‘গরুটা নড়ছে না দেখে ভট্‌চাখ্য ভয় খেয়ে দাঁড়িয়ে গিচ্ছিলেন,—তারপর তাকে একটু নড়তে দেখে, তাঁর সে ভাবটা ফিকে হয়ে আসছিল। এমন সময় গরুটাকে দাঁড় করিয়ে দেবার কথাটা তাঁর কানে পৌঁছতেই, হাতের বাঁশটা বাগানের মধ্যে ফেলে বাস্তব ভাবে বললেন—“আমি ধরিচি।” অর্থাৎ তিনি তখন বামাল সরিয়ে—চোখের আড়াল করতে পারলে বাঁচেন,—অন্যদিক যা হয় হোক গে ;—মতলবটা এই।

মানব সবেগে মাথা তুলে বললে—“এদিকে আসবেন না। নিজের নিজের ঘমকে



সকলেই চেনে ! আমি স্বচক্ষে দেখেছি—কসাই কাছে এলে গরু শূন্যে পড়ে—থরু থরু করে কাঁপে । এখন যাতনায় ওর প্রাণ ওলোট্‌পালোট্‌ খাচ্ছে, আপনাকে দেখলেই ও মরে যাবে ।”

সিধু ভট্‌চাষি বুদ্ধোচ্ছলেন—গরুটা এ-যাত্রা আর মরচে না সেই সাহসে চোখ রাঙ্গিয়ে বললেন—“কি, তুই আমাকে কসাই বলিস !”

মানব সহজ ভাবেই বললে—আমার বলবার ত’ দরকার নেই ভট্‌চাষি মশাই, ও যে সেটা বুদ্ধোচ্ছল !”

ভট্‌চাষি চীৎকারের মাত্রা বাড়িয়ে বললেন—“কি—ব্রাহ্মণকে এত বড় কথা, উচ্ছন্ন যাবি,—জানিস তোর জ্যাঠা আমার পায়ের ধূলো নেন । দিনান্তে দু’টো শাস্ত্রীয়-গ্রাস মুখে দিতে হয়, তাই কত করে দু’টো সাংস্কৃতিক-আহারের বীজ চারিয়ে রেখেছি,—এর মূল্য তোরা কি বুঝবি । ধর্মের যে অন্তরায়,—তার একটা কেন—একশোটা খুন—”

আমার মুখ থেকে বেরিয়ে গেল—“তবে আপনি নিশ্চিত থাকুন, এজন্মে আপনার সাংস্কৃতিক আহারের অভাবই হবে না ।”

ভ্রমলোচন কিভাবে চাইতেন জানি না, কিন্তু সিধু ভট্‌চাষি আমার দিকে যেভাবে চাইলেন, তাতে আমার সেই সার্থক চক্ষুরল্লটিকেই মনে পড়েছিল ।

মানব একটু উৎফুল্ল মুখে সহসা আমাকে লক্ষ করে বলে উঠলো—“মা কালীকে কখনো ভুলিসনি রে—অমন মা আর নেই ! বিপদে ডাকলেই উপায় করে দেন ;—যেই ডেকেছি—ঐ দ্যাখ্, মা ‘দোস্ত’কে পাঠিয়ে দেছেন ! এ আমি অনেকবার দেখেছি রে ।”

৩০

চেনে দেখি, সত্যিই আজিজ্‌ আসছে । আজিজ্‌কে আগে আমরা ! আগা সায়েব বলে ডাকতুম । সে আমাদের গ্রামে মেওরা বেচতে আসতো । তার সঙ্গে মানবের বন্ধুত্বের একটু ইতিহাস আছে,—সেটা না বললে কথাটা অসম্পূর্ণ থেকে যাবে,—ওদের দু’জনকে ঠিক ঠিক বুদ্ধিতে পারবেন না ।

যদবাটি বললেন—“দয়া করে সবটাই বলবেন ।”

বলিলাম—“একুশ-বাইশ বছরের এই সাড়ে-ছ’ফুট পদ্রুপটি সাত-ফুট লাঠি হাতে করে, বড় বড় কুচুক্ষে-চুল আর ঢিলে পোশাকের ওপর কোমরে নীল রংয়ের চাদর আর মাথায় কাল রংয়ের পাগড়ি বেঁধে, প্রথম যেদিন আমাদের গ্রামে প্রবেশ করে, সেদিন মেয়ে পদ্রুপ সকলেই সভয়ে দোরে খিল দিচ্ছিল, আর ছেলেমেয়ে সামলে ছিল ;—এমন কি বারবার গুণে দেখেছিল—সবগুলো আছে কিনা ! কারণ—লোকটি যে “ছেলেধরা” তার প্রমাণ খুঁজতে কারদুরই বাড়ীর বার হবার দরকার হয় নি,—তার সুদীর্ঘ বলিষ্ঠ চেহারা আর তার মেওয়ার ঝোলাটাই সেটার প্রমাণ দিচ্ছিল । তার ওপর তার কোমরে একথানা ছোরা থাকায়, আর তার বাঁটের ওপর পেতলের পেরেকগুলো ঝকঝক করে জ্বলতে থাকায়—সকলকে ভয়ে আড়ষ্ট করে দিয়েছিল । তার অমন সুন্দর নাক চোখ আর গোলাপী আভাষুক্ত গৌরবর্ণটাও তার বিপক্ষেই দাঁড়িয়ে গিছলো, কারণ—ঐ বাড়াবাড়িটাই ত’ ভাল নয় !

গ্রামে তা-বড় তা-বড় নিরীহ-পীড়িত মামলাবাজ, “বাস্তু-ভক্ষক” শূরবীর থাকা সত্ত্বেও সেদিন কারো সাড়াশব্দ ছিল না । কেবল তের বছরের মানবই একা,—“পালিয়ে আস—পালিয়ে আস” শব্দের মধ্যে—এগিয়ে গিয়ে তাকে বলিচ্ছিল—“তুমি কোন্ হায়,—তোমরা বাড়ী কোথায়,—এখানে কেন আসা,—মতলব কি হায় ?” ইত্যাদি ।

আজিজ্ তাকে সহাস্য-মোলায়েম কণ্ঠে উত্তর দেয়,—সে কাবুলের লোক, মেওয়ার বেচতে এসেছে, কিছদিন “উদরপোড়ায়” ( উত্তরপাড়ায় ) থাকতো, এখন “হালদ-বাজারে” ( আলমবাজারে ) থাকে ।

এইরূপ প্রশ্নোত্তরের মধ্যে দু’জনের প্রথম আলাপ হয় । পরে মানব তাকে বলে—“আচ্ছা ভাই, বেশ বাত্ হায়—অন্য দিন আও ;—আমি সকলকে বোল্কে রাখবো—আজ কিন্তু চোল্কে যাও । তোমকো দেখে মেয়েরা ডর পেয়েছে—বেরুতে পারতা নেই ।”

আজিজ্ জিজ্ঞাসা করে—“কেন্দ্র মরদ্-লোগা’ভি ডর’তা হায় ?” তাতে মানব বলে—“হাঁ, তা ডর’তা বইকি—সব মেয়ে-মরদ হায় যে ! তাদের আমি সব বদ্বিষ্মে দেগা, তুমি দু’চার দিন পরমে এসো ।”

আজিজ্ খুব খুশী হয়ে বললে—তুম্ সাক্কা মরদ হায়,—আজ্ সে হামারা দোস্ত, —হাত মিলাও”—এই বোলে হাত বাড়াতোই, মানবও হাত বাড়িয়ে দিলে ।

আজিজ্ সপ্রেমে তার হাত ধরে বললে—“আচ্ছা দোস্ত—আজ হাম্ যাতা হায়,

ইস্মেসে মো খদশী উঠা লেও—ইয়ে তোমারই হায়” বোলে মেওয়ার খোলা খন্দে তার সামনে রেখে দিলে।

মানব ইতস্ততঃ করে বললে—“তুমি বেচতে আয়া হায়, আমি তোমরা লোকসান করতে পারেনা নেই।”

আজিজ্ তাতে বলে—“তাহ’লে আমি এখান থেকে এক-পা নড়াচি না।” পরে তার সর্বিনয় আর সপ্রেম অনুরোধ এড়াতে না পেরে মানব বললে—“আচ্ছা ভাই, হামকো একটা বেদানা দেও—সন্ন্যাসীজেলের লেড়কার বড় বিমার, তারা বড় গরীব—কিন্তে পারতা নেই,—তাকে দেগা। তাতে তোমার ভালো হোগা—তারা কতো আশীর্বাদ করেনা।”

আজিজ্ আশ মিনিট তার মুখের পানে অবাক দৃষ্টিতে চেয়ে থেকে একটা ছোট নিশ্বাস ফেলে,—চোখেমুখে হাসি ফুটিয়ে বললে—“বাঃ, মরদ আউর দরদ এক্হিমে—বাঃ! ইয়ে লেও তোমরা সাড়াশীকে লেড়কাকে ওয়াস্তে,”—এই বোলে—দু’টো বেদানা আর দু’টো অ্যাপেল দিয়ে তার দুহাত জোড়া করে দিয়ে চট্ করে তার কোঁচাটা টেনে নিয়ে, তাতে চারটে বেদানা চারটে অ্যাপেল ‘এক পেটি আগ্রুর আর এক আজলা আকরোট্ বেঁধে দিলে। মানবের কোন ওজর কোন আপত্তি কাজ দিলে না। তখন সে বললে,—“আচ্ছা,—একদিন এর বদলা আমি লেগা, তখন মজা টের পায়গা।”

শুনে আজিজ্ হো হো করে হাসতে হাসতে বললে,—“আচ্ছা দোস্ত, লেনা—দেখা যায় গা।”

তার সেই বিশাল বুকভরা সরল হাসি, আর বুকভরা আওয়াজ্ আমাদের ক্ষুদ্র পাহাড়টির রন্ধ্রে পৌঁছে গিছলো। তারপর সে মানবদের বাড়ীটা দেখে নিয়ে,—“আচ্ছা দোস্ত আজ হাম্ বড়া খুশ্ হোকে চলা” বোলে, তার সঙ্গে সেলামের আদান-প্রদানের পর—ক্ষুতি আর আনন্দ মাথা মুখে মশ্‌মশ্ করে বোরিয়ে গেল।

[ ওই “বদলা” নেবার কথাটা এইখানেই শুনিয়ে রাখি,—পরে আর অবকাশ পাব না।— ]

—গ্রামের মধ্যে সর্বোচ্চ একটি নারকোল-গাছ ছিল। তার ডাবগুলি দেখতে ছিল লাল, খেতেও তেমনি সুমিষ্ট। কিন্তু অত উঁচুতে উঠতে কেহ সাহস পেত না।—

একদিন মানব সেই গাছ থেকে এক-কাঁদি ডাব একহাতে ঝুলিয়ে যখন নাবতে মাত্র আরম্ভ করেছে,—আজিজ্ এসে পড়লো।

—দেখেই তার মদ্য শূন্যে গেল। বিচলিত ভাবে ঝোলা ফেলে—নৈমাজ পড়তে বসলো,—পারলেনা। উঠে গাছতলায় গিয়ে দ্ব’হাত বিস্তার করে দাঁড়ালো। বিপদাশঙ্কায় অভিভূত।

—মানব ভূমিস্পর্শ করলে তার সংজ্ঞা এলো,—বস্তু নিশ্বাস বন্ধ খালি করে বেরিয়ে গেল। সে মানবকে বন্ধ চেপে ধরলে—“এয়াসসা আউর মত্ করো দোস্ত।”  
—পাহাড় গলে যেন ভালবাসার ঝরণা বেরিয়ে এলো।—

—মানব সে-দিকে দেখেনি, সে তাড়াতাড়ি সেই কাঁদিটি তার ঝোলার মধ্যে ভরে দিয়ে—হাসতে হাসতে বললে—“বদ্লা হায়!”

আজিজ্ সেলাম করে বলল—“দোস্ত হাম্ হার গিয়া।”

বীরের ভালবাসা—বীরের মতই হয়! যেমন অপারিসমী তেমন মধুর।

\* \* \* \* \*

এইবার যে যার নিরাপদ আশ্রয় থেকে বেরিয়ে এসে মানবকে ঘিরে, কেহ তিরস্কার, কেহ উপদেশ, কেহ পরামর্শ বিলুপ্তে আরম্ভ করলেন। কেহ বললেন—  
“ডানপিটে ছেলে কোন দিন মরবে দেখিচি!”

রাখাল রায় বললেন—“আমরা বেরুলুম না আর মন্দামি করে উনি এগিয়ে গেলেন। গ্রামে ত’ আর মাতঙ্গর কেউ ছিল না। কেন,—আমাদের ভয় ছিল না কি। অমন ঢের দেখিচি। তবে কি না ও-বেটারা স্লেচ্ছাচারী মন্দবাজ, তুচ্ছাক্ ঢের জানে। হিঁদুর ছেলে,—মন্ত্রশক্তি ত’ মানি,—তাই। যাক—ওসব কাছে রাখিসনি, আমি কাপড় ছেড়ে এসেছি, দে গঙ্গায় দিয়ে আসি!”

দীনু গাঙ্গুলী কথা কবার জন্যে তিনচার বার হাঁ করেছিলেন, ফাঁক পেতেই বলে উঠলেন,—“ওরে বাপু—শুনোঁছ ওদের কাবুলে বাড়ী, সেটা কি মানুষের দেশ। হুঁ হুঁ—কামিখো থেকেই মানুষ ফেরে না, আর কাবুল ত’ তার আরো উদিকে। খবরদার ও-সব খাস্‌নি, রক্ত উঠে মরিবি,—ফেলে দে—”

সিধু ভট্‌চার্যা তাড়াতাড়ি বলে উঠলেন,—“উহুঁ উহুঁ—আমি ওর ব্যবস্থা ঠাউরোঁছ,—যেমন কুকুর তেমন মদ্যুর না হলে হবে না; বেটা আমাদের কাছে মামদোবাজি দেখাতে এসেছে। ও-সব দে-দাঁক আমায়,—নারায়ণকে নিবেদন করে দিয়ে ওর ভিরকুটি বার করে দিচ্ছি। হুঁ হুঁ—আমার বাড়ীতে জাগ্রত দামোদর রয়েছেন—যা দেবে তখনি ভক্ষ। বেদানা ত’ বেদানা—কামানের গোলা উড়ে যায়। শুনলে—ব্যাটা আর এ-পথ মাড়াবে না। তোর কোনো ভয় নেই,—দে কুই আমাকে দে।” এই বলে কৌচাটা পাতলেন।

মানব প্রথমে ‘থ’ মেরে গেছলো ; সিধু ভট্টাচার্য্যর কথা শুনলে,—“বাঃ, ঠাকুর-দেবতা আমাদের মা-বাপ না? যা নিজে খেতে পারি না—তাই খাইয়ে মা-বাপের মুখে রক্ত তোলা কেন?”

রাখাল রায় বললেন—“ঠাকুর-দেবতার কথা আর আমাদের কথা। ও পাপ রাখিসনি—ল্যাটা চোকাতে দে—”

মানব একদম সাফ জবাব দিলে—“যান—আমি দেব না।”

রায় মশায় তখন চটে বললেন—“তবে মরগে যা,—তখন কেউ যেন না বলে—সিধু ভট্টাচার্য্য, রাখাল রায় এঁরা উপস্থিত থেকে, সব জেনে শুনতে কোনো কথা কল্‌নি। তোমরা সবাই শুনলে ত’,—বস্‌ আমরা খালাস।”

মানব সম্ম্যাসীর জেলের ছেলেরি জনোই সব বেদানা আর আপেল দিয়ে এলো ; আঙ্গুরগুলো পরে দেবে বলে রাখলে। কেবল একটা বেদানা আর একটা আপেল নিলে,—আর আকরোট্‌গুলো সব। ছেলের দিলে পাছে তাদের মা-বাপ ভয় পান, তাই দিতে পারলে না,—আমরা দু’জনেই গঙ্গার ঘাটে বোসে ভোগ লাগালুম।

\* \* \* \* \*

আজিজের সঙ্গে মানবের এই প্রথম দিনের পরিচয়। তারপর সেটা কি প্রেমের পরিণত হয়েছিল। যাক, কি বলতে গিয়ে কি সব বলে চলছি? মানব কি আজিজের কথা পড়লে আমার হৃদয় থাকে না,—মাপ করবেন। এ জীবনে আর আমার এ দুর্বলতা যাবে না। আপনাদের বললেই হত—আজিজ্‌ ছিল কাবুলী মেওয়াওলা, মানবের সঙ্গে ছিল তার খুব ভাব।

ভদ্রলোকটি বললেন—“আপনি মাপ করবার কথা কি বলছেন! আপনার দুর্বলতার দৌলতেই না পুরো জিনিসটে শুনতে পাবার পথ পেয়েছি। আজ তিন মাস তিনটি “প”য়ের পাল্লায় পড়ে জীবনটা বড় একঘেয়ে বোধ হচ্ছে ; সকালে—পোস্ট অফিস, দুপুরে ‘পাসা,’ বিকেলে ‘পাইচারি’;—রাতের ‘পরোটা’ ভক্ষণটা না হয় বাদ দিলুম,—কারণ যেখানেই থাকি—পেটে ওটা পড়াই চাই। না—ত’ হবে না মশাই, ওটা in detail—ওর সবটা বলতেই হবে।”

হাসিয়া বলিলাম—“আগে গরুটারই একটা উপায় হোক।”

ভদ্রলোকটি একটু অপ্রস্তুত ভাবে বলিলেন—“ইস্ তাই ত, তা ত বটেই—মাপ করবেন।”

আজিজ্ হাসি-মুখে উপস্থিত হয়ে—মানবের চোখমুখ দেখেই বলে উঠলো—“কেয়া দোস্ত—তোমরা ক্যা হুয়া।” পরে গরুটির ওপর দৃষ্টি পড়ায়—“ইয়ে ক্যা হায়, শিং কোন্ তোড়া,—মর গিয়া?”

এই সময় গরুটা আর একবার ওঠবার চেষ্টা করায়, সে বলে উঠলো—“সুদকুর খোদা [ ভগবানকে ধন্যবাদ ] জিতা হায়।”

মানব বললে—“হাঁ দোস্ত্ জিতা হায়, কিন্তু বড় কষ্ট পাতা হায়, উঠতে চাতা—উঠতে পারনে সেক্তা নেই। আমার বড় জোর-বোখার হুয়া ভাই, তাকত্ নেই যে খাড়া করকে দি। তাই বোসকে বোসকে ভাবতা থা, কালী মা তোমাকে পাঠিয়ে দিলে, একবার হাত লাগাও দোস্ত্। কিন্তু ছোড়কে মত্ দিও; কি জানি দাঁড়ানে পারেকা কি না, বড়া কঠিন চোট্ খায়া ভেইয়া। বোলতে ত’ পারতা নেই”—বলতে বলতে মানবের গলা আবার ধরে এলো। সে মাথা নীচু করে গরুটির চোখ মর্দাচ্ছে দিতে লাগলো; লুকিয়ে নিজের চোখও মুছে ফেললে! সেটা আজিজের চোখ এড়ালো না।

আজিজ্ ঠাউরেছিল,—মানব বোধহয় কোন কারণে রাগের মাথায় হঠাৎ মেরে থাকবে! এখন তার আর সে সন্দেহ রইল না; সে দ্রুত মানবের পাশে বসে-পড়ে, তার পিঠে হাত দিয়েই চমকে গেল! আজিজের মুখের গোলাপী আভা ফস্ করে ফ্যাকাসে হয়ে গেল; সে স্নেহমধুর আগ্রহে বললে—“চলো দোস্ত, তুম্‌কো পহ্লে ঘর্ পৌছাদে;—ইয়ে কাম্ হামারে উপর ছোড়ো।”

মানব বললে—“আমি আচ্ছা আছি ভাই, তুমি ইস্‌কো ধীরে ধীরে একবার খাড়া কোরকে দাও—আমি দোঁখ।”

আজিজ্ আর ধ্বির্ভক্তি না করে—ঝোলা ফেলে, আস্তিন গুটিয়ে, গরুটিকে কান্দা করে ধরতেই, মানব তার গলা তুলে ধরলে। আজিজ্ নিমেষ মধ্যে তাকে বেড়াল ছানাটির মত তুলতেই, মানব ব্যস্তভাবে বলে উঠলো—“পাকড়ে থাক্‌না ভাই।” আজিজের মুখে একটু হাসি এলো, সে বললে—“ডরো মত্ ভাই, হাম্ ছোড়েক্সে নেই।”

দাঁড় করিয়ে দিতেই গরুটি একটা কাতরধ্বনি করলে, সঙ্গে সঙ্গে তার নাক দিয়ে আধপোর বেশী রক্ত সর্সর্ করে বেরিয়ে গেল।

“সব মিথ্যে হল, সাত্ত্বিক-গোহস্তা অ্যাকেবারে মেরে ফেলেছে রে,—তুই দেখিস লোকেন, যে অজ্ঞান অসহায়কে এমন করে মারে, তার কথখনো ভাল হবে না !”

আজিজ্ শুনলে,—বোধহয় বুঝলে, সব চেয়ে বেশী বুঝলে—তার দোস্তকে লোকটা কি বেদনা দিয়েছে ; কিন্তু কথা কইলে না,—সেই তিন-চার মোণ জীবটিকে এক ভাবেই ধরে রইল । গরুটি কেবলই নিজের ভারটা চারটি পায়ে চারিয়ে দিয়ে দাঁড়বার চেষ্টা পাচ্ছিল । ওর রক্তটাই প্রাণপথ রোধ করে তার যাতনার কারণ হয়েছিল । সেটা নিঃশেষে বেরিয়ে যেতেই সে ফোঁশ্ করে একটা বন্ধ নিঃশ্বেস ফেলে চার পায়ে ভর দিতে পারলে ।

শিশু যখন প্রথম হাঁটবার আগ্রহ দেখায়, মা যেমন আনন্দ গভীর অন্তরে—হাসিভরা চোখে, হাত ধরে ধরে তাকে অজানা জীবন পথে যাত্রার প্রথম পা-ফেলাটি শেখান, আজিজও আজ গরুটিকে সেই ভাবে মিনিট দশেক মস্ত করিয়ে দাঁড় করিয়ে দিলে ।

মানব বলতেই আমি তাড়াতাড়ি জল এনে গরুটাকে খাওয়ালুম । কি তেঁটাই তার পেয়েছিল । সোঁ সোঁ করে তিন হাঁড়ি জল খেয়ে ফেললে । তার পর সে মাথা তুলে একবার আজিজ্কে, একবার আমাকে দেখে নিলে—চম্প ভাবে ডান দিকে ফিরেই তখনি বাঁ দিকে গ্রীবা বক্র করে স্থির হল । মানব আর দাঁড়াতে পারছিল না, বেড়ায় ঠেঁশ দিয়ে বসে পড়েছিল । তাকে দেখতে পেয়েই গরুটা দ্দ’পা ঘুরে তার দিকে এক দৃষ্টিতে অপলক-নেদ্রে চেয়ে রইল ; তার চোখ দ্দ’টো আবার জলে ভরে উঠলো । মানব তাড়া-তাড়ি উঠে এসে তার চোখ মর্দুছিয়ে দিয়ে গলায় হাত বুলিয়ে দিতে লাগলো । এই ভাবে দ্দ’চার মিনিট কাটবার পর, মানব তাকে বললে—“যাও মা—এইবার বাড়ী যাও ।” মানবের কথা সে যেন বুঝতে পারলে,—সে ধীরে ধীরে পা ফেলতে ফেলতে গিয়ে অক্ষয় গুরুমশাই-এর পাঠশালায় আশ্রয় নিলে ।

ব্যাপারটা দেখে আজিজ্ বলে উঠলো—“বাঃ খোদা ! তুঁহ সবকুছ ।”

আমি অবাক হয়ে গেলুম । ঘটনাটা ভুলতে পারিনি । বহুদিন পরে কাশীতে একজন পণ্ডিতের সঙ্গে আলাপ হয়, তিনি জিজ্ঞাসা করেন—“বেদান্ত পড়া হয়েছে ?” আমি বলিছিলুম—“আজ্ঞে না, পড়া হয় নি,—দেখা হয়েছে ।”

মানব বললে—“লোকেন, ওকে আজ ফ্যান এনে খাওয়াস,—তাতে একটু নুন দিস ভাই ; আমি আজ আর কিছু পারছি না । আর একটা কাজ করিস,—আমি পারলুম না, তোকেই করতে হবে ভাই । ঐ সাত্ত্বিক-থেগো থোকোসের লাউজগাদুলো একটাও

যেন ওর সান্ত্বক-গর্ভে না যায়—সবগদলি কেটে গরুকে খাওয়াবি। থাকলেই আবার ও গো-হত্যা করবে। আহা—মুখে মাত্র করেছিল,—পাশ্চ খেতেও দেয়নি,—ঐ পড়ে রয়েছে দ্যাখ্‌না! আজ রাতেই খাওয়াতে হবে,—জড়টা আর মারিস নি। কেমন—পারবি ত’?”

আমি একটা “কাজের-মত-কাজ” পেয়ে খুব উৎসাহে ঘাড় নেড়ে একটা জোর “হ” দিলুম। তার তরে ত’ বড়-কাজ পাবার জো ছিল না—বেলদার হয়েছে থাকতে হত। এতে এমন বদ্ব্যবহাৰ না যে সেটা সে বাহাদুরবী নেবার জন্যে কোরত; আমাকে বাঁচিয়ে নিয়ে চলার জন্যেই কোরত,—আমার গায়ে না আঁচ লাগে। তেমন ভাল আর কে বাসবে,—সে ভালবাসা আর কারুর কাছে পাইনি!

আজিজ্ বাংলা কথা বদ্ব্যবহাৰে শিখেছিল; এতক্ষণ পরে বলে উঠলো “আব্‌ কহো তো দোস্ত—ইয়ে কোন কসাইকে কাম হায়?”

মানব তাড়াতাড়ি বললে—“উস্কো তুমি নেহি জান্‌তা,—যানে দেও ভাই!” কিন্তু আমার মুখ থেকে বেরিয়ে গেল—“জান্‌তা বই কি, ঐ যে হরিসভামে সব্‌সে বেশী কুদ্‌তা আর কাঁদতা!”

আমি তখন লক্ষ্য করিনি যে, এতক্ষণ আজিজের আফগান রক্ত চোখে মুখে ছুঁতে এসেছে। মানব সেটা লক্ষ্য করে তাকে থামাবার তরেই বলেছিল—“তুমি তাকে নেহি জান্‌তা—যানে দেও ভাই!”

আজিজ্ আমার দিকে চেয়ে বললে—“ওহি সিদেবাড়ি ভুটাজি (সিঙ্কেস্বর ভট্‌চাখিয়া)? কাফর, বেদরদ্, সন্নতান, হামারা দোস্তকা দিল্‌ এত্‌না দুখান্না কে আশ্‌দ (অশ্রু) দেখনে পড়া! উস্কো হাম্‌ জান্‌সে মার দেগা—আজ-ই!”

সন্ধ্যার ঠিক পূর্ব্‌ক্ষণেই মেঘটা সরে গিয়ে, একটু চাঁপা রংয়ের আলো দেখা দিচ্ছিলো। আজিজের দিকে চেয়ে দেখি—

সর্বনাশ! আমার বুক কেঁপে গেল। মানব আমার দিকে তিরস্কারপূর্ণ চোখ চেয়েই, ধীর-পদে এগিয়ে—আজিজের হাত দু’টি ধরে তার বুককে মাথাটি রাখলে। মৃদুহৃতেই আজিজের বুকটা স্ফীত হয়ে একটা তপ্ত শ্বাস বেরিয়ে গেল। তার তুলিতে-আঁকা চোখ দু’টি নত হয়ে মানবের কাতর মুখটির ওপর স্থির হল,—সে মানবের পিঠে সন্মুখে হাত বুলুদতে লাগলো। মানব নিজের আবেদনপূর্ণ চোখ দু’টি আজিজের চোখের উপর রেখে বললে,—“ভাই, আমার দোস্ত কি কভি না মরদ হতে সেক্তা, সে শিন্নাল নেহি মারতা—শের্‌ (বাঘ) মারতা! সরম্‌ মত্‌ নিয়ো দোস্ত—একে মাপ করো!”



আজিজ্ আধার্মিনটাক তাকে বন্ধুকে চেপে থেকে শেষ বলে উঠলো—“তুম হামারা সচা বাহাদুর্ হায়,—আচ্ছা—দোস্তু,—আব্ চলো ঘর পৌঁছাদে ।”

বাড়ীর দোরগোড়ায় পৌঁছে মানব আজিজ্কে সেলাম করে, বালকের মত সরল কণ্ঠে বললে—“ফের কব্ আসবে ?” আজিজ্ বললে—“সোচো মত্—হাম্ রোজ আওয়েগা দোস্তু ।”

মানব তখন আমার দিকে ফিরে,—“দাঁড়াতে পাচ্ছি না রে—সকালে আসিস ভাই,” বলতে বলতে ভেতরে চলে গেল । আজিজ্ আর আমি তখনো সেইখানেই আছি, দৈখ মানব ফিরে আসছে । আজিজ্ বলে উঠলো—“কেয়া দোস্তু—কোই বাত হায় ?” মানব কেবল—“ভুল গিয়াথা” বলে, হাসিভরা চোখে আজিজ্কে জড়িয়ে আলিঙ্গন করে ই জলভরা চোখে দ্রুত বাড়ীর মধ্যে অদৃশ্য হয়ে গেল ।

আজিজের মুখ থেকে রংটা সহসা সরে গেল, ঠোঁটদুখানা ফাঁক হয়ে গেল, সচিস্ত সুরে তার মুখ থেকে বেরুলো “ইয়ে ক্যা” । আমি কথা কইতে পারলুম না । আজিজ্ যেন কেমন হয়ে গেল ।

সে আমার হাত ধরে খানিকটে নিজে গিয়ে একটা পোলের ওপর বসিয়ে নিজেও বসলো ; তার পর সৈদিনকার সারাদিনের সব ঘটনা শুনতে চাইলে । আমি এক এক করে সব বলে গেলুম,—জ্বর-গায়ে এক-টিলে জলের মধ্যে সাত আট সের মাছ মারা,—সঙ্গে সঙ্গেই ডুব,—উঠেই এক প্রকাণ্ড কেউটের সাম্নাসাম্নি,—সাক্ষাৎ-মৃত্যু সেই ভীষণ ক্রোধোন্মত্ত ক্রুর বিষধরকে নিমেষে মৃত্যুর মধ্যে ধরা, আর তাকে শেষ করে ফেলে দেওয়া ; ভিজ্জ কাপড়ে আমার কাঁধে মাথা রেখে অর্ধ-চেতন অবস্থায় চলতে চলতে লাঠির শব্দ আর কাতরধ্বনি শুনতে তীরবেগে ছুট,—গরুর শব্দশ্রবণ,—তার পর আজিজ্ নিজেই সব দেখেছিল ।

আজিজ্ উত্তেজিত গর্বেৎফুল্ল ভাবে বলে উঠলো—“হামারা দোস্তু পুরা ‘আলি’ হায়,—তোমার বাংলাকে শের্ হায় ।” পরক্ষণেই তার ভাবান্তর দেখলুম ; চিন্তিত ভাবে বললে—“বোখারকে উপর বহুত্ ধাক্কা লগা,—খুন শিরমে পৌঁছ গিয়া হোগা ;—বোখার বিগড়্ যা সস্তা ; আচ্ছা—হাকিম্ বোলানে কহো । রূপেয়া কোই চিজ্ নোই—হাম্ দেগা ;—সমঝা বাহাদুর্ ?” ( আজিজ্ আমাকে বাহাদুর বলতো ) এই বলে ছ’টা বেদানা আর একপেটি আঙ্গুর আমার হাতে দিয়ে বললে—“দোস্তুকে ওয়াস্তে হায়,—থেকে ঘর্ জানা । কহনা—হাম্ রোজ্ আয়গা ।”

আজিজ্ চলে গেল ।

আমি মানবদের বাড়ী বেদানা আর আঙ্গুর দিয়ে ফিরলুম ; তখন অন্ধকার হয়ে গেছে । মানবের হুকুম মনে পোড়ল,—বাড়ী যাওয়া হল না । সোজা সিধু ভট্‌চাষির শজনে গাছে উঠলুম । ছুরি ট্যাঁকেই থাকতো, বার করে হাতে নিতেই—দোর খোলার শব্দ পেলুম । এক হাতে লাঠান, এক হাতে একটা হাঁড়ি নিয়ে—এদিক-ওদিক দেখে, গামচা-পরা সিধু ভট্‌চাষি বেরুলো । ভাবলুম—দেখতে পেলো নাকি ! লাউপাতার আড়ালে স্থির হয়ে রইলুম । দেখি—বকের মত পা-ফেলে এসে, যেখানে গরুটা শব্দে পড়েছিল—সেইখানে লাঠান নিয়ে—দু-পা ফাঁক করে কখনো বা বৃদ্ধাঙ্গুষ্ঠে ভর দিয়ে—আঁজলা আঁজলা মাটি তার ওপর চাপা দিতে লাগলো । বৃদ্ধলুম—গোরস্ত গোপন করা হচ্ছে । তারপর পবিত্র করণের মশলাগোলা হাঁড়ি নিয়ে, তার ওপর ছড়া দিয়ে, চোরের মত চট্‌ গিয়ে দোরে খিল দিলে । হিন্দুধর্ম হাসলেন কি কর্দলেন বলতে পারি না ।

আমি অনেক কষ্টে হাসি চেপে—সাত্ত্বিক লাউডগাঙ্গুলি নির্বিল্পে সাফ করে নাবলুম । সেগুলি কুড়িয়ে নিয়ে গরুটির সামনে ধরে দিয়ে গর্ব-মিশ্রিত আনন্দ নিয়ে বাড়ী গেলুম । ঘণ্টাখানেক পরে ফ্যান্‌ খাওয়াতে এসে দেখি—ডগাঙ্গুলি প্রায় সবই খেয়ে ফেলেছে,—সকাল না হতে বাকি ক'গাছার চিহ্নও থাকবে না,—সে সম্বন্ধে আর উদ্বেগ রইল না ।

\*

\*

\*

মাছ দেখে দিদি এত খুসী ছিলেন যে ফ্যান কি নুন চাওয়ায়, সে দিন—“ক্যান-রা” পর্যন্ত তাঁর মূখে আসেনি । যাক, সোঁদিন একলা একটা কাজের-মত কাজ করে—মূখে আর বন্ধে আনন্দ আর গর্ব ধরিছিল না । মানব শুনে কি খুসীই হবে,—এই কথাটাই ছিল তার প্রধান আশ্রয় । যে-কাজের বাহবা দেবার কেউ নেই—মানুষ সে কাজ স্বইচ্ছায় করে না,—সে কাজ যে প্রেমশূন্য । এখন কিন্তু বৃদ্ধোচ্ছ—মানুষ নানা কারণে নানা কাজ করে থাকে । বৃদ্ধে কিন্তু সুখ পাইনি,—না বৃদ্ধাই ছিল ভাল ।

\*

\*

\*

শরীর মন দুই-ই শ্রান্ত আর অবসন্ন ছিল ;—ঘুম থেকে উঠে দেখি বেলা হয়ে

গেছে। মানবের কাছে ছুটলুম। দেখি—গরুটা সামলে উঠেছে,—আমাদের পাড়ায় চরে বেড়াচ্ছে। একটা ভাবনা গেল।

মানব জেগেই ছিল,—আমি ঘরে ঢুকতেই—“গরুটাকে দেখে এসেছিঁস ত’,—বোস,” বলেই আমার মূখের দিকে চেয়ে উঠে বোসলো। তার চোখ তখনো লাল হয়ে রয়েছে দেখে, খবরটা হেসে দিতে গিয়ে পারলুম না; সহজ ভাবেই বললুম—“সে আমাদের পাড়ায় চরে বেড়াচ্ছে।” শুনে সে বললে—“হবে না—মা কালীকে জানিয়েছিঁলুম,—তবু ভাল করে বলতে পারিনি রে। মাথা যেন ফেটে যাচ্ছিলো,—দেখলি ত,।” জিজ্ঞাসা করলুম—“এখন কেমন আছ?”—“ততোটা নেই,—তবে আছে।”

গায়ে হাত দিয়ে দেখি—বেশ গরম। সে হেসে বললে—“ও কিছ্ নয়; হ্যাঁ—সিঁধু ভট্‌চাষার সাত্ত্বিক ডগাগল্লোর কিছ্ করতে পারিসনি বোধহয়,—ও কি তুই রান্তরে পারিস।”

আমি সগৰ্বে বললুম—“কেন পারব না,—তুমি ত’ আমাকে কিছ্ করতে দাও না—তাই। সে কাজ সেরে, গরুকে দিয়ে তবে বাড়ী গিঁছলুম, একটি ডগাও রাখিনি।”

সে আনন্দে আমার হাত দ’খানা নিজের হাত দ’খানার মধ্যে চেপে ধরে—একটা ঝাঁকানি দিয়ে বললে—“ইয়াঃ—এই ত’ চাই।” পরে হাত ছেড়ে দিয়ে বললে—“আমি কি জানি না রে—তুই পারিস; কি করবো ভাই—যে কাজে একটুও বিপদের ভয় থাকতে পারে, সে কাজ যে তোকে একা করতে দিতে আমার মন সরে না,—তোর যে মা নেই, তোকে সামলাবে কে ভাই! কিছ্ হলে—তোকে উঠতে বসতে হাজারো কথা শোনাবে, পাঁচ দিন উপোসী থাকলে ডেকেও কেউ খাওয়াবে না, তখন অন্যের দোষগুলোও তোর ওপরেই চাপবে; দিদি কথা কইতে পারবেন না,—লুকিয়ে কেবল কাঁদবেন। ওরে, যার মা নেই রে,—”

এই পৰ্যন্ত বলেই হঠাৎ সে থেমে গেল, তার গলাও ভার হয়ে এসেছিল। আমার চোখে জল দেখে—আমার পিঠে হাত দিয়ে,—জোর করে চোখের কোণে একটু হাসি টেনে বললে—“ওসব বলতে হয় তাই বলা,—ভয় কিরে—বড় মা ত’ মরে না, মা কালী আছেন—আমাদের আবার ভাবনা কি, সেই ত’ আসল মা রে। এইবার থেকে সব কাজ তুই-ই করিস, আপনাকে বাঁচাবার জন্যে মিছে কথা কইতে পারিনি কিছু। যা কিছ্ করা—সবই ত’ দৃঃখী আর দূঃবলের তরে, তাতে আবার ভয়টা কি? কেমন, পারবি ত’?”

তার কথাগুলো এমন একটা উৎসাহ আর স্নেহ মেখে বেরিয়ে আসতো—তাতে সব ভুলে যেতুম। প্রাণটা নেচে উঠলো, বললুম—“কেন পারব না,—তুমি বললেই পারব।”

মানবের মা দোরের কাছে এসে দাঁড়িয়ে ছিলেন, সে তা দেখতে পারিনি! যখন সে বলেছিল—“ওরে যার মা নেইরে—উঃ!” তিনি আর দাঁড়াতে পারেন নি, চোখে আঁচল চেপে নিঃশব্দে সরে যান।

আমি তার কোন কথাই আজ পর্যন্ত ভুলতে পারিনি। অনেক দিন সেই সবই ছিল আমার ধ্যান। কিছুদিন পরে বদলেছিলুম—“যার মা নেই রে—উঃ” উচ্চারণ করেই, সে বদলেছিল একথাটা আমার কতদূর ভেদ করবে; বলে ফেলে নিজেও সে খুব ব্যথিত হয়েছিল, তাই পরক্ষণেই আমার মনটাকে অন্য দিকে ফিরিয়ে নেবার জন্যেই অতগুলো উৎসাহের কথার অবতারণা করেছিল,—তার মধ্যেও অসত্যের আশ্রয় সে এতটুকু নেয়নি। এমন ব্যথার-ব্যর্থীও আর দেখলুম না।

আমি যখন, লাঠান হাতে সিধু ভট্‌চাষির প্রবেশ,—চারিদিক চেয়ে গো-রস্তুর গোরু দেওয়া, আর ওপর গোবর-জল ছড়া দিয়ে স্থান শুদ্ধীকরণ, শেষ চোরের মত অন্তর্ধানের কথা বললুম, শুনেন মানব হেসে বলেছিল—“মিথ্যেটাকেই লোক মিথ্যে দিয়ে ঢাকতে যায় আর ঢাকতে চায়! এই চাপা-ঢাকাই আমাদের সত্য ধর্মটাকে গলা টিপে মারলে রে! বদ্বাতে পারি না—এরা ঐ সঙ্গে নিজের মনটাকে চাপাচুপি দিয়ে ঘুম পাড়িয়ে রাখে কি করে!”

এখন ভাবি,—জ্বর-অবস্থায় সে যে-সব কথা বলেছিল, সে-সব যেন—আমার খেলার-সার্থী মানবের কথা নয়।

\*

\*

\*

তার পর জ্বর কমে বাড়ে,—ছাড়ে না। গ্রামের ডাক্তার আসেন যান, ওষুধ দেন—আশ্বাসও দেন। আমিই সর্বক্ষণ কাছে থাকি। আজিজ্ রোজই আসে;—এসে প্রথমেই বেদানা আর আঙ্গুর পাঠিয়ে দেয়। কে অত খাবে—পাঁচ ভূতে খায়। তার পর সে সারাদিন উদাস দৃষ্টিতে বাইরে বসে থাকে। বাড়ী থেকে যে বেরোয় তাকেই জিজ্ঞাসা করে—“দোস্তকে কেমন দেখলে, কোনো ভয় নেই ত’?” তা ছাড়া আমাকে দশবার ডেকে পাঠায়, কত প্রশ্নই করে,—“দোস্ত্ এখন কি করছে” ইত্যাদি। ফি-বারেই এসেই একই সব প্রশ্ন। আবার হঠাৎ যেন চটকা ভেঙ্গে তাড়াতাড়ি নিজেই বলে, “তুমি

দেবী কোরো না—দোস্তের কাছে যাও ।” সম্মুখ হয়ে গেলো—“বিমনার মত’ ধীরে ধীরে চলে যায় ।

ন’দিনের দিন বিকার দেখা দিলে, গ্রামের ডাক্তার বললেন—ভয় নেই । আজিজ্-শুনেই বসে পড়লো একটু চুপ করে থেকে হঠাৎ রেগে বলে উঠলো—“তোমরা দোস্তকে মেরে ফেলবে,—আমি বরাবর বলছি ভালো ডাক্তার ডাকো—টাকার জন্যে চিন্তা নেই,—তোমরা যে কেন শুনচ না জানি না । আজ আমি দোস্তকে একবার দেখবই, কারুর মানা শুনব না,—কোন বাধা মানবো না ।” তার মুখের ভাব দেখে সকলেই ভয় পেলে ।

### ৩৩

আজিজকে দেখবার জন্যে মানব রোজই অধীর হত, আজিজও তার জ্যাঠামশাই তারিণী বাঁড়ুয়োর কাছে নিত্য হাত জোড় করে দেখবার অনুরাগিতা চাইত ; কিন্তু কোন ফল হত না,—ধর্ম নাকি পথ জুড়ে ছিল ।—মানব যে ঘরে ছিল, সে ঘরে যেতে হলে—ঠাকুর-ঘর পেরিয়ে ( অর্থাৎ তার পাশ দিয়ে ) যেতে হয় ।

এই বিচ্ছেদ মানবকেও যত কাঁদিয়েছে, আজিজের বন্ধুকেও ততোধিক বেদনা দিয়েছে । শেষ—মানবের জাটতুতো ভাই রজনী, বাপকে বললে—“বেশ ত’ ঠাকুরকে পঙ্গব্য দিয়ে নাইয়ে নিলেই ত’ হবে—সে আর শক্তটা কি ! না হয় ঠাকুরকে অন্য ঘরে নিয়ে রাখুন না । রাজমিস্ত্রীর ঘর ম্যারামত করতে এলে ত’ তাই করা হয় । না হয় গোপনে আমি ওদের দেখা করিয়ে দেব । তা না হলে—সে যে-খাতের ছেলে—ভারী অভিমান আর অপমান বোধ করবে,—এত বড় অসুখের ওপর সে-আঘাতে মানব মারা যাবে—দেখবেন !” বাপ বললেন—“খবরদার—লুকিয়ে যেন কিছ্ কর না হয়,—সে কথা চাপা থাকবে না,—ধর্মের ঢাক বাতাসে বাজে । আচ্ছা—আগে আমি পাঁচজনের সঙ্গে পরামর্শ করে দেখি—তার পর বলবো ।” ইত্যাদি ।

গ্রামের বড়-বড় নামজাদা অর্থাৎ জৌদা মাতব্বরদের পাশাখেলার আড্ডা ছিল—তারিণী বাঁড়ুয়োর বাড়ী । সন্ধ্যার পর—খড়ম পাল্ল—হুকো হাতে, অনেকেই হাজির হতেন । সে দিনও—রাখাল রায়, দিনু গাঙ্গুলী, সিধু ভট্টাচার্য্য, হর মুকুর্ষ্য উপস্থিত হলেন । পাঁচজনে মিলে—রজনীর উত্থাপিত প্রস্তাব ধরে—পরামর্শ সভা বসলো । কিন্তু মঞ্জুরী পাওয়া গেল না । সাব্যস্ত হল—আজিজ্ শুধু মোছলমান নয়,—সুদৃষ্টি-মামার দেশের

লোক—ওরা মগ, আবার “দোম্বা” খায়—যার কুকুদ্‌টা হয় পশ্চাতে ! সুতরাং সব ফেসে গেল ।

\*

\*

\*

\*

অনেক করে, আজিজকে নিরস্ত করলুম, বললুম—মানবের বাপ নেই, জ্যোঠা-ই অভিভাবক, তুমি ও-কাজ করলে, এরা আর মানবকে দেখবে না,—সে অথলে মারা যাবে ।

আজিজ্ বদ্বম্বে, একটা নিঃশ্বাস ফেলে বললে—“হামারা দোস্ত্কে মাফিক্ দরদী হাম নেহি দেখা,—ইয়ে লোগ্ কে’ও অ্যায়াসা বেদরদ্ হায় !” এই ক’টি কথা বলতে তার চোখ ফেটে জল বেরিয়ে এলো ; সে চুপ করে রইল । পরে হঠাৎ দাঁড়িয়ে উঠে বললে—“হাম্ মাহিন্দর বাবদকে লানে চলা—উও বড়া ডাক্তার হায় ;—রুপেয়া হাম দেগা ।”

বরাহনগরের মহেন্দ্রবাবু সতাই বড় ডাক্তার ছিলেন ; বাগবাজারের পোলের উত্তরে পাঁচ ছ’ কোশের মধ্যে অতবড় ডাক্তার আর কেউ ছিলেন না । মানবের অসুখ ছিল আজিজের দিনরাতের দুর্ভাবনা,—সে তাই বড় ডাক্তারের নাম-খাম সংগ্রহ করিছিল ।

আজিজের সংস্কল্প শুনেন রজনী ব্যগ্রভাবে বললে—“আগা-সাহেব দাঁড়াও, আমি বাবাকে একবার জানিয়ে, তোমার সঙ্গেই যাচ্ছি ;—বাবাই টাকা দেবেন ।”

সে অনেক বুদ্ধি দিয়ে বাপকে রাজি করে এসে আজিজকে নিয়ে বেরিয়ে গেল । রজনী ছিল মানবের চেয়ে অনেক বড় ; কিন্তু মানবের ওপর তার এতটা টান কখনও দেখিনি,—এটা হঠাৎ দেখা দিচ্ছিল,—বোধহয় আজিজের ব্যবহার দেখে । একজন বিদেশী বিধর্মীর কাছে ছোট না হতে হয় ।

মহেন্দ্র ডাক্তার তিন দিন এলেন । আজিজ্ আসবার সময় গাড়ী ভাড়া করে তাঁকে নিয়ে আসতো । গাড়িয়ানকে নিজেই যাতায়াতের ভাড়া আগাম দিয়ে রাখতো ।

মহেন্দ্রবাবুর আসবার চারদিনের দিন সকালে শুনতে পেলুম—তারিণী জ্যোঠামশাই রুদ্ধকণ্ঠে রজনীকে বলছেন,—“মহেন্দ্র ডাক্তারের রোজ আসবার দরকারটা কি ? কি হয়েছে কি, জ্বর বইতো নয় । বেটা মগ ভারি মজা পেয়েছে । তার ইচ্ছে মত চলতে হবে নাকি । বেটা আমার ভিটের বসে নেমাজ পড়ে—তাও সয়ে যাচ্ছি, কিন্তু আর সইব না । শুনলে না কাল সিধু-ভট্‌চারিয়া টুকে গেল । যাবে না,—সং-ব্রাহ্মণে সইতে পারে কি,—হিন্দুর পাড়া । ডাক্তারকে আজ বলে দিও—তিনচার দিন অন্তর এলেই হবে । ওরা নামেই বড় ডাক্তার,—উপকারটা কি হচ্ছে । গোবিন্দ-নাপুত্রের পিল্

খেলে জ্বর এশ্বিন বাপ্ বাপ্ করে পালাতে পথ পেতো না ! লেখাপড়া নাইবা জানলে—লোকটা ধন্বন্তরী ;—আট আনা দাও তাতেই খুঁসী। কেবল তোমার আবদারে”—ইত্যাদি। ছেলের সঙ্গে একটু বচসাও হয়ে গেল।

আজিজের ব্যাকুলতা নিতাই বেড়ে চলছিল। কাজ-কর্ম ত' ছেড়েই দিছলো,—তারিণী জ্যাঠার সদরে সারাদিন উদাস বসে থাকত। এখন আর সে এক-স্থানে স্থির থাকতে পারছিল না,—ছটফট্ করে বেড়াতে। ডাক্তার মানবকে দেখে নীচে এলে,—তীর কাছে খবর নিয়ে, আর সেখানে দাঁড়াত না। স্নান মুখে চলে এসে আমাদের কাঁটাল-তলায়, ঘাসের উপর উপড় হয়ে পড়ে থাকতো। সব দিন তার নাওয়া-খাওয়া ছিল বলে বোধ হয় না। দুর্বল হয়ে আসছিল, তাতেও কিন্তু ডাক্তারের কাছে ছুটো-ছুটির তার কর্ম ছিল না,—মাঝে মাঝে হঠাৎ উঠেই বেরিয়ে যেতো।

সেদিন সকালে গিয়ে সে মহেন্দ্র ডাক্তারের পা জড়িয়ে ধরে কেঁদেছে আর বলেছে—“হামারা দোস্তুকো আচ্ছা কর্দো বাবাজি,—পরদেশী’পর মেহেরবাণী করো। হাম্ গরীব হায়—যো কিছু হায়—ইয়েই হায়,—ইয়ে গেরারা-শো রুপেয়া তুম্ লো, ভাইকো আচ্ছা কর্দো, খোদা তোমারা আচ্ছা করোগা, তুম্‌কো সব কিছু দেগা।” এই বলে তার চামড়ার ব্যাগটি তাঁর পায়ে রেখে দিয়েছিল।

মহেন্দ্রবাবু ভাবতেন—রোগীর বাড়ীর সঙ্গে লোকটার মেওয়া-বিক্রী সূত্রে পরিচয় আছে ; আর এই অঞ্জলেই থাকে—তাই সে-ই তাঁকে নিতে আসে,—এতটা পথ গাড়ীতেও তার যাওয়া হয়।

কত ক্ষুদ্র আমাদের হিসাব আর অনুমান গুলো !

সেদিন তিনি তাই আশ্চর্য হয়ে বোকার মত চেয়ে রইলেন। এই পাঠানের পাষণের মত বৃকটা-ঢাকা এমন স্নিগ্ধ-কোমল জিনিসও থাকতে পারে। ডাক্তার নিজে ছিলেন শোক-সন্তপ্ত লোক ;—ভিজে চোখে ভারি-গলায় বললেন,—“আগা-সাহেব, এ টাকা তোমার কাছেই থাক, আমি তোমার দোস্তুকে আরাম করতে প্রাণপণ চেষ্টা পাব, যতবার যাবার দরকার বদ্ববো নিজেই যাব। খোদা যদি কৃপা করেন, তুমি বাইশ দিনের দিন আমাকে যা দেবে আমি লাকো-টাকা ভেবে নেব। এখন নিজের কাছে রাখ। খোদা ভালই করবেন,—চলো তোমার দোস্তুকে দেখে আসি।”

সেদিন ডাক্তার অনেক করে আজিজকে টাকা তুলে রাখতে রাজি করে আসেন। রোগীর এক ভাবই চলাছিল। দেখার পর ডাক্তার বাড়ীর কর্তাকে বললেন—“আমাকে ভিজিটের টাকা আর দিতে হবে না, আমি যতবার আসা দরকার বোধ করবো, নিজেই

এসে দেখে যাব।’ এ’কটা দিন বোধহয় এই ভাবেই চলবে,—এ জ্বর তাড়াহুড়ো করে তাড়ানো যায় না।”

আজিজও কি জানি কি বুঝে আমাদের কাঁটালতলাতেই আশ্রয় নিলে,—সেইখানেই নেমাজ পড়তো—সময় অসময় ছিল না। তারিগী জ্যোঠামশাই স্বস্তির নিঃশ্বাস ফেলে বাঁচলেন। রজনীকে বললেন—“দেখলি—নারায়ণের কাছে সং-ব্রাহ্মণের প্রার্থনা ব্যর্থ হয় না—এখনো সে-তেজ রাখি।” রজনী কেবল বললে—“তবে মানবের জন্যেও একটু জানাবেন বাবা।”

৩৪

উনিশ দিনের শেষ রাতে মানব সহসা “মা” বলে ডাকলে। মা সেই ঘরে মেঝেতেই পড়েছিলেন। আজ দশ দিনের পর মায়ের চিরকাম্য প্রাণ-জুড়ানো দুর্লভ শব্দটি কানে যেতেই,—“কেন বাবা—এই যে আমি” বলেই তিনি পাগলিনীর মত এসে, তার বুকে হাত দিয়ে বসে বললেন, “কি বাবা মান্দ—কেমন আছ বাবা।”

“কাঁদচো কেন—বেশ আছি ত’ মা। তুমি পায়ের ধুলো দাও” বলে তাঁর পায়ের ধুলো নিয়ে মাথায় মুখে দিলে, আর বললে—“ঠাকুরদের চরণামৃত একটু দাও না মা”। মা তাড়াতাড়ি কাপড় ছেড়ে চরণামৃত এনে তার চোখে মুখে দিলেন। “আর ভয় কি মা” বলে মার হাতটি নিয়ে নিজের মাথায় দিলে। মা ধীরে ধীরে তার এলোমেলো চুলগুলি সরিয়ে সরিয়ে যথাস্থানে দিতে লাগলেন।

আমি তার বাঁ-দিকে একখানি চেয়ারে বসে থাকতুম, সময় মত ওষুধ খাওয়াতুম, বেদানার রস দিতুম, ‘টেম্পারেচার’ নিয়ে লিখে রাখতুম। আজিজের ছোঁয়া জল অচল বলে, তার-আনা বরফ ব্যবহার করতে মানা হয়ে গিছিলো, কাজেই সব দিন জুটতো না।

মানব জিজ্ঞাসা করলে, “মা, লোকেন কেমন আছে?” মা বললেন—“সেই ত’ দিন রাত তোমার কাছে রয়েছে বাবা।”

এই যে আমি ভাই বলে কাছে যেতেই, একগাল হেসে সে আমার হাতখানা জোরে চেপে ধরলে। বললে—“আমি তোর তরে মনে মনে ছটফট্ করছিলাম রে ; দোস্ত্ কেমন আছে ভাই।”—“সে সারাদিন এইখানেই থাকে” এইটুকু মায় বললুম।



“আচ্ছা শোন—একটা কথা আগে বলি—আবার ভুলে যাব—দোস্তকে ত’ ভোলবার ভয় নেই !”

তার শেষ কথাটা খুবই ঠিক । বিকারে কেবল দোস্তের কথাই করেছে, মাঝে মাঝে আমার সঙ্গে কথাও ছিল, আর মা কালী আর ছিরু দু’লে । কিন্তু এত অসম্বন্ধ যে ভাল বদ্ব্যভিচারে পারতুম না ।

বললে “ভাল করে শোন । আমার সেই রূপারখানা শিবুর কাছে রেখে, তিনটাকা এনে ঐ ব্রাকেটটার ওপর রেখেছি—একদম দ্যালের গা ঘেঁসে । টাকা ক’টা ভাই ছিরুকে আজই দিয়ে আয়, গরীব বড় বিপদে পড়েছে । মজুরী করে রোজ দশটি পয়সা পায়—পাঁচটি লোক খেতে । চালে খড় নেই—“দু’আনার বিচুলি কিনতে পারে না—সবাই বসে ভেজে । আজই দিস ভাই—তা না ত’ কসাই ছাড়বে না । আজ কি বার রাত্তি ?”

বললুম—“বুধবার” । বললে—“শুক্লবার তার ঘটি-বাটী টেনে নে-যাবে বলেছে ! আর যা বলেছে,—যাক !”

ইতিমধ্যে যে দু’ শুক্লবার চলে গেছে, সেটা মানবের খবর নেই ! ভাবলুম—বিকার অবস্থার খেয়াল—এখনো সে-ঝোঁক পুরো কার্টোনি । বললুম—“কে টেনে নে’ যাবে, স্বপ্ন দেখলে নাকি !”

“ওরে না না—তোকে বলা হয় নি বুঝি,—শোন । দু’মাস আগে—ছিরু রাখাল রায়ের কাছে আটআনা ধার করেছিল,—দু’মাসে তার সুদ চাই দু’টাকা ! দাঁখি রায় মশাই একদম তার দাওয়ায়,—আর ছিরু হাত জোড় কোরে অবস্থা জানিয়ে কাঁদচে,—একটু সবুজ করতে হবে ঠাকুর মশাই—হরি জানেন, সবাই আজ পাঁচ-দিন মৃড়ি আর জল খেয়ে কাটাচ্ছি,—কাজ মিলচে না,” ইত্যাদি । পাশ্চাত্য তার বিধবা মেয়েকে দেখিয়ে এমন একটা খারাপ কথা বললে, ইচ্ছে হল এক চড়ে তার মৃদুখটা ভেঙ্গে দি ! ছিরু নিজে কান দু’টো দু’হাতে চেপে কাঁদতে লাগলো !”

“হুঁ—তোদের ঘরে আবার অ্যাতো ! আচ্ছা—শুক্লবার টাকা না পেলে কি হাল করি তা দেখাবি—ওর কাপড় টেনে,”—বলেই আমাকে দেখতে পেয়ে, চট্ নেবে সরে গেল । রজনীদার সখের টোঁবল হারমোনিয়ামটা আমার মাথায় ছিল, আকড়া থেকে বাড়ী আনতে বলেছিলেন । বেকারদার তাড়াতাড়ি নাবানোও যায় না,—জানিস ত’ কি রকম লোক,—মাথাটা জ্বলে উঠলো,—চুপ

করে চলে আসতে হল,—পাপ হল কিন্তু। উঃ—আবার মাথাটা কেমন করে উঠছে রে!”

বললুম—“ধাক—আর কথা করে কাজ নেই,—আমি ছিরকে দিয়ে আসবো’খন।”

“আর কেবল একটা কথা,—দোস্তকে একবার দেখাতে পারলিনি ভাই,—তাকে পেলে আমি সেরে উঠতুম।” এই কথা ক’টি এমন উদাস আর কাতর-কন্ঠে বলে একটা নিঃশ্বাস ফেললে,—আমার মর্মটা যেন ছিঁড়ে খুঁড়ে দিলে। পীড়িত পিঞ্জরাবদ্ধ সিংহ যেন আজ শৃংগলের কাছে ভিক্ষার আবেদন পাঠালে। বৃকটা ফেটে গেল, ইচ্ছা হল ছুটে গিয়ে আজিজকে ডেকে আনি। হাস—কতটুকু দুর্বলতায় মানুষের ক্ষমতা মানুষের স্বাধীনতা আটকে থাকে! কে’দে ফেললুম, বললুম—“কি করে তা হবে ভাই, ও’রা বলেন—হি’দুর বাড়ী,—ঠাকুর রয়েছেন!”

মানব একটু গ্লান-হাসি মুখে এনে হতাশ ভাবে বললে “ঠাকুরই আমার বাধা হলেন! ছিঃ, ঠাকুরের নামে এমন বদনাম কখনো করিসনি ভাই।” এই বলে ঠাকুরের উদ্দেশ্যে দু’হাত এক করে মাথায় ঠাকালে। তার পর সে যেন ভাবনা চিন্তার পরপারে দাঁড়িয়ে মৃত্ত পুরুষের মত বললে—“দোস্তকে আমার সেলাম জানাস—মাপ করতে বলিস। আর দ্যাখ্ লোকেন—হি’দু হোসনি ভাই,—মানুষ হোস! একটু জল”,—জল খেয়ে সে পাশ ফিরে শুলো। বাইরে তখন আলো দেখা দিয়েছে।

আজ বিশ দিন! বেলা সাড়ে আটটার সময় ডাক্তার এলেন, সব শুনলেন;—দেখলেন কিন্তু নিত্য যা দেখেন,—সেই পূর্ব্ণভাব। ওষুধ লিখে কতকগুলি উপদেশ দিয়ে গেলেন।

আমরা ভেবেছিলুম বিকার কেটে গেছে। মা-ও তাই আজ অনেক দিন পরে গঙ্গাস্নান করে মা মৃত্তকেশীর পূজা দিতে গিছিলেন।

ক’দিন পরে আজিজ্ আজ কান প্রাণ সজাগ করে, আমার কাছে সব শুনলে। —“দোস্তকে পেলে আমি সেরে উঠতুম,—দোস্তকে আমার সেলাম জানাস, আমাকে মাপ করতে বলিস”—মানবের এই কথা কয়টি, সে ঘুরিয়ে ফিরিয়ে চার-পাঁচবার আমাকে বললে আর নিজে শুনলে। তারপর ঝড়ের মত একটা নিঃশ্বাস ফেলে, সামর্থ্য সত্ত্বেও উপায়হীনতার মত বলে উঠলো—“হাম্ তোমারে ওয়াস্তে জান্ দে সেক্তা দোস্ত্, লোকিন তোমারে পাশ নোই পৌঁছ সেকা। হিন্দু তোমাকো মার্

ডালা—আউর হাম্‌কো আউরাং বানা দিয়া। দোস্ত্‌ হাম্‌ ক্যা করে—হাম্‌ ক্যা করে—হাম্‌ ক্যা করে !!”

নিরুপায়ের এই শেষের তিনটি মর্ম‌ছেঁড়া উচ্ছ্বাসের সঙ্গে সে এমন জোরে মাথা নেড়েছিল—আর তার লম্বা লম্বা রেশমগুচ্ছের মত চুলগুলি শূন্যে বিক্ষিপ্ত হয়ে এমন সবগে ইতস্ততঃ ছড়াচ্ছিল, দেখে আমার ভয় হল—নিদারুণ হতাশায় তার প্রাণটা বৃদ্ধি ঐ সঙ্গে বেরিয়ে যায়,—না হয় সে পাগল হয়ে গেল ! ~

একটু পরে আমার দিকে চেয়ে বিরক্তিমাখা হৃদয়মেব সুরে বললে—“ঘা-ও” ! ভয়ে আমার বৃদ্ধটা কেঁপে উঠলো,—আমি তাড়াতাড়ি সরে এলুম। আড়াল থেকে দেখি,—সে ঘাসের উপর উপর হয়ে শূন্যে ছেলেদের মত ফুলে-ফুলে কাঁদছে, তার সর্বাঙ্গ নড়ে নড়ে উঠছে। আমিও না কেঁদে থাকতে পারলুম না,—আড়ালে খানিকক্ষণ কেঁদে নিলুম। মানবের ঘরেই দিনরাত কাটাই,—সেখানে পাষাণের মত থাকতে হয়।

অন্য দিনের মত সেদিন আজিজের কাছে যেতে সাহস হয়নি। সে বোধহয় বৃদ্ধিতে পেরেছিল,—তাই যাবার আগে ডেকে পাঠায়। আমি যেতেই, সে আমার মাথায়, পিঠে হাত বুলতে বুলতে বললে—“হাম আজ তুম্‌কো বড়া দ্বখ দিয়া, মাপ করো বাহাদুর, হামারা মগজ্‌ ঠিকানায়ে নোই ভাই।” আমি কেঁদে ফেললুম। সে আমাকে বৃদ্ধি টেনে নিয়ে আমার চোখ মোচাতে মোচাতে—দশবার নিজের চোখও মুছলে। সে স্নেহের তুলনা নেই ! মানবের তরে আমাদের উভয়ের চোখই অশ্রুতে উব্ধে থাকতো,—যে-কোনও উপলক্ষ ধরে তা বেরিয়ে আসতো !

তার পর আজিজ্‌ বেশ স্পষ্ট আর দৃঢ়কণ্ঠে বললে,—“বাহাদুর, কাল্‌ হাম দোস্ত‌কো দেখেগা। হাম গঙ্গাজিমে নাহাকে কাপড়া বদল্‌কে আয়েগা। কাল্‌ হাম্‌কো কোই নোই রোক্‌ সেকেগা।” এই বলেই সে—দ্রুত চলে গেল।

একুশ দিনের দিন বেলা আটটার পর গগনভেদী হাহাকার ভেদ করে, মানবের দেহটি মাত্র নিয়ে যখন বাইরে আসা হল,—সামনেই দেখি—আজিজ্‌ বজ্রাহতের মত নিঃসঙ্গ, নিঃসঙ্গ দাঁড়িয়ে।

সে আজ হিন্দু-মতে গঙ্গাস্নান করে, শূঁচি হয়ে, নতুন একখানি নীল লুঙ্গী পরে নতুন একখানি খানি রংয়ের উত্তরীয় মাত্র গায়ে দিয়ে, খালি পায়ে দোস্তকে দেখবার জন্যে দৃঢ় প্রতিজ্ঞ হয়ে এসেছিল। তার সেই লম্বা লম্বা চুল বেয়ে মজ্জাধারার মত জল ঝরাছিল। অদূরেই তার ভিজে কাপড়, ভিজে ঝোলা—আর তার ওপর তার ছোরাখানি পড়ে আছে দেখলুম। আজিককে দেখাচ্ছিল,—যেন নিকুন্ডলা-যজ্ঞাগার প্রবেশে প্রস্তুত ইন্দ্রজিৎ।

তার খীর গম্ভীর কণ্ঠ হতে বেরুল—“উতারো!” শব্দে সকলে চমকে গেল,—সকলে তারিণী জ্যেষ্ঠার দিকে চাইলে।

দীনু গাঙ্গুলী বললেন—“তারিণীর দিকে চাইছ কি,—গ্রামের মঙ্গলা-মঙ্গল ত’ ও’র একার নয়,—‘তোলা মড়া’ কি না বাতে আছে।” নবীনবাবু বললেন—“তাতে এমন দোষটা কি,—লোকটা ওকে ভালোবাসত,—একবার দেখতে ইচ্ছে করে; এই যে দূর থেকে যারা আনে, তাদের মাঝে-মাঝে ত’ না বাতেই হয়।”

রাখাল রায় বললেন—“ওঃ—নবীন সিমলের বড় দপ্তরে চাকরী করে কি না।” সিধু ভট্টাচার্য্য বললেন—“দূর থেকে আসলে না বায়—সেটা আমরাও জানিহে;—তারা নিজের গ্রামে না বায় কি বলতে পার?”

নবীনবাবু বললেন—“যেখানেই না বাক—কোন গ্রাম ত’ সেটা,—সে গ্রামেও লোক থাকে; তাদেরও ত’ মঙ্গলামঙ্গল আছে।”

“ওঃ”—“ইস্” প্রভৃতি শব্দের মধ্যে আজিজ্ বজ্র-কঠিন কণ্ঠে বললে—“হাম্ দোস্তকো দেখেগা,—উতারো।” সকলে চমকে গেল। যারা কাঁধ দিরেছিল তারা “এই রইল” যেই বলা, তারিণী জ্যেষ্ঠা তাড়াতাড়ি—“এই—এই,—রাস্তাটায়” বলতে না বলতেই, তারা দোরের পাশেই না বিয়ে সরে দাঁড়াল;—আমি স্পর্শ করে রইলুম।

“দোস্ত্!” বলেই আজিজ্ মানবের মূখের সামনে হাঁটু গেড়ে বসে পড়লো। মিনিট খানেক তার দিকে নির্নিমেষ চেয়ে থেকে বললে—“মেরে যানেসে আগর্ তোমারে হিন্দু লোগ তোমারা তজ্‌বিজ্ (যজ্ঞ) না-করে—তোমাকো নফরত্ (ঘণা) করে, ইস্ ড্রসে হম্ খোখা খা গেয়া—তোমারে পাশ প’উচ্ না সেকা; নহি তো জান্ দেনে জো তৈয়ার খা উস্‌কো কোন রুখ সেক্তা। হাম্‌কো মাফ করো, হাম্ বড়া ধোকা খান্না। দোস্ত্ হাম্ একদফে হাজির ভি না হো সেকা,—হামারা কিস্মত।” তারপর একটু থেমে বললে—“অচ্ছা আর এক বাত কহে যাও ভাই,—তুম্ যাঁহা চলে—হম্ উ’হা তুম্‌সে মিল সেকেগা? উ’হা তো হিন্দু নহি।—বোলো—বোলো

দোস্ত—তোম হাম্”—বলিতে বলিতে কে যেন তাহাকে বাধা দিলে, সে হতাশ ভাবে বললে,—“লেকিন্ তুম্ হাম্‌কো কথা থা—‘হামারা দোস্ত্ না-মরদ্ নোহি হ্যায়,—না-মদি’কে সরম্ শিরমে না উঠাও’!—তো হম্ ক্যা করে””—বলেই আশাহত উম্মাদের মত সজোরে মাথা নাড়িলে। সঙ্গে সঙ্গে তার চোখের জল ঠিকরে গিয়ে মানবের ঠোঁট্ ভিজিয়ে যেন তার দোস্তকে দেখবার—গত বিশ দিনের প্রচণ্ড পিপাসা আজ মিটিয়ে দিলে।

ঘনকৃষ্ণ দ্রুত নীচে আজিজের চোখ দু’টি এতক্ষণ যেন পাষাণমূর্তির ওপর পালিশ-করা ইস্পাতের মত ঝক্‌ঝক্‌ করছিল,—এইবার সেই পাষাণ ফেটে ঝর্ণা বেরিয়ে এল। সে মানবের বৃকের ওপর মাথা রেখে কি অশাস্ত কান্নাটাই কাঁদিলে। তার বৃকের দুধার-বেয়ে অশ্রুধারা গড়িয়ে পড়ল। আমার ঠিক বোধ হল—মানবের ওই বিশ দিনের বিচ্ছেদ-দন্ধ বৃকট সে জড়িয়ে দিলে। তারপর সে মুখ তুলে যা বললে তা এই,—“আজ একুশ দিন বন্ধ—এই দৃষ্টিগঞ্জের প্রথম দিন তোমাকে বাড়ী পেঁছে দিতে আসি। তুমি সেলাম করে ভেতরে চলে গেলে, পরক্ষণেই দেখি—ছুটে ফিরে এসে আমাকে জড়িয়ে ধরে আলিঙ্গন করে বললে—‘দোস্ত্—ভুলে গিছলুম্—প্রাণটা কেমন করে উঠল’—বলেই আবার ছুটে ভেতরে চলে গেলে। প্রাণটা আমার কাঁপে করে উঠেছিল, কিন্তু বদ্বিনি—তুমি বিদায় নিলে। আও দোস্ত্—আজ ছুটিকা দিন্ হামারা ছাতিপর্ আও”—বলেই তাকে ন্যাকড়ার পদুগুলির মত বৃকে তুলে নিয়ে দাঁড়াল ;—দেবতা যেন সত্যরত নির্ভীক নিষ্কলুষ “মানব”কে তুলে নিলেন,—শিব যেন সতী-দেহ নিয়ে দাঁড়ালেন।

আজিজ্ মানবের বৃকে মাথা রাখতেই—“ইস্—পরকালটাও গেল।” প্রভৃতি সময়োচিত ইঙ্গিত কানে এসেছিল, এখন “হাঁ—হাঁ” শব্দের সঙ্গে “অ্যা—হ্যা—হ্যা, ছোঁড়া শেষটা জাতিচ্যুত ধর্ম্‌চ্যুতও হল। ও-সব ছেলের ওই-রকমই হবে বই কি।” প্রভৃতি স্বজেনিত গদ্‌গদ শোনা গেল।—গদ্‌গদকারীদের পশ্চাতে হুলটা থাকেই,—সেটাও দেখা দিলে—“ও মড়া আর ছোঁবে কে!”

আজিজ্ দোস্তকে সযত্নে—সম্পূর্ণে শুষিয়ে দিয়ে—ব্যাগ থেকে দু’বার দু’মুঠো টাকা নিয়ে তার দু’পাশে রেখে আমার দিকে চেয়ে বললে—“দোস্তকা কোই কামমে লগে তো অচ্ছা,”—নাহি তো গরীবোঁকো বাঁট্ দেনা বাহাদুর।” তারপর উপস্থিত সকলকে উদ্দেশ্য করে বিষাদ মিশ্রিত বিনয়ে বললে—“আব্‌ যো খুঁসি করো ভাই।”

প্রবীণেরা তারিণী জ্যেষ্ঠাকে ঘিরে কতব্য নির্ধারণে ব্যস্ত হলেন। পাঁচ মিনিট পরেই লাস উঠে গেল। আজিজ্ হাঁটু গেড়ে সেলাম করলে।

\*

\*

\*

মানবের মৃত্যু-সংবাদে গ্রামের মেয়ে পুরুষ—বিশেষ করে ইতর সাধারণ,—জেলে-পাড়া, দুলেপাড়া, মুসলমানপাড়া—ভেঙ্গে পড়েছিল। সকলের মুখেই “হায় হায়—” আর তার কাছে কে কবে কি উপকার পেরেছিল, কবে কি বিপদে সে কাকে রক্ষা করেছিল—সেই সব কথা,—সকলের চোখেই জল।

আজিজ্ এই পাঁচ-সাতশো লোকের সহানুভূতি দেখে উৎসাহে সবার দিকে চেয়ে বলে উঠল—“তোমারা বাদশা চলা গিয়া, মরদ অওর নাই রহা,—আব্ একদফে দোস্তুকা সাথ্-সাথ্ যাও ভেইয়া” বলে, হাতজোড় করতেই, জনতা মন্তচালিতের মত তার সঙ্গে সঙ্গে শ্মশানে চলল।

জমিদার কি রায়-বাহাদুরের মৃত্যুতে এ দৃশ্য দেখিনি! আমি তখন টাকা গুণে তারিণী জ্যেষ্ঠার হাতে দিচ্ছলাম,—তার মিতেরা আমাকে ঘিরে দাঁড়িয়ে ছিলেন।

আজিজ্ ডাকলে—“বাহাদুর”! এমন সন্মিষ্ট মৃদু-মধুর কণ্ঠ পূর্বেও শুনিনি—পরেও শুনিনি—যেন শিরায় শিরায় শিরীষ ফুল বদলিয়ে দিলে। ইচ্ছে হল—তার বকে গিয়ে লুটিয়ে পড়ি। আমার দিকে চাইতেই তার চোখে জল গড়িয়ে এল,—পিঠে হাত দিয়ে বিষাদ-বিষন্ন কণ্ঠে বললে—“বাহাদুর—যাও ভাই, দেখো যাকে—দোস্তুকে সব কাম পুরা পুরা ঠিক্ ঠিক্ হোয়ে ;—যাও- ইঁহা আওর কোন্ কাম্ রহা ভাই! আওর এক বাত—মায়ীকো জরুর দেখনা বাহাদুর”—এই বলে তার ধানি রংয়ের উত্তরীর দিয়ে আমার চোখ মুছিয়ে দিলে,—আর “আচ্ছা যাও” বলে একটা দীর্ঘনিঃশ্বাস ফেললে। আমি অনিচ্ছায় ধীরে ধীরে এগুলাম। তাকে ছেড়ে যেতে আমার পা উঠছিল না। মানবের শেষ কথা—“তোরা মা নেই লোকেন,—তাই তোকে মা দিয়ে চল্লাম”—মনে হয় চোখের জলে কিছূ দেখতে পাচ্ছলাম না।

মানব পক্ষড়ার ছেলেমেয়েদের নিয়ে খেলা করতে ভালবাসত—খেলার হার-জিৎ উপলক্ষ করে—নিজে হেরে—তাদের ইচ্ছামত খাবার এনে খাওয়াত ;—খেলার জিনিসও কিনে দিত। দশ-বারো বছরের ছেলেদের নিয়ে মধ্যে মধ্যে লাফানো, দৌড়ানো, সীতার দেওয়া, গাছে ওঠা আর বাচ্‌খেলার পরীক্ষা হত—পুরুষের দেওয়াও হত। তাই সে তাদের উপাস্য বন্ধু ছিল। সেদিন সব ছেলেমেয়েই ছুটে এসেছিল ; বন্ধুহারা

বিষাদে ছল-ছল চোখে চূপচাপ দাঁড়িয়ে ছিল ;—ষাদের জ্ঞান হয়েছে, তারা মাঝে মাঝে চোখ মদুচ্ছিল ।

আমি চলে গেলে আজিজ্ তার ঝোলাটি উপদ্রু করে তাদের সামনে ছাড়িয়ে দ্রুত সে স্থান ত্যাগ করে—সে আর পেছা ফিরে চায়নি । সেদিন কেবল বেদানা আর আপেল ছিল—অনেক । ছেলেমেয়েগুলির মনের অবস্থা এমন ছিল যে সে-সব কুড়ুতে তাদের উৎসাহই ছিল না,—কেবল চার পাঁচ বছরের কয়েকটি ছেলেমেয়ে দ্দ’ একটি ফল হাতে করেছিল মাত্র ;—অমনি উপস্থিত বুদ্ধিমানেরা হ্দ’কো ফেলে ক্ষুধাত’ কাক্সালের মত এসে পড়েন—“ভূতে খেলে আর হবে কি, নারায়ণকে দিলে কাজ হবে” বলে কৌচড় ভর্তি করে সত্বর যে-যার বাড়ী ফেরেন ।

নবীনবাবু এই ব্যাপার দেখে ঘৃণায় মদুখ ফিরিয়ে চলে যান । আমি এ কথা তাঁর কাছেই শুনোঁছিলুম । চুড়ামণি মশাই শুনলে বলোঁছিলেন—“ওরাই জাতটার মদুখ পোড়ালে !”

\*

\*

\*

আমাদের গ্রামের প্রচলিত প্রথা ছিল,—দিনের যে-কোন সময়ে সংস্কার শেষ হলেও—সন্ধ্যায় “তারা” দেখে স্নানান্তে প্রত্যাবর্তন । তাই সন্ধ্যার সময় স্নান করে যখন উঠি,—তখন অনেকেই গঙ্গার ঘাটে সন্ধ্যা-বন্দনাদি করিঁছিলেন ।

সেই চরম ক্ষণে হরিসভার অশ্রুউৎস পরম ভক্ত মাতঙ্গর সিধু ভট্‌চার্য্য চাপা গলায় রাখাল রায়কে বললেন—“একটা এখনও রইলো !”

বৃদ্ধ লোকটি নীরবে চক্ষু মদুখর্তোঁছিলেন, সরোষে বলিয়া উঠিলেন—“বলেন কি ? a beast—পশু ! উঃ”—

যদুবা উত্তোঁজিত কণ্ঠে বলিল—“পাপিষ্ঠ পিশাচ ? বাঙ্গালাদেশে এ-ছেলের জীবন-কথা এখন ত’—সত্যনারায়ণের কথা !”

বলিলাম—“আপনারা তার কতটুকুই বা শুনলেন । তার জীবনটাই যে ছিলো অসহায় বিপন্নের জন্যে ! তার ষোলো বছরের শেষ পাঁচ ছয় বছর আমার কাছে ব্রহ্ম-সূত্র । হামিদের বাড়ীর আগুন আজও আমার চোখ থেকে নেবনি । তার লৌলহান শিখা এখনও আমাকে শিউরে দেয় । হাজারো লোক দাঁড়িয়ে নিরুপায় হামিদের পাগলের মত চাঁৎকার শুনোঁছিলো । তার স্ত্রী, সদ্য প্রসূত শিশু নিয়ে আঁতুড়ে, সেই বহিবদাহে ! তার বিশগজ তফাতেও দাঁড়ায় কার সাধ্য ।

গামছা পরা, ভিজ-থলে মাথায় একজন ছুটে সেই জলন্ত চিতার প্রবেশ করলে। সকলে স্তম্ভিত—হামিদই হবে।

দু' মিনিটেই কাঁধা আর মাদদুরে জড়ানো শিশু সমেত বউটিকে নিয়ে এসে ফেলেই—অজ্ঞান।

মানব তাতেও মরেনি।

দু'হাতের চেটোর ছাল উঠে গিয়েছিলো—ঝুঁকে-পড়া জলন্ত চালা ঠেলে তাদের বার-করে আনতে হয়েছিলো।

জ্ঞান হলে তার প্রথম কথা—“তারা ভাল আছে ত’?—হাতদু’খানা বড় জ্বলছেরে” —পরক্ষণেই হাসিমুখে—“ও কিছুন্য”। সেটা—আমাকে সাত্বনা দেওয়া।

জীবনে তার চেয়ে বড় কিছুর আর পাইনি। সব ইচ্ছা উৎসাহই, তার সঙ্গে সঙ্গে শেষ হয়ে গেছে।

ভদ্রলোকটি বললেন—“উঃ-তা হতেই পারে। এর উপর আর কথা কবার কিছুর নেই। তবু—আজিজের.....”

বললুম,—ফিরে গিয়ে দেখি—তার ভিজ কাপড়গুলি আর ছোরাখানি যেখানে সে ফেলোছিল—সেইখানেই পড়ে আছে ;—ঝোলাটা একটু তফাতে পেলুম। তুলে নিয়ে গিয়ে নিজেদের বেড়ার গায়ে শুকুতে দিলুম,—ছোরাখানি তুলে রাখলুম।

পরদিন চারপাঁচজনের কাছে এক-কথাই শুনলুম,—আজিজ্ এক মনে রাস্তার এক-ধার ধরে যখন দ্রুত চলেছিল, তখন তার চোখ-ফেটে রক্ত গড়িয়ে বৃকে এসে পড়িছিল। তার এই অবস্থা দেখে আর মানবকে মনে পড়ে, পরিচিত লোকের প্রাণ হুহু করে কেঁদে উঠেছে, কিন্তু কেউ কোন কথা কইতে সাহস করেনি—অনেকেই সরে গেছে। অপরিচিত লোক ভেবেছে—“উন্মাদ, না হয়ে খুনে।”

রোড-ইনস্পেক্টার রাসমোহনবাবু সাইকেল ছুটিয়ে থানায় গিয়ে খবর দেন। দারোগাবাবু বড় ভদ্রলোক ছিলেন, তিনি দু’জন কনস্টেবল নিয়ে রাস্তায় এসে অপেক্ষা করেন। আজিজকে তিনি চিনতেন। তাকে দেখেই তাঁর ধারণা হয়—চোখে নিশ্চয়ই কিছু বিঁধে আছে—না হয় কোন কিছুর খোঁচা লেগেছে, তাই ব্যস্তভাবে বলেন—“একদম কাশীপুর হাসপাতালে চলে যাও।” আজিজ্ কোন উত্তর দেয় নি।

\*

\*

\*

তারপর কত খুঁজোঁছ, কত খবর নিয়োঁছ,—দিন গেছে, মাস গেছে বছরের পর



বছর গেছে,—আজিজ্ আর ফেরেনি। তার কাপড়গুলি এক এক করে গরীব দুঃখীদের দিয়ে দিচ্ছি। কেবল তার হাতের ছোরাখানি অন্যের হাতে দিতে পারিনি,—অযোগ্যের হাতেই রয়ে গেছে।

চোখ দিয়ে রক্ত পড়ার কথাটা অনেকেই বিশ্বাস করেনি,—আমিও ও-সম্বন্ধে অনেক দিন ভেবেছিলাম।

পাঁচ বছর পরে ভেবেচি—পাহাড়ঘেরা মরুধূসর খুন-খেলার দেশের লোকের প্রাণে এ ভালবাসা—এ প্রেম কোথা থেকে এল, এর সামনে যে বিশ্ব ভেসে যায়!—এ যে সৃষ্টিও করতে পারে, প্রলয়ও আনতে পারে।

দশ বছর পরে ভেবেচি—পাহাড়ের মৃত্ত বায়ু, ঝর্ণার মৃত্তধারা,—আঙ্গুর-আপেলের সরস যৌবন-সৌন্দর্য,—পিচ ফুলের হোলিরাগ,—সৌরভ-মন্দির গোলাপ-কুঞ্জের উষা-লাবণ্য—শূন্যভরা বিহঙ্গ-সঙ্গীত,—সর্বোপরি তার বাধাহীন স্বাধীন জীবনই তার হৃদয়টাকে প্রেম-মধুর করে গড়ে তুলেছিল,—তার বিশাল বৃকখানাকে প্রেম সম্পদে ভরে দিছিলো।

বিশ বছর পরে যখন দেখলাম—প্রভুপাদ বিজয়কৃষ্ণ গোস্বামী মশাই বলেছেন,—“কখন-কখন উপাসনার সময় প্রবল হৃদয়বেগে কেশব বাবুর চোখে রক্ত বেরিয়ে আসত,” তখন বিচ্ছেদ-ব্যথা-মথিত প্রেমোন্মত্ত আফগানের রক্ত-যে আজিজের চোখ দিয়ে গড়িয়ে-ছিল সে সম্বন্ধে আমার আর দ্বিধার অবকাশ থাকেনি।

আজ আমি তাদের দু’জনকেই গভীর শ্রদ্ধায় নমস্কার করি।

বৃদ্ধ ভদ্রলোকটি আর তাঁর সঙ্গী যুবটি উভয়েই হাত তুলে নমস্কার করলেন। ভদ্রলোকটি বললেন—“মাফ করবেন—আপনাকে বড়ই মনঃকষ্ট দিলুম,—আমরাও কিছু কম পেলুম না।”

বলিলাম—“আমার এই কষ্টের মাঝে অশ্রু-তপনের যে একটা আনন্দও আছে, তা না ত’ কি অনাবশ্যক এতটা বকতে পারি! পূর্বেই আপনাদের বলিছি,—মানব কি আজিজের কথায় আমি সব ভুলে যাই—মাত্রাজ্ঞান থাকে না; তারা যে আজও আমার দিনের চিন্তা—রাতের স্বপ্ন।”

ভদ্রলোকটি বললেন—“হতেই পারে—আমরাও বোধহয় ভুলতে পারবনা। তা হোক—এ ব্যথা বহন করেও সুখ আছে।”

ইহার পর কাহারো আর কোন কথার উৎসাহ রহিল না, দু’একটা শোকোচ্ছ্বাসের পর তাঁহারা বিদায় লইলেন।

অন্তরে বাহিরে সন্ধ্যা লইয়া বাসায় ফিরিলাম। দুই দিন উদাসভাবেই কাটিল্ এবং একটি সিগারেট ভস্ম হইল। যাহা ঘটে তাহা অতীতের গর্ভে অদৃশ্য হইয়া মূর্ছিয়া যায় না কেন।

তৃতীয় দিন বাহির হইলাম,—বেড়াইবার আনন্দ উপভোগের জন্য নহে। মনটা আধ্যাত্মিক আক্রমণ মুক্ত নহে, তার সূরটা পূরবার পদায় বাঁধা। সে স্থান কাল ঘেসিয়া চলিতে চায়।

বেলা তখনো বোধহয় ঘণ্টা খানেক আছে,—শিবগঙ্গার ধারে উপস্থিত হইলাম। দৃশ্যটি মনোরম, যেন প্রকাণ্ড একখানি ফ্রেমে আঁটা আরসি। তাহার বক্ষে চতুষ্পার্শ্বস্থ বৃক্ষরাজির প্রতিবম্ব পড়ায় এবং সোপানের উপরেই একটি সুদৃশ্য রাজ-ধর্মশালা থাকায়, তাহাদের ছায়াপাতে শিবগঙ্গা যেন একখানি ছবির মতই দেখাইতেছিল।

সংসার-কোলাহলের বাহিরে ইহা স্বতঃই শান্তি আনিয়া দেয়। মনে হয়,—এমন সব স্থান থাকিতে, সহরের সহস্র চাঞ্চল্যকে মানুষ কি সুখে বরণ করিয়া নিজেদের অশান্তির ও অস্বস্তির মধ্যে ফেলিয়াছে! কিন্তু জীবন যাত্রা বলিয়া জিনিসটা মনে পড়িলে এ মোহ স্থায়ী হয় না।

ইহাও একটি সুগভীর শ্বাস মোচনের সঙ্গে সঙ্গে প্রাণস্পর্শী সুরে “গুরুদেব” শব্দটি আমার প্রাণে প্রবেশ করায় মনটা যেন নিজের সুরের সাড়া পাইল।—সমস্ত দেহ-মনকে করুণ আঘাতে সেই দিকে ফিরাইয়া দিল।

দেখি একটি সৌম্য-দর্শন বৃক্ষ-ব্রাহ্মণ আনত নেড়ে চিন্তার প্রতিমূর্তি রূপে মন্দির-প্রাঙ্গণের দ্বিতীয় দ্বারটি দিয়া ধীরে ধীরে বাহির হইলেন। পরক্ষণেই আমাদের পরিচিত দীর্ঘদেহ গৌরবর্ণ পাণ্ডাজী দ্রুত আসিয়া তাঁহাকে বলিলেন, “আপনি কোন চিন্তা রাখবেন না বাবা, মাস্তের কাছে আমি নিজে উপস্থিত থাকব, ভয়ের কোন কারণ নেই। বাবার কাছে আরও কত লোক হত্যা দিবে রয়েছে,—তিনি সকলেরই কামনা পূর্ণ করেন।”

ব্রাহ্মণ তাঁহাকে বেশ নিবিষ্টভাবে দেখিয়া শেষে বলিলেন, “বাবা তুমি কে?—তোমাকে ত’ পূর্বে আমি কখনও দেখি নাই, তোমার সম্বন্ধ্যতা আমার অর্ধেক ভাবনা লাঘব করে দিলে।”

পাণ্ডাজী বলিলেন,—“বাবা আমি বাঙালী ব্রাহ্মণ, আমাদের তিন পুরুষ এই স্থানে কেটেছে—তাই আমাকে এই রকম দেখছেন। আমরা বাবার সেবক আপনাকে বড় কাতর দেখে ছুটে এলুম। আপনি মায়ের সম্বন্ধে নিশ্চিন্ত থাকুন—আমি মাকে দেখবো।”

এই কয়েক দিনের মধ্যে ওই পাণ্ডাজীকে আমি যতই দেখিয়াছি ততই তাঁহার প্রতি আমার শ্রদ্ধা বাড়িয়াছে। তিনি “বাস্কালী” এ কথা শুনিয়া বাস্কালী মাত্রেই আনন্দ অনুভবটা স্বাভাবিক। আমার মনটা আপনা আপনিই বলিয়া উঠিল, ‘ভগবান, তুমি কোথায় কি যে মাধুরী লুকিয়ে রেখেছ। গর্বিত মৃত মানব কেবল আঘাত করিতেই জানে,—দীনজনেরাই যথার্থ ধনী।’ অসহায় চিন্তাকুল বৃদ্ধ ব্রাহ্মণকে এইমাত্র পাণ্ডাজী যতটা দিলেন, ততটা সম্পত্তি আমাদের করজনের আছে।

ব্রাহ্মণ ছলছল নেত্রে পাণ্ডাজীর পিঠে হাত রাখিয়া বলিলেন—“বাবা, তুমি সতাই ব্রাহ্মণ,—বৈদ্যনাথ তোমার অভীষ্ট পূর্ণ করবেন, আমি নিশ্চিন্ত হয়ে বাসায় চললুম।” পাণ্ডাজী নমস্কার করিয়া চলিয়া গেলেন।

আমি থাকিতে পরিলাম না, একটু অগ্রসর হইয়া ব্রাহ্মণকে নমস্কার করিয়া জিজ্ঞাসা করিলাম, “ক্ষমা করবেন, আপনাকে এত কাতর দেখছি কেন?”

ব্রাহ্মণ বলিলেন, “বাবা, আমি বড় বিপদগ্রস্ত,—নিজে ব্রাহ্মণ পণ্ডিত হয়ে—চতুষ্পাঠীর অধ্যাপক হয়ে—আমাদের একমাত্র পুরুষ ইংরাজী পড়তে দিচ্ছিলেন। পশ্চাতে নিশ্চয়ই আমাদের একটা লোভ ছিল যা ব্রাহ্মণোচিত ছিল না। এ সেই পাপের সাজা।”

ভাবিলাম ছেলের নিশ্চয়ই কোনও শব্দট পীড়া, তাই এঁরা বাবার শরণ লইতে আসিয়াছেন। বলিলাম “বাবা বৈদ্যনাথের যখন শরণ নিয়েছেন তখন আর দ্বিধা রাখবেন না—মঙ্গলই হবে।”

ব্রাহ্মণ বাস্পাকুল নেত্রে বলিলেন, “শ্যামসুন্দর আমার বরাবরই যেমন পিতৃমাতৃ ভক্ত তেমনি বাধ্য ও বিনয়ী ছিলে; কলকাতা থেকে লেখাপড়া করছিল। আজ পনেরো ষোল দিন হল মেডিকেল কলেজের শেষ পরীক্ষা দিয়ে বাড়ী এসেছে। কিন্তু আমাদের পাপে শ্যামসুন্দরের মাথাটি একটু বিগড়ে গেছে বাবা,—উম্মাদের লক্ষণ,—গুরুদেব!”

বলিলাম, “আপনাদের এরূপ অনুমানের কারণটা কি, পরিবর্তনটা কিসে লক্ষ্য করলেন,—কথাবার্তা, ভাবভঙ্গীতে, কি ব্যবহারে?”

ব্রাহ্মণ বলিলেন, “না বাবা সে সব কিছুর নয়, তা হলে ত’ এত সঙ্গ গ্রামে এ নিয়ে

একটা লক্ষ্যাকর কানাঘড়ি সৃষ্টি হত না। আমি বাবা চতুষ্পাঠীর অধ্যাপক—রসময় ন্যায়ালঙ্কার,—গ্রামটিতে বহু ব্রাহ্মণের বাস, সকলেই আমাকে শ্রদ্ধা সম্মান করেন,— চতুষ্পাঠীতে এসে বসেন। শ্যামসুন্দর যেদিন কলিকাতা থেকে বাড়ী এল—অনেকেই তখন উপস্থিত ছিলেন। এসে সকলেরই পায়ের ধুলো নিলে, সকলকেই যথাযথ প্রণাম করে তবে বাড়ী ঢুকল। সকলে কিস্তি সবিম্বয়ে লক্ষ্য করলেন—শ্যামসুন্দরের দৃষ্টিকার গোঁফ আধাআধি কামানো। সকলেই তাড়াতাড়ি উঠে পড়লেন, বলে গেলেন—‘আহা এমন ছেলে—নারায়ণ না করুন—আপনি কিস্তি নিশ্চিত থাকবেন না।’—

“আমি ভেবেছিলুম বাবা—কোনো মেড়ো নাপিতের ভুলচুক। তাঁদের কথায় আমার মাথায় যেন বজ্র হানলে—আমি অন্ধকার দেখলুম। সত্যি ত’—যখন চুল ফিরিয়েছে তখন আয়না সামনে ছিলই,—মুখও দেখেছে; ভুলচুক হলে সবটা কামিলে ফেলতে পারত। ব্রাহ্মণ পন্ডিতের ছেলের সেইটাই ত’ নিয়ম। তাতে ত’ আর লক্ষ্য বা অপমানের কিছুর ছিল না। কিস্তি ওই বিকৃতি স্বেচ্ছা ছেলে কি করে এতটা পথ ওই মুখ দেখাতে দেখাতে গ্রামের মধ্য দিয়ে বাড়ী এসে ঢুকল। এতো প্রকৃতিস্থের লক্ষণ নয়,—বিশেষ, যে শিক্ষিত—জ্ঞানবান। আবার কিনা প্রতাহ প্রত্যাষে উঠে নিজের হাতে ওই কাজটিই করে! নীলমণি আচার্য বলছিলেন—পাগলা গারদে,—গদরুদেব!”

একটু সামলাইয়া বললেন, “যথাসর্বস্ব খুইয়ে কলকাতায় লেখাপড়া শিখতে দিয়ে—ছিলুম বাবা,—তার পরিবর্তে পেলুম একটি পাগল। আজ কিনা গ্রাম ও গ্রামান্তরের ইতর-ভদ্র মেয়ে-পুরুষেরা ন্যায়ালঙ্কারের বাড়ীর চারিদিকে কোতুল দৃষ্টিতে উঁকি মারছে, কেউ বলছে, ‘পাশকরা-পাগল দেখে আসি’!—শ্যামসুন্দর নির্বোধের মত বসে বসে হাসছে। তার গর্ভধারিণী কত করে পাগলকালীর বালা আনালেন,—ধারণ করাতে পারলেন না।

“সেদিন শরৎবাবু বললেন, ‘ন্যায়ালঙ্কার মশাই কচ্ছেন কি, আর বিলম্ব করবেন না, রোগটি এদেশী রোগ নয়, তার ওপর আক্রমণটা মস্তিষ্কের পাঁচইঞ্জির মধ্যে হওয়ায় বড়ই আশঙ্কার কথা রয়েছে। হঠাৎ বিকটাকারে প্রকট হতে পারে। শ্যামসুন্দরের জন্যে বাবা বৈদ্যনাথের কাছে হত্যা দেওয়া হোক। প্রসন্ন না হলে এ সব রোগ যায় না, ডাক্তার বন্দিয়ার কাজ নয়।’ শরৎবাবু এ সব বিষয়ে বোঝেন ভাল, তাই বাবার চরণে এসে পড়েছি বাবা, এখন তাঁর কৃপাই ভরসা—গদরুদেব!”

আমি ত’ শুনে একদম অবাক! কি সর্বনাশ,—এ কি অদ্ভুত ব্যাপার। বাংলা দেশে এমন গ্রামও আছে যেখানে এই অভিনব গদ্যো-শিল্পটা এখনও অপরিজ্ঞাত!

এই “ডেসার্ক’র” স্টাইলটা বাঙ্গলাদেশে পুরাতন হয়ে ক্রমে একদিক কমিয়ে একদিক মাত্র রাখবার সময় হয়ে এলো, এখনো দেবগ্রামে এর সাড়া পর্যন্ত নেই। সে অঞ্চলে কি জামাই-স্বর্গীও নেই! বলিলাম, “বাবার কুপায় সত্তরই আপনারা শাস্তি পাবেন, আপনাদের এই মানসিক কষ্ট সম্পূর্ণ নিবৃত্তি পাবে।”

তিনি বলিলেন, “তোমার বাক্য বাবা বৈদ্যনাথ সার্থক করুন; আমি অপরাধী, এতটা আশা কোন সাহসে করি। প্রার্থনা করি পুত্র সংস্রবে তুমি সুখী হও।”

বলিলাম, “আপনাদের আশীর্বাদে ভগবান আমাকে সে সুখ দিয়েছেন,—আমি অপুত্রক।”

ব্রাহ্মণ আশ্চর্য হইয়া তাড়াতাড়ি বলিয়া ফেলিলেন, “এঁ—উঃ, খুব বেঁচে গেছ, আমি বড় কষ্ট পাচ্ছি বাবা! এঁ, পুত্র নেই, কি শাস্তি!”

\*

\*

\*

\*

জয়হরি আমাদের কোন কথাই শোনে নাই; শিবগঙ্গার ধারে বসিয়া মৃড়ির-চাক্ৰীতি খাইতেছিল—মাছেদেরও খাওয়াইতেছিল। বাসার পথে হঠাৎ সে প্রশ্ন করিল, “আচ্ছা মশাই, উনি রাঙা-আলু কেন কিনলেন? কই, তার ত’ কিছু দেখলুম না।”

আমি প্রথমটা কিছু বদ্বিভেই পারিলাম না, পরে কতীর তত্ত্ব ও গবেষণামূলক আলদুর দর নিৰ্ণয় ব্যাপারটা মনে পড়িল, বলিলাম, “বাড়ীতেই যখন রয়েছে, তাড়াতাড়ি কেন? তুমি যেন প্রশ্নটা তাঁদের কাছে কোবো না।”

কি মৃদুশকিল, বলে—“ওঁ’বা যদি ভুলে যান।”

বিরক্ত হইয়া বলিলাম,—“ভুলে যান, ভুলে যাবেন, তোমার মাথাব্যথায় কাজ নেই।”

“না, আমি ভাবিছিলুম, ওতে কি কি হতে পারে।”

সেই ভাবেই বলিলাম, “ওতে মৃদু হেঁট ছাড়া আর কিছু হতে পারে না।”

জয়হরি বেশ সপ্রতিভের মত সহাস্যে বলিল, “সে ত’ খাবার সময় হবেই মশায়, কিন্তু—”

আমি চাপা গলায় “বাস্” বলিয়া বাসার রোয়াকে উঠিয়া পড়িলাম।

\*

\*

\*

\*

পরদিন বেলা নয়টা আন্দাজ ন্যায়ালজার মহাশয়ের বাসায় উপস্থিত হইয়া তাঁহার অবস্থা দেখিয়া বলিলাম—“অত বিচলিত হবেন না—ওই আকস্মিক পরিবর্তনের অর্থ

মুখে বলে বা টীকার দ্বারা বন্ধিয়ে আপনার মত পিণ্ডতকে বিশ্বাস করান কঠিন, অনুগ্রহ করে আমার সঙ্গে আসুন।”

পোস্ট অফিসের চিঠি-বিল শেষ হইয়া গেল, ভদ্র বায়ুভুক্তদের মজলিস ভাঙিল। ওই চিল্লিশ পঞ্চাশ জনের মধ্যে আমার সঙ্কেত-মত তিনি বিস্ফারিত নেত্রে সতেরোটি শ্যামসুন্দর মূর্তি দর্শন করিলেন।

\*

\*

\*

\*

বলিলাম, “ই’হাদের মধ্যে—জমিদার, ডাক্তার, ডেপুটী এমন কি ব্যারিস্টারসাহেব হইতে মোসাহেব পর্যন্ত আছেন, এঁদের সকলেরই মাথা খারাপ বলতে চান কি?”

“না বাবা—এখন বলতে চাই—আমরই মাথা খারাপ। কিন্তু কারণ ত’ বন্ধুলাম না; আর কোন্ টোলই বা এর বিধান দিয়েছেন?”

বলিলাম—“কারণ নির্ণয় করা কঠিন; বোধহয় এটা কোনও একজাতীয় কলা,—মুখের সঙ্গেই নিকট সম্বন্ধ। কোনও টোলের বিধানে এ ভোল আসেনি; এ সম্বন্ধে অত বড় বিশ্ব-বিখ্যাত “আনাটোল” পর্যন্ত নীরব।

এই সময় ছেঁড়া অলস্টর গায়ে, খালি পা, চুল ফেরানো, হাতে বাজারের সুন্দর্য সাজি বা বাস্কেট,—একটি যুবক পথ লইতে, হাঁফাইতে হাঁফাইতে হাফছুটে হাঁজির। দেখি তাহারও ন্যাজামুড়ো বাদ দেওয়া গৌফ। জিজ্ঞাসা করিয়া জানিলাম—তমলুকে তার বাড়ী। মস্ত বড় বাবুর রাধুনী বামন। প্রশ্ন করিলাম, “গৌফের এ দুর্দশা কেন?”

শুনিলাম—“ছোটবাবুর হুকুম—অসভ্যের মত থাকলে চলবেক না। ছোট-বাবু ত’ কেও-কেটা লন্। লাটসাহেবের লিবি (levy) খান্। ‘লিবি’ কি বাবু,—এঁটো?

বলিলাম—“এঁটো নয়—ঘেঁটো।” সে হাসিতে হাসিতে চলিয়া গেল।

ব্রাহ্মণকে বলিলাম, “আপনার ত’ স্বচক্ষে সব দেখাও হল, স্বকর্ণে সব শোনাও হল, এখন ঠাওরাচ্ছেন কি?”

ব্রাহ্মণ চিন্তাকুল ভাবে বলিলেন, “ছেলেটাকে মিথ্যা অনেক পীড়া দেওয়া হয়েছে,—না বন্ধু উপযুক্ত ছেলেকে অপমানও করা হয়েছে। এখন সত্তর বাড়ী ফিরে সে-সব স্বীকার করাই উচিত। আজই ফিরবো;—সে না অভিমানে একটা কিছু করে বসে;—উঃ কি অন্যায়ই করেছি। এ-সব হরীতকী রাজধানীতে পাকে, তা ত’ জানা ছিলনা বাবা।” ব্রাহ্মণ চম্পল হইয়া পড়িলেন।

আমি প্রণাম করিলাম। ব্রাহ্মণ আমার মাথায় হাত দিয়া বলিলেন, “বাবা

বৈদ্যনাথ তোমায় একটি পুত্র দিন। তোমাকে না পেলে আমাদের কি দশাই হত।”  
বলিলাম, “আবার এ কি বলছেন, পুত্র কি।”

তিনি হাসিয়া বলিলেন, “তখন কি মাথার ঠিক ছিল বাবা। পুত্র সদুদ্ভূত জিনিস,—না হলে পুত্রোচ্চৈ যজ্ঞের ব্যবস্থা থাকত না; ওটি চাই বাবা। ওর চেয়ে বড় প্রার্থনা, কি বড় আশীর্বাদ আর নেই। আচ্ছা, তাহ’লে তোমাদের উচ্চ শিক্ষিত অঞ্চলে মেটেকার্তিকের গোঁফেও এ কলা ফলতে সুরু হয়েছের্শিক বাবা? কুমোরটুলি কলকেতায় না।”

বলিলাম, রসময় ন্যায়ালঙ্কার নিতান্ত বেকায়দায় পড়েই এতক্ষণ বিরস মেরে-ছিলেন। বলিলাম, “বাঙলা দেশে বোধহয় শিল্পোন্নতি আসন্ন, তাই এই সৌন্দর্য-বোধটা দেখা দিয়েছে; এগুলো সাময়িক আপৎকাল মাত্র, তার পরেই নিন্দা—”

—আমাদের শিল্পাচার্য অবনীন্দ্র বাবুও বলছেন—“শুধু ভারতবর্ষ নয় সব দেশের শিল্পই এমনই এক একটা দৃঃসময়ের মধ্য দিয়ে চলে গেছে, একটা থেকে একটায় যাবার মধ্যের পথে এই সব সঙ্কট দেখা দেয়”—ইত্যাদি। সুতরাং শাস্ত্রনুসারেও এ সমস্যা—অঙ্কং ত্যজতি পণ্ডিতঃ,—নয় কি?

তিনি হো হো করিয়া হাসিয়া বলিলেন—“বেচে থাক বাবা, চিরসুখী হও। তোমাকে পাবার মত লাভ আমার কোন দিন ঘটেনি। দৃঃখ এই—এখনি হারাতে হবে,—শ্যামসুন্দরকে দ্যাখবার জন্যে ভেতরটা বড়ই চঞ্চল হয়ে উঠেছে বাবা।”

তাদের বাসায় পৌঁছাইয়া দিয়া প্রণামান্তে ফিরিলাম।

ভাবিতে ভাবিতে চলিয়াছি,—মানুষ অবস্থার দাস না হইলে জগতে বৈচিত্র্য বলিয়া কথটা একটা কথার-কথা হইয়া অভিধানের মধ্যে আত্মহত্যা করিত। সে নানা অবস্থার জগৎটাকে নানারূপে উপলব্ধি করায় বলিয়াই বৈচিত্র্য।

কানে আসিল—“এই যে আপনি।” চাহিয়া দেখি—জয়হরি।

সে বলিল, “আপনার জন্যে বসে বসে শেষ ঠাণ্ডা হয়ে যায় দেখে দৃ-কাপ্ চাই-খেতে হল।”

বলিলাম, “তাইত, বড় কষ্ট দিয়েছি ত’। অনুপানগুলো থাকলেই হবে, তার ত’ ঠাণ্ডা হবার ভয় নেই।”

“ভয় নেই কি মশায়। ওঁরা যে আজ এক-রেকাবী, গরম গরম সিঙাড়া দিচ্ছেন,

ভেতরে বাদাম আর পেন্সার পদুর ছিল। খেতে যা হয়েছিল মশাই, এক্কেবারে স্বয়ং। এখন আপশোষ হচ্ছে আপনাকে খাওয়াতে পারলুম না।”

বলিলাম—“বাড়ীতে আর নেই কি? নিশ্চয়ই আছে।”

জয়হরি মাথা নাড়িয়া দঃখের সুরে জানাইল, “না মশায়, ওইটেই আমার ভুল হয়ে গেছে, ঠান্ডা হয়ে গেলে খেতে পারবেননা বলে আমি যে সব চেয়ে নিলুম।”

বলিলাম,—“বুদ্ধির কাজই করেছে, ও জিনিস ঠান্ডা খেলে কি আর রক্ষে ছিল।”

জয়হরি ভীতভাবে বলিল, “কেন বলুন দিকি। আমি যে খান দশেক ঠান্ডাও খেয়ে ফেলেছি।”

বলিলাম—“তাতে আর হয়েছে কি? তার ভেতরে ত’ গরম জিনিস পোরা।”

জয়হরি—“তাই বলুন মশাই।”

বলিলাম—“চা-টা ত’ খেতেই হবে জয়হরি।”

জয়হরি উৎসাহের সহিত বলিল, “চলুন না—বাজারে দোকান মজুদ, মদ্য বদলান যাবে।”

### ৩৭

চায়ের দোকানের সামনে আসিয়া দেখি, **Welcome** (স্বাগত) বলিয়া সাইনবোর্ড আবাহন করিতেছে। তাহার নীচেই—**Readymade Hot Darjeeling Tea**—(সদ্য-প্রস্তুত গরম দার্জিলিং চা)। তন্মিয়ে,—চা-প্রস্তুত-প্রণালী-অনিভঞ্জেয়া ভদ্রলোকদের চায়ের কাপে করিয়া কেবল পাঁচন খাইতে দেয়। এই তীর্থ-পীঠে সে কাজ করিয়া অধর্ম সগুণ করিবার জন্য এ দোকান খোলা হয় নাই। জাপান হইতে চা প্রস্তুত বিদ্যা ও সার্টিফিকেট লাভান্তে এই কার্যে নামিয়াছি। উদ্দেশ্য—‘নানা মর্দনের নানা মত’ বা ‘মানুষের বিভিন্ন রুচি’ এই দুইটি প্রচলিত প্রবচনকে, চা সম্বন্ধে অপ্রমাণ করিয়া দিব। পরীক্ষা প্রার্থনীয়।

শ্রীঅমৃত কুন্ডু

**Tea Expert**

(চা-প্রস্তুত-প্রণালী-বিশারদ—)।



দেওঘরে আসিয়া পর্যন্ত চা হিসাবে গরম সরবৎ চলিতেছিল। নিতান্ত নেশার খাতিরে পেশা বজায় রাখিয়া চলিতেছিলাম। সাইনবোর্ড দেখিয়াই রসনাটা আমূল সরস হইয়া উঠিল !

রাস্তার উপরেই দোকান। প্রবেশ করিতে করিতেই—চোখ বদ্বিজয়া, দদ'কাপের অর্ডার দিয়া ফেলিলাম। তাহার পর দেখি—একটি সাত হাত লম্বা,—চার হাত চওড়া ঘরে—চুঁকিয়া পড়িয়াছি ! মধ্যস্থলে,—বোধহয় কোন আপিসের দপ্তর-পরিতান্ত একটি নিরেট টেবিল। তাহার সর্বাস্থে বিবিধ ছটায়—কাল, লাল, নীল কালি—জন্মের মত জমি লইয়াছে। তাহাতে আবার লেই নামক দ্রব্যের মামুড়, স্থানে স্থানে কাগজের টুকরা,—ক্ষতের মত বা গতজন্মের কর্মফলের মত, লেপটিয়া ধরিয়াছে ! তাহার উপর নিতাই চায়ের এক এক পেঁচ্ছোপ ধরিয়া দৃশ্যে ও গন্ধে সেটিকে এমন অবস্থায় দাঁড় করাইয়াছে যে মহাত্মা গান্ধীও তাহাকে অস্পৃশ্য বলিয়া স্বীকার করিতে বাধ্য। সামঞ্জস্য রক্ষা করিতে পারে এমন একখানি বোঁগ আর দদ'ইখানি চেয়ার ;—বোঁগতে তিনটি ভদ্রলোক একই মুখে হাসির আমেজ ও সিগারেট—দদ'ই টানিতেছেন, সম্মুখে তিন কাপ্ চা প্রায় অভুজাই বর্তমান।

প্যাকিং-কেসের একটি ছোট র্যাকে (rack-এ) কয়েক বাস্ক সিগারেট, আড়াই প্যাকেট দেশলাই আর একটি ছিপশুন্য ফাঁদালো শিশির মধ্যে খানকয়েক খাঁটি আটার বিস্কুট,—অবস্থা অবর্ণনীয়। এ সবই মেনকা মার্কা—ধূলি-ধূসরিত,—দেখিলেই মুখে আসে—‘উঠ মা বাঁধ কুন্তল’, ইত্যাদি...।

সহসা শূন্যলাম—“বসেন বাবু।”

চাহিয়া দেখি একটি উনিশ কুড়ি বৎসরের ছোকরা, মলিন মুখ, গায়ে একখানি সূত-র্যাপার,—সম্ভবতঃ চায়ের বিজ্ঞাপন,—সর্বদাই চা-চর্চিত। বোধহয় ওখানি চা ছাঁকা ও গায় দেওয়া দদ' কাজেই লাগে। ছোকরাটি বিহারী কি বাঙালী বদ্বিতে পারিলাম না। কারণ শিক্ষিত বা অশিক্ষিত ভদ্র বেহারীর বাঙালীকে চাননা বটে কিন্তু বাঙালীর পোষাক আর চালচলনটা চান,—ভবিষ্যৎ অন্ধকার নয়।

চেয়ার দদ'খানি খালি থাকায়, পায়া আছে কি না দেখিয়া ধূলা ঝাড়িয়া বসিলাম। ছোকরাটি চায়ের কাপ্ তিনটি বাবুদের সম্মুখে হইতে তুলিয়া লইয়া অন্দরে অন্তর্ধান

হইল। সেই ঘর সংলগ্ন একটি দ্বারে চট্টের একখানি ছেঁড়া পর্দা—শত ছিদ্র হইয়া একাকারের বিরুদ্ধে যুদ্ধবর্তেছিল।

দুই তিন মিনিটেই বুদ্ধিলাল বাবুদত্ত কেন বেগে গিয়া বসিয়াছেন এবং বাঙালীর বদনে এতক্ষণস্থায়ী হাস্যভাবই বা কিরূপে সম্ভব হইয়াছে। চেষ্টার দৃ'খানি ছারপোকাকার ধর্মশালা। এতকাল পরে শিবু পণ্ডিতকে মনে পড়িল। বাল্যকালে তিনি কয়েকবার জলাবিচুটির ইন্জেকশন ( injection ) দিয়া না রাখিলে, এ কামড়ে আর রক্ষা ছিল না—মরিয়াই যাইতাম।

জয়হরির 'বাপ্'রে' বলিয়াই একলাফে রাস্তায় হাজির! বলিলাম—“ও কি, এস চা এসে গেছে।”

জয়হরির দুই-হাতই তখন একটা গ্রাম্য অভ্যাসে নিষ্প্রস্তু, সে বলিল “ও দু'কাপই আপনি খান মশাই। ও ভাগ্যিস্ লেখা পড়া শিখানি মশাই—তা-হলেই চাকুরী করতে হত, গিছলুম আর কি।”

বলিলাম—“কারণ?”

সে বলিল, “আজ্ঞে, চেষ্টারে বসতে হত ত, ওরে বাবারে—মা সরস্বতী রক্ষা করেছেন। এখন কত নেবে জানি না।”

বলিলাম, “কেন? কে কত নেবে!”

সে বলিল, “আর কে—মুচি! গেরো একেই বলে,—পাড়া থেলেই হত।”

এইবার বাবু তিনটি হো হো শব্দে হাসিয়া উঠিলেন। অনেক বলায় জয়হরির রোয়াকে উঠিল—ঘরে আর ঢুকিল না।

ছোকরাটি চা লইয়া আসিতেই আমি দাঁড়াইয়া বাঁচলাম ও বলিলাম, “টোবিলে রেখো না, হাতে দাও।”

এক কাপ বাহিরে জয়হরির হাতে দিয়া দ্বিতীয়টি নিজে লইলাম। প্রথমে দাঁড়া-চুমুক মুখে লইতেই তাহা বহিমুখী হইয়া পড়িল;—যেমন বিট্‌কেল্‌ স্বাদ তেমনই একটা ন্যাভা-নিংড়ানো গন্ধ। তুলনা-রহিত, বোধহয় ব্রহ্মদেশের নান্দী বাপ্পী!

আহারে অদ্বিতীয় নির্বিকার, সর্বভুক জয়হরিরও দেখি থু থু করিতেছে।

ফেলিয়া দিতে যাইতেছি দেখিয়া ছোকরাটি তাড়াতাড়ি বলিয়া উঠিল—“ফেলবেননাই মশাই, আমাকে দ্যান,” বলিয়া কাপ দুইটি লইয়াই চট্‌ পর্দার মধ্যে ঢুকিয়া পড়িল। পরক্ষণেই আসিয়া বলিল, “ছাগলের দুধ দেওয়া হয় কিনা—তাই আপনকারদের ভাল লাগে নাই। কুণ্ডু মশাই বলেন—ওঠা ভারী উপকারী,

চায়ের অপকারীতা ত' নষ্ট করেই, তাছাড়া 'থাইসিস্' হতি দ্বায় না। তেনা যে ডাক্তার গো বাবু।"

জ্বালায়, মনোভঞ্জে প্রাণটা বিম্বাদ হইয়া গিয়াছিল, বলিলাম, "আমরা ত' ডাক্তারখানায় আসি নাই বাবা। আচ্ছা তাঁকে একবার ডাক ত' বাবু, দু'টো উপদেশ নেওয়া যাক।"

ছোকরা বলিল, "তেনার কি এখানে থাকিল চলে বাবু ক্যাল ( call ) এসে কত। একটা 'ব্লড-মিক্চার' ( Blood mixture ) বেনিয়েছেন, তাই হপ্তায় একদিন এখানে আসতি হয়,—হাটে কাটতি কত বাবু।"

বলিলাম, "এটা কি ব্লড-মিক্চারের কারখানা?"

ছোকরা বলিল, "এঞ্জে—এই খেনেই বানান।"

জয়হরি চটিয়াছিল, বলিল,—“বদ্বাছেন না,—ও আমাদেরই ব্লডের মিক্চার মশাই; ওই সজারু-মার্কা চেয়ারেই ত' ব্লড মিক্চারের বীজ ত'য়ের হয়ে থাকচে। তিনি এসে কেবল বাছা বাছা ব্লড-পদুশ্ট পাড় ছারপোকাগদূলি ঝেড়ে নিয়ে চায়ের কেটলিতে ফুটিয়ে শিশি ভর্তি করেন। তা-নাত' চায়ের অমন সুতার।"

জয়হরি যে ভাবেই কথাগদূলি ব্যস্ত করিয়া থাকুক, তাহা স্থান কাল পাত্র হিসাবে কাহারও কানে বেসদুরো বা অসম্ভব ঠেকিল না। বাবু তিনিটি অর্থপূর্ণ মদ্য চাওয়া-চাওয়া করিলেন।

আমি বলিলাম, "হ্যাঁহে বাবু, ওই যে ঠাকুরদের দেখানো পাঁচ কাপ থাইসিসের ওষুধ ভাঁড়ারে ঢোকালে—ওতেও কিছু বনে নাকি?"

ছোকরা বলিল, "আঞ্জে না মশাই, পাঁটিটে আবার গন্ধিনী কিনা,—ওই খাল বলেই দু'বেলা দেড় সের দুধ পাওয়া যায়, বদ্বা হইয়েছে—ওই খেনেই থাকে।"

বলিলাম, "দিন কত কাপ বানাও?"

ছোকরা বলিল "এঞ্জে, চঞ্জিশ প'রতাল্লিশ হবে।"

"বল কি হে" বলিয়া ভাবিতে লাগিলাম, সবটাই ত' দেখছি পাঁটির পেটে যায়।

জয়হরির রাগ পড়ে নাই, কারণ তখনো তাহার দুই হাতই দ্রুত চলিতেছিল, সে বলিল, "শোনেন কেন মশাই, অত চা খেলে সে হ্যাট মাথায় দ্বিয়ে বেড়াত, ভ্যা-ভ্যা করত না—ড্যাম্-ড্যাম্ করতো। ওই এক কেটলি গাখালের-ঝোল ত'য়ের হয়, সেইটে সারাদিন ঘর-বাগ্ন করে,—রাত্রে পাঁটির পেটে যায়, আবার সকালে দুধ হয়ে বেরোর চ জল বাষ্প হয়ে আকাশে গিয়ে মেঘ হয়—আবার বৃষ্টি হয়ে ফিরে আসে।"

চোরব্যাটারা ফিজিকেল্ ( Physical geography ) পদ্যেছে ! ঠক্ ব্যাটারা জাতও নিলে একপদ্রুদ ছালও নিলে !”

বাবুৱা আবার হো হো করিয়া হাসিয়া বলিলেন,—“It defeats Dickens” ( ডিকেন্সকেও হার মানিয়েছেন ) ।

ভাবিলাম ছোকরা বুঝি চটে, কিন্তু পাঁচ জন লোকের একই রায় পাইয়া সে আম্তা আম্তা করিতে লাগিল । বেচারাকে দেখিয়া দঃখ হইল, এক বাস্ক কাঁচি মার্কা সিগারেট দিতে বলিলাম ।

বাস্ক হইতে সিগারেট বাহির করিতেছি, একটি বাবু বলিলেন—“দেখে থাকেন ।”

আমি তাঁহাদের একটি offer করিলাম । তাঁহারা হাতে লইয়াই হাসিলেন । দেখি সিগারেটগুলির উপর লেখা “Red lamp ( রেড্ ল্যাম্প ) ।” তাঁহাদের দিকে চাহিতেই হাসিটা আওয়াজ দিয়া উঠিল ।

বলিলাম “মাপ করবেন মশাই, আমি ভাবতুম কাঁচি-সিগারেটের আদি স্বত্বাধিকারী নিশ্চয়ই যদ্বিধিষ্ঠের higher dilution ( হায়ার ডাইল্যুশন্ ) হবেন, তাই সিগারেটের পূর্বে “কাঁচি” কথাটি যোগ করে ধর্ম-রক্ষা করতে ভোলেন নি ; কারণ—কাঁচি আর কাঁচি-সিগারেট উভয়েই পকেট মারতে মজবুত । আরও জানা ছিল—ওরা উভয়েই সম্পাদকের প্রিয় সহচর । এটা জানতুম না যে উনি “red lamp” ও দেখাতে পারেন—”

জয়হরির হাত-কামাই ছিল না, সে উত্তোজিত কণ্ঠে বলিল, “দেখাবে না,—‘লালবাতি’ ( red lamp ) দেখান ত’ আরও ঢের আগেই উচিত ছিল ।”

জয়হরির উত্তরোত্তর উন্নতি দেখিয়া আমি ত’ ভীত হইলাম, বাবুৱা কিন্তু হাসিয়া উঠিলেন । ছোকরাটি অতি কিন্তু হইয়া বলিল, “আমি কি করব বাবু, ওসব কুণ্ডু মশাই জানেন ।”

জয়হরি বলিল, “ঢের ঢের কুণ্ডু দেখেছি, কাঁশী যে অমন ‘কুণ্ডু’ প্রধান স্থান,—‘অগস্ত’ থেকে আরম্ভ করে ‘হুদুমান’ পর্যন্ত—এস্তার কুণ্ডুর দৌড় রয়েছে, কিন্তু তাদের এমন মক্ষম কামড় নেই মশাই, কেউ এমন biting-কুণ্ডু ( কামড়ানে-কুণ্ডু ) নয়, সব লক্ষ্মী কুণ্ডু ! বাপ্—এক একটা যেন কচ্ছপের বাচ্চা ! ইংরেজেরা মিথ্যে কথা কবার লোক নয়,—ও জাতকে ওরা তাই ‘বাগ’ ( bug ) বলে”—

আমি তাহাকে বিষয়াস্তরে লইয়া যাইবার আশায় বলিলাম, “B. N. W. রেলের কখনও যাতায়াত করেছ জয়হরি ?”

জয়হরি বলিল,—“হ্যাঁ, ধরেছেন ঠিক । কিন্তু তাতে একটা বঁাচোয়া আছে মশাই, বৃহৎ কাষ্ঠ—এক মাইল দৌড়,—কামড়গুলো দূর হাজার লোকের মধ্যে ভাগাভাগি হয়ে যায় । আর একটা সুবিধে—ওটার নামই হচ্ছে ‘কুলী-লাইন,’—পোড়া কাষ্ঠের মত যত অনাহারী ভুখো কঙ্কাল চা-বাগানে চালান যায়, তাদের শরীরে রক্ত খুঁজতে গিয়ে হাড়ে হুল্ ঠেকে ঠেকে বাবাজীরে ভেঁতা মেরে বসে আছেন । আর এখানে যে বাবু-বেঁধা বেগনেট্ মশাই ।”

বাবু তিনটি বেজায় হাসিতে লাগিলেন । ভাবিলাম জ্বালায় জয়হরিকে অতিষ্ঠ করিয়া তুলিয়াছে,—আমার নিজের অবস্থাও নিতান্ত খাটো নয় । তবে একটা লাভও করিলাম, বুঝিলাম—চাঁটিলেই জয়হরির সরস দিকটা দেখা দেয়—মাথা খোলে ।

বলিলাম “নিখরচায় পঁাটী পোষা দেখে একটা কথা মনে পড়ল, সেইটে বলাই আমার উদ্দেশ্য ছিল । ওই B. N. W. রেলের অনেকগুলো ইন্সটিশানেই ‘উপোস’ বিক্রির খাতা বন্দোবস্ত আছে ।”

বাবুহঁর সাগ্নহে বলে উঠলেন,—“সে কি রকম মশাই ।”

বলিলাম—“রেলের ফিরিওয়ালাদের বোধহয় দূর থেকেই আসতে হয় । সকালে গরম পদুরী, ত্যালাকুচো সেক্ক, আর দেওয়ালীর-প্যাঁড়া নিয়ে আসে । সে পদুরীর নামই “গরম-পদুরী,” কারণ রাত ন’টা পর্যন্ত সে ওই নামেই চলে । অত রাতে বাড়ী ফিরতে হয় তাই দূ’টো কুকুরও সঙ্গে আসে, তারা রাতে তার বাড়ী চৌকি দেয়, আর তার প্রহরী হয়ে সঙ্গে আসে যায় ;—খায় কিন্তু রেল-যাত্রী খরিদ্দারদের । কারণ সে পদুরী আর প্যাঁড়া এমন মালমশলায় তৈরী যে খরিদ্দারেরা ক্ষিধের চোটে কিনলেও গন্ধের চোটে কামড় মেরেই ফেলে দেয় । পরিণাম-দর্শী কুকুরগুলো মর্দাকয়েই থাকে,—এক টুকরোও নষ্ট হতে দেয় না । ক্রেতাদের কিন্তু কেনা হল—উপোস ।—এখানেও রয়েছেন—পল্লিম্বণী-পাটী ।

“যাক বেলা হয়েছে, এ অমৃতকুণ্ড থেকে উঠে পড়”—বলিয়া ছোকরাটির পাওনা চুকাইয়া বাহির হইয়া পড়িলাম,—বাবু তিনটিও উঠিলেন ।

দূ’পা অগ্রসর হইতেই শূন্যলিখিত জয়হরি বলিতেছে, “দেখো বাবা—আজকালের গৌফ-ফেলা পেলব-প্যাটাণের মূর্তি এ অমৃতকুণ্ডে পড়লেই সাবুড়ে যাবে । ও বিষ এক কাপ পেটে গেলে ত’ বাঁচবেই না—চাই কি তার আগেই ছারপোকায় চুব্লে মেরে

ফেলবে। তুমি গরীবের ছেলে সাবধান। কুণ্ডু ত' ক্যালে (call-এ) থাকেন, দেখাছ জ্যালের (Jail-এর) ভার তোমার। সরে পড়, সরে পড়।”

ছোকরার মখে চোখে তখন ভয়ের ভাব সুস্পষ্ট হইয়া উঠিয়াছে, সে বলিতেছে, যাক মশাই ছ'টাকা,—সে আর দিচ্ছে না। এ চাকরি আর নয়।”

বেচারার মখে এতটুকু হইয়া গিয়াছে। জয়হরিকে ধমক দিয়া ডাকিলাম।

“বিকলে আবার আসিছ” বলে ওকে একটু encourage (চাঙ্গা) করিচ্ছিলুম ‘মশাই’—বলিতে বলিতে সে আসিয়া উপস্থিত হইল।

ভগবান আমাকে কি অদ্ভুত সঙ্গীই জুটিয়ে দিচ্ছেন!

বাবু তিনটি হাসিমুখে বলিলেন, “সত্যি আসছেন কি? তাহলে কখন আসবেন বলুন, আমরাও আসি।”

বলিলাম, “বৈদ্যনাথে কি হত্যা মানসিক আছে?”

একজন বলিলেন, “আজ্ঞে না, সেটার লোভ একেবারেই নেই; আর আমাদের যে কাজে এখানে আসা, তাতে এক মিনিটও নষ্ট করা চলে না,—পাপ আছে। কিন্তু আপনাদের পাবার লোভটাও যে ত্যাগ করতে পারছি না।”

বলিলাম, “বেশ ত’, অবস্থাটা যদি এতই সংকট দাঁড়িয়ে থাকে, আমি আমার সঙ্গীটিকে দু’দিনের তরে পোষাণি দিতে রাজি আছি—নে’ যান না।”

একজন বলিলেন “gladly—এখুঁদনি নাকি।”

বলিলাম, “আচ্ছা, আগে বলুন ত’ এখানে আপনাদের এমন কি কাজে আসা যাতে এক মিনিট নষ্ট করলেও পাপ,—বাবার মন্দিরে বসে নিত্য একলক্ষ জপের কথা নাকি।”

তিনি বলিলেন, “আজ্ঞে তার চেয়েও কঠিন। তাতে ত’ আর কারকে হিসেব দিতে হয় না—কেউ টাকাও চায় না, টাকাও দেয় না,—বললেই হল লক্ষ জপ করে উঠলুম। শিবকে ফাঁকি দেওয়া ত’ শস্ত্র নয়—তিনি হচ্ছেন নির্বিচার মঙ্গলময়,—আমাদের কারবার যে জীবকে নিয়ে মশাই, যিনি হচ্ছেন হিসাবি শৃঙ্খলকর—ভয়ঙ্করের ওপর।”

এই সময় এমন স্থানে আসিয়া উপস্থিত হইলাম, যেখানে আর দুইটি রাস্তা আসিয়া মিলিয়া পথিকদের বিচ্ছেদের ব্যবস্থা সহজ করিয়া দিয়াছে।

বক্তা বাবুটি বলিলেন—“তাই ত’। বেলাও হয়েছে, আমাদের এই বাঁ দিকটাই যে ধরতে হবে।”

জয়হরির জঠর বোধহয় কঠোর তাগাদা লাগাইয়াছিল, সে তাড়াতাড়ি বলিল,  
“আমাদেরও এই ডান দিকেই ডান হাতের ব্যবস্থা।”

বাবুটি বলিলেন, “সেকি—আপনাকে ত’ আজ আমরা নে’ যাব।”

জয়হরি আমার দিকে চাহিল। বলিলাম, “ভয় কি, ও’রা ত’ আর pound-keeper ( খোঁড়-রক্ষক ) নন।”—সে যেন একটু মশকিলে পড়িল, ধীরে বলিল,—“কিন্তু রাঙা আলু—”

বলিলাম, “হাঁ—তা কি হয়েছে?”

জয়হরি বিলোমপদে বলিল, “হয়নি,—যদি হয়।” বলিয়াই বাবুগুর্নালিকে সর্বিনয়ে জানাইল—“বাসার ঠিকানাটা বলুন, ভাববেন না, আমি নিজেই গিয়ে হাজির হব। ও-বাসার খবরটা একবার নিয়ে আসি, মনটা বড় চঞ্চল হয়ে আছে।”

বাবুটি বাস্তবাবে বলিলেন, “কেন, কারুর অসুখ নাকি? তাহ’লে আজ না হয় থাক, কাল কিন্তু ছাড়িছনে।” এই বলিয়া তিনি বাসার বায়নাঙ্কা বদুঝাইয়া দিলেন ও আমার দিকে ফিরিয়া বলিলেন, “তাইত—আমাদের কাজটার কথা বলার ত’ আজ সময় হল না,—সেটা এক কথায়—দেশের উপকার, বিশেষ করে মধ্যবিত্ত ঘরের ভদ্রমহিলাদের—যাঁরা দ’পায়ে অচল। আমরা কিন্তু তাঁদের দ’পেয়ে বাইসিকল বানাবার ব্যবস্থা নিয়ে বেরিয়েছি। কাল রবিবার, অনুগ্রহ করে স্কুল ‘হলে’ হাজির হবেন, সেইখানে বেলা আটটার সময় আমাদের বক্তৃতাটা শুনবেন—আর আপনাদের কত’বাটাও করবেন।” এই বলিয়া তাঁহারা দ্বিপদী-পথটার দীর্ঘ দিকটা ধরিলেন, আমরা লঘু-লেন্টার সাহায্যে বাসার উপস্থিত হইলাম।

স্নানাহার সমাপনান্তে জয়হরি উদাস ভাবে বলিয়া উঠিল—“যাকগে, আমরা আর কি করব।”

বলিলাম—“কিসের কি?”

সে সেই নির্লিপ্ত ভাবেই উত্তর দিল “সেই অপরা Red potato ( রাঙা আলু ) গুলো। যাক ই’দুরে বাঁদরেই থাকে দেখছি।”

আমি আর কথা কহিলাম না।

অমৃতকুণ্ডে পাওয়া ওভারকোট আঁটা, লাগাম লাগানো মোজা পায়, স্বদেশ-প্রাণ বাবু তিনটির কর্ম-পরিচয় পাইবার জন্য সতাই একটু কৌতুহল ছিল। নির্দিষ্ট স্কুলটিও ছিল আমাদের বাসার নিকটেই। বেলা আটটার মধ্যে প্রধান-প্রাতঃকৃত্য—চা পানটা সারিয়া বাহির হইয়া পড়িলাম।

জয়হরিকে জিজ্ঞাসা করিলাম, “যাবে কি?”

সে বলিল, “আমাকে ত’ যেতেই হবে মশাই, এঁদের জন্যে ভদ্রলোকদের কাল ক্ষুন্ন করছি,—আজ কি আর—না বলা চলে।”

বলিলাম, “এঁদের জন্যে কেন? এঁদের অপরাধ।”

“রাঙা-আলু যে লোহার সিন্দুক রাখবার জন্যে লোক কেনে তা কি করে বুঝব বলুন। যাক—ওঁরা এখন এলে হয়।”

পথে আর কথা বাড়াইলাম না। ইন্সকুল কম্পাউন্ডে পা দিয়া বলিলাম, “তারা যদি আজ কিছ্‌ না বলেন ত’ যেওনা।”

“সে কি মশাই, ভদ্রলোকের এক কথা—আবার বলবেন কি?”

তখন ‘হলে’ ঢুকিয়া পড়িয়াছি। ও-কথা বন্ধ করিতে হইল।

দেখি তিরিশ চল্লিশ জন ভদ্রলোক উপস্থিত হইয়াছেন, তাঁরা সবই পোস্টঅফিস মজলিশের মেম্বার; তন্মধ্যে ইন্সকুল মাস্টার প্রভৃতিও আছেন। চেয়ারগুলি সবই ভরতি, বেঞ্চে যথেষ্ট স্থান আছে। টেবিলের আশ-পাশের চেয়ারে বাবু তিনটি উপস্থিত। বোধ হইল একজন কিছ্‌ বলিতেছিলেন, চোখাচোখি হইতেই সহাস্য ইঙ্গিতেই আহ্বান করিলেন।

চেয়ারে বসিবার জন্য অনুরোধ করায় জয়হারি ‘বাপরে!’ বলিয়া একটি ছোট্ট নমস্কার নিবেদন করিয়া টেবিলের নিকটস্থ বেঞ্চে বসিয়া পড়িল। আমি ধীরে জানাইলাম—“বড় কাঁহল আছি, ফেরবার পথে ‘হোমো গ্লোবিন’ নিলে যেতে হবে” বলিয়া, আমিও বেঞ্চ লইলাম। বাবুটি আর জেদ না করিয়া একটু হাসিয়া জানাইলেন, “এটা ‘কুন্ডু-কেবিন’ নয়!” তাহার পর তাঁহার প্রারম্ভ বক্তৃতা চলিল।

শুনিব কি, সামনের চেয়ার হইতে—এক চেহারা, এক সেলাম আর “একটু ভাল করে শুনেন বাবু”—লাভ হইল।



ভাল করিয়া শোনা অপেক্ষা তাহাকে আমার ভাল করিয়া দেখার কাজটাই আরম্ভ হইয়া গেল। লোকটি গৌরবর্ণ, হাড় ও শিরা-প্রধান, বিরল কেশের উপর ফেজ্-ক্যাপ, কটা গোঁপ দাড়ী—যেন গজাবার মুখেই বাধা পাইরাছে ও স্থানে স্থানে ঝরিয়া গিয়াছে। কপাল কপোল মায় মৃদু-চোখের দৃষ্টি পাশ ‘গিলে’ করা,—বেশ *furrowed* বা *finely corrugated*। গায়ে গরম থাকী কোট। এক হাতে নোট-বুক, অন্য হাতে আধখানা পেন্সিল। বয়েস পঁয়ত্টিশও হতে পারে—পঞ্চান্ন বললেও কেউ সন্দেহ করবেন না।

আমি অবাক হইয়া তাহাকেই দেখিতে লাগিলাম। দেখি চক্ষু বৃজিয়া নোট-বুক ভরতি করিয়া চলিয়াছে,—ক্ষমতা অসাধারণ! আবার লেখা অপেক্ষা পেন্সিল চলিতেছে নিজের গায়েই বেশী। কখনও রঙে, কখনও গালে, কখনও গলায়, কখনও কানে, কখনও টুপীর ভিতর, কখনও আঙ্গুলের মধ্যে। আবার নোট-বুকে ফিরিয়াও আসিতেছে। প্রতি মিনিটে সে এতদূরিল কাজে ব্যস্ত।

এ লোকটি কে? এদিক ওদিক ফিরিয়া দেখি—লোকটি অনেকেরই দৃষ্টি আকর্ষণ করিয়াছে। চুপি চুপি তাহার আলোচনাই চলিয়াছে। একজন বলিতেছেন, ‘বুঝছেন না, লোকটা কোকেনের কুস্কর্ক’,—ও জিনিসের *symptom*-ই ওই।’ এমন সময় একটা জোর ‘hear, hear’ শব্দ হওয়ায় আমি বস্তুতঃ দিকে কান দিলাম, বস্তু বলিতেছেন—

—“জগতে লোকে কি চায়,—শান্তি। ইংরাজীতে একটা সেরা কথা আছে—*one who laughs last laughs best*—মরবার সময় যে হাসতে পারে তার হাসিই হাসি, ও সে-হাসি লাভের কাছে কাশীলাভও লাগে না। কিন্তু সে হাসি লাভ করবার উপায় আমাদের পনের-আনা লোকের জানা নেই। আমরা আমাদের গরীব-দেশের দ্রুত দ্রাবাদের জন্য সেই হাসির ব্যবস্থা করতে বেরিয়েছি। এখন আপনারা আমাদের হিতেচ্ছায় সহায় হউন—ভগবান আপনারদের সেই বুদ্ধি দিন—এই আমাদের প্রার্থনা। কয়েকটি দেশপ্রাণ হিতৈষীর হেফাজতে ‘দারিদ্র-দমন বীমা সঙ্ঘ’ নামে একটি খাঁটি স্বদেশী সংঘ খোলা হয়েছে, যার রাশ নাম ‘স্বদেশী সোসাইটি ইকনমিক প্রপেগেণ্ডা।’ এখন এগিয়ে আসুন, আমাদের এই সংঘে জীবন উৎসর্গ করে শান্তির সম্বল সঞ্চার করুন। আর বৃথা সময় নষ্ট করবেন না। একটা *Premium* (অগ্র-দক্ষিণা) দিয়ে মজলিও স্ত্রী-পুত্রদের হাসি মৃদু দেখে,—দেশের টাকা দেশে রেখে, হাসতে হাসতে যাত্রা করতে পারবেন। আমরা অন্ততঃ

দশ হাজার টাকা প্রত্যেকের হাতে তুলে দিতে চাই,—ডাকটি করেও যা জমা করতে পারবেন না।—

—“মলেই টাকা। রবিবাবুর মত বিশ্বমানব তা নাহলে ত’ কখনই বলতেন না ‘মরণেরে তুহুঁ মম শ্যাম সমান’।—

—“মৃত্যু মৃত্যু বলে পূর্বে একটা মিছে ভয় ছিল বটে, কিন্তু বাঙলাদেশের লোক এখন বুঝেছে, মৃত্যুর মত বন্ধু আমাদের আর নাই। তারা বেশ জেনেছে,— তারা জন্মেই মরে আছে, কেবল হাড় ক’খানা চরে বেড়ায় আর চোখের জলে সেগলোকে তাজা রাখবার ব্যথা প্রয়াস পায়। তাই কবি বলেছেন—“মরে বেঁচে কিবা ফল—আগে চল—আগে চল।” এখানে আগে মানে উদ্বেদ, যেমন ফললাভ করতে হলে গাছে উঠতে হয় তেমনি বড়-ফল লাভ করতে হলে আরো উদ্বেদ অর্থাৎ স্বর্গে ছুটতে হয়। (hear, hear)

—“আমার এই আজানুলম্বিত দক্ষিণহস্ত-সম প্রিয় সহচর করুণানন্দ সেদিন সহসা শপথ করে বসেছে,—এতেও যদি আপনাদের সন্মতি না হয়,—সে নারী-বিদ্বোহ সৃষ্টি করবে। ভগবান আপনাদের সে বিপদ হতে রক্ষা করুন।”—

“আবার আমার করি-শব্দ-লাঞ্জন বামহস্ত-সদৃশ এই যে রামকৃষ্ণর চুপটি করে বসে রয়েছে, ওকে আপনারা চেনেন না। ও একটি ডিনামাইটের পুটলি। আমাদের সদুদ্দেশ্য দেশের লোক যদি না বোঝে, আমাদের সদুপদেশ যদি না গ্রহণ করে, ও ঘরে-বাইরে আগুন লাগাবে বলে কড়া প্রতিজ্ঞারদ্ধ। যাক—সে সব কথা আর এখন সময় আসেনি। না এলেই আপনাদের মঙ্গল।—

—“এখন আশা করি দেশের মদুখ চেয়ে আর আপন আপন স্ত্রী-পুত্রের মদুখ চেয়ে আপনারা সকলেই এই বীমাকে বরণ করে নিয়ে শান্তিলাভ করতে অগ্রসর হবেন। মনে রাখবেন, তদনন্তর যত দিন না আপনারা প্রত্যেকে মরচেন ততদিন দেশের—প্রধানতঃ স্ত্রীপুত্রের সুখ নাই, স্বাস্থ্য নাই, শান্তি নাই। আমাদের একটি মাত্র premium (অগ্র-দান) দিয়ে গেলে হবে। আর ইতস্ততঃ করবেন না।” ইত্যাদি ইত্যাদি অনেক কিছুর।

চারের-দোকানে-পাওয়া এই দ্বিমুর্তির দেশের কাজের পরিচয় পাইয়া, বিশেষতঃ করুণানন্দ ও রামকৃষ্ণের নিদারুণ প্রতিজ্ঞার কথা শুনিয়া অবাক হইয়া ভাবিভেঁছি, এমন সময় মিটিং গা নাড়া দিল,—কারণ Post office-এ Window delivery-র (চিঠি বিলির) সময় আসিল।

একজন বায়র্ডুক ( হাওয়া-খোর ) প্রৌঢ় উকীল উঠিয়া বলিল,—“দেশের অল্পের মধ্যে এমন সুমধুর কাজের-কথা কমই শোনা যায়। আপনাদের স্বদেশ সেবা সফল হউক। আমাদের অর্থাৎ যাঁহাদের মৃত্যু কামা তাঁদের সম্পর্কে আপনাদের কাজ আজ হয়েই গেল, এখন আপনাদের একটু কষ্ট স্বীকার করে লোকের বাড়ী বাড়ী যাওয়াটা আবশ্যিক হবে। কারণ আমাদের জীবন-স্বত্বাধিকারী ও মরণ-উপস্বত্বভোগীরা সেখানে থাকেন। তাঁদের অনেকেই দশ হাজার টাকার bargain-টা ( দাঁওটা ) সাগ্রহে এগিয়ে নেবার জন্যে আপনাদের সদৃশদেস্যের সম্যক সহায়তা করতে পারেন বলেই আমার বিশ্বাস। আমাদের কাছে তাঁদের ইচ্ছা ভগবৎ-ইচ্ছা অপেক্ষা বলবৎ ; —আপনাদের বেশী কষ্ট পেতে হবে না। আমি আপনাদের কাজের মধ্যে খাঁটি মহাপ্রাণতার স্পষ্ট চেহারা দেখতে পাচ্ছি, কারণ আমাদেরও ওই কাজ। কোটে হলে এই পরামর্শটি ছাড়বার জন্য চিল্লিটি টাকা নিতুম, কিন্তু কাকের মাংস কাকে খায় না। এখন আপনাদের ধন্যবাদান্তে আমরা চললুম।” এই বলিয়া তিনি স্বেয়ং করতালি দিতেই একটা করকাপাত হইয়া গেল। সভাও ভঙ্গ হইল।

## ৩৯

উঠিবার উপক্রম করিতেছি,—সহসা আমার হাঁটুতে হস্তক্ষেপ। দেখি সেই মূর্তি বলছে, “মেহেরবাণী করে দ্দ’মিনিট বসেন বাবুজী, বড় একটা বেওকুবী হয়ে গিছে, গল্‌তিটে শ্‌ধুরে লি।”

ব্যাপার কি জিজ্ঞাসা করায় বললে—“কর্তা প্রাচীন লোক, আপনাকে কহিঁত আর সরম কি ; বান্দা ত’ আপনার বাচ্চা। মোদের কাম রেতেই বেশী, লিদের ফুরসদ্ নেই,—কামেরও ঠিক-ঠিকানা নেই। সার্বেং ( surveying ), ফুটোগ্রাপী বি, টেলি-গ্রাপী বি,—এক্ষেণে শর্টহ্যান্ড রিপোর্টারের ( short-hand reporter-এর ) কামে আস্‌ছি। বহুত ইলেম জাস্তি হয় জনাব। আজ লিদের ঝোঁকে হুঁস ছিল নাই। ইলমে ইলমে টঙ্কর লেগে সব গড়বড় করে দিছে। শর্টহ্যান্ড সদর করলাম, তারপর দ্যাখিঁচি টেলিগ্রাপীর “টরে টঙ্কা” লাগাইঁছি,—ইটার মধ্যে উটা ঘনুসে গোল পার্কিয়ে দিছে। দ্দ’টাই ইলেক্ আর লোস্তার ইলেম্ কিনা, দ্দ’ই সন্নতানই এক দরজায়। তোবা তোবা—ব্যাবাক টরে টরে টঙ্কায় লোটব্দুক ভরচি।”

অনেক কণ্ঠে হাসি চাপিয়া মুখে চিন্তার ভাব আনিয়া বলিলাম, “তাইত; এতটা পরিশ্রম ব্যথা হয়ে গেল।”

সে বলিল, “আপনাদিগের দ্বারায় আজ লাগাৎ বান্দার পরিশ্রম কখনো ব্যথা হয় নি,—ও সব ঠিক করে লবার ইলেক্ট্রো গোলাম আলি জানে। ও আর ভরে লতি কতক্ষণ! জনাব ত’ সব শুনেন। মেহেরবাণী করে দু’চারটে কথা মদদ্ (সাহায্য) করলেই বাকী সব গোলাম লেগিয়ে লেবে। ও সব পলিটিটকেল বস্তারদের রা মোদের বহুত জানা আছে হুজুর,—একটা লেগিয়ে দিলেই চলে যায়। দু’চারটে জবর জবর লবজ পালেই হবে।”

বলে কি! এতে পলিটিট পায় কোথায়! তাহাকে বলিলাম, “ওতে ত’ পলিটিটের কিছু পেলুম না; বস্তা ত’ বললেন, ‘সত্তর সকলে জীবনবীমা করে ফেলুন, মলে স্ত্রীপুত্রের উপায় থাকবে। দশ হাজার টাকা ডাকাতি করেও মিলবে না। আবার যে যত শীঘ্র মরবে তার তত লাভ! ওঁদের—খাঁটি স্বদেশী সঙ্ঘ, দেশের মঙ্গলের জন্য দেশপ্রাণ লোকদের ওই সঙ্ঘে জীবন উৎসর্গ করে শান্তিতে স্বর্গলাভ করবার দরকার হয়েছে। নচেৎ, ওঁর বন্ধু করুণানন্দ নারীবিদ্ভোহ সৃষ্টি করতে বাধ্য হবেন, আর ওঁর দ্বিতীয় সঙ্গী রামকৃষ্ণকরটি—একটি ডিনামাইটের পুঁটলী, সে রাগলে লঙ্কাকাণ্ড করবেই। তবে তাঁদের সঙ্ঘের মারফত সকলে জীবন উৎসর্গ করলে দেশটা অগ্নিকাণ্ড এড়াতে পারে।”

গোলাম আলি বাধা দিয়া বলিল, “বহুত সেলাম বাবুজী—আর লয়, পেঙ্গায় মাল হাত লাগছে। এতেই তাজমহল বন্তি পারে। সংঘ আছে, দ্যাশের মঙ্গল মজুদ, জীবন উচ্ছ্যা আছে, ডাকাতী আছে, স্বর্গলাভের লালচ আছে, ডিনামাইট রইছে, অগ্নিকাণ্ড রইছে—প্রতিজ্ঞাভি রয়েছে। আপনি পলিটিট কারে কন কত’? এখন রিপোর্ট ছক্তি আধঘণ্টাও লাগবেক নাই। বহুত স্যালাম বাবু।”

আমি মনে মনে ভীত হইয়া জিজ্ঞাসা করিলাম, “সাহেবের কোন ডিপার্টমেন্টে কাজ করা হয়,—এ রিপোর্ট যাবে কোথায়?”

গোলাম আলি সাহেব বলিলেন, “নসিব বাবু সাহেব—নসিব! কাজের কি কদর আছে জনাব। খোদা মালিক, ইলাম্ থাক্ লি জঙ্গলেও রুটি মিলবে। এখন প্রাইবেট্ কাম লিয়ে আছি। আখবরে—সংবাদ-পত্রে রিপোর্ট পৌঁটিয়ে দিই। জবর চিঞ্জ পালি বিশটাকাও মেলে। গোলামের উপর বড় বড় কাগজের এতবার আছে! তারা সমজ্জার আছে, লায়েক-লোক চট্ চিন্টি পারে। আপনাদের দ্বারাতে ভালই চলে যায়।

জনাবের ইখানে কোথা থাকা হয় ? আপনি রিপোর্ট দেখালিই বাস্তব ইলেম্ বদ্বাতি পারবেন,—একবার লগে যাব ।”

জয়হরি উদ্গ্রীব হইয়া শূনিতেছিল, সে সঙ্কর ও সটান বলিল—“আমাদের বাসা খুঁজছেন ? উইলিয়ম-ট্যানে জিজ্ঞাসলেই হবে—রায় সাহেব কোথা থাকেন ।”

লোকটা শূনিয়া দ্ব’হাতে সেলাম করিয়া বলিল, “গরীবের গোস্ত্যাকী মাপ করবেন, বাস্তব বহুত বোয়াদবী হয়ে গিছে,—তা আপনি ত’ মোদেরই বড়ভাইজান্ লাগেন্ । বান্দা লিঙ্গস্ হাজির হবে । রিপোর্ট বোনে আজকের ডাকেই ভেজিয়ে দিব । এখন ইজাজত দেন ।”

এই বলিয়াই লম্বা লম্বা সেলাম দিয়া সে চলিয়া গেল ।

আমার ভাবনাটা দ্ব-ভাগে বিভক্ত হইয়া গেল । জয়হরি যে এতটা বোঝে ও এমন জবাব দিতে পারে—সেটা এইমাত্র আমার কাছে ধরা পড়িল ও আমাকে আশ্চর্য করিয়া দিল । ততোধিক আশ্চর্য হইলাম ব্রাহ্মণীর বিচক্ষণতায়, তিনিই আমার রক্ষাকবচরূপে এই সহকারীর সিলেকশন করিয়াছিলেন । গোলাণ আলির সম্বন্ধে কিছুই বদ্বিলাম না । লোকটা বোধহয় পূর্বে কোথাও ভাল চাকরি করিত, নানা ইলেমের গরমে সেটি খতম্ হওয়ায় মাথা খারাপ হইয়া থাকিবে । কাজটায় বোধহয় তাহার খুব উৎসাহ ছিল—মজাগত-খর্মে দাঁড়াইয়া গিয়াছে, তাই অভ্যাসটা যায় নাই—অভিনয়েও আনন্দ পায় ।

সে পশ্চাৎ ফিরিতেই জয়হরি ব্যস্ত ভাবে বলিল, “ওঁরা আমার জন্যে অপেক্ষা করছেন, আমি তবে চললুম ;—আরও দ্ব’জন আছেন,—ব্যাপারটা খুব বড়িয়াই হবে দেখছি ।”

বলিলাম, “ওঁদের অপেক্ষা না করিয়ে এতক্ষণ গেলেই হত ।”

জয়হরি বলিল, “বলেন কি মশাই । আপনাকে ওই গোলেবকাউলির পাল্লায় ফেলে,—ওকে বিশ্বাস আছে । মদুখানা যেন পট্-পটির মাদুর,—ও সোজা লোক নয় মশাই ।”

তাহার এরূপ আশঙ্কার নিশ্চয়ই আরও সব অশুভ অশুভ কারণ ও প্রমাণ ছিল এবং তাহা শূনিতে উপভোগ্যও হইত ; কিন্তু আমি সে লোভ সংবরণ করিয়া বলিলাম, “সকাল সকাল ফিরো—বেপরোয়ার মত থেও না ।”

সে বলিল, আপনি সে ভয় রাখবেন না । তবে যেহেতু আহাট্টা হবে বদ্বতে পারছি, তাতে একটু গড়াতেই হবে । তারপর চায়ের সঙ্গে কিছু খাবার শেষ করেই

ফিরব,—ধরুন সাড়ে চারটে। আপনি এখন সোজা বাসায় যান। দেখবেন ওঁরা যেন উপরি হাঙ্গাম টাঙ্গাম না করে বসেন।”

বলিলাম, “উপরি হাঙ্গামাটা আবার কি?”

জয়হরি—“ওই সেই যে রেড্—”

বলিলাম, “আচ্ছা এখন যাও।”

সে দ্রুত গিন্না দেশপ্রাণদের দলে মিশিল। দেখি সত্যি আরও দুইটি যুবক জুড়িয়েছে তাহারা রওনা হইবার পর আমিও বাসায় ফিরিলাম। রাঙা আলু যে কোন্ গণ্ডে জয়হরির এতটা অস্বস্তির কারণ হইয়াছে, তাহা ভাবিয়া স্থির করিতেই পারিলাম না।

সর্বকণের সঙ্গীরা মামুলি মাল হইয়া দাঁড়ায়; আমরা তাহাদের বিশেষত্ব বুঝি না, কদরও করি না; তাহারাও কদর কি আদরে নজর রাখে না। জয়হরিকে বিষায় দিয়া যেন ফাঁকা ফাঁকা ঠেকিতে লাগিল। বাসায় ফিরিয়া সংবাদটা দেওয়ায়,—কাজটা কেহই অনুমোদন করিলেন না। কর্তা ও বাড়ীর মেয়েরা বলিলেন—“অমন সাদাসিদে হাবা-গোবা লোককে এই অজানা জায়গায় অচেনা মানুষের হাতে ছেড়ে দেওয়া ভাল হয় নি।” দেখি বাণেশ্বরেরও সেই মত।

আজ রান্নাঘরের কাজকর্ম সহসা শিথিল হইয়া গেল। উনুন দুইটা সকাল সকাল নিবিয়া বাঁচিল। আহারের সময়টা সকলেরই বেশ আনন্দে কাটিত, অন্য দিনের পাঁচ-কোয়ার্টারের কাজ আজ পনের মিনিটেই শেষ হইয়া গেল। নতুন কিছু প্রস্তুত করিয়া বা গরম গরম মাছ ভাজা লইয়া মেয়েদের ছুটাছুটি—জয়হরিকে ঠকাইবার প্রয়াস,—কলহাস্য প্রভৃতি উপভোগ্য বিষয় হইতে আজ বঞ্চিত হইতে হইল। আজ যেন সব—“কাজ-সারা” মাত্র।

আহারান্তে বাহিরে আসিয়াও স্বস্তি নাই। কর্তা মাঝে মাঝে আসেন আর বলেন,—“নাঃ—কাজ ভাল করেন নি।”

শুইয়া শুইয়া সিগারেট টানিতে লাগিলাম। সেটা আজ ডবল ডোজে চলিল। কোন জিনিসের মূল্য যে কোন অবস্থায় বাড়ে-কমে তা বুঝা কঠিন। আজ জয়হরির

নাসিকা-ধ্বনির অভাবে আমি চোখ বদ্বিজতে পারিলাম না ! তার ব্যস্তিহটা যে কোন সময়ে আমার অজ্ঞাতে সহসা এত বড় হইয়া দাঁড়াইয়াছে—সে আমাদের এতখানি দখল করিয়া লইয়াছে, তাহাই ভাবিতে লাগিলাম ।

আবার কতর চটির শব্দ ! আসিয়াই বলিলেন, “দেখুন দিকি, তিনটে বেজে গেল, এখনও দেখা নেই ! এ ত’ তৃতীয় প্রহরে আদ্যপ্রাত্তনের নেমস্তম্ভ খাওয়া নয় । এ’রা বলছেন, জয়হরীবাবু এলে তবে চায়ের জল চড়াবেন ।”

বদ্বিজলাম, তাঁহাদের সকলেরই ইচ্ছা—অপরাধের সাজা হিসাবে জয়হরিকে খুঁজিয়া আনিতে এখনি আমার বাহির হইয়া পড়া উচিত, বলিলাম, “সে বলেছে, বৈকালে জল যোগ আর চা সেইখানে সেরে সাড়ে চারটার মধ্যে ফিরবে ।”

কর্তা চক্ষু কপালে তুলিয়া বলিলেন,—“সাড়ে চারটে ! শীতকালের বেলা—তাহ’লে সম্ভো বলুন ।” তখন চাকরকে উদ্দেশ্য করিয়া ব্যস্তভাবে বলিলেন, “ওরে বাগেশ্রী—সব লাঠান ক’টাই ত’য়ের করে ফ্যাল, আর আমার সেই তেজবলের লাঠি গাছটা বার করে রাখ, —বদ্বিজ ?”

বাগেশ্বর বলিল, “কেন বাবু—আজ নাগপণ্ডমী নাকি ? এখানে খুব সাপটাপ বেরয় বদ্বিজ ? ওরে বাপ্প্রে ! মা মনসা ! দেশে গিয়ে দুধকলা দেব মা !” বলিয়া দদ্বি হাত কপালে ঠেকাইল ।

কর্তা আমার দিকে চাহিয়া বলিলেন, “শুনলেন হারামজাদার কথা । ওরে ব্যাটা, এই যে মাইফেলে মজলিশে বত্রিশটে ঝাড় লাঠান জ্বলে,—সাপ বেরুবে বলে রে পাজী, —না দদ্বিটোর বেশী লাঠান জ্বাললেই নাগপণ্ডমী হয় ।

জয়হরির অভাবে আমি পূর্ব হইতেই অন্তরে একটা অস্বাচ্ছন্দ্য অনুভব করিতে-ছিলাম, তাহার উপর বাড়ীশুদ্ধ লোকের ভাব দেখিয়া ও কথা শুনিয়া নিজের কাছেই নিজের অপরাধ ক্রমশঃ যেন স্পষ্ট হইয়া দাঁড়াইয়াছিল এবং জয়হরির জন্য একটা ভাবনা ও চাপ্তা উপস্থিত হইয়াছিল । এই অবস্থায় প্রভু-ভূতা-সংবাদ আরম্ভ হইতে দেখিয়া ভয় পাইলাম,—কারণ প্রভুর এই প্রিয় প্রসঙ্গ সহজে থামিতে চায় না । বেশ বদ্বিজলাম, জয়হরির কথা ভুলিয়া নাগপণ্ডমীতে কুঁকিতে তাঁর আর অধিক বিলম্ব নাই । কাজেই ঘড়িটা খুলিয়া বলিলাম, “এটা দেখছি ভারি ফাস্ট যাচ্ছে—এর মধ্যে চারটে বেজে বসে আছে ।”

তিনি চমকিত ভাবে বলিলেন, “অ্যা,—বলেন কি,—এ ব্যাটা ত’ নড়বে না !”

“ওকে আর নড়তে হবে না, আমিই এই নড়লুম” বলিয়াই উঠিয়া বাহির হইয়া

পড়িলাম। কিন্তু যাই কোথা, ঠিকানা ত' মনে নাই। তাহা সত্ত্বেও কিন্তু চলিতে হইবে—তাই চলিলাম—এই অবস্থায় পা কখন তাহার পরিচিত পথ বাঁছিয়া লইয়াছে,—বাজারের পথই ধরিয়াছি।

কয়েক মিনিট পরেই হঠাৎ কানে আসিল—“আমি এইখানে?”

গলাটা ঠিক জয়হরির না হইলেও সুরের সাদৃশ্য থাকায় এদিক ওদিক চাহিতেই দেখি, জয়হরিরই ত' বটে! সম্মুখে শূন্য শালপাতা—পার্শ্বে এক লোটো জল! আমাকে দেখিতে পাইয়া পাতে যাহা কিছু অবশিষ্ট ছিল তাড়াতাড়ি তাহা মুখে পুড়িয়া যথাস্থানে জমা দিবার কসরতে সে ব্যস্ত। তাহার সেই অবস্থার আওয়াজটা বেসদ্বরা শুনাইয়াছিল।

“তাড়াতাড়ি কেন, ধীরে ধীরে খাও” বলিয়া রাস্তার দিকে চাহিয়া ভাবিতে লাগিলাম—“ব্যাপার কি, এটা ভোজন না ভোজবাজি! নিশ্চয়ই কিছুপূর্বে নিমন্ত্রণ ও নিমন্ত্রণ কর্তা উভয়কেই সারিয়া আসিয়াছে, আবার এ কি!”

জয়হরির কোন দিনই গম্ভীর নয়। মুখে সর্বক্ষণই একটা নিশ্চিন্ত ভাবের অন্তরালে আনন্দাভাস থাকে। আজ তাহার চোখমুখ বেশ ভারী-ভারী। এক-লোটো জল টানিয়া, মাঝারি একটা উদ্‌গারের সহিত উঠিয়া সে আমার কাছে আসিয়া দাঁড়াইল।

বলিলাম, “দোকানদারকে পয়সা দেওয়া হয়েছে?” জয়হরির নীরবেই ঘাড় নাড়িয়া জানাইল “হয়েছে”। চাহিয়া দেখি, মুখে একটা মলিন ছায়া পড়িয়াছে, দৃষ্টি উদাস, কোথাও তাহার স্বাভাবিক স্মৃতির লেশমাত্রও নাই। নিশ্চয়ই কিছু একটা ঘটিয়াছে।

পথে পড়িয়া উভয়ে দু' এক মিনিট নীরবে চলিবার পর বলিলাম, “চল—এখন বাসাতেই যেতে হবে, সকলেই তোমার তরে উদ্‌গম হয়ে রয়েছেন। তোমাকে একলা ছেড়ে দেওয়ায় সকলেই আমাকে দুষছেন,—মায় বাণেশ্বর। সকলেই ভাবছেন, সকলেরই মনমরা ভাব। আমি সারাদিনটা অপরাধীর মত কাটিয়েছি। তোমাকে না হাজির করলে তাঁরা চা পর্যন্ত চড়াবেন না।”

জয়হরির আমার পশ্চাতেই ছিল। স্নেহের এই পরোক্ষ পরশেই সে বালকের মত ফোঁপাইয়া উঠিল। চমকিয়া ফিরিয়া দেখি—চোখে জল! আমি তাহার গায়ে হাত দিয়া বলিলাম, “এ কি! কি হয়েছে জয়হরি?”

সে কথা না কহিয়া হাটুর কাপড় তুলিয়া ধরিতেই দেখিলাম তাহা রক্তরঞ্জিত এবং



কাটি হইতে আরম্ভ করিয়া নিম্নে পাড় পর্যন্ত পিঁজিয়া, ছিঁড়িয়া সম্পূর্ণ অব্যবহার্য হইয়া পড়িয়াছে। তন্নিম্ন দুই পা-ই ক্ষত-বিক্ষত।

দেখিয়া ভয়ে ভাবনায় সমবেদনার আমি কেমন হইয়া গেলাম। পরে তাহার পিঠে হাত দিয়া ‘চল’ বলিয়া তাহাকে লইয়া নিকটস্থ “ভিক্টোরিয়া হলে” ঢুকিয়া সেখানকার অভিজ্ঞদের দ্বারা যথাকর্তব্য করাইয়া লইয়া ধীরে ধীরে গিয়া স্কুল-কম্পাউন্ডে ঢুকিলাম,—তখন সম্ভা হইয়া গিয়াছে। কম্পাউন্ডের এক স্থানে ভূগর্ভোন্মিত একখানি প্রস্তরের উপর তাহাকে বসাইয়া নিজেও বসিলাম।

৪১

উভয়েই দু’ এক মিনিট নীরব থাকিবার পর, সম্মুখে জয়হরির নিকট ব্যাপারটা জানিতে চাহিলাম। তাহার পর অর্ধঘণ্টাকাল অবাক হইয়া যাহা শুনিলাম, তাহাতে সেই সম্ভার মেঘের মতই আমারও ভিতরটা নানা ভাবান্তরের মধ্য দিয়া—শেষ আধার মিলন হইয়াই গেল। শুনিলাম—

দেশহিতৈষীদের বাসায় পেঁছিয়াই দেশপ্রাণদের দ্বিতীয় (Next best) করুণা-নন্দটি সহাস্যে বলেন, “আমাকে এখন ঘণ্টা-দেড়েকের ছুটি দিতে হবে। মটনটা যখন মনের-মত মিলেছে তখন সেটা আনাড়ীর হাতে দিলে মাটি করতে পারব না। আপনারা ততক্ষণ দেশের-কাজ এগিয়ে ফেলুন। আমি কালিয়াদমনটা সেরেই আসছি—আর খানকতক কাশ্মিরী কিমাও। হ্যাণ্ড-বাগটা নিয়েই যাই, নম্বর খুঁচী খাম্বাটোর দরকার হবে, ধুপ্ছায়া আঁচের (heat regulate-এর) ওপরেই ওর জান।”

দলপতি—আমাদের পরিচিত বক্তা দয়াল দফাদার U. G. (অর্থাৎ Under Graduate) বলিলেন,—“এঁদের পরীক্ষাটা সেরে গেলে হতনা।”

“উত্তীর্ণ বলেই ধরে রাখুন না—বন্ধুদের নিরাশ করতে হবে নাকি। তারপর গ্রামোফোন চালান, আমি এলুম বলে।”

দলের এই দ্বিতীয়—আমাদের সেই অজানদলিম্বিত দক্ষিণ-হস্ত সদৃশ করুণানন্দ আবার নাকি একজন অদ্বিতীয় M. D. তিনি সর্বসাধারণের কার্য-সৌকর্য্যার্থ তঁার roaring practice—গুরুগুরুজনশীল ফ্যালাও ব্যবসা ফেলে দেশ-সেবার জন্য ভুখো

দ্রাম্যমান-ভৈরব হয়ে ব্যাড়াচ্ছেন। পেঞ্জার প্রাক্টিস্ পায়ে ঠেলে পরিব্রজা গ্রহণ করেছেন। ইতিপূর্বে ঢাকায় এক নবাব সংসারে নিযুক্ত ছিলেন—বংশলোপ আসন্ন দেখে তাঁরা প্রসন্নচিত্তে পেন্সেন্ অর্থাৎ বিদায় দিয়েছেন।

এই শেযোক্ত সংবাদটি আমরা পরে পাই।

দলপতি দয়াল-দয়াদার মহা চোকোস্-চ্যাপ্; তিনি হাস্যমুখে সামনে দ্বু' প্যাকেট কাঁচি-সিগারেট আর একটা দেশলায়ের বাস্ক পটাপট্ ফেলে দিয়ে বলেন, “নিন ধোঁয়াঘাটা ভাল, ক্রমে ধূমাৎ বহি—অর্থাৎ চন্‌চনে ক্ষুধা।” তার পর নিজেও একটা ধরাতে ধরাতে বলেন, “এইবার গ্রামোফোন চলুক। এ যা শুনবেন তা সকলের জন্যে নয়। অবড় কলকাতা-সহরে এ জিনিসটি মিলবে না। এর একটু ইতিহাস আছে।—বর্ধমান ছেড়ে আমরা একদম বন্দাবনে যাই,—সময়টা ছিল রাসের, সুতরাং হতাশের মধ্যেই পড়ে গেলুম। হিরিনাম শুনি আর পরিণাম ভাবি। যমুনার জলটুকু কচ্ছপে দখল করে ঝোলাচ্ছে,—শীতকাল, মেঘ ডাকবার আশাও নেই, উইল্ করে পা বাড়তে হয়। না নেয়ে নেয়ে তিনজনের মাথাই অশ্বখামার মাথা হয়ে দাঁড়াল।—

রামকিষ্করের প্রতিভা ছিল পঞ্চমুখী, সেখানে গিয়ে তার উপর সিন্ধিটাও বৃদ্ধি পেলে। তার দাদামশাই ছিলেন পরমভক্ত। তাঁর ‘ইস্টেট্’ ছিল হুকো, কলকে জপের মালা, চশমা, ভক্তমালা, মকরধ্বজ, মধু আর খল। এক দিন তিনি ভক্তমাল পড়াছিলেন আর চোখ মুছাছিলেন, এমন সময় হঠাৎ একটা জরুরী কাজে তাঁকে যেতে হয়—গ্রন্থখানি মোড়বার মত সময়ও পান নি। যাক্—তিনি খেতেন মকরধ্বজ আর প্রিয় রামকিষ্কর পেতেন দু'চার ফোঁটা মধু। সে নাকি তখন তিন বছরের। কিন্তু বৃদ্ধিটি ধরত ঢের বেশী। দাদামশায়ের জরুরী-ডাকের ফাঁকে সে তাঁর মধুভাণ্ডটি নিয়ে যে কাণ্ডটি করে বসে, তাতে ভক্তমালের পাতা ভক্তিরসে না হলেও, সরস হয়ে পড়ে। ফলে, অনেকগুলি ভক্তিসহ তিন পাতা মধুমাথা-ভক্তমালও তাকে উদরস্থ করতে হয়। দাদামশাই-ই বলেন—“ওই ছেলে হতেই তাঁদের বংশ ধন্য হবে, যে জিনিস ওর পেটে পৌঁছেছে তার এক একটি অক্ষর এক একটি ব্রহ্ম বীজ—সে একদিন ফুটেবেই ফুটেবে।

“কিন্তু এবড় অভিব্যক্তিটা দেখবার জন্যে তিনি ত' অপেক্ষা করে বসে রইলেন না, সেই বীজ ফুটলো রক্তের মাটিতে আর দেখতে হল আমাদেরই।

“কাজ কর্ম না থাকায় দিনে ভোগ আর ঘুম, সম্ভ্রাম, সংকীর্নশোনার -ধুম

চলতে লাগল। বলা নেই কওয়া নেই রামকিঙ্কর হঠাৎ একদিন হাত তুলে join (জয়েন্) করে ফেললে,—তারপর আছাড় খায় আর গড়াগড়ি দেয়। আচমকা ছুঁচো-বাজীর মত সোঁ করে লোকের পায়ের মধ্যে ঢুকেও পড়ে। ক্রমে তার ভাবাবেশ সূর্য হ'ল। কুঞ্জে—পুঞ্জে পুঞ্জে ভক্তের ভিড় লাগল—পায়ের ধুলোর জন্যে। কিন্তু তাঁদেরই পায়ের ধুলোয় ছোট আঙিনাটি কুস্তীর আখড়ার মত এক হাঁটু খাস্তা হয়ে দাঁড়াল,—মূলোর চাষ চলে। ভালর মধ্যে আল্পো মাল্পো মিলতে লাগল। রামকিঙ্করের পেটে যঁারা ভক্তমাল থেকে মধুর অনন্দপান হয়ে ঢুকে পড়েছিলেন তাঁদের আবির্ভাব হতে লাগলো।—

“রেকর্ড করতে জানতুম,—Plate পরিষ্কার করে রাখলুম।—প্রভু নিত্যানন্দের আবির্ভাব হলেই তাঁর দুর্লভ বাণীর অক্ষর ছাপ লাভ করতেই হবে। মাঘীপূর্ণিমার সন্ধ্যায়,”—

এই পর্যন্ত বলেই দফাদার সজোরে শিউরে নমস্কার করে বললেন—“ঠাকুরের আবির্ভাব হ'ল। উঃ! সে কি ভাব! রেকর্ড Plate বাগানই ছিল, মহাপুরুষের শ্রীমুখ হতে সুধা বর্ষণ সূর্য হতেই রেকর্ডেও তার স্পর্শন ঘর্ষণ,—সোনার কাঠি বুলিয়ে চলল। সে আর এ অধর্মের মুখে শুনতে কাজ নেই।”

এই বলেই U. G. দফাদার তাঁর গ্রামোফোনে পিন্ পরিয়ে, দীনের উদাস ভাব নিলেন।

প্রভুও আওয়াজ দিলেন,—“হে প্রিয় ভক্তগণ, তোমাদের ইচ্ছা আমি অবগত আছি।—যাতে মনুষ্য-জন্মের চরম সার্থকতা—তা তোমরা শুনতে চাও। আমার সমস্ত অল্প—সারটুকু শুনতে নাও। যখন আচার্য গোসাঁই মহাপ্রভুকে জানানলেন—‘এ হাটে না বিকায় চাউল’—তার অর্থ ছিল—লোকের চাল কেনবার আর পরস্যা নেই, দেশ গরীব হয়ে আসছে। অর্নচিন্তার চাপে ধর্ম চাপা পড়ে যাচ্ছে। পরে পরবর্তী মহাজনেরা প্রচার করলেন—জীব মাত্রেই নারায়ণ,—তাদের সেবাই নারায়ণের সেবা! সেই হচ্ছে ধর্মের সেরা। শিক্ষিতেরা সেটা বাহবা দিয়ে স্বীকার করে নিলেন। তার পর অবাক হয়ে দেখেন—নারায়ণ বটে, কিন্তু সব দরিদ্র নারায়ণ!—এ নারায়ণে ভারত ভরাট! আবার বাংলার শিক্ষিত ভদ্রলোকদের বাড়ী-গড়িলির বার আনাই দরিদ্রনারায়ণদের অজ্ঞাতবাসের বিরাট-ভবন। উপায়? শ্রীভগবান বহু পূর্বেই ভবিষ্যতের ভাবনা ভেবে পথ বানিয়ে রাখেন—ভগীরথকে দিয়ে গঙ্গা আনিতে পাতক ধোবার পন্থা করে রাখেন—পেঙ্গুয়ে পেঙ্গুয়ে সব পাতকী এসে পৌঁছবার

পূবেই। দস্যময়ের সব কাজেই দূরদর্শিতা পাবে। তোমরা ভক্ত—ভক্তিপথ স্বৈতের পথ—যেমন তুমি-আমি, স্ত্রী-পুরুষ, চা-চপ্ এক কথায় ডেয়ার্কে। ধর্ম-অর্থও তেমন এক ব্রাকেটের জিনিস। তাই অর্থ ছাড়া ধর্মও এ যুগের জন্য নয়। অর্থ সংযোগেই সেটা ঘোরাল হয়—সার্থক হয়। সে অর্থ পাবার সহজ উপায়ও তিনি আনিয়ে দিয়েছেন,—সেটি—জীবনবীমা। এ কথাটি ভুলোনা; তবে যে যেমন অধিকারী। তোমাদের স্মৃতি হোক।” গ্রামোফোন থামতেই দয়াল গড় হয়ে প্রণাম করিলেন।

রামাক্ষর কোথা থেকে সোঁ-করে এসে বলে উঠলেন, “নাড়ী নোটীস দিচ্ছে, নাও ফর্মগুলো (form) দেগে ফেল। আজ করুণানন্দ যে কাণ্ড করেছে—আহারের পর ত’ সব অজগর।”

“তা বটে” বলেই দফাদার কালি কলম আর ফর্ম তিনজনকে এগিয়ে দিয়ে বললেন “নিম্ন লিখে ফেলুন। আপনারা শিক্ষিত লোক—ফর্ম ভরতে পাঁচ মিনিট। আজ পেট ভরতে বটে পাকা পাঁচ-কোয়াটার নেবে। হ্যাঁ, ভাল কথা—ডাক্তারের ফী আপনাদের লাগবে না। আমাদের সম্বন্ধেই তা suffer করবে—সইবে। এ-যে দেশের কাজ রে brother (ব্রাদার)।”

\* \* \* \* \*

জয়হরি আগাগোড়া মাটির মানুষের মত নির্বাক বসিয়া ছিল। বোলের ও কলের শব্দগুলো তাহার কানে পৌঁছিতেছিল—প্রাণে প্রবেশ করে নাই। আজ তাহার প্রাণে যাহা প্রবেশ করিতেছিল তাহা নাসারম্ব দিয়া। তাহার সারা প্রাণটা পড়িয়াছিল রন্ধনশালায়। দেওঘরে আসিয়া পর্যন্ত মাংসের মুখ না দেখিয়া সে প্রায় মহাপ্রভুরজন দাঁড়াইয়া যাইতেছিল।

করুণানন্দের কালিয়াদমন-কাব্যের অমৃতাক্ষর শুনিয়া পর্যন্ত সে একপ্রকার তন্ময়ই ছিল। মনে মনে সেই সন্ধ্যা-স্মরণে কয়দিনের ক্ষতি-পূরণের মত ক্ষুধা সঞ্চার করিয়া আনিতেছিল। এই মটন-অথনের মস্তুর মধ্যে, খালিপেটে কলম কাগজ ঢুকিয়া তাহার মগজ বিগড়াইয়া দিল।—“জাফরাণ শূদ্রিক্সে দলিল দস্তখত করাতে চান্ন,—এরা মানুষ ভাল নয়।” সে ভয়ে রাগে নৈরাশ্যে সব ভুলিয়া গেল। পৈতাটা কানে দিতে দিতে ‘আসছি’ বলিয়া বাহির হইয়া পড়িল। এ সঙ্কেতের উপর কাহারও প্রশ্ন চলে না—কেহ বাধা দিল না। উপনয়নের পনের বৎসর পরে পৈতাটি আজ কাজে লাগিল। সেটার উপকারিতা বোধহয় আজ সে প্রথম উপলব্ধি করিল।

বাসটা ছিল বড় রাস্তার ধারেই। জয়হরি মোটর লরির সাড়া পাইয়াই গা-ঝাড়া দিরাইছিল। সেখানা তখন সামনে আসিয়া পড়িয়াছে। জয়হরি প্রাণপণে ছুটিয়া তাহার হাতল ধরিয়া “চলো” বলিতে বলিতে কোনও প্রকারে বিপদ কাটাইয়া উঠিয়া পড়ে। আঘাত পাইলেও সৈদিকে তাহার লক্ষ্যই ছিল না।

মানসিক বিকারের আকস্মিক উত্তেজনায় ঘটিলেও, জয়হরির এই ত্যাগ স্বীকারটি যে কত-বড় ছিল তাহা বলাই নিষ্প্রয়োজন। রাজ্যত্যাগ, বিত্তত্যাগ, গৃহত্যাগ প্রভৃতির পশ্চাতে একটা পরমার্থাদি লাভের প্রতি লোকের লক্ষ্য থাকে। দর্শীচি হাড় ছাড়িয়াছিলেন,—জয়হরির মাংস-ছাড়াটা তদপেক্ষা ছোট ত্যাগ ছিলনা, সেটা সমজদারে সহজেই স্বীকার করিবেন।

আমাদের বাসাটা দেওঘর স্টেশনের নিকটেই ছিল। “লরী” আসিয়া প্রত্যহই সেখানে দাঁড়াইত ও যাত্রী লইয়া দুম্কা পর্বস্ত যাতায়াত করিত।

সঙ্কর বীমার সীমা এড়াইয়া বাসায় পৌঁছিবার আশায় জয়হরি লরী ধরিয়াছিল। একটু সামলাইয়া চাহিয়া দেখে চারিদিকে জনশূন্য প্রান্তর! যখন মন্দির চুড়াও নজরে পড়িল না তখন সে চম্পলভাবে জিজ্ঞাসা করিল—“আমরা কোথায় ‘চলোছি’?” একজন মাড়োয়ারী কালেক্টার বলিয়া উঠিল, “দুম্কা,—তুম্ কাঁহা যাওগে।”

“দেওঘর ইন্সট্যান।”

“পাগল হো। সাড়ে চার মিল্ মূফৎ আয়ে। দেও—রূপেয়া নিকালো।”

তাহার কথা শেষ হইতে না হইতেই দিক্‌বিদিক জ্ঞানশূন্য জয়হরি লাফ মারিল। মাংস ত্যাগ করিয়া প্রাণত্যাগে সে বোধহয় কৃতসংকল্প হইয়াছিল। তাহার গাড়ী না থামাইয়া হো হো করিয়া হাসিতে হাসিতে চলিয়া গেল।

আরোহী কলটি ছিলেন ‘গো-মাতার’ ভক্ত সেবক। গাঁয়ে গাঁয়ে দুধ ঘি সংগ্রহ করিয়া শোধানার্থ কারখানায় চালান দেন;—গোরক্ষার জন্য অশ্রুদ্রিমিশ্রিত বস্তৃত্যও করেন। মিশ্রণটাই তাঁহাদের ধর্মের ও কর্মের সেরা মশলা। নর-নারায়ণ দুধ দেয় না! তাহার রক্ষার্থে মাথাব্যথা ছিল না।

রাস্তার ধারে একপাল গরু চরিবর্তেছিল, সে তাহারই একটির উপর গিয়া পড়ে। পৃষ্ঠোপরি এই আড়াই মর্দাণ জীবটির সবেগ পতনে, আহত ও ভীত গাড়ীটি সলস্ক বিকট চীৎকারে রাস্তা হইতে মাঠে পড়িয়া উদ্‌ব্ধবাসে নিরুদ্বেশ রক্তনা হয়। গাড়ীটির সশক লক্ষ্যনের শূন্যপথেই জয়হরির সবেগে উর্ধ্বাধিপত্য পতন ও দেড়গজ স্বর্গণ এবং মাঠের মধ্যেই বীরশয্যা গ্রহণ—একই সময়ে সমাধা হয়। মরণের সহিত পূর্বপরিচয়

না থাকায় বিমূঢ় জয়হরি ভাবিয়াছিল—সে মরিয়া গিয়াছে। চেতনার যা একটু আভাস মাত্র ছিল তাহার সাহায্যে সে বহুক্ষণ ঠিক করিতেই পারে নাই—সে আছে কি নাই—এটা তার পারলৌকিক অবস্থা কি না। তাহার বুদ্ধি ও স্মৃতি ছিন্ন ভিন্ন হইয়া গিয়াছিল। অনেক এলো-মেলো চিন্তার পর হঠাৎ সে নিজের গানে চিম্টি কাটিয়া দেখিল—লাগে। তখন—

—“ওরে বাবারে। পোড়ালে সহিতে পারব না।” বলিয়া ধড়মড় করিয়া উঠিয়া বসে ও সভয়ে চারিদিকে চাহিতে থাকে। কেহ কোথাও নাই দেখিয়া তাড়াতাড়ি উঠিয়া লরী (Lorry) যে পথে আসিয়াছিল সেই পথ ধরে। বেদনা কি আঘাতের প্রতি তাহার লক্ষ্য ছিল না।

অর্ধাধিক পথ অতিক্রম করিবার পর, পথের ধারে একটি কুয়ান্ন একটি সাঁওতাল স্থালোককে জল তুলিতে দেখিয়া সে দীনের মত গিয়া দাঁড়ায়। তাহার অবস্থাই ছিল তাহার আবেদন original copy—বা অলিখিত আর্জি। স্থালোকটি জল তুলিয়া তাহার সম্মুখে ধরে ও তাহাকে হাত পা ধুইয়া ফৌলিতে বলে।

সারাদিনের অনাহার ও নিম্ন রক্ততার সে শব্দক হইয়া উঠিয়াছিল। রমণীর এই প্রস্তাবের ভিতরকার স্নেহটুকু সহজেই তাহার প্রাণে পৌঁছিল। সে হাত পা ধুইতে গিয়া তাড়াতাড়ি চোখের জলটাও ধুইল। এক স্থানে ব্যথার সঞ্চার হইতেই তাহার শরীরের ব্যথাও স্পষ্ট হইয়া উঠিল। জল খাইয়া সে জিজ্ঞাসা করিল, “মন্দির কত দূর।” “বেশী দূর নয়—ওই চুড়া দেখা যাচ্ছে” বলিয়া স্থালোকটি অঙ্গুলি নির্দেশে দেখাইয়া দিল।

জয়হরি ধীরে ধীরে রওনা হইল। বুদ্ধি বল এখন তাহার সর্বপ্রধান আবশ্যক—পেটে কিছু দেওয়া,—নচেৎ বাসায় পৌঁছিতে পারিবে না,—পথেই গা ঢালিতে হইবে। তাই সে মন্দির-চুড়ায় লক্ষ্য রাখিয়া চুড়ার (চিঁড়ের) আন্ডায় গিয়া পড়ে। টাঁকে যে দশগণ্ডা পয়সা পুঁজি ছিল নিঃশেষে তাহা ওঝা ঠাকুরের হাতে দিয়া পাতে ভরপেট বোঝা চাপাইবার মত অর্ডার দেয়। ওঝারাই এই তীর্থস্থানের ক্ষুধামুগ্ধ যাত্রীদের রোজা।

এই ফলাফলের final blow বা সর্বগ্রাসের সময়েই আমার সহিত জয়হরির সাক্ষাৎ। পরিশিষ্টটা পূর্বেই বলিয়াছি।

সব শূন্যিয়া আমি কেবল জিজ্ঞাসা করিলাম, “তুমি এতটুকুর পেলে কেন। প্রমাণটা যে পিয়েছিল।”

সে উদ্বেজিত ভাবে বলিল, “ভয় পাবনা, আপনি বলেন কি। ঠাকুরদা মশাইকে খেতে বলে পাঁচজনে খত সই করিয়ে নেয়। তার ফলে সর্বস্বান্ত হতে হয়—মায় জেলে যাবার জোগাড়।”

আমি আর কথা না বাড়াইয়া বলিলাম, “ভগবান রক্ষে করেছেন, চল বাসায় যাই, সকলেই উদ্বিগ্ন হয়ে রয়েছেন,—অত্যন্ত ভাবছেন। আজ আর খাবে না ত’—চা খেয়েই শূয়ে পড়বে চল।”

জয়হরির কোন কথা কহিল না—খীরে খীরে চলিল।

পথেই কর্তার সাহিত সাক্ষাৎ। তিনি আমাদের খুঁজিতে বাহির হইয়াছিলেন। হাতে তেজ্জ্বলের লাঠি, সঙ্গে—লাঠান হাতে বাণেশ্বর। আমাদের দেখিতে পাইয়া তিনি উচ্চ-কণ্ঠে বলিয়া উঠিলেন—“জয় বৈদ্যনাথ। ওঃ, কি দুর্ভাবনাতেই সকলের দিন কেটেছে। বাঁচলুম,—খবর ভাল ত’।”

বলিলাম, “হ্যাঁ—চিন্তার কোনও কারণ নাই।”

“চলুন তবে বাসায় গিয়ে শোনা যাবে—চায়ের জল চড়ানই আছে।” তাহার পর বাণেশ্বরকে কি বলিলেন, শেষটা কানে আসিল, “ফটকের পাশে সেই চতুর্বি চোবের দোকান,—মনে থাকবে ত’।”

“তা আর থাকবেকনি বাবু।”

“তা আর থাকবেকনি। উঠনো চলছে যে। তোর ভাত খাওয়া কমে গেছে সেটা কি আর লক্ষ্য করিনি রে হারামজাদা। আচ্ছা যা, পাঁচসিকের—বুঝিলি।”

সে কোনও কথা না কহিয়া চলিয়া গেল, আমরা বাসায় আসিয়া পৌঁছিলাম।

জয়হরিকে দেখিবার জন্য বৈঠকখানার দোর-জানালায় মেয়েদের সাগ্রহ চক্ষুগুদলি চৌন্দ পিঙ্গীমের মত জ্বলিয়া উঠিল;—সে সহসা যেন দীপান্তর হইতে ফিরিয়াছে।

আমি দিনের দুর্ঘটনা-গুদা দু’চার কথায় শেষ করিয়া দিলাম। রাগের আহারটা যাহাতে বাদ পড়ে সেই আশাতেই ফলারের কথাটাও বলিতে বাধ্য হইলাম। কৈফিয়ৎ হিসাবে বলিলাম,—নচেৎ তাহার পক্ষে বাসায় পৌঁছান অসম্ভব ছিল।

“ছেলেমানুষ পেয়ে,—,” “ভাল মানুষ দেখে,—,” “জোচ্চোরের পাল্লায়,—,” “আহা,

—আ মরি মরি”, —“প্রাণটা নিতো”—“মা দুগ্গা রক্ষে করেছেন,—” “পরের ছেলে” ইত্যাদি কড়ি-মধ্যমের উচ্ছ্বাস গদলাই কানে আসিল।

মাধুরী আসিয়া বলিল,—“দিদিমা বলছেন—বাবা বদ্বিনাথের পুজো—কাল সকালেই পাঠানো চাই।”

“সে ভাবনা ওঁর ভাবতে হবে না ; শব্দ সকালে কেন,—দু’বেলাই তা পেঁচুছে । বেনারসী বেটা সকাল-সন্ধ্যাই চড়াচ্ছে ।”

“সে আবার কে !”

“বলেত থেকে এলি যে !—তোদের গদগধর চাকর রে ! কলকেতার আশেপাশের ছেলেরা এল্-এ ফেল্ ক’রে রেল্ আপিস ধরে ;—যাদের কড়া জান—তারা তোদের তরে উপদ্রুসী-উপন্যাস লেখে । এ চোর বেটা দেখাচি—‘ঘরে বাইরে’ না পড়ে বাড়ী ছাড়েনি ! দেখাছিস না—বেটার ভাত খাওয়া ক্রমেই কমে আসছে । তা দেখবে কেন !”

“ওমা—কমচে কি বলো ! কোনদিন তিন বার ক’রে না নেয় । দই দিলে চারবার চাই !”

“বলিস কি,—এ বোকোস্ পোষা কেন ? দূর করে দাও—দূর করে দাও, সর্বশ্ব থেলে যে । আর তোদের বা দই আনতে বলে কে । আজ থেকে সেরেফ্ দূধ চলবে,—বলে দিস ।”

“কাকে,—চাকরকে ?”

“তা না ত’ আবার কা’কে ! বেটা দই খেয়েছে—দূধ খাবে না ! ওর বাবা খাবে । মজা দেখুক একবার—”

“কি বলেন ?” বলিয়া আমার দিকে চাহিলেন । বলিলাম, “আলবৎ খাবে,—ঠিক সাজা হয়েছে । এই ত’ ন্যায়নিষ্ঠের কাজ, তাঁরা নিজের জাতকে এই রকম কড়া সাজা না দিলে ছাড়েন না । মেকলে সাহেব ত’ আর ফির্চেন না, আর সবাই কিছ্ রঘুনন্দন নন,—পদ্রানো পেনাল কোড্‌খানার পঙ্কোদ্ধারে যদি লেগে পড়েন ত’ একটা রদী-জিনিস রক্ষা পায় । দেশ-সদৃশ লোক জেলে গিয়ে দূধ খেয়ে সদৃশে আসতে পারি ।”

তিনি হাসিয়া বলিলেন—“না—না আপনি তামাসা করছেন । বরং পঞ্চাশ পেরিয়ে জঙ্গলে যাওয়াটাই দরকার ছিল ;—এখন বদ্বি আর হয় না—সাতাশের পেঁচু গিছি ।”



“হবে না কেন,—তবে, সম্ভবী যেতে হয় ।’

“কেন—সেখানে ত’ বাঘের কমতি ছিল না । তারা সব মরে গেছে নাকি ।”

জানালার ওপারে চাপা গলা শোনা গেল—“মিন্‌সেকে বাজে বকতে বারণ কর্তো মাধুরি । মাথার ঠিক আছে কি—দইটে রোজ আনে কে ?”

কর্তা আমার দিকে চাহিয়া বলিলেন—“শুনলেন,—আচ্ছা আপনিই বলুন, যদি দই-ই না খেলুম ত’ বৈদ্যনাথে কি করতে আসা । বলুন ?”

আমাকে আর বলিতে হইল না,—নেপথ্যে শোনা গেল—“ছেলেটার সারাদিন খাওয়া নেই, সে চিন্তা চুলোয় গেল,—ও’র গদরদুন্দুর দই খাবেন কি দুধ খাবেন তারি ঘোঁট চললো !—আয়—চলে আয় মাধুরি ।”

“সে কি কথা,—খাবেন বই কি ; কে বলেছে খাবেন না । কি খাবেন বলুন ত’ জয়হরি বাবু ।”

আমি তাড়াতাড়ি বলিলাম—“আজ আর ও’র জলস্পর্শ নয় । এই সম্ভ্যার মূখে ওঝার হোটেলে দশ আনার চিঁড়ের বোঝা নিয়েছেন, এক একটি সাঁওতালী-চিঁড়ে ফুলদারির মত ফুলবে । এক-কাপ্‌ চা খেয়ে শুষে পড়ুক ।”

“তা কি হয়,—সে কি হয়, রাত-উপোসে হাতী মারা যায়”—

জয়হরি নিজেই বলিল—“না—উপোসই দি ।—গা-গতোর ব্যথা হলে দাদামশাইও উপোস করতে বলতেন আর দাওয়াই দিতেন গরম গরম লুচি আর হালদা । তা’তে খুব উপকার হতো কিন্তু ।”

“ঠিক-ঠিক—ঠিকই ত’ । ওর দাওয়াই-ই ত’ ওই । ও যে ভারি ওস্তাদ ।—নাঃ, আর বেশী দিন নয়,—সব ভুল হতে আরম্ভ হয়েছে । ওটা যে আমারও জানা জিনিস,—ঠিকই ত’ । সেই ভালো,—আজ উপোসই দিন ।”

এই বলিয়া তিনি উঠিয়া গেলেন । আমি চুপচাপ বিরক্তিটা গায়ে মাখিয়া জয়হরিকে বলিলাম—“ফেরবার ইচ্ছে নেই বন্ধি ।”

সে বলিল, “কাশী যাই চলুন ।”

কর্তা আসিয়া পড়িয়াছিলেন,—বলিলেন—“কি—কি,—কাশী ? কেন ? আচ্ছা সে কথা পরে হবে । হরিরলদে হয়ে গেছে,—প্রসাদ আর চা-টা আগে চলুকতো । জয়হরিবাবু দু দু কাপ খান ।”

হ্যাঁ—এইবার বলুন ত' কাশী যাবার কথাটা হঠাৎ উঠলো যে ! বাইরে বেরুলে অনেক কণ্ট, বহু অসুবিধা ভোগ করতে হয় । সেটা বদ্বোঁছ—”

আমি তাড়াতাড়ি বলিলাম—“না—না, রামঃ, আপনি কি বলছেন । জয়হরি ওই দেশপ্রাণদের ভদ্রবেশী বেদের-দল বলে ঠাউরেছে ! কেন জানিনা ওদের সম্বন্ধে ওর একটা অস্বাভাবিক আতঙ্ক এসে গেছে । ঐ U. G দফাদারটি নাকি দফা-রফা ফাদার বা সদর ! ওর ভয়—ওরা খুঁজে এসে ধরবে ! পুর্ণিমার ঠিকানাও জেনেছে, তাই কাশী যেতে চাচ্ছে । ওর ধারণা—চোখোচোখি হলে,—তাদের প্রভাব ও এড়াতে পারবেনা । ওর রাশি নাকি ভারি পাতলা ; আজ শুনলুম—মেঘরাশি । আমার ধারণা ছিল—কুস্ত ।”

কর্তা হাসিয়া বলিলেন, “আমার সিংহরাশি হে জয়হরি বাবু । তাই বনের দিকেই বেশী বৈশী । কি বলবো, একটু গাফিলিতে—এক গোখুলিলগ্নে গোয়াল্লৈ পুরে ফেলেছে,—প্রজাপতির নিবন্ধ । যাক,—এদিকে কেউ ঘেঁষবে না সে ভার আমার ।—”

—এই ভয়ে কাশী যেতে চান ! এমন ভুল করবেন না, বরং বাগেরহাটে বৈফিকির পড়ে থাকতে পারেন । গত বৎসর পূজার পর ভারি অরুচি খোরলো, মূখ বদলাতে কাশী গিয়ে এক বন্ধুর বাসায় ডেরা ডালি । বাসাটি তাঁর ভেলুপুরে । গা-ঘেঁষে থানা আর জলের কল সর্বদাই সজাগ ;—বেশ সশঙ্ক করে রাখে,—সতর্ক থাকতে হয় । কাশী ব'লে ভ্রম হবার যো নেই । ভদ্রলোকের ভিড় না থাকায়—মৌখিকতার মন্ত্র, কি বাঘ মারার কাহিনী—একদম বন্ধ । মিছে-কথার নম্বর ক্রমেই কমে আসতে লাগলো । জুতো জোড়াটা যে মিস্টরের সিনিয়ার মিস্ট্রীর স্বপাক,—অনেকদিনের কটমার বলেই সতেরো টাকায় পেয়েছি,—এ কথাটা জানিয়ে দি, এমন লোকও জোটে না । রোজই মনে হয়—দশাম্বমেধ ঘেঁষে গঙ্গার ঘাটে না বসতে পারলে, এ সব ক্ষতি-পূরণের সম্ভাবনা দেখি না । কিন্তু অদৃষ্ট ছাড়া পথ নেই, সে যাত্রা সে সুযোগ আর হল না । যাক—”

“হরিশ্চন্দ্র ঘাটটাই আমার দিকে এগিয়েছিল,—সাহস বাড়াবার জন্যেই হোক বা গা-সওয়া করে রাখবার জন্যেই হোক, সেই ঘাটেই খুঁকলুম । সে-দিন সন্ধ্যা উত্তীর্ণ হয়েছে,—অন্ধকার পক্ষ । শ্রদ্ধের শরৎবাবু বলেছেন—অন্ধকারের রূপ আছে, তাই বোধের রাস্তার আলোগুলো—অন্ধকার দেখবার জন্যে দূরে দূরে গা ঢাকা হলে উঁকি

মারছে। আমি প্র্যাক্টিস্ বজায় করে ফিরাছি। সহসা খুব একটা চেনা গলা—কানে যেন শলার মত আঘাত করলে—“হিন্দু পাউরুটি বিস্কুট্”—

—“নাঃ—তা কি সম্ভব,”—চাল্ বজায় রেখেই চললুম। আরম্ভ রোথে না,—একটা পানের দোকানের বেশ প্রদীপ্ত আলোর সামনে দ্দ’জনের চোখোচোখি! একদম বাঘের দেখা,—দ্দ’জনেই অপলক! মদুখ থেকে বেরিয়ে গেল—“কি—কেশব নাকি! চাকরি করছিলে না?”

সে একটু নীরস হাসি টেনে, সপ্রতিভ ভাবেই বললে—“চাকরিও করি।”

“তবে?—সংসার বেড়েছে নাকি,—না ডবল প্রোমোশন নিয়েছো? দ্বিতীয় পক্ষ...”

“না—Life Insure (জীবন-বীমা) করছি, অর্থাৎ করতেই হয়েছে। উকিলের কাছে মামলা পড়ে; ডাক্তার-বিশ্দের হাতে জান্ পড়ে; মাস্টার প্রফেসরের হাতে ছেলে পড়ে; বেকারের হাতে অশ্বকারের সন্যোগ পড়ে; U. G. দের হাতে ছেলে টিউশনী পড়ে; অফিসের বাবুদের হাতে চাকরি ত’ পড়েই আছে; দোকানে ধার পড়ে;—এখানে সবাই এজেন্ট, এড়াই কাকে!—”

—যিনি অসময়ের রসময়—ধার দেন, উঠনো পাই,—তার সদুপদেশ অগ্রাহ্য করতে সাহস হ’লনা। মাসে মাসে সাড়ে সাত টাকা দেবার কড়ারে—গির্মির আঁচলে তিন হাজার টাকা বেঁধে দিলুম। আমি মলেই মিলবে। এটা সেই সাড়ে সাতের উপায়!—

“মা ধান ভেনে চাল বার করেন। পুত্রাধম হরে রাসকেলের মাস্টার আবার মূর্কিয়ে রয়েছে,—আমেরিকা থেকে মঞ্জুরি এলেই তিনি মা’র পা দুখানা ইনসিওর করে দেবেন। পায়ে পক্ষাঘাত হলে, ঢেঁকি ছেড়ে নাকি ঘরে বসে দেড় হাজার মিলবে। খরচ নামমাত্র—মাসে মাসে পাঁচ সিকে ছাড়লেই বাস্!—”

“প্যায়দার পথ বাতলে দিলে। চক্কোস্তি মশার দোকানে গিয়ে এই রেতো রোজ-গার—night duty নিয়োছি। এতে দ্দ’দুটো prospect (প্রত্যাশা) রয়েছে,—গাড়ী চাপা না হয়, heart fail (হার্ট-ফেল),—দ্দ’টোতেই তিন হাজার plus Bonus—উপরি লাভ। কাজে ঢুকে same feather-এর (এক জাতের) বহুৎ বশুদ্দ মিলে গেল, অর্থাৎ—যে দিকে ফিরাই আঁখি—”

“এই দ্দ’হুপ্তা আগে বিশদ মনুয্যো বললে—‘মার দিয়া।’ জিজ্ঞাসা করলুম,—অর্থাৎ?”

“অর্থাৎ—রক্ত উঠছে,—অর্থাৎ—সাড়ে এক হাজার!”

মাধুরী আসিয়া সংবাদ দিল,—“দাওয়াই পেকেছে,—গরম গরম খাওয়া চাই ত’ !  
আসুন,—জায়গা হয়েছে ।”

তথাস্তু ।

জয়হরিকে দাওয়াই যোগাইতে ডাক বসিয়া গেল । তাহার ওপর আবার কর্তার তাড়া । বলিলাম—“আপনি করছেন কি,—আগন্তুকরা যেখানে ঢুকছে, সেটা ত’ ভাঁড়ার ঘর নয়—মানুষের পেট ।” কে শোনে ।

বাণেশ্বর টোয়ালে লইয়া দাঁড়াইয়াছিল । কর্তা তাহাকে পাইয়া উত্তেজিত কণ্ঠে আরম্ভ করিলেন, “ব্যাটা চারবার করে নাকি ভাত নেওয়া হয়, স্বরাজ পেয়েছ হারাম-জাদা ।” পরে জনান্তিকে,—“খবরদার,—বেটাকে আর ভাত দিওনা,—লুচি থেয়ে থাকতে পারে—থাক,—এই বলে দিলুম—বদলে । এ মগের মদ্রদুক নয় যে, যে যা ইচ্ছে করবেন তাই করবেন—”

এ rhetoric ( গয়না-পরা বক্তৃতা ) এখন রাতভোর চলিতে পারে ভাবিয়া, আমি আর দাঁড়াইলাম না । অপরদিব হইতে কানে আসিল—“ছাই দেবো ।”

বৈঠকখানায় উপস্থিত হইয়া দেখি,—জয়হরির নাক ডাকিতেছে । অন্য দিন নাকও ডাকে,—কথার উত্তরও পাই ;—আজ আর সে ভাব পাইলাম না । আমাকেও হরিরলুট মানতে হবে নাকি । তাহার গাভী-মর্দন লক্ষণ প্রবল পতন,—দশ আনার “চুড়া-করণ” ও দমভোর দাওয়াই ভক্ষণ,—এই স্বকৃত চতুর্বিধ ফাঁড়া সৃজন, প্রভৃতি চিন্তায় মাথাটা ভরাট ছিল ।—এ জখ্‌মি জিনিস মোকামে জমা দিতে পারিলে যে বাঁচি ।

আবার সিগারেটের শরণ লইলাম । টানে টানে রাজ্যের চিন্তার টান ধরিল । জীবন-বীমাই অগ্রদূত হইয়া দেখা দিল ।

বীমাটা ত’ ভাল বলিয়াই জানি, আজ তবে এসব কি শুনিলাম । বোধহয় বহু দায়িত্বজ্ঞানহীন বেকার দালাল দাঁড়াইয়াছে, তাহারা অসমর্থকেও মিথ্যা প্রলোভনে মূগ্ধ করিয়া হালাল করে, আর কোম্পানীর কাছে বাহাদুরী লয়, কিন্তু শেষ রক্ষা হয় না । কেহ দু’টি কিস্তি দিয়াই ইস্তফার স্বস্তি লাভ করে, কেহ পাঁউরুটি পর্যন্ত পৌঁছায়,—কেহ রক্ত উঠিলেই রেহাই পায় ।

সিগারেট শেষ হইল । দূর করো—রাতটাও শেষ হবে নাকি । আলোটা না

নিবাইয়াই লেপ মর্দি দিলাম। মনে পড়িল—মাতুলকে অনেক দিন দেখি নাই। বেইয়ের সঙ্গে বেশ বনিয়া গিয়া থাকিবে,—বেয়াড়া মারিলে সাড়া পাওয়া যাইত। কাল একবার খবর লইতে হইবে।

একলা একখানা আস্তো লেপের মধ্যে যে এত আরাম তা বড় একটা জানা ছিল না,—সুযোগ ঘটে নাই। দেখি যতদূর হাত-পা ছড়াই—ততদূর রাজ্জতি! কেহ আপত্তি করে না,—বাঃ।

লেপের মধ্যে হাত দু'খানা কখনো বৃকের আশ্রয়ে কখনো পাঞ্জিরার পাশে, কখনো বা কাঁচাপা (অবশ্য নিজের)—থাকিয়া থাকিয়া তাহাদের বাড় (growth) মরিয়া গিয়াছিল। পদও নিরাপদ ছিল না।

আজ রাতে ঠাণ্ডাটা খুবই ছিল, তাই লেপ-খানা লইয়া কতকটা পাছতলায় মর্দিয়া দিলাম, আর দু'ধার টানিয়া গুটাইয়া খোল বানাইয়া ফেলিলাম। বাঃ, বেশ ত'। এতদিন এ আরাম-শিগ্গাটা শিক্ষার সুযোগই হয় নাই। হাত-পার অবস্থা ত' পূর্বেই নিবেদন করিয়াছি। তাহার উপর ব্রাহ্মণী পাশ ফিরিলে লেপের আশ আর থাকিত না,—“নিয়ে নড়ুতেন।”

সব্বে উপভোগ্য ছিল,—প্রণয়ের প্রভাতী পালাটা। নিদ্রান্তে আমাকে শয্যাপ্রান্তে এই অবস্থায় দেখিয়া যখন সরোবে বলিতেন,—“সারা নেপখানা যে বড় আমার ওপর চাপিয়ে দেওয়া হয়েছে। কেন,—এত গরম কিসের। একটা শস্ত কিছু না. পাকিয়ে ছাড়বেনা বৃদ্ধি! আমার আর সে গতোর নেই।”

ওই সুমধুর “সে” শব্দটার অর্থ যদি জিজ্ঞাসা করি ত' অনর্থ অনিবার্য।

একদিন বলিয়াছিলাম, “ও কিছু নয়, তুমি ভেব না, ও একটা সাধনা। গুরু রবীন্দ্রনাথ বলেছেন—

‘হায় রে স্বপ্ন,

তোমার সঙ্গ—

দিনান্তে নিশান্তে শুধু পথপ্রান্তে ফেলে যেতে হয়।’

—তাই লেপখানা থেকে আরম্ভ করে দেখাছি।”

তিনি স্থির চক্ষে একদৃষ্টে আমার দিকে চাহিয়া বলেন—“বটে!—বারেন্দ্র’ বললে না? তিনি ত' হরিমতিদের গুরু, তোমার আবার গুরু হলেন কবে! না—না, ও সব হবে না, রোগ হলে তিনি দেখতে আসবেন কিনা। যত সব অলঙ্কার, মোস্তোর, ফ্যালা ফেলি আবার কি।”

বৈকালে গায়ের কাপড় খুঁজিয়া পাই না,—সব সিন্দূকে ঢুকিয়া পড়িয়াছে।

বলিলেন—“হ্যাঁ,—দিলুম আর কি, তারপর “পথপ্রান্তে” হলে যাক।”

কি মদুশকিল! জগৎটা এইরূপ বোঝাবুঝি লইয়া বেশ চলিয়াছে।

যাক,—বহুদিন পরে আজ লেপখানা ইচ্ছামত নাড়াচাড়া করিতে পাইয়া ব্রাহ্মণীর স্মৃতি বাহির হইয়া পড়িল। তাহার সেইসব চিন্তাদৃষ্ট ফরমাজ-পদুট প্রগাঢ় প্রণয়বার্তা,—দুরাগত সন্মুখের সুরে প্রাণে পৌঁছিতে লাগিল। তাহার মন্দির-মিষ্টতায় কখন যে গাঢ় নিদ্রার গভে তলাইয়া গেলাম,—বুঝিতেই পারিলাম না।

## 88

স্বপ্ন দেখিলাম—ব্রাহ্মণী বেশ ভদ্রলোকের মত ভূমিকা আরম্ভ করিয়া বলিতেছেন—“তোমাকে আর কত ভোগাবো, অখণ্ড পেরমাই নিয়ে এসেছি,—আবার “টিস্পিয়া” (অনুমান—“ডিস্পেন্সিয়া”) ধরলো, যা খাই তাই জীর্ণ হয়না। এ আবার কি হ’ল বল দিকি।”

বলিলাম—“একটা কিছু হয়েছে বই কি ;—তা সেটা ত’ তাদৃশ মন্দ ঠেকছেন। আমার এ রোজগারে সব-কিছু জীর্ণ হওয়াটাই ত’ মারাত্মক। তবে জীর্ণ হচ্ছে বই কি,—এই দেখনা যেমন হাতীতে খাওয়া বেল, এই যেমন আমার শরীর, বাইরে কি টের পাওয়া যায়। ভূমি ও-ভাবে শীর্ণ হয়োনা। ও জীর্ণ শীর্ণ কথাগুলো জোড় বেঁধে কবিদের কাছেই থাকে। তোমার ভাই কিশলয় ত’ একজন বড় কবি,—টোঁপির বেঁতে টপাটপ পদ্য লিখে দিলে। —চেহারাখানা দেখেছ ত,—যেন নাট্যমন্দিরের দেবকো! ওরা একসঙ্গে থাকলে ওই ‘রকমই হয়। ও সব চিন্তা ছেড়ে দাও।

এততেও তিনি তাতলেন না ; কেবল বললেন—ও সব তামাশার কথা নয় ;—শেষ কি আমাকে নিয়ে ভুগবে। এমন অদেহটও করেছিলুম, কেবল জ্বালাতেই জন্মালুম। ওরা সব,—ছিঃ বলতে লজ্জা করে, তার চেয়ে মরে গেলেই ভাল ছিল—”

বলিলাম—“তবে ত’ আমার জন্যে তোমার ভারি ভাবনা দেখছি।”

“ওরা বলে কিনা—ছিঃ, কি ঘেমার কথা,—মেয়ে-মানুষের আবার, আমরা ত’ বড়মানুষ নই—হালদা, রাবড়ী, রসগোল্লা নয় নাই হোলো,—তা পেট ত’ আছে,

দু'টি মূড়ি কড়াইও ত' তাকে দিতে হয়। এই নতুন বটুভাজা উঠেছে—এক একটি যেন টোপোর,—সময়ের জিনিস, রান্ধুসীরে সব মড়মড় করে খাচ্ছে—মস্‌মস্‌ করে চিবুচ্ছে। কি অভাগি বল দিকি! ওরা সব বলাঁছিল,—মরণ আর কি,—দাঁত বাঁধানো!—তা মিছেও নয়, ঐ মল্লিকদের মোক্ষদা, জান ত',—সময়ে ম'লে তিনবার জন্মাতো! গদুঠাকুরের পাদকজল টুকু পর্যন্ত হজম হ'তনা,—মাগী দাঁত বাঁধিয়ে—মহাপ্রসাদের জাঁতা হয়ে দাঁড়িয়েছে! মরেও না,—ইচ্ছে ও করে! তা আমার ত' আর সখ নয়,—রোগের জ্বালায়....”

গম্ভীরভাবে বলিলাম, “তা ত' বটেই, এর তরে তোমার এত কুণ্ঠা কেন! আর তুমি ত' জান—জাতের গোঁড়ামী আমার একদম নেই। ঔষধার্থে আমাদের শাস্ত্রও মহাপ্রসাদের ‘প্রপিতামহ পর্যন্ত পে'ছেছেন,—তোমাকে বাঁচতে বলে কে! তুমি “জাত-বাঁচানো—জাত-বাঁচানো” করে মোরচো কেন;—আমাদের জাত নেবার মত জাত আজো জন্মায় নি। স্বামী দেবতা—আমি অনর্দম দিচ্ছি—তুমি অনারাসে ধরে ফ্যালো—”

সরোষে বলিলেন—

“কানের মাথাও খেয়েছ! আমি কি ‘জাত বাঁচানো’ বললুম! মরণ হ'লেই বাঁচি!

বিস্ফারিত নেত্রে, নির্বাক,—ভাবিলাম—“কার?”

চক্ষে বিদ্যুৎবহি আর অঙ্গুল তাড়নে জটায়ুর ঝাপটাটাই মনে আছে। ‘নিষ্ক্রমণ বেগের দাপটে দোরটা সভয়ে ও সশব্দে যেন—‘দোহাই বাবা’ বলিয়া ধাক্কা খাইল—

এই দুর্যোগে নিদ্রা ভঙ্গ হইল। বুকটা ঢিপ ঢিপ করিতেছে, এক-গা ঘামিয়াছি। তাড়াতাড়ি মূখের ঢাকাটা খুলিয়া বিমূঢ়ের মত চারিদিকে চাহিতে লাগিলাম। তবে কি স্বপ্ন!—কি স্বস্তি!

\*

\*

\*

\*

কই—জয়হরি কোথায়;—বিছানায় ত' নাই,—লেপখানাও ত' নাই। ধড়মড় করিয়া উঠিয়া বসিলাম,—অবশ্য শয্যাতেই।

ল্যাম্পটা জ্বলিতোছিল। দেখি—তাহার লেপখানা বিছানার বাহিরে দ্বার পর্যন্ত প্রলম্ব অবস্থায় পড়িয়া। ভাবিলাম—রাত্রি যেরূপ দাওয়ায়ের ডোজ লইয়াছিল,

নিশ্চয়ই গাঢ়দাহে গড়াইয়া গিয়া শীতল ভূমিশয্যা লইয়াছে। কিন্তু সে ত' নীরব-কবি নহে,—আওয়াজ কই? তড়াক্ করিয়া উঠিয়া পড়িলাম।

লেপ টিপিয়া মাল পাই না। খুলিয়া ফেলিলাম—পাইলাম—চটি আর গেঞ্জি! মানুষ কই! দেখি দোরও একটু ফাঁক! হৃদপিণ্ডটা নড়িয়া উঠিল। দ্বার বন্ধ করিতে কি ভুলিয়া গিয়াছিলাম। কি কুক্ষণেই পাঁজির পরিবর্তে 'টাইম্-টেব্ল' দেখিয়া যাত্রা করিয়াছিলাম। তা—আমার অপরাধ কি? দু'দিন আগেও ত' পাঁজির প্রতি শ্রদ্ধা ছিল। আমার দরকার ঋণ গ্রহণের দিনটা, পাত ওলটালেই পাই—মেহ, প্রমেহ, প্রপিতামেহ! দূর করো! তাইনা অস্পৃশ্য বোধ হইয়াছিল। এখন উপায়। তারা সত্যি 'বেদে' নাকি। মাথা ঘুরে গেল।

দেখি বাণেশ্বর অতি সন্তুর্পণে দোরটা খুলিতেছে। আমি চমকিয়া “কি র্যা” বলিতেই সে বলিল,—“বাবু এই যে উঠেছেন;—ছোটবাবুর টোয়ালেখানা নিতে এসেছি, তিনি”—

—আর বলেনা।

চম্ভলভাবে জিজ্ঞাসা করিলাম—“তিনি কোথায়?”

—“আজ্ঞে,—গাড়ী-কমে' গেছেন”—

কি পাপ! যাক—ভগবান রক্ষা করলেন। দাওয়ালের দেওট্টা মনে পড়িল। এখন, শুধু গাড়ী-যাত্রায় থামিলে যে বাঁচি!

বাণেশ্বর টোয়ালে লইয়া চলিয়া গেল। আমি ল্যাম্পটা নিবাইয়া পূর্বস্থানে পুনঃপ্রবেশ করিলাম। নিদ্রার আশা নহে,—মাথাটা ঠাণ্ডা করিবার জন্য।

কিন্তু *fertile brains*-এর (উর্বর মস্তিষ্কের) কি কখনো স্বস্তি আছে! পেটের খোরাক না জুটিলেও,—তার খোরাকের কন্মতি নেই!

ভাবিলাম,—ভোরের স্বপ্ন শুনিয়াছি সত্য হয়। তবে কি এই কল্লিধনে সাতটাই সাফ্—গোটা সাতেকই ত' ছিল। আশ্চর্য কি,—শজনে খাড়াও ত' বেশ পলতুলে পেকেছে!

এখনো বচর ফেরেনি, শোনালেন—“আমি থাকতেই তোমাকে খানসুদ্ধ খই খাওয়াতে হচ্ছে, একি আমার কম কষ্ট—কত পাপই করেছিলুম। ডাল বাচতে পারিনা,—চোক গেলো ত' জগৎ গেল। এ বচর তম্পাণের তরে তিল না দিয়ে ক'দিনই তিসি দিবেছি। তা তোমারও ত' ধরা উচিত ছিল! বালিসের ওয়াড় সেলায়ের জন্যে এখন কিনা দরজীর দোরে ঘুরতে হচ্ছে, আর আগে পাড়ার বত



সুদক্ষু কাক এই শিবানী না করে দিলে কারুর মনে ধরতো না। মূর্খে-অাগুন চোক গেলে আর বাঁচা কেন। কোনদিন পথে ঘাটে কার ঘাড় পোড়বো দেখছি।”

শেষ কথাটা শুনে সে বেচারার জন্যে চমকে উঠেছিলুম।—যাহা ইউক, ইত্যাদি ইত্যাদি—শুভ ও অশুভ শুনিয়ে চশমা চিড়িয়ে ফ্যালেন। আবার স্বপ্ন যদি সত্য হয়, তাহ’লে আমার আর মিথ্যা ফেরা। দূ’পাটি দস্ত যোগাতে আমাকে ত’—‘কৌপীনবস্ত’ হতেই হবে।

নাঃ—বিদ্যাসাগর মশাই মহাপুরুষ ছিলেন,—তিনি বলে গেছেন—“স্বপ্ন সত্য নহে।”

একটু চাক্ষা বোধ করিলাম।

এমন সময় হি হি শব্দে জয়হরির প্রবেশ। দোঁখ—একদম আদুড়-গা। বলিলাম,—“একি,—কোথায় গিছলে?”

“—আজ্ঞে, এই—সকলে যেথায়”—

বলিলাম,—“সেটা ত’ যমের বাড়ী—”

“—আর একটা যে ভুলে যাচ্ছেন”—

“—তা গেঞ্জীটে গায়ে দিলে যাওনি কেন?”

“—আজ্ঞে, তা হ’লে আর বাইরে যেতে হোতেনা।”

“—তা লেপথানা অমন করে”—

এইবার জয়হরির বেশ গভীরভাবে মাথা নাড়িয়া বলিল—“দু’নিয়া দেখা হয়ে গেল মশাই,—কারকে চেনবার যো নেই,—তা যতই ভাল-ভাল করুন আর আপনার-আপনার বলুন,—অসময়ে কেউ কারো নম্ন। প্রাণ সব জিনিসের আছে মশাই—সব জিনিসের। আর তার সঙ্গে ভেতরে ভেতরে বজ্জাতিও। উঃ! হঃ, বোসজা মশাই কেবল গাছের প্রাণটি দেখতে পেয়েছেন,—আর নেপের দু’টি নেই। পড়তেন পল্লার। উঃ—কি বজ্জাতি। যত ছাড়াতে চাই—ততই জড়ায়। শেষ দোর পর্যন্ত ধাওয়া। এই দেখুন না,—এখন টের পাচ্ছি, তখন কি হুঁস্ ছিল,—তেমন অবস্থায় পড়লে”—

দোঁখিলাম তাহার ডান দিকের রগটা আশ্বিনের নতুন আলুর আখানার মত ফুলিয়া উঠিয়াছে—কাটিয়াও গিয়াছে।

—“ঐকুরদের নাম ফুলিয়ে দেয় মশাই। জাগিয়াস্ মনে পড়ে গেল,—‘দোহাই

বাবা' বলে দড়াম্ করে দোরটা দিয়ে ফেলতে, তবে পাপ ছাড়ে। বজ্জাৎ বেটা কি কম। ওতে আর আমি নেই মশাই,—আদুড়-গায়ে পড়ে থাকবো—সো ভি আচ্ছা।”

বলিলাম—“তার পর একটা কাণ্ড ঘটান আর কি।”

—“তা হোক—কোন কাণ্ডই তেমনটি হবে না মশাই,—যে রকম ঘট করে ঘটনোন্মুখ হয়েছিল, কুটুমবাড়ী আজ আর মদ্য দেখাতে হ'ত না। বাবাই রক্ষা করেছেন।” এই বলিয়া তাঁর উদ্দেশ্যে দ্রুত তুলিয়া নমস্কার করিল। পরে বলিল—

“সে আপনি বদ্বাতে পারবেন না। গাছের বদ্বোচ্ছেন বোসজা—বোধহয় পড়ে-টড়ে গিছিলেন; আর আজ নেপের বদ্বালেন—জয়হরি। বলে আবার প্রাণ নেই।”

একটু নীরব থাকিয়া বলিলাম,—“জয়হরি—আর নয়,—অনেকদিন হল; এখন ফেরাই উচিত। যে-সব দল্লক্ষণ দেখা দিচ্ছে, কোনদিন কি অনর্থ ঘটে যাবে।”

সে বলিল—“রোজ আর কে লুচি খাওয়াচ্ছে মশাই,—আপনি সে ভুল করবেন না। আর নেপ্তো ছেড়েই দিলুম”—

বলিলাম—“আমি সে কথা বলছি না। হাওয়াটা আর ভাল বলে বোধ হচ্ছে না”—

“আপনি ত' পাগড়ি ব'ঁধেন। —তবে আপনার ও কম্পোট্টা কুচ্ কাম্কা নেই। আমার ত' দরকারই হয় না, লাগান দিকি আমারটা। দেখতে কালো হলে কি হয়—জিনিসটি খাস্ লালিমলির। লোম বোধহয় African Lion-এর—মরুভূমির সিঙ্গ কিনা—একদম অগ্নিস্ফুলিঙ্গ। আপনি হাওয়ার ভয় করবেন না—ওতে হাওয়া ঠেকেছে—কি—লু।”

বলিলাম—“সে কথা নয় জয়হরি। দেখচ না—দ্রুঘোণ দ্রুঘোণ দেখা দিতে আরম্ভ করেছে। কুটুমবাড়ী—জান মান নিজে ফেরাটাই ভাল না?”

বলে—“আপনাকে কেউ অসম্মান করুক না দেখি, শত্রু নিজেদের কেন—তার জ্ঞানও নিজে ফিরবে। আপনি নির্ভরে থাকুন।”

জয়হরির উৎসাহ বাক্যে ভরসার যথেষ্ট আশ্বাস থাকিলেও আমাকে ভীত করিয়া

তুলিল, কারণ সে-বাক্যের মধ্যে বিপদের বৃদ্ধবৃদ্ধই বেশী পাইলাম। এখন কি উপারে ইহাকে বৃদ্ধাই !

নিজেই সে কথা কহিল,—একটু চিন্তাকাতর মূখে বলিল,—“লোকে এখানে শরীর সারতে আসে,—আমাদের লাভের রক্ত পঞ্চগ্রাসী হয়ে ছারপোকায় শুষলে, ব্রাড্-মিক্-শচার বোনলো, কতক লাফ্ মেরে সাফ্ হোলো, শেষ দাওয়ালের দ্দ’ফৌটা দরজায়-নমঃ হয়ে গেল ! হাতে রইল কপাল কাটা ! যাক্ গো ! তা আপনার কেন ভাল লাগছেনা কে-জানে,—পোলাও পাকাতে বলবো ?”

কি পাপ ! ‘চুপ্ চুপ্’—হাসিয়া ফেলিলাম। ইন্স্টিপিড্ বলে কি। একে কি করিয়া ফিরাই ? আমাকে চিন্তায় ফেলিয়া দিল। এই সব সরল লোকই বোধহয় স্খুদী, ইহাকে ক্ষুদ্র করিতেও কষ্ট হয়। জিজ্ঞাসা করিলাম—“বলতো জয়হরি—আর ক’দিন থাকলে ক্ষতিপূরণ হয়ে লাভে দাঁড়ায় ?”

সে একগাল হাসিয়া বলিল—“সেটা ভোজনের আয়োজনের ওপর নির্ভর করে মশাই,—ওজন নিয়ে কথা কিনা।—আচ্ছা বলছি”, বলিয়াই বিলিতি কম্বলখানা মর্দু দিয়া বাহির হইয়া গেল।

আমি অবাক হইয়া ভাবিতে লাগিলাম—এ আবার কি, গেল কোথায় ? যাহা হউক, আর থাকা নয়। সূচনাগদূলা রগ বেষ্মিয়া, যাতায়াত আরম্ভ করিয়াছে, মন-শঙ্কা-চঞ্চল হইয়া উঠিতেছে,—সিগারেটের আগুনও নেবেনা।

\*

\*

\*

“দ্দ’টো কাজই সেরে এলুম মশাই” বলিতে বলিতে জয়হরি ভিতর দিক দিয়া বৈঠকে প্রবেশ করিল। ভিতর হইতে আসিতে দেখিয়া, আর কাজের সংখ্যা শূন্যিয়া আশঙ্কা হইল,—আবার গাড়-যাত্রা নাকি ! জিজ্ঞাসা করিতে সাহস হইলনা, মাত্র বলিলাম,—“ভিতরে গেলে কখন !”

“খড়কি যে খোলা ছিল,—কর্তা ভোরেই বেরিয়েছেন কিনা। আমাদের নিদ্রার ব্যাঘাত হবে বলে—‘এদিক দিয়ে যাননি। জানেন না ত’ যাক। ইন্সটেশনে ওজন হয়ে এলুম মশাই। আর পাঁচটা-পো হলেই হয়, তারপর যেমন বলবেন”—

ভয়ে ভয়ে বলিলাম—“এ ত হ’ল একটা,—দ্বিতীয় কাজটা কি ?”

সে চিন্তা ও সন্দেহ মিশ্রিত মূখে বলিল—“তাও ত’ নয় মশাই,—কোথাও মাটি খোঁড়া ত’ দেখলুম না !”

“মাটি খোঁড়া হবে কেন,—কিসের জন্যে ?”

—“না তাই বলছি—সন্দেহ ছিল কিনা ! বেফায়দা অত জায়গা পড়ে রয়েছে, যদি গাছ পদতেই থাকেন ! কিছ্ না—কিছ্ না । সে ঠিক আছে—বাড়ীতেই আছে ।”

—“কি পাগলের মত বোকচো,—কি ঠিক আছে ?”

—“আপনি বড়ো ভুলে যান,—সেই Red P !”

এত ঘটনা-বৈচিত্র্যের মধ্যে, এমন কি এত দুর্যোগের মধ্যে, আজ পনেরো দিন পূর্বের “রাঙা” আলদার কথা—ইস্ট্রাপিডের মাথা হইতে নড়ে নাই ! কি জানি ও কি ঠাওরাইয়াছে । মনে মনে ভারি চটিয়া গেলাম,—সহানুভূতি সরিয়া গেল । বলিলাম—“চুলোয় যাক তোমার রাঙা আলদা আমি আর থাকিচ না !” এই বলিয়া অন্য দিকে মূখ ফিরিয়া রহিলাম ।

তিন চার মিনিট নীরবে কাটিবার পর সে সম্পূর্ণ অন্য সুরে, অপরাধীর মত ভয়ে ভয়ে—থামিয়া থামিয়া, ধীরে ধীরে বলিল—“আমি একবার বাজারটা হস্লে আসি, মা বলিছিলেন—বৈদ্যনাথ থেকে ফেরবার সময় যা ভাল দেখতে পাবে, ছেলেদের তরে নিয়ে এসো । আর হাতোল-দেওয়া একখানা চাটু,—আর যদি কিছ্ সস্তা পাওয়া যায়”—

তাহার দিকে তাকাই নাই । তাহার কণ্ঠস্বর শুনিয়া চমকিয়া চাহিয়া দেখি—কিছ্ পূর্বের সে উৎসাহপূর্ণ উৎফুল্ল মুখে সহসা কি একটা হতাশকাতর প্রলেপ আর অপরাধ-মলিন দীনতা ফুটিয়া উঠিয়াছে !

উঃ—কি আঘাতই দিয়াছি ! প্রাণটা ছি ছি করিয়া ধিক্কার দিয়া উঠিল । সভ্যতার সান্ আর পান্ দেওয়া শেল্—আজ সরলতায় ঠেকিয়া আমারি বদকে ফিরিয়া আসিল ! নিজেরা আনন্দের অধিকারী হই নাই, আনন্দ উপভোগ করিতে জানি না, কঠিন আঘাতে অন্যের আনন্দ নষ্ট করিতেই পারি !

জয়হরি সরল প্রকৃতির মানুষ,—উচ্চশিক্ষার সাত-পাঁচ তার মধ্যে ঢোকে নাই ;—তাহাকে তার পূর্ব-প্রফুল্লতা দিতে দেবী হইল না । শেষ,—রফা হইল—পাঁচ পো পেরিয়ে আমরা পাড়ি ধরিব । তাহার আনন্দের সীমা রহিল না ।

পরে বলিলাম—“তাড়াতাড়ির কোন কারণই ছিল না, Constipation ( কষাণ্ ) না ধরলে,—এমন জায়গা ছেড়ে—যাবার কথা মূখেই আসতো না । এমন স্থান কি আছে,—একাধারে—বৈদ্যনাথ, দেওঘর, পেঁড়া, দধি সবই দেবভোগ্য !”

আমি অসাধবানে ইংরাজি কথা ব্যবহার করিয়া বসিলে, জয়হরিও ইংরাজী ধরিত ।

তাহার পূর্ব-প্রযুক্ততা ফিরিয়াও আসিয়াছিল। আমি Constipation কথাটা উল্লেখ করিয়া, সে বেশ সহজ ভাবেই স্মরণ করিল—

“ওটা আপনার Self-hypnotisation (মনগড়া) মশাই! বেশ করে ভোজ্যেণ (আহার) লাগান দিকি; নস্যের মতো নাক্শ্যেণ-এ কি Constipation তাড়ানো যায়। মোহনভোগেণ-এর সঙ্গে লুচি ঠেগন দিন কেমন না Constipation-এর transportation (দ্বীপান্তর) হয়! তা হলে কিন্তু ঐ নেপের মধ্যে sleepation (নিদ্রা) ছাড়তে হবে। ও বজ্জাতকে আর বিশ্বাস নেই মশাই”।

অসময়ে বাধা পড়িল।

বাহির হইতে কে ডাকিল—“জয়হরিবাবু উঠেছেন কি?”

গলাটা আধ্‌চেনা,—কতকটা মাতুলের মত, কিশ্ত চাপা।

“আসুন” বলিয়া দোর খুলতেই,—রুমাল মুখে মাতুলের প্রবেশ!

## ৪৫

অত সকালেও মাতুল জুতা জোড়াটিতে ব্রশ্কা না লাগাইয়া এবং চুলের পাট না সারিয়া বাহিরে পা বাড়াননি। এক কয় দিনে চেহারার চাকচিক্যও বাড়িয়াছে। কিন্তু কদুল জিহ্বাসা করিলেই কাদনি শুনতে হইবে। এইটিও তাঁর বনোদ-বৈশিষ্ট।

বিললাম—“ব্যাপার কি,—দেখতে পাই না যে! বেঁই মশার কদুল ত’,—আর marble statue (পাতুরে কার্তিক) মারেননি ত’?”

মাতুল রুমাল মুখে চাপিয়া, নাকিসূরে বলিলেন—“আর মশাই, একা মানদুশ,—হাজারো ফসড়া। আনন্দম তাঁর মাথা সারাতে,—গেলো আমারই মাথাটা! কেবল বাজারই করছি। এ ত’ আর হরিনাম করা নয়,—এটি ত’ আর শব্দ হাতে হয় না মশাই। গোরীসেন ত’ আর বেঁচে নেই,—আমরা মাটিতে পা না দিতেই অমন লোকটা কেন যে পা বাড়িয়ে বসলেন। কি যে তাঁর তাড়াতাড়ি ছিল তাতো বদলদম না। কি সময়টাই গেছে। আমরা পেলদম কেশবসেন। তিনি খুলে দিলেন ধর্মের ঢালা দান ছত্তোর। ওইটেরই যেন বড় অভাব হয়েছিল,—বাংলা দেশ কাংলা হয়ে বেড়াচ্ছিল। অদেখো মশাই অদেখো। (ওলাক্)”

এই সময়ে বাণেশ্বরকে দেখিতে পাইয়া, দ্বাইবার চাপা ‘ওয়াক’ শব্দের পর বামহস্তের দ্বাইটি অঙ্গুলি তুলিয়া জানাইলেন—“দু’টো পান—আর দুটি জরদা। ( ওয়াক )”

—“বাজার যদি করতে হয় ত’ চাকর বনে’। গেলুম বাজার করতে,—ফিরলুম পয়সা টাঁকে। ডাক্তারদের ফোড়া কাটা আর কি,—রক্তপাতটা পরের,—পয়সাটা নিজের।” ( ওয়াক ) নাকিসদুরে—“বাণেশ্বর”—

“এই যে বাবু” বলিয়া সে দ্বাইটা পান ও জরদা দিয়া গেল।

“দাঁড়া বাবা—শোন, মাধুরীকে জিজ্ঞেস কর—এসেন্স টেসেন্স আছে কি?”

—“আছে বই কি।”

ব্যাপার কি! জিজ্ঞাসা করিলাম—“সকালে এ ভাব? রাহে বেইয়ের সঙ্গে গদর-রাহার কিছু ছিল বদ্বি?”

“আর আহার! চেহারা দেখেন না! বেই খেতেন রাবড়ী, উনি খান—উনি আর কি খান, ওঁকে রোগে খাওয়ান—লুচি, ওইটেই ওঁর ‘খাদনীয়’ কিনা; আর আমার ঘুররাহার,—ঘুরপাক খাওয়া। দেহ আর থাকচে না মশাই।” ( ওয়াক )

জয়হারি তাঁর পেঁড়া খাওয়ার কথা ভোলে নাই, ভিতরে ভিতরে বোধহয় রাগও ছিল। বলিল—“নাঃ, দেহ আর থাকচে কই, দেখতে দেখতে বপু দাঁড়িয়ে যাচ্ছে।”

জয়হারির ইঙ্গিতটা চাপা দিবার জন্য তাড়াতাড়ি বলিলাম—“তোমাদের ওসব ঠাট্টা তামাসা এখন থাক। এখন বলুন ত’ মাতুল এ উপসর্গটা বাগালেন কোথা থেকে? গ্রান্ড গোছের ভোজ-টোজ ছিল বদ্বি,—বোঝুটা বেমান্দাজ পেঁছে গেছে।”

“ভোজ! আপনি কোন খোঁজই রাখেন না। আর কি সকাল আছে মশাই,—কি কালই ছিল! বাপ মাই ছিল কতো, বারো মাসই মরছে—লুচির লুট—মোড়ার মইমাড়ান। এখন কি জানি মশাই আর তেমন অগদগতি বাপ-মাও জন্মান না,—” ( ওয়াক )

জানি, মাতুলের নিকট কোন কথারই সদন্তর সহজপ্রাপ্য নয়, শাখা সৃষ্টি করিবেনই। তাই তাঁর ওয়াকের ফাঁকে বলিলাম—“ঠিক কথাই বলেছেন,—তবে এ অস্বাভিষ্টা কি গৃহ-জাত,—সোপার্জিত?”

“ঠিক সোপার্জিতও নয়, দৈব বলাই উচিত। শূদ্ধ দৈবই বা বলি কেন—দৈব ‘কিউব’। ছেলেরা আজকাল লেখাপড়া ছেড়ে লেখক হয়; আমার ভোমলা লেখাপড়া ছেড়ে—বিবাহিত—হ’ল। তারপর দু’ বছর চূপচাপ,—বেটা নড়েও না চড়েও না! জানতুম—সে বরাবরই বেজায় জিহ্বা বাচ্ছা—একটা কিছু এঁচেছে। ঠিক তাই বটে,

পদ্মলাভ না করে চাকরি লাভ করলেই না ! ছেলেও হ'ল—আমারও পাঁচ টাকা বেতন বৃদ্ধি । তদুপরি—ভাষ্যার ভোজনে অরুচি ! নবকুমার একদম তেহাই মেরে এলো ।  
দেব বলবো না ত' কি মশাই ।” ( ওয়াক্ )

—“ভোজনে অরুচিটাও কি”—

—“আজ্ঞে আলবৎ ! তা না ত'—দিনো মন্দির দেনা এ জন্মে যেতো,—নিধনে অপি—মোলেও বেটা follow করতো ( পেছ দিতো ) । যাক—সেই ‘লগ্গচাঁদা’ ছেলের অল্পপ্রাশন ! চারদিন হ'ল হঠাৎ ভোমলা এসে হাজির—সম্প্রদায়িক এবং সহ মিত্র । শুনলুম—মানত ছিল বাবা বৈদ্যনাথের দরবারে, এই শব্দ কাজটি করা হবে । বললুম—‘পুরুহিত’ ?”

ভোমলা বললে,—“তাইতো পিন্দুকে পাকড়াও করে আনলুম । এক সঙ্গে পড়েছিলুম । ও এখন স্যাস্কুটে এম-এ । পুরো নাম পিনাকী ভূষণ ভট্টাচার্য—”

—“থোস্ নাম কিছু আছে ?”

—“ওর উপাধি—বিদ্যাসুন্দর । গেঁড়াতলায় থাকে । সে-পল্লীর পুরুতই ওই । বেশ দশকর্মান্বিত, হরিরলুটেও না নেই । ভারি simple ( সাদাসিদ্ ),—ও-পাড়ার ইন্সকুলে পিণ্ডিত করে, আবার ‘মাসিকে’ গল্পও লেখে । কি প্রাণস্পর্শী লেখা ! পড়ে দু'টি তরুণী তৎক্ষণাৎ গলায় দড়ি দিলে !”

“বলিস কি রে,—সে লেখা সঙ্গে নেই ত' ।”

—ভোমলা হেসে বললে—“না বাবা, আমার বলবার উদ্দেশ্য—লেখা খুব খারালো । পত্রিকাধিকারীরা বিজ্ঞাপনে ‘করুণরসের কৌশল্যা’ বলে ছেপে দেছেন ।”

—“টিংক আছে কি ? কই দেখতে পেলুম না ত' ।”

“ভোমলা বললে—সংস্কারে ও-যে সেকালের ওপোর, জাবালিষদুগের চালে চলে । কলকেতা থেকে আসবার সময়,—চুল ছাঁটা হল না বলে খুৎ খুৎ করতে লাগলো । শেষে, পোস্টা থেকে বেছে মনের মত একটা বাঁধাকর্প কিনে নিয়ে তবে আসে । কত সাবধানে যে এনেছে ।

—“জিজ্ঞাসা করলুম—কেন ?”

—“ঐ sample ( নমুনো ) দেখিয়ে চুল ছাঁটাবে ব'লে । মাথার ব্যাপার—বেহারী barber-এর ( নাপিতের ) বৃদ্ধির ওপর নির্ভর করতে নারাজ । বলে—চুল বড় সুন্দর, জিনিস, ওর যে কতটুকুতে পতন—”

বাধা দিয়ে বললুম—“কিস্তি টিকি? সেটা ত’ উত্থান। সে ত’ এসব দেশের শীর্ষ-শিল্প রে। কে’দো কুণ্ডলি তেড়ে বেরোয় টুপিতে ধরে না।”

বললে—“আপনি ভুল করছেন বাবা; ও sample-এর সবটাই টিকি বলে নিন না। সামনেটাকে পেছন বদ্বতে হবে, বাকি সাড়ে তিনদিক—বেড়ী কামানোর হিসেব; যা হাতে রইল ( I mean মাথায় রইল ) তা টিকি। ওর নাম “থোপ্-টিকি”। বিদ্যা-সাগর মহাশয়ের ( Improved Edition ) উন্নত সংস্করণ।”

পিতা পুত্রের প্রশ্নোত্তর শেষ করিয়া মাতুল বলিলেন—“এ সব যোগাযোগকে দৈব বলব না ত’ কি বলব বলুন। সবই সেই পিতৃপুরুষদের পুণ্যে। বৃদ্ধ পিতামহ গোকুল গোসাই ছিলেন ডাকসাইটে দেবতা। Moral class Book ( নীতি বোধ ) পড়েই লায়েক হয়ে পড়েন। Forest Department ( বন বিভাগে ) চট্ চাকার জুটে গেল। পুণ্যের শরীর—দরখাস্ত হাতে করে—ডগ্ ব্রাদাস্, কি হগ্‌সন্ কোম্পানীর চৌকাটে চোট্ খেয়ে বেড়াতে হরনি। Pappa’s back alternate Pappa-কে ( বৃদ্ধ পিতামহকে ) বন্দুক দেওয়া হয়। দেশে তখন ও দেবতার পূজা ছিল না। ধর্মের সংসার—বাড়ীতে কান্না পড়ে গেল। কি করেন—রাখাল তপস্বী মশার বিধান নিয়ে, ঐ জাগ্রত দেবতার চোখের ওপর সাড়ে-চুয়াত্তোর-দাগা সিল্‌ মেরে, গোপীচন্দনের ফোঁটা তিলক চিড়িয়ে, পুজার ঘরে রাখেন।

“বনে জঙ্গলে ঘোরা কিনা,—ঘোড়াও পেয়েছিলেন। তার গলায়ও তুলসীর মালা চিড়িয়ে দিলেন। নিজে চড়তেন না, সওয়ার হোতো—চিঁড়ে, গড়ু, লোটা আর পিতলের দু’খানা কানা-উঁচু খাল। নিজে চিঁড়ের ফলার করতেন, ঘোড়াও প্রসাদ পেতো। ঘোড়াটি শেষ ফলারে-ঘোড়া দাঁড়িয়ে যায়। নামাবলীর দু’খানা বালাপোষ বানিয়ে, একখানি নিজে গায়ে দিতেন, একখানি ঘোড়ার গায়ে চড়াতেন। জীবৈ দয়া একেই বলে। আর—সেই বংশধর মোরা,—শীতে ঠক্ ঠক্ করে কেঁপে মরি, কেউ একখানা বোম্বাই চাদর দিয়েও পোঁছে না। এ দেশের ভাল হবে ভাবছেন। উচ্ছ্বস যাবে—দেখে নেবেন।

বনৈ থাকতেন—পরম ভাগবত দাঁড়িয়ে যান। পরিপক্ক অবস্থায় পেন্সেন্‌ নিয়ে,—নিত্যানন্দের বংশধর খুঁজে—ঘোড়াটি দান করেন। উদ্দেশ্য ছিল মহান,—ঘোড়ায় চড়ে দ্রুত হরিনাম প্রচারটা চলবে। সে সব লোক কি আর জন্মায় মশাই। তিনি কি মানদুষ ছিলেন! পেশুলেনেও তাঁর কাছা ছিল।

সেই বংশে জন্মে—হতভাগ্য আমি কিছই পারলুম না। তবে তাঁদের one of



the পদ্রবধূস—এই হতভাগ্যের পত্নী, যথাসাধ্য কিছুর করেছে। বুদ্ধি-গাইটে বেন্-বন্ধ করে বসে বসে খাচ্ছিল, ছাড়লেই থানায় হুঁগুণ্ডা। সেই জ্যান্তো গো-হাড় পদ্রুত-ঠাকুরকে বাঁ করে দান করে ফেললে। কি নাড়ী-জ্ঞান মশাই—তার বাড়ী থেকে তিন দিনের মধ্যেই সে ভাগাড়ে পৌঁছে গেল, আর পদ্রুত মশাই ঋণ পরিশোধ করলেন ন-’সিকে! গো-দান মহাপদ্রুণ্য,—গরু ত’ বটে, গাধা ত’ কেউ বলবে না। কিছুর আমাতে অর্শাবেই। কি বলেন?” ( ওয়াক্ )

কি আর মাখামদু’ড বলিব,—মাথা নাড়িয়া সায় দিলাম। তিনি তখনো প্রত্যাশাপন্ন। বলিলাম—“মাতুল, আজ কি কথাই শোনাচ্ছেন, যেন কাশীরাম দাসের মদখে শুনছি ;—সবই অমৃত সমান।”

তিনি নমস্কার করিয়া বলিলেন—“কিছুর না মশাই—কিছুর না। সবই তাঁদের পদ্রুণ্যে। সেই বংশে জন্মে—হতভাগ্য আমি, কিছুরই পারলাম না। তবে, পারি না পারি তবু বংশানুক্রমে থোড়া থোড়া এসেই যায়। ধর্ম কর্ম নেই নেই—তবু হি’দুর বংশগত অভ্যাস যাবে কোথা। সে-যে মজাগত মশাই। এই দেখুন না—একাদশী অমাবস্যা, পদ্রুণ্য বরাবর লুচি টেনে আসছি। জম্মাণ্টমী, মহাণ্টমী, রামনবমী, দোল, শিবরাত্রি কি শ্রীপঞ্চমীতেও ওই “পুডটো”। অন্নাহার নেই। কোজাগরের রায়ে উপরন্তু নারকোল আর চি’ড়ে চিবুই ; অরম্বে পাস্তা আর হিলিস্ মাছেই আনন্দ ; শীতল ষষ্ঠিতে গোটা বেগুন, গোটা সীমাটা খেতেই হয়,—ধর্মের টানে লাগেও ভাল। পৌষ মাসটা পিঠে খেয়েই পাচার করি ; জ্যৈষ্ঠে জামাই ষষ্ঠী বরাবরই রক্ষা করে আসছি। তাছাড়া—বড়দিন ছোটদিন দুইই করি, কারুর ধর্ম ফেলি না মশাই—লুচি পাটা চালাই,—কি করি—রাজধর্ম। তার ওপর আজ রথ, কাল কলসী উৎসর্গ, পরশু চড়ক, তরশু রাস প্রভৃতি ত’ রয়েছে,—ঐ লুচি। এ কি হি’দুর ছেলেকে শেখাতে হয়! ভাত খাই আর ক’দিন,—উপবাসে উপবাসে বছর কাবার। তাঁদের পদ্রুণের জোরে—এই শরীরে সবই সয়ে আসছে। তা না ত’ আমার ভাগ্যে এ সুযোগ হবে—স্বপ্নেও ভাবিনি মশাই একে দৈব বলবো না ত’ কি।” ( ওয়াক্ )

মাধুরি দ’খানা রেকাবিতে—বেসম’দে আলু-ভাজা আর মরিচ’দে কড়াইশুটি-সিদ্ধ, আনিয়া উপস্থিত করিল। সঙ্গে সঙ্গে বাণেশ্বর চা লইয়া হাজির।

মাতুল বলিলেন—“মাগি,—একটা প্যাঁত নেবু দ্ব’খানা করে কেটে আনতো মা ।” ( ওয়াক্ )

সে চলিয়া গেল । “বাঃ, বেশ গম্ব বেরিয়েছে ত’ ।” বলিয়া মাতুল এক থাবা কড়াইশর্দাটি তুলিতেই জয়হরির মৃদু শব্দকাইয়া গেল । সে তাড়াতাড়ি এক ডিস্ তুলিয়া লইয়া—আলাদা হইয়া পড়িল ।

মাতুলের মৃদু চলিল । বলিলেন—“হাঁ—এই সব হলোই passage পায় ( চলে ), তোফা হয়েছে । বাসায় এক ফোঁটা জল পর্যন্ত গলায় গলছে না ।”

বলিলাম—“নেবু কি হবে ?”

“রসটা চা-য়ে দিলে তবে চলবে ; এটা পিন্দুবাবুর প্রেসক্রিপশন । তিনি চায়ের ‘গালব’ কিনা—ছ’বার চা খান । সরঞ্জাম সমেত এসেছেন, মাগি স্টোভ্‌টি, তাই রন্ধে । গেস্টের মান রাখতে আমাকেও খেতে হচ্ছে । বলেন—‘চা জিনির্সটি চীনের তুলসী পাতা,—পারমাণ্বিক জ্বানেই পাত্র গ্রহণ করা । শরীরের অণুপরমাণু পর্যন্ত হরি-সুধায় saturated ( সিক্ত ) হয়ে থাকবে ।’ ঐটুকু বাচ্চা,—বিদ্যের জাহাজ মশাই ।—

“গবেষণা নিয়েই থাকেন ; সম্প্রতি মৃদুসূর ডালে মগ্ন । বলেন—‘মশাই, এম্-এ তে ধেমো থাকতে পারছি না—কোন কদর নেই । Ph. D. ( পি-এইচ্-ডি ) হতেই হবে, তাই মৃদুসূর নিয়ে মাথা ঘামাচ্ছি । শব্দুর বলেন, success ( সাফল্য ) দেখলেই বিলেতের ব্যয়-ভারও বহন করবেন ।

পিন্দু পিণ্ডিতের গবেষণা-পর্ব শেষ করে, মাতুল বলিলেন—“দৈব বলবো নাতো কি বলবো মশাই । তা না ত’ যোগাযোগটি ঘটে । সবই সেই তাঁদের পদ্যো । এরাই আসল চিনিবাস ।”

বলিলাম—“তার মানে ?”

মাতুল আশ্চর্য হইয়া বলিলেন—“সে কি মশাই, আপনি জানেন না ?—প্রতিভাবান ।”

“ওঃ—জিনিয়াস ।”

মাতুল—“ওই হোলো ।”

পদ্রুশ্চ,—“পরশু অমপ্রাশনের আগে ভোমলাকে আভ্যুদয়িক প্রাঙ্ক করালেন কি না । তিন পদ্রুশ্বের ত’ চাই, কাজেই আমাদেরও ডাক পড়লো । বলে দিলেন,—আপনাদের এখন কিছুই করতে হবে না, চুপ-চাপ্ চোক বজ্জে বসে ভাবুন—যেন স্বর্গে বেড়াচ্ছেন ।”

“বিপদ দেখুন ! ছেলে-ছুলে হয়ে তবু নরকের খোঁজ খবর মিলছে,—স্বর্গের ত’ কোনো idea-ই ( ধারণাই ) নেই । ভারি মদুশকিলে ফেলে দিলে । ভাগ্যি মশাই থিয়েটারে যাওয়াটা রপ্ত ছিল,—কাজে লেগে গেল । অমরাবতীর ছেঁড়া পটখানা চট্ মনে পড়ে গেল । কিন্তু কতক্ষণ তা মনে ধরে মশাই ! তখন নিজের চোখে দেখা স্বর্গে নেবে পড়লুম,—পট ছেড়ে ঘটে । চৌরঙ্গী, বালিগঞ্জ, সারকুলার রোড সেরে, মল্লিক মহল, কাসেল্, বর্ধমান প্যালেস্ ঘুরে বেড়াচ্ছি । শ্রাক্ষের মস্তুর তখন পঞ্চমে চড়ে পাড়া তোলপাড় করছে । পিনু ঠাকুরের pronunciation ( উচ্চারণ ) কি সুস্পষ্ট ! Accent after accent ( গমকের পর গমক ) যেন হাতুড়ি পিটছে,—স্যাংস্কৃটগুলো যেন ইংরেজি হয়ে বেরুচ্ছে ।” ( ওয়াক্ )

বলিলাম—“কই—এ অস্বস্তিটার কারণ ত’ শুনতে পেলুম না মাতুল !”

“এই যে নিন না,—এইবার হাঁ করলেই হয়,” বলিয়া সদর করিলেন ।

“আমি সেই মাত্র প্যালেস্ ( প্রাসাদ ) ছেড়ে ‘পেলোটিতে’ ঢুকেছি—সপ্তম স্বর্গ কিনা,—কি বলেন ? এমন সময় ভোমলা-বেটা বলে কিনা...“ধরুন !”

চেয়ে দেখি, তার হাতে এক থাবা পিণ্ডি ! “ও কি রে” বলতেই পিনু-পদুরোহিত বললেন—“হ্যাঁ—ওটা খেয়ে ফেলুন,—ওঁকেও দেওয়া হচ্ছে । এ আর ক’জনের ভাগ্যে জোটে,—সৌভাগ্যসাপেক্ষ । ছেলেরও জন্ম সার্থক,—হাতে হাতে দিতে পারলে ! বিলম্ব করবেন না । দেখছেন না—পিতামহ, প্রপিতামহ লালায়িত হয়ে বেড়াচ্ছেন !”

“প্রথমটা ভাবাচাচাকা লেগে গেল, প্রাণটাও বিগড়ে গেল ;—এ কি, পেলোটি থেকে একদম পিণ্ডে পতন ! পিনু কিন্তু বাপ্ বলতেও দিলে না—মা বলতেও দিলে না, স্যাংস্কৃট কলেজের এম-এ তায় পি. এইচ-ডি’তে পেঁছলো বলে,—ছাড়বে কেন । উদিকে আবার বেটার-ছেলের হাত ত’ নয়, যেন সেকলে জামবাটী,—পাক্সা তিনপো তুলেছে !”

পিনু বললেন—“আজ ওই খেয়েই থাকতে হয় ।”

পাশেই ছিলেন,—শুনতে পেয়েই পতিপ্রাণা বললেন—‘ভোমলা—আমার থেকেও অর্ধেকটা দে,—আর কিছ্ ত’ খাবেন না !’ মাতৃভক্ত হারামজাদাও কিনা তাই শুনলে !”

“পিনুর কমা-ফুলিস্টপ্ নেই,—তাড়া কি ! বললেন—“শাস্ত্রীয় আহার, খুব শ্রদ্ধার সহিত গ্রহণ করুন,—ইতস্ততঃ করতে নেই । উনির তরেই পদু-কামনা । আজ আপনা-দের জন্ম সার্থক !”

“তা ত’ বদ্বলদম। কিন্তু পেলোটীর প্রেটের গম্ব তখনো মগজ মসগদল্ করে রেখে-  
ছিল,—তার এ কি উপসংহার।”

পশ্চাৎ হতে পল্লী অঙ্গুলির অগ্রভাগ’দে পৃষ্ঠদেশে ইলেকট্রিক্ shock ( বৈদ্যুতিক  
ঠালা ) হেনে, রোষরুদ্ধ কণ্ঠে বললেন—“ও কি ন্যাকামো, অকল্যাণ হবে যে। নাও  
—বেলা হয়েছে—ও আর কত-ক’টি।”

“অকল্যাণ,—তাও ত’ বটে। তখন মরিয়া হয়ে—mine plus তাঁর অর্ধেকটা  
নাবিয়ে দিয়ে মূখ টিপে রইলদম,—ভোমলার-মার পিণ্ডি ভক্ষণটা দেখবার লোভে।  
তিনি খুব নিষ্ঠার সহিত হাত বাড়িয়ে নিয়ে ঘোমটার মধ্যে চালান দিলেন। তাঁর  
তাৎকালিক মূখশ্রীটা দেখতে পেলদম না। বোধহয় ভালই হয়েছে।” ( ওয়াক্  
ওয়াক্ )

“যাক্—আমরা ছুটি পেলদম। কিন্তু ঘরে ঢুকতে তর সইল না। শ্রুত ছিলাম,  
—‘পাপ আর পারা চাপা থাকবে না,’—একটি বাড়লো। দৃ’জনের জোর competi-  
tion-এ (পাল্লায়) নাড়ী টাটিয়ে উঠলো।”

“কাজ সেরে এসে—ঘরের আর আমাদের অবস্থা দেখে ভোমলা ভেবরে গেল।  
পিন্দু ঠাকুর দমবার লোক নন, বললেন—“ইয়াঃ। পাক্টি ঠিক নেবেছিল। শাস্ত্রীয়  
অন্ন দেবতাদের জন্যে ;—একবার পেটে পড়লে আর ক্ষুধা-তৃষ্ণা থাকে না,—তার  
লক্ষণই এই। ওর কণিকা মাত্র তলালেই যথেষ্ট। শোনে নি ;—মহাপদ্রুদ গর্ভে  
এলে—মতের গর্ভধারণীরা উন্মত্ত হয়ে ওঠেন। ধারণ করা বড় কঠিন। এও তাই।  
ভাববেন না—মন্তপ্দ্ত হয়েছে, কিছু থাকবেই। ক্ষুধায় আর হাহা করে বেড়াতে হবে  
না। অমৃত লাভ করলেন,—অমৃতস্য পদ্রু হলেন।”

“এ সব,—দৈব বলবো না ত’ কি মশাই! তারপর দৃ’ এক বোতল লাইম্ যদুস্  
আর ল্যাভেন্ডার লাগলো সামলাতে। বাস,—আর ক্ষুধাও নেই—তৃষ্ণাও নেই,—দৃ’-  
জনে দেব-দেবী বনে বসে আছি। কিন্তু ওই—( ওয়াক্ )—

“কালই কলকেতার রঙনা হাচ্ছি।”

বলিলাম—“কাল ?—কেন ?”

মাতুল কপালে দ্রু তুলিয়া বলিলেন,—“কেন ?—হার ছড়াটা আর বিদেশে যায়  
কেন,—দেশের লোকের গর্ভে দিই গে। তা নাতো কি আর ভোমলার মাকে বাঁচাতে  
পারবো। চি’-চি’ করছে,—পান জর্দার পর্যন্ত অরুচি! আর কি বাঁচবে মশাই—”  
এই বলিয়া একটি দীর্ঘনিঃশ্বাস ত্যাগ করিলেন।

বিলিলাম—“ভাববেন না, সঙ্করই সামলে উঠবেন।”

“তাই বলুন মশাই ; আমার মত অসহায় কেউ নেই, রাগে একলা উঠতে পর্যন্ত পারি না।”

আমি জোর অভয় দিলাম, ও ভাবিতে লাগিলাম—মাতুল সতাই বিচলিত হইয়াছেন, নচেৎ এতবড় সত্য কথাটা সহসা প্রকাশ করিতেন না। বিপদই সত্য বলায়।

মাতুলের কথা কিন্তু খামিল না। তাঁর খাতটাই উচ্ছ্বাসপ্রিয়। বলিয়া চলিলেন—

“হঃ—লোকে হিঁদু-শাস্ত্রের মানে না ; এমন complete work ( চৌকোস্ পুঁথি ) কিন্তু কারুর নেই। হাঁচি টিক্‌টিক্‌ক পর্যন্ত বাদ পড়েনি। এখনকার সব—হেসে উড়িয়ে দেন,—আমাকেও সেই গেরোয় ধরেছিল,—তা না ত’ এমন হবে কেন।—

“আসবার দিন চৌকাট থেকে পা বাড়িয়েছি, আর গেঁটে কি হারামজাদি সেঁটে এমন এক হাব্‌সি-হাঁচি হাঁচলে, দালানের এক চাপড়া বালি ঝড়াস্ করে খসে পড়লো, বাড়ী ‘সুন্ধ’ টিক্‌টিক্‌কগুলো টুপে ডেকে উঠল। বিলিসী বেরালটা ম্যাও ম্যাও শব্দে বেড়া টোপ্‌কে বক্সদের বাগানে পড়ে একটা ঝগড়ার সূত্রপাত করে ফেললে! ভোমলার বাগানে মা আড়ষ্ট হয়ে আমার দিকে সভয়ে চেয়ে বললেন—“কি হারামজাদির আক্কেল-খানা দেখলে! কি বল,—আজ আর বেরিয়ে কাজ নেই।” মনটা দমিয়ে দিলেও, পদ্রুপ-বাচ্চার মত হেসে বললুম—“পাগল নাকি, এখানে ও-সব ‘হামবাগ’ হয়ে গেছে। চল,—দুর্গা বলে বেরিয়ে পড়।” তিনি তখন ঘাড় বেঁকিয়ে ঝর ওপর একটি তক্ষকের কটাক্ষ হেনে, দাঁতে দাঁত চেপে “হারামজাদি,—বাবা ভালয় ভালয় ফিরতে দিন আগে” বলে পা বাড়ালেন ;—দুর্গা নামটা আর বেরুল না। যাক,—এখন হলত’ মশাই। যতক্ষণ ল্যাজে পা পড়ে না, ততক্ষণই “হামবাগ্ !” এখন হারছড়া যে যায়,—বাঁচান না। কই, মিস্টার ‘গুড়াডাডে’রা এগোন্ না !”

জিজ্ঞাসা করিলাম “তিনি আবার কে? তেলেগু নাকি?”

“না মশাই—তেলেগু হবে কেন ; আমাদেরই পাড়ায় সনাতন দাসদের নাতী,—গদরুদাস দাস দে। বিলেত থেকে বাঁউড়ে এসে এখন “গুড়াডাডে” বনেছেন।—”

“তা যা হোক মশাই,—এই শব্দ কাজটিতে খুঁসি আছি। স্যাংস্কুটে এম-এ, ওদের কাছে ত’ চালাকি চলে না,—শাস্ত্রের শব্দে খেয়েছে। এতো আর শিবু পদ্রুত নয় যে—এক মোস্তোয় আউড়ে রাজ্যের লোকের শ্রদ্ধা সারবে। হঃ—মরা মানুষকে সবাই পিঁপড় চড়াতে পারে। এদের কত ব্যঞ্জন কত,—তেমনি moral courage (সংসাহস)।

মশাই! আমাদের অবর্তমানে ও ভোমলা ইস্টুপিড্ কি পিপিড চড়াতো? বাস্—  
এখন পরকাল পাক্সা হয়ে ত' রইলো, (ওয়াক্)। ওর মার কাছে শুনলুম, পাজী  
এখনি নাকি স্বাস্থ্য-ব্যপদেশে শ্বশুরবাড়ী থাকতে চায়! ব্যপদেশে কি গণ্ডদেশে  
সেটা এখনো বাত্লাইনি।” (ওয়াক্)

“তাই বলছিলুম,—সবই তাঁদের পুণ্যে;—দৈব বলবো না ত' কি মশাই! বাংলা  
দেশের যে বরাত, পিন্দু এখন বাঁচলে হয়।—”

“আচ্ছা মশাই,—এত' থাকতেও আমাদের এ দর্দশা কেন? মহা-পদ্মদুষেরা  
কোনো কিছুর ত' কন্মতি রেখে যান নি। (ওয়াক্)

মাতুল আজ ক্রমাগতই পার্শ্ব পরিবর্তন করিতেছিলেন। কোন বিষয়ই তাঁহার  
নিকট ক্ষুদ্র নয়, সকলেই সমান মৰ্যাদা পাইয়া থাকে। শ্রোতা কিস্তু সমজদার হওয়া  
চাই। আমাতে তিনি সে গুণ আবিষ্কার করিয়াছিলেন। প্রশ্ন করিলে কিস্তু বলাই  
চাই; বলিলাম,—“বোধ হয় ঐ-সব বিপুল সম্পত্তির চাপে আমাদের দাবিয়ে দিয়েছে,  
সব দিকেই যেন কাট্‌ছাট্‌ দরকার হয়েছে।”

“ঠিক ঠাউরেছেন মশাই। তাঁরা যা করেছিলেন—সব ‘অজরামরবত্’! প্রাপ্ত  
ছিলেন কিনা। পিঁড়িখানা চাগাতে মজুর ডাকতে হয়,—

“খুনে আসবাব মশাই—খুনে আসবাব। আবার এমন সিঁদুক ছেড়ে গেছেন—  
সে একটি Continent (মহাদেশ)—অবশ্য আরশোলার। দোর বসিয়ে অঁতুর-ঘর  
বানিয়ে নিয়েছি মশাই। কি করি কাজ নেওয়া চাই ত'।—”

এই সময়,—পায় নাগরা, মাথায় পাগড়ী, গায়ে খন্দরের চাদর, নাকে সোনার চশমা,  
হাতে ব্যাগ, বগলে কম্বল, দু'টি যুবক, বাঙ্গলা ভাষায় জিজ্ঞাসা করলেন,—“সামনের  
এই ধর্মশালায় বাঙ্গালীদের থাকতে দেয় মশাই?”

বলিলাম—“তিন দিন স্বচ্ছন্দে থাকতে পারেন।”

আরো দু'চারটি প্রশ্নোত্তর আরম্ভ হওয়ায়, মাতুলের মুখ বন্ধ হইল। তিনি অন্য-  
মনা হইয়া কি ভাবিতে লাগিলেন!

যুবকদ্বয় চলিয়া গেলেন।

মাতুল বলিলেন—“তিন এইবার সামলান। যখন ধর্মশালা ধরলে তখন ধর্মকর্ম

কিছু না করিয়ে ছাড়ছে না। যা ভাল বোঝেন করুন। আমার সখ শুনিয়ে গেছে, বিদায় নিতে এসেছিলুম;—কালই যাচ্ছি। কত অপরাধ হয়ে থাকবে—ক্ষমা করবেন।”

“সে কি,—সত্যি সত্যি আমাদের ফেলে”—

“আপ্তে—তা না ত’ ওঁকে ফেলতে হয়। তা’ ছাড়া শূভাকাঙ্ক্ষী বেই মশাই কখন হুড়মুড় করে সম্মতিক এসে পড়েন বলে। ট্রেনের সাড়া পেলে রেন্ (মস্তিষ্কটা) বোঁ বোঁ করতে থাকে। বাঙ্গালী জাতটি কি মশাই। যেই আমার স্ত্রীর মাথার অসুখ একটু কমেছে,—অমনি তাঁর স্ত্রীর মাথার অসুখ বাড়লো। রোজই বলতেন,—“বেশ জায়গা ত’—বে’নের অত-বড় শিরঃপীড়াটা সেরে গেলো। আর সেখানে তিনি কি কষ্টটাই পাচ্ছেন। তেলে তেলে বাড়ী কলদুর-বাড়ী হয়ে দাঁড়িয়েছে। আজ লক্ষ্মীবিলাস, কাল শচীবিলাস, পরশু কোমুদী, তরশু রঞ্জন, তারপর মন্দার, মকরন্দ, আকন্দ, মকরশুভ্র, মালতী,—কিছুতে মানছে না। যাক, এনেই ফেলি, দ’ বে’নে দিবি থাকবেন। সুবিধে যখন রয়েছে—ইনি একা’টি কেন কষ্ট পান। তখন দেখবে—কেমন ওস্তাদ,—রসগোল্লা, লেডিকেনি, সরপুঁরীয়া, বাদশাভোগ,—বেবাক জানে হে! আর ওই-সব করতেই ভালবাসে। রোজ খাওয়াবে,—ওই তাঁর সখ। তিনি বলে বলে দেবেন—ইনি বানিয়ে ফেলবেন,—চট্ হয়ে যাবে,—এঁর শেখাও হবে।

দেড়মাস নিত্য এই বয়ান শুনিয়ে—রোজ কাঁচা হিসেবে ধরলেও, আমার সাড়ে পঁয়তাল্লিশ কাঁচা রক্ত শুষে,—বাকটুকুর ব্যবস্থা করতে বেরিয়েছেন। কাল ক্লাইভ স্ত্রীটো মা রণচন্ডীর পূজো আছে, ১০৮ পাঠা পড়বে। ভারি ধুম—মা যুদ্ধেশ্বরীকে জাগানো চাই—যাতে আবার যুদ্ধ চাগে। গদুদামে মাল ডাই মেরে গেছে। তার পরই তিনি এখানে রওনা হবেন,—আর তার আগেই শর্মা সরবেন। কি করি,—বাল্য ত’ আর চারগাছা ছিল না মশাই।”

বলিলাম—“তিনি নাও আসতে পারেন ত’?”

মাতুল বলিলেন—“মাপ করবেন,—আপনি জাতটিকে চেনেন নি। আমার পরিবারের শিরঃপীড়া সেরেছে যে। সেটাকে পূর্বাবস্থায় ঠেলে তোলা চাই ত’।”

“এখনো মাসখানেক ছুটি রয়েছে না মাতুল?”

“বলেন কেনো,—গেরো যখন ধরে—আটঘাট বেঁধেই ধরে। এতদিন দূখে সূখে চলিছিলো; পরশু রাতে তামাক সাজতে বসে হঠাৎ মনে পড়ে গেল—আপিসের টোঁবলের দেওয়াল দুটো সাফ করে আসা হয়নি। ছোট সাহেব বেটা বেজায় বিচ্ছ,

—টানলেই চাকরি পর্যন্ত টান ধরাবে।”

“কেনো?”

“আর কেনো! গ্রেটর্যাগার্ড ঐ ভোমলা বেটা মশাই সখ করে দ্দু’ দ্দু’টো গেরোবাজ পদ্বলে—হরিগজ কথা শুনলে না। আর কি রক্ষে আছে,—চাকরি চার-পা তুলে বসে আছে। চণ্ড ত’ জীওনোই রয়েছে! বেটা জন্মাষ্টমীতে এসেছে,—জানটা ও-ই নেবে। ‘হাঁ’ দেখেই শিউরে ছিলুম—দৌড় কি,—এ-কান থেকে ও-কান। তিনটে পানও তাঁর গালে ঢিলে মারে! বরাবর যুগিয়ে এসেছি মশাই।”

“কে সে?”

“আর কে! রাঘব-বোয়ালের brother-in-law ( বড় বাবুদর শ্যালক )—আমার যম! বালাও gone ( গেল ) চাকরিও going ( চুকে যাচ্ছে ), এদিকে পিণ্ডিও eaten ( গেলা হয়েছে )! বাকী যা রইলেন—তা অনাহারেই এসে যাবে!”

“অতো ভাবচেন কেন মাতুল। দেবাজে কি কোনো দরকারী কাগজ ফেলে এসেছেন?”

“তা হলে ত’ বাঁচতুম মশাই। অমন ঢের কাগজ কলকয়ে দি’ছি!—দ্দু’টি দেবাজ ঠাশা টিকে আর তামাক—ফজদ্দার-বালাখানার ব্রাণ্ড বানিয়ে রেখে এসেছি মশাই! কাজের সময় আর পেতুম কতটুকু। বেটাদের উচ্ছন্ন দিতে আর তামাক খেতেই দিন কাবার! তা বেইমানি করবনা মশাই,—তাইতেই বছর বছর পাঁচটাকা করে বেড়ে এসেছে। আর সেই পদুগোই ওদেরও রাজাটা আছে, শেকোড়ও সন্সন্ পাতালে পেঁাছে যাচ্ছে,—মা বাসদুকীর মাথায় ঠ্যাকে বলে। তাও বলি—তিনি একবার মাথা নাড়লেই—হুঁ হুঁ! তবে তন্দিনে আমি আরামসে কাটিয়ে পাড়ি মারবো।—”

—“আর আরামসে। এখন মা মঙ্গলচণ্ডী চোর বেটাদের চোখে ধুলোপড়া দেন—তবেই রক্ষে! এই পঁয়তাল্লিশ চলেছে, এ বয়সে কি আর চাকরি মিলবে মশাই,—কিন্তু পাঁচগাড়া ভোমলা—”

আমি বাধা দিয়া বলিলাম—“ওসব কেন বলচেন মাতুল। আপনি এসেছেন দেড়মাস,—এর মধ্যে—সে টিকে তামাক কে রেখেছে তার প্রমাণ কি! সেগুন্দি ত’ আপনার দস্তখৎ করা জিনিস নয়। মিছে মাথা খারাপ করবেন না।”

মাতুল মুখ’দে হাউইয়ের শব্দে হাওয়া ছেড়ে “উঃ thank god,—বাঁচালেন মশাই!” বলেই পায়ের ধুলো নিলেন। পরে,—“তাইত—কোন ব্যাটা রেখেছে। কেন, আর কেউ রাখতে পারে না নাকি? তিনকড়ি বাবু তামাক খান না? যদ্দু চৌধুরী ত’ গদ্দুকের গুবরেপোকা—কাঁচা খায়। বেটাদের জন্যে কখনো একছিলাম আখণ্ড।



থেতে পাইনা মশাই। আমি হুকো হাতে করলেই—বীরবাহুদের হাত বেড়ে আসে,—  
চোখ সামলানো দায়। বেটারা সবাই থায়—আর নাম করবার বেলায় আমার! বলুক  
না দেখি একবার!”

মাতুল গত দু’রাতে যে সব কল্পিত চার্জে নিজেকে ফেলে ব্যাকুল হ’য়ে পড়েছিলেন  
—এখন—জোরসে counter-charge (উল্টো চাপ) ভেঁজে, খোলসা হয়ে হাঁপ  
ছাড়লেন। এইবার re-action (উজান বাওয়া) সূর্য হল।

“আহা,—কি তামাকই ছিল—যেন মধু। বললে বিশ্বাস করবেন না,—সুগন্ধই  
বা কি,—কানে দিয়ে মজলিস্ মারা যায়। টিকেগুলোও কি তেমনি মিলেছিল,—  
দেশলাই ছোঁয়াতে হয় না—দেখালেই চন্দ্রকলা! একদম চতুর্থীর চাঁদ! পাঁচ ভূতের  
পেটে গেল মশাই,—পাঁচ বেটায় খেলে!”

বলিলাম—তা যাক মাতুল, আপনারো ত’ একটা চিন্তা গেল। এখন হস্তাথানেক  
পরেও যেতে পারেন।”

মাতুল একটু বিমর্ষভাবে বলিলেন—আপনাদের সঙ্গ ছাড়তে বড়ই কষ্ট বোধ  
করিছি; কি করি—আপনাদের কাছে আর গোপন করব কি,—পুঁজিও পনেরোটি টাকায়  
ঠেকেছে। বেই in pair (জোড়ে) এসে পড়লেই—বেহাল! পিন্দু পিঁড়ির পাঞ্জায়  
পাঁচজনের Return Pass (ফিরতি-পাস) আছে”—

বলিলাম—“না মাতুল, আমি এ সুবিধে ছাড়তে বলিনা। তবে আপনাকে পেয়ে  
বড় আনন্দেই কাটাচ্ছি,—তাই”—

দেখি—মাতুলের চক্ষু আর্দ্র হইয়া আসিতেছে। জয়হরিরও বোধহয় পেঁড়ার রাগ  
পড়িয়া গিয়াছে, তারও মনুটা বেদনার আভাস দিতেছে।

মাতুল মৃদুকণ্ঠে বলিলেন—“নানা কারণে এখানে থাকা আর উচিত নয়,—সুখও  
নেই। বিপত্তি ক্রমেই বাড়তে সূর্য হয়েছে। পোস্ট আফিসে যাবার সুখ গেছে; কে  
এক মাগি বঙ্গালী ঝি, দেখলেই পা জড়িয়ে ধরে,—বলে—‘আমার মেয়ের চিঠিখানা  
দিতে বলনা বাবা,—আমি যে গেলুম! পোড়ারমুখোরা আমাকে তা দেবেনা,—  
আমি কি করি গো!’ ইত্যাদি—নিত্য। সে পার্গালিকে ছাড়ানো দায়, পথ বাজার  
বন্দ। এমন পাপ দেখিনি। দেখে কষ্টও হয়—রাগও হয়। আমাদের মাথা হেঁট  
করাতে এখানে মরতে আসে কেন।—

“আবার নম্বর টুও হাজির। এটি সাংঘাতিকও যেমনি, সম্মান-হানিকরও তেমনি।  
আমরা এসেছি—বঙ্গাটের বাইরে শরীরটে সূর্যের নিতে,—একটু ক্ষুধার্তে কাটাতে;

তার ওপর এসব চাল কেন বাবা ! পয়সা নেইতো বাইরে পা বাড়ানোর সখ কেন,—  
গায়ে বসে গড়্‌ড়ক খাওয়া । না হয় ‘বাবা’ ছাড়া । দেখতে ত’ মশাই দিবি ধপধপে,  
নাকটি বাঁশীর মতো, চোখেও চশমা, বেশ পরিষ্কার পরিচ্ছন্ন । দেহটি বটে—মেডিকেল  
কলেজের ছেলেদের,—নরককাল বলে বেড়ে দেওয়া চলে,—অ্যানার্টমির জ্যান্তো মমি  
( mummy ) ।—এক গদ্‌গাগোছের ষণ্ডার পাল্লায় পড়েছিলেন, সে বাসা দিয়েছিল,—  
বাবুর পয়সা নেই । সে কম্বল টম্বল কেড়ে নিয়ে—বটতলায় বসিয়ে দিয়েছে । মাথা  
হেঁট করে কাটখোটার কেটো-সম্ভাষণ শুনতে হচ্ছে । হবেই ত’ ।

—ছি ছি—এরাই তাড়ালে । সে-দিক মাড়াতে পারলুম না মশাই,—ভদ্রলোকের  
মত সাঁ-করে সরে পড়তে হ’ল । পাণ্ডারা আমাদের বাবু বলে নমস্কার করে, দশ বিশ  
টাকা দরকার হলে পাওয়া যায় । আর সে সম্মান থাকবে ? সরে পড়াই সদ্‌যুক্তি মশাই ।  
মনে যদি স্‌খই না রইলো, রাস্তা বদলে বেড়াতেই হল, তবে আর থেকে কোন স্‌খ ।  
পয়সা খরচ করে পালিয়ে বেড়াই কেন ? কি বলেন ? এক বাঁচোয়া—নড়ে চড়ে চাঁদা  
চেয়ে বেড়াবার মত দেখলুম না । তা হ’লেও মনটায় ত’ ময়লা লেগে রইল । বিদেশে  
আমাদের বেইজ্ঞৎ বাড়িয়ে জাতের শত্রুতা সাধা কেন মশাই ।”

আজ মাতুলই আসর লইয়াছিলেন । কথা কহিবার সব ভারটাই তাঁহাকে দেওয়া  
হইয়াছিল । তিনি যে শিবের গীত পর্যন্ত না শুনাইয়া নিরন্ত হইবেন না ও বস্তব্য শেষ  
করিবেন না, এটা তাঁহার শ্রোতাদের জ্ঞানের মধ্যে আসিয়া গিয়াছিল এবং অন্য অনেক  
কিছুও । যেমন,—নিজের দৃঃখের কাহিনী শুনাইতে তিনি অধিতীয় tragedy-র  
Thomas Hardy । আবার তাঁহার মত ফিটফাট লোকও কম দেখা যায় । এই যে  
বান্ধালী ঝি আর বান্ধালী বাবুটির কথার উল্লেখ করিলেন,—তাহারা যে তাঁহার  
কোনখানটায় সত্য সত্য আঘাত করিয়াছে, তাহা স্‌স্পষ্ট করিতে হইলে পাঠকদের  
একটু কষ্ট দিতে হয় ;—

—জনৈক বান্ধালী ভবঘুরের ( globe-trotter ) মূখে শুনিয়াছিলাম—য়ুরোপে  
এ বিষয়ে নাকি ভারি কড়াকড়ি । কাহারো মন খারাপ করিবার অধিকার কাহারো নাই ।  
কারো প্রাণে অশান্তির আঁচ লাগাইলে আর রক্ষা থাকে না, তাহার আইন ও সাজা  
দুই-ই শস্ত । যতটা স্মরণ আছে—তাঁহার কথাতেই বলিব—

“আমি মশাই সে-দিন সারাদিন ঘুরে ক্ষুৎপিপাসায় পীড়িত—তখন একটু জল  
পেলে বাঁচি ;—সন্ধ্যা হতেও বড় বিলম্ব নেই । স্থানটা সহরতলী । দৌখি একাটি  
বৃদ্ধা—আশির কোটায় না পাঁড়লেও—খুব গা ঘেঁসে গেছেন,—গোলাপী রংয়ের

গাউনের কাঁধে নীল রংয়ের cape ( কাঁধঘোমটা ) চাঁড়য়ে, শোন নদীর মত চুলের ওপর রক্ত-রাঙা ( Turkey-red ) টুপি লাগিয়ে, ছোট একটি টেবিলের সামনে—বারাণ্ডায় বেতের চেয়ারে বসেছেন। সেখানে সাবিন্দ্রী-শাঁখার রেওয়াজ নেই—হাতে কিছু দেখলুম না। পল্লীটায় লোক চলাচল কম। বাড়ীর বাইরে কি জানালায় কারুর সাক্ষাৎ নেই। তেঁতায় তখন আমার তিষ্ঠানো দায়। অনেকক্ষণ থেকে ভাবতে ভাবতে আসিছিলুম—কোন বাড়ীতে কোন বর্ষিয়সীকে দেখতে পেলে, সেলাম ঠুকে এক গেলাস জলের আবেদন জানাই;—মাগের জাত—দেবেনই। ঐ বৃদ্ধাটিকে দেখে—ভারি ভরসা পেলুম। পথে হঠাৎ দাঁড়িয়ে পড়তেই তিনি আমার দিকে চাইলেন। চোখের ভাব বোঝবার মত চোখ তাঁর নয় বা ছিল না। আমি কাতর কণ্ঠে জানালুম—‘মা আমি বড় তৃষ্ণাত’, দয়া করে এক গ্লাস জল যদি দেন।’ তিনি তাড়াতাড়ি তড়াক করে উঠে চেয়ারখানা পা’ দে’ ঠেলে দিয়ে দ্রুদ্রুদ্রু করে নেবে গেলেন।’

“আঃ বাঁচলুম,—কি দয়া, তা না ত’ কি এরা এত বড় হয়! সাক্ষাৎ—সেকলে ভগবতী। ভগবানকে ধন্যবাদ। জল এলো বলে।—মিনিট তিনেক পরেই একজন বেশ হাতে-বহরে কনস্টবল এসে,—জলের গেলাসের জন্যে আমার বাগানো উৎসুক হাতটি বেশ কড়া টিপুনি দিয়ে টাইট্ করে ধরলে। বললুম—‘আমি চোর নই,—একটু জল চেয়েছি হে! মেম সাহেব আনতে গেছেন,—এখনি দেখতে পাবে।’ সে-সব কথা কান না দিয়ে চোখ পাকিয়ে সে বললে—‘you are more than a thief’ ( তুমি চোরের বাবা )। রহস্যটা মন্দ নয়,—বেটার মন্দামী এই মাটি হয় ভেবে আমার মূখে একটু হাসিও ফুটলো!—হেনকালে সেই করুণাময়ী বৃদ্ধা-বিবির ঠৈরবী-মূর্তিতে বারাণ্ডায় আবির্ভাব! মেয়ে মানুষের এমন ককর্শ কণ্ঠ কখনও শুনিনি মশাই। হাত পা নেড়ে, কেঁপে, দাঁততে মাড়িতে মিশিয়ে, যা মূখে এল সূরু করে দিলে। সৌভাগ্য এই যে তাদের ভাষা বুঝলুম না, সেটা ইংরিজি নয়। অবাধ হয়ে হাসি মূখে উপভোগ করতে লাগলুম। তার লাফালাফি আর চীৎকারে লোক জমে গেল।—”

—“দুর্নিয়া ঘুরে অনেক দেখলুম মশাই, কিন্তু ভগবানের মত রহস্যপ্রিয় লোক কোথাও মেলেনি! তার পর ডিঙমেরে কুঁদুনীর climax-এ কুঁডালিনী জাগিয়ে কণ্ঠ ছেড়ে কনস্টবলকে যেই সে বলেছে—‘এই blacky-কে ( কেলেকে ) এখুঁনি—’

ঐ ‘এখুঁনি’র সঙ্গে সঙ্গে তখুঁনি—কি একটা ফেনার মত তার মুখ থেকে ঝড়াস করে রাস্তায় এসে পড়লো! কি সর্বনাশ—এ যে মড়ার দাঁত—মাটি ছেড়ে হাজির! লেলিয়ে দিলে নাকি! চেয়ে দেখি—মেমের লাল মুখ চুপসে মনেকা মেয়ে গেছে,—কথা

বেরুচ্ছে না । কনস্টবল সাহেব জমায়েতকে take care please ( মাল সামলাবেন ) বলেই তাড়াতাড়ি আমার হাতে এক হ্যাঁচকা মেয়ে তাঁর হুকুম তামিল করে লম্বা-ছে ধরলেন । ভাবতে ভাবতে চললুম—“একেই কি বলে Tragi-comedy ( মিঠে কড়া ) না Divina ( লীলা ) ।

“যাক,—নমস্কার বাবা সভ্যতার পায়, আর যাঁরা তার তারিফ করে বাঙ্গলায় সে-টার তরজমা করাতে তৎপর—তাদেরও শতকোটি ! আশী ঘেঁসেই এত দয়া,—বিশে বোধহয় স্বহস্তে গো-বেড়েন গাঁটা চালায় । বাপ্—জল চেয়ে জেল ! ভাবলুম—ভালই হল, নাকুর বদলে—রাত কাটাবার একটু স্থান আর একখানা কম্বল মিলতে পারে । কিন্তু অপরাধটা ত’ আক্কেলে আসছে না ।—কনস্টবল সাহেব আমাকে ধানায় নে’গে একজন ভদ্রবেশী যুবক কর্মচারীর কাছে মাল জমা করে, বয়ান বাতলে বেরিয়ে গেল । কর্মচারীটি বয়ান শুনতে শুনতে বার দুই চোখ কপালে তুলে চমকে উঠেছিলেন—সেটা লক্ষ্য করেছিলুম । তাইতে আমার মুখটেপা হাসিটুকু হটে গিছিলো । এইবার তিনি আমার দিকে শূভদৃষ্টি ফেলে সর্বিস্ময়ে আমাকে কিছুক্ষণ দেখে নিলেন । তারপর এক নিঃশ্বাসে তিনটি ভাষায় একই প্রশ্ন করলেন—তুমি য়ুরোপের কোন ভাষা জানো । যখন শুনলেন ইংরাজিতে জানি, তখন নাম, খাম বিষয়কর্ম ( অবশ্য পিতৃপুরুষ বাদ ) বার করে নিয়ে খাতাবান্দি করতে বসলেন । ছোকরার চেহারাটা তারিফের না হলেও তাড়সের নয় । তাই কোঁতুলীর মত জিজ্ঞাসা করলুম—“মাপ্ করবেন, ব্যাপারটা কি ? আমাকে চোরের মত’ ধরে আনা হল, কেন,—আমার অপরাধ ?”

“তিনি সাঁ করে মুখ তুলে আমার দিকে নিম্পলক চেয়ে বললেন—“আশ্চর্য ! তুমি এখনো তোমার অপরাধ বদ্ব্যভিতে পারিনি ! তুমি অসভ্য ইণ্ডিয়ান্ হলেও, তোমরা এখনো যে এতটা backward ( বর্বর ) তা ভাবতে পারিনি । এই যোগ্যতার জোরে তোমরাই না দলবেঁধে self-determination-এর ( কর্তামীর ) দাবী করো !” এই বলে তিনি একটা অবজ্ঞার হাসি হাসলেন । পরে বললেন—“তোমার ( Crime ) অপরাধটি একদম ভয়ংকর বহরের ।”

“Crime !” ( অপরাধ ) ।

“Yes sir ( হাঁ মহাপুরুষ ) । জাননা—কিরূপ আরামের মদুখে, একটি মহিলার মনের উপর তুমি কিরূপ অমানুষিক উৎপাত করে, তাঁর আজকের দিনটাই মাটি করে দিচ্ছে ।”

“আমি ?”

“হাঁ তুমি।”

“আমি ত’ বন্ধুতে পারছি না মশাই।”

“কাল ম্যাজিস্ট্রেটের কাছে তিনি মাস ঘানি ঘোরাবার আদেশ পেলেই বন্ধু হবে।”

আমার ভাগ্যে ত’ মহাশয় কোন মহিলার দর্শনলাভই মেলেনি। একটি বৃদ্ধার কাছে এক গ্লাস তৃষ্ণার-জল চেয়েছিলাম মাত্র।”

“আর অপরাধ বাড়িও না,—তিনিই ত’ মহিলা। ওঁরা respectable ( সম্ভ্রান্ত ), —ওঁর ছেলের মত’ রুটি ত’য়ের করতে আসপাশের পাঁচখানা পল্লীতে কেউ পারে না। তার খোশনাম কত! Duke ( তালুকদার ) তার রুটী খান। এখানকার রুটী আর পিটে প্রদর্শনীতে তার তখ্‌মা ( মেডেল ) মেলবার ষোলআনা সম্ভাবনা।”

“তা রুটীওয়ালার মা এতো চটলেন কেন মশাই?”

“তিনি প্রসাধনাস্ত্রে আরাম-চা খাবেন বলে, আধঘণ্টা ধরে মনের মত সরঞ্জাম সাজিয়ে খুব সম্ভব একটি love song ( প্রণয়-সঙ্গীত ) গদ্য গদ্য করতে করতে, কিরূপ উৎফুল্ল মনে—কত সাধের বৈকালিক চায়ে চুমুক দেবেন, সেই সময় কিনা ব্যাঘাতের বোরাড়া মূর্তির মতো এক গেলাস জল চেয়ে—তুমি তাঁর অঙ্গ জল করে দিলে, তিনি চমকে গেলেন! Milton ( কবি মিলটন ) এই রকম কোন একটি অবস্থা লক্ষ্য করেই বোধহয় তাঁর Paradise Lost ( স্বর্গচ্যুতি ) লিখে থাকবেন। তুমিও একটি মহিলার উৎফুল্ল চিত্তের সামনে সহসা ফাঁসিকাঠের মত উদ্ভব হয়ে তাঁকে স্বর্গচ্যুত করেছে। তিনি ত’ বালিকা নন”—

“তা স্বীকার করছি মশাই, তিনি বারো তেরটি বালিকার যোগসমিষ্ট হবেন।”

—“সাবধান হয়ে কথা ক’রো। ওরূপ অবস্থায়, তোমাদের শনির দৃষ্টিতে একজনের মানস স্বর্গ যে সহসা কতটা শ্রীভ্রষ্ট হয়ে যায়, তা তোমার idea ( ধারণাই ) নেই। তুমি কি জাননা,—বড় লোকদের সামনে দীনদুঃখী কি ভিক্ষুক উপস্থিত হলে, তাঁদের সমস্ত স্বেচ্ছাশক্তি মদুহর্তে মদুড়ে মাটি হয়ে যায়। তাঁদের মনোরাজ্যের আশাবিপ্লব শোভা-সৌন্দর্য তোমার মত cad-এর ( হা-ঘোরের ) বদ্‌চেহারা দেখলেই বিগড়ে বোরাড়া মেয়ে যায়। Comfort ( আরামের ) জন্য তাঁদের বিপদে ব্যস্ততা বৃদ্ধি হয়ে যায়। এই লজ্জাকর কুদৃশ্যটা তাঁদের আভিজাত্যকে আঘাত করে, মনে ঘৃণার উদ্রেক করে। তা হলে স্বেচ্ছাশক্তির জন্য এতটা ব্যয়ের সার্থকতা রইলো কোথায়! তাই কারুর মনের স্বেচ্ছা মাটি করবার,—আগেই আঘাত দেবার অধিকার

‘কারো নাই,—বদ্বলে। তুমি এই ভয়ঙ্কর অপরাধটি করেছ। কাল তার বহর বদ্বতে পারবে।—

—“তবে,—তোমার বাঁচোয়ার দু’টি পথ আছে। প্রথম নম্বর,—নিজেকে পাগল প্রমাণ করে পাগলা গারদে যাওয়া। দ্বিতীয়,—তুমি অসভ্য ইন্ডিয়ান,—ভাগ্যগুণে বিশ্বের Blue-book-এ (দাগী-খতে) বর্বর শ্রেণীভুক্ত। এটিও তোমাকে সাহায্য করতে পারে।”

“ধন্যবাদ দিতেই হল। যাক,—আমাকে কিন্তু তিন দিনের বেশী গারদে থাকতে হয়নি। Blackey-এর (কেলোর) সঙ্গে সভ্য দেশের শ্রীমানদের চোরও থাকতে চাইলে না,—নরহত্যাও নারাজ। আমার তরে নতুন ব্যবস্থার সুবিধে হ’ল না। চব্বিশ ঘণ্টার মধ্যে চৌহদ্দি ছেড়ে চলে যেতে হুকুম হল।—তথাস্তু।”

ভবঘুরে ভদ্রলোকটির কথা আমি অবাক হইয়া শুনিয়াছিলাম, কিন্তু সবটা বিশ্বাস করি নাই। তবে তাঁহার কাহিনীর শেষাংশে পদলিখ কর্মচারিটি তাঁহার অপরাধ সম্বন্ধে যে সুন্দর ও সুস্পষ্ট কারণগুলি শুনাইয়াছিলেন, তাহার মধ্যে বেশ গুস্তাদী-রসিকতা প্রচ্ছন্ন থাকিলেও আমাদের মাতুলের mentality-র (মনোভাবের) মালমশলা তাহাতে প্রচুর পরিমাণে বর্তমান বলিয়াই,—তাঁহার কথাগুলি যথাযথ ভাবে পুনরাবৃত্তি করিলাম। মাতুল মধ্যবিত্ত লোক হইলেও (অবশ্য পূর্ব অভিজ্ঞাতের আঁচ থাকিতে পারে) বিদেশে জাতীয় সম্মান রক্ষার মেজাজটা তাঁর খুব সজাগ। সেটা জাতের জন্য, কি আত্মতৃপ্তির জন্য—বোঝা কঠিন। যাহা হউক,—সেই লজ্জাটা তাঁহাকে তাহাদের উপর অক্ষম রোষে অতিষ্ঠ করিয়া তুলিত,—তিনি সহিতে পারিতেন না। অর্থাৎ—বেশ ক্ষুণ্ণচিত্তে, মানুষ্যের মত বেশে শিস্ দিয়ে বেড়াবার—তারাই যেন অন্তরায়।

তাঁহার কথার উত্তরে বলিলাম—“মাতুল আপনি ঠিক কথাই বলেছেন। ঘর নয়, বাড়ী নয়, বিদেশে পড়ে পড়ে বেইজ্ঞ হওয়া কেন। আপনি রওনা হলে—আমাদের আর এখানে রইতে সত্যি মন সরবে না। বড় জোর আর এক হপ্তা—”

হঠাৎ জয়হরির আওয়াজ পাইলাম, সে বলিতেছে—“হ্যাঁ আর নয়।”

তাহার মদ্য খেতলাই বদ্বিলিলাম—মাতুল চলিলেন শুনিনা সে কতকটা ব্যথা বোধ করিতেছে। সে মাতুলকে বলল—“আমার দ্বারা যদি কোন সাহায্য হয়, বলতে একটুও সঙ্কোচ রাখবেন না,—বাস্তবলী বলে আমাকে “বাবুর” কোটায় ফেলবেন না,—মোটমোট ত’ আছে—”

মাতুল গাঢ়স্বরে বলিলেন,—“আমার বহু সৌভাগ্যে আপনাদের মত মানুষের সঙ্গ সখ পেয়েছিলাম। আমার অসচ্ছল জীবনে এই ক’টা দিনই সুখের হয়ে রইলো। যাই, ভেতরে একবার দেখা করে আসি।”

মাতুল যেন নিজস্বের মত চলিলেন। মনটা সতাই অবসাদগ্রস্ত হইয়া গেল। জয়হরী নীরবে উঠিয়া উদাসভাবে বাহিরের রকটায় গিয়া দাঁড়াইল। আমি অনামনস্ক একটা সিগারেট ভস্ম করিয়া ফেলিলাম। অভ্যাস।

মাতুল মিনিট পনেরো পরে—পান চিবাইতে চিবাইতে আসিয়া বলিলেন,—কিছু না থাইয়ে ছাড়লেন না। আবার চারটে রসগোল্লা, দু’টো কমলালেবু খেতে হ’ল। মাধুরীও রুমালখানা ল্যাভেণ্ডারে ভিজিয়ে দিলে। এই সব ছেড়ে যেতে হবে। বাড়ীতে কেউ ডেকে একগাল মুড়িও দেবে না,—আর ল্যাভেণ্ডার—সেই নেউকী-পুকুরের পানা পচা জল।” একটা দীর্ঘনিঃশ্বাস পড়িল।

বলিলাম—“তবু দেশ—মাতুল।”

“আজ্ঞে তা বটে, যদি জ্ঞাতিরা দয়া করে না থাকতেন।”

আবার branch line (ফঁকাকড়া) বাহির হইবার উপক্রম দেখিয়া বলিলাম,—“আমার একটা কথা স্মরণ রাখবেন মাতুল। পূর্বপুরুষের পুণ্যে—ঐ যা লাভটা করেছেন, ও-কথাটি দেশে কা’কেও বলবেন না, বাড়ীর লোককেও না। ও’কেও নিষেধ করে দেবেন।”

“বুঝেছি,—হিংসে,—ঠিক ধরেছেন,—পায়ের ধুলো দিন। ঐ যে জ্ঞাতীর কথা বলছিলাম না, বাপ—বাঘ ভাঙুক ঢের ভালো মশাই। একদম “উদয়কাল”—উদয় থেকেই ছোবল সুরু করেন। শুনলে কি আর রক্ষে আছে, ঘর ঘর পাল্লা মেরে পিঁণ্ডি খাবে। পিঁণ্ডির পোষোড়া পড়ে যাবে। আমি পিঁণ্ডি খেয়েছি, তা সইবে।”

তাড়াতাড়ি বলিলাম—“সে ত’ বটেই, তাছাড়া—গোপন কথাটা হচ্ছে,—এ সব ভাগ্যলব্ধ পুণ্যকর্ম—দৈবাধীন। প্রকাশ করলে কেবল যে নিষ্ফল হয়ে যায় তাই নয়, অধিকন্তু প্রতাবায় আছে। এ শাস্ত্রীয় অনিশ্চয়্যতাটুকু অমান্য করবেন না।”

“বাপু—আর বলি। কিন্তু ও’কে বঁচাতে হবে ত’। স্বে-ভাব নিয়েছেন সে ত’ অভাবেরই আয়োজন। ডাক্তারকে ত’ বলা চাই।”

বলিলাম—“তীর্থে ক্রিয়াদি উপলক্ষে “চন্দ্র” খেতে হতোছিল,—তার পরই সুরু।”

“বঁচালেন মশাই,—বাস্। দর্ভাঙ্গা আমি, তাই আপনাদের ছেড়ে যেতে হচ্ছে।”

এ সব উপদেশ কে ছাড়তো ! সব বেটা গেঁটে পাপী—ঘাঁটিতে ঘাঁটিতে বসে গড়্‌দুক  
৬ মারছে । কি করি শিরে সংক্রান্তি,—বেই যোড়ে আসছেন ! তা না ত’—”

“না না,—ও সব আর ভাববেন না ! যা মনস্থ করেছেন তার ব্যবস্থা করুন গে ;  
—সমর নষ্ট করে কাজ নেই, আবার ত’ দেখা হবে ।”

“কতরি সঙ্গে দেখা হল না ;—আপনি একটু বলে দেবেন ।” বলিয়া পদধূলি  
গ্রহণান্তর মাতুল ধীরে ধীরে বিষন্ন মুখে বাহির হইয়া গিয়া জয়হরির হাত ধরিয়া দ্ব’এক  
কথার বেশী বলিতে পারিলেন না । জয়হরি কোন কথাই কহিতে পারিল না,—মাথা  
নীচু করিয়া রহিল ।

ঘরে ঢুকিলে দেখি,—সে যেন তার সমস্ত উৎসাহ হারাইয়া ফেলিয়াছে ।

## ৪৮

স্বভাব-সরল সদা প্রফুল্ল জয়হরির বিষন্ন ভাব আমি আদৌ সহিতে পারিতাম না,—  
আমাকে বড় বাজিত । স্বস্তি থাকিত না—মনে মনে চঞ্চল হইয়া উঠিতাম । তাহার  
মনটাকে অন্যদিকে মোড় ফিরাইবার জন্য বলিলাম—

“জয়হরি,—আমার একটা কাজ করবে,—আমি আজ আর বেরুতে পারিছ না ।”

সে সচকিত হইয়া বলিল—“বলুন না, আমি ত’ কাজই খুঁজিছি । মামা  
চললেন—”

আমি আর ও-প্রসঙ্গ বাড়িতে না দিয়া বলিলাম—“সে ত’ জানা কথা জয়হরি,—  
আমরা কেহই ত’ এখানে থাকতে আসিনি । আমরাও ত’ যাব । কাচ্চা-বাচ্চাওলা  
গৃহস্থলোক বাড়ী ছেড়ে কতদিন থাকতে পারে ।”

“তা বটে,—সেটা ঠিকও নয় । তবে এক সঙ্গে—যাক,—কষ্ট হয়ই । হ্যাঁ—কি  
করতে হবে বলুন,—এই ত’ সব পউনে ন’টা ।”

বলিলাম—“আমাকে একখানি—তোমার পচন্দ মতো, খুব ভালো—দেশী  
কালাপেড়ে ধুতি এনে দিতে হবে । ধোয়া দশহাতি । তোমার মনের মতো হওয়া  
চাই কিন্তু । ১১ হাত x ৪৮” পৈলে—তাই নিও ।”

জয়হরি উৎফুল্ল উৎসাহে বলিল—“ওঃ—বদ্বোঁছ, মাতুলের জন্যে । আপনি দেখে  
নেবেন—কি রকম কাপড় আমি । আমি নিজে কুঁচিয়ে দেব ।”



“তা দিও, তোমার মনের মত হলেই—আমার পচন্দ হবে।” এই বলিয়া দশ টাকার একখানি নোট তার হাতে দিলাম। সে আগ্রহের সহিত লইয়া—আনন্দে বাহির হইয়া গেল।

জয়হরির ধাতে বাবুর গন্ধ না থাকিলেও আমি বরাবরই দুইটি বস্ত্রুতে তাহার সখ ও যত্ন লক্ষ্য করিতাম। তাহার দিশি কালাপেড়ে কাপড়খানি নিমন্ত্রণাদি রক্ষাক্ষেত্রে বাহির হইত। ব্যবহারান্তে ময়লা না হইলেও, বেশী পয়সা দিয়া সেখানি কাচাইয়া ও স্বয়ং কৌচাইয়া, ভবিষ্যৎ ভোজের জন্য প্রস্তুত রাখিত। আর তাহার নামাঙ্কিত শীল-আংটী। সেটি সে অর্ডার দিয়া কলিকাতা হইতে তৈয়ার করাইয়া আনায়। তাহার ধারণা—অন্যত্র তেমন হাই-পালিস্ সম্ভবই নয়। আংটীটি বরাবরই **velvet lined case**-এ (মখমল্ বসানো বাক্সে) নিষ্কিয় অবস্থায় থাকিত। এখানে আসা অবধি তাহার আলোক দর্শন ঘটিয়াছে,—আঙুলে উঠিয়াছে। মধ্যে মধ্যে তাহার উপর খড়্‌-পালিসও চলিতেছে।

বীমা-দুর্যোগে তার সেই সখের কালাপেড়খানির দৃশ্য ঘটায়, সেই ক্ষতিপূরণের জন্যই তাহাকে কাপড় কিনিতে পাঠানো।

জয়হরি চলিয়া যাইবার পর কত কি কথা—এলো-মেলো অগ্রাধিত-ভাবে মনটাকে ভাগাভাগি আরম্ভ করিয়া দিল। কোনটাই ধরা দেয় না ;—“এলুম” বলিয়া আসে, —“দাঁড়াও” বলিলেই সরিয়া যায়।

ফল কথা,—এখানে আর বসিয়া থাকা কেন,—কোন কাজে? আবার, যেখানে যাইব—যাওয়া ছাড়া সেখানেই বা কোন কাজটা আমার প্রতীক্ষায় আছে! কোন ক্ষতিটা বা কাহার ক্ষতিটা নিবারণ হইবে।

বৈরাগ্য নয়,—এ এক অশুভ অবস্থা। কোথাও একটা বড় রকমের টান নাই,—কোনটাতেই জোর পড়ে না। জগতে—পাওয়ার দাবী ফুরাইলে, শৃঙ্খলার দাবীটা বোধহয় বিড়ম্বনা।

যাক,—উঠিয়া পড়িলাম। একটু নড়াচড়া না করিলে—এ জড়তাও নড়িবে না। শরীর বা মন কোনটাই দূরে যাইবার মত ছিল না! ইন্সকুলটি নিকটেই—কম্পাউন্ড, বড়। এক কোণে বৃদ্ধ-বটবৃদ্ধ কয়টি—প্রস্তরাসন ও ছায়া দুই-ই পাতিয়া রাখিয়াছে। এক-পাক ঘুরিতেই—সেইখানেই যেন ডাক পড়িল,—আমি আসন লইলাম। একদিন এই বটকুঞ্জের উদ্দেশে নমস্কার করিয়া—মাতুলকে দেবতার ভয় দেখানো হইয়াছিল। অন্ধকার রাত হইলে আমাকেও আজ দূর হইতেই নমস্কার করিতে হইত।

সম্মুখেই রাজপথ,—রাজ-রজ-রঞ্জিত যাত্রীর কোলাহল ;—নিকটেই বালকদের বাণী-ভবন—কল্লোল-কুঞ্জ । তবুও স্থানটি বেশ নিভৃত আর নির্জন,—বড় আরাম বোধ করিলাম । ভাবিলাম সর্ব-বন্ধন-শূন্য দ্রষ্টার মত বসিয়া থাকি । কিন্তু জো কি ! গত রাত্রের স্বপ্ন-বিভীষিকা,—জাগরণ,—জয়হরি-হরণ, এই গ্রাহস্পর্শে বাতিক বৃদ্ধি ত' ঘটাইয়াই ছিল,—সহসা মনে পড়িল—ফিরিবার দিন নিকট হইয়া আসিল,—কই স্থানটা সম্বন্ধে মনে যে সমস্যাটা উঠেছিল—এর কতটাই বা বৈদ্যনাথ আর কত খানিই বা দেওঘর,—তাহা ত' মিটে নাই—অপূর্ণই রহিয়াছে । কেহ জিজ্ঞাসা করিলে কি বলিব ?

এ সম্বন্ধে যে আমার চিন্তা ছিল না তাহা নয় ; যেহেতু—নিষ্কর্মা বাজে লোকেও বাঁচে, এবং বাঁচিতে হইলে—মাথাটা বাধ দিয়া বাঁচা চলে না । চিন্তা আসিত ;—স্থানাভাব দেখিয়া সরিয়া যাইত ।

বিদ্যালয়ের বার্ডিন্ড্র ( গম্ভীর ) মধ্যে থাকায়,—স্থান-মাহাত্ম্যেই হউক বা যে- কারণেই হউক,—ছাত্রাবস্থার একটা স্মৃতি সহসা উদয় হইল । সে-বৎসর এন্ট্রেন্স দিব, —পরীক্ষা আসন্ন,—গণিতের একটা জটিল অঙ্ক—নানা পন্থা অবলম্বনে কিসিয়াও ঠিক উত্তর পাইতেছি না । দূর কর—বলিয়া হতাশ হইয়া হলের ( hall-এর ) পাশ দিয়া যাইবার সময় দেখি—ফোর্থ-ইয়ারের ( 4th year-এর ) একটি দাঁড়িগোঁফধারী চেয়ারজোড়া শুল্কায় ছাত্র, টেবিলের উপর Political Economy এবং তদুপরি মাথা রাখিয়া নাসিকাধ্বনি করিতেছেন । তাঁহাকে সকলেই চিনিত, কারণ তিনি ন্যাক knowledge ( জ্ঞান ) অর্জনের জন্য ক্লাসে তিন বৎসর করিয়া কাটাইয়া আসিয়াছেন, এবং ফোর্থ-ইয়ারেও এইটা তাঁর তৃতীয় বৎসর ! বহু আয়াসে এই নিয়মটি রক্ষা করিয়া চলিয়াছেন । প্রফেসর পীরি সাহেব তাঁহাকে wide ( wise ) man ( দিগ্‌গজ ) বলিতেন ।—

এ-হেন পাকা লোক পাইয়া আমি তাড়াতাড়ি সম্বন্ধে “হলে” ঢুকিলাম । কোন প্রফেসর ভাবিয়া তিনি সচকিত ভাবে মাথা তুলিলেন । তিনি যেমন মাংসল, তাহার মেজাজটিও তেমন মোলায়েম ছিল । তাঁহাকে আমার অবস্থা জানাইয়া—অশ্রুটি একবার কিসিয়া দেখাইয়া দিবার প্রার্থনা জানাইলাম । তিনি অশ্রুটি দেখিয়া মৃদুহাস্যে বলিলেন—“এটা পারো নি । খুব সোজা যে হে—তখন এক মিনিটও লাগতো না ;—দেখি” বলিয়া—আমার খাতা আর পেন্সিল্‌টি লইয়া—লাগিয়া গেলেন ।

—দুর্ভাগ্যক্রমে আমার খাতায়—পাঁচখানি পৃষ্ঠা মাত্র ব্যবহার্য হিসাবে বাকি

ছিল। তাহা খতম করিয়া বলিলেন,—“কাগজ কই?—আচ্ছা থাক। কেনই বা এত’ গোলমালে যাওয়া,—এক্স (X) লাগালে এতক্ষণ কবে হয়ে যেতো। তুমি এক কাজ কর—একটা এক্স (X) লাগিও,—বাস্, আর কিছ্ করতে হবে না, আপুসে বেরিয়ে আসবে। কথাটা—বুঝেছে কি না—সর্বদা মনে রেখো difficulty (মুশকিল) দেখলেই—এক্স (X) লাগাবে বুঝলে?” বলিতে বলিতে বেশ সপ্রতিভ ভাবে সটান চলিয়া গেলেন। যাক—

এই সঙ্কট সময়ে তাঁহার সেই উপদেশটি ইষ্টাৎ যেন দেহ পরিগ্রহ করিয়া দেখা দিল। মনটা বল পাইল।

এক্সের শক্তির কথা যাহাতক মনে পড়া, সঙ্গে সঙ্গেই—এই ইস্কুলের সহিত একদিন যাহার ঘনিষ্ঠ সম্বন্ধ ছিল সেই—শ্রদ্ধেয় রাজনারায়ণ বসু মহাশয়ের—“সেকাল আর একাল,” যেন পাতা উলটাইতে উলটাইতে সম্মুখে আসিয়া হাজির! তখন বসুদর মিঞা লিখিতে হইলে—“ক্স” না দিয়া এক্স লিখিয়া তাহাতে উকার যোগ করা হইত—যথা—বXর! কি সোজা ব্যবস্থা।

মনে পড়িল—ক্রিস্চানেরা—উপাসনায় বা সঙ্কটে—হাত দু’টি বন্ধে এক্সের আকারে স্থাপন করেন। ওইটি তাঁহাদের বিশুদ্ধ স্মরণ ও বিপদবারণ মন্ত্র।—ধরম ও চরম ক্ষেত্রে ওই এক্সই নিরুপায়ের উপায়,—মুশকিলাসান।

এই সব প্রমাণ থাকায় বদ্বিলাম এক্সের মত অমন ইংরাজি “মধুসুদন” আর দ্বিতীয় নাই। Victoria Cross-এর প্রভাব সকলেই জানেন। আর X’mas ত’ ঠাকুরদের কথা—বার দিন ছুটি।

তাই—পাঠ্যজীবনের সেই পাক্সা wide man-এর (বিদ্যা-দিগ্‌গজের) কথাই শিরোধার্য করিয়া স্থির করিলাম,—সময় মত’ একটা এক্স (X) লাগাইয়া কার্যোদ্ধার করিয়া লইব।

যাক, দৃশ্চিন্তা গেল,—নিশ্চিন্ত হইয়া বাসায় ফিরিলাম।

ফলকথা ও-গবেষণায় আর গা ছিলনা—জয়হরিকে লইয়া ফিরিতে পারিলেই বাঁচি।

বাসায় উপস্থিত হইয়া দেখি,—কর্তা বাহিরের রোয়াকে দাঁড়াইয়া বাণেশ্বরের সহিত কথা কহিতেছেন। আমি তাঁহার সামনে দিয়া বৈঠকে গিয়া ঢুকিলাম।

বাণেশ্বর বলিতেছে—“মাটির মানুষ ছিলেন”—

কর্তা—“এই না বললি—রসগোল্লা খেয়ে গেলেন। তুই বেটা আমাকে জানানোর পেয়েছিস, যা বলবি তাই বিশ্বাস করতে হবে। মাটির মানুষে রসগোল্লা খায় রে হারামজাদা?”

বাণেশ্বর—“না হুজুর—সত্যিই বড় ভাল লোক—”

কর্তা—“কিসে ভাল লোক?”

বাণেশ্বর—“আজ্ঞে—কথাবার্তা কেমন মিষ্ট।”

কর্তা—“বটে। আর আমাদের পকেটটা কেবল মিষ্ট! যে যার খায়—তার কথা কি কারুর ভাল লাগে রে বেইমান!”

সত্বর বাহির হইয়া জিজ্ঞাসা করিলাম—“মান আহিক সারা হয়ে গেছে নাকি?”

“এই যে! কখন এলেন? ঘরেই ছিলেন বন্ধু?”

“আপনার সামনে’দেই ত’ এলুম”।

“কই আমি ত’ দেখতে পাইনি! এ বেটার জন্যে কি কিছু দেখবার শোনবার জো আছে! বেরো বেটা—আবার কে আসবে দেখতে পাব না।”

অবস্থা সন্নিবিধার নয় দেখিয়া, মানের ব্যবস্থা করিতে বলিয়া বাণেশ্বরকে সরাইয়া দিলাম।

এইবার কর্তার চমক ভাঙিল,—আমাকে যেন এই দেখিলেন।

বলিলেন—“হ্যাঁ,—শুনছি নাকি যাবার চক্রান্ত চলাছে? ওটার কথা ছেড়ে দিন, (অর্থাৎ মাতুলের কথা,—মাতুল ছিলেন কর্তার কি-এক সম্পর্কের শ্যালক)—পরিবারের মাতার অসুখ বলে দেড়মাসে এক ক্যানেন্সার যা শুষেছে,—পরিবার দেড় পো পেয়ে থাকেন ত’ চের। রাবড়ী কিনে রাস্তায় সাবাড় করে বাড়ী ঢোকে। ও কেবল নিজের পেট আর পোষাক বোঝে। পরিবারের মাথা ঘুরেছে কি অমনি,—ওই ঘুরিয়েছে। ওর যাওয়াই ভাল। তা বলে আপনাদেরও খেয়াল আসছে কেন! এই এইটাই ত’ এখানে ভাল সময়। না—না—না, ও সব মতলব করবেন না।”

বলিলাম—“জয়হরিকে এখানে রাখতে আর সাহস পাচ্ছি না,—বড় হালকা বুদ্ধি, কোন দিন কি—”

তিনি সহাস্যে বলিলেন—“ওঃ—বুদ্ধির কথা বলছেন? সকলে আমাকে ভারি বুদ্ধিমান বলতো। ভারি-বুদ্ধি নিয়ে জারির কাজটা কি করা হয়েছে। বুদ্ধিমান—বিবাহ করে? সেটি আমি করোঁছি। বুদ্ধিমান—ভেজাল বাড়ায়? সেটি আমি

বাড়িয়েছি,—এক ছিলুম—এগারো হয়েছি। বহু হওয়াটা ভগবানেরই পোষায়। বুদ্ধিমানের—গীতা পড়ে,—ঘাতে বলে—সেরেফ খেটে যাও,—পরসার পিস্তল রেখো না? আমি তা পড়ি।”

“কেন পড়েন?”

“পড়ি কি সাথে,—ওর মাহাত্ম্যে যে মেরে রেখেছে মশাই। নিত্য পড়লে আর গীতা দান করলে নাকি,—দানও যে করিনি তা নয়; যদিও তাঁর বাঁধাতে বার আনা লাগবে,—ভাষ্য্য প্রিয়বাদিনী হন। তা এই সতেরো বছর ত’ পড়ছি, কিন্তু যাক্—বুদ্ধির কথা আর বলবেন না,—বড় ঠকোঁছি। এখনো একটু কমে ত’ বাঁচি।”

বলিলাম—“অন্ততঃ—ছেলে মেয়েদের।”

“আঃ—সেইটে আশীর্বাদ করুন। এর ওপর কি আর কথা আছে! আপনি দেখাছি অস্তব্র্হামী। আপনারা থাকায় বেশ আছি, বাড়ীতে সব—আরো বেশ আছেন, যাবার কথা আর নয়। ভাল কথা জয়হরী বাবুকে যে দেখতে পাচ্ছি না বড়।”

“এই নিকটেই গেছেন।”

তিনি চম্পল হইয়া বলিলেন—“বলেন কি। সবার চেয়ে নিকট যে ইন্স্টেশন। যদি খালি গাড়ী দেখে উঠে বসতে সখ্ হয়,—তার পর—ছাড়লেই ত’ লাফ”—

হাসিতে গিয়া প্রাণটা শিহরিয়া উঠিল,—কথাটা আদৌ অসম্ভব নয়।

তিনি চম্পল ভাবে—“এই বাণীকুঞ্জ—ওরে বাণীকুঞ্জ” হাঁকিতে হাঁকিতে অন্দের দিকে ছুটিলেন। আমিও শিরশ্চ-রক্ত অবস্থায় পরিত্যক্ত রূপারখানা লইতে বৈঠকের মধ্যে ঢুকিলাম।—সতাই ত’, বাজার ত’ দূর নহে,—সে গিয়াছে নয়টার পূর্বে—এখন এগারোটা অতীত।

অন্দের হইতে কতর আওয়াজ পাইলাম—“এই যে জয়হরীবাবু—এখানে এ-কি হচ্ছে!”

“এই সাবুটো মা’কে দিয়ে ত’য়ের করিয়ে নিচ্ছি।”

“বেলা হয়েছে—ক্ষিদে পাবারই কথা।—”

আর শোনা গেল না। একটা আরামের নিঃশ্বাস পড়িল। কিন্তু শয়্যাগত অজ্ঞান অবস্থার পূর্বে জয়হরী সাবু খাইবে,—এরূপ একটা অসম্ভব কথা—মানুষের মাথা খারাপ না হইলে সেখানে ঘেসিতেই পারে না। দুর্মতিতে—এ সুমতি দিল কে? বিশেষ বাড়াবাড়ি সদূর হয় নাই ত’? কাপড় কিনতে গিয়াছিল,—কাপড়ই বা কই! ঘরটা ভাল করিয়া দেখিলাম। কই—কাপড় কোথায়!

বাণেশ্বর ম্লানের সরঞ্জাম লইয়া আসিল। জিজ্ঞাসা করিলাম—“জয়হরিবাবু সাবু খাচ্ছেন কেন র্যা,—কেমন আছেন?”

“তিনি ত’ ভালই আছেন বাবু,—তিনি সাবু খাবেন কেন? ও আর-কার তরে ত’য়ের করিলে নে-গেলেন।”

“সে আবার কি। তাঁর নিজের নাওয়া-খাওয়া নেই?”

বাণেশ্বর বলিল—“বলে গেলেন—তাঁর একটু দেবী হবে,—আপনারা খেয়ে নেবেন। তিনি মা’দের সঙ্গে খাবেন।”

কথাটা য় আশ্চর্য বা বিস্মিত হইবার কিছুই নাই। জয়হরির মধ্যে এমন কিছু আছে—বাহার সহজ শক্তি দ’ এক দিনের পরিচয়েই স্ত্রীলোকদের অবগদুঠন মদুস্ত করিয়া সঙ্কোচদুনা করিয়া লয়। তাঁহারা তাহার চরিদিনের পরমাত্মীয়া হইয়া যান,—এবং তাহাকে পাইলে একটা স্বতঃস্ফুর্ত স্নেহ ও আনন্দ অনুভব করেন,—কেহ তাহার মা, কেহ মাসীমা, কেহ দিদি—কেহ ভগ্নী হইতে বাধ্য। আবার একদুগুের মধ্যে বালক-বালিকাদের কাছে সে সমবয়স্ক খেলার-সাথী বনিয়া যায়। পরিচিত স্ত্রীলোকদের ও বালকের নিকট সে শিশু ভিন্ন আর কিছুই নহে,—ছেলেধরায় তাহাকে ধরিয়া লইয়া যাইতে পারে।

তাই মেয়েদের সঙ্গে খাবে শুনিয়া আমি আদৌ আশ্চর্য হই নাই। কিন্তু—এ আবার কি। সাবু তাহার জন্য,—সে গেল কোথায়,—আমার সঙ্গে দেখা করিল না কেন? আবার কি কিছু ঘটাইল নাকি।

ভাল জল-হাওয়া ত’ সকলেই খৌজেন, গ্রহেরাও ত’ সকলের বাহিরে নহেন,—তাঁহাদেরও এখানে গতিবিধি—ভবন নিকেতন থাকা সম্ভব। কত’ বলিলেন—এখানে এই সময়টাই ভাল সময়,—এখন যাবার নাম করবেন না। না,—সে হতেই পারে না।

\*

\*

\*

\*

আহারটা আজ যেন কত’ব্য সমাধা করিবার অস্বস্তি লইয়া আরম্ভ হইল। কত’র মদুখে যেন অস্বাচ্ছন্দ্য মাথানো। তিনি চটিবার একটা অবলম্বনের অনুসন্ধানে ছিলেন। বাণেশ্বরকে দেখিতে পাইয়া বলিলেন,—“এই বেটা বীণাপানি—জয়হরি বাবুকে চট্ করে ডেকে আন।—দাঁড়িয়ে রহিল যে?”

“—আজ্ঞে তিনি কোথায় গেছেন তা ত’ জানিনে বাবু।”

“জানতে কেউ মানা করেছিল রে হারামজাদা।”

এই সময় খিড়কি দিয়া জয়হরি ধীরে ধীরে বাড়ীর মধ্যে প্রবেশ করিল। বাণেশ্বর নিশ্চুতি পাইল,—আমিও কম নয়।

কর্তা বিরক্তভাবে বলিয়া উঠিলেন—“আমাদের এঁরা বললেন বসতে,—দেখ দেখি—কি বিচ্ছিরি কাজটা হ’ল। দাও—জয়হরি বাবুকেও দাও”—

জয়হরি বিনম্র স্বরে বলিল—“আপনারা খেয়ে নিন,—তাতে কি হয়েছে। আজ যে আমি মায়ের সঙ্গে খাব।”

“ওঃ—আপনারো অম্বল চাগিয়েছে বুঝি, তবে সেই ভাল,—সেই ভাল, ওই হেঁসেল-ঘরে বসাই ভাল,—ওটি অম্বলের ভৈষজ্য-রস্নাকর। হাতের কাছে সব রকম পাবেন।”

জয়হরির কথার সদরটা যেন বৈরাগ্য-মিশ্রিত-বিনয়ের মত বাজিল। সে আমার দিকে না তাকাইয়া সরিয়া যাইতেছিল। তাহার ভাব দেখিয়া সন্দেহ হওয়ায় বলিলাম,—“আহারান্তে আমার কাছে এসো,—কথা আছে।”

সে নিঃশব্দে শব্দ মাথা নাড়িয়া সম্মতি জানাইয়া চলিয়া গেল। আমি শ্রান্ত হইয়া ভাবিতে লাগিলাম—ব্যাপার কি।

## ৫০

সিগারেটের ধোঁয়ার সঙ্গে মনটাও ঘুরিয়া ঘুরিয়া কুল না পাইয়া শূন্য আত্ম-সমর্পণ করিয়া বেড়াইতেছিল। জয়হরি কখন নিঃশব্দে আসিয়া দাঁড়াইয়া আছে লক্ষ্যই করি নাই। ফিরিয়া দেখি সে বিষমমুখে একপাশে দাঁড়াইয়া। চুল আঁচড়ায় নাই, গায়ে মাথা গলানো একটা ময়লা গোঞ্জ। গাঁদা ফুলের মালা আর সিঁদুরের টিপ্ থাকিলে—পাড়াগেঁসে যাত্রী বলিয়া বলিয়া ভ্রম হইত।

বলিলাম—“ব্যাপারটা কি,—শরীর কি খুব খারাপ?—সকালে এত উৎসাহ করে নোট নিয়ে কাপড় কিনতে গেলে,—এনেছ?”

সে মদুখানা আরো নীচু করিয়া মাথা নাড়িল মাত্র। বুঝিলাম—আনা হয় নাই।

“নোটখানা হারিয়েছ?”—কারণ সেটা তাহার পক্ষে খুব সোজা কাজ।

আবার পূর্ববৎ মাথা নাড়িল। হঠাৎ একটা সন্দেহ মনে জাগায়, চাহিয়া দেখি—

তাহার সাধের আংটিও আঙুলে নাই ! কি সর্বনাশ ! নিশ্চয়ই কোনো জোচ্চোরের পাল্লায় পড়িয়াছিল দেখিতেছি । গায়ের কাপড়ই বা কোথায় ? গায়ে নাই,—এ ঘরেও ত' দেখিতেছি না ।

বলিলাম, “জয়হরি—কি হয়েছে ঠিক করে বলো,—আমাকে আর ভাবিও না । আংটী দেখাছি না,—গায়ের রূপারটাই বা কোথায়,—নোটখানাও নেই ।”

মুখ না তুলিয়াই সে ধীরে ধীরে বলিল—“আপনি গেলেও আপনার থাকতো না,—সে আপনি দেখলে থাকতে পারতেন না । গায়ের কাগড় আমার দরকারই হয় না—আংটির সখও আমার মিটে গেছে ।—যাই, মামাকে বলে আসিগে—কাপড় পাঠিয়ে দেব ।”

বলিলাম—“খবরদার, এমন কাজ করো না, সে কাপড় আমার জন্যে নয় । কিন্তু যা সুন্দর হিসেব দিলে, তাতে ত' কিছুই খোলসা হল না ।”

সে একটু উত্তেজিত ভাবে বলিল—“হিসেব কি করে হবে মশাই ! কাপড় কিনতে যাচ্ছিলুম, কিন্তু কোথায় বটতলায় সেই অসহায় বাঙালীটি বসে আছেন, তাঁর খবরটাও ত' নিতে হবে,—আর সেই বদমাইস পাষাণ্ড বেটাকে—”

সভয়ে বলিলাম—“মারামারি করনি ত' ।”

“না,—তা আর হল কই ।—এখনো ইচ্ছে আছে ;—চোর বেটা ! দেখি—ভিড় রয়েছে । পাষাণ্ড বেটা সব কেড়ে নিয়েছে । ব্যায়রামী মানুষ—এই শীতে একখানি কম্বল জড়িয়ে হেঁট হয়ে বসে আছেন,—সেখানাও চায় ! বেটার গলা যেন কাঠের তরোর,—একটু রস নেই । যেমন আওয়াজ তেমনি ভাষা ! বেটা কথা কইছে যেন গাংড়ার চামড়ায় লাঠি পিঠছে ! বাঙ্গালী যেন চিরকাল মাছের-ঝোল ভাত আর লাউ-চিংড়ি খায়,—সরস থাকবে মশাই ।—

“বাবুটি দেখি ধীরে ধীরে কম্বলখানি গা থেকে খুলে মাটিতে ফেলে দিলেন । তাঁর গায়ে রইলো—টুইলের একটি ছেঁড়া সার্ট, আর তাঁর পাঁজরা ক'খানি । পাঁপাষ্ট বেটা—কম্বলখানা তুলে নিতে যেই হাত বাড়ালে,—আমার সব রক্তটা চন্ করে মাথায় পেঁছে গেল—মুখ থেকে বেরুলো—“খবরদার” আমি সেই অবস্থায় নিজের গায়ের কাপড়খানা তাড়াতাড়ি তাঁর গায়ে জড়িয়ে দিয়ে,—বটের একটা হুঁরি একটানে ছিঁড়ে নিয়ে বললুম—“পাষাণ্ড তোম একজন অসহায় ব্যায়রামি বেক্তির কম্বল—এই শীতকা দিনে গায়েমে-থেকে উতরে লেকে বাড়ী যাবে,—আও—লেও ! হামারা শরীরমে জান থাকতে—তোমরা সাদ্য নেই হোগা,—আও ;—কেতনা শক্তি হাম একবার দেখি !”



বলিতে বলিতে জয়হরি—স্থানকাল ভুলিয়া—ফুলিয়া উঠিল,—মালকৌচা মারিয়া ফেলিল। আজ সে চুল আঁচড়ায় নাই—তাহার অধিকাংশই উৎক্ষিপ্ত ছিল। সবটার সমাবেশে—দুঃশাসনের রক্তপানের অব্যবহিত পূর্বাবস্থায় দাঁড়াইয়া গেল। আমি ভীত হইলাম, তাড়াতাড়ি বলিয়া উঠিলাম—“জয়হরি করছ কি,—এঁরা এখনি ছুটে আসবেন। যাক—মারোটোরোনি ত’?”

অনাবশ্যক উত্তেজনাটা কতক সম্বরণ করিয়া সে বলিল—“মারা-মারি?—ইচ্ছাটা কেবল হয়। দুর্বলের ওপর অন্যায় অত্যাচার দেখলে চুপ করে সভ্যতার পরিচয় দেবার মত উচ্চ শিক্ষা হয়নি বলেই হয়। অসহায় দুর্বল ভাইকে কি মা-বোনকে পশুর হাতে লাজ্জিত, অপমানিত, অত্যাচারিত হ’তে দেখলে, শিস দিতে দিতে সোজা বাড়ী এসে, চা খেতে খেতে গ্রামোফোন ঘুরিয়ে—“মানুষ আমরা নহি ত’ মেঘ” শোনবার মত’ সুবন্ধি আসেনা মশাই। বরং ইচ্ছা হয়—ঐ মিথ্যাভাষী চাকার (প্লেট) ভেঙে আকায় দি!”

অবাক হইয়া শুনিতোছি আর ভাবিতোছি—এ আবার কি! এ আবার কবে এমন বক্তা হ’ল। যাহার যাহা প্রিয়, কোন এক শব্দ বা অশব্দ লগ্নে তাহার সাড়া মানুষকে বোধহয় শক্তি যোগায়। সে বস্তুটি হৃদয়ের কোনো গভীর গৃহস্থ গোপন থাকে এবং সহসা একদিন বাহির হইয়া সকলকে বিস্মিত করিয়া দেয়।

বলিলাম—“তার পর?”

“তার পর আর কি! তিনি কিছই করতে দিলেন না! জোড়হাত করে বললেন—‘ভাই—আমার জন্যে নিজেকে বিপন্ন কোরো না। আমার যদি কোনো আশা ভরসা থাকতো—তোমার এ সব সার্থক হ’ত। আমার শেষ হয়ে এসেছে,—গানের কাপড় আর আমাকে রক্ষা করতে পারবে না,—উনি নিশ্চয় যান। আমি ধর্ণী।’—

—“সে সব অনেক ভাল ভাল কথা,—সে আমার আসে না,—মনেও নেই। অমন মানুষের এত কষ্ট,—উঃ!”

দীর্ঘ—জয়হরি অন্য দিকে ফিরিয়া চোখের জল সামলাইতেছে। পরে নিঃশ্বাস ফেলিয়া বলিল—“সে সব শুনে কি হবে!” অর্থাৎ সে আর বলিতে পারিতোছিল না।

বলিলাম—“চিন্তা কি জয়হরি—যিনি এত বড় বিশ্ব সামলাচ্ছেন, সেই ভগবান তাঁরও উপায় করে দেবেন।”

সে একটু স্থির হইয়া বলিল—“আপনারা ওই যে সাধু ভাষায় প্রভু প্রভু, ভগবান

ভগবান বলেন ;—উনিও বলিছিলেন,—আপনাদের ও সভ্য-ঠাকুরটি কিন্তু নেই ! কোথাও চেহারা দেখেছেন কি ? তা না থাকলে লোক কোথায় মদুখু জানাবে ! ঐ ভুল করেই উনি এত' কষ্ট পেয়েছেন দেখছি ! আমাদের মা-কালীকে ডাকলে কথুনো এমন হ'ত না । কি জাগ্রত মশাই,—তারক তেলির ছেলে কলেরায় গিয়েইছিল,—মা-কালীর এক-ফোঁটা চরণামৃত গলায় যেতেই বেঁচে উঠলো । চক্ষে দেখেছি । তবে,—তার না বাঁচাই ভাল ছিল,—বেটা এখন চোর হয়েছে ।”

এতক্ষণে জয়হরিকে ফিরিয়া পাইলাম । মনে মনে হাসিয়া, বলিলাম “শেষটা কি হ'ল ?”

“শেষ আর কি—তেমন শীত নেই যে র্যাপার চাই, বে-পৈতে নয় যে—আংটির দরকার । কেবল অকেজো আসবাব ব'য়ে বেড়ানো আর খবরদারী করা । সে দিন নাকটা ছ'ড়ে রক্তারক্তি ! অর্ধেক রাতে সন্দেহ হ'ল আংটী বদ্বি নেই,—তাড়াতাড়ি আঙুলটো নাকে ঘষে দেখতে গিয়ে ওই কান্ড ! যাক—ভালই হয়েছে,—আমার ত' মশাই বেশ ঝাড়া-হাত-পা বোধ হচ্ছে ।”

“তা যেন হচ্ছে, কিন্তু শেষটা হ'ল কি ? সে সব গেল কোথায় ?”

“আপনি বিশ্বাস করবেন কি না জানি না,—ও র্যাপার থাকত না মশাই,—ছি'ড়ে যেতই—না হয় কেউ গা' থেকে খুলে নিতো—আর আংটি আমি হারাতুমই । ছাতা, ছাড়ি, ছুরি—সবই ত' হাতের জিনিস,—কই, একটাও রইলো কি ।”

“কি পাপ ! বলই না কি করেছ, আমি ত' কিছু বলিছি না ।”

“আপনি ত' লাভটা দেখেছেনই না । আপনি থাকলে কিন্তু অনেক পোড়তো,—সে দৃশ্মন-বেটা পেয়ে বোসতো ! বেটা আমার কাছেই ঠারা টাকা চায় ! আপনি হলে দিলে বসতেন ! বেটা আমার কাছে ঠারা টাকা নেবে—আমায় এমনই মদুখু পেয়েছে ! আমি সেই ছ'গন্ডা টাকার আংটি দিলে সেরে দির্য়েছি ।—বললুম—“তোমরা কেভা টাকা চাই ?” বেটা ধতমত খেয়ে বলে ফেললে—বাবুকে ঠারা রোজ ঘরমে রেখেসে—সাবু খিসিয়েসে,—ঠারা টাকা চাই ।” বললুম—“ঠারা ফারা বদ্বি না—এই আংটি লেও—এর বেশী দিতে পারেগাও নেই,—মাথা মদুখু ধুঁড়ে ক্ষত বিক্ষত করলেও মিলেগা নেই,—এবং পত্রপাঠ বাবুকা সব জিনিস পত্তোর শদু' শদু' করকে নিয়েস্কে দেও ।” বেটা ভরে ভরে আর কথটি কইতে পারলে না । তিনখানা কম্বোল, একটা ক্যাম্বিসের ব্যাগ, একটা টিনের মগ, আখখানা সানলাইট সাবান, একখানা ছেঁড়া

কাপড়, আর একখানা বোধহয় Word Book (ওয়ার্ড বুক) বার করে দিলে :  
“Worth” মানে কি মশাই ?

“মূল্য” ।

হ্যাঁ ঠিক হয়েছে ।

“বাবুটি বললেন—‘ভাই—তুমি কার জন্যে এ সব করছ,—হাতের আংটি দিও না—আমার বেদনা বাড়িও না । আমার শক্তি নাই যে বাধা দি,—অশ্রু নাই যে কাঁদি, স্থানও নেই, প্রাণও থাকছে না,—রাস্তার ধারেই ও-গুলো পড়ে থাকবে । উনি নিয়ে যান,—আংটি নষ্ট করোনা ভাই । ঐ ব্যাগে দু’ তিনখানা কাগজ আছে—তা যদি দেন,—থাকগে । আর কি হবে । তুমি কিছু মনে করোনা ভাই,—আংটি ফিরিয়ে নাও । তুমি আমাকে যা দিচ্ছে—তাই আমার যাত্রা-পথের যথেষ্ট পাথর,—জগতে অসহায়দের দেখবার মানুস আছে,—এ দুর্লভ দান তোমারি !’ তার মানে কি মশাই ? থাকগে ।

“ওই বলে, একটা দীর্ঘ নিঃশ্বাস ফেলে—ওপর দিকে চেয়ে বুকো হাত ঘসতে ঘসতে—‘জল দাও—প্রভু জল দাও, এত করুণার মাঝে, এ মরু রেখো না । অন্ধকেও এ কৃপা করেছ—এক বিন্দু দাও,—আমি, আমি তোমাকে নিবেদন কোরবো, বলতে বলতে তিনি যেন কেমন হয়ে গেলেন । চেয়ে দোঁখ লোকজন সরে গেছে । সেই সকাল-বেলায় যে দু’টি ছোকরা ধর্মশালার খোঁজ নিচ্ছিল—তাদের একজন আমার পাশে !—

“আমি জলের জন্য ব্যস্ত হতে সে ছোকরা বললে—“জল চাই না, একখানা গাড়ী দেখুন ।”

\*

\*

\*

—“তাকে এখন ধর্মশালায় এনে রেখেছি । সে ছোকরা দু’টিও আছে । কিন্তু তিন-চার দিনের বেশী ত’ থাকতে দেবে না ! একটু সেবা-যত্ন পেলে বোধ-হয় বাঁচতে পারেন । নিশ্চয় স্ত্রীপুত্র আছে,—উঃ—ভাবা যায় না মশাই ! বেশ বাংলা জানেন—আমি সে সব বুদ্ধিতে পারি না । বোধহয় মাইনার ইন্সকুলের পণ্ডিত ছিলেন, উন্নতির আশায় ইংরিজিও শিখিছিলেন,—Word Book-ও কিনেছিলেন,—আহা ! রোগে এগুতে দেয় নি,—ঠৈতে রয়েছে দেখলুম । এ বাসায় ত’ স্থান নেই,—আর এ অবস্থায় ওঁকে একলা ফেলেও ত’ যাওয়া যায় না । আপনি কি বলেন ?”

আমি যতই শূন্যতাইলাম ততই চিন্তার চাপ বাড়িতে ছিল । শেষটা কি এইখানেই

থাকিতে হইবে—না একেই খোলাইতে হইবে ! দেখিতেছি—ব্রাহ্মণী আমার গলার একটি প্রবল গ্রহ বাঁধিয়া দিয়াছেন ! বলিলাম—“তোমার বলাটাই আগে শেষ হোক !”

জয়হরির মুখখানা চিন্তাপূর্ণ হইয়া উঠল,—সে বলিল—“আপনি কি একা পূর্ণিমায় যেতে পারবেন ! না, তা’হলে মা কি মনে করবেন ! চলুন কাল আপনাকে পৌঁছে দিবে আসিগে । আপনি ত’ ফেরবার তরে ব্যস্ত হয়েছেন ?”

বলে কি ! আমি যেন আমার জন্য ব্যস্ত হয়েছি । এর মতলবটা কি ! বলিলাম—“তার পর ?”

সে কাতর ভাবে বলিল—“ভদ্রলোক এই বিদেশে বড়ই অসহায় । তা না ত’ মারাই যাবেন । দেখে শুনেন—আপনি আর গোটা কতক টাকা যদি দেন,—সে দশ টাকা—এক জোড়া কাপড়, দুটো জামা, আধসের বেদানা আর গাড়ী ভাড়াতেই হয়ে গেছে’ । আমি মাইনে পেলেই”—

আমি গম্ভীর ভাবে বলিলাম—“দেখ জয়হরি—দুর্নিয়ায় রোগ শোক দুঃখ কষ্টের কর্ম্মিত নেই,—তুমি কয়জন লোকের কতটুকু অভাব দূর করতে পার । সাধ্যমত যা করেছ ভালই করেছ, আর বাড়াবাড়িতে যেও না । বাকিটা অপরকে করতে দাও । কেউ না কেউ দেখবে, ভগবান দেখবেন ।”

“আবার ওই ভগবান বলছেন, মা কালী বলুন না । তা তিনি ত’ আমাদের গায়েই আছেন,—তাই ত’ সেখানে— । সেখানে চাষের ষা হয় আছে, পুকুরে মাছ আছে, গরুর দুধ আছে,—মা আছেন, আর সে,—তার আর কাজ কি আছে । রান্না, বাসন মাজা, জল তোলা আর গরুর সেবা—এই । সেও দেখতে পারবে । যদি বাড়ী যেতে পারেন আর চান ত’ পৌঁছে দিবে আসি । বিদেশে ভদ্রলোককে এ অবস্থায় ছেড়ে,—আপনি মাপ করবেন”—

তাহার কণ্ঠ ভার হইয়া আসিল, চক্ষু দেখি—অশ্রুসিক্ত ! স্নেহে বলিলাম—“জয়হরি তার কোন পরিচয় নিয়েছে । পরিচয়টা খুব পাওয়া দরকার । অপরিচিত”—

“অপরিচিত কি মশাই । তিনি কতটা অসহায়,—সাহায্য তাঁর কতটা দরকার,—সে পরিচয় ত’ তাঁর শরীর, তাঁর চোখ মুখ, তাঁর অবস্থা—দিয়েই দিচ্ছে । তাঁর মূখের কথা শুনেন আর কি লাভ মশাই । আমাদের যেটুকু দরকার তা ত’ পেরিয়েছি ।”

শেষে সে কাতর ভাবে বলিল—“আপনি একবার দেখবেন না ।”

লজ্জায় অন্তরটা ছি ছি করিয়া উঠিল । সংসারে আজন্ম হিসাবের পথে চলার অভ্যাস-সম্মুখের সহজ পথটা মূছিয়া দেয় ! কথার কাহার কতটুকু পরিচয় আমার

পাই। কিছু পূর্বে জয়হরির কতটুকু জানিতাম। লোকের পরিচয় ত' কেবল কথায় আবদ্ধ নহ্ন,—বরং কথাই তাহা গোপন রাখে।

এই চরম পরাজয়ে বড়ই মানসিক গ্লানি অনুভব করিতে লাগিলাম।

“চল জয়হরি,” বলিয়া,—উঠিলাম।

### ৫১

ধর্মশালায় উপস্থিত হইলাম। মাতুলের বর্ণনাটাকে মৃত রূপে সম্মুখে পাইয়া, বিস্মিত ভাবে দ্বারের বাহিরে থামিয়া পড়িলাম। সকালের সেই যুবকদ্বয় বেদনা ছাড়াইতেছিল। বাবুটি আমার দিকে চাহিয়া যেন স্ফোচ-চঞ্চল হইয়া পড়িলেন।

“স্ফোচের কোন কারণ নাই—আমি আপনারই মত একজন”, বলিয়া ঘরে ঢুকিয়া পড়িলাম।

“আমি বড় দুর্বল, সহসা দাঁড়িয়ে উঠতে পারি না” বলিতে বলিতে বাবুটি দুই হাত তুলিয়া নমস্কার করিলেন ও বসিতে দিবার একটা-কিছুর জন্য—ঘরের এদিক ওদিক চাহিতেই, আমি তাঁর শয্যা বসিয়া পড়িলাম।

মুখে একটু হাসির রেখা টানিয়া তিনি বলিলেন—“দেখুন দিকি—এঁরা আমাকে গাছতলা থেকে তুলে এনে বেদনা খাওয়াবার তরে ব্যস্ত;—আমি কি করে মুখে তুলবো! আমার তরে এ ঐশ্বর্যের আয়োজন করবেন না,—আমার”—এই পর্যন্ত বলিয়াই সহসা তাঁহার মুখ বিবর্ণ হইয়া গেল। নত নম্রনে বৃদ্ধ হাত বদলাইতে লাগিলেন।

বুঝিলাম—কোনো গোপন স্থানে তাহা আঘাত করিতেছে, বলিলাম,—“আপনাকে দেখে কে না বৃদ্ধবে আপনি পীড়িত, ওটা এখন-ত' ঐশ্বর্য নহ্ন—আপনার ঔষধ। ওর সঙ্গে এখন ত' অন্য কোনো ভাব মিশতেই পারে না। ঐশ্বর্য হ'লে কি মৃৎপাত্রে উপস্থিত হ'ত,—ও যে ওর সব অহংকার ছেড়ে—মায়ের বৃদ্ধ থেকে মেহ-সরস হয়ে আসছে।”

তিনি মিনিট খানেক অবাধ হস্সে আমার মৃৎখের ওপর চেয়ে থেকে, শেষ একটি নিঃশ্বাস ফেলে যেন আবিষ্ট ভাবে বলিলেন—“দয়াময় তাঁর কৃপার মধ্য দিয়ে ধীরে ধীরে

আমাকে নিয়ে চলেছেন। রোগ না হ'লে কত বড় অভাগা নিয়েই আমাকে যেতে হ'ত !  
—ক্ষমা করবেন,—আপনি কে ?”

“আমি একজন অতি সাধারণ লোক,—অল্প কয়েক দিনের জন্য এখানে এসেছি।  
জয়হীরর কাছে আপনার অসুখের কথা শুনে দেখতে এলাম।”

আবার তিনি আমার মুখে একদৃষ্টে চেয়ে সিক্ত কণ্ঠ বললেন—“আমাকে দেখতে  
এসেছেন ! পথের জিনিস ছিলাম,—ঘর পেয়ে,—সুন্দর পেয়ে—আজ আবার বাঁচতে  
ইচ্ছা হয় !” এই বলে একটা হতাশের নিঃশ্বাস ফেলে ধীরে ধীরে বদকে হাত ঘষতে  
লাগলেন,—যেন যন্ত্রণা বোধ করছেন।

বলিলাম—“এত হতাশ হচ্ছেন কেন,—আপনি সত্তরই ভাল হয়ে উঠবেন। আজ  
আর বেশী কথা কয়ে কাজ নেই,—একটু বিশ্রাম করুন।”

তিনি একটু সামলে বললেন—“এখন আমি ভাল আছি, এই সময় যতটুকু পারি  
বলি। আপনারা আমার শেষ সহায়—আপনাদের আর কবে পাব। বিরক্তিকর হতে  
পারে, কিন্তু আমি একটু আরাম পাব ; ক্ষমা করবেন—”

তিনি বাধার অবকাশ না দিয়া বলিয়া চলিলেন,—“প্রায় তিন বৎসর আমি ভয়ানক  
অজীর্ণে দিন দিন জীর্ণ হচ্ছিলাম। এখানে আসার তৃতীয় দিনেই আমি নিজেকে  
রোগমুক্ত অনুভব করলাম। অতবড় অজীর্ণ—যা আমাকে প্রতিনিয়ত ক্লম্ব করে এই  
অবস্থায় এনেছে, তা যে কোন অলৌকিক শক্তি-সংঘাতে সরে গেল বলতে পারি না।  
পাণ্ডাজি—যিনি আমাকে আশ্রয় দিয়েছিলেন, তাঁকে আমি বারবার বলিছিলাম,—  
‘আমি একেবারেই নিঃশ্ব, বাবার মন্দিরে পড়ে থাকতে এসেছি।’—বলা সত্ত্বেও তিনি  
আমাকে স্থান দেন ; আর আমার রুমাবস্থায় যা আহার ছিল—এক পয়সার সাব্দ আর  
এক পয়সার মিছরি, জলে সিদ্ধ করে দুইবারে খাওয়া—তাও তিনি দেন। এখন  
জানি—তিনি আমার কথা বিশ্বাস করেন নি—আমি যে আশাহীন নিঃশ্ব তা  
বদ্বতে পারেন নি ;—আমার যে ভবিষ্যৎ নেই তা তিনি কি করে বদ্ববেন ! ভেবে-  
ছিলেন—পত্র লিখে টাকা আনিবে নেবে,—তীর্থের ঋণ কোনো বাঙ্গালী ভদ্রলোক  
রাখেন না।—‘যাক,—পূর্বে জল সাব্দও আমার হজম হচ্ছিল না, ক্ষুধা একেবারেই  
ছিল না। এখানে আসার পর রোগমুক্তি আর তার সঙ্গে সঙ্গে প্রবল ক্ষুধা—আমার  
মস্ত বিপদ হয়ে দেখা দিলে। আমি ক্ষুধার জ্বালায় অত্যন্ত কাতর হ'তে লাগলাম,—  
পাথর খেলেও বোধ করি হজম হ'ত। কিন্তু সেই এক পয়সার সাব্দ খেয়েই থাকতে  
লাগলাম। আমি নিজে ত' জানি আমি কপর্দকশূন্য নিরুপায়,—যা পাচ্ছি তা

আমার ভিক্ষার । নিঃস্বের ক্ষুধা যে উপদ্রবেরই নামান্তর ! আমি ক্ষুধার কথা কি করে বলবো,—কাক'কে বলবো, আমার কোন অধিকার আছে ! কি করি ক্ষুধার তীব্র জ্বালায় তিন দিন ছটফট করেছি,—নিকটে একটা নদী নাই যে অঞ্জলি পূরে আক'ঠ জল খাই ।—একটা কুকুর সেই গলিতে ধরে বেড়ায়, আমারি মত ক'কাল ব'রে । যাত্রীদের খাদ্যাবশিষ্ট সামনে পড়লেও খেতে পায় না, সে যে র'দম, দ'ব'ল । ক্ষুধার জ্বালায় সে ছুটে যায় কিন্তু অন্য কুকুর দেখলে এগুতে পারে না । তার সামর্থ্যের সঙ্গে সব দাবীই সে হারিয়েছে । তখন সে হতাশ বিষম-মুখে কুয়াতলায় গিয়ে কাদাজল খেয়ে, আমারি দেলের পাশে এসে শ'য়ে পড়ে । সে রূপও হারিয়েছে—কেউ তার দিকে চেয়েও দেখে না । এমনি করেই কি মারতে হয় প্রভু !—

“চতুর্থ দিনের বৈকাল পর্যন্ত সে-ই আমার মনটাকে দখল করে অনামনস্ক করে রাখলে । কিন্তু আর ত' পারি না ! প্রাণ বলে উঠলো—“বাবা, তিন চারখানা দেলের পরেই তুমি রয়েছ, এই দেল ক'খানা কি তোমারো দৃষ্টির অন্তরায় হ'ল ! তবে আর কে দেখবে ! আমি—পেলে খাই, ও যে পেয়েও খেতে পাচ্ছে না ঠাকুর !”

“সামানের বট গাছটার দ'তিনটে চিলের বাসা ছিল,—বাচ্চা হয়েছিল । তাদের মায়েরা এক একবার এসে বাচ্চাদের কিছু খাইয়ে যাচ্ছে,—দেখতে লাগল'দম । মনে হল,—আজ চারদিন ক্ষুধায় মরিছি—মা তুমি কোথায় ! আকাশের দিকে চাইল'দম । শূন্য হ'তে একটা চিলের পা থেকে একটা কি খসে কুকুরের ম'খের কাছে পড়লো । চেয়ে দেখি—দ'খানা ল'চি । নিমেষে চারদিক দেখে নিলে সে তাড়াতাড়ি খেতে লাগল । ঠিক অন'ভব করতে লাগল'দম—যেন আমিই খাচ্ছি ; ভারি তৃপ্তি বোধ হ'চ্ছিল ! এখন আর ত' আমি মান'দ'ব নই,—আমি তার মতই ক্ষুধা-পীড়িত প্রাণী । আমার কাছে আর তফাৎ ছিল না,—শেষ পর্যন্ত যেন না থাকে । এই মান'দ'বের খোলটাই আমাকে অভিমান দিয়ে বড় কষ্ট দিয়েছে, বড় ব'শ্ণনা করেছে । ভদ্র মধ্যবিত্তের মত দঃখী আর স'হিষ্ণু দ'নিয়্যায় নেই,—তার বেশ, তার শিক্ষা, তার ব্যবহার—তার সত্যকে চেপে মেরেছে । এই আবরণ সে আমরণ বহন করে আত্মসম্মানের দাসত্ব করে চলেছে—তার কাছে সে জোড়হাত । সে আত্মমর্যাদার ম'খ চেয়ে ম'ত্ব স্বীকার করে,—সত্যের মর্যাদা রাখতে পারে না ।—

“তখন ঘুমে আমার বড় দরকার, তাহ'লে ক্ষুধার জ্বালাকে কিছুক্ষণ ফাঁকি দিতে পারি—কিন্তু তা দরকার হয় না । সম্মা হয়ে এসেছিল, ভাবল'দম এই তৃপ্তিটা নিয়ে শ'য়ে:

পাড়িগে—ঘুম আসতে পারে। ঘরে ঢুকতে গিয়ে মাথা ঘুরে পড়ে যাচ্ছিলুম; পেছন থেকে কে আমার হাত ধরে ধীরে ধীরে সামলে শুইয়ে দিলে।—”

“চেয়ে দেখি স্ত্রীলোক,—এদের বাড়ী দূধ দেয়;—আমার দিকে বিস্ময়-করুণ দৃষ্টিতে চেয়ে আছে। বললে ‘তোমার শরীরে যে কিছু নেই! তোমার হাতটা ধরতে আমার মনে হ’ল এ কি মানুষের হাত! বড় ভয়ও হ’ল। তুমি দূধ খাওনা কেন! তোমাকে দূধ খেতে হবে!’ আমার মর্মে যেন মায়ের কথার সাড়া এল,—আমার চোখের সামনে মাতৃমূর্তি দেখলুম—আমাকে দূধ খেতে আদেশ করছেন। কোথায় গেল আত্মাভিমান! সত্য সহজেই বুক ছেড়ে মুখে বেরিয়ে এল—“মা, দূধ আমি কোথায় পাব,—আমার ত’ পরিসা নেই!” এই বলার সঙ্গে সঙ্গেই এতদিনের আত্মাভিমানের মরচে-ধরা বর্মটা খসে করে খসে পড়ে গেল—আমি যেন তার দস্ত-কর্কশ ধ্বনিটা পরিস্ফুট শুনতে পেলুম।—

“তিনি কেবল বললেন (ক্ষমা করবেন, আমি তাঁকে তিনিই বলব) ‘আমার ছেলেরা দূধ খেয়ে যা বাঁচে তাই আমি বেঁচি। এখন একটু খাও,—খেতে হবে।’ এই বলে আমাকে আধসেরটাক দূধ খাইয়ে বললেন, ‘আমি এই সময় রোজ খাইয়ে যাব’।”

তিনি আমাকে এতদিন বাঁচিয়ে রেখেছেন। কিন্তু আমার ক্ষুধার পক্ষে তা কিছুই নয়—ক্ষুধা ছিল তার সাতগুণ। দূধবেলা দুটি ভাত পাবার তরে ছটফট করছি। গত দু’দিন থেকে prostration এসেছে। আর দাঁড়াতে বসতে পারছি না। আমার বোধ হয়—”

জয়হরি ঘরের বাহিরে দাঁড়াইয়া চোখ মুদ্রিচ্ছিল—সহসা দ্রুত ঘরে ঢুকিয়া বেদানার খুঁরখানা লইয়া “আগে এই ক’টা খেয়ে ফেলুন ত’” বলিয়া নিজ হাতে করিয়া তাহার মুখে দিতে লাগিল। “সবগদুলো খাওয়া চাই” বলিয়া একটি ছোকরার হাতে খুঁরখানা দিয়া আবার দ্রুত বাহির হইয়া গেল।

—“যদি আঠার দিন আগে এই ভাইটি দিতেন।” বলিয়া দীর্ঘনিঃশ্বাস ফেলিলেন। পরে বলিলেন “ও’র কথা রক্ষা না করলে আমার ওপারেও রক্ষা নাই। আমি এখন সব স্পষ্ট বুঝতে পারছি। সকালে গাছতলায় অসহায় প্রাণটা যখন ‘গেলুম গো’ করে উঠেছিল, ঠিক সেই মূহুর্তে ওই ভাইটির প্রাণও ‘গেলুম গো’ বলে প্রতিধ্বনি পাঠিয়েছিল।”

বলিলাম “আপনাকে বড় বেশী কথা কওয়াচ্ছি—নিশ্চয়ই কষ্ট হচ্ছে,—আরও অবসন্ন হয়ে পড়বেন,—এখন থাক।”



“নীরবে বৎসর চলে গেছে, কতকাল কথা কইনি। নিঃশব্দে দেখলে সবাই সরো যায়, আলাপে ভয় পায়। করুণর দোষ নেই, অভাব যে বড় ভয়ের জিনিস। তার উপর আমি পীড়িত। মানুষ আনন্দ চায়—শাস্তি খোঁজে, অভাবের স্মৃতিটাও যে ও-দুটিকে নষ্ট করে। তাই কথার পথ বন্ধ করে—দেখার-পথ খুলে রেখেছিলাম। প্রকৃতি আমাকে তাঁর সকল দ্বার খুলে দিয়েছিলেন। আজ আমার চারিদিকে উন্মুক্ত হৃদয়—আমাকে কথা কইতে দিন।”

## ৫২

সিঁড়িতে লোক উঠিবার শব্দ হইল। কানে আসিল জয়হরি বলিতেছে—“এই ঘর।” দ্বারের দিকে চাহিতেই দেখি হ্যাট-কোট পরা সৌম্যদর্শন একটি ভদ্রলোক—প্রায় প্রবীণ। পূর্বেও দেখিয়াছি—ইনি এখানকার নামী ডাক্তার।—পশ্চাতে জয়হরি।

ঘরে ঢুকিয়া জয়হরি মন্থকিলে পড়িয়া গেল—কোথায় তাঁহাকে বসাইবে। তিনি বন্ধিতে পারিয়া সহাস্যে বলিলেন, “বাস্তু হ’চ্ছ কেন, এটা ত’ তোমার বাড়ী নয়,— — আর আমিও ত’ বাঙালী”—রোগীর বিছানাই আমাদের বসাসন।”

রোগীকে আর নির্দেশ করিয়া দেখাইয়া দিতে হইল না। তিনি স্বয়ং গিয়া তাঁহার পাত্শেব’ বসিয়া পড়িলেন। মিনিট কয়েক রোগীর দিকে নির্বাক নির্নিমেষ চাহিয়া রহিলেন, পরে তাঁহাকে প্রশ্ন করিয়া যাহা যাহা জানিবার তাহা শুনিয়া লইলেন।

জয়হরি চুপচাপ দাঁড়াইয়া ছিল, হঠাৎ বলিয়া উঠিল, “হাতটা ভাল করে দেখতে হবে ডাক্তারবাবু। উনি বলছিলেন **prostration set in** করেছে। আপনার ত’ এই সবে পনের মিনিট হয়েছে।”

আমি অবাক হইয়া বিরক্তভাবে তাহার দিকে চাহিলাম,—তার এই অভদ্র ইঙ্গিতটার সর্বজ্ঞ জ্বলিয়া গেল।

ডাক্তারবাবু সেটা বোধকরি লক্ষ্য করিয়াছিলেন। তাহার দিকে চাহিয়া সহাস্যে বলিলেন, “পরীক্ষা করব বই কি। আমাকে ত’ এক ঘণ্টা থাকতেই হবে—তুমি ত’ তার আগে ছেড়ে দেবে না।”

শুনিয়া আশ্চর্য হইয়া চাহিয়া রহিলাম মাত্র।

ডাক্তারবাবু ধীরভাবে পরীক্ষা করিয়া জয়হারিকে বলিলেন, “ওটা, **prostration** নয়। বেশী রকমের **weakness** বটে—অন্য কোনও গোলমাল নেই। উনি যখন

নিজেই বলেছেন আর অনুভব করছেন ওঁর আসল অসুখ সেরে গেছে খুব সম্ভবও তাই ! এখন ওঁকে দেখবার ভার তোমার রইল । আমি কেবল সন্নিধ্যমত এক এক-বার খবর নিলে যাব ।”

জয়হরী বলিল, “আমি কি দেখব । আপনি ওষুধ দেবেন না ?”

ডাক্তারবাবু বলিলেন “ওষুধের আবশ্যক নেই । ওঁকে দেওয়া চাই—সকালে আশ-সের দুধ, বেলা এগারটার মধ্যে মাছের ঝোল আর ভাত, বৈকালে আশসের দুধ আর রাত ন’টার মধ্যে মাছের ঝোল ভাত । এখন এক সপ্তাহ নিয়মিত এই চলবে । এ সপ্তাহটা উঠে হেঁটে বেড়ান নয়—পড়ে গেলে ভয়ের কারণ আছে । এই সব তুমি দেখবে—তোমার ভার,—কেমন !”

জয়হরী বলিল “যে আক্ষে, সে আমি পারব । কিন্তু আপনারও রোজ আসা চাই ।”

ডাক্তার বলিলেন, “সে ত’ বলেছি—কিন্তু আমার কাজ করবে কখন ?”

জয়হরী হাত জোড় করিয়া খুব বিনয়ের সহিত বলিল, “আপনি যখন বলেন ।”

ডাক্তারবাবু বলিলেন “কিন্তু এঁকে দেখবার ভার নিলে যে !”

জয়হরী চিন্তিত ভাবে বলিল, “ভোরে গেলে হয় না ? আপনি যা বলেন !”

ডাক্তারবাবু গম্ভীর ভাবে বলিলেন, “তবে এ কয়টা দিন থাক—ইনি সেরে উঠুন । তারপর কিন্তু—”

সে উত্তেজিত কণ্ঠে বলিল, “যে আক্ষে—সে আর বলতে হবে না,—এখানে আমার ত’ আর অন্য কোনও কাজ নেই ।”

“বেশ—সেই কথাই ভাল, এখন ওর জন্যে যে একটু গরম গরম দুধ দরকার ।”

“এই যে” বলিয়াই জয়হরী দ্রুত বাহিব হইয়া গেল ।

আমি বিমূঢ়েবৎ উভয়ের কথোপকথন শ্রুতিতেছিলাম ; কিছু বদ্বিধিতে না পারিয়া কেবল উৎকণ্ঠা বাড়িতেছিল ।

ডাক্তারবাবু আমার দিকে চাহিয়া জিজ্ঞাসা করিলেন, “এ ছোকরাটি কে মশাই,—আপনার কেউ ?”

“কেন বলুন দেখি, আমি ওঁর দাদাবাবু ।”

“নাঃ—বেশ লোক । খাড়া warrant ( ওয়ারেন্ট ) কথাটা শোনাই ছিল—এই দেখলুম । বলে—‘দাদার বড় অসুখ, আপনাকে এখনি যেতে হবে, তা না ত’ অসহায় ব্রাহ্মণ বিদেশে মারা যাবেন—তঁার স্ত্রীপুত্রও আছে ।’ বললুম—‘দু’জন লোক অনেক-

ক্ষণ থেকে বসে আছেন, আগে ওঁদের রুগী দেখে আসি। সন্ধ্যার পূর্বে ফিরতে পারি ত' যাব—ঠিকানা রেখে যান ;—তানা ত' কাল-সকালে।—

—“বলে—‘সে হবে না ডাক্তারবাবু—আমাদের দরকার আমি বন্ধুতে পারছেন না।’ বললুম—‘ওঁদেরও ত' দরকার—তানা ত' কেউ কি আসে,—না পরিসা দেয়।’ তাতে বলে—‘আপনার সে ভয় নেই ডাক্তারবাবু—আমি এক পরিসাও দেব না। ওঁদের পরিসা আছে—ওরা অন্য ডাক্তার নিয়ে যেতে পারে।’—

—যদিওটা খেমন সুন্দর তেমন লাভের! ভাবলুম—মাথার গোলমাল আছে,—কিন্তু বড় ক্লান্ত হয়ে এসে বসেছিলুম—উঠতে ইচ্ছা করছিল না,—কথাগুলো মন্দও লাগছিল না,—একটু চলুক না—হিসেবে বললুম, ‘পরিসা দেবে না, যারা পরিসা দেবে তাদের অন্য ডাক্তারের কাছে পাঠাবে—তুমি খুব লোক ত’?’—

তখন কাতর হয়ে বললে, ‘আমি মৃৎখু লোক—তাই আমার কথাটা আপনি বন্ধুতে পারছেন না ডাক্তারবাবু, আমি কি বললে আপনি বন্ধুবেন তা যে আমি জানি না। যে পরিসা দিতে পারে না সে কি কিছুই দেয় না ডাক্তারবাবু।’ এই বলে ছেলে মানুষের মত কেঁদে ফেললে।—

“এইবার আমি মৃৎখিলে পড়লুম। বললুম ‘ও কি হে, তুমি জোয়ান পুরুষ মানুষ, তুমি—’ আমাকে শেষ করতে না দিয়ে হাত জোড় করে বললে, ‘হ্যাঁ, তা আমি খুব পারি,—রাঁধতে, জল তুলতে, বাসন মাজতে, যা বলবেন আমি রোজ এসে করে যাব—আপনি কিন্তু দয়া করে চলুন।’—

আমার পরিবার বোধকরি পাশের কামরা থেকে সব শুনোছিলেন, তিনি দোরটা খুলতেই তাঁর দিকে চেয়ে বললে, ‘আপনি একবার বলুন ত' মা, আমাদের বড় বিপদ—তা উনি বন্ধুতে পারছেন না।’ তিনি চোখ মুছতে মুছতে বললেন, ‘উনি যাবেন বই কি—একদিন যাবেন, তুমি যতক্ষণ ইচ্ছে রেখো।’

‘আমি এক ঘণ্টার বেশী রাখব না মা।’

‘তাই রেখো, কিন্তু কাল আমাকে ডেকে খবর দিয়ে যেও—তোমার দাদা কেমন থাকেন।’ একথাও বলে দিলেন, ‘ওঁর সব কথাই বন্ধুতে একটু দেরী হয়—তুমি কিছু মনে করো না বাবা।’ তারপর অনেক কথা।—

“আমার আর্টক্লিশ বছর বয়সে এমন একটি লোক দেখিনি—এরা-সব-কিছু করতে পারে, আবার অপরকেও সব-কিছু করতে পারে,—পাগলের সঙ্গে এদের এই প্রভেদ। ভাল কথা—(রোগীর দিকে চাহিয়া) উনি আপনার কি রকম ভাই,—সহোদর?”

বাবুটি চক্ষু বদ্বিজিয়া বদ্বকে হাত ঘষিতেছিলেন, সেই অবস্থাতেই বলিলেন, “সহোদর ভায়ের স্নেহের সঙ্গে অজ্ঞাতে দেনা-পাওনার একটা দাবী থাকে,—এর কেবল সেইটে নেই, অন্ততঃ পাওনার পরওয়া নেই। দীনেন্দ্র ছিলেন আমার সহোদর ভাই—ভগবান আমার বই-পড়া ধারণাগুলোর ব্যর্থতা বদ্বিকিয়ে দিতে তাকেই আবার মিলিয়ে দিলেন।”

ডাক্তারবাবু সহসা বলিয়া উঠিলেন—“তা হ’তে পারে, কিন্তু বদ্বকে অত’ হাত বোলাচ্ছেন কেন? আমি কয়েকবার লক্ষ্য করলুম,—এটা কি অভ্যাস?”

“না ডাক্তারবাবু—অভ্যাস নয়। তিন বৎসরের ভাবনা চিন্তার তপ্তবাসে আশা-আকাঙ্ক্ষাগুলো পদুড়ে জীবনটাকে মরুভূমি করে দিয়েছে। চোখে জল এলে একটু শাস্তি পাই,—শুকিয়ে গেছে, সে আর আসে না। হৃদয়টা কিন্তু বাইরে এসে আত্মপ্রকাশ করতে চায়,—পারে না, আমাকে যন্ত্রণা দেয়। এই রকম করে সামলাই।”

ডাক্তারবাবু তন্ময়বৎ শুনিতোছিলেন,—তঁার একটা নিঃশ্বাস পড়িল। বলিলেন—“আপনার নামটা পর্যন্ত জিজ্ঞাসা করা হয়নি। আপনার কিছু কিছু আমার শোনা দরকার বলে মনে হয়। আপনি দেখাছি শিক্ষিত লোক, ডাক্তারকে সাহায্য করবার মত’ যেটুকু দরকার আপনি তা বোঝেন—”

বাবুটি বলিলেন—“বোঝাবদ্বিকির শক্তি বোধ হয়না যে আর আমার আছে। যারা এখানে উপস্থিত, তাঁদের কাছে আমার কোন সত্কেচ বা বাধা করবার মত’ কিছুই নেই। তিন বৎসর প্রকাশের পথ না পেয়ে যারা আমাকে জীর্ণ করেছে আর আমার মধ্যেই জীর্ণ হয়েছে, তারা মদুস্ত হলে, আমি একটু হালকা হয়ে আরাম পেতে পারি।”

জয়হরির এক বাটি গরম দুধ লইয়া আসিল, এবং ডাক্তারবাবুকে বলিল—“এক ঘণ্টা হয়েছে—তা জানেন? আর দেরী করবেন না।”

“হ্যাঁ—এই উঠলুম বলে। একটা দরকারী কথা শুনেন নিয়ে যাচ্ছি।”

“মাকে কিন্তু বলবেন—আমি এক ঘণ্টার বেশী থাকতে বলিনি, আপনিই দেরী করছেন।”

\*

\*

\*

\*

আমি কেবল দেখিতে আর শুনিতোছিলাম। সবটাই আমার কাছে আশ্চর্যবৎ ঠেকিতোছিল। রোগীর শয্যায় একখানা Wordsworth পড়িয়াছিল, তাহাই নাড়াচাড়া করিতেছিলাম ও ভাবিতোছিলাম—এই Wordsworth-ই জয়হরির কাছে মাইনর

শুকের পণ্ডিত মহাশয়ের ভবিষ্যৎ উন্নতির উপায় স্বরূপে Word book হইয়া থাকিবে। রোগীর সম্বন্ধে কিছু জানিবার ওৎসুকা যে না বোধ করিতেছিলাম এমন নহে। কিন্তু পরিচয় জিজ্ঞাসার লজ্জাকর পরাজয়ে, সে প্রলোভন—আপনার মধ্যেই সম্ভূচিত হইয়া পড়িয়াছিল। ডাক্তারবাবু প্রসঙ্গটা তুলিয়া আমাকে উৎকর্ষ করিয়া দিলেন।

ডাক্তার বাবুকে লক্ষ্য করিয়া জয়হরী বলিল,—“তবে তামাক সাজি।”

ডাক্তারবাবু সহাস্যে বলিলেন—“ও কাজটার কথা ত’ হয়নি ;—আমি তামাক খাইনা।”

জয়হরী আশ্চর্য হইয়া বলিল—“আপনি তামাক খান না। তবে আপনার call ( ডাকা ) কি করে হয়। যে ডাক্তার তামাক খান—তাকেই ত’ লোক খোঁজে,—নাড়ী টিপেই গাড়ীতে পা বাড়াতে পারেন না। দু’দশ পাওয়া যায়।”

ডাক্তারবাবু হো হো করিয়া হাসিয়া বলিলেন—“জয়হরীর যুক্তিগুলি যেমন নতুন তেমনি অকাটা। দেখছি ওঁদের গ্রামে আমার অন্ন হ’ত না।”

জয়হরী ছিল গড়ড়কের যম ; তবে মাতুলের মত তোয়াজী ছিল না, ভালমন্দ বাহিত না। তার টানে টানে ধূমাবতী মূর্তিমতী হইতেন, কুশাশার সৃষ্টি হইত। চাকরটা খুঁজিতে গিয়া দেখিতে পাইত না, ফিরিয়া আসিয়া রিপোর্ট দিত,—“বাবু ঘরে নাই।” সে আমার সামনে তামাক খাইত না, অথচ কি করিয়া যে বাঁচিয়া ছিল, সেটাও আমার একটা চিন্তার বিষয় ছিল। তাই দিনের মধ্যে পাঁচ সাতবার সিগারেটের টিনটা আমাকে বৈঠকখানায় তুলিয়া যাইতে হইত।

ডাক্তারবাবু যেন একটু ব্যস্ত ভাব দেখাইয়া বলিলেন—“হ্যাঁ—এইবার সংক্ষেপে বলে ফেলুন ত’—রোগটা দেখা দেবার কিছু পূর্ব থেকে ;—যা আপনি নিজে উল্লেখযোগ্য মনে করেন।”

তিনি বলিলেন—“না ডাক্তারবাবু, আমার সে সব আর আসবে না। আপনারা আমার দৈবলঙ্ক শেষ আশ্রয়, আপনাদের কাছে আমি যতটুকু পারি বলে যাই—তাতে আমি শাস্তি পাব। তবে আমার জীবনের কোনো কথাটার মূল্য আর আমার কাছে নাই। তারা কেবল—নিদ্রার দুঃস্বপ্ন আর জাগ্রত অবস্থায় সাজা। যা আমার জীবনটাকে সংক্ষেপ করে দিলে,—তা আমি সংক্ষেপেই বলে যাব। তার অনেক কথাই ডাক্তারবাবুর কাছে আসবে না, কিন্তু না বললেও আপনাদের রহস্যের মধ্যে রেখে যেতে হবে,—তাই বলা।—

“—আমাদের বাড়ী ছিল খিদিরপুরে। বাবা সামান্য চাকরি করতেন। তাঁর জীবনের একমাত্র প্রয়াস ছিল আমাদের দুই ভাইকে উচ্চ শিক্ষা দেওয়া। মায়ের দেখা দিলে—রক্তপিত্ত।—তিনি দ্রুত অপটু হয়ে পড়ায়, আমি বি-এ পাস করার পরই আমার বিবাহ দেওয়া হয়; এম্-এ পড়তে পড়তে ল-য়ের জন্য প্রস্তুত হতে লাগলুম। এই আমার অতিরিক্ত পরিশ্রমের আরম্ভ।

“আমিও এম্-এ পাস্ হলাম, মাও দেহত্যাগ করে রোগমুক্ত হলেন। বাবা এ আঘাত সহ্য করতে পারলেন না,—তিন মাসের মধ্যেই হৃদ-রোগে মারা গেলেন। আমাকে বল সপ্তয় করতে হল। দুইটি প্রাইভেট্ টিউসনি স্বীকার করে ল-টা দিলুম,—পাস হলুম। আমার ‘অনাথ’ তখন হয়েছে, মাস সাতেক পরে ‘মলিনা’ও হল। পত্নীর খাটুনীর অস্ত্র নাই। ছোট ভাই দীনের কিছু দিন দিন কেমন নীরব হয়ে এল,—নিভৃত খুঁজে বেড়ায়,—একান্তে থাকে। আমার পথদে’ হাঁটে না—কি বাইরে কি অস্তরে!

“অবস্থার এই আকস্মিক পরিবর্তনেও আমার আশা আকাঙ্ক্ষা আমাকে ঠেলে নিয়ে ছুটছিল,—দীনের কিছু হাল ছেড়ে দিলে। উৎসাহের মধ্যে তার রইলো—তার বৌদিদিকে সাহায্য করাটা। দু’বছর সম্পর্ক করে বি-এ আর দিলে না,—পড়া ছেড়ে দিলে। কারণ জিজ্ঞাসা করলে বলে—‘কি হবে, পড়া ত’ হয়েছে, সবই এক কথা। তার চেয়ে ফি’র (fee) টাকায় আপনি একটা ঝ রেখে দিন—অনাথের বড় অযত্ন হচ্ছে!’—

—“এখন তাদের কে দেখছে ভাই! কেউ আছে কি নেই তাও ত’ জানিনা!” উদাস মৃদু কণ্ঠে এই কল্লিট কথা উচ্চারণ করিয়া বন্ধুকে হাত বুলাইতে লাগিলেন।

সামলাইয়া বলিলেন—দীনেন্দ্রকে অনেক বোঝালুম,—কিছুতে উৎসাহিত করতে পারলুম না। সে বললে—‘আচ্ছা—একবার দিনকতক ঘুরে আসি,—বাংলা দেশটা দেখে নি। শূদ্র ব’য়ের মধ্যে দিয়ে দেখলে, আর তারপর জীবনটা টাকা রোজগারে উৎসর্গ করলে কেবল পেছিয়েই পড়া হয়,—জন্মটা বিফল হয়ে যায়।’ ফল কথা—তরুণ হৃদয়ে কঠিন আঘাতগুলো তাকে উৎসাহহীন করে দিয়েছিল,—সে ভগবানের মধ্যে আশ্রয় বা আরাম খুঁজছিল। আমি মনে মনে হাসলুম—কারণ দুর্বলেরাই ওই আশ্রয় খোঁজে;—বাথাও বোধ করলুম,—বাধা দিলুম না।

মাস-চারেক পরে সে স্বয়ং নিয়ে ফিরে এলো। আমার প্রাণটা দমে গেল। সে হেসে বললে—“ও কিছু নয়, পাঁচ জামগাম ঘুরে ঘুরে হয়েছে। কণ্ঠে ক্লান্তিতে বিপদে তাঁর

কৃপা চাক্ষুষ করেছি, তার বাড়ী লাভ আর কি আছে,—শান্তি বোধ করেছি।” ইত্যাদি।—

—“এ সব বকে কি! শুনুন আমার ভয় হল—মাথা খারাপ হ’ল নাকি! যাক, আমি ল-টা পাস করে আলিপদর কোর্টে বেরুতে আরম্ভ করলুম, সেও শয্যা নিলে। ডাক্তারেরা বললেন—থাইসিসের সূচনা। তাঁরা যা যা বললেন তাই করলুম,—শেষ বাড়ী বাঁধা দিয়ে সমুদ্রের ধারে গিয়ে রইলুম। যা ঘটবার তাই ঘটলো। ভাই গেল, বাড়ী গেল,—সর্বস্বাস্থ্য হয়ে আবার প্র্যাক্টিস্ আরম্ভ করলুম। তাতে চলে যাচ্ছিল। এইবার নিজের অজীর্ণ দেখা দিলে, অল্পদিনেই অপটু করে ফেললে। ডাক্তারেরা বললেন—সত্তর পশ্চিমে গিয়ে কোনো ভাল জায়গায় থাকা চাই—অন্ততঃ তিন মাস। হাতে মাত্র তিনশত টাকা জমে ছিল। অর্ধেক স্ত্রীর হাতে দিয়ে তাঁকে তাঁর পিতৃালয়ে রেখে অর্ধেক নিজে নিয়ে বেরিয়ে পড়লুম,—সে প্রায় তিন বছর পূর্বের কথা। সে টাকায় কোনো প্রকারে পাঁচ মাস চালিয়ে ছিলাম;—তার পর আমাকে যে অবস্থায় পেয়েছেন সেই অবস্থায় কেটেছে। কোথাও রোগের উপশম হয় নাই। কি কি ভাবে কেটেছে—সে অনেক কথা। দু’টি পরসার অভাবে আজ নয় মাস কারুর সংবাদ নিতে পারিনি! এ শরীর নিয়ে ফিরেই বা ফল কি, যাবই বা কোথায়? শ্বশুর বাড়ীর অবস্থা ভাল নয়। তখন আমি বহুদূরেও—টুন্ডুলায়। তারপর—‘এখানে এসেছি’ বললে ঠিক বলা হ’ল না,—‘এখানে আনলেন।’

“কোথায় কি ভাবে আর কেমন করে যে এই দীর্ঘ দিন কেটেছে, সেটা আমার নিজের কাছেই রহস্যময়। এত বড় অসম্ভব সম্ভব হওয়া আমি এখন নিজেই বিশ্বাস করতে বা মনে করতে পারি না। এই মাত্র স্মরণ আছে—চিন্তা, দৈন্য, অনশন, অনিয়ম, অনিদ্রা, অনিশ্চিতের উপর ও নির্বাহ, যথা তথা যাপন, শরীর নিগ্রহ,—এরা আমাকে রোগের যন্ত্রণা আর স্ত্রী-পুত্রের চিন্তা থেকে কোথায় সরিয়ে আড়াল করে রেখেছিল!—সকল-কেই বন্ধভাবে পেরেছিলাম।—

“আমার শিক্ষাই আমাকে সব চেয়ে ভুগিয়েছে। নিজের জ্ঞান বৃদ্ধি ও বিচার শক্তিকে অস্বীকার করে, সহজে ঈশ্বরকে স্বীকার করে নিতে পারিনি। দীনেন্দ্র বলেছিল—“একটা ভুল না হয় করলেন,—তাতে বড় বেশী ঠকতে হবে না।” আমার অহংকার কিন্তু তাতে সায় দেয়নি,—শিক্ষিতের কাছে সেটা যে আত্মপ্রবঞ্চনা,—সে যে প্রমাণ চায় কিন্তু আড়াই বছরের বৈচিত্র্যময় অবস্থা আমাকে কতই দূরদূর সমস্যা আর সংকটের ভেতর দিয়ে টেনে এনেছে—বিচার বুদ্ধির মধ্যে যার সমাধান নেই। কাঁহাতকই বা

তাদের accident বলে মন শান্তি পায়। কিছু বদ্বতে না পেরে নিজের বিদ্যাবুদ্ধি শেষ লজ্জায় মাথা নুইয়েছে। দেখুন,—কি অবস্থায় যে মৃত্যু বলে জিনিসটাকে পাওয়া যায় বলিতে পারি না। আমি কতবারই সে সীমা অতিক্রম করে গিয়েছি বলিয়া মনে হয়।”

ডাক্তারবাবু বাধা দিয়া বলিলেন—“আপনার নামটি শোনা হয় নি।”

“গণেন্দ্র বন্দ্যোপাধ্যায়।”

ডাক্তারবাবু পুনরায় বলিলেন—দেখুন গণেন্দ্রবাবু, আমি ডাক্তার, আমার উচিত আপনাকে বিশ্রাম দেওয়া। আপনার মত একজন শিক্ষিত ভদ্রলোকের কপর্দকশূন্য ও রুম্ম শরীরে, অপরিচিত-অবলম্বনে প্রবাসে আড়াই বছর কাটানই একটা অত্যাশ্চর্য ব্যাপার। সে শোনবার ইচ্ছা আমাদের স্বাভাবিক। কিন্তু আজ নয়—আগে আপনি একটু স্নান হয়ে উঠুন। আজ কেবল একটি মাত্র কথা শুনে উঠবো—টুংডুলা থেকে বৈদ্যনাথ অল্প পথ নয়—এলেন কি উপায়ে? সেখানে ছিলেনই বা কোথায়—কি ভাবে?”

গণেন্দ্রবাবু বলিলেন, “এ ব্যাপারটার মধ্যে তেমন বিস্ময়কর কিছুই নেই। আর উপায় বা উপায়-চিন্তা আমাকে কোনো দিনই নিজেকে করতে হয়নি,—কারণ সেটা সেই পারে যার কোন একটা কিছুর উপর দাঁড়িয়ে ভাববার ভিত্তি আছে।—

“একটু আগে থেকেই বলতে হয়। এটোরা খুব স্বাস্থ্যকর স্থান; কেবল স্থান আর আমাকে কতটুকু সাহায্য করবে। কোন প্রকারে কিছুদিন কাটিয়া কোনো ফল পেলুম না। কি করি,—কোথায় যাই। নিত্য ইন্সটেশনে এসে উদাস ভাবে ট্রেনের যাতায়াত দেখি, আর কত-কি ভাবি। গার্ডেরা বোধহয় লক্ষ্য করতো। সম-অবস্থাই সমবেদনা আনে। একজন গার্ড একদিন নিজে এসে আমার সঙ্গে আলাপ করলেন,—খুব মধুর ও করুণ তাঁর কথাগুলি। একজন খাঁটি ইংরেজ—আমাকে ডেকে এমন ভাবে কথা কছেন। আমি আশ্চর্য হয়ে গেলুম। —আমি কেন নিত্য উদাস ভাবে দাঁড়িয়ে থাকি,—এর পশ্চাতে কোনো কঠিন আঘাত আছে কি? তাঁর দ্বারা যদি সামান্য সাহায্যও সম্ভব হয় ত’ তা বলতে আমি যেন সঙ্কোচ বোধ না করি।” ইত্যাদি। এ কি!—

“বহুদিন পরে আমার বেদনাতুর হৃদয়ে সহসা কে যেন শীতল প্রলেপ দিলে। আমি আমার তখনকার অবস্থা ও মনোভাব তাঁর কাছে একটুও গোপন করতে পারলুম না,—তারা সহজ পথ পেয়ে বেরিয়ে গেল,—সে যেন আত্মায় আত্মায় কোলাকুলি।



তিনি বললেন—“টুংডুলায় অনেক বাঙ্গালী বাবু থাকেন—রেলের কাজ করেন ; চল সেখানেই তোমাকে পৌঁছে দি। কষ্ট হবে না,—স্থানও স্বাস্থ্যকর।” তাঁর সঙ্গে টুংডুলায় চলে এলুম। ইন্স্টেশনে পৌঁছে—তিনি আমাকে সঙ্গে করে কেলনার কোম্পানীর হোটেলে ঢুকে আমার জল-সাবুর ও আর যা যা দরকার হবে তার ব্যবস্থা করে—তাঁর নিজের নামে বিল করতে বলে দিলেন। তারপর আমার করমর্দন করে বললেন—“তুমি কেন হতাশ হচ্ছ বন্ধু—তোমার ত’ সবই রয়েছে,—তুমি সেরে যাবে। আচ্ছা—আবার দেখা হবে,—বলেই ট্রেনে উঠে ফ্যাগ্ দেখালেন। ট্রেন চলে গেল। আমার যেন স্বপ্ন ভাঙলো! ট্রেনখানা চলার সঙ্গে আমার হৃদয়টাতে টান পড়তে লাগলো,—আমার যে কতখানি ওর সঙ্গে চলেছে— !

—সবে তিন সপ্তাহ হ’ল—গার্ড সাহেবের পত্নী-বিয়োগ হয়েছিল। হৃদয়ের শূন্য স্থানটা কিছ্রু দিয়েই তিনি পূর্ণ করতে পারাছিলেন না, বেদনা-ব্যাকুল হয়ে বেড়াচ্ছিলেন,—কোনো কিছ্রুই তাকে স্বস্তি দিচ্ছিল না। নিজের দুঃখকষ্ট—অপরের দুঃখকষ্ট মোচন করে,—ত্যাগের মাধুরী তৃপ্তি দেয়। তাঁর শোকাত’ হৃদয় আমার মখে প্রতিচ্ছবি পেয়ে সমবেদনায় আকৃষ্ট হয়ে থাকবে। তা-ছাড়া আমি ত’ এই আকস্মিক ঘটনার অন্য কারণ খুঁজে পাই না।

\*

\*

\*

\*

“অনেকগুলি বাঙালী বাবু সেখানকার রেলের কাজ করেন। অনেকেরই দিনরাত পালা করে খাটতনি। কোম্পানীর দেওয়া কোয়ার্টারে স্ত্রীপুত্র নিয়ে থাকেন। যাঁরা একক তাঁরা তিনচার জনে মেস্ করে একটি কোয়ার্টারে কাটান। শূন্য খাটতনি আর খাওয়া নিয়ে মানুষের থাকা কঠিন, যদি আনন্দের অবকাশ না থাকে। সেটা তাঁরা করে নিয়েছেন। তাঁদের থিয়েটার, কন্সার্ট দুই-ই আছে আর তাতে খুব উৎসাহও আছে।—

“যাঁরা স্ত্রীপুত্র নিয়ে থাকেন—তাঁদের কোয়ার্টারে স্থান পাওয়া সম্ভবই ছিল না। আর মেসে গান বাজনা অভিনয়ের মধ্যে আমার মত পীড়িত অকর্মণ্যের থাকা কোনো পক্ষেই সুবিধার নয়। ওয়েটিং-রুমে রাখে রেলের ফিরঙ্গী কর্মচারীদের অবিরাম আসা যাওয়া, আড্ডা দেওয়া, ইত্যাদি। যাই কোথা! শীতবস্ত্র নেই,—হাওয়ায় একটু আড়ালও পাই না। কখনো প্র্যাট্‌ফর্মের বেশে শূন্য, আবার উঠে এদিক ওদিক বেড়াই—না নিদ্রা, না স্বস্তি। এই ভাবে তিন দিন কাটলো, আরো দুর্বল হয়ে পড়লুম, মাথা ঘুরতে লাগলো। যা একটু আশার আলো ধরে য়েছিলুম সেটুকু

নিবে গেল। সেই দিন ভগবানের স্মরণ নিলুদুম—মানুষের শেষ অবলম্বন। দীনেন বলেছিল—‘বড় বেশী ঠকতে হবে না।—’

—“শরীর মন তখন চিন্তা-চেষ্টার বাইরে গিয়ে পড়েছে, আমি পরের জিনিসের মত একখানা বেগে পড়ে রইলুদুম। ক্লান্ত দুর্বলদেহে সংজ্ঞা ছিল না। ঘণ্টার শব্দে আর লোকের গোলমালে ঘুম ভাঙলো। দেখি চার ঘণ্টা কেটে গেছে, একটু স্বাচ্ছন্দ্য এসেছে। এক্সপ্রেস আগের ইন্সটেশন ছেড়েছে, তাই যাত্রীদের এত চাঞ্চল্য। আমি যে বোম্বিখানিতে ছিলুদুম—তার আশে পাশে আর সামনে সম্ভ্রান্ত একটি বাঙ্গালী বাবু ছ’সাতটি ছেলেমেয়ে আর অনেকগুলি পৌটলা পুটলি ট্রাঙ্ক নিয়ে ব্যস্ত, —কুলিরা ঘিরে দাঁড়িয়েছে। একটি তিনচার বছরের ছেলে—বোম্বির ওপর, আমার পাশেই বসে একটা বল আর একটা কমলালেবু নিয়ে এক মনে খেলছে। এত গোলমালে তার কোনো দিকেই নজর নেই। গাড়ী যত নিকটে হ’তে লাগলো চাঞ্চল্যও সেই পরিমাণে বাড়তে লাগলো। কুলীরা বাবুটিকে বললে—“বাবুজী গাড়ী আজ বহুত লেট্ হায়—আধা ঘণ্টাসে উপর,—জাস্তি ঠ্যারেগা নেহি, জলদি ঠিক ঠাক করলে না।” বাবুটি আরো ব্যস্ত হয়ে পড়লেন। গাড়ী ইন্সটেশনে না দাঁড়াতেই চারজন কুলি মোট নিয়ে ছুটলো, বাবুটি স্ত্রীপুত্রাদি নিয়ে অনুসরণ করলেন।

“আমি সেই দিকেই চেয়েছিলুদুম। দু’তিনবার ঘোরা-ঘুরির পর কুলিদের তাড়ায় একখানা মধ্যম শ্রেণীর গাড়ীতে তাঁরা উঠে পড়লেন, প্রথম ঘণ্টার ঘাও পড়লো। আমি একটা নিঃশ্বাস ফেলে যেন বাঁচলুদুম। তখন চোখ ফিরিয়ে দেখি সেই তিনচার বছরের ছেলেটি তখনো তার বল আর কমলালেবু নিয়ে নিশ্চিন্তে খেলছে। কি সর্বনাশ! গাড়ী যে এখনি ছাড়বে! বললুদুম “খোকা তুমি যাবে না?” তার চটকা ভাঙলো, এদিক ওদিক দেখে, নেবে পড়ে “বাবা বাবা” করে উঠলো। আমার সামর্থ্য নেই—তাকে কোলে করে ছুটে গিয়ে দিলে আসি। তবু উঠে পড়লুদুম—তার হাত ধরে গাড়ীর দিকে চললুদুম,—দ্বিতীয় ঘণ্টাও দিলে। প্রাণটা শিউরে উঠলো। যতটা পারি দ্রুত চললুদুম। আমার ডাক সে গোলমালে তাঁদের কাছে পৌঁচিছিল না। আমরা যখন দু’ হাত তফাতে তখন গাড়ীতে মোশন দিলে।—

—“আমি এখনো জানিনা কি করে ছেলেকে তুলে নিয়ে গাড়ীর মধ্যে ঢুকে পড়েছিলুদুম। দোরের সামনে মাত্র একহাত স্থান ছিল—আর সব মোটেঘাটে ভরা। তাঁরা তখনো তাই নিয়ে বিব্রত। আমি ধর ধর করে কাঁপছিলুদুম—অশ্রুকার দেখে

সেই মোটের উপরেই ঘুরে পড়ি। আশ্চর্য—বাইরে পড়িনি। যখন কথা কইতে পারলুম—তখন এক ইন্সটেশন পার হয়ে এসেছি। তারপর যা স্বাভাবিক,—কৃতজ্ঞতা প্রকাশ প্রভৃতি। আমি বললাম,—এখন আমাকে আগের ইন্সটেশনে নাবিয়ে দিন, আমার টিকিট নেই ;—একটু সাহায্য করলেই হবে—বড় দুর্বল বোধ করছি।”

“তবে ! এ অবস্থায়—সেখানে কি আপনার কেউ আছেন, না,—টুংডুলায় ফিরে যাবেন ?”

একটু হেসে বললুম—“আমার সব ইন্সটেশনই সমান,—সব লোকই আপনার লোক।”

ভগ্নলোকটি আমার অবস্থাটা বোধহয় কতকটা অনুমান করে সহানুভূতির স্বরে বললেন—“যদি বাধা না থাকে ত’ জানতে পারি কি—কোথায় গেলে আপনার সুবিধা হয়, বা কোথায় যাবার আপনার ইচ্ছা !”

“না,—কোনো বাধাই আর আমার নাই ; সুবিধার চিন্তাও আমি ত্যাগ করেছি। তবে আজ দু’দিন মাঝে মাঝে মনে হয়েছে—শেষটা বৈদ্যনাথের আশ্রমে গিয়ে পড়তে পারলে যেন নিশ্চিন্ত হই,—তিনি যা হয় করুন। আর পারছি না।”

বাবুটি বাধা দিয়ে সাগ্রহে বলে উঠলেন—“মাপ করবেন, আমি রেলওয়ে এজেন্ট আপিসে কাজ করি, পাস নিয়ে সম্ভ্রান্ত বন্দাবনে গিয়েছিলুম, বাড়ী ফিরাছি। আরো দু’জনের আসবার কথা ছিল—তারা আসতে পারেন নি। এতে আমার এক পয়সার খরচ নেই। আপনি অমত না করলে আমরা বড়ই শান্তি অনুভব করবো। তবে আপনার শীতবস্ত্রাদি বোধহয় টুংডুলায়”—

“না,—যা আমার গায়ে আছে এই আমার সব। তবে ছোট একটা ক্যাম্বিসের ব্যাগে সামান্য দু’ একটা জিনিস ছিল,—সে গেলে কোনো ক্ষতিই নেই।” বাবুটি তার স্ত্রীর দিকে চাইতেই তিনি তাড়াতাড়ি উঠে তাঁদের মোটগাড়ির পাশ থেকে একটি ক্যাম্বিসের ব্যাগ তুলে তাঁর স্বামীর হাতে দিতেই—তিনি সেটি আমার দিকে এগিয়ে দিয়ে বললেন—“এইটি-ই আপনার নয় ত’? কুলিরা আমাদের পুটলি পোটলার সঙ্গে এটিও এনে ফেলেছে—ট্রেন ছাড়বার পর দেখতে পেলুম। তাই আলাদা করে রাখা হয়েছে।”

আমি একটু হাসলুম, বললুম—“হ্যাঁ—আমারি বটে। ভগবানের ব্যবস্থা এগিয়ে চলে, তিনি এখনো আমার খবর রাখছেন।” একটা নিঃশ্বাসও পড়লো। যাক—তার-পর তিনি আমাকে যশোডি ইন্সটেশনে নাবিয়ে দিলেন। পাণ্ডারা যাত্রী ভেবে ঘিরেছিল, তাদের একজনকে বললেন—“তুমি একে সঙ্গে করে নিয়ে গিয়ে থাকবার ব্যবস্থা করে

দিও—কষ্ট না হয়, ওঁকে কোন বিষয়ে পেড়াপিড়ি কোরো না—একটু দেখো।” তার পর আমার নিষেধ সত্ত্বেও তার হাতে কিছু দেন,—কত তা জানি না। তার নামটিও জেনে নেন। কস্মল কয়খানি কখন দিয়েছিলেন তা আমি জানতে পারি নি।

“এই ভাবে আমার বৈদ্যনাথের আশ্রমে আসা বা আমাকে তাঁর নিয়ে আসা।”

আমরা নির্বাক-বিস্ময়ে শুনিতোছিলাম। তের্মনি অবাক হইয়া তাঁহাকে দেখিতে লাগিলাম, কাহারো মুখে কথা ফুটিল না।

গণেনবাবুই বলিলেন—যাক,—এখন কেবল একটি কথা নিবিড় হয়ে আজ ক’দিন প্রাণের মধ্যে জেগেছে, সেই আমাকে স্ত্রীপুত্রের কাছে অপরাধী করে রেখে,—নিশ্চয় চলল। সে ব্যথার ত’ রূপ নেই যে রেখে যাব।”

একটি ছোট নিঃশ্বাস পড়ল; তিনি চোখ বৃজলেন। মিনিট-খানেক নীরবে কাটা-বার পর তিনি বললেন, “আর আমার বলবার কিছু নেই ডাক্তার বাবু।”

ডাক্তারবাবু নির্বাক শুনিতোছিলেন, বলিলেন, “কিন্তু আমার যে কিছু বলবার আছে গণেনবাবু।”

তিনি ধীরে ধীরে চাহিলেন।

ডাক্তারবাবু বলিলেন—“আপনি নিজেই অনুভব করছেন—আপনার রোগ সেরে গেছে। তার চেয়ে বড় প্রমাণ ডাক্তারের হাতে নেই। এখন কেবল স্ত্রী পুত্রের কাছে অপরাধী থেকে যাওয়াটাই আপনাকে ব্যথা দিচ্ছে, এটাও রোগ-মুক্তির অন্যতম লক্ষণ,—আপনি সেরে গেছেন। আপনার কাছে আমার বিশেষ অনুরোধ—আপনি ও ব্যথা-চিন্তাটা মন থেকে দূর করে দিন,—ওইটাই আপনার prostration-এর কারণ। আমি আশা করি এক সপ্তাহেই আপনি বল পাবেন। পরে জয়হরির দিকে চাহিয়া বলিলেন, “এখন এঁকে দেখা-শোনা আর সময় মত খাওয়ার ভার তোমার।”

জয়হরি সোৎসাহে বলিল—“সে আপনি দেখবেন আমি কি রকম খাওয়াই। আমি যেমন করে পারি—”

এইবার আমাকে ব্যথা হইয়া কথা কহিতে হইল। বলিলাম, “ডাক্তারবাবু আহারের ওজন বোধটা জয়হরির খুবই কম। উনি যা করবেন ভাল ভেবেই করবেন বটে কিন্তু গণেনবাবু তা সইতে পারবেন কি না সন্দেহ।”

“তাই নাকি হে।”

“আজ্ঞে বিদেশে তেমন সন্নিবিধে নেই, তাও ভাল, যা পাব যেমন করে হোক—তা দেখে নেবেন, ওঁর কাছেই শুনবেন।”

সর্বনাশ !—তবে আর কাকে—?” বলিয়া ডাক্তারবাবু সেই যুবকজনের দিকে চাহিলেন ।

জয়হরি কাতরভাবে বলিল, “আপনি বিশ্বাস করছেন না কেন ডাক্তারবাবু—আমি আপনার ওখান থেকেও ত’ আনতে পারি—কম খাওয়াব কেন ? উনি যাতে শীগ্গির শীগ্গির বল পান—মাংস, হালদ্রা.....”

গণেনবাবুদর মুখে হাসি দেখা দিল, তিনি বলিলেন, “ও’র কথা আমি ঠেলতে পারব না ডাক্তারবাবু, ও’কে আপনি ঠিক করে বদ্বিয়ে বলে দিন ।”

ডাক্তারবাবু বলিলেন, “এখন এক সপ্তাহ মাগুর মাছের ঝোল আর পুরাতন চালের ভাত দু’বার খাবেন, আর দু’বার আধসের করে দুধ ।

“সুদ্বিধা হয় ত’ ফলের মধ্যে বেদানা আর নেবু—বাস্ । বদ্বালে !”

“আজ্ঞে হ্যাঁ, তা বদ্বোছি, কিন্তু—”

“এখন এক সপ্তাহ কিন্তু টিস্তু নয় ।”

সেই যুবকজন বলিল, “আপনি নিশ্চিত হউন, আমরা তিনজন রইলুম, কোন রকম অনিয়ম কি অসুদ্বিধা হবে না ।”

“বেশ, তবে এখন উঠতে পারি জয়হরি !”

“আমি ত’ আপনাকে কখন উঠতে বলছিলাম । আপনি তামাকের স্বাদ পেলে দেখছি ভোর হয়ে যেত ! আমি কিন্তু মার কাছে মৃত্যু দেখাতে পারব না ।”

“না না—কাল তোমার ষাওয়াই চাই । গণেনবাবুকে খাইয়েই যেও । আমি অপেক্ষা করব । ওইখানেই কাল থাকে, আর যদি কিছু কাজ থাকে,—বদ্বালে !”

পরে দু’ এক কথার পর ডাক্তারবাবু উঠিলেন, আমিও উঠিলাম ।

নামিয়া দোখ জয়হরি আমাদের পুবেই নীচে নামিয়া অপেক্ষা করিতেছে ! ডাক্তারবাবুকে সকাতে জিজ্ঞাসা করিল, “ঠিক করে বলুন, কোনও ভয় নেই ত’, ও’র ছেলে মেয়ে আছে ডাক্তারবাবু ।”

“রোগের জন্যে ত’ ভয় নেই, ভয় কেবল তোমার জন্যে । মঙ্গল ইচ্ছা আর পেট এ দু’টো যে এক জিনিস নয় সেইটে মনে রাখলে ভয়ের কোন কারণই নেই ।” এই বলিয়া হাসিতে হাসিতে তিনি গাড়ীতে উঠিলেন ।

রাস্তার ওপারেই আমাদের আস্তানা ; আমরাও বাসায় পৌঁছিলাম ।

জয়হরি জিজ্ঞাসা করিল, “ডাক্তারবাবু কি বললেন বদ্বতে পারলাম না ।”

বলিলাম, “গণেনবাবুকে খাওয়ানো সম্বন্ধে খুব সাবধান হতে বললেন । যা ব্যবস্থা করে গেলেন ঠিক সেইটেই করা চাই । অন্য কিছু দেওয়া না হয় ।”

বাণেশ্বর আসিয়া জয়হরিকে সংবাদ দিল, “সব হয়ে গেছে—মা ডাকছেন।” সে ভিতরে চলিয়া গেল।

দেখিতেছি ক্রমে আমি মাত্র দুন্টার দাড়াইয়া গেলাম। জগতে অনেক জিনিসই দিন রাতের মত আসে—চাহিতে হয় না,—ভাবনাটাও তাহাদেরই একজন। আজ কিন্তু শরীর মন দুই-ই অবসন্ন হইয়াছিল। আমার অজ্ঞাতেই ভাবনার বাহিরে গিয়া পড়িল। ইতিপূর্বে ভাবিতাম আমার ভবিষ্যৎ বলিয়া যাহা ছিল তাহা চুকাইয়া ফেলিয়াছি, এখন কেবল স্রোতাধীন থাকা,—“রয়েছে দীপ না আছে শিখা”,—আজ তাহাতে সন্দেহ আসিয়া গেল।

### ৫৩

প্রাতে চা পানান্তে ভবিষ্যতের মঞ্চে মন দিলাম। সম্মান করিয়া গণেনবাবুর পূর্ব আশ্রয়দাতার নিকট উপস্থিত হইলাম। লোকটিকে ষাণ্ডা বলা যায়,—পাণ্ডা সে নয়,—পাণ্ডাদের পরিজন। তাহাদের দালালী করে, নিজের বাড়ীতে যাত্রীও তোলে। তাহাকে ভাল কথায় বদ্বাইয়া দশ টাকা দিয়া শিল-আংটিটি আদায় করিলাম এবং জয়হরির জন্য একখানা দিশি কালোপেড়ে ধুতি লইয়া ফিরিলাম। গণেনবাবুকে দেখিয়া আসিলাম।

চা পানের সময় হঠাৎ একটা কথা মনে পড়ায় পাঁচটি টাকা বাহির করিয়া জয়হরির হাতে দিয়া বলি—“তোমার কাছে রাখ—আবশ্যক মত খরচ করো। দরকারের সময় আমার দেখা না পলে অসুবিধায় পড়তে হবে না।”

সে বিস্ময়ে আমার মুখের দিকে চাহিয়া বলে,—“আপনার দেখা পাব না কেন? আপনি কি একা বেরুবেন নাকি? তবে আর আমি এলুম কেন? না না, সে হবে না—আপনি টাকা রাখুন—দরকার হলে আমি চেয়ে নেব।” পরে কাতর ভাবে বলিল—“একটি অসহায় ভদ্রলোকের বিদেশে এই সঙ্কট অবস্থা—তাই। এই ত’ এ-ঘর ও-ঘর বই ত’ নয়। আপনাকে ছেড়ে আমি নিজেই কি নিশ্চিন্ত থাকি!”

কি পাগল! সে আমার ভাবনা ভাবিতেছে। আমি তার কাজটা অনুমোদন করিতেছি কি না, এমন সন্দেহ থাকিতে পারে,—তাই তাহাকে উৎসাহ দিয়া পথ্যাদি সম্বন্ধে সাবধান করিয়া বিদায় দিলাম। টাকা কর্তি কাছে রাখিতে বলিলাম। আর

কোন কাজে লাগুক বা না লাগুক এখন তাহার নিজের আহার সম্বন্ধে সময়ের স্থিরতা থাকিবে না—অথচ সে ক্ষুধা সহ্য করিতে পারে না,—সুবিধা মত কিছু কিনিয়া খাইয়া লইতে পারিবে।

পাঁচ সাত দিন পূর্বের কথা—বৈকালে একা বাহির হইয়াছিল। একস্থানে বেগুনি ফুলদির ভাঁজতেছে দেখিয়া খাইতে ইচ্ছা হয়। পকেটে পয়সা ছিল না—আটখানা পোস্ট কার্ড ছিল, সবগুলা দিয়া দু' আনার বেগুনি খাইয়া আসিয়া বলে,—সরকার কত বন্ধু পোস্ট-কার্ডের দাম দু' পয়সা করে দিচ্ছেন,—সময়ে অসময়ে গরীব দুঃখীর কাজে লাগবে বলে। ওঁকি শব্দ চিঠি লেখবার জন্য!—তা কেউ তলিয়ে বন্ধুবে না। পয়সা ছিল না—আটখানা সামনে ধরতেই গরম গরম বেগুনী এসে গেল—ব্যাটা কথটি কহিলে না। কে দেয় মশাই। বাবুরা এই সব সুবিধেগুলি নষ্ট করতেই আছেন। যাদের রাজ্য তাঁরা বোঝেন না—ওঁরা বোঝেন! আরো দুঃখ-কষ্ট বাড়ুক, দেখবেন একখানা পোস্টকার্ডে এক আনার বেগুনী মিলবে। লোকের দুঃখ বোঝা চাই মশাই,—সবচেয়ে বড় কাজ সেইটেই।”

শুনিয়া আমি ত' নির্বাক। সেইদিন হইতেই তাহার পকেটের খোঁজ আমাকে রাখিতে হয়।

আজ মাতুল বাড়ী রওয়ানা হইলেন। জয়হরি নিজের কথা রক্ষা করিয়াছে—তাঁহার বিছানা বাসন ট্রাঙ্ক নিজে বহিয়া আনিয়া গাড়ীতে তুলিয়া দিয়াছে। আমিও স্টেশনে উপস্থিত ছিলাম। বিদায়টা সত্যি বেদনার আদান-প্রদানে সমাধা হইল। জয়হারি তাঁহাদের সঙ্গে জড়িশ পর্যন্ত যাইতে পারিল না বলিয়া যেন অপরাধীর মত হইয়া পড়িল! নীরবেই বাসায় ফিরিলাম। জয়হারি বিমর্ষ মুখেই ধর্মশালায় ঢুকিল। আজ দুই দিন তাহার আহার নিদ্রার কোন আগ্রহই দেখি না। সে জন্য বাড়ীর মেয়েদের দূর্ভাবনার অন্ত নাই। কত' অরুচির অশ্বখ—নেবুর আচার, লাইম-জুস্, আলু বখরা, খোবানীর মোরাস্বা প্রভৃতি খুঁজিয়া বেড়াইতেছেন। মায়েদের বিশ্বাস—নজর লাগিয়াছে। কত' জলপড়াও জানেন—তাহার ব্যবস্থাও হইতেছে।

দিন দিন চিন্তা বাড়িয়াই চলিয়াছে। পূর্বে পূর্বে দেওবনের হিমশীতল উজ্জল প্রভাতগুলি ঘর হইতে টানিয়া বাহির করিত, সর্বশ্রেষ্ঠ শান্তি-সঙ্গ করিত, হিম-স্নাত

স্বক্বে পাতাগুলি ঝিরঝিরে প্রভাতী বাতাসে—‘এস এস’ বলিয়া ডাকিয়া লইত,—  
পাথে বাহির হইয়া বাঁচিভম। স্মৃতিই গতি যোগাইত।

আর আজ মর্দি দিয়া গর্দি মরিয়া রাস্তার দিকে চাহিয়া, বেকার বেকার মত  
বসিয়া আছি। সিগারেটের রেট বাড়িয়াই চলিয়াছে, ঠোট দ’খানি সিগারেট-খরা  
সাঁড়াসী হইয়া দাঁড়াইয়াছে—রংটিও পাইয়াছে লোহারই। বসিয়া বসিয়া পাছ হটিয়া  
গিয়া শূন্যে পারিলেই বোধহয় আরাম পাই। শরীর মন উৎসাহ-শূন্য।

জয়হরি আবার কবে কি আবিষ্কার করিয়া আনিবে ;—কর্তার বাধাসৃষ্টির নিপুণ-  
তার অন্ত নাই ;—গণেনবাবুর রোগ-মুক্তি ও শারীরিক শক্তি-সম্পন্ন—সময়-সাপেক্ষ,—  
প্রভৃতি চিন্তা মাথার মধ্যে যাতা ঘুরাইতেছিল। সর্বোপরি অতিথিভাবে এরূপ গাঢ়  
স্থিতিটাও ভদ্রনীতিবিরুদ্ধ, এই সপ্ততাল ভেদ করিয়া বাহির হইবার কোন ভব্য উপায়ও  
মাথায় আসিতেছিল না।

ভাবিতে ভাবিতে শেষ ‘পুরাণে’ আসিয়া পৌঁছিলাম। যাত্রাটা অগস্ত্যমাত্রার  
যোগে বা দুর্যোগে করা হয় নাই ত’। অগস্ত্য সেই যে কাশী ছাড়িয়া বিন্ধ্যাচলকে  
সাঘাট-নত বাঙালী বানাইয়া চলিয়া গেলেন,—কই ফিরিতে পারিলেন কি? আমিও  
ত’ কাশী ছাড়িয়া যাত্রা করিয়াছি।

চিন্তার জন্য টিকিট কিনিতে হয় না, তারা বেশ অবাধে মাথাটাকে পাইয়া বসিয়াছে  
—নির্বিন্ধ্য যাতায়াত করিতেছে।

\*

\*

\*

আমরা আসিয়া উপস্থিত—একদম ঘরের মধ্যে। আমি অবাধ হইয়া মূখের দিকে  
চাহিতেই, সে ধূল পায়েই রুদ্-কণ্ঠ আরম্ভ করিল—“দেখ দেখি বেইন্নের বেইমানিটে  
—সে সরে পড়েছে। আমি কিনা তার ভালর তরে সম্মানক এলুম,—বেলান একলাটি  
ধাকেন—এঁকে পেলে, তিনি রাখলেন বাড়লেন, ইনি কুটনো কুটে দিলেন ; বিকেলে  
তিনি বাটনাটা বেটে ফেললেন,—লুচি ভাজলেন, ইনি চুল বেঁধে দিলেন, দ্ব’টো গল্প  
করলেন,—এই রকমে দ্ব’জনে ভাগাভাগি করে খাটলে চট্ কাজ হয়ে যেত, দ্ব’টিতে  
বেড়াবার ফুরসৎও পেতেন,—কতটা আনন্দে থাকতে পারতেন। কলিকাল বটে। এখন  
আমার কি আতঙ্কের বল দেখি। চালাটি পর্যন্ত—”

বলিলাম “তাই ত’ অমর, এই খরচ করে আসা—”

“তুমি তাই ঠাউরেছ বন্ধি, রেল পয়সা দেব সে বান্দা আমি নই। কুম্ভমেলা গেল  
টিকিট বাবুদের অনেকেই বাড়ী ফেঁদেছেন। লোহার কড়িগুলো সমস্ত সাতাশের



জায়গায় সাইটশে ঝাড়ুছি—সবাই খুঁসি—ও-সব পরসার কেউ হিসেব করে কি !  
 পাসের ভাবনা কি ? হাতে আলপো কিছু এলে—ছোটো নজর চলে যায়,—কেউ  
 টেনে চলে না । হরিরামের ‘পাসে’ সম্ভ্রীক চারিধাম সেরে বসে আছি,—তীর্থ আর  
 বাকী রার্থনি ভায়া ! যাক—ছট্ সন্দাঁর বেটার জানলার গরাদে চাই,—ভগবানই  
 জুটিয়ে দেন—সেই বেটার পাসেই চলে এলুম । চক্ষুলাজায় সম্ভ্রায় দিতেই হ’ল ।  
 কেবল তেরটা টাকা ট্যাঁকে গুঁজলুম । পাসের ভাবনা । সে যেন হ’ল, কিন্তু বেই-  
 বেটা ভারী ফসকালো ! আচ্ছা—”

ওই “আচ্ছাটার” মধ্যে এমন একটা নির্মম সুর বেজে উঠল যে তার ভেতর রেহাই-  
 এর এতটুকু রাখা নেই ।

বিলিলাম, “তাঁর দোষ নেই অমর—তাঁর না গেলে নয়—অপিসে কি একটা ভুল  
 করে এসেছেন—যদি সামলাবার উপায় করতে পারেন—তাই । কাচ্চাবাচ্চাওয়াল্য  
 কোরাণী, বড় চম্পল হয়েই গেছেন । তাঁর যাবার ইচ্ছা ছিল না ।”

“ও সব চাল আমি খুব বুঝি হে—খুব বুঝি । কানই গেছে, চোক্ দু’টো ত’  
 যায় নি, অনেক দেখলুম—”

ভাবিলাম—অমরকে বুঝাবার চেষ্টা করা কেবল বৃথা নয়, নিজের গলাটাকেও  
 মিথ্যা পীড়িত করা,—চীৎকার করিয়া ফল নাই । স্বপ্ন কথায় বিলিলাম, “তা তিনি  
 গেলেনই বা—তোমার ভাবনাটা কি । হাতের কাছেই সব,—বাড়ীও এখন বহুত  
 খালি ।”

অমন আমার মূখের উপর স্থির-নেত্রে চাহিয়া বিলিলাম, “ওই বুঝিতেই ত’ কলাপোড়া  
 খেয়েছে,—তবে আছ বেশ,—কোনও বখেড়া নেই । আরে—রাবড়ী নয়, রসগোল্লা নয়—  
 সেরেফ হাওয়া খাবার জন্যে বিদেশে পরসা খরচ করে থাকবার ছেলে আমি নই । সে  
 ব্যবস্থা বাগিয়ে ফেলছি । বাবার পিসির এক জামাই উইলিয়মস্ টাউনে থাকেন—  
 মন্সেসফ্ ছিলেন, দিবা বাড়ী করেছেন । দিন কতক আগে বাজারে আলাপ  
 হওয়ার সম্পর্ক বেরিয়ে পড়ল । তিনিও বুঝলেন লাখের উপর উঠেছে,—বাস্ ।  
 ওইটাই মানুষের মত্বাবাণ—ওইতেই মেরে রেখেছি । লক্ষ্মীমন্ডের ঝাঁক পোয়াতে  
 সবাই লালায়িত—সেটা বোঝ ত’ । আমার সিকি পরসা কেউ পাক বা না পাক,—  
 পাবে আবার কি ।—আমাকে পাওয়াটাই যে তার অতিবড় ভাগ্য—তার দাম নেই কি ?  
 কথটা বুঝলেনা ?”

“না—একটু থুঁলে বল ভাই ।”

“আঃ, তোমার ত’ চোক্ কান দুই-ই রয়েছে,—এই সোজা কথাটা বদ্বলেনা,—সে কি হে ! কি করে যে এই লম্বা পাড়ি মেরে চলেছ—ভেবে পাইনা । বেশ আছ কিছু । আরে—কোন বড়-লোক কাকে ক’টাকা দেয়—তাদের দিতে হয় না,—দিতে হয় না,—দিতে হলে বড় লোক হয়ে তাদের লাভ ? তাদের সঙ্গ পাওয়াটান্ন, তাদের কাজকর্ম সাহায্য করতে পাওয়াটান্ন একটা গোরববোধ নেই কি ? সেইটাই তাদের প্রাপ্য । তারও ত’ একটা মূল্য আছে । নেই কি ? যাক—মন্সেসফ্ তাঁদের best room ( বাবু ঘর ) আমাদের ছেড়ে দেছেন, গুরুগুর আদরে আহার—মায় মেওয়া । আবার লোহার কড়ি-বরগা নেবেন—বাড়ী বাড়চ্ছেন । যখন বার-টাকা মাইনের চাকরি করতুম, বার দোর ঘরেও একটা পয়সা ধার পেতুমনা, এখন সব সেধে গচ্ছিত রেখে যায়—তাও তের হাজারের উপর উঠেছে । আমি আর ক’শন—ছেলেগুলো মানুষ হয় ত—”

তাড়াতাড়ি বলিলাম—“অমর আর কেন ভাই, এখন ওসব চিন্তা একদম ছেড়ে দিয়ে নিশ্চিন্ত হয়ে আরাম কর, ভগবানের নাম কর, সাধুসন্তের জীবন-চরিত পড়—”

সে বাধা দিয়া বলিল, “তুমি যেমন পাগল,—সব করে দেখা দেখা হয়েছে বন্দু—পয়সা ছাড়া কিছুতে সুখ নেই । জান ত’ “বোখোদয়” আমার ফাইন্যাল final (মৌরস্তু) —চতুর্বেদের বালাখানা, বিদ্যোসাগরের ওই বইখানি,—তিনিই লোহার খবরটা দেন,—তারপর আর বই ছুইনি । তবে বাকী রাখিনি, ধর্মচর্চারও চুড়োস্ত করে ফেলেছি ;—পাঞ্জাবী গুরু—ঝাড়া সাতাফট তিন জ’ । আসন করে একটু চোখ বন্ধে বসলেই সুষুন্না থেকে আধ্যাত্মিক আওয়াজ পাই—‘বোবাজরের পুরোনো লোহালঙ্কড় মাটির দরে এনে গুদোম ঠেগে ফ্যাল,—সোনা ফলবে ।’ যুদ্ধের সময় ফলে গেলেও তাই । লোহাই আমার তুলসীদাসের দোহা, লোহার রস যে স্বর্ণসব সেটা তোমারা বদ্বাবে না । এ কেমিস্ট্রীর মিস্ট্রী—রস-রহস্য, ইউরোপই বদ্বাছে ।”

ধর্মের কাহিনী আমারও রুচি-বিরুদ্ধ । ‘সার্মন্’ ( বিজ্ঞবদলি ) কার মনই বা শুনতে চায় ! তবে “nothing like leather”—( পাঁচকাহনটা ) থামাইবার জন্য বলিলাম, “মাতুল থাকলে ত’ মন্সেসফবাবুর এই সব আদর আপ্যায়ন কি আত্মীয়তার স্বাদই পেতে না,—এতটা সুবিধা আর আরাম থেকে বঞ্চিত হ’তে,—কতবড় লোকসানটা হ’ত ! মাতুল গিয়ে ত’ ভালই হয়েছে ভাই ।”

“তা বটে,—তবে তার ব্যাভারটা দেখলে ত’ । আমি কোথায় তার আরো দু’-মাসের ছুটির কথা পেড়ে এলুম—একখানা দরখাস্ত পাঠালেই মঞ্জুর হ’ত,—সব

বেটাই খাতির করে ত'। আর বেইমান কি না সরে পড়ল। উনি আঁব দৃষ্টি ভালবাসেন তাই সঙ্গে নিয়েলুম, আর আমাকে কি রকম খেলো করল বল দিকিনি। ওখানে ছেলের বে দিয়ে বকমারি করেছি—জলের দামে ছেড়ে দিতে হয়েছে। দম্ দিলে—ওদের আপিসের অর্ডারগুলো আর যায় কোথা! বড় ঠকিয়েছে। ও ছেলেটা বেফায়দা গেছে হে—কোনও কাজ দিলে না। ব্রাহ্মণীর দশ দশ মাস কেবল কষ্ট ভোগ ছিল,—যাক।”

একটু অন্যমনস্ক থেকে বললে—তুমি ত' কাগজ-টাগজ পড়,—লুডাইয়ের সাড়া শব্দ পাচ্ছ কি?”

বলিলাম, “জগতের civilisation-টা (মুখোসটা) যে রকম চার পায়ে চলেছে তাতে স্পষ্টই প্রমাণ পাওয়া যাচ্ছে—অপেক্ষে তুচ্ছ থাকাকাটাই অসভ্যতার লক্ষণ। কাজেই কারুর সঙ্গেই কারুর সত্যের সম্ভাব থাকবার কথা নয় অমর; মৌখিক মলম মাখানো আর মানদুষ্মারার উপায় বাড়ানোই চলেছে। এতটা ব্যয় আর বড় বড়দের মাথা ঘামানো কি মিথ্যা হবে।”

“তাই বলো ভাই, আর একটা লুডাই যেন দেখে যেতে পারি। আচ্ছা—হ্যাঁ, তোমার ওপল আমার প্রশ্ন আছে, এক টুকরো কাগজ আর পেন্সিলটে দাও ত'।”

কাগজ লইয়া ঝিন্ড করিয়া প্রত্যেকখানিতে কি লিখিল। খুঁড় দুইখানি সমান ভাবে মর্দুয়া উর্ধ্বে নিপেক্ষ করিল। ভূমে পড়বার পর আমাকে বলিল, “মা কালীকে স্মরণ করে ওর একখানা তুলে আমার হাতে দাও।”

মা কালীকে এই ফ্যাসাদের মধ্যে না টানিয়া একটি মোড়ক তুলিয়া অমরকে দিলাম।

খুলিয়াই—‘বাস্ মার দিয়া’ বলিয়া লাফাইয়া উঠিল। “এই দেখ না—লুডাই লাগবেই লাগবে। তবে সাত বছরের মধ্যে। তা “মথো” মানে এক বছরেও লাগতে পারে—তিন মাসও ভর সহিতে না পেরে। তোমার হাতে তোলা—মিথ্যা হবে না, সে বিশ্বাস আমার আছে। কিছু করলে না এই যা দৃষ্টি—কিন্তু আছ ভাল। আমার ঠিকুজি খোদ শিবু আচার্য্যার তৈরী, এখনো সতের বছর ত' বাঁচবেই। কুছ্-পরোয়া নেই—সাত বছরই সহি; তবে “মথো” যখন রয়েছে—সাত মাস হ'তে কতক্ষণ,—অতদিন কখনই নেবে না; আঁ—কি বলো,—মা সবই পারেন। ওই সঙ্গে কান দুটোর ওপরেও কৃপা করো মা।—”

—“বড় মন মরা হয়ে পড়োছিলুম, ভারী উপকার করলে ভান্না। আচ্ছা—এখন

“প্যাগেসে (রাজবাড়ী) চললুম। ওদের আবার ঘণ্টা ধরে খাওয়া,—চাকরি করে মরেছে কিনা।”

আমি সহিষ্ণু শ্রোতা হইলেও সর্বক্ষণ বিষয়ের কথা বড়ই বদ্ধ্‌জম। তথাপি আবশ্যক বোধে একটা কথা না বলিয়া বিদায় দিতে পারিলাম না।

বলিলাম, “শুনে থাকবে এখানে মাঝে মাঝে চোরের উপদ্রব আছে ;—daring ডাকাতির কথাও কানে আসে। তারা নবাগতদের খবর রাখে—বিশেষ কেউ সন্দ্বীক এলে। তুমি সন্দ্বীক এসেছ। খোলা জায়গায় আছ, খুবই ভাল হওয়াটা খ্যালে বটে, কিন্তু চোর ডাকাতের ধাওয়াটাও সেই দিকেই বেশী। একটু সাবধান থেক ভাই।”

অমর আমার কানের কাছে মৃদু আনিয়া বলিল—“আমার চেয়ে যারা হুঁসিয়ার তারা কেউ বাইরে নেই—সব জেলে। অভ্যাস বিরুদ্ধ হ’লেও কি জানি কেন তোমাকে কোন কথা গোপন করি না। তোমাকে বলি,—সম্ভ্রম বজায় রাখতে স্ত্রীকে এক-গা গয়না পরিয়ে আনতে হয়েছে বটে। কেউ আসেন—সব খুঁলে দিতে বলব। তাতে তের টাকা দশ আনার বেশী যাবে না। খাঁটি কোমিকেল হে—খাঁটি কোমিকেল ;—আচ্ছা এখন চললুম,—বেই বেটা কিন্তু—”

আর শূন্যে পাইলাম না।

### ৫৫

দেখিতে দেখিতে আরও দশ-বার দিন কাটিল। ভাবনা চিন্তা ত্যাগ করিয়াছি। এই সঙ্গে ঘৃণা লজ্জা ভয়ও ফিকে মারিয়া আসিতেছে। সপ্রতিভ ভাবেই খাই শুই বেড়াই আর সিগারেট টানি। বেশ আছি সবাই ভাল।

আমার এই উদাসীন ভাবটা বোধ করি জয়হরির লক্ষ্য এড়ায় নি। সে মধ্যে মধ্যে কাছে আসিয়া—বড় কিন্তুুর মত বসে, আর বলে,—“বড় দেবী হলে গেল, আপনার কষ্ট হচ্ছে, সেবা যত্ন হচ্ছে না, কি করি,—গণেনদা এই সেরে উঠলেন বলে।” তারপরেই মাথা চুলকায়।

বলি—“তাড়াতাড়ি নেই, তিনি ভাল করে সেরে উঠুন না।”

তখন সে প্রফুল্ল মুখে—“আমি জানি আপনি—” ইত্যাদি বলিতে বলিতে স্বর্নশালায় চালিয়া যায়।

মনে মনে ভাবি—‘তুমি ছাই জান’ । আমার বয়স পাও আগে—তখন জানবে,—আমারো একদিন যৌবন এসেছিল, তখন বাড়ীর কথা ভাবতেন বাপ খুড়ো, আমি ভাবতাম অন্যের কথা—দেশের কথা । সে কি আমি ভাবতুম,—যে ভাবতো সে ঐ যৌবন, যে চিরকাল এই জগৎটাকে পুরোনো হতে দেয়নি । বার্ষিক্য—শরীর নিজে আর ‘নিজের’ নিয়ে ব্যস্ত, তার বাইরে তার দৃষ্টি অতি ক্ষীণ । নিজের ষোল-আনা সেরে ফাউ দেবার মত তার কিছু আর থাকে না ।—সারা জীবনের অভিজ্ঞতা তাকে একখানি পাই-পয়সা হিসেবে খাতা বানিয়ে দেয় । সে বলে কেবল পেছ হট্টে ।—

আবার বলে কিনা—“আমার সেবা যত্ন হচ্ছে না ।” সেইটাই যেন আমার চাঞ্চল্যের কারণ । বাড়ী গেলেই যেন সবাই মিলে আমার ডলাই মলাই সদর করে দেবে,—এমন তেল মাথাবে যমে ধরলে যেন পিছলে পড়ি । পাকা চুল তুলে বসন্তরায় বানিয়ে দেবে ! কি পাগল ! দেখছি আমার কাছে তার কুণ্ডা সঙ্কোচ দেখা দিচ্ছে, নিজেকে সে অপরাধী ভাবছে ।

আজও তার ডাক্তারবাবুর বাড়ী নিমন্ত্রণ । তবে এ-বার্টীর রান্নাঘরে ঢুকিয়া মেয়ে-দের কাছে হাত পাতিয়া কিছু খাইয়া যাওয়া তার চাই,—সেটা সে ভোলে নাই । ফিরিলে আজ তাহাকে বদুখাইয়া নিঃসঙ্কোচ করিয়া দিতে পারিলে আমি স্বস্তি পাই ।

### ৫৬

ডাক্তারবাবুর ব্যবস্থায় ও সন্তান ব্যবহারে এবং জরুরির সেবায় গণেনবাবু সফরই সারিয়া উঠিলেন । আগন্তুক যুবক দুইটির কর্ম-বিমুখ উদাসীন ভাবটা আমরা বুদ্ধিতে না পারিলেও তাহারা উভয়েই শিক্ষিত ও সাহায্যতৎপর । তাহাদের সহিত আলাপ আলোচনার গণেনবাবুর চিন্তা-পীড়িত দুর্বল দিনগুলি সহজেই অতিবাহিত হইতেছিল ও তাহা তাহার স্বাস্থ্য সত্ত্বে বিশেষ সাহায্য করিতেছিল ।

গণেনবাবুর জন্য ডাক্তারবাবুর ঔষধের ব্যবস্থা না করাটা জরুরির মনঃপুত হয় নাই । তিনি ঔষধ না দিলেও জরুরি সে কাজটা নিজের বিশ্বাসমত করিয়া চলিয়াছিল । শিব-গঙ্গায় মান করিয়া প্রতাই বাবা বৈদ্যনাথের চরণামৃত আনিয়া গণেনবাবুকে খাওয়াইত । এখন সে তাহাকে লইয়া সকাল-সন্ধ্যা একটু বেড়ায় ।

আমার ভয় হয়,—কোনদিন না মাড়োয়ারিদের মোটর-লরিতে হাওয়া খাওয়াইবার

সখ্ চাপে ও গণেনবাবুকে দুমকায় চালান দিয়া বসে। তাই নিতাই তাহাকে সে সম্বন্ধে সতর্ক করিয়াছি।

সে বলে—“আমি কি এমনি মদুখ্-খ্। উনি না পারেন লাফাতে, না পারেন ঝুলতে।” অর্থাৎ এই দুইটি গুণ না থাকিলে মোটর-কার চাপা চলে না, ইহাই তাহার ধারণা। তাহার এই ধারণাটা দৃঢ় থাকিতেই বাঁচ।

\* \* \* \*

আমি আজ কয়েকদিন লক্ষ্য করিতেছিলাম—গণেনবাবু যে পরিমাণে স্বাস্থ্য ও শক্তি ফিরিয়া পাইতেছিলেন, আহাৰাদি সম্বন্ধে বাধ্যমুক্ত হইতেছিলেন, এবং ডাক্তার-বাবু ও আমরা—তাহাকে বিবিধ ভোজ্য খাওয়াইয়া আনন্দ অনুভব করিতেছিলাম,—তিনি সেই পরিমাণে স্মৃতিহীন হইয়া পড়িতেছিলেন। শয্যাগত দুর্বল ও চরম হতাশাগ্রস্ত অবস্থায় তাহা দিন দিন যেন মৃদুমন্দ হইয়া আসিতেছে। দীনভাবে মাথা নীচু করিয়া আসেন যান, কিছু জিজ্ঞাসা করিলে ধীরে দু’একটি কথা উত্তর দেন। সে ভাবটা এতই সুস্পষ্ট যে জয়হরি পর্যন্ত তাহা লক্ষ্য করিয়াছে এবং সেজন্য চিন্তিত ও ক্ষুব্ধ হইয়াছে।

ভাবিলাম—ইহাই ত’ স্বাভাবিক। শিক্ষিত ভদ্রলোক—পীড়া-কাতর অক্ষম অবস্থায় অপরের সেবা যত্ন বাধ্য হইয়া সহজেই লইতে পারেন,—এমন কি প্রার্থী হইতেও পারেন, কিন্তু সুস্থ সবল অবস্থায় তাহা কৃপার ভারের মত তাহাকে চাপিতে থাকে। দয়া গ্রহণ করার একটা দারুণ পীড়াও আছে ; সক্ষম অবস্থায় সেটা বেশীদিন সহিতে হইলে মানুষের মনুষ্য আঘাত পায়, সে হীন ও অপমানিত বোধ করিতে থাকে। সক্ষমের অক্ষমতার পরিচয় লজ্জা সঙ্কোচই বাড়ায়,—তাহাকে নত করিতে থাকে।

ডাক্তারবাবু অভয় দিলে, তাহাকে এখন দেশে পাঠানই উচিত। গণেনবাবু বোধহয় ভদ্রতার সঙ্কোচ ভেদ করিয়া কথাটা পাড়িতে পারিতেছেন না। খুব সম্ভব—সেই না-পারাটাই তাহাকে পীড়া দিতেছে।

\* \* \* \*

সকাল সাতটা আন্দাজ গণেনবাবুকে দেখিতে গেলাম।

দেখি যদ্বক দুইটি “মুল্‌লার্স-সিস্টেমে” (Mullers' System-এ) কসরণ করিতেছে। আমাকে দেখিয়া সহাস্যে বন্ধ করিল। আমি নিষেধ করিলে বলিল—“পনের মিনিট হয়ে গেছে।”

জিজ্ঞাসা করিলাম—“গণেনবাব, কোথায়?” শূন্যলিখিত জয়হারি বাবুর সঙ্গে বেড়াতে বেরিয়েছেন, রোজই যান—ফিরতে ন’টা হয়।

আমাকে বসিতে বলিল। তাহাদের সহিত কথা কহিতে আমার ভাল লাগে,—দশের ও দেশের দুঃখদারিদ্র্যের কথাই তাহাদের প্রধান কথা।

কথার ফাঁকে বীরেশ সহসা বলিয়া উঠিল—“দেখুন—গণেনবাব, সঙ্গের সেরে উঠলেন বটে, কিন্তু সেই সঙ্গে তাঁর প্রফুল্লতা ফুটতে দেখলুম না। জোর করে হালকা হাসি হাসলেও তার মাঝে একটা চিন্তা যেন অনুসন্ধ্যাত রয়েছে বলে মনে হয়।”

বলিলাম—“আমার চুলই পেকেছে, বুদ্ধি কি অভিজ্ঞতাটা তোমাদের বয়সের নীচে যে স্থানে ছিল তার চেয়ে বড় বেশী নড়েনি,—নড়তে চায়ওনি—সুতরাং আমার অনুমানটায় ভুল থাকাই সম্ভব। আমিও ওটা লক্ষ্য করেছি, তাতে আমার মনে হয়—গণেনবাব, ঠিকই সেরে উঠেছেন। আর, সেরেছেন বলেই—মাথাটায় অন্য চিন্তাকে স্থান দিতে পেরেছেন। সংকট পীড়ার অবস্থায়—জীবনের আশা যখন অস্পষ্ট ছিল বা ছিলই না,—ছিল কেবল যন্ত্রণা আর অনিশ্চিত অবস্থার অস্পষ্ট বিক্ষেপ,—ধারাবাহিক কিছুর ছিল না, তখন—থাকে ত’, একমাত্র নিজের চিন্তাই প্রধান ছিল। যে নিজেই যেতে বসেছে,—স্বীপদ্রের চিন্তা তার কাছে কতক্ষণ স্থায়ী হয়। সেটা এলেও—এক মর্মস্পর্শ দীর্ঘবাসেই তার পরিসমাপ্তি। কিন্তু—সামর্থ্য এলে—আশা উৎসাহ দুই-ই আসে, সঙ্গে সঙ্গে স্বীপদ্রের চিন্তাই তখন প্রবলতর হয়,—নিজের ভাবনা পেছিয়ে পড়ে।”

বীরেশ সঙ্গীটির সঙ্গে দৃষ্টি-বিনিময় করে বললে—“আপনি ঠিক ঠাউরেছেন।”

বলিলাম—“কিসে বুঝলে। তো’ কি বলা যায়—অনুমান বহিতো নয়। জীবনে হতাশ হ’লে কেউ কেউ তা রামধন তেলির জমিটের কথাই ভাবে; কেউ বাঁড়ুঘোদের খৎখানা বদলে নিতে তাড়া দেয়;—এই রকম কত কি। বড় বড় সম্পত্তিশালী নৈষ্ঠিক জাপকেরা নায়েবকে ডেকে মৃদু-মন্দ জপ্ দ্রুত চালান,—বিধবা বড়-বধু ঠাকুরাণীর পদটিটির অকাল বৈরাগ্যের ব্যবস্থা করেন—যাতে সঙ্গের তার ধর্ম মতি হয়। যাক,—ঠিক কিছুর কি বলা যায়। তবে—ঠিকটা আর দিনকতক পরে স্বয়ং জানতে পারব বলে আশা করছি বটে।”

যুবকস্বর হাসিয়া বলিল,—“না—আপনি ঠিকই ঠাউরেছেন,—এই দেখুন না।”

এই বলিয়া রোল্ করা এক-সীট্ ফুলিস্কেপ্ আমার হাতে দিল।

খুলিয়া দেখি—পোর্সিলে আঁকা একখানি চিত্র; ক্ষুদ্র বৃহৎ বৃক্ষাদিতে পরিবেষ্টিত

বাহুল্যের একটি পল্লী। কয়েকখানি কোটা আর চালাঘর। একটি রোগজীর্ণ স্ত্রীষোবনশ্রী যুবতী পদকুরঘাটে বসিয়া একবোঝা বাসন মাজিতেছেন, যেন—

“ব্যাধিছে বন্ধের কাছে পাষাণের ভার,—

তবুও সময় তার নাহি কাঁদিবার।”

ছোট একটি মেয়ে—মায়ের সাহায্যার্থে একখানি থালা মাথায় লইয়া বাড়ীতে রাখিতে চলিয়াছে। রুদ্র একটি বালক একবোঝা বিচালি মাথায় করিয়া, আর এক হাতে গরুর দড়ি ধরিয়া—গরুটি লইয়া বাড়ী ঢুকিতেছে। সকলেরই ম্লান মুখ, হিম্ববস্ত্র,—কোথাও কাহারো আশার আনন্দটুকুও নাই। বন, নদী, গিরি, প্রান্তর ভেদ করিয়া একটি অস্পষ্ট আত্মার উন্মাদ দৃষ্টি সদূর হইতে তাহা লক্ষ্য করিতেছে।

সমাবেশগুলি—অবসান সূচনা করিতেছে, দৌঁথেই প্রাণের মধ্যে বিষাদ-ঘন। সন্ধ্যারাগিনী সাড়া দিয়া ওঠে ; বৃকভাঙ্গা গভীর শ্বাস বাহির হইয়া আসে।

চিত্রের নিম্নে নামকরণ ছিল—“আমার সাধের সংসার”, পারে “সাধের” স্থলে “সুখের” করা হইয়াছিল। শেষ, সবটা কাটিয়া লেখা হইয়াছে—“দুর্ভাগ্যের সংসার।”

শিহরিয়া উঠিলাম। গণেনবাবু বলিয়াছিলেন—“পেন্সিল দিয়ে ছবি একেও সময় কাটাতুম।”

তার প্রথম দিনের সকল কথা মনে পড়িয়া আমার চক্ষে চিত্রখানি এতই স্পষ্ট ও জীবন্ত হইয়া দেখা দিল যে, আমি আর সে দৃশ্য সহিতে পারিলাম না। প্রাণটা ব্যথা-চঞ্চল হইয়া উঠিল। তাড়াতাড়ি কাগজখানি রোল করিয়া বীরেশের হাতে দিয়া বলিলাম—“এ তার ব্যথার রূপ,—যেখানে ছিল সেই থানে রেখে দাও।—”

“এখন চললুম” বলিয়া উঠিয়া পড়িলাম।

\*

\*

\*

অনিশ্চিত চলা। মনটা পথ খুঁজিতেছে—পথ পাইতেছে না। বাহিরে পা ফেলিতেছে—ভিতরে ঘুরিয়া মরিতেছে।

ডাক্তারবাবু কোথা হইতে ফিরিতেছিলেন। মোটর থামাইতে থামাইতে বলিলেন—“আমি আপনাকেই চাইছিলুম,—আসুন কথা আছে।”

বলিলাম—“আজ বেড়ান হইল—আমি হেঁটেই যাচ্ছি বিলম্ব হবে না।”

ভিনি চলিয়া গেলেন।

এই ত’ খুঁজিতেছিলাম! বিচলিত ভাবটা কাটিয়া গেল।

দু’চার কথার পর ডাক্তারবাবু বলিলেন—“গণেনবাবুর শারীরিক পীড়া সম্বন্ধে



‘চিন্তার আর কোন কারণ নেই—তিনি ভাল হ’য়ে গেছেন, আর নিজেই সেটা আমাদের চেয়ে বেশী বুঝছেন। এখন আটকে রাখলে বোধহয় তাঁর মানসিক পীড়া বাড়ানো হবে। নয় কি?’

“আমারো তাই মনে হচ্ছে। খুব সম্ভব—ভদ্রতা আর অবস্থা তাঁকে নীরব থাকতে বাধ্য করছে। কিন্তু কতব্যের ওপর গেলেই সেটা বোধহয় মানদ্বকে অপমানই করতে থাকে।”

“বোধহয়’ বলছেন কেন,—ঠিকই তাই।”

গণেনবাবুর মানসিক পরিবর্তন ও চিত্রখানির কথা ডাক্তারবাবুকে বলিলাম। তিনি একটু নীরব থাকিয়া বলিলেন—“এ অবস্থায় কিন্তু একজন কেহ সঙ্গে যাওয়া উচিত,—‘জরুরিবাবু’—

বাধা দিয়া বলিলাম,—“মাপ করবেন, তাকে আমি বোধহয় বেশী জানি। ভাবের আতিশয্যে একটা অভাবনীয় কিছ্‌র ঘটাইয়া বসে তার পক্ষে খুব অসম্ভব নয়। না হয় যদি ফেরে ত’—ছয়মাস কি বছর খানেক পরে।”

ডাক্তারবাবু হাসিতে হাসিতে বলিলেন,—“আমিও ওই রূপই কিছ্‌র বলতে যাচ্ছিলাম—আপনি বাধা দিয়ে আমার মনোভাবটাই প্রকাশ করেছেন। যাক কিন্তু চাই একজন,—সে সম্বন্ধে ভাববেন। কাল দেখা হবে কি? সময়টা জানলে আমিই আপনার কাছে যেতে পারি।”

“সময়ের কথা বলছেন? দেখুন—কোনো কিছ্‌রকে প্রচুর পরিমাণে পেতে হ’লে তাকে—চাইনা বলে ত্যাগ করাটাই তার সহজ উপায়। সময়টাকে তাই ছেলেবেলা থেকেই ত্যাগ করেছিলাম—ঘেঁসতে দিইনি। কখন যে ‘দিন যায় রাত আসে,’ সে খোঁজ কোনদিনই ছিল না। এখন তাই সে নিজেই এসে—‘আমি তোমারি’ বলে আত্ম-সমর্পণ করেছে। এখন সে আমার অধীন—সব সময়টাই আমার। আপনি যখন ইচ্ছা আসতে পারেন। তবে—আপনাকে আর আসতে হবে না,—আমিই আসব’খন।”

ডাক্তারবাবু নির্বাক শূন্যতেছিলেন,—এবার সশব্দ হাস্যে বলিলেন,—“সেই ভালো,—কিন্তু আমি যে এখনো সময়ের অধীন।”

“বেশ বারান্ডার একখানা ‘ইজিচেয়ার’ রাখিয়ে দেবেন,—আপনাকে সারাদিন না পেলেও আমি uneasy হ’ব না। ‘কাল দেখা হবে’, বলিয়া তাড়াতাড়ি বিদায় লইলাম।”

ধর্মশালা হইতে যে অস্বস্তি লইয়া বাহির হইয়াছিলাম—চিকিৎসাশালায় তাহার প্রতিকারের আশা পাইয়া নিশ্চিন্ত হইয়া ফিরিলাম।

পথেই পোস্ট-আপিস। একখানি পত্রের আশা করিতেছিলাম। দেখিয়াই যাই।

পোস্ট আপিসে তখন ‘ওভার-কোটের’ হাট ভাঙ্গিয়াছে, কেবল ‘জার্সি’ আঁটা, চুল ফেরানো বাবু-চাকরের দল—কে একজনকে ঘিরিয়া বারাণ্ডার বাহিরে সব গোলমাল করিতেছিল।

বারাণ্ডার উঠিবার সময় কানে আসিল,—“ইনি মস্ত লোক, এঁকে ধরলেই কাজ হবে।”

এত বড় সন্দেহের অপবাদটা শুনিতে পাইয়া ফিরিয়া চাহিতেই হইল।—একটি স্ত্রী-লোক ঝড়ের মত আসিয়া পা জড়াইয়া ধরিল, বিধবা—বয়স্হা। কি আপদ—পাগল নাকি। “ব্যাপার কি—ছাড়ো, ছাড়ো।”

বলিল,—“বাবা—বিম্লির চিঠিখানা আমাকে দিতে বলনা—এ পোড়ারমুখোরা আমার দেবে না। পাঁচ মাস তার খবর পাইনি। আমি কেন মরতে এসেছিলাম গো।”  
—চাঁকর—কামা।

কি বিপদেই পড়িলাম। পা ছাড়েনা, বলে—“আমি মন্দ জাত নই গো—সদগো-পের মেয়ে, তোমাকে নাইতে হবে না।”

সেটা ম্যাথরে ধরিলেও হইত না। কিন্তু এ কি বন্দন। বলিলাম,—“তুমি কে বাছা?”

“ওগো আমি ব্যাটরার বিম্লির মা,—সে যে এই পেরথম পোয়াতী গো। আমি কেন মরতে এসেছিলাম গো।” আবার চাঁকর—কামা।

কি মন্থকিলেই পড়িলাম। জার্সি-জমায়েৎ হাসিমুখে মজা দেখিতেছিল। তাহাদের দিকে চাহিলাম—জিজ্ঞাসা করিলাম,—“কিছু জানো?”

শুনিলাম,—ও ওই বোমপাস টউনের \* \* বাবুদের বাড়ীর কাজ করে। পাঁচ মাস এসেছে, না পায় মেয়ের চিঠি, না পায় মাইনে। ও বলে,—চিঠি আসে—ওকে কেউ দেয় না।”

“মিছে কথা বলিনি বাবা—তীর্থ স্থান। সে যে নেকা-পড়া জানা মেয়ে, পাড়ার মেয়েদের চিঠি নিকে দেয় আর আমাকে নেখে না।”

পোস্ট অফিসের একটি বাবু বারাণ্ডায় আসিয়া মজা উপভোগ করিতেছিলেন। জিজ্ঞাসা করিলাম—“তাই নাকি?”

“কি করে জানবো মশাই। বাবুদের চিঠি আর তাঁদের ‘কেয়ারে’ যে চিঠি আসে,—সবই তাঁদের লোক নিজে যায়,—‘কেয়ারে’র চিঠি স্বতন্ত্র কারুকে দিতে তাঁদের মানা আছে।”

বললাম,—“এ স্ট্রীলোকটি যখন—পায়না বলছে, তখন ওর নামের চিঠিখানা ওকে দিতে আপত্তি আছে কি?”

“আপনি ত’ বেশ লোক। কার চিঠি কাকে দেব মশাই। ওই যে বিমলির মাংসার ঠিক কি,—চেনে কে identify (সনাক্ত) করবে কে।” ইত্যাদি।

আমি অবাক হইয়া লোকটিকে দেখিতে লাগিলাম—বাজালী কি? খুব কড়া কত’ব্যাপরায়ণ ত’! যে আজ পাঁচ মাস পনের জন্য পাগল হইয়া বেড়াইতেছে তাহাকে তার নামের পোস্টকার্ডখানা দিতে identification চায়। হুকুম তামিলের অভ্যাসও আছে। স্বস্তি উন্নতি করবে দেখিছি।

স্ট্রীলোকটি বলিয়া উঠিল,—“শুনলে কথা! বিমলিকে বিউল্লুম—আজ আমি তার মা নই। এরা দিনকে রাত করে গো, আমার কি হবে গো।” (কান্না)

যা হবে তা ত’ বুঝিতেই পারিতেছি, এখন আমাকে ছাড়িলে যে বাঁচি। আর কিছুক্ষণ থাকিলে আমাকেও না—ওই বলিয়া চীৎকার করিতে হয়।

নিমক-নিষ্ঠ বাবুটির মাথায় চুপি না থাকায়—আপিস ঘরে ঢুকবার সময় আমাকে সন্দেহ-মুক্ত করিয়া গেলেন।

“যখন ধানের গোলা ভরা ছিল, তখন রাখাল সামন্তও পিসি পিসি করতো। বিরাজ মিছে কথা কবার মেয়ে নয় বাবা—এখনো বেঁচে আছে—”

কি জ্বালা, বাধা দিয়া বলিলাম,—“সে সব ত’ ঠিক কথা, তা একবার দেখে যাওনা।”

“আ—আমার পোড়া-কপাল,—সব বুদ্ধিমানই সমান। তবে আমি কার কাছে যাব গো—” (কান্না)

“কি হ’ল?”

“আমার মাথা হল—কোনো পোড়ারমুখোই আমার কথা বুঝবেনা গো!—আমার যেতে দেবে কে,—দিচ্ছে কই। এখানে চোর-ডাকাতের ভয় বলে—গেটের কুড়ি টাকা

আর উনিশ গন্ডার হারছড়াটাও নিয়ে রেখেছে,—দেয়না। দিলে ত চলে যাই,—  
আমার মাইনের কাজ নেই।—”

“বিমলি বলেছিল গো—‘হারছড়াতো সেই আমাকেই দিবি—কোথায় কে কবে নিয়ে  
নেবে—রেখে যা মা।’—”

“ভাবলুম—মাসখানেক পরেই তিথি করে ফিরে আসছি,—এমন ভদ্দের নোকের  
সঙ্গ আমার আর কবে মিলবে।—”

—“ওগো কেনো মরতে তার কথা শুনিনি গো! আমার খুব তিথি করিয়েছে।  
এখানে এসে ডেরা গাড়লে, আর নোড়লো না। গিঁসি বলে—খাসির-মাস পর্বন্ত হজম  
হয়—এমন তিথি আর আছে নাকি! তাকে খাওয়া-পরা আর সাতটাকা মাইনে  
দেবো—থাক।—

—“যাবার নাম করলে বলে—‘যা দিকিন দেখি,—জানিস ত’ আমার ছেলে টিপিটি  
—লাউসালের কথা শোনে। যাবার নাম করবি ত’ রাস্তায় ন্যাংটো করে বেত মারবে,  
—তোর কোনো বাবা রক্ষে করতে পারবে না।—

“ওগো তোমরা দেখনি,—সে সত্যিকার টিপিটি গো—সত্যিকার টিপিটি,—যেন  
হাওড়ার পুলের বয়্য, ভাঁটাটার মতো চোক। দেখলে ভয় করে।—”

—“খাসির মাস খেয়ে খেয়ে মাগীর মূখখানাও যেন বাগের মুখ দাঁড়িয়ে গেছে,—  
কথা কয় যেন খেতে আসে। আমাকে দিয়ে সেই সব অখাদ্যের এঁটো নেওয়ায়  
ওগো আমি কি তিথি করতে এলুম গো,—আমার কপালে এই ছিল গো।” (চাঁৎকার  
কান্না)

তাই ত’, বিদেশে এনে গরীব স্ত্রীলোকের উপর এ কি জুলুম!

বিমলির মা থামেও না—পাও ছাড়েনা। বলে,—“ওরা আবার আমায় যেতে  
দেবে,—আমার টাকা দেবে,—মাইনে দেবে? হারছড়া দিলে যে বাঁচি। শীতে মরিচ,  
একখানা পুরনো চাদরও দিলেনা,—যে করে কাটাচ্ছি, মা কালীই জানেন। একটু  
কাঁদতেও দেয়না গো, বলে অকল্যাণ করছি। তাই—রাস্তায় রাস্তায় কেঁদে বেড়াই।  
কোনো পোড়ারমুকের দয়া হলনা। বিমলিকে আর দেখতে পেলুম না,—আমি  
কেনো মরতে এসেছিলাম গো।” (কাতর ক্রন্দন)

বন্ধন ভুলিয়ে দিলে। তীর্থের লোভ দেখিয়ে এনে—অসহায় স্ত্রীলোককে এই  
অবস্থায় ফেলেছে। এর আর পাগল হ’তে বাকী কি।

শেষে বিমলির ঠিকানাটা লিখিয়া লইয়া বলিলাম, “ভেবনা, এক সপ্তাহ মধ্যে মেয়ের  
চিঠি পাবে। তারপর অন্য উপায়।”

অনেক আতঙ্কপ্রদ শব্দ-কামনা লাভের সহিত, অর্থাৎ—সোনার দোত-কলম, দীর্ঘ-জীবন, রাজা হওন,—পা দ্ব'খানাও ফিরিয়া পাইয়া স্বস্তির নিশ্বাস ফেলিলাম। যে পত্রের আশায় আসিয়াছিলাম তাহার জন্য কত'ব্য-নিষ্ঠ কর্মচারীটিকে কষ্ট দিতে ইচ্ছা হইল না। বাসা-মুখে রওনা হইলাম।

মাতুলের কথা মনে পড়িল, তিনি বলিয়াছিলেন—“এখানে আর সুখ নেই, এক মাগীর জালায় নিশ্চিন্ত পথে পা বাড়াবার জো নেই। ঘরের পরসা ফেলে—সখের হাওয়া খেতে এসে, ফ্যাসাদ পোরানো কেন রে বাবা।”

এখন দেখিতেছি—এই বিমলির মাই ছিল তাঁর নম্বর টু অন্তরায়।

ফিরবার সময় দেখি বম্পাস্ টাউনের পথে,—বিমলির মার সহিত কথা কাহিতে কাহিতে ধর্মশালার বীরেশ চলিয়াছে—সে আবার কোথা হইতে জুটিল। পরিচিত না কি?

দূর করো,—আর মাথা খারাপ করা নয়—সকাল থেকে অনেক হয়েছে। বাসায় ঢুকিয়া পড়িলাম।

### ৫৮

বৈকালে গণেনবাবুকে দেখিতে গিয়া তাঁহাকে লইয়া বেড়াইতে বাহির হইলাম। অনেক কথাই হইল,—দেশ, বর্তমান যুগ, বাঙ্গালীর জটিল ও অনিশ্চিত ভবিষ্যৎ, আমাদের সাহিত্য সমৃদ্ধ হইতেছে বটে—কিন্তু এখনো এলোমেলো; ইত্যাদি।

শেষ গণেনবাবু বসিলেন—“মানুষ থাকলেই সব আপনি গড়ে উঠবে—উঠতে বাধ্য। মানুষের ভেতর দিয়েই মনুষ্যত্ব বলুন, মানবতা বলুন, সময়ে আপনি দেখা দেয়,—সব তার মধ্যেই আছে। শিক্ষা কি অনুশীলন তাকে কেবল এগিয়ে দেয়—শ্রী দেয়। আত্মার মধ্যে এমন একটা বিশ্বব্যাপী আত্মীয়তা আছে যা অজ্ঞানত্বও সম-বেদনাশীল। সেখানে দেশ জাতি বা চেনা-অচেনা বিচার নেই। দৃষ্টেই তার পরিচয়টা ভালো মেলে। গত তিন বৎসরে তার প্রত্যক্ষ পরিচয়টা ভালো মেলে। গত তিন বৎসরে তার প্রত্যক্ষ পরিচয় আমি অনেকবার পেয়েছি।”

“একটা বলুন না শুনুন।”

“শুনবেন?” বলিয়া গণেনবাবু মিনিটখানেক অন্যমনস্ক থাকবার পর বলিলেন

—“একবার পৌষের শেষে আলমোড়া চলেছি—যদি উপকার পাই। শরীতবস্ত্রের মধ্যে একটি ফ্রান্সার্ট আর একখানি পুরাতন র‍্যাপার। কনকনে ঠাণ্ডা—আমি তৃতীয় শ্রেণীর যাত্রী। ফি ইন্সটেশনই লোক নাওছে উঠছে,—অধিকাংশ দোর-জানল্লা খোলাই থাকে—গাড়ি ছাড়লেই হু হু করে হাওয়া ঢোকে। রাত এগারোটার মধ্যেই আমার হাত পা অসাড় হয়ে এলো,—হাত পায়ের কাজ বন্ধ হয়ে আসতে লাগল,—উঠে দোর জানল্লা বন্ধ করতে পারি না। হতাশ হয়ে ভাবলুম—রাত একটার মধ্যে নিশ্চই heart এর action ( হৃদযন্ত্রের কাজ ) বন্ধ হয়ে যাবে।...

“একখানা ছেঁড়া কম্বল পেলে তখন যেন রাজত্ব পাই! কোথায় পাব।।...”

“আমার সামনেই একটি পাহাড়ী বৃদ্ধক বসে ছিল,—দু’সুঁতির ময়লা মেজিহি, পাজামা আর চুপি পরা। পায়ে জুতার পরিবর্তে এক-পা খুলো, গায়ে একখানা মোটা কম্বল—যার খুঁসর রংয়ের ওপরও ময়লার প্রলেপ স্ফুটত। এই সবগুণি একজন হয়ে এমন একটা দৃঃসহ দৃঃগম্ব ছাড়িছিল যা আমাকে অতিষ্ঠ করে রেখেছিল,—শক্তি থাকলে আর স্থান পেলে আমি অন্যত্র সরে যেতুম।—”

“রাত বারোটোর পর আমার হৃদকম্প সূর্য হল, ঠিক বৃদ্ধলুম এইবার সহসা সব থেমে যাবে। বৃদ্ধকে হাত দু’খানা চেপে রাখবার চেষ্টা করছি—পারছি না।”

যুবকটি বোধহয় আমার অবস্থা লক্ষ্য করছিল ;—বোঁস্তর ওপর-নীচে দেখলে, যদি আমার আর কিছু আসবাব থাকে। তারপর তাড়াতাড়ি নিজের গায়ের সেই কম্বলখানা খুলে, বলা নেই কওয়া নেই আমার গায়ে বেশ করে জড়িয়ে দিলে। অন্য স্মরণ হ’লে সেই ছোটলোকের এই ইতর ব্যবহারটা কি ভাবে নেওয়া হ’ত তা বলাই অনাবশ্যক। আমি কেবল মাত্র কোন প্রকারে বললুম—“তোমাকে ঠাণ্ডা লাগবে!”

সে মৃদু হেসে বললে—‘আমি পাহাড়ী চাষী-মজুর লোক—ঠাণ্ডা আমার সওয়া আছে।’—

“আগের ইন্সটেশনে গাড়ী থামতেই, খুব গরম এক ভাঁড়ি চা এনে আমাকে খাওয়ালে, আর কম্বলখানা টেনে আমার নাকমুখ ঢেকে দিলে। বললে—‘কিছুক্ষণ ঢাকা থাক।’

“না হল তার কষ্ট, না পেলুম কোন গম্ব,—আরামই বোধ করলুম। আসল মজুর মদম থেকে বাঁচলুম। কী প্রতিশোধ!...

“আমি সেই ঢাকা অবস্থাতেই বেশ আরামে ছিলুম। সে যে কখন অন্য ইন্সটেশনে নেবে চলে গেছে—জানতে পারিনি,—সেও জানতে দেয়নি।”

গগেনবাবু একটি দীর্ঘ নিশ্বাস ফেলে চুপ করার চেষ্টা দেখে—কৌটার-কাপড়ে চোখ মুছছেন।

এখন গগেনবাবুর চোখে জল পড়ে।

বললেন—“মানুষের চেষ্টা বড় কিছু নেই।”

এতক্ষণ এত কথা হইল—বাদ পাড়িল কেবল পারিবারিক প্রসঙ্গ। না গগেনবাবু সে বিষয় উত্থাপন করিলেন,—না আমার সাহসে কুলাইল। সেটা ঠিক এড়ানই হইল।

দেখি—বম্পাস্ টাউনে ঢুকিয়া পাড়িয়াছি। মনটা চঞ্চল হইয়া উঠিল, বিকালটা না আবার সকাল হইয়া দাঁড়ায়। কি জানি কখন কোন এক ‘সদন’ হইতে বিমলির-মা বাহির হইয়া পাড়িবে। প্রত্যেক ভবন, সদন বা নিকেতন আমাকে সচকিত করিয়া তুলিতে লাগিল,—যেহেতু, কোনো সৌধই “টিপটির” (ডিপটির) অযোগ্য নয়। অস্বাচ্ছন্দ্য আসিয়া গেল।

বলিলাম,—“এইবার ফেরা যাক,—আপনার অতিরিক্ত হয়ে যাবে।”

“এখন আমি বেশ সেরে উঠেছি—শরীরে বলও পেয়েছি, একটুও কষ্ট হচ্ছে না ত’। তবে—ফিরতে ত’ এতটাই, ফেরাই ভালো। আপনার পক্ষেও বেশী হচ্ছে!”

“সে ভুল পাবেন না,—ঘোরাতেই আমার স্থিতি,—উঁটি বন্ধ হলেই পতন,—গ্রহের সামিল কিনা! তাঁরা গতি নিয়ে আছেন—দুর্গতিটা নেবারও ত’ কেউ চাই। এই দেখুননা—তাঁরা শূন্যে ঘোরেন—পাশ কাটাবার যথেষ্ট জায়গা পান, আমাকে মাটির ওপর ভিড় ঠেলে ধরতে হয় জুতোও ছেঁড়ে কম নন—পরসাদিয়ে কিনতে হয়, তাঁদের সঙ্গে এই যা প্রভেদ।”

গগেনবাবুকে আজ সশব্দ হাসিতে শুনিলাম। বলিলেন—“জীবনটাকে গায়ে মাখেন নি দেখছি—বেশ উড়িয়ে দিয়ে চলেছেন।”

“তা কি হয় গগেনবাবু। যা মাথা হয়েছে তা মুছেতেই কয়েক জন্ম নেবে। যিনি যখন দয়া করে ঘাড়ের পিঠে—তাকে চিনতে পারাই যথেষ্ট। তাহ’লেই তাঁর রংটা কামড়ে ধরতে পারে না—ফিকে হয়ে যান, দু’এক ধোপেই সাফ। সেই টুকুই স্বাধীনতা। এড়াতে কি পারা যান, তার যে ওই পেসা!”

গগেনবাবু একই নীরব থাকিবার পর একটি দীর্ঘনিশ্বাস ফেলিয়া বলিলেন, “মনে

হচ্ছে তিন বছরে রোগ আর দুঃখ-কষ্টটা আমাকে কত সত্যের সঙ্গেই পরিচয় করিয়ে দিলে—কত অজানারে আপন করে পাওয়ালে, যা—তিন জন্মের সুখৈশ্বৰ্যের মধ্যে মিলতনা ! কিন্তু তাতে হ'ল কি ! যেখানে ছেড়েছিলুম —আবার ত' সেইখান থেকেই সুরু করতে হবে ! এক পা'ও ত' এগুলাম না !”

মুখে বিষন্নতার ছায়া লইয়া তাঁহাকে অনামনস্ক হইতে দেখিয়া বলিলাম—“সে কি গণেনবাবু, মানুষের বাইরের এগুনোটা ত' মোটারের মোশন আর মূল্যের মাপ খরে—সেটা গড়ের-মাঠ মুখো ! মানুষের সত্যিকার এগুনোর স্থান ভেতরে । কে বললে—আপনি এগোন নি ! হ্যাঁ—কাজ চাই বই কি,—পুরুষের পৌরুষই কাজে । যে পাহাড়ী চাষী-যুবকটির কথা বললেন—আপনার কষ্ট দেখে তার হৃদয় কাতর হয়ে উঠেছিল, সে মানুষ বলে—সমবেদনায়, আত্মার টানে । কিন্তু কে বলতে পারে,—তার অজ্ঞাতে তার কর্মশক্তি তাকে কম্বলখানি ত্যাগ করবার সাহস যোগায় নি ! অন্যান্য প্রবৃত্তির পেছনে তার অলক্ষ্যে তার শ্রমনির্ভরতা থাকা অসম্ভব কি !”

“দেখুন—আমি যেন কেমন হয়ে গেছি,—অমন করে ভাবতে পারিনা !” সদৃশ সমর্থ বোধ করলে মানুষের কর্ম-কামনা, কার্য-চাঞ্চল্য, আশা বোধহয় আপনিই আসে । আমি যে বেশ সেরে উঠেছি—এটাও তার একটা প্রমাণ । এতদিন আত্মীয় স্বজন কি বন্ধুবান্ধব কা'কেও একখানা পত্র লিখতেও ইচ্ছা হ'তনা । সেদিন কিন্তু আপনি আপনিই একটি সহপাঠী বন্ধুকে পত্র লেখবার চাঞ্চল্য এল—না লিখে থাকতে পারলুম না,—এতদিন না লিখে যেন অন্যায় করেছি—সুধাংশু এখন এটর্নী । এই দেখুননা, সকলেই ঠিক করেছে—আমি বেঁচে নেই । স্বপ্ন যাবার জন্যে জেদ করেছে । বাড়ীতে তার এখন আর কেউ নেই,—স্ত্রী পুত্রের শরীর ভাল না থাকায়—শ্বশুরের কাছে হাজারিবাগে পাঠিয়ে দিয়েছে ;—লিখেছে—

“সত্যি বলছি গণেন—তোমার পত্রখানি যেন কৃপার মত পেলুম । বড়ই ফাঁকা বোধ হচ্ছে, তোমাকে পেলে বড়ই সুখী হব । কেবল কাজ আর কাজ,—জীবনটা বড়ই একঘেয়ে হয়ে দাঁড়িয়েছে । এ সময় তোমাকে পেলে বেঁচে যাই । তোমার তরে না হয়, অন্ততঃ আমার তরে এসো । বশিত করনা ভাই—স্বপ্ন চলে আসা চাই । হাতে কাজও বিস্তর—আমি তোমার সাহায্য চাই । আমি দিন গুণবো । আশা করি—আমার কথাগুলো পূর্বের মত' অসৎকোচে নিতে পারবে !”

পাঠান্তে গণেনবাবু আমার দিকে চাহিলেন । আমি তখন মস্ত একটা ভূঁপ্তর আনন্দ



অনুভব করিতেছিলাম, আর ভাবিতেছিলাম—যে বিষয়টার উত্থাপন পর্যন্ত উভয়ের মধ্যে সমস্যার মত হইয়া উঠিয়াছিল, তাহা আপনার মধ্যেই সহজ মুক্তি লাভ করিয়াছে।

গণেনবাবু কথা কহিলেন—“ডাক্তার বাবু যদি”—

বলিলাম—“আমিই তাঁর সঙ্গে কথা কয়ে তাঁর মতামত জানব’খন,—ও কাজ আমার রইল। আপনি নিজে যদি বেশ সুস্থ সবল অনুভব করে থাকেন, তাহ’লে এ রকম বন্ধুর ওরূপ প্রস্তাব আর অনুরোধ প্রত্যাখ্যান করতে বলা কারুরই উচিত হবে না।”

“জয়হরি বাবুকেও”—

“সে ডাক্তার বাবু বললেই হবে।”

## ৫৯

গণেনবাবুকে খর্মশালার পেঁছাইয়া দিয়া ডাক্তার বাবুর বাসায় চলিলাম।

সন্ধ্যা হইয়াছে,—আকাশে সপ্তমীর চাঁদ। চাঁদ দেখিয়া হাঁ করিয়া গাড়ি চাপা পড়িবার সখের দিন গিয়াছে,—এখন সে লাঠানের কাজ করে—তাই তার খোঁজ আর খাতির।

গিয়া দৌঁখ—বারাণ্ডায় ‘ইজিচেসার’ রাখা আছে, পাশেই একটি বেতের টেবিলে সিগারেটের কৌটা আর দেশালারের বাস্কে! কেবল ডাক্তার বাবু নাই।

যিনি এতটা করিয়া রাখিয়াছেন তঁহার হইয়া আমি না হয় একটু করিলাম। নিজেকে নিজেই ‘বসুন’ বলিয়া চেয়ারে গা ঢালিলাম। এতটা ঘোরার পর বড়ই আরাম বোধ হইল। সিগারেট সহযোগে সেটা উপভোগ করিতে লাগিলাম।

কিছুক্ষণ পরে ডাক্তার বাবু আসিয়া—চেয়ার-জোড়া মূর্তি দেখিয়াই বলিয়া উঠিলেন—“তুমি আবার কি চাও, রাত্রে কোথাও যাবার-টাবার কথা কয়োনো বাবু।”

বলিলাম—আজ্ঞে যাবার কথা আমি মনেও আনব না,—indoor patient করে নেন ত’ বাঁচতেও পারি,—এখানে বড় ঠান্ডা।”

তিনি সশব্দ হাস্যে বলিয়া উঠিলেন—“আপনি! অশ্বকার কি না, বন্ধুতেই পারিনি, মাপ্ করবেন। চাকর ব্যাটারী একটা আলোও দেয়নি। এই ভিখন্—ভিখন্...”

“বিলিলাম, আমি চুপচাপ এসে বসে পড়েছি, ওরা কেউ টেরও পারনি, ওদের কোনো দোষ নেই।”

“ঘরে ঘরে মাথার ঠিক ছিল না, চলুন চলুন—ভেতরে চলুন। কতক্ষণ এসেছেন?”

“এই তিনটে সিগারেট তিন দিকে রওনা করেছি মাত্র।”

“ঘরে বসিয়া গগেনবাবু সম্বন্ধে কথাবার্তা হইতে লাগিল। সুধাংশু বাবুর পত্রের মর্ম শুনিয়া তিনি খুবই খুসী হইলেন, কারণ ওইরূপ একটা কিছু বড়ই প্রার্থনীয় ছিল। বলিলেন—“গগেনবাবু এখন অনায়াসেই যে কোনো কাজ করতে পারেন, কাজ করা তাঁর স্বাস্থ্যের জন্যও দরকার। তিনি এখন সম্পূর্ণ রোগমুক্ত। একজন সঙ্গী মিলিলে ভালো হ’ত, না পেলেও শঙ্কার কোন কারণ নেই।”

\* \* \* \* \*

বাসায় ফিরিলাম—প্রায় নয়টা। ঘরের মধ্যে দুই পদ মাত্র অগ্নির হইয়াই বৃকটী শড়াস্ করিয়া উঠিল! তড়াক করিয়া এক লাফে আবার বাহিরে আসিয়া পড়িলাম।

এ কথা ত’ একদিনও ভাবি নাই। পাহাড়-ঘেরা সাঁওতালের দেশ,—এটা আবার তার শিব-ভূমি, সাপ ত’ থাকবেই, থাকবারই কথা! বাবাই রক্ষা করেছেন! একেবারে বিছানার মাঝখানে কুণ্ডলি পাঁকিয়ে ফণা বিস্তার,—বাপ্! অভ্যাস মত’ সরাসরি গিয়ে বিছানার বসবারই ত’ কথা! উঃ, গিয়েছিলাম আর কি! ওর এক ছোবলেই ধাওড়া প্রাপ্তি হ’ত! বৃকটী দ্রুদ্রু করতে লাগল।

বাইরে থেকে যতই দেখি ততই তার ফণা ফোলে আর দোলে! ল্যাম্পটা দোরের পাশেই ছিল,—পেসাদার টানিয়ে হাত থেকে হুকোটা পাবার প্রত্যাশায় হাত যেমন এগোয়, আর তাঁকে ততই চক্ষু বৃজে প্রগাঢ় ধ্যানস্থ হতে দেখে পেছয়,—আলোটা দৃ-পাঁচ বাড়িয়ে দেবার জন্যে আমরা সেই অবস্থা দাঁড়াল! শেষে বাবাকে স্মরণ করে, কম্পিত হস্তে এক প্যাঁচ বাড়িয়ে ফেললুম। সাপ নড়েনি। শুনোঁছ—আলো দেখলে স্থির হয়ে থাকে।

এক-পা বাড়াইয়া কাজটা করিয়াছিলাম। পা-টা সট্ করিয়া টানিয়া লইবার সময় একটা কি পাশে লাগিয়া দোরের মাঝখানে আসিয়া পড়িল। আবার লাফ—একদম রাস্তায়!

কেহই নড়ে না। কিঞ্চিৎ সাহস সঞ্চার করিয়া উঁকি মারিয়া দেখি—জয়হরির এগারো ইঞ্চি জুতোর একপাটি। রক্ষা,—কিন্তু আর একপাটি কোথা!

বিছানায় ফণা বাগানই আছে। জুতো নাকি! তিন-আনা ভয় তিরোহিত। তবু—কি জানি! সাবধানের মার নাই,—অসম্ভব কিছই নয়। বেহুলার গানে ত’ শোনাই আছে—“লোহার বাসরে কাটে বাছা লখিম্বর।”

চশমা মূছিয়া,—সম্পর্পণে ঘরের মধ্যে এক পা বাড়াইয়া ফোকস্ ফেলিলাম। এ কি,—জুতোই ত’! উপড় হইয়া পড়িয়া আছে। হাফসোল্ লাগানো হইয়াছিল,—তিন ভাগ বাঁধন ছিঁড়িয়া সে বেকিয়া ফণা তুলিয়াছে।

অবাক হইয়া ভাবিতে লাগিলাম—কবির এত বড় কথাটা “এখন বাঁধন ছিঁড়িতে হবে” মানুষে শুনলে না—জুতোর শুনলে!

নিকটে গিয়া দেখি তার চতুর্পাশ্ৰ্বে চাদরখানির দুই বর্গফুট ধূলায় অন্ধকার করিয়া তিন পড়িয়া আছেন। ব্যাপার কি—সে নিজে গেল কোথায়! সেবার লেপের মধ্যে প্রাণের সাড়া আবিষ্কার করিয়াছিল,—এবার জুতোর জান্ বাতলাবে নাকি!

যাক, ভাগ্যে গোলমাল করি নাই—কুটুম্বের বাসায় কি কেলেকারিই করা হইত।

কপালের ঘাম মূছিতেছি,—বাহিরের র’কে দ্রুপ্ করিয়া একটা শব্দ হইল। চমকিয়া চাহিয়া দেখি—জয়হরি একলক্ষে রকে উঠিয়া—“এই যে আপনি!” বলিয়া ঝড়ের ঝাপটার মত ঘরে ঢুকিয়া পড়িল, সঙ্গে সঙ্গে—

“উঃ, বাঁচলুম,—কি করে এলেন? তারা যে বললে—সকালে এসে চিনে নিয়ে যেও! আচ্ছা সে শুনব’খন। পাঁচটা পয়সা দিন—বাতাসা এনে আগে হিররলুট দিয়ে ফেলি!”

হাঁপাইতে হাঁপাইতে এতগুলো কথা একটানেই বলিয়া গেল। আমি ত’ অবাক। পাগল হ’ল নাকি! বলিলাম—

“বোসো,—একটু শাস্ত হও; ব্যাপার কি?”

“আপনি আমার ওপর রাগ করেই এই সব করেছেন। আমি কি মা’র কাছে আর মদ্য দেখাতে পারতুম। ফিরতুমই না। সেদিন ত’ বললেন—‘তাড়াতাড়ি নেই’।”

“হ্যাঁ—তা হয়েছে কি?”

“এই ত’ একলা বেরিয়ে কি রকম বিপদে পড়েছিলেন! বিপদটি ত’ আপনার একলার নয়। আমাকে ডাকলেই ত’ হ’ত। সেদিন কতবার বারণ করে গেলুম—একলা বেরুবেন না। তবে আর কি করে থাকা হয়। কাজ নেই—আপনি চলুন। আমার আজ সব রক্ত শুকিয়ে গেছে!”

আমার জন্য তার দুর্ভাবনা দেখিয়া হাসিও পাইল—দুঃখও হইল,—কারণ তার আন্তরিকতায় আমার সন্দেহ ছিলনা। বলিলাম—

“বিপদটা কি পেলো?”

“সে আমার জানতে বাকী নেই,—খোঁজ না নিয়ে আর ফিরিনি। এবার কতাকে নিয়ে যেতুম। আপনি কুপদুন্দুরদের হাত থেকে ফিরলেন কি করে বলুন দিকি। অনেকগুলি টাকা গেছে ত’? আমি সঙ্গে থাকলে আর—”

বিরক্ত হইয়া উঠিতেছিলাম, কিন্তু ব্যাপারটা শুনবার জন্য এবং নূতন আবার কি ঘটাইল জানিবার জন্য বলিলাম—

“সবটা খুলেই বলনা শুন।”

বলিল—“সাতটার পর এসে দেখি—আপনি নেই। বাণেশ্বর বললে—চারটের আগে বেরিয়ে গেছেন। মাথা ঘুরে গেল,—চারটের আগে! ট্রেনের সময়ই ত’ ওই। ছুটলুম ইন্সটিশনে।—

“বাবুৱা বললেন—‘না, তাঁকে আজ দেখিনি—ইন্সটিশনেই আসেন নি।’ তবে। আমি বসে পড়লুম।—

—“কি সব ভালোলোক মশাই—একটা কিনারা করেই দেন। আমার অবস্থা দেখে লগেজ-বাবু বললেন—‘আপনি নিশ্চিত থাকুন, এলে আমার হাতে পড়তেই হবে। ভাববেন না।’

—“সেদিন বললুম—ফোটো তোলানো যাক,—কথা ত’ শুনবেন না। আপনার কি! যাকে পাঁচজন ভদ্রলোকের সঙ্গে দেখা শুনো করতে হয়—ভুগতে হয় তাকে। টিকিট-বাবু জিজ্ঞেস করে বসলেন—করবেনই ত’—‘ফোটো আছে?’ বোকার মত মাথা নাড়তে মাথা কাটা গেল। কাল আপনার ফোটো তুলিয়ে তবে অন্য কাজ। আর ‘না’ বলতে দিচ্ছি না।—”

—“তখন ট্রেনের সময় নয়, সকলে এসে ঝুঁকে পড়লেন। তীর্থস্থান কিনা—যদি কারো উপকার করতে পারেন।—

—“ইন্সটিশন-মাস্টার কী চিন্তিতই হয়ে পড়লেন। ভেবে ভেবে বললেন, ‘উ’হু, ভালো বদ্বাছিনা,—যাই হোক, থানায় খোঁজটা নেওয়া দরকার মনে হচ্ছে। কিন্তু হারালে শেষ তাদের হাতেই পড়ে,—চালান না হয়ে যায়, আপনি চট্ একবার দেখুন। এখানে এমন হামেশা হয়।’—”

—“পদ্যস্থান—তাই না এমন মতিগতি! কে এতটা করে মশাই!”

—“ছুটে বাসায় আসছিলুম,—যদি এসে থাকেন। কে দেখেছে মশাই—একটা গাধা রাস্তার মাঝে শূয়েছিল; বেটা গাধা কিনা! তার পিটে ঠোকোর লেগে, তাকে ডিঙিয়ে টোপকে ঠিকরে গিয়ে পড়লুম। এই দেখুন না”...

দেখি,—ডান হাতের কনুইটা ঘেস্‌ড়ে ছাল উঠে রক্তারক্তি হয়েছে!

—“এখনো জ্বলছে মশাই। তখন কি ওসব দেখবার সময় ছিল! তখন—হে মালী! এনে দাও।”

—“সঙ্গে সঙ্গে বেটার আবার চীৎকার কি! আর খটখট শব্দ। কামড়াবে নাকি? টেনে ছুটলুম। বেটা গাধা—জুতোটা এমন বিগড়ে দিলে—এগুতে আটকায়—পেছটান ধরে। সবাইকে চেনা হয়ে গেল মশাই!...”

—“এসে দেখি—আপনি আসেন নি। তাড়াতাড়ি আপনদে জুতো দূর করে ফেলে খুল-পায়েই থানায় ছুটলুম।”

“আহা—গিয়ে যেন তপোবনে ঢুকলুম! আপনি ত’ দেখেইছেন,—গরু, বাছুর, ছাগল, শূওর, গাধা, টাটু, মানুষ...সব এক ঠাই,—যেন রামরাজ্য। সব উদ্‌মুখ, স্থিরনেত্র,—খাই খাই নেই—যে-যার চিন্তায় চূপচাপ। কি শান্ত ভাব মশাই! যমের বাড়ী না গেলে আমাদের আর ও-ভাব আসবেনা—ছুটোছুটি থেকে ছুটি পাবনা। মানুষগুলি যেন সাধনের ধন লাভ করে বেশ নিশ্চিন্ত বসে আছেন। বললেন—

‘কেল্লা মাংতা?’

বললুম—‘এখানে কোইকো নিয়ে আসা হয় কি? কোথাও মিলতা নেই।’

বললেন—‘কায়সা রং?’

নিজেকে দেখিয়ে বললুম—‘এই হামরা রং।’

বললেন—‘তোমকো কোন পয়ছান্‌তা;—রাতমে নোঁহি মিলে গা। সবেরে আস্‌কে পছানকে লে জানা। দশগন্ডা লাগি।’

“যাক, পাওয়া ত’ যাবে,—বাঁচলুম। কিন্তু এই রাত্রিকালে কি থাকেন, কোথায় শোবেন, সিগারেট সঙ্গে আছে কি না,—ভেবে কান্না পেতে লাগলো।—”

—“ছুটে কর্তাকে নিতে এলুম। তিনি যেরকম গলিঘাঁজি মেয়ে বেড়ান,—কতবার থানাও গিয়ে থাকবেন, থানার লোকে তাঁকে চেনেই। তিনি গেলে—ছেড়ে দেবেই। দেরি করাও চলে না, কি জানি,—ইন্টেশন-মাস্টার বাবুতো কোনো কথা রেখেটেকে ক’ননি,—আপনার লোকের মত’ সব কথা খুঁটিয়েই বলে দেছেন। দেরি হলো—চালান দিয়ে বসতে পারে। এতটা কে বলে মশাই।—

—“যাক,—এখন ধড়ে প্রাণ এলো ! স্থান মাহাত্ম্য আছেই—তীর্থের প্রভাব ! সব ডিপার্টমেন্টই জেন্ট ( gent )—বলতেই ছেড়ে দিয়েছে ! তা—আমার আগে এলেন কি করে !”

সর্বজ্ঞ জ্বলিয়া যাইতেছিল । হাসিব কি শাসিব, কি ব্রাহ্মণীর এই মিনিস্টার নির্বাচনের বাহবা দিব । জয়হরি তার অনুমান ও আক্কেল মত’ যথাসাধ্যই করিয়াছে দেখিতেছি ।

ভূতে-পাওয়া কথাটা শোনাই ছিল, অদ্ভুতও যে ছিল তাহা আজ জানিলাম ।

বাণেশ্বর গরম জলের বালতি লইয়া উপস্থিত হইল । বলিল, “হাতমুখ ধুয়ে আসুন—ঠাই হয়েছে ।” সে চলিয়া গেল ।

জয়হরিকে বলিলাম,—“এ বিষয়ের উল্লেখ যেন কাহারো কাছে না-করা হয় ।”

“রামঃ, আমাকে কি এমন মদুখন্দ পেলেন ! ভদ্রলোকের পদ্বিশে যাওয়া ! ও একটা গেরো ছিল—হয়ে গেল । আমি কি এমন নিবোধ ! ও ওই আপনি গেলেন আর আমি জানলুম—বস্ ।”

“সুইপড্ !”

৬০

“এ কি ! আর এর মধ্যেই ফিরলেন যে ?”

কর্তা কোন কথা না কহিয়া, ছাতাটি রাখিয়া যদু করিয়া বসিলেন ।

বলিলাম,—“সকালে বেড়ানো আপনার অভ্যাস,—এখানকার সকালটা খোয়াতে মন খুৎ-খুৎ করে,—ক্ষতি বলে মনে হয় । কাজ আছে বদ্বি ?”

বিমর্ষভাবে বলিলেন,—“বেড়াতে আর দিলেন কই ! ধর্মশালার গিয়ে ত’ সব শুনাই এলুম—সবারই ত’ ফেরবার তাড়া পড়ে গেছে । অকারণ এতো ব্যস্ত হওয়া যে কেনো তাও বদ্বি না !—

—“কি কষ্ট হচ্ছে, তাও খুলে বলবেন না । কেউ কি বলিছি যে বাবা বৈদ্য-নাথকে দর্শন করতেই হবে ! এমন অন্যায় কথা বলবো কেনো ! তাঁর চরণামৃত খেতে বলেছে কি ! —বলুন ? আমি কি জানিনা—আপনারা ভালো লেখাপড়া

শিখেছেন,—ওটা যে ব্যাসিলির বাসা, সে-স্তান খাসা আছেই ! তবে আমার অপরাধটা কি,—বলুন !”

শুনিয়ে আমি ত’ অবাক । কি যে বলিব ভাবিয়া পাইনা । বলিলাম—“আপনি ও-সব কি বলছেন ?”

—“না,—দেশ কাটাছিল ;—এঁরাও কাজকমে’ ব্যস্ত থাকেন,—বদ্-ফরমাজ্ কি দুর্ভাবনা inject করবার ( ঢোকাবার ) ফুরসৎ পোতেন না । পাঁচ রকমে অশ্বলটাও দেবে থাকছিল । আমারো বেড়াবার বহর আর বাহার দুই-ই বেড়েছিল,—বেশ ছিলদম । এইবার সদ্দে আসলে গৃহগতে হবে দেখছি ।”

বলিলাম,—“আপনার কথায় একবারও ‘না’ বলতে পারি নি,—হ’লও অনেকদিন । কাশী থেকে—”

বলিলেন—“হ্যাঁ—তা বটে, তা এটিও তীর্থক্ষেত্র । তবে, কাশী ‘নির্বাণ’ দেন—এখানে—ধিক-ধিক ! ইনি রাবণের ঠাকুর কিনা,—নিবতে দেন না,—চিঁতা বেশ চড়কো । তাই, মালদ্বারেরাই আসেন,—রোশনাই চাই ত’ ।”—

আরো কত-কি বলিয়া যাইতেন,—সদরটা পদ্রবীতে বদ্বিক্সাছে, সহজে থামিবেনা ।

বলিলাম—“এমন আনন্দ আর এত’ যন্ত্রের মধ্যে জীবনের অল্প দিনই কেটেছে । আপনার সাহায্যে এখানকার প্রায় সবই ত’ দেখা হয়ে গেছে—”

“কই—আপনি ত’ আজো মফঃস্বল মাড়ান নি !”

বলিলাম—“পল্লীতে পা না দিলে ওর গৃহগান আর ওর জন্যে লম্বা-লম্বা আক্ষেপ ত’ সহরে বসে কাগজে করাটাই রীতি । এ বয়সে আর রীতিবিরুদ্ধ কাজ করা কেন । জুতোও নারাজ ;—তার দোষ নেই ।”

“জুতো !”

“আজ্ঞে হ্যাঁ,—এখানকার পথে পা দেওয়া, আর তাদের ‘ঘিস্-কাপের’ মূখে দেওয়া—একই কথা নয় কি ? কাঁকর আর বালির মূখে, তলাটা সাত দিনেই সাফ । এখানে এলে বেড়াবার বাতিক বাড়ে এবং তা ভালও লাগে—provided শব্দটির যদি জুতোর দোকান থাকে ।”

এতক্ষণ কর্তার মূখে হাসি ফুটিল, বলিলেন—“তা বটে,—এই দেখুন না—”

কথা অসমাপ্তই রাইয়া গেল । জয়হরি দম্কা হাওয়ার মত’ ঘরে ঢুকিয়াই কর্তাকে প্রণাম করিল—“হ্যাঁ মশাই, এবার পোষমাসটা মলমাস ছিল বদ্বিক্স ? না বম্প-বম্প ( leap year ) পড়িল টোপ্কে চলে গেল,—চোঁহারা দেখতে পেলদমনা !”

তাহার পিণ্ডিত-প্রশ্নে আমি অবাক হইয়া গিয়াছিলাম। বলিলাম—“তার তরে তিন মাস পরে হঠাৎ আজ তোমার এতটা মাথাব্যথা কেন?”

সে আমাকে দেখিতে পার নাই, চাহিয়াই—“এই যে আপনি আছেন” বলিয়াই যেন দিমিয়া গেল।

কর্তা জয়হরিকে পাইলে ও তাহার কথা শুনিলে খুঁসি হইতেন,—ফুঁতি’ দেখা দিত। তাঁহার ম্যাজমেজ্রে ভাবটা মনুহুতে’ কাটিয়া গেল।

একগাল হাসি ঠেলিয়া বলিলেন,—“জয়হর বাবুর মত’ মানুষ আছেন বলেই—মাজাভাঙা সংসারগুলো খাড়া আছে,—মাথা উঁচু করে খোলা-হাওয়া টানতে পার।—

“আমাদেরই যেন দাঁত পড়ে ডিস্‌পেপ্‌সিয়া ধরেছে,—পোষ্যমাসটা মল-মাস দাঁড়িয়ে গেছে,—জয়হর বাবু চিন্তাশীল লোক, আক্কেলে—সে-কেলে;—ঠিক ধরেছেন! ধর্মচ্যুত হয়েছিলুম আর কি!—সাধু সঙ্গের সন্ধানই এই, চট্‌ বাঁচিয়ে দিলেন। অপরাধের প্রায়শ্চিত্ত হিসেবে—কিছু বুঝিয়ে মাপলেই খোলসা—কি বলেন জয়হর বাবু?”

সে মনুস্‌ড়িয়া গিয়াছিল, আমার দিকে চাহিয়া বলিল,—“উনি ওঁদের সব খেতে বলে এলেন কিনা—তাই। সেই Red P—রাঙা-আলুগুলো থাকে ত’—কাজ—”

কর্তা উত্তেজিত কণ্ঠে বলিয়া উঠিলেন,—“ঠিকই ত’,—আছে বইকি, ঘণ্টের ঘরে—সারের সঙ্গ পেয়ে অকুর ছাড়চে। উঃ, আপনার লোক না হলে—কে এতটা ভাবে বলুন!”

আবার সেই মাসখানেক পূর্বের Red P (রাঙা-আলু) মাথায় পেঁচিয়া, আমাকে অপ্রকৃতিস্থ করিয়া দিল। বলিলাম,—

“ও দেখাছি মরতে এসেছে,—কেউ বাঁচাতে পারবে না। যেরূপ ঘনীভূত করে আনছে, ও ত’ যাবেই,—আপনাকে আমাকেও রেখে যাবে না—অন্ততঃ জেলে জমা দিয়ে যাবে! ওর ওই Red P-র পাক চড়াবার আগে—ও আগে একখানা ‘ডেম’তে আট আনার টীকট মেরে লিখে সই করে দিক—‘আমি স্বইচ্ছায় ও স্বপ্তানে খাইতোছি,—ইহার পরিণামের জন্য কেহ দায়ী হইবেন না।’—

—“সরকার আটগুঁড়া সেলামী পেলেই ঠান্ডা হতে পারেন;—আমাদেরও সরকার রাস্তা থাকবে। ও কি জানের তোলাকা রেখে থাকে ভাবছেন!”



সে মাথা চুলকাইতে চুলকাইতে বলিল,—“ডাক্তার বাবুদরও নেমস্কাম আছে, তিনি যা বলবেন,—তার পাশেই বসবো। নষ্ট হবে বলেই”—

হাসিও পায়,—রাগও হয় ! আমি আর কথা কহিলাম না ।

কর্তা বলিলেন—“আচ্ছা—আসুন ত’ জয়হরী বাবু,—সব শোনেন কেনো, অনেক কাজ, আপনি না হলে হবেনা । কিন্তু—ঐ ছ’সের রাঙা আলদাতে হবে কি ?”

এই বলিতে বলিতে জয়হরীকে লইয়া বাড়ীর ভিতর চলিয়া গেলেন ।

মরদুক্ গে ।

## ৬১

বাসায় আজ সকলেই ব্যস্ত,—ঘটার আয়োজন !

কর্তা সারাদিনই বাজার করিতেছেন ।—একবার ফেরেন, তখনি—ইস্-সাজিরেটা ভুল হয়ে গেছে—বলিয়া আবার ছোটেন ।

বাণেশ্বর উঠানের মাঝখানে বসিয়া মাছ কুটিতেছে—তাহাকে কিছুতেই দেখিতে পান না ।

—“বেটা সটকেছে, দেখেছ,—হারামজাদার টীক দেখবার জো নেই—বেইমান বেটা !”

বলিলাম—“ওর টীক আছে নাকি ?”

—“কই—তা ত’ দেখিনি ! বেটা দেখায়ও না ত’ । জাত জন্ম খেলে দেখছি । পলে বেটাকে দাঁড় করিয়ে রাখবেন ত’,—হয়েছে । ওরে বাপরে—ধর্ম নিয়ে কথা ।—

“আমি চট্‌করে দাল্‌চিনিটে বদলে আনি,—একদম পেরুরা গাছের ছাল ! বেটা দেখবে ?”

বলিলাম—“আপনিই ত’ এনেছেন ।”

“সঙ্গে থাকলে ত’ দেখতো,—তা থাকবে ?”

দ্রুত চলিয়া গেলেন ।

প্রাতঃকাল হইতেই এই ভাব চলিয়াছে ।

জয়হরীর আজ মেল-ডে ( mail day ) ; সে মেয়েদের সঙ্গে মিশিয়া এক হইয়া

গিয়াছে। গায়ে গেঞ্জী, মাথায় গামছা,—এই যা তফাৎ।—বজায় লুচি-ভাজা বামন !  
বাপড়ে তেল হলদুদ,—পা মেলিয়া রাঙা-আলু-সিদ্ধ চট্কাইতেছে। মেয়েরা যা চাকিতে  
দিতেছেন—তাহাই মদখে ফেলিতেছে বা তাঁহারা তাহার মদখে ফেলিয়া দিতেছেন,  
চাখার বিরাম নাই। পান-জরদাও মদহৃদু চলিয়াছে। সে যেন ঠাকুর-বি।

বৈঠকের পাশের ঘরেই বাণেশ্বরের আস্তানা। মধ্যে মধ্যে সেখানেও তাহার সাড়া  
পাইতেছি,—সাড়াটা অবশ্য হৃদয় মারফত। সে টান রাড়ে ভিন্ন বাঙ্গালার অন্য কোন  
ঝাড়ে জন্মায় না। তাহাতে—কমা, সেমিকোলন নাই, দীর্ঘ ব্যবধানে—ডাস্ আছে  
মাত্র, আর শ্রোতাদের কাছে—আর্ডমরেশন্।

একবার শূন্যে পাইলাম বাণেশ্বরের বলিতেছে—“কি করলেন বাবু,—ওটা যে  
আমার ডাবা।”

“আঁ তাই ত’—তোমার যে বড় ক্ষতি করলুম।”

“আপ্তে—আমার আর ক্ষতি কি ! আপনি—ব্রাহ্মণ—”

“ও—সেই কথা। তোমাদের বাড়ী না মেদিনীপুরে—দেড়হাত তফাতেই ত’  
শ্রীক্ষেত্র ! কোনো দোষ নেই। ‘এই—সুবর্ণরেখা পার হলুম’ বলিয়া সজোরে একটি  
টান মারিল,—দপ্ করিয়া একটা শব্দ হইল।—‘যাঃ, অগ্নি-দক্ষা, সর্বশুচি।’”

কর্তা আসেন আর বাহির হইয়া যান, একবারও বসিতে দেখিলাম না। পথে আর  
বাজারে থাকিতে পারিলেই যেন আরাম পান,—ব্যস্ত থাকিলেই বাঁচেন। খুব নার্ভাস  
হইয়া পাড়িয়াছেন বলিয়াই বোধ হয়।

বসিতে বলায় বলিলেন—“না,—জয়হরি বাবু আছেন—কিছু দেখতে হবে না।  
এমন লোক খোঁসানো—”

চলিয়া গেলেন,—“দই আনা হয় নাই।”

\* \* \* \*

রায়ে খাওয়া।

সন্ধ্যার পর গণেনবাবু ও ধর্মশালার যুবকস্বর আসিলেন ;—অমর পুর্বেই  
আসিয়াছে।

কর্তা পূর্ববৎ ব্যস্ত, কেবলি বাণেশ্বরকে ডাক পাড়িতেছে—

“বেটা আমাকে ডেবাবে। এই—ধানেশ্বর,—ধানেশ্বর।”

“উঃ, কি দুঃসময়ই পড়েছে—আর একটা মামদুও আসে না,—বেটাকে চেষ্টে  
টালিশ্বর বানিয়ে দেয়। এই—ধানেশ্বর,—এই বেটা বীথেশ্বর।”

অমর কম্ শোনে,—আমার দিকে চাহিয়া বলিল,—“কি চাচ্ছেন ?”

বলিলাম,—পরে বলিব ।

কথাবার্তা চলিতে লাগিল ।

কর্তা হঠাৎ ব্যস্তভাবে দ্বারের কাছে আসিয়া বলিয়া গেলেন—“বড় দৌর হয়ে গেল ডাক্তার বাবু, কি করব—এই সময় চাকর ব্যাটাও কোথায় সটকেছে ! আপনাদের টাইমে খাওয়া—এতো খাওয়া নয়—কষ্ট পাওয়া । এই চাট্‌নিটে নাবলেই—জরহরি বাবু চাকেন ।

চলিয়া গেলেন ।

ডাক্তার বাবু অবশ্য তখনো আসেন নাই ।

তিনি রাত আটটার পর আসিলেন । কর্তার সামনে পড়ায়—“এই যে,—আবার ডাক পড়েছিল বড়ি,—উঃ, কি গোঁয়ারতুমি কাজ ! মানুষ মারা,—নিজে মরা,—বাপ্ ! একটু স্থির হয়ে বসবার জো নেই । যাক আপনি ত’ তবু ফেরেন !”

আমি তাঁহার সম্ভাষণ শুনিয়া সন্তোষিত হইতৌছিলাম,—করেন কি !

ডাক্তার বাবু চিনিতেন, মৃদুহাস্যে বলিলেন,—“হ্যাঁ—কেবল খাবার সময় ।”

তাড়াতাড়ি বলিলাম,—“জরহরির চাট্‌নি চাখা হ’ল কি ?”

“উঃ—ভারি মনে করে দিগ্‌য়েছেন । বসুদে ডাক্তার বাবু, আর যেন কোথাও যাবেন না । ছিটিছাড়া হিন্দিরীয়া আজকাল ঘর ঘর,—এখনি রামও ছুটে আসতে পারেন, শ্যামও ছুটে আসতে পারেন ! আমাদের সময় ত’ মশাই শব্দ হিন্দিরীই ছিল,—তা সেটোও কম রোগ ছিল না । রাত জেগে মিছে কথা মদুস্থ করা,—সম্ভ্য নয়, গারদী নয়,—বাবরশার বাপের নাম ! আচ্ছা—এসে বলিচি ।”

চলিয়া গেলেন ।—সকলের মুখেই হাসি ।

ডাক্তার বাবু বলিলেন,—“বেশ আছেন ।”

বলিলাম,—“চাকরটি না থাকলেই—অনাথ ।”

গণেনবাবুর সহিত নানা কথা চলিতে লাগিল ।

অমর আমাকে বলিল,—“এখন আছ ত’ মিছে বসে-বোড়িয়ে কি হবে, আমার সঙ্গে ঘোরো । রোজ পাঁচটা টাকা—গালাগাল ! দাঁদে দশ, তিন দিনে পনেরো, সপ্তার পরিশ্রম, মাসে দেড়-শো,—কে দেয় হে,—বদলে ! দাঁও পেলে পাঁচ-সাত-শো-ও হয় ! মিছে বোড়িয়ে আর হবে কি ? ঝিক না কেউ এক পয়সা ।—

—“আর তোমাদের এইভুলগদুলো ছাড়া,—সত্যি মিথ্যে, ধর্ম অধর্ম,—রোজগারের সঙ্গে ওর সম্পর্ক কি ? ও সব ভাবতে গেলেই—কলাপোড়া থাকে—তা বলছি ।—

—“ধর্ম নয়ই বা কেন,—সেই টাকায় ধর্ম কর না—যত পারো । এই আমি ত’ তিন চারখানা বাড়ী ভুললুম, পাঁচ সাত হাজার টাকার গয়না গড়ালুম,—ধর্মকর্ম আর ক’কে বলে !—মিশ্রী মজদুর, স্যেকরা ছদ্মতোর, ইটওলা কাটওলা চুণওলাকে কত টাকা দিলুম—মুটো মুটো হে ! ধর্ম নয় ?—”

“বাগান করেছি,—মরসুমে দেড় হাজার টাকার ল্যাংড়া বেচি,—কমসে কম নিজের তিরিশটে খাই,—দাগি আর থেঁদোগদুলো যা মিষ্টি । আত্মার তৃপ্তি—ধর্ম নয় । যাদের বেচি, তাদের আত্মাকেও তৃপ্তি দেওয়া হয়,—ধর্ম নয় । আমি,—ও ঢের ভেবে দেখেছি । আগে রোজগার তারপর ধর্ম আপসে চলে, বদলে ! ধর্মের যোগাড় করে নেও ।”

কাহারো কথা শুনিতে দেয় না, কেবলি গা ঠাালে আর ফি-হাত্ বলে—  
“কি বলো ?”

বদ্বিলাম একটা কিছু মতলব আঁটিয়াছে—বোধহয় এখানে তাহার একজন বিশ্বাসী অনুচর চাই ।

ভগবান রক্ষা করিলেন । কর্তা আসিয়া বলিলেন—“কষ্ট করে উঠতে হবে ।”

আমি সবাগ্রেই উঠিয়া পড়িলাম ।

গিয়া দেখি,—একেবারে সব সাজাইয়া ডাকা হইয়াছে । দালান,—সন্টারে সুগন্ধে ভরপুর !

কর্তা বলিলেন—“আজ সব একসঙ্গে বসতে হবে । ডাক্তার বাবুর দ্ব’পাশে গণেশবাবু আর জয়হরি বাবুর স্থান । জয়হরি বাবু পোলাওটা নিজের হাতে গরম গরম দেবেন বলেই অপেক্ষা করছেন,—তারপর ঠাকুর আছেন ।”

অমর আমার পাশেই বসিল । একগ্রাস মদ্যে দেয় আর বলে,—“বদ্বলে !” কখনো,—“কেমন ?” কভু—“তখন দেখবে কি মজা ! রোজ বল বাড়বে ।”

আবার বলে—“পৃথিবীটার তিনভাগ লোহা হ’ত—কেলা মজাই হ’ত । কেন যে হলনা ! পৃথিবীতে গিয়ে দেখি—কুলকিনারা নেই, কেবল জল আর জল ! কোন কাজে সে আসে ! আকাশের দিকে চাইলেও—ঐ অ-কেজো ফাঁকটা দেখে এমন আপশোষ হয় ! হয় না ?”

আমার থাওয়া ঘুরিয়া গেল,—কি যে মদ্যে তুলিতোঁছি—বদ্বিতে পারি না,—  
আশ্বাসও—পাইনা । সকলের হাস্যালাপ চলিতেছে—কিছুই কানে আসে না ।

বলে—“ভূমি ঠিক করে বল দেখি—জলে, স্থলে, অন্তরীক্ষে প্রভাব কার ? ছুঁচটি থেকে জাহাজ, এয়ারোপ্লেন—লোহার । সাকার দেবতা—নয় কি ? কাল থেকেই লেগে যাও,—বদলে ?”

একটা হাসি উঠিল । কত'া বলিতেছেন—“উনি এখন শেফিল্ডে,—লোহারামের পাল্লায় পড়েছেন !”

ডাক্তার বাবু আমার দিকে চাহিয়া বলিলেন,—“জয়হরির বাবু'র ঘুম নাকি খুব সজাগ,—চোখ বন্ধলেই গড়ের-বাঁধি বাজান !”

বদ্বিলাম—জয়হরির প্রসঙ্গ পড়িয়াছে । একটু হাসিলাম ।

আমাকে কিছু বলিতে হইল না, জয়হরিরই বলিল—“ও'রাই বলেন, আমি ত' মশাই কিছুই জানি না । ঠাকুন্দা-মশার ছিল বটে,—বংশের কি-ই বা পেরোছি । ঠাকুমা শীতকালে জলের ঝাপটা মেরে তাঁকে পাশ ফেরাতেন ।—

“নবাব সরকারে কাজ করতেন, রাগে ঘুমুতে ঘুমুতে বাড়ী আসতেন,—প্রায়ই পুকুরে পড়ে ঘুম ভাঙতো । তাঁর কোনো গুণই পাইনি ।”

অমর আমার গা ঠেলিয়া বলিল—“তা হ'লে কাল থেকেই,—কেমন ?”

গণেনবাবু জয়হরির কথা অবাক হইয়া শুনিতোছিলেন, বলিলেন,—“না না, একি সম্ভব !”

জয়হরির উত্তেজিত কণ্ঠে বলিল—“আমি নিজেই দেখেছি,—তখন আমার জ্ঞান হয়েছে যে । তিনি বাড়ীতেই থাকতেন, মাসে দু' একদিন নবাবকে সেলাম দিতে যেতেন । নবাব বড় ভালবাসতেন । তাঁর সব দাঁতগুলি পড়ে যাওয়ায় দিল্লী থেকে দস্তকার আনিয়া—দাঁত বাঁধিয়া দেন । অনেক খরচ পড়ে,—সোনার স্প্রিং, সোনার রুপ, সোনার প্লেট্ । তখনকার দিনে দাঁত বাঁধানো আর গঙ্গার ঘাট বাঁধানো—সমানই ছিল । এখন ত' দাঁত আর গ্রন্থাবলী একই মশাই—বাঁধালেই হ'ল ।”

ডাক্তার বাবু হো হো করিয়া হাসিয়া উঠিলেন ।

কত'া পাত হইতে উদাসভাবে বলিলেন,—“এঁদের ছেড়ে,—না :—আর নয়”—

অমর আমাকে ধাক্কা দিয়া বলিল—“ঠিক রইল,—কেমন ? তোমার জন্যে”—

আমি তাহার কথায় কান না দিয়া বলিলাম—“রাজা অশোক থাকলে ঐ দস্ত জোড়াটি স্মরণীয় করে রক্ষার্থে আর এক নম্বর স্তম্ভ বাড়তো । তিনিই কদর বদ্ধতেন । ও Family relics-টি ( বংশ পরিচয়টি ) যত্ন করে রেখো ।”

আমি কথা কওয়ায়, জয়হরির উৎসাহের সীত বলিল—“সে আর রইল কই মশাই ; ঠাকুন্দা নিজেই সে দায় থেকে আমাদের রেহাই দিয়া গেছেন ।—

—“শনিবার শনিবার নবাববাড়ী থেকে দ্ব’টি করে প্রোট পাঁটা পাওয়া যেত । তিনি তার আখণ্ড একটি ভোগ লাগাতেন—অন্যটি আমাদের পেটে যেত । ইদানীং মর্দাউটা খেতে তাঁর কষ্ট হত । অনেকে বলেন,—তাহার বদলে আমাদের দ্ব’ভাগের মাথা খেয়ে গেছেন ।—”

হাসি চলিল, তাহার কথাও চলিল ।

—“এক শনিবার আহাৰাস্ত্রে নাক ডাকিয়ে নিদ্রা দিচ্ছিলেন । সেটাকে সাদর আহ্বান ঠাউরে, চোরে সিঁদ-কেটে ঘরে ঢুকে,—তাঁর মুখ ফাঁক করে দাঁত জোড়াটি খুলে নিয়ে যায়,—কিছুই টের পাননি ।”

কর্তা বলিয়া উঠিলেন—আঁ,—আহা-হা,—ব্রহ্মদত্ত ! বেটাকে পাঁটা হয়ে ওঁর পেটেই যেতে হবে ।”

—“আর যেতে হবে ! সকালে উঠে দেখেন—দাঁত নেই ! দর্ভাবনার বসে পড়লেন । শেষ সিঁদটা দেখতে পেয়ে, স্বস্তির নিঃশ্বাস ফেলে বললেন—‘আঃ-বাঁচলুম, ভাগ্যিস বেটা সিঁদ কেটেছিল,—তা না ত’—পেট কাটতে হত । মা কালী রক্ষা করলেন । না—আর থাকা নয় ! ব্রাহ্মণী গেছেন,—পাঁটা খাওয়াও গেল,—আর কোন সূত্রে থাকা ! মালসাভোগ মারতে আর বাঁচা কেনো ! আমরা লম্বোদর বাঁড়ুয়োর সম্ভান, জনার্দনের জীব, দামোদরের সেবক,—কারুরই মৰ্যাদা রাখতে পারব না,—না—আর পাপ বাড়ানো নয় !’—তিন মাসেই দেহ ছাড়লেন ।”

হাসিটা সমানেই চলিষ্ঠেছিল,—সহসা থামিয়া গেল ।

কর্তা বলিলেন—“উঃ, কি ট্রাজিডি !”

অতি কষ্টে হাসি চাপিয়া ডাক্তার বাবু বলিলেন,—“তা বটে, rather tragedy ( অল্প-মধুর ) । আমরা জয়হরির বাবুর মূখ থেকে যা পেলুম—“মল্লিয়ারের মাথা থেকেও তা পাই নি । একদম বিশুদ্ধ ।”

জয়হরির হতাশভাবে বলিল—“বংশের কোনো গুণই পেলুম না !”

অমর বলিল—“কাল দিনটাও খুব ভালো ।”

চাট্‌নি আসিয়া সকলের চমক ডাঙাইয়া দিল । এতক্ষণ কেবল খাইয়া যাওয়াই হইতছিল, কি খাইতৌছি তাহার উপর নজর ছিল না । এইবার,—সত্য-মিথ্যা ভগবানই জানেন, বোধহয় ভদ্রতার খাতিরে,—রন্ধনের সূখ্যাতি সদর হইল ।

জয়হরির মাথা নাড়িয়া বলিয়া উঠিল—“ঠাকুর,—এইবার সেই—আসল !”

বদ্বিজাম—জয়হরির সেই Red-Pর পিণ্ড—( রাঙা-আলুদ পিণ্ড ) ।

সকলের সামনে এক এক রেকাব আসিয়া পড়িল। মুখে দিয়া সকলেই প্রশংসা আরম্ভ করিলেন,—যেমন মোলায়েম তেমনি মধুর এবং সুস্বাদু—বাঃ !

জয়হরি গবোঁৎফুল্ল নেড়ে সকলের মুখে একবার চাহিয়া, শেষ যেন ফণা তুলিয়া বক্রগ্রীব ভাবে আমাকে বলিল—

“নির্ভয়ে লাগান,—কাঁটা খোঁচা নেই, দাঁতেরও দরকার নেই,—একদম তালব্য !  
জিব দিলে তালতে তুললেই তলিয়ে যাবে !”

রাসকেল !

ডাক্তার বাবুকে বলিলাম—“ওকে একটু দেখবেন !”

কর্তা বলিয়া উঠিলেন—“সে আমি দেখছি—ও ত’ আমার কাজ, ও’কে কষ্ট করতে হবে কেন।—

—“এই ঠাকুর—ঠাকুর !—”

উঠানের দিকে গলা বাড়াইয়া ডাকের উপর ডাক ! ঠাকুর তখন অমরকে দির্ভেছিল !

—“কোনো বেটা বাড়ী থাকবেনা ! আমিই উঠছি !”

কর্তাকে উঠিতে উদ্যত দেখিয়া ঠাকুর কথা কহিল, “এই যে বাবু, ও’কেই ত’ দিতে যাচ্ছি !”

“ও’কে—কাকে রে বেটা !—তিনি ত’ রান্নাঘরে !”

জানালার পরপার হইতে চাপা আওয়াজ শোনা গেল—“বুড়ো বয়সে মিন্‌সের মতিচ্ছন্ন ঘটেছে !”

“আজ্ঞে—এই দেখুননা” বলিয়া ঠাকুর জয়হারির রেকাবি আবার পূর্ণ করিল।

ডাক্তার বাবু বলিলেন—“ওতে আর ক’টা ধরবে,—পাত-ত’ পরিষ্কার—পাতেও দাগ !”

ঠাকুর পাতও পূর্ণ করিয়া দিল।

ডাক্তার বাবুকে বলিলাম—“চোখের সামনে ব্রহ্মহত্যা দেখবেন !”

জয়হরি ফি-হাত পাঁচটা করিয়া বদনে দির্ভেছিল।

ডাক্তারবাবু বলিলেন—“না—আপনি ভাববেন না, যখন দেখবার ভার দিলেছেন—অভুত উঠতে দেব কেনো,—বেশ করে খান জয়হারি বাবু—লজ্জা করবেন না,—ও’র আমাকে দুষবেন !”

বলিলাম—“ও বিবাহ করেছে, বউটি ছেলেমানুষ,—সন্তানাবি”—

ডাক্তারবাবু বলিলেন—“তাই ত’, কান্দাকাচ্চা হলে খাওয়া আপনিই কমে যাবে—

তা আমি জানি। সেটা আর বলতে হবে কেন,—এখন না খেলে আর খাবেন কবে,—  
নিম্নেসো ঠাকুর।”

কর্তা বলিলেন—“তাকে আর পাবেন কোথায়। আমার দু’বেটাই সমান  
জুটেছে—এক ভ্রম আর ছার। সে বেটা বাণলিঙ্গ—ইনি ঠাকুর। কেবল পঙ্গব্য  
চড়াও।”

ঠাকুর জয়হরির পাতে গামলিটা উপড় করিয়া দিল।

জয়হরি বলিল—“কি করলে, সতেরটা হলেই হ’ত,—১০৩ যে হস্বে গেছে।”

ডাক্তার বাবদুর দিকে চাহিয়া বলিল—“মিষ্টান্নটা আমাদের বংশে জপের সংখ্যায়  
চলে কি না,—১০৮ হইলেই,—না বলতে হয়।”

“বাঃ, কি সুন্দর নিয়ম। মিষ্টান্নের মধ্যেই মৃত্তির পথ। সবাই এই নিয়ম রক্ষা  
করে চললে—দেশের দুখ দুঃ হতে আর ক’দিন লাগে।—

“১৭ হলেই ত’ ১০৮ হয়? বেশ আপনি খেয়ে যান,—আমি সংখ্যা রাখছি।”

বলিলাম—“ওকি ডাক্তার বাবদু—১০০ ত’ আগেই হস্বে গেছে। দেশে বিধবা বিবাহ  
নেই,—বউটি বড় ছেলেমানুষ”—

কর্তা কথাটা কাড়িয়া লইয়া বলিলেন—“আহা—তা থাকলে আর দুখ দুঃ কি  
মশাই,—নেই বলেই ত’ বেঁচে থাকতে হয়। নইলে—ঠাকুর চাকরের দুখ দেখছেন ত’!  
হঃ—ওঁরা সেটা বদ্ববেন। বদ্বলে কি আর...

কি সর্বনাশ।

অমর অনেকক্ষণ চুপ করিয়া আছে,—ভয়ে ভয়ে তাহার দিকে চাহি নাই। চাহিয়া  
দেখি গাঢ় সন্নিবেশ, সেও কম ব্যস্ত নয়।

বলিল—“খাওনা,—বেশ করেছে হে—তোফা।” পরেই,—“বদ্বলে, এর গোড়াতেও  
ওই লোহা,—জমি খোঁড়ে কে।”

লক্ষ্য করিতেছিলাম—গণেনবাবু খাইবার অভিনয়ই করিয়া যাইতেছিলেন। কেহ  
বলিলে বা কাহারও সহিত চোখাচোখি হইলে—কিছু মনে দিতেননি মাত্র।

ডাক্তারবাবু জয়হরিকে বলিলেন—“আর ছ’টা হলেই হয়।”

পাতে ছয়টাই ছিল, এবং তাহা হইলেই বার্কি ১০৮ হয়,—অর্থাৎ ১৫৮ হয়।

বলিলাম—“ও ঠিক মরবে,—আপনি ওকে সঙ্গে করে ডাক্তার-খানায় নিয়ে যান।”

জয়হরি অবশিষ্ট ছয়টা মখে ফেলিল।

ডাক্তার বাবু বলিলেন—“এই ১০৮ হ’ল।—আর?”



“না,—পাংক্তিতে নিয়ম ভঙ্গ করব না,—সকালে খেলেই হবে।”

\*

\*

\*

আহারান্তে বাহিরে আসিয়া দেখি,—অমর আর দাঁড়ায় নাই, চলিয়া গিয়াছে।

পান সে খায় না, তবে বলিতে শুনিয়াছিলাম—“অমনি পেলো বিষও খাই।”

গণেনবাবুকে ধর্মশালায় পেঁছাইয়া দিয়া জয়হরি ফিরিল।

দু’ এক কথার পর বীরেশ বলিল—“আমরাও গণেনবাবুর সঙ্গে কাল যাচ্ছি। ওঁকে পেঁছে দিগ্বে বাড়ী যাব। ডাক্তার বাবুর খাতিরেই এতদিন ধর্মশালায় আশ্রয় পেরেছিলাম,—গণেনবাবুকে ফেলেও যেতে মন চাইছিল না। আপনাদের সঙ্গে আর আকর্ষণ আমাদের টেনে রেখেছিল। জয়হরি বাবুর মত পরোপকারী লোক দর্শিনি,—অনেক লাভ হ’ল। আপনারাও যাবেন শুনচি।”

অপ্রত্যাশিত ভাবে গণেনবাবুর এমন সঙ্গী মেলায় ভারী একটা স্বস্তি বোধ করিলাম।

বলিলাম—“তোমরা কি বেড়াতে বেরিয়ে ছিলে,—তীর্থ করতে ত’ নয়ই?”

“হ্যাঁ—বেড়ানই বলতে হয়, তা বই আর কি বলবো। দেশের কোনো কাজ করতে গেলেই—সহজে পরিচিত হয়ে পড়তে হয়,—শুনতে হয়—

“গরীবের ছেলেদের কেন পড়াও,—চাষীদের সঙ্গে কেন মেশো, তাদের ভালো কথা কি কৃষি সম্বন্ধে দরকারী কথা শোনাবার ভার তোমাদের কে দিলে, গ্রামে গ্রামে ম্যালেরিয়ার পাঁচন বিলিয়ে বেড়াবার মাথাব্যথা তোমাদের কেনো,—বার গরজ সে চ্যারিটেবল্ ডিস্‌পেন্‌সারী খুঁজে নিতে পারেনা কি। সরকার বাহাদুর সবই ত’ করে রেখেছেন। —“পরের পদকুরের পানা পরিষ্কার করে বেড়ানো কি ভদ্রসন্তানের কাজ? এর ত’ একটাতেও এক পরসাম্য আমদানী নেই,—বিনা রোজগারে লোকের ক’দিন কাটে। তার চেয়ে দেশে ত’ কন্যাশিক্ষার অভাব নেই, তাদের উপকার করলেই ত’ হয়।”— ইত্যাদি উপদেশের কথা আর উপদেশ শুনতে হয়।”

“তাই মাঝে মাঝে অতিষ্ঠ হয়ে বেরিয়ে পড়তে হয়। তবে,—পরিচয় হয়ে গেলে তাঁরা খোঁজ খবরটা রাখেন। সুতরাং যেখানেই থাকি—অসহায় নই।”

—“এখানে দিনকতক থেকে অন্যত্র চলে যাব বলেই এসেছিলাম, কিন্তু গণেনবাবুর অবস্থা দেখে আটকে গেলুম। তাতে আমাদেরই লাভ বেশি হয়েছে। আমাদের করাকর্মার ভেতর—হিসেব থাকে, চতুরতা থাকে, বুদ্ধি খেলানও থাকে,—কিন্তু তা না রেখেও যে কেবল অভিন্ন ভাবে ঐকান্তিক সদিচ্ছায়, ভুলভ্রান্তি সত্ত্বেও—সহজে বেশি

কাজ করা যায়, তা দেখে গেলুম। পারব কিনা জানিনা। যাবার সময় পায়ের খুলোটা যেন পাই।”

আমার কণ্ঠ ভার হইয়া আসিয়াছিল, বলিলাম—“ভগবান তোমাদের সিঁদছায় সহায় হউন,—তোমরা আনন্দে থাক।”

উভয়ে নমস্কার করিয়া উঠিয়া গেল।

বাহিরের রোয়াকে ডাক্তার বাবুদ্র সাড়া পাইয়া তাঁহাকে সংবাদটা দিবার জন্য গেলাম। দেখি জয়হরির অতি কাতরভাবে হাতজোড় করিয়া বলিতেছে—

“আমাকে সত্যি করে বলুন ডাক্তার বাবু—আর কোনো ভয় নেই ত’। ঐ ভাঙা শরীরে পালটে পড়লে আর রক্ষা থাকবে না। তার চেয়ে দিন কতক থেকে যাওয়া বরং ভাল।”

“ওর জন্যে আর ভাববেন না জয়হরি বাবু। আমি বলছি—উনি সম্পূর্ণ রোগমুক্ত হয়েছেন; এখন কর্মহীন বসে থাকাটাই ওঁর পক্ষে খারাপ। ওঁকে আর একদিনও আটকাবেন না।”

“না—তা হ’লে”—

আমি উপস্থিত হইয়া সঙ্গী লাভের সংবাদটা দিলাম। ডাক্তার বাবু খুব খুঁসি হইলেন।

জয়হরি বলিয়া উঠিল—“জয় বাবা বৈদ্যনাথ!”

মাধুরী আসিয়া জয়হরিকে ডাকিল। বলিল,—“দিদিমা শুনিয়ে আছেন, উঠছেন না,—থাবেন না। তুমি একবার এসো।”

জয়হরি ছুটিয়া চলিয়া গেল।

জগতে একটা কিছ্ লইয়া থাকা। কখন কি যে সেই ‘একটা-কিছ্’ হইয়া দাঁড়ায়—তাহার স্থিরতা নাই।

গণেনবাবু তিন বৎসর নানা অবস্থার মধ্যে কাটাইয়া—আজ দেশে যাইতেছেন। আমরাও ফিরিবার আসামী;—মনটা সকাল থেকেই উদাস। বুদ্ধিলাল গণেনবাবুই সম্প্রতি আমাদের সেই ‘একটা-কিছ্’ ছিলেন।

আমাদের বাসা আর ধর্মশালা ইন্সটেশনের পশ্চাতেই, একটা রাস্তার ব্যবধান মাত্র ।  
ট্রেন এখান থেকেই ছাড়ে, সুতরাং তাড়া ছিল না ।

বাসায় কিন্তু বসিয়া থাকিতে পারিলাম না,—ধর্মশালায় গেলাম । দেখি—তারাও  
প্রস্তুত । এখনো আধ-ঘণ্টা সময় আছে, কিন্তু সকলেরই ভাব—এখানে আর কেনো,  
চলুন ইন্সটেশনেই যাই ।

আজ আর কাহারও কথার আগ্রহ দেখিলাম না । মালের মোটও নাই । নীরবেই  
সব বাহির হইয়া পড়িলাম ।

জয়হরি দূর্গা দূর্গা বলিয়া অগ্রসর হইল । কথার মধ্যে শুনিলাম,—টিকিট কিনতে  
হবে ।

ইন্সটেশনে গিয়াও সেই ভাব । গণেনবাবু একলা একান্তে অন্যমনস্ক ; জয়হরি  
দূরে দূরে—বগলে ছোট একটি বিছানার বাগ্‌ডল, একহাতে গলায়-দড়িবান্ধা একটি ভাঁড়  
ঝুলিতেছে, অন্যহাতে—মাঝারি একটি হাঁড় ।

বীরেশের সঙ্গীটিকে জিহ্বাসা করিলাম—“বীরেশ বাবুকে দেখিছি না ।”

“তিনি একটা কাজে গেছেন—একবারে ইন্সটেশনেই আসবেন বলছেন ।”

জয়হরি ব্যস্তভাবে আমার কাছে আসিয়া বলিল—“যশোড় পর্যন্তই যাই ;—গণেন-  
দাকে কলকাতার গাড়ীতে বসিয়েই দিয়ে আসি,—ওঁরা আবার কি ভুলচুক করে  
ফেলবেন । কি বলেন ?”

মনে মনে হাসিলাম—ওঁদের চেয়ে হুঁসিয়ার লোক বটে । ভাবিলাম কিছই বিচিত্র  
নয়—ভাবের ঝোঁকে নিজেও সেই গাড়ীতে উঠিয়া পড়িতে পারে ।

যাক, একটু বেড়ানও হবে । বলিলাম—“তোমার আমার দু’জনেরই রিটার্ন-  
টিকিট নিও ।”

প্রসন্ন মুখে,—“আমি জানি—আপনি কি না গিয়ে”—বলিতে বলিতে দ্রুত চলিয়া  
গেল ।

ভিড় বাড়িতে লাগিল । একটু তফাতে ছিলাম, দেখি বম্পাস্ টাউনের পার হইতে  
লাইনের উপর দিয়া—বিমলির-মা আসিয়া আমার সম্মুখেই উঠিল ।—সর্বনাশ,—  
আবার কি ঘটায় । আমাকে দেখিয়াই জোড়হাত করিয়া কাঁদিতে কাঁদিতে বলিল  
—“রক্ষা করো বাবা,—আমি কিছ্ জানিনা ;—আমাকে এরা নিয়ে যাচ্ছে,—আমি  
ছুরি করিনি বাবা, আমার কাছে তারা রাখতে দিলেছিল । এই তোমার পা ছুঁয়ে  
বলছি বাবা ।”

পা ধরে আর-কি !

পঞ্চাৎ হইতে—খাকি কোট্-হাফপ্যান্ট্ পরা, হ্যাট মাথায় এক বলিষ্ঠ মূর্তি ধমক দিয়া উঠিল,—“চুপ কর, উনি আমাদের আপনার লোক,—ওঁর কাছে”—

মদহুতে তার মদ্য একদম মেঘ-মদন্ত ! তখন তাড়াতাড়ি হাসিমুখে নিম্নকণ্ঠে বলে—“না বাবা—ও-সব মিছে কথা গো,—এখানে ওই রকম বলতে হয় কিনা ! আমি যেমন,—হ্যাঃ—তুমি কি আর বোঝেনা ! তা—এই এঁর কুপাস,—প্রাতঃবাক্যে রাজা হোন, চন্দর সূর্য্যার মত পেরমাই হোক,—সেই খাসিখাগীর মদ্য একেবারে আধ পরসানে তিজেল পারা করে দিয়েছেন ! এই দেখনা—এই হার, এই টাকা, এই মাইনে ! হঃঃ—বাপ্ বাপ্ করে বের করে দিতে পথ পায় না !”

যদু করে সব পেট কাপড়ে বাঁধা !

আরো নিম্ন স্বরে—“মাগীর বারোগাডা বয়সে, হিঁদুর মেয়ে বলে—ছ’টা করে মোল্লা-পাখীর ডিম খায় গো—ধঃঃ ধঃঃ ! আবার—টম্ টম্ লাগিয়ে চুল বাঁধে, .. মরণ আর কি !” ( বোধ হয়—পমেটম্ হবে ) ।

বীরেশের প্রতি,—“আহা বাবা—কি ভুলই করলে ! আমার প্রাচিস্তির করবার টাকাটা যদি চাইতে বাবা,—মাগী সড় সড় করে বের করে দিত । এখনো”—

বীরেশ বিরক্তভাবে বলিল—“চুপ্ চুপ্ ।”

—“হ্যাঁ বাবা—তাইতো । যমের বাড়ী থেকে ফিরিলে এনেছ, তাকি আমি এ জন্মে ভুলবো ! না—তাই বলছিলাম,—তা থাকগে,—আমার আর কিছ্ চাইনা বাবা, কেবল গিয়ে যেন বিমলিকে আমার ভালো দেখি ।”

এই বলিয়া আমাদের পদধূলি লইল,—অঙ্গলে চক্ষু মর্দীছিল ।

রহস্য বদ্বিতে পারিলাম না, কতকটা স্তম্ভিতের মতই বীরেশের দিকে চাহিলাম । হাসিমুখে বলিল সে—“যশোডি পেঁছে শুনবেন । যাচ্ছেন ত’ ?

এখানে শূন্যবার সুযোগও হইত না ।

ক্যাম্বেসের ধূলি ধূসরিত ছেঁড়া জুতা জোড়াটির উপর ব্রুয়েলটি করিতে করিতে দ্রুতবেগে অমর আসিয়া উপস্থিত ।—

“বেশ লোক ত’ ! আমি সাত দেশ খুঁজে মরাছি—বাসায় নেই, ধর্মশালায় নেই,—এখানে যে বড় ? তোমাদের কোনো কাজের হুঁস থাকে না ! কাল অতো বললাম ।”

“গগেনবাবু আজ যাচ্ছেন”—

“কে গণেনবাবু ?—সেই খয়রাতি-খন্দের ?”

তাড়াতাড়ি অমরকে লইয়া তফাতে গেলাম ।

—‘কেনো ? কে তিনি ? বার্ণ-কোম্পানীর ফোরম্যান্ না জেপস্ কোম্পানীর বড় সাহেব যে, গাড়ীতে তুলে দিতে আসতে হবে ! তোমাদের যে সব বাড়াবাড়ি । মালদার ?’

“না—শিক্ষিত ভদ্রলোক, ব্যঙ্গালী,—পাঁড়িতবস্থায় বিদেশে”—

“আর বলতে হবে না । অমন কত চাও । ওটা চিরকালই শূনে আসছি । ও পাঁড়িতবস্থাটা তাঁর নয়—তোমাদের । বলনা,—অমন অপয়া-আসামী রোজ বিশজন হাজির করে দিচ্ছি,—সামলাবে ? কেবল—বনের মোষ তাড়ানো ।—দেশে গিয়ে করবেন কি,—চাকরির দরখাস্ত !”

“ওকালতি করবেন ।”

“উকিল ।”

একটু নীরব থাকিয়া,—“বেশ, ঠিকানাটা নিলে রেখ ত’,—ভুলনা । আমার ত’ মামলা-মকদ্দমা লেগেই আছে । উপকৃত লোক ত’ বটে । ওরা দু’টো কথা কইলেই—দু’মুঠো চাই,—আমাদের ওপর যায় । আচ্ছা—পরে—হবে,—এখন চলো—মস্ত দাঁও । তোমাকে মাইল্ড্-স্টীলের যে দর বাতলে দেবো, তুমি কেবল গম্ভীর ভাবে বলবে—‘এখন কলকাতার বাজারে এই দর চলছে ।’ আর কিছ্ বলতে হবে না । বলে এসেছি—দাঁ-মশাইয়ের ভাই, হওয়া বদলাতে এসেছেন, আমার বিশেষ বন্ধু,—তাঁর মুখেই কলকাতার বাজার ওঠে বসে । শূনে আলাপ করবার জন্যে সকলেই উৎসুক । তুমি সেই দাঁ-মশায়ের ভাই,—বুঝলে । এসো—তুমি গেলেই ফতে ।”

সর্বাস্তে ঘাম ছুটিল । বলে কি ।

“ভাবচ কি—শুধু হাতে ফিরতে হবে না,—বুঝলে ? এমন কাজ শর্মা করেন না । হাতে হাতে সাকার-দেবতা ।”

একমুখ বীভৎস হাসি—হিঃ হিঃ হিঃ ।

বলিতেই হইল—“ভাই—আমাকে মাপ করো,—টিঁকট কেনা হয়েছে—যশেডি-পর্যন্ত যাচ্ছি ।”

মানুষের মুখেই ‘বিশ্বরূপ’ ! পলকে এমন পরিবর্তন বোধহয় মনেরও সম্ভব নয় । চক্ষু নত করিতে হইল ।

অমন মিনিট খানেক স্তম্ভিত হইয়া আমার দিকে চাহিয়া থাকিয়া পরে বলিল—  
“আমি তা জানতুম,—আচ্ছা চললাম।”

ওই দুটি কথাতেই শব্দকল্পদ্রুম ঠাসা।

“কিছু মনে করনা ভাই,”—কথা আর যোগাইল না।

যে কারণেই হউক, সে ফিকে হাসি হাসিয়া—“আমিই ভুল করছিলাম” বলিয়া দ্রুত চলিয়া গেল। একবার পিছন ফিরিয়া—বলিল—“উকিলের ঠিকানাটা।”

অপরাধীর মত দাঁড়াইয়া রহিলাম। ইন্স্টেশনের গোলমাল কি ফাস্ট-বেল কানে পৌঁছে নাই।

সহসা গায়ে হাত পড়ায় চমকিয়া চাহিয়া দেখি ডাক্তারবাবু।

“তন্ময় হয়ে কি ভাবছিলেন,—গণেনবাবু কোথায়?”

জয়হরি ছুটিয়া আসিয়া বলিল,—“আসুন—গাড়ি যে ছাড়ে।”

ডাক্তারবাবু দোষীর মত বলিলেন—“আমার বড় দেরি হয়ে গেল,—এমন কাজ করি—ইচ্ছা সত্ত্বেও কথা রাখতে পারি না—গণেনবাবু কই!”

“কি আর বলব,—কথা আর কতটুকু প্রকাশ করতে পারে—নীরবেই চললাম। কোথায় যে যাচ্ছি তাও জানিনা,—বাড়ীতে যাচ্ছি কি বাড়ী থেকে যাচ্ছি, তাও বুঝতে পারছি না। একটি ভিক্ষা,—সংসার যদি থাকে,—আনাথের উপনয়ন দিতে যাবেন—পায়ের ধুলো যেন পাই।”

এইটুকু বলিয়া গণেনবাবু মাথা হেঁট করিলেন।

“যাব বইক—নিশ্চয়ই যাব—” বলিতে বলিতে সেকেন্ড বেল্ পড়িল। তাড়াতাড়ি গিয়া গাড়ীতে ওঠা গেল।

আমাকে গাড়ীতে উঠিতে দেখিয়া ডাক্তারবাবু বলিলেন—“আপনিও নাকি!”

“আজ এই যশোদ পর্যন্ত।”

বীরেশ ও বন্ধু নমস্কার করিল।

“তাইত—তোমরাও—”

ট্রেন ছাড়িল।

“নমস্কার—নমস্কার—”

ট্রেন প্র্যাটফরম্ পার হইয়া গেল।

ডাক্তারবাবু তখনো অন্যমনস্ক দাঁড়াইয়া।

দুর্নিম্নার ছাড়াছাড়িতে—নিত্য এবং এই রকমই।

কেহ যেন কাহারো পরিচিত নহি—এইভাবে গাড়ীর বাহিরে চাহিয়া পথ কাটিল ।

খোলা মাঠ, সন্ধানীল আকাশ কি সদূর পাহাড়ের দৃশ্য যে, কেহ উপভোগ করিতে-  
ছিলাম তাহাও নহে । মানুষের মনটা কি দুর্বল ।

যশোডিতে নামিয়া কথা ফুটিল । বীরেশ বলিল—“এই নিরাভরণ দেশটা এত ভালো  
লাগে যে কেন—বদ্বতে পারি না ।”

বলিলাম—“বাঁধা কম, ফাঁক বেশী, চোখ কি মন ধাক্কা খায় না । প্রকৃতি এখানে  
অবাধ ছাড়পত্র দিবে রেখেছেন । এই স্থানগুলোই—হাঁপছেড়ে বাঁচবার জায়গা । ভেবনা,  
—বড়-বড়দের যখন নেক্‌নজর পড়েছে—এও ‘বড়বাজার’ বনে যাবে । সিভিলিজেসন্  
এ-সব সহিতে পারে না,—এ ফাঁক বদ্বজিয়ে দেবে । এখন যে-হাওয়াটা গায়ে লাগলে এ  
বয়সেও একটা অব্যক্ত স্মৃতি এনে দেয়—বল যোগায়,—প্রকৃতির ঐ উলঙ্গ বালকদের  
সঙ্গে ছুটে গিয়ে খেলা করতে ইচ্ছে হয়,—তখন ‘সোফায়’ শূন্যে যুবকেরা বিজলী-  
বাতাস খাবে আর ইঞ্জেক্‌শন্ নেবে ।”

অনেকক্ষণ কথাবার্তা ছিল না । মনে হইল—কি কতকগুলো অবাস্তব বিকস্ম  
যাইতেছি । চুপ করিলাম ।

গণেনবাবু উদাস ভাবে বলিলেন—

“হ্যাঁ—ঠিকই বলেছেন, সহর মানেই তাই—স্বভাবের অভাব ।”

“আমি বলছিলাম গণেনবাবু,—সিভিলিজেসন্ বলছে ।”

গণেনবাবুর মুখে একটু হাসির রং না-ধরতেই মিলিয়ে গেল ।

বীরেশের দিকে চাহিয়া বলিলাম—“কই—বিম্লির-মার কথাটা যে শোনা  
হল না ।”

বীরেশ হাসিয়া বলিল—“সে আর কি শুনবেন, আমাকে বিশেষ কিছুই করতে হয়  
নি,—সব বাহাদুরিটার ওর নিজের ; যা যা বলে দিয়েছিলুম তার এমন নিখুঁৎ অভিনয়  
করেছে—দেখে নিজেই অবাক হয়ে গেছি ।—

—“সে বাড়ীতে পদরুঘের মধ্যে গিমির এক বিলিতি-ফ্রেম-আঁটা ব্রাদার থাকেন ।  
তার খাফ প্যাণ্ট—খাফ শাটের আধখানা গিলে রয়েছে, নীল রংয়ের ‘টাই’

ঝুলছে, আন্তন কনুয়ের ওপর গোটানো। কামার মর্দুড়ির আশায় পাটার সামনের পা ঘেঁষে কোপ মারে, নাপিত যে কি আশায় ঘাড়ের চুলে ঝেড়ে কোপ চালিয়েছে জানিনা। বারান্দায় ইঁজিচেয়ারে বসে ‘ইংলিশ-ম্যান’ দেখছিলেন।

—“বিম্লির মা পাশের ঘর পরিষ্কার করছিল। আমাকে দেখতে পেয়ে ঝাঁটা ফেলে—সাহেবের পা দু’টো ধরে—‘দাদাবাবু আমাকে রক্ষা করো, আমি তোমাদের আশ্রিতা,—ভালো মানুষের মেয়ে, দুঃখী বলে’—চোর নই। ওকে বলো এখানে কেউ নেই।’ এই বলেই বাড়ীর মধ্যে দ্রুত পলায়ন,—একদম গিন্নির খাটের নীচে।—”

—“সাহেব হক্‌চকিয়ে উঠে দাঁড়িয়েছেন—ব্যাপার কি! আমিও হাজির। বাড়ীর মধ্যে কান্না শুনতে পাচ্ছি—“আমাকে রক্ষা করো মা—আমি চুরি করিনি আমার কাছে রাখতে দিইছিলো। ওগো কেনো মরতে রেখেছিলুম, কেনো, ভালো করতে গিছিলুম। তোমার দু’টি পায়ে পড়ি আমাকে বঁচাও,—চিরকাল তোমার দাসী হয়ে থাকবো মা। তুমি ওকে বলে দাও এখানে কেউ নেই।” ইত্যাদি—

“আডোং ছাঁটা সাহেবের ভ্রাতা ভ্রু কুঁচকে আমাকে বললেন—“কে আপনি—কাকে খোঁজেন?”—

ভাবটা,—চলা যাও।

বললুম—“ব্যাট্রা থেকে আসছি মানদা বলে একটি বিধবা স্ত্রীলোক আমাদের বাড়ী কাজ করত,—তাকে গ্রামের সবাই বিম্লির-মা বলেই ডাকে। সাত মাস হ’ল, সে আমার ভগ্নীর হার ও পঁচিশ টাকা নগদ নিয়ে ফেরার হয়েছে। হার-ছড়াটি ভগ্নীর শব্দরদের দেওয়া জিনিস।—

—“খুঁজে হস্তরাণ হয়ে শেষ খবর পেলুম—আপনাদের সঙ্গে পালিয়ে এসে এখানে আছে। ধর্মশালায় থেকে—সম্মান নিচ্ছিলুম। কাল তাকে রাস্তায় দেখতে পেয়ে সঙ্গ নিয়ে—এই ‘সদনে’ ঢুকতে দেখে যাই।—

—“সে যদি স্বমানে হার আর টাকা নিয়ে আমার সঙ্গে আসে,—বাবা তাকে মাপ করবেন বলেছেন। নচেৎ আমি পুলিশের মারফত যা করবার করতে বাধ্য হব। কিন্তু সে ক্ষেত্রে আপনাদের—সম্ভবতঃ মহিলাদের, কোর্ট পর্যন্ত যেতে হয়। বিম্লির-মা আমাকে চেনে,—তার কোনো ভয় নেই। সে যদি আমার সঙ্গে গিয়ে বাবার কাছে মাপ চায়, আমি বলছি—তাকে জেলে যেতে হবে না—এখন আপনারা যা ভালো বোঝেন করুন।”

“গিন্নি পাশের ঘরে এসে দাঁড়িয়ে ছিলেন,—সকল কথাই শুনেন। ব্রাহ্মণকে



ডেকে বললেন,—অবশ্য আমি যাতে শুনতে পাই এমন মৃদু কণ্ঠ,—‘কবে মরবো—কেবল তাই জানি না ! বরাবর বলে আসছি—মাগী চোর, তা না ত’ মাইনে দিতে গেলে নেয় না, বলে—থাক্ রাজার বাড়ীতে আছি—মাইনের ভাবনা ! থাক—এরপর একসঙ্গে দিও—তোমাদের কৃপায় জগবন্ধু দর্শন হয়ে যাবে ।” মিচুকেপোড়া মাগী—তোর জগবন্ধু জেলে বসে আছে, দেখে আস । তাই ত’ বলি,—বলিনি ‘ডিক্’ মেয়ে-মানুষের এতো চিঠি আসে কোথা থেকে ! আবার-পড়েই পড়াড়িয়ে ফেলে ! ভালো মানুষে কে কোথায় আবার চিঠি পোড়ায় !—

—“আমার মন কিন্তু বলে দিত—কাজ ভালো হচ্ছে না । কত’া যে আমাকে বলেন—তোমাকে দয়াতেই খেয়েছে, তা ঠিক । এই ত’ সাপ পোষা হাঁচ্ছিলো ।

‘আয় ত’ ডিক্, ও পাপ এখন বিদেয় করে দে ভাই,—খাটের নীচে কাঁদছে আর কাঁপছে—বেরুবে না । উনি বলেন—নিষ্পাপ মনে সব পষ্ট পষ্ট দেখা দেয়, আমি পষ্টাপষ্ট জেনে শুনাই নিজে মরেছি ভাই—দয়াই আমার শত্রুর । বাবা তাই আমার ‘করুণাময়ী’ নাম রেখেছিলেন—মুখে আগুন করুণাময়ী ! আয় ডিক্—পাপ বিদেয় কর্ ভাই ।”

বললুম—“আপনারা যে-রকম ভদ্রলোক দেখছি,—ওর পাই-পয়সা হিসেব করে চুকিয়ে বিদেয় করে দিন,—আমি সাক্ষী রইলুম । মাগী না কোনো ছুতোয় কোর্টে কি কোথাও আপনাদের নাম করতে পারে,—ওদের বিশ্বাস নেই । আমি চাই না—আপনাদের আদালতে টানাটানি হয় । যা দেবেন—ওর হাতেই দিন, আমি বামাল সদ্ধু নিয়ে যেতে চাই,—তা হলেই আমরা খোলসা ।”

“একুণি বাবা একুণি ।”

“তার পর বিমলির-মার কি কান্না আর পায়ে ধরাধরি ! কিছুতে আসবেনা—করুণাময়ীর পা ছাড়বে না । অনেক আশ্বাস আর অভয় দিলে বার করে আনি ।

তখন—“এই হার, এই সাত মাসের মাইনে—সাত-সাত্তে বাকি উনোপাশ হয়,—আমার বাবা এ জন্মে হিসেব এলো না,—এই পুরো পণ্ডাশই দিলুম,—আর ও যা তেইশ টাকা রেখেছিল । তুমি বলছো পঁচিশ, বল ত’ তাই দি,—পাপ ছাড়লে যে বাঁচি ! এ ধর্মের ঘরে আর কতদিন থাকবে ।”

বললুম—“তা কেনো দেবেন—ওর ত’ টাকা রয়েছে,—আপনি অত’ হাবা কেনো ।”

মৃদুহাস্যে বললেন—“উনিও ওই এক কথাই বলেন । বাবা যে মস্তা মোক্ তার

ছিলেন, মধুর বাবুর নাম শোনানি বাবা,—টাকার ত' হিসেব ছিল না । ইত্যাদি—

—“বিম্লির-মা সে সব আঁচলে বাঁধে আর কাঁদে,—বলে এসব আমার কিছু কাজ নেই—আমাকে জেলে দিওনা ।”

ইত্যাদি অনেক কান্ড আর অনেক কথার পর দ্রুত ইন্স্টেশন মূখে হই । বেরিয়ে এসে একটা মোড় ফিরেই—তার কি হাসি । বলে—“মাগী যেমন কুকুর তেমন মধুর তুমি বাবা । হুলো-মুখী আমার হার হজম করবে,—হার ত' আর খাসির মাংস নয়লো রান্ধুসি ।”

—“তার পর পাগলের মত হাসি আর পায়ের ধুলো নেওয়া । এইভাবে ইন্স্টেশনে এসেছি । এখন ওকে ওর মেয়ের কাছে পৌঁছে দিয়ে ছুটি ।”

নির্বাক অপলক বীরেশকে দেখিতে লাগিলাম । কত কি ভাব মনের উপর দ্রুত বহিরা চলিল ।

গণেনবাবু একটি দীর্ঘনিঃশ্বাস ফেলিয়া বলিলেন,—“মানুষই তার চরম সৃষ্টি । একাধারে দেব-দানবের এমন সংমিশ্রণ, এমন স্ফুরণ আর কিছুতে নাই ।”

জয়হরির একটু দূরে দূরেই থাকিতেছিল ; হঠাৎ নিকটে আসিয়া বলিল—“গাড়ী এসে গেল ।”

সত্যি ত' । বীরেশ বিম্লির মাকে মেয়েগাড়ীতে বসাইয়া দিতে গেল ।

গণেনবাবু প্রণাম করিলেন, বলিলেন—“কোথার যাচ্ছি জানিনা,—আশীর্বাদ করুন”—

বলিলাম—“সেটা ভগবানের কাছ থেকে এসে গেছে । আপনি তাঁর ইচ্ছাতেই বন্ধুর ডাকে যাচ্ছেন,—সর্বাগ্রে তাঁর কাছেই যাবেন । সেখানে দু-এক দিন থাকলেই—তাঁর মুখ থেকেই সব ব্যবস্থা ঠিক হয়ে যাবে, আপনাকে কিছু করতে হবে না । কোনো দ্বিধা সঙ্কোচ রাখবেন না ।”

জয়হরির তাড়ান—নীরবে একখানি ইস্টার ক্লাস গাড়ীতে গিয়া উঠিলেন ।

জয়হরির ইতিপূর্বেই বীরেশের বন্ধুর হাতে বৈদ্যনাথের প্রসাদী-পেঁড়ার হাঁড়িটি দিয়া,—গণেনদাদার ছেলে মেয়েকে দেওয়া চাই,—বলিয়া দিয়াছে । এখন দীড়বীধা ভাঁড়াটি গণেনবাবুকে দিয়া বলিল,—“বাবার এই চরণামৃত রোজ সকালে খাবেন, জ্বলবেন না ।”

গণেনবাবুর চক্ষু অশ্রুভারাক্রান্ত হইয়া উঠিল ।

জয়হরির আলিঙ্গন মধ্যে গণেনবাবু আজ অবোধে কাঁদিলেন ।

ট্রেন ছাড়িল। আমি ডাক্তার জয়হরির চক্ষু মর্দুহিতে মর্দুহিতে মোশনেই নাবিল ঃ গণেনবাবু আমার দিকে চাহিয়া—দীননেদ্রে হাত জোড় করিয়া রহিলেন। তাহার ভাষা—  
—কথায় বা লেখায় ধরা দেয় না।

\*

\*

\*

বৈদ্যনাথে ফিরবার পথটা নীরবেই কাটিল।

বাসায় ঢুকিবার পূর্বে জয়হরি বলিল—“চলুন আর নয়,—মা’র জন্যে বড় মন কেমন করছে।”

## ৬৪

আজ যেন আর-কোন-দেশে নিদ্রা ভঙ্গ হইল। নিজের প্রাণেরই সাড়া পাইনা ঃ রোগীর মত স্নান অর্ধনির্মীলিত চক্ষে কক্ষে একবার চাহিয়াই পাশ ফিরিয়া চোখ বন্ধিতেই ইচ্ছা হয়। জানালার ফাঁক দিয়া রৌদ্র আসিয়া শয্যাপার্শ্বে উপস্থিত,—পাখীরা ডাক দিতেছে, উঠিবার উৎসাহ নাই, ভ্রমণের আগ্রহ নাই—পথ তার দাবী ছাড়িয়াছে। ঠিক বিজয়ার পরবর্তী প্রভাতের অবস্থাটি। যেন সব কাজ—সকল আনন্দের শেষ,—আর কেনো।

কেবল একটা ঠক্ ঠক্ ঠকাঠক্ শব্দে অনবরত কানে কর্কশ আঘাত করিয়া চলিয়াছে। যেমন একঘেয়ে তেমন রুঢ় আর বিরক্তিকর। কখন যে আরম্ভ হইয়াছে জানিনা,—এখন, সেটা মাথায় হাতুড়ি পিটিতে আরম্ভ করিল। দূর করে, উঠিয়া পড়িলাম।

এ কি,—আওয়াজটার আঁতুড়ঘরটা যে আমাদেরই উঠানে। ব্যাপার কি।

ভিতর দিকের দোরটা একটু ফাঁক করিয়া দেখি—গোটা তিনেক প্যাকিংকেস্—তার একটাকে লোহার বেড় দিয়া বন্ধ করা হইয়াছে।

ও—কর্তা তাহ’লে অকাজে এখানে নেই,—চালানি কাজও চলে। তাই মাড়োয়ারীদের এক পাঁচিলে বাসা। শব্দ হাওয়া যেতে আসা নয়—মেওরাও আছে ঃ কিন্তু মানুষ দেখে ত’ তার কোনো আভাসই পাওয়া যায় না। ভোব্বার টান ধরেনি ত’।

অমন লোকের দ্বারা কি কারবার সম্ভব ? হবেও বা ।—যাদের নিয়ে জন্ম কাটলো, তাদের বড় বড়তে পেরেছি । কি মাথা নিয়েই জন্মেছিলদুম, একদম—প্র্যাটিনম্ ! যাক, এবার পায় পায় পরলোকটা পেঁছতে পারলেই হয় ।

কর্তা দ্দ’হাতে দ্দ’টো বালতি নিয়ে ঘর থেকে বেরিয়ে এসে, বনাৎ করে একটা খালি প্যাকিং-কেসের মধ্যে ফেলে বললেন—“এইবার এই বাস্কেটটা । বেটা একটু নড় দিকি আমার মতো,—ও ছুকছুকের কর্ম নয় ।”

সত্যি বাণেশ্বরের কাজে উৎসাহ ছিলনা । সে একটু ইতস্ততঃ করিয়া ড্যাস টানিতে টানিতে বলিল—“অতো তাড়াতাড়ি করছেন কেনো বাবু,—মাকে মন্দির থেকে ফিরে আসতে দিন ! যার জন্যে আসা তিনি ত’ এখনো বেশ সারতে পারেন নি—এই কালই সে কথা বলছিলেন ।”

কর্তা চক্ষু কপালে তুলিয়া বলিলেন—“বলিস কি ! বলছিলেন ? কাকে সারতে পারেন নি ? সারাসারির দৌড় ভুই বদ্ববি কি ! থার্ড-ক্লাসে ফিরতে হবে—তা জানিস ! আবার বেশটা কি রকম ?”

“কি বলছেন হুজুর ?”

“হুজুর ঠিকই বলছেন,—নে, হাত লাগা । এর চেয়ে বেশী সারলে—এসব মাথায় করে হেঁটে ভিটে দেখতে হবেরে হারামজাদা ! পারবি ?”

“আপনি ত’ বদ্ববেন না—মায়ের শরীরটে এখনো বেশ সারেনি, তাই বলছেন । বাতেও কষ্ট পাচ্ছেন,—এতদিন রইলেন, আর—”

“বাত,—থাম্ থাম্ । ও সব দামী জিনিস আর থাকে কোথায় ? ওরা কদরের জায়গা খোঁজে, তাই চড়ক-সংহতায় আর ‘দায়িত্য’ ওদের স্থান । ভুল বকিনরে,—ভুল বকিনি, ওরা না সেরে—সরেনা । নে—হাত চালা ।”

ব্যাপার বদ্বিতে আর বাকি রইলনা । আসল কথা—এখানে আর থাকিবেন না । যাক—কারবার নয়,—স্বাস্থি বোধ করিলাম ।

বাসায় যখন মেয়েরা নাই, ব্যাপারটা দেখাই যাকনা । একটা সাড়া দিতেই বলিলেন—

“এই যে—আসুন আসুন ।”

“আজ যে বড় বেড়াতে বেরননি ?”

“না,—আজ ও’রই গেছেন । ক’দিন দই আনিনি,—অম্বলটাও চাংগিয়েছে, নিজেই গেছেন । একটু বেড়ানো ভালো ।”

“সেটা ভালো বইকি,—তা এ-সব কি হচ্ছে?”

“অভাবটা সব সময় মন্দ নয় মশাই। এঁরা না থাকার,—বাসায় দেখি হঠাৎ খানিকটে দরাজ-জারগা বেরিয়ে এসেছে, হাওয়া খেলছে। সেই ফাঁকে গৃহ-দেবতাদের সেবা সেরে রাখছি। হিঁদুর ছেলে—এঁদের ফেলতে ত’ পারিনা,—শেষ পর্যন্ত টানতে হবে। বড় দয়া রাখেন, গুড্‌সে (Goods-এ) চড়তে আপত্তি করেন না।”

কর্তার কথা বরাবরই এই পথ ধরে চলে। বলিলাম—“তবে কি আপনারাও—”

একটু গম্ভীর ভাবে বলিলেন—“কেনো—আমরা কি গাছপাথর। আপনারা থাকবেন না,—জরুরি বাবদকেও নিয়ে যাচ্ছেন,—এখানে আর কোন সন্ধান রইলো মশাই। পেনশন্‌ নৈবার পর এই ক’টা দিনই যা বেশ ছিলুম!”—একটু নীরব থাকিয়া—

“—যাক,—এটা দেশও নয়, নিজের ঘরবাড়ীও নয়, লেখাপড়া করেও আর্সিনি! দশরথের বাচ্চাও নই যে চোদ্দো বছরের বরান্দা আছে। আর—এখানে ভালোটাই বা কি—না আছেন গঙ্গা, না কালীঘাট, না গড়ের মাঠ। পিরু পেলোটি নেই যে ছেলেরা কাছে থাকবে,—চুল ছাঁটতে তাদের কলকেতা ছুঁতে হয়,—শেষ ছেলে-গুলোকে খোঁসাবে! কি সুখে থাকা মশাই—চলুন একসঙ্গেই বেরিয়ে পড়ি।”

অভিমানটা যেন আমাদের উপরই। যাহা ইউক—তাহার মধ্যে সত্য নাই এমন কথা বলিতে পারিনা। আমরা আরো দিন কতক থাকিলে যে তিনি এখনি উৎসাহের সহিত গৃহদেবতাদের প্যাক-মুক্ত করেন তাহাতে সন্দেহ নাই, বলিলাম—

“যার জন্যে আসা তিনি রোগমুক্ত হয়েছেন কি?”

অবাক-বিস্ময়িত নেত্রে আমার দিকে চাহিয়া বলিলেন—“আপনি সংসার করেনি দেখছি, ওঁদের একটা বড় কিছু না থাকিলে রোশনাই থাকে না মশাই।—যাক, ভাগ্যে—অম্বলের বাড়িয়া ওষুধটা মিলে গিয়েছিল—তাতে ওঁর রোগটা দেবে থাকতো—আমারটা চাগাতো।—কুল গাছগুলোও কুল খুইয়ে বংশোজ্ঞ মেয়ে গেছে, আর কি সুখে—যাক—”

—“এখন বাতটার জন্যেই ভয় পাচ্ছি, ওটা ভারী-ওজনের জিনিস কিনা। চার-দিক ফুলছে, চুড়ি অনশত আর চড়চেনা। আবার এমনি অদৃষ্ট—অমন ফাঁদালো পুষ্ক-হার খাটো মারছে মশাই! রোগের ওপর এই সব বোঝা ত’ আমারি বাঁচবার ওষুধ হিসেবেই তাকে বইতে হয়। তা জানেন ত’! তবে এ-ভাবে

উন্নতি হলে আর কি বাড়ী ফেরা সম্ভব হবে মশাই,—শুভস্য শীঘ্রই ভালো। কি বলেন?”

“আপনি নিজে কি ভাবছেন?”

“আমার ভাবনা অপার। ভাবিচ, ফিরে—আগে শরীর কি স্যাকরা নিজে পড়ি! স্যাকরার হাতেই যখন আমার প্রাণটা, এবং আমার প্রাণটার ওপর যখন ও’র টানটা”—

“বস্ বস্—ওর ওপর আর কথা কি। এয়াং রক্ষা আগে—”

মুখের একুল ওকুল হাসি ছুটিয়ে বললেন—“এই যে সবই জানেন দেখিচি! মাপ করবেন আমি বদ্বাতে পারিনি। তাই ত’ বলি—এখনো এমন টেনে চলেছেন কিসের জোরে—কোষ্ঠী ত’ কবে খতম হয়ে গেছে,—টানে, কিসে। ও-যে জ্যাস্তো জিনিস মশাই, সজীব দাওয়াই,—অব্যর্থ ও ঘর-ঘর পরীক্ষিত। বচর বচর যোগান দিতে পারলেই অমর।—

“হঠাৎ-যোগী কত কসরতে শ্বাস টানতে শেখে—দীর্ঘায়ু হয়,—এতে আপ্সে শ্বাস-টান ধরে। আর কি চান। এখন আপ্সে। বাবার কৃপায় শ্বাস-টান ত’ পাবো।

জানি এ বক্তৃতা বাধামুক্ত স্রোতের মতই চলিবে, তাই বিষয়ান্তরের প্রত্যাশায় বলিলাম—

“তা বইকি। হ্যাঁ—আজ বদ্বি সব বাবাকে দর্শন করতে গেছেন। এঁদের ভক্তি-নিষ্ঠাই আমাদের ধর্মের পরিচয়টা আজো বজায় রেখেছে, আমরা ধর্মের নামটা মূখে আনতে পারছি।”

“এই রোগের বিপদুল বোঝাটা নিয়েও,—সেটা বলুন।”

“তা ত’ বটেই,—আমরা আর কি করছি বলুন। আমাদের এই মূমূর্ষু ধর্মের ত’ ওরাই মকরধ্বজ। তেমন সব গির্জা-বাগি ক্রমেই কমে আসছেন, এমন প্রাচীন ধর্মটা রক্ষার পক্ষে সেটা—”

“বড়ই চিন্তার কথা, এই বলছেন। কিছু ভাববেননা, ও সব অমর জিনিস। অল্প-পিসিরা থাকতে কোনো চিন্তা নেই, তাঁরা বীজ না রেখে যান না। কঠোর নিয়মী, বিধি নিবেধ খুঁটিয়ে পালন করেন। ষষ্ঠীগড়লিতে কি নিষ্ঠার সহিত ময়দা মাখা, কুমড়া-বালি চলে,—দেখলে আপনার হতাশ হবার কোনো কারণই নেই মশাই। দেখে থাকবেন, দাঁত গিয়েছে দাঁত-খোঁটা যায়নি। ধর্মের শরীর, চিরদিন এই ধর্মটা সামলে আসছেন এবং রেখেছেন।

—“স্বর্গে ত’ যাবেনই, পাছে সেখানে না মেলে—তাই নবীপিসি শপথ করিয়ে রেখেছেন, ‘সঙ্গে একথানা কদরুশী আর একটা হামানাদিস্তে দিতে ভুলিসনি বাবা—ধর্ম না খোয়াই ! পঁাড় শশা, শাঁকালু, মুলো, নারকোল, নারকুলে কুল—এ সব করে আর ধেঁতো করে খেতে হয় কিনা ।’ এ ধর্ম কি যায় মশাই !”

কি মর্শকিলেই পড়িলাম । শূন্যে শূন্যে ভাবিতেছিলাম সংসারশ্রমে যিনি যেমন দিয়াছেন ও শিখিয়াছেন—ধর্ম বিশ্বাসে সেই ধারণা মত তাঁহারা যাহা নিষ্ঠার সহিত পালন করিয়া থাকেন, তাহার ওপর এত আকোশ কেন ? তাহার মধ্যে অধর্মটা কোথায়—তা’ই ত’ বদ্বিতে পারি না । নিয়ম, সংযম রক্ষা হয় ত’ ! আর উহাপেক্ষা উচ্চাঙ্গের আহাঙ্গারাদির ব্যবস্থাই বা তাঁহাদের করিয়া দিতেছে কে !

যাক,—তাঁহার কথাটা আর এগুলো না । দেব-দর্শনাস্ত্রে সব ফিরিলেন,—সহজেই রেহাই পাইলাম ।

সকলের হাতেই কিছ্ না কিছ্, মূর্খের মাথায় বহু কিছ্, আর জয়হরির হাতে পেঁড়ার হাঁড়ি,—বগলে পাহাড়ী-কাঠের এক বোঝা ছিড়ি,—লেকড়ি বলিলেই সত্যের সম্মান থাকে ।

### ৬৫

দ্রুত পাশ কাটাইতেছিলাম ;—কর্তা বাধা দিলেন ;—“আপনি যাবেননা—যাবেনা,—উনি ত’ এখন রোগরক্তাবলী—সম্প্রতী বাতে\* বর্ধিত (enlarged) এইবার “গোল্ডস স্মিথ্” ( Golds Smith ) টেনেছে,—ডেজার্টেড ভিলেজ” ( Deserted Village ) বানাবেই, বাণেশ্বরের প্রতি—“বেটা দেখাছিস কি, চটপট্ নে ।”

“এই যে জয়হরি বাবু, দর্শন হ’ল ? কি সব সওদা সারলেন ? বহুব্রীহির মত ঠেকছে যে ।”

জয়হরি বলিল—“এই সব সংসারে এটা ওটা সেটা, সবই ত’ দরকার । টাকা ফুরিয়ে গেল—অমন ষোড়টা, আর একটা কি চমৎকার ছুঁচো, আহা কি বানিয়েছে মশাই !—মার ভারী হচ্ছে—তা কাল ত’ আবার যাবেন ”—

“না না, বানানো ছুঁচোর তরে আর কষ্ট করে যেতে হবে কেনো”—

---

\* বাতে অর্থাৎ দেওঘরের স্বাস্থ্যকর হাওয়ায় ।

“ওঃ, সে যদি আপনি দেখতেন !”

“আমাকে আর দেখতে হবে কেনো—পাঁচজনে ত’ দেখছেন । আর কিছ্ নহ্ন ত’ !”

“আর সব—কত রকমের খেলনা পদ্মুল, বাঁশী, ফুটবল, ছোটো ছোটো রঙিন ছাতা, ছাপের ছাপড়, এলুমিনিয়ামের দ্দ’ ডজন গেলাস, বাটী, ডিস, বালতি—এই সব । তাঁর করে ফিরছেন,—চাই ত’—”

“ঐতেই হয়ে যাবে ।”

“না—টাকা ফুরিয়ে গেলো যে, তা না ত’—সে ঘোড়া মা ছেড়ে আসেন । আর অমন—কাল তাই যাবেন ।”

“মুঠের মাথায় ?”

“দ্দ’টো ট্রাঙ্ক নেওয়া হল কিনা—একটা ত’ ভরেই গেছে, আর একটা খালি গেলে ত’ টোল-খেয়ে যাবে,—তাই ভাবছিলেন—”

মাধুরী দাঁড়াইয়া ছিল, বলিয়া উঠিল—“আ-হা-হা, অত কুলকুটো যাবে কিসে । তাই ধরলে বাঁচি !”

কত’ ধীরেন্দ্রে আমার দিকে একবার চাহিলেন । বলিলাম—“সংসার বলতেই ওঁরা । আমরা আর করি কি বল্দ্দন । দেখ্দ্দননা—ইতিমধ্যে ওই শরীরেই এই সব করে রেখেছেন । ওঁরা না থাকলে—”

মাথাটা কিঞ্চিৎ কাৎ করে বললেন—“হ্দ্দ—সাব্দ্দ ভুবে যেতুম ! আমার-ভালো খ্দ্দজে খ্দ্দজেই জানটা দিলেন—এইটে বড় লাগে !”

দীর্ঘনিঃশ্বাস ফেললেন, তার পর বাণেশ্বরের দিকে চেয়ে বললেন—“আহা—তুমি কিছ্দ্দ কিনবেনা বাপধন !”

তার মুখের ভাব দেখিয়া মাধুরী হাসিয়া ছুট মারিল ।

“সংসারের স্দ্দখই এরা,—দ্দ-দ্দটি মধুর ফলই তাঁর কৃপায় আমার লাভ হয়ে গেছে, এন্দ্দতার রসাম্বাদ করে চলোঁছ ।”

এই বলিয়া য্দ্দস্ত হস্তে মৃদ্রিত নেড়ে ভগবানের উদ্দেশে উদ্দেশ্দ্দ একটি ভক্তিপূর্ণ নমস্কার নিবেদন করিলেন ।

—“আপনি কিছ্দ্দ নিলেন না জয়হারি বাব্দ্দ ?”

“আমি আর কি নেব । যা ছিল সবই জ্ঞাতিদের সিদ্দদকে ত’ রয়েছেই । থাকলেই য্দ্দতে-মাজতে হয়, পরমাত্মীয়েরা সে কষ্ট রাখেননি । মাটির হাঁড়িতে আর কলাপাতে বেশ চলে যাচ্ছে । কিছ্দ্দ নিলেই—তাঁদের আবার সিদ্দদক কিনতে হবে,—থাক ।—



“তবে—মা বলে ছিলেন—একখানা হাতোলদার চাটুর কথা—তাই নিরোঁছি । এই দেখুননা—ভারি দরকারি জিনিস,—কোদালের কাজ করে,—ঘাস-ছোলা চলে ; ভাজা ভাজুন, রুটী করুন,—ইকমিকের ওপর । আবার উঁচু জায়গায় পুতে চাঁদমার চালান,—অনেক কাজে লাগে ।”

“বটে ! তা হবে বইকি,—একা ‘চাটু’তেই সব কাজ বেরিয়ে আসে, অধিকন্তু ল্যাজ রয়েছে । আর কিছ্নু নিলেননা ?”

জয়হরির পকেট থেকে একটি বেশ গোছালো শেকড় বার করে উৎসাহের সহিত বললে—“এই একটিই ছিল, অনেক করে এক সাঁওতাল-বুড়ীর কাছে আদায় করেছি । মাগী দেবেইনা—”

“গুণ ?”

জয়হরি খুব নীচু আওয়াজে ফিস্‌ফিস্‌ করে জানালে—“তিনবার শৌকাতে পারলেই ভূত ছেড়ে যায়, সঙ্গে থাকলে—সে দিক ছেড়ে ভূতপ্রেত পালায় । আবার ঘষে কপালে লাগালে উন্মাদ পাগলও সারে ।”

কর্তা বলিলেন—“ভাগ্য দেখুন—আজই বেরুইনি । তাই ত’,—আপনি”—

জয়হরির সব উৎসাহ যেন এক ফুঁয়েই নিবে গেলো ।

যেখানে ফিস্‌ফিস্‌ সেইখানেই সকলের কান । মাধুরী ছুটিয়া আসিয়া বলিল—“দ্বিদিমা বলে দিলেন,—ছেলেকে বোল্‌-গে উটি আমার চা-ই ।”

জয়হরির বাক-রোধ ।

কর্তা বিস্ময়-বিহ্বল ভাবে,—“আঁ—ওঁরও অবস্থা এমন নাকি ।”

বলিলাম—“ওষুধ যখন হাতে এসেছে তখন আবার ভাবনাটা কি । একদিন উঁনি শঙ্কুবেন—একদিন আপনি, বাড়িতে একটা থাকলেই হবে । জয়হরিকে আমারটা দিয়ে দেবো, সে আমার পরীক্ষা করা জিনিস,—উভয়েই উপকার পেরোঁছি । জম্বলপদ্রে থাকতে গোঁড়ের এক মুরদাষর কাছে পাই,—তাকে বন্দুকের পাস্‌ দিইয়ে দির্গোঁছিলুম ।”

জয়হরির কথা ফুটিল—“আমি মার হাতেই দিয়ে দেবো ।—আর এই ছাড়ি পাঁচ-গাছাও নিরোঁছি ।”

কর্তা এক এক করিয়া দেখিয়া বলিলেন—“হাঁ—একে বলে মিল,—এক জাত এক খাত, এক পচন্দ । তা না ত’ আর কালই এ স্থান ত্যাগ করবার সঙ্কল্প করেছি । থাকতে আর মন চাইবে কেনো !—

“ছাড়ির সখ্ আমার বরাবরই, জয়হরি বাবদুরও দেখাছি তাই,—তা’ না হলে এ পচন্দটি আসতেই পারেনা,—পাঁচগাছার মধ্যে একগাছাও সোজা নিতেন। আমার ত’ সতেরো-গাছা রয়েছে,—ওর এক-গাছা সিদে বার করুন দিকি,—জো কি! ছাড়ির কাজই সিদে করা,—সিদে হওয়া ত’ নয়। বাঃ, চমৎকার selection ( বাচাই ) হয়েছে। এর ভালোমন্দের পরিচয় যে আমাদের সেই পাঠশালা থেকে পাওয়া।”

বলিলাম—“আজ্ঞে ঠিক বলছেন, তখন ভালো লাগতো না,—এতদিনে মতি-মাস্তারের সদৃশদেশ্য খোলসা হচ্ছে। এখন আবার খাড়ির তালিম ( Teachers Training ) খুলেছে। এবার আর তার আশ্বাদটা মিললোনা। আচ্ছা—ছেলেরা পাবে,—তাদের জুটবে ত’।”

“তাহ’লেই বড় সুখের হয় মশাই।—আর দেখুন, এ ছবির প্রধান গুণ—চুরি-যেতে জানে না। শেষ—ফাঁকরী পর্যন্ত চলে। ও বাঁক নয়, এক এক স্বর্গ।”

পেঁড়ার হাঁড়িটার উঁকি মারিয়াই আনন্দোচ্ছ্বাস ছাড়লেন। “হুঁ সাধে কি বলেছি,—শুধু একটাতেই কি মিল। এই দেখুন,—যেটি পছন্দ করি—তাই। যেমন ধপধপে তেমন খট্‌খটে। ওর পরীক্ষাই হচ্ছে বাজিয়ে আওয়াজ শুনে নেওয়া ;—এই না?”

জয়হারির মনটা আজ যেন কিছুতেই দাঁড়াচ্ছিল না, সে বললে,—“তাজা দেখে নরম জিনিস নিলেই ঠকতে হয় মশাই। এখন ওরা রস-মরে আসলে দাঁড়িয়েছে,—ওজনে খান পনেরো বেশীও চাপলো। দোকানী বেটা ধরে ফেললে, মদুখের দিকে তাকিয়ে বললে—“আপনি দেখাছি সমঝদার লোক—জল না শুকলে নেন না। আগে জানলে—ও-দয়ে দিতুম না।”

জয়হারি একটু উৎসাহের সহিত বলিয়া চলিল,—“এতে আর এক লাভ—গাড়ীতে, পথে, বিদেশে বড় কাজ দেয় মশাই, তিন মাস রাখুন না—পচবেনা বরং পোস্তাই হবে। আবার একখানাতে তিন কাপ্‌ চা,—ওতে দুধ ত’ আছেই, অধিকন্তু চিনি।”

ইস্‌ইপডের ব্যাখ্যা শুনে মৌন রক্ষা কঠিন, বলিলাম—“বলনা কলকেতা সহরে এ জিনিসের জন্ম হ’লে এত দিনে “ভগবতীর ডিম্” বলে বিজ্ঞাপন বোঁরয়ে যেতো।”

“বাঃ, আপনার মাথা ত’ খাসা।”

“হ্যাঁ,—তাই অনেকেরই ইচ্ছা—মুন্ডনাশ্তে ঘৌলিক প্রসাধনে অভিনন্দিত করবার। বহু চেষ্টায় বাঁচিয়ে চলছি...”

“না না—রহস্য নয়।”

জয়হরির দিকে ফিরিয়া—“ইং, চা খাবার এত বড় সন্দিগ্ধে থাকতে, কলকেতায় বসে বসে দন্দের জন্যে কি কষ্টটাই ভোগ করেছি।”

হঠাৎ বাণেশ্বরের প্রতি—“ওরে হারামজাদা—যাবার সময়ে কি জাত খুইয়ে যেতে হবে—চা কইরে পাজি।”

জিভ কাটিয়া—“এই যে বাবু” বলিয়াই বাণেশ্বর ছুটিল।

জয়হরি ঘানমুখে বলিল,—আপনারা সত্যিই কি কাল চলে যাবেন?”

“আপনারাও ত’ কাল মিথ্যে যাচ্ছেন না জয়হরি বাবু। আপনারা থাকলে আমার কি সাধ। সত্যিই যে এখানে থাকতে আর ভালো লাগবে না।”

জয়হরি অপরাধীর মত চুপ করিয়া রহিল।

## ৬৬

জয়হরি—বাজারে বাজারে।

অবস্থা দেখিয়া গাড়ী রিজার্ভ করিয়া দিবার ভার আমিই লইয়াছি। সেই উদ্দেশ্যে বৈকালে বেড়াইতে বেড়াইতে স্টেশনেই গেলাম।

স্টেশন অনেকটা ঠাণ্ডা,—তখন কাজকর্ম কম। বৈকালের প্যাসেঞ্জার চলিয়া গিয়াছে।

একটি লম্বা ছন্দের ছিপ্‌ছিপে য়ুবা, প্রসাধনাতে মাঠ-মুখো চেয়ার টানিয়া—নিশ্চিন্ত মনে এক এক চুমুক চা খাইতেছেন। সামনে একখানি খাতা খোলা। দেখিলেই বোঝা যায়,—আপিসেরও নয়, ঘোপার হিসেবেরও নয়,—সখের। হাতে ফাউণ্টেন-পেন্‌। মুখে—হুঁ হুঁ হুঁ।

আমাকে দেখিয়াই বলিলেন—এখন কাজের সময় নয়—আমি off duty (কাজের-বার)—নিজের কাজে আছি। আপনি অন্যত্র বসুন-গে বা বেড়ান-গে।”

“আপনার কথাগুলিতে রেলের সদর পেলদমনা, সে আওলাজও নয়, সে তাত্ও নেই, সে বেগও নেই। দ্ব’টো কথা কইতে যে ইচ্ছে হয় ভাই,—কাজ নাই বা হ’ল। তবে আপনাকে যদি বিরক্ত করা হয়—তা হ’লে থাক। একটু আরাম করছেন—করুন।”

ছোকরাটি এক-আঁচ অপ্রতিভ ভাবে—“না, আরাম ঠিক নয়,—একটা নেশা আছে,—তা যে চাকরি—সময় ত’ পাই না,—এই, এই সময়ে যা দ’লাইন। তাও বেরুতে কি চায়,—রেলের আওলাজেই মগজ ভরা ! মিলের তরে মাথা খুঁড়িচি—”

অপাঙ্গে একটু হাসির রেখা দেখা দিলে।

“ওঃ—আপনার কবিতা লেখার ঝোঁক আছে ব’লি। ও যে জৌকের মত ধরে, আর একটা না পেলে ছাড়ে কে ! ওর আনন্দ যে একবার পেয়েছে তার কি ইহকাল পরকাল থাকে ভাই,—সে বাপের সঙ্গে সাপ, ধর্মের সঙ্গে চর্ম, না হয় ‘অধর্ম’ পর্যন্ত জুটিয়ে দেয় ! ও ঢের ভুগেছি দাদা ! একটু ফাঁক পাবার জন্যে সর্বদাই প্রাণ ছটফট করে, কিছ্‌ ভালো লাগেনা। না—আমাকে মাপ করবেন,—আপনি লিখুন !”

“না না—আপনি বসুন। এই জন্মশ্মন—কুরদুস দেও।—”

—“রোজ কি আর বেরয়। অভ্যাস,—খাতা নিয়ে না বসলেও স্বাস্থ্য নেই—তাই বসতে হয়।—এক-কাপ চা আনতে বলি।”

“না—থাক। তবে প্রথম আলাপ—প্রশ্ন পাকা করতে ওর আর জোড়া নেই ;—ওর ছোপ একবার ধরলে আর ছাড়ে না,—দিন।—”

—“হ্যাঁ—ঐ যা বললেন—খাতা না নিয়ে বসলেও স্বাস্থ্য নেই, উটি পাক্সা কথা। বিষ্কম বাবদুর ঠিক ওই নিয়ম ছিল, লেখা আসদুক না-আসদুক—বসতেই হবে। সে-সময় ঘরে আগুন লাগলেও উঠতেন না।”

“এমনি রোগই বটে। আমাদের মশাই ঠিক তাই।”

“ও-যে হতেই হবে। একটু না লিখলে—নিদেন দ’লাইন,—স্বাস্থ্য পেতেই পারেননা। হেমবাবদুর কোনো কোনো রাত—মাথার চুল ছিঁড়ে কেটে যেতো।”

“এই দেখুন না।”—

দেখিলাম—বাঁ কানের এক ইঞ্চি ওপরে—টাক পড়ে আসছে।

—“না করেও ত’ পারা যায় না মশাই।”

—কি করবেন। এটা হ’ল আপনার সত্যিকার আনন্দের কাজ, মর্ম-কোষের কাছাকাছি জিনিস,—এর মাধব্যই আলাদা। টাকার কাজ ত’ পেটের জন্যে দাদা,—আর এর মধ্যে যে আপনার সমগ্র প্রকৃতি আর প্রকৃতি প্রবৃত্তির সাধকতা অপেক্ষা করে রয়েছে। তা আপনি রেলের ঢুকলেন কেনো ? দেখাচ্ছি—

আর মশাই ! শব্দদর ‘ভাগ্য-বে’ড়ের’ স্টেশন-মাস্টার, তিনই”—

“দেশের এই সবই দ’ভাগ্য। লাইন-ময় কত merit-ই ( প্রীতিভাই ) মাটি-চাপা

পড়ে আছে। গোরস্থান আর শ্মশান একই কথা,—সেখানে বসে গ্রে সাহেব যা লিখে গেছেন—সেটা বান্ধবেরই বাণী। আর সাহিত্য যাকে পাকা রকম পেয়েছে তাঁর আর মার নেই, তিনি রেলে থাকায় বরং নানা স্থানের নতুন নতুন নানা আমদানী থেকে যথেষ্ট গড়াইয়ে নেন। আপনার যে রকম নিষ্ঠা দেখাচ্ছি—

“আমি মশাই সেই লোভেই”—

“তা বদ্বতে পেরেছি। ছাড়বেন না, সরস্বতীর অন্তঃশীলা বেগ—আনন্দে ভাসিয়ে নিয়ে চলবে। যা হোক—আলাপ হয়ে গেল,—পাঁচটা দিন আগে হলে বড় সুখের হত,—সাহিত্যালোচনায় বেশ কাটতো।”

“আপনার কথা শুনাই বদ্বর্ধেছি—আপনিও”—

এক সময় সখ্ ছিল বটে, তখন মিলের মাধুর্যও ছিল। এখন গরমিল বাঁচিয়ে যেতে পারলেই যথেষ্ট,—

“আমার আবার একটা বদ্-রোগ আছে—মুশকিলেও পড়ি তাই। শূদ্ধ মিললেই হবেনা—মিলের কথা দু’টি—এক ওজন আর এক আওয়াজ দেওয়া চাই। না হলে মন ওঠেনা।”

“উঠতে পারেনা,—এই বাড়ন্ত যুগে তার কমে কি মানায়?—ছাগলের সঙ্গে পাগলকে এক খোঁটার বাঁধা বরং চলে, কিন্তু ‘জল’-এর সঙ্গে অচল। সে সব দিবসা গত।—”

—“চুড়ীর স্তব লিখতে আমারি একবার প্রথম লাইনের শেষে ‘উপচিকীর্ষা’ রূপ উপাত্ত এসে পড়ে, শেষ—“গুপো-নাদীরশা” বসিয়ে সে যাত্রা বাঁচি। ‘দিলিরশা’ দিলে একাদিক বজায় হয় বটে, কিন্তু ওই ওজনে আর আওয়াজে যেন ধিমে মারে। তাই পচন্দ হ’লনা। স্তব শূদ্ধ লোক স্তব্ব হবেনা।—

—“ধরুন—লিখতে লিখতে আপনি “আফগানিস্থান”এ এসে পড়েছেন,—উপায়? সেকালে “ধান” দিলে মিলতো, আজকাল আপনাকে শ্রেষ্ঠ মিলন খুঁজতে হবে, না হয় বানাতে হবে—যা, বহরে, বলে, আওয়াজে ফিট্ করে। সুতরাং “দাদখানী ধান” বা “আমদানী ধান” ঝাড়তে হবে।”

“আপনার খুব রপ্তো ত’! আমার মাথা খারাপ করে দিয়েছে মশাই।”

“আমাদের যে খারাপ করবার মত আর কিছু নেই।”

“এখন, আছেন ত’?”

“না ভাই,—একথানা ইস্টার রিজার্ভ করবার জন্যেই এসেছি, কালই চলে যাচ্ছি । আপনাকে পেয়ে এখন আপশোষ হচ্ছে—”

“কাল-ই ! ইস্—কিছু জানতুম না,—আর এই কাছেই ছিলেন ! আপনি থাকলে আমার “রজনীগন্ধা” খানা জামাইঘণ্টীর আগেই”—

“যাচ্ছি ত’ হয়েছে কি ভাই, ঠিকানা দিয়ে ত’ যাবই,—আবশ্যক হলেই লিখবেন— তাতে সন্দিগ্ধ হব । আমরা এক নেশার লোক যে’—

—“আচ্ছা—এখন আর যশোড়ি যাবার উপার নেই কি ?”

“কেনো—যশোড়ি কেনো ?”

“ঐ রিজার্ভের জন্যেই । মেয়েছেলে সঙ্গে,—হাওড়া পর্যন্ত একটানা যেতে হবে কিনা ।”

“ও রিজার্ভের ভার আমার রইলো, ওর জন্যে আপনাকে কষ্ট পেতে হবেনা,— আপনি নিশ্চিন্ত থাকুন । সকালে টাকা জমা করে—পাস্ নিয়ে যাবেন । আমি টেলিগ্রাফে সব ঠিক করে রাখছি ।”

শেষ—চা, পান, সিগারেট ও নানা কথা । পরে বসিকমবাবুর চেহারা—নাক, চোখ, চু, রং প্রভৃতি শুনাইয়া ছুটি ।

### ৬৭

প্রত্যাবর্তনের পরোয়ানা লইয়া প্রভাত দেখা দিল । প্রভাতের আলোক-উজ্জ্বল প্রকাশ, দেহমন জুড়ান বাতাস, আজ আর আমাদের লক্ষ্যের বস্তু নহে । সকলেই স্ব স্ব কাজে ব্যস্ত হইয়া পড়িলাম,—বন্ধন বা দ্বিধা-সংকোচশূন্য । কেহ কাহারো অপেক্ষায় নাই ।

আবার—সবিস্ময়ে লক্ষ্য করিলাম—কর্তা আজ ভূত্য বণেশ্বরকে—‘বাণেশ্বর’ বলিয়াই ডাকিতেছেন । সে আজ আর বাণভট্টও নয় বাণলিঙ্গও নয় !

বাড়ীতে আত্মীয়ের বা প্রিয়জনের যখন সঙ্কট পীড়া, কেহ রোগীর শয্যাপাশেব’ সর্বক্ষণ উপস্থিত ; কেহ সেবা-শুশ্রূষারত ; ঔষধ পথ্য আর ধারমামেটর লইয়া ঘড়ির হুকুম মত কেহ চলিতেছে, আর ডাক্তারের হুকুমমত রোগীর অবস্থা আর টেম্পারেচার টুকিতেছে ; কক্ষ মধ্যে ঘড়ির শব্দ ছাড়া কাহারো টু শব্দের অধিকার নাই,—সকলের

মুখই মেঘগম্ভীর ; তখন এমন কেহও থাকেন যাহার কেবলি চেষ্টা বাহিরে বাহিরে থাকা । ঔষধ আনিবার বা ভাঙার ডাকিবার ভারটা পাইলেই তিনি বাঁচেন । কতকটা সময় ভাবনা-চিন্তার বাহিরে কাটাইতে পারেন ।

ডিসপেনসারিতে বসিয়া দু'চার জনের সহিত বাজে কথাবার্তা বাড়াইয়া যতটা সময় কাটে ততটাই তাঁর লাভ । এটা বোধ করি দুর্বলচিত্তের লোকের স্বভাব ।

আমি তাঁদেরই একজন, তাই আজ এই আনন্দ-বিরল আবহাওয়ার মধ্যে না থাকিয়া, আমার প্রধান কাজটা হ'ল—বৈজ্ঞানিক দর্শন ।

এখানে আশা অবধি বরাবরই অলক্ষ্যে কোথায় একটা স্কোভের খোঁচা ছিল । মন্দির-প্রাক্ষণে উপস্থিত হইতেই সেটা চোখে পড়িয়া গেল । আগে এত খুঁজিয়াছি পাই নাই ।

আজ বিদ্যায়ের দিনে আমার সেই প্রথম রাশির অসহায় অবস্থার অবলম্বন মন্থকিল-আসান নন্দকিশোর-পান্ডাকে দেখিতে পাইলাম । দেব-দর্শন ভুলিয়া গেলাম । সরাসরি তাহার নিকট উপস্থিত হইয়া, পরিচয় দিয়া ধরা দিলাম । তাহার আনন্দ ও বিনয়ের সীমা রহিল না । দোষীকে এতটা সম্মান কেবল গরীবই দিতে পারে ।

সে সহজেই সন্দেহ ভাবে দর্শনাদি করাইয়া চরণামৃত ও প্রসাদে,—একটি ছোটখাটো লগেজ বাসায় পেঁছাইয়া দিয়া গেল । রস মরিয়া আসিয়াছিল,—মাগ্ন দুইটি টাকা তাহার হাতে দিতে লজ্জা বোধ করিলাম । সে তাহাকে লক্ষ টাকার আদর দিয়া গ্রহণ করিল । আমাদের সাহায্য করিবার জন্য শেষ পর্যন্ত থাকিতে প্রস্তুত ;—অনেক করিয়া বিদায় করিলাম ।

বাসায় আজ সকলেরই মধ্য হইতে সোজা-মানুষটি সরিয়া গিয়াছে, কতক ট্রাঙ্কে কতক বাক্সে-বোঁড়য়ে—সোজা মানুুষটি কখন সহজেই বাহির হইয়া আসিয়াছে ।

সৌখীন কাদের বাটিতে জ্বাকুসুন্দের পরিবর্তে আজ মাটির খুরিতে সনাতন সর্বপ তৈলই সহজ ব্যবহার্য ; স্নান আঁহকে গামছাই পট্টবস্ত্র । জলযোগের মিহিদানা—পাতার ঠোঙা হইতে অনায়াসে হাতে আসিয়া পড়িতেছে । আঁসির বদলে সারিস কাজ দিতেছে,—ইত্যাকার ।

আসিয়া পর্যন্ত নিতাই চোখে পড়িত, একটা পরিত্যক্ত ফুটো বাল্টি কুল-তলায় কাণ হইয়া পড়িয়া আছে ; এখনো তাহার কর্মভোগ কাটে নাই, বানর তাড়াইতে তাহারই পৃষ্ঠে প্রহার চলে,—কাজ ফুরায় নাই,—আওয়াজ দিতে হয় । জলদানে বিস্তর সাহায্য করিয়াছে, ফল যাবে কোথায় । জলেও গলেনা—উইয়েও থায় না ।

আহারে বসিলেই সেটা নজরে পড়িত—শিহরিয়া উঠিতাম। অমর হওয়ার সুখ কম নয়! ভাবিতাম—তাই বোধহয় মানুষ নিজের জন্য চিতার ব্যবস্থা করিয়া নিশ্চিন্ত হইয়াছে,—ফুঁকে দিলেই ফর্সা। কিন্তু অতি-মানুষে যে আবার জন্মান্তরের ভয় দেখায়!

যাক, আজ দেখি সেটাকে ধুইয়া, আবার কাজে লাগানো হইয়াছে। আজ আর জল ধরিবার আবশ্যক নাই, যে-যার জল তুলিয়া কাজ সারিতেছে।

বার বার কানে আসিল—“দেখো সে সময় তাড়াতাড়িতে দাঁড়িগাছটা না থেকে যার!”

দাঁড়ির দরকার শেষ পর্যন্ত! কেরোসিনের ডিপেগুলো এত জ্বলিয়াও রেহাই পাইলনা,—তাহারাও একটা বিশিষ্ট স্থান লাভ করিল।

কখনো শূন্যল্যাম, “উনুনগুলো যেন আস্তো না থাকে—ভেঙে দিয়ে যেতে ভুল না হয়।” শাস্ত্রবাক্য,—হিন্দুর যে ধর্ম ছাড়া কাজ নাই।

ডাক্তার বাবুর নিকট বিদায় লইয়া আসিয়াছি। জয়হরি সেইখানেই থাইবে। কিন্তু—এ বাড়ীতেও না থাইলে নয়। সে বলিয়াছে ও-আবার শক্তটা কি মশাই,—পৌষ-পার্বণে একাই সাতবাড়ী সামলাই।

ভরসার কথা বটে। এখন যে আস্তো ফেরাতে পারিলে বাঁচ। ওর জন্যেই এমন জল-হাওয়াটা কাছে ঘেষতে পেলেনা।

কেবল অমরের সঙ্গেই সাক্ষাৎটা হইল না। সে গিধোড়ের রাজবাটীতে বড় একটা দাঁওয়ার ফিকিরে ফিরিতেছে। সত্তর হাজার টাকার “সাপ্লাই”,—হাত লাগলেই—চল্লিশ হাজার নিজের। বাবার মাথায় বিল্বপত্র চড়াইবার জন্য,—নিয়ম ভঙ্গ করিয়া,—পাণ্ডাকে আগাম বারো আনা পরস্যা দিয়া গিয়াছে। আগাম দেওয়ার কথা এই প্রথম শূন্যল্যাম। কাজ হাসিল হইলে, মায় দক্ষিণা—পুজার পাঁচিসিকা খরচ করিবে, এ কথাও বলিয়া গিয়াছে।

পরিচিতের নিকট এ একটি puzzle,—আগাম দেওয়া বারো আনা—পুজার পাঁচ-সিকার মধ্যে উহা আছে কি না এ গুহ্য কথা বাবারও সাধ্য নাই যে বুঝেন।

পাণ্ডা হাসিতে হাসিতে জিজ্ঞাসা করিল,—“অমরবাবুটি কি সীচ্চা বাঙালী আছে মোশাই? বড়া হিসাবী লোক। মোহরলাল-ভেঙ্কী বোলতোছিলেন—“উনি হামারা পরদাদাকে ভাতিজা আছে; বহুৎ রোজ বাংলা দেশমে আছেন—মিশিয়ে-মুদিয়ে গেছেন। হামারা হক এক্সিশ হাজার এমন সাফ্ উড়িয়ে নিলেন, মাড়োয়াড়-বাচ্চা



হামি—তাকতেই রয়ে গেলুম ! বড়া কামের লোক আছেন—মাড়োয়াড়ির ভি জৌকি আছেন ! খুন পিয়ে লেন !”

৬৮

বাসার পাশেই ইন্স্টেশন । বাঁশী বাজিলেই কতীর কান খাড়া হয়,—ঘণ্টা দিলেই মনটা চঞ্চল, অস্থির হয়ে পড়েন—“ছেড়ে গেলো নাকি !”

মাল-গাড়ির মাল ইন্স্টেশনে হাজির হইয়া গিয়াছে, জয়হরি খবরদারিতে আছে ।

বাসার কতী লগেজ হইয়া ব্যস্ত ! গণিয়া কখনো দাঁড়ায় তের, মিনিট পঁাচেক পরে সতের, পরক্ষণেই উনিশ, পশ্চাৎ ফিরিতেই একুশ । আবার গোণেন । ফের গরমিল !

বিরতভাবে ইন্স্টেশনে গিয়া জয়হরিকে গদগিতে পাঠাইলেন । সে গিয়া রিপোর্ট দিল—আটাশ !

“Puzzled ! পাগল করলে !”—বাসায় ছুটিলেন ।

রোয়াকে একখানা টালির উপর বসিয়া নানা চিন্তা সহযোগে সিগারেট টানিতে-ছিলেন । সে চিন্তার মাথামুণ্ডু নাই, ধোঁয়ার সঙ্গে বেশ মেশে ।

হঠাৎ উপস্থিত হইয়া বলিলেন—“একবার উঠতে হবে,—অনেক কষ্ট দিইছি—আর একটু । লগেজগুলো গুণে একবার ঠিক ক’রে দিন । যতবার গদগি রকম রকম পাই, কারণ বদ্ব্যভূতে পারছি না ।”

বলিলাম—“ব্যস্ত হবেন না,—কারণ আমার জানা আছে । গাড়ি না-ছাড়া পর্যন্ত ও জিনিসটি বাড়ে”—

“তাই নাকি । তা একবার উঠুন ।”

গণিয়া বলিলাম—একট্রিশ ।

“আমাকে ডোবালে ।”

“চিন্তিত হবেন না, এখনো অনেক বাকি দেখাছি । পানের প্যাট্রা, চুণের ভাঁড়, জরদার বোতল, জলের কুঁজো, ঘটি, গেলাস, গামছা, প্রসাদী ফুল-বিল্বপত্রের পুটলি, স্টোভ্ প্রভৃতি চাকের চাবিশ পরগণা—দেখাছি না । অন্ততঃ উনোপঞ্চাশ পর্যন্ত পৌছুনো চাই ।”

“কাকে,—আমাকে ? বলেন কি !”

“এই নিয়ম ! ওঁরা গাড়িতে না ওঠা পর্যন্ত বাড়ির মদ্য । দেখছেন না—ঐদিকে ওঁরা কত ব্যস্ত, দেল থেকে পেরেক খুলছেন । রাতের গাড়িতে যাচ্ছেন—এইটুকুই আশার কথা, রাস্তায় বাড়-বৃষ্টির সম্ভাবনা কম,—তবে বর্ধমানের আরো দ’ নম্বর বাড়বে । হাওড়ায় ছেলেদের গাড়ির ব্যবস্থা রাখতে বলে পাঠিয়েছেন ত’ ?”

“অনেক ভুগেছি মশাই,—আর নয় । সোনার-চাঁদেরা নিদেন দ’খানা সিন্ধু-সিলিঙার “সন্-বীম্” নিয়ে বাপের মদ্যোচ্ছল ও অঙ্গ হিম করতে আসবেন । কাজ নেই মশাই আমার স্টেটএনট্রিতে, ঢের ঘোড়ার গাড়ি মিলবে, একখানা নিলেই হবে । আর ওই চোর-বেটা গরুর গাড়িতে মালপত্র নিয়ে যাবে ।”

“তবে আর কি,—আচ্ছা আপনার অনেক কাজ, লগেজের ভার আমার রইলো ।”

“আঃ—বাঁচালেন মশাই ।”

দ’পা গিয়াই ফিরিলেন ;—“জানি ও-দড়িগাছটা থেকেই যাবে । সে হারামজাদা গেল কোথায় ?”

“ও আমি খুলিয়ে নিচ্ছি, আপনি অন্য কাজ দেখুন গে ।”

“হ্যা—স্টেশনের ও-ছোকরাটি আপনার কেউ হন ব’দ্বি । আমাদের কিছুই করতে হচ্ছে না, তিনি খুব ইন্টারেস্ট নিচ্ছেন ।”

“উনি আমার সতীর্থ—বন্ধু ।”

“বয়স ত’—”

“আজ-কালের ছেলেরা বয়সের মাপে ছোট বড় হয় না ।”

“ওঃ,—তাই ব’দ্বি বাবাজীবনরা প্রায়ই বলেন—আপনি ব’দ্বিতে পারবেন না বাবা’ ।”

চলিয়া গেলেন ।

\*

\*

\*

\*

ক্রমে সময় হইয়া আসিল । বাড়ির ভিতর আর চাওয়া যায় না । কয় ঘণ্টার মধ্যে এত-বড় পরিবর্তন বিধাতাও পরিকল্পনা করিতে পারেন না ।

ঘরের মেঝে আর উঠান—টুকরা কাগজে, ছেঁড়া ন্যাকড়া আর ন্যাতান্ন, শূন্য দাঁধভাঙা খুঁরি শালপাতার ঠোঙ্গা, ভাঙা চেয়ার, মদ্যোচ্ছাটা, ফুটো-কলসী, পরিত্যক্ত পোলতে, পোড়া-কাট, কয়লার গদ্যো, ছেঁড়া মোজা প্রভৃতি সব্ব-সঞ্চিত

এবং অধুনা সদ্যাবিক্ষিপ্ত সম্পত্তিতে ভরিয়ী উঠিয়াছে। সে কি বীভৎস দৃশ্য,—  
মহা-শ্মশানের মডেল।

পরিণত আর পুরোহিত মহাশয়েরা আক্ষেপ করেন,—ইংরাজি লেখাপড়ায় দেশের  
সর্বনাশ করিল,—সব গেল। আমি তাঁহাদের শাস্তির জন্য শপথ করিয়া বলিতে পারি,  
—তাঁহারা আশ্বস্ত হউন, কিছুই যায় নাই, সব বজায় আছে। শহরের দর্শাবিশ  
ঘরের কথা ধর্তব্য নহে;—শিক্ষিত সাধারণে সনাতন-অভ্যাস সযত্নে পালন করিয়া  
থাকেন।

এর মধ্যে ত' আর তিস্তান যায় না। ট্রেন ছাড়িতেও বিশেষ বিলম্ব নাই।

সকলকে লইয়া—সহ বালতির সেই দড়ি, দুর্গা বলিলাম। পথে পা দিয়া প্রাণটা  
ঘেন ফিরিয়া পাইলাম।

ইন্সটেশনে কত চঞ্চল হইয়া পড়িয়াছিলেন। বলিলেন “খুব সময়ে এসে গেছেন!  
দড়িতে দেখাছি রয়েই গেল, যাক, আর সময়ও নেই, যার কপালে আছে—এই যে  
এনেছেন দেখাছি। আপনার কি স্মরণশক্তি,—কত কণ্ঠই দিলুম। আপনারা  
ছিলেন তাই—”

“নিম্ন,—এখন দেখে-শুনে গাড়িতে বসিয়ে দিন, আমি একবার—” বলিতে বলিতে  
সরিয়া গিয়া অদূরেই কবি-বন্ধুর সহিত সময়োচিত কথাবার্তা আরম্ভ করিয়া দিলাম।”

মিনিট তিনেক পরেই জয়হরি ছুটিয়া আসিয়া সংবাদ দিল—“কর্তার জুতা জোড়াটি  
দালানেই পড়ে আছে—এখন উপায়? আর ত' সময় নেই।”

বন্ধু বলিলেন—“এই ত' বাসা, আমি পাঁচ মিনিট গাড়ি ডিটেন্ করিয়ে রাখবো”—

কর্তাও অস্থিরভাবে আসিয়া উপস্থিত,—“একটা কিছু ফেলে যাওয়া আমার  
চিরকেলে রোগ,—অমন ‘নিসনের’ বাড়ির প্যানেলা জোড়াটা রয়ে গেল মশাই;—  
দুবচরও পায় দিইনি। দালানে ছেড়ে খেতে বসেছিলুম,—কাজে কর্মে খেয়াল ছিল  
না, সেইখানেই রয়ে গেল। বেটারা দালানও বানিয়েছে—এমুড়ো ওমুড়ো। তার  
ভেতর উনি আবার ওই কাহিল শরীর নিসে হরদম্ আড়াল করে ঘুরে বেড়াচ্ছিলেন,—  
রথ থাকলেও রয়ে যেতো। যাক—লোকসেনে কপাল। ও হারামজাদা বেটাও সেই  
যে ইন্সটেশনে কামড়ে রইলো—ন'ড়লো কি। যাক, সেই বাপ্ মলে যা খালি পা  
হয়েছিল মশাই,—আর এই হ'ল।”

বলিলাম—“এমনটা ত' হতে পারে না, আমরা ভুললেও ও জিনিসটি আমাদের  
ভুলবে না। আপনার পায়ে তবে কি?”

সকলে তাঁর পারের দিকে চাহিয়া অবাক ।

“তাই ত’ ! মনটা একদম বসে গিয়েছিল,—এক-ছটাক রক্ত শূন্যকরে দিয়েছে !  
এতক্ষণ কিছুর টের পাইনি মশাই । সাথে কি ঐ চীনে বেটার দোকানের জুতো  
কিনি,—পাল্পে আছে কিনা জানতে দেয় না । উঃ, আপনি না বলে দিলে আজ পথেই  
পেড়ে ফেলতো ।”

কবি-বন্ধু হেসেই খন ।

জয়হরী বলিল—“ও আমার হামেশা হয় মশাই,—ওটা আমাদের পৈতৃক প্রপাটি ।  
বাবা আমাকে না পেয়ে সারা গাঁ-খানা খুঁজে বেড়িয়েছেন, শেষ খানায় লিথিয়ে, কাদিতে  
কাদিতে এসে বাড়ী ঢুকতেই,—তাঁর কোল থেকে মা যখন আমাকে কোলে করে নিলেন,  
—তখন হরির-লুট !”

“তা না ত’ আজ জয়হরী বাবুকে ছাড়তে আমার প্রাণ এমন করে ! **Things  
which are equal to**”—বলিয়া কত’ একটি দীর্ঘনিঃশ্বাস ত্যাগ করিলেন ।

প্রথম ঘণ্টা পড়িল ।

বন্ধু বলিলেন—“নিন—সব উঠে পড়ুন ।”

আমাকে বলিলেন—“মাঝে মাঝে কষ্ট দেবো কিন্তু ! নামটা মনে আছে ত’—  
নিভৃত নিবাস রায় ।”

“বলতে হবেনা বন্ধু, আমিও ওই ‘মিলের’ মধ্যেই মরে আছি, আমাদের নিভৃত  
নিবাস ছাড়া চলে না ।”

বন্ধুর বদনে এক পোঁচ্ হাসি ।

সেকেন্ড-বেল্ দিতেই গাড়ি ছাড়িল ।

“আচ্ছা—আমি যশোডিতে টেলিগ্রাফ্ করে দিচ্ছি—তারা আমাদের ঠিক করে  
গাড়িতে বসিয়ে দেবে ।”

চাকা দশ-পাক না ঘুরিতেই বন্ধু ছুটিয়া গাড়ী পা’দানে উপস্থিত—

—“একটা কথা, ‘পরশুপে’র মিলটা—যশোডিতে যাকে বলবেন—সেই আমাকে  
টেলিগ্রাফ্ করে দেবে । নমস্কার ।”

লাফিয়ে পড়লেন ।

আমি মৃদু বাড়াইয়াই ছিলাম, একটু উচ্চ কণ্ঠে বলিলাম—

“মর্টন-চপ্”—চলবে না ?”

“বাবা—Splednid,—চমৎকার ! খুব চলবে—খুব চলবে, many thanks—”  
চলুক না চলুক—গাড়ি ছাড়া চলে না।

৬৯

ট্রেন যশেডি উপস্থিত হইতেই একটি যুবক রেল-কর্মচারী আমাদের অনুসন্ধান করিয়া নামাইয়া লইলেন। মেয়েদের বিশ্রামের ব্যবস্থা করিয়া দিয়া বলিলেন,—গাড়ি এলেই আমি উপস্থিত হইলে তুলে দেব, কুলি ডাকবার আবশ্যক নেই। ইত্যাদি।

কলিকাতা-মাদ্রাস গাড়ি স্টেশনে পৌঁছিলে, তিনি সযত্নে কামরা খালি ও পরিষ্কার করাইয়া—লগেজ্ সহ সকলকে তুলিয়া দিয়া, গার্ডকে বলিয়া কহিয়া গেলেন। দুধ, জল প্রভৃতি আবশ্যক আছে কিনা—বারবার জিজ্ঞাসা করিলেন। শেষ করেক দোনা পান গাড়ির মধ্যে ফেলিয়া দিলেন।

কবি-বন্দুর সৌজন্যে মদ্র হইলাম,—মনে মনে লজ্জিতও হইলাম,—মনের অগোচর পাপ নাই। দেখাছ সাহিত্যের মত বর্ণচোরা জিনিস কমই আছে।

জয়হরির মনের অবস্থা আজ শোচনীয়। এ যেন—সে জয়হরির নল, উদাসী অনাথ।

একটি বাঙালী ভদ্রলোক স্থায়ী-পদ্যাদি লইয়া গাড়ি হইতে নামিলেন, ট্রাক্ বোডিং প্রভৃতি নামে না। কুলিরা পুরো এক টাকার কমে হাত লাগাইবে না। এদিকে বৈদ্যনাথের গাড়ি ছাড়িবার বড় বিলম্বও নাই।

বাবাটি কাতর ভাবে বলিলেন—বাবা, তীর্থে চলেছি, কাছা-কাছা সঙ্গে, কেনো কষ্ট দাও! একটা ট্রাক্ একটা বিছানার বাগ্‌ডল আর দু’ একটা কুচো জিনিস বই ত’ নয়। আমার কাছে খুচরো যা ভাঙ্গানো আছে সব দিচ্ছি, নাবিয়ে নিরে দেওঘরের গাড়িতে তুলে দাও। এই দেখ একটাকা সাড়ে ছ’ আনা মাত্র আছে। সেখানে পৌঁছেও কুলিদের পাওনা, গাড়িভাড়া প্রভৃতি খরচ আছে,—টাকাটি তাই রইল; এই সাড়ে ছ’ আনা নিরেই খুসী হও বাবা।”

একটা অতি কুদর্শন চেহারার লোক—“আরে ছোড়কে চলে আও” বলিয়া কুলিদের লইয়া অগ্রসর হইতেই, জয়হরি দ্রুত গাড়ির মধ্যে ঢুকিয়া বাবাটির জিনিস পত্র নমাইয়া

আনিল এবং “আর কিছ্‌র আছে কি” বলিয়া ট্রাকটি মাথায় লইয়া বোডিংটা তাহার উপর তুলিয়া দিতে বলিল।

ভদ্রসন্তান দেখিয়া বাবুটি বলিয়া উঠিলেন—“আহা আপনি কেন”—

“ওই বদ্‌মাইস্‌ বেচারা যা চাইবে তাই দিতে হবে নাকি ! নিন—জুলে দিন, ও-সব ভদ্রতা রাখুন,—আমার কাজই এই—’

—“চট্‌ চলে আসুন, এ-গাড়ি এখনি ছাড়ছে,—আমার অন্য কাজ আছে।”

—জরুরি অগ্রসর হইতেই কুলিরা মোড় ফিরিয়া দাঁড়াইয়া বলিল—“দিন,—আমরাই দিবে আসছি, ভীৰ্ণ করতে এসেছেন,—দিতে না পারেন, যা ইচ্ছে হয় দেবেন।”

“তবে দিবে দিন মশাই”—

জরুরি সে কথায় কণ্ঠপাতও করিল না, কেবল বলিল—“জাতটা বাবু হয়ে এদের পারেও মান-ইজ্জৎ ধরে দিলে।”

কর্তার দিকে চাহিয়া বলিয়া গেল—“এখনি আসছি।”

“আর কি এমন মানদ্রুষ দেখতে পাবো।”—একটি নিঃশ্বাস পড়িল।

আমার দিকে চাহিয়া বিবাদ-ঢাকা হাসির মধ্যে বিজ্ঞতার সূত্রে বলিলেন—“ভেবেছিলেন আমাকে ফেলে যাবেন।”

এই তাঁর শেষ কথা।

দেখা আর হইল না। জরুরি যখন দ্রুত আসিয়া উপস্থিত হইল,—ট্রেন তখন ‘ডিস্টেণ্ট্‌ সিগ্‌নেল্‌’ পার হইয়া গেল।

জরুরি সেই দিকে এক দৃষ্টে চাহিয়া দাঁড়াইয়া রহিল। শেষ একটা সশব্দ নিঃশ্বাস ফেলিয়া বলিল,—“বড় অপরাধ হয়ে গেল।”

“কিছ্‌র হয়নি, ভালই হয়েছে। এখানে আর কাজ ছিল কি। ও কাজটা এর চেয়ে ঢের বড় ছিল।”

সে চুপ করিয়া ধীরে ধীরে ইন্সটেশনের একপ্রান্তে চলিয়া গেল,—লক্ষ্যহীন, উদাস।

আমারও মনটা কেমন হইয়া গেল। গাড়ি আসিতে বিলম্ব আছে। বন্ধুর সেই কর্মচারী বাবুটির সহিত বাক্যালাপে সময় কাটাইবার জন্য ইন্সটেশন-ঘরের দিকেই চলিলাম।

\*

\*

\*

\*

ট্রেন পশ্চাৎ ফিরিতেই ইন্সটেশনের বাড়তিবাসিন্দা সন্ধ্যা নিবাইয়া দেওয়া

হইয়াছে। আছ তার বড় আবশ্যকও ছিল না, প্রাট্‌ফর্মে জ্যোৎস্নান প্রাবন আসিয়াছে।

ইঠাৎ একটা মৃদু স্দমিষ্ঠ গম্ভ পাইয়া মৃদু তুলিয়া চাহিতে হইল। দেখি—একটি মহিলা, যদ্বতই হইবেন বা যোবনের প্রাস্ত-সীমার ইতস্ততঃ অবস্থায় উপস্থিত হইলেও—অধিকার রক্ষার যত্নবতী। নব-প্রচলিত প্রথায় পরিহিত সহজ স্দন্দর বেশ-ভূষা ; অর্ধ-বিমুক্ত অবগদগঠন। প্র্যাট্‌ফর্মের অনাবৃত অংশে পদচারণ-পরায়ণা।

সৌষ্ঠব-শোভন শারীরিক গঠন দেখিয়া মনে হইল,—স্বাস্থ্যই সৌন্দর্য।

আচ্ছাদন (Shade-এর) মধ্যে আসিয়া পড়িলাম। দেখি একটি বাঙ্গালী—(ভঙ্গলোকই হইবেন) দ্বুই গণ্ডে দ্বুই হাত তৈকো দিয়া একটি বিছানার বাণ্ডিলের উপর বসিয়া আছেন। এটা অবশ্য আমি দেখিলাম,—কিন্তু তিনি যে কোথায় আছেন তাহা তিনিই জানেন,—বোধকরি ত্রিভুবনের গ্রিসীমায় নয়।

প্রাণটা ত' খারাপ ছিলই, আরো যেন সেই দিকেই এগিয়ে পড়লো। চলিয়া যাইতেছিলাম,—ফিরিয়া দেখিতে ইচ্ছা হইল। কি জানি কেন মন চাহিল—লোকটির সহিত কথা কহিতে! ল্যাম্পের আলোটা তাঁহার মুখের উপরই পড়িয়াছিল—

“এ কি! দয়াল না?”

চমকিয়া মাথা তুলিলেন,—“হাঁ ভাই,—কিন্তু আমি যে চিনতে পারছি না!”

“তাতে ত' অপরাধ নেই,—বিশ-বচরের ওপর দেখা-সাক্ষাৎ নেই যে”—

“ও—তুমি! আরে এসো এসো ভাই—একবার প্রাণটা জুড়ুই!”

উঠিয়াই বাহুবেষ্টনে আলিঙ্গন করিয়া রহিলেন—দ্বু’ তিন মিনিট।

বোধ হইল—বুকেটা তাঁর কাঁপিয়া কাঁপিয়া উঠিল—কয়েকবার।

“আঃ—ছাড়তে আর ইচ্ছা হয় না ভাই। সে-দিন কি আর ফিরে আসে না!”

শেষ করটি কথায় ও তাহা যেরূপ হতাশ কাতর কণ্ঠে অন্তর হইতে বাহির আসিল, বদ্বিলাম,—গত কয়-বৎসরে দয়াল কত আঘাত কত বেদনাই না পাইয়াছে! তাহার রহস্যোন্মুল্ল বাক্যালাপ কি উপভোগ্যই ছিল! আজ এ কি পরিবর্তন! বর্তমানের উপর মানুষের ভবিষ্যতের নির্ভর কতটুকু।

বলিলাম,—“পলে পলে পরিবর্তনই ত' জীবন, তার ভালো-মন্দে মনে নেই। ও-দ্বু’টোকেই আমাদের ভোগ করবার জিনিস বলে মনে নিরে চলতে হবে,—“উপভোগের বলে যে নিতে পারে তারই জিত্। তা-ছাড়া ত' বাঁচবার পথ পাইনা ভাই—”

—“যাক,—এখানে? চলেছ কোথায়?—‘আছ কেমন’ জিজ্ঞাসা করিতে যেন সাহস পাচ্ছি না ভাই!”

আমার মনে একদৃষ্টে চেয়ে একটু সহজ হাসি টেনে বললে—

“দেখছি সেই পুরোনো প্রাণটা নিয়েই সমানে চালিয়ে আসছো,—আজ্ঞো বেদনা বৃদ্ধিতে বিলম্ব হয়না! এতদিনেও পাকলেনা!”

একটা দীর্ঘনিঃশ্বাস পড়িল।

—“চলোই কোথায়?—কোথাও চলিনি ভাই (এদিক ওদিক চাহিয়া) যেখানে চালান।”

“বউদি সঙ্গে আছেন নাকি। বাঃ বেশ হয়েছে,—কোথায়?”

“বউদি বটে,—তবে তোমার সে-বৌদি নন ভাই। বিশবছরে অনেক বিষই গিলেছি...!”

প্রাণটা ধমিয়া গেল।

“তবে কি”—

“হ্যাঁ ভাই—তাই। বলছি সব। তুমি একটু নজর রেখো।”

“আমি দেখছি।”। ট্রাকটা নজরের সামনেই ছিল।

বলিল—“তুমি বাল্যবন্ধু—এ বলায় আমার শাস্তি আছে। আজ দশবছর ভাই আমার এই দুর্দশা। তোমার সে বৌদি—আমার আলোক নিবিয়ে পরলোকগমন করলেন।

—“মাসিকে মনে পড়ে ত’? তিনি দিনরাত শোনাতে সদর করলেন,—আমি বৃদ্ধা হয়েছি, পূজো-পাঠ ফেলে তোমার পিণ্ডিতর ভাত আর ক’দিনই বা জোগাতে পারবো। বড়-দেখে একটি বউ ঘরে আন,—দেখে আমি নিশ্চিন্তে চোখ বন্ধি।

“শেষ তাই ঘটলেন। অষ্টাদশবর্ষীয়া সুশিক্ষিতা “বেগমতী” ঘরে এলেন। ছাত্রদের পিঠে বেতের চাব চালিয়েছিলুম,—এখন ফলভোগ করছি। অভিসম্পাত যাবে কোথা।

—“বছরখানেক তাঁকে বৃদ্ধিতে গেল, বাকি যুৱতে যাচ্ছে। বাট টাকায় এ সৌভাগ্য সামালানো সম্ভব নয়। চার-বছরেই ‘অমরের’ হাতে ‘বাস্তু’ বাঁধা পড়লো,—মাসি কাশী পালাবার প্রস্তাব করে শয্যা নিলেন। রেল আর তাঁকে যেতে হলনা,—শূন্য পথেই যাত্রা করলেন।

“তার হাজার সাতেক সঞ্চিত ছিল। সর্বাগ্রে বাড়ী উদ্ধারের শপথ করিয়ে,—আমাকেই তা দিলে গেলেন।

—“অমর কিন্তু সে প্রস্তাব কানেই তোলেনা, বলে,—‘বন্ধু হয়ে,—না—না,—



লোকে আমার বলবে কি ! তোমার স্বচ্ছল সময় হলে দিও । এখন বরং আরো কিছু নাও,—ওপরে একখানা ঘর তোলো !”

—“শেষ অনেক করে—প্রায় কেলেকারী,—কড়া-সুদে ঘেড়া-দণ্ডে খালাস করছি । দেখা হলে কথা কয়না ।

—“তার পর বেহরতীর কুমার-সত্তবে, তাঁর আশ্চর্য মত বাড়ীতে সাল্লো-ডাক্তার, লেডী ডাক্তার, মিড্-ওরাইফ্ মায় নার্সের প্রোতস্বতী বইয়ে দিলে । আজকাল নাকি এটা অত্যাবশ্যক । এই সব উৎকট আড়ম্বরে শেষ যা হয়ে থাকে তাই হ’ল । সেই শোক আর ছুরি ফ্রোড়পট্টরূপে আমার একটা কৃত কর্মের তাড়স সামলাইতে,—এই তীর্থযাত্রা বা দেশ ভ্রমণ ; অর্থাৎ সাত হাজারের ব্যালাসের শ্রাধ্ব বা সদ্যবহার ।

—“ভাবছি ফিরে সামলাব কি করে । আর ত’ তেমন আশাপ্রদ মৃদু-মৃদু মাসি-পিসি নেই । থাকবার মধ্যে সুহৃদ—অমর । আগে ভাবতুম লাইফইন্সিওর করে আর কাশী গিয়ে যে যত সস্তর মরতে পারে তার তত’ বেশী লাভ । এখন ভাবছি—মরতে পারলেই লাভ ।

—“ভরসা ছিল extension-এর expectation ( আশীর্বাদের আমদানী, দানো পেয়ে দাঁকিগে টানা ) । সেদিন ইনিস্পেক্টর বললেন—“সে আর পাচ্ছনা পিণ্ডিত,—সে চেষ্টা কোরনা । অবশ্য তোমার দ্বিতীয় দার-গ্রহণটা একটা বড় কারণ রয়েছে বটে, কিন্তু আমাদের মাতৃভাষা আর পিণ্ডিতদের মৃদুখাপেক্ষা রাখেনা, সে আপনা আপনি ঘরে ঘরে বেড়ে চলেছে । সুগন্ধী তৈলের আর ছেলেমেয়ের সুগন্ধী নামকরণ চিন্তায়—অভিধান, কাব্য, উপন্যাস সবই ওদের ওলটাতে হয় । তার ওপর মাসিক পত্রের বিজ্ঞাপন—higher-standard বাংলার ( অভিজাত সাহিত্যের ) কাজ করে দেয় । পিণ্ডিতের পোস্ট অনাবশ্যক ।

“আরো বললেন,—‘সেদিন গৃহস্থ ঘরের সাধারণ পাকপ্রণালী সম্বন্ধে প্রবন্ধ লিখতে দিয়ে মেয়েদের কাছে যা পেরিয়েছি, তাতে দৃঢ় প্রতীতি হয়েছে—এ ভাষার ভবিষ্যৎ আপনি গড়ে উঠছে । কত শতাব্দীর পচা বা প্রচলিত গ্রাম্য কথাগুলিকে এরা এমন মাধুর্য দান করেছে, শুনলে অবাক হতে হয়, রবিবাবুর উর্বশী এখন তাঁর মর্ষাদ্য অক্ষর রেখে রন্ধনশালে হাঁড়ি ধরতে পারেন ! দ’ একটা মনে আছে—

মোচা—কদলী পুড়প,

পলতা-বেগুন—বাল্লির-বার্তাকু,

শাক—কিশলয়,

থোড়ের বস্ট—মৃণাল মন্ডন, ইত্যাদি ।

**Splendid** ( অনির্বচনীয় )—না ? পণ্ডিত **extension**-এর ( বাড়তির ) আশা ছাড়ো ।”

“তথাস্তু ।”

শুনিতোছিলাম আর দয়ালের পূর্বকার সহাস প্রকৃতি, রহস্যপ্রিয়তা মনে পড়িয়া প্রাণটা উদাস হইয়া পড়িতোছিল । কাল—ধীরে ধীরে সবই হরণ করিয়াছে, দয়ালের খোলোসটা ফেলিয়া রাখিয়াছে মাত্র । মাঝে মাঝে কথার মধ্যে কেবল তাহাকে পাইতোছিলাম । দেখিতোছি—বালোর ও যৌবনের স্মৃতিই মানুষের শেষ বয়সের সম্বল, —তারই নাড়াচাড়াই সে ক্ষণিক স্বস্তি পায়, অবশ্য—বিষাদ মিশ্রিত । তাই দয়াল ক্ষণ-পূর্বে বলিয়াছিল,—‘সে দিন কি আর ফেরেনা’ ।

বলিলাম,—“কুমার সম্ভবের যে ঘটা বা ঘটনার কথা বললে, সেটা ভাই এ যুগে সমর্থন না করে উপায় নেই । এখন আঁতুড়ে-ছেলেকেও ইন্জেকশন ( ফৌড়ামৃত ) দিতে হয়, কারণ সাবধানের মার নেই,—এটা **infant mortality**-র ( শিশু সাবাড়ের ) যুগ কিনা ! তাতে মলেও নয়, ওটা দেওয়া থাকলে প্রসূতিরও দশের কাছে কথা কবার মদ্য থাকে—“আর আমার দক্ষদ নেই,—করতে ত’ কিছুর বাকি রাখা হয়নি” ইত্যাদি তখন চলতে পারে ।—

—“তাই বলাছি, ও কাজটা সমর্থন করি, নচেৎ একটা কিছুর ঘটলে ( যাকিও এ ক্ষেত্রে ঘটা রোকেনি এবং অধিকাংশ ক্ষেত্রে রোকেও না )—ভদ্র সমাজে অপাংক্ত্য হয় থাকতে ভাই । ছেলপদলে ত’ যাকই ;—ঘটার ত’ কসুর করিনি । নিজেরা ত’ বেঁচে গেছে ।—”

—“যাক, এত বড় শোকটা সামলাতে বউদিকে একটু বোড়িয়ে আনাই উচিত—”

—“তোমার ক্লোড়পটের কথাটা বদ্বলদমনা কিন্তু—”

দয়াল বললে,—“দেখা যখন পেরেছি—যতটা পারি খোলসা হই । শোনবার মতো বটে,—শোনো—”

—“ডাক্তার প্রভৃতির চার-দু’গুণে আট হাত এঁড়িয়ে নিজে বেঁচে উঠলেন । রাণ্ডি, বোভারিল, প্যানোপেপ্টনে পণ্ডিতের ভিটেও ভরে উঠলো । ভাবলুম—শোকটা এখন তাজা, এই সময় ‘গাঁতটা’ চট্ ধরতে পারে ।’ অতর্কিত জড়োয়া-জর্জিনসের হাত থেকে বেঁচেছেন—পুনর্জন্মা ত’ বটে ।—

—“জানই ত’ গাঁতাই আমাদের দুঃসময়ের সেরা টানক ।

তার ত্যাগ-মহাঅ্যাটা বেশ করে ব্যাখ্যা করে শেষ বললুম—“এখন দেখাচ্ছি ভগবান মানদুষকে বুদ্ধি দিয়ে কি ঠকানই ঠকিয়েছেন। পশুপক্ষীর সে-বালাই নেই,—তারা আবশ্যকের অতিরিক্ত কিছু চায়না। আমাদের ষৌক অতিরিক্তের দিকে, তাই অশান্তিও অতিরিক্ত।—ভগবান সব দিয়ে-থুয়ে শেষ বললেন কিনা—ত্যাগেই সুখ। কি বিদ্রাট! চোখ দিয়েছেন—দেখতে। আমরা তাই করে আসছি, আবার অতিরিক্ত ভাবে করবার চেষ্টাও পাচ্ছি, তাই চশমা চাই, অবশ্য—সোনার।—

—“মালিকের কিন্তু মতলব দেখাচ্ছি,—ও-করায় বাহাদুরি নেই, ও-সব বন্ধ করাতেই বাহাদুরি! তবে দেওয়া কেনো প্রভু! তার উত্তর—বুদ্ধি দিয়েছি যে!

—“শ্রীভগবানের বাক্য শুনতেই হয়। তাই মনুষ্য-জন্মে ত্যাগের চেয়ে বড় কিছু কিছুই নেই; সেইটাই আমাদের শ্রেষ্ঠ করণীয়; ইত্যাদি।

—“একটা ফতুরি-ফরমাজ ছিল,—নবনী-হারের আর বিজয়-বসন্ত চুড়ির। এই মানসিক বৈরাগ্যের সুযোগে সেই ফ্যাসাদটা ফিকে করে দেওয়াই আমার মতলব ছিল।

—“কাহিল শরীর, মাথা ঘুরছিল। Tinned butter ( মাখন ) দিয়ে নাইস্-বিস্কুট খেতে উঠে গেলেন। এটা লোড ডাক্তারের পার্টি ( Prescription )।”

বলিলাম—“ওরূপ কাহিল অবস্থায় ওটা দরকার বই কি।”

—“হ্যা—থুবে। সে দিন সেই শ্রীমতী লোডিকে ডাকতে গিয়ে দেখি,—ব্লাউস গায়ে গামচা পরে মোড়ার বসে—মুড়িগুড়ু খাচ্ছেন। বললেন—সব্বর সঙ্গে সঙ্গে শক্তি দিতে গুড়ুর মত ওস্তাদ আর নেই। বেশী খাটুনির পর তাই থাই।”

—“যাক। গ্রহ কিন্তু গলায় গলায় হয়ে দাঁড়িয়েছিল। সম্মা হয় হয়, গীতার ভরসায় স্যাকরাকে নতুন প্যাটোর্নের পণ্ডনটা পোস্টপোন করতে ( থামা দিতে ) বলে ফিরাচ্ছি,—নির্নিত মালানী জোর করে একরাশ দো-রসা চিংড়ি গামছায় ঢেলে দিলে। বললে—“ঠাকুর আমি গরীব বেওয়া, ছেলের সাধ বড় ছিল, তা এবার ত’ সে আশা ঘুচেই গেছে। ভেবেছিলুম আপনার কাছে পড়িয়ে মানদুষ করে নেবো। দশজনের তা সইল না। হরি আছেন, তাঁর ইচ্ছে হলে কি না হয়। আশীর্বাদ করুন,—এর আর পরসা দিতে হবেনা, আসছে বারে মনে রাখবেন।”

“দো-রসা মাছ শাক দিয়ে ভালোবাসেন,—এ সৌভাগ্যটুকু আজো আছে ভাই।

“এই কথা ভাবতে ভাবতে মোড় ফিরতেই শঙ্কু পাল যেন মূর্কিযোঁছিল। গামছায় মাছ দেখে বললে—“বেশ হয়েছে—তোফা হবে; আমারও কষ্ট সাধক। দাঁড়ান—দু’ঝাড় ডেঙো নিলে যান।”

“শব্দ যা হাজির করলে, দেখে বললুম, একি ঝড়ে পড়ে গিয়েছিলো বাবা চেলিয়ে দিলে ভালো হত শব্দ । ডেঙো ত’ বটে ।”

“আজ্ঞে দেখবেন খেয়ে, একেবারে গুড়—গুড় । পদ্মার বীজ ।”

“তাহ’লে ও আর নষ্ট কোরনা বাবা । শিউলি ডেকে ওর গলায় ভাঁজ বাঁধিয়ে দাও—খেজুর রস দেবে ।”

শব্দে আমার প্রাণটা hear—hear করে উঠলো । এ সেই আগেকার দয়াল ।

—“শব্দ খুব খুসী হল ।”

—“খাড়াভাবে দ’ধার দ’বগলে চেপে দ’ঝাড় নিয়ে বাড়ী ঢুকতেই,—“বাবা গো” বলে ছুটে গিয়ে ঘরে খিল দিলেন ।

“ব্যাপার কি । আমি গো আমি । ভয় পেলে নাকি ?”

দোর খুলে বললেন—“ভয় সন্ধ্যাবেলা, আমি বলি ডাকিনিতে গাছ চলে আনছে । উঃ, এখনো বুক টিপ্ টিপ্ করছে ।”

আমি ত’ খ ! তারপর সে ঝোঁক সামলে বললেন—

“সোনার জিনিসের বেলাই বদলি তোমার যতো ত্যাগের উপদেশ বেরয়, আর অতিরিক্তের ভয় আসে । আর এই বদলবদলির বাসা সমেৎ ডেঙোর দ’ডকারণ্য গিলতে হবে । এ ব্যবস্থা গীতার না চিতার ।”

“মুখ বেঁকিয়ে দ্রুত সে স্থান ত্যাগ ।”

“দঃসময়টা দ্যাখো,—বদলবদলির বাসাটা কি ওরই চোখে পড়তে হয় !—”

—“নিতি মালানীই ত’ তার আসছে বারের ছেলে পড়াবার দাদন দিয়ে—এই বিপদটা ঘটালে,—হারামজাদি । আবার শোস্তো বেটার বদমাইসিটা দ্যাখো—পার্জি পালের বাচ্ছা পদ্মার বীজ বদনে সুন্দর বার করেছে । সন্ধ্যাবেলা তাই কিনা ব্রাহ্মণকে দিয়ে বওয়ালে,—সহ বদলবদলির বাসা । আবার প্রসিকিউটার কবি হেমবাবু কিনা—“হা শোস্তো আর যো শোস্তো” করে ছোটলোককে বাড়িয়ে গেলেন । নিশ্চয়ই বেটার মকদ্দমায় বিলক্ষণ কিছ্ মেরেছিলেন ।—

“এখন সামলাক দয়াল পণ্ডিত । বিবেচনাটা দেখলে ভাই ।”

দয়ালকে নিজের element-এ ( খাতে ) ফিরে পেয়ে হেসে বাঁচলুম । তবে সে হার্সি পদুর্বার আনন্দ দিলেনা ।

—“খাক, তারপর থেকে সন্ধ্যা হলেই তাঁর গা ছম্ ছম্ করে,—গাছচালা ডাকিনি দেখেন, ও-বাড়ীতে থাকতে চাননা । গ্রামের সকলে বললে “—করছো কি—গলাটা করে

এসো পিঁড়ত। মাসি তোমাকে বড় ভালোবাসতেন, বোধ হয়”—ইত্যাদি। ডাক্তারেরা রায় দিলেন,—“কিছুদিন দেশ-বিদেশে নব নব দৃশ্য দেখে, এ কুদৃশ্যটা মাথা থেকে মুছে আনা দরকার।”—

“সেই ক্রোড়-পরের এই ঘোড়দৌড় ভাই। কেমন, শোনবার মতো নয়।”

বলিলাম,—“খুব,—তখন হ’লে এতক্ষণ এন্থকোর (ফিরে ভাই) বলতুম।—

—“আচ্ছা, তা হলে এখন গয়ায় চলেছ। Via বৈদ্যনাথ নাকি?”

“মাসির টাকা থাকতে থাকতে তাঁর কাজটা সারবারই ত’ সংকল্প ছিল;—সে-হবার নয় ভাই। তীর্থ নির্বাচন ও’র প্রোগ্রাম মতো হওয়াই নাকি বাঞ্ছনীয়—ইতি লেডি ডাক্তার শ্রীমতী শ্রদ্ধা দেবীর উক্তি। এবং হয়েছেও তাই। শৃঙ্গ—

—“পেঁড়ো সেরে বৈদ্যনাথে ভগ্নী সন্দর্শন সমাপ্ত, এখন ক্রমোচ্চ পদ্য পথে—তাজমহল, কুতব মিনার, আলি-মসজিদ ও পিঁড়দাদন-খাঁ, এই চারি-খাম সারবার সংকল্প। চরনিকার সেরা সংস্করণ না! পিঁড়দাদন খাঁ-টা বোধহয় আমার ওপর প্রবল প্রীতি বশতই বাচাই হয়েছে;—অন্ততঃ “দাদন” দিয়ে আসতে পারেন। আশার কথা নয়।”

গাড়ি এসে গেল। দয়ালের কুলিও এসে তাড়া দিলে—“চলিয়ে”।

দয়াল চমকে উঠলো—“ইস্, তাঁকে একবার দেখি। তুমি ভাই এইগুলো গাড়িতে তোলাও।”

“ও হচ্ছে—তুমি যাও, তুমি যাও।”

দয়াল ছুটিল।

জয়হরি আসিয়া গিয়াছিল—কোন কণ্ঠই হইল না।

জয়হরি দ্রুত নামিয়া পড়িল—দিদি উঠলেন কি না দেখে আসি।”

কে দিদি।

আসিছি।

অবাক বসিয়া দয়ালের কথাই ভাবিতে লাগিলাম। সেকেন্ড-বেল হইতেই—দৃ’জনে আসিয়া উঠিল। বোর্দি মেয়ে গাড়িতে।

গাড়ি ছাড়িল।

গাড়ি গতিশীল ! সে কতলোকের কত সুখ-দুঃখ, আশা-আকাঙ্ক্ষা, ভাবনা-চিন্তা, হাসি-কান্না বহন করিয়া চলিল।

বিলিলাম—“হ্যাঁ—এঞ্জটেশনের ( আশীর্বাদীর ) যখন আর আশা নেই,—একটা কিছু ত’ করতে হবে দয়াল। বসে থাকলে ত’ চলবেনা ভাই।”

“রামঃ—বসে থাকতে দেবে কে ! এক ভরসা—পিণ্ডদাদনের প্রভাব। ফিরতে হবে কি ?”

সহসা চেরা-আওরাজ—“ধূমাবতী কবচ ?”

চমকে চেয়ে দেখি—গাড়ির পা-দানে পাকতেড়ে এক সাধুস্মৃতি ! গলে—রত্নদ্রাক্ষের মালায় ছোট একটি সিঁদুর মাখানো রূপোর ত্রিশূল ঝুলছে। ভালে—হোম-ভস্ম। পরিধানে গৈরিক। চক্ষু রক্তবর্ণ।

“অবধান” বলিয়া সূর্য করিলেন,—“দেশের দারুণ দুর্দশা আসছে জেনে মন্ত্রিসঙ্ঘ আগমবাগীশ এই অমূল্য যন্ত্র আবিষ্কার করেছিলেন। লোকহিতার্থে মাত্র পাঁচাসিকে নিয়ে বিতরণ করা হয়। তাঁর আদেশ—যতদিন না এই সজীব বর্ম বাংলার ঘরে ঘরে প্রত্যেকের কাছে পৌঁছে দিতে পারে, ততদিন আমাদের ছুটি নেই। যার যা কষ্ট এই কবচ তা কতন করে। অভীষ্টলাভাস্ত্রে সামর্থ্য মত মায়ের পূজা পাঠিয়ে দিতে হয়। এই কাগজে ঠিকানা প্রভৃতি সব পাবেন। এর গুণ ইতিমধ্যেই অনেকের পরীক্ষিত। সকল ট্রেনেই এমন অনেক লোক প্রত্যক্ষ করি, যারা অযাচিত ভাবে কবচের গুণ সমর্থন করেন,—আমাকে কিছু বলতে হয়না। এ দেশের দৈব ছাড়া পথ নেই জানবেন। জয় মা ধূমাবতী, সকলকে সন্মতি দাও, দেশ রক্ষা হোক মা।”

চোখ উলটে শূন্যে নমস্কার।

গাড়িখানা বড় ছিল—বোগি। এক কোণ থেকে এক কোণে হীরের মার্কাড়ি পরা একটা মাড়োয়ারী—হাত জোড় করে বললেন,—“মহারাজ, আমি আপনাকে চুড়তে ছিলুম। বো তাবিজঠো দিয়েছিলেন সে বহুৎ নফা দিয়েছে। সাড়ে চারটাকার মকাই ঝরেছিলুম,—পউনে সাত দিয়েছে। মায়ের কিরুপা। আউর দ’ঠো দিজিলে।”

আড়াই টাকা দিয়ে দু’টি কবচ নিলেন। মায়ের পূজার জন্যেও পাঁচ টাকা দিলেন।

আরো দ্ব’তিন জন নিলেন। বললেন—তাদের অ’ডালের ভগবতী বাবুর বার বছরের হাপদুরে-হাঁপানি,—“হিমরড্” হার মেনেছিল,—এই কবচ ব্যবহারে তা একদম সেরে গেছে। আশ্চর্য ম’হিমা মশাই!

একটি হ্যাট্-কোট-প্যাণ্ট্ পরা প্রোড় চশমাধারী বাবু, গ্যাডস্টেন্ ব্যাগ থেকে টাকা বার করে বললেন—“আমাকেও দ্ব’টো দিন।”

আমরা অবাক হয়ে মুখ চাওয়াচাই করছিলাম। আমি আর থাকতে পারলাম না, বাবুটিকে জিজ্ঞাসা করলাম—“মশাই—আপনি শিক্ষিত লোক দেখছি, আপনার এরূপ বিশ্বাস জন্মাবার নিশ্চয়ই বিশেষ কোন কারণ আছে?”

“আছে বইকি মশাই। তা না ত’—আমি একজন উকিল মানুষ, যাদের প্রিন্সিপল্ প্রায় পদ’লিসের কতই গুরুকে মিথ্যাবাদী ঠাওরানো, আর কাজ, ... অন্যের মাথা ম’ড়ানো, সেই আমিই মাথা ম’ড়চ্ছি।—রোগ, দুঃসময়, এসব ত’ দেখাই ছিল কিন্তু কুচ’কুচে কালো মেয়ে—ফুটফুটে গৌরান্দ্রী হয়, এই অভাবনীয় ব্যাপার—তাও চক্ষু দেখলাম! আবার ভোলা-গাঁয়ের গোটাসাতক রাবিস্ ফে’সো-ছেলে, তিন তিনবার ম্যাপ্টিক ফেল্ করে যাত্রার দল ফে’দেছিল; এই কবচ ধারণ করে এ বছর সাতটাকে সাতটাই,—শ্রীমন্তের পালা যাদের প’জি,—ফাস্ট ডিভিসনে পাস্! অসম্ভব—সম্ভব করে দিয়েছে মশাই। এ অ’গলে এমন রেজাল্ট কমিন্ কালে হয়নি। সেই ভোলা-গাঁর নাম পর্যন্ত বদলে এখন “পাস্-গাঁ” দাঁড়িয়ে গেছে। সন্দেহ আর করি কি করে। আমরা দ্ব’টো হাবাতে ছেলে ঐ ই’স্কুলে পড়ে, —ম্যাপ্টিক দেবে। Prevention is better—(আপ্তসারটাই ভালো),—নয় কি! কি করি—পায়দ্বায় নেওয়াচ্ছে মশাই! দ্ব’টো ছেলেকে আর এক বছর পড়াতে—মাইনে আর পরীক্ষার ফি দিতে ফতুর না হয়ে—আড়াই টাকায় নিশ্চিন্ত হওয়া ব’দ্বিক্সমানের কাজ নয় কি?”

বলতেই হল—“হাজার বার।” কিন্তু হতভম্ব মেয়ে গেলাম। দৈব-শক্তিতে সবই সম্ভব—তা মানি। আগমবাগীশ ত’ বহুকাল নিগম নিয়েছেন, দেশের অবস্থাও ত’ অক্স্মাৎ এমন হয়নি। এ দুর্লভ মাণিক এতকাল কোন স্ফটিকস্তম্ভে গা-ঢাকা ছিলেন। কালো—গৌর হয়! এ যে “যাবার বেলা পেছ’ ডাকে!” আচ্ছা—এই স’দ্বোগে দেশটা colour-bar (বদ-রং) ঘ’দুচিয়ে রংয়ে রং মিশিয়ে নিকলা।

এমন মিঠে জিনিসটে উপভোগ করতে দিলেনা। দমাল উস্খুদ’ করছে। ইতিমধ্যে

জয়হরিও তিন টান পেয়েছি বলে—“এই বেলা নিয়ে ফেলুন এক-মুঠো, একদুনি ফুরিয়ে যাবে।”

শেষ দাঁড়িয়ে উঠেছে।

জিজ্ঞাসা করিলাম—“কয়টা চাই?”

কানে কানে বলিল—“মা’র দাঁতের জন্যে একটা,—আপনার জন্যে একটা, আর”—

“আর তোমার মাথার জন্যে একটা, বুদ্ধির জন্যে দু’টো, ঘুমের আর নাক-ডাকার জন্যে ..”

“না—শুনুননা ও’রা চলে গেলেন—ও’দেরও ত’ চাই। দু’জনেরই ভূতের ভয় ; আবার কত’ বলাছিলেন—পাগল হতেও দেরি নেই।”

“তোমার সঙ্গে থাকলে—আমারও ত’ বড় দেরি নেই।”

“কিন্তু বারটা নেওয়া চাই-ই।—লোকটির চোখ দেখেছেন,—আসোল ! ও আমি চিনি।”

দেখি দরাল দু’টো নিয়ে ফেললে।

দেখে জয়হরি হাঁপাচ্ছে—“গেলো ফুরিয়ে।”

কি জানি—শেষ ঠোকতে না হয়। তিনটে নিতেই হ’ল। একটি জয়হরির দুর্ঘটনাদি অপঘাত নিবারণার্থে।

এক পরস্যা রাখতে পারিনি, সুতরাং ব্রাহ্মণীর শুভ স্বর্গ কামনায় দ্বিতীয়টি। আর তৃতীয়টি নিজের কাশীপ্রাপ্তির লোভে।

“তিনটিতে কি হবে মশাই।”

বলিলাম,—“ঠিকানাটি সযত্নে রেখে দিও, পরে আনালাই হবে।”

“তখন যদি—”

“যথেষ্ট—যথেষ্ট। যখন গোটা-ভারতের দুর্ভাবনা ওর ভেতর রয়েছে,—বহুৎ কারখানা বসে গিয়ে থাকবে। আশা করি ভারত-ভূমে দুইটি মাত্র স্বদেশী কারখানা বিরাজ করবে, কালিমাটী আর কবচবাটী। ন চ দৈবাৎ পরং বলম্ ; হি’দুর দেশে ও বস্তুটির মার নেই। দেখবে—দৈবের কাছে সকলেই মাথা নোয়াবে,—অন্ততঃ গোপনে। এবং সেইদিন—ভারতের শক্তি সকল মিশ্রণ বৃদ্ধিবেন। মা একবার ঝেড়ে কুলোর বাতাস দিলেই সাফ।”

গাড়ি ঝাঁঝান খামতেই,—সমর্থক বক্তারা নেবে গেলেন। সাধুও নাবলেন।



দয়াল ভায়া হঠাৎ কোট আর জুতো খুলে রেখে, মাথায় চাদরখানা জড়িয়ে নেবে পড়লো।

“কোথায়?”

“আগের ইন্সটেশনে ফিরে আসবো।”

বোধহয় বউদির খবর নিতে।

জয়হরি তাকে বললে—“দিদি হঠাৎ সাধু দেখলে আঁকে উঠতে পারেন;—ভয়ঙ্কর তেজপুঞ্জ। তাঁকে জানিয়ে দেবেন।—আমি যাবো?”

“না—না, সে ভয় নেই।”

মেন্নে-গাড়ি পার হইয়া দয়াল চলিয়া গেল। কেন গেল, কোন্ গাড়িতে উঠিল,—রাস্তাে বদ্বিধিতে পারিলাম না। পূর্বে তার রক্তাভিনয় অনেক দেখিয়াছি,—তাই নাকি? না—এখানে আর এই মানসিক অবস্থায় তাহা ত’ সম্ভবই নয়।

জয়হরি উৎসাহের সহিত বলিয়া উঠিল—“খুব মিলে গেছে মশাই।”

মাত্র “হু” বলিয়া নীরব রহিলাম।

দিদি যে কে তাহা আঁচিয়া লইয়াছিলাম, কিন্তু কখন কি করিয়া এর সঙ্গে পরিচয় হইল।

এই কথা ভাবিতেছি,—গাড়ি থামিল,—দয়ালও ফিরিয়া আসিল।

আমার প্রশ্ন-দৃষ্টির মর্ম বদ্বিধিয়া বলিল,—দেখলুম—আমাদের গাড়ির সেই দলটি আবার এই ট্রেনেরই একখানি আকস্মিক বোজাই থার্ড-ক্লাসে গিয়ে উঠলেন। তাই—কারণ জানতে অনূসরণ। কিছু পরেই—সাধুজিরও আবির্ভাব। পরে—সেই বদ্বিধি, সেই সমর্থন! আগন্তুকরা আবার দ্দ’চারটে করে কবচ নিলেন,—প্রভাবের সাক্ষাৎ-দ্রষ্টারূপে সাফাই গাইলেন।—ইত্যাদি...

বলা শেষ করে দয়াল আমার দিকে চাইলে।

বলিলাম,—“তুমি কি ভাবছ জানিনা,—তা তুমি যাই বলো,—ঐদেবশক্তিতে আমার এতটুকু সম্বন্ধ নেই।

জয়হরি আমার নিবদ্বিজিতার ক্ষুদ্র হইয়াছিল, বলিল,—“তবে মশাই!—হাতে পেয়ে ছেড়ে দিলেন। শুনলেন ত’...”

দয়াল বলিল,—“বেশ-ত’ আমার এ-দ’টো তুমিই নাও।”

জয়হরি বলিল,—“না,—তা বলছিলা, তা কি হয়”—

গাড়ি কিউলে থামিল।

বলিলাম,—“এইখানেই আমাদের নাবতে হ’ল ভাই।”

আমার দিকে চাহিয়া দয়ালের চক্ৰ ছলছল করিতে লাগিল। একটা গভীর নিঃশ্বাস ফেলিয়া বলিল,—“তোমার ঠিকানাটা দাও,—এ কল্প ঘণ্টা যৌবন ফিরে পেরেছিলাম \* \* \* আর একবার দেখা দিও ভাই।”

তার দৃষ্টি কি কাতর ! সেই সঙ্গে তার মর্মটা যেন বেরিলে আসিছিল।

বলিল,—“আমিও নাবি,—ও’কে একবার দেখি।—তোমার সঙ্গে আর পরিচয় করালুমনা ভাই,—ইচ্ছে করেই।”

কথাটা বলিতে তাহার বুক যেন বাজিল !

বলিলাম,—“এখন থাক—ফিরে এসো। ফিরে দেখা করবো।”

আলিঙ্গন করে—চলে গেল,—ব্যথার বোঝাটা আমার বুক রেখে !

দেখি—জয়হরির মেয়ে-গাড়ির সামনে নমস্কার সারছে।

এখনও আমাদের গাড়ির দোরি ঢের।

## ৭১

শীতের রাতের প্রথম যাত্রা-দিনের দেখা—প্র্যাট্‌ফর্মের সেই অস্থিতীয় সিংহাসন,—  
বোম্বাইস্থানি দখল করিবার আশায় দ্রুত চলিয়া আসিয়া যাহা দেখিলাম, তাহাতে বিস্ময়  
রোকেনা। সেই “ধেমোশালিক” বেণ্ডের উপর স্থাবর সম্পত্তির মত বিরাজ করিতেছেন।  
—কোম্পানীর constant quantity—মোরদুসী-মাল নাকি !

সেই পরিচিত বাজখাই আগুলাজ আসিল,—“চমকাবেন না,—সেই বটে।—আপনার  
সেই সজীব গ্রহটি কোথায় ! হত্যার-মাল হারিয়ে এলেন না কি ! কিছন্ন হলনা বদ্বি।  
—দাঁড়িয়ে নাক ডাকে—ও যে শিবের অসাধ্য ! আহা—জ্ঞানান্ধোকার ছিল। বেহারে  
থাকতে এসেছিল বদ্বি,—যাক বোঁচে গেছে।”

আমার মূখের দিকে চাহিয়া—“আপনি প্রাচীন লোক দেখছি,—যাবার সময় কবচ-  
টবচ নেননি বদ্বি !—নিতে হয়।”

ভাবিলাম,—প্রবীণ লোক, গতবারের পরিচয়েই বদ্বিগ্নাছি—অভিজ্ঞও কম নন।  
ঐ’র মতামতে মূল্য আছে। বলিলাম—

“আপনি ত’ এই অঙ্গলেই থাকেন”—

“আর কোন চুলো রাখতে দিয়েছে কি। বলছি তো—ভিটে না ঘোচালে কি “দামি-শ্যাল” হওয়া যায়—না “দামি-শ্যালের” দলিল ( Domiciled certificate ) মেলে।”

“আপনি নিশ্চয়ই জানেন—এই যে গাড়িতে কবচ”—

“জানি বই কি,—শুধু গাড়িতে নয়—বাড়িতেও। নিশ্চয়ই নাকি,—ক’টা ?

উঃ,—ও দ’ একটার কাজ নয়,—একেবারে ডজন খানেক নিয়ে রাখুন, লাগালেই ফতে। যে জাতের ধর্মই বল, তাদের ওইতো সম্বল। ভারি ওস্তাদ মশাই—ভারি ওস্তাদ ; ধর্মে বিশ্বাস রাখেন ত’ ?”—

—আশ্চিন্টা বগল পর্বন্ত টেনে,—“এই দেখুন না—একুশটোয় পৌঁছে দিচ্ছি, হাতে যেন গন্ডমালা গজিয়েছে। এখন ওঁদের ধর্ম ওঁদের কাছে। আমার ভাববার দরকার কি।”—

—“এখানে থাকতে হলে যে চাই মশাই। সব এক কিনা, ভারি দরকার,—এটা যে আমাদের তথাগতের “বিহার”—অহিংসার নাসারি, ভাই ভাইয়ের দেশ।—চাকরিতে না ঝুঁকলেই—সব রামের ভাই, ঝুঁকেছেন কি—আলমগীরের। তোফা থাকা গেছে মশাই।”

—একটু নীরব থাকিয়া—

“হঃ,—বাংলা আমাদের বেঁচে থাক,—যত হাঘরে আতুর অন্যথের অতিথিশালা,—গোরীসেনের ঢালা-বরাদ্দ—ভাগাবণ্ডের ভগীরথ।—

—“বাঙালীদের “ইন্টেলিজেন্ট” বলে সুনাম আছে কিনা,—ছেলেরা চট্ অবস্থা বন্ধে নিয়ে এগিয়ে পড়েছে—গোঁফ ফেলে সব ভাগ্যহীন দাঁড়িয়ে গেছে। এইবার সিঁদকটি গড়াক। কি বলেন, তরোরি অন্ন আপসে এসে যাবে।—শ্রীঘর বলেনা ?”

একটা তিক্ত হাসি হেসে বললেন—“নিয়ে ফেলুন—নিয়ে ফেলুন এক মৃত্তো। আশায় খাসা থাকা যায়—মন্দ কি।”

আমি অবাক হয়ে শুনে যাচ্ছিলাম,—সেই পূর্বের পারিতপ্ত সূত্র। লোকটি বহু আশায় দেশের ভিটে খুঁইয়ে “ডোমিসাইলড্” হয়েছিলেন, শেষ ঠেকে ঠেকে হতাশ হ’তে হয়েছে। সব কথার মাঝেই তার জ্বালা প্রবল হয়ে দাঁড়ায়—ফুটে বেরয়।

জয়হরি উপস্থিত হতেই—

“এই যে,—আছেন! ফিরেছেন দেখছি। বাবার কৃপা।”

আমার দিকে ফিরে—“আগে ওঁকে একটা চাঁড়িয়ে দিন,—আমার ত’ দেখলেন,—

অধিকন্তু ন দোষায় । কি জানি মশাই—কিসে কি হয় । ওর লাভ কি জানেন,—আশা ।  
তাই নিয়েই ত' জীবনটা কাটালুম মশাই ।—

—“আচ্ছা—আপনি বসুন, আমার গাড়ি এসে গেল । নমস্কার—”

চলে গেল ।

জয়হরিকে চালানী দাঁধর-কলসী-কুঞ্জের দিকে ঝুঁকিতে নিষেধ করিয়া, বোম্বির উপর  
বসিয়া ভাবিতে লাগিলাম—

বিদ্রোহী-ভাগ্য লোকটিকে একেবারে দঃখবাদী দাঁড় করিয়ে দেছে । ও'র  
ধারণাগুলা—অনেক দঃস্থেরই প্রাণের কথা বটে !

আশার একটা আরামও আছে—সেটা সকলেরই সম্বল ।—

\* \* \* \*

জয়হরির চার-কাপ্ চায়ের অর্ডার দিয়া প্ল্যাটফর্মে ঘুরিয়া প্রসাদী-পেঁড়ার ভার  
কমাইতেছিল । ডাক পড়ায় হাজির হইল ।

“চার কাপ্ কি হবে ?”

“এই দেখুন না,—সেই বেলা ১২টা থেকে খাড়া অনাহার চলেছে,—আবার  
কাল বারটা !”

এই বলিয়া দু'কাপ শেষ করিয়া ফেলিল । আমি এক-কাপ খাইয়া দ্বিতীয়টি তাহার  
দিকে ঠেলিয়া দিলাম ।

“এই সময় ধীরে সন্স্থিরে কিছদ্ খাবার কিনে রাখাই বুদ্ধির কাজ মশাই । রাস্তার-  
রাত ফুরাতে জানে না, কাটাতে হবে ত' । যে ভীড় দেখাছ বেটারা হাঁ করে আছে, খণ্ডে  
খালি করে ফেলবে ।”

“বেশ,—বুদ্ধির কাজটা করেই ফেল, যা দরকার হয় লও ; আমি ও-সব খাবনা ।”

“অমন ভুলটি করবেননা,—ভোরে আবার জাহাজে ওঠা আছে—চড়াই ওতরাই  
অনেক করতে হবে—

“ওরে,—এই দুধওলা, ভালো হয় ?”

“খুব ভালো আসে বাবু ?”

“মশাই, খুব বলকারক জিনিস, এর ভেতরই মদ্যেরের ঘি'র বীজ রয়েছে ।—  
কেস্তা হয় ?”

“সের ভরু'সে উপর হোগা ।”

“ঐ সের ভরই হ'ল—দে ।”

কিছু দেবে কিসে ! পাচাভাব । এদিক ওদিক চাহিয়া শেষ আমাকে হাঁ করিতে বলিল !—“তারপর আমি ত’ রয়েছি মশাই ।”

“তুমিই খাও ;—এই ক’ষটা যেন প্রাণটা থাকে ।”

“কিছু ভাববেন না,—পেটে পড়লেই সারসাপেরিলা !”

“দে” বলিয়া সেই-যে হাঁ করিল, একেবারে নিঃশেষ করিয়া নিবৃত্তি ।

“থেলেননা—বেশ গরম ছিল মশাই ।”

আমি আর কথা কহিলাম না,—মনে মনে ভগবানকে জানাইলাম—“এই ক’ষটা যেন বাঁচে প্রভু !”

গাড়ি আসিয়া গিয়াছিল—উঠিয়া বসিলাম । ছাড়িবার পূর্বে সে-ও আসিয়া ঢুকিল ।

“বেশ কিছু নিলুম না মশাই । এই সের দেড়েক পুঁরি আর কুমড়োর ঘণ্ট । এমন বাড়িয়া বানায়—খোসা, বিচি, বোঁটা, কিছু ফেলেনা কিনা—খাঁটি মাল । বাড়ীতে অমনটি জোটেনা ।—মিষ্টি সঙ্গেই আছে ।

—“নিন, সেরে রাখাই ভালো,—রাস্তায় জল পাওয়া যাবে কিনা কে জানে । আবার রৈলে কত রকম দুর্ঘটনা থাকতে পারে,—লোকসান না হয় ।”

দুর্ঘটনার কথা ত’ আমিই ভাবছিরে ইস্টপিড্ । বলিলাম—

“বেশ—থেন্নে নাও । এখন পারবে ?”

“দুধ তরল জিনিস—ঠেল পেলেই সরে পড়ে যে । দেখুন—রৈলে আর মাছ ধরতে গেলে খিদে বাড়ে, এ আমার দেখা আছে মশাই ।”

যা ইচ্ছা করুক ।—করিলও ।

চক্ষু বদ্বিজয়া তাহার নাসিকাধ্বনি শুনিতে শুনিতে চলিলাম ।

\*

\*

\*

\*

প্রায় তৃতীয় প্রহর রাতে সাহেবগঞ্জে নামিতে হইল । সে-গাড়ি চলিয়া গেল ।

এখন অনেকক্ষণ স্থিতি ! জয়হরিকে কম্বল বিছাইতে বলিয়া সিগারেট ধরাইলাম ।

ভাগ্যে সে আরাম লেখে নাই । সঙ্গে প্রবল গ্রহ ত’ কায়ম আছে নই,—ভদ্রপরি ঝড়ের বেগে এক উপগ্রহ উপস্থিত । বলিলেন—

—“এই মাস্তোর মশায়—মশাই এই মাস্তোর । চামড়ার নতুন একটা ব্যাগ হাতে,—যেতে দেখেছেন কি ? দল্লা করে বলুন মশাই”—

“না ভাই, আমরাও এইমাত্র গাড়ি থেকে নামলুম।”

বিরক্তির সহিত—“সে-ত’ আমিও মশাই,—এখানে আর নৌকো থেকে নেবেছে কে!” বলিয়াই ছুটিলেন।

অবাক হইয়া সেই দিকে চাহিয়া রহিলাম। একটু হাসি আসিল,—আফোটাই রহিল। সিগারেটটা আত্মহত্যা করিতে লাগিল।

জয়হরি বলিল—“আমাদের সেই কবিরাজ মশাই না? এখন আর ওখানে থাকেন না।”

“ও—গলাটা তাঁরই মত বটে। ইন্সটেশনের সব ধর্মভীরু লোক, গাড়ি পেছা ফিরিতে তার সন্না—আলো নিবিয়ৈ দেয়”—

তখন দ্রুত প্রত্যাবর্তন,—“এর মধ্যে কোথায় আর যেতে পারে,—পাখী ত’ নয়! ইন্সটেশনের কেউ একটা কথা কয়না—সব বেটা, উঃ”—

“কি হয়েছে মশাই—ব্যাপার কি?”

“ব্যাপার শোনাবার সময় নেই মশাই,—সর্বনাশ হয়েছে”—

“এই—কে শুন্যে” বলিয়া,—অনতি দূরেই একজন আগাগোড়া মূর্খি দিয়া শুন্যে ছিল,—তাহার গাত্রবস্ত্র টানিয়া খুলিয়া ফেলিতেই, ঢাকা-হাঁড়ির সরি-খোলা কেউটির মত গর্জিয়া সে লোকটি একদম খাড়া!—“বেটা চোর, গায়ের কাপড় চুরির চেম্টা”, বলিয়াই তাঁর হস্ত ধারণ।

“ছাড়ুন মশাই—সর্বনাশ হয়েছে”—

“আমার গায়ের কাপড়ে সর্বনাশ ঢাকবে! পদলিশ—পদলিশ”—

বলিলাম,—“ও’র বিশেষ কিছদ্ব হয়ে থাকবে—ছদ্বটো-ছদ্বটি করে বেড়াচ্ছেন, মাথার ঠিক নেই”—

“কি বলছেন মশাই!—দুনিয়ায় ক’জনের মাথার ঠিক আছে—খবর রাখেন! যিনিই মাথা নিয়ে জন্মেছেন তাঁরই ওই দশা,—আমারি কি আছে! গর্ভ থেকে একেবারে কন্ধকাটা হয়ে না পড়তে পারলে আর ও-রোগের হাত এড়ানো যায়না মশাই!—

—“না হ’ক আপনের নেশাটা ছদ্বটিয়ে দিলে!—সর্বনাশ হয়েছে,—আর ত’ কিছদ্ব নয়। বহদ্ব আছা—ও সকলেরই হয়। রামের চেয়েও নাকি! আর বাড়িও না বাবা,”—

এই বলিয়া হাতটা ছাড়িয়া দিলেন। পরে—

—“এখন সেন্সনা-ছেলে হয়ে, তাড়তাড়ি ‘শ্রীকৃষ্ণ অর্পণমন্ত্ৰ’ বলে নিশ্চিত হয়ে বোসো।—

—“খোয়া জিনিস ফিরে পাওয়া যায়নারে বাবা—যায়না। অমন জল-জ্যাশ্চো পরিবারটা—শিব—শিব—শিব”।

একটা দীর্ঘনিশ্বাস ছেড়ে বললেন—“তবু তাঁর পা ছিল,—ফিরলো কি। ফেরেনারে বাবা—ফেরেনা,—ফেরেনা। বৃষকেতু, শ্যামস্কন্ধ—ওসব যা শোন, তা কেতাবের পাতায় ফিরে পাওয়া গিয়েছিল। শোন কেন! আর মাথা খারাপ করনা। —তামাক টামাক আছে?”

আমি একটা সিগারেট দিলুম।

কবিরাজের সহিত চেনাচিনি হইল। ব্যাপারটা জিজ্ঞাসা করিলাম।

“আর মশাই! নবাব-দরবারে চলিছি,—সম্ভ্রম রাখা ত’ চাই,—নতুন একটা ব্যাগ আঠার টাকা দিয়ে কিনে, তার মধ্যে দু’খানা পোষাকি কাপড়, একখানা সিল্কের চাদর—পিরোজা পাগড়ি, নগদ চৌষটি টাকা—আর”—

এই পর্যন্ত বলিয়া—কপালে হাত ও নিশ্বাস ত্যাগ!

—“আর একজোড়া—“শৃগাল শৃঙ্গ”—দুপ্পাপ্য জিনিস মশাই—”

ঘুমভাঙা লোকটি বাধা দিয়া “কি—কি দুপ্পাপ্য—শৃগাল সিংহ? অভাব কি! প্রভুদের পাল্লায় পড়নি বন্ধি!”

“আজ্ঞে—সিংহ নয়,—শৃগাল শৃঙ্গ।”

“শ্যালের সিংহ? কত চাই! পথে ঘাটে—পথে ঘাটে। চোখ চেয়ে চলনা বন্ধি?”

বলিলাম—“কথাটা আগে শুনুনই না।—বল কবিরাজ।”

“ঐ দুর্লভ জিনিস সম্বল করেই যাত্রা করেছিলুম মশাই। আগের স্টেশনে টিকিট বার করে রাখতে—ব্যাগ খুলেছিলুম। এখানে নাবতে গিয়ে আর ব্যাগ নেই। একজন মোশনেই নেবেছিল—এ তারই কাজ। এক মিনিটের এদিক উদিক মশাই, কোথাও দেখতে পেলুম না।—

—“টাকা যাক দুস্কু নেই, শ্যালের সিং থাকলে অমন অনেক চৌষটি টাকা আসত, —নবাবের রোগ এক তুড়িতে আরাম হতো। ও- জিনিস আর কোথায় মিলবে। চণ্ডীর পাহাড়ের এক সাধুর কুপায় পেরেছিলুম।”

এই বলে,—ছেলেদের খেলার ‘রবার-বেলুন’ ফেটে হাওয়া বেরিয়ে গেলে যেমন

চুপসে পড়ে যায়,—কবিরাজমশায় সেই মত দীর্ঘনিশ্বাস ত্যাগ করে চুপসে বসে পড়লেন ।

ঘুমভাঙা লোকটি বললেন—“এই সর্বনাশ ! মাথা খারাপ বটে ! আরে বাপু—টাকায় বাঘের চক্ষু মেলে,—বিভীষণ মেলে, ওই চৌষটি টাকাটাই আসল ক্ষতিরে বাবা ! ও শ্যালের শিং ঢের মিলে হে ঢের মেলে ! আবার রকম আছে ; চণ্ডীর পাহাড়ে যেতে হবে কেন,—ওর আড়তে যাওনা,—শ্যালদায় বহুৎ । সেই শিংয়ের মূখেই যথাসর্বস্ব দিয়ে এই ফকির সিং বনে বসে আছি !”

যাক,—শ্যালের শিং লইয়া আলোচনায় প্রায় প্রভাত । ঘাটের গাড়ি উপস্থিত হইয়া গেল ।

এতক্ষণ জয়হরির দিকে কারুর লক্ষ্যই ছিল না । সে দেখি গভীর নিদ্রামগ্ন,—নাসিকা ভীষণ কলবর-রত ।

চাদরের মালিক চমকিত ভাবে বলিয়া উঠিলেন—“একি ! রোগী নাকি ? আমি বলি—আশেপাশে কোলা-ব্যাংয়ের আড্ডা আছে ! মানুষ ?”

\*

\*

\*

গাড়ি ঘাটে পেঁছতে যখন জাহাজে গিয়ে ওঠা গেল তখন ভোর ;—রাতের ঘোর সম্পর্কে কাটে নাই । পাহাড় আর জঙ্গল ঘেরা কোলাহল শূন্য গাঙ্গীঘের মধ্যে মৃদু বায়ু স্পর্শে গঙ্গার ঘুম ভাঙিতেছে । কি প্রশান্ত পবিত্র দৃশ্য !

জয়হরির দিকে চাহিয়া বলিলাম—“এই সময়—যোভগবৎ চিন্তা সম্বন্ধে অসাড়, তারও ভগবানের নাম আপনি আসে”—

“ঠিক বলেছেন,—তা খুব আসছে মশাই, ঘন ঘন আসছে । উঃ—উহু-হু, রক্ষা করো মা !”

দুই কৌকে হাত দিয়া ঝুঁকিয়া পড়িল । চঞ্চলভাবে এধার ওধার করিতে লাগিল । আমি তখন একটু অন্যমনস্ক ।

রাশি খুলিয়া বাঁশী বাজাইয়া জাহাজ ছাড়িয়া দিল ।

সহসা জয়হরি ছুটিয়া আসিয়া ব্যথা-বিকৃত মুখে বলিল—

“করছি ত’ খুব,—নামে যে আর রোকে না, মশাই ! গরম দুধ না খেয়ে বেশ করে—উহু—বাপু—”

দেখি—ঘামিতেছে ।



“একি,—কি হোল?”

“হরিন, —কিস্তু হবেই মশাই। —বেহার ফর্ বেহারিজ ( Behar for Beharis )  
ওদের দুষ ওদেরই সয়। —ও —রে বাগ্—রে মা, কোন প্রকারে বাড়ী পৌঁছে দাও,—  
বাড়াবাড়ি না হয়।

\*

\*

\*

ও-পারে মনিহারী। মনিহারী পৌঁছিয়া —ঘণ্টাখানেক অপেক্ষা করিতে হয়।

জয়হরির যখন সাক্ষাৎ পাইলাম—চেনা ভার। মস্তকাঁদি মায় চন্দ্র-পর্যন্ত সাক্ষ-  
মুণ্ডন করিয়া গঙ্গা-স্নানান্তে আর্দ্রবস্ত্রে উপস্থিত। বাঁ হাতে বড় বড় গল্‌দা চিংড়ি—  
দু’ ডজন হইবে। প্রথমে দর্শনে চিনিতে পারি নাই। সে-ই কথা কহিল—

—“পাপ পুণ্যতে নেই মশাই—গঙ্গার ওপর...। মা একজন সদ্ব্রাক্ষণও জুটিয়ে  
দিলেন। তাঁর কাছে বিধান নিয়ে...

—“আর—এই দেখুন না,—খুব সম্ভা,—এক টাকায় মিলে গেল। দেখে মা খুব  
খুসী হবেন। ১২টার মধ্যে ত’ পৌঁছুব—আজই ভোগ লাগানো যাবে।”

আমি ভাবিয়া আকুল হইতেছিলাম—একটা কিছু না ঘটে। আজই ভোগ লাগা-  
বার কথা শুনিয়া অবাক এবং আশ্চর্য্য দুই-ই হইলাম।

“এইবার ত’ কিছু খেতে হবে,—পেটে আর কিছু নেই মশাই।”

এ অবস্থায় বৃদ্ধি বাক্য একদম অচল—কেউ কাজ দেয় না। তবু বলিতে হইল—  
“এখানে ভালো খাবার পাওয়া যায় না, গাড়িও ছাড়ে ছাড়ে, কাটিহার পৌঁছে  
যা হয় করো।”

গাড়ি ছাড়িল।

পাশ দিয়াই একটি ফোঁটা তিলক কাটা লোক, এক সাজি আন্ডা লইয়া যাইতে  
ছিল। জয়হরির তাহাকে দেখাইয়া কলিল—“ঐ সেই ব্রাক্ষণটি,—চার আনাতেই খুসী  
হলেন।”

দেখিয়া বৃদ্ধিলাম—রেলের কোন সাহেবের মান্দাজী কি উড়ে বেহারা! —ভাঙি-  
লাম না।

“ধর্মকর্ম এ সব দেশেই আছে মশাই।”

আমি সিগারেট ধরাইলাম।

\*

\*

\*

ট্রেন কাটিহার পেঁছিছেতাই পেঁড়ার পাত্রটির কাণা ধরিয়া বদলাইয়া জন্মহারি নামিয়া পড়িল।

বদ্বিলাম—প্রসাদের কণিকা মাত্রও অবশিষ্ট নাই,—শিহরিয়া উঠিলাম! পথের-থোয়ায় পরিণত—সেই ‘ম্যাকাডামাইজিং মোর্টিরয়েল’ তাহার পেটে গিয়াছে।

আর ঘণ্টা দুই কাটিয়ে দাও ঠাকুর!

“তীর্থ থেকে ফিরছেন, পাড়ার সকলকেই প্রসাদ দিতে হবে ত’!” বলিতে বলিতে—রসাগল্লো পূর্ণ পাত্র লইয়া ফিরিল।

“বেশ করেছ ওতে আর হাত দিওনা” বলিয়া অন্যদিকে চাহিয়া রহিলাম।

সহসা—“এই—ওরে এই বর্বর (Barbar) দাড়িতে কামিয়ে দে’যা!”

দেখি,—সে মূখের দিকে তাকাইয়া, একটু হাসি টানিয়া,—“বাওরা হায়” বলিয়া চলিয়া গেল।

“ছোট লোকের তেল হয়েছে দেখেছেন,—মেমেরা চুল ছাঁটাচ্ছে কিনা! আচ্ছা বেটা, পেঁছেই self shaving (স্ব-চাঁচ্) সরঞ্জাম কিনছি। একটা পছন্দ করে দেবেন ত’!”

বিরক্ত হইয়া বলিলাম—“কি পাগলের মত বোকচো ও কামাবে কি! এখনো এক ঘণ্টা হয়নি ভুরু পর্যন্ত ভাসিয়ে এসেছ যে!”

তখন মুখে হাত বদলাইয়া বলে—“ও তাইতো,—ঠিক ধরেছেন! কখন দেখলেন, আপনি ত’ তখন ছিলেন না!—

বেটা কখন কামালে বদ্বতেই পারিনি! একি আমাদের মধু নাপিত—জ্বালায় তিনদিন জানিয়ে রাখবে!—”

—“সেই সময় আবার গলদা চিংড়িগুলো এসে পড়েছে—উঠে না যায়, জোর নজর রাখতে হয়েছিল কিনা!”

অদূরে সেই বাব্বারকে লক্ষ্য করিয়া—“যা বেটা—বেঁচে গেলি,—ও-সব আর কিনছি না!—”

—“ওরে—এই পান,—দো’ পরসাকা দেও। খাবার অনেকগুলো খেয়ে ফেলোঁছ, গা’টা কেমন করছে!”

গাড়ি ছাড়িল।

বেলা এগারোটা আন্দাজ পূর্ণিমা স্টেশনে পেঁছিলাম।

এখনো আছে,—ঐচ্ছক ছক্কে চার মাইল। ভীষণ এইটাই,—অস্থি স্থানচ্যুত

হইবার দ্বাসে প্রাণ ঘাহি ঘাহি করিতে থাকে ; মেরুদণ্ডের খিল আলগা হইয়া তিলে মারে । দৃ'ফুট খাড়ায়ের মধ্যে ঢ'্যাঙা মানুষের সোজা হইয়া বসা সম্ভবই নয়,—তিন মাসেই খনক !

\*

\*

\*

বাসার সন্মিকট হইতেই জয়হরি গল্‌দাচিঙির গোছা লইয়া তড়াক করিয়া নামিয়া —“মৎস্য মঙ্গল সূচনা করে মশাই” বলিতে বলিতে দ্রুত অগ্রগামী হইয়া গিয়া,—আমার পাঁচ সাত মিনিট পূর্বেই গৃহ প্রবেশ করিল ।

ভগবানের অসীম কৃপায় এই অসম্ভব সম্ভব হইতে দেখিয়া গাড়ীতে বসিয়াই তাঁহাকে স্মরণ করিলাম ।

ছক্কড় ছাড়িয়া ভূমিষ্ট হইতেই—দ্বার পথে দয়িতা দেখা দিলেন,—বোধ হয় অভিনন্দনার্থে ।

---

# আমরা কি ও কে

আমরা কি ও কে

[ ১ ]

ঘটনাটার পর প্রায় চল্লিশ বছর চলে গেছে।

সেদিন বিভূ-স্কয়ারে বিশ্বেস-মশার লেকচার;—subject ( বিষয়টা ) ছিল—  
“আমরা কি ও কে” ? সময়—বেলা তিনটে।

দিনটা শনিবার থাকায়—কলেজের ছেলের স্কয়ার ছেয়ে গেল। আপিসের লোকও  
এসে পৌঁছে গেল।

বক্তা বিশ্বেস-মশাই—তখনকার বড় বাগ্মী বাঁড়ুয়ো-মশার ডান্ হাত। যেমন গুরু তেমন  
চেলা। ঐর বক্তৃতায়ও চতুর্দিকে বাহবা পড়ে গেছে।

বক্তা তখন মধ্যম ছেড়ে পশ্চমে পৌঁছেছে,—আমরা মুখ হ’য়ে শুনছি,—কানে গেল—  
“প্রসব বটে” ! ( admirable delivery. ) ফিরে দেখি—আমাদের কালাচাঁদ-খুড়ো !

বোর্গিন-সেন—সোনার-বেগে,—আমাদের ক্লাস-ফেলো,—কেবল তখন আমার  
কামিজ ধরে টান্চে। বিরক্ত হয়ে বল্লুম—“কি কর !” সে বল্লে—“কি ছাই শুনচো,—  
ঐ লোকটির আঁটিটে একবার চেয়ে দেখ ।” আমি পাপ মেটাবার তরে, একবার চেয়েই  
বল্লুম,—“হ্যাঁ—তা কি হয়েছে ?”—সে বল্লে—“ওটা কিসের বল’দিকি ?” বক্তার  
দিকে কান খাড়া রেখেই বল্লুম—“সোনার”। এবার সে বিরক্ত হয়ে বল্লে—“সেটা সবাই  
জানে,—পাথরখানা কি ?” জ্বালাতন হয়ে বল্লুম —“আমার তা জেনে দরকার ? বামণের  
ছেলে—বাণলিঙ্গ, শালগ্রাম আর গন্ধেশ্বরী চিন্লেই হল ; মাপ্ কর’ ভাই—শুনতে  
দাও ।” সে বল্লে—“অমন একখানা বেদাগ্ হীরে দেখতে পাওয়া যায় না ।” আমি আর  
উত্তর দিলুম না।

বক্তা তখন তিনপো পঞ্চ পেরিয়েছে। বক্তা খুব জোর-গলার শুনিয়ে দিলেন—  
“আমরা সেই ভীমার্জুনের বংশ। নদী তার উৎস-মুখ হ’তে যত সুদূর হয়ে পড়ে, ততই  
তার বেগ মন্দীভূত হয়ে আসে, কিন্তু সর্বদাই তার সত্তা এক,—প্রয়োজনে তা প্রকাশ পায়।  
ইচ্ছা হলেই পদ্মা আজো শত শত গ্রাম নগর সৌখ্যাদি, অবলীলাক্রমে গ্রাস ক’রে থাকে।  
যদিও আমরা বহুদূরে এসে পড়েছি, কিন্তু আদি যে আমাদের সেই ভীমার্জুন,—মাঝে  
মাঝে বাঁধন দেখলেই তার প্রমাণ পাওয়া যায়,—রাজা গণেশ, সীতারাম, কেশব রায়,  
প্রতাপাদিত্য, আশানন্দ, রঘু ( ডাকাত ), মোহনলাল প্রভৃতি। জেনো—কিছুই হারাননি।  
সেই বল্, সেই বীরা, সেই সাহস,—এই দেখে—এই ধমনীতে অন্তঃপ্রাণা বর্তমান।

দয়কার হলেই সব জেগে উঠবে—সব দেখা দেবে। কেবল একটু অনুশীলন, আর শরীরের দিকে দৃষ্টি রাখা চাই। বল্ বাড়াও। ঘি, দুধ, মাংস খেলেই বে শক্তি আসে, আমি তা স্বীকার করি না। দ্বাদশ বর্ষ বনবাস কালে, কখনই পাণ্ডবদের ঘি, দুধ জোটে নি ; আর তাঁরা যেরূপ কৃষ্ণভক্ত ছিলেন,—নিশ্চয়ই পাঁটা খেতেন না। তোমরা যা-ই খাওনা কেন,—সকলে এক এক মুঠো ভিজে ছোলা খেতে ভুলো না। তোমাদের কাছে আজ আমার এই শেষ অনুরোধ।” ইত্যাদি। ঘোর কন্নতালির মধ্যে ভিড় ভাঙলো।

বলাই নিম্নপ্রয়োজন যে বক্তৃতাটা বাংলায় হয় নি। সেদিন বিচ্ছেদ মশার মুখ যেন ভিসুইডরসের ফাটল্ হয়ে দাঁড়িয়েছিল,—ইংরেজির আগুন ছুটে গেল।

দেখি অনেকেই মুষ্টি দৃঢ়বদ্ধ করে, ঘুরিয়ে ফিরিয়ে দেখচেন। সেদিন কান্নুর আর মাজা-ভাজা চাল্ দেখলুম না।

\*

\*

\*

\*

আমরা হাওড়া রেলের Daily-passenger (রোজকার যাত্রী) ; তায় আজ শনিবার,—রেল-মুখো লোকই বেশী। সাড়ে পাঁচটার ট্রেন ধরাবার মতলব সকলেরই। সকলেই দলে দলে বস্তা আর বক্তৃতার প্রশংসা করতে করতে চলেছে। কেহ বল্চে আলবৎ Oration (বক্তৃতা বটে) ; কি pronounciation (উচ্চারণ)।—তের্মনি কি accent (দমক) ! একজন বলেন—“অমন একটা “notwithstanding” কেউ বলুক দিকি।” অপর একজন বলেন—“আর ঐ doomed কথাটা,—ওঃ—এখনো যেন মগজের মধ্যে বোঁ বোঁ ক’রে vibrate করচে (কাঁপচে) ! ইত্যাদি—

দেখি কালাচাঁদ খুড়ো কাঁ-ক’রে তাঁর মোমজামার কোটটার (সেটি আলপাকার হলেও অথুনা মোমজামার বৃণান্তরিত হয়েছিল) —একটা আন্তুন আম্ল গুটিয়ে, বাহুটা right-angleএ (সমকোণে) তুলে ফেক্সেন্।

জিজ্ঞাসা করলুম—“কিছু ঢুকলো নাকি ?” তিনি উত্তর করলেন—“না বাবাজি ; গুলটো একবার দেখেছিলাম,—সেই ভীম-গুল্, বেমালুম হয়ে ব্যাকারি দাঁড়িয়ে গেছে বাবা। ছোলা খেতেই হল।” একটু চিন্তার পর,—“সকলের ধাত সমান নয়—তাই ভয় হয়।”

সারঙ্গা ক্যাছলে পড়ে, সে বলেন—“কেন তাতে ভয়ের কি আছে ! যেমন সইবে তের্মনি খেলেই হ’ল। উনি ত’ আর বলেননি—সবাইকে সমান খেতে হবে।”

খুড়ো বলেন—“জাত বুকলুম, কিন্তু কথাটা কম বেশী নিয়ে নয় বাবাজি। ওই ভিজে ছোলা খেয়ে ঘোড়াগুলো—বলের থারমামেটর্ দাঁড়িয়ে গেল ; সিঁজি শার্দুল হটে গেল ; বড় বড় বলের হিসেবটা Horse-powerএর (অশ্ববলের) তুলনায় বুকতে হয়,—Tiger-power কি Lion-power এর (বাঘ সিঁজির বলের) নামও কেউ করে না।

জিনিষ খুব ভাল,—কিন্তু খাত আর জাত বুঝে বাত্ । তোতাগুলোও ঘোড়ার মতই ভিজ্জে-  
হোলা ঝার, আর বড় বড় বুলি আওড়ায়, কই পায়ের ছেকলটাও ত' হিঁড়তে পারে না ;  
—তবে বলা যায় না, হোলা খেতে খেতে কালে তারা পক্ষীরাজ ঘোড়ার দাঁড়িয়ে যেতেও  
পারে !”

এই ব'লে, মাথা তুলেই খুঁড়ো হঠাৎ চোমকে,—দু'হাত জোড় করে শূন্য নমস্কার  
করলেন ।

চেয়ে দেখি—পশ্চিম কোণে পাহাড়ে মেঘ মাথা তুলচে ।

নরেন বল্লে—“ওটা কি হ'ল ?” খুড়ো উত্তর করলেন—“ঐটেই চাকরির মূলধন  
বাবাজি ;—ওতে মেজাজটা একটু নোরমে দেয়,—ওটা মনদানের মনেন্ । জানি না ত'—  
যিনি দেখা দিয়েছেন, উনি কি মূর্তি ধরবেন, তাই আপ্তসারটা করে রাখলুম । আর কথা  
নয় বাপুধেনরা,—দু-কদম্ বেয়ে চল । বেগুন কেনা আর হ'ল না ।”

[ ২ ]

খুড়ো ছিলেন আমাদের পথের সন্তল,—ছিরামপুরের Daily-passenger ( নিত্য-  
যাত্রী ) । তিনি যে গাড়ীতে উঠতেন, সে গাড়ীতে লোক ধ'রত না—কেবল দু'টো কথা  
শুনতে । পথে খুড়োকে কখন একা যেতে দেখিনি,—সাথে দু'চারজন আছেই । সময়  
কাটাবার এমন সঙ্গী দুনিয়ার দু'চারটি । দুঃখের দুর্বহ জীবন, তাঁর হাওয়ার হাল্কা হয়ে  
যেত । কিন্তু খুড়োকে কখন বাজে কথা কইতে শুনিনি । তাঁর কথা অনেকে কেবল  
উপভোগই করত—সেটা যে সেরেফ ফাঁকা কথা নয়, সেটা যে সঙ্গে সঙ্গে লক্ষ্যভেদও করে  
চলেছে, সে দিকে সকলের নজর প'ড়ত না ।

যা'হক—হঠাৎ মেঘটা মাঝে পড়ে কথাটা বন্ধ ক'রে দিলে । আমরা বিশগজ এগুই  
ত' মেঘে যেন নাগিনীর মত ফণা বিস্তার ক'রে বাইশ গজ তেড়ে আসে । যখন তার  
প্রলয় নিশ্বাস এসে গায়ে লাগলো, তখন আমরা পোলের কোলে পা বাড়িয়েছি মাথ ।

উনোপগাশ বায়ুর মধ্যে আজকাল দেখতে পাই কেবল—দমকা-হাওয়া, ঝড়ো-হাওয়া,  
পাগল-হাওয়া, উতল-হাওয়া, এই ক'টাই লেখকদের কাছে বেশী রকম বাওয়া আসা  
করছে । মলর সমীর, মৃদু বার, মন্ম মাবুত'টা মন্মা পড়ে এসেছে । কিন্তু সেদিন  
আমাদের যে হাওয়াটা এসেছে—লোগেছিল, সেটা বোম হয় বেদম-হাওয়া, কি বেদমকা-হাওয়া  
ছিল । প্রথম দাপটেই সে আমাদের দম বন্ধ করে দিয়ে, এমন বাহাল হয়ে রইল যে,  
সকলকেই পেছন কিয়ে বসে পড়তে হল । সে হাওয়া-পারের পথের ধূলা সঙ্গে ক'রে  
এনে—ছাড়িয়ে চোখ মুখ বুজিয়ে দিলে ; ঐ সঙ্গে ওপারের পথের পাখর-কুঁচি নিয়ে

Volly fire ( ছট্‌রা ছাড়তে ) আরম্ভ করে দিলে । বৃষ্টিটাও সঙ্গে আর সতেজে অজস্র শরের মত এসে প'ড়ল । সে কি প্রলয় সংগ্রাম !

কেউ তখন পোলের মুখে, কেউ কিষ্কিৎ এগিয়ে । কিন্তু কেহ ফিরে কোথাও আশ্রয় খুঁজলে না,—বসে বাঁধা-মার খেতে লাগল । সেই আকাশ ভরা ঘনকৃষ্ণ মেঘ,—রগচাঙকার মূর্তি ধরে, তাঁর তাড়নার-তৃণ শূন্য ক'রে ফেলতে লাগলেন ; কিন্তু বাড়ীমুখো ভীমের বংশের—দ্রুক্ষেপ নেই । গর্তে মুখ ঢোকালে সাপকে যেমন টেনে বার করা যায় না, এই প্রলয়ঙ্করীও এদের পোল থেকে পাছু হঠাতে পারলেন না । কেউ আর কলকাতার মাটিতে পা-টি বাড়ালেন না ।

এটা আমাদের দেহের শক্তি, কি মনের বল, ঠিক বেঝা গেল না ;—সেই টেনে বাড়ী যেতেই হবে । কেন ? কি শাস্তি, কি ঐশ্বর্য সেখানে অপেক্ষা করে আছে ? টেনে স্থির হয়ে বসবার পর, এই প্রহরা যখন ওঠে, তখন খুড়োই বলেছিলেন—“দারুণ দৈন্য আর রোগ শোক অনটন বুকে ক'রে, যে একখানি জীর্ণ শীর্ণ স্নান মুখ,—প্রসন্নতার প্রলেপে বিষন্নতা ঢেকে, দিনের পর দিন নীরব সেবায়,—সেই স্যাঁতসেঁতে বাড়ীর একটু-খানি উঠোন, দু'খানি কুর্টার আর দাওয়া-টুকুতে অবিশ্রাম ঘুরে ঘুরে কাটাচ্ছে,—শত অশান্তির মধ্যে সে-ই আমাদের টেনে নে-যায় ।” কথাটা শুনে সেদিন অন্তর থেকে নমস্কারটা খুড়োর পায়ে গিয়ে ঠেকেছিল । খুড়োর পাজরাগুলো ঝাঁঝরা ক'রে দেশের কত বেদনাই যে বাসা বেঁধে ছিল, তাঁর ভাষায় তা ধরা প'ড়ত না ।

আমাদের সঙ্গে একদল ইউরেন্সিয়ান কেরানীও ঢুকে পড়েছিলেন ; এ'রাও Daily-passenger ( নিত্য-যাত্রী )—কেউ গীরাপপুর, কেউ হুগলী, কেউ চম্পননগর থেকে আসতেন । বোধ হয় আমাদের সাহস দেখে,—পেছু হঠে নীচু হতে পারেন নি ।

পাঁচ সাত মিনিট বাঁধা-মার খাবার পর আর পারা যাচ্ছিল না । কে একজন বলে উঠল—“আর না—forward,—এগিয়ে পড়া ।” খুড়ো বল্লেন—“কিন্তু sitting march, rather—গুঁড়িমেরে মার্চ বাবাজি ।” উঠে পড়ে সকলেই গতিশীল হওঁঃ গেল,—কিন্তু গৌড়ির চালে ।

পোলের পাখানা ( wings ) পার হয়ে ফাঁকায় পড়তেই—ঝড়ের প্রভাবটা পাঁচগুন বেশী বলে বোধ হ'ল । ভিড়ের মধ্যে দু' এক জন বৃদ্ধও ছিলেন । তাঁরা ছাতা খুলতেই ফুটপাথ থেকে ঠিকরে মাঝপথে চিড়-প্যাং । সঙ্গে সঙ্গে ছাতাগুলো হাত ছাড়িয়ে হাউইয়ের মত উড়ে যে কোথায় গেল, কেউ দেখতে পেলে না । কেবল—ভীত বিপন্ন বৃদ্ধদের মুখে—“মখুসুন, মখুসুন” রব্ বার দুই শ্রোনা গেল । ফিরঙ্গীদের দু'তিনটে টুপিও মা-গল্লা নিলেন ।

খুড়োর কথাই সবাইকে মানতে হল, গুণ্ডি-মার্চ ছাড়া গতি রইল না। জলের বাপ্টার পম বন্ধ হয়ে যায়—বুর্চাতিয়ে চলবার জো-নেই। কেউ রেলিং ধরে, কেউ উবু হয়ে, কেউ গুণ্ডি মেরে (যেবা সাধ্য হয়) চলা গেল;—এই “মুরারেশ্বরী পছা” পর্বন্তই বাস, —চতুর্থ কিছু ছিল না।

এই ভাবে প্রায় আড়াই-পো পোল পেরিয়ে দেখি—বিশ পাঁচ জনের জমায়েৎ;—সরেও না, দাঁড়ায়ও না, কেবল পা-ঘষে, আর পোলের মাঝে চায়। চেয়ে দেখি—কামিজ গায়ে এক জোয়ান পুরুষ গাড়ীর পথে পড়ে হাত-পা ছুঁড়ে! পড়ে গিয়ে এমন হয়েছে, কি ওপরদে গাড়ী গিয়েছে, জিজ্ঞেস করে কারুর জবাব পাই না। সকলেই ‘জানি না’ বলে, আর স্টেশনের দিকে চলে। সে ভিড় সাফ হয়ে গেল।

খুড়ো নাবতে, আমরাও ‘ফুটপাথ’ ছেড়ে নেবে পড়লুম। গিয়ে দেখি—সুন্দর এক বলিষ্ঠ বুবা, দাঁতে দাঁতে লেগে গেছে, কস্ বেয়ে দু’চার ফোটা রক্তও গড়াচ্ছে। ব্যাপার কি?

খুড়ো সকলের দিকে চেয়ে বলেন “ঠেনে ত’ প্রায়ই দেখতে পাই,—কেউ চেন হয়।”

শুনেই অর্ধেক লোক সোজা পাড়ি দিলে, বাদবাঁকির মধ্যে দু’তিনজন মুখ চাওয়া-চাউই করতে লাগলো। খুড়ো তাদের বলেন “চেন কি?” একজন আম্ত-আম্ত করে করে বলে—“হ্যাঁ-তাঁ ও আমাদের কেউ নয়,—ও কোমগরের কিশোরী।”

খুড়ো—“ওঃ, তবে ত’ কেউ নয়-ই।”

খুড়োর কথা সাক্ষ না হতেই তিন জনেই হাওড়া মুখো হ’ল! দুরোগ তখনো সমানই চলেছে।

দলে দলে লোক কোঁকে,—উঁকি মারে আর চলে যায়। এদের অনেকেই বিড়ন-স্করারের ফেরৎ। কেউ বা বলে—“এস হে—আমরা আর কি কোরব?”

শুনে খুড়ো বলেন—“সে কি! আমরা সেই ভীমের ডাইলিউটেড্ ডিম্—ছোলা চালালেই ফুটবো, নিজেকে চিন্তে পারব! একবার হাতটা লাগাও না—”

তাদেরও একজন বলে—“এ যে কোমগরের কিশোরী!”

খুড়ো—“বটে!—ব্রজের প্যারী নয়?—তবে থাক্। এর কেউ আলাদা।”

এ দলও সরে গেল। কিন্তু দাঁড়িয়ে থাকার দুরুর। কেবল খুড়োর খাত্তরে—মহেন্দ্র, সাতকড়ি আর আমি তখনো খসিনি।

খুড়ো বলেন—“দূরে কিছু দেখাও যাচ্ছে না, ঘোড়ার গাড়ীর শব্দও পাচ্ছি,—এর ওপরদে না চলে যায়। একবার হাত লাগাও ত’ বাবাঁজিয়ে—ফুটপাথ ঘেঁষে রাখবার চেষ্টা করি।”

চারজনে অতিকষ্টে সে কাজ করা গেল; কিন্তু দাঁড়ান’ ত’ আর যায় না। দেখিচি—



খুড়ো কিন্তু উবু হয়ে, বরাবর পিঠের ওপর ঝড়ের সব বেগটা স'লে, কিশোরীর নাক্ মুখটা বাঁচাচ্ছেন,—দম বন্ধ হয়ে না যায়। সে সময়েও খুড়োর খোস-মেজাজ কিন্তু ঠিকই আছে ;—তিনি বলেন—“কিছু ভেবনা বাবা, ও জ্যাঁড়নের বাড়ীর কেরাণী—যমের অধিকার নেই। কেরাণী মরে না,—সাহেবের sanction ( মঞ্জুরী ) চাই।”

কিশোরী তখন কাট-মেরে গেছে, হাত পা ছোঁড়া আর নেই।

[ ৩ ]

সেই তুমুল তাক্তবের মধ্যে হঠাৎ কানে এল—“The hollow Oak our palace is,—Our heritage the Sea—”

খুড়ো বলে উঠলেন—“দেবতার আওরাজ না ?”

চারিদিক চাইলুম। দেখি—ও-ফুটপাতে এক দৈত্য-মূর্তি সেলার ( Sailor ) টলতে টলতে কলকেতার দিকে ফিরেছে। তিন পা এগুচ্ছে, দু'পা পেছুচ্ছে মাঝে মাঝে—“Come on” ( চলে এস ) বলে শুভের মত দাঁড়াচ্ছে, আবার জোর গলায়, বুক চিতিয়ে বলচে—“Come in all your fury” ( যত তেজ আছে সব নিয়ে এস )। পরে—হো হো করে হেসে, গান ধরে এগুচ্ছে ! সে যেন খেলা পেয়েছে,—আমোদ দ্যাখে কে !

একটা লাসের সামনে আমাদের জটলা, হঠাৎ তার নজরে পড়ায়,—ছুটে গিয়ে তিনপাক্ খেলে, কাছে এসে হাজির। বলে,—“what is up here,—a murder ?” ( ব্যাপার কি—খুন ? )

আমরা তিনজন ত' ভরেই আড়ক ;—পূর্বাপরই ধারণা—সেলার—গণ্ডার জাতীয় এক বিলিভী জানোয়ার। ওদের কাছ থেকেও—“শত হস্তেন”ই সমীচীন ব্যবস্থা।

খুড়ো কিন্তু সরাসরি উত্তর করলেন—‘Fit’ Sir—Senseless Sir ( ফিট্ হয়ে অজ্ঞান হয়েছি হুজুর )।

এখানে একটা কথা ব'লে রাখা দরকার। খুড়ো একদিন বলেছিলেন—“ইংরাজিতে দখলটা পাকা ক'রে নেবার জন্যে, অনেক কষ্টে ষাড'ক্লাসে তিন বছর কাটাই। থাকতে কি দায়। ইনিম্পেক্টার রাথিকেবাবু বোধ হয় ভয় খেয়ে গিছলেন, ভেবেছিলেন তাঁর চাকরির ওপর আমার চাক্ পড়েছে ! তাই মা-সরস্বতীর সেরেস্টা থেকে, সর্বিনয়ে আমাকে সরিয়ে দান। ভাবলুম—দূর হ'ক্গে—লোকের উপকার করাই ভাল।”

খুড়ো কথা কইতে, সাহস পেয়ে চলে দেখি,—বছর পঁচিশেকের এক ছ'ফুট লম্বা শূবা ! কবজি দু'টো,—আমাদের দেশে যারা দু'বেলা খেতে বসে,—তাদের পায়ের-গোছের মত। চোখ, নাক, ভুরু দেখে, কোথাও ভয়ের কিছু পেলুম না।

বুকের আড়াল দিয়ে, ঝড়ের ঝাপ্টা থেকে কিশোরীর নাক্ মুখ বাঁচাতে দেখে,

সেলার বলে—“He should at once be removed under a roof or he would be choked—( একে স্বয়ং ছাত্তের নীচে না সরালে, দম বন্ধ হয়ে মারা যাবে )  
তুমি এমন করে কতক্ষণ থাকবে my brave boy !” ( আমার বীর বালক )।

খুড়ো বলেন—“Not boy, Sir,—father of 5 boys—my লাট্ !” ( বালক  
নই—পাঁচ ছেলের বাপ হুজুর । )

সেলার খুব হেসে বলে—“My heartiest congratulation,” ( তাতে আমি  
আন্তরিক আনন্দ প্রকাশ করিচি ) ! সঙ্গে সঙ্গেই বলে—“I must take him under  
a shade”—( আমি একে আচ্ছাদনের নীচে নে'যেতে চাই । ) এই বলে একবার  
চারিদিকে চাইলে ।

খুড়ো—“You my লাট্,—you can keep, you can take—from ব'টী-বাটী  
এন্তেক্ life” ( হুজুর তুমি রাখতেও পার, তুমি নিতেও পার—ব'টী-বাটী থেকে জন্  
পর্বন্ত ।— )

সেলার একটু অবাক হয়ে হাসিমুখে বলে—“Then I can do as I like—yea !”  
( তা' হলে আমি যা ইচ্ছে করতে পারি—ঠিক ত' । )

খুড়ো,—Of course, your wholesale charge Sir ! We—your very  
very great trust my লাট্ । ( নিঃসন্দেহে, আমরা সবাই তোমার পাইকারী-খরিদ  
মাল খোদাবন্দ,—তোমার মস্তবড় জেখার জিনিষ । )

সেলার তার কোট্টা ফড়াং ক'রে খুলে ফেলে—“Well my generous lad,  
keep it, but take care of its contents,—will you ?” ( ওহে উদার  
বালক, এটা রাখো, দেখো এতে যা আছে ঠিক্ থাকে,—পারবে ত' । ) বলেই—কোট্টা  
খুড়োর হাতে দিলে ।

খুড়ো—হাত বাড়িয়ে কোট্টাট নিতে নিতে বলেন—“Our 14 generation lad  
Sir, we remain forever lad Sir.—No fear Sir—your thing my hing  
—no difference my লাট্ !” ( আমাদের চোন্দোপুরুষ বালক, আমরা চিরকালই  
বালক রইব হুজুর । কোন ভয় নেই,—আপনার জিনিষে আমার জিনিষে তফাৎ লবেন  
না প্রভু । )

সেলার হেসে—“Don't be too kind my good chap” ( অতি ভক্তি দেখিও  
না বন্ধু ) বলতে বলতে কিশোরীর সেই স'দুমান সেহ কাঁধে ফেলেই ইন্টেশন মুখো  
চোলে । যেন ঘুমন্ত শিশু বা 'ওভারকোট্টা' কাঁধে ফেলে । আর—

“I am king Neptune bold,  
The ruler of the seas”

গাইতে গাইতে চোলল কি ছুটলো, সেটা ঠিক বুঝলাম না। কারণ আমরা ছুটে গিয়েও তার সঙ্গে ছুটতে পারলুম না।

এতটা ব্যাপার, দু'তিন মিনিটের বেশী নেইনি, বা সেলার সাহেব নিতে দেখনি।

পথে খুড়োক কল্লুম—ভীমের বংশ এরাই। খুড়ো কি ভাবছিলেন, অন্যমনস্ক ভাবে বলেন,—“হু—হিড়িমা পর্যায় ;—হতাশ হ'য়েনা বাবাজি।”

বল্লুম—“আপনি ওকে ‘লাট লাট’ করেছিলেন কেন?” খুড়ো বলেন, “সে অনেক কথা। এরা সুধু লাট নয় বাবাজি—মহিলাট, যেমন মহিরাবণ। এ আমাদের সিঁদুরচূড়ি প্যাটার্ন—পরের খোলোস-পরা, এ'টো খাওয়া বুটো লাট নয় যে, দু'টো আসুর চুষে ঠাণ্ডা লেগে, হাঁচতে গিয়ে ফুশ্ফুশটা গোড়া হিঁড়ে ফড়াং ক'রে ছিটকে বেরিয়ে যাবে!—হোলা খাও, হোলা খাও বাবাজি!”

## [ ৪ ]

আমরা অবস্থার যখন ষ্টেশনে পৌঁছলুম, তখন আর কথা বেরুচেনা। কিন্তু আড়াইমোন মোট নিলে—দুর্যোগের বিরুদ্ধে খাড়া-পাড়ি মেয়ে, সেই অসুরমূর্তিটি অনেক আগে এসে হাজির হয়েছে। দেখি—সেলার সাহেব বাইরের দিক ঘেঁষে প্রাট্‌ফর্মে পা ছাড়িয়ে বসেছে,—কিশোরীর মাথা তার উরুতের ওপর। কিশোরী ভিজে জামাটা পাশে প'ড়ে—, তার গায়ে একটা ফ্রান্সের শার্ট, আর পায়ে একখানা Rug ( বিলিভী কবল ) ঢাকা। শুনলুম আমাদের কিশোরী-দ্রাভা, ইন্টেনশনের এক সাহেব কর্মচারীর কাছে ওই দু'টি loan ( ধার ) নিয়েছে। দূর থেকে দেখি—হাতে একখানা রুমাল, সেখানি কিশোরীর কপালে আর ঘাড়ে এক একবার বুলুচে। কিশোরীর তখন স্তম্ভন হয়েছে, কিন্তু উঠতে দিচ্ছেনা।

ট্রেন যাত্রীরা দলে দলে আসছে আর ভিড় করে ব্যাপারটা দেখবার জন্যে বু'ক্চে। সেলার সাহেব উগ্রমূর্তি ধরে বজ্রনাদে বলছেন,—Clear out you crammers, don't choke air.” (ভিড় ভাঙো. হাওয়া বুকোনা)—অর্থাৎ সব চিহ্নিয়ে এ-ওর ঘাড়ে পড়চে। কেউ পেছু হটতে হটতে, কেউবা সরে পড়তে পড়তে বলচে,—“বেটার যেন বাবার ইন্টেশন!” অন্য এক বাক, তাড়া খেয়ে বলচে—“ইস্—বেটা যেন কতবড় কাজই করেছে,—আ—মন্‌ ব্যাটা, আল ত' কেউ পারেনা!—বাহাদুরীর জায়গা পারনি!”

দেখি—খুড়ো তাদের সঙ্গে যোগ দিয়ে বলছেন—“তাইত, আস্পন্দাটা দেখ। বেটা যেন মাথা কিনে বসেছে, কে ওকে সাহ'তে গিছলো। আর ক'রবেনাইবা কেন—টেক্সো ন্যায়না। আমরা যে নড়ি চড়ি—ব্যাটারের ভাগি। নিজের হাতে ভাত তুলে খাই,—বেইমানদের লজ্জা করে না, আবার কথা কর! ভগবান্‌ আছেন,—মোরবে ব্যাটারী!”

খুড়ো আরম্ভ করতই সব আদফেরা হয়ে দাঁড়িয়ে ছিল ;—খুড়োর উচ্চাসটা না  
আমতেই—একজন বল্লেন—“ঠিক বলচেন,—থাকতো এখানে জিতেন বাঁজুযো ত’—”

এমন সময়, খুড়োকে দেখতে পেরে—সেলার সাহেব হেসে বলে উঠলেন—“Hallo—  
I expected you in a pawn-brokers ! Sold out my all I believe ( সব  
বেচে মেরেচো ত’ ! )

খুড়ো এগিয়ে বল্লেন—“No fear Sir, kept in belly, Sir—(ভন্ন পাবেন না—  
সব আমার পেটেই আছে ! )”

সেলার সাহেব চোখ মুখ বিস্ফারিত করে বল্লেন—“In belly ! By Neptune !  
You wonderful chap,—am chilled right through bones,” ( পেটে !  
বল কি ! অদ্ভুত লোক দেখছি, আমার হাড় হিম্ন হয়ে গেল যে ! )

ইতিমধ্যে খুড়ো নিজের কোটটা তুলে, পেটের উপর থেকে সেলার সাহেবের কোটটা  
বার ক’রে দিতেই, সাহেব সাগ্নাহে কোটের চোর-পকেটটা টিপে দেখে—মহোন্মাদে বলে  
উঠলেন—“My life,—my all in it. Three cheers for you my jolly good  
Saviour”. ( বাঁচালে বন্ধু—আনন্দ রহো, ওইতেই আমার জান, ওইতেই আমার সর্বস্ব । )

এদিকে পয়লা ঘণ্টার বা পড়ল। সাহেব বল্লেন—“Now I must put him  
in” ( একে এইবার গাড়ীতে তুলে দি )। কিশোরীকে জিজ্ঞাসা করলেন—“তুমি  
উঠতে পারবে কি ?” কিশোরী উঠে ব’সল। সাহেব তাকে ধ’রে ধীরে ধীরে ইন্টার ক্লাসের  
সামনে গিয়ে দেখলেন—কোন কামরাই একেবারে লোকশূন্য নয়। একখানিতে কেবল  
একটি—চাপকান আর ঘড়ি-চেন ঝোলান’ বাবু, প্লাড্‌ফোর্ড-ব্যাগটি পাশে রেখে একাই  
বসেছিলেন। সেলার সাহেব তাঁকে ভদ্রভাবে বল্লেন—“আমি এই অসুস্থ যুবকটির জন্যে  
এ কামরাটি চাই। একে শূন্যে যেতে হবে, সঙ্গে দু’জন দেখবার লোকও থাকবে।  
আপনি একে নিরাপদে বাড়ী পৌঁছে দেবার ভার নেন ত’—আপনারও থাকতে কোন  
আপত্তি নেই।”

বাবুর নম্র বপু নাড়বার ইচ্ছা ছিল না, —তিনি আপত্তি তোলবার মুখেই ভার নেবার  
কথা শুনে, সফর ব্যাগটি নিয়ে, বিরক্ত ভাবে “কোথাকার আপদ—” বলতে বলতে সুড়-  
সুড় ক’রে বার হয়ে পড়লেন।—কারণ দুনিয়ার সকল আঁচ থেকে আত্মরক্ষা করাই  
বুদ্ধিমানের কাজ।

সেলার সাহেব তখন কিশোরীকে একদিকের গদির ওপর শূইয়ে দিলেন। সেই  
ফাঁকে পাঁচ সাত জন হুড়ুমুড় ক’রে সবগে ঢুকতে গিয়ে,—শেষটা প্ল্যাটফর্মের ধুলো  
ঝাড়তে ঝাড়তে, আর—“বেটার বাবার গাড়ী,—থাক্ত’ শ্যামাকান্ত ত’—” বলতে বলতে  
অন্যত্র ছুটলো।

হরিসভার সম্পাদক প্রাণহারি চক্রবর্তী—বড়বাজার হরিসভার নিমন্ত্রণ রক্ষা করে, ফুলের মালা গলার দিগে ফিরছিলেন,—তিনি বলেন,—“ধর্মহীন মদ্যপ, কাণ্ডাকাণ্ড জ্ঞান-শূন্য পশু বইত’ নর !” এই বলে ভক্তমালের একটা গ্লোক আওড়ালেন।

কোমলগরের চারু, পথেই কিশোরীর কথা শুনোঁছিল, সে ছুটে এসে বলেন—“আমি কিশোরীর cousin (খুড়তুত ভাই) আমি ওঁর সঙ্গে যেতে চাই,—ওঁর মিস্‌গী রোগ আছে।”

চারু বেশ লম্বা চওড়া গৌরবর্ণ বলিষ্ঠ যুবা। সেলার তার আপাদমস্তক দেখে, আনন্দে চারুর কাঁধে হাত রেখে বলেন—“Yes, you are the sort of man I was looking for. Now get in please”—(তোমার মত লোকই আমি খুঁজিছিলুম,—তুকে পড়।)

পরে খুড়োর দিকে ফিরে ঈষৎ হাসিমুখে—“You my Captain, you must go in too”—(আমার ক্যাপ্টেন, তুমিও ঢোকো) বলেই, shake hand (করমর্দন) করবার জন্যে হাত বাড়ালেন।

খুড়ো দু’পা পৌঁছিয়ে—বাঁ হাত দে ডান-হাতের কুঁহুটী কোসে ধরে, একটু বাড়ালেন।

দেখে সেলার বলেন—“What is up there,—abscess?” (ব্যাপার কি, ফোড়া নাকি?)

খুড়ো বলেন—Nothing Sir,—fear of separation Sir,—your kind shaking may end in breaking my writing hand, my লাট্। (নাঃসে সব নয়,—আপনার নাড়ায় না আমার লেখার হাতটি খসে যায়, সেই ভয় প্রভু।)

একটা হাসি পড়ে গেল,—Second bell (দ্বিতীয় ঘণ্টাও) দিলে। খুড়োও গাড়ীতে ঢুকে পড়লেন। সেলার সাহেব বলেন—“Now I leave the charge to you—please don’t forget to return those banion and blanket to the Station-master tomorrow”—(এখন তোমার ভার। জামা আর কয়লখানা কাল, স্টেশন মাস্টারকে যেন ফেরৎ দেওয়া হয়।)

গাড়ী ছেড়ে দিলে। সেলার দু’বার বুঝাল নেড়ে গান ধরলে—

“Now, hay bonny boat,  
—and ho bonny boat.”

\* \* \* \*

দূর থেকে দেখা গেল,—যাকে ঝড় বৃষ্টির মধ্যে বেপরোয়া হাওয়ার মত, হঠাৎ:মোড় ফিরে এসে পড়ায়,—পেরেছিলাম, সে তেমনই নির্বিকার স্বাধীন হাওয়ার মত—সেই ঝড়বৃষ্টির মধ্যেই চলেছে। তার কোথাও বাধা সঙ্কোচ, ভেদাভেদ নেই। আগ্রহ,তাকে বাঁধতে পারেনি। বিলিতি binding (মলাটের) জীবন্ত বেদান্ত।

## আনন্দময়ী-দর্শন

“মার অভিষেক এস এস তরা,

মঙ্গল-ঘট হয়নি-যে ভরা,

সবার পরশে পবিত্র করা—

তীর্থ-নীরে ।

আজি ভারতের মহামানবের

সাগর-তীরে ।”

[ ১ ]

হাট্‌ যেন ভীষণ কোলাহলের পর এইমাত্র ভাসিরাছে,—হাওড়া-স্টেশনের এইরূপ অবস্থা । কিন্তু লোহার ছাত ভেদ করিয়া, সেই হট্টগোলের প্রতিধ্বনিটা—তখনো নিঃশেষে মৃতি পায় না, একটা গভীর প্রতিশব্দ গম্‌ গম্‌ করিতেছে । প্ল্যাটফর্মে কেবল গুটিকয়েক রেলের কর্মচারী, কর্মশেষে লক্ষ্যহীন পদচারণা করিতেছেন, বা পরস্পরে কথা কহিতেছেন, কেহ সিগারেট ধরাইতেছেন । কুলিরা একপ্রান্তে গিয়া, কেহ পরস্পর গুণিতে বসিয়াছে, কেহ অইনি প্রকুতে মন দিয়াছে । চারটা পঁচিশ মিনিটের বর্ধমান-লোক্যাঙ্ক খানি কিন্তু আরোহী লইয়া তখনো দাঁড়াইয়া আছে,—দ্বিতীয় ঘণ্টা বাজিয়া গিয়াছে । এঞ্জিন অতিষ্ঠ হইয়া চাপা গলার নানারূপ বিকৃত স্বরে—গজ্‌-গজ্‌ করিতেছে ।

একখানা মোটর দূর হইতে বিকট শব্দ করিতে করিতে প্রচণ্ড বেগে আসিতেছে দেখিয়া, সহস্রদ্বয় স্টেশন-মাস্টার প্রলম্বগ্রীব হইয়া সেইদিকে তাকাইয়া অপেক্ষা করিতেছেন ।

কেবল একটি তরুণ ছোকরা, প্রত্যেক গাড়ীর দরজার নিকট হইয়া দূত চলিয়াছে ;—আরোহীরা অর্থাচত ভাবেই বলিতেছেন—“দোরে চাবি দেওয়া—এগিরে দ্যাখো ।”

ইতিমধ্যে মোটরের হ্যাটপরা জেটেলম্যানটি,—আদ্‌-ইশ্টি মাথা-নাড়া ও এক-পয়েন্ট-ডেসিমেল-হাসিতে স্টেশন-মাস্টারকে আপ্যায়িত করিয়া, লম্বা পায়ে ফার্স্ট ক্লাসের দিকে অগ্রসর হইলেন ;—একজন কর্মচারী ছুটিয়া গিয়া গাড়ীর দরজা খুলিয়া দাঁড়াইল । স্টেশন-মাস্টারের ইঙ্গিতে গার্ড-সাহেবের হস্তস্থিত ক্ল্যাগ্‌, সদর্পে সাড়ে দশ ফুট উর্ধ্বে আশ্কাশন করিয়া উঠিল ।

যুবকটি তখনো ইন্টার-ক্লাসের সম্মুখ দিয়া, একভাবেই চলিয়াছে ।

ইন্টার-ক্লাস্‌ হইতে সতীশ তাহাকে বহুকণ লক্ষ্য করিতেছিল,—সামিকট হইতেই বলিল—“এই দরজাটা খোলা আছে ;—গাড়ী যে ছাড়লো,—শীগগির উঠে পড়ো ।”

—এই বলিয়ারই স্বয়ং দরজাটা খুলিয়া, তাহার হাত ধরিয়া তুলিয়া লইল। গাড়ী তখন সতাই ছাড়িয়াছে।

যেদূর অবস্থায় ছেলেটি গাড়ী পাইল ও গাড়ীতে উঠিতে পারিল, তাহাতে তাহার মুখে একটু নিশ্চিত্ত ভাব, অন্ততঃ একটা আরামের নিশ্বাস—সতীশ আশা করিয়াছিল,—কিন্তু তৎপরিবর্তে সে লক্ষ্য করিল,—ছেলেটি বিমুঢ়বৎ মিনিট-খানেক দাঁড়াইবার পর, দরজার কাছেই বেণ্ডের উপর সসজ্জা আদ্যবসি হিসাবে ধীরে ধীরে বসিল, এবং সতীশের দিকে চাহিয়া অনুচ্চকণ্ঠে বলিল—“আপনি সাহায্য না করলে উঠতে পারতাম না,—কিন্তু—”

সতীশ বাধা দিয়া বলিল—“তাতে আর হয়েছে কি,—তোমার থার্ড ক্লাসের টিকিট বুঝি! আগের স্টেশনে থার্ড ক্লাসে গিয়ে উঠলেই হবে,—এ গাড়ীতে আদৌ ভিড় নেই।”

যুবক একটু ম্লান হাসির বিফল চেষ্টা করিয়া বলিল—“আমার কোন ক্লাসেরই টিকিট নেই!”

সতীশ বলিল—“কিন্তুতে সময় পাওনি বুঝি? তা’ পরের স্টেশনে গার্ডকে বলে দিলেই হবে,—যে স্টেশনে নামবে সেইখানে টাকা জমা ক’রে দেবে।”

যুবক চক্ষুর্বার নত করিয়া—সলজ্জ কাতরকণ্ঠে বলিল—“আমার কাছে পয়সা ছিল না বলেই—”

সতীশ—“ওঃ,—তবে? আমার কাছেও ত’ কিছু নেই,” বলিয়া একটু চুপ করিল। সম্মুখের একটা কুজ্জাটিকা তাহার মস্তিস্কটা দখল করিয়া, চোখে মুখে নার্মিবার পূর্বেই সে, যুবকটির প্রতি ভাল করিয়া একবার চাহিল। দেখিল—সেইভাবেই আনতদৃষ্টিতে যুবকটি স্থির হইয়া বসিয়া আছে, তাহার কান দুইটি লজ্জায় রক্তাক্ত হইয়া উঠিয়াছে। যুবকটির বর্ণ গোর, পরিধানে অর্ধ-মালিন ধূতি ও একটি টুইল-শার্ট, পায়ে ক্যান্সিসের জুতা, হস্তে—রঙিন রুমালে বাঁধা একটি ছোট পুটল।

সতীশ একটু চিন্তিতভাবে বলিল—“তাইত—এখন কি ক’রবে?”

যুবক নমন-পল্লব ঈষৎ তুলিয়া, নিতান্ত অপরাধীর ন্যায় বলিল—“আমি শেষ মুহূর্ত পর্যন্ত সেটা ঠিক করতে পারিনি, কেবল গাড়ী, দেখে বেড়াচ্ছিলুম—যদি কোন পরিচিত লোককে দেখতে পাই। গাড়ীতে ঢুকতে আমার পা উঠছিল না; আপনি না সাহায্য করলে—”

কথাটা সমাপ্ত করিতে না দিয়া, বিচলিত-কণ্ঠে সতীশ বলিল—“তবে ত’ আমিই তোমাকে বিপদে ফেলছি।”

যুবক সহসা একটু সোজা হইয়া ও একটু হাসির রেখা মুখে টানিয়া স্পষ্ট-কণ্ঠে বলিল

—“না—মোটাই তা নয়,—আপনি তা ভাববেন না, যেমন ক’রে হোক—আমাকে উঠতেই হ’ত, আমার এ গাড়ীতে যে না গেলেই নয়।”

সতীশ বলিল—“তবে বুঝি তুমি কিছু খরচ করতে কল্কেতার এসেছিলে,—সব পরসী খরচ হয়ে গেছে,—অথচ বাড়ী না ফিরলেও নয়?”

যুবক বলিল—“কতকটা তাই বটে, তবে ঠিক তা নয়! আমি কল্কেতার থেকেই পড়ি,—ছুটি-ছাটার বাড়ী যাই।”

শুনিয়া সতীশ বলিল—“বটে! তবে ভাই তোমার আজ থেকে যাওয়াটাই ভাল ছিল,—বড় ভুল করেছ।”

যুবকটি সতীশের কথা শুনিয়া, আশ্চর্যান্বিত কণ্ঠে বলিল—“থেকে যাওয়াটাই ভাল ছিল কেন,—সেইটাই ত’ আমার উচিত ছিল; আর—ভুল ত’ নয়ই,—এর চেয়ে জ্ঞানকৃত কাজ আর কি হতে পারে! কিন্তু আমার আজ যে কি হয়েছে,—সকাল থেকে যা’ যা’ করছি, কিছুতেই নিজের বুদ্ধি কাজ করচে না! এই মুহূর্তে যদি হাওড়া স্টেশনে নেবে যাবার উপায় পাই, তাও যে স্ব-ইচ্ছায় পারি এমনও ত’ বোধ হয় না।”

সতীশ শুনিয়া অবাক হইয়া—তাহার মুখের উপর দৃষ্ট স্থির রাখিয়া ভাবিতে লাগিল,—“আমি কি একটি পাগলকে গাড়ীতে তুললাম!”

সতীশকে নীরব ও সতীশের মুখে ভাবান্তর লক্ষ্য করিয়া, যুবক ঈষৎ ম্লান হাসি হাসিয়া বলিল—“আমার সম্বন্ধে আপনি যা ভাবচেন, আজ তা সবই সত্য। আপনার সবটা শোনা দরকার।” এই বলিয়া যুবক দৃঢ় হইয়া বসিল, ও সতীশের মুখের উপর সরল দৃষ্টিতে চাহিয়া, বালকের মত বলিতে লাগিল—

“আমরা জাতিতে মুসলমান; আমাদের বাস নার্মান গ্রামে,—বৈঁচি স্টেশনে নেবে প্রায় কোশ তিনেক যেতে হয়। বাবা বছর চার হল মারা গেছেন; মাও শোকে কষ্টে—বছর দেড় হ’ল গত হয়েছেন। সংসারে কেবল এক বিধবা পিসি, আমার ছোট ভগ্নী সেলিনা আর আমি। কয়েক বিষে ধান-জমি আছে, তার উপরই নির্ভর ক’রে কষ্টে গুজরাণ হয়। বৈঁচির স্কুল থেকে ম্যাট্রিকুলেশন্ পাস ক’রে কিছু বৃত্তি পাই, সেই উপলক্ষ্য করে কল্কেতা মাদ্রাসায় “আই-এ” পড়ি। এই বছর ‘আই-এ’ পাস ক’রে কিছু বৃত্তি পেরেছি,—বি-এ পড়ছি। মাদ্রাসা বোর্ডিংয়েই থাকি। সংসারে মাসিক অন্ততঃ পাঁচটা টাকা দরকার, তাই একটি টিউশনিও করতে হয়, কিন্তু একজামিনের তিন মাস আগে সেটি ছেড়ে দিতে বাধ্য হই।—

“এত কষ্টে পড়াশুনা সম্ভব হ’ত না, যদি আমাদের ক্ষুদ্র গ্রামটির লোকেরা সহদয় না হতেন;—হিন্দু মুসলমানের এমন আত্মীয়তাব কোথাও দেখিনি। সকলেই পরস্পর প্রতিবেশীদের সংবাদ নিয়ে থাকেন, আর ছোট বড় অভাব বখাসাম্য পূরণ করেন। তা



না ত' বাড়ী, কলকেতার থেকে পড়া আমার সম্ভবই ছিল না,—চাষ-বাস নিরুই থাকতে হ'ত।—

“গ্রামে বাবুদের বাড়ী দুর্গোৎসব হয়। তাতে কেবল পূজার দালানটি ছাড়া সর্বদাই আমাদের অধিকার থাকে,—সে যেন আমাদের পূজা। তার আনন্দের অংশ থেকে কেউ বঞ্চিত হয় না, সকলেই সমান উপভোগ করে। সপ্তমীর দিন প্রত্যুষে আমাদের ক্ষুদ্র গ্রামখানি এক অপূর্ব শ্রী ধারণ করে,—তেমনটি অন্যত্র কোথাও দেখিনি।—

“বাবুদের বাড়ীর পূর্বদিকে একটি প্রকাণ্ড পুষ্করিণী আছে,—তাতে সহস্র শতদল আর শতাধিক রাজহংস দেখতে পাবেন। তারির ঈশান কোণে বেল-গাছ আর বোধন-মন্দির। সপ্তমীর উষ্ম বাবুদের বাড়ীর মহিলারা, গ্রামের অপর সব পুরুষমহিলাদের সঙ্গে মূল্যবান বেশ ভূষার সজ্জিত হ'য়ে,—আর পুরোহিত পট্টিবস্ত্র প'রে, মায়ের আবাহন-ঘট বোধন-মন্দির হ'তে আনতে যান।—”

“জাতিবর্ণ নির্বিশেষে গ্রামের কুমারী মেয়েরা সূক্ষ্ম বস্ত্রালঙ্কারে সজ্জা, সেখানে উপস্থিত হয়। তারা নৃত্য করতে করতে সুললিত স্বরে মায়ের আবাহন-সঙ্গীত গাইতে গাইতে অগ্রসর হতে থাকে,—সঙ্গে সঙ্গে শব্দ ঘণ্টা বাদ্যাদির মধ্যে ধীরে ধীরে সেই ঘট পূজার দালানে আনা হয়। সে কি স্বর্গীয় দৃশ্য! যেন দেবদাসের উৎসব! আজ ঘণ্টা,—এই রাতটি শেষ হলেই, মেয়েদের সেই আনন্দোৎসবের প্রভাত!”

শেষ কথা কয়টি যুবক যেন উদাসভাবে আপন মনেই বলিল, সঙ্গে সঙ্গে তার চক্ষুপল্লব সিস্ত হইয়া আসিল, সে কুঁকিয়া মাথা হেঁট করিল।

সতীশ ভাবিল,—তাহার আজ বিশেষ করিয়া মাকে মনে পড়িয়াছে, তাই সে নিজেও কষ্ট অনুভব করিল ও বলিল—“থাক—যাতে মনে কষ্ট হয় এমন আলোচনার কাজ কি?”

যুবক একটি দীর্ঘশ্বাস ফেলিতে ফেলিতে চক্ষু মুছিয়া বলিল—“সবটা না বললে আপনার কাছে যে আমাকে চোর বা ঠক্ হইতে থাকতে হবে—তা'ছাড়া আর আপনি আমাকে কি ঠাওরাবেন? আপনাকে বিরক্ত করা হচ্ছে কি?”

সতীশ বলিল—“না না, কিছুমাত্র নয়। আর তুমি ও কথাটা ভাবচো কেন? মানুষের কত রকমে অমন অবস্থা ঘটতে পারে।”

যুবক এবার আর সতীশের মুখের উপর দৃষ্ট রাখিতে পারিল না, আনতনেই বলিতে লাগিল—“আজ প্রভাতেই সেই আনন্দোৎসবের দিন। এই বিশেষ দিনটির জম্পনা-কম্পনা, পরামর্শ, আরোজ্ঞন নিয়ে ভাবী আনন্দের আশার, গ্রামের কুমারীদের কত না উৎসাহে, কত না অধীর প্রতীক্ষার বৎসর কেটেছে। আজ সেই বহু প্রত্যাশিত প্রভাত আসন্ন। আজ কত মেয়ে তারি আনন্দ, তারি আশা, তারি উৎসাহ যুকে নিয়ে শূতে যাবে। সেলিনাও এখনো অল্পান ফুলের মত হাসছে—”

এই পর্বস্তু বলিয়াই তাহার স্বর বুদ্ধ হইয়া আসিল, সে চাপা ভিজ্জে গলার—“সে কিছুই জানে না ;—আমি কি কোরব !” বলিতেই তাহার সরল চক্ষু দুটি সজল হইয়া উঠিল।

সতীশ শুনিত্তেই ছিল, সে যে বিশেষ কিছু বুঝিতেছিল তাহা নয় ; কিন্তু তার সহদয় প্রাণটা—কারণের অপেক্ষা না রাখিয়াই ব্যাধিত হইয়া উঠিয়াছিল। সে উঠিয়া গিয়া যুবকের পার্শ্বে বসিয়া তাহার পৃষ্ঠে হাত রাখিয়া বলিল—“ও কি,—পুরুষ মানুষের কি এত বিহ্বল হ’তে আছে ? কি এমন হয়েছে—”

“মাপ্ করবেন, আপনি বুঝবেন না,—এত বড় বিশ্বের কেউই বুঝবে না ;—মা থাকলে বুঝতেন, আর এই মস্তভাগ্যের উপর বৃথাই সেই ভার পড়েছে ! আজ সেলিনার সেই ফুলের মত কচি বুকটার ভেতর, কি যে কঠিন আঘাতের আয়োজন আমি ক’রে বসেছি, তা কেউ জানবে না,—কেউ বুঝবে না, কেবল অসহায় সেলিনাই বুদ্ধ বেদনার আর নিষ্ফল অভিমানে মলিন হয়ে যাবে ! কাল আমি তার মুখের দিকে কোন মুখে চাইব, কি ক’রে চাইব !” যুবক দুই হস্তে চক্ষু ঢাকিল।

মিনিট দুই এই ভাবে গেল, পরে সে একটু সামলাইয়া বলিতে লাগিল—

“মা যখন মারা যান—সেলিনার বয়স তখন ন’বছর। অতটুকু মেরেকে আর কে ধোকাবে—খোদাই বুঝিয়ে দিলেন। সেইদিন থেকে আমরা পরস্পরে যেন পরস্পরের মায়ের স্থার নিলাম। সেই আমাকে জেদ ক’রে কলেজে পাঠিয়ে দিলে ; বল্লে—“কাঁদলে ত’ কেউ ফিরে আসে না,—আমি কাঁদব না, কাজ কর্ম নিয়ে থাকব।”

আমি ছুটি-ছাটায় বাড়ী আসবার সময় তার তরে বই, চুড়ি, ইয়ারিং, আভর, ফিতে, রং, কিছু না কিছু একটা নিয়ে আসতাম।

মাস খানেক আগে পিসিমা একদিন আমাকে গোপনে বল্লেন—‘ও-সব কিনতে পরসা খরচ না ক’রে, সেলিনাকে যাতে একখানি ওড়না এনে দিতে পার, তার চেষ্টা পাও। শরৎ-উৎসব এল’ ; গেল বছর সে একখানি ওড়নার অভাবে, কোথাও বেরোয়নি, উৎসবে যোগ দিতে পারেনি। সে কষ্ট যে অতটুকু মেরে কি ক’রে নীরবে হুজুম করেছিল, তোমাকে তার আভাস পর্বস্তু জানতে দেয়নি—পাছে তুমি কষ্ট পাও,—সে আমিই জানি। আবার সেই উৎসব আসছে, এই তার সাথ আফ্রাদের বয়েস ;—একটু দেখতে ভাল হলেই হবে।—”

“পিসিমার কথা শুনে আমার মনে পোড়ল, পাঁচ-ছ’মাস আগে সেলিনা আমাকে ঠিক ঐ কথাটাই জানিয়েছিল, তবে—অত স্পষ্টভাবে নয়। সে বলোছিল—‘বখন সুবিধে হবে, একখানা ওড়না আমাকে এনে দিও দাদা।’—

“পিসিমার ইঙ্গিতে আমার চৈতন্য হল,—এর মধ্যে যে সেলিনার কতটা আন্তরিক

আবেদন, কি গভীর প্রত্যাশা অপেক্ষা ক'রে রয়েছে, তা স্পষ্ট বুঝতে পারলুম। সুদৃশ্য বস্ত্র আর অলঙ্কারের সাথ, মেয়েদের প্রাণের মধ্যে প্রচ্ছন্ন থাকেই,—সেটা স্বাভাবিক। তাতে আবার সৈলিনার তরুণ বয়স, অন্য কিছ্ একটু অবলম্বন ক'রে থাকবারও নেই, মা-বাপের আদর থেকেও বঞ্চিত।—

“কিন্তু আমারও দু'তিন টাকার বেশী, এক সঙ্গে জোগাড় বা সঞ্চয় করার উপায়ও নেই,—তাতে আজকাল একখানা শাদা উড়ুনীও হয় না! দিন যত নিকট হতে লাগলো; আমি ততই চঞ্চল—ততই উদ্বিগ্ন হ'তে লাগলুম। যেন ছটফটানি ধরল, থাকতে পারলুম না,—গত শনিবার হঠাৎ বাড়ী চলে গেলুম।—

“আমাকে দেখেই সৈলিনার মুখ শুকিয়ে গেল। সে ছুটে এসে আমার কপালে, পাজরায় হাত দিয়ে পরীক্ষা আরম্ভ করলে—আমার অসুখ হয়েছে কিনা! হেসে বললাম—‘আমি ভাল আছি সৈলিনা;—কেবল জানতে এলাম তোমাদের শরৎ-উৎসব কবে!’—

“সৈলিনা নিঃশ্বাস ফেলে বললে—‘আমার বড় ভয় হয়েছিল দাদা, এখনো বুক ধড়্ ধড়্ করচে।—তা’ তোমার ও-কথা জানাবার জন্যে এত কষ্ট ক'রে আসা কেন?’—

“আমি বললাম—‘সেকি ভাই সৈলিনা,—তোমার জন্যে যে ওড়না আনতে হবে,—এখনো কেনা হয় নি;—আমি সে কথা ভুলিনি।’—

“সৈলিনা আমাকে বাতাস করছিল,—তার মুখের উপর একটা গোলাপী আলো পড়তে না পড়তে, সে বললে—‘এ বছরটাও না হয় থাক দাদা—আমাদের সময় তেমন নয়।’—

বল্লম—‘তা কি হয় বোন, গত বছর তুমি উৎসবে যেতে পারনি,—সে কথা আমার বড় লেগেছে ভাই! এ বছর আমি তোমাকে সে কষ্ট আর দিতে পারব না, নিজেও সে বেদনা সহিতে পারব’ না।’—

“সৈলিনার চোখে জল এসেছিল, সে বললে—‘তোমাকে কে বললে—মিছে কথা;—পিসিমা কিছ্ বোঝেন না; বড় অন্যায়ে করেন।’

“আমি তার অশ্রু মুছিয়ে দিয়ে বল্লম, ‘আমি ভাই ওড়না পছন্দ ক'রে এসেছি, বচীর দিন রাতে তুমি পাবে, তোমাকে উৎসবে যোগ দিতেই হবে, তা নাভ’ আমার বড় লাগবে।’—

“সৈলিনা তখন উত্তেজনার সঙ্গে বললে,—‘আমি বুঝিছি, এসব গিমিমার ফান্সি! তিনি সকালে এসেছিলেন, গেল বছরের কথা তুলে,—বাইনি ব'লে চোখে জল পর্বস্ত ফেছেন। খাবার এনেছিলেন, নিজের হাতে আমাকে খাইয়ে তবে ছাড়লেন; শেক কত মেহে, উৎসবে উপস্থিত হবার জন্যে ব'লে করে গেছেন।’—

“ইত্যাদি কথার পর, সে আমাকে গিমিমা-প্রদত্ত খাবার খাওয়ালে। আমি

জল আর পান খেয়ে,—সিন্দুক খুলে আমার মেডেল দু'টি বার ক'রে নিয়ে, রাগের গাড়ীতেই কলকাতায় ফিরে আসি।”

সতীশ এক মনে শুনিতোছিল, সে হঠাৎ বলিল, “কিসের মেডেল?” এ প্রশ্নের সার্থকতা যে কি ছিল তাহা জানি না। বোধ করি কলেজের ছেলেদের এ আগ্রহটা স্বাভাবিক।

যুবক একটু বিষণ্ণ হাসির সংমিশ্রণে বলিল,—“সেগুলি আমার আজকের চরিত্রের বিদূষের মত এতদিন আমারই সিন্দুকের মধ্যে থেকে, সময় আর সুযোগের অপেক্ষা করছিল। রবিবাবু লিখেছেন—জন্মের সঙ্গে সঙ্গেই মৃত্যুও বুকের মধ্যে বাসা বাঁধে আর সুযোগের অপেক্ষা ক'রে থাকে। আমারও এ দু'টি তাই! বুপারটি বৈচি ইন্সকুল থেকে পাই,—সোনারটি মাদ্রাসার প্রাপ্ত; দু'টিই আমার Good conduct Medal (সুচরিত্রের পুরস্কার)।—সেই চরিত্রবান আমি—আজ কিনা বিনা টিকিটে রেল-কোম্পানীকে ফাঁকি দিতে বসেছি।—

“ধাক—কথাটা শেষ করি,—আপনাকে বড়ই বিরক্ত করা হচ্ছে। ভাবলুম—পিরোজী রংয়ের জমির উপর সূক্ষ্ম বেগুনীর বেল, তার গায়ে এক একটি জরির জুই, আর জরির সরু পাড় দেওয়া একখানি ওড়না—সোলিনাকে খুব মানাবে। একজন বঙ্গে ১৫।১৬ টাকা হতে পারে।—

“ছেলে পড়িয়ে পাঁচ টাকা পেয়েছিলুম—দু'টাকা বায়না দিয়ে এলুম। সঙ্গে তিন টাকা মাত্র রইল। দেড় টাকা দিয়ে একখানি ঝকঝকে গম্পের বই আর আট আনার কস্তুরির আভর, সোলিনার জন্য নিলুম। আমার ধারণা ছিল—মেডেল দু'টি কোথাও রেখে ১৬।১৭ টাকা পাব-ই। একটি বন্ধু আশ্বাস দিলেন—ঠার পরিচিত একজন আছেন তিনি বন্ধকী কাজ করেন,—গেলেই টাকা পাওয়া যাবে। কলেজ বন্ধ হয়ে গেল, বন্ধু আমাকে সেই লোকটির কাছে পরিচয় ক'রে দিয়ে চলে গেলেন, কারণ তিনি পূর্ববঙ্গে যাবেন,—গাড়ীর সময় অস্পষ্ট ছিল।—

“লোকটি পুরো দোকানদার, অনেক ক'ষে-মেজে দশ টাকা দিতে রাজি হল। অনেক অনুনয় বিনয় করে বেশী সুদ কবুল করার—বারো টাকা মাত্র পেলুম। আমার সময়ও ছিল না, উপায়ও ছিল না,—তাই হাতে করেই ওড়নার দোকানে ছুটলাম। ওড়না দেখে খুবই পছন্দ হল,—কিন্তু ১৬ টাকার কমে দেবে না! আগাম দু'টাকা দেওয়া ছিল, সঙ্গে মাঠারির একটাকা ছিল, আর ঐ বারোটাকা—মোট পনের টাকা। আমি একেবারে হতাশ হয়ে পড়লুম। আমার কাতর অবস্থা দেখে লোকটির দয়া হল;—সে ওড়নাখানি কাগজে মুড়ে আমার হাতে দিয়ে বলে—‘তুমি নিয়ে যাও,—ইচ্ছা হয় এর পর টাকাটা দিয়ে যেও।’—

“আমার চোখে জল এল, তাঁকে সেলাম করে খোদাকে স্মরণ করতে করতে—  
বোঁড়ংয়ের দিকে ছুটলাম,—যদি কোন বন্ধুর দেখা পাই ত’—গাড়ীভাড়ার উপায় করবার  
আশায়। কিন্তু তখন সেখান কেহই ছিল না, কলেজ বন্ধ হওয়ায় সব বেরিয়ে গেছে।  
অপেক্ষারও সময় ছিল না—তা’হলে ট্রেন পাই না। আবার—এই ট্রেনখানি ভিন্ন বাড়ী  
যাবার উপায়ও নেই,—অন্য গাড়ী বৈঁচি স্টেশনে দাঁড়ায় না। তখন রাস্তার দুইদিকে  
চাইতে চাইতে হাওড়ার দিকে দূত আসতে লাগলাম—যদি কোন পরিচিতের দেখা পাই।  
একজনকেও পেলাম না।—

“স্টেশনে পৌঁচে প্রত্যেক গাড়ী খুঁজতে লাগলাম—যদি কোন চেনা লোক দেখতে  
পাই। আপনি যখন ডাকলেন, তখন যে আমি কোথায়—সে চেতনা আমার ছিল না।  
আমি ঠিক উম্মাদের কি যন্ত্রের মত ঘুরছিলাম,—চোখের সামনে কোয়াশা করে আসছিল।  
তারপর সবই আপনি জানেন। অপরাধের সাজা নিতে আমি প্রস্তুত, কিন্তু সেলিনাকে  
নৈরাশ্যের কঠিন বাধা কি করে দেব;—আজ যে যষ্ঠী!” বলিতে বলিতে যুবকের  
স্বর বন্ধ হইয়া গেল, চক্ষু হইতে ঝরঝর করিয়া অশ্রু ঝরিয়া পড়িল।

সতীশ তাহার হাত ধরিয়া বলিল—“ভাই আমিও তোমার মত একজন কলেজের  
ছাত্র, মেডিকেল কলেজে ফোর্থ ইয়ারে পড়ি। দাদা আমার বর্ধমানে ওকালতী করেন।  
হঠাৎ তাঁর টেলিগ্রাফ পেয়ে বেরিয়ে পড়েছি। তাঁর ইচ্ছা, পূজার বন্ধে একত্রে বোম্বে  
বেড়াতে যাওয়া। অদৃষ্টের পরিহাস দেখ, আমার কাছেও আজ একটি পয়সা নেই,—  
ঘড়িটা পর্যন্ত না! যাক—ওড়নাটা আজ কিন্তু পৌঁছান চাই-ই। এ গাড়ীতে তোমার  
যাওয়া ছাড়া উপায়ও নাই। আমার দুদিন বিলম্ব হলেও ক্ষতি হবে না, কারণ বিজ্ঞার  
দিন আমাদের বেরুবার কথা। তা’ ছাড়া এ দিকের প্রায় সব স্টেশনেই আমার চেনা  
লোক কেহ না কেহ আছেনই। আমি আগের একটা স্টেশনে নেবে যাব, যদি কেউ  
ধরে ত’ আমি তার উপায় অনায়াসে করতে পারবো,—চিন্তার কোন কারণই নেই। চুরিও  
নয়, ডাকাতিও নয়—দু’টো টাকার মামলা! হাঁ—তোমার নামটা পর্যন্ত জিজ্ঞেস করা  
হয়নি—”

সতীশের কথার সহানুভূতিপূর্ণ সুর, যুবকের হতাশ অবসন্ন হৃদয়ে যেন একটু  
শান্তির সাদা আনিয়া দিয়াছিল,—সে ম্লান হাসির আভাস দিয়া বলিল,—“আজ আমার  
নামটিও আমার বিরুদ্ধে দাঁড়িয়েছে। “সুলতান আলি” না হলে আমার নামটি যদি  
“ফকির আলি” হত, তা’ হলে আমি আজ একটু সত্যের শান্তি পেতাম। নামটাও  
লজ্জার বোঝার মত মাথাটাকে নত করে দিচ্ছে, মুখে আনতে ঘৃণা বোধ হচ্ছে। নামটা  
যে এতবড় মিথ্যা জিনিষ—সে যে আপন হয়েও এতটা নির্মমের মত বিদ্রূপাবদ্ধ করতে  
পারে, তা কখনও ভাবিনি!”

সতীশ হাসিতে হাসিতে বসিল—“সুলতান, তুমি ভাই বড় sentimental, ভাবুক দেখছি, আমাদের ত এসব চিন্তা উদয়ই হয় না। ওসব কি অত বড় করে ভাবতে আছে ? তোমার কবিতা লেখা বাই আছে বুঝি।”

এইরূপ দু’চার কথায় সতীশ তাহার মনটাকে অনেকটা স্বাভাবিক অবস্থায় আনিয়া,—অনেক বোঝাপড়া ও সাধাসাধনার পর নিজের টিকিটখানি তাহার হস্তে দিয়া বলিল—“আমার জন্য কিছুমাত্র চিন্তা নেই,—তোমার কিন্তু আজ পৌছানো চাই-ই। আর তুমি যদি ভাই এখনো ইতস্ততঃ কর ত’ আমি বলতে বাধ্য হব—টিকিটখানি আমি তোমাকে বিক্রি করছি,—কলেজ খুললে তুমি আমাকে এর মূল্য দিও।”

সুলতান আর আপত্তির কোন কথা খুঁজিয়া না পাইয়া, বিমূঢ়বৎ অর্থশূন্য মূঢ় হাস্যের সহিত টিকিটখানি বুক-পকেটে রাখিল। কিন্তু তাহার ভাব দেখিয়া বোধ হইল,—কাজটার ঔচিত্যান্যোচিত্য সম্বন্ধে তখনো সে দৃঢ়নিশ্চয় হইতে পারে না।

ঠিক সেই মুহূর্তে, চলন্ত গাড়ীর Travelling ইন্স্পেক্টর্ মিস্টার হার্ডী, গাড়ীর পাদানে ভূঁইফোড় ভাবে সহসা উদয় হইয়া, হস্তস্থিত Punchটা ( টিকিটকাটা যন্ত্রটা ) দ্বারে দূতভাবে ঠক্ ঠক্—খট্ খট্ আঘাত করিতে করিতে বলিল—“টিকেট্—টিকেট্, look sharp ( স্রায় টিকিট দেখাও )।”

সম্মুখে সহসা সর্প দেখিলে, স্বভাবতঃই মানুষ যেমন চমকিত ও ভীত হয়, এ সময় সুলতানের সেইরূপ ঘটবার খুবই সম্ভাবনা বুঝিয়া, সতীশ তাহার হাতে সজোরে একটা চাপ দিয়া, দৃঢ় অথচ চাপা গলায় বলিল—“খবরদার, যেন ছেলেমানুষী কোরনা ;—আমি নেবে যাচ্ছি,—তুমি সোজা বাড়ী যাবে ;—টিকিট দেখাও।”

সতীশ এমন দৃঢ়ভাবে—আদেশের মত, কথাগুলি বলিয়াছিল যে, সুলতান কম্পিত-হস্তে টিকিটখানি বাহির করিল, কিন্তু ইন্স্পেক্টরের হস্তে দিতে গিয়া তাহা পড়িয়া গেল।

মিস্টার হার্ডী অতিষ্ঠ হইয়া, দ্বারে Punchটা সজোরে আঘাত করিয়া, উচ্চকণ্ঠে বলিল—“দেখাও,—তুলে দেখাও।” পরে সতীশের দিকে চাহিয়া বলিল—“তোমার ?”

সতীশ অবচলিত ভাবে বলিল—“আমি এইখানেই নাব্বো, আমার টিকিট নেই।”

পর মুহূর্তেই গাড়ী ব্যাঙেলে আসিয়া থামিল।

[ ২ ]

মিস্টার হার্ডী একজন নামজাদা Travelling Checker ( চলন্ত গাড়ীর টিকিট পরীক্ষক )। দয়া-দাক্ষিণ্য, সহানুভূতি প্রভৃতি গুণগুলি তাহার মধ্যে কেহ কখনও পায় নাই। এক কথায় গ্রাম্য ভাষায় যাকে “বাপের কুপুস্তর” বলে, ও-লাইনের যাত্রী মাদ্রেনই

তাহার উপর এই ধারণা। আরোহীদের উপর নির্মম ও কর্কশ ব্যবহারের জন্য দু'তিন বার 'ধনঞ্জয়' লাভও নাকি তাহার ঘটিয়াছে। আশ্চর্য এই—তাহার প্রতি আরোহীদের যেমন ঘৃণা, কোম্পানীর ততোধিক শ্রদ্ধা। লোকটা খাঁটি বিলাতী,—নামেও হার্ডী, কাজেও hardy ; ক্রেশে বা পরিগ্রমে, কিছুমাত্র কাতর নন। ক্ষমা তাহার কুষ্ঠিতে লেখে নাই; পরস্যা না হয় পুলিশ, এই দু'টি তিনি বুঝিতেন। এ সব কথা সতীশের জানা ছিল।

সতীশ তাহার অনুসরণ করিল, ও উভয়ে স্টেশন-মাস্টার—মিস্টার শেফার্ডের কামরায় প্রবেশ করিল।

মিনিট তিনেক পরে মিস্টার হার্ডী বাহির হইয়া “পুলিস—পুলিস” বলিয়া হাঁকিলেন। পরক্ষণেই শব্দ করিতে করিতে বর্ধমান-লোক্যাঙ্ক মছর-গতিতে স্টেশন্ প্যার হইয়া গেল।

মিস্টার শেফার্ড একজন কাক্স ক্রিস্চান,—অতিকায় ও ভীষণ-দর্শন কাক্স বলিলেই, তাহার বর্ণ, কেশ, অখর ও ওষ্ঠাদি বর্ণনা নিম্প্রয়োজন। তবে তাহার দন্তগুলি যেমন বড়, তেমনি ধপ্পে শাদা বলিয়া—হাস্য করিলে বা কথা কহিবার সময়, তাহা যেন কাল সাইনবোর্ডে শাদা লেখার মত বোধ হইত। স্টেশনের বারাগায় যখন দেল-বে'ষিয়া দাঁড়াইতেন, ট্রেন হইতে যাত্রীরা নিউবিয়ান ব্রাঙ্কিংয়ের (Nubian Blacking-এর) বিজ্ঞাপন বলিয়াই ঠাওরাইত। কণ্ঠস্বরও—গাম্ভীর্যে ও সুরে একটু অসাধারণ। ফলকথা, সে মূর্ত দেখিলে বিপন্ন ব্যক্তিমানেরই, তাহার নিকট সদ্যবহার বা সুবিচার প্রাপ্তির আশা ভরসা তদ্দণ্ডেই লোপ পাইত।

আমাদের সতীশের সরূপ ঘটিয়াছিল বলিয়া মনে হয় না। সে যে—সুলতানকে রওনা করিয়া দিতে পারিয়াছে, এবং ঘণ্টা তিনেক পরে তাহাদের ভাই-ভগ্নীর সম্মুখে আনন্দ-মিলনটা যে কি সুখের হইবে, এই চিন্তাটাই এখন তাহার অন্তঃকরণকে পুনঃপুনঃ উৎফুল্ল করিতেছিল। নিজের পরিণামের দিকে তাহার লক্ষ্যই ছিল না;—কার্যোদ্ধার ত' হইয়াছে,—সেলিনার ওড়না পৌছাবেই।

ইতিমধ্যে মিস্টার হার্ডী ও মিস্টার শেফার্ড, তাহাকে যে তিন চারটি প্রশ্ন করিয়াছিলেন, সতীশ তাহার যা যা উত্তর দিয়াছে—তার সকল গুলিতেই একটা বে-পরোয়া ভাব ছিল। মিস্টার হার্ডী অগত্যা পুলিশ ডাকিয়া যখন পুনরায় সেই ঘরে ঢুকিলেন, সতীশ তখন স্টেশন্-মাস্টারকে বলিতেছিল, “আমি বোধ হয় এতটা নীচ নই যে, ফাঁকি দিয়া চলিয়া যাইতাম, বর্ধমান স্টেশনে পৌঁছিয়া, রেলের প্রাপ্য গুণ্ডা—পাই-পরস্যা পরিশোধ করিয়া দিতাম।”

মিস্টার হার্ডী একটু চাপা হাসির সহিত বলিলেন—“ধরা পড়িলে সকলেই ঐ কথা বলে সাধু হ'তে চান—”

সতীশ তীর ঘরে উত্তর করিল—“কোন’ একদিনের accident-এর ( আকস্মিক ঘটনার ) জন্য, কাহাকেও ওরূপ বলবার বা সম্বোধন করার অধিকার কাহারও নেই ;—সাজা নিতে ত’ আমি অ-প্রস্তুত নই—”

মিষ্টার হাড’ আবার মুখে একটু হাসির ভাব আনিয়া, হৃদয় কপালে তুলিয়া বিদ্রুপচ্ছলে বলিলেন—“Civil disobedience ! বোধ করি নিজেকে defendও ( আত্মপক্ষ সমর্থনও ) করবে না ।”

সতীশ বলিল,—“আইন জানার চেয়ে ন্যায়ের মর্যাদা রক্ষা করতে জানা—অনেক কঠিন। আইন ত’ রেলের কুলিটাও জানতে পারে। যিনি ন্যায়ের সম্মান রক্ষা করতে শিখেছেন,—তার কাছে আত্মপক্ষ সমর্থনে—”

কথা শেষ না হইতেই—“এই নিন্ আপনার টিকিট” বলিয়া, একখানি হস্ত তাহার দক্ষিণ পার্শ্বে দেখা দিল ! সতীশ পশ্চাৎ ফিরিয়া দেখে—সুলতান !

রাগে তাহার সর্বশরীর ঘেন দপ করিয়া জ্বলিয়া উঠিল, সে চীৎকার করিয়া বলিল—“You fool ( নির্বোধ ) তুমি যাওনি ? এটা কি তোমার সৌজন্য দেখান হ’ল ? এতে কার কোন উপকারটা করা হ’ল—শুনি ? তোমার মত imbecileদের জন্ম কেবল কাঁদতে আর কাঁদে বাধা দিতে। এই ডাম্ Sentimentalityর খাতিরে, এক ঘটনার পরিচয় নিয়ে, এতটা বাড়াবাড়ি ক’রে—কত বড় অনিশ্চয় করলে তা জানো ? তোমার সম্পর্কে আজ ২২ বছর যে লোক ছিল না, চাই কি বাকী জীবনেও যে থাকবে না, তার জন্যে এত মাথা ব্যথার দরকারটা কি-ই বা ছিল ? ওটা তোমাদের মুসলমানী “আপ’ চালিয়ে”র আদব্-কায়দা ভিন্ন আর কিছুই নয় !—এখন উপায় !”

সুলতানের তুর্কী রক্ত তাহার চক্ষু পর্যন্ত ছুটিয়া গিয়াছিল, কিন্তু সতীশের ভিন্ন সুরে উচ্চারিত “এখন উপায় !” এই শব্দ দুইটি তাহাকে তৎক্ষণাৎ তাহার নির্দিষ্ট স্থানের নিম্নে নামাইয়া দিল।

সে বলিল,—“যখন দেখলুম পুলিশের ডাক পড়ল’, তখন আপনাকে পুলিশের হাতে সঁপে দিয়ে—আপনার টিকিটের advantage নিয়ে, আমি সাধু ব’নে নিজের কার্যোদ্ধার করব ? গভীর হলেই কি তাকে পশু হ’তে হবে ? আপনার সঙ্গে আর কখনো আমার শারীরিক সাক্ষাৎ না ঘটতে পারে, কিন্তু আমার মন ত’ সে অভাবে একদিনও বোধ করবে না। আপনার টিকিট আপনি নিন্।” এই বলিয়া সুলতান টিকিটখানি সতীশের সম্মুখে বাড়াইয়া ধরিল।

সতীশ তাহার ভাব দেখিয়া হাসিয়া ফেলিল ও বলিল—“অকাল বিস্ত্র,—ফিলজাফি কোর্স লওয়া হয়েছে বুঝি ! কার টিকিট আমি নোব ?”

সুলতান ।—আপনার টিকিট।



সতীশ ।—কে বল্পে আমার ?

সুলতান ।—এই দেখুন—বর্ধমান লেখা হয়েছে, আমি ত' বৈঁচি যাব ।

সতীশ ।—খুব প্রমাণ ত' ! ( মিষ্টার হার্ডীর প্রতি ) দেখুন এ'র মাথাটা ঠিক অবস্থায় নেই । আপনারা একটু কষ্ট ক'রে গাড়ীতে তুলে দেবেন ।

সুলতান বিরক্তির সহিত টিকিটখানি স্টেশন-মাস্টারের টেবিলের উপর ফেলিয়া দিয়া বলিল—“তবে এই রইল ।”

মিষ্টার শেফার্ড—ঘ'য়াক ঘ'য়াক ঘঃ ঘঃ প্রভৃতি অন্তত সংস্কৃত-ঘোঁষা শব্দে কক্ষ কাঁপাইয়া হাসিয়া উঠিলেন । সে হাসি খামিতে মিনিট দুই লাগিল, টেবিল-ল্যাম্পটি নিবিতে নিবিতে রক্ষা পাইল । পরে বুঝল বাহির করিয়া চক্ষু ও নাসিকা পরিষ্কার করিতে করিতে বলিলেন—“মিষ্টার হার্ডী—তুমি কি ঠিক করলে ?”

মিষ্টার হার্ডী এতক্ষণ ধীর সল্লেখ দৃষ্টিতে, তাঁর নীল চক্ষুর ঝকঝকে তারা দু'টি—আধারের আলোর মত একবার এ-কোণে টানিয়া সতীশের উপর, একবার ও-কোণে টানিয়া সুলতানের উপর, পর্যায়ক্রমে ফেলিতে ছিলেন । তিনি স্বল্প দুইটি একটু কাঁপাইয়া বলিলেন—“ও সব prearranged ( পূর্বাঙ্কে স্থির করা ) অভিনয় আমার ডের দেখা আছে,—ওতে মিষ্টার হার্ডী ভোলেন না । যদি ওদের মধ্যে ও-টিকিটের মালিক কেহ না হতে চায়,—বেশ কথা ; দু'জনের কাছ থেকেই রেল কোম্পানীর প্রাপ্য আদায় ক'রবে । এখানে কোন ফল্মিই খাটবেনা ।”

সতীশ ঘৃণার হাসি হাসিয়া বলিল—“Pity ( দুঃখ হয় )—এই বুদ্ধির দপ-ই, লজ্জার রূপ ধ'রে ধীরে ধীরে তোমাদের দিকে এগিয়ে আসছে । কাছে উপায় থাকতে তোমার এই অভদ্র কথা শোনবার সখ, কারো থাকতে পারে না । তাই পূর্বেই বলা হয়েছে—সাজা নিতে অ-প্রস্তুত নই ।”

মিষ্টার হার্ডী সতীশের কথার উত্তর না দিয়া, স্টেশন-মাস্টারকে বলিলেন—“আমি এদের হাওড়ায় নিয়ে যেতে চাই ।”

মিষ্টার শেফার্ড বলিলেন—“বেশ, এখন ত' সে গাড়ী আসতে দেবী আছে ; ইতিমধ্যে—এরা যদি বলে ত' আমি একবার এদের কাছে সত্য ঘটনাটা শোনবার ইচ্ছা করি ।”

মিষ্টার হার্ডী—“I don't care, তুমি শুনতে পার ।” এই বলিয়া তিনি একটা চুরট ধরাইয়া, টাইম্-টেবলুখানা টানিয়া লইয়া পাতা উল্টাইতে লাগিলেন ।

সুলতানের চক্ষে বা কর্ণে এসব কিছুই বোধ হয় স্থান পায় নাই ; সে এক ধারে দাঁড়া-টেবিলটির গায়ে ভর দিয়া, ও তাহার উপর কাত হইয়া, অন্যমনস্কভাবে দাঁড়াইয়া ছিল ।

অপেক্ষাকৃত উচ্চকণ্ঠে মিষ্টার শেফার্ড যখন তাহাকে লক্ষ্য করিয়া ডাকিলেন—“You my friend No. 2 ( আমার দু নম্বরের বন্ধু ) ।” হঠাৎ তাহার কানে যেন চট্টের কলের

( Jute Millএর ) ভৌ বাজিয়া উঠিল । সে চমকিয়া দেখিল—শেষন-মাস্টার তাহাকে নিকটে যাইতে ইঙ্গিত করিতেছেন । সুলতান যন্ত্র-চালিতের মত—টোবলের কাছে গিয়া দাঁড়াইল ।

মিস্টার শেফার্ড, তাহাকে দেখিয়া বলিয়া উঠিলেন—“একি ! তোমার চোখে জল কেন ? এমন কি হয়েছে ? তুমি স্বীলোক নও,—তোমার বন্ধুকে দেখ, কেমন firm and resolute ( অবিচলিত ও দৃঢ় ) ।”

মিস্টার হার্ডী মুখ না তুলিয়া, কেবল চক্ষু-পল্লব মাত্র অঙ্গ তুলিয়া, সুলতানকে দেখিতেছিলেন । তিনি মৃদু কণ্ঠে—“an expert actor” ( দক্ষ অভিনেতা )—বলিয়া আবার টাইম্-টেবলে দৃষ্টি সংলগ্ন করিলেন ।

মিস্টার শেফার্ড সুলতানকে বলিলেন—“এখন বল দিকি ছোকরা সত্য ব্যাপারটা কি ? তোমাদের দেখে ত’ বিশ্বাস হয় না যে, তোমরা বিনা টিকিটে travel করবার ( চলবার ) লোক ।”

মিস্টার হার্ডী আর চুপ করিয়া থাকিতে পারিলেন না, তিনি এবার মাথা তুলিয়া বলিলেন—“মিস্টার শেফার্ড, এ সম্বন্ধে তোমার অভিজ্ঞতার আমি প্রশংসা করতে পারি না ; কি ক’রে তুমি এরূপ একটা opinion pass করচ’,—অভিমত প্রকাশ করচ’ ?’ মানুষের ওপরটা দেখে, তার ভেতরটা যদি বোঝা যেত, তা’হলে জগতের বারো আনা ঝঞ্জাট ঘুচে যেত’ । খুনীদের মধ্যেও এমন লোক আছে—সে এমন সব ধর্ম ও নীতিকথা, এমন feelingএর সঙ্গে ( ভাবের সঙ্গে ) বলতে পারে যে, তা শুনে সাধুরাও থ’ হয়ে যাবেন,—হাজার হাজার শ্রোতার চক্ষে জল বইবে, অথচ—মানুষ মেরে সে জীবিকার্জন করে ।”

মিস্টার শেফার্ড হাসিয়া বলিলেন—“মিস্টার হার্ডী—তিল্কে ভাল ক’রে দেখতে তোমার ভাল লাগে দেখাচি ! এ অপরাধটার সঙ্গে ও কথাটার উল্লেখ, সঙ্গত শোনায় না ।”

মিস্টার হার্ডী ।—“সে কি কথা,—তাই বুঝি তুমি ভাব ? অপরাধ মাত্রই অপরাধ ;—সাজায় ছোট বড় আছে বটে । পূর্বে চুরি অপরাধে কি সাজা ছিল, জান’ত ?—ফাঁসি ।”

মিস্টার শেফার্ড—“সেটা যে-সময়ে ছিল আর যে-দেশে ছিল, তাও আমার জানা আছে”,—এই বলিয়া তিনি একটা হাসির আবরণ দিয়ে, প্রসঙ্গটা চাপা দিয়া ফেলিলেন, এবং বলিলেন—“ও সব আমাদের আপোসের কথা, আপোসের মধ্যে হওয়াই ভাল । এখন এরা কি বলে শোনাই যাক না ; তোমার ট্রেনের ত’ এখনো ঢের দেরি ।” পরে সুলতানের দিকে চাহিয়া—“বল ত’ ছোকরা—”

মিস্টার শেফার্ডের কথাটা যে হার্ডী সাহেবের ভাল লাগে নাই,—তাঁহার মুখ চোখ সে প্রমাণ দিতে ছাড়িল না ।

সুলতান—বিবাদ-মিশ্রিত মৃদুকণ্ঠে বলিল—“আপনাকে ধন্যবাদ,—আমাকে মাপ্

করবেন। যে কথা বলায় বা শোনায়, এখন আর কোন সার্থকতাই নেই, কেবল একটা কৌতূহল নিবৃত্তির জন্য—সেটা শোনবার ইচ্ছা করবেন না।

মিস্টার শেফার্ড বলিলেন,—“My young man, তুমি কি জান না—সত্য কোন অবস্থাতেই নিরর্থক নয়। শুনতে আমার যে কৌতূহল নেই তা নয়, কিন্তু তার মধ্যে একটা মজা পাবার জন্যে আগ্রহ আমার আদৌ নেই।”

সুলতান বলিল,—“দেখুন—যে কারণে বা যে কাজের জন্যে, একপক্ষ কাল অনবরত চিন্তা, চেষ্টা, এমন কি আজ চোর জুয়াচোর হওয়া, আর এই হীনতা স্বীকার,—তার আশা যখন নির্মূল হ’য়ে গেছে, তখন সে সত্যেরও এখন আর কোন সার্থকতা নেই। সেটা এখন কেবল একটা ‘কথার কথা’ রয়ে গেছে, তার আর কোন মূল্য নেই। আমার যদি কেবল বাড়ী যাওয়ার তরে বাড়ী যাওয়া হ’ত, তা’হলে এমনটা কখন’ ঘটতে পেত’ না। সে রূপ আগ্রহ আমার ছিলও না, এখন ত’ নাই-ই। বরং এখন বাড়ী না যাওয়াই আমার ভাল।” এই বলিতে বলিতে সুলতানের কণ্ঠস্বর গাঢ় হইয়া আসিল, তাহার বাম হস্ত—টেবিলটাকে অবলম্বন পাইয়া চাপিয়া ধরিল, ও তাহার একটি সুগভীর নিঃশ্বাস পড়িল। একটু নীরব থাকিয়া সতীশকে লক্ষ্য করিয়া বলিল—“উনি সত্যই বলেছেন—আমার মাথার ঠিক নেই, আমি একটু বসি” বলিয়াই সে মেজের উপর বসিয়া পড়িল।

মিস্টার শেফার্ড বাস্তব হইয়া, “ব্যাপার কি?” জিজ্ঞাসা করিলেন ও চেয়ারে বসিতে বলিলেন। সতীশ সুলতানকে হাত ধরিয়া চেয়ারে বসাইল, ও শেফার্ড সাহেবকে ধন্যবাদ দিয়া বলিল—“এমন কিছু না—weakness ( শারীরিক সৌর্ভল্য ) মাত্র।” পরে বলিল—“আপনার মত ভদ্র লোককে ঘটনাটা বলতে আমার আপত্তি নেই; বিশ্বাস করুন না করুন, I don’t mind ( আমার তাতে আসে যায় না )। আর আপনার কাছে কিছু প্রত্যাশা করেও বলছি না—সেটা স্মরণ রাখবেন।”

সুলতান বামহস্তে নিজের কপালটা চাপিয়া চেয়ারে বসিয়াছিল, সে হাত ছাড়িয়া বাস্তব ও কাতরভাবে সতীশকে বলিল—“Spare me ( আমাকে লজ্জা দেবেন না )।” তাহার চক্ষুই তাহার কাতর আবেদন পরিস্ফুট করিয়া দিল, এবং তাহা মিস্টার হার্ডীর তীক্ষ্ণ কুটিল দৃষ্টি এড়াইল না। তিনি নিজে নিজেই অনুচ্চকণ্ঠে আবৃত্তি করিলেন—“সে আমি অনেকক্ষণ বুঝেছি।” এই বলিয়া দস্তুর উপর দস্ত চাপায়, তাহার সেই নীল চক্ষু দু’টিতে যেন একটা বিজ্ঞানমন্ডল ফুটিয়া উঠিল,—এবং তাহার ডানপা’টি নৃত্য করিতে লাগিল।

সতীশ থাকিতে পারিল না, হাসিতে হাসিতে বলিল, “You ought to have adorned “Scotland Yard” Mr. Hardy” বিদূপটা হার্ডী সাহেবকে খুবই বিধিল।

মিস্টার শেফার্ড অবস্থাটা বুঝিয়া, চট করিয়া বলিলেন—“Yes, he is duty personified ( হাঁ, উনি কর্তব্যের প্রতীকৃতি,—কর্মবীর )।” পরে সতীশকে লক্ষ্য করিয়া বলিলেন—“তুমিই এখন ঘটনাটা শোনাও, আমি তোমার সব সঙ্গেই রাজি আছি।”

সতীশ ।—কিন্তু যাদের বাড়ীতে ছেলে মেয়ে নেই, যারা জগতের ঐ সুকোমল সৌন্দর্য থেকে বঞ্চিত, তাদের সুকুমার বস্তুগুলি প্রায় ভোঁতা, তারা ত’ আমার কথাটা বুঝতে পারবে না।

মিস্টার শেফার্ড হাসিয়া বলিলেন, “সে সম্বন্ধে তুমি দুর্ভাবনা রেখ না, আমার নিজেরই প্যাঁচটি, and I am tired of them, আমি জ্বালাতন হয়েছি।”

সতীশ ।—মুখে ওটা সকলেই বলে থাকেন, কিন্তু একটি যদি খসে, বা একটির স্নেহ-কাতর আবেদন যদি রক্ষা করতে না পারা যায়, তখন প্রাণের মধ্যে তার পরিচয় আপনিই ফুটে ওঠে—বাইরে প্রমাণ খুঁজতে হয় না।

মিস্টার শেফার্ড ।—“Oh, don’t remind ( ও কথা আর মনে করে দিও না )” এই বলিয়া তিনি এমন একটি দীর্ঘনিশ্বাস ফেলিলেন যে, টেবিলের কাগজপত্র যেন সভয়ে কাঁপিয়া উঠিল।

আমাদের সতীশের বক্তৃতা-শক্তিটা বরাবরই ছিল ; সে কখন’ কখন’ গোলদিঘীর ‘গ্যারিবল্ডি’ হইয়াও দাঁড়াইয়াছে। আজিকার ঘটনাটি সে সংক্ষেপে অথচ আন্তরিকতার সহিত—ভাবপূর্ণ-ভাষায় বলিয়া গেল, এবং কি ভাবে ও কতটা ভাবনা, চিন্তা ও উদ্যমের মধ্যে—কোন পরিচিতের সাহায্য লাভে বঞ্চিত হইয়া,—পরে অপর কোন ট্রেন না থাকায়—শেষ মুহূর্তে হতাশ, বিমূঢ় ও ইচ্ছা-অনিচ্ছার অতীত অবস্থায়—গাড়ীর মধ্যে সে অসম্মিত নীত হইয়াছিল, তাহা বর্ণনা করিল।

সতীশ সবই নিজের উপর আরোপ করিয়া বলিয়া গেল। পরিশেষে বলিল—“ঐ একমাত্র ট্রেন, যা—সময়ে আমাকে আমার প্রতীক্ষাপরায়ণা ভগ্নীর বহুদিন সঞ্চিত সাধটি পূরণ ক’রে তাকে আনন্দোৎফুল্ল করতে পারত’ ও উৎসবানন্দে যোগ দিবার সুযোগ দিত, তা যখন চলে গেল,—তখন চোর বলেই নির্ধাতিত হই আর শান্তিই পাই, সেটা সেই আশা-হতা বালিকার মর্মপীড়ার তুলনায়—অতি তুচ্ছ। এখনো সে আশার আনন্দে কত না কম্পনার ছাঁবি আঁকছে, কত না পথ চেয়ে আছে।” এই শেষ কথা কয়টি বলিতে সতীশের গলাও ভার হইয়া আসিল, তাই সে কেবল এইমাত্র বলিয়া শেষ করিল—“বাড়ী যাবার সে ক্ষিপ্ত-উৎসাহ কোথায় চলে গেছে, এখন প্রাণ কেবল না-যাওয়াটাই চাচ্ছে।”

সতীশ বলা আরম্ভ করিবার পরই, মিস্টার হার্ডী, টাইম্-টেবল্ রাখিয়া খুব অনুদীক্ষৎসুর দৃষ্টিতে, মুখে চখে আবিধাসের ভাব লইয়া, সম্মুখে ঝুঁকিয়া শুনিতে আরম্ভ করেন।

খানিকটা শূনিবার পর—তাহার সে ভাব অন্তর্হিত হইতে থাকে । ক্রমে কপালটা কুণ্ডিত হইতে হইতে, সহসা মুখ চোখ চিন্তাপীড়িত হইয়া পড়ে ।

মিস্টার শেফার্ড তন্ময় হইয়া শূনিতেছিলেন, তিনি বলিলেন—I fully understand the situation ( আমি অবস্থাটা খুবই বুঝি ), এবং উঠিয়া দ্রুত পদচারণা করিতে, রুমালে নাক ঝাড়িতে ও নাক চোখ মুছিতে আরম্ভ করিলেন । পরে মিস্টার হার্ডীর পিঠে হাত দিয়া, একটি নিশ্বাস ফেলিয়া বলিলেন—“ডোরা আমার বুকে এই কষ্টই রেখে গেছে. একটা—blue skirt ( নীল রংয়ের জামা ) মাত্র চেয়েছিল, আমি অত’ গা করিনি,—ফিরে গিয়ে আর,—Oh my—” বলিয়াই একটি চাপা গভীর শব্দ করিয়া উঠিলেন । বোধ হইল যেন একটা কঠিন ধাক্কা—তাহার লৌহ-কপাট-সদৃশ বক্ষে সজোরে আঘাত করিল ।

মিস্টার হার্ডী উঠিয়া দাঁড়াইলেন ও তাহার হাত ধরিয়া বলিলেন—“Don’t be a child—old boy ( এ বয়সে ছেলেমানুষী কর’ না ) ।”

মিস্টার শেফার্ড পশ্চাতের কামরায় চলিয়া গেলেন ও বেল্লারকে দু’গেলাস সোডা দিতে বলিলেন । মিস্টার হার্ডীও সেই কামরায় ঢুকিলেন এবং বেহারা-প্রদত্ত সোডা মিশ্রিত হুইস্কী, উভয়েই ধীরে ধীরে উপভোগ করিতে লাগিলেন ।

যে বৃদ্ধ লোকটি ফেশন-মাস্টারের কামরায় পাখা টানিতেছিল, তাহার নাম ছেদি, জাতিতে কুম্ভী ; সে সব কথাই শুনিয়াছিল এবং ব্যাপারটা বুঝিয়াছিল । সে সেই অবকাশে সুলতানের সান্নিকটে আসিয়া সেলাম করিয়া বলিল,—“বাবু আমি গরীব, আমার কাছে এগার আনা পয়সা আছে,—যখন ফিরবেন দিলে যাবেন, এদের এখন ফেলে দিন । আর কিছু দরকার হয় ত’ ছুটি পেলেই আমি সাথীদের কাছ থেকে এনেদি ।” এই বলিয়া সে কোমর হইতে পয়সা বাহির করিতে লাগিল ।

সুলতান উঠিয়া তাহার হাত ধরিয়া বলিল—“ভাই, খোদা তোমাকে এর বদলা দেবেন, এ তোমার দেওয়াই হয়েছে, কিন্তু আজ আর আমাদের যাবার গাড়ী নেই ; দরকার বুঝি ত’ তোমার কাছেই চাইব ।”

সাহেববয় যথাস্থানে আসিয়া বসিলেন ।

মিস্টার শেফার্ড একটি চুরটু মিস্টার হার্ডীকে দিলেন, ও একটি নিজে ধরাইতে ধরাইতে বলিলেন—“সব শুনলে ত’,—এখন কি করবে ?”

মিস্টার হার্ডী একটু আশ্চর্য হইয়া বলিলেন—“Why, it does not prove settlement of Company’s dues, does it ? ( ওতে কোম্পানীর পাওনা মেটাবার মত কি আছে ? ) ”

মিস্টার শেফার্ড মিনিটখানেক অবাধ থাকিয়া বলিলেন—“If it does not, I

believe this piece of paper does. ( ওতে যদি না মেটে, আমার বোধ হয় এই কাগজের টুকরোটোর মিটেতে পারে। )” এই বলার সঙ্গে সঙ্গে—বুক-পকেট হইতে একখানি দশ টাকার নোট বাহির করিয়া মিষ্টার হার্ডীর মুখের কাছে ধরিলেন।

সে সময় মিষ্টার শেফার্ডের মুখের ভাব, মিষ্টার হার্ডীর ব্যবহারের বিপক্ষে সূত্রি বিদ্রূপে ফুটিয়া উঠিয়াছিল, আর সেটা যেন তাঁহার হাতে রূপ ধরিয়া মিষ্টার হার্ডীর চোখের সম্মুখে আসিয়া দাঁড়াইয়াছিল।

মিষ্টার হার্ডীর রক্ত, চোখের পাশ দিয়া দু-দু’বার কণ পৰ্যন্ত ছুটিয়া কপালের দুইধারে উঠিয়া সহসা মিলাইয়া গেল। তিনি একটু ফাঁকা হাসি হাসিয়াই—Thank you my noble Sir ( ধন্য মহোদয় ) বলিয়াই নোট খানি ছোঁ মারিয়া লইলেন ও পাল্টা বিদ্রূপের হাসি হাসিয়া বলিলেন, “এত দিনে, বিনা টিকিটের আরোহীদের একটা হিল্লো হ’ল আমিও অনেক botheration ( ঝঞ্জাট ) থেকে বাঁচবার একটা উপায় পেলুম।” এই বলিয়াই তিনি পকেট হইতে Receipt book ( রসিদ বই ), ও পেন্সিল বাহির করিয়া এবং টেবিলের উপর হইতে বর্ধমানের টিকিটখানা নিজেই তুলিয়া লইয়া,—একমনে হিসাবে বসিয়া গেলেন।

সতীশ বাস্ত হইয়া—মিষ্টার শেফার্ডকে—“মহাশয়”—বলিয়া, কি বলিতে যাইতছিল। তিনি বাধা দিয়া বলিলেন,—“এটা দান ব’লে মনে কোর’ না, যখন ফিরবে আমাকে দিয়ে গেলেই হবে।”

সতীশ পুনরায় বলিল—“কিস্তু আজ আর যখন ট্রেন নেই—আর অন্য দিনে যাওয়াও যখন ব’ধা—”

মিষ্টার শেফার্ড আবার বাধা দিয়া বলিলেন—“বাস্ত হচ্চ কেন,—আমি বিশ মিনিটের মধ্যেই ৭টা ৩৫ মিনিটের Goods-এ ( মালগাড়ীতে ) তোমাদের book কোরে দেব ( পাঠিয়ে দেব )।”

এই কথার শেষেই ছেদির স্বতঃস্ফূর্ত উচ্ছ্বাস—“রামজী মালিক”, শূন্য গেল।

Goods-Train-এর ( মালগাড়ীর ) নাম শুনিয়াই মিষ্টার হার্ডীর পেন্সিল খামিয়া গিয়াছিল। তিনি বিস্ফারিত নেত্রে, গলাটা রাজহংসের মত সামনে বাড়াইয়া দিয়া, একটা কথা জিজ্ঞাসার ফাঁক খুঁজিতে ছিলেন। এইবার বলিলেন, “Goods ট্রেনে পাঠানই তাহলে ঠিক ? তাতে কিস্তু 2nd class-এর fare ( দ্বিতীয় শ্রেণীর ভাড়া ) লাগবে।”

মিষ্টার শেফার্ড বলিলেন,—“সেটা বোধ হয় আমি জানি।”

মিষ্টার হার্ডী আর দ্বিভুক্তি না করিয়া অক্ষশব্দে মন দিলেন, ও দশ মিনিটের মধ্যে—ভাড়া, জরিমানা প্রভৃতি পাই পরসী হিসাব করিয়া রসিদ ও বাকি টাকা আনা, মিষ্টার শেফার্ডের সম্মুখে টেবিলের উপর রাখিলেন।

মিস্টার শেফার্ড রসিদ খানি সতীশের হাতে দিয়া বলিলেন—“আশা করি এখন তোমরা—বালিকাটির কোমল হৃদয়ের কোনরূপ আঘাত পৌঁছিবার পূর্বেই পৌঁছিতে পারবে।”

সতীশ বিনীতভাবে বলিল—“আপনার সহৃদয়তা ও উদারতাই এ সাহায্যের মূল। আপনি আমাদের যে উপকার করলেন, তার পরিবর্তে—খান্যবাদ দেওয়া বা কথায় কৃতজ্ঞতা প্রকাশের চেষ্টা পাওয়াই মৃত্যু। আপনার সৌজন্য ভুলতে পারব না। আমাদের সৌভাগ্য যে, বিপাকে পড়েছিলাম,—তাই এই আদর্শ লাভ হ’ল।”

মিস্টার শেফার্ড সত্বর উঠিয়া দাঁড়াইয়া বলিলেন—“এস এস, ওসব থাক্, গাড়ী এল বলে।” এই বলিয়াই তিনি প্র্যাটফরমের দিকে চলিলেন, সতীশ সুলতানকে আসিতে ইঙ্গিত করিয়া, তাঁহার অনুসরণ করিল।

মিস্টার হার্ডী ইতিপূর্বেই উঠিয়া গিয়াছিলেন।

সুলতান ছোঁদর সহিত দুই চারিটা কথা না কহিয়া আসিতে পারিল না। প্র্যাটফর্মে আসিয়াই সে মিস্টার শেফার্ডের নিকট গিয়া বিনয়-জড়িত কণ্ঠে বলিল,—“আপনি আজ আমাকে এমন একটা বেদনা থেকে বাঁচালেন, যা আমার জীবনে চিরস্থায়ী হয়ে থাকতো।”

এই সময় মালগাড়ী আসিয়া দাঁড়াইল। মিস্টার শেফার্ড গার্ডকে বলিয়া দিলেন—“এই দুই ভদ্রলোক তোমার গাড়ীতে যাবেন,—এ’রা 2nd class passenger ( দ্বিতীয় শ্রেণীর যাত্রী )।”

মিস্টার হার্ডীকে দেখা গেল না,—গাড়ী ছাড়িয়া দিল। এমন সময় টেলিগ্রাফ-আপিস্ হইতে বাহির হইয়া, মিস্টার হার্ডী ছুটিয়া গার্ডের কামরায় উঠিলেন। সতীশ সহজ হাসির ভাবে বলিল—“Welcome ( আসুন ) মিস্টার হার্ডী, আবার টিকিট দেখতে চাইবেন না ত !”

মিস্টার হার্ডীও হাসিয়া বলিলেন—“আমার duty ‘ইত’ ( কর্তব্য কর্মইত ) তাই,—তবে নিজের হাতে লিখে দিয়েছি, নিজেকে আর অবিশ্বাস করি কি করে।”

সতীশ বলিল—“তাহলে দেখিচি, আপনার নিজের ওপর বিশ্বাসটা এখনো হারাননি !”

কথাটা শুনিয়া মিস্টার হার্ডী অবাক হইয়া সতীশের দিকে চাহিয়া কি ভাবিতে লাগিলেন।

[ ৩ ]

তখনো ষষ্ঠীর চন্দ্র হাসিতেছিল। ট্রেন টিশবিঘা স্টেশনের সমীকট হইতেই, দূর হইতে বাসু-হিল্লোলে ভরদ্বায়িত একটি কবুণ-সুর ভাঁসিয়া আসিয়া কর্ণে প্রবেশ করিতেছিল—

পথ'পানে চেয়ে চেয়ে অন্ধ হ'ল দু'নয়ান  
বিলম্বে—কি দিলে আমি হেরিব মা সে' বয়ান !  
দিন, মাস, দণ্ড গণি—বৎসর করেছি শেষ,  
কি ক'রে কঠিন হ'লে—বুঝিলে না মোর ক্রেশ,  
আর না বাঁচিব আমি—নিশি হ'লে অবসান ।

সতীশের প্রাণে ইহা এমন এক চিত্র আঁকিয়া যাইতেছিল, যাহা তাহাকে তন্ময় করিয়া ফেলিতেছিল,—তাহার প্রাণ-মন সিস্ত করিয়া দিতেছিল । গায়কের প্রাণের সত্য ছায়াটি তাহার প্রাণে প্রতিবিম্বিত হইয়া উঠিতেছিল ।

আবার তাহা সুলতানের প্রাণে আর এক চিত্র প্রতিফলিত করিতেছিল । সে সুকোমল তুলিকার সূক্ষ্ম রেখাগুলি, তাহার প্রত্যেক শিরাকে বিচলিত করিয়া দিতেছিল, তাহার মনের সম্মুখে আর একটি ব্যাধা-বিধুর মর্ম—স্তরে স্তরে খুলিয়া খুলিয়া দেখাইতেছিল, ও তাহার নীরব মর্মভূষ কাতর নিবেদন, নিদারুণ সুরে তাহার হৃদয়ে বাজিয়া উঠিতেছিল,—তাহাকে অধীর করিয়া তুলিতেছিল । সে আর থাকিতে পারিল না, হঠাৎ সতীশের হাত ধরিয়া বলিল—“দাদা আপনি ষাবেন ত ? আমি একলা—”

সতীশ সম্মুখে তাহার পিঠে হাত বুলাইয়া বলিল—“যা'ব বইকি ভাই,—একা কেন ? আমি ত' রয়োছি—”

মিষ্টার হার্ডী বলিয়া উঠিলেন,—“সতীশ বাবু,—I both admire and respect you, any one ought to be proud of your friendship ( আমি তোমায় কেবল প্রশংসাই করি না,—তোমাকে সম্মান করি,—যে-কেহ তোমার বন্ধুত্বের গর্ব করিতে পারে )—কিন্তু আমি তোমাকে সব মহত্ত্বটা নিতে দিচ্ছি না,—আমারও তার একটু অংশ পাবার লোভ আছে । তোমাকে আর যেতে হবে না ; আমি ব্যাণ্ডেল থেকেই বৈঁচির স্টেশন-মাস্টারকে টেলিগ্রাফ করে এসেছি,—সুলতানকে বাড়ী পর্যন্ত পৌঁছে দেবার জন্যে—দু'জন স্টেশন-কুলি ও দু'টি হিরকেন-ল্যাম্প প্রস্তুত রাখতে ।”

মিষ্টার হার্ডী কথায় দু'জনেই আশ্চর্য ও অবাক হইয়া গিয়াছিল । কথা শেষ হইলে সতীশ বলিল—“Are you in earnest ? ঠিক বললেন, না তামাসা করছেন ?”

মিষ্টার হার্ডী হাসিয়া বলিলেন,—“আমার পূর্বের ব্যবহার দেখে বুঝি বিশ্বাস হচ্ছে না ! সেটা ছিল আমার duty ( কর্তব্য ),—যার জন্যে আমি মাইনে পাই । চাকরির কর্তব্য আর নিজের কর্তব্য কি একই জিনিষ ? সেটা আমি কোম্পানীর জন্যে করি, আর এটা আমার নিজের ।”

সতীশ কথা না বাড়াইয়া বলিল,—“যখন টেলিগ্রাফ করেছেন, তখন আবার কষ্ট ক'রে এলেন কেন ? বৈঁচি ছোট স্টেশন—রাতে কষ্ট হবে ।”



মিষ্টার হার্ডী বলিলেন,—তুমি ঠিকই ঠাউরেচ, কিন্তু কেন যে এলাম সেটা বল্পে তোমার ভাল লাগবে না। আমি যদি আজ কোন ‘মিষ্টার অমুকের’ জন্য ব্যবস্থা রাখতে বলতুম, তা’হলে আমার আসার আবশ্যকই ছিল না; কিন্তু নিজের দেশের লোক— এমন কি স্বীলোক সম্বন্ধেও, তোমাদের দেশের ঐ সব জীবগুলির উপর আমার আদৌ আস্থা নেই...। নিজের ছাড়া—দেশের লোকের উপকারে তারা অভ্যস্ত নয়—”

সতীশ কথাটার ভাল প্রতিবাদ খুঁজিয়া না পাইয়া, ঢোক গিলিয়া কেবলমাত্র বলিল, —“একে ত’ বহুদিনের পরাধীনতার লোকের মনুষ্য লোপ পায়, তার উপর সেই বিদেশীর তাঁবেই চাকুরি,—কাজেই সে-মানুষ সহজেই নিজেকে হারিয়ে বসে।...”

এই সময় গাড়ী আসিয়া বৈঁচি স্টেশনে থামিল।

মিষ্টার হার্ডী গাড়ীকে বলিলেন—“একটু দেরি করতে হবে।”

বৈঁচির স্টেশন মাষ্টার গদাধর গাঙ্গুলী, মিষ্টার হার্ডীকে দেখিয়া খতমত থাইয়া গেলেন।

মিষ্টার হার্ডী বলিলেন—কৈ—তোমার লোক কই?

তিনি মাথা চুলকাইতে চুলকাইতে, একবার—“পলটু—পলটু” করিয়া এদিকে, একবার “গণপৎ—গণপৎ” করিতে করিতে ওদিকে, ছুটোছুটি আরম্ভ করিলেন।

মিষ্টার হার্ডী সতীশের দিকে চাহিয়া হাসিলেন।

প্ল্যাটফর্মের একপ্রান্ত হইতে সেই “পলটু” আর ‘শালা’, কখনও “গণপৎ” আর ‘রাস্কেল্’, শ্রুত হইতে লাগিল! চার পাঁচ মিনিট চাঁৎকার আর ছুটোছুটির পর স্টেশন-মাষ্টার মশাই হাঁপাইতে হাঁপাইতে আসিয়া বলিলেন,—“এখন তারা আসছে ‘সার্’।”

মিষ্টার হার্ডী;—তারা কোথায়?

স্টেশন-মাষ্টার।—একজন সার্ খেঁতে বসেছে, আর রাস্কেল্ গণপৎ সার্ “ডিষ্ট্রিক্ট-সিগনেলে” তার কে মেসো আছে সার্, সেখানে দোস্তি দেখাতে গেছে। সব শালা বেইমান সার্।

মিষ্টার হার্ডী,—অর্থাৎ তুমি কিছু করনি,—করতেও না। কিন্তু আমি এই বসলুম, —দশ মিনিটের মধ্যে আমার এই young friend কে আমি বাড়ী পাঠাতে চাই।

স্টেশন-মাষ্টার,—Beg your pardon Sir—মাফ্ করবেন সার্, আমি পাঁচ মিনিটের মধ্যে সব হাজির করছি সার্। বদ্‌মাইস বেটাদের টীক দেখতে পাবার জো নেই সার্—আমাকে হাল্লরান ক’রে মারলে। চোড়া বেটা লক্ষণ-ভোজনে বসেছে।”—ইত্যাদি বলিতে বলিতে আবার ছুটিলেন।

একটু অন্তরাল হইয়া গাঙ্গুলী মশাই—সিগনেলার বাবুকে নিম্নকণ্ঠে বলিলেন—  
“ওহে নেপেন, এ ব্যাটা দেখছি যমের মত ঘাড়ে চাপলো, শালাকে চেন’ ত’! দু’টো

হরিকেন ভাই চট করে জোগাড় করে রাখ, নইলে জানু থাকবে। উঃ আমি ত' আর পাচ্ছি না, ( চাঁৎকার করিয়া ) “ওরে পল্টু, ওরে শা—লা।” ( নেপেনের প্রতি ) এ কাঁচাখেগো দেবতা ব্যাটা কোথা থেকে এক মড়াগে নবাবপুস্তুর সঙ্গে ক'রে এল,—ভাঁধা রোশনাই না হলে চলবে না,—বাবুর যেন খশুড়বাড়ী, একটা জোটে না, দু-দুটো ল্যাম্প ! একলা পেলে দেখতুম চলতো কি না।—“ওরে পল্টু, তোমারা পিণ্ডী গেলা হ'ল রে ব্যাটা ? ওহে নেপেন—ব্যাটারা যে সাড়া দেয় না হে, শুলো না কি ! আমি ত দাঁড়াতে পারছি না। দু'টো ল্যাম্প দ্যাখ্ বাবা—লক্ষ্মীটি।”

নেপেন বলিল—তেল যে নেই !

স্টেশন-মাস্টার,—তোমরা আমার চাকরি খেলে দেখছি। ( দাঁত মুখ বিকৃত করিয়া ) এত দিন কাজ কোরে,—“তেল নেই !” এখানে তেল আবার থাকে কবে ? এখানেই যদি থাকবে ত' বাড়ীতে রাখার কুঞ্জে জলবে কি ! দাওনা দাদা জল টেলে পুরিয়ে, ওপরে মিনিট দশ-পনের জলবার মত দু'পলা ছড়িয়ে দিলেই ঢের হবে ! পো-খানেক পথ যাবার পর, নিবে গেলে কি আর বাড়ীমুখো-লোক ফেরে ! এই বুদ্ধি'নে বুঝি চাকরি করতে এসেছ !

নেপেন।—হ্যাঁ, তারপর ফিরে এসে যদি ঐ কথা রিপোর্ট করে ? গণপৎ ব্যাটা যে রকম জালিম লোক !

স্টেশন-মাস্টার।—হাড়ী ব্যাটা 'সত্যি থাক'বে নাকি ? ওর নীল চোক দু'টো দেখলে আমার বুকে খিল খরে ! বল' কি হে,—ও থাকবে !

এমন সময় মিস্টার হাড়ী ডাকিলেন—“স্টেশন-মাস্টার !”

স্টেশন-মাস্টার।—ঐ নাও ; দু'গা দু'গা,—( উচ্চ কণ্ঠে ) Yes সা—র্,—চাকরি আর রইল না ! নেপেন শীগগির নে ভাই,—কুলি ব্যাটাদের ডি'র উপড় ক'রে কাজ সেয়ে ফ্যাল !

এই সময় টেলিগ্রাফের শব্দ আসায় নেপেন বলিল,—“এখন কি করি বলুন ?”

স্টেশন-মাস্টার বিরস্তির সহিত বলিলেন,—“কি করি কি আবার ? মরুক্গে ও উড়া-টক্কা,—বাঁচি'ত' সামলে নেব ! ওর ত' আর ঘুসিও নেই লাখিও নেই, এ শালা যে দু'য়েতেই ওস্তাদ, মহীরাবণের বাচ্চা ! খোকোশ ব্যাটা আবার চাকরি খাবার কুন্তকর্ণ ! রক্ষে কর দাদা, আর কথা কোস্নি।—“ওরে পল্টু,—ও বাপ্ গণপৎ—জল্দি ল্যাম্প থেকে আওরে বাদু।” এই হাঁকিয়া,—মধুসূদন, মধুসূদন বলিতে বলিতে মিস্টার হাড়ীর সম্মুখে হাজির হইয়া বলিলেন,—“সব ready Sir ( সব ঠিক সার )।”

মিস্টার হাড়ী।—“তা বুঝিছ ! Line clear পেয়েছ, late ( দেরি ) হয়ে যাচ্ছে, ঘণ্টা দাও।”

গাঙ্গুলী মশাই নিজেই ঘণ্টা দিতে ছুটিলেন,—মিষ্ঠার হার্ডীর সম্মুখ হইতে সরিয়া যাইতে পারিলেই বাচেন।—

মিষ্ঠার হার্ডী তখন দাঁড়াইয়া উঠিয়া সতীশের হাত ধরিয়া করমর্দন করিতে করিতে বলিলেন—“দেখলে ত’ তোমাদের দেশের লোকের—দেশের লোকের প্রতি টানের নমুনাটা! আমরা কিন্তু এই সব জীবই পছন্দ করি। এদের যা বলাই—বলে, আমাদের সাইকেলখানাও নিজে বোয়ে গাড়ীতে তুলে দেয়! এখন Good-bye—তুমি নিশ্চিন্ত থেক’, আমি রাত সাড়ে দশটার মধ্যে তোমার বন্ধুকে বাড়ী পৌঁছে দেব। পৌঁছান খবর না নিয়ে এখন থেকে নড়াচি না।”

সতীশ, দিশী-লোকের সম্বন্ধে মিষ্ঠার হার্ডীর কথা ও নজির, কষ্টের সহিত হজম করিতেছিল। সুলতানের দিকে চাহিয়া বলিল—“কি বল ভায়া—এখন আমি যেতে পারি? তোমার সঙ্গে যেতেও আমার কোন আপত্তি নেই।”

মিষ্ঠার হার্ডী বলিলেন,—সে কি কথা! না—না, মিছি মিছি তোমাকে আর কষ্ট দেওয়া কেন! আমি সে ভার নিরেই ত এতদূর এসেছি।

সুলতান।—( সতীশের প্রতি ) “দাদা—আপনার কাছে কিছু বলতে আমার লজ্জা হয়, সাহস হয় না। সেলিনাকে যে বেগনা-মলিন দেখতে হবে না, যা আমার হৃদয়ে চিরদিন একটি ক্ষতের মতই থাকত—সে আপনার কৃপায়। আপনার সহনশীলতা, মেহশীলতা ও নির্ভীক সত্যনিষ্ঠাই—সকলকে আমার মত অযোগ্যের প্রতি সহানুভূতিপরাণ করে দিচ্ছে। আপনি এখন অনায়াসেই যেতে পারেন,—আপনি ত’ আমাকে অসহায় ফেলে যাচ্ছেন না।” এই বলিয়া সুলতান হিন্দুদের প্রথমত সতীশের পদধূলি গ্রহণ করিল। সতীশও তাহাকে বুকে চাপিয়া আলিঙ্গন করিল। উভয়েরই চক্ষু বাষ্পাকুল হইয়া আসিল।

মিষ্ঠার হার্ডী সুলতানকে বলিলেন,—“মনে কোর না আমি তোমার গুণ-সম্বন্ধে অন্ধ—তোমার কোমল প্রকৃতি, আর তোমার আদর্শ ভগ্নিন্নেহ, আমাকে মুগ্ধ করেছে। তোমার প্রকৃতিতে আমি Oriental ( প্রাচ্যের ) মাধুরী লক্ষ্য করছি। কিন্তু সতীশ রাবু is a square man ( চৌকোস লোক )”। পরে তিনি সতীশকে বলিলেন—“এইবার উঠে পড়’—দেরি হয়ে যাচ্ছে—Good-bye ( মঙ্গল-বিদায় )।”

সতীশ গাড়ীতে উঠিতে উঠিতে বলিল—“Yes, for the present ( আজকের মত )। কিন্তু আপনার কাছে আমার দুইটি বিষয়ের তর্ক পাওনা রইল,—আপনার চাকরির কর্তব্য আর নিজের কর্তব্য সম্বন্ধে ধারণার, আর আমাদের দেশী ( চাকুরে ) লোকের—দেশের লোকের প্রতি ব্যবহার সম্বন্ধে—” গাড়ী ছাড়িয়া দিল।

মিষ্ঠার হার্ডী হাসিতে হাসিতে বলিলেন—“My Lord! তুমি ও-কথা দু’টো ভোলনি! আমি জানি তুমি—unsparing ( ছাড়বার পাত্র নও )।”

সতীশ ( চলন্ত গাড়ী হইতে )—“আজকের জন্যে ফেশন-মাস্টারকে কিছু বলবেন না ।”

মিস্টার হার্ডী—( দু’পা ছুটিয়া )—“এটাই তোমাদের—weakness ( চরিত্রের দুর্বলতা ) ; তোমার রোগ পুষতে ভালবাস,—আচ্ছা, তাই হবে ।”

\*

\*

\*

\*

তখনো পল্টু ও গণপতের দেখা নাই । ফেশন-মাস্টার স্কিপ্তের মত একবার এদিক, একবার ওদিক করিতেছেন, ও কুলিদের সপ্ত-পুরুষকে নানাবিধ উপহার দিতেছেন !

নেপেন একটি ডিবি হাতে করিয়া আসিতেছিল, তাহাকে পাইয়া হতাশের মত তাহার হাত ধরিয়া বলিয়া পড়িলেন,—“ভাইরে যা হস করগে, কোথা থেকে যম এসে হাজির হল—আমার চাকরির দফা আজ গয়া হ’য়ে গেল ! বিপদ-কালে কোন শালায় দেখা নেই”, বলিয়া কাঁদিয়া ফেলিলেন ।—“আমি এই কাশ-বনে ঢুকলুম, বেটা ডাকে ত’ বোলো”—“লম্বা লম্বা দাস্ত চলচে,—আবার ছুটেচেন ।”—“দয়া করে সাপে খায় ত’ বাঁচি,—এখন সে শালারাও কি ছোঁবে ?—উপকার হবে যে ! গেরায় ধরেছে কি না, তাই সোঁদন মাগী আবার রোশনাই করে—মনসা পুজো দিয়ে মরেন ।”

নেপেন তাঁর ফ্যাকাশে মূর্তি দেখিয়া ভীত হইয়াছিল, তাই তার হাসিটা দমিয়া গিয়াছিল । গাঙ্গুলী-মহাশয়ের গায়ে হাত দিয়া দ্যাখে—সব রক্ত জল হইয়া গিয়াছে—গা যেন হিম ! তিনি অত্যধিক nervous হইয়া পড়িয়াছিলেন । নেপেন তাঁকে সত্বর বাড়ী গিয়া একটু গরম দুধ খাইয়া শুইয়া পড়িতে জেদ করার, তিনি হতাশ-কণ্ঠে কাঁদিয়া বলিলেন—“দুধ ! সে আর এবার নয় নেপেন, এবারকার মত ও-বেলা শেষ-তিনপো খেয়ে নিছি । এখন ভাই এক-বাটি শেকো দাও ত’ খেয়ে একেবারে নিশ্চিন্ত হই ;—‘বুধিটাকে’ তুমি নিয়ে যেন নেপেন ।”

নেপেন টিকিট-বাবুকে দিয়া তাঁহাকে কোলাটারে পাঠাইয়া দিল ও বলিল—“ভাববেন না, আমি সব ঠিক করছি ।”

“আর্ ঠিক !” বলিতে বলিতে তিনি টিকিট-বাবুর সাহায্যে কোলাটারে গিয়া ‘খাটিয়া’ লইলেন ।

ফেশন-মাস্টারের অবস্থাটা কাহারও কাহারও নিকট—বাড়াবাড়ি বলিয়া মনে হওয়াই সম্ভব ;—কিন্তু কিছুমাত্রও নয় । সেখানে চাকরি plus ( সঙ্গে সঙ্গে ) নানাপ্রকার গলদ, সেখানে মিস্টার হার্ডীর মত কড়া অফিসারের ( কর্মচারীর ) সমক্ষে এই অবস্থাই ঘটে । বিশেষতঃ মিস্টার হার্ডীর report বা recommendation ( মন্তব্য ) যখন ব্যর্থ হয় না । এই কারণে সকলেই তাঁহাকে ভয় করিত ;—report ছাড়া তাঁহার হাত-পাও খুব সচল ছিল । তাঁহার কোপ-দৃষ্টিতে পড়িলে কাহারও বাঁচোয়া ছিল না ।

\*

\*

\*

\*

গাড়ী স্টেশন ছাড়িয়া গেল,—সতীশ চলিয়া গেল। বষ্টীর জ্যোৎস্নাও নিশ্চয় হইয়া আসিল। স্টেশন একপ্রকার লোক শূন্য হইয়া পড়িল।

মিস্টার হার্ডী সুলতানকে বলিলেন—“এইবার তোমার পালা”, এবং সেইখান হইতেই উচ্চ গভীর স্বরে—“পালটু—you গাণপাট্” বলিয়া নৈশ-অঙ্ককার ভেদ করিয়া, যে শব্দ প্রেরণ করিলেন, দূর বৃক্ষরাজি ও মাঠের বিপুল বৃক্ষ তাহা যেন সহিতে না পারিয়া, তৎক্ষণাৎ তাহা ফেরৎ দিল;—চতুর্দিক কাঁপিয়া উঠিল। সঙ্গে সঙ্গেই “হুজুর” বলিয়া পলটু ও গণপৎ সম্মুখেই স-সেলাম দেখা দিল, যেন মাটি ফুঁড়িয়া উঠিল।

মিস্টার হার্ডী তাহাদের হুকুম করিলেন—“এই বাবুকে ঘর পঁহুছাদেকর আও। বারা বাজকে ভিতর আকে হামকে। খবর দেনেসে, হাম্ বক্‌সিস্ দেগা। বাবু যো চিটি দেগা—লেকে আও—হাম্ ইহাঁই রহেগা।”

মিস্টার হার্ডী সুলতানকে নিজের একখানি কার্ড দিয়া বলিলেন—“ইহারা তোমার সহিত সদ্ব্যবহার করিয়াছে কি না, কার্ডের অপর পৃষ্ঠায় লিখিয়া দস্তখৎ করিয়া, এদের হাতেই ফেরৎ দিও। সেটা কিন্তু বাড়ী পৌঁছিয়া করিও—তার আগে নয়। Mind, they are veteren rogues (এরা পাক্কা বদমাইস্।)”

গণপৎ বলিল—“হুজুর লাল্টেম্ মিলেগা।”

মিস্টার হার্ডী—“আলবৎ” বলিয়া, সোজা স্টেশন-মাষ্টারের অফিসে ও বুকিং অফিসে যে দুইটি হারিকেন জ্বলিতোহিল, তাহা স্বহস্তে তুলিয়া লইয়া তাহাদের দিলেন।

পরে সুলতানের হাতে হাত দিয়া, একটু নাড়িয়া বলিলেন—“Now—good-night my young friend,—God speed.”

সুলতান।—“আপনার সাহায্য আমি কখন ভুলতে পারব না—”

সুলতান গভীর কৃতজ্ঞতাপূর্ণ হৃদয়ে বিদায় লইয়া, গৃহাভিমুখে যাত্রা করিল। পরক্ষণেই শোনা গেল—গণপৎ গান ধরিয়াছে—

“বতা-দে সাঁখ—”

\*

\*

\*

\*

স্টেশন-মাষ্টার বাবুর তত্ত্ব লওয়ার, নৈপেন বলিল—“তার লম্বা লম্বা দান্ত হচ্ছে।”

মনে মনে হাসিয়া সাহেব বলিলেন—“তুমি গিয়ে তাঁকে সেটা বন্ধ করতে বল,—সেটার আর আবশ্যক নেই। আজকের দুটির আমি কোন নোটিশই নেব না, কিন্তু ভবিষ্যতে কিছ্ গেল, সুদৃ শুদ্ধ আদায় হবে—সেটা যেন মনে রাখেন।”

মিস্টার হার্ডী এইবার, নক্ষত্র-খচিত চন্দ্রাতপ-তলে, একথানা চেয়ার টানিয়া আনিয়া, উদাস ভাবে বসিলেন। তাঁহার একমাত্র ভগ্নী সোফিয়ার কথা মনে পড়িল। দেড় বৎসর হইল সোফিয়া তাঁহাকে পর পর তিনখানি পত্র লেখে, ও প্রত্যেক খানিতেই—ভারতের রমণীদের পোষাক পরিচ্ছদ ও অলঙ্কারাদির, আর নুরজাহান ও তাজমহলের ফটো পাঠাইয়া দিবার জন্য, আগ্রহপূর্ণ অনুরোধ জানায়। তিনি—‘মিছে কাজ’ বলিয়া তাহা গ্রাহ্যই করেন নাই। আজ সেই বিস্মৃত কথা বার বার তাঁহাকে আঘাত করিয়া পীড়া দিতে লাগিল। সোফিয়ার অভিমান-ভারাবনত চক্ষুর মধ্যে, ভগ্নীষের অবমাননার নালিশ ; তিনি আজ সুস্পষ্ট দেখিতে পাইলেন। অন্যমনস্ক হইবার আশায়, টেলিগ্রাফ আফিসে ঢুকিয়া পকেট হইতে সেই-দিনকার ‘ইংলিসম্যান’ বাহির করিয়া পড়িতে বসিলেন।

এদিকে,—রাত্র ১১টার মধ্যেই,—পাঁচ-জাতের হৃদয়ের একই সুরে বাঁধা—সত্যাকার সাড়াটি,—ওড়নাখানিকে পূজার অর্ঘ্যরূপে যথাস্থানে পৌছাইয়া দিল।

সপ্তমীর প্রভাতে গ্রামস্থ সকলের “আনন্দময়ী-দর্শন” ঘটিল !

---

## দেবী-মাহাত্ম্য

[ ১ ]

শ্রীরামপুর জায়গাটা ইংরাজ আমলের First Chapter-এর জিনিষ,—তাই আশপাশের গ্রাম বা সহরগুলির অনেকটা অগ্রগামী ; অনেক সম্ভ্রান্ত সম্পত্তিশালী, আধা-সম্পত্তিশালীর বাস। আয়েসের সামগ্রীগুলো এই সব স্থানেই আড্ডা খোঁজে। তাই ‘চা’টাও চট করে এখানে চলে গিছলো। এখানে সকলেই একটু উঁচু-চালে চলতে চায়।

ক্ষেত্র বাবুদের বৈঠক থেকে তাসের আড্ডা ভেঙ্গে যখন প্রফুল্ল উঠে পড়ল—তখন রাত প্রায় এগারটা। সঙ্গীরা সঙ্গ নিলে ; রাস্তায় বেরিয়ে বঙ্গে—শীতে কালিয়ে গিছি, চল, তোমার ওখানে এক কাপ্ চা খেয়ে যাওয়া যাক্।

প্রফুল্ল বললে—আমার মুখের কথাটা কেড়ে নিয়ে তোমরাই বলে ফেললে।

একটু তফাৎ থেকে আওয়াজ এল,—“এ অন্তর্যামীটি কে ?”

সকলেই সোৎসাহে বলে উঠলো—খুড়ো না কি ! আসুন—আসুন,—Welcome !

খুড়ো—না বাবাজি, রাত হয়ে গেছে—তোমারাই যাও।

অবিনাশ—ইস্, বেজায় স্তৈণ হয়ে পড়চেন দেখাচি—

খুড়ো—জৈন মত ধরতে হয়েছে যে বাবাজি। আর Cruelty to animals কেন ? ওর প্রাণশক্তির পাত্র যে পুঁথিতেও পাই না। সর্বভুক্ ইংরেজ বাহাদুরও—কাঁকড়ার দাড়া ভাস্কাটা, দণ্ডবিধির বেড়াডালে ফেলে দিয়েছেন। তবু রক্ষে—যদি দয়া করে একটু কামড়ায় !

অবিনাশ—কেন ?

খুড়ো—সব পাপটা চাপে না—কিছ ক্ষয় হয়। ‘মধুর্লিপ’ও বল্চেন না—

“নিরস্ত্র যে অরি,—

নহে রথীকুলপ্রথা আঘাতিতে তারে।”

অবিনাশ—ওঃ, past all recovery, একদম দুরারোগ্য !

প্রফুল্ল—এখন আসুন তো, দু’ছিলাম গুডুক খেয়ে যেতেই হবে।

খুড়ো—ছোঁয়াচ ধরতে পারে বাবাজি—

প্রফুল্ল—সে ভয় রাখবেন না, আমাদের মিন্-মিনে মীনরাশি নয় খুড়ো—এ সব সিংহরাশি।

খুড়ো—“স্বী আচারে” বটে !

প্রফুল্ল—এখন চলুন তো,—দু'খানা গরম গরম কড়াইশুঁটির কচুরি খেয়েও যেতে হবে। ও-সব বৈঠকী-কথা বৈঠকে বসে শোনা যাবে।

খুড়ো—তয়ের না কি ?

প্রফুল্ল—কতক্ষণ লাগবে ? দু'হিলিম চলতে চলতেই এসে প'ড়বে।

খুড়ো—বাজার থেকে ?

প্রফুল্ল—খুড়োর মাথা খারাপ হ'ল দেখছি ! বাড়ীতে এদের কাজটা কি ?

খুড়ো—তা বটে। ওঁদের আবার কাজটা কি ? ওঁদের নিজের কাজ ত নেই-ই বটে।

বার-বাড়ীর দরজা, ঠেলতেই খুলে গেল। অবিনাশ আশ্চর্য হয়ে বল্লে—“এ কি রকম ! এত রাত হয়েছে—দরজা খোলা ! এটা ত' ভাল ব্যবস্থা নয় প্রফুল্ল ; এক হস্তার মধ্যে তিন তিন জায়গায় চুরি হয়ে গেল—শোননি কি ?”

প্রফুল্ল—শুনে ফল ?

অবিনাশ—বুঝলুম না।

ইতিমধ্যেই বৈঠকখানার আলো দেখা দিল।

“বস্বে এস,—এসে বলছি” বলেই প্রফুল্ল বাড়ীর মধ্যে চলে গেল।

রাত সাড়ে এগারটা,—পাড়া নিস্তর ; বাড়ীর মধ্যে থেকে স্পষ্ট শোনা গেল—প্রফুল্ল বলচে,—চট্ ক'রে খানকতক কড়াইশুঁটির কচুরি আর পাঁচ কাপ চা বানিয়ে ফেল। অপেক্ষাকৃত নীচু সুরে বলা হ'ল,—আর তাওয়াদার এক হিলিম তামাক, বৈঠকখানার দোরগোড়ায় রেখে এলেই আমি নিম্নে-নেব'খন। এইটে আগে,—বুঝলে ?

রমণী-কণ্ঠে শোনা গেল,—এত রাত্তিরে খুকী আর বিভূতি একমুড়োয় পড়ে থাকবে,—তাদের কাছে যে কারুর থাকা দরকার।

প্রফুল্ল—ঘরে আলো ত জ্বলচে।

রমণী সকাতরে বল্লেন—যদি ভন্ন-টর পায়—তুমি এক একবার দেখো—

প্রফুল্ল বিরক্ত হয়ে জবাব দিলে—আচ্ছা, সে হবে এখন ; তুমি চট্ ক'রে নাও,—ভদ্রলোকদের দেরি করাতে পারব না। আর দেখ—আমার তরে আজ আর আলাদা লুচি ভেজে কাজ নেই, ওই কচুরি হলেই হবে।

প্রফুল্লর রাগে লুচি খাওয়া অভ্যাস—যত রাতই হ'ক্ সেটা গরম গরম ভেজে দিতে হয়। তাই রমণী বল্লেন,—সে কি হয়—তোমার তা হ'লে খাওয়াই হবে না। তোমার ভরে দু'খানা লুচি ভেজে দিতে আমার আর কতক্ষণ লাগবে।

তা যা হয় কর'—আর অর্মানি গোটাকুড়িক পান সেজে, গড়গড়ার সঙ্গে রেখে এসো—বলতে বলতে প্রফুল্ল বেরিয়ে এলো।



[ ২ ]

“হল ব’লে” বলতে বলতে প্রফুল্ল বৈঠকখানায় প্রবেশ করেই টেবিলের ওপর থেকে একজোড়া ঝক্‌ঝকে তাস মাইফেলের মাঝখানে ফেলে দিয়ে বললে—“ততক্ষণ দু’হাত চলুক।”

কুমুদ বললে,—“বাঃ—দেখি দেখি, এ জিনিস কোথা থেকে জোগাড় করলে,—বেঙ্গল-ক্লাব থেকে বুঝি?”

খুড়ো বললেন,—মের্কিজি-লায়েন্স বজায় থাকুক, প্রফুল্লর অভাব কি! মার্কাটা দেখেছ—বাজের ওপর ঘুঘু ব’সে—ভারি rare (দুল’ভ) জিনিস, আবার তেমনি পয়মন্ত! প্যারিসের পণ্ডিতেরা ওর নামকরণ করেছিলেন—“রমণী-নিগ্রহ!” বড়লোকের বৈঠকখানাতেই গুঁর বাস;—বাবাজির সময় ভাল।

“খুড়ো এইবার খুল্‌চেন” ব’লে, প্রফুল্ল একখানা তাস তুলে নিরে, খুড়োর সামনে এগিয়ে ধরে বললে—একবার গ্রেজ্‌টা (মসৃণতাটা) দেখুন।

খুড়ো—ও আর দেখাতে হবে না বাবাজি,—আমার কপালের চেয়েও গ্রেজ্‌টা বেশি দেখাচি—কোথাও কিছু ঠেক্‌ খায় না—ছোঁবার আগেই পিছলে যায়।

উপেন তাসতে গিয়ে, তাসগুলো বৈঠকখানায় ছড়িয়ে গেল।

খুড়ো—বললেন,—জিনিষ বটে! বোম্ব হয় ভিজিয়ে খালে।

উপেনকে “জানোয়ারটা” ব’লে, কুমুদ কুড়ুতে লেগে গেল।

“ওঃ” ব’লেই প্রফুল্ল ভেতরদিকের দোরটা খুলে—তাওয়াদার গুড়ুক সহিত গড়গড়াটা আর রুপোর পানের ডিপে, আসরে হাজির করে দিলে।

খুড়ো বললেন,—ঝি-মাগী এত রাত অবধি রয়েছে না কি। সাথে বলোছি—প্রফুল্লর সময় ভাল!

প্রফুল্ল—ঝি আবার কোথায় দেখলেন! সে-বোঁট বেলাবোল সন্ধ্যা জেলেই—নিজের আলো নিবিয়ে দেয়!

খুড়ো—তুমি ত বাবাজি বৈঠকে ব’সে,—তবে তামাক্‌ সাজলে কে?

প্রফুল্ল—কেন—আর কেউ সাজতে পারে না নাকি! সাথে বলোচি—খুড়োর মাথা খারাপ হ’তে আরম্ভ হয়েছে।

খুড়ো—সম্প্রতি অনেকের মুখেই ওই কথাটা শুনছি। আনন্দ এই যে,—মাথাটা তা হলে আগে ভাল ছিল। দেখাচি নিজে সেটা না ধরতে পেরে—ছেলেবেলা থেকে কত ভাল জিনিসই খুইয়ে এসেছি!

উপেন—তার আর ভুল নেই খুড়ো,—হাতী যদি নিজের দেহটা দেখতে পেত—তাহলে—

খুড়ো বাধা'দে বল্লেন,—ঐ “তা'হলে”টা আর ভেসে বলতে হবে না বাবাজি ;—মানুষ আঁস তয়ের করে দেশের অতিকায় ছেলেগুলোর কি উপকারই করে দিয়েছে—

উপেন ছিল স্থলকায় । একটা বড় রকমের হাসি পড়ে গেল । তরঙ্গটা মিলিয়ে এলে, অবিনাশ বল্লেন,—কথাটা ভুলেই গিছলুম,—হ্যাঁহে প্রফুল্ল, তখন জিজ্ঞেস করলুম—এত রাত পর্যন্ত সদর দোরটা অমন খোলা রয়েছে, অথচ চারদিকে চোরের উপদ্রব চলেছে, শোনানি কি ? তুমি বললে—‘শুনে ফল্’ ! তার মানে কি ?

প্রফুল্ল,—এমন কিছ্ ন। । একদিন রাতে বেড়িয়ে এসে ডাকলুম,—দু’মিনিট হয়ে গেল উত্তর নেই—দোর খোলাও নেই ! রাত তখনো সাড়ে বারোটা হয়নি হে !—রাগে রক্তাশু জলে গেল । সজোরে একটা লাঠি মারতেই খিল্টা কোথায় ছটকে গেল !

খুড়ো—এক লাঠিতে, আঁ ?—মায়ের দুধ খেয়েছিলে বটে ! তারপর ?

প্রফুল্ল—দেখি, লাঠান্ নিয়ে ছুটে আসচেন ! খুকটে চিল চেঁচাচ্ছে,—বরদাশু করতে পারলুম না,—লাঠানটা ছিনিয়ে নিয়ে ছুঁড়ে ফেলে দিলুম ।

খুড়ো—আমিও ঠিক তাই ভাবছিলাম,—ও সময়ে ও-ছাড়া আর কিছ্ আসতেই পারে না,—fitও করে না । আমি নিজে না পারলেও, তোমাকে দুব্বতে পারি না । দাব্ থাকা চাই বই কি ! তা নয় ত’ জ্বী-পুরুষে প্রভেদ থাকে কোথায় !

প্রফুল্ল—শুনুন,—তার পর সাড়ে তিন মাস হয়ে গেল,—আজো দোরের খিল্টে হ’ল না ! সেটাও কি……

খুড়ো—তুমি যে অবাক করলে বাবাজি ! তুমিই ভাঙবে আবার সারাতেও হবে তোমাকেই ! তা'হলে ত যার অসুখ তাকেই ডাক্তার ডাকতে—তাকেই ওষুধ আনতে যেতে হয় ! এ ত সংসার নয়, এ যে শাঁখের করাত । তোমার ত তা'হলে বাঁচায়া নেই দেখচি !

অবিনাশ—ও জাতই ঐ রকম ।

খুড়ো—তাইত !—আচ্ছা, অতবড় ছেলে—সেটা করে কি ? নেটো ছ’বছরের হ’ল না । এই ত’ মুচীপাড়ার পাশেই গুপে ছুতরের ঘর,—বড় জোর দেড়-পো পথ । সদর রাস্তার ওপরেই,—এত’ ভয় কিসের ! বউ-মা নিজে যেতেও ত’ পারেন—

প্রফুল্ল—অদেখ খুড়ো—অদেখ ; টাকা রোজগারও করবো, আবার ছুতোর খুঁজতেও ছুটবো—

খুড়ো—মজা মন্দ নয় ! না, তা আমি নিজে যাই হই, এতে সায় দিতে পারি না বাবাজি ।

প্রফুল্ল—সব ত’ শোনেন নি,—সেদিন গরুটো খানায় গিছলো, আমি না ছাড়িয়ে আনলে ত’ আসবে না ! চুলোয় যাক্—নিলেম হয়ে গেছে, বেঁচেছি ।

খুড়ো—বল' কি—অমন পোষা গরুটো নাহক অন্যের গর্ভে গেল। দু'পা গিয়ে খালাস্ ক'রে আনতেও কি দু' ছেলের মা'র ভয় ! খানার লোকেরা যে আমাদের রক্ষক, —এটাও কি এতদিনে বোঝেন নি !

উপেন—দোরের খিলটে করিয়ে নিতে যারা পারে না, তারা গরু ছাড়াতে যাবে—

প্রফুল্ল—চুলোয় যাক্—চোরে নে' যায়, ওরই যাবে,—রাখতে পারে ওরই থাকবে—ও সব আর আমি ভাবি না।

খুড়ো—বেশ করেছে, আমিও ঐ ব্যবস্থা দিতে যাচ্ছিলাম। তা না ত' ও-জাত জন্ম হবে না বাবাজি।

কুমুদ—বলচেন বটে,—কিন্তু ও জাতটিকে বাগাতে ভীমজু'নও পারেন নি।

খুড়ো—ও কথা আমি মানি না। তারা লেখাপড়া শিখলে কবে বাবা ! গুঁদের প্রোফেসার ছিলেন ত' সেই দু'ধের কাঙাল দ্রোণাচার্য। সারা মহাভারতখানা চু'ড়ে একখানা Row's Hints-এর খোঁজ মেলে না ! উচ্চশিক্ষা না পেলে হবে কেন ? তোমরা সেটা পেয়েছ,—তোমরা কেন হ'টবে ; লেগে থাকলেই পারবে,—শনৈঃ পর্বত লণ্ঘনম্।

কুমুদ—পারিচি কই খুড়ো। এই ত' গেল রবিবারের কথা,—নিতাইদের বৈঠকে পাশা চলছিল,—কি জমেই ছিল। তিন চার কাপ্ চা'ও চলে গেল—

খুড়ো—তা চলবে না,—ওটা হ'ল ভদ্রলোকের বাড়ী ! তারপর ?

কুমুদ—সে ছেড়ে কি ওঠা যায়—

খুড়ো—উঠতে বলে কে ! ওঠবার কথা ত' কোথাও নেই,—মহাভারতে ত' তার দরাজ ব্যবস্থা রয়েছে। তবে শুধু মুখের মত খেললেই হয় না,—আধ্যাত্মিক উদ্দেশ্য থাকা চাই। পাণ্ডবদের পাঁচ ভাইয়ের মধ্যে একটু বুদ্ধি ধরতেন বড়ীটি—তাই ও জাতকে বিদেয় করবার সহজ উপায় খেলার মতোই খুঁজে নিছিলেন,—আর তা ক'রে তবে উঠেছিলেন। তোমরা পথ থাকতে অন্ধ ! হিদু' শাস্ত্র ত' পথ বাতলাতে বাকি রাখেন নি ; moral courage চাই বাবাজি, মরেল্ করেক্ চাই !

উপেন—খুড়োর মাথা বটে !

খুড়ো—এই যে বাবা একটু আগে মাথা বিগড়েচে ব'লে দমিয়ে দিছিলে, যাক—Paradise regained ! তার পর ?

কুমুদ—বাড়ী এলুম—স'দুটো ! বড় গরম বোধ হতে লাগলো ! ছেলে-মেয়েগুলো —বিটকেল চোঁচাচ্ছে ! মেয়েগুলোকে অন্নপূর্ণার স্তোত্র শেখান হয়েছে কি না—তারির সুর তুলেছে। ভোলাটা আলাউদ্দীন খিলজির কুলুজি নিয়ে খই ভাজচে—পাড়া মাথায় করেছে ! লোক বাড়ী আসে ঠাণ্ডা হবার জন্যে,—সর্বশরীর জ্বলে গেল। এক দাবাড়িতে সব খামিয়ে দিয়ে, মিনিটাকে জিজ্ঞেস করলুম—“তোরা মা কোথায় ?” বললে—“দু'টো

বেজে গেল দেখে, তাদাতাড়ি পূজোটা সেরে নিতে বসেছেন ; তুমি এলে, আমাকে তেল দিতে বলেচেন ; কি তেল মাখবে বাবা—ফুলেলা না জ্বাকুসুম আনবো ?” সামলে বল্লুম—শীগগির আসতে বল আগে,—একটু পা টিপে দিক্ ; ঠাণ্ডা না হয়ে নাইতে পারব না। মেয়েটা ফিরে এসে বল্লে কি না—“মা বল্লেন, আর দু’মিনিট,—প্রণামটা সেরেই যাচ্ছি।”—“আমি ততক্ষণ পা টিপে দিচ্ছি বা।” এই বলে এগুতেই—ঠাশ্ করে এক চড় বসিয়ে দিয়েই বেরিয়ে পড়লুম। মেয়েটা কান্দতে কান্দতে ডাকতে লাগলো—বাবা যেও না—মা এসেছেন,—এত বেলায় যেও না বাবা—

খুড়ো—ফেরনি ত ?

কুমুদ—সে বাম্বাই নই !

খুড়ো—আমার বরাবরই ধারণা—তোমাতে পদার্থ আছে।

কুমুদ—তারপর কিস্তি মেয়েটার তরে—

খুড়ো—Never mind,—ওই গুলো হয় weakness ; এখন থেকে পাকানো চাই হে। কোন জেগুয়ারের হাতে পড়বেই ত’ ! তাঁর বাপ নেবেন খুন আর তিনি নেবেন জানু ;—না পাকলে প্রাণ বাঁচবে কিসে ?

প্রফুল্ল—খুড়ো এইবার ‘মহৎ’ হলেন দেখিচি, ক্রমশঃ মিস্টিক্ হচ্ছেন, “জেগুয়ার” আবার কি ?

খুড়ো—ঐ যে বলে, কুমুদ যা হে—গ্রাজুয়েট—গ্রাজুয়েট !

একটা হাসির মধ্যে কথাটা চাপা প’ড়ে গেল। আঘাতটা কিস্তি কুমুদকে লেগেছিল, সে উত্তেজিত হয়ে প্রশ্ন করলে—আপনাদের শাস্ত্রে বলে না—স্বামীলোকের স্বামীই দেবতা ?

খুড়ো—বলে বহিঁক বাবাজি ; তবে যুগ-ধর্মও আছে কিনা, সেটা মান ত’ ? সবই এখন বাড়-মুখো ( Progressive )। দেখ না—আগে ছিলেন নবগ্রহ,—পরে প্রচুর প্রমাণ সহিত জামাতারা দশমের দাবী করেচেন ; পণ্ডভূত—এখন ভূতের আন্ডায় দাঁড়াচ্ছে ; “নবধা কুল-লক্ষণম্” এখন শতধায় অগ্রসর। পূর্বের চেয়ে বেড়ে চলেছে সবই—কমচে কেবল সুখ। দেবতাদের রকমও বেড়েছে বাবাজি,—এখন স্বামীলোকের স্বামী শুধু দেবতাই নেই,—অপদেবতা, উপদেবতা, কাঁচাথেগো দেবতাও বটেন ! খুং হলেই ঘাড় ভাঙেন ! সদাই জাগ্রত !

সকলে হাসিমুখে শুনলেও কথাটার মধ্যে জ্বালা ছিল ; অবিনাশ বলে উঠলো,—এসব ত’ একতরফা ডিক্লেী,—দেবীদের কাজটা শূনি ?

খুড়ো—এক কথায়,—পেট-ভাতায় নিরেট বিশ ঘণ্টা দাসী-বৃত্তি, অর্থাৎ সকলকে খাইয়ে যদি বাঁচে—সেইটাই আহারের Scale ( মাপ )। নীরবে দোষ বহনের ভাঙা কুলো, আর স্বামীদের আত্মরক্ষার শিখণ্ডী হয়ে থাকা।

অবিনাশ—অর্থাৎ ?

খুড়ো—অর্থাৎ—সব দোষই তাঁর। দেবতারা যখন দু'পয়সা আনেন, আর লুচি হালুয়া—পোলাও কালিয়া চলে, তখন সেটা নিজেদের কৃতিত্ব আর বিদ্যা-বুদ্ধির সুফল ; যখন অভাব, তখন—পরিবার আগোছানে—লক্ষ্মীছাড়া। অর্থাৎটা এই সব।

উপেন—টাকা রাখতে কেউ বারণ করে না কি ?

খুড়ো—এইবার ঠিকিয়েছ বাবাজি। যা'তা বলে অর্থ বাড়াতে পারব না,—এইটে তাঁদের খুব দোষ, এ স্বীকার করতেই হবে। আমিও ভাবছিলাম—রোজগার ত' কেউ কম কর না—কেউ ৮০/-, কেউ ১০০/-, এই মুটো মুটো টাকা আনচো, অথচ দরকারে পাবে না!—খরচটা কি? রোজ ৩৪ টাকাই হোক, কোনদিন না হয় ৫৬ হ'ল। ফি মাসে ত' আর জুতো জামা কিনতে হয়না,—গড়ে, ১০/- টাকা মাস ধরলেই ঢের। তাতেও যদি টাকা না রাখতে পারেন, তার আর জবাব নেই।

অবিনাশ—খুড়ো হিসেবের বাঘ দেখেছি !

খুড়ো—কেন বাবাজি, ভুল করলুম নাকি ?

প্রফুল্ল—কেন এসব শুনচো,—পরিবার সম্বন্ধে ও'র একটু weakness আছে।

কুমুদ—একটু !

উপেন—বিলক্ষণ ! 'ন্যাওটো' বলতে পার।

প্রফুল্ল—আচ্ছা,—কেন বলুন ত' খুড়ো,—ও জাতটা কি এতই দুস্ত্রাপ্য ?

খুড়ো—তোমরা বুঝবে না প্রফুল্ল, আমার গেলে তো আর হবে না। তোমাদের 'ডিগ্রির' ডোবার অনেকেই স-দক্ষিণা দেবী বিসর্জন দিতে ছুটবে ; আর আমার একটা ঝি জোটে ত' তার fee জুটবে না। বাড়ীতে শয়তানের বাঁক চরিশ ঘণ্টাই বগাঁর হাস্যাম চালাচ্ছে—সামল্যাবে কে বলো ! দিনরাত নিজের মুখ বুজে, আর-সবার মুখ খোলবার ব্যবস্থা করবেই বা কে বাবাজি ! এই দেখই না—এই তিন পোর রাতে, কোন্ মাসীর-মা'র কুটুম্ দেবতাদের অন্যে কড়াইশু'টির কচুরি ভাজতে বসেছেন ! তবে দুঃখ করতে পার বটে,—এত সুবিধেতেও পয়সা রাখতে পারেন না। ব্যাঙ্ক রয়েছে, পোঁভং ব্যাঙ্ক রয়েছে, দু'পা গিয়ে কেবল রেখে আসা। ভাবলে বড় দুঃখ হয় বাবাজি।

অবিনাশ—না রাখেন নিজেই ভুগবেন, after me the deluge.

খুড়ো—তা ত' বটেই, শাস্ত্রই বললে—সম্বন্ধ জীবনাবধি। ঠিকুজি দেখিয়েছ ত ?

অবিনাশ—এ আবার কি ঠিকুজি দেখিয়ে জানতে হয় !

খুড়ো—তা বটে,—ওটা আমারই ভুল হয়েছে বাবাজি। যারা তৃতীয় প্রহরে মুখে সেরেফ্ একটু জল দেয়,—যাদের খাওয়া না খাওয়ার খোঁজ নেবার কেউ নেই, যারা ১০৪ ডিগ্রি জ্বরেও দু'বেলা খেজমং খাটে,—রে'মেও খাওয়ার, যাদের কোথাও অসুখের

অবসরই নেই,—খাটুনী, আর হুকুম তামিলেই সর্বাস্ত ভরা, তারা মরবার সময় পাবে কখন।  
ঠিক-ই ত'—ঠিকুজি দেখতে হবে কেন ? লাইফ ইন্সিয়ার করনি ত' ?

অবিনাশ—রাম কহো।

খুড়ো—বাঃ—কি শান্তি ! বেড়ে আছ বাবাজি !

প্রফুল্ল—কিন্তু আপনার নাকি একটা আছে ?

খুড়ো—আমার কথা ছেড়ে দাও বাবাজি,—না মনিষ্যি, না জন্তু ! ঘরে একপাল কাল-ভৈরব,—শেষ পেটের জ্বালায় তোমাদের ঘরে সিঁদ দেবে যে,—আর তোমাদের খুড়ি, কোথাও শাসন, বাসন আর রন্ধন নিয়ে শিবপূজার সুখভোগ করবেন।

উপেন—দেখচো, খুড়ো কতটা কাহিল !

অবিনাশ—আসল 'কন্যারশি'।

খুড়ো—প্রফুল্ল—“মেঘ রাশি” বলে ভুলটা শুমরে দাও। কিন্তু বাবাজি, চাঁদ্রশ বছর আগে আমার এ অপবাদ ছিল না।

প্রফুল্ল—এখন বয়সটা কত খুড়ো ?

খুড়ো—পিসিমার হিসেবে ১৮।১৯, ঠিকুজিতে দেখি ৩৬, কোন্টা ঠিক—কি করে বোলবো। গুরুজনের কথায় অবিশ্বাসও করতে পারি না ! তবে আমার এমনটা হবার কারণ,—আমায় শ্বশুরবাড়ীর তরফ থেকে ওষুধ করেছিল, তার প্রমাণও পিসিমা পেয়েছিলেন। জানই ত বাবাজি, আমাদের সংসার বরাবরই একটানা স্বচ্ছল, বিবাহটাও হয়ে গেল একদম খাঁটি সমান ঘরে ! তারাও যেমন বসন্তকালের জন্যে হাঁ ক'রে থাকে,—আমরাও তাই।

প্রফুল্ল—কেন ?

খুড়ো—কোর্কিলের ডাক শোনবার তরেও নয়,—দক্ষিণে হাওয়া পাওয়ার জন্যেও নয়,—শজ্জনে খাঁড়ার জন্যে বাবাজি ; তাতে মাস দুই বেশ কেটে যায় কিনা,—তোমাদের মোষ-কাটা খাঁড়ার দিন কাটে না বাবাজি। ‘বসন্তে ভ্রমণ পথ্য’ এই শাস্ত্রবাক্য রক্ষা করতে শ্বশুরবাড়ী গিয়ে পড়ি। দেখি, সেথায় বেদান্ত আয়ত্ত করবার কি সুব্যবস্থাই হয়ে রয়েছে,—যা দেখি, সর্বত্রই একমেবাদ্বিতীয়ম্। সুস্তো, ছেঁচ'কি, ছাঁচ'ড়া, ঝোল, অম্বল—ডাংটার ডেঁড়ে-সেলাই ! অবস্থার কৃপায় অভ্যাস দুরন্ত ছিল,—সাদরে সাপটে নিলুম। অভাবে, ছিব্ড়ে' ফেলার বদ-অভ্যাস ক'ম্বিনকালে ছিল না। কিন্তু বাড়ী ফিরে তার ফুট খ'রল। পাঁচু ডাক্তার সামলে দিলে, কিন্তু পিসিমার সঙ্গে তাঁর মতের মিল হ'লনা। বামাল পেয়ে ডাক্তার ঠিক করলেন—বদহজম ; পিসিমা বললেন—ও-গুলো ওষুদের শেকড়। এখন দেখ'চি পিসিমাই 'রাইট' ! তা

না ত' পুরুষসিংহের এ দশা দাঁড়াবে কেন। বুঝি সব বাবাজি, কিন্তু কাজের বেলায় সেই শেকড়ে আটকায়। তা না হ'লে সেদিন,—থাক্—

প্রফুল্ল—না খুড়ো বলতেই হবে,—তাতে আর হয়েছে কি।

খুড়ো—কথাটা কিছুই নয় ;—জানই ত'—আমাদের বিনোদ বাবুরও আজকাল সময় ভাল,—ইচ্ছাকিন্ পরে পার্থানায় যায় ; সন্ধ্যা বেলায় বৈঠকে দশজন আসে, বিশ কাপ্ চা, বিশ ছিলিম তামাক, ৬০ খিলি পান, এনৃতার চলে। আমাদের এক পাঁচিলেই বাস। তাঁর বৈঠকখানা সদর রাস্তার ওপরেই—

কুমুদ—অত বোঝাতে হবে না—আমরাই ত' তার daily passenger ( নিত্য-যাত্রী )।

খুড়ো—বটে ? শুনলাম, দিন পনের থেকে বিনোদের পরিবারের বিকেল হলেই মাথা ধরে আর ঘুস্ঘুসে জ্বর হয়। ওটা অবশ্য শোনবার কথা নয় ;—মেয়ে মানুষের অসুখ কবে হয়, কবে যায়—পুরুষদের সে খোঁজ রাখতে গেলে আর সংসার চলে না, কারণ—সত্যিই চলে না ! সে দিকটায় চোখ বোজাই সমীচীন !

প্রফুল্ল—ব্যাপার কি ?

খুড়ো—উতলা হবার মত' কিছু নয় বাবাজি ! গত রবিবার তিনটের পর আমার সব্জী-বাগের বেড়া বেঁধে এসে, নিজের কামরায় তামাক সাজতে বসেছি, ব্রাহ্মণী দাওয়ার ব'সে বাড়ি তুলছেন, অপর একটি স্ত্রীকণ্ঠ কানে এলো। তিনি অতি কুণ্ঠিতভাবে বলছেন,—“দিদি, দয়া করে তোমার ক্যান্ডোকে যদি আমার একটি কাজ ক'রে দিতে বলো। আজ ক'দিন বাড়ী ঢুকেই একবার ক'রে শোনান্—বৈঠকখানার বা'রদিকের চাতালটা যে বড়ই অপরিষ্কার হয়ে রয়েছে—দেশ-শুদ্ধ লোক দেখে যাচ্ছে। কোন দিন বলেন,—রাস্তা থেকে দেখলে ছোট-লোকের বাড়ী ব'লে মনে হয়। একদিন বললেন—ভদ্রলোকেরা আসেন—লজ্জায় ম'রে থাকতে হয়। সে দিন বললেন,—কি পাপই করেছি—এ নরক বাস আর ঘুচলো না ! আজ দু'দিন সদর দিলে না এসে খিড়কী দিয়ে বাড়ী আসেন, মনও খুব ভার ভার, অকারণেই চোটে ওঠেন। কাল বললেন—“সোমবার থেকে ‘মেসে’ থাকবো ঠিক করেচি ; কালকের রাতটা দয়া করে উদ্ধার ক'রে দাও,—ধাঁরা আজও এই ম্যাথরের বাড়ী আসেন, তাঁদের চারটি পোলাও আর মাংস খাইয়ে ছুটি নিয়ে বাঁচি।—”

এই বলে বিনোদ বাবুর স্ত্রী কঁাদতে কঁাদতে বললেন,—এই জ্বর গায়ে যদি ১৫।১৬ দিন পাঁচটা ঘর, গোয়াল, উঠোন, বাসন—সব পরিষ্কার রাখতে পারি ত' ১০ হাত চাতালটা কাঁট দেওয়াই কি পারি না ! সদর রাস্তার ওপর বাড়ী,—সামনে হ'রে স্যাকুরার দোকানে রাতদিন ভদ্রলোকের ভিড়, দিনের বেলা বেঁধেই কি ক'রে। সন্ধ্যা না হতেই বৈঠকে ও'র

বন্ধুরা আসেন—১২টা রাতে খেলা ভাঙে। তারপর ও'কে খাইয়ে, সব সারতে দেড়টা বেজে যায়,—তখন এলাকাটি রাস্তার ওপর যেতে ভয় করে দিদি। আবার ভোর পাঁচটা না বাজতে ৫৭ জন চা খেতে আসেন। এখন আমি কি করি বল দিদি। আমি কি বুঝি না—এত কথা, এত কাণ্ড, কেবল ওই র'কটুকু ঝাঁট দিতে পারিনি ব'লে।

ব্রাহ্মণী বলেন,—কি এমন বড় কাজটা, দু'মিনিটও ত' লাগে না! ও-টুকু তাঁর নিজের ক'রে নিলে কি হয়! এর তরে এত পর্ব,—দু'সপ্তা ধরে উল্টো পাক! কি অর্থ!

বিনোদ বাবুর স্ত্রী চোখ মুছতে মুছতে বললেন,—“আমার উপায় থাকলে ও'কে বলতে হবে কেন। গেল বছর নগর-সংকীর্তন দেখতে বৈঠকখানার জানালায় এসে দাঁড়িয়েছিলুম। তাতে আমার আর কি বাকিটে ছিল,—সবই জান ত' দিদি। এখন তুমি না বাঁচালে—আমার যে কি অদৃষ্ট আছে জানি না,” ব'লে কাঁদতে লাগলেন। ব্রাহ্মণী তাঁকে সান্ত্বনা দিয়ে বললেন,—আমি এক্ষুণি ক্ষেপ্তিকে পাঠিয়ে দিচ্ছি বোন; এ আবার একটা বড় কাজ না কি।

বিনোদ বাবুর স্ত্রী বললেন,—বন্ধুদের বোলতে বেরিয়েছেন, বেশী দেরি নাও হতে পারে—তাই আমার তাড়া; আমি আর দাঁড়াব না দিদি,—বলতে বলতে দূত চলে গেলেন।

আমি ঘরে ব'সে টিকের ফু' দিতে দিতে শুনছিলাম। কখন যে ফু' বন্ধ হয়ে গেছে জানি না; দেখি, তামাক পুড়ে—সব নিবে ছাই! ফেলে রেখে উঠলাম। ক্ষেপ্তি শজনে ফুলের সন্ধানে বেরিয়েছে—কখন ফিরবে ঠিক নেই। ঝাঁটাগাছটা নে বেরুলুম। ব্রাহ্মণী বললেন,—কোথা যাও? বললুম,—আস'চি।

গিয়ে দেখি, রকের ওপর—তামাকের গুল আর ছাই, সিগারেটের শেষটা, দেশালার কাটি, পানের চিবড়ে। দু'আঁচড়েই সাক্ষ্য হয়ে গেল—দু'মিনিটও লাগলো না। সেগুলো যথাস্থানে ফেলে দিয়ে ফিরে এলুম। তামাক সাজতে সাজতে ভাবতে লাগলুম,—আচ্ছা, এতে বিনোদের আটকাচ্ছিল কোন্‌খানটায়! করলে ত' মনটা প্রফুল্লই হয়; তবে—না ক'রে এতটা কষ্ট, এতটা অশান্তি ভোগ করবার কারণ কি?

কুমুদ—আপনি সেটা বুঝবেন না খুড়ো—

খুড়ো—না বাবাজি,—পার'চি আর কই। এতে খারাপ ত' কিছু খুঁজে পাচ্ছি না; বরং (অন্যের হলেও) কেরে বেশ একটু আনন্দই পেলুম।

উপেন—সকলের মান-সম্মান ব'লে একটা দরকারি জিনিস আছে,—সেটা গরীব দুঃখীরাও বজায় রেখে চলতে চায়।

খুড়ো—বটে! কেবল স্ত্রীলোকের বুঝি সেটা নেই, বা থাকা উচিত নয়? তোমাদের গুরুরা এমন কথা কোথাও বলেচেন কি? তাঁদের ত খোড়া টঙলাতে, বাগান কোপাতে, পল্লীর বুটের তলায় হাত দিয়ে গাড়ী চড়াতে দেখে'চি বাবাজি।



প্রফুল্ল—That's another thing.

খুড়ো—তা হলেই বাঁচি। যা হক্ বাবাজি ভাবতে লাগলুম,—চৌধুরী মশাই তবে কোন্ নজীরে সোঁদন ব'লে ফেললেন,—Your hand is never the worse for doing your own work. There was never a nation great until it came to the knowledge that it had nowhere in the world to go to for help—বোধ হয় except to wife কথাটা চেপে গিছলেন।

অবিনাশ—আরে বাস্—Bravo ! কে বলে—

খুড়ো—না বাবাজি—সে অপবাদ দিও না ; বেণী মাস্তার মনে বুঝিয়ে দিছলেন, আমার ওই মুখস্তটুকুই দাবী। যা হোক্ বাবাজি, সোঁদন গুড়ুকে অভদ্রা প'ড়েছিল, তামাক খাওয়া আর হয়নি। ধরানো টিকেখানায় দু'ফোঁটা চখের জল পড়ে ছাঁক্ ক'রে ওঠে। ব্রাহ্মণী বলে উঠলেন,—“এখন আবার রাম্মাঘরে ঢুকলে কেন? ওই ক'খানা কুমড়ো ভাজতে, এখনি আধ-পলা তেল ঢেলে বস্বে।”

কুমুদ—তা হলে ও-কাজও—

খুড়ো—তা করতে হয় বই কি—দরকার হ'লেই করতে হয় বাবাজি ; তা না হলে দুঃশ্বের ভাত মুখে উঠবে কেন ! করতে কি দ্যায়,—ঐ Co-operation ( যৌথ-জারির ) বিশ্বাস-টুকুতেই যে তার সুখ—

হঠাৎ ছেকল-নাড়ার শব্দ হওয়ায়, প্রফুল্ল অশ্বরের দিকের দোরটি খুলতেই, দু'খাল গরম গরম কচুরি, এক রেকাবী হালুয়া এগিয়ে এলো। সঙ্গে সঙ্গে পাঁচ কাপ্ চা, তার পরই ভাওয়াদার তামাকের সুগন্ধ !

খুড়ো চা খান না, একটু উঁচু গলায় বললেন,—দু'চার খানা আলাদা ক'রে রেখ মা। নারায়ণকে দেবার ক্ষমতা হয় না, তোমাদের কল্যাণে আজ তাঁকে নিবেদন করে প্রসাদ পাব।

প্রফুল্ল—সে কি ! এখন খাবেন না !

খুড়ো—না বাবাজি। নতুন জিনিসটে যদি তোমাদের কল্যাণে জুটলো, বাড়ীতে নারায়ণ রয়েছেন, তাঁকে দিবে—

প্রফুল্ল—তাইত, মিছে এতটা কষ্ট দিলুম—

খুড়ো—তুমি দার্ভান বাবাজি, আমি ইচ্ছে করেই নিলুম,—তা না ত' তোমাদের তাড়ায়—এমন পরিপাটি জিনিস্ তরের হ'ত না,—ও-গুলোর সঙ্গে মায়েরও হাতটা পা'টা পুড়তো ! তোমরা ত' জান না বাবাজি, কত ধানে কত চাল হয়,—হুকুম আর হুমকিটাই অভ্যাস করেছ ! যাক্, তোমাদের উত্তেজনা আসে, এমন একটা কিছু নিয়ে ২১০ ঘণ্টা বাজে বোকে, যদি না তোমাদের বসিয়ে রাখতুম,—যতই সব অতিষ্ঠ হ'তেন আর হাই

তুলতেন,—তোমার তগাদাও ততই উগ্র হ'য়ে বউমার উপরে উচ্চগ্রামে গিয়ে পৌঁছোতো,—  
আর এই পরিশ্রমের পুরস্কারটা অকারণ তিরস্কারের বৃপই ধ'রত।

কুমুদ—সেইটে সামলাবার জন্যেই বুঝি বসেছিলেন।

খুড়ো—সত্যিই তাই বাবাজি ! তা নয়ত, আমি কি জানি না কাদের সঙ্গে তর্ক করছি ; আমি কি বুঝি না বাবাজি যে, তোমরা যা ক'রে থাক', সেটা অনেক প'ড়ে শূনে হাসিল করেছ ;—সেটা Academyর আবিষ্কার ; তার ওপর কথা কওয়া আমার বিদ্যার কাজ নয় ! রাত দুটো পর্যন্ত সময়টা যাতে কেটে যায়, উতলা হয়ে প্রফুল্লকে না চণ্ডল ক'রে ব'সো, তাই বাজে কথাটা তুলে ব্যথা দিয়েছি, কিছু মনে কোরোনা বাবাজি। শূনিচি ত—বড় বড় ঘসিটি বেগম পর্যন্ত চিরজীবন ঘাস কেটেছিলেন ; বুদ্ধিগণীও পাকশালায় পাক-খেয়ে 'বড়-রাধুনী' নাম পেয়েছিলেন,—যাদের যা কাজ। সংসারের কাজ ত সায়েস্তার্থীদের নয়,—তাদের সেরেফ্ শাসন,—তবে না রাজ্য চলে !

অবিনাশ—খুড়ো এতক্ষণে ধাতে এসেছেন !

খুড়ো—অধর্মের ভয়টা রাখতে হয় যে বাবাজি, পরজন্ম মানি যে !

উপেন—Nothing is too late—এখন পথে আসুন খুড়ো,—পায়ের ধূলো দিন্।

খুড়ো,—আশীর্বাদ করি—সুমতি হোক !



## পুরসুম্বরী

একজন পাশ্চাত্য-পণ্ডিতের উপদেশ-মধ্যে পেয়েছিলুম,—“তোমার মাথা ধরেছে, এ কথা কাকৈও বলতে যেও না ; কারণ,—সে বলার কোন সার্থকতা নেই। তোমার মাথা ধরেছে ত’ অপরের কি ? ও-কথা শোনবার তরে কেহ উৎসুকও হয়ে নেই, তাতে কাছারো সমবেদনা পাবে না ;—কারণ বেদনাটা তোমার মাথার—অপরের মাথার নয় ;” ইত্যাদি।

কথাটা বড় নৈরাশ্যবাজক হ’লেও, হিসিবি লোকের কথা,—ফলে দিতেও পারিনি ; তাই—যে জ্ঞানগাটান মাথা ধরে, সেও তারি একপাশে বাসা বেঁধেই ছিল !

\*

\*

\*

\*

[ ১ ]

তাকে আমাদের গ্রামের মেয়েরা রাজার মেয়েই বলত। আমাদের দক্ষিণেশ্বর গ্রামে তাঁর এক অদূর-সম্পর্কের ভাই থাকতেন ; তাই কখনও কদাচ তিনি এলে, গ্রামের মেয়েরা তাকে দেখতে পেত।

পুরসুম্বরী ছিলেন—সেইকালে সদরওলার ( সব-জজের ) মেয়ে। সুন্দরী ত’ ছিলেনই,—তার ওপর যখন হীরার বালা হাতে দিয়ে, মুক্তের মালা গলায় পরে তিনি আসতেন,—সকাল সকাল সংসারের কাজ সেয়ে,—দুপুরবেলা মেয়েদের মধ্যে,—তাকে দেখতে যাবার একটা ছুটোছুটি পড়ে যেত’। তারপর মাসখানেক ধ’রে তাদের মুখে তাঁর গয়নার বর্ণনা ফুরত’ না। শেষে সেটা জমাট বেঁধে দাঁড়াত’—“যেন রাস-গাছ” !

\*

\*

\*

\*

[ ২ ]

তাপরপর—কোন বাধা না মেনে, কারুর মুখ না চেয়ে, বার বছর চলে গেছে। পুরসুম্বরীর সে বার বছরের ইতিহাস জানবার তরে আমাদের গ্রামের মেয়েদের কোন দরকারই ছিল না। কেবল ইতিপূর্বে তিনি যখন আসতেন,—তাঁর রূপ, অলঙ্কার আর ঐশ্বর্য দেখে, কেহ কেহ ভাবত’ বটে—তাদের জন্মটাই মিছে, এমন জন্ম না হলেই ভাল ছিল,—পোড়ারমুখে দেবতাদের যেন আর কাজ ছিল না।

ইতিমধ্যে স্বর্গের চোরে তাঁর সর্বশ্রেষ্ঠ অলঙ্কার—স্বামীকে নিয়ে গেছে ; মর্ত্যের চোরে তাঁর হীরা-মুক্তাদি হরণ করেছে ; তাঁর কত আদরের মেয়ে গিরিবালা বিধবা হ’য়ে থান প’রেছে। দুর্দৈব—এই শেষের ঘটনাটির ওপর তাঁর দুর্দিনের আর চরম দুঃখের জন্মপতাকা

এ'টে দিয়ে জয়ী হ'লেও, তাঁকে কোন আত্মীয়ের বা জ্ঞাতির হারসু করতে পারেনি। তিনি আশপেটা খেয়েও স্বামীর ভিটে ছাড়েন নি।

দক্ষিণেশ্বর গ্রামের তাঁর পূর্ব-কথিত ভায়ের সন্তানাদি ছিল না ; তাই তাঁর বিশেষ আগ্রহপূর্ণ অনুরোধে গিরিবালাকে তাঁর সংসারে পাঠাতে পুরসুন্দরী আপত্তি করেন নি বটে,—কিন্তু তার প্রধান কারণ ছিল—তাকে চোখের আড়াল করা। অতিবড় আদরের জিনিসের জীবনব্যাপী যতনা চোখে দেখার চেয়ে,—লোকে তার মৃত্যু পর্যন্ত কামনা ক'রে থাকে,—এটাও সেই হিসাবে।

অবস্থান্তরের পর এই তাঁর প্রথম গ্রামান্তরে আসা। ৩৪ বিঘে জমি যা অবশিষ্ট ছিল, তার খাজনা দিতে হবে। একাদশীতে পেটের চেষ্টা না থাকায়, টাকার চেষ্টায় বেরিয়ে ছিলেন। নিম্নতর উদ্ধব কৈবর্তের কাছে সাতসিকে পেতেন,—তাই আমাদের সবজজের মেয়ে,—সাত কোশ হেঁটে, কাল নিম্নতয়ে গিয়েছিলেন।

আজ সকালে খানকতক শশার কুঁচি, একটু গুড় আর একপেট পুকুর-জল খেয়ে,—ফিরছিলেন।

বেলঘর না পেরুতেই ভেদবর্মি আরম্ভ হয় ; একটা পুকুর-ধারে শুয়ে পড়েন। বেলা তিনটের পর বুঝলেন,—এতদিনে স্বামী ডাকলেন ! তখন কষ্টে মাথায় দু'হাত ঠেকিয়ে, চোখ বুজেই বসেন,—“ভগবান—সুখ দিয়েছিলে—ভোগ করোছি ; দুঃখ দিয়েছ—মাথা পেতে নিয়েছি,—তোমা ছাড়া কারুকে কিছু জানাই নি ; তাই আজ তোমাকেই জানাই,—সকল পাওয়াই হয়েছে, যেন গঙ্গা পাওয়াটি থেকে বঞ্চিত না হই ! সে উপায় তুমি না ক'রে দিলে—আমার আর কে আছে ঠাকুর !” বলতে বলতে, সেই তেজস্বিনীর—এতদিনের বুদ্ধ-অশ্রু, দু'চোখ বেয়ে ভূমি স্পর্শ করলে !

বেলঘরের বাদল গাড়োয়ান, ঘোড়াকে জল খাওয়াতে পুকুরে নাব্ছিল। সব কথাগুলোই—তার কানের ভেতর দিয়ে একেবারে প্রাণে পৌঁছল। সে ধোম্কে দাঁড়িয়ে ভিজ্জে গলায় জিজ্ঞেস ক'রলে—“মা, আপনি কোথা যাবে ?”

পুরসুন্দরী চোখ চেয়ে দেখলেন—পুরুষ মানুষ। মাথায় একটু কাপড় টেনে আর গায়ের কাপড় যথাসম্ভব সামলে বসেন,—“বাবা—মা গঙ্গা এখান থেকে কতটা ?”

বাদল। বেশী নয় মা—কোশটাক্। আপনি কোথায় যাবে বল না ?

পুরসুন্দরী। উপায় হলে—দক্ষিণেশ্বরের মোড়লদের ঘাটে যাই, কিন্তু আমার ত' একপা যাবারও বল নেই বাবা !

বাদল। এই ওপরেই আমার গাড়ী দাঁড়িয়ে রয়েছে মা, ঘোড়া দু'টেকে জল খাইয়ে নিতে যা দেরি।

কৈদার রচনাবলী ১ম—৪

এই বলেই সে ঘোড়াকে জল খাইয়ে গাড়ী জুড়ে ফেললে। কিন্তু পুরসুম্বরী দাঁড়াতে পারলেন না। তখন ছেলেমানুষের মত কাঁদতে লাগলেন,—বল্লেন—“তোমার কাছে আর’ত কিছু চাইতাম না, এই যে আমার শেষ চাওয়া ছিল গো—”

সেই পুকুর-পাড়েই বাদলের বাড়ী। সে পরিবারকে ডেকে এনে, তার সাহায্যে কোন প্রকারে পুরসুম্বরীকে তুলিয়ে নিয়ে, গাড়ী হাঁকিয়ে দিলে। পুরসুম্বরী প্রায় অজ্ঞান ভাবেই রইলেন। গাড়ী যখন দক্ষিণেশ্বরের ঘাটে এসে থামলো—তখন বিকেল পাঁচটা।

বাদল যখন বল্লেন—“মা—ঘাটে এসেছ”, তখন তাঁর সংজ্ঞা হল; গঙ্গা-পানে চেয়ে দু’হাত জোড় ক’রে মাথায় ঠাকালেন। মনে যেন একটা চরম লাভের আনন্দ আর বল এল,—নাযবার তরে চণ্ডল হলেন,—কিন্তু হাতে পায়ে খিল ধরতে লাগলো।

এই সময় হিমি-পাগলী গঙ্গা থেকে এক কলসী জল নিয়ে আসিছিল,—সে হাঁ ক’রে থোমুকে দাঁড়ালো।

হেমাঙ্গিনী আমাদের পাড়ার বউ। শোকে আর দুঃখ-দৈন্যে এক-রকম হয়ে গিছিলো। চুপ করেই থাকত’, আর নিজে নিজেই হাসত’, কাঁদত’, কথা কইত’;—উগ্রা ছিল না। সবাই তাকে হিমিপাগলী বলতে সুরু করেছিল।

বাদল তাকে বল্লেন,—“মার অসুখ, নামতে পারছেন না, আপনি একটু ধ’রতে পারবে?”

হিমি হেসে বল্লেন—“ওমা—তা পারব’ না কেন,—আমাকে কি কেউ কিছু করতে বলে!” এই ব’লে, কলসী নাবিয়ে রেখে, “এস মা এস” ব’লে, দু’হাত বাড়িয়ে কোলে নিতে গেল। দেখে, পুরসুম্বরী মুমূর্ষু মুখেও হাসি এল। তিনি বল্লেন, “তুমি দাঁড়াও মা,—“আমি তোমাকে ধোর নাবি”।

হেমাকে ধ’রে নাবতে নাবতে,—বাদলের দিকে চেয়ে তিনি বল্লেন—“আজ অসহায় না হ’লে, আমার যে কত’ ছেলে মেয়ে, তা জানতে পারতুম না। মা হ’লে জন্মান আজ সার্থক হ’ল। তোমরা সব সুখে থাক”। বলতে বলতে চোখ থেকে ঝরঝর করে দু’টি ধারা মুখে-বুকে নেবে পড়ল’।

আর তিনি দাঁড়াতে পারলেন না, পা ঝুঁকু করে কাঁপতে লাগল। গঙ্গাবাসীর ঘরে—মাটির ওপর শুয়ে পড়লেন। বাদল আবিষ্কার মত তখনো দাঁড়িয়ে। একটু সামলে বলেন—“বাবা তোমার ধার জন্ম নিয়েও শুধতে পারব না, আমার আঁচলে সাতসিকে”—

বাদল আর দাঁড়াল না, তাড়াতাড়ি মাটিতে মাথা ঠেকিয়ে, চোখ মুছতে মুছতে গিয়ে গাড়ী হাঁকিয়ে দিলে।

হেমা বল্লেন—“ওমা—মাটিতে শোবে নাকি?—আমার চেয়েও বড় হ’লে যে!”

সব কথা তিনি আর শুনতেও পাচ্ছিলেন না,—বুঝতেও পাচ্ছিলেন না ;—বলেন,—  
“চাডুযো পাড়ায় আমার গিরি থাকে,—একবার খবর দিবি মা ?”

হিমি-পাগলী হাঁ করে তাঁর মুখের ওপর তাকিয়ে বল্পে—“তুমি গিরির মা ? ওমা কি হবে গো ! পোড়ারমুখো দেবতারা কি সব মরেছে !” এই বলেই ছুটলো। তার জল-শুদ্ধ কলসী আকাশ-পানে চেয়ে রাস্তার প’ড়ে রইল !

\*

\*

\*

\*

[ ৩ ]

আমাদের গঙ্গার-ঘাটটি দাতারাম মোড়লের ঘাট বলেই প্রসিদ্ধ। তার প্রবেশ-পথের দু’ধারেই—গঙ্গা-যাত্রীর বা গঙ্গাবাসীর ঘর। দ্বিতলেও একটি সুন্দর ঘর, সেটি অপেক্ষাকৃত নূতন বা হালের তৈরি। আমরা সেইটি দখল করে রিডিং-রুম ও লাইব্রেরী করেছি। তখন আমাদের তরুণ-দলের সে কি উৎসাহ !

সেটা—এখনকার সার্ব (Sir) আর তখনকার বাথী সুরেন্দ্রনাথের যুগ ; সুতরাং বুঝ—না-বুঝ, বার্ক, ম্যাট্‌সিনি প্রভৃতি বড় বড় ইংরাজি বই পড়বার বা নাড়াচাড়া করবার য়োক খুবই। আমাদের মধ্যে যিনি দাঁড়িয়ে ইংরাজিতে দু’কথা বলতে পারেন, তাঁর পায়ী খুবই উঁচু। বাংলা বইয়ের মধ্যে—হেমবাবুর কবিতা, পলাশীর যুদ্ধ, যোগিন বিদ্যাভূষণের—গ্যারিবল্ডি, ম্যাজিনি, আয়োৎসর্গ প্রভৃতি পুস্তকেরই আদর ও পাঠক বেশী। এ-সব প্রায় পঞ্চাশ বছর আগেকার কথা হলেও, সেইটাই দেশের চিন্তার, স্বদেশ-প্রীতির উন্মেষের দিন ; তবে—থারাটা পুরো ইংরাজিই ছিল।

আবার—ইংরেজি শেখা ভদ্রেরা তখন—কেউ গভর্নমেন্টের ছাপাখানায়, কেউ জর্জ-হেওয়ারসন্স, মের্কিনাম্ মের্কিজ প্রভৃতির সওদাগরী আসিসে, তাবেদারী নিয়েছেন। কাজেই তাঁরা গঙ্গার ঘাট ছেড়ে—সন্ধ্যা করেন আপিসে, আর বন্দনা করেন আফিসারের,—গঙ্গাতীরের সে-ভিড় ভেঙ্গে গেছে। এখন ঘাটটির পুরো পাট্টা আমাদেরই হাতে পড়ায়,—নিঃসঙ্কেচে বৈকালী-বক্তৃতার বেগ বাড়িয়ে দেওয়া গেছে। ছেলেরা তখন এক-একটি যেন ইংরাজি ‘ইডিওমেটিক্-ফ্রেজের’ ফোয়ারা !

হরিগোপাল সে দিন বক্তৃতা করছিলেন। বিষয় ছিল “মেকলে ও তাঁহার সমসাময়িক লেখকগণ।” বক্তৃতার মধ্যে যতই ফ্রেজের ফুলঝুরি কাটাঁছিল, ছেলের বদন ততই প্রফুল্ল হ’য়ে উঠছিল ! কার সম্বন্ধে এখন স্মরণ নেই, হরিগোপাল যখন ঘাড় দু’লিয়ে বললে—“He was a literary abortion, a huge hyperbolic hypocrite, —and a black horse of Western Civilization”—

শুনে ক্ষুণ্ণিত্তে সকলেরি মেরুদণ্ড সোজা হয়ে উঠলো,—করতালির করকাপাত হয়ে গেল ! সবাই মনে হ'তে লাগল—কালে হরিগোপাল দেশের একটা দিকপাল দাঁড়াবে ।

হরিগোপাল ছাড়া ক্রাবের বাইরে দেখবার শোনবার কিছু থাকতে পারে,—সেদিন সে হুশ কারুরই ছিল না ।

এই সময় আমাদের বড় মাঝি মেঘনাদ এসে সংবাদ দিলে—“একটি ভদ্র-ঘরের মা-ঠাকরুণ, নীচে গঙ্গাবাসীর ঘরে মাটির ওপর প'ড়ে ঝ্যান কইমাছ কাতরাচ্ছে । আমরা ত' কিছু করতে পারি না, তাই হুজুরদের জানাতে এলাম ।”

শুনেই, যোগিন আর নিবারণ—“এস মেঘনাদ” বলেই দূত চলে গেল ।

আমরা ছাতে বেরিয়ে দেখি, পশ্চিম দিক থেকে যেন, গঙ্গাপার হ'বার জন্যে—জটায়ু ডানা মেলেচে—এমনি মেঘের ঘটা ! গঙ্গার ওপর তার ছায়া প'ড়ে, জল ধূসরবর্ণ ধ'রেছে ; তখনো জোয় হাওয়া দেয়নি । পালতোলা পান্সিগুলি—বকের সারের মত, নিরাপদ আশ্রয়ে ছুটেছে । দৃশ্যটা তখন উপভোগ করবার মত' মনও ছিল না, অবকাশও ছিল না । যারা দূরের আসামী—তারা বাড়ী ছুটল' ; কেবল আমরা দু'তিনটি, তাড়াতাড়ি ক্রাব-ঘরের দোর-জানালা বন্ধ ক'রতে লেগে গেলুম । একটা যেন প্রলয় আসছে ।

বন্ধ ক'রে ছাদে দাঁড়িয়েছি,—তখনো মেঘের সেই গম্ভীর ভাব,—মহুস গতি,—সাড়াশব্দ নেই ।

দেখি—হির্মি-পাগলী, এক-বগলে একটা ছেঁড়া ময়লা বালিশ,—আর এক বগলে, তারির-ই রাজযোটক—একটা মাদুর, তার খানিকটা ভূয়ে লুটুচ্ছে । মূর্তিতে আর বেশে সেও নিজে তাদের উপযুক্ত বাহকরূপে, হস্তশস্ত্র হস্তে—ঘাটের দিকে ছুটে আসছে ।

জিজ্ঞাসা করলুম—“এ সব নিয়ে কোথায় ছুটেছ গা !”

হির্মি হেসে—ঘোমটা টেনে বউমানুষের মৃদু গলার বস্ত্রে—“ওমা দেখনি ?—রাজ-কন্যা যে ধুলোয় গড়াগড়ি যাচ্ছে ! আমার যা-ছিল তাই কুড়িয়ে নিয়ে যাচ্ছি,—আর ত' কিছু নেই । তখন ত' কত লোক দেখতে ছুটেতো,—আজ তোমরা কেউ দেখবে না গা ?—আমার কি দাঁড়াবার সময় আছে,—বোঝতে পারি না বাছা ।” এই বলতে বলতে সে দূতবেগে ঘাটে ঢুকলো ।

নীচে থেকে হঠাৎ কান্নার আওয়াজ ওপরে এসে পৌঁছল' ।

তাড়াতাড়ি নেবে গিয়ে দেখি,—বামাচরণ একটা কুড়োনো ভাঙা কলসী ক'রে গঙ্গা থেকে জল নিয়ে ছুটে এল' । কিছু না পেয়ে—সেই ঘরে কার একটা পরিত্যক্ত নারকোল-মালা দেখতে পেয়ে, সেইটে একটু ধুয়ে, তাইতে জল গাড়িয়ে—রোগীর শুষ্ক কণ্ঠে ঢেলে দিলে,—জলের হাত চোখে মুখে বুলিয়ে দিলে । কপালে-ওঠা চোখ আবার স্বাভাবিক অবস্থায় এলো,—রোগী যেন একটু আরাম বোধ করলেন ।

একটি সুন্দরী যুবতী বুক-ভাঙা বেদনায় কঁদে উঠলো—“ওগো তোমাদের পায়ে পড়ি,—মাকে মালায় ক’রে জল দিওনা গো !”

চেয়ে দেখি—আমদের পাড়ার গিরিবালা । তবে ত’ হিমিপাগলী ঠিকই বলেছে—  
“রাজকন্যে ধুলোয় গড়াগড়ি যাচ্ছে ।” এই কি আমাদের বার বছর পূর্বেই সেই—হীরের  
বালা গরা পুরসুন্দরী !

বিশ্ময়ে বেণুবের মত’ হয়ে গেলুম ! এই রকমই হয় নাকি !—এইটেই জগতের  
নিয়ম নাকি ! প্রাণটা দমে গেল,—এতটুকু হ’য়ে গেল । আমাদের তখন প্রখর যৌবন,  
অসীম আশা, উদ্দাম বাসনা । মুহূর্তের তরে বিখটা যেন কালো হয়ে গেল,—‘সবুজ’ সরে  
দাঁড়ালো,—পাতায় বার বাস, তার ভিতরে ভরসা কতটুকু !

[ ৪ ]

মেঘনাদ একটা পিন্দীন্ম এনে জ্বলে দিলে । সেটা—মৃত্যু-উৎসবের উপযুক্তই ছিল !  
তার ঘুমভাঙা চোখের মত’ নিম্প্রভ মিট্‌মিটে শিখা,—ঘরটার কোথাও আলোর, কোথাও  
কালোর ছায়া ফেলে, ঘরের-মধ্যকার মনগুলোতে আড়ম্ব ভাব আর আতঙ্ক এনে দিলে ;  
—রাজ-কন্যার মৃত্যুর ঘটটাকে ঘনিষে তুললে । শিশটা মাঝে মাঝে মাথা উঁচু ক’রে  
গলা-বাড়িয়ে দেখাছিল’—আর দেরি কত’ ।

গিরিবালা মার বুক মুখ গুঁজে—পাষাণদ্রাবী কাতর কণ্ঠ তুলেছে । পুরসুন্দরীর  
তখন সর্ব শরীরে অসহ্য মৃত্যু-যাতনা উপস্থিত । দশ বছর মুখ বুজে দাবুণ দুঃখকষ্ট সহ্য  
করার—আজ তিনি শেষ পরীক্ষা দিচ্ছেন ! পাছে তাঁর কষ্ট দেখে গিরিবালার কষ্ট হয়,  
তাই—সে কি বরদাস্ত,—সে কি সংযম,—মৃত্যুর সঙ্গে—সে কি কষ্টাক্ষিপ্ত ! সন্তানের  
মুখ চেয়ে, প্রতি মুহূর্তে এমন ক’রে—মরণের বিষদাঁত ভাঙতে এক মা-ই পারেন ! বলেন  
—“ভাবিস নি গিরি—ভগবানের পায়ে রইলি ।” বলতে বলতে স্বর বন্ধ হয়ে এল,  
দু’চোখ জলে ভেসে গেল ।

গিরিবালা চীৎকার ক’রে কঁদে উঠতেই,—হাতড়ে হাতড়ে তার মাথায় হাত দিয়ে,—  
কপালে মায়ের শেষ স্নেহহস্ত বুলুতে বুলুতে, কষ্টে কম্পিত কাতরকণ্ঠে বলেন—“গিরি  
কাঁদিস নি মা,—মাথা ধরবে ।

শুনে চোমকে উঠলুম !

বাতাস—শুষ্ক হ’য়ে, আকাশ বেদনা-বিষয় মুখে গুম হ’য়ে, এতক্ষণ সব সহ্য করছিল ;  
তারাও আর পারলে না । একটা দম্‌কা দীর্ঘশ্বাসে প্রদীপটা নিবিয়ে দিয়ে,—বিপুল  
বেদনায় আকাশটা বিকট একটা চীৎকার ক’রে ফেটে গেল ; আর তা’থেকে তীর আলো  
ছটে এসে ঘরে ঢুকে,—সকলকে চোমকে দিয়ে,—আমাদের পুরসুন্দরীকে পথ দেখিয়ে  
নিষে গেল ।



## মুক্তি

[ ১ ]

সে-দিনটা ছিল তেরোশ্পর্শ,—অবশ্য পরে তা জেনেছি এবং তার প্রমাণও পেয়েছি। সকালবেলা “প্রবাসী-বঙ্গ-সাহিত্য-সম্মিলনের” কার্যাব্যাহক মহাশয়ের নিমন্ত্রণপত্র পেলাম,—“শুভ ইচ্ছারে অধিবেশন, উপস্থিত হওয়াই চাই এবং গবেষণাপূর্ণ কাজের কথার প্রবন্ধও চাই।” অর্থাৎ—ভদ্রভাবে বলা—অনুগ্রহ করে আসবেন না !

সাবিত্রী দেবী মনিঅর্ডার এলো ভেবে ছুটে এসেছিলেন, শেষ “গবেষণা” শুনে বললেন—“কত কি বেরুচ্ছে, যাদের কপাল ভালো—” ইত্যাদি। “তা গবেষণা কই শূন্যনি তো,—সে আবার কি রকম সোনা ? আর তা শূন্যই বা আমার কি হবে !”

বললাম—“ওই গিনি-সোনারই মতো—তবে খুব সস্তা,—কিন্তু তা কারুর বোঝবার সাধ্য নেই।”

“আসছি—পরে শুনবো, সজনে খাড়াগুলো পুড়ে গেল বুঝি”, বলে তিনি দ্রুত চলে গেলেন। প্রভাতের মেঘ কেটে গেল।

ষষ্ঠীয় প্রহরে আহায়ে বসেছি, তিনি বললেন—“এত দেশ থাকতে কাশীবাস করা হ’ল—খেজুরে-গুড় মিলবে বলে,—দু’খানা সরুচাকলি করে দেবো, ভুরভুরে পয়ড়া গুড়ে ছুঁবিয়ে খাবে। অ্যাতো শূন্যছিলুম,—কই, তেমন গো ! ও কি এদেশে হয় না ? পোড়ারমুখোরা তবে করে কি !”

আজ সহসা আমার কাশীবাসের কারণটা জানতে পেরে চমকে উঠলুম ! ভাগ্যে শিক্ষিতা নন, খেজুরের ঝাণ্ডবের খবর রাখেন না,—তা হ’লে দেখছি আমাদের মক্কাবাসই অনিবার্য ছিল।

যাক, কাজের কথার একটা ইঙ্গিত দৈববাণীর মত এসে গেল। খেজুরের চাষ সম্বন্ধে, অর্থাৎ তার জমি, শ্রমী, সার, হার, আয়, ব্যয় প্রভৃতি কথাগুলি কাঁটা বেচে খাড়া করতে পারলে একটি সুন্দর প্রবন্ধ সৃষ্টি করা যেতে পারে। একটা কর্তব্য যখন এসে পড়েছে, এবং জরুরী জিনিসটার ইঙ্গিতটাও অযাচিত এসে গেল, তখন মাধ্যাহ্নিক শয়নটা বাদ দিতেই হল।

তিরিশ বছর আগে যখন জব্বলপুরে থাকি, তখন মধ্যপ্রদেশে খেজুর গাছের প্রাচুর্য এবং তা কাজে লাগাবার উৎকট চিন্তা ও মোটা লাভের প্রলোভন, পাগল করে তুলেছিল,—চাকরিটে নিরোঁছিল আর কি। কেবল বাঙ্গালী বলেই সে বেগ কোন প্রকারে

কাটিয়ে কেরানীগিরি বজায় রাখতে পেরেছিলাম। তারপর তিরিশ বছর নির্বিয়ে কেটে গেছে, একটি দিন ঋণেও সেকথা আর উদয় হয়নি। বাক্সালীর উপর বিধাতার এই বরটি আছে বলেই জাতটি আজো টিকে আছে।

কিন্তু এতকাল পরে ঠিক দুপুর বেলা মণ্ডকা পেয়ে সেই খেজুর গাছ সহসা আবার দেখা দিয়ে, কর্তব্যের কড়া তাগাদার মত মাথা তুলে দাঁড়ালো। মানুষের চোখে সামান্য একটা কুটো পড়লে মনে হয় ফুটো হয়ে গেল', আর সেই চোখে খেজুর গাছ পড়েছে। নিদ্রা ত গেলই, চট্ একটা কিনারা না করলেই নয়। চোখে ত পড়েই ছিল, শেষ মাথায় ঢুকলো—বিকারিন্সারের মহারাজার কাছে তিন হাজার বিঘে মরুভূমি পদ্মুনি নিয়ে—বালির ওপর বীজ ছড়ালে কেমন হয়! তারপর গাছ থেকে আরম্ভ করে গুড়ে পৌঁছতে, আর লাভ দেখিয়ে দিতে, বড় জোর দশ পৃষ্ঠা লাগবে। মাটি খুঁড়তে হবেনা,—জল দিতেও হবেনা—জাল দিলেই গুড়! ও হয়েই গেছে। চোখ কিন্তু বড় কঁকঁ করছে, অভ্যাস কিনা,—একটু বুজেই থাকি।

মনে করোছি মাত্র, অমনি পিয়ন্ ডাক্ দিলে—“বাবুজি চিঠিঠি।” দূর করো। তাড়াতাড়ি উঠে গেলাম। পাবলিশারকে পত্র দিয়ে চেষ্টার কিস্তীতে আমার বইখানার হিসেব মেটাতে বিশেষ অনুরোধ জানিয়েছিলাম, কারণ মোটা টাকার দরকার—মাথার বোশেখ-চাঁপার রত উদ্‌যাপন বাঁ বাঁ করে ঘুরছে।

Thank God—তাদেরই চিঠি বটে। একে বলে business,—কবে আমাদের দেশের লোকেরা এঁদের মত তৎপর আয় দায়িত্ব ও কর্তব্য জ্ঞানসম্পন্ন হবেন! যে অপরের জন্য ভাবে—সেই তো মানুষ।

আর পেলুম “সবুজ পত্র।”

আনন্দে পত্রখানা খুলতে খুলতে ঘরে ঢুকে পত্রও পড়া, শূয়েও পড়া।

লিখেছেন—

আমরা দেখে অবাক হয়ে গেছি যে, আপনার “খুচুনি”র হাজার কাপি সাড়ে তিন মাসেই সাফ্। এ গৌরব বৃকোদর বাবুর বইও পারিনি। লেখা পড়ে সকলেই মুগ্ধ। আপনার অন্যান্য লেখা পাবার জন্যে নিত্য পত্র আসছে। সমস্ত Manuscriptএর মোট্ পাঠিয়ে দেবেন, আর “খুচুনি”র দ্বিতীয় ও তৃতীয় সংস্করণের জন্য আমাদের order দেবেন। জার্মানী আপনাকে Anatole Franceএর সঙ্গে তুলনা করে V. P. তে খেতাব পাঠিয়েছে—“নদের-টোল India” বা “বেদের-টোল India”,—যেবা ইচ্ছা হয়।

ইংলণ্ড, জার্মানী, জাপান ও বর্ম্মান বহু বাক্সালী থাকেন, কাজেই, সেখানকার কাগজে বিজ্ঞাপন দিতেই হয়। রাশিয়া আর সাইবিরিয়াটা ভুল হয়ে গেছে—অপরাধ নেবেন

না। ভুল চুক মানুষ-মাঠেরই হয়। এবার দেবই-ই। সেনিগাষিয়ায় দিতে বলেন কি? কি করি আপনার ভক্ত যে বিশ্বময়।

বিলুটা নিয়ে দিলাম—

হাজার কাপি “ধুচুনি” ২২ হিসাবে ২০০০\

এণ্টিক, ছাপাই, হটপ্রেস, মরক্কো-

বাইণ্ডিং, দপ্তরী, গুদাম-ভাড়া

( দেখবেন কত কমে নাবিরেছি )

...

৫১৩৮/০

( লক্ষ্য করবেন—আলমারীর আর দ্বারবানের

চার্য করিলাম না )

বিজ্ঞাপন, প্ল্যাকার্ড, হ্যাণ্ডবিল্ ( সহরের

কোনো দেল বার্ক নেই )

...

৬৫৩৮/১০

V. P. পোস্টেজ

...

৫৭৮/০

খেতাবের ভিঃ পিঃ খালাস-খাতে

...

২৫০\

আমাদের গাঁটের কড়ি ও সুদ বাবাদ

...

৬৫০\

৩০ কাপি সমালোচনার্থ

...

৬০\

উপহারার্থে আপনাকে ২৫ কাপি

...

৫০\

মোট

২২৩৩৮/১০

অর্থাৎ, সত্তর আমাদের ২৩৩৮/১০ পাঠিয়ে খোলসা হবেন এবং নববর্ষের হর্ষ বেশ নিশ্চিন্ত ভাবে উপভোগ করবেন। নূতন খাতা না থাকলে—লেখক মাত্রেয় জানা—এসব সদুদ্দেশ্যমূলক পুরাতন কথা লিখে লজ্জা পেতাম না,—কারণ টাকাটা সামান্য, পুরো তিনশোও নয়। একান্ত অনুরোধ—টাকাটার সঙ্গে ক্ষমাটাও চাই। নমস্কার।

প্রণত—হিত-ব্রত কোং

পুঃ—নূতন ম্যানস্ক্রিপ্ট্ সত্তর পাঠাবেন,—এমন মওকা মাটি হতে দেবেন না। শুনছি মস্কো বান্ধোবান্ধি করে খেতাব পাঠাবার তরে উন্মুখ হয়ে রয়েছে।

হিঃ বঃ কোং

প’ড়ে গবেষণা গুলিয়ে গেল, অতবড় আইডিরাটা একদম মাটি। তরল-আলতার শিশি নিতে এসে দেবী হঠাৎ আমাকে চিৎপাৎ দেখে বললেন—“কি, আবার সেই ব্যাথাটা চা’গিয়েছে বুঝি।”

মাঠ একটা হুঁ দিলাম।

“দিন রাত বসে বসে আরো খেলনা,—চোখে স্যাক্সার দোকানে যেতে পা যে পাথর

হয়ে থাকে !” এই বলে ঘাইমেরে বেরিয়ে গেলেন ! ‘আমি তখন ভাবছি—দু’শো তেঁতিশের উপায় ।

উপায় আর কোথায় ! নিজের ঘরেই বেনামী সিঁদ দিতে হবে, আবায় সেটা বোঝাতেও তিনটে টাকা পড়বে অর্থাৎ একুনে দু’শো-ছাঁশ দাঁড়ালো ! নানাঃ পদ্দা ।

লেখকদের এসব সংসাহস চাই, নচেৎ ভদ্রতা রক্ষা হয় না ।

ভেবে আর কি হবে,—উঠে বসলুম । “সবুজ পত্র” দেখা যাক—কাজ হবে । পুস্তকেই শ্রীযুক্ত নলিনীকান্ত গুপ্ত মহাশয়ের নাম দেখে লাফিয়ে উঠলুম । তাঁর লেখা আমি শ্রদ্ধার সহিত পড়ি । তিনি “সমসাময়িক সাহিত্য” বলে একটি প্রবন্ধ লিখেছেন । তাতে দেখলুম—“আমার মনে হয় দিন যতই যাইতেছে ততই যেন ঘোরতররূপে আমাদের সাহিত্যিকেরা ব্যবহারিক সংস্কারের সমস্যা লইয়া ব্যাপ্ত হইয়া পড়িতেছেন । \*\* নিরাবিল সৃষ্টির দিকে আমাদের দৃষ্টি নাই, আমরা কহিতে চাহিতোঁছি কেবল কাজের কথা, সাহিত্য আর সুকুমার শিল্প নয়”,—ইত্যাদি ।

যেন অভয়বাণী শুনলুম । পড়বার মাত্রই খেজুর-গাছগুলো ডানা মেলে সরে গেল । ফাঁক পেয়ে হাঁপ ছেড়ে বাঁচলুম । কলু যেন তার ঘানিগাছ পেলে । লিখতে লেগে গেলুম । তার পর “যত্নে কুতে” ইত্যাদি ত স্বপক্ষে আছেই !

[ ২ ]

এটা নাকি প্রমাণ হয়ে গেছে—সব কাজের একটা কারণ থাকে । আবায় সেটা নাকি বুদ্ধিমানেরা ধরে দিতে পারেন,—ধরে দেনও । জগতে যারা “নামী” হয়ে গেছেন, তারা যে কেন নামী হলেন, তার প্রমাণ স্বরূপ তাঁদের বাল্যকালের দু’চারটে অসাধারণ বা অলৌকিক ঘটনা বেরিয়েই পড়ে । এটা গেল নামীদের কথা ।

আবার “বদনামীরাত্ত” এ নিয়মের বাইরে নন । তাঁদেরও কারণ নির্ণয়ের লোক জোটে । তাঁদেরও উত্তরকালে দায়গ্রস্ত, ভিটেভ্রষ্ট, স্বপুলালয়স্থ, ঋণগ্রস্থ, তটস্থ প্রভৃতি হবার চিহ্ন-সকল নাকি তাঁদের জ্ঞাতি ও প্রতিবেশীদের দৃষ্টি এড়াননি ।

জোটেনা কেবল আমাদের মত “নিনামী”দের জীবনব্যাপী ফলাফলের কারণ নির্ণয়ের লোক । সেটা শেষ জীবনে গালে হাত দিয়ে বসে, নিজেরই আবিষ্কার করতে হয় ।

একটা বড় কথা আছে,—ভবিষ্যৎ জীবনের ছায়াপাত নাকি বহু পূর্বেই হয়ে থাকে, চক্ষুমানেরা আর পিতৃব্যেরা বালোই সেটা দেখতে পান । আবায় এটাও গোনা যায়—ভুতের নাকি ছায়া থাকেনা, সুতরাং ছায়াপাতও হয় না । তা সে যে-কারণেই হোক আমাদের সম্বন্ধে কেহ কিছু পাননি ।

নিষ্কটে পাকা ইঙ্কুল থাকতে, দু'মাইল দূরে, কুটিঘাটার এক আটচালা ইঙ্কুলে ভর্তি হই,—কেহ একটি কথাও কন নাই।

শেষ জীবনে যখন—মাথায় পাকা চুল, হাতে পায়ে সুপুষ্ট শিরা, গায়ে ১৯ বৎসরের অভিন্ন আত্মীয়—সূতোঝোলা জিনের কোট, গলায়—ফালি পাকানো চাদর, বগলে Handle-হীন ছাতা, পায়ে “বুটী” বা বুটকাটা চটি, আর বুকে হাঁপানির টান্, এই সম্বলে পেন্সন্ নিয়মে বাড়ী এলুম ও সাবিট্রীর কাছে এই আনন্দ সংবাদটা উৎসাহের সহিত announce করলুম,—Three cheers দূরে যাক্, তিনি একদম fierce হয়ে বললেন —“তাতে নতুনটা কি হয়েছে, কবে যে চাকরি করলে তা তো জানিনা, আর করে থাকো ত কেনই বা করেছ,—করে কার মাথাই বা কিনেছে, তাও ত জানিনা! পোড়ারমুখো ভগবান দয়া করে পেটজোড়া পীলে দিচ্ছিলেন তাই ছেলেগুলো আজো বেঁচে আছে, তা না তো খালিপেটে কদিন বাঁচতো। যাক্ ভালই হয়েছে,—তোমার Monthly-টিকিট কেনবার জন্যে, লজ্জার মাথা খেয়ে, মাসে মাসে আর আমাকে পাড়ায় পাড়ায় টাকা ধার করতে বেরতে হবেনা!”

পঞ্চাশ বর্ষ পরে এই কি ভাষণ!

যাক্,—ক্ষমাই সেরা ধর্ম,—ধর্মপালনই করলুম। হুঁকোটি নিয়ে ধীরে ধীরে চণ্ডী-মণ্ডপে গিয়ে তামাক সাজতে বসলুম। এমন নিরীহ কাজটি আর নেই, বড় বড় ভাল সামলে দেয়। আজকালের ছেলেরা ওটা ছেড়ে দিয়ে কি ভুলটাই করছে! এ দুঃখ-দৈন্যের দেশে এমন কাজও করতে আছে!—এখনো ধরে ত' কাটিয়ে যাবে ভাল।

দুটান্ টান্তেই মন ফুট্ তুললে—“আচ্ছা—কেরানী হয়েছিলুম কেন? গোড়া থেকে ভাবতে আরম্ভ করলুম। প্রথম ছিলিম পুড়ে গেল। ফের সাজলুম—ফের পুড়লো। Where there is a will বলে, তিনের নম্বর চড়াতেই, চট্ বেরিয়ে এল,—“কুটিঘাটার ইঙ্কুলে পড়ে “কুটিওলা” হবো না তো কি “সদরওলা” হব।

এই আবিষ্কারে ভারি একটা আনন্দ হল,—কারগটাতো পেলুমই, আবার এটাও প্রমাণ হয়ে গেল—আবিষ্কারের ফুস-মস্তোর হচ্ছে গুডুক! বেশ—এখন ঐতেই গেলে থাকবো, দেখি কি কি আবিষ্কার করতে পারি,—সাবিট্রী তখন মৈত্রী হতে পথ পাবে না। লেগে রইলুমও তাই, কিস্তি দুর্ভাগা দেশ চিনলে না। সকলে বললে “রাবিষ্কারক”—সেটা নিশ্চয় হিংসের!

ফলে—জীবনটা এবার “ফেলিওর্”! ‘মেমারি’ খুলে যাওয়াও দোষ,—চাপা কথা বেরিয়ে পড়ে! বহু দিনের একটা কথা মনে পড়ে দাঁমিয়ে দিলে,—ব্রহ্মবাক্য অমান্য করেই বোধ হয় আমার এমনটা হ'ল! গো-বেচারার রাম কিছু না করে, চোন্দো বছর জঙ্গলে জঙ্গলে ঘোলা না হোক—ওন্ খেড়ে বেড়িয়েছিলেন, আর আমি ব্রহ্মবাক্য অমান্য

করেছি ! আমি কি এত বড় দুৰ্ব্বিকির দরুণ মুচ্ছাদি হব। তার তিনি—(যাঁর কথা বলছি)—দারু-ব্রজ ছিলেন না, চারু-ব্রজ তো নই, পাক্সা পরব্রজের পাক্সা। দেশ বিদেশে তেমনটি আর নজরে ঠেক্বে না।

আমাদের গ্রামেই হয়েছিল তাঁর আবির্ভাব। বাল্যকালে আমরা তাঁকে একদম আধাবয়সেই পাই। বর্ণ—নিকষ-কালো, আকৃতি—বামন অবতারের দেড়া, কিন্তু ফাঁড়ে ছিলেন সাড়ে চার হাত। ওজনও ছিল গর্ব করবার মতো। নাক ছিল বরাহের, চক্ষু ছিল—তরক্ষুর—আর তার ভাব ছিল ভয়ঙ্কর। অধর ওঠ ছিল—বিরক্তি আর ত্যাগী-বাজক। সর্বসাকুল্যে মুখখানি ছিল—বারুদ-ঠাশা বোমা ! আওরাজটাও অনুব্রূপ কড়া,—নির্দোষ বললে দোষ হয় না। পোষাকের কোন পাকাপাকি ছিল না, তবে বাড়ীতে লুঙ্গী, ফানালের ফতুয়া আর কাবুলী চাপ্লির ব্যবহারটাই তাঁর ছিল বেশী।

বিদেশে বিদেশেই বেড়াতেন, মাঝে মাঝে এসে পড়তেন। ছেলেদের মহলে তখন একটা সাড়া পড়ে যেত,—দেখতে ছুটতুম। কখনো শুনতাম কাবুল থেকে এলেন ! গিয়ে দেখি, ঢিলে পা'জামার ওপর ভেড়ার লোমের পুস্তিন চড়েছে, মাথায় কুল্লা আর জরির আঁচলাদার নীল পাগড়ি। একটা ১২।১৩ বছরের গঁঠে ছেলের মাথায় ৭।০ সের ওজনের এক গড়গড়া, আর তার ১৩ হাত লম্বা জরির কাজ-করা নলটা—তাঁর মুখে ! গার্ড আর এঞ্জিনের ব্যবধানে তিনি ধোঁ ছাড়তে ছাড়তে বাড়ীর সামনের রাস্তায় পাইচারি করছেন। ব্যবধান বজায় রাখার ভার সেই ছেলেটির ওপর। তিনি কারুর পুরাতন নাম ব্যবহার করতেন না,—নিজে নামকরণ করতেন। তার নাম দিচ্ছিলেন গুট্টা।

আমাদের দেখে বললেন—“কিরে, আজো সব বেঁচে আছি। যে ! গ্রামের উপকার করতে পারলিনি দেখছি !” তারপর প্রশ্ন করলেন—“বেদানার কত বড় দানা দেখেছি ?”

অধর বললে—“বাবার মরবার দিন দু'টো এসেছিল, একটা ভাঙতেই খানিকটে ধোঁ বেরিয়ে গেল। সবাই বললে—এই দুঃসময়ে সাত সাত আনা মাটি,—আর ভেঙ্গে কাজ নেই। তারপর আর তেমন বেয়রাম তো বাড়ীতে কারুর হয় নি।”

তিনি বললেন,—ওইটিই দুঃসময়ের লক্ষণ,—দুঃসময় বটে।

হরে বললে—“আমি দেখেছি,—জামাই বাবু এলেই তাঁর জলখাবারের জন্যে আসে। এক একটা দানা—উঃ !”

শুনে বললেন—“যা এনেছি—দেখিস্,—তার এক একটা দানা—দেড়পো রস ছাড়ে ! হোকনা তাদের গুণ্ঠিবর্গের সান্নিপাতিক,—এক দানায় ঠাণ্ডা। হ'লে নিয়ে যাস্ !”

গতরে আর গুণে, তিনি ছিলেন একই ওজনের। সেতার, এসরাজ, পাখোয়াজ ছিল তাঁর হাতের খেলনা। গানেও ছিলেন গণিমিঞা। ওই ভীমরুলচাক থেকে কি করে

যে মধুস্করণ হতো, সেটা আজো বুঝতে পারি না। মজলিশে তিনি ছিলেন—একাই একশো, তাঁর জোড়া মিলতো না। এই সব সুকুমার শিল্প তাঁর মধ্যে যে কি করে প্রবেশলাভ করেছিল, আর ভুলক্রমে করলেও—কি করে যে বেঁচে ছিল, এইটাই আশ্চর্য!

তাঁর নাম ফি-ক্ষেপেই বদলাতো। সাধারণতঃ তিনি “দিদ্বিজয়ী” বলেই খ্যাত ছিলেন। নেপাল বিজয় করে এসে হন—জংবাহাদুর, ব্রহ্মদেশ থেকে ফিরে—ফুজিলাট ইত্যাদি। বিকট বিকট নামের উপর তাঁর একটা উৎকট টান্ ছিল। সেবার এসে বল্লেন—জাহানাবাদে তোদের বস্কিমের তিলোত্তমার বাপের বাড়ী দেখে এলুম রে। এটার স্মরণার্থে কি নাম নিলে fitting হয় বলতে পারিস্ ?

দুর্গেশনন্দিনীখানা ছিল আমার টাটকা-পড়া, ফস্ করে বলে ফেললুম—“গড়মাশ্চারণ গাঙ্গুলী।”

ভারী খুসী হয়ে “ক্যাবাৎ” বলেই আমার মাথায় একহাত “গ্রেকেটে” সেধে নিলেন। মাথাটা তাঁর নাগালের মধ্যে থাকলে অনেক তালই তাকে সামলাতে হ’ত। তারপর বল্লেন,—“তোরা হবে,—হেলায় হারাস্নি যেন।”

এত দিন তাঁর নিজের-দেওয়া নামেই ডাকতেন, আজ খুসী হয়ে নামটা জানতে চাইলেন। বললুম,—“বুদ্ধপীড় রায়।”

শুনে মিনিটখানেক আমার দিকে অবাক হয়ে চেয়ে থেকে বল্লেন,—“অ্যা বলিস্ কি,—এ যে খাসা নাম রে! কোন কেলাসে পড়িস্?”

“ফোর্স্।”

“আর এক পদ খসিয়ে, খাড়ে থেমে বামন অবতার হয়ে পড়,—স্বর্গ মর্ত্য পাতাল এক করতে পারবি। এমন নামের অসম্মান করিস্নি,—foolish হসনি, পুলিশে ঢুকে পড়িস্,—লাটের ওপর যাবি। বেদ আর এই দিদ্বিজয় গাঙ্গুলীর ব্রহ্মবাক্যে ভেদ নেই জানিস্।—তবে তোরা সোনারচাঁদ ছেলে—বাঁচবি কি! গ্রামের যে দুর্ভাগ্য—বাঁচতেও পারিস্।” ইত্যাদি

আমাদের ওপর তাঁর টানটা এই রকমই ছিল। ফল কথা—তিনি যে কি ছিলেন, আর কি ছিলেন না, বা কিসে কাহিল ছিলেন, সেটা অনুমান করাও অসাধ্য!

\* \* \* \*

ফিরে বচর নেপাল ঘুরে এলেন,—নেক্‌ডের লোমের টুপি, বাঘ-ছালের চোগা, কোমরে চমরীর ল্যাজ আর ভোজালে, গলার মৃগনাভির মুণ্ডমালা;—হৃক্ষেপ তাঁর কাকেও ছিল না। দু’চার কথা আমাদের সঙ্গেই কইতেন, বাকিটা রাজাদের আর আমীরদের দরবারে।

বললেন,—“আর মরলিনি দেখছি—গাঁয়ের গোড়ায় শনি লেগে আছে,—তা নাতো এই বাঘা-মৃগনাভি হাত লাগে ! এর এক দানায় মড়া ঝাড়া হয়ে । নাড়ী ছাড়লে ছুটে আসিস—বঁচে যাবি । দেখছি গ্রামটার আর গতির আশা রইল না ।”

পাথোয়ারাজে ব্রহ্মতাল শুনিয়ে রাজার কাছে ওই সব উপহার পেরোইলেন ।

“আরো আছে” বলে, উঠনের দিকে ইঙ্গিত করায় দেখি—স্বেত পাথরের আখখানা খাম-ভাঙ্গা গড়াগড়ি যাচ্ছে ।

বললেন,—“ভাল করে দেখে আয় ।”

তারপর বললেন,—“কি বল দিকি ।”

বললুম—“কি আর,—একটা পাথরের কুঁদো ।”

শুনে অবাক হয়ে—কালো বাতাবি-নেবুর কোষের মত ঠোঁট উল্টে বললেন—“আ্যা তোরা ব্রাহ্মণের ছেলে,—কলা জ্ঞান নেই ! তোরা যে হনুমানের অখম হালি দেখছি । এত দিনে Indian art ( ইণ্ডিয়ান আর্ট ) ভুবলো ।”

তাকে দুঃখ করতে দেখে—‘কিস্তু’ হয়ে বললুম,—“বোম্ব হয় পাথরের স্বেত হস্তীর পা ।”

নিখাস ফেলে বললেন,—“দেশটা বড় বেইমান—বড় বেইমান, অত বড় artist-এর ( রস-দক্ষের ) কব্বর করলে না । কদিনই বা আছি, তোর ওপর একটু আশা আছে—শুনে রাখ । এর পর এই Indian art-এর জন্যে সব কঁদে ফিরবে । এইটিকে চিরজীবী করে রাখবার জন্যে প্রভু কালাপাহাড় কি খাটুনিই খেটে গেছেন । কেউ তাঁর সদুদ্দেশ্য বুঝলে না ! অমন দেশপ্রাণ সমঝদার কি আর জন্মাবে ! কি হাতই ছিল ! নিজের হাতে হাতুড়ি ধরে—এক ধার থেকে—কারুর হাত, কারুর পা, কারুর নাক, কারুর কান, কারুর বা মাথাটা কেটে কুটে correct করে রেখে গেছেন । তিনি বুঝেছিলেন—পুরোপুরি সবটা আস্তো থাকলে, কলার চাষে দ’ পড়ে যাবে,—কম্পনার কসরৎ থাকবে না, গুস্তাদ জন্মাবে না । মাথা নাইবা রইলো, যার art-এর দৃষ্টি আছে সে দেখবে—ক্যা সুন্দর কটাক্ষ, তাতে হাসিটুকু পর্যন্ত ফুটে রয়েছে ! তবে না গড়ন হবে । কলা ঐ একজন বুঝতেন, তাই দেশের তরে এই সব রেখে গেছেন,—ফাঁকগুলো fill up করতে করভে তোরাও পাকা-কলার অধিকারী হতে পারবি । এত বড় possibility ( সম্ভাবনা ) তোদের সামনে আর কে ধরে দিয়েছে ? আর কলা বাঁচিয়ে রাখবার এমন নিরাপদ উপায়ই বা কার মাথায় এসেছিল ! আস্তো থাকলে কি এ-দেশে থাকতো ।”

আশ্চর্য হয়ে বললুম—“তা আপনি এ হাদিস্ পেলেন কি করে ?”

বললেন—“দেবলরুও বটে, বুদ্ধির জোরেও বটে । রামদাস মাষ্টার সজ্ঞারু সম্বন্ধে Essay লিখতে দেন । লিখে দিলুম । হাতে পেয়ে তিনি ঐ কালাপাহাড়ী কাট



(cut) আরম্ভ করলেন। কার্টুনির চোটে সেটা ঠিক একটা সজারুর মতই দাঁড়িয়ে গেল। Essay-র ইঙ্গিত ধরে ফেলে গুরুদেবের পায়ের ধূলা নিলুম। তিনি খুসি হয়ে আশীর্বাদ করলেন। এখন আর কিছু আটকান না। গৃহ্য তত্ত্ব কি কেউ মুখ ফুটে বলে,—তেমন মুখখু গুরু ভারতে মিলবে না !”

বললাম—“তারপর,—এ জিনিসটি কি,—কোথায় পেলেন, কি করেই বা আনলেন ?”

বললেন—“সেদিন একটা মালকোষ শূনে রাজার মেজাজটা খোসা ছিল। পাশের ঘরে নিয়ে গিয়ে ঐটিকে দেখিয়ে বললেন—‘এই পাথরাট পূর্বপুরুষেরা এই ঘরে রেখে গেছেন, ঘর-জোড়া হয়ে পড়ে রয়েছে। এর সম্বন্ধে কেউ কিছু বলতেও পারে না’।

দেখেই বুঝলাম—কারুর মূর্তি ছিল, ষড়টা আছে,—কালাপাহাড়ী কৃপায় হাত আর মাথা নেই, পাক্সা সাত মোন হবে। শূনে পড়ে সার্থক প্রণাম ঝেড়ে দিলুম।

রাজা ভীত হয়ে জিজ্ঞাসা করলেন—‘ব্যাপার কি ? ইনি কে ?’

বললুম—‘ইনি যে আমাদের মহাপণ্ডিত মণ্ডন মিশ্র। দেখছেন না,—কি প্রতিভা-দীপ্ত চক্ষু, জ্ঞানোজ্জ্বল ললাট !’

রাজা বললেন—‘মাথাই নেই—চক্ষু ললাট কোথা ?’

বললুম—‘মহারাজ, ঐটুকুই তো কলাবিদ কালাপাহাড়ের দান। তাঁর কাজের মধ্যে কি সুস্পষ্ট suggestion তিনি দু’হাতে বিলিয়ে গেছেন ! ওর secret সকলে জ্ঞানেন না। কলা ফলাবার বিশিষ্ট একটি পদ্ধতি রেখে গেছেন ; যেমন—

‘বঙ্গমাতা উদ্ধারের পদ্ম সুবিস্তার

রয়েছে সম্মুখে ছায়াপথের মতন।’

এটিও সেই ছায়াপথ।’

শূনে রাজা ও রাণীরা ব্যস্ত হয়ে মণ্ডন মিশ্রকে প্রণাম করলেন। তারপর অনেক কথা।

শেষ, শাঁক ঘণ্টা বাজিয়ে আমার স্বন্ধে চাপিয়ে দিলেন, কারণ অন্যে কদর বুঝবে না। অবশ্য পঞ্চাশ টাকা মাসোহারা বরাদ্দ করলেন, আর গড়ের-বাদ্য বাজিয়ে আমাদের উভয়ের Double first class Travelling দিয়ে, রেল তুলে দিয়ে গেলেন।”

শূনে বললুম—“পাথরের মূর্তির আবার মাসোহারাই বা কেন, আর Double first class Travelling কিসের জন্যে ?”

“আরে বুঝাচ্ছ না—মণ্ডন মিশ্র যে ! বড়দের সম্মান অক্ষুণ্ণ থাকা চাই তো। পেট সকলের আছে রে, ঠাকুরদের ভোগ হয় না ? তাই ৫০ টাকা। তাঁদের খেতে আর কে দেখেছে, কিন্তু মণ্ডন মিশ্র স্বহস্তে ভোগ লাগাতেন,—কথাই আছে—‘অভ্যাস যার না মোলে’। আমি কি না-খাইয়ে ব্রহ্মহত্যা কোরবো। আর হিন্দু রাজাই বা তা হতে

দেবেন কেন ? বলতেই, তৎক্ষণাৎ দম্ভখণ্ড ডেলে দিলেন । আর আমার চেয়ে ত তাঁকে খাটো করতে পারেন না, আমিই বা সে পাপ নেবো কেন, তাই উভয়েরই Double first class Travelling । ঐ Travellingই তো বড়-বড়দের লক্ষ্মী রে । এর পর বুঝাবি । একটু উঁচু level দেখে পাহাড়ী-চাকরি নিস্ দিকি । সত্যি কি আর First classএ যেতে আসতে হয়,—Travellingটাই টানতে হয়, তার পর Royal classতো রয়েছেই ।”

অবাক্ হয়ে শূন্ছিলুম, বললুম—“এখন এ কঙ্কাকাটা নিয়ে করবেন কি ?”

“পাথরটা ভাল রে, দেখি Martin কত কব্‌লায় !”

“বলেন কি—শেষকালে গোরস্থানে”—

“ঐ তো ওঁদের সাধনোচিত স্থান,—ওঁর যে সমাধি অবস্থা !”

\*

\*

\*

\*

আমাদের দিগ্বিজয়ী মহাপুরুষটি কলার কদরও যেমন করতেন, তার স্থান নির্দেশেও তেমন হুঁশিয়ার ছিলেন ।

এক কথায়—বিবিধ বিদ্যে বোঝাই করা একখানি বজরা ছিলেন । প্রতাপ আর প্রভাবও ছিল তেমনি ।

তাই তাঁকে পরব্রহ্ম বলেছি । তাঁর সেই ব্রহ্মবাক্য অবহেলা করেই foolish মেরে গিয়েছিলুম, পুলিশে ঢুকলে সার্বভৌম পর্যন্ত যমের মত দেখতো—নথ্ নাড়তে হত না ! যাক্, better luck next,—তামাকই সাজি—

উঠছি আর অশ্রুর থেকে আওয়াজ—“আর কি কারো খেতে হবে না,—না তাদের খিদে-তেষ্ঠা নেই !”

“আরে বাপরে—নেই আবার ! কোন মিথোবাদী বলে নেই ! আমাদের সুদীর্ঘ ৪৫ বৎসরের উদ্‌বাহিত জীবনে এমন শুভ লক্ষণ কেউ কখনো লক্ষ্য করেনি,—খিদে আবার নেই ! তুমি বল কি ! খুব আছে—প্রবল আছে, প্রচণ্ড আছে ;”—বলতে বলতে উঠে পড়লুম !

“আর বিদ্যে ফলাতে হবে না—এখন পিণ্ডি গেলো ।”

“আলবৎ গিলবো,—সত্যি বস্তুর অসম্মান করতে পারব না । কিন্তু এর পর ? এ মেওয়া পাকাবে কে ? তুমি সহমরণে না গেলে আমি তো সেখানে বাঁচবো না—পরকাল সামলাবে কে ?”

সার্বভৌম হাসিয়া ফেললেন ।

আমিও গ্রহমুগ্ধ হইয়া স্বস্তিতে পিণ্ডি গ্রাসিয়া ফেললাম । মধুরেণ—ইতি দূর হ’তে কানে যেন আওয়াজ দিতে লাগলো,—“গ্রহণ কা দান পুণ্‌ করো ।”

## ভগবতীর পলায়ন

[ ১ ]

পূজা এসে পড়েছে। আমরা ছেলে-ছোকরার দল মহা ব্যস্ত হ'য়ে এ-বাড়ী ও-বাড়ীর প্রতিমা কতটা অগ্রসর হল তদারক করে বেড়াচ্ছি আর শ্রীরাম পালকে তাগাদা দিচ্ছি। মাথা-ব্যথাটা সবচেয়ে আমাদেরই।

চুড়ীওলারা বাড়ী বাড়ী বৌ-ঝিদের বেলোয়াড়ী-চুড়ী পরিয়ে বেড়াচ্ছে—চারদিকেই—চাই আলতা সিঁদুর মিসি মাথা-ঘষা! জ্বোলারা হেঁকে বেড়াচ্ছে—চাই 'কাপুওড়'—নীলাম্বরী, খড়কে-ডুরে, কুঞ্জ-বাহার।

আমরা নিজের নিয়েই ব্যস্ত, দল-বেঁধে টাননী থেকে জুতো কিনে এনেছি—সে কি চিৎ! এখন সারা দুনিয়া খুঁজলেও তেমন এক-জোড়া মিলবে না! সামনে উত্তরাংশের মাঝখানে “রামায়েণ্ড” পেটার্ণের রবার, তার চারদিকটা টকটকে লাল চামড়ায় ঘেরা, আর অগ্রভাগটা ঝকঝকে কালো বাঁগিস্ চামড়ায়। আবার যদি কখনো খাঁটি সেকলে শিম্পের কদর হয়, তবেই তার খোঁজ পড়বে,—তাই আদ্রাটা ছকে দিলুম। দামও কম নেয়নি, আট-আনা নয়, দশ-আনা নয়—পুরোপুরি আঠারো-আনা। এনে পর্যন্ত দিনে বিশবার তার মোড়ক খুলে দেখেও তৃপ্তি ছিলনা, অর্থাৎ যতবারই ঘুরে-ফিরে এসে বাড়ী ঢোকা, ততবারই দেখা।

তার উপর মোজা, বুটাল, কোর-মাথানো কালাপেড়ে কাপড় প্রভৃতি ত ছিলই, সর্বোপরি সে বচরের নবাগত বার্ডসাই (Birdseye) ছিল আমাদের সেরা সরঞ্জাম। কিন্তু পাকাতে গিয়ে গোল লাগলো। কাজেই তখন ওস্তাদের দরকার। মা দুর্গার কি দয়া—প্যাং-চাঁদকে জুটিয়ে দিলেন। সে আজ দু'বচর হল ইঙ্কুলে ইস্তফা দিয়ে উঁচু পরদায় উঠে পড়েছে—অনেক এগিয়ে গেছে! সে ফস্ ফস্ পাকিয়ে দিলে, কিন্তু যা হাতিয়ে নিলে আর ফু'কলে,—অবশ্য আমাদের training ( তালিম ) দেবার ছলে,—এখনো তা মনে হ'লে গায়ে লাগে। যাবার সময় বলে গেল—“যা মেওয়া বানিয়ে দিয়ে গেলুম—টানলেই বুঝাবি—ইয়াঃ বটে!”

আমাদের সে বছরের পূজোটা সব জিনিসকে ছাপিয়ে ওই “ইয়া”র মধ্যে ঘুরতে লাগলো। পাকস্পর্শ সম্ভবীর রাত থেকে,—উঃ এখনো সাত দিন। তখন, শুভসা শীঘ্র, প্রের্যাবি বহু বিদ্বান, কি—দিন যায় ও'ক্ষণ যায় না ইত্যাদি সেরা সেরা মহাকাব্যের জ্ঞান ছিল না। সহসা একদিন ঐ তৃতীয়াটির সভ্যতা প্রমাণ করে সাংঘাতিক এক দুর্ঘটনা ঘটে গেল।

হরি ছিল আমার সহপাঠী, উভয়ের এক পাড়ার বাড়ী—তাদের বাড়ী দুর্গোৎসব হত, সেটা ছিল যেন আমাদের পূজা। প্রায় ২৪ ঘণ্টা সেখানেই কাটতো। কুমারেরা প্রতিমার রং করছে—আমরা খুরি এগিয়ে দিচ্ছি বা হাতে করে দাঁড়িয়ে আছি। রাতে সাজ পরনো হচ্ছে—আমরা সারা রাত জেগে প্রদীপ উস্কে দিচ্ছি। বলিদানের পাঁটা চরানো, পাঁটা নাওয়ানো, ফুল আর কলাপাতা সংগ্রহ অর্থাৎ না ব'লে আনলে যা হয়, ফাই-ফরমাজ খাটা, এ সবই ছিল আমাদের কাজ। তাতে কী উৎসাহ, কী গৌরব বোধ! ম্যাপ্ আঁকবার জন্যে রং সরানোও চলতো। হরি ছিল ম্যাপ্ আঁকতে সিদ্ধহস্ত, সে আলিগড়-পাহাড় আঁকতো, আমরা অবাক হয়ে দেখতুম!

হরির বাপ ছিলেন সে যুগের গ্রাম্য-দুর্ভাসা,—একেবারে বাবুদ, কথায় কথায় অগ্নিকাণ্ড! খুব নিষ্ঠাবান ব্রাহ্মণ, নিজের উত্তাপে নীরস মেরে বাঁকারি বনে গিছিলেন, তদুপরি ছিল ব্রহ্মরক্ত বেড়ে তিন ইঞ্চি high polish (তেল-চক্‌চকে) টাক, সূর্যরশ্মি সম্পাতে তা এমন ঝকঝক করতো—লোকে “ব্রহ্মতেজ” ছাড়া আর কিছ্‌ ভাবতে ভয় পেতো।

এই নরদেব সোদিন মজুর নিয়ে মহাবাস্ত,—বাড়ী পরিষ্কার করা, ম্যাপ্ বাঁধা শেষ হওয়া চাই,—আর দিন কোথা!

গুড়ুক-সম্বন্ধে তিনি ছিলেন “অগ্নিহোত্রী”—কলকে কখনো ঠাণ্ডা হত না। হুঁকাটিতে জল করে, স্বহস্তে তামাক সেজে, টানবেন বলে আঁব-পাতার নলটি লাগিয়েছেন, এমন সময় সীতারাম ঘরমী হাঁক দিলে—“ঠাকুর মশাই কাতা-দড়ি কই—কাজ কামাই যাচ্ছে।” টানা আর হ'ল না—হুঁকো রেখে দড়ি দিতে ছুটলেন।

হরি বললে,—“এই সময় চট্‌ দু-টান টেনে আমাকে দে, বাবার দেরি হবে—কাতাদড়ি ভাঁড়ারে চাবির মধ্যে আছে। এ ক'দিন এইতে মজ্ব চালানো চাই—তানাতো “বার্ডসাই” টানবি কি করে—প্যাংচাঁদ বেটার পেটেই সব যাবে,—নে শীগগির নে।”

তাও ত বটে! হুঁকো তুলে নলে মুখ দিতে যাচ্ছি, হরি দিলে সট্‌কান্‌। চেয়ে দেখি সাত হাত তফাতে শমন—চাটুষ্যে-মশাই বড়ের মত আসছেন! হুঁকো গেল হাত থেকে পড়ে,—থোল্‌ ফুটিফাটা,—কল্‌কে চুরমার! পা দু'টির জোরে প্রাণটি কেবল ঘরে এলো কি গোরে এলো বুঝলুম না।

সব উদ্যম, উৎসাহ কোথায় উপে গেল; পূজা একদম মাটি! সে আপশোষ কেউ বুঝবে না—নতুন জুতো হারানোরও শতগুণ।

সন্ধ্যা-দিন পড়ে পড়ে কাদলুম—“মা এ কি করলে, তোমার জন্যে দিঘী থেকে দশ বুড়ি মাটি এসেছে—তাই দেখেই রোজ বিশ বুড়ি আনল পেরোছি; এক-বোঝা কেদার রচনাবলী—১ম—৫

খড় এসেছে—তার মধ্যে তোমাকেই রোজ দেখতুম—যেন তুমিই এসেছ, এখন আমি করি কি !”

চাঁদনির সেই চাঁদপারা জুতো, চক্ষুশূল হয়ে দাঁড়ালো। আর সেই অত সাধের ‘ইয়াঃ’—বিষ বোধ হতে লাগলো। এ কি করলে মা !

চরিশ ঘণ্টা নির্বাসিতের মত ঠাণ্ডা গারদে অকথ্য যাতনা ভোগ করে, সকালে বাইরে এলুম—যেন চোর ! হরে ইষ্টদুর্গিদের আলিগড়-পাহাড় আঁকবার রংয়ের খুঁঁরগুলো চোখে পড়তেই, আছাড় মেরে ভেঙ্গে ফেললুম।

এখন যাই কোথা। মনে হ’তে লাগলো—চাটুয্যো-মশার টাকের চারদিকের ঝালরের মত সাদা ফর্ফরে চুলগুলো যেন দাউ দাউ করে জ্বলছে, আর তিনি জ্বলন্ত নুড়োর মত, আমার মুখাগ্নি করবার জন্যে ছুটে বেড়াচ্ছেন ! শিউরে উঠলুম।

কাঁতক এসে ডাক দিলে, সঙ্গে অধর। “কি রে কাল থেকে যে বড় দেখা নেই,—‘ফৌকা’ চলছে বুঝি ? আমাদের গোণা আছে বাবা !”

হায়রে “ইয়াঃ” ! সকলেরি হিয়া তুমি আশায় উৎফুল্ল করে রেখেছ, কেবল আমাকেই ‘গিন্না’র সামিল করে দিলে !

“না ভাই শরীরটে ভাল নয়, কিছু ভাল লাগছে না।”

“ভাল লাগেনা কি বল্। তিনটে দিন বাদ—এক পক্ষ নবীন মাষ্টারের মালদোয়ে-দেখতে হবে না। তারপর বড়-বাড়ীতে যে-সব পাটনেয়ে পাঁটা এসেছে,—একদম রামছাগলের পিতৃব্য,—তিরিশ-সের করে মাল ছাড়বে। ভাল লাগেনা কি বল্। আমরা এই ডন্ আর বৈঠক করে আসছি—ওড়াতে হবে তো ? এতো আর দু’টো ছোলা আর এক কিনুক ঝোল নয়, একদম মহা-প্রসাদের মালসা-ভোগ ! তার ওপর—ইয়াঃ রয়েছে। আবার কি চাস্ ?”

অধর বললে—আবার শুনছিহ্—“মা এবার ছাগলে চড়ে আসছেন,—তারিণী পুরুত নিজের মুখে বলছে। শরীর-ফারির দেখতে গেলে চলবে না।”

কাঁতক উত্তেজিত ভাবে বললে—“আসল কথাটাই বলা হয়নি তো। ক্যান্ডো-পিসি নাইতে গিছলেন,—সেই নেড়া মাথায় এক গলা ঘোমটা দিয়ে এসে হাজির ! ক্ষেতোর ঠাকুন্ডা অবাক্ হয়ে বল্লেন—আজ পঁয়ত্রিশ বছর ক্যান্ডোকে পুরুষ-মানুষ বলে জানতুম, কঁয়ের উপর কাপড় উঠতে তো কখনো দেখিনি, এ আবার কি।” পিসি দেখি তাঁর কোতোয়াল-কণ্ঠ গুটিয়ে মিহি-সুরে বউ মানুষের গলায় বলছেন—“ঘাটে বোধ হয় চাঁদ-সদাগার এসেছেন, তিনখানা বড় বড় ডিক্সা বাঁধা।” আরো সুর নাবিরে ফিস্ ফিস্ করে বললেন—“আমি যে ওঁদের পাড়ার বউ ছিলাম।” এই বলে আঁচলে চোখ মুছলেন।

তারপর আমাদের বললেন—“একবার দেখতো বাবা,—খেতে না বললে কি ভাল দেখায়। আমি খোড়ের ঘণ্টটা চড়িয়ে দিইগে।”

অনেক লোক দেখতে ছুটেছে,—“চল্ দেখে আসি।” এই বলে কাঁতক আমার হাত ধরে টেনে নিয়ে চললো।

চাঁদ সদাগরের গম্প শোনা ছিল। অত বড় বিখ্যাত লোকটির ডঙ্কামারা ডিঙ্গা আমাদের দ’পড়া ঘাটে দেখা দিয়েছে। দেখতে হবে বইকি! চট্ গা ঝেড়ে খাড়া হলুম,—মনের সুর দলের সুরে ভিড়ে কখন এক হয়ে গেল।

দেখি,—ভিড় ভেঙ্গেছে—অনেকেই ফিরছে। কেউ বলছে—“আবার কার ঘাড় ভেঙ্গে এলেন,” কেহ বলছে—“নিশ্চয় যাদু জানে”, ইত্যাদি।

ঘাটে পা দিয়েই চমকে গেলুম,—এ যে আমাদের দিগ্বিজয় গাঙ্গুলী! গ্রামে “সুবো” বলে তিনি পরিচিত। তাঁকে কাজ কর্ম করতে কেউ কখনো দেখেনি। বছরে দু’খেপ দিগ্বিজয়ে বেরোন, বাড়ী এসে “সুপা”র ঠাইলে চলেন। কারুকো হুক্ষেপ নেই, প্রায় সকলকেই “কি-রে” বলে সম্ভাষণ করেন। চেহারা, প্রকৃতি, কথাবার্তা, চালচলন এমন উঁচু সুরে বাঁধা যে, কেহ বড়-একটা কছে বেঁধতে সাহস পান না। ছোট ছেলেরা তো সে তল্লাটে ঘুঁড়ি কেটে এসে পড়লেও লুটতে যায় না, কারণ তাঁর মুখখীটা যমের চেনেও জমকালো, তার উপর গাঙ্গুরের প্রলেপ থাকার—গ্রেপ্তার-পরোয়ানার চেয়েও বিকট! এই দু’টিকে চড়িয়ে-নাঁবিয়ে তিনি মজা দেখতেন আর মনে মনে একটা আনন্দ উপভোগ করতেন। আসলে তিনি লোক ছিলেন তেমন মন্দ নয়—অন্ততঃ আমাদের কাছে। কি জানি কি কারণে কোন্ এক শুভমুহুর্তে আমরা তাঁর নেক-নজরে পড়ে গিয়েছিলুম। তাই কখনো কখনো তাঁর সরল বিদূষের ছিটে-ফোঁটা আমাদের উপর ছাড়িয়ে পড়তো। ক্রমে তিনি আমাদের গা-সওয়া হয়ে যান।

সাজ-সজ্জায় তিনি ছিলেন বহুবুপী। এবার দেখি—একদম নব কলেবর ধারণ করেছেন। পরিধানে টুকটকে চোলির জোড়, চরণে—চর্মবন্ধ কাঠ-পাদুকা, মস্তকে—গৈরিক উকীষ, কণ্ঠে—গেঁটে তুলসীর মালা, আক্‌রোটী বুদ্ধাঙ্ক, আর সা-ফরিদের সাদা লাল নীল আঙ্গুরী-দানা, সেই কণ্ঠী-পাথরের কপাট নদৃশ কঙ্কালী-পক্ষে—সর্ব-সাকুল্যে পাক্সা পোনে দু’সের দোদুল্যমান। সুপ্রশস্ত ললাটের বামে গোপী-চন্দন, দক্ষিণে হোম-বিভূতি, মধ্যে সিন্দুর। দেখলে শমন শত যোজন দূরে থেকে নমস্কার করে সরে যান আর ভাবেন—চাকরিটে বুঝি যায়।

তিনখানা ডিঙ্গা ঘাট-জুড়ে রয়েছে। একখানিতে বড় বড় কলার কাঁদ, কুমড়া, অসময়ের কাঁটাল, খোড়, মোচা আর পেলেয়ে পেলেয়ে মানকুচুতে ভরাট—এক একটি যেন ভরুণবন্ধ কঙ্কাকাটা নার্কোল গাছ। দ্বিতীয়খানি ছাগলের ছাউনি, তাতে

ছত্রিশটি ছাগল মজুত, আর একটি পাহাড়ী মোষ। তৃতীয় খানিতে স্বয়ং আমাদের মহীরাবণ আর তাঁর তে-এঁটে পাহাড়ী চাকর গুট্টা—কোমরে কুরকি বেঁধে বেলেমাছের চোখ আর ভোলামাছের হাঁ বার করে দাঁড়িয়ে আছে! কি রমণীয় দৃশ্য! সব দুশ্খু কষ্ট ভুলে গিয়ে হেসে ফেললুম।

কর্তার নজর এড়াতে পারিনি। তিনি বাঁ-হাতটা সামনে লম্বা করে দিয়ে তর্জনির ডগাটা বেঁকিয়ে, নীরব ইঙ্গিতে ডাকলেন,—যেমনটি আজ এতদিন পরে রঙ্গমঞ্চে বাহাল হয়ে বাহবা পেয়েছে।

কার্তিক, অম্বর প্রভৃতি গিয়ে প্রণাম করলে, আমি সার্বাঙ্গ হয়ে পায়ে ধূলো নিয়ে উঠে সেলাম করলুম। অপাঙ্গে ঢেউ খেলে গেল, বললেন—“আছিহু আজো”!

থেপ্ মেরে ফিরে এলেই তাঁকে আমাদের একটি করে নতুন খেতাব দিতে হ’ত। বললেন—“এবার কি ঠাওরালি?”

বললুম—“কচুরায়।”

“গেলে—গ্রাম অঙ্ককার করে যাবি রে!”

বললুম—“যমকে আর ভয় করে না।”

“কেমন, উপকার করিছি কি না বল্। তোদের কাছে যম তো এখন বুপটাদ বাবুরে!”—

“যাক, এমন কাক্সের কথা শোন। নবাব বাড়ীর ল্যাটা চুকিয়ে—স্বস্তেন সেরে ফিরিছি,—শেঠেদের বাড়ী ধরা পড়লুম। সব পা জড়িয়ে ধরলে; বলে—আমাদের মত্তদীক্ষা দিতে হবে, তা না তো দেহ মন শুদ্ধ হচ্ছে না, বড় অশান্তিতে দিন কাটছে। আমাদের গুরুবংশ সম্মলে সাফ হয়ে গেছে, তেমন “কুটীচক্” আর কেউ নেই। “বড়-বড়দের” ছোট-খাটো মত্ত—অসম্মানের কথা, আমাদের সেই চার-অক্ষুরে অমর “বিভীষণ” মত্ত না হলে বেমানান হয় প্রভু!”

কি মুশকিল! দ্বিজপ্রেষ্ট শ্রীজ্ঞানদেবশর্মার বীজটা আমার অবশ্য জানা ছিল। বললুম—“ও বীজ বার করলে আমার সাধনার অর্ধেক ফল জল হয়ে যাবে, কুণ্ডলিনী কুপিতা হবেন, সহস্রার সাংঘাতিক ঘা খেয়ে জখম হয়ে পড়বে। উহু—তা হবে না।” তারাও নাছোড়বান্সা। শেষ—প্রতিকারের এক তাড়ানে সেকেন্দরী-ফর্দ শোনালুম। তারা তাইতেই রাজি!—তারিরই আংশিক আদায়—এ সব যা দেখছিহু। ঘি, চিনি, ময়দা প্রভৃতি পশ্চাতে আসছে। মায়ে পূজাটা এবার ঘোরালা করে করতে হবে,—বুঝলি?—সব ভারই তাদের,—করতে কর্মাতে হবে তাদের, আমি কেবল direct করবো,—বাস্।—

“কেমন,—পারাবি তো?”

কি শুনলাম ! একদম স্বর্গারোহণ পর্ব ! জোহসে মাথা নেড়ে যোগাতা জানালদুর্ম।

তিনি আমাদের পিঠ চাপড়ে মহারাজা বিক্রমাদিত্যের মত গা তুলে পা বাড়ালেন,—  
সঙ্গে নবরত্ন ! যন্ত্রসত্তার নিয়ে মুটে-মজুর মাঝি-মাল্লারা অনুগমন করলে। গ্রামে যেন  
নব-হুল্লোড় ঢুকলো। পশ্চাতে পশুশালা !

বিজ্ঞেরা বললেন—“ওরারেণ্ট্‌ এই আসে !”

মা দুর্গাকে ডাকলে যে, সকল বিপদ কেটে যায়—আমিই সেটা হাড়ে-হাড়ে  
জানলুম। বাড়ী ফিরেই ধূলপায়ে সর্বাঙ্গে সেই বামনটেকা জুতো জোড়াটি—নানা  
angle of vision থেকে প্রাণভরে এঁকে-বঁেকে দেখে মাথার-বালিসের পাশে রাখলুম।  
—‘ইয়াঃ’ গুলি গুণে, বার বার শূঁকে বেতের প্যাটারায় পুরলুম। ভয়-ভাবনা ভেঁ করে  
অন্তর্ধান ! চুলোয় যাক্‌ বেটার আলিগড়-পাহাড় !

‘Moral class Book’ মোড়াই ছিল, কেবল পোড়াতে বাকি রইল। আর কি  
ও-সব ভালো লাগে,—নিজ্জদের পূজো ! কাজ কতো ! বাবা যতদিন বেঁচে, ততদিন  
পড়া তো লেগে থাকবেই, পূজো বচরে একবার বইতো নয়।

ছাগলগুলোই তো পূজোর প্রাণ,—তাদের জন্যে কাঁটাল-পাতা ভেসে কাঁড়ি করে  
ফেলা গেল। নেউঁকদের আস্তাবোল থেকে নটবর ঘোড়ার দানা সরাতে লেগে গেল :—  
এ কদিনে ‘gram-fed’ দাঁড় করানো চাই।

স্কুলের পাপটা একবার চুকিয়ে আসতে পারলে হয় !

## [ ২ ]

তখন আমরা কুটিঘাটার ইন্সকুলে পড়ি। মহালয়ার আগের দিন হাঁপ-ইন্সকুল হয়ে  
পূজোর ছুটি হয়ে গেল। বাবা নবীন মাস্টারের প্রবীণ বেতগাছটি নির্জীবের মত মাথা  
নীচু করে দেবরাজের মধ্যে ঢুকলো। অমনি আমাদের স্মৃতির ফোরায় যেন হৃদয়-গুহা  
ফুঁড়ে ফোস্ করে মাথা তুলে বেরিয়ে এল। আমরাও লাফ্‌ মেরে বেরিয়ে পড়লুম।  
সে-দিন বাঁধা নিয়ম বদলে ফেলে, সোজা পথ ছেড়ে পাড়ার ভেতর দিয়ে চলা গেল।

ছিলাম পাঁচ জন,—‘পলাশীর যুদ্ধ’ও ছিল মুখস্থ। আমরাও চললুম—অভিনয়ও  
চললো। মাঝে মাঝে Feeling-এর ( ফিলিংয়ের ) মাথায় মুখোমুখি হয়ে দাঁড়িয়ে  
পড়াও চললো। স্মৃতি কত !

সে কলরবে—পাড়ার কয়েকটি প্রোঁড়া, ছুটে বাড়ীর বাইরে এসে পড়লেন। বিপিন  
ছিল জগৎ শেঠ, তার গলাও ছিল ফাটা কাঁশরের মত আসর জমানো। পূর্ণোচ্ছ্বাসে যেই  
সে বলেছে—

“যা থাকে কপালে আর যা করেন কালী।”



প্রোঢ়ারা ছুটে এসে কাতরে বললেন—‘বাবা—ক্ষেমা দে ! আপনা-আপনি কি ঝগড়া করতে আছে বাবা ।—’

বিপিন তখন—“কঠিন পাষণে আমি বৈধিছি হৃদয়” বলে, সজোরে নিজের বুকে চপেটাঘাত করে বসেছে !

প্রোঢ়ারা—“রক্ষে কব্ বাবা, লক্ষ্মীটি, আমাদের কথা শোন বাবা” বলে, আমাদের মধ্যে এসে পড়ার,—আমরা হেসে এগিয়ে পড়লুম ।

হরিবিহারীর প্রাণটা ছিল কোমল, সে তাঁদের বললে—“ভয় নেই গো—ভয় নেই, ঝগড়া নয়—আমরা খেলা করছি ।”

“রক্ষে—তোমাদের খেলার পায়ে নমস্কার বাবা,—আমাদের এখনো বুক্ টিপ্-টিপ্ করছে ।”

খানিকটা এগিয়েই একটা বাস্তব পুকুর ধারে এসে পড়া গেল,—মোহনলালও গোলা খেয়ে কাৎ হয়ে পোড়লো । মোহনলাল ছিল কীর্তিক,—যেমন লম্বা তেমনি বলিষ্ঠ, তেমনি পরার্থপর । সে কাৎ হয়ে অর্ধোখিত অবস্থায়, পশ্চিম দিকে দু’হাত জোড় করে আরম্ভ করে দিলে—

“কোথা যাও ফিরে চাও সহস্রাক্ষরগ,  
বারেক ফিরিয়া চাও ওহে দিনমণি—”

আমাদের তখন feeling এসেছে,—সকলেই ভারতের তরে বিহ্বল ! মোহনলালের দিকে মোহমুগ্ধের মত বুদ্ধিহাসে চেয়ে,—সহস্রাক্ষরগকে ফিরে চাইতে বলাটাই শুনছি, আর মনে মনে তার সঙ্গে joint petition পেস্ করছি । নিজেরা আর নীচের দিকে দেখি নি যে, দুটি ভরুণী বাস্তব-বধু পুকুরের পশ্চিম দিকের ঘাট বয়ে বাস্তব হয়ে পালাচ্ছে । আগেরটি অপরকে বলছে—“দিনমণি দৌড়ে আয় ।” দিনমণির কলস কক্ষচ্যুত হয়ে সম্মুখে চূরমার হতেই, আমাদের হুস্ হল ! তারপরই ভারত-সন্তানদের ভাবান্তর—সনাতন দক্ষতার আশ্রয় গ্রহণ ! একদম নিরাপদ রাজপথে পৌঁছে শ্বাস মোচন !

বাস্তব বাইরে এসে সুস্থির হবার আগেই অস্থির হবার আয়োজন যেন মুকিয়ে ছিল ! দেখি এক বৃদ্ধা কঁাদতে কঁাদতে ছুটেছে আর বলছে—“বাবা আমি বড় গরীব, আমার আর কেউ নেই, কোথায় চার আনা পাবো ! ঐ গরুটির দুধ বেচে একবেলা চলে বাবা ; ভগবান তোমার ভাল করবেন,—ছেড়েদে বাবা ।”

ফলে, অতি রূঢ় কদম্ব ভাষায় উত্তর আসাছিল । চেয়ে দেখি, একটু আগে এক পাহারাওলা একটা গরুর দাড়ি ধরে টেনে নিয়ে চলেছে ।

অধর তাকে বললে—“বড় গরীব বুড়োমানুষ হায়, ওর আর কেউ নেই হায়, ছেড়ে দাও ।”

লোকটা পিশাচের মত দাঁত বার করে—“ওঃ, হাকিম আম্মা !” বলে, উপেক্ষার হাসি হেসে, গরুটাকে হড়্‌হড়্‌ করে টেনে নিয়ে চললো ।

সদ্য-পলাশী-রক্তভূমি ভঙ্গ-দেওয়া বঙ্গ-বীরের ধমনীতে লড়ায়ের বাঁধ তখনো প্রবল । পরদুঃখকাতর, দোড়্‌দক্ষ মোহনলাল ইতিমধ্যেই একটা প্রকাজ ভেরেঙা ডাল ভেঙ্গে প্রস্তুত হিচ্ছিল । সে গরুটার পিঠে ভীমবলে, আচম্ভক সজোরে আঘাত করেই গলি-পথে লম্বা । সঙ্গে সঙ্গে চার-পা তুলে উর্ধ্বাশ্বাসে **ভগবতীর পলায়ন** । আমরাও বিভিন্ন পথে অন্তর্ধান ।

বিমূঢ় বীর, পদোচ্চিত ভাষায় শাসিয়ে, শেষ গরুর পশ্চাতেই পা বাড়ালে ।

\* \* \* \* \*

হরি দত্তর একমাত্র ছেলোট ঘর্টাখানেক আগে মারা গেছে । বাড়ীতে সান্ত্বনা দান ফেলে, থানায় রিপোর্ট দান করতে ছুটোছিল, কারণ সেটা more জরুরী ! ফিরতি মুখে সে খবর দিলে,—“তোমরা করেছে কি, সরকারী-মাল মারপিঠ করে ছিনিয়ে নিয়েছ ! হনুমান সিংয়ের কামান থানায় হুলস্থূল পড়ে গেছে । গ্রেপ্তারি পরোয়ানা নিয়ে সব-ইনসপেক্টর বাবু এখুনি আসবেন ।”

আমরা তখন একস্থানে এসে আবার জড় হয়েছি । হরি দত্তর কথায় স্ফূর্তি ফেঁশে গেল । এত বড় বাহাদুরিতে পুরো উপভোগ করতে পেলুম না । মন-মরা হয়ে গ্রামে ঢোকা গেল ।

আমার তো রক্ত জল ! মা, আবার এ কি করলে ! রাহুর হাত থেকে রেহাই না পেতেই যে কেতুর কবল হলাম ।

সর্বাগ্রেই নজরে পড়লো—গুট্টর মাথায় গড়গড়া, আর আমাদের দিঘিজরী মহাপুরুষ ঘোঁ ছাড়তে ছাড়তে রাস্তায় শণ্ট্‌ করে বেড়াচ্ছেন ; দেখা হতেই বললেন—“কিরে—সাদা শব্দ নেই যে ! খবর কিরে বখতিয়ার !”

তিনি বখতিয়ার বলতেন কার্তিককে । কার্তিকের কাছে বিস্তারিত বর্ণনা শুনে তাঁর গ্রীমুখ এমন এক অভিনব মূর্তি ধারণ করলে, যা পূর্বে কখনো দেখিনি । তারপর আওয়াজ ছাড়লেন—“যা, তোর বাবার কালী সিঙ্গির মহাভারত আছে না ? সে আর কোন্‌ কাজে লাগবে ; আর রক্তবৈবর্ত, শিবে কৈবর্ত প্রভৃতি মোটা মোটা দেখে যা পাস চট্‌ এনে আমার বৈঠকখানার আলমারী আর টেবিল সাজিয়ে ফেল । এই পেঁচো, যা, জমিদারের গড়বাড়ি সিংয়ের uniform ( উঁদিটা ) মায় রূপোর চাপড়াস্‌ নিয়ে আয় । কেষ্ঠো সে-গুলো পরে ফেলুক । সে দোরের কাছে হাজির থাকবে । ডাকলেই ‘হুজুর’ বলে কুড়ুল-কোপের সেলাম চালাবে । তাকে একবার ডেকে দে ।”

কেষ্ঠ-দা ছিলেন ভোজপুরী জোয়ান । নাকটুকু বাদ্‌ সবটাই ছিল তাঁর দাড়ি ।

তিনি বাড়ী থাকলে, ছেলে মেয়ে অন্য পাড়ায় পালাতো। পত্নী তাঁকে স্বামিরূপে পাবার সঙ্গে সঙ্গে মূর্ছাগত বাইও পেয়েছিলেন।

বেণীকে বললেন—“এই গবাক্ষ, এই নে তিন টাকা, চট্ পরাণের দোকান থেকে রসগোল্লা এনে পাশের ঘরে রাখ। আর এই চার আনার সাজা-পান আর খইনি। বেরো।”

আমায় বললেন—“যা, ২১৩ জন ভদ্রবেশী লোক পাড়ায় ঢোকবার পথে হাজির রাখ্গে। খানাদারেরা তাদের কাছে খবর নিতে পারে। তারা বলবে—‘ছোঁড়াদের উৎপাতে গ্রামে আর বাস করা চলে না। আমাদের ভাগ্যে এই সময় ডেপুটি বাবুও বাড়ী আছেন, ভারি কড়া হাকিম! গ্রামের ওপরও তেমন বিষদৃষ্টি। তিনি শুনলে নিজেই সন্ধান করে ধরিয়ে দেবেন। তাঁর কাছে কারুর মাপ্ নেই। দাপটে রংপুরে বাঘে গরুতে এক ঘরে বাস করে। চলুন দেখিয়ে দিচ্ছি। উচিত শিক্ষা হলে যাবে, বড় বাড়িয়েছে মশাই।’ তারপর সোজা আমার কাছে আনাব।”

এসে দেখি—মোজা, ঢিলে পাজামা, গ্রিসিয়ান্ শ্লিপার, গায়ে ক্রিকেট-ফ্রান্সেলের আনকোরা শার্ট, নাকে সোনার চশমা, হাতে হোমিওপ্যাথী Halls Jar খোলা। আলমারী Law book এ অর্থাৎ পদ্মপুরাণাদিতে পরিপূর্ণ!

দেউড়িতে জালিম্ সিং (কেষ্ঠ-দা), আর বৈঠকে উপরিউক্ত রংপুরের ডেপুটি! আমাদের জমায়তে পাশের ঘরে।

গ্রেপ্তারী অভিযান এসে উপস্থিত,—Sub-Inspector (সাব্-ইনস্পেক্টর) সহ তোফা হিম্মতি।

কেষ্ঠ-রা ধীরে জিজ্ঞাসা করলেন—“কিস্কো মাংতে?”

সেই আহত-দর্প হনুমান্‌সিং জোর গলায়,—“কহো যাকে নিস্পেক্টর সাহেব আয়ে হ্যায়।”

কেষ্ঠ-দা মুখে আঙ্গুল-দে চূপ করতে ইসারা করে Sub-Inspector (সাব্-ইনস্পেক্টর) বাবুর কাছে কার্ড চাইলে। তিনি ধীরে বললেন,—“ডিপ্টি সাহেব কো কহো যাকে—Sub-Inspector বাবু সেলাম দেনে আয়ে হ্যায়।”

কেষ্ঠ-দা ঘরে ঢুকতেই খাদগম্ভীরে আওয়াজ হ’ল—“আনে কহো।”

পাহারাওলাহন্নকে বারাতায় বেণ্ডে বসতে বলে Sub-Inspector বাবুকে সঙ্গে করে এগিয়ে দিলেন। তিনি গলাটা একটু সাক্ষ করে নিয়ে—গলা বাড়ালেন।

ইনস্পেক্টর বাবু বোধ হয় আশাই করেন নি—এমন মূর্তি মর্ডো থাকতে পারে, তাই একটু সহজ সাহস মুখে ঢুকছিলেন। ঢুকেই, উধ্বংস দেখলে লোকের যে অবস্থা হয়, তাঁর মুখে তার পরিচয় ফুটে উঠলো। ডান-হাতটা যত্নবৎ কপালে গিয়ে ঠেকলো, কিন্তু কথা সরলো না।

ডিপুটি কচুরায় নিজ মূর্তির প্রভাব বিলক্ষণ জানতেন। ধীর গম্ভীর আওয়াজে তর্জনী বাড়িয়ে তিন গজ ওফাতে একখানা চেয়ার দেখিয়ে বললেন—“বোসো।”

“আজ্ঞে আমি বেশ আছি,—আপনার সামনে”—

“এ এজলাস্ নয় হে, এ আমার নিজবাটি। কত দিনের service ( চাকরি )?”

“আজ্ঞে এই দেড় বছর।”

“ওঃ তাই! তোমার আগে ক্বি বজ্রভুকুটি সামন্ত ছিল?”

“আজ্ঞে হ্যাঁ।”

“এসোছি শুনলেই সব কাজ ফেলে দেখা করতে আসতো। ছোকরা একটা। তেমন তেমন সদর পেলে, নামের কদর রাখবে। সে কায়দার ফায়দা এঁর মধ্যে বুঝেছে। New Year ( নব-বর্ষের ) দরবার সামনেই, কমিশনারের সঙ্গে দেখা হবেই,—দেখি কি করতে পারি”—

“তিনি আপনার মনে যখন স্থান পেয়েছেন”—

“সেটা তো শক্ত কথা নয় হে, একটু বুদ্ধির দরকার। দেশ কাল পাত্র বুঝে পা ফেলতে শিখলেই আপ্সে এগিয়ে যাবে। ভুকুটি সেটা শিখেছে, অর্থাৎ কোথায় ভুকুটি দরকার, কোথায় বিচুটি ব্যবস্থা, কোথায় শির্ষটি সাজতে হয়, কোথায় টুংটি টেপা চাই, কোথায় কানুটিই যথেষ্ট, আবার কোথায় পা দু’টি ধরতে হয়, এ সব সে শিখেছে। চাই হে চাই—সবই চাই। ঐ যা বলছি—দেশ কাল পাত্র। রাজটাকা লাভ করবার রাজপথই ওই—তা, কি তোমার—কি আমার। বুঝেছ?”

“আজ্ঞে আপনার উপদেশ,—আপনি পিতৃতুল্য।”

“বেশ। উন্নতির উঁচু পর্দা দু’ একটা শুনে রাখো। যার একাকার থাকবে—তলে-তলে খবরটি রেখো—কার ওপর তাঁর কি নজর, তাঁর my dear-দের বাদ দিয়ে চলবে। পর্দা ঠিক রাখবে, পা টিপতে গা টিপে বোসোনা, বে-সুরো বলবে। যে গম্ভীতে থাকবে, তার বাঘের বাসাগুলো চিনে চলবে। চট্ ভাল হবে।”

এতক্ষণে Sub-এর ( সব্-ইনস্পেক্টরের ) মুখে একটু হাসির ভাব এল। তিনি বললেন—“কৃপা করে যা যা বলে দিলেন, এ সব ক’জন বলে দেন,—”

“বেশ, তা হলে বুঝতে পেরেছ। মনে রেখো। আমার Ist Class ডেপুটিগিরিতেই দশ বছর কাটলো হে। মৈনাক মুখার্জির নাম শুনেছ?”

Sub—নমস্কার করে সিবিনয়ে বললেন—“আজ্ঞে তাঁর নাম শোনিনি—আমাদের লাইনে এমন কে আছে। Inspector ভুজঙ্গ বাবু বলেন—ডেপুটি যদি কেউ থাকেন ত’ তিনিই। সম্ভ্রতি রংপুরে”—

“হ্যাঁ—এই পুজোর বন্ধে এসেছি। একশো বছরের বুড়ো মা,—কৃপা করে দর্শন দেন”—

“আপনি কত লোককে কৃপা করেন,—মা আপনাকে কৃপা করবেন না তো কাকে করবেন।”

“কোই হয়,—এই—জালিম সিং?”

“হুজুর” (কেষ্ঠ-দার প্রবেশ ও সেলাম)

Confidential Notes.

কেষ্ঠ-দা আলমারী থেকে বাঁধানো “বেতাল পঞ্চাবংশতি” খানা বার করে দিয়ে, সেলাম করে যথাস্থানে গেল।

“হ্যাঁ—তোমার নামটি কি বাবু?”

“আজ্ঞে আপনি আমাকে বাবু বলবেন না। আমার নাম নলিনীমোহন ভৌমিক।”

নোট করতে কলম তুলে আশ্চর্য ভাবে—“সে কি হে! ওটা তো এ line-এর নাম নয়। ও নামে থিয়েটারে ঢোকা চলে, মনিহারী দোকান করতে পার, বড় জোর ওকালতী। এ লাইনে ও-সব মেয়েলি নামে কাজ হয় না, বদলে ফ্যালো—বদলে ফ্যালো। আমার District-এ আমি নিজে নামকরণ করে দি। ভূজঙ্গ, মৃদঙ্গ এসব বেশ fitting নাম। বিবৃপাঙ্গ, বুদ্ধাঙ্গ, ভদ্রাঙ্গ, কালাপাহাড়, ধনুষ্ঠাকার যা হয় একটা Departmental নাম নিয়ে ফ্যালো। যার যা,—কামে নামে সামঞ্জস্য থাকা চাই হে। সাঁ-সাঁ এগিয়ে পড়বে। নামেরও দাম আছে, নামে হৃদকম্প ধরলেই অর্ধেক কাম হাসিল জানবে। “কালভৈরব ভৌমিক” পছন্দ হয় না? বেশ হবে—বেশ হবে—

Sub—ঈশ্বর হাস্যে,—“যে আজ্ঞে।”

“বেশ,—আর দেখ, বড়দিনের ছুটিতে বাড়ী আসছি, দেখা করো! ভুলবোনা,—তবু। বুঝলে?”

“এটা তো আমার duty (কর্তব্য)।”

“বেশ,—ওরে বখ্তিয়ার, আমাদের কি হুকো-পানি বন্ধ করলি! সব সরে পড়লি নাকি?”

কাঁতক—“না জ্যাঠামশাই, এই যে আমরা” বলেই,—দু’খানা রেবারিকিতে রসগোল্লা আর দু’-গেলাস জল নিয়ে হাজির।

Sub—“এ আবার কেন।”

“সে কি বাবাজি, এটা হিঁদুর বাড়ী। এতো আমাদের পথের দেখা নয়। এক সঙ্গে মিষ্টিমুখ না করলে আপনার লোক হয় না হে।”

কাঁতক স্বহস্তে বাইরের গ্রিম্মতির স্ফুর্তিবিধানে লেগে গেল। হনুমান সিং

কাঁতককে দেখেই চিনেছিল আর কেষ্ঠ-দার কাছে খবরও পেরেছিল—ডিপুটি সাহেবের ভাইপো। রসগোল্লা পেটে পড়তেই সহাস্য বললে—“ভেইয়া বড়া বহাদুর হায়—পুরা জাঁঙ্গ !”

রংপুরের Ist Class Deputy বেরিয়ে এসে আমাদের ক’জনকে দেখিয়ে বললেন—“হামারা পাঁচো ভাঁতজা পুরা সন্নতান হায়, তোমারা এলাকামে পড়নে যাতা, জেরা দেখনা ভালুনা ভেইয়া !”

“আলবৎ হুজুর ! ইয়ে সব তো আপ্না ভাই হ্যায়,—মাতারিকে বেটোয়া হায় !”

পরে পান, খইনি খেয়ে, বার বার সেলামান্তে রংপুরের Deputy-র ( ডেপুটির ) প্রশংসা করতে করতে সব বিদায় হল। কেষ্ঠ-দা ইতিমধ্যে তাদের চরশ চাড়িয়েও দিরেছিলেন।

Sub.—হাত জোড় করে বললেন—“মনে রাখবেন !”

“Confidential-এ ( অন্তরঙ্গে ) এসে গেছ হে !”

সব দৃষ্টির বার হয়ে গেলে ডেপুটি আমাদের দিকে ফিরে বললেন—“যাঃ, এইবার রসগোল্লাগুলো উড়িয়ে দিগে যা !”

ওড়াবো আর কি,—কেষ্ঠ-দা তখন চাপড়াস্ ফেলে গোয়াস সুরু করে দিরেছিল ! আমরা কাড়াকাড় করে—দুটো একটা যা পেলুম !

### [ ৩ ]

পূজার জয়ডঙ্কা বেজে গেল—এমন পূজো লঙ্কাতেও হয়নি ! এত রক্তের ছড়াছাড়ি বক্তবীজও দেখেন নি ! মহাপ্রসাদের মইমাড়ন !

রাত্রের আসর দেবরাজের বাসর হরে দাঁড়ালো। বৃপচাঁদ-পক্ষী, নুলোগোপাল, মধুটপ্পাবাজ—মধুচক্র রচনা করলেন। মল্লকাজনের মালকোষ শুনে, বড় বড় মোষ কাত হয়ে পড়লেন ; এলাহিজ্ঞানের রামকেলীতে সব jelly ( মোরষ ) মেরে গেলেন ; সোনা-বাই এক ছামানাত্ ঝেড়ে সবাইকে লাট্ খাইয়ে দিলে ! জলচরেরা একদম হলধর বনে গেল। “নিস্পেক্তার” বাবু তাঁর হনুমানাদি কটকের কাঁখে ফিরলেন, সঙ্গে গোঁড়াংগ তেওয়ারী—সহ ছয়টি ছাগ মুণ্ড, কারণ তাঁরা কনোজিয়া,—কালিয়া দমনে শমনপ্রায় !

গ্রামের বিজেরা পোলাও পেয়ে,—বোলাও বোলাও শব্দ ছাড়লেন। আমরাই পরিবেশক,—‘মাটি’ হতে হতে “সোনার চাঁদ” দাঁড়িয়ে গেলুম !

পক্ষীরাজ বুপর্চাদ-পক্ষী বিদার-বেলায় আমাদের মহারাজকে সহাস্যে বললেন—  
“এ পশ্টন পেল কোথায় ! আশীর্বাদ করি পালক্ গজাক্ ।”

গজালও তাই ! মহাপুরুষের বাক্য ব্যর্থ হবার নয়—সেইদিন থেকেই অন্ধুর ছাড়লে,  
অচিরেই লায়েক্ হয়ে পড়লুম,—পনেরো বছর পেরিয়ে গেলুম !

বোধ হয় বার্ড্‌স্-আইয়ের গুণেই চট্ পক্ষীরাজের নজরে পড়ে গিয়েছিলুম । বিলিতি  
জিগিস কিনা,—অব্যর্থ ! পূজা সার্থক হল । শুভক্ষণে সেই যে ধরা গিয়েছিল—বোধ  
হয় মুখাঙ্গিতে জেব্ মিটবে ।

এখনো বছর বছর সেই পূজা আসে, মার কৃপায় “ইয়াঃ”ও কত নব নব রূপে আসে ।  
“অমৃতস্য পুত্রাঃ” বলতে হয় তো আলবৎ ওই—“ইয়াঃ ।” এখন আর পাকাবার বালাই  
নেই,—প্যাঁচোদও গত হয়েছে ।

মাজো আমরা আমাদের সেই মহাপুরুষের ডেপুটিগার্লর অভিনয়ের কথা আর তাঁর  
সর্বতোমুখী প্রভাব ও প্রতাপের কথা ভাবি আর মনে হয়—এখন জোর গলায় দু’টো বক্তৃতা  
করতে পারলেই আমরা—“বখ্‌তিয়ার, কাজে কিন্তু—“খিলজি,”—পাগড়ি দেখলেই  
“খিল-দি ।”

---

## আমাদের সন্ডে সভা

[ ১ ]

আমাদের আড্ডা ছিল বিডন্-স্কারে সতীপতিদের বৈঠকখানায়। আমরা সাতজন ছিলাম তার আনুষ্ঠানিক সভা বা দাসখণ্ড-লেখা সভা ;—কেউ কেরানী, কেউ মাস্টার, কেউ গররাজি, কেউ সাহিত্যিক, কেউ স্বরাজী, কেউ ঘর-জামাই, কেউ বেকার। তাই রবিবারে রবিবারেই আমাদের ফুল্বেণ্ড বোসত। সভা-সংখ্যা বাড়াবার নিয়ম ছিল না।

দৈবের ওপর কারুর দাপট্ চলে না।

সেটাও ছিল রবিবার, নরেন তখনো এসে পৌছয়নি। নরেনের রংটা ছিল একটু ময়লা—ঠিক কালো নয় ; কিন্তু এই অল্প অপরাধেই সে “কালার্টাদ” নাম পেয়েছিল।

বেলা সাতটা হয় দেখে বীরেন ব’লে উঠল “কালার্টাদ কোথায় ?” বীরেনের সুন্নটা ছিল ষড়ভাবতই চড়া। প্রগুটা তার মুখ থেকে যেই বেরুনো, সঙ্গে সঙ্গেই “এই যে বাবাজি” বলেই, দীর্ঘ-ছন্দের নিকষ-কৃষ্ণ এক প্রোট্ মূর্তি, একদম্ পাপোস্ পেরিয়ে ঘরের মধ্যে হাজির। রাঘিকাল হলে, হয় আঁতকে উঠতুম, না হয় কাঠ মেয়ে যেতুম—দু’টোর একটা হ’তই। তবু সকলে থতমত খেয়ে গেলুম।

বীরেন বললে—“কই আপনাকে ত আমরা ডাকি নি।

আগন্তুক বেশ সপ্রতিভ ভাবে বললেন—“সঙ্কেচের কোন কারণ নেই, ভোমরা ত’ আর ভুল কর নি ; আর তা’ হলেই বা হয়েছে কি—আমি এটনাঁও নই, ডাক্তারও নই যে “ফি” চার্জ ক’রব। তবে ডাক্’টা কানে গেল বলেই এলুম। না এলেও ত’ অভদ্রতা হ’ত। হ’ত না বাবাজি।”

মাস্টার বললেন—“আমরা একজনকে ‘কালার্টাদ’ বলি, তাঁরই খোঁজ করছিলাম।”

আগন্তুক বললেন—“ওঃ আপনারা বলেন ! দাবীটে খুব জ্বর বটে। তা আপনারা সবই বলতে পারেন ! আমি কিন্তু আজ ছ’মাস কলকাতায় বাসা নিয়েছি,—চোখ বুজেও চাঁল না, কই এ পর্যন্ত আমার মত জন্ম-কালার্টাদ ত’ নজরে পড়ে নি বাবাজি। এ ঘরটি বড় রাস্তার ওপরেই, এখন থেকে সঙ্কেচ পর্যন্ত রাস্তার দিকে চেয়ে থেকে যদি আমার চেয়েও বাড়িয়া কালার্টাদ দেখতে পান, আমি একটান গুড়ুক পর্যন্ত না টেনেই, পেছু হটে বেরিয়ে যাব।”

আমাদের কালার্টাদ (নরেন) তখন এসে গেছে। ব্যাঘাত ভাষটা কেটে গিয়ে সকলেই তখন আগন্তুকের কথা উপভোগ করছিলাম—বিশেষ করে তাঁর সাংঘাতিক প্রতিজ্ঞাটা।



নরেন অপাঙ্গে হাসি টেনে বললেন—“আপনার নাম তা হ’লে কালাচাঁদ ?”

আগন্তুক সহজ ভাবেই বললেন—“জলকে জল বলে, সূর্যকে সূর্য বলে, রাতকে রাত বলে’ কারুকে বোঝাতে হয় না। হুকোকে যদি কেউ বাঁশ-গাছ ভাবেন, সে অপরাধ রোধ হয় হুকোর নয়। বাবা আমার নামকরণে তাঁর নির্ভীকতার তথা সত্যপ্রিয়তার পূর্ণ পরিচয় রেখে গেছেন, তাই কেউ আমার নাম জিজ্ঞাসা করলে আমি অবাক হই।”

আমি বললুম—“মশাই আমাদের অপরাধ হয়েছে মাগ করবেন, আপনি দয়া করে বসুন। আপনি আমাদের বয়োজ্যেষ্ঠ, আপনাকে “কালাচাঁদ” বলে ডাকতে পারবনা, অনুমতি হয় ত “কালাচাঁদ খুড়ো” বলবো।”

আগন্তুক বললেন—“বাবাজি” বলে তার সূচনা তো পূর্বেই করে দিয়েছি।

তারপর তিনি ঠনঠনের চাঁট জোড়াটি খুলে আসরে আসন নিলেন। আমি তাওয়াদার আভাস্য একটি কলকে গড়গড়ায় বসিয়ে নলটি তাঁকে এগিয়ে দিলুম। তারপর চা, পরেই পান, তার পরেই গুড়কের ঘন রিপটিটসন (ঢাল্ সাজ্)।

এই ভাবে স্বপাদ্য মাদুলীর মত বা দৈববাণীর মত আমরা তাঁকে লাভ করি। সেই পর্যন্ত তাঁকে না পেলে আমাদের আভ্য নিবে থাকতো; এমন সর্বজ্ঞ সভ্য আমাদের মধ্যে কেউ ছিল না। যদিও তাঁর কাছ থেকে গুড়কের আওয়াজ ছাড়া অন্য আওয়াজ কমই পেতুম, কিন্তু যা দু’ একটি পেতুম তা দুর্লভ।

## [ ২ ]

আমাদের আভ্য-অধিকারী সতীপতি আর ঘর-জামাই বিলাসবন্ধু, এই সদস্যদ্বয় ছিলেন ডাঃ সাহিত্যিক; অর্থাৎ উভয়েই তিনটি করে ছোট গম্প লেখা শেষ করেছিলেন। বলাই বাহুল্য—সেই গম্পগুলি নিয়ে তিনতানখানা মাসিকের মধ্যে কাড়াকাড়ি পড়ে যায়। শেষে “সাহিত্য-শাল্ললী” পত্রিকার সৌভাগ্যবান সম্পাদককে সতীপতি বলেন—“দেখবেন কেউ যেন ওর ওপর কলম চালিয়ে মাটি করে না দেয়।” তাতে সম্পাদক বলেন—“আমরা পূর্বে পূর্বে অনেক চেষ্টা করে দেখেছি—সোনা মাটি হয় না, তা’ ছাড়া আমাদের সে সময় থাকলে তো! পূজো এসে গেল, নিজের উপন্যাস তিনতানখানা না বার করতে পারলে, এক বছর এখন গুদাম ভাড়া গোনো আর উয়ের পেট পোরাও। উঃ, তেরো দিনের মধ্যে সতেরো চ্যাপ্টার টেনে দিতে হবে!”

জামাই বললেন—“কিন্তু বানানগুলো”—

তাঁকে আর এগুতে না দিয়েই সম্পাদক সুবু করে দিলেন—“সে দুর্ভাবনা কিছুমান রাখবেন না,—আমরা ভদ্রলোকের মান রাখতে জানি; ঐ জনোই বেহার থেকে কম্পোজিটার আনিয়েছি, যেমনটি দেখবে সেইটি হুবহু বসিয়ে যাবে। সাধ্য কি যে

লেখকদের বানানে হাত পড়ে। সে বোয়াদবির জড় মেয়ে রেখোঁছ মশাই, তা-নাতো ভদ্র-সন্তানেরা লিখবেন কেন ?”

সম্পাদককে প্রস্থানোদ্যত দেখে সতীপতি ব্যগ্রভাবে বলে উঠলো—“দেখুন, এক জায়গায় আছে—‘তখন রোদে পৃথিবী প্রাবিত হচ্ছে, দিগ্‌দিগন্ত ভাসছে কি হাসছে’—”

সম্পাদক তাড়াতাড়ি বললেন—“একদম নতুন ষ্টাইল, নতুন আইডিয়া, ভাষার উন্নতির সঙ্গে ভাব প্রকাশ কেমন সহজ হয়ে আসছে, অঙ্কুরও লক্ষ্য এড়ায় না ! এই তো চাই, verily in the neighbourhood of Art ( একদম আর্টের পাড়ায় পৌঁছে গেছে ) ও আর দেখতে হবে না”—বলতে বলতে দ্রুত প্রস্থান করলেন।

সম্পাদকের এই অভিমত, এমন কি বাইরের যে কোন অভিমত, আমাদের আন্ডার নিয়মানুসারে সভার সভ্যদের Confirmation-এর ( পাক্সা করণের ) অপেক্ষা রাখে।

সতীপতির ইঙ্গিতে ঘর-জামাই বিলাসবন্ধু তাই নিম্নলিখিত প্রসঙ্গ উপস্থাপিত করলেন—“আপনারা সরাসরি সরে-জমিনে আমাদের লেখা সম্বন্ধে সম্পাদকের উক্তি শ্রবণ করলেন ; এখন আপনাদের অনুমোদন প্রার্থনীয়। তিস্তম সতীপতি তথা আমি জানতে ইচ্ছা করি,—এখন আমরা উপন্যাস আরম্ভ করতে পারি কি না। এইখানে আমাদের একটি অপরাধ স্বীকার ক’রে ক্ষমা চাচ্ছি। পরম্পরের অন্তরে এবং গোপনে, আমি ৪০ পৃষ্ঠা আর সতীপতি ২৭ পৃষ্ঠা এগিয়েও পড়েছি ও পড়েছে। অবশ্য তার মধ্যে আমার প্রায় দেড় লাইন pen through করা ( কাটা ) আছে ; আর সতীপতি উক্ত ২৭ পৃষ্ঠায়, অনুমান আরো আধ লাইন বাড়াতে পারে।”

এই সত্যবাদিতার জন্যে সাধুবাদান্তে আমরা সকলেই কালাচাঁদ খুড়োর দিকে চাইলাম।

খুড়ো গড়গড়ার ভুলদাঁঠিত নলটি তুলে নিয়ে ছোট্টো একটি টান দিয়ে বললেন—“আগেকার কথা ছেড়ে দাও, তখন গম্প থাকতো ঠাকুমার আর দিদিমার মুখে, অমুন্য নাভী নাভনীর লালেক হয়ে সে ভার হাতে নিয়েছে ; সুতরাং এখনকার হিসেবে যার হাত থেকে তিন তিনটি গম্প বেরিয়ে ছাপার অঙ্করে ছড়িয়ে পড়েছে, তাঁর উপন্যাস আরম্ভ করবার আমি ত কোন বাধাই দেখি না। সকল সভ্য দেশেই “তিনের” পর আর কথাটি চলে না ;—এমন কি “ওয়ান, টু, থ্রি, ( one, two, three ) বলার পর fire ( বন্দুক দাগা ) পর্যন্ত বেপরোয়া চলে। তিনের হাতুড়ি ( hammer ) পড়লে তালুক তড়াক করে তালিয়ে যায়,—বাধাবিহীন মনে। তিন দিন পরে মা দুর্গাকেও জলসই করা চলে। প্যালিয়ারমেণ্টে third reading ( তৃতীয় পাঠ ) শেষ করে, কি না করা চলে ! তিনটি শেষ করে এখন তোমরাও “ওঁ” মেয়ে গেছ,—সৃজন, পালন, লয় সবই করতে পার,—উপন্যাস, নবন্যাস, রমন্যাস, সর্বনাশ যেবা ইচ্ছা হয় ! তবে গম্পের পর উপন্যাসই

সাহিত্য-সঙ্গত সোপান ! কারণ গৌর আর গম্প টানলেই বাড়ে,— গম্পকে টেনে বাড়ালেই উপন্যাস,—এতো পড়েই রয়েছে। বুঝলে না ! ধরো, তুমি এই বলে একটি ছোট গম্প শেষ করেছ—“লতিকা সেই গভীর নিশীথ অন্ধকারে, লোক নয়নের অলঙ্কারে ধীরে ধীরে গঙ্গা বক্ষে ডুবিল ! দেখিল কেবল তারকা—ডাকিল কেবল বিধি।” বেশ, এতে কোন ভুল্লোকের আগন্তিক থাকতে পারে না ; কিন্তু বাবাজি, লতিকা কি আর ভাসতে পারে না ? হাওড়ার বৃদ্ধবৃদ্ধাণী পোল্টিতে দাঁড়ালে দেখতে পাবে—লোহা ভাসছে, বাহাদুরী-কাঠ ভাসছে, আর এম মৌণ সাত সের ওজনের ক্ষীণাক্ষী লতিকার ভেসে ওঠাটাই কি বড় কথা। এবং যেই লতিকার ভাসা, mind, মনে রেখো—এমনি উপন্যাসের আরম্ভ। তারপর স্রোত আছে, ঢেউ আছে, গঙ্গার দু’ধারি বাবুদের ( মালগু নাই বললুম ) বাগান আছে,—বজরা আছে ; তারপর পতিতা নিস্তারিণীর প্রাতঃস্নান আছে,—যেখানে সুবিধে টেনে তোলা, কেউ বাধা দেবে না। এই সংস্রবে নিস্তারিণীর হৃদয়ের গোপন ও সুপ্ত দেবীভাব হঠাৎ দপ্ ক’রে পবিত্র হোম-শিখার মত কিরণ ছাড়তে কতক্ষণ বাবাজি ? দেখবে কেমন সমরোচিত সুরে বলে ! নামও পাবে, দামও পাবে। আমি অভয় দিচ্ছি—লেগে যাও বাবাজি !”

সতীপতি তড়াক্ ক’রে মাষ্টারকে ডিঙিয়ে এসেই, খুড়ার পায়ের ধুলো নিয়ে বললে—‘মার দিরা,—এই তো খুঁজছিলাম। এমন field ( ক্ষেত্র ) আর নেই,—সোনা ফলবে। পতিতাদের দুঃখে একটা গোপন ব্যথা—সহরের ভাবী-ভরসাদের প্রাণে গুমোট মেরে আছে,—এ আমি নিজেই জানি। উঃ, তাকে একবার vent ( পথ ) দিতে পারলে, আমি জোর ক’রে বলতে পারি—cent per cent ফোয়ারা ছুটবে। পারবে ত’ বিলাস ?”

ধরজামাই বিলাসবন্ধুর চোখে মুখে হর্ষোচ্চাস ঠেল-মেরে এসেছিল, সে কথা কইতে পারলে না, তার মুখ থেকে মাত্র বেরুলো—“কোন বীর হিরা”—

সতীপতি উত্তেজিত স্বরে বললে,—“Enough ! বস্, আর বলতে হবে না। Research চাই, খেলো কাজ করা হবে না। আজ থেকে সন্ধ্যার বৈঠকে আমাদের আর আশা করবেন না। এই অমল অশ্রু-অঞ্জলি পূজার পূর্বেই দিতে হবে। খুড়াকে শত ধন্যবাদ for the timely hint ( ইঙ্গিতের জন্য ) !”

খুড়ো। তোমাদের উপন্যাস-এম্পারার বলেছেন—“রজনী ধীরে।” তিনি অনাম্নাসেই বলতে পারতেন—“রজনী ছুটে” বা “রজনী তেড়ে।” কিন্তু তা তিনি বলেননি, অতএব—‘বাবাজি ধীরে।’

বিলাসবন্ধু। কিন্তু পশুদের প্রলোভনে প’ড়ে যারা “নিমেষের ভুলে” বিপথে নীত হয়েছে, যাদের feeling ( হৃদয় ) আছে, তাদের জন্যে তাঁরা কি রয়ে-বোসে কাঁদবেন ?

খুড়ো। শোনোইনা বন্ধু,—বয়স তো আর মাইনে নয় বাবাজি, ওটায় আমার লোভও ছিল না, কিন্তু বছর বছর সে আপনাই বেড়ে বসেছে। তাতে লাভ হয়েছে কেবল “খুড়ো” খেতাব। তোমরাও খুড়ো বল, চা খাওয়াও, পান দাও, আর গড়গড়ার দখল ত’ দিয়েই রেখেছ। সুতরাং পাপ বাড়তে আর ইচ্ছে নেই বাবাজি, তাই বলি—সব জিনিসের অভিজ্ঞতাটা ‘ল্যাবরেটরি’তে গিয়ে অর্জন ক’রে লাগ্নেয় হতে হয় না। উর্বশীর নৃপ বা পারস্য সন্ন্যাসের অম্বর-মহল কি আর দেখে এসে বর্ণনা করতে হয়। লেখকদের ও-সব বিষয়ে ছাড়পত্র আছে; তাঁরা যা লিখবেন—পাঠক তা পড়তে বাধ্য। পতিতা-পর্বও সেই অধিকার কান্নেমু রেখে, এই আড্ডায় বসেই কম্পনার কেরামতি যত পার চালাও, তোফা হবে। অধিকার ছেড়ে পা বাড়ালে,—কে ঘুরচে, কে ফিরচে বুঝতেই পারবে না বাবাজি।

বিলাসবন্ধু। অনুভূত পতিতাদের সম্বন্ধে কোন উপায় না ক’রলে সমাজ ক্রমেই দুর্বল হয়ে আসবে না কি ?

খুড়ো। সে দুর্ভাবনার মগজ মাটি কোরোনা বাবাজি। জমা খরচ ঠিক রাখবার উপায় জ্বর জ্বর জোয়ানেরা ইতিমধ্যেই আরম্ভ করে দিয়েছেন। কাজ খালি থাকে কি বাবাজি,—বেণী মরবার আগেই ফণি হরির-লুট মানে। একদিক ভাসে অন্যদিক গড়ে, রামের টাকা বিধুর সিক্ককে ঢোকে,—তফাৎ এই। যেমন reclaim (পুনরর্জন) কম্পে পতিতা ‘প্রোপেগেণ্ডার’ করুণ রস সহদময়ের বিবশ করছে, অন্যদিকে সদাশয়েরা অন্তঃপুরের ভদ্র মহিলাদের প্রাণে বীর-রসের আমদানীও করছেন, balance ঠিক থাকবে বাবাজি, ভেবনা। উভয়ের উদ্দেশ্য সাধু।—সিন্ধি সম্বন্ধে আমি অভয় দিচ্ছি,—পূজোর বাজারে হাজার কাপ কেটেই বাবে।

এই সময় টং করে একটা বাজলো! খুড়ো চমকে বলে উঠলেন—“ইস্ তোমরা আজ করলে কি! বাড়ীতে ত’ উপন্যাস নয়—সে যে জ্যান্তো জিনিস!”

সতীপতি বললে—“তাতে কি হয়েছে!”

খুড়ো কাছাকাছি ফিট করতে করতে বললেন—“এমন কিছ্ছ না, তবে আমারও সেই দুর্বোধ-ভাষার দু’টো মোস্তোর-পড়া জিনিস কি না, তার ওপর চারদিকেই বীরবাতাস বইচে! শোবার ঘরের জানলার আবার একখানা কপাট ভাঙ্গা,—কখন একটু ফস্ করে লেগে কি সর্বনাশ করে দেবে, তাই ভয় হয় বাবাজি।”

পরে চটি পায়ে দিতে দিতে বিলাসবন্ধুকে বললেন—“দেখো বাবা জামাই,—এখন ঘর ঘরকরনা সবই তোমাদের হাতে”;—বলেই দুর্গা দুর্গা বলতে বলতে খন্দরের চাদরখানা বগলে গুঁজে বেরিয়ে পড়লেন।

সেদিনকার সন্ডে-সভা ভঙ্গ হ’ল।

কেদার রচনাবলী—১ম—৬

## থাক্কা

[ ১ ]

কথাটা প্রায় পঞ্চাশ বৎসর পূর্বের। তখন কলিকাতা হইতে গঙ্গার উভয় তীরস্থ দশ-পনের মাইলের মধ্যে গ্রামগুলি ক্রমেই “কেরাণী-গ্রাম” হইয়া দাঁড়াইতেছিল। ভদ্রলোকের—ছেলে হইলেই, সোনার দোত-কলমের আশীর্বাদ পাইত, এবং হাতেখড়ির সঙ্গে সঙ্গেই “হাত পাকাবার” উপদেশ ও তাগিদ চলিত। এই হাতের লেখাই “ভাতের” উপায়—এই কথাটাই যখন তখন শুনিত হইত।

বাস্তব পড়ায় কোন লাভই নাই, তাই তাড়াতাড়ি বঙ্গ-বিদ্যালয় হইতে বিদায় লইয়া আমিও ইংরাজি ইচ্ছুলে যাতায়াত আরম্ভ করিয়াছি।

ঠিক এই সময় বঙ্কিম বাবু তাঁহার নব-প্রকাশিত “বঙ্গদর্শনে” লিখিলেন—“বাস্তবালীর বাহুবল”। (এ গৌরবের কথাটা আমাদের সময় পর্যন্ত সম্মান পাইয়া আসিয়াছে।) তাই বোধ হয় বাবার ধরদৃষ্টি (এখনকার ফ্রেঞ্জ অনুসারে angle of vision) ছিল, ছেলের মাথার দিকে নয়,—হাতের উপর! কাজেই নিত্য ছন্ন-তক্তা ইংরাজি-লেখা মস্ত করিতেই হইত; পড়ার কাজটা পশ্চাতেই পড়িয়া যাইত।

সেই সবে লেনি সাহেবের “গ্রামার” ধরিয়াছি, এবং বেণী মাস্টার “মার” ধরিয়াছেন। এই দ্বিবিধ মারের চোটে আমার ঘোঁকটা পিতৃআজ্ঞা পালনের দিকেই দূত বাড়িয়া চলিয়াছিল। স্বপক্ষেও পাইয়াছিলাম—“পিতার প্রীতিমাপমে প্রিয়ন্তে সর্ব দেবতা”; এবং সাহেবেরা যে দেবতা নহেন, এমন ধারণা ইতর-ভদ্র জীপুবুয়ের মধ্যে তখন ছিল না বলিলেই হয়। প্রীতি-পিতার আশীর্বাদে আমার হাতের রং ধরিতে বিলম্ব হয় নাই।

সস্তাগণ্ডা থাকার বিষ পঁচিশ টাকা বেতনই তখন যথেষ্ট বলিয়া মেয়ে-পুরুষের সমর্থন পাইত,—কারণ ও জিনিসটির বাড়,—“কেবুমে কেবুমে।”

তাই ছেলেকে প্রথম চাকুরিতে পাঠাইবার দিন, মা একাগ্র কামনায় “মা মঙ্গলচণ্ডীর” ষট স্থাপনা করিতেন। ছেলে তাহা প্রণামান্তে, তুলসী তলায় প্রণাম সারিয়া, পিতামাতা ও গুরুজনের পদধূলি এবং দধির ফোঁটা লইয়া, গৃহ-দেবতা নারায়ণের তুলসী কানে গুঁজিয়া, শত দুর্গানামের মধ্যে রওনা হইত। মা তখন বাম্পাকুল নেয়ে হরির-তলায় প্রণাম করিয়া সওয়া-পাঁচ আনার সিমি মানসিক করিতেন। ছেলেরও জন্ম সার্থক হইত, মাও রত্নগর্ভা বলিয়া পরিচিতা হইতেন। ছেলেকে চাকুরীতে এই দীক্ষা দেওয়াটা দশবিধ সৎকারের কোনটা অপেক্ষাই ছোট ছিল না।

তখন এই সম্মানের কাজটিতে বুঁকিয়াছিলেন মধ্যবিত্ত ব্রাহ্মণ ও কায়স্থ। সম্মানের কাজ ভাবিবার কয়েকটি কারণ ছিল,—চাকুরি লাভের সঙ্গে সঙ্গেই সাধারণের নিকট

‘বাবু’ আখ্যাটি লাভ হইত ; তাহারা বুঝিয়া লইত—বিদ্যার জাহাজ না হইলে আর ইংরাজি দপ্তরে কাজ হয় নাই । ধারে জিনিস যোগাইতে মুদীর আপত্তি অন্তর্হিত হইত । চাকুরির সহিত চাপকানের নিকটে-সম্বন্ধ ঘটায়, যোপার সংস্রব ঘনিষ্ঠ হইয়া উঠিত ; আর এই দ্বিবিধ সংযোগে পরিষেবা সম্মানসূচক দাঁড়াইয়া মনটাকেও উচ্চ সূরে বাঁধিয়া দিত । অশিক্ষিতেরা আপদে-বিপদে বাবুর নিকট সলা-পরামর্শ লইতেও আসিত ।

আবার অসুবিধাও ছিল অনেক ; তবে তাহার অধিকাংশই বাড়ীর জীলোকেরা ভোগ করিতেন ।

আমাদের ক্ষুদ্র গ্রামখানি গঙ্গার পূর্বকূলে, কলিকাতা হইতে ছ’ মাইল উত্তরে । কুটির-পান্‌সি ছিল কুটিওলা বা কেরাণীবাবুদের আপিস বাতারাভের একমাত্র ঘান । তাহা দুই ঘণ্টার কলিকাতায় পৌঁছিত, জোয়ার-কোটাতে আরো অধিক সময় লইত । কাজেই ‘কুটিওলাকে’ কি শীত কি গ্রীষ্ম, আটবার পূর্বে প্রস্তুত হইয়া রওনা হইতে হইত ।

এই প্রস্তুত হওয়ার পশ্চাতে থাকিত—বাটার জীলোকদের রাত থাকিতে উঠিয়া, গঙ্গামান করিয়া এবং গৃহদেবতা নারায়ণের “পূজার-জো” সারিয়া “কুটির-ভাত” চড়ানো । সেই গতিশীল অবস্থাতেই তাঁহাদের আহার, জপ, স্তোত্রাদি আবৃত্তি, বিষ্ণুর সহস্রনাম, আবিষ্কার ভাবেই চলিত ।

বো-কিরা ইতিমধ্যে গৃহাদি মার্জন, বাসন মাজা, শয্যা-সম্বেচ্চ সারিয়া, গা-খুইয়া কুটিওলার জন্য পান সাজা, আহারের স্থান প্রস্তুত, কুটির কাপড় গুছাইয়া রাখা প্রভৃতি কার্যে ও কঠোঁঠাকুরাণীর ফাইফরমাস খাটিতে ব্যস্ত থাকিতেন । ফল কথা, রাতি চারিটা হইতে বেলা আটটা পর্যন্ত বাড়ীতে যেন একটা নিত্য নিয়মিত চাঞ্চল্য সুস্পষ্ট ছিল, এবং তাহা শেষ হইত কুটিওলাকে দুর্গা দুর্গা বলিয়া বিদায় দিবার পর ।

এই উদ্‌যোগ-পূর্বের মধ্যে কেরাণী বাবুর নিজের যে কোন কাজ ছিল না তাহা নহে । তাঁহাকেও পাঁচটার উঠিয়া ছয়টার মধ্যে স্নানাদি ও পুষ্প সংগ্রহ শেষ করিয়া পরে নারায়ণের পূজা ও ভোগ সারিয়া, আহারে বসিতে হইত ।

যে সংসারে জীলোকের মধ্যে কেবল মাতা বা অন্য কেহ বর্ষায়সী আশ্রিয়া, আর বধু, এবং বধুর কোলে কাঢ়াবাচ্চা, তাঁহাদের পক্ষে এই নিত্যকর্মটি নিত্য সহজ-সাধ্য ছিল না । বোধ করি তাঁহাদের জন্যই আমাদের গ্রামে একটি ‘থাকো’র আবির্ভাব হয় ।

আমাদের কথাটা সেই ‘থাকো’কে লইয়া ।

[ ২ ]

থাকোর বয়স বা বৃষের সহিত আমাদের এ প্রসঙ্গের কোন সম্পর্কই নাই ।

বাল্যকালে একটি প্রোঁঢ়াকে নিত্য সকালে দশ বাড়ী ঘুরিয়া কাজ করিয়া বেড়াইতে দেখিতাম ; তাহাতে এমন কোন অসম্ভারণ ছিল না যে, তাহা কাহারো লোকের বন্ধু হয় ।

পিসি, মাসি, খুড়ি প্রভৃতি সম্বোধনেই জ্বীলোকেরা থাকোর সহিত কথা কহিতেন। কোন কোন বর্ষায়সী এই জ্বীলোকটিকে ‘বউমা’, কেহবা ‘থাকো’ বলিতেন। বধূরা মা’ও বলিত। পল্লীগামে এই আত্মীয় সম্বোধন চিরপ্রচলিত ও এতই সহজ যে, কাহারো অনুসন্ধিৎসা উদ্রেক করে না। ব্রাহ্মণ-কন্যা কৈবর্ত-কন্যাকে মাসিমা বলিতেছেন বা ব্রাহ্মণে মুসলমানে খুড়ো জ্যেষ্ঠা সম্বোধন, ইহাই ছিল পল্লীর মধুর বন্ধন, ইহাতেই ছিল পল্লীর শক্তি ও সুখ।

থাকো ছিল একটু ঢাঙ্গা ; রোগাও নয়, মোটা ত নয়ই। গোরাক্ষী, প্রশস্ত সুস্পষ্ট সিন্দুররেখা-সমুজ্জ্বল উন্নত ললাট। কপাল-ঢাকা অবগুষ্ঠন সর্বদাই থাকিত। নাকে মাঝারি মাপের একটি টক্টকে সোনার নথ। কানে বা গলায়, কি ছিল-না ছিল তাহা জ্বীলোকেরাই দেখিয়া থাকিবেন। হাতে শাঁখা, নো, আর দু’গাছি মাটা বালা। থাকোকে কখনো ধোণদন্ত ধপ্পপে কাপড় পরিতে দেখি নাই, মলিন বাসেও দেখি নাই। টক্টকে লালপেড়ে আড়-ময়লা সাদী পরিতেই দেখিতাম।

কখনো কোন দিন থাকোকে হঠাৎ দেখিয়া মনে হইয়াছে,—বরাবর এই জ্বীলোকটিকে এক ভাবেই দেখিচি,—মুখে কথা নাই, খাটুনিরও বিরাম নাই। বিরাস্তিও দেখিনি, ব’সে গম্প করিতেও শুনিনি ; খুব সামর্থ্য বটে ! একা বিশ বাড়ীর তোলা-পাট সামলে বেড়ায়, অথচ ভদ্র-ঘরের মেয়েদের মত পরিষ্কার পরিচ্ছন্ন থাকে। মেয়েদের গয়না পরার সাথ ইতর-ভদ্র নির্বিশেষে স্বাভাবিক। সেই সাথ এর বোধ হয় খুব প্রবল, তাই এত খাটুতে পারে। বাড়ীপিছু আট আনা করে পেলো মাসে ১০।১২ টাকা হয়। ইত্যাদি।

থাকো এবাড়ী থেকে ওবাড়ী এত দূত চলিয়া যাইত যে, তাহার মুখের একটা ঠিক ছাপ কাহারও চক্ষে পড়া সম্ভব ছিল না। বহুদিন পরে একবার চকিতে দেখিয়া অবাক হইয়া গিয়াছিলাম,—শান্ত গাভীরের উপর চক্ষু দুইটিতে যেন প্রসন্নতা ও করুণা মাখানো ! কই—এত দূত যাতায়াতের মধ্যে চাণ্ডাল কোথায় !

আমাদের অতশত ভাবিবার, বুঝিবার, বিশ্লেষণ করিবার বয়স তখন নয়। তরুণ-চাণ্ডালের মুখে ওসব ভাব, ওসব চিন্তা কতক্ষণ স্থায়ী হয়,—বিশেষ ছোটলোক সম্বন্ধে।

আমাদের তখন কাজ কত ! লেখাপড়া ছাড়া আরো কত নূতন নূতন উপসর্গ উপস্থিত হইয়াছে ও হইবার জন্য উঁকি মারিতেছে। জিম্নানাস্টিকের আখড়া খোলা হইয়াছে। বামাচরণ কেলা ভণ্ট খান্ন, কাঁতক ইয়া পিককু হয়। ট্রোপিজের top-boy-কে বা বাচ্চা-চুড়ামণিকে তালিম চলিয়াছে,—শ্যামবাবু শনিবার শনিবার কলিকাতা হইতে আসিয়া শিক্ষা দেন,—আমাদের গুলু টিগিয়া দেখেন ; উৎসাহ উদ্দানার সীমা নাই। আবার মৃকুবোদের নরসিং বাবু গ্রামে এলবার্ট ফ্যাসানের চুল-ছাঁটা ও চুল-ফেরানো আমদানী.

করিয়া যুবকদের মাথা ঘুরাইয়া দিয়াছেন,—চিন্তা তাহাতেও পড়িয়া রহিয়াছে,—সময়ে অসময়ে নিজের নিজের মাথায় তাহার মস্ত চলিতেছে। তাহার উপর খগেনবাবু রূপার পইচে-পর্য্যাক্রান্ত আনিয়া তরুণদের তাক্ লাগাইয়া দিয়াছেন। বাঁশীর টান্ সঙ্ঘে বেশী বলা নিপ্রয়োজন, যমুনা তীরের নমুনা স্মরণীয়।

ফল কথা—কেরাণীদের নিত্য কলিকাতায় যাতায়াতের সঙ্গে সঙ্গে, পল্লীগ্রামে নব নব ভাবের অভ্যাস আরম্ভ হইয়া,—অশিক্ষিত ইতর সামান্যের সখ্য-বন্ধন হইতে ক্রমেই আমাদের স্বতন্ত্র করিয়া দিতেছিল, এবং তাহারা “ছোটলোক” আখ্যা পাইতেছিল। এ অবস্থায় কি-দাসীর কথা তরুণদের চিন্তা চর্চার বিষয় হইতে পারে না, আর এত কাজের ভিড়ে আমাদের সময়ই বা কোথায় !

\* \* \* \*

বিন্দুবাসিনী-তলার “স্বাম বন্দ্যো” আমার চেয়ে পাঁচ-ছ’ বছরের বড় ছিলেন। অমন আয়তন, সহৃদয়, মিষ্টভাবী-যুবক দেখা যায় না। ওই বয়সেই তাঁর প্রকৃত কবি-প্রতিভা প্রকাশ পোয়েছিল। বাগবাজারের নন্দবোসের বাড়ী “হাফ-আখড়াই” হইবে, এই সংবাদ লইয়া তিনি এক দিন সকালে আমার নিকট উপস্থিত হইলেন এবং শেষ বলিলেন—“তোমার এ বিষয়ে অনুরাগ আছে, তাই জানাতে এলুম ;—নিশ্চয়ই যাওয়া চাই।”

এত বড় compliment ও এমন দুর্লভ জিনিস ছাড়া যায় না,—আমি আনন্দের সহিত সন্মত হইলাম। তাহার পর পূর্বকাল কবি ও হাফ-আখড়াই সঙ্ঘে আমাদের খুব উৎসাহের সহিত আলোচনা চলিতে লাগিল।

ঠিক সেই সময় থাকো এক বাড়ীর কাজ সারিয়া অন্য বাড়ী দূত চলিয়া যাইতেছিল। আমাদের অত বড় প্রিয় প্রসঙ্গটা সহসা ধামিয়া গেল। রামবাবু বলিয়া উঠিলেন—“দিনের আলোর মত এ স্বীলোকটি কে-হ্যা ?”

হাসিয়া বলিলাম—“আলো মানে কি ? সকালে বাড়ী বাড়ী তোলাপাট করে বেড়ায়।”

রামবাবু আমার মুখের উপর স্থির দৃষ্টি ফেলিয়া বলিলেন—“বিশ্বাস হয় না,—তুমি জান না !”

বলিলাম “পাঁচ-সাত বছর প্রত্যহই দেখে আসছি—ওই এক ভাব, কোন পরিবর্তন লক্ষ্য করিনি,—কারো না কারো কচি ছেলে কোলে আছে, আর ঐরূপ দূত যাওয়া আসা ;—অনেক বাড়ীর কাজ মাথায়—”

রামবাবু বাধা দিয়া ঈষৎ হু-কৃষ্ণত ভাবে বলিলেন—“বুঝতে পারলুম না !”

বলিলাম—“কেন বলুন দিকি ! আর আলো বস্তু কেন ?”



রামবাবু যেন আপনা আপনি মুক্তভাবে বলিয়া গেলেন—“ঘোমটার আড়ালে—বর্ণে স্বর্ণে সিন্দুরে হঠাৎ যেন আঁচল-ঢাকা প্রদীপ দেখলুম,—বাঃ !”

আমি হাসিতে হাসিতে বলিলাম—“একজন সাধারণ প্রৌঢ়কে দেখেও আপনাদের এত ভাব আসে !”

রামবাবু মুখ তুলিয়া বলিলেন—“দেখ,—সোনার মূল্যটা তার মালিকের জ্ঞাত বা কর্ম ধরে কম বেশী হয় কি ? যাক—আমি ভাবছি ঐ অবগুষ্ঠনটুকুর কথা,—ঐটিই হিন্দুনারীর reflector ? ঐ আবরণঢাকা প্রকাশেই মাধুর্য ! ভগবান ব্রহ্মাণ্ডটা নিজের আবরণ দিয়ে ঢেকে না রাখলে কবে শুকিয়ে, চুঁয়ে-পুড়ে বদ-রং আর কদাকার হয়ে যেত,—এমন তাজা, এমন সবুজ, এমন সরস থাকত না !”

শুনিয়া আমি ত’ অবাক ! কোথা হইতে কোথায় আসিয়া উপস্থিত হইলাম ! কবি বা হাফ-আখড়ায়ের কথা আর জমিল না । রামবাবু একটু অনামনস্ক থাকিয়া বলিলেন—“তুমি একটু থোঁজ নিও,—আজ চল্লুম,—শনিবার এক সঙ্গেই যাব ।”

আমি বিনীত ভাবে বলিলাম—“ওর আর থোঁজ নেবে কি,—স্ত্রীলোক সম্বন্ধে—”

আমাকে শেষ করিতে না দিয়া—“আচ্ছা—সে আমিই নেবে ; তোমার বড় কাছে—তুমি পারবে না—” বলিতে বলিতে রামবাবু চলিয়া গেলেন ।

ভাবিতে লাগিলাম—কবি মানে পাগল না কি !

\*

\*

\*

\*

যাহা হউক, মানুষের মন কোন একটা বিষয় গ্রহণ না করতেও পারে, কিন্তু চক্ষু তাহা এড়াইয়া চলিতে পারে না । প্রায়ই চোখে পড়িত—থাকো এক-ঘটি দুধ লইয়া এবাড়ী ওবাড়ী ফিরিতেছে ; কাহারো কাঁচ ছেলেকে দুধ খাওয়াইতেছে ; কান্নুর কোলের-ছেলে থাকে কোলে ! কোন দিন প্রত্যয়ে গামছার তিন চারিটা ইলিস মাছ লইয়া তিন চার বাড়ী ঢুকিয়া তাড়াতাড়ি কুটিয়া দিতেছে । কোথাও বাটনা বাটিতেছে । কোন বাড়ী এক কলস গঙ্গাজল আনিয়া দিল ; কাহারো বাড়ী পান সাজিতেছে । এমন স্বরিত-কর্মী দেখি নাই ।

কি ভদ্র, কি ইতর কাহারো বাড়ী ঢুকিতে থাকে কিঙ্কমাত্র সঙ্কোচ ছিল না—এটা লক্ষ্য করিয়াছি । অথচ তাহার সম্বন্ধে দিকে এত বেশী নজর ছিল যে, মাথার কাপড় অসংযত হইতে, বা পথে দাঁড়াইয়া কথা কহিতে কখন দেখি নাই । আর একটি বিষয় নজরে পড়িত—থাকো এই তোলাপাঠ প্রধানতঃ গরীব বা পরিজন-বিরল মধ্যবিত্ত কুটিওলা বাবুদের বাড়ীতেই ছিল । বড়লোকের বাড়ীতে তাহাকে একাজ স্বীকার করিতে দেখি নাই, বড় লোকের মধ্যে তাহাকে নিরোগীদের বাড়ী ঢুকিতে দেখিয়াছি ; সেটার সময়-অসময় বা নিয়মিত সময় ছিল না—সুতরাং কাজের জন্য নিশ্চয়ই নয় ।

[ ৩ ]

গ্রামের তিন চার ঘর বড়লোকদের মধ্যে নিয়োগীরা ছিলেন অন্যতম ও আধুনিক, অর্থাৎ এক পুরুষে হালি বড়মানুষ। তাহার মূলে ছিল,—রৌড়ির তেলের কলকারখানা ও ফ্যালাও কারবার,—জাহাজী চালান। তাহাতে গ্রামে লোক ও শ্রমিক সমাগম, কর্মচাঞ্চল্য, বাজার, বসতি, দোকান প্রভৃতির শ্রীবৃদ্ধি ও উন্নতি দ্রুত বাড়িয়া চলিয়াছিল, ও ক্ষুদ্র গ্রামখানিতে নব-জীবনের সাদা আনিয়া দিতেছিল।

✓ নিয়োগী-কর্তা লেখা পড়া সামান্যই জানিতেন ; কর্মবুদ্ধি, শ্রম ও অধ্যবসায় বলেই তাঁহার বৈভব। সুন্দর এটালিকা, গাড়ী-জুড়ি, দাস-দাসী, স্বারবান, বহু পরিজন, বারোমাসে তের পার্বণ ; দোল দুর্গোৎসব, ক্রিয়া-কলাপ, দান-দক্ষিণা, অতিথি অভ্যাগতের সেবা, ভোজ, গরীব দুঃখীকে সাহায্য করা, সবই তাঁহার ছিল ; আর ছিল—এক পুত্র ও একটি নাতি। তাঁহার বাড়ীর ক্রিয়াকর্ম, সামাজিক-বিদায়, বহু বিতরণ, কাঙালী-ভোজন, দুর্গাপ্রতিমা, প্রতিমার সাজ, এ সবই উল্লেখযোগ্য ছিল,—কোথাও কুঠার চিহ্ন মাত্র থাকিত না। অনেককে বলিতে শুনিয়াছি—“বাগবাজারের পোলের এপারে ইদানীং আর এরূপ ক্রিয়াকর্ম অন্য কোথাও দেখা যায় না।” আমরাও দেখি নাই।

সর্বাপেক্ষা উল্লেখযোগ্য ছিল—নিয়োগী-বাড়ীর শ্রীশ্রীকোজাগর লক্ষ্মীপূজা। সেবুপ সর্বদ্বন্দ্বসুন্দর প্রতিমা, সাজ, সমারোহ, আয়োজন, উপকরণ, ভোজ আর কোথাও দেখি নাই। তাহার ব্যয় দুর্গোৎসবের ব্যয়ের তুল্য বা সমধিক ছিল। এই উপলক্ষে—রাতি জাগরণচ্ছলে যে আনন্দোৎসবের আয়োজন হইত, তাহারও বিশেষত্ব ছিল। গ্রামের লোকে যে-বৎসর যাহা দেখিতে বা শুনিতে ইচ্ছা করিত, তাহারই ব্যবস্থা করা হইত। তাহাতে এই ক্ষুদ্র গ্রামখানির ভাগ্যে তৎকালীন শ্রেষ্ঠ সখের কি পেশাদার অপেরা, থিয়েটার, যাত্রা, পাঁচালী কীর্তন প্রভৃতি দেখিবার শুনিবার সুবিধা ঘটিয়াছিল। নিয়োগী-মহাশয়ের সর্বসাধারণকে প্রীতি ও আনন্দ দানের উৎসাহ ছিল বলিয়া, কোন একটা উপলক্ষ করিয়া—ধরণীঠাকুরের কথকতা, জগা স্যাকরার চণ্ডী, প্রভৃতি বিশেষ ব্যয়বহুল অনুষ্ঠানগুলিও মধ্যে মধ্যে কয়েক মাস ধরিয়া চলিত। তাহাতে গ্রামের আবাল-বৃদ্ধ-বনিতার আনন্দলাভ, শিক্ষা ও চিন্ত-পুষ্টি সহজেই হইত।

এ সব ছিল নিয়োগী-মহাশয়ের “ছিলর” দিক ;—ছিল না কেবল—বনিয়াদী-বুদ্ধি টাকা ব্যয়-বর্জনের পাকা হিসাবি-চাল, ও চাপা হাসির মধ্যে বিদ্রূপ-মিশ্রিত বিস্তৃত বক্তৃতা।

এরূপ সংসারে আর যা কিছু থাকুক না থাকুক—কুড়ে আর কুপোষ্যের অভাব থাকে না। তাঁরও কুকুর বিড়াল হইতে আরম্ভ করিয়া বহু প্রতিপাল্য জুটিয়াছিল।

তিনি একদিন আহারের সময় একটি বিড়ালকে দেখিতে না পাওয়ার, কারণ জিজ্ঞাসা করিয়া শুনিলেন, সে হাঁড়ি ভাঙিয়া মাছ খাওয়ায়, তাহাকে বিদায় করিয়া দেওয়া হইয়াছে।

“আমার এ শূভাকাঙ্ক্ষী উপকারীটি কে ? পেটের জ্বালায় ভদ্রলোকেও চুরি করে ;—সে খেতে পেলে হাঁড়ি ভাঙতে যাবে কেন ? সকলে জেনে রেখো—আমি মুখখু চাষা, এই গ্রামেই হুড়ি মুড়কি বেচেছি । এ ধন-দৌলত ‘মা’র, আমি মজুর ;—ক’র ভাগ্যে এ সব আসে, আর কাদের জন্যে তিনি দেন, তা জানি না । এতে সবারই অধিকার আছে । এ বাড়ীতে যারা আশ্রয় নিয়েছে, তাদের তাড়বার অধিকার কারুর নেই । যত দিন নেউকীর এক-মুঠো জুটবে—তাদেরও জুটবে ।” এই বলিয়া তিনি উঠিয়া পড়িলেন, —আহার অসমাপ্তই রহিয়া গেল ।

গৃহিণী অপ্রতিভ ভাবে বলিলেন—“আমাকে একথা কেউ শোনায়নি—”

গৃহিণীকে কথাটা সঙ্গ করিতে না দিয়াই কর্তা বলিলেন—“তোমাকে বাড়ীর কথা শুনিয়ে ফল নেই বলেই শোনায়নি !”

খোঁচাটার অর্থ বুঝিতে কর্তার বিলম্ব হইল না । তিনি বলিলেন—“জগতে শূণ্য ত ঘর বলে জিনিসটি নেই,—“বার” বলে তার চেয়ে ঢের বড় জিনিসটিও রয়েছে ;—দু’জনকেই কি ঘর নিয়ে থাকতে হবে । এই যে কাল রাত্তিরে বুধুয়া-সইসের বউ, আহা কি বাধাটা খেয়েই বিয়োগা, তোমাকে কেউ তা শুনিয়েছে কি, না তোমাকে তার সেবার ব্যবস্থার তার নিতে হয়েছে । এখানে তার কে আছে বল’ ত ?”

কর্তা সাফাই হিসেবে একটা ভব্য ধরনের জবাব দিবেন ভাবিয়া আরম্ভ করিলেন—“ঈলোকটির খোজ—”

গৃহিণী বাধা দিয়া বলিলেন—“ঈলোক হওয়াটা ত কারুর অপরাধ হ’তে পারে না, তারও ত আপদ বিপদ, দুঃখ কষ্ট আছে ; তাকেও ত কারুর দেখা চাই ! আর তোমার শঙ্করীই ( নির্বাসিত বিড়ালটি ) কি—” এই পর্যন্ত বলিয়াই গৃহিণী মুখে অণ্ডল দিলেন, —তাহার চক্ষে হাসির আভাস ভাসিয়া উঠিতেছিল ।

কর্তা তাড়াতাড়ি বলিলেন—“এখন দুটো পান পাব কি ? আজ আর কলকাতা যাওয়া হ’ল না, শঙ্করীকে খুঁজে আনবার ব্যবস্থা করতে হবে ।”

গৃহিণী পানের ডিগে কর্তার হাতে দিয়া বলিলেন—“বেলা তিনটের পর কিছু খেতে হবে কিস্তু । শঙ্করী ত এখন বাইরের লোক, তার ঈলোক—তার জন্যে তোমাকে ভাবতে হবে না, গয়লা-বউ সাত-দেশ বেড়ান—শঙ্করীকেও চেনে, আমি তাকেই ধরাছি ।”

কর্তা অনেকটা নিশ্চিন্ত বোধ করিলেন ও বলিলেন—“কিস্তু আনাই চাই ।” তাহার পর বাহিরে যাইতে যাইতে বলিলেন—“হাঁ—বুধুয়ার বোয়ের আর কোন কষ্ট নেই ত ? বুধুয়া বেটা কি পাঞ্জি গো,—আমি বরাবর জানতুম ভালমানুষ—বদমাইস ব্যাটা—”

কথা শেষ হইবার পূর্বেই গৃহিণী ঈষৎ হাস্য ও কোপ মিশ্রিত কটাক্ষে—“তুমি চুপ করো ত” বলিয়াই দ্রুত সরিয়া গেলেন। কৰ্তা বহির্বাটীতে গিয়া বসিলেন ও চাড়ুযো-মশাইকে সংবাদ দিলেন।

এই চাড়ুযো-মশাই ছিলেন কৰ্তার অন্তরঙ্গ বন্ধু। নিয়োগী-বাড়ীর সর্বত্রই তাঁর অবস্থা গতি ছিল; তাঁহার নিকট কৰ্তার কিছুই গোপন ছিল না। উভয়ের মধ্যে একত্র ওঠা-বসা, হাস্যালাপ, সলা-পরামর্শ, নিত্যই ছিল। নিয়োগী-বাড়ী ও নিয়োগী-কর্তা সম্বন্ধে ইহার অধিক জ্ঞানিবার আমাদের কোন প্রয়োজন নাই,—এই সংক্ষিপ্ত সারটুকুই যথেষ্ট।

পূর্বেই বলিয়াছি—বড়লোকদের বাড়ীর মধ্যে কেবল এই নিয়োগী বাড়ীতেই থাকের সহজ গতিবিধি দেখিয়াছি। কৰ্তা ও চাড়ুযো-মশাই সদয় বাড়ীর রোয়াকে বসিয়া গল্পাদি করিতেন, থাকোকে কখনো কখনো এক আধ মিনিট সেখানে দাঁড়াইয়া তাঁহাদের প্রশ্নের বা ইঙ্গিতের জবাব দিতেও শুনিয়াছি।

এক দিন থাকোকে নিয়োগী-বাড়ী হইতে বাহির হইতে দেখিয়া কৰ্তা কথাচ্ছলে চাড়ুযোকে বলিলেন—“দ্যাখ চাড়ুযো—ভগবান সব সুখ দিলেও কপালে না থাকলে—ক’টা সুখই বা লোকে ভোগ করতে পারে।”

কথাটা শেষ না হইতেই থাকো সামনে আসিয়া পাড়িয়াছিল;—“কারো সুখের হিসেব রাখবার মুহূর্তিগরি না ক’রে নিজেরাই সেটা ভোগ করুন না।” বলিতে বলিতে থাকো বাহির হইয়া গেল।

চাড়ুযো হাসিয়া বলিলেন—“ওকে জিততে পারবে না।”

এক দিন কানে আসিল,—নিয়োগী-মশাই বলিতেছেন—আর ঠিক সেই সময় থাকো নিয়োগী-বাড়ী ঢুকিতেছে,—“লোকে বলে লিখে লিখে হাত পাকে, ওটা কথার কথা; বরং বাটনা বেটে হাত পাকে—কি সুন্দর রং ধরে, কি সুন্দরী দেখায়! নয় কি চাড়ুযো।”

চাড়ুযোকে কিছু বলিতে হইল না।—

“তা হোক, আমার ত আর ঘট্কির ভয় নেই” বলিতে বলিতে থাকো ভিতরে চলিয়া গেল।

পল্লীগ্রামে এরূপ রহস্যাদি গ্রাম সম্পর্ক বিশেষ দোষের ত ছিলই না, বরং সহজ আনন্দ ও প্রীতির পরিচায়ক ছিল।

\* \* \* \* \*

বেলা তিনটার সময় বিড়াল কোলে করিয়া থাকো তাড়াতাড়ি নিয়োগী-বাড়ী ঢুকিতেছিল। সদরেই কৰ্তা ও চাড়ুযো-মশাইকে দেখিয়া, কৰ্তার কোলে শঙ্করীকে দিয়া, তিনি কিছু বলিবার পূর্বেই অন্ধরে গিয়া ঢুকিল।

কর্তা অবাক হইয়া গিয়াছিলেন, শঙ্করীকে ফিরিয়া পাইবার আশা তাঁহার অস্পষ্ট ছিল। সামলাইয়া বলিলেন—“এ জাতের অসাধ্য কিছুই নেই,—এরাই একাধারে জগতের সোনার কাটি রূপোর কাটি!”

চাডুঘো বলিলেন,—“ও আর আমাকে বোল্‌চ কি। ওঁরা ভানুমতীর সহোদরা,—চক্ষু দু’টির একটি অনুবীক্ষণ একটি দূরবীক্ষণ,—ছাতে উঠলেই Observatory (মানমন্দির), ঘাটে গেলেই News paper, (সংবাদ পত্র)—”

কথা শেষ না হইতেই বাড়ীর মধ্যে ডাক পড়িল। সেখান উভয়কেই জলযোগে বসিতে হইল।

শঙ্করীও একবাটি দুখে মনোযোগ দিল।

### [ ৪ ]

দুর্গোৎসব শেষ হইয়া গিয়াছে, কিন্তু নিয়োগী-বাড়ীর সাজসজ্জা তেমনি আছে, কারণ, চার দিন পরেই শ্রীশ্রীকোজাগর লক্ষ্মীপূজা, এবং সে পূজার সমারোহ, ব্যয়, আনন্দ, কোনটিই দুর্গোৎসব অপেক্ষা কম নহে। প্রকৃত কথা—নিয়োগী-বাড়ীর দুর্গোৎসব যেন কোজাগর পূর্ণিমাভু—প্রতিপদে শেষ হইত।

এবার কিন্তু একটি ব্যাঘাত উপস্থিত হইয়াছে। একাদশীর রাতে পুরোহিত ঠাকুরের মা গঙ্গালাভ করায়, সে-বৎসর তাঁহার দ্বারা লক্ষ্মীপূজা আর সম্ভব নহে।

নিয়োগী-মহাশয় এ ঘটনায় বড়ই বিচলিত হইয়া পড়িয়াছেন; কারণ, তিনি প্রচলিত ব্যবস্থা ভঙ্গ করিতে ভয় পান, অথচ এ ক্ষেত্রে উপায়ান্তরও নাই।

পুরোহিত ঠাকুর আশ্বাস দিয়া বলিলেন—“আপনি চিন্তা করবেন না, আমি ভাল লোকই এনে দেব,—সুপণ্ডিত—”

ঐ পর্যন্ত শূনিয়াই চিন্তাকুল কর্তা বিরক্ত হইয়া বলিলেন—“এ মুখখুর বাড়ীর কাজে “টুনি সাহেবকে” ত (প্রেসিডেন্সী কলেজের তৎকালীন প্রিন্সিপাল টনি সাহেব) দরকার নেই—পূজা করতে পারেন এমন লোকই দরকার।”

পুরোহিত বলিলেন—“বেশ—তাই হবে; কালীঘাটের তত্ত্বরস মশাইকে ঠিক করে আসছি। তিনি নিত্য লক্ষ জপ করে সন্ধ্যার পর একটু দুখ খান।”

কর্তা আরো বিরক্ত হইয়া বলিলেন—“থামুন থামুন,—লক্ষ্মীপূজা ত “গেরোন” নয় যে আমার পূর্ণাভিমুখের জন্যে তান্ত্রিক জাপক চাই। কারুর সার্টোফিকট আমাকে শোনাতে হবে না। দুখ খেয়ে শঙ্করীও থাকতে পারে।”

চাডুঘো-মশাই পুরোহিত ঠাকুরকে ইসারায় চুপ্ করিতে বলিয়া স্বয়ং বলিলেন—“অতঃপরত কাজ নেই, তোমার জানাশোনা একটি ভাল লোক দিলেই হবে।”

কর্তার মনটা আজ খুবই খারাপ ছিল, তিনি প্রিয় সহচর চাড়াবোয় প্রস্তাব শুনিয়ে বলিলেন—“তুমিও গোলায় গেছ দেখছি ! না না, আমি ওসব ভালোটালো চাই না । ঐ ‘ভাল’ কথাটার আমার কোন বিশ্বাস নেই । এক এক জনের ভাল এক এক রকম,—‘ভাল’ আমার অনেক দেখা হয়েছে । ছেলের জন্যে পাত্রী দেখতে গিয়ে শুনছিলাম—“খুব ভাল মেয়ে—ইংরিজিতে কথা কইতে পারে !” “খুব ভাল”র মানে বুঝলে ! এখন “ভালর” কথা ছাড়, মা’র পূজাটি করতে পারেন এমন একটি ব্রাহ্মণ হলেই হবে ।”

পুরোহিত এবার বিশেষণ বাদ দিল। বলিলেন—“তা না ত’ কি—আমি তাই আনবো, আপনি নিশ্চিন্ত থাকুন ।”

চাড়াবো হাসিয়া বলিলেন—“ভয় নেই, উনি ভৈলঙ্গ স্বামীকে কি বিদ্যোদগার মশাইকে আনচেন না ।”

কর্তা ব্যাজার ভাবে বলিলেন—“না হে, তুমি বোঝ না ; নেউকীর পরসা হয়েছে, ওখানে একটা ‘পেঙ্গেরে’ কিছু না হ’লে ভাল দেখাবে না, মানাবে না, তোমাদের এরকমের ভুল খুবই আছে, আর তা করাও হয় ।”

চাড়াবো-মশাই হুঁকার অন্তরালে মৃদু মৃদু হাসিতে লাগিলেন, পুরোহিত ঠাকুর বলিলেন—“তবে এখন আমি চললাম ।”

কর্তা বলিলেন—“কিন্তু বৈকালে একবার আসা চাই, বাড়ীতে কি বলেন সেটা শোনা দরকার ; কি বল চাড়াবো ।”

“তা চাই বই কি, আমি আসব’খন” বলিয়া পুরোহিত চলিয়া গেলেন ।

চাড়াবো বলিলেন—“এইবার কাজের কথা কয়েছ, আমিও তাই ভাবছিলাম—ব্যাপারটা কি, লক্ষ্মীপূজার লক্ষ্মীর ইচ্ছাটা বাদ পড়ে কেন । এমনটা ত’ কখনও দেখিনি, ‘খাত বদলাল’ না কি—”

এতক্ষণে কর্তা সহজ অবস্থায় আসিয়া বলিলেন—“তা বলে তুমি ভেব না—”

চাড়াবো হাসিমুখে বলিলেন—“স্বামিঃ এমন কথা কে বলে ।”

এইবার কর্তাও সহাস্যে বলিলেন—“তবে চল, ও কাজ মিটিয়ে নিশ্চিন্ত হওয়াই ভাল ; আমার মনটা বড় খারাপ হয়ে গেছে ।”

উভয়ে অন্ধরে গিয়া উপস্থিত হইলেন । কর্তা পূজার চাল বাছিওঁছিলেন, তাড়াতাড়ি কাপড় সারিয়া উঠিয়া চাড়াবো-মশাইকে একখানি আসন পাতিয়া দিলেন ।

চাড়াবো-মশাই আরম্ভ করিলেন—“কর্তা বড় বিপদে প’ড়ে তোমার শরণ নিতে এলেন—”

মৃদুহাস্যে কর্তা বলিলেন—“বিপটা কি শুন, ক্ষিপ্তে পেরেছে বুঝি ।”

চাডুঘো বলিলেন,—“লক্ষ্মীর চিন্তাই ওই ; কিন্তু আজ একটু রকম-ফের আছে । পুরুতাকুরের মা'র গঙ্গালাভ হয়েছে—শুনেই থাকবে ।”

কর্তা সহজ ভাবেই বলিলেন—“আহা, ব্রাহ্মণের মেয়ে বেশ গেছেন !”

কর্তা চাডুঘোর দিকে ফিরিয়া বলিলেন—“শুনলে চাডুঘো, আমরা যেন আচার্য-বাড়ী জানতে এসেছি, তিনি ভাল গেছেন কি মন্দ গেছেন, কোন দোষ পেয়েছেন কি না ।”

পরে গৃহিণীর দিকে ফিরিয়া বলিলেন—“বেশ গেছেন আমার মাথা, তুমি আমার বিপদটি ত' ভাবলে না ; কেন—আর পাঁচটা দিন তাঁর সবুর সহিল না !”

কর্তা আশ্চর্য হইয়া সহাস্যে বলিলেন—“ওমা—একবার কথা শোনো ! তিনি ঢের সবুর সয়েছেন ; মেয়ে মানুষের অত বেশী বাঁচা ভাল নয় ।”

কর্তা স্ত্রীর মুখে ঐ বাঁচাবাঁচির কথাটা শুনিলে বড়ই কাহিল বোধ করিতেন ; তিনি তাড়াতাড়ি বলিলেন—“তোমার কাছে ও কথা শুনতে ত' কেউ আসেনি ।”

গৃহিণী মৃদুহাস্যে বলিলেন—“না শুনলেই বুঝি এড়ানো যায় । আচ্ছা থাক । তা পুরুতাকুরের মা মরায় তোমার এত দুর্ভাবনা কেন,—যা পারবে দিও ।”

কর্তা বিরক্ত হইয়া বলিলেন—“আমার সেই ভাবনায় ত' ঘুম হচ্ছে না । বলি—পূজা করবেন কে—সেটা ভেবেছ ?”

গৃহিণী গাভীরের ভাণ করিয়া বলিলেন—“তাই ত'—মস্ত ভাবনার কথা বটে !” তাহার পর সহজভাবে বলিলেন—“আমরা যার যজ্ঞমান সে ভাবনা তাঁর, তিনিই ব্রাহ্মণ দেবেন । সে কথা ত' তাঁকে বলেই দিয়েছি ।”

কর্তা বলিলেন—“বটে ! কি রকম ব্রাহ্মণের কথা বললে শুনি ?”

গৃহিণী আশ্চর্য হইয়া, বিস্ময়িত নেত্রে বলিলেন—“ব্রাহ্মণ যাচাই-বাচারের ভার সদগোপেরা আবার কবে থেকে নিলে ! তুমি আগোড়পাড়ার ইংরেজি ইস্কুলে গিছলে না কি ! পুরুত মশার হয়ে লক্ষ্মীপূজা করবেন এমন একটি ব্রাহ্মণ হ'লেই হ'ল,—তাঁর আবার এরকম ওরকমটা কি ?”

কর্তা কেবল চাডুঘোর দিকে চাহিয়া সহাস্যে বলিলেন—“দেখলে—কেমন সহজে মিটে গেল !”

চাডুঘো-মশাই হাসিতে হাসিতে বলিলেন—“হাইকোর্ট যে !”

[ ৫ ]

আজ শ্রীশ্রীকোজাগর লক্ষ্মীপূজা । মা—পদ্মসনা,—কমলালয়া ।

গ্রামের মধ্যস্থলে নিরোগী মহাশয়ের গোলাপী রঙ্গের বাড়ী, আজ মা'র আবির্ভাবের অপেক্ষার—সৌন্দর্যে, সজ্জায়, শোভায়, সৌরভে পদ্মের মতই দেখাইতেছে । মাঝে-মাঝে

আবাহনের সুরে সানাই আকাশে বাতাসে সুমধুর নিবেদন পাঠাইতেছে। গ্রামের বালক-বালিকারা শ্রমরের মত আনন্দ-গুঞ্জন তুলিয়া দলে দলে যাতায়াত করিতেছে।

সন্ধ্যা হইল। পুষ্পমালা বোধিত ঝাড় লঠন, দেয়ালাগিরি, সেজ্ সমুজ্জল হইয়া উঠিল। দালানের জ্যোতির্ময়ী প্রতিমা দেবদ্যুতি বিকীর্ণ করিলেন। পূজা-সভার, উপকরণ-পারিপাট্য, পুষ্পপ্রাচুর্য ও বিবিধ সুগন্ধীর মধ্যে তৃপ্তি-প্রফুল্ল পবিত্র মনে, নূতন পূজারী পূজারম্ভ করিলেন।

পূজা শেষ হইল।

পূজারী শেষ-আরতি করিতে উঠিলেন—তন্ময় যন্ত্রবৎ! গাঢ় সুগন্ধী ধূমাবরণে এক-একবার জ্যোতির্ময়ী মা'কে কি লোকাতীতই দেখাইতেছিল! মধ্যে মধ্যে পূজারীর কণ্ঠনিসৃত বালক-সুলভ মা-মা রব কানে আসিতেছিল,—অপূর্ব, অনির্বচনীয়! সে যেন কোন সুদূরের,—এ পৃথিবীর নয়! শেষ-আরতি শেষ হইল। পূজারী সান্ত্বন্য প্রণাম করিলেন। সকলেই প্রণাম করিল;—সকলেই মুগ্ধ আবিষ্ট ও শুদ্ধ।

একটু সামলাইয়া চাড়ুষ্যো-মশাই কতাকে বলিলেন—“লোকটি খাঁটি লোক বটে!”

কর্তার দৃষ্টি অবনত ছিল, তিনি মুখ না তুলিয়াই ক্ষুদ্র একটি নিশ্বাস মোচন করিতে করিতে একটি ছোট্ট হুঁ দিলেন মাত্র। তাহার পর ধীরে ধীরে পূজার দালান হইতে নামিয়া গেলেন।

চাড়ুষ্যে অবাক হইয়া অনুসরণ করিলেন।

দালানের ভিড় দূত ভাঙিয়া গেল;—সকলে সদরে বাজি পোড়ান দেখিতে ছুটিল;—তাহারও একটা সমারোহ ছিল!

কবি রাম বন্দ্যো আমার পাশেই ছিলেন। তিনি বলিলেন—“মর্ত্যে সুরলোকের ছায়া-পরিচয় পেলে!”

কবি হইবার মজ্জা হিসাবে বা স্বভাবের বশে আমিও একটু তন্ময় ছিলাম, বলিলাম “সত্যি,—এমনটি পূর্বে কখনও দেখি নাই!”

ইচ্ছা সত্ত্বেও একটা কবির মত কথা যোগাইল না!

রামবাবু বলিলেন—“চললুম”।

বলিলাম—“কোথায়,—বাড়ী?”

রামবাবু বলিলেন—“বোধ হয়—না, একটু নির্নির্বাচিত”।

আমি আশ্চর্য হইয়া বলিলাম—“সে কি? এই-বারই ত আনন্দ-পর্ব আরম্ভ হবে;—বাজির পরেই ভোজ; ভোজের পরেই—বাগবাজারের বিখ্যাত সখের দল! তিনকড়ি বাবুর এক্টিং শুনবেন না?”



রামবাবু বলিলেন—“এ ভাবটাকে “দাগী” করতে চাই না,—ছাইভস্ম চাপা দিয়ে এর মর্বাদা নষ্ট করতে পারব না।” এই বলিয়া তিনি অন্যমনস্ক ভাবে চলিয়া গেলেন।

সদরে তখন হাউই তারা কাটছে, চরকাই সোনা ধুচ্ছে। দেখিলাম তিনি সেদিক হইতে মুখ ফিরাইয়া সোজা গঙ্গার ঘাটের পথ ধরিলেন।

দোটানায় পড়িয়া আমার মনটা দমিয়া গেল ; বাজি দেখার উৎসাহ রহিল না। ফিরিয়া গিয়া পূজার দালানের পৈটায় বাসিয়া পড়িলাম।

তখন বাজি পোড়ানর ধূম চলিয়াছে, মেয়ে পুরুষ প্রায় সকলেই তাহা দেখিতে গিয়াছে।

পূজার দালানের দক্ষিণ গায়ে স্ত্রীলোকদের অম্মর হইতে যাতায়াতের একটি দ্বার আছে ; পূজারী সেই দিকে চাহিয়া বলিলেন—“ওগো মায়েরা—এ বাড়ীর গিন্নীমাকে এখানে একবার আসতে বলুন।”

ফিরিয়া দেখি—সেই পূর্ব-পরিচিত বেশে থাকো উপস্থিত হইয়া বলিতেছে—“আপনি কি আমাকে ডাকছেন?”

পূজারী বলিলেন—“না, তোমাকে ডাকিনি, এ বাড়ীর গিন্নীকে এখানে একবার ডেকে দিতে বলিচি।”

থাকো ধীরভাবে বলিল—“তার প্রতি কি আদেশ বলুন?”

পুরোহিত একটু বিরক্ত হইয়া বলিলেন—“তার প্রতি এখানে আসতে আদেশ।”

থাকোকে তখনো দাঁড়াইয়া থাকিতে দেখিয়া, কি ভাবিয়া ব্রাহ্মণ একটু শাস্তভাবে বলিলেন—“বোলো, তিনি না এলে আমি দর্পণ বিসর্জন করতে পারিচি না, অপেক্ষা ক’রে রয়েছি। এখনি ভোজ আর নাচ গান নিয়ে দালান উঠোন একাকার হইয়া যাবে, তার আগে আমার সমাপ্ত করা চাই,—যেন বিলম্ব না করেন।

থাকো বিনীত-ভাবে বলিল—“আমি ত আপনার আদেশ পালন করবার জন্যে উপস্থিতই রয়েছি, আপনি কি বলবেন বলুন না।”

পুরোহিত চকিতভাবে থাকোর মুখের দিকে চাহিয়া ফেলিলেন। ইতিপূর্বে তিনি কেবল তাহার আধ-ময়লা কস্তা-পেড়ে কাপড়ই দেখিয়াছিলেন। আবিষ্টের মত বলিলেন—ওঃ—তা না ত’ কি—মা নিজে আসেন ! কি ভুলই করছি। আমি নূতন লোক—আজ মাত্র এসেছি, কিছু মনে ক’র না মা।”

থাকো বাধা দিয়া বলিল—“ও-সব কি বলছেন বাবা,—আমাকে কি করতে হবে বলুন।”

পূজারী নিজে বড় লজ্জিত হইয়াছেন, তাহার কথায় সেইটুকুই প্রকাশ পাইল ; কিন্তু বাস্তবিক তিনি থাকোর দিকে চাহিয়া স্তম্ভিত হইয়া গিয়াছিলেন। চট্কা-

ভাঙ্গার মত বলিলেন,—“হ্যাঁ—তা তুমি বিশ্বাস করতে পারবে। দয়ায় মা,—কৃপাময়ী আজ এখানে স্বয়ং উপস্থিত, তোমার যা কিছু প্রার্থনা থাকে—মাকে জানিয়ে প্রণাম কর। আজ তোমার কোন কামনাই ব্যর্থ হবে না,—আমার এই কথাটি মনে রেখ মা। এই জনোই তোমাকে ডেকেছি।”

বলার সঙ্গে সঙ্গেই আঁচলটি গলায় দিয়া থাকো বন্ধাজলি হইতেই, পূজারী ব্যস্ত হইয়া বলিলেন—“ওকি মা, তবে কি আমার কথাটা তোমার বিশ্বাস হ'ল না। খুব সাবধান, আগে বেশ মনস্থির ক'রে অভীষ্টটি ভেবে-চিন্তে নাও; মনে রেখ—এ শুধু প্রতিমা প্রণাম করা নয়,—একাত্রে মার কাছে আজ যা চাইবে তাই পাবে। গরীব রাক্ষণের কথা অবিশ্বাস কোর না।”

বিনীত কণ্ঠে—“আমার যে ভাবা আছে বাবা” বলিয়াই থাকো প্রণতা হইল।

পূজারী ভাহার প্রতি চাহিয়া অবাক হইয়া ভাবিতে লাগিলেন—“আমার কথার গুরুত্বটা একবার ভাবলো না।” এই কথাটাই তাঁর সমস্ত শরীর-মনকে ক্ষুব্ধ করিতে লাগিল,—একটু অভিমানও অনুভব করিতে লাগিলেন।

মিনিট-দুই মধ্যে থাকো চক্ষু মুছিতে মুছিতে উঠিতেই পূজারী আত্ম-সম্বরণ করিতে না পারিয়া বলিয়া ফেলিলেন,—“এত বড় গুরুতর বিষয়ে তোমার এই তাজ্জ্বল্য-ভাব দেখে আমি আশ্চর্য হইয়াছি;—আমার কথাটা তা'হলে বিশ্বাস করনি দেখছি। ষাক্—যদি গোপন রাখবার মত কিছু না হয় ত' মার কাছে কি প্রার্থনা করলে—বল্বে কি?”

“গোপন কি বাবা, মোরোদের—বিশেষ ক'রে ‘মোরোদের’ যা সবার বড় কামনা,—মাকে তাই জানিয়েছি।” এই বলিয়া থাকো নীরব হইল।

পূজারী মুঢ়বৎ চাহিয়া বলিলেন—“বুঝতে পারলুম না যে মা।”

থাকো নিম্ন-দৃষ্টিতে সলজ্জভাবে বলিল—“বাবা,—মা আমাকে কৃপা করে সব সুখ দিয়েছেন,—স্বামী, একটি ছেলে, একমাত্র নাতী, আর এই যা কিছু দেখছেন। বড় ভয়ে ভয়ে এতদিন ভোগ করছি। বড় সুখের সঙ্গে বড় ভয়ও থাকে বাবা। তাই মা'কে বললুম—“এই সুখের মাঝখানে—সব আটুট থাকতে থাকতে, তিনি দয়া করে আমাকে তাঁর পাদপদ্মে নিয়ে নিন।”

পূজারী বিচলিতের মত বলিয়া উঠিলেন—“আঁ—করলি কি মা! এ কি সর্বনাশ করলি! আমি যে এত করে বললুম—খুব সাবধান—মা উপস্থিত—আজ যা চাইবে তাই পাবে।”

থাকো বলিল—“তাই ত' চেয়েছি বাবা।”

পূজারী এতই বিচলিত হইয়াছিলেন যে, বলিয়া ফেলিলেন—“আমার মাথা চেয়েছে,—

এত ঐশ্বর্যের, এত সুখের মধ্যে এ কি চাওয়া ! আমি মিছে এত শাস্ত ঘেঁটে মলুম,—  
তোমাদের চিন্তে পারলুম না !”

সুমধুর বিনম্র কণ্ঠে—“আপনি যে ‘মেরেলি-শাস্ত্রেশ্বর’ পড়েননি বাবা” বলিতে  
বলিতে থাকে চক্ষের নিমেষে পুরোহিতের পদধূলি লইয়া, বিজ্ঞানিনীর মত—হাসিমুখে  
দ্রুত প্রস্থান করিল ।

পুরোহিত বিমূঢ়বৎ—অপলক নেত্রে দাঁড়াইয়া রহিলেন ।

### [ ৬ ]

তাহার পর কয়েক মাস গত হইয়াছে । একদিন প্রাতে দেখি গ্রামের ইতর-ভদ্র  
স্ত্রীলোকেরা—মায় বোঁ-ঝি, বাহ্যজ্ঞানশূন্য, অসংযত—গঙ্গার ঘাটে ছুটিয়াছে ।

কারণটা জ্ঞানিবার জন্য একজন বর্ষীয়সীকে জিজ্ঞাসা করায়, তিনি হাঁপাইতে  
হাঁপাইতে বলিলেন,—“আর বাবা, সর্বনাশ হ’ল, আমাদের থাকো চললো ।”

গত কোজাগর লক্ষ্মীপূজার কথাটা যুগপৎ স্মরণ হইয়া বুকটা ছাঁৎ করিয়া উঠিল ।

গিয়া দেখি—ঘাটে লোকারণ্য ! সকলের বদনে বিষাদ, নয়নে জল, মুখে ‘হাল-হার’  
ছাড়া ভাষা যেন স্বয়ং মূক হইয়া গিয়াছে । থাকোকে শায়িত অবস্থায় সেই পরিচিত  
বেশেই দেখিলাম,—সেই লাল কস্তাপেড়ে সাড়ী,—সেই অর্ধাবগুঠন,—সেই নথ,—সেই  
শাখা আর বালা !

ভাষা পাইলাম কেবল কৰ্তা ও গৃহিণীর মুখে ।

থাকো বলিতেছে—“ছিঃ, পুরুষ মানুষের অমন হ’তে নেই, পায়ের ধুলো দাও ।”

কৰ্তা বলিলেন—“ভগবান এতটা দিলেন, সে সুখ একদিন ভোগ করলে না, এই  
আমার দুঃখ ।”

থাকো সিন্তকণ্ঠে বলিল—“ওগো, তুমি জান না—আমার এত সুখ যে তা সঙ্গে থাকতে  
আর সাহস হিচ্ছিল না ; মেয়ে মানুষের অত সুখ বেশী দিন ভোগ করবার লোভ রাখতে  
নেই গো !” এই পর্যন্ত বলিয়া হাত দু’খানি কণ্ঠে বক্ষের উপর তুলিয়া জোড় করিতে  
করিতে এক প্রান্ত হইতে অন্য প্রান্তে চক্ষু বুলাইয়া জড়িত-কণ্ঠে বলিল—এ’দের—নিরে—  
খে—ক ।” হাত আর মাথায় উঠিল না,—দুই ধারে পড়িয়া গেল ।

চাডুযো-মশাই বালকের মত কাঁদিয়া উঠিলেন ; শতকণ্ঠে হাহাকার ধ্বনি উঠিত  
হইল ।

দর্পণ-বিসর্জন শেষ হইয়া গেল । পল্লীলক্ষ্মী বিদায় লইলেন ।

## বিবর্তন

### সেকাল

“সেকাল” কথাটার কোন বিশেষ অর্থ না থাকিলেও, ও-কথাটা বলিবার অবাধ অধিকার—বাল, বৃদ্ধ সকলেরি সব যুগে আছে। ওর আদি অন্ত না থাকার, কাজের লোকেরা ওর মধ্যটাকে ‘সালের’ বেড়া দিয়া কাজ সারেন। আমাদের এই আলোচ্য ‘সেকালের’ খানিকটা গত শত-বর্ষের মধ্যেই পড়ে, বাকিটা তার ও-পারে।

তখন ছিল চতুষ্পাঠী বা টোল ; সেখানে ব্রাহ্মণ-বালকেরা শাস্ত্রীয় শিক্ষা লাভান্তে ‘ব্রাহ্মণ-পণ্ডিত’ বনিতেন ; “ধর্ম ( + দশকর্ম ) আর মোক্ষ” ছিল সে শিক্ষার লক্ষ্য। অধ্যাপকেরা শিক্ষার্থীদের এই বিদ্যা দান করিতেন—মায় অন্ন। আর সর্বসাধারণের জন্য ছিল পাঠশালা ; সেখানে নাম মাত্র দাম দিয়া, প্রচুর পরিমাণে বেহুদা প্রাপ্তিসহ বালকেরা “কাম আর অর্থ” আদায়ের উপায় লাভে সমর্থ হইত। অর্থাৎ পাঠশালা আর চতুষ্পাঠী এতদুভয়ের চেষ্টায় দেশের চতুবর্গ ( ধর্ম, অর্থ, কাম, মোক্ষ ) বজায় থাকিত।

চতুষ্পাঠীর ছাত্রদের শাস্ত্রীয় বিধি-নিষেধ মানিয়া চলিতে হইত। শাস্ত্রকে ফাঁকি দেওয়া সম্ভব হইতেও পারে, কিন্তু পাঠশালার পড়ুয়াদের সে ফাঁকি আদৌ ছিল না ;—সেখানে শাসনকর্তা স্বয়ং গুরুমহাশয়—বেটাসুর মূর্তিতে বর্তমান। কাজেই বালকদের বা বিদ্যার্থীদের লেখাপড়ার বয়সে কোনরূপ বিলাস-বাসনা বা সখের সম্পর্ক মাত্র রাখিবার বিধি কোথাও ছিল না। নিবৃত্তিমাগি ছিল তাহাদের রাজপথ।

\* \* \* \* \*

এবম্বিধ কালে একদা বারোয়ারি-তলায়, নব-প্রসিদ্ধি-প্রাপ্ত গোপাল উড়ের বিদ্যাসুন্দর যাত্রা হইয়া গেল।

শিরোমণি-মহাশয়ের পঞ্চদশবর্ষীয় পুত্র পঞ্চানন, বাপের কাছে পার্গনি পড়িত। তাহাকে কঠোর নিবৃত্তি-চর্চার সাধক করিয়া রাখিলেও, সে-দিন সে কোনমতে লোভ সম্বরণ করিতে না পারিয়া, অতি গোপনে উক্ত যাত্রা শুনিয়া আসিয়াছে। তাহাতে তাহার চোখের ঠুলি একটু সরিয়া পড়িয়া সহসা তাহাকে একটা নূতন দিক দেখাইয়া দিয়াছে ; তাহার অববুদ্ধ প্রকৃতি একটু ছাড়া পাইয়াছে। সেইটুকু আনন্দই সে সামলাইতে পারিতেছিল না।

সে প্রত্যয়ে উঠিয়া যথারীতি পাণিনি খুলিয়া পড়িতে বসিয়াছিল, কিন্তু প্রাণ তাহার অন্যত্র থাকায়, পাণিনির সূত্রগুলি ছিঁড়িয়া কেবল ভাল পাকাইতেছিল ! ক্রমে এদিক-ওদিক দেখিয়া পণ্ডানন সতর্কতার সহিত ধীরে ধীরে আগ্রস্ত করিল—

“বিদ্যের লাগি হব’ সন্ন্যাসী—ও হীরে মাসি—

\*                      \*                      \*

\*                      \*                      না হয় হব কাশীবাসী”

গীর্তাট তাহার বড়ই ভাল লাগিয়াছিল ।

বেচারা জানিতে পারে নাই যে, ইতিমধ্যে শিরোমণি-মহাশয় তাহার শিয়রে উপস্থিত হইয়াছেন ।

পুত্রের এই অভাবনীয়, তথা অশাস্ত্রীয় আচরণে সর্বনাশের সূচনা পাইয়া, তিনি রাগে, হতাশায়—“তবে রে পাঁজি” বলিয়া সজোরে এক শাস্ত্রীয় চপেটাঘাতে পণ্ডাননকে পাড়িয়া ফেলিলেন । এই বজ্রপাতটা হঠাৎ হওয়ায়, আহত পণ্ডানন সরবে ফুল দেখিতে লাগিল । সে শব্দ ছিটে-বেড়ার ছিদ্রপথে অন্তরে প্রবেশ করায়, ব্রাহ্মণী ছুটিয়া আসিয়া দেখেন—পপাত-পণ্ডাননের পণ্ডস্থ-প্রাপ্তির আয়োজন আসন্ন । শিরোমণি রাগে কাঁপিতে কাঁপিতে খড়ম খুলিবার চেষ্টা করিতেছেন, কিন্তু মুক্তকণ্ঠ হইয়া পড়ায় হাতটা কেবল ভুলুঠিত কাছায় ঠেকিয়া বাধা পাইতেছে ।

এই সময় সহসা ঘৃণার মত ব্রাহ্মণীর আবির্ভাবে শিরোমণি-মহাশয় একটু থতমত খাইয়া গেলেন—ব্রাহ্মণ-পণ্ডিতের এটা স্বাভাবিক ধর্ম । কিন্তু উম্মা প্রবল ধাক্কায় অসামান্য হইয়া বলিয়া ফেলিলেন—“তোমার গর্ভটি যে গন্ধর্বপুত্রী তা জানতুম না ;—পেঁচো আজ পঞ্চমসূরে পাণিনি আলাপ করাইছিল,—সেটা শ্রবণ করা হয়েছে কি ? বেটা বলে—‘বিদ্যের লাগি হব সন্ন্যাসী,—না হয় হব কাশীবাসী !’ বলিতে বলিতে রাগ ব্রহ্মরক্তে ঠেলিয়া উঠায়,—“তবে র্যা বোল্লিক” বলিয়া খড়ম খুলিতে খুলিতে বলিয়া ফেলিলেন—“অনড়বানের আজ রক্ত মোক্ষণ কোরব !”

ব্রাহ্মণী ক্ষিপ্ৰহস্তে খড়ম কাড়িয়া লইয়া মুহূর্তে অক্ষি-গোলকধ্বংসে ভূত্বরের স্থানে এবং ভূত্বরকে কপালের পরপারে পাঠাইয়া, ভয়ে আড়ষ্ট হইয়া মুমূর্ষুপ্রায় মৃদু আওয়াজে বলিলেন—“অ্যাঃ...ব্রাহ্মণ হয়ে কি সর্বনাশ করলে বল’ দিকি !”

ব্রাহ্মণীর মুখে সহসা এরূপ প্রমত্তভাসে,—সশব্দ শিরোমণি একদম কাট মারিয়া বলিলেন—“কেন, কি করলুম গিয়া !”

ব্রাহ্মণী এইবার তার-হেঁড়া তানপুরার সুরে বলিলেন,—“কি কোরলে ? সর্বনাশ করলে, আর কি করলে ! এ’তো বিদ্যেব্রতের সভা নয়, পাণ্ডিত্য ক’রে “মোক্ষণ” কথাটা

না বললে কি শিরোমণিগ্ন য়েত' ! ঐ শব্দটা যদি বাইরের কারুর কানে গিয়ে থাকে, সে ঠিক শুনে থাকবে “ভক্ষণ ।” ও-কথাটা ত সচরাচর ব্যবহার হয় না—সাধারণেও বোঝে না । তার ওপর “অনুদান” ত ছিলই ! তা হলে দাঁড়ায় কি ?”

শিরোমণি কানে আসুল দিয়ে তিনবার খ্রীবিষ্ণু খ্রীবিষ্ণু বলিতে বলিতে এতটুকু হইয়া গেলেন ! তাড়াতাড়ি মুক্তকণ্ঠে অবস্থাতেই কেহ শুনিল কি না দেখিতে—বাহিরে ছুটিলেন !

যদু গোয়ালাকে গরু চরাইতে যাইতে দেখিয়া—“যদু—যদু—শোন, আমি ব্রাহ্মণ—নির্বংশ হবি যদি—”

ব্রাহ্মণী ধমক্ দিয়া বলিলেন,—“এদিকে এস', ওকে ডাকা হচ্ছে কেন ?”

শিরোমণি ।—শুনেছে কি না সেটা পরীক্ষা—

ব্রাহ্মণী ।—আর ঘাঁটিয়ে ঢাক বাজাতে হবে না ;—সে আমি সামলে নেব'খন—

শিরোমণি মিনিট খানেক স্বস্তির দৃষ্টিতে ব্রাহ্মণীর দিকে তাকাইয়া অধীসন্ত নয়নে কৃতজ্ঞকণ্ঠে বলিলেন—“নায়ায়ণ না করুন—তোমার অভাবে আমাকে শাঁক-শূন্য সামুকের খোলার মত, শেষ পর্যন্ত হাঁ করে চিৎ হয়ে পড়ে' থাকতে হবে—”

ইতিমধ্যে ব্রাহ্মণীর চক্ষু ও ভ্রূয় আপনাপন নির্দিষ্ট স্থান গ্রহণ করিয়াছিল, তিনি বাধা দিয়া চোখের কোণে অফুটন্ত হাসি চাপিয়া বলিলেন—“বেশ ত'—আব্রহ্ম নস্য ঠেলে নিরেট হ'য়ে থাকতে পারবে—”

শিরোমণি-মহাশয় সঙ্গেরে মাথা নাড়িয়া বলিলেন—“না—না, সে হতেই পারে না, আমি আশীর্বাদ করছি—তুমি দীর্ঘজীবী হও, আমি যেন তোমাকে রেখে যেতে পারি—”

ব্রাহ্মণী ঈষৎ রোষভরে বলিলেন—“এ কি শিরোমণির মত কথা হচ্ছে, লোকে শুনলে বলবে কি ।”

পণ্ডাননের কথা শিরোমণির আর স্মরণ ছিল না, তিনি বলিলেন,—“চুলোয় যাক্ লোকের কথা, তুমি না থাকলে আর শিরোমণি রইল কই,—দীপশূন্য দেবুকে ! জাহাঁবি—যদি যাওই ( ওরে বাপরে—তা হবে না ) তা আমাকে নিয়ে যেও,—আমার গঙ্গাপ্রাপ্ত ঘটবে ! আমি অনাথ হ'য়ে—”

ব্রাহ্মণী ধমক্ দিয়া বলিলেন,—“তুমি চুপ কর ত' । কিন্তু বলে দিচ্ছি—খবরদার আর মিথ্যে মিথ্যে ছেলেকে মারধোর কোরো না ।”

এতকণে ছেলের উপস্থিতি সম্বন্ধে হুঁস্ হওয়ায়, শিরোমণি একটু সুর সামলাইয়া বলিলেন—“আচ্ছা তাই হবে, তা ও-গুণটা বিদ্যের লাগি—”

ব্রাহ্মণী,—হ্যাঁ তাতে হয়েছে কি । বিদ্যের লাগি লোক কি না করছে, সন্ন্যাসী হবে

তা আর বড় কথা কি ! ব্রাহ্মণের ছেলে কি মুখু হয়ে ঘরে বসে থাকবে ! নিজে শিরোমণি হয়েছে, ওর আর কিছুর হয়ে কাজ নেই তো !

শিরোমণি । ( একটু ভাবিয়া ) ওঃ—তাই না কি ?

ব্রাহ্মণী । তা না ত' কি । সব কথাই অত কদর্থ কর কেন ?

শিরোমণি । তবে,—গুণ্ডটার হীরে-মাসি জোটে কোথা থেকে ?

ব্রাহ্মণী । ( সহাস্যে ) আঃ আমার পোড়াকপাল ! তোমার বড় শালীর নামটাও শোননি ! সে যে পাঁচুকে মানুষ করেছে, তাই ওর যত' কথা যত' আবদার তার কাছে—স্বপ্নেও তার সঙ্গে কথা কর ।

শিরোমণি । সুরে নাকি ? সুর জোটে কোথা থেকে ?

ব্রাহ্মণী । তুমিই জুটিয়েছ, আর তোমার পার্গনি জোটাচ্ছেন ।

শিরোমণি আশ্চর্য ও বিস্ময় মিশ্রিত স্বরে বলিলেন—“কি রকম ? আমাদের বংশে ও অপবাদ কোন' পুরুষে নেই ।”

ব্রাহ্মণী । তুমি পাঁচুকে বেদ পড়তে কাশী পাঠাবে বলনি ? সুরে সামবেদ পাঠ করতে হয়, শূনে পর্যন্ত বাছা আমার ভেবে ভেবে আধখানা হয়ে গেল ! কি করে বল'—ছেলে কোকিল ডাকলে কান খাড়া ক'রে থাকে ।

শিরোমণি । অ্যামন দাঁড়িয়েছে ! উঃ—বেদের মধ্যে যে এত খেদের বীজ গা-ঢাকা আছে, তা জানতুম না । কিন্তু ঐ যে বললে পার্গনি সুরে সাহায্য করেন, এবং প্রকার অনুযোগ এই তোমার মুখেই প্রথম শুনলাম—

ব্রাহ্মণী । কেন ? একটু লক্ষ্য করলে এমন কথা বলতে না ;—ওর নামটাই ত' সুর-সপ্তকের উচ্চাংশ নিয়ে গড়া,—পা—ণি—নি । নিত্য ওই নাম তোলাপাড়া করলেই ত' সুর আপনি জোটে । নয় কি ?

শ্রীমতী জাহ্নবী দেবী ছিলেন বাচস্পতি মহাশয়ের বিশেষ বুদ্ধিমতী কন্যা । তাঁহার চতুস্পাঠীর চৌহুন্দির মধ্যে থাকিয়া ও বাড়িয়া, বিবিধ বিষয়ে জ্ঞান লাভ করিয়াছিলেন, ও বহু আলোচনা শুনিয়াছিলেন, এবং তাহা আবশ্যিক মত' ব্যবহারেও আনিতে পারিতেন । আজ তাহারই সাহায্যে পণ্ডাননের প্রাণ রক্ষা হইল ।

শিরোমণি কিছুক্ষণ নির্বাক থাকিয়া, পরিশেষে বলিলেন,—“বেশ,—ও গুণ্ডাকে আর বেদ পড়তে কাশী যেতে হবে না,—মাসিকেও ডাকতে হবে না, সুরের তরে কোকিলের ডাকে কান খাড়া রাখতেও হবে না, ও “অ-সুর” হয়েই বাড়ী থাক ; বিবাহ হলে স্বশুর-বাড়ী পর্যন্ত যেতে পারে । আমি দিব্যি দিলে যাৰ—এ বংশে যেন কেউ ‘বিদ্যের’ লাগি বেদ না পড়ে এবং তার তড়সে কাশীবাসী না হয় ।”

বিদ্যার্থী পুত্র সঙ্গীতালোচনা করিতেছে, এই বীভৎস দৃশ্য স্বচক্ষে দেখিয়া ও স্বকণে শুনিয়া, শিরোমাণি-মহাশয় লজ্জায় ক্ষেপে বড়ই মর্মপীড়া বোধ করিয়াছিলেন, এবং সেই তাপ ও পাপ ক্ষালনার্থ—তিনি আর তৃতীয় কথা না বলিয়া, পুনরায় গঙ্গায় চলিয়া গেলেন।

জাহ্নবীদেবী বেশ অনুভব করিলেন—স্বামী কতটা আঘাত পাইয়াছেন।

পঞ্চানন চপেটাঘাত খাইয়া কচ্ছপের মত হাত মুখ গুটাইয়া চাক। মারিয়া পড়িয়াছিল।

জাহ্নবীদেবী বলিলেন—“খবরদার বাবা, ভদ্র-লোকের ছেলে—পাঠ্যাবস্থায় আর কখনো গান গেলোনা। ও সব চর্চার ঢের সময় আছে,—আমরা গত হ’লে কোরো।”

### মধ্যকাল

মধ্যকালটাকে সালের বেড়া দিয়া বাঁধা সহজ নহে—তাহা এতই Conical বা কোণ-বিশিষ্ট। তখন শিক্ষার অভিনব শাখা সকল, সহরে-সদরে দ্রুত গজাইয়া উঠিতেছিল।—সহর সদরের ভদ্র-সম্প্রদায় পরিবর্তন প্রয়াসী হইয়া উঠিয়াছেন। বাঙ্গালার প্রাণে নূতন ভাব, কানে নূতন কথা—হু হু করিয়া আসিয়া পৌঁছিতেছে। সহরে সহরে ইন্স্কুল, স্থানে স্থানে বঙ্গ-বিদ্যালয় বসিতে আরম্ভ করিয়াছে; গ্রামের মধ্যে মিশনারি মেম সাহেবদের গতিবিধি দেখা দিতেছে। পাণ্ডিত্যের মুখে “গেল গেল” রব উঠিয়াছে।

পঠন-পাঠনের ধারা বদলাইলেও, সেকালের জের্ হিসাবে, শাসন সম্বন্ধে পূর্বসংস্কার তখনো ছাড়পত্র পায় নাই, হরিতকীর খোসার মত শাসে আবদ্ধই আছে। গীতবাদ্যাদি চর্চা যে পাঠ্যাবস্থার প্রবল পরিপন্থী, সে সংস্কার শিক্ষকদের ছাড়ে নাই;—শাসন-পর্ব কিছুমাত্র খর্ব হয় নাই। বৈধ সর্বত্র সহজপ্রাপ্য না থাকায়—ইন্স্কুল কম্পাউণ্ডে মেথি গাছের বেড়ার চাষ রীতিমত চলিত, এবং তাহাই ছিল শিক্ষক মহাশয়দের অঙ্গাগার। সেই ব্যুৎ ভেদ করিয়াই বাঙ্গালার বিখ্যাত ও স্মরণীয় রথীরা বাহির হইয়াছিলেন।

\*

\*

\*

\*

এ-হেন “কালে” কস্যাচিৎ উচ্চ ইংরাজি ইন্স্কুলের থার্ড-মাস্টার বেণীবাবু, একদা অকস্মাৎ রজনীর “Moral class book” ( নীতিবোধ ) পুস্তকের এক নিভৃত স্থানে, পেন্সিলে ক্ষুদ্রাক্ষরে লেখা—

“পিরীতি দেখিয়া পড়সী করিব,—

তা বিম্ব সকলি পর।”

আবিষ্কার করিয়া শিহরিয়া উঠিলেন।

ফলে—রজনীর মাথায় গাথার টুপি উঠিল, এবং তাহার গুন ব্যাখ্যা করিতে করিতে,



ছোট বড় সব ক্লাসে তাহাকে ঘুরাইয়া, শেষে হেডমাস্টারের কাছে হাজির করা হইল। এই গুরুতর অপরাধটি, টিকাসহ বর্ণনাতে, বেণী মাস্টার দৃঢ়তার সহিত রায় প্রকাশ করিলেন—“এ ছেলের আর কিছু হবে না ; অপর ছেলেদের মাথা খাবার যন্ত্র-স্বরূপে ওকে আর ইচ্ছুলে রাখা সমীচীন নয়।” ইত্যাদি

জেরার জোরে ও সাক্ষ্যের মুখে প্রকাশ পাইল—বেণী মাস্টারের পুত্র কিশোরী ও রজনী, গঙ্গার আঘাটায়, বটতলায় সুর-লয়ে উক্ত পদটি আলাপ করে। কিশোরীর কাছেই রজনী শিখিয়াছে।

শুনিয়া মাস্টারেরা নির্বাক।

বেণী মাস্টার মৃদু হাসির-পরদায় ক্রোধ ঢাকিবার বিফল চেষ্টা করিয়া বলিলেন—“কি সব ধড়িবাজ ছেলে, আমার ছেলেকে জড়িয়ে কেস্টা হাল্কা করতে চায়। আমি তাকে সর্বক্ষণ চোখে চোখে রাখি,—আমার ছেলেকে আমি চিনি না ! কত পরের গাথা পিটে মানুষ বানিয়ে ছেড়ে দিলুম, আর নিজের ছেলের ওপর আমার নজর নেই ! সে অন্য চর্চার ফাঁক পেলে ত !—সন্ধ্যাহিকের বদলে সকাল সন্ধ্যা মহাভারত মুখস্থ করতে দিয়েছি,—সুভদ্রাহরণ পর্যন্ত সেয়েছে—”

দয়াল পণ্ডিতমশাই গোঁফ-বাঁজত বদনে বিশ্বাসের রং চড়িয়ে বলিয়া ফেলিলেন—“অ্যা—বলেন কি, এত দূর এগিয়েছে ! বা রে কিশোরী ! সে গেল কোথায় ?” বলিয়াই কাসির মধ্যে হাসি সামলাইতে সামলাইতে বারাণ্ডায় আসিয়া দেখেন—কিশোরী তখন বেড়ার বাইরে ;

হেড-মাস্টার রজনীর বইখানি লইয়া রবার দিয়া ‘পিরীতি’ ঘষিয়া, তাহার একপুরু ছাল তুলিয়া দিলেন। Moral class book এর কলঙ্ক মোচনান্তে রজনীকে বলিলেন—“এটা ছিল তোমার পিরীতির খসড়া, তাই ক্ষমা পেলে। ও-সব চর্চা তোমার এ বয়সের নয়—পঠদশার নয়। আর যেন না শুনতে পাই।”

সে যাত্রা রজনী রক্ষা পাইল।

এই মোলায়েম বিচারে বেণী-মাস্টার খুসী হইলেন না, তিনি বলিলেন—“এরূপ Case এ আজ আপনি বেতের ব্যবস্থা না করায়, সন্দেহ হয় আমাদের বেতনও আর বেশী দিন পেতে হবে না ; এ ইচ্ছুল উঠে যাবে।”

\*

\*

\*

\*

টিফিন-রুমে ( Tiffin room ) মাস্টার ও পণ্ডিতদের এই আলোচনাই আজ চলিতে লাগিল। দয়াল পণ্ডিতমশাই ডাবা হুঁকায় টান দিয়া, বিশেষ উদ্বেগ-ব্যঞ্জক বদনে, বাহিরের দিকে মুখ রাখিয়া আপনা-আপনি আবৃত্তি করিলেন—

“এ যৌবন জল-তরঙ্গ রোধিবে কে।”

নবীন মাষ্টার বলিলেন—“যোবন ত’ নয়, এরা তরলমতি তরুণ, স্বভাবতই—খেলা, গীত, বাদ্য, এদের প্রিয়। আপনায় বহু-গত নিঃশেষে যে সুমধুর রস পায়, আর গ্রাম্যের সঙ্গে “মার” যোগে যে আরাম ভোগ করে, সেটা বহু আয়াসে এদের হজম করতে হয়। এ সময় খেলা বা গীত বাদ্যাদির ষোঁক ধরলে, সেইটাই ২৪ ঘণ্টা মাথায় থাকবে, কারণ তাতে স্বাভাবিক আনন্দ বর্তমান, তাতে ওদের লওয়াতে কাকেও কষ্ট পেতে হয় না। বাপ-মা মাইনে দিয়ে খালাস, ছেলে মানুষ করবার ভার মাষ্টারের, এই তাঁদের ধারণা, আর মাসিক ছ’গুণা পরস্যা দিয়ে—এই তাঁদের আবদার আর দাবী! সুতরাং ইঙ্কুলে ও-সব সহজ-প্রিয় জিনিসের প্রশ্রয় দিলে, ছেলেদের যে জন্যে বিদ্যালয়ে আসা, সেটা ভেতর ভেতর বারো-আনা বাদ পড়ে যাবেই। এই ত’ আমার মনে হয়, তা পণ্ডিতমশাই যতই সমর্থন করুন। সকল রসোপলব্ধিরই বয়স আছে—ছেলেদের লেখাপড়াটা কিন্তু জোর করেই শেখাতে হয়, তারা প্রায়ই কেউ ইচ্ছে করে ঝোঁকে না। তাই আমার ধারণা—গীতবাদ্যাদি বা স্বাস্থ্যের নামে লম্বা খেলা,—লেখা পড়ার অন্তরায়।”

নবীনবাবুর কথা সকলেই সমর্থন করিলেন। দয়াল পণ্ডিতমশাই দেয়ালের গায়ে পেরেক হুঁকাটি সংলগ্ন করিতে করিতে ধীরে ধীরে বলিলেন—“হরে মুরারে”।

\*

\*

\*

\*

ইঙ্কুলে আজ মাসিক মিটিংয়ের দিন ছিল। ইঙ্কুলের ছুটির পর তাহা আরম্ভ হয়, মাষ্টারদের বাড়ী ফিরতে রাত আটটা বাজে। কিন্তু আজ ছেলেদের এই রস-সম্ভার ফলাফল আলোচনার পর, মাষ্টারদের মিটিং করিবার মত মানসিক অবস্থা না থাকায়—তাহা স্থগিত হইয়া গেল। বেণী-মাষ্টারের উপর বিদ্যার্থী বালকদের রসস্থ হইবার কুফল সম্বন্ধে একটি Essay (প্রবন্ধ) লিখিবার ভার পড়িল। এই শনিবার Hallএ (হল ঘরে) ছাত্রদের সমক্ষে তাহা পাঠ করা হইবে।

বেণী-মাষ্টার উৎসাহের সহিত ভার লইয়া, ও এক পাইট কালি লইয়া বাড়ী ফিরিলেন।

প্রহ্লাদ ফোর্থ ক্রাসে পড়িলেও, সেকেন্ড ক্রাসের ছেলেরা পর্যন্ত তাহার গুণমুগ্ধ ছিল। সে কলিকাতার থিয়েটার দেখিয়াছে ও সেই অনুকরণে—“বসন্ত নিত্যন্ত সখি সুখকর সে-জনে” প্রভৃতি গানগুলি গাহিতে পারে।

বেণী-মাষ্টারের ছেলে কিশোরী থিয়েটার না দেখিলেও তাহার গলা ভাল। প্রহ্লাদ ওস্তাদ হইলেও, সম্প্রতি ছেলেরা কিশোরীর গান শুনিতো বুঝিয়াছে। সে-কারণ প্রহ্লাদ বিশেষ ঈর্ষা অনুভব করিতোছিল।

বহু পূর্বে ইঙ্কুল হইতে সরিয়া পড়ায়, আজ যে মাষ্টারদের মাসিক মিটিং বন্ধ রহিল, এ সংবাদ কিশোরী পাই নাই। তাই সে নিশ্চিন্ত মনে বাহিরের ঘরে ‘ওয়েবেটার’ বাজাইয়া একটি গান প্র্যাক্টিস করিতোছিল।

প্রহ্লাদ সব জানিত, সে ইচ্ছুল হইতে সঙ্কর আসিয়া, কিশোরীর অজ্ঞাতে বাহির হইতে তাহার গান শুনিতেন।

বেণী-মার্কার মহাশয়কে আসিতে দেখিয়া, সে সেই দিকেই দ্রুত অগ্রসর হইল।

বেণী-মার্কারের মেজাজ ভাল ছিল না, তিনি তাহাকে দেখিয়া বলিলেন—“কি রে পেলাদে, এখানে আবার কি হচ্ছিল? কিশোরীর মাথা খাবার চেষ্ঠা বুঝি! ফেব্ দেখি ত’ আছড়ে মেরে ফেলবো।”

প্রহ্লাদ সে কথা উত্তর না দিয়া, বেশ সপ্রতিভভাবে বলিল—“মার্কার মশাই, আপনার সঙ্গে দেখা করতে বোধ হয় গোপালবাবু এসেছেন।”

বেণীবাবু বিরক্তির সহিত প্রশ্ন করিলেন—“কে গোপালবাবু?”

প্রহ্লাদ—বোধ হয় গাইয়ে নুলো-গোপালবাবু, বলিয়াই সরিয়া গেল।

গাইয়ে গোপালবাবু ঐ নামেই পরিচিত ছিলেন। প্রহ্লাদ কয়েকবার কলিকাতার মাসির বাড়ী গিয়া, এ সব সংবাদে পাকা হইয়া আসিয়াছিল। নুলো গোপালবাবু যে বেণীবাবুর আলাপ বন্ধু, এবং কিশোরীর উপনয়নের সময় আসিয়াছিলেন, সে তাহাও জানিত।

বেণীবাবু তাড়াতাড়ি বুঝাল দিয়া তাঁর ধূলিধূসর পেনেলা জুতা-জোড়াটি কাড়িয়া, মুখ মুছিতে মুছিতে অগ্রসর হইলেন। বিহ্বাতির বাগান পার হইতেই মৃদু মিঠে-সুর কানে আসিল—

“বাঁধা যার কাছে মন—আছে তার কাছে প্রয়োজন ;

\* \* \* \*

সে বিনে যে প্রাণে, বাঁচিলে বাঁচিলে,

কতকাল আর প্রবোধি বচনে,—

মন না মানে বারণ !”

বেণী-মার্কারের প্রাণে যে রুদ্ধরস ছাড়া আর কোন রস থাকিতে পারে, এ কথা তাহার পত্নীও ভাবিতে পারিতেন না। গান শু-পক্ষীকেও মুগ্ধ করে। বেণী-মার্কার এ দুইয়ের একটি না হইলেও, ছেলেদের মধ্যে তিনি বাঘা-বেণী বলিয়াই সুপরিচিত ছিলেন। যাহা হউক, গান শুনিয়া বেণী-মার্কারের মেজাজ নিমেষে মেঘমুগ্ধ ও স্বচ্ছ হইয়া গেল, মুখে হাসি খেলিল, এবং বুকে একটা স্ফূর্তি জাগিয়া উঠিল। ভাবিলেন, বন্ধু তাহাকে আসিতে দেখিয়া, এই গীতিটি রহস্যচ্ছলে আরম্ভ করিয়াছেন। তিনি সেই আনন্দের বোঁকে, প্রবেশ মুখে—পাল্টা হিসেবে, মাথা নাড়িয়া—

“সে চাঁদ চকোর হয়ে, কেন ভূমে লুটাইয়ে,

শাম—চন্দ্রাবলীর কুঞ্জে কেন যাও না।”

ভাঁজিতে ভাঁজিতে একদম ঘরের মধ্যে হাজির !

এ কি ! এ যে কিশোরী !

তার চোখের সামনে বিম্বিতা যেন দপ্ করিয়া জ্বলিয়া উঠিল, আর তার হো হো শব্দ, কর্ণে যেন বিকট বিদ্রূপ বর্ষণ করিতে লাগিল। পরে,—রাগে লজ্জায় আহত ফণীর মত ফুলিয়া উঠিলেন, কিন্তু কর্তব্যটা কোথা হইতে আরম্ভ করিবেন, তাহা মাথায় না আসায়—রোষ-কম্পিত হস্তে বোতলের সমস্ত কালিটুকু কিশোরীর মাথায় ও মুখে নিঃশেষ করিবার পর, বাকশক্তি ফিরিয়া পাইলেন, ও আসল কাজে হাত দিলেন,—রাস্কেল্, ব্লুট্, ব্ল্যাগার্ড্, ডেভিল্,—এক একটি উচ্চারণের সহিত এক একখানি বাঁধানো-বই কিশোরীর মাথায়, পিটে, সজোরে পড়িতে লাগিল। শেষ শিবশূল-সদৃশ ছরপোকর শান্তি-নিকেতন প্রাচীন ওয়েব্‌স্টার খানি তুলিবার সঙ্গে সঙ্গে পন্নী দূত আসিয়া তাহাতে ধাক্কা দিতেই, বইখানা সাতখানা হইয়া দূরে গিয়া পড়িল।

বেণীবাবু রাগে কাঁপিতে কাঁপিতে পন্নীকে বলিলেন—“চলে যাও এখন থেকে”—

পন্নী বলিলেন—“কি,—হয়েছে কি ? মেয়ে ফেললে যে !”

বেণী-মাস্টার। ও-তো মরতেই বসেছে, আমি না মারলেও ও মরবে।

পন্নী। হয়েছে কি শুনি ?

বেণী-মাস্টার। বিশেষ কিছু হইনি, কেবল “সে বিনে” তোমার ছেলে “বাঁচিনে বাঁচিনে” হয়েছে, আর আমার শ্রদ্ধা হয়েছে ;—স’রে যাও, ও এখনি দূর হয়ে যাক, যেখানে ওর “আছে প্রয়োজন !” “Infernal wretch” বলিয়াই পদাঘাত,—“বেরো রাস্কেল —বাঁধা যার কাছে মন’ ! মাষ্টারের ছেলের গান ! ওর আজ জানু নেবো।” বলিয়া তৃতীয় অঙ্কমণের উদ্যোগেই, মাতার সাহায্যে বাহির হইয়া কিশোরী উর্ধ্বশ্বাসে লম্বা দিল।

তখন সন্ধ্যা হইয়াছে।

প্রহ্লাদ মজা দেখিবার জন্য অদূরেই ছিল, সে এখন প্রমাদ গণিল ;—এতটা সে ভাবে নাই। এখন সে তাহার ভবিষ্যৎটা দিব্যচোক্ষে দেখিতে পাইল।

তাহার পর শোনা গেল,—কিশোরী একদম মাতুলালয়ে গিয়া দম লইয়াছে,—প্রহ্লাদ কলিকাতায় মাসির বাড়ী প্রস্থান করিয়াছে।

গ্রামের মেয়ে পুরুষে সবিস্ময়ে বলিল—“ইঙ্কুলের-ছেলে গান গায় কি গো ! অমন ছেলে গায় না থাকাই ভাল, সব ছেলের মাথা খাবে।” ইত্যাদি।

বেণী-মাস্টার এতটুকু হইয়া গেলেন। তার Essay লেখা ফেঁসে গেল। ইঙ্কুলে মাথা নীচু করিয়া আসিতেন যাইতেন, আর টিফিন্‌ রুমের একটি কোণে “বৈরাগ্য শতক” খুলিয়া সমস্ত কাটাইতেন।

## একাল

ভূমিকা অনাবশ্যক।

আগামী শনিবার ছাত্রদের প্রাইজ বিতরণের দিন। প্রাইজ-অন্তে পূজার ছুটি আরম্ভ হইবে। জেলার ম্যাজিস্ট্রেট সাহেব অনুগ্রহ করিয়া সভাপতির আসন অলঙ্কৃত করিতে সম্মত হইয়াছেন; মেমসাহেব প্রাইজ বিতরণ করিবেন। সম্ভ্রান্ত গণ্যমান্য মহোদয়গণকে এবং বালকদের অভিভাবকদের কার্ড ও পত্র বিলি শুরু হইয়াছে। তাহার পরপৃষ্ঠায় নিম্নলিখিত কার্য তালিকা বা প্রোগ্রাম দেওয়া আছে—

(১) আবাহন ও মালাদান সঙ্গীত, (২) রিপোর্ট পাঠ, (৩) আবৃত্তি বা রিসিটেশন, (৪) কথোপকথন বা ডায়ালগ, (৫) অভিনয়, (৬) সংকীর্তন, (৭) বক্তৃতা, (৮) প্রাইজ বিতরণ, (৯) প্রার্থনা সঙ্গীত।

কার্যটিকে সম্যক সফল করিবার জন্য নানাবিধ আয়োজন চলিতেছে। এটিকে উপভোগ্য উৎসবে পরিণত করিবার জন্য মাষ্টার মহাশয়দের উৎসাহের অবধি নাই।

আজ শুক্রবার। কেবল সাজানো-গোছানো (Decoration) আর রিহার্সেল চলিতেছে।

জগতে অনেক জিনিস আছে, তাহারা যত ছোট হইবে ততই তাহাদের কদর বেশী। তাক্ লাগাইবার জন্য ছেলে বাছাইও সেই লক্ষ্যে হইয়াছে, সুতরাং—বালক, বাচ্চা, ডিম্ব ইত্যাদি ‘চরনিকা’ লইয়া তালিম ও মহলা চলিয়াছে।

গোবরা ইকুলের বাগানের পেয়ারা চুরি করিয়া ‘অর্থগ্রাস’ অবস্থায় পকেটে পুরিয়াছিল, তাহার প্রাণ সেইখানে পড়িয়া থাকায়, চারিদিক দেখিয়া সন্তপণে বাহির করিয়া আর এক কামড়ে তৃতীয়াংশ মুখে পুরিয়া ফেলিল। গুটলের পকেটে আমসত্ত্ব ছিল, সে পকেটে হাত পুরিয়া তাহার গুলি পাকাইতেছিল, সুযোগমত সেটি মুখে ফেলিয়া টিপিয়া রহিল।

থার্ড মাষ্টার, একটি বালকের দিকে নজর পড়ায়, বলিলেন—“কাঁদাচিস্ কেন-র্যা খাব্‌ডা!”

হুলো হামরাই হইয়া বলিল—“কাঁদবে কেন মাষ্টার মশাই, নাকে এক খাবা নিস্য পুরেছে!”

মাষ্টার মশাই উৎসাহ দিয়া বলিলেন, “তাতে আর হয়েছে কি, নেপোলিয়নের মা পর্ষন্ত নিস্য নিনেন। নে আরম্ভ কর্—মনে আছে ত, যে যে কথায় জোর গমক্ দিয়ে গাইতে হবে? নেঃ—

মম চিত্ত গগন দীপ্ত করিয়া ভাগ্য চক্র উদিল,—

ইতিমধ্যে গোবরার দুঃসময় আরম্ভ হইয়া গিয়াছিল ; গৌড়ার মুখ চলিতে দেখিয়া পকেটে হাত দিয়া বুঝিল, তাহারই সর্বনাশ হইয়াছে ! তখন মহলা সুস্থ হইয়া যাওয়ার “আচ্ছা বেটা দেখে নেব !” বলিয়াই বিক্ষিপ্ত ও অনামনস্বভাবে যোগ দিল—

“মম চির গহন ক্ষিপ্ত করিয়া ব্যস্ত চন্দ্র ছুটিল,”—

পেয়ারার চতুর্থাংশ চুরি যাওয়ার সে বুদ্ধিগ্রংশ হইয়াছিল, তবে ‘চিস্ত’ শব্দটিতে রফলা যোগ সে সজ্ঞানেই ‘গমক্’ হিসাবে করিয়াছিল। দুঃসময়ে যাহা হয়,—প্যাঁচোঁদ তাকে রেহাই দিল না, রফলার ভুলটি মাস্টার মহাশয়ের গোচর করিয়া দিল।

মাস্টার আজ মাটির-মানুষ, তিনি বলিলেন—“গানে ওকে ভুল বলেনা, গানের প্রধান জিনিস্ সুর, তা বজার রাখবার জন্য “মুদ্রাদোষ”ও অভ্যাস করতে হয়। কালোরাতি গান যখন শেখাবে তখন সে সব দেখিয়ে দেব। খেয়াল যখন শিখবে তখন বুঝতে পারবে—সুর ঠিক রেখে যা-‘তা’ বলে গেলেই হ’ল,—সেঁইঞা, বেঁইঞা, মে’ইঞা ইত্যাদি। আমাদের ভাষায় ঐ বর্ণটির ব্যবহারই নেই, কিন্তু হিন্দুস্থানীরা কালমনোবাক্যে উক্তির ব্যবহার করেন, তাই বড় বড় গুস্তাদদের মিঞা বলে। দেখেও থাকবে—তারা যখন কোমরে চাদর জড়িয়ে, মেজ্জাই এ’টে, পাগড়ি বেঁধে, জানু পেতে বসে সারোঙ্গি হাড়ি টানেন, তখন তাঁদের ‘ঞ’র মতই দেখায়। তান্ত্রিক হাড়ি সমেত সারোঙ্গি যন্ত্রটিতে ‘ঞ’র সাদৃশ্যও পাওয়া যায়। এই সবগুলির একত্র সমাবেশ হ’লে ‘মুদ্রাদোষ’-যুক্ত হলেই ‘মিঞা’ উপাধি লাভ হয়। যাক্ সে সব পরে হবে। গোবরা যে বৃথা কথার দিকে নজর না রেখে মূল সুরের দিকে দৃষ্টি রেখেচে, এতে আমি খুসী হয়েছি,—ওর হবে। এখন লেগে যাও।”

তালিম সজোরে চলিতে আরম্ভ করিল। মাস্টার মহাশয়ের উৎসাহ পাইয়া, গোবরা পেয়ারার কথা ভুলিয়া চতুর্গুণ উৎসাহে চেন্তা মারিয়া চীৎকার করিতে লাগিল।

চন্দ্র পণ্ডিত মহাশয় বৃদ্ধ ত্রিকালজ্ঞ লোক,—তিনি ‘কাল’ই দেখিয়াছেন। হেড্ মাস্টার মহাশয়কে বলিলেন,—“আমি নিরামিষভোজী, কাল আর আমি আসব না বাবা।”

হেড্ মাস্টার মশাই আশ্চর্য হইয়া বলিলেন,—“সে কি পণ্ডিত মশাই, কাল একটা বছরকার দিন, এত বড় উৎসব, শিবহীন যজ্ঞ কি সম্ভব।”

পণ্ডিত মশাই বলিলেন,—“আমি অভয় দিচ্ছি, তাতে কোন অনর্থপাতের সম্ভাবনা নেই, কোন ‘সতী’ কেঁদে আছাড় খেয়ে প্রাণত্যাগ করবেন না। তিনি বহুদিন হ’ল স্বর্গে গেছেন।”

হেড্ মাস্টার মহাশয় হাসিতে হাসিতে বলিলেন,—“সত্যি কারণটা কি, নিরামিষ-ভোজীর সঙ্গে এ উৎসবের বিরোধটা কোথায় ! এবার ত’ কোন ভোজেরই ব্যবস্থা নেই।”

পণ্ডিত মশাই বলিলেন—“একটু আছে বই কি,—আমি সেকলে লোক, আমার অনেক কুসংস্কারই রয়ে গেছে, তুমি ক্ষম হ'য়ো না,—বালকদের মাথা খাণ্ডাটায় আমার বুচি নেই।”

হেড্ মাস্টার মহাশয়ের মুখের হাসি নিমেষে মিশাইয়া গেল, তিনি মুহূর্তমাত্র স্তব্ধভাবে তাঁহার মুখের দিকে চাহিয়া থাকিয়া বলিলেন,—“তবে আসবেন না ; কিন্তু ম্যাজিস্ট্রেট সাহেব আপনার খোঁজ নেবেনই, কি বলব’?”

চন্দ্র পণ্ডিত মশাই সহাস্যে বলিলেন—“বৃথা চিন্তা রেখ না, দিনের বেলা কোন বুদ্ধিমানেরই “চেন্সের” খোঁজ করবে না।” এই বলিয়াই ছাতাটি বগলে করিয়া পণ্ডিত মহাশয় বিদায় লইলেন।

হেড্ মাস্টার মহাশয় সেই ছাতা বগলে ব্রাহ্মণটির দিকে তাকাইয়া রহিলেন।

পণ্ডিত মশাই অদৃশ্য হইবার কয়েক মিনিট পরে তাঁর হুঃ হইল, তিনি দুই হাতে কোটের দুই আঙ্গিন খাড়িয়া যেন মোহমুগ্ধ হইলেন, ও আপনা-আপনি বলিলেন—“নাঃ কালধর্ম বজায় রেখে চলতেই হবে।—“আগে চল—আগে চল ডাই” বলিতে বলিতে উচ্চ শিরে দ্রুত চালে গট্‌গট্‌ শব্দে রিহার্সেল্‌ রুমের দিকে চলিয়া গেলেন।

\* \* \* \* \*

সুসজ্জিত ইন্ডুল ‘হলে’ প্রাইজ বিতরণ সভা বসিয়াছে। নিমন্ত্রিত স্থানীয় গণ্যমান্য ডেপুটি, জমিদার, খেতাবী, উকীল, চেয়ারে বসিয়াছেন ; সাধারণ ভদ্রলোক ও বালকদের অভিভাবকেরা অবশিষ্ট চেয়ার বা বেঞ্চ পাইয়াছেন।

সম্মুখে সভাপতির আসন ও তৎপরোভাগে টেবিলের উপর ফুলের তোড়া, পুরস্কার-মেডেল ও পুস্তকাদি।

পক্ষীসহ জেলার ম্যাজিস্ট্রেট সাহেব সভাপতির আসন অধিকার করিবার পর মাল্যদান সঙ্গীতান্তে কার্যারম্ভ হইল।

হেড্ মাস্টার বার্ষিক বিবরণী বা রিপোর্ট পাঠ করিলেন। সকলেই বুঝিলেন, ড্রিল, ফুটবল, ক্রিকেট, হকি, টেনিস্ এবং ম্যাচ্‌ সন্থকে বেশ জোর নজর রাখা হইয়াছে, এবং তাহাতে ব্যয়ও বেশ ভদ্রোচিত। বালকদের স্বাস্থ্য ও আনন্দদানের জন্য গত বৎসর আর অধিক কিছ্ করা সম্ভব হয় নাই, সেজন্য শিক্ষকেরা বিশেষ দুঃখিত।

তাহার পর বালকদের সম্মিলিত সঙ্গীত, একক সঙ্গীত, আবৃত্তি, কথা-কাটাকাটি, অংশাভিনয়,—ঘন ঘন করতালির মধ্যে এক এক করিয়া শেষ হইল। পরিশেষে বাজা, ছাঁ, ডিম্‌ সহযোগে একটি গুড়গুড়ে পাটি দেখা দিল, মাথায় রংবেরংয়ের রেশমী বুঝাল বাঁধা।

সকলেই ভাবিল—সং বা কার্‌স্‌।

মেমসাহেব ক্লাউনের প্লে ( ভাঁড়ামী ) ভাবিয়া করতালি দিয়া হাসায়, সকলেই করতালি দিলেন ও হাসিলেন ।

ফটিক হারমোনিয়াম টিপল, ঘুঁতে খোলের পশ্চাতে থাকিয়া টাটি দিল, ঘেঁচি—বেডউল টমেটোর মত গাল ফুলাইয়া ‘পিকলুতে’ ফুঁ মারিল, পটলা কীর্তনের সুর ছাড়িল—

বাঁশরী পরশি হুদে মরমে রহিল বিঁধে —

এতো স্বর নয়—শর গো—ও-ও-ও

এই পর্বস্ত গাছিয়া বেদনায় যেন মচ্কাইয়া পড়িল ।

বাহবা পড়িয়া গেল । কেহ কেহ অবাক হইয়া শুনিতে কি দেখিতে লাগিলেন, তাহা ঠিক বলা কঠিন । কীর্তন প্রবল উৎসাহে চলিতে লাগিল ও ( Creditably ) বাহবার মধ্যে শেষ হইল ।

মেম সাহেবকে দেখিয়া মনে হইতছিল তিনি অতিষ্ঠ বোধ করিতেছেন । আর কে একজন ( নিশ্চয় বে-সমজদার হইবেন ) বলিয়া ফেলিলেন,—“এগুলি অনাথ বালক, না বাপ মা বর্তমান ?”

সভাপতি মহাশয় উপস্থিত ভদ্রমণ্ডলীর মন্তব্য ও বক্তব্য আহ্বান করায়, সুবক্তারা উঠিয়া পত্নীসহ সভাপতি মহোদয়কে ধন্যবাদ দিলেন, বালকদের উৎসাহ দিলেন, ও রাজভক্ত হইতে উপদেশ দিলেন,—অবশ্য ইংরাজি ভাষায় ।

স্মার্ত-শিরোমণি মহাশয় দুই তিন বৎসর হইল বিক্রমপুর হইতে এখানে আসিয়া চতুপাঠী খুলিয়াছিলেন ; সাতটি বিদ্যার্থী বালককে বিদ্যা ও অন্নদান করেন । দেশের হাওয়া আর উদরামের অবস্থা বুঝিয়া, কনিষ্ঠ পুত্র দুইটিকে কয়েক মাস পূর্বে এই ইন্সকুলে ভর্তি করিয়া দিয়াছিলেন । নিয়ন্ত্রণ পত্র পাইয়া বৃদ্ধ ব্রাহ্মণ সম্বর সঙ্ঘাতিক সারিয়া, ফোঁটা চন্দন, গরদের জোড় ও কুটুকে-চাঁট পরিয়া সভায় উপস্থিত হইয়াছিলেন ।

সভাপতি সাহেব পুনরায় বলিলেন—“আর কাহারো কিছ্ বলিবার আছে ?”

শিরোমণি মহাশয় দাঁড়াইয়া বলিলেন—“অনুমতি হয় ত আমি বঙ্গভাষায় কিছু বলিতে ইচ্ছা করি । আমি সংস্কৃত অধ্যাপক, ইংরাজি জানি না । টোল আছে, বিদ্যার্থীদের বিদ্যাদান করা আমার ধর্ম । মুন্সিপাল মাসিক দুই তঞ্চ্রা সাহায্য করেন ।”

ম্যাজিস্ট্রেট সাহেব বাংলায় বলিলেন—“আপনার মন্তব্য আমি আনন্দের সহিত শুনিতে ইচ্ছা করি ।”

শিরোমণি । আমার দুই পুত্রকে এই আখরায় ভর্তি কইয়া দিয়াছি । পরাশুনা কি হয় আমি জানিনা, বুঝিনা, সে সম্বন্ধে আমার কোন বক্তব্য নাই, স্বীকার করলাম—



বালই হয়। বিদ্যার্থীর ক্যাশ ব্যাস বিলাসের কথাও দরিত্রের আলোচ্য হইতে পারে না। কিন্তু সন্ধ্যান্তে বালকবয়স ইঙ্কলের ফুটবল (foot-ball) চর্চা কইয়া ঘরে আসে—যেন লাঙ্গল-চষা হালায় বলদ,—জান্ন নাই, পা লব্ধ করছে, চক্ষু মুদ্রা আসছে, চিংপাং হইয়ে হাপ্ ছারছে। পুঁথি লয়্যা বসছে কি ঢোলছে। না হয় দুই দ্রাতার লবুই লাগছে—টিম্ টিম্ (team) বক্ছে। কন্নডা গোল্ (goal) হইল, কন্নডা উট্ (out) হইল, কে বালো ক্যাক্ (kick) করছে, কে সাবাস সূৎ (shoot) মারছে,—এই সব প্রলাপ কয়! বলদারা পরবে কখন! শ্যাঘ,—কলায়ের দাইল, বাইগুন-ভাজা ভাত খাইয়া মরার মত নিদ্রা! অৰ্ধ-প্যাট শাকাম খাইয়া, আর বাবুদের সন্তান চরবির জেলাপী চুষ্যাচুষ্যা যক্ষ্মায় মরছে,—পিতামাতাকেও মারছে। দ্যার্থাচি এই ফুটবল আর বটবল (bat ball) বালকদের পরকাল খাইছে। কর্তারা যদি ঐ সঙ্গে অন্ততঃ দুই ছটাক কইয়া খাটি ঘৃত-পকের ব্যবস্থা করেন তবেই রক্ষা। আবার ম্যাচ্ ম্যাচ্ কয়,—অর্থ বোঝাবার পারি না। কত আর কইব হুজুর,—সেদিন কনিষ্ঠ পশুড়া নিদ্রাবস্থায় চিকুর দিয়া গোল্ (goal) কইয়া, এমন পায়ের গুতা লাগাইল যে, গরীবের এক কলোস গুর একেবারে চুরমার হইয়ে চরকার উপর পইয়া সেডাকে মধুচক্র বানাইয়া দিল!

ম্যাজিস্ট্রেট সাহেব তাড়াতাড়ি রুমাল মুখে চাপিয়া বলিলেন—Misfortune indeed! (দুর্ভাগ্য বটে)!

শিরোমণি। হুজুর আপনি জিলার মালিক, স্বচক্ষে দর্শন করলেন বাপ খুরা, অধ্যাপক, সম্মানিতের সাক্ষাতে ভদ্রবালক তন্ মারছে, ঠেকা ঠোক্ছে, লটলটীর ভাব দেখাইছে, ছরা কাট্ছে, এডা ক্যামন ভাবেন কর্তা!—

“আবার কর্ণে আসছে মণ্ডালুচি (Mentality) বদলাইতে হইবা। সুবর্ণচন্দ্রেরা ত’ আঙা আর চ্যাপ (Chop) চালাইয়া, মণ্ডালুচি বর্জন বহুদিনই করছেন। এখন কি সেডা মোদের শ্রাদ্ধে আর পিণ্ডদানে চালাইবার চান! শ্রীবিষ্ণু শ্রীবিষ্ণু,—যাক্ ইসের (চুলার) মথ্যা। ও যামিনী, হ্যাদে নিশিকান্ত এখন আসো, খুব শিক্ষা হইছে! ঘরে চলো সুপুত্র আমার, লাঙ্গল চালাইও, চরকা গুরাইও—মানুষ হবা।—”

“ম্যাম্ সাহিব, সাহিব, ভদ্রমণ্ডলী ব্যাবাক্কে ধৈন্যবাদ।”

এই বলিয়া শিরোমণি মহাশয় পুত্রদ্বয়ের হাত ধরিয়া দ্রুত বাহির হইয়া গেলেন। ছেলেদের মধ্যে একটা চাপা হাসি পড়িয়া গেল। বড়দের মধ্যে কে একজন তাক্ষিলাভাবে বিদূষ করিলেন “নবাবী আমলের ঢাকা!”

একজন শিক্ষিত সুবক্তা উঠিয়া সাহেবকে ইংরাজিতে বুঝাইয়া দিলেন—উনি একজন অশিক্ষিত টুলো-পিণ্ডিত-পুরো সেকলে লোক—গোঁড়া টাইপের (Type এর)। আজকালের উচ্চ-শিক্ষা ও সভ্যতার খার ধারেন না; উন্নতিশীল জগতের দ্রুত বিবর্তনের

কোন খোঁজই রাখেন না ; সময়ের চালে ও তাতে চলবার যোগ্যতা একদম নাই ; এখনো শতবর্ষ পঞ্চাশে সেই অন্ধকারেই পড়ে আছেন । ওঁর কথায় কেহ কান দেবে না, দেখেও নাই । সুখের বিষয় দেশে ও-সব জীব (Mammoth) দূত নিঃশেষ হ'য়ে আসছে, বেশী দিন আর আমাদের এসব দুর্ভোগ ভুগতে হবে না, সুতরাং ওঁর কথার ভালমন্দ আলোচনা অনাবশ্যক ।

ম্যাজিস্ট্রেট সাহেব পূর্ববঙ্গে বহুদিন ছিলেন ; তিনি সবই বুঝিয়াছিলেন । একটু হাসিলেন মাত্র ।

\* \* \* \* \*

প্রাইজ বিতরণ শেষ করিয়া,—বালকদের মধ্যে যাহারা উৎকৃষ্ট অভিনয় করিয়াছে, তাহাদের প্রাইজ দিবার পর, সভাপতি মহাশয় আনন্দ-প্রকাশসহ শিক্ষক-মহাশয়দের প্রশংসা করিলেন ও বালকদের উৎসাহ দিলেন । করতালি পড়িয়া গেল । God save the King গীতান্তে সভাভঙ্গ হইল ।

মেম সাহেব মোটরে উঠিতে উঠিতে সাহেবকে জিজ্ঞাসা করিলেন What do you think of what that old man said ( বৃদ্ধলোকটি যা বললেন সে সম্বন্ধে তুমি কি বল ? )

ম্যাজিস্ট্রেট সাহেব হাসিতে হাসিতে উত্তর করিলেন,—Almost every inch correct. They have added many nuisance to Western methods with vengeance ! ( পনের আনা ঠিক্ । এরা পাশ্চাত্য পদ্ধতির উপর টেক্রা মারতে গিয়ে, অনেক উৎপাত চাপিয়ে বসেছে ! )

মোটর চলিয়া গেল । বালকেরা অভিনয় সম্বন্ধে উৎসাহের সহিত “কেয়াবাং, ইয়াঃ, আলবৎ” প্রভৃতি উচ্ছ্বাস তুলিয়া চলিল । পদাতিক-অভিভাবকেরা ফটক পার হইয়া রাস্তায় পড়িতেই,—শরৎ সূর্যের সোনার তারে ঝঙ্কার দিতে দিতে একটি সুমধুর সুর কানে পৌঁছিয়া সহসা সকলকে দাঁড় করাইয়া দিল ।

অদূরে একটি ভিক্টর গাছতলায় বসিয়া আপন মনে গায়িতেছিল—

“ভাল কাঁদ পেতেছ শ্রামা বাজিকরের মেয়ে !”

—



## চীনযাত্রী

[ ১ ]

আমরা যত বড় দাসত্ব করি না কেন, হনুমানকে হারাইতে পারিব না। দাসত্ব করিয়া তিনি চির-অমর হইলেন, এবং ত্রিভুবন-জোড়া যশের অধিকারী হইয়া রহিলেন ; ঋষি বাল্মীকি তাঁহার গুণ-গানে সহস্র-মুখ। উদার লোকই আলাদা ; হনুমানকে তিনি দেবতা বানিয়ে গেলেন। কিন্তু আমাদের দক্ষভাগ্যে ডি-এল রায় মহাশয়-বর্ণিত ঋষিরাই জন্মিলেন। জন্মেছিলাম মানুষ, বানিয়ে দিলেন জানোয়ার ; কারণ—দাসত্ব করি। কেন, আর কি সুখে যে করি, তাহা ঋষিরা যোগের সাহায্যে না খুঁজিয়া, গোলযোগের দ্বারাই বন্ধিয়া রাখিলেন। যাক, হনুমান মরিয়া হইয়া সবই ছায়া ও স্ববলে, সাগরপারে পাড়ি দিয়াছিলেন। তাঁহার সংসার ছিল কি না জানি না ; অন্ততঃ থাকার প্রমাণাভাব। আমাকে অনিচ্ছায় ও অগত্যা, পরের বলে পা বাড়াইতে হইয়াছিল। তাহা হইলেও, আমার যে নিজের বলের কোন আবশ্যকই হয় নাই, এমন নহে। তবে তাহার প্রকাশ্য নজির করা কঠিন ; তাহা মনস্তত্ত্বজ্ঞের মারফতই প্রাপ্তব্য। কতকটা রবিবাবুর “যেতে নাহি দিব” কবিতায় লিপিবদ্ধ আছে। বাঙ্গালীর হাতে কাঁদুনীর ভূমিকা শেষ হইতে জানে না ; অতএব সরাসরি স্মরণ করাই ভাল।

বিংশ শতাব্দীর প্রারম্ভেই চীনে “বক্সার ট্রব্ল্” বা “বক্সার হাঙ্গামা” বলিয়া একটা গোলমাল উপস্থিত হয়। ‘বক্সার’ নামে চীনে একটা উগ্রদল দেখা দেয়। ‘ফরেনার’ বা বিদেশীয়দের সহযোগিতা বর্জনই বোধ হয় তাহাদের মূল নীতি ছিল। যে সব চীনেরা বিদেশীয়দের চাকুরী করিত, তাহাদের সাহায্য করিত বা সংশ্লিষ্ট থাকিত, আর যাহারা বিদেশী পাদ্রিদের উপদেশে খৃস্টধর্ম গ্রহণ করিতেছিল, বা করিয়াছিল, বক্সারদের বিষ-দৃষ্টিটা সেই সব চীনেদের উপরই বিশেষ করিয়া পড়ে। নিষেধ ও ভয়-প্রদর্শন দ্বারা মনোমত ফল লাভ না হওয়ায়, ক্রমে তাহারা সংহারমূর্তি ধারণ করে ও সেই সব চীনেদের ঝাড়ে-মূলে ধ্বংসকার্ণে ব্রতী হয়। ন্যায়-ধর্ম-পরায়ণ পাদ্রিরা, ও অন্যান্য বিদেশীয়েরা, সেই সব আশ্রিত ও বিপন্ন চীনেদের রক্ষার্থে প্রয়াস পান। উল্লম্ব বক্সারেরা তখন ক্রোধান্বিত হইয়া, তাঁদেরও আক্রমণ করে ও খুন জখম আরম্ভ করিয়া

দেয়। ক্ষিপ্তেরা তখন ভাবে নাই যে—‘এ বারতা যবে পাইবেন রক্ষোনাথ,’ তখন ব্যাপারটা কিরূপ দাঁড়াইবে ও কতদূর গড়াইবে। ফল তাহাই হইল। একটা হাসির গান আছে

“কামিথ্যেতে কাক্ মরেছে, বৃন্দাবনে হাহাকার।”

এক্ষেত্রে সেটা কাল্মার গান হইয়া, এক মূহুর্তে সমগ্র সভ্য জগতের সহানুভূতি ও সহদয়তা জাগাইয়া দিল। শক্তিশালীদের মধ্যে সাজসাজ সাড়া পড়িয়া গেল। তারির ঝাপ্‌টায়, সমুদ্র-যাত্রার পাপটা, আমাদেরও জড়াইয়া ধরিল। সেই অভিযানের দ্বিতীয় অধ্যায়ের মরা মজ্‌লিসে, অন্যান্যদের সঙ্গে আমারও ডাক্ পড়িয়াছিল।

বিদায়ের বিবরণটা কেবল ব্যথায় ভরা, সেটা বাদ দেওয়াই ভাল। সেদিনও প্রাতে পাখী আনন্দে গাইয়া থাকিবে, ফুল সহাস্যে ফুটিয়া থাকিবে, বায়ু সুমন্দ বহিয়া থাকিবে, শিশু সুমধুর হাসিয়া থাকিবে, কবি কবিতা লিখিয়া থাকিবেন; কিন্তু আমার প্রাণে, মনে বা নয়নে, তাহার কোন সাড়াই পৌঁছে নাই। তখন আমি কেবল উদাস-প্রাণে একান্ত অনুভব করিতেছিলাম,—আমার ক্ষুদ্র গ্রামের ও আমার দেশের, অতি তুচ্ছ তুণিটিও আমার কতটা আপনার। আর এতটা দীর্ঘদিনের তাচ্ছিল্যের জন্য, মনে মনে তাহাদের নিকট অবনত হইয়া ক্ষমা চাহিতেছিলাম। এতটা চেতন অচেতন, ক্ষুদ্র বৃহৎ, আদৃত অনাদৃত ও অবজ্ঞাত যে এক মূহুর্তে আমার অংশরূপে আমার মধ্যে অভিন্ন হইয়া দেখা দিতে পারে, তাহা কখনও এবং তখনও ভাবিতে পারি নাই।

আমার সুদূর যাত্রার সম্বলের সহিত একটু দেশের মাটি (গঙ্গামৃত্তিকা) আর একখানি গীতা, প্রিয় ও পরম সুহৃদের স্থান অধিকার করিল।

১৯০২ খৃস্টাব্দের ৩রা জুলাই বেলা আটটার সময়, আমাদের লইয়া “ক্রাইভ” নামক সরকারী জাহাজ খিদিরপুর ডক্ ছাড়িল। বারকয়েক দুর্গানাম স্মরণ করিলাম ও বঙ্গভূমিকে প্রণাম করিয়া বললাম—‘মা, আবার যেন তোমার কোলে ফিরে আসতে পারি।’ চক্ষু জল ভরিয়া আসিল। কিছুক্ষণ কোনদিকেই দৃষ্টি ছিল না। পরে দেখি—কি নিকটের কি দূরের, সবটাই নূতন। জাহাজের সহস্র সঞ্জাম, ক্যাপ্টেন সারেং মাল্লা মাস্তুল, অচেনা যাত্রিসম্ভ, হরেক রকম পোশাক-পরিচ্ছদ, জাহাজের গতিবিধি,—সহসা সকলকে আকৃষ্ট করিয়া, বিদায়-বেদনা হইতে মুক্তি দিয়াছে। সকলেই অন্যমনস্ক হইয়া পড়িয়াছে। জাহাজ মস্তরগমনে চলিয়াছে।

মানুষের বেশীক্ষণ কিছুই ভাল লাগে না বা সয় না। ঘণ্টাখানেকের মধ্যেই ক্লাস্ত হইয়া সকলেই দ্রব্যান্তর খুঁজিতে লাগিলাম। সকলেই নিজের জাত খোঁজে,—দল বান্ধিতে চায়,—এক হইতে চায়। জগতের অল্প পরমাণুও দানা বাঁধবার জন্য অনুক্ষণ

চপ্পল। দেখিতে দেখিতে ইতস্ততঃ বিক্ষিপ্ত যাত্রীগুণি পাঁচ সাত, কোথাও-বা দশ বারটি করিয়া জমাট বাঁধিতে লাগিল। তখন পরস্পরের নাম-ধাম পরিচয় ও আলাপের মধ্য দিয়া প্রত্যেক থাকে ধীরে ধীরে আনন্দ-উৎসাহ দেখা দিল। সকলেই তখন বৃষ্টিবার অবকাশ পাইল,—এ পথে আমিই মাত্র একা নহি; সঙ্গে সঙ্গে একটু সাহসও অনুভব করিল। পশ্চাতের চিন্তাটা অনেকখানি পাতলা হইয়া গেল।

দেখি, নানা পক্ষী এক বৃক্ষে উপস্থিত হইয়াছে। ভারতের প্রায় সকল প্রদেশের লোকই হাজির। বিভিন্ন সহর হইতে আমরা পাঁচটি বাঙ্গালীও আসিয়া উপস্থিত। তন্মধ্যে চারিটি, পরস্পরের কাছে পূর্ব হইতেই পরিচিত। অপরিচিতটি রঙ্গুন হইতে রওনা হইয়া হাজির হইয়াছেন। এই পাঁচজনই পাকা কুলীন, (পার্মানেন্ট চাকুরে); তদতিরিক্ত দুইটি উমেদার যুবকও চলিয়াছিলেন। হায় রে নোকরির নেশা,—যার সন্ধানে সাত-সমুদ্র-পারেও ভ্রমসন্তানেরা ছোটে! অতএব সর্বসমেত আমরা হলাম সাতটি।

এটা ওটা দেখায়, ও এ-কথা ও-কথায় দিনটা শেষ হইয়া আসিল। ইতিমধ্যে পূর্ব কূলের বনরাজি দেখিয়া কাহারও-বা,—‘নবকুমার’ কোনখানটায় আসিয়া পড়িয়াছিল এবং ‘কপালকুন্ডলা’ই বা এই ভীষণ অরণ্যানী মধ্যে কি ভাবে বিচরণ করিত, এ কথাও উদয় হইল; কেহ-বা—‘দুরাদয়চক্রনিভস্য’—ইত্যাদি আওড়াইতে ভুলিলেন না। কিন্তু আলো ত কেবল নিজে নেবে না, সঙ্গে সঙ্গে পাঁচটা জিনিস দেখিয়া ভুলিয়া থাকিবার উপায়টাও নিবাইয়া দিয়া যায়। তখন যেটা প্রবল বৈচিত্র্যের মধ্যে চাপা পড়িয়া থাকে, সেইটা মাথা তুলিয়া দাঁড়ায়। সন্ধ্যার সঙ্গে সঙ্গে তাহাই ঘটিল। একটু এদিক ওদিক করিয়া সকলেই নীরব ও বিষম্মুখে, শ্রান্ত শরীরে—নিজ নিজ ভাবনা বেদনা লইয়া শয্যা লইলাম। সারাদিনের সঞ্চিত অবসন্নতা এখন নির্বিড় হইয়া, নিদ্রার সহায় হইল ও সঙ্করই চক্ষের যবনিকা টানিয়া দিয়া, সেদিনকার পালা শেষ করিয়া দিল।

[ ২ ]

প্রাতে যেন অন্য জগতে জাগিলাম। সে জল নাই, সে জনপদ নাই, সে গাছ-পালা পল্লী-পদ্বিন নাই; সে মাটির-জগৎ সুদূর হইয়া গিয়াছে। আছে কেবল দূরবিস্তৃত নীলাম্বরীরাশি—আর আমরা একখানি লোহা-বাঁধান কাঠের কেল্লায় ভাসিয়া চলিয়াছি। তাড়াতাড়ি স্নান আর চা-পান সারিয়া, উপরের ডেকে গিয়া দেখি, সব পরিষ্কার পরিচ্ছন্ন

—বক্-বক্ তক্-তক্ করিতেছে। নাবিকেরা এইমাত্র সব মাজিয়া-ঘাসিয়া ধুইয়া-মুছিয়া গিয়াছে; যেন কোন দেবতার আবাহন উৎসব আছে। তাহার উপর প্রাতঃ-সূর্যের কিরণপাতে সবটাই সমুদ্রজ্বল ও সুন্দর হইয়া উঠিয়াছে।

দেখিতে দেখিতে প্রথম ও দ্বিতীয় শ্রেণীর যাত্রীর দল অপার ( উপবের ) ডেকে আসিয়া উপস্থিত হইতে লাগিলেন ও স্বতন্ত্র স্বতন্ত্র থাক্ বাঁধিয়া বেড়াইতে বা এক এক স্থানে জমায়েত হইতে আরম্ভ করিলেন। কাল ঘে-যার দল খুঁজিয়া ভিন্ন ভিন্ন দলে বিভক্ত হইয়াছিল, আজ ক্রমে এ-দলে ও-দলে আলাপ-পরিচয় হইতে লাগিল। কেবল একটি দল সদর্পে ও সশব্দে, ডেকের এ-মুড়ো ও-মুড়ো পদচারণা করিয়া বেড়াইতে লাগিলেন। তাঁহাদের সকলের হাতেই এক একখানি নভেল—কাহারও নূতন কাহারও পুরাতন—কখনও খোলেন্ কখনও মোড়েন—ইঁহারা কয়জনই ইউরেশিয়ান এবং প্রায় সকলেই ডাক্ বিভাগের লোক।

সমুদ্র-যাত্রী ভদ্রলোকদের অন্যান্য সাজ-সরঞ্জামের সহিত একখানি করিয়া ‘ডেক্-চেয়ার্’ বা হাল্কা আরাম-চেয়ার লইয়া যাওয়া উচিত। তাহাতে বিশেষ সুবিধা ও আরাম পাওয়া যায়। নচেৎ সরকারী বেঞ্চ ( যদি খালি পাওয়া যায় ) না হয় হরদম্ বেড়ানো, এই দুইটির উপরই নিভঁর করিতে হয়। আমাদের ‘নৈটিভ্’ মেজারিটির জাহাজে, পাটি বা সতরঞ্চ বিছাইবার বারণ ছিল না, তাই রক্ষা। যাহা হউক, অভিজ্ঞেরা ডেক্-চেয়ার্ লইয়া যাইতে ভুলেন নাই। তাহাতে বসিয়া সমুদ্র-দর্শন, গল্প-গুজব, লিখন-পঠন, নাগাইত নিদ্রা পর্যন্ত চলে। যার যা, এ পথের ইহা একটি অত্যাবশ্যক আসবাব।

আমরা বাঙ্গালী কয়টি যেন ছুটির দিনে বেড়াইতে বাহির হইয়াছি; সকলেরই বরযাত্রীর বেশ। মিহি আসবাবে দেহ ও ষ্ট্রক্ বোঝাই; কাহারও দ্ একটা পুরাতন প্যান্ট্ থাকিতে পারে। দেখিলে বোধ হয় যেন, গম্ভ্য স্থানে পৌঁছবার পূর্বে, মজলিস্-মুদ্রকর কাপড়-কোঁচানর ধুম্ পড়িয়া যাইবে এবং খাম্বাজের মহলা চলিবে। সঙ্গে এক জোড়া করিয়া তাস থাকিলেই যাত্রাটা সর্ব-সৌষ্ঠব-সম্পন্ন হইত। সৌষ্ঠব রক্ষা হউক্ বা না হউক, সেটা যে বিশেষ কাজে লাগিত, তাহা দু-চার দিন মধ্যেই বেশ বোঝা গেল। হাজারখানেক যাত্রীর মধ্যে, শিক্ষিত ও অর্ধ-শিক্ষিত ভদ্রের সংখ্যা শতাধিক ছিল না; ফলোয়ারদের অর্থাৎ সাহায্যকারী শ্রমিকদের সংখ্যাই অধিক ছিল। দেখি, তাহারাই বেশ তাস-তামাক গান-গল্পে মগ্ন হইতে চলিয়াছে। উত্তর-পশ্চিম, পাক্জাব, মান্দ্রাজ, মধ্য-ভারত ও বোম্বায়ের বাবুদ্রাও তাস পাড়িয়াছেন; নচেৎ বিনা-কাজে বাস্তবিকই দীর্ঘদিন কাটান কঠিন। বিধাতার কৃপায় বাক্যই আমাদের প্রধান

সম্বল। এখন তাহা কাজে লাগিতে লাগিল। বাক্যের ব্যবহারেই, অর্থাৎ বাজে কথায়, দিন কাটিতে লাগিল।

ক্রমে পুস্তকের খোঁজ পড়িল,—কাহারও কাছে কিছু আছে কি না। আমার গীতাখানি, এ পঞ্চভূতের দরবারে পেশ করিতে সাহস হইল না ; কারণ, সে-সময়ে ও সে-সভায় তাহা স্বাদু ও গ্রাহ্য ত হইতই না, বরং তাহার সমুদ্র-সমাধিরই সম্পূর্ণ সম্ভাবনা ছিল। আমাদের মধ্যে একজন ‘দত্ত’ ছিলেন, তিনি লোক-সঙ্গ বড় একটা ভালবাসিতেন না ; আহ্বারের আসর ভিন্ন তাঁহাকে একটু তফাতে তফাতেই থাকিতে দেখিতাম। তাঁহার হাতে একখানি বই দেখিয়া, সাগ্রহে উঁকি মারিয়া দেখি—‘ট্রিগ্‌নোমেট্রি’ ! কি পাপ ! হতাশ ত হইলামই, তদতিরিক্ত অবাক্ হইয়া গেলাম। ভাবিলাম—এমন বেসুরো লোকও দুর্নিয়াজ আছে। ‘সিজার’ যুদ্ধক্ষেত্রেই, অবকাশ সময়ে ‘গ্রামার’ লিখিয়াছিলেন, ইনিও দেখিতেছি সেইরূপ একটা অশুভ কিছুর করিতে চলিয়াছেন।

আমাদের রেঙ্গুন-সমাগত বাঙ্গালী বাবুটি ছিলেন ‘চট্টোপাধ্যায়’। তাঁহাকে সকলে ‘চাটুয্যে’ বলিয়াই ‘ডাকিতাম। তাঁহার একটু পরিচয় আবশ্যক হইবে ; কারণ তিনিই আমাদের এই বিপদ-সঙ্কুল পথে, ভাবনা-চিন্তার দিনে, দুর্ভর সময় কাটাইবার পরম সহায়স্বরূপ হইয়াছিলেন,—বা ‘মুশকিল আসান’ ছিলেন। বয়স ত্রিশ বত্রিশ, দেহ হৃষ্টপুষ্টি, বর্ণ এমনই ‘কণ্ট-কাল’ যে নয়নসূকের ধূতিতে তাহা ঢাকিত না ; চক্ষু দুইটি স্বভাবতই ঈষৎ লোহিতাভ, সহজ বিশ্বাসী, খুব সপ্রতিভ, বেশ খোলসা লোক, এবং বাঙ্গালীর বদনামের উপযুক্ত ভীতু। আমাদের পুস্তকের প্রয়োজনটা, ‘কেন,—কি হবে?’ প্রভৃতি প্রশ্নের পর বদকিয়া ‘আমি দিচ্ছি’ বলিয়াই, একখানি কুণ্ডিবাসী রামায়ণের কিয়দংশ, অর্থাৎ অরণ্যকান্ডের মাঝামাঝি হইতে লক্ষ্যকান্ডের কতকটা এবং ঐ হালেরই, আধাআধি তৈলসিক্ত একখানি দাশরথি রায়ের পাঁচালী আনিয়া দিলেন। দেখিয়া, কেহ হাসিলেন, কেহ বাহবা দিলেন ; আমি কিন্তু ভাবিলাম—‘একজন খাঁটি বাঙ্গালী পাইয়াছি, এখনও ভেজাল ঢোকে নাই।’ পরে,—মেরি করেলির একখানি ‘টেম্পোর্যাল পাওয়ার’ও হস্তগত হয় ; কি সূত্রে তাহা ঠিক স্মরণ নাই। যাহা হউক, এই থোরাকেই আমাদের সমুদ্র-সফর শেষ করিতে হয়।



বজ্রোপসাগরের বৃকে ঝাঁপ দিয়া পৰ্বস্তু ভয়, বিস্ময় ও আগ্রহ, এই গ্রাহস্পর্শ লইয়াই অগ্ৰসর হইতেছিলাম। যাঁহার যিনি উপাস্য, এতদিন পরে সকলের নিকটই তাঁহাদের জোর ডাক্ পড়িয়াছিল। বিপদই মানুষের একমাত্র চাবুক ; সেটা না থাকিলে বিশ্বটা যে কি এক অশুভুত মাংসপিণ্ড বহন করিত তাহা বলা যায় না। সেদিন সকলের সকল কাজের মধ্যে একটা সত্যের সূর সর্বক্ষণই সজাগ ছিল। আমার তখন মনে কি মুখে ঠিক্ স্মরণ নাই, অতি দ্রুত দূর্গা নামের তরঙ্গ চলিতেছিল। প্রায় পঁয়ত্রিশ বৎসর পূর্বে, (লোকা ধোপা), শ্রীমন্তের সিংহল-যাত্রার পালা শুনাইয়া, আমার হৃদয়ে দূর্গানামের বীজ বপন করিয়া দিয়াছিল। জগতে কে যে কোন্ সূত্রে কাহার গদ্র, তাহা বলা কঠিন।

এখন আমরা বাস্তবিকই—‘জল, মেঘ ও বায়ু রাজ্যে’ প্রবেশ করিয়াছি। সে অসীম বিশালত্বের যে দিকেই চাই, সবটাই—ভয় বিস্ময়ের দৃশ্য। সে উত্তাল তরঙ্গ দেখিলে, প্রলয়ের প্রারম্ভ বলিয়া মনে হয়। ভীষণ বাত্যাতিড়িত বিজন অরণ্য-শব্দ, সে অরণ্য-শব্দ্য দেশে সর্বদাই চলিয়াছে।

পরদিনের প্রভাত হৃদয়ে যেন চিরদিনের অন্ধকার ঘোষণা করিয়া দেখা দিল। চক্ষু চাহিয়াই শিহরিয়া উঠিলাম। হঠাৎ সম্মুখে যেন কালের ভীষণ ছায়া দেখিলাম। দেখিতে দেখিতে সেই ঘন কৃষ্ণ-ছায়ার কবলে আসিয়া পড়িলাম। ইনিই সেই স্বনাম-ধন্য ‘কালাপানি’। রূপ দেখিয়া ভাবিলাম,—নামটি সার্থক বটে! যেমনি কাল, তেমনি গাঢ় ও দূর্গন্ধময়; আবার গর্জন, আক্ষফালন ও আলোড়ন ততোধিক; নির্বাসনের নিখর্ত স্থান বটে! সে রংয়ের সামনে আমাদের চাটুয্যে ফিকে হইয়া গেল। সে সময়ে অতি-বড় নিভাঁকের মুখেও হাসি-তামাসার অবকাশ ছিল না। তুষারাবৃত পর্বতসদৃশ ফেন-মুখী উর্মির তান্ডব নৃত্য দেখিয়া স্বগবৎ মনে হইল যেন, শক্তিসঙ্গিনী ডাকিলীর দল অটুইসো দানব-দলনে ছুটিয়াছে। রায়-গুণাকরের—

“ক্রোধে রাণী ধায় রড়ে—আঁচল ধুলায় পড়ে,

আলু থালু কবরী বন্ধন।”—

যেন মূর্তি ধরিয়াছে।

জাহাজ ভয়ঙ্কর দুলিতে লাগিল; সকলকেই চঞ্চল ও শশব্যস্ত করিয়া তুলিল। কিছ্র না ধরিয়া, বসিয়া বা দাঁড়াইয়া থাকা অসম্ভব হইয়া উঠিল। এমন সময় চাটুয্যে, নিতান্ত ভয়াকুলভাবে ও কাতরকণ্ঠে ‘প্রেস্ট্রাইব’ করিলেন—‘সকলে হনুমানকে

স্মরণ করুন।’ প্রেসক্রিপ্‌সন্ শুনিয়া, অন্ততঃ কিছুক্ষণের জন্য ভয় ত ভাগিলই, একজন হাসির হিড়িকে পড়িয়াই গেল।

জাহাজে পদাৰ্পণ করিয়া পৰ্বন্ত দেখিতেছিলাম, ফিরিঙ্গী কয়জন ফুরসৎ মত, ডেকের উপর পায়চারি করেন। তাঁদের মধ্যে একটির ফুরসৎ, অফুরসৎ ছিল না, অপেক্ষাকৃত সশব্দে ও দ্রুত তিনি সৰ্বক্ষণই ঘুরিতেন। সঙ্গে সঙ্গে নভেল পড়া ও মাঝে মাঝে টঙ্কর খাওয়াও চলিত। আমার হাতে ‘টেম্পার্যাল্ পাওয়ার’ দেখিয়া, হঠাৎ একদিন তাঁর গতিরোধ হয় ও দূরচার বাৎচিং করিয়া ফেলেন। সেই সময়, উপদেশচ্ছলে ‘সি-সিক্‌নেস্’ এড়াইবার একটু টোটকাও বলিয়া দেন, যথা—‘জাহাজের উপর সৰ্বদা বেড়াবে, কদাচ বসে থাকবে না।’ অর্থাৎ Nothing like leather।

চতুর্থ দিনে মিস্টারটিকে নিত্যকৰ্মে গরহাজির দেখিয়া, অনুসন্ধানে জানিলাম, তিনি Sea-sickness-এ শয্যা লইয়াছেন; রোজাকে ভূতে পাইয়াছে, কালাপাণির দোলায়, ঝোলায় (হ্যামকে) শুইয়াছেন।

পরদিনও সেই এক ভাবই চলিতেছিল। ক্রমে, অনেকেই সি-সিক্‌নেস্ দেখা দিল। রোগটার দৃশ্যও যেমন কদৰ্শ, ভোগটাও তেমনি কষ্টকর,—আগাগোড়াই ন্যাকারজনক। ভালর মধ্যে বাঙ্গালীদের কাছে তখনও সে ঘেঁসে নাই। সহসা দেখি আমার আলাপী মিস্টারটি, খোলা বাতাসে বেণের উপর বসিয়া, বিকৃত বদনে—জ্যাম্-মাখানো বিস্কুট্ চৰ্ণ করিতেছেন, আর ওয়াক্ ওয়াক্ করিতেছেন। তাহারাও গলার নীচে নামিবে না তিনিও তাহাদের কবল-মুক্ত করিবেন না। কষ্টে দূর-একটি কথা কাহিলেন মাত্র; তাহারই ফাঁকে বদলাইয়া দিলেন,—‘যখনই বমন হইবে, তৎক্ষণাৎ সঙ্গে সঙ্গেই জোর করিয়া পেটে কিছু গমন করান অত্যাব্যশ্যক; এটিও এ-রোগের একটি অমোঘ টোটকা।’ আমি কিন্তু এই বীভৎস ব্যাপার আর তাঁর কদৰ্শ কষ্ট দেখিয়া, ব্যস্ত হইয়া সরিয়া পড়িলাম। উল্লেখ রুচি ছিল না; তবে, সকলের ত খাত সমান নহে—যদি কাহারও কাজে লাগে, তাই উল্লেখ করিলাম।

সমুদ্র-সফরে ও-রোগটা আছে; সেজন্য যাত্রীরা যথাসাধ্য প্রস্তুত হইয়াই আসেন। আমরাও কেহ কেহ কিছু কিছু ফল, বিশেষ করিয়া নেবুটা, সঙ্গে লইয়াছিলাম, এবং যখন-তখন ও দরকারে-অদরকারে তাহারই ব্যবহার চলিতেছিল। সর্বোপরি চাটুয্যো ফলগুলির উপর এমন ভর করিলেন যে, একদিন দেখি,—ডাব্ ও আনারস্ একটিও নাই; কয়েকটি কাগজি নেবু মাত্র গড়াগড়ি যাইতেছে। আমরা চিন্তিত হওয়ায়, তিনি অভয় দিয়া বলিলেন,—‘আমার ফল ত সবই মজদুত আছে, সিঙ্গাপুর পৰ্বন্ত খুব চলে যাবে।’ শুনিয়া আমরা আশ্বস্ত হইলাম। উমেদার যুবকদ্বয়ের

অন্যতম ছিল পাঁচু, তাহার সম্মুখের দন্তগুদিল কিছু বড় ছিল এবং সে সর্বদাই হাসিত। চাটুয্যের অভয়বাণী শুনিয়া সে, সব দাঁতগুদিল অনাবৃত করতঃ খক্ খক্ করিয়া হাসিতে লাগিল। হাসির কারণ কিছু বদ্বিলাম না ; চাটুয্যেও না বদ্বিলাম একটু হাসিল মাত্র। তবে, ইতিমধ্যে যদুবকঙ্কয়ের সহিত চাটুয্যের প্রণয়টা কিছু গাঢ়তর বোধ হইতেছিল : ভাবিলাম—এ-সব হাসি, সেই হিসাবেরই অন্তর্গত হইবে।

[ ৪ ]

পরিবর্তনই প্রকৃতির ধর্ম ; আবার জলের রং ফিরিল। নয়নরঞ্জন নবদুবাদলশ্যামবর্ণ দেখা দিল ; জলরাশি অপেক্ষাকৃত শান্তমূর্তি ধরিল ; বশিষ্ঠের নিকট বিশ্বামিত্র যেন পরাস্ত হইয়া সরিয়া পড়িলেন।

অভাব ও অপ্ৰাচুর্যই সকল বস্তুর মূল্য বাড়ায়। আজ কয়দিন জল ভিন্ন কিছুই দৃষ্টিগোচর হয় নাই ; আকাশও তাহার অসীম শূন্যমধ্যে মেঘ ও বায়ু ভিন্ন কাহাকেও প্রবেশাধিকার দেয় নাই। আজ সহসা একটি পাখী দেখা দেওয়ায়, জাহাজ-শুদ্ধ লোক তাহা দেখিতে বালকের মত উপরের ডেকে ছুটিল। এই কয়দিন মধ্যে পাখীটাও দুলভ বস্তু হইয়া দাঁড়াইয়াছে।

শূন্যলাল সিঙ্গাপুর সন্নিবৃত। একটা আশ্বাসের নিশ্বাস পড়িল। দেখিতে দেখিতে জাহাজখানি যেন পাঠশালায় পরিণত হইল। রকমারি কাগজ, দোয়াত, কলম, ফাউণ্টেন-পেন্ ট্রস্ক হইতে বাহিরে আসিয়া বাঁচিল। সকলেই পত্র লিখিবার জন্য ব্যস্ত হইয়া পড়িলেন ; কারণ সিঙ্গাপুরে পেঁঁছিয়াই পোস্ট করিতে হইবে ;—সূর্যমুখীর মাথার দিব্যাটা এই-ভাবেই ছিল। কেহ কেবিনে, কেহ ডেকে, কেহ চেয়ারে, কেহ বেঞ্চে বসিয়া গেলেন। এরূপ নাটকোচিত ক্ষেত্র পাইয়া, অনেকেই মনে মনে অনেক রকম ভাব ভাঁজিয়াছিলেন। কেহ বা একটি মাত্র বিরহ চ্যাপ্টারের চপেটাঘাতে, 'উদ্ভাস্ত-প্রেম'কে চাটুয্যে মহাশয়ের দোকান হইতে মশলার দোকানে নিবাসিত করিবার চেষ্টায় ছিলেন, কিন্তু বিধাতার বোয়াদুবী কাহাকেও বড় একটা অগ্রসর হইতে দেয় নাই। হঠাৎ একটা জোর হাওয়া, জাহাজের গায়ে ও ভাবের ঘরে, ভীষণ ধাক্কা দেওয়ায় অনেকেরই ইচ্ছা অপূর্ণ রহিয়া গেল। পত্র শেষ হইল বটে, কিন্তু অত নড়াচড়ার মধ্যে ভাবটা জমিল না—দিশ্বে পড়ে গেল !

বেলা ৮টা হইতে সন্দের দিগন্তে পর্বতমালা দেখা দিল। তাহারাই আমাদের

দৃষ্টিকেন্দ্র হইয়া ক্রমশঃ সন্নিকট হইতে লাগিল। জাহাজ এখন যেন ‘শ্যাম-সায়রে’ চলিয়াছে ; জলের সে দূরন্ত ভাব নাই, জাহাজেরও গতি মন্থর। তখন ‘কূল’ বলিয়া যে একটা কিছ্র আছে তাহা বঙ্গদেশ ও ‘দেবীবরের’ পেঁতে ছাড়িয়া, আমাদের দূই পার্শ্বে আসিয়া উপস্থিত। সকলেরই বদনে যেন—‘আঃ বাঁচলাম,’ এই ভাবটি সুস্পষ্টভাবে প্রকাশ পাইল ; ‘দ্রাহি দ্রাহি’ ভাবটা তফাতে গিয়া দাঁড়াইল।

বোসজা ছিলেন আমাদের বড়বাবু। তাঁহার সঁহিত আমার এই প্রথম সাক্ষাৎ। তিনি খুব কাজের লোক, বুদ্ধিমান ও মিশুক মানুষ বলিয়া শোনা মাত্র ছিল। আমাকে ‘আপনি আপনি’ বলিয়াই কথা কহিতেন। তিনি বলিলেন, ‘কেদারবাবু, সিন্ধাপুর ত সন্নিকট ; একবার ভাঁড়ারটার যদি খোঁজ নেন ; সঙ্গে কিছ্র ফলের ব্যবস্থা ত থাকা চাই ? অবস্থা বুঝে শূয়াড’কে অর্ডার দি।’ (শূয়াড’ই যাত্রীদের আহাৰ্য্য যোগাইয়া থাকেন, এবং সে জন্য কোম্পানীর কাছে নির্দিষ্ট হারে মূল্য পান। অনুরোধ করিলে ও মূল্য দিলে আবশ্যক মত অতিরিক্ত দ্রব্যাদি আনাইয়াও দেন।) বোসজাকে বলিলাম—‘চাটুয্যে বলেচে, তার সব মালই মজুদ, সামান্য কিছ্র অর্ডার দিতে পারেন।’ তিনি হাসিয়া বলিলেন, ‘বাঁড়ুয্যেদের সহজ-বিশ্বাসী বলে একটা সন্ধান আছে বটে, তার আনন্দ তাঁরা নিজেরাই উপভোগ করুন,—তাতে কারুর আপত্তি নেই,—আর পাঁচজনকে জড়াবেন না প্রভু !’ আমি চাটুয্যের আশ্বাসবাণী অবিশ্বাস করিবার কোন কারণ না পাইয়া বলিলাম,—‘কেন বলুন দিকি, সে কি মিছে কথা কয়েছে ?’ বোসজা বলিলেন,—‘আমি তা’ বলিচনা, তবে চাটুয্যে যে কাবুলী-মেওয়া আনেন সেটা বোধ হয় অনুমান ক’রে নেওয়া কঠিন নয় ; সুতরাং সে ফলগ্ৰূহী সাপ্তাহিক কাল সজীব না থাকাই সম্ভব।’

এই সময়, মলিন ও ছিন্ন একখন্ড লাল পাছাপেড়ে কাপড়ে বাঁধা একটা মোট হস্তে, চাটুয্যেকে অস্বাভাবিক চালে আসিতে দেখিয়া, আমাদের কথাটা থামিয়া গেল। চাটুয্যে আসিয়াই সজোরে সেই মোটটা ঝপ করিয়া বোসজার সম্মুখে ফেলায়, ভক্ করিয়া একটা তীব্র দুর্গন্ধ, সকলের নাসিকাকেই কুণ্ঠিত করিয়া দিল। বোসজা ব্যস্তভাবে নাকে কাপড় দিয়া বলিলেন, ‘ব্যাপার কি ?’ চাটুয্যে সরোষে বলিল—‘ঐ চারপেয়েদের আবার চাকরি হবে ? কি সর্বনাশটা করেছে দেখুন,—এক টুকরি ফলের মধ্যে এই রেখেছে !’ সকলে নাকে কাপড় দিয়া ঝঙ্কিয়া দেখি,—একটি তাল, দুটি অধঃপক্ক কাঁচকলা, গন্ডাকয়েক কাঁচা লক্ষা (অধুনা চেনা কঠিন), কতকগুলি কাঁটালবীঁচ ও কাঁটালের পরিত্যক্তাংশ, আর দীর্ঘ-প্রস্থে অঙ্গুলি পরিমাণ ছয়-সাতটি শিকড়। পরে শূনিলাম, পূর্বাশ্রমে ও পূর্বাবস্থায়, তাঁহারা ছিলেন ‘মূলো’ ! দেখিয়া

সকলেই অবাক্। উদ্ভেদ' রুগট কালকেতু সদৃশ চাটুষ্যে, নিয়ে এই দৃশ্য, এতদুভয়ের মধ্যে হাসিটা কেবল সকলের কণ্ঠের কাছে হোঁচট্ খাইতে লাগিল। বোসজা বেসামাল হইবার ভয়ে, গাভীষ' রক্ষার্থে, খুব ছোট্ট কথা খুঁজিয়া বলিলেন—‘আর কিছ্ ছিল?’ চাটুষ্যে বলিল, ‘তার কি চিহ্ন রেখেচে মশাই—চেটে খেয়েছে।’ ফলের চেহারা দেখিয়া সকলে নিবাক হইয়া ত ছিলই, কিন্তু এই পর্যন্ত শুনিয়া মজুমদার ভায়া আর থাকিতে না পারিয়া—‘ওরে বাবারে, সে আবার কি ফলরে বাবা’, বলিয়া বেধড়ক্ হাসিতে হাসিতে কুস্জাকারে ছুটিয়া অপর একখানি বেগে গিয়া বসিয়া হাসির ধাক্কা সামলাইতে লাগিল। চেটে খাবার ফলটা যে কি, সত্যি তাহা কেহ অনুমান করিতে পারিতোঁছিল না। মজুমদারের উপর একটি কঠিন কটাক্ষপাত করিয়া, চাটুষ্যেই বলিল—‘তিন্-ভিন্‌পো গুড়ের এক গুঁড়োও রাখেনি! কত বড় অন্যায়! মশাই—প্রথম গাছের ফল, সেই নধর শশাটি, সে আমাকেই খেতে ব’লে দিয়েছিল, বোকোসেরা—’ এইখানে বাধা দিয়া মজুমদার চাঁৎকার করিয়া হাসি ও কান্নার সুরে—‘মেরে ফেল্লেরে বাবা,—পারে আর পেঁছাতে দিলে নারে বাবা’ বলিতে বলিতে আবার একছুটে তৃতীয় বোঁগেতে গিয়া শুনইয়া ধাঁকিতে লাগিল। বোসজা রাগের ভাগ করিয়া বলিলেন—‘বড় ছেলে মানু'ষ ত’। আমার ‘বফার স্টেটের’ (Buffer-state-এর) মত অবস্থা দাঁড়াইল; না হাসিতে পারি—কারণ চাটুষ্যের কাছে আমার একটু বেশী সন্মান ছিল, পাছে খেলো হইয়া পড়ি; অথচ সে-আসরে হাসি চাপাও মস্ত বীরের কাজ। ভগবান রক্ষা করিলেন, একটা দমকা হাওয়ায় একজন ফিরিস্গির চ্যাটায়ের টুপিটা উড়িয়া যাওয়ায়, তাহার পশ্চাতে আমার হাসিটাকে বেদম্ দৌড় করাইয়া দিয়া, সে-যাত্রা মান ও প্রাণ দুই-ই রক্ষা করিলাম। বোসজা বদ্বিধিতে পারিয়া সহাস্যে বলিলেন, ‘ও টুপিটার দাম কম নয় কেন্দারবাবু!’

চাটুষ্যে ছাড়িবার পাত্র নয়, সে বলিল—‘আপনাকে এর বিচার করতেই হবে বড়বাবু।’ বোসজা বলিলেন—‘নাঃ—এ বড় অন্যায় কথা, এ-সব চেপে যাওয়া চলে না। আজ ফল গেল, কাল ষট্‌টে-বাট্‌টে যেতে পারে, গরু-বাছুর থাকলে স্বাস্থ্য থাকত না। সিঙ্গাপুর দেখা যাচ্ছে, এখন সকলের মন ঐদিকেই থাকবে। তুমি নাও ত? ফিরে এসে এই নিয়ে পড়া যাবে, আমি ছাড়িচি না।’ চাটুষ্যে ঝুঁড়ি লইয়া চলিয়া গেল। আমরা নাকের কাপড় খুলিয়া ও সঞ্চিত হাসিটা যথাসাধ্য শেষ করিয়া বাঁচিলাম। মজুমদার তখনো প্রকৃতিল্প হয় নাই, সে ছুটিয়া আসিয়া বলিল—‘ফলের বহরটা দেখলেন ত—লক্ষা মূলো গুড়! ওরে বাবারে—সাক্ষাৎ ফলহীরার আবির্ভাব!’ এ-সম্বন্ধে একটি ঘটনা উল্লেখযোগ্য, এই প্রহসনের স্বন পরিপূর্ণ

পরিণত অবস্থা, তখন আমাদের ট্রিগনোমোর্ট্রি-দত্ত মহাশয় সেখানে উপস্থিত ছিলেন। কিন্তু এতটা হাসির হল্পার মধ্যে, তাঁহার বদনের কোন অংশে এতটুকু হাসির রেখা কেহ আবিষ্কার করিতে পারে নাই। চলন্ত গাছ-পাথরের মত তিনি একটু তফাতে নড়িয়া গেলেন মাত্র।

জগতের সুন্দর ও সুবিখ্যাত বন্দরগুলির মধ্যে সিঙ্গাপুর বন্দরটি অন্যতম। বন্দরটির উভয় তীরে ক্ষুদ্র ক্ষুদ্র পর্বতমালা ও বিবিধ বৃক্ষরাজি-পরিশোভিত ভূখণ্ড, মধ্যে মধ্যে হিরণ্যর্ণ ক্ষেত্র, স্থানে স্থানে উপবন-বোঁচট কুটির, নিম্নে নীলবর্ণ সমুদ্র,— বন্দরটিকে অতি নয়নারাম করিয়া রাখিয়াছে। অধিত্যাকাভূমিতে সুন্দর সুন্দর ক্ষেত্র ও ফুল-ফল-পরিশোভিত উদ্যান, এবং নানা জাতীয় সুদৃশ্য পক্ষীসকলের কলকণ্ঠ দূরদেশাগত দর্শক মাত্রকেই আকৃষ্ট ও মুগ্ধ করিয়া থাকে।

নানা বর্ণের ও নব নব গঠনের জাহাজ, স্টিমার, লঞ্চ ও নৌকা, ভিন্ন ভিন্ন পতাকায় পরিশোভিত হইয়া বন্দরটির দুই কূলের শোভা বর্ধন করিতেছে। একটু গভীর জলে বিভিন্ন জাতীয় রণতরীসকল, আপন আপন গৌরব ও গাভীৰ্য্যভারে স্থির রহিয়াছে। যেন একটি আর একটির গতিবিধি লক্ষ্য করিতেছে এবং প্রত্যেকে প্রত্যেকটিকে যেন অবহেলার চক্ষে দেখিতেছে। সমরপোতগুলি স্বেতবর্ণের; দূর হইতে বিপক্ষের দৃষ্টি এড়ানই বোধ হয় এই স্বেত পরিকল্পনার উদ্দেশ্য। যাহা হউক, রংটা কৃষ্ণ বা লোহিত বর্ণ হইলে, সাক্ষাৎ যম বা ছিন্নমস্তার প্রতিকৃতি বলিয়া ভ্রম হইত। তাহারা যেন এক একটি অভেদ্য অগ্নিগর্ভ লৌহ-প্রাসাদ;—দিবারাত্র সসজ্জ ও প্রস্তুত থাকিয়া তর্জন গর্জন সহ ধূম উল্লিঙ্গণ করিতেছে। প্রত্যেকটিই যেন আকারে ইঙ্গিতে প্রকাশ করিতেছে;—

‘কেশরীর রাজপদ কার সাধ্য বাঁধে বিতংসে।’

—আপসোস, সেখানে অতিবিজ্ঞ বা বুদ্ধিমানদের ব্যবস্থা চলে না; চলিলে অকাজে এই লক্ষ লক্ষ টন কয়লা এরূপ বৃথা পুড়িতে পাইত না। ‘কাজের সময় আগুন দিলেই হবে’ নীতিটা এখানে একদম্ অগ্রাহ্য।

এইবার সিঙ্গাপুর দেখিতে যাইবার ছাড় পাইবার জন্য সকলেই ব্যস্ত হইয়া উঠিলেন। অবশেষে প্রথম ও দ্বিতীয় শ্রেণীর যাত্রীগণ দুই ঘণ্টার ছাড় পাইলেন; কারণ জাহাজ বেশীক্ষণ দাঁড়াইবে না, কয়লা লইয়া সেইদিনই আবার গন্তব্য পথাভিমুখী হইবে। তখন সযত্ন-রক্ষিত মহামূল্য পত্রগুলি লইয়া জাহাজ ছাড়িয়া ডিস্কিতে উঠা গেল। ডিস্কিগুলির উত্তর দক্ষিণে ‘কিণ্ডং চাপা।’ বাল্যকালে পৃথিবী সম্বন্ধেও এই কথা পড়িয়াছিলাম। দেখিলাম, কম্পনাটা এক্ষেত্রেও অসংলগ্ন হয়।

নাই ; কারণ, এই ডিস্কিগর্দলি এক একটি ক্ষুদ্র জগৎ বলিলেই হয়। ডিস্কির স্বত্বাধিকারীদের জন্ম, কর্ম, বিবাহ, মৃত্যু এই ডিস্কির মধ্যেই হইয়া থাকে। সেই তাহাদের গৃহ, সেই তাহাদের সংসার ও কার্যক্ষেত্র, তাহাতেই রন্ধন, তাহাতেই শয়ন। গৃহিণী কোলের ছেলেটিকে পিঠে বাঁধিয়া হাল ধরিয়াছে, স্বামী ও পুত্র-কন্যারা দাঁড় টানিতেছে। স্বামীলোকের হাতে হাল দেখিয়া, তাহাতে আত্মসমর্পণ করিতে একবার একটু ইতস্ততঃ ভাব যে আসে নাই এমন নহে।

ডিস্কির ভিতর আটজন আরোহী বেষ্টীতে বসার ন্যায় পা বদলাইয়া বেশ বসিতে পারেন। আমরা ততটা ভরসা না করিয়া চারজনে একখানি ডিস্কি দখল করিলাম, এবং কদ্রীকে বদ্বাইয়া দিলাম যে, আমরা আটজনের পয়সা দিব। ডিস্কি পালভরে চলিল। ডিস্কিওয়ালী সহাস্যমুখে আমাদের বলিল—‘ভয় পাইও না, নড়িও না।’ আমাদের হিসাবে ভয়ের যথেষ্ট কারণ থাকিলেও, ভয়ের জাতের ভয় বাক্যে নির্ভর করা ভিন্ন তখন আর অন্য উপায় ছিল না।

ডিস্কির পালখানি নৌকার পরিমাণে ও আমাদের দেশের পালের তুলনায় অনেক বড় ; এমন কি আমাদের দেশের মাঝরা ইহা অপেক্ষা দ্বিগুণ বড় নৌকাতেও এত বড় পাল সংযত করিতে ও সামলাইতে পারে না। বাংলাদেশে জোর হাওয়ায়, পালতোলা নৌকা বড়ই ভয়ের বস্তু। একটু বেশী হাওয়া লাগিলে, মাঝি পর্যন্ত ব্যস্ত হইয়া পড়ে, এবং আরোহীদের প্রাণ শূকাইয়া যায়, নিঃশ্বাস মূল্যধারে গিয়া আশ্রয় লয়। পালের দাঁড় ছিঁড়িলে পুরোহিত সূক্ষ্ম নিরঞ্জন। সে অবস্থায় পালখানি নামাইতে বা ‘মারিতে’ দুইজন বলবান লোকের আবশ্যিক। ‘এখানে কিন্তু খুব সামান্য ও সহজ উপায় বর্তমান ; হাওয়ার বেগ বন্ধিয়া প্রয়োজন মত পালের সঙ্কেচ ও বিস্তার করা চলে। পালের দাঁড়িগাছটি কর্ণধার-রূপিণী কদ্রীর হাতেই থাকে, তিনি বায়ুর ন্যূনাধিক্য অনুসারে, পাল কমান্ বা বাড়ান্। একটু বেশী হাওয়া সংগ্রহ করিবার বা আটকাইবার ইচ্ছা করিলে, যতটুকু আবশ্যিক পালখানি বাড়াইয়া দেন। অনেকটা রঙ্গমঞ্চের পটের হিসাব, কিন্তু তাহা অপেক্ষা অনেক সহজ ও সামান্য উপায়ে এ কার্য সাধিত হয়। পালগর্দলি প্রায়ই চেটায়ের বা মাদুরের। এমনভাবে বোনা যে চট্ বলিয়া ভ্রম হয় ; অথচ তাহা বেশ কার্যোপযোগী ও সস্তা।

ডিজি ডাঙ্গা স্পর্শ করিতে না করিতে, সকলে লক্ষ্য দিয়া ভূমি স্পর্শ করিয়া বাঁচিলাম ; কারণ 'সপ্ত দিবা বিভাবরী' ভূমির দর্শন বা স্পর্শন ঘটে নাই। তদন্ত্র, এই লক্ষ্যটা অনেক দিক রক্ষা করিল ; সাগর-পারের সনাতন নিয়মটা এইভাবে রক্ষা হইয়া গেল ; বোধ হয় এতদ্বারা সাগর-পারের দেবতাদেরও সম্মান বজায় রহিল। আমাদের নামিতে দেখিয়া ঘোড়ার গাড়ী ও রিক্সাবাহকের হুড়াহুড়ি পড়িয়া গেল। রিক্সাগুলি বগিগাড়ীর 'বাবালোগ্' বা বাচ্চা বলিলেও চলে। রিক্সা কথাটার ব্যাখ্যা আজ অনাবশ্যক, এখন তাহাদের কলিকাতার পথে-ঘাটে পা ছড়াইয়া থাকিতে নিতাই দেখা যায়। আমরা একখানি ঘোড়ার গাড়ীতে উঠিয়া, গাড়োয়ানকে হুকুম করিলাম—'পোস্টঅফিস' ; কারণ জাহাজে-লেখা পত্রগুলির মধ্যে 'সাতশো রাক্ষসীর প্রাণ' রহিয়াছে ; অন্ততঃ সকলের ইহাই ধারণা।

দেখি, সিঙ্গাপুরের পথগুলি প্রশস্ত, পরিষ্কার ও পাকা। দুই পার্শ্বে সুদৃশ্য উদ্যান এবং তন্মধ্যে ক্ষুদ্র ক্ষুদ্র উচ্চভূমি বা পর্বতখণ্ডের উপর, অতি সৌখীনভাবে নির্মিত বাংলো ( Bungalow ) ধরনের বাড়ী। কোনটি নীল, কোনটি হলদে, কোনটি সবুজ এবং কোনটি বা গোলাপী,—যেন ছবিগুলি। দেখিতে দেখিতে ডাকঘরে পৌঁছিলাম। ডাকঘরটি ছোট অথচ বেশ সুন্দর ও পরিষ্কার। কর্মচারিগণ অধিকাংশই সাদাই-যুবক। যিনি আমাদের পত্রগুলি লইলেন, তিনি ইংরাজি বোঝেন ও ইংরাজিতে কথাবার্তা কহিতে পারেন। টিকিট কিনিবার জন্য টাকা বাহির করিয়া ফ্যাসাদে পড়িলাম ; আমাদের টাকা এখানে অচল ! এত সাধের চিঠিগুলি চড়ায় ঠেকিল। সৌভাগ্যক্রমে সকল বাঙ্গালীই আমার মত বুদ্ধি ও দূরদর্শিতা লইয়া ঘরের বাহির হয়েন নাই। কেহ কেহ জাহাজের কর্মচারীগণের নিকট হইতে পূর্বাঙ্কেই টাকা বদলাইয়া ডলার ও সেন্ট সংগ্রহ করিয়াছিলেন, তাহাদেরই সাহায্যে আমার মত বুদ্ধিমানের কিনারা হইল।

এইবার নিশ্চিন্ত হইয়া সিঙ্গাপুর সহর ভ্রমণে বাহির হওয়া গেল। গাড়োয়ানকে হুকুম করা গেল 'মার্কেট'। সুদৃশ্য উদ্যান, হর্ম্য, কলকারখানা দেখিতে দেখিতে বাজারে উপস্থিত হইলাম। প্রায় এক বিঘা জমির উপর পাকা নাটমন্দির সদৃশ ইমারৎ—মাঝে মাঝে থাম দেওয়া। আমরা বাঙ্গালী—শাক-সব্জী ও মাছ খাইয়াই মান্দুষ, সুতরাং সব্জী-বাজারেই প্রবেশ করা গেল। দেখিলাম—নটে, পালম্, কল্মী পর্যন্ত বর্তমান। সুশুনী শাকটা বোধ করি বঙ্গদেশে ঘাঁহারা কোমর-ভাঙ্গা পড়া পড়িয়া,



বিশ্ব-বিদ্যালয়ের গুরুপাক উপাধিগ্ৰহণ গ্রাস করতঃ এখন অজীর্ণ-জন্য ধোয়ামুগ ও জলসাগর আশ্রয় লইয়াও অনিদ্রার অশান্তি এড়াইতে পারিতেছেন না, তাঁহাদেরই জন্য পরিত্যক্ত হইয়াছে। যে কারণেই হউক, সদৃশনারী সাক্ষাৎ পাইলাম না। পুঁই শাকটাও বোধ হয় বঙ্গদেশের একচেটে ঐশ্বর্য, নচেৎ একাক্ষবতী পরিবার প্রতিপালন দুঃসাধ্য হইত। বেগুনের বাড়ি বিষম। মূলো অপেক্ষাকৃত বেঁটে, কিন্তু খর্বতাটুকু পরিধিতেই পূরণ করিয়া লইয়াছে। আলু, রাঙাআলু, কর্ণি, কচু, কিছুরই অনটন নাই। ওল এখন সাঁতরাগাছির উপর সদয়; তিনি গৌরবর্ণ ধারণ করিয়া জেস্টলম্যান হইয়াছেন। গাড়ী করিয়া কলিকাতায় আসেন, আর কোস্ট-কাঠিন বাবুদের রুমালে বা গ্লাডস্টোন ব্যাগে স্থান পান; তাই এ-সব অঞ্চলে বড় একটা নজর রাখেন।

ফলের বাজারে চাহিলে চক্ষু জুড়ায়। একা আনারসই যেন কিংখাপের আবরণে চারিদিক আলো করিয়া রাখিয়াছে; তাহাদের মিস্টগন্ধে বাজার ভরপুর। যেমনি সরস তেমনি সুমিষ্ট, কেহ কণামাত্র চিনির মুখাপেক্ষী নহে। সিঙ্গাপুরী কলা ও নারিকেল সুপ্রসিদ্ধ। শ্রদ্ধা সহকারে কিঞ্চিৎ কলা সংগ্রহ করা গেল; কারণ, নিরাপদে সমুদ্র পার হইবার পক্ষে, উহাই ত্রেতাযুগের ছাড়পত্র। সিঙ্গাপুরের শশাগুলি কিঞ্চিৎ কৃশ, কিন্তু দৈর্ঘ্যে তাহা পূরণ হইয়াছে। চাটুয্যের মামলা বদলিতেছে, তাহার শাস্তির জন্য কয়েকটি মূলো ও ক-জোড়া শশা লওয়া হইল। ইক্ষুদন্ডগুলি কচি বাঁশ বলিলে চলে। লেবু প্রভৃতি অন্যান্য ফলের বিশেষ উল্লেখ অনাবশ্যক। বাজারে ডাব দেখিতে না পাইয়া বড়ই দমিয়া গেলাম, কিন্তু আশা ত্যাগ করিলাম না।

মাংসের বাজারটা দ্রুতপদেই অতিক্রম করিতে হইল; কারণ, মাংসটা সেখানে মাংস ভিন্ন আর কিছু নয়, গো-মাংস, শূকর-মাংস, ভেড়ার মাংস বেশ সম্ভাবে পাশাপাশি অবস্থান করিতেছে। মৎস্যের বাজারে প্রবেশ করা গেল। মৎস্য দেখিয়া যাহাঁর না আনন্দ ও লোভ হইয়াছিল, তিনি বাঙ্গালীই নন। ঘুশো-চিংড়ি হইতে আরম্ভ করিয়া রই, মির্গেল, কালবোস, ভেটকি সকলেই উপস্থিত। এত বড় পায়রাচাঁদা পূর্বে কখনও দেখি নাই, ওজনে এক একটি দেড় সের হইবে। ভেটকিগুলি একাধা বৎসরের শিশু অবলীলাক্রমে গ্রাস করিতে পারে। শঙ্কর মাছ যথেষ্ট, তদ্ব্যতীত অজ্ঞাতনামা মৎস্য যে কত প্রকারের দেখিলাম, তাহা বর্ণনা করা অপেক্ষা ফটো দ্বারা অধিক পরিষ্ফুট করা চলে। ডিঃ গদুপ্ত মহাশয়ের জীবিত মৎস্যের ঝোলের ব্যবস্থাটা এইখানেই তামিল হওয়া সহজ, কিন্তু একটিও পীলে-রোগী দেখিলাম না। ইলিস প্রচুর। লাল রংয়ের মাছ আমাদের দেশের সৌখীন বড়-লোকদের একটা ঐশ্বর্যের মধ্যে গণ্য। কেহ বোতলে, কেহ চোঁবাচ্চার রাখিয়া নয়ন ও মন তৃপ্ত করেন। সেগুন্ডিলির মধ্যে যাহারা খুব বড়,

তাহারা আধ-পোয়ার মধ্যে । এখানে আধ-পো হইতে আরম্ভ করিয়া, তিন চারি সের পর্যন্ত, লাল ও সবুজ বর্ণের মাছ দেখিলাম ; এক আখটি নয়, শুধুপাকার ! প্রথম দর্শনে তাহাদের প্রকৃত বলিয়া কেহই বিশ্বাস করিতে পারি নাই। ভাবিয়াছিলাম ক্রেতাদের দৃষ্টি আকর্ষণ করিবার জন্য রং মাখাইয়া রাখিয়াছে। পরে পরীক্ষা করিয়া দেখা গেল, সত্য সত্যই তাহাদের রংই ঐ। এইবার ককটের কাহিনী ; তাহাদের সংখ্যাতীত সমাবেশ দেখিয়া আশ্চর্য হইতে হয়। এক-একটি আধসের তিনপো, শ্বেত ও ধূসর বর্ণের উপর নীলের চিত্র, নীল বর্ণের উপর শ্বেত ও লোহিত বর্ণের চিত্র অতি মনোহর। তাহারা অযোধ্যার রাজসিংহাসন পাইবার উপযুক্ত কি না জানি না, তবে বরুণরাজের বালাখানার বস্তু বটে। সন্টকি মাছের বাজার বিশেষ উল্লেখযোগ্য হইলেও, পাঠকের নাড়ী কয়টা স্থানচ্যুত হইবার আশঙ্কায় পরিত্যক্ত হইল। পরে ডিম্ব ও পক্ষিবিশেষের বাজার পার হইয়া দেখি, একদিকে রন্ধন কার্য চলিয়াছে ও দলে দলে শ্রমজীবীরা আসিয়া, সেই অর্ধ-পক্ক খাদ্য, এক একটি চীনেমাটির বাটিতে করিয়া, দুইটি কাঠির সাহায্যে অতি উপাদেয় জ্ঞানে ভক্ষণ করিতেছে। তন্মধ্যে শাক-সব্জী, মৎস্য-মাংস, একাধারে সবই বর্তমান। জাতিভেদের জয়ঢাক এখানে একদম নীরব।

ইতিমধ্যে ইলিস, বাটা ও গল্‌দাচিংড়ি খরিদ হইয়াছিল, তাহা ও সামান্য শাক-সব্জী এবং গোটাকয়েক আনারস লইয়া গাড়ীতে ওঠা গেল। পান ও ডাব কিনিবার ইচ্ছা প্রবল থাকায়, একটি ষ্টিভাষীকে সঙ্গে লইয়া সহরের মধ্যে প্রবেশ করিলাম। সহরের পথের দুইধারে সমরেখায় সারবন্দী, বড়লোকদের ও সওদাগরদের বাটীর সম্মুখভাগ রঙিন কাগজ, জগ্‌জগা ও সোনালীর ফল ফুল পতাকা ও আলোপনে স্বত্বাধিকারীর রুচি ও অবস্থা জ্ঞাপন করিতেছে। সাইনবোর্ডগুলি সোনার জলে লেখা।

অনেক ভারতবাসী এখানে আসিয়া ব্যবসা-বাণিজ্য করিতেছেন। তন্মধ্যে নাকোদার এবং বোম্বাই ও গুজরাট অঞ্চলের শেঠ ও মুসলমানের সংখ্যাই অধিক। এখানকার সাধারণ সম্প্রদায় ও মুটে-মজুরগণ, আকার প্রকার ও বর্ণে অনেকটা ব্রহ্মদেশবাসীদেরই মত। বড় লোক সর্বত্রই স্বতন্ত্র জীব।

আমাদের দেশে পাঠশালার গুরুমহাশয়েরাই বেতের বাগানের মালিক ; তাহাদেরই কৃপায় আমাদের এই ধারণা ছিল, তাহার প্রমাণ খন্ডিজিতে অপরের পৃষ্ঠে হাত বুলাইতে হইত না। কিন্তু এখানে বেতের ব্যাপার দেখিয়া ভগবানকে ধন্যবাদ দিলাম যে, এখানকার পাঠশালে পড়িতে হয় নাই ! যাহা হউক এখানে বেতের শিল্পকার্য দেখিয়া

আশ্চর্য হইতে হয়। বেতের টেবিল, চেয়ার, কৌচ, টুপি, ট্রস্ক, বিবিধ প্রকারের আধার—টুল, বেণি, আলমারি, সবই বেতের। তাহাদের সুক্ষ্ম-শিল্প-সৌন্দর্য বিশেষভাবে উল্লেখযোগ্য। তদ্ব্যতীত এক এক পাব 'ম্যালাক্স কেনের' সুগঠিত ছাড়ি ও চাবুক সৌখীন সম্প্রদায়মাত্রেরই সোহাগের বস্তু।

একস্থানে ডাব দেখিতে পাইয়া গাড়ী থামান গেল। আমরাই উপর খরিদের ভার পড়িল। ইতিপূর্বে কখনও একত্র থাকার সুযোগ ( বা কুযোগ ) না ঘটায়, সহচরগণ এমন ভুলটা করিয়া ফেলিলেন। একে ব্রাহ্মণ-সন্তান, তাহাতে সময়টা মধ্যাহ্ন, রৌদ্রটাও খুব প্রচণ্ড থাকায় পিপাসাটাও দস্তুর মত প্রবল দাঁড়াইয়াছিল, কাজেই দর-দস্তুর না করিয়াই দুইটা ডাবের মুখ কাটাইয়া ফেলিলাম। আশ্চর্যের বিষয়—দুইটা ডাবের জল নিঃশেষ করিতে আমরা চারিজন জখম্ হইয়া পড়িলাম। জলের মিশ্রতা পাইয়া নেয়ার উপর লোভ পড়িল, তাহাও অতি প্রীতির সহিত ভক্ষণ করা গেল। পান ও ভক্ষণান্তে, সে দুর্লভ বস্তুর দর-দস্তুর করা ভদ্রোচিত হয় না। একটি কাঁদিতে পাঁচটি ডাব ছিল, তাহাও গাড়ীতে তুলিয়া লওয়া গেল, এবং তাহারা যে মূল্য চাহিল, তাহাই দেওয়া হইল; এক একটি ডাব প্রায় ছয় পয়সা করিয়া পড়িল। বোসজা বলিলেন, 'দর করলে বোধ হয় চার পয়সা করে পেতেন।' আমি বলিলাম—'দোহাই মশায়, ঐ 'বোধহয়টার' কুহকে পড়বেন না, ওটা চিরকালই লোকের শান্তিভঙ্গ করে আসছে।' পরে পান, সুপারি চুগ ও খয়ের খরিদ হইল। পানগুলি কপূরী পান, খয়ের খুব খাস্তা—একটু টিঁপলেই ময়দার মত হইয়া যায়।

আর বিলম্ব করা যায় না, নির্দিষ্ট সময় সন্মিকট হইয়া আসিয়াছে, সুতরাং জাহাজে ফেরা গেল। স্টুয়ার্ডকে ফল আনিবার ফর্দ দেওয়া হইয়াছিল; তিনি প্রচুর ডাব, আনারস, কলা, নেবু প্রভৃতি আনিয়া হাজির করিলেন; জাহাজও ছাড়িল।

[ ৬ ]

আবার সেই অসীম অনন্ত অতলস্পর্শ সিদ্ধ। সমুদ্রবক্ষে জাহাজের অবিরাম গতি আবার আরম্ভ হইল। জলের উপর থাকিয়া জলের কথা লিখিবার অনেক থাকিলেও, তাহা কোন পক্ষেরই স্বাস্থ্যকর নহে; সুতরাং দু'একটা অন্য প্রসঙ্গে হংকং পৌঁছিবার চেষ্টা করাই ভাল।

জাহাজ সিঙ্গাপুর পৌঁছিবার কিছু পূর্বে বোসজা মহাশয়, সঙ্গী যুবকদ্বয়কে

ডাকিয়া, চাটুয্যের শশা-চুরির ইতিহাসটা সবিস্তারে শুনতে চান। তাহাতে দীর্ঘদন্তী পাঁচুর বা পণ্ডাননের দন্তগদূলি একেবারে বদনের বাহিরে আসিয়া উপস্থিত হয়, এবং বর্ণনার ব্যাঘাত উৎপাদন করে। সে বহু বাধা ঠেলিয়া আরম্ভ করিল—‘মশাই, উনি কোন্ দেশের লোক জানি না, মরণ-বাঁচনের পথে রাজ্যের অযাত্রা নিয়ে, আমাদের ডোবাতে এসেছিলেন।’ বোসজা বলিলেন—‘এসেছিলেন কি হে? এখনও ত রয়েছেন। আবার অযাত্রাটা কি পেলেন?’ পাঁচু উৎসাহের সহিত বলিল—‘রয়েছেন বটে, কিন্তু সে বিষ আর নেই, আমরাই সেটা সাবার করে দিয়েছি, চাকরি-বাকরি নেই, যেতে হয় আমাদের যোগ্য ভাল।’ বোসজা হাসিয়া বলিলেন,—‘একটু শীগগির সারো।’ পাঁচু বলিয়া চলিল—‘লোকটা মশাই খাঁটি aboriginal, একদম আদিম আমলের আর দস্তুরমত দাশরায়-ঘাটা;—অপচার আর অযাত্রার মধ্যেও অনুপ্রাসের ঘটা কি!’ বোসজা অধীর হইয়া বলিলেন,—‘নাঃ, তোমার কাছে শুনতে হ’লে এ-জন্মে কুলোবে না—হরিপদ, তুমিই বল।’ হরিপদ মাথা হেঁট করিয়া বলিল,—‘আজ্ঞে ও-ই সবটা জানে, আমার পাঁচ কোষেই পেটের অসুখ করেছিল।’ শুনিয়া সকলেই হাসিয়া উঠিল। মজুমদার ভায়া বলিলেন,—‘ওরে বাবা! এয়ে বোসজা মশার যাত্রার দল হয়ে দাঁড়ালো। চলতে দিন্ মশাই—বেশ চলচে।’

কোন একটা ভারি রকমের আশা ভরসা বা উৎসাহ পাইলে লোকের বুক পাঁচ হাত বাড়িয়া যাইতে শুনিয়াছি, দাঁত বাড়িয়া যাইবার কথা কুদ্রাপি শুনি নাই; এ ক্ষেত্রে একেবারে সরেজমিনে সেটার দর্শনলাভ ঘটিল, পাঁচুর দাঁত সামলান সুকঠিন হইয়া দাঁড়াইল। সে আবার আরম্ভ করিল—‘মশাই, ঝোলায় হাত দিয়ে দেখি—কলা, কাঁটাল, কাসুন্দী, ‘ক’য়ের কেয়াবাং কামিটি! বাকি ফলগদূলি ত’ দেখেছেনই! মূলো, লঙ্কা যদি ফল হয়, ত কাসুন্দীতে হবে না কেন? ফল না বলেন, ‘ফলেট’ বলতে পারেন; ওতে থাকেন—তেঁতুল, সরষে, হলুদ, সবই ত গেছো জিনিস।’ বোসজা বলিলেন,—‘বাবা ক্ষেমা দাও, আমার ঘাট হয়েছে।’ ‘সে কি মশাই’—বলিয়া পাঁচু তাড়াতাড়ি বোসজা মশায়ের চরণ স্পর্শ করিল ও বলিল,—‘মশাই, সে কি দু’কথার জিনিস, একদম মধুদন!—পেল্লায় দু’ছড়া কাঁচকলা,—যেন মালসা পোড়াতে চলেছি! একটা কেঁদো কাঁঠালের আধ-পচা আধ-খানা, একটি প্রকাণ্ড পাড় শশা, গুটিকয়েক মূলিকা (পালমের গোড়াও বলা চলে), তদুপরি গুড়, কাসুন্দী, লঙ্কা,—একেবারে জয়ডঙ্কা,—ফলের ফ্যামিলি গ্রুপ! অযাত্রাগদূলি রেখে কি স্বস্তি ছিল মশাই, আপনারা দয়া করে সঙ্গে নিয়ে চলেছেন, ও-বিপদ কি আমাদের স্কন্ধে রেখে নিশ্চিন্ত থাকতে পারি?’ মজুমদার তাহার মাথায় হাত দিয়া বলিলেন, ‘বটেই ত, বেঁচে থাক ভাই, বেশ করেছে; কেসার রচনাবলী—১ম খণ্ড

কিন্তু বেচারার সেই কচি শশাট—’ পাঁচু তাড়াতাড়ি বলিল—‘ওঃ, সে এক ভীষণ প্যাথোটিক চ্যাপটার্। একদিন চাটুয্যে-মশাই শশাট বার করে বল্লেন,—‘এটি আমাদের গাছের প্রথম ফল কি না তাই আমাকেই খেতে বলে দিয়েছেন।’ এই বলেই কাঁদ কাঁদ হয়ে পড়লেন ; সেটি নেড়ে চেড়ে আবার যথাস্থানে রেখে দিলেন। বোধ হয় গাছটির গোড়া পর্যন্ত তাঁর মনে পড়ে গিয়েছিল। আহা, দেখাতে পারলাম না, সেটি মশাই দেখবার জিনিস ছিল,—পাক্সা পাটকিলে রঙ্গের শিবলিঙ্গ বললে হয়, চন্দনের ফোঁটা টেনে প্রতিষ্ঠা করা চলত। তাই আমি মশাই তাতে ঘেঁঁশিনি, হরিপদ বামনের ছেলে—ও-ই উদরস্থ করেছে। কলকেতায় থাকলে বিচিগ্দুলো ডোন্টস্টদের কাছে দরে বিক্রি হত।’ বোসজা যেন ভীতভাবে প্রশ্ন, করিলেন—‘বিচিগ্দুলো শূদ্ধ গিলেছে নাকি?’ পাঁচু বলিল,—‘ফ্যালে কোথায় বলুন ; আসছে জন্মে আমার মত ‘খলু দস্তবস্ত’ হবেন আর কি ! তা মশাই, এ-সব কাজ ত আর ধীরে-সুস্থিরে করা চলে না,—অমন্ আমড়ার মত কাঁটাল বিচিগ্দুলোই আধাত্মাধি পেটে গেছে। সে-সব ‘ক্লিটিকেল্ মোমেন্ট্’—ভবানী-দ্রুত্‌কুটি-ভঙ্গির মত, ভুক্তভোগী ভিন্ন বদ্বতে পারবেন না।’

হাসির রোল পাড়িয়া গেল। হাসির বিরাম ত ছিলই না, তাহা তালে তালে উঠিতে নামিতোছিল,—সেটা বাদ দিয়াই লিখিতোছি। মজুমদার মৃদ্ধ হইয়া পশ্চাননের বচন-পারিপাট্য উপভোগ করিতোছিল। বোসজা বলিলেন,—‘শেষ হ’ল যে, বাঁচলুম।’ পাঁচু বলিল,—‘সে আর কতক্ষণের জন্যে মশাই ; ও নরকে-টুকরি বর্তমান থাকতে, ও-তল্লাটের কারুর কি আর বাঁচবার আশা আছে।’ বোসজা বলিলেন,—‘ঐ কথাটার জন্যেই ত ডেকেছিলুম ; তোমার ব্যাখ্যায় বেহোস ক’রে দিয়েছে। দ্যাখ—আমরা চাটুয্যেকে নিয়ে নাব্‌চি, আমাদের ফেরবার আগেই ও-বিপদটি বিসর্জন দিয়ে ফেলো।’ পাঁচু বলিল—‘তারপর উনি এসে কি আর আমাদের ডাক্সায় রাখবেন !’

বোসজা বলিলেন,—‘সেই কথাটাই ত বলিচ ; জিজ্ঞাসা করলে বোলো—জাহাজের চিফ্-সাহেব ঘুরতে ঘুরতে আমাদের মহলে ঢুকেই নাকে রুমাল দিয়ে দ্রুত্‌কুঁচকে থমকে দাঁড়ালেন, তারপর চতুর্দিকে দেখে বেড়াতে বেড়াতে টুকরির কাছে এসেই ল্যাফিয়ে উঠলেন, আর চক্ষু রক্তবর্ণ ক’রে প্রশ্ন করলেন—‘এ ডার্ট্‌ জঞ্জাল কার?’ আমি বিপদ বুঝে বল্লুম—‘হুজুর এ ত এখানে ছিল না, কে রেখে গেছে দেখছি, এ বাঙ্গালীর জিনিস হতেই পারে না।’ সাহেব তখন একজন খালাসিকে ডেকে সেটা তুলিয়ে নিয়ে গেলেন ; তারপর কি হ’ল জানি না ! যাবার সময় কেবল বললেন,—‘মুখেরা জানেনা—জাহাজে এপিডেমিক আরম্ভ হ’লে কেউ বাঁচবেনা।’ পাঁচু বলিল—

‘যে আঙ্রে, আপনি নিশ্চিন্ত থাকুন।’ আমি সাক্ষী ত’য়েরের তারিফ করিয়া বলিলাম—  
‘বোসজা মশাই, আপনি অদ্বিতীয় উকিল হ’তে পারতেন।’ তিনি হাসিয়া বলিলেন,  
—‘আমি আনন্দের পরগনার লোক হে,—সেখানকার এক একজন চাষাও বড় বড়  
ব্যারিস্টারকে বোকা বানিয়ে বিদায় দেয়।’

সকলেই এই একটানা একঘেয়ে সুদীর্ঘ সফরে একটু আমোদের কিছু পাইলে  
বাঁচে। মজুমদার ভায়া আজ পণ্ডাননকে আবিষ্কার করিয়া বড়ই আশান্বিত হইয়াছিল।  
সিন্ধাপুর দর্শনান্তে ফিরিয়া রাতে আহারাদির পর সকলে যখন উপরের ডেকে জমায়েৎ  
হওয়া গেল, সে আশা করিতেছিল, সকালের মূলতুবী মামলাটা এইবার বেশ গুলজার-  
ভাবে রুজু হইবে। কিন্তু কাহাকেও সে সম্বন্ধে উচ্চবাচ্য করিতে না দেখিয়া শেষে  
নিজেই কথাটা তুলিল,—‘এতবড় দুনিয়াটায় এতকাল বাস ক’রে যা দেখিনি, এতটুকু  
জাহাজে এই ক’টা দিন মাত্র বাস ক’রে তা দেখা গেল। উষাহরণ, সীতাহরণ, পারিজাত-  
হরণ, বন্দহরণ দেখেছি, কিন্তু বাবা শশা-হরণের সংবাদ পাইনি, সেটা এই জলে পড়ে  
পেলুম।’ চাটুয্যে তাড়াতাড়ি একটু ঘেসিয়া গিয়া, নীচু সুরে বলিল—‘সে-সব মিটে  
গেছে মশাই, ও কথা আর তুলবেন না, যেতে দিন।’ বোসজা বলিয়া উঠিলেন—‘সে  
কি, আমি যে এই গঙ্গার উপর—’ কথা শেষ করিতে না দিয়া চাটুয্যে সকাতির বিনয়ে  
তাহাকে একটু তফাতে লইয়া গিয়া, বিপদের বাতটা জানাইয়া, এ সঙ্কটে রক্ষা করিতে  
অনুরোধ করিল। বোসজা গম্ভীরভাবে সবটা শুনিয়া অভয় দিয়া বলিলেন,—‘তবে  
কি না, ঐ চিফ্ সাহেবটি সহজ লোক নহেন, বড়ই তির্যক্ষি,—তা হ’ক, অমন অনেক  
সাহেব চরিয়ে এসেছি ; তোমার কোন ভয় নেই।’ বুদ্ধিলাম ঔষধ ধরিয়াছে, পণ্ডাননের  
ফতে। মামলা মিটিয়া গেল। মজুমদার মন-মরা হইয়া শয়ন করিতে গেল, চাটুয্যে  
অনুগমন করিল। পণ্ডানন বলিল,—‘যা করেছি মশাই, কলকেতা হ’লে রোজ চপ্  
খাবার সুবিধে হ’য়ে যেত।’ বোসজা বাহবা দিয়া বলিলেন—‘আর যেন ও কথার  
উল্লেখ করা না হয়।’ এইখানেই ফল-হরণের পালা সমাপ্ত হইয়া গেল।

[ ৭ ]

জাহাজে পদার্পণ করিয়া পর্যন্ত যাহা যাহা চক্ষে পড়িয়াছে, তাহার সবগুলিই  
অজ্ঞাত-পূর্ব ও অন্ততঃ এবং বাঙ্গালী (অন্ততঃ বিশ বৎসর পূর্বের বাঙ্গালীর)  
শোণিত-শোষণক। মধ্যে মধ্যে এক একটা হাবাতে হিড়িকে হাড় হিম হইয়া যাইত।

একদিন প্রাতে ঘন ঘন ঘণ্টার ঘায়ে ঘুম ভাঙ্গিয়া গেল ; ব্যাপারটা জানিবার জন্য তাড়াতাড়ি অপার-ডেকে উঠিতে গিয়া বাধা পাইলাম ; জাহাজের একজন কর্মচারী উচ্চকণ্ঠে বলিলেন—‘যে যে-অবস্থায় যেখানে আছ, পথ ছাড়িয়া স্থির হইয়া দাঁড়াও, এদিক্ ওদিক্ করিওনা, গোলমাল না হয়।’ শুনিয়া সকলের মূখ শূন্য হইয়া গেল, কারণটা বা ঘটনাটা কি তাহা জানিবার জন্য সকলেই উৎসুক হইয়া উঠিল। দেখিতে দেখিতে টাঙ্গি, হাতুড়ি, খস্তা, হাম্বেয়ার প্রভৃতি অসংখ্য লইয়া ইঞ্জিনিয়ার সাহেব ও তাঁহার পশ্চাতে—কয়েকজন খালাসী দ্রুত ছুটিয়া গেল ; প্রায় সঙ্গে সঙ্গেই জন পনের লোক মোটা লম্বা লম্বা চামড়ার নল ও পম্পিংমেশিন্ লইয়া ছুটিল। পশ্চাতে অপর বারজন বালতি, দড়ি ও চেন লইয়া চলিল ; সকলেই বেজায় গম্ভীর ও ব্যস্ত। হুলস্থূল পড়িয়া গেল। আমাদের নাড়ীও তাহাদের এক এক দলের আবির্ভাব ও অন্তর্ধানের সঙ্গে সঙ্গে উত্তরোত্তর চঞ্চল হইয়া হৃৎপিণ্ডে ধাক্কা দিতে লাগিল। পনের কি বিশ মিনিট অন্তর নূতন লোক যাইতে লাগিল ও পূর্ব দলগুলি ঘর্মাক্ত হইয়া ফিরিতে লাগিল। কিছু জিজ্ঞাসা করিয়া উত্তর পাওয়া যায় না। অনুমানে ও কাণাঘুমায় বোঝা গেল জাহাজে আগুন লাগিয়াছে।

আবার ওদিকে জাহাজের গাত্রসংলগ্ন বা প্রলম্বিত ছোট ছোট জলিবোট্‌গুলির উপর দাঁড়ি-মাঝরা গিয়া যথাস্থানে বসিয়াছে—আদেশ মাত্র বোট্-সমেত অকূলে ঝাঁপ দিবার জন্য প্রস্তুত। জলিবোট্‌গুলি উপরেই থাকে কিন্তু এমন অবস্থায় আছে যে, আবশ্যক মাত্র যথাসম্ভব আরোহিসহ জল-লগ্ন হইতে মূহূর্ত্ বিলম্বও হয় না। দেখিয়া শুনিয়া মন আড়ষ্ট ও প্রাণ অধীর হইয়া উঠিল। এতক্ষণ অন্তরের মধ্যে অনেকেরই অনেক বোল্ বাজিয়া উঠিতেছিল ; এইবার মনে হইতে লাগিল, ‘ওগো বাবাগো’ বলিয়া একটা বিকট চীৎকার বুকি আর চাপা থাকে না ! এমন সময় আবার ঘণ্টা বাজিল। সঙ্গে সঙ্গেই সেই সব ‘ফায়ার্ ব্রিগেডের’ ফোজ তোড়জোড় সহ নীরবে ও ধীর-পদক্ষেপে স্বেদ-সিক্ত শরীরে ফিরিল। বিজয়ের হৈ চৈ শব্দটা না থাকায় হৃদয়ে সাম্ভ্রনা আসিল না, সে অধিকতর জিজ্ঞাসা হইয়া উঠিল। দেখি চিফ্-সাহেব দুই হাত নাড়িয়া দুই দিকের লোকদের—‘বস্—হোগিয়া, আব্ যাও’ বলিতে বলিতে খালিপায়ে দ্রুত চলিয়াছেন।

দুর্গা,—ধড়ে প্রাণ আসিল ; আসন্ন ও জীবন্ত অগ্নি-সংস্কারের হস্ত হইতে রক্ষা পাইলাম। নিম্নে জলরাশি, উপরে অগ্নিদেব—এই ধূপ্‌ছায়া মৃত্যুর সৌন্দর্য থাকিলেও কাহারও তাহা প্রার্থনীয় ছিল না। ব্যাপারটি পুরা একটি ঘণ্টা স্থায়ী হইয়াছিল ; সেই এক ঘণ্টা কাল ধূপকাণ্ঠে বাঁধা উৎসর্গকরা জীবের মতই কাটাইতে হইয়াছিল।

প্রাতঃকৃত্যাদি কাহারও আর স্মরণ ছিল না। রেহাই পাইয়া সকলেই অপার-ডেকের হাওয়ায় গিয়া হাঁপ ছাড়িল। আমি সঙ্গীদের সন্ধানে ছুটিলাম—বিশেষ করিয়া চাটুয্যের ; কারণ সে অত্যধিক নাভাস্। গিয়া দেখি—মহাপদ্রুঘের নাক ডাকিতেছে—তখনও নিদ্রা ভাঙ্গে নাই ! ভাবিলাম ভালই হইয়াছে নচেৎ আজ একটা বিষম উৎপাত উপস্থিত হইত—তাহাকে কেহই নীরব ও স্থির রাখিতে পারিত না। সত্য বলিতে কি—আগাগোড়া স্থিরভাবে দাঁড়াইয়া এরূপ অগ্নি-পরীক্ষা দিবার সামর্থ্য কাহারই বা ছিল !

পরে অপার-ডেকে গিয়া যাহা শূন্যল্যাম তাহাতে এত বড় ঘটনাটা একেবারে এতটুকু হইয়া গেল। মনটাও অজ্ঞতার অপমানে ছোট হইয়া পড়িল এবং এত বড় বিপদটার বর্ণনার উৎসাহটা মাটি হইয়া গেল। শূন্যল্যাম, জাহাজে সত্য সত্যই আগুন লাগে নাই। ভাবী বিপদের প্রতিকার-কণ্ঠে মধ্যে মধ্যে এইরূপ Practice (অভিনয় দ্বারা অভ্যাস) ও উৎসাহ, সজাগ ও 'সড়গড়' রাখিতে হয়। ও হরি ! এই মিছে কাজের জন্যে এত মাথাব্যথা, আর লোকের জান-হায়রান্ ! বিস্ময়ে ও বিরক্তিতে বিমূঢ় বনিয়া গেলাম। এদের বুদ্ধি দিতে কি বাংলা দেশের একটিও বিজ্ঞ জোটেননি ?

মজদুমদার বসিয়া বসিয়া প্যালপিটেশন্ সামলাইতেছিল ; পণ্ডানন পেট টিপিতে টিপিতে আসিয়া বলিল,—‘অত বড় পোষা পীলোটর পাত্তাই পাচ্ছিনা মশাই, একদম শূন্যকয়ে গেছে।’ ট্রিগনোমেট্রি-দন্তের সংবাদ লইতে যাইতেছি, দেখি ফলোয়ার বা মজুর-মহলে হাসির মহা ধুম পড়িয়া গিয়াছে। তাহার কারণটা যাহা পাইলাম, তাহাতেই আমার অনুসন্ধান-স্পৃহা মিটিয়া গেল। দত্ত মহাশয়ের দাড়ি ছিল, তিনি সেই বিপদের সময় একটি ‘লাইফ-ব্যা’ ঘেঁশিয়া, হাঁটু গাড়িয়া, উর্ধ্বনেত্রে ও যুদ্ধকরে বসিয়া, ইংরাজিতে প্রেমার সুর করিয়াছিলেন, ও তাঁহার দাড়ি বহিয়া অশ্রু অনবরত টোপাইয়াছিল। এটা ঠিক যে, কি হিন্দু কি মুসলমান সে সময় সকলেই ব্যাকুলভাবে ভগবানের কাছে প্রাণের জন্য প্রার্থনা জানাইয়াছিল। শ্রুত ছিলাম—ভয়ে ও বিপদে মাতৃ-ভাষাই মুখে আসা স্বাভাবিক ; কিন্তু দত্তজা সকল বিষয়েই একটু অস্বাভাবিকতা রক্ষা করিয়া চলিতেন। তাই, ফলোয়ারেরা, সেই অনুকরণে মাথা নাড়িয়া—‘ও লাট্—ও লাট্’ (oh lord) বলিয়া অভিনয় আরম্ভ করিয়া দিয়াছিল।

বোসজা মহাশয় বুদ্ধিমান লোক, তিনি স্বাস্থ্যরক্ষার সেরা সেরা উপদেশগুলি, কোন অবস্থাতেই অমান্য করিতেন না। এতটা কান্ড তিনি শৌচাগারেই সমাপ্ত করিয়া উঠিয়াছিলেন ; স্নানান্তে চুল ফিরাইয়া ও পিত্ত-নাশের প্রতিকার-প্রথা রক্ষা করিয়া,



উপরে আসিয়া উপস্থিত হইলেন। তখন চা'য়ের কথায় সকলের চটক্ ভাঙ্গিল। মজুমদার বলিল,—‘বেটারা নাড়ী দমিয়ে দিয়েছে, দু’ কাপের কম আজ আর দাঁড়াতে পাচ্ছি না।’ সকলেই একথাটি একব্যাক্যে সমর্থন করিল। ‘চা’ও আসিল, এবং প্রত্যেকে তাহার দু’কাপ করিয়া পানাস্তে, শরীরে ও মনে বলও আসিল।

আমার ইউরেসিয়ান বন্ধুটি দেখি, তাঁহাদের দলে খুব উত্তেজিত হইয়া বস্তুতা করিতেছেন। মর্মটা এই—যাহাদের দায়িত্বজ্ঞান আছে, এরূপ একটা আতঙ্ক-উৎপাদক-ব্যাপার আরম্ভ করবার পূর্বে, নোটিস্ দিয়া সকলকে সেটা বন্ধাইয়া রাখা তাহাদের উচিত ছিল না কি? সহসা এরূপ কান্ডটা নাভাস্ লোকের পক্ষে মারাত্মক নয় কি? ইত্যাদি। বন্ধুবিলাম, সকলেই একই রোগাক্রান্ত হইয়াছিলাম; প্রাণের মাম্বাটা সকলেরই সমান।

পরে দেখা গেল, সপ্তাহের মধ্যে এরূপ অন্ততঃ দুইটি অভিনয় হইয়া থাকে;—কোনটিই ‘আনন্দ রহো’ নহে। পূর্বোক্তিটি অগ্নিভয়ের প্রতিকারকল্পে, অপরটি—হাইড্রোফোবিয়ার না হইলেও জলাতঙ্কের বটে। এটিরও বিধিব্যবস্থা মন্ত্র-তন্ত্র ঐ একইরূপ, কেবল যন্ত্রাদি স্বতন্ত্র। জাহাজের তলদেশ হঠাৎ যদি ফাটিয়া বা ফাঁসিয়া যায় তাহারই প্রতিকারকল্পে এটি অনর্দীত বা অভিনীত হইয়া থাকে। কথাটা যাহাদের জানা নাই, তাহারা সেই ছুটাছুটি, উৎকণ্ঠাজড়িত ব্যবস্থা ও তোড়জোড় দেখিয়া স্তম্ভিত ও ভয়-বিহবল হইয়া পড়ে। একবার ঠিকলেও, অভিনেতাদের দক্ষতা এতই নিখুঁৎ যে, ক্ষণেকের জন্য সকলকে চমকিত ও আতঙ্কিত করিয়া ফেলে ও ঘটনাটা সত্য বলিয়াই ধারণা হয়। পম্প্ ও যন্ত্রাদি ব্যতীত, পাট, চট, পুরাতন কাছির টুকরা ও ক্যান্সিস্ এবং মৃদংগরই এ বিপদের পরিদ্রাঘ।

সেই অসীম অতলস্পর্শের মধ্যে উপস্থিত হইলে, বৃহৎ হইতে ক্ষুদ্রতম ও নগণ্য বস্তুটির মূল্যও সমান হইয়া দাঁড়ায়, সেখানে ছোট বড়র প্রভেদ নাই; মহাশ্মশান বলিলে চলে। বিপদের সময় একটি ক্ষুদ্র স্ক্রুর অভাব ঘটিলে ও সেইটির উপর জাহাজখানির শূভাশুভ নিভর করিলে, সমগ্র ইঞ্জিন ও শত শত আরোহীদের প্রাণাবিনিময়েও তাহা যদি পূরণ না হয়, তাহা হইলে সেই সামান্য সামগ্রীটির মূল্যটা যে কত, তাহা অনুমানের বস্তু। সুতরাং, এই অগ্নিগর্ভ জাহাজের কোন কথাটাই বা বলিব, ইহার সবটাই বিস্ময়কর। ইঞ্জিন-ঘরের অগ্নিকাণ্ড ও সেই লোহার অসুদের খেলা দেখিলে, ভয়ে বিস্ময়ে অভিভূত হইতে হয়। তাহারাই জাহাজকে ঠেলিয়া লইয়া চলিয়াছে, আবার তাহারাই নিমেষে তাহাকে ভস্মে পরিণত করিতে পারে। সেই দুর্ঘটনা হইতে রক্ষার কত না ব্যবস্থা! আবার উপরে মহামহীরূহ সদৃশ মাস্তুল

জটায়ুর ন্যায় পক্ষ বিস্তার করতঃ বায়ুকে কুক্ষিগত করিয়া, সশব্দে সর সর বলিতে বলিতে চলিয়াছে। কিন্তু এই প্রায় দেড়শত মণের মৈনাকাটি, মাত্র চার পাঁচটি মাল্লার সাহায্যে যখন নিঃশব্দে মস্তক নত করিয়া শূন্য পড়ে বা মস্তকোন্নত করিয়া দাঁড়ায়, তখন ম্যাজিক দেখিতেছি বলিয়া ভ্রম হয়। যাহা কিছ্র অসম্ভব, এইটুকুর মধ্যে তাহাদের যেন সম্ভব করিয়া দেখান হইয়াছে।

[ ৮ ]

আমাদের ‘ক্রাইভ’ জাহাজখানি সরকারী জাহাজ। তাহা প্রধানতঃ সামরিক কার্বেই ব্যবহৃত হইয়া থাকে, অর্থাৎ সৈন্যাদি ও সৈন্য-সংক্রান্ত দ্রব্যাদি বহন করাই তাহার প্রধান কাজ ; আবশ্যক হইলে গোলা বর্ষণ করিতেও প্রস্তুত। ইহাতে পি-এন-ও প্রভৃতি কোম্পানীর জাহাজগুলির মত বাসব-বাঞ্ছিত বিলাস-বাসনের বন্দোবস্তের ও সাজ-সজ্জার বাড়াবাড়ি ছিল না। ছিল মাত্র রাজোচিত ‘সেলুন’ অর্থাৎ সর্বাংশে সুসজ্জিত কক্ষ,—মায় ফুলের বাগান, লাইব্রেরী, ক্রীড়াভূমি, গির্জাঘর, সবই সুবিন্যস্ত ও সুন্দর। মূল্যবান রেশমী বস্ত্রে গদি-আঁটা সোফা, চেয়ার, স্বর্ণ-শিল্প-শোভন টেবিল-আচ্ছাদন, কার্পেট আঁটা ( ফ্লোর ) মেজে, সুদৃশ্য মূল্যবান পর্দা, আয়না, আলমারী, ইলেকট্রিক আলো, ফ্যান, সবই আমাদের হিসাবে রাজ-হর্ম্যোচিত। ইহার মধ্যে পশুশালা, গোয়াল, গারদ, সবই পাইবেন ; কিন্তু সৌখীন ধনী যাত্রীদের পক্ষে ইহা নাকি পর্যাপ্ত নহে, লড়ায়ে-সেনাপতিরা ও সৈন্যেরা কোন প্রকারে মাথা গর্দাজিয়া গুজরান করেন !

ডেকগুলির কাঠের মেজে হইতে আরম্ভ করিয়া, দরজার খড়খড়ি রেলিং ও প্রত্যেক কল-কল্জাটি পর্যন্ত নিত্য নিয়মিত প্রাতে ধোয়া মাজা ঘষা হইয়া থাকে ; তাহাতে জাহাজখানি নূতন ও সুন্দর ত’ দেখায়-ই, তন্মিন্ন কোনরূপ ময়লা জমিতে না পাওয়ায়, পীড়াদি সহজে প্রবেশ-পথ পায় না। ফিনাইল ও সাবানের বেদরদ ব্যবহারও নিতাই চলে। আমাদের অভ্যাসের উল্টা ব্যাপারগুলো দেখিয়া মনে হইত,—গরিবদের শাস্ত্রই স্বতন্ত্র। আমাদের হে’সেলের—তেল কালি ময়লা-মাখা দুর্গন্ধযুক্ত আমিষ রন্ধনের কড়াখানি মৃত্যুশোচ বা গ্রহণাদি ক্ষেত্রেই, একবার মাজা হইয়া থাকে। অথচ, সেই ম্যাক্বেথের ডাইনীদেব ( কলড্রুন ) কটাহ-সদৃশ পাত্র-পত্র ভোজ্যই আমরা নির্বিকার চিন্তে নিত্য গ্রহণ করিয়া থাকি ! কানপূর সহরে একজন বাঙ্গালীবাবু একটি বেণের বাড়ী ভাড়া লইয়াছিলেন। তিনি নিত্য উপর-তালা ও নীচের-তালা ধোয়াইতেন।

এই অপরাধে বাড়ীওলা তাঁহাকে নোটিস্ দিয়া বাড়ী ছাড়িতে বাধ্য করে। কারণ, নিত্য খুইলে বাড়ী কয়দিন টিকিবে! ইহাকে সনাতন অভ্যাস-অনুবর্তিতা বা অভাবে স্বভাব নষ্ট বা বুদ্ধির বাড়াবাড়ি বলিব, তাহা ঠিক্ করিতে পারি না।

জাহাজে উঠিয়া পৰ্যন্ত সারা দিনের মধ্যে আমার একটু একান্ত হইবার অবকাশ ছিল না। বোসজা ও মজুমদার ভায়া আমার বিরহটা একদম সহিতে পারিতেন না। পণ্ডানন প্রায় পাছ পাছই ফিরিত; না হয়—‘শুনেছেন মশাই’ কি ‘দেখেছেন মশাই’ বলিয়া, একটা না একটা কিছু লইয়া, দণ্ডে দণ্ডে হাজির হইত। তন্ত্ৰ চাটুষ্যের সুখ-দুঃখের কথা, মনোনিবেশপূর্বক সম্যক্ সহানুভূতির সহিত নিত্য শোনাটা আমার অবশ্য কর্তব্যের মধ্যে আসিয়া পড়িয়াছিল। একটা দিনের একটি মাত্র কথার উল্লেখ করিলেই সকলে তাঁহার সুখ-দুঃখের কথার স্বরূপ সম্বন্ধে একটা ধারণা করিতে পারিবেন। একদিন দেখি, চাটুষ্যে খুবই বিমর্ষভাবে রণ্ টিপিয়া বসিয়া আছে, চক্ষুর্দ্বয় অশ্রুভারাক্রান্ত। কারণ জিজ্ঞাসা করায়, অধর ঈষৎ বক্র হইল, চাটুষ্যে একেবারে কাঁদিয়া ফেলিল। আমি ব্যস্ত হইয়া জিজ্ঞাসা করিলাম,—‘ইহা কি হইল, ব্যাপারটা কি?’ চাটুষ্যে মোটা নাকি সুরে বলিল, ‘ভোরে স্বপ্ন দেখলুম—টেঁপি রাস্তায় দাঁড়িয়ে বাবা বাবা ক’রে কাঁদচে।’ কি বিপদ! আমি জানিতাম,—টেঁপি তার চার নম্বরের মেয়ে এবং দেখিতে বজায় তাহারই অনুরূপ (বা দ্বিতীয় মূর্তি) হওয়ায়, তায় ভালবাসাটা তাহার প্রতিই সমাধিক ছিল। তাহার এই ‘ফ্যাক্সিমিলিটি’র জন্য দুর্ভাবনাটা আমাকে কিন্তু তখন বিচলিতই করিয়াছিল। যাহা হউক, আমি বলিলাম, ‘তুমি তাকে বেশী ভাব ব’লেই স্বপ্ন দেখেছ, তাতে হয়েছে কি! স্বপ্ন কি আর সত্য হয়!’ চাটুষ্যে পূর্ববৎ থাকিয়াই বলিল, ‘ভোরের-স্বপ্ন যে বাড়ুয়ে মশাই।’ বলিলাম, ‘আচ্ছা তাই যদি হয় ত’ তাতে এতটা ব্যাকুল হবার কি আছে, টেঁপি তোমার খুব ‘ন্যাওটো,’ তোমার তরে তার কাঁদাটা ত খুবই স্বাভাবিক।’ চাটুষ্যে এবার একটু নাদ ও খাদ মিশ্রিত সিক্তসুরে বলিল,—‘সে তবে পথে দাঁড়িয়ে কাঁদলে কেন?’ কি ফ্যাসাদ! বড়ই মূর্খাকলে পড়িলাম, ওপথে সন্নিধা হইল না। বলিলাম,—‘যদি স্বপ্নে বিশ্বাসই কর ত ভাবনা কি; ও বিষয়ে শাস্ত্র যা বলেন তা মানতেই হবে, আর ও সম্বন্ধে ‘খনাস্বর্ধির’ চেয়ে প্রামাণ্য গ্রন্থও আর নেই। স্বপ্নাধিকারে খনা স্বয়ং বল্চেন :—

হাসির চেয়ে কান্না ভাল—কাঁদলে পথে ঘাটে,

স্বপ্নের সেরা শোণিত দেখা—সামনে যদি কাটে।

এত’ মেয়েরাও জানেন; তুমি যেটা ভেবে ব্যাকুল হচ্ছ, সেটা সম্পূর্ণ সন্স্বপ্ন;

যাকে তাকে বোলোনা, তিন কান করতে নেই, নিষেধ আছে। অদৃষ্ট প্রসন্ন না হ'লে—ও সব দেখা প্রায়ই ঘটে না ;—সাহেবের খিঁচুনি, আর পাওনাদারদের তাগাদার বিকটমূর্তি—ই এসে হাজির হয়।’

‘ঠিক বলেচেন মশাই, এক একদিন আঁংকে উঠি,’ বলিয়া চাটুষো একদম চাস্সা হইয়া হাসিয়া ফেলিল, পূর্ব ভাবটা একেবারে কাটিয়া গেল। আমি বাঁচিলাম, কোথাকার জল কোথায় আসিয়া মরিল! তাহাকে লইয়া চা খাইতে গেলাম। সাধারণ সূত্র-দুঃখের কথা ছাড়া, এইরূপ অসাধারণ ফ্যান্সাদও মধ্যে মধ্যে লাগিয়া থাকিত।

‘দত্ত’ আমার পূর্ব-পরিচিত ; এক ক্ষেত্রে কলিকাতায় কাজ করিয়াছিলাম। আমার উপর তাঁহার একটু ( good opinion ) ভাল ধারণা থাকায়, বড়ই বিপদে পড়িতে হইয়াছিল। তাঁহার নিকট কিছুক্ষণ কাটাইতেই হইত, ও বড় বড় উপদেশ-বাণী, অসামান্য আলোচনা এক সঙ্গভীর তত্ত্ব সকল হজম করিতে হইত ; নচেৎ তাঁহার অভিমানের পরিসীমা থাকিত না। ভারতের মানুষগুলোর হাতগুলোকে পা'য়ের পর্যায়ে ফেলিয়াই তিনি দেখিতেন। তিনি পাক্সা পোস্টিমিস্ট ও সিনিক্ ভাবাপন্ন হইলেও তাঁহার আদর্শ খুবই উচ্চ ছিল। রাজা রামমোহন, ব্রহ্মানন্দ কেশবচন্দ্র, স্বামী বিবেকানন্দ এবং জাস্টিস রাগাডে ও চন্দ্রভাঙ্গার ভিন্ন তাঁহার মুখে কাহারও সুখ্যাতি শুনিয়াছি বলিয়া স্মরণ হয় না। তবে, সাহেবদের রীতি-নীতি ও কার্য-কলাপের তিনি পরম পক্ষপাতী ছিলেন। তাঁহার স্মরণশক্তি ও অধ্যবসায়, দুইটিই উল্লেখযোগ্য ছিল। কেরানিগিরি করিতে করিতে, নূন্যাদিক ৪০ বৎসর বয়সে তিনি ফাস্ট্ আর্ট্-স্ পরীক্ষা দিয়া সুখ্যাতির সহিত উত্তীর্ণ হন। এইরূপ প্রকৃতির লোকেরা প্রায়ই সাধারণ-ঘেঁসা হন না ও সাধারণের অনেক উপরে নিজেরাই নিজেদের স্থান নির্দেশ করিয়া রাখেন। তাই, সাধারণেও সেই অবহেলা ও তাচ্ছিল্যের আঘাতটা তাচ্ছিল্যের দ্বারাই পরিশোধ করিয়া, তাঁহাদের মতটাকে ও মেজাজটাকে আরো তিস্ত করিয়া তোলে। ফলে, তাঁহারা ঠিক সামাজিক লোক হইতে পারেন না! অভ্যাস বশতই হউক, বা অধিকারবোধেই হউক, অথবা যে কারণেই হউক—কোন বিষয়ে কিছু বলিতে গিয়া, তাঁহারা এতবার ও এত অধিক ‘আমি’ ও ‘আমার’ শব্দ দুইটি ব্যবহার করেন, এবং ‘আমি’ ও ‘আমার’ কথা বা উদাহরণ আনিয়া ফেলেন যে, তাহা সাধারণের উপভোগ্য ত হয়ই না, বরং তাহা আত্ম-মহিমা-প্রকাশেই পরিণত হইয়া পড়ে। দত্তর গুণগুণই অধিক ছিল, এবং আমি তাঁহার গুণগুলির খুবই পক্ষপাতী ছিলাম। কিন্তু তাঁহার ঐ ‘আমি’ আর ‘আমার’ ভাল প্রসঙ্গগুলিকেও পীড়াদায়ক

করিয়া তুলিত। যাহা হউক সকাল হইতে রাতি প্রায় ১১টা পর্যন্ত আমার একান্ত হইবার অবসর ছিল না। এরূপ ঘটবার প্রধান কারণ,—আমি সকলের সকল কথারই খুব সহিষ্ণু শ্রোতা ছিলাম। তাঁহারা আমাকে বক্তার অপবাদ দিলেও, সত্য কথাটা ঐ।

আকাশ পর্বত সমুদ্র ও জনশূন্য গভীর অরণ্য না দেখিলে, হৃদয় প্রশস্ত ও উদার হয় না এবং বিশ্বস্ততার আভাসমাত্রও তাহাতে প্রতিবিম্বিত হয় না, এইরূপ ধারণাটা বরাবরই ছিল। এতদিনে ভাগ্যে যদি সমুদ্র দর্শন ঘটিল তাহা উপভোগের অবসর ঘটিয়া উঠে না। তাই রাতি ১১টার পর আমাকে সময় করিয়া লইতে হইত। তখন আমি নিশ্চিন্ত মনে জাহাজের সমুদ্র সীমায় গিয়া বসিতাম। সে অনাবিল বায়ুস্পর্শে শরীর-মন যেন নিষ্কলুষ হইয়া যাইত। সে সীমাহারা বিশাল বিস্তৃতির মহান্ মহিমা না বুঝিলেও হৃদয়-মন কি এক অজানা ভাবে ভরিয়া উঠিত, মস্তক আপনা আপনি অবনত হইয়া পড়িত, গভীর শ্রদ্ধার সহিত বারবার নমস্কার করিতাম, পরক্ষণেই সহসা যেন লক্ষ লক্ষ ভেরীমুখে বিশ্ববীণা বাজিয়া উঠিত, সচকিত করিয়া দিত। এই অনাদি শব্দকর্মশালা হইতে, শব্দ সুর তাল লয়, দিকে দিকে দেশে দেশে নব নব শব্দ ভাষা সঙ্গীত লইয়া ছুটিয়াছে। মানব জীবজন্তু বিহঙ্গ, তাহা নিজ নিজ নির্বাচন ও প্রকৃতি অনুসারে গ্রহণ করিয়াছে ও করিতেছে। কি অশ্রান্ত সৃষ্টি, কি অনন্ত সঙ্গীত, কি আনন্দ-তান্ডব! থাক্, ক্রমে কবির অধিকারে আসিয়া পড়িতেছি। যাহার সীমা নাই, সসীম মানবের কি সাধ্য যে, তাহার স্বল্প আভাসকেও ভাষা দিতে পারে।

সকল দিন (রাতি বলাই উচিত) মনের ভাব সমান থাকিত না। কোন কোন দিন নক্সের খেলা দেখিয়াই সময় কাটিত। তাহারা দলে দলে জাহাজের সমুদ্র ঘেঁসিয়া, এমন বেগে সাঁতার দিত, যেন কোন ক্রমেই জাহাজকে তাহাদের অগ্রে যাইতে দিবে না। জগতে কেহই পরাভব স্বীকার করিতে চায় না। বঙ্গোপসাগরে কোন কোন দিন অবাক হইয়া দেখিতাম—সাগর-বক্ষে যোজনব্যাপী অনল-প্রবাহ ছুটিয়াছে; উর্মি-চুড়াগর্দল প্রদীপ্ত স্বর্ণ-মুকুট-মণ্ডিত। এখানকার জলে ফস্ফরসের অংশ এত অধিক যে, সামান্য সংস্পর্শে জ্যোতির্ময় হইয়া উঠে। একদিন জাহাজের চার ইঞ্চি মোটা, তিন-চার রশি লম্বা লোহার চেন আর অতিকায় নঙ্গরাটি দেখিয়া কত কথাই ভাবিলাম। আমাদের ব্রজের বলিষ্ঠ বলরাম ঠাকুর সে 'হল' বহন করিতে বোধ হয় বিশেষ বেগ পাইতেন। সুতা ও বঁড়শীর মত তাহাদের বিনা আয়াসে জলে ফেলিতে ও তুলিতে দেখিয়া বিস্ময়বিমূঢ় হইয়া ভাবিতাম,—বচনকে বিদায় দিয়া, এখনও কিছ-কাল হাতে-কলমে শিক্ষা পাইলে, দেশের কথা মূখে আনিবার উপযুক্ত হইতে পারিব। হতাশের একটা সুদীর্ঘ নিশ্বাস পড়িত।

আগামী কলা হংকং পেঁাছিবার কথা ; অতএব সকলে দিনে দিনেই পত্রাদি লেখাটা সারিয়া রাখিলেন। মর্ম সেই একই,—অর্থাৎ ‘এখনও বাঁচিয়া আছি’ এবং বিরহের যার যতটা বহর। আর, বর্ণনার মধ্যে জল বায়ু আকাশ ও মেঘ। তাহাতে অতিরঞ্জন বা মিথ্যা আড়ম্বর স্পর্শ করিবার আশঙ্কা মাত্র ছিল না ; কারণ, যিনি যত বড় বিশেষণে তাহাদের বিভূষিত করিবার চেষ্টা করুন না কেন, ভাষায় তাহা কুলাইবে না। শূনিয়াছিলাম একটি সাদাসিদে ব্রাহ্মণ-কুমার আর আর পাঁচ জনের অন্যতম হইয়া গ্রামান্তরে ‘কনে’ দেখিতে যান। ফিরিয়া আসিলে সকলে তাঁহার মতটাই বিশেষ করিয়া শূনিতে চান,—‘কেমন দেখলেন, সুন্দরী কি না?’ ইত্যাদি। তাহাতে তিনি বলিয়াছিলাম, ‘সে আর কি বোলব,—এই এন্তোবড় খোঁপা!’ এই বলিয়া দুই হস্তদ্বারা একটি আদমূর্গ ধামার আকৃতির আভাস দিয়া ছিলেন মাত্র ; অর্থাৎ বাকিটা যাহার বুদ্ধি আছে বুঝিয়া লও। এখানেও সেই এক কথা—‘কি আর বোলব।’

প্রভাব হইতে প্রথমেই পক্ষীর তীরভূমির অগ্রদূত সম দেখা দিল। তাহারা উড়িয়া উড়িয়া সেই ভীষণ তরঙ্গোপরি গিয়া বসিতেছে এবং আনন্দে দোল খাইতে খাইতে বহু দূর ভাসিয়া চলিয়াছে। জেলেরা ক্ষুদ্র ক্ষুদ্র নৌকায় পাল তুলিয়া, তীর হইতে তিন চার মাইল দূর পর্যন্ত মাছ ধরিতে আসিয়াছে। যেখানে জাহাজ থাকিয়াও নিরাপদ বলা চলে না, সেখানে জেলে-ডাঁঙ্গির গতিবিধি দেখিয়া বিস্মিত হইতে হয়। ভাবিলাম,—খন্ডা অন্নচিন্তা, তুমি করাইতে পার না এমন কিছই নাই। পরে, পর্বত, জাহাজ ও উপকূল দেখা দিতে লাগিল। আমাদের জাহাজের গতিও মন্হর হইয়া আসিল। ক্রমে গৃহাদি সমাচ্ছন্ন একটি পর্বত দেখা গেল ; সকলে আনন্দে বলিলেন—‘উহাই হংকং’। বাস্তবিক তাহাই বটে।

এখানে জাহাজ লগ্ন বোট ও ডিস্ট্রী ব্যতীত রণতরীর কিছু বাহুল্য দেখিলাম। তাহারা বিভিন্ন বর্ণের বিভিন্ন চিহ্নাঙ্কিত পতাকায়, ইংরাজ, মার্কিন, জার্মান, ফরাসী, রুশ, জাপান প্রভৃতি শক্তির পরিচয় দিতেছে। বিবিধ আকার প্রকারের জাহাজ ও লগ্ন, বন্দরটি ব্যাপিয়া রহিয়াছে। যেন তৎসংলগ্নেই সুন্দর সুন্দর অট্টালিকা সকল মাথা তুলিয়া একের গায়ে অপরটি ক্রমোচ্চভাবে, উর্ধ্বপথ অবলম্বন করিয়া আকাশ স্পর্শ করিয়াছে ; এবং বিভিন্ন বর্ণের, আকারে ও সম্ভ্রমে—হংকংকে সমুদ্রবক্ষে একখানি রথ করিয়া রাখিয়াছে। ইহার ঠিক বিপরীতে, বন্দরটির অপর তীরে, ইংরাজ সেনানিবাস বা ক্যাম্প-মেন্ট। বলা বাহুল্য যে, হংকং সহরটি ইংরাজ-অধিকৃত।

আকাশ মেঘাচ্ছন্ন, গর্দাঁড় গর্দাঁড় বৃষ্টিও পড়িতেছিল ; বেলা আন্দাজ আটটার সময়, আমাদের জাহাজ হংকং বন্দরে নঙ্গর করিল । আমরাও হাঁপ ছাড়িয়া বার্মাচলাম । সকলেই হংকং দেখিবার জন্য উৎসুক হইয়া উঠিলেন । এবার আরোহিমাগ্রেই 'ছাড়' পাইল, কারণ জাহাজ আজ দিবরাত্র এইখানেই থাকিবে, গতকল্য প্রাতে গন্তব্য পথ লইবে ।

[ ১০ ]

জাহাজ বন্দরে প্রবেশ করিবার সঙ্গেই সঙ্গেই দশ বারখানি ডিঙ্গি সঙ্গ লইয়াছিল । সেগুনি ব্যবসায়ীদের নৌকা, বন্দর-সমাগত প্রত্যেক জাহাজেই প্রয়োজনীয় দ্রব্যাদি বিক্রয় করিয়া বেড়ায় । কোনখানি নানাবিধ ফল-ফুলে পূর্ণ ; কেহ শাক-সব্জী আনিয়াছে ; কোনখানিতে মৎস্য মাংস ও ডিম্ব আছে ; কেহ বা মদ, বিয়ার, সোডালিমেন্ড, সিগারেট, চুরট, দেশালাই বিক্রয় করে, কোনখানি সর্ববিধ মনোহারী দ্রব্য লইয়া উপস্থিত ; কেহ কাপড় জামা কোট প্যাণ্ট মোজা রুমাল টুপি ছড়ি আনিয়াছে ; ইত্যাদি । একখানি হইতে সহস্রা চার পাঁচটি সহস্রা-বদনা চীনা রমণী বাহির হইয়া বিদ্রোহে জাহাজের সিঁড়ি অতিক্রম করিয়া, একদম উপর-ডেকে আসিয়া উপস্থিত । একবার চারিদিকে কটাক্ষ করিয়া হাসিতে হাসিতে আরোহী সাহেবদের এবং জাহাজী সাহেবদের কোবনে গিয়া প্রবেশ করিল । তাহাদের আকৃতি প্রকৃতি ও অপ্রতিহত গতি এবং হাস্যবিজড়িত অবহেলার ভাব দৃষ্টে, বাঙ্গালী আরোহীরা সম্ভবতঃ ভাবিয়াছিলেন,—ইহারাই আমাদের দণ্ডজা মহাশয়ের প্রমীলার সহচরী হইবে । মোগল-আশ্রিত চায়নাকোটের উপর পৃষ্ঠদেশে প্রলম্বিত বেণী, পরিধানে ঢিলে পাজামা, পায়ে মোজা ও জুতা, হস্তে সুদর্শন চক্রবৎ পাখা ;—আর, ভাব ভঙ্গীতে—

‘অধরে ধরিলো মধু, গরল লোচনে,  
আমরা দানবী ।’

যাহা হউক, তাহারা যেন তাহাদের পরিচিত প্রকোষ্ঠে প্রবেশ করিল ; দর্শকেরা অবাক হইয়া দাঁড়াইয়া রহিল । পঞ্চাননের দাঁত দু'পাটি যেন দাঁত-তোলা শাঁড়াসীর মত হাঁ করিয়া কিছ্র একটা ধরিতে ছুটিল । কিছ্রক্ষণ পরে দেখি রমণী কয়টি প্রত্যেকেই তোয়ালেতে বাঁধা এক একটি পদ্মটুলী হাতে করিয়া হাসিতে হাসিতে কোবন হইতে বাহির হইল, ও আমাদের সম্মুখ দিয়া দ্রুতপদে চলিয়া গেল । চাটুয্যে একটু দূরে

বসিয়াছিল, তাহার সম্মুখীন হইতেই সে একটু ঝড়কিয়া সেলাম করিল ;—কিছুই বদ্বিলাম না।

অনুসন্ধিৎসু পণ্ডানন ছুটিয়া আসিয়া সংবাদ দিল—‘মশাই, এই যেমন চীনের পদ্মুল, চীনের শোর, চীনের বাদাম হয় না, তেমনি ঐ ক’বেটী চীনের ধোপানী ! শুনলাম সব জাহাজেই ওদের অবাধ-গতি ; সাহেবেরা ঢালা হুকুম দিয়া রেখেছে ওদের যেন কেউ না রোখে । ওরা একদিনেই কাপড় কেচে এনে দেয়, সাহেবেরা ওদের তাই খুব পছন্দ করে ।’ পণ্ডানন এক নিশ্বাসে এতগুলি কথা বলিয়া ফেলিল । তাহার কথা সাক্ষ হইতেই মজুমদার ভায়া বলিয়া উঠিল—‘সত্যি ধোপানী নাকি ? এই মরচে দেখচি !’ পণ্ডানন বলিল,—‘কেন, কি হয়েছে মশাই ?’ ‘চাটুয্যেকে একবার ডেকে আন ত পাঁচু’ বলিয়া মজুমদার হাসিতে লাগিল । পণ্ডানন তাহাকে ডাকিয়া দিয়া সরিয়া গেল । চাটুয্যে আসিতেই মজুমদার গম্ভীরভাবে বলিল—‘ঐ চীনে মেয়েমানুষ ক’টিকে চেন নাকি,—রেঙুনে ছিলেন বদ্বি, ও’রা কে ?’ চাটুয্যে বলিল—‘জানেন না ! হংকং-এর চীনে লাটের মেয়ে, জাহাজে বেড়াতে এসেছিলেন, কি রূপ দেখছেন ?’ মজুমদার আর গাম্ভীৰ্য রক্ষা করিতে পারিল না, কারণ ঠিক সেই সময় বোসজা না হাসিয়া অন্যদিকে মুখ ফিরাইয়া অনুচ্চকণ্ঠে বলিলেন—‘পদ্মে ফ্যালো,—পদ্মে ফ্যালো !’ মজুমদার অতি কষ্টে উচ্চ হাস্য সম্বরণ করিয়া ইন্টারমিডিয়েট্ হাস্যের মধ্যে বলিল, ‘সে কি ? আমরা শুনলুম ও’রা মালপাড়ার পদ্মভূজ গোস্বামীর বংশ, তুমি প্রণাম না ক’রে সেলাম করলে দেখে অবাক্ হয়েছি, তাই তাঁরাও বোধ হয় পায়ের ধুলো দিতে দাঁড়ালেন না ।’ চাটুয্যে সতাই একটু সঙ্কুচিত হইয়া বলিল,—‘বটে ? তা আমি—’ বোসজা আর থাকিতে না পারিয়া বলেন—‘তুমি একটি ব্রহ্মদেশের ব্রহ্মদত্ত ! ধোপানীগুলোকে সাত-তাড়াতাড়ি সেলাম করা হল যে বড় ?’ ‘সত্যি নাকি বড়বাবু,—আপনি বলেন কি, তবে যে পাঁচু বল্লে—চীনে লাটের মেয়ে, জাহাজ দেখতে এসেছে,—ভাল করে সেলাম কোরো, তানা ত’ ভারতবাসীদের অসভ্য ঠাওরাবে ।’—‘না বড়বাবু, আপনি ঠাট্টা করচেন, ধোপানী অমন হয় ? আর তা হলে আমাদের কাপড়গুলো চাইত না ?’ বোসজা বলিলেন—‘চাইত বই কি ; চার্লস এই ভাগ্য, চাইলে আর আমাদের এগুতে হত না, এইখানেই জেলে পড়তো । বোল্‌ত,—কাপড়ে রাস্তার সংক্রামক রোগের বীজ বিজ্ বিজ্ করচে, এরা সেই সব ছড়াতে এদেশে এসেছে । চীনে রাজ্যের যে রকম কড়া আইন, জীবাবদূর জড় মারবার জন্যে চাইকি আমাদের শৃঙ্খল খাড়া পদ্মে ফেল্‌ত !’ শুনিয়া চাটুয্যের মুখ ভয়ে এতটুকু হইয়া গেল ; ‘পেঁচোটা কি সর্বনেশে ছেলে, ও-পাপ কি করে যাবে বড়বাবু, ও ত এখন



সঙ্গেই চোল্ল। আর দেশও কি বিট্কেল মশাই—ধোপানীও যেন রাজপদ্বুর, কি করে চিন্বে বলুন। এই নাকে কানে খৎ, ধোপানী ত ধোপানী, আর মেথরাণী এলেও সেলাম করবো না।’ কথাটা ভাবের মূখে বাহির হইয়া পড়িয়াছিল, কিন্তু তাহা নিজের প্রাপ্য আদায় না করিয়া ছাড়িল না, সকলে হো হো করিয়া একটু দীর্ঘছন্দে হাসিয়া বাঁচিল; চাটুয্যে হাসির মূল কারণটায় লক্ষ্যই রাখে নাই। কি ভাবিয়া জানি না, চাটুয্যে হঠাৎ বলিল—‘তা হলে সে বেটীদেরও ত উচিত ছিল আমাকে প্রণাম করা।’ মজুমদার বলিল—‘তাদের দোধ দিতে পারি না,—তোমার উচিত সর্বক্ষণ কানে পইতে দিযে থাকা তানা ত’ লোকে ব্রাহ্মণ বলে চিনবে কি ক’রে, (এবং একটু অনুরক্ত কণ্ঠে বলিল—চেহারা দেখে মানুষ বলেই বোধ হয় ভাবতে পারিনি) যা হক তুমি একবার নেয়ে ফ্যাল, কাজটা অসামাজিক ত হয়েইছে, অশাস্ত্রীয়ও বটে।’ চাটুয্যে অসহায়ভাবে আমার দিকে চাহিল; আমি অভয় দিয়া বলিলাম, ‘কেন শোনো ওসব কথা; এই ত চন্ডীদাস ‘রামী’ রজাকনীকে পূজা পর্যন্ত করতেন।’ সেলাম-সমস্যা এইখানেই শেষ হইয়া গেল।

যাহা হউক, কথাটা সত্যও বটে, দুঃখেরও বটে যে ভারতবর্ষীয় আরোহীদের দিকে তাহারা একবার দৃকপাতও করিল না। একবার ভাবিলও না যে, তাহাদেরও কাপড় থাকিতে পারে, এবং সে কাপড় মলিনতায় সাহেবদেব কাপড়কে চিরদিনই পরাস্ত করিয়া আসিতেছে। বাস্তবিকই চাটুয্যে তাহার (সম্ভবত ফুলশয্যার) ফুলপেড়ে পরিয়া বসিয়াছিল; ধপধপে ধোপানীর চক্চকে দুল নাড়া দিয়া চলিয়া গেল; সেলাম সন্তেও একবার সৈদিকে তাকাইল না।

দেখিতে দেখিতে আকণ্ঠ কয়লা বোঝাই তিনখানি প্রকাণ্ড প্রকাণ্ড বোট জাহাজের গাভ-সংলগ্ন ফ্ল্যাটে আসিয়া লাগিল। তাহারা জাহাজে কয়লা যোগাইতে আসিয়াছে। ফ্ল্যাটের উপর চিল্লিশজন চীনে মজুর পূর্ব হইতেই প্রস্তুত ছিল। আমাদের দেশের মূটে মজুরদের ঘেরূপ চিরপ্রথা আছে, এ অবস্থায় গড়ুকের একটা গদিয়ান মহোৎসব, আলস্যভঞ্জন হাইতোলা এবং ধূমপানের সহিত গল্পের ধূম অনিবার্য। কিন্তু এখানে তাহার কিছুই দেখিলাম না। বোট লাগিতেই, মূহূর্ত্ত বিলম্ব না করিয়া চীনে কুলীরা ফ্ল্যাটের উপর দুই সার দিয়া দাঁড়াইয়া গেল। এক সারের হাতেহাতে কয়লা বোঝাই টুকরিগুন্নি ক্রমান্বয়ে জাহাজের মধ্যে আসিয়া পড়িতে লাগিল, এবং অপর সারের হাতেহাতে খালি টুকরিগুন্নি বোটে ফিরিয়া বাইতে লাগিল। প্রতি দশ ক্ষেপের পর এসারে ওসারে কাজ বদল হইতে লাগিল। কাজ যেন কলে চলিল! এইরূপ চক্রগতিতে কাজ হইতে লাগিল, ও ঘণ্টা চারেকের মধ্যে অত বড় বড় তিনখানি

বোটের কয়লা সহজেই জাহাজে পৌঁছিয়া গেল। কাজের সময় কাহারও মনে টু শব্দটি শুনিলাম না। মনে মজুরের কাজ যে এমন সুবিধারামে ও সুশৃঙ্খলে হইতে পারে, পূর্বে সে দৃশ্য কখনও চক্ষে পড়ে নাই; কলিকাতার কয়লাঘাটে বা হাটখোলায় হেঁটে হটগোলের হাটই দেখিয়াছি।

তাড়াতাড়ি কিঞ্চিৎ আহার সারিয়া নৌকাযোগে তীরে নামিলাম। ওৎসুক্যের প্রধান কারণ যে চিঠি পোস্ট করা, তাহা বলাই বাহুল্য।

[ ১১ ]

হংকং পরিদর্শনটা পদব্রজে করিবারই পরামর্শ স্থির হইল,—পোস্ট আফিসের পথ ধরা গেল। হংকং-এর রাস্তাগুলি তেমন প্রশস্ত নহে, পাহাড়ের উপর সেটা সম্ভবও নহে; তবে পরিষ্কার, বড় রাস্তাগুলি দুইধারে ফুটপাথ দিয়া আঁটা। ঘোড়ার বা গরুর গাড়ির গোলমাল নাই,—রিজাই মানরক্ষা করিয়া থাকে। রাস্তায় একদিকে ব্যাঙ্ক, পোস্টাফিস, সওদাগরী অফিস, হোটেল প্রভৃতি সাহেবী সৌন্দর্যে শোভা পাইতেছে, অপর দিকে চীনাদের দোকান। সে-দিকটায় যেন কলিকাতার রাধাবাজার, চীনাবাজার, চাঁদনী ও মুরগীহাটার একীকরণ ঘটিয়াছে, কিন্তু পারিপাটো ও শিল্পসমাবেশে তাহাদের অপেক্ষা শ্রেষ্ঠ।

এটা পাহাড় হইলেও রামগিরি নয়, এখানে মেঘ থাকিলেও তাহারা দৌত্য করে না, সে ভার পোস্টাফিসের। ইহাদের উদরকে বিশ্বাস করিতে পারিলেই উদারতার পরিচয় পাওয়া যায়। পথের ধারে পোস্টাফিস পাইয়া নিজেদের পেটের কথা তাহারই পেটে নিশ্চিন্তে সমর্পণ করিয়া, ঝাড়া হাতপা হইয়া বাজারে প্রবেশ করা গেল।

হংকং-এর বাজারটি একটি প্রকান্ড পাকা ইমারৎ, দীর্ঘ প্রস্তু প্রায় দুই বিঘা জমি আশ্রয় করিয়াছে। চারিদিকে সুউচ্চ গেট, মধ্যে তিনটি সুপ্রশস্ত বিভাগ। একটিতে কপি, আলু, বেগুন, মটরসর্দি, শাকসব্জী; একটিতে বিবিধ ফলমূল, অপরটিতে পিঁয়াজ, রসুন, আদা, লঙ্কা, হলুদ প্রভৃতি মশলা,—সেই প্রকান্ড বিভাগগুলি পরিপূর্ণ করিয়া রাখিয়াছে। এরূপ বিচিত্র ফলমূলের সমাবেশ ও প্রাচুর্য কুঠাপি দেখি নাই। বঙ্গদেশে ও কাবুলের পরিচিত ফলের মধ্যে বেল ও আতা দেখিলাম না। আঙ্গুর, আপেল, নাসপাতি, ডালিম, লিচু, আনারস, শশা, কলা, জলপাই, তরমুজ প্রভৃতির সৌন্দর্যে বাজারের রূপ যেন ফাটিয়া পড়িতেছে।

দেখি, এই সমুদ্রের সমুদ্র-বক্ষে ক্ষুদ্র পাহাড়টিতে তরমুজগুলির মধ্যে আমাদের সাধের চাতুর্বর্ণের বীজ রক্ষিত হইতেছে। টেবিলের উপর কাটা-তরমুজগুলি বিক্রয়ার্থে সাজান রহিয়াছে—তাহাদের কোনটির মধ্যে সাদা রং, কোনটির লাল, কোনটির পীত, কোনটির বর্ণ সবুজ। সুমিষ্ট গন্ধে আকৃষ্ট হইয়া তাহাদের উপর মধুমক্ষিকার গুঞ্জন মধুর মজলিস্ বসিয়াছে।

আমরা পাঁচ আনায় বড় বড় একশত লিচু খরিদ করিলাম। প্রাপ্ত মাঠে আমাদের প্রিয় পণ্ডানন পরিচয় লইতে ব্যস্ত হইয়া পিঁড়ল ও গালভরা কণ্ঠে বলিল—‘মশাই, মজফরপুরকে মাংগ করেছে।’

ক্রেতাদের হস্তে মৎস্য মাংসাদি দেখিলাম, কিন্তু এত-বড় বাজারটির মধ্যে তাহাদের নাম-গন্ধও পাইলাম না! তখন অনুসন্ধানে জানিলাম—এই বাজারটির নিম্নতলে মৎস্য মাংসের বাজার। সোপান-পথে মেচোহাটায় প্রবেশ করা গেল। যে অংশে মেচোহাটা সেটি যেন সমুদ্রগর্ভের সামিল। মাছের বাজারে মেয়ে-পুরুষের প্রবেশ ও প্রত্যাবর্তনের ভিড় দেখিলে রথের ভিড়ও পাতলা হইয়া পড়ে। সহস্র কণ্ঠের বেতলা চীৎকারে চৌষটি যোগিনীর যোগ ভঙ্গ হয়। তবে মেচুনীদের মাকড়ি, নথ বা অনন্ত নাড়ার বিভীষিকা ছিল না, কারণ বিক্রেতার পুরুষ-মানুষ। তাহাদের সম্মুখে আবক্ষ-উচ্চ টেবিল; টেবিলের উপর তিন-চারখানি ছোট বড় সুতীক্ষ্ম ছোরা এবং টেবিলের উপরই দাঁড়িপাল্লা আঁটা। নীচে বড় বড় টবে মৎস্য রহিয়াছে, কেবল বাছা বাছা দুই চারিটি মাছ টেবিলের উপর থাকিয়া ক্রেতাদের দৃষ্টি আকর্ষণ করিতেছে। ছোরার সাহায্যে অতি সস্তর ও সহজে আসি ছাড়ান, মাছ কোটা, কাঁটা বাছিয়া বাহির করিয়া ফেলিয়া দেওয়া,—দেখিলে অবাক হইতে হয়। খুব ছোট কাঁটাই কেবল থাকিয়া যাওয়া সম্ভব। মির্গেল মাছটাই মালে ও মূল্যে বড় দেখিলাম; বোধ হইল, এ অঞ্চলে ঐ মাছটাই স্বাদু ও প্রিয়।

এই নিম্নতলের অপসার্য নানাপ্রকারের, মাংস, পক্ষী ও ডিম্ব পরিপূর্ণ। এখানকার গৃহস্থেরা বটে ‘মৃগমাংস পক্ষমাংস যেনা ইচ্ছা হয়’ বলিয়া আগন্তুক অতিথিদের অনায়াসেই আপ্যায়িত করিতে পারেন। একপ্রান্তে দেয়ালের গাভীর মধ্যে, প্রকাণ্ড প্রকাণ্ড কটাতে টগবগ করিয়া গরম জল ফুটিতেছে। জীবন্ত কুন্ধুট, হংস, পারাবত প্রভৃতি পক্ষীর পা বাঁধিয়া তন্মধ্যে ফেলিয়া দেওয়া হয়। দু’এক মিনিট পরেই তাহাদের তুলিয়া লইয়া, অতি সহজে মূহূর্ত মধ্যে উপরের পালকদ্বক ছালখানি তুলিয়া ফেলিয়া, পাখীগুলি ক্রেতাদের হাতে দেওয়া হয়। অর্থাৎ—এক ফোঁটা রক্ত না বাজে নষ্ট হয়,—সমস্তটুকু বাহাতে ক্রেতাদের পেটে পৌঁছায়, আর বাহাতে

সহজে পরিষ্কারভাবে ছালাটি ছাড়ান হয়,—এই দুই কারণে এই বীভৎস কান্ডটা অনর্দিত্ত হইয়া থাকে। আশ্চর্যের বিষয়, এবং লজ্জার কথাও কম নহে যে, এমন সহজ উপায়টি—যাহা চীনাদের মগজে আসিয়াছে, রক্তবীজ বধের সময় তাহা দেবগুরু বৃহস্পতিরও বুদ্ধিতে আসে নাই।

কতকগুণিল কারণে পানের প্রয়োজনটা বড়ই তীব্র হইয়া দাঁড়াইয়াছিল। যাহা ভাবিতেছেন তাহা নহে,—এই অকূল জলময় রাজ্যে প্রাণ হাতে করিয়া, স্মৃতির ফিনিকটুকু পর্যন্ত কাহারও ছিল না। জাহাজে বমন-প্রবৃত্তিটা মধ্যে মধ্যে উদয় হইয়া একটা অস্বস্তি আনিয়া দেয়, তন্নিম্ন আজকাল গুড়ুক্ ও গম্ভেপই দিন গুজরান হইতৌছিল ; এইরূপ ক্ষেত্রে পাটনাই রসনার রজনু স্বরূপ। তৃতীয়তঃ আমাদের মধ্যে দুই-একটি পানের পোকাও ছিলেন। যাহা হউক, একটি ফুটপাথে দেখি, দুইটি চীনা পান বোঁচিতেছে। অতি লোলূপের ন্যায় তাহাদের নিকট উপস্থিত হওয়া গেল, এবং দরদস্তুর না করিয়াই এক ডজন পান সাজিয়া দিবার হুকুম দেওয়া হইল। তাহারা দুইটি তুলি বাহির করায়, পণ্ডানন বলিল,—‘মশাই এরা তুলি বাগায় কেন, চেহারা তুলবে নাকি?’ মজুমদার ভায়া বলিলেন—‘চাটুষ্যেকে একটু তফাৎ কর।’ পরে দেখি, তুলির সাহায্যে পানে চূণ-খয়েরের প্রলেপ লাগাইয়া প্রত্যেক পানটিতে পরিষ্কারভাবে ছাড়ানো একটি করিয়া আস্ত সুপারী দিয়া সুন্দর খিল করিয়া দিল। ভাবিলাম, এ খিল চর্বন করিতে হইলে দস্ত কয়টি আর চীন পর্যন্ত পৌঁছিবে না। কার্যকালে কিন্তু কোন কষ্টই অনুভব করিলাম না ; এতই মোলায়েম যে, দস্তের নিকট তাহারা খুবই বিনীতভাবে আত্মসমর্পণ করিল, অথচ সুপারীগুলা কাঁচাও নহে ;—চীনের হনুদর বটে ! উত্তর চীনে পান পাওয়া যাইবে না, সুতরাং উদ্‌ঘাপনের উপযোগী আয়োজন লওয়া হইল। প্রত্যেক পানটি এক পয়সা হিসাবেই পড়িল।

হংকং-র শিখরদেশে উচ্চপদস্থ ইংরাজ কর্মচারী, সওদাগর প্রভৃতি বড় লোকেরা বাংলা বানাইয়া বাস করিয়া থাকেন। ঐ স্থানটি স্বাস্থ্যকর, বিরলবসতি এবং সকল সময়েই ঠান্ডা। সহর হইতে তাহা অর্ধাধিক মাইল উর্ধ্ব, এবং নিম্ন হইতে প্রায় সোজাই উঠিয়াছে ; অতি অল্পই ঢাল। সম্বর ও অনায়াসে শীর্ষদেশে পৌঁছিতে হইলে ‘পীক্-ট্রামে’ ( peak-tram ) যাওয়াই সুবিধাজনক। প্রতি দশ মিনিট অন্তর, প্রায় ৩০ জন আরোহী লইয়া, নিম্ন হইতে একখানি গাড়ি উর্ধ্ব উঠিতেছে এবং উর্ধ্ব হইতে একখানি গাড়ি নিম্নে নামিতেছে। পাহাড়ের গায়ে লাইন পাতা আছে এবং প্রধানতঃ তারের কাছির ( wire rope ) সাহায্যে, তাহাদের উর্ধ্ব ও অধোগতি পরিচালিত হইতেছে। দেখিলে বাস্তবিকই ভয় হয়। তাহাতে আবার Single

line, অথচ দুইখানি গাড়িই একই সময়ে ছাড়ে। মধ্যপথে তাহাদের সাক্ষাৎ হয়, সেখানে একটু পাশ কাটাইবার পথ বা siding-এর মত আছে; একখানিকে সেই Siding-এ ঢুকিয়া অপরখানিকে পথ ছাড়িয়া দিতে হয়।

আমার সহযাত্রীরা সম্ভবতঃ বিদায়কালে 'রণে যেতে বাধা দিও না' বলিয়া গ্যালেন্টিয়র গৌরব লইয়া বাহির হইয়াছিলেন, তাঁহারা এই peak-tram-এর সাহায্যে শিখরদেশ দেখিবার জন্য প্রস্তুত হইয়া পড়িলেন। আমি তাঁহাদের সাহসের প্রশংসা না করিয়া থাকিতে পারিলাম না। তত্ৰাচ বলিলাম—'অভিযান-ব্যাপদেশে উত্তর-চীনে চলিয়াছি, যদি মরিতেই হয় ত শূন্যে পাই রণে মরিলে স্বর্গ লাভের সম্ভাবনা আছে। এখানে মরিলে পাহাড় না হয় সমুদ্র লাভ ঘটাই সম্ভব, দেখ—যেটা সন্নিবিধানক বোধ হয়!' ফল কথা, আমি বড়ই ক্লান্ত হইয়া পড়িয়াছিলাম, মনটাও ততোধিক অবসন্ন ছিল;—কারণটা বলাই ভাল।

একটা কথা আছে—'চেনা বামনের পৈতের দরকার নেই'। কথাটা বোধ হয় নিজের দেশে, স্বগ্রামে, বিশেষ করিয়া পরিচিত স্থলে কাজে লাগিতে বা সাহায্য করিতে পারে। সম্ভবতঃ আদ্য-শ্রাদ্ধের সংস্রবেই ইহার জন্ম,—যে ক্ষেত্রে ও যে সময়ে বঙ্গদেশে বিশখানা লুচি, ষোলটা মোন্ডা ও আখসের চিনি, ছোট-বড়-নির্বিশেষে যজ্ঞোপবীত-ধারীদের জন্য নির্দিষ্ট ছিল। যাহা হউক, উক্ত বচনটাই আমরা সন্নিবিধানত পরিচ্ছদ সম্বন্ধেও প্রয়োগ করিয়া থাকি। কথাটা কিন্তু সকল ক্ষেত্রে মানায় না—চলে না; যথা—কর্মস্থলে, যুদ্ধস্থলে, দেশান্তরে সভায়, শ্বশুরালয়ে ইত্যাদি। ভারতের অপর সকল জাতিই, শরীর ও সম্মান যথাসম্ভব বজায় রাখিয়া, নিজ নিজ স্বদেশী পোশাকে পৃথিবী পরিভ্রমণ করিতে পারেন বলিয়াই মনে হয়। (অব্যক্তি উড়িষ্যাবাসী ও মান্দ্রাজের সকল শ্রেণীর কথা জানি না) কিন্তু বাঙ্গালীরা নিজেদের সনাতন ধর্মী চাদর ও পিরান পরিয়া যে তাহা পারেন না, সেটা নিঃসন্দেহেই বলা যায়। কেন বলা যায়—তাহা সময়ান্তরে বলিবার ইচ্ছা রহিল। আপাততঃ যেটুকু প্রয়োজন সেইটুকুই উল্লেখ করিলাম।

কলিকাতার বাসাড়ে চাকুরে বাবুদের শনিবারের পোশাকেই আমরা জাহাজে পদার্পণ করি, (মাইনাস্—চাদর ও মোজা) আর মাথার চুল ও চিন্তা ছাড়া আমাদের ত' কোন কালেই অন্য আবরণ নাই। কাহারও হৃদয় ছিলনা যে এই পোশাকটা জাহাজে বা দূর বিদেশে কতটা শোভন, সন্নিবিধানক ও সচল হইবে। জাহাজে সহযাত্রীদের মধ্যে ছোটখাট কয়েকটি তথাকথিত সাহেবলোগ ভিন্ন, যুবরাজ সদৃশ মাতঙ্গর ও মেমলোগ না থাকায়, পোশাক সম্বন্ধে আমাদের কাহারও নজর পড়ে নাই;

ধূতি ও গেঞ্জী বা ধূতি ও শার্টই আমাদের সাজসজ্জার চূড়ান্ত ছিল। ঠান্ডা বোধ হইলে জুট ফ্যানালের সরকারী vest-ই chest রক্ষা করিত। তিন সপ্তাহ জাহাজী জুলুম সহ্য করিয়া, এক প্রকার আমাদের অলঙ্কারেই তাহাদেরই অবস্থা শোচনীয় হইয়া উঠিয়াছিল। ফল কথা, পরিচ্ছদের মালিন্যে ও দৈন্যে, আমরাও বোধ হয় নিজেদের অজ্ঞাতে, ফলোয়ার ( কুলি ) শ্রেণীর মধ্যেই পরিগণিত হইয়া পড়িতেছিলাম। জাহাজের কাপ্তেন, চিফ্ ইঞ্জিনিয়ার ও সহকারী ও শিক্ষাবিদস খাঁটি কুলীন (European) কয়জনও তাহাই ঠাওরাইয়া থাকিবেন। কারণ, তাহাদের ত' সে অধিকার বরাবরই আছে,—এ ক্ষেত্রে ত' কথাই ছিল না।

বিষয়টা সিঙ্গাপুরে নিজেদের নজরে পড়ে নাই, কারণ সেখানে ঘোরাফেরাটা গাড়ীর সাহায্যেই সমাধা হইয়াছিল। কিন্তু হংকং সহরে পদব্রজে ভ্রমণকালে, কি ইংরাজ, কি পারসী, কি জাপানী, কি চীনা, কি গুজরাটী, কি পাজাবী, কি বোম্বাইওলা সকলকেই দেশকালোচিত সবাস্ত্র-ঢাকা পরিষ্কার পরিচ্ছন্ন বেশে পাইয়া, আমাদের দৈন্যটা জনসমাকুল রাজপথের মাঝখানেই উলঙ্গ হইয়া দেখা দিল। এই অভব্যতার ফলটাও কয়েক স্থানের আদর অভ্যর্থনা ও কথাবার্তায় বেশ সুস্পষ্টই অনুভূত হইল ;—

—গ্রামার-দুরন্ত বিশুদ্ধ ইংরাজি বলিতে কেহ ভুলিল না,—আমোলও দিল না। সহ-সহচর আমাদের মোটা টাকা বেতনের বড়বাবু ( বোসজা মশাই ) বেওকুব বনিয়া ফিরিলেন। বাস্তবিক সে অসবর্ণের দেশে, আধময়লা ধূতি-পরা, শার্ট-গায়, মাথা-খোলা মানুষের কোন কদরই হওয়া সম্ভব নয় ; সেটা ত আর কলিকাতার 'কন্সটম্ হাউস্' বা 'জোর্ট' নয়। গতান্তরও ছিলনা, সব সময়টা অত্যন্ত হাসিমুখে হজম করিয়া হংকং দেখা খতম করিতে হইল। কিন্তু আমাদের মধ্যে যাহার সামান্য মাত্রও আত্মসম্মানবোধটা সচেতন ছিল, তাহাকেই সারা পথটা অস্বাচ্ছন্দ্যেই সারিতে হইয়াছে। এই 'নড়েভোলার' মত পথে পথে ঘুরিতে পদে পদে লজ্জাবোধ হইয়াছে।

এমন অবস্থায় যখন বদুবুদের peak-tram-এ চড়িয়া হংকং পাছাড়ের শিখরদেশে দাঁখিবার সখ চাপিল, তখন বোসজাকে বলিলাম—'এর-ওপরেও 'উ'চু' যাবার ইচ্ছা করচেন,—আমি কিন্তু ন্যায্যটাই গ্রাহ্য করলুম,—আপনারা যান !' বোসজা সকল কথা সামান্য ইঙ্গিতেই বুঝিতেন, তিনি বলিলেন—'ঠিকই ঠাউরেচেন, এখন ভাবিচি—একটায় ঠেকিচি বলে, সকল বিষয়ে ঠিক কেন ?—আর ঘটে না ঘটে।' এইখানেই ব্রাহ্মণ আর কায়স্থে তফাৎ, ব্রাহ্মণ চটেই মাটি করেন। মজুমদার-ভায়া চিরদিনই একটু সৌখিন মানুষ, তবে দলে ও জলে পড়িয়া স্রোতোধীন চলিয়াছিলেন, তাহাকেও লজ্জাটা হাড়ে-হাড়ে স্পর্শ করিয়াছিল, তিনি গম্ভীরভাবে চুপ করিয়াই রহিলেন,—একটি কথাও

কহিলেন না। বন্ধুবিলাম peak দেখিবার প্রলোভনটা পরিত্যাগ করিতে পারিতেছেন না। তাঁহারা ট্রামে উঠিলেন, আমি নিয়ন্তা-নির্দিষ্ট নসীব লইয়া নীচু পথ ধরিলাম। ইহাতে কেহ এমন মনে করিবেন না যে, আমার আত্মসম্মানবোধটা সর্বাপেক্ষা উগ্র হইয়া উঠিয়াছিল; সম্ভবতঃ শ্রান্তি ও আমার nervousness ই আমাকে বাধা দিয়া থাকিবে।

যাহা হউক, নানা চিন্তা লইয়া এককই ফিরিলাম। মেঘ করিয়াছিল,—মনটাও ঘোলাটে হইয়া গেল। ভাবিলাম,—শ্রুতিতে পাই আমাদের দেশ নাকি সমুদ্রপারে দেশদেশান্তরে কাপাস ও রেশমী বস্ত্র জোগাইত, এবং সওদাগরেরা নাকি তাহা সাদরে ও সাগ্রহে লইত; তবে এত বড় বস্ত্রপ্রসূ দেশের বাসিন্দাদের পরিধেয়টা এমন কেন? এটা যদি অনাবশ্যকের প্রতি অনাস্ব্যজানিত ত্যাগের নিদর্শন হয়,—কথাটা বেশ পাকা রকম শোনায়, শ্রুতিসুখকরও বটে, তাহাতে ভারতের ধাতও বজায় থাকে। কিন্তু নিজের চৌহান্দির বাহিরে সেটা যদি শরীর, সম্মান ও সামঞ্জস্য রক্ষা করিতে সমর্থ হইত, তবেই সুখের হইত। বচনই আমাদের বর্ম,—‘ময়রায় মেঠাই খায় না’ এই রক্ষাবন্ধনই বোধ হয় আমাদের রক্ষা করিয়া আসিয়াছে। থাক্—গোলামের গবেষণা কোথাও গ্রাহ্য হইবে না, সুতরাং এ প্রগল্ভতা থামাই ভাল। আসল কথা, বস্ত্রের দৈন্য ও মলিনতাটা তখনও পথের মাঝে এবং আমার মনের মাঝে ধাক্কা দিতেছিল।

[ ১২ ]

সঙ্গীদের ‘দুর্গা’ বলিয়া বিদায় দিয়া, একটু ইতস্ততঃ ভ্রমণ করিতে করিতে সমুদ্রতীরে উপস্থিত হইবার ইচ্ছা করিলাম। সরকারী আপিস, ব্যাঙ্ক, পুন্ডলিস্, সর্বদ্বই পাঞ্জাবী শিখপ্রহরী দেখিলাম। প্রত্যেক চৌমাথাতে শিখেরাই পাহারা দিতেছে। এক জনের সহিত কথা কহিয়া জানিলাম, তাহারা হংকং অধিকারের সঙ্গে সঙ্গে এখানে আসিয়াছে, এবং ক্রমশঃ স্ত্রী-পুত্রও আনিয়াছে। এতাবৎ বিশেষ সম্মানের সহিত ইংরাজ বাহাদুর ২৫১০০ টাকা হইতে আরম্ভ করিয়া পদোন্নতির সঙ্গে সঙ্গে ২৫০১০০০, এমন কি তাহা অপেক্ষা অধিক বেতন দিয়াও তাহাদের রাখিয়াছেন। হংকং-এর শিখ-সৈন্য ইংরাজ সরকারের একটি স্পর্ধার সামগ্রী। এরূপ সন্নিবিষ্টিত সুদীর্ঘ সুন্দরকায় ও বলিষ্ঠ পুরুষদের সমাবেশে সম্পূর্ণ রেজিমেন্ট ও পুন্ডলিস গঠন করা সহজসাধ্য নহে। ইহাদের পরিচ্ছদাদিও সুন্দর ও সম্মানসূচক। রাজপথের স্থানে স্থানে ইহারা যেন এক একটি সজীব সুদৃশ্য শুষ্কস্বরূপ শোভা পাইতেছে।

জৈনক শিখ-সৈনিকের সহিত আলাপ হইল ; সৈনিকটি বলিল—‘আমাদের এতাবৎ যা একটু কদর ও সম্মান ছিল,—চীন অভিযান কালস্বরূপ হইয়া আসিয়া তাহাকে আঘাত দিল। ইতিপূর্বে এ অঞ্চলে কোন ভারত-সৈন্য আসে নাই,—আমরাই সর্বাগ্রে আসিয়াছি, এবং এই রাজ্য জয় ও সরকার বাহাদুরের হুকুম পালন করিয়াছি,—সে জন্য সম্মান ও আদর পাইয়াছি। এখন দেখিতেছি, হিন্দু-স্থান নিরন্ন হইয়াছে ; আজ কিনা সহস্র সহস্র ভারত-সৈন্য, হংকংকে অর্ধপথে ফেলিয়া, সুদূর উত্তর চীনে ১০।১২ টাকা বেতনে প্রাণ দিতে চলিয়াছে ! আর কি সরকার বাহাদুর আমাদের এই উচ্চ বেতন,—প্রতি তিন বৎসরে ৩।৪ শত মদ্রা ইনাম, এবং দেশে যাইবার জন্য তিন মাস করিয়া ছুটি ও পাথের দিয়া পোষণ করিবেন ? এ যাবৎ আমাদের, ইংরাজ-সৈন্যের সহিত প্রায় একই পর্যায়ে ও ব্যবস্থায় রাখা হইয়াছে। আর কি আমরা তাহা আশা করিতে পারি ?’ ইত্যাদি। লোকটির প্রত্যেক কথায় হতাশা ও অভিমান প্রকাশ পাইতেছিল। মেঘ ক্রমশঃ ঘনীভূত হইতেছে দেখিয়া কথা সংক্ষেপ করিবার জন্য বলিলাম—‘অনুমানের উপর এতটা ভয় পাইতেছ কেন ?’ পরে—সেলামের আদান-প্রদান সম্বন্ধ শেষ করিয়া বিদায় লইলাম।

দেখিলাম, হংকং-এর সহরে বিস্তর বোম্বাই অঞ্চলের লোক, সিন্ধুদেশবাসী ও পাঞ্জাবী, ব্যবসা-বাণিজ্য করিয়া থাকেন। কলিকাতা ও বোম্বাই নগরীর বিভব-বিভাগটা যেন সম্মুখে সমুদ্র ও পশ্চাতে পর্বতের চাপে জড়সড় হইয়া এক বর্গ মাইলের মধ্যে আশ্রয় লইয়াছে। পাঞ্জাবীরা মদ্রাখানার দোকানও খুলিয়াছে ;—বিড়, বেসন, পাপর, পকৌড়ি,—নাগাইত চানাচুর—সবই বর্তমান !

মাথার উপর মেঘ শাসাইতেছে, অধিক দেখিবার আর অবসর নাই ; কিন্তু একটি পান্থপথকে উপেক্ষা করিয়া কোন ক্রমেই এক পা অগ্রসর হইতে পারিতেছি না। পথটির দুই ধারে ফুলের বাজার বসিয়াছে। ঘুরিয়া ঘুরিয়া বড়ই শ্রান্তি বোধ হইতেছিল, এবং ঘর্মাক্ত হইয়া উঠিয়াছিলাম। এই স্থানটির সুমধুর সৌরভে ও শীতল বায়ুস্পর্শে বড়ই আরাম বোধ করিলাম। বিবিধ চাতুর্য্য ও নানা নৈপুণ্যে সুগন্ধি পুষ্পের কমলীয় মালা, মেখলা, তোড়া, বেড়, কবরীবন্ধ, পাখা, অলংকার, আসন, পর্দা প্রভৃতির রচনা দেখিলে, সেই পুষ্পসম্ভার মধ্যে পূর্বশ্রুত গন্ধর্ব-নগরীর চিত্র ফুটিয়া উঠে, এবং চীনাদের বিলাসিতার বহরটা বন্ধিতে বিলম্ব হয় না। শীতল সুগন্ধে স্থানটি পথিকদের আনন্দ-মদির করিয়া মধুর আবেশ আনিয়া গতিভঙ্গ করিতেছে। বস্তুতই পথটি যেন বসন্তোৎসব জাগাইয়া তুলিয়াছে। কিন্তু এ কি ! একটি বিসদৃশ ব্যবস্থায় সমস্ত সৌন্দর্য্যটাকে ম্লান করিয়া দিয়াছে। বিক্রেতাগণ অর্ধ-ক্ষৌরিত মস্তক—



পাজামা-পরা পুরুষ মানুষ ! তাহাদের স্থূল কর্কশ হস্তে এই সুকুমার সৌন্দর্যের ভার পড়িয়া কমনীয়তায় যেন নিষ্ঠুর আঘাত করা হইয়াছে। ও-দিকে ব্রহ্মদেশে ত' এরূপ বেসুরো ব্যবস্থা নাই ;—এটা কি তবে চীনাদের 'ব্যাসকাশী' ! আমি কোন দিনই রুচিগ্রস্ত নহি, তথাপি এই দৃশ্যে আমার প্রাণও বিদ্রোহ করিয়া উঠিল। কারণ, বাল্যকাল হইতে যে সব গল্প শোনা গিয়াছে, তাহাতে প্রায় সকল রাজপুত্রই মালিনীর মালণে গিয়া ঠেকিতেন, এখানে ঠেকিলে মামদোর হাতে পড়িতে হইত। 'বিদ্যাসুন্দরে' হীরা মালিনী না থাকিলে রায় গুণকারের 'রায়' কেইবা কান দিতেন ! 'রজনী' অন্ধ ছিল, তবু তাহার হাতের ফুল হুলস্থূল বাধাইয়াছিল। ফল কথা, হীরা, মাণিক, মন্তা, স্বর্ণকে আশ্রয় করিয়াই শোভন হয়।

হঠাৎ পাহাড়টির শীর্ষ দেশে চাহিয়া দেখি—সবটাই গাড় কুয়াশাচ্ছন্ন। সেখানে বড় বড় সৌখীন সাহেবরা 'বাংলো' বানাইয়া বাস করেন ও শীতল বায়ু সেবন করেন। আমার অপ্রচুর-পোশাক-পরা সঙ্গীদের জন্য ভাবনা হইল,—ঠাণ্ডাটা খুবই ভোগ করিতে হইবে। যাঁহাদের উচ্চস্থানে অধিকার, তাঁহারা চিরদিনই উষ্ণ থাকুন ; আমি নীচু যাওয়ার নসীব লইয়া অবতরণ করিতে করিতে একেবারে সমুদ্র-তীরে হাজির হইলাম। তখন গর্দভ গর্দভ বৃষ্টি পড়িতেছে, হাওয়া ক্রমশই প্রবল হইতেছে, তরঙ্গেরও উন্নতির মূখ্য :—ঘাটেও নৌকার ভিড় নাই। শুনিলাম, নৌকার মালিকেরা নৌকাগুলি নিরাপদ স্থানে লইয়া গিয়াছে। কেবল যাহাদের হাঁড়ি চড়াইবার কাড়ি তখনও সংগ্রহ হয় নাই, তাহারাই পাড়ি মারিয়া বেড়াইতেছে। যেমন আদালতের আবছায়ায় এক শ্রেণীর জীব—অপরের বিপদকে উপায়স্বরূপ ধরিয়া নিজেরা বাড়িয়া উঠিতে থাকে ও স্ফূর্তি লাভ করে, সেইরূপ ইহাদের মধ্যে দু'একজন এমনও আছে যাহারা এই দু'যোগগুলিকে রোজগারের উপায় বলিয়াই গ্রহণ করে।

যাহা হউক, নৌকার প্রত্যাশায় দাঁড়াইয়া আছি, ইতিমধ্যে দু'একটি আমাদের সহযাত্রী মান্দ্রাজী সঙ্গী আসিয়া জুটিলেন। তাঁহারা তৎপর হইয়া একখানি নৌকার মালিকের সহিত দরকসাকাসি আরম্ভ করিয়া দিলেন। মাঝি ত প্রথমতঃ নৌকা ছাড়িতেই নারাজ,—পরে চতুর্গুণ ভাড়া চাহিল। তাহাদের ভাবগতিক লক্ষ্য করিয়া এবং ঝড় আসন্ন বুঝিয়া আমি মাঝির কথায় তৎক্ষণাৎ সম্মত হইয়া নৌকায় উঠিয়া পড়িলাম, কারণ আর ইতস্ততঃ করিলে জাহাজে পৌঁছবার উপায় থাকিবে না ;—এদিকে বেলাও অবসান। বুঝিলাম, মান্দ্রাজী সঙ্গীরা আমার এই স্বরা দেখিয়া বিশেষ বিরক্ত হইলেন। আমি তাঁহাদের ডাকিয়া লইলাম ;—নৌকা খুলিল এবং অতি কষ্টে তরঙ্গ ও তুফান অতিক্রম করিয়া আমাদের জাহাজে তুলিয়া দিল।

জাহাজের মাঝারী বালিল,—‘দিন থাকিতে ভালয় ভালয় আসিয়া পেঁঁছিয়াছেন, বড়ই ভাল হইয়াছে ; হাওয়াটাতে যেন টাইফুনের ( Typhoon ) আভাস পাওয়া যাইতেছে ।’ কিছুই বুঝিলাম না, তথাপি ‘টাইফুন’ কথাটার যেরূপ দীর্ঘ ছঁচোলো উচ্চারণ কানে ঠোকিল বা বিঁধিল, তাহাতেই মূখ চূর্ণ হইয়া গেল ! সাইক্লোন, টরনেডো প্রভৃতি শ্রুত ছিল, কিন্তু টাইফুন শব্দটা যেন তাহাদের অপেক্ষা ওজনে ঢের ভারী ও ভীতিপ্রদ বলিয়া বোধ হইল । তবে বন্দরে বাঁধা জাহাজ ; ঘর বলিলেই হয় । ঘরে আমাদের সাহস অসীম ; সুতরাং টাইফুন দেখিবার সাধটা স্বতঃই আসিল । কিন্তু নিজে জলে থাকিলেও আজ ডাক্সার সঙ্গীদের জন্য চণ্ডল হইয়া উঠিলাম এবং উপরের ডেকে গিয়া তাহাদের প্রত্যাবর্তন প্রতীক্ষা করিতে লাগিলাম । যতই উত্তরোত্তর বৃষ্টি, বায়ু, বিদ্যুৎ, তরঙ্গ, একত্রে মিলিয়া প্রবল হইতে লাগিল, ততই আমবা এই দুর্গম পথের স্বদেশী সঙ্গীদের জন্য চিন্তা ও উদ্বেগ বাড়িতে লাগিল । ক্রমে লণ্ড্, স্টীমবোট নিষ্পাদ স্থানে আশ্রয় লইল । বড় বড় জাহাজ ও স্টীমার পাল গুটাইয়া মাঝুল নামাইল, এবং উপরের ( Canvas ) ছাত খুলিয়া ফেলিল, চারিদিকে নঙ্গর পড়িল । রাতি নয়টা বাজিয়া গেল । স্টুয়ার্ড ( Steward ) আসিয়া বলিলেন,—‘আপনারা খেতে যাননি কেন—খাবেন না ?’ আমি তখন তাহাকে সকল কথা খুলিয়া বলিলাম । শুনিয়া তিনি ভীত হইলেন ও বলিলেন—‘একে এই দুর্যোগ, তায় নতুন লোক, অপরিচিত স্থান ! এখনি এ বিষয় চিফ্ সাহেবকে রিপোর্ট করা উচিত, তিনি অনুসন্ধান লোক পাঠাতে পারেন : কিন্তু বড় রাগ করবেন ।’ এইবার আমি বিশেষ চিন্তিত হইলাম ; দু’এক মিনিট পরামর্শের পর চিফ্ সাহেবকে রিপোর্ট করাই স্থির করিলাম । ঠিক এই সময় সেই ঝড়-বৃষ্টির মধ্যেই গাড় অশ্বকার ভেদ করিয়া একটি আলোক আমাদের অভিমুখে অগ্রসর হইতে দেখিয়া স্টুয়ার্ড বলিলেন—‘এটা কি আগে দেখা যাক ।’ দেখিতে দেখিতে একখানি ক্ষুদ্র লণ্ড্ আমাদের জাহাজের পার্শ্বে আসিয়া লাগিল এবং তন্মধ্য হইতে আমার বহু-প্রতীক্ষিত সঙ্গীরা ভিজে বিড়ালগুলির মত অতি কণ্ঠে সিঁড়ির ও দড়ির সাহায্যে জাহাজের ক্রোড়স্থ হইলেন । আমি যেন বাঁচিলাম, স্টুয়ার্ড বলিয়া উঠিলেন—‘Thank God. ( ঈশ্বরকে ধন্যবাদ ) ।’

বোসজা বলিলেন—‘কিছু আর বলবেন না, আপনার কথা না শুনেন—পাঁজ-পয়জার দুই-ই হয়েছে ! ঝাড়া ৩৪ ঘণ্টা এই ঝড়বৃষ্টিতে একটানা ভিজিছে ; সকল রকম চেটা পেয়েও একখানা নৌকা যোগাড় হ’ল না ; শেষে একজন সাহেবকে ধরে দু’ পেন হুইস্কী খাইয়ে তারি সুপারিসে একখানা লণ্ড্—( হাঁড়ির বদলে

টোপর) — পাওয়া গেল, তাই রক্ষা ! তারপর ঝকঝকে দুটি গিনি অর্থাৎ কনকনে তিরিশটি টাকা, আক্কেলসেলামী দিয়ে, — এই বত্রিশ হাত বৈতরণীটুকু পার হয়ে আসছি। মনে রাখবেন — পথ খরচের আর সিকি পয়সাটিও পকেটে নেই ! এখন লজ্জার বদলে — গরম গরম এক কাপ ক'রে চা দিয়ে প্রাণ বাঁচান।' স্টুয়ার্ড কাজের কথাটা ঠিক বুদ্ধিগয়া লইয়াছিলেন, তিনি সহাস্যে বলিলেন, — 'আমি এতটা নিদ্রয় নই যে, — এই অবস্থায় এক কাপ ক'রে ব্যবস্থা ক'রব ; — আমি সব সাজ সরঞ্জাম আর ত'য়ের দ্রু' কেটলি চা পাঠিয়ে দিচ্ছি, যাঁর যতটা দরকার ঢেলে নেবেন। বলেন ত ঐ সঙ্গে ডিনারও পাঠিয়ে দি।' 'সেই ভাল' বলিয়া তাঁহাকে বিদায় দিলাম, — কারণ তখন ১০টা বাজিয়া গিয়াছে।

সঙ্গীদের অবস্থা দেখিয়া বাস্তবিকই কষ্ট হইতেছিল, যেন ডুবো আসামী ! সকলে কাপড় ছাড়িলেন, — সঙ্গে সঙ্গে চা'ও আসিয়া পেঁাছিল ; ক্রমে ডিনার, — একেবারে জামাই-ষষ্ঠী ! কখন বিস্কুট, কখন চপের সঙ্গে চা চলিতে লাগিল ; পাঁচুর উৎপাতে চাটুষে দ্রু'চারখানা চপ পকেটে ফেলিল। আমি বলিলাম — 'বোসজা মশাই, এত কষ্ট আর ভয় পাবার কারণ কি ছিল ? এ সব ত হোটেল-প্রধান দেশ, — একটা হোটেলের রাতটা কাটালেই হ'ত।' মজুমদার ভায়া বলিলেন — 'এ পোশাকে পাঁদাড়েও স্থান পেতাম না।' বুদ্ধিলাম — পোশাকটির জন্য পশ্চাত্তাপ ও লজ্জা সকলেরই দেখা দিয়াছে। বোসজা বলিলেন — 'সেটা ঠিক বটে কিন্তু প্রত্যাষেই জাহাজ যে ছেড়ে যাবে সেটাও ত' ভুলিনি ; — চাকরী বড় চিজ, — ওটি আমাদের 'প্যানামা', — পেট আর পাওনাদার, এ দুয়েরেই ভার বহন করে ! তার ওপর — এই স্বীপান্তরে ছেড়ে গেলে, ঝি হাঁড়ির হালই হ'ত।' আমি বলিলাম — 'রাজপুত্রদরও ন'ন, দুয়োরাগীর গভে'ও জন্মাননি, আর এমন কোন পাপও করেননি, যা'তে স্বীপান্তর হব।' তিনি উত্তর করিলেন, — 'ও কথা বলবেন না, কিসে যে পাপ হয় তা কেউ বলতে পারে না ; এই ধরুন, গৃহিণীকে তাঁর মনের মত অলঙ্কার দেওয়া হয়নি।' মজুমদার — 'এই ধরুন — জুলপি দুটো দ্রু'র parallel-এ এক ইঞ্চি ওপরে — মুড়িয়ে কামানো হয়নি !' — ইত্যাদি হাস্য-কৌতুকে মজলিস জমিয়া উঠিল। মজুমদার ভায়া তখন আমার একাকী প্রত্যাবর্তনের পালাটা শুনিতে চাহিলেন ; — মতলবটা, — যাহাতে আরো কিছুক্ষণ এই আনন্দ-মজলিসটা চলে। সকলে উৎসাহের সহিত অনুমোদন করায় অগত্যা আমি সম্মত হইয়া সন্মুখ করিলাম। ক্রমে পদ্ম-বিপণীর বর্ণনা শেষ করিয়া, যখন তাহার বিসদৃশ রূঢ় অংশ সম্বন্ধে, অর্থাৎ বিক্রেতাদের সম্বন্ধে, আমার অভিমত ব্যক্ত করিলাম, এক মজুমদার ভায়া ভিন্ন তাহাতে আর

কাহারো সহানুভূতি পাইলাম না। সকলেই এক বাক্যে বলিলেন—‘তাতে দোষ কি, এ আপনার অন্যায় কথা,—এ সম্বন্ধে আবার মেয়ে-পুরুষ কি?—ফুল নিয়েই কথা। ধরুন—একটা মোহর,—তা সেটা স্বীলোকের হাত থেকেই পান, আর পুরুষের হাত হতেই পান,—মূল্য একই! বাজারে তার ইতর-বিশেষ আছে কি?’ বলিলাম—‘তাই ত,—তোমরাও যে সেই এক ইউনিভারসিটিরই এম্-এ, তা জানতুম না! কিন্তু সব-জজ্ঞেও যে তোমাদের এই প্রত্যক্ষ সত্যটা বদ্বতে পারে না—এই আশ্চর্য!’ শূন্যিয়া সকলে সাগ্রহে—‘সে আবার কি!’ বলিয়া কথাটা শূন্যিবার জন্য জিদ করিয়া বাঁসলেন।—হায়, একদিন যাহা শূন্যিবার জন্য সঙ্গীরা কত না আগ্রহ ও জিদ প্রকাশ করিয়াছিলেন—আজ তাহাই ‘অবাস্তব’ বোধে অনাদৃত হইতে পারে ভাবিয়া লিখিতে শঙ্কা বোধ করিতেছি!\*

সঙ্গীদের বলিলাম ব্যাপারটা এই—কোন এক পুত্র-পুত্রবধূ-পরিবৃত্ত সব-জজ্ঞ বাবুর ৫২ বৎসর বয়সে পত্নীবিয়োগ হয়। সেই দিন হ’তে তিনি বিহবচীতেই ভরস্তুর করেন। তিনি সে কালের শিক্ষিত ও সৌখীন লোক ছিলেন। পিতার কণ্ঠ না হয় বা সেবার কোনরূপ অভাব না হয়—উপযুক্ত-পুত্রেরা সাধ্যমত তার ব্যবস্থায় মন দিলে, আর বাপের অন্তরঙ্গ বন্ধুদের পরামর্শ নিয়ে,—তিনিজন চাকর ও একটি রাঁধুনী-বামন নিযুক্ত ক’রে নিশ্চিত হ’ল। কারণ—উপযুক্ত ছেলেরা থাকতে বাপের যে বিবাহের আর আবশ্যকই হ’তে পারে না, অর্থাৎ হ’লেও,—সকলেই ইসারা-ইঙ্গিতে সব-জজ্ঞ বাবুকে এই সব কথাটা জানিয়ে দিলে। তিনিও সকলের সকল কথাই ছোট একটি ‘হঁ’ ভিন্ন অন্য দ্বিরুক্তি করলেন না।

সমস্ত দিন পরে, সেই বিশেষ পরিচিত পশুটির খাটুনি খেটে সব-জজ্ঞ বাবু যখন রুমাম্ গাড়ী ক’রে বাড়ীর ফটকে ঢুকলেন,—তাঁর নজরে প’ড়ল—তিনটি অপরিচিত গুন্ডাগোছের খোট্টা মূর্তি! দেখেই তাঁর মূখে বিরক্তি আর অস্বস্তি ফুটে উঠল। তিনি মাটিতে পা দিতেই সেই তিন মূর্তি,—পিঠের শিরদাঁড়া দেখিয়ে সেলাম করলে। তিনি সেদিকে লক্ষ্য না ক’রে দ্রুত গিয়ে বৈঠকখানায় ঢুকলেন। আরাম চৌকিখানায় ঘুরে বসতে গিয়ে দেখেন তিন মূর্তিই ঘরের মধ্যে হাজির! কিছু বলবার অবকাশ না দিয়েই একজন জুতো খুলতে বসে গেল,—একজন বাতাস আরম্ভ ক’রে দিলে ;

\*‘চীনযাত্রী’—ভ্রমণ-কাহিনীর পর্ষায়ে পড়িলেও, ইহাকে বৈঠকী ভ্রমণ বলাই সঙ্গত; কারণ, এ ‘যাত্রা’ নিজের গতিশক্তির ধরচ অল্পই—জাহাজের শোশনেই (motion) এই ভ্রমণ; অর্থাৎ কিভাবে ও কিরূপে যে আমাদের দীর্ঘ জাহাজী দিনগুলো কাটিয়াছিল,—ইহাতে সেই কথারই আধিক্য বেশী,—তাহাই ইহার প্রধান উপকরণ।

তৃতীয়টি তাওয়াদার সুগন্ধি তামাকের কলকোট গড়গড়ায় বসিয়ে দিয়ে ভাস্কাগলায় বসে—‘পিজিয়ে হুজুর!’

সহসা এই তিন মূর্তির আক্রমণে, তিনি যেন নিজের বাড়ীতেই অসহায় অবস্থায় পড়ে গেলেন ; রাগে সর্বশরীর জ্বলে উঠল। জিজ্ঞাসা করলেন—‘তোমরা কে?’

যে বাতাস করছিল—সে প্রায় ছ’ফিট লম্বা, বাবার চুল, গালপাটা দাড়ি—ইয়া মোচ্, বর্ণ ধূসর, হাতের গুলের উপর রূপার কবজ, কোমরে গোট, আঙ্গুলে আসমানি পাথর বসান রূপোর আংটি ; গলায় একছড়া প্রবালের মালা। সে বাজখাঁই আওয়াজে বললে—‘জজ বাহাদুর’ হামরা নামটি আছে ‘মুচ্-কুন্দা’, হাম সব কাম করিয়েছে—পাও দাবানা, তেল লাগানা, কাপড় কুচানা—’

সব-জজ বাবু—আচ্ছা বাস্, ( তামাকুদারের প্রতি )—তোমার কিছ্ শুন।

সে ব্যক্তি বেঁটে জোয়ান, খাটো খোঁচা খোঁচা চুল, ছাঁটা গোঁফ, গোল চক্ষু, কিট-কিটে কালো, এক কানে মাকড়ি, পদাঙ্গুষ্ঠে তামার তার জড়ান, ঘুনশি সূতায় ইঁপ্তি তিনেক লম্বা একটি রৌপ্য-ফলক গলায় ঝুলচে। সে বললে—‘মহারাজ, হামি দুর্গাচরণ ডাঁকদারকে তাম্বাকু পিলিয়েছে, বিছোনা করিয়েছে, পান লাগিয়েছে হাড়কাটাকে—’

সব-জজ বাবু—বাস্ করো। তোমার নাম? উত্তর,—হুজুর—‘কার্টিরলাল’ আছে।

সব-জজ—( তৃতীয়ের প্রতি ) তুমিও কিছ্ শোনাও—

এটির ছঁচোলো ছাঁচের গড়ন, ফর্সা রং, কটা চক্ষু, দাড়ি-গোঁফ বর্জিত, মুখে বসন্তের দাগ, পরিধানে হলুদে ছোবান কাপড়, একহাতে রূপোর বালা, অপর হাতে সারগাঁথা রূপোর মাদুলী। নখে মৌদির রং।

ইনি হেসে বললেন—‘হামারা নামটি চমোঁকীলাল আছে। হামি পারিরা সাহেবের মোঁসীকা—’

সব-জজ বাবু সত্বর বললেন—‘আচ্ছা বাস্ ; তোদের কে এখানে কাম করতে বলেছে?’

সকলেই বললেন—‘বড় বাবু বাহাল করিয়েছে ; হুজুর কাম দেখ্কে খুসী হোবেন, —কুছ্ ভী কোণ্টো থাকবে না।’

সব-জজ বাবু প্রথমে ভাল কথায়, পরে সরোষে তাদের বিদেয় হতে বললেন ; কিন্তু তারা বাড়ী ছাড়লে না ; বলে—‘খুসী না কর্কে যাবে না।’

কিছ্ক্ষণ পরে এক উড়ে বামন জলখাবার নিয়ে উপস্থিত হ’ল। সব-জজ বাবু

এজলাসের ধড়া-চুড়া-বাঁধা intact অবস্থাতেই সেই আরাম-চৌকিতে অসাড় হয়ে পড়েছিলেন। ঘরে লোক ঢুকতেই তাঁর হুঁস্ হুঁলে, বল্লেন—‘কে’?

বামন ঠাকুর—প্রভু মিষ্টান্ন লউচি,—অধিন পকাইছে।

সব-জজ বাবু—তোমার নাম কি?

বামন ঠাকুর—উড়ুম্বর।

সব-জজ বাবু—বেশ, নে’যাও, আজ আমি খাব না।

দুই ছেলেই ক্লাব থেকে এসে সব শুনলে; ঘরে ঢুকে দেখলে—চেয়ারের উপরই বাপের নাক ডাকছে। ছোট ছেলে তাঁর কপালে হাত দেওয়ায়, তিনি বল্লেন—‘কে ও’?

ছেলে বললে—‘আপনি এখনও কাপড় ছাড়েননি, হাত মদুখ ধোন্নি, কিছুর খাবেন না বলেছেন : কেন—শরীর কি ভাল নেই?’

সব-জজ বাবু বল্লেন,—‘হাঁ, তোমরা খাওগে, আজ আর আমাকে বিরক্ত ক’র না।’

ছেলেরা চিন্তিত মনে চলে গেল। বড় পুত্রবধূর হিন্টিরিয়া; ছোটটির সন্তান-সন্তাবনা। সব-জজের কন্যাসন্তান নাই।

প্রত্যুষে সকলের আগে উঠে, কাপড় ছেড়েই সব-জজ বাবু তাঁর প্রিয় বন্ধু উকীল নবগোপালবাবুর বাড়ী উপস্থিত হলেন। নবগোপালবাবু সেই মাত্র উঠে এসে বারান্ডায় বসেছেন। তিনি সব-জজ বাবুকে দেখে, হাসিমুখে অভ্যর্থনা ক’রে বসতে চেয়ার দিলেন। বল্লেন—‘আজ আমার কি সুপ্রভাত।’ সব-জজ বাবু বল্লেন—‘আর অত সমাদরে কাজ নেই, ঘাটের ব্যবস্থা কর, দ্রুত এসে গেছে।’

নবগোপাল—কি রকম?

সব-জজ বাবু—ছেলে দু’বেটায় পরামর্শ ক’রে, চারবেটা যমদ্রুত হাজির করেছে,—আমার ‘পাট’ ক’রবে বলে! কাছারী থেকে ফিরে দেখি তিন খুঁনে-মুর্তি আমার জন্যে অপেক্ষা করচে! পরে বুঝলুম—খুন করেনি, আমাকেই করতে বাহাল হয়েছে! বেটাদের আক্কেলটা দেখ!—তারা নাকি আমার ‘কোণ্ট মোচন’ করবে!

নবগোপাল—সেই উদ্দেশ্যেই বাহাল হয়ে থাকবে।

সব-জজ বাবু—ঐ সব মুরোদ? কেন,—আমায় তারা কুস্তি শেখাবে, না পাঞ্জা লড়াবে?

নবগোপাল—এখন করবে কি বলো,—উপায় কি?

সব-জজ বাবু—তা বলে, আমি সংসারে থাকব আর সকল রসে বঞ্চিত হয়ে ঐ বেটাদের হাতে submit ক’রে সুখ খুঁজবো এ-তো পারব না? এ কি লোহারামের না।

টচণ্টারের ভিটে যে এক ফোঁটা রসের ঠাই থাকবে না ! ছেলে বেটারা কি যত বেডউল পাখুরে মুরোদ দেখিয়ে, বাবাকে অজ্ঞা গুহায় গোর্ দেবে ! যদি ভাই নামগুলো শোনো ত এই সরস বাংলা দেশ থেকে ছুটে পালাবে । এক বেটা মদুচুন্দা, দ্বিতীয়—কাটুরী, তৃতীয়—চামোকাঁ, আবার সবসে সেরা—!o crown the lot, উড়ে বামুন ঠাকুর হচ্ছেন—উড়ুম্বর ! এই ছুচুন্দর, কাঠঠোকরা, চাম্‌চিকে, আর হুড়ুম-ভাজা নিয়ে আমাকে অবশিষ্ট দিন কাটাতে হবে ? আমি ‘মেঘদূতে’ মেডেল পেয়েছিলুম কি পরিণামে এই যমদূতের হাতে পড়তে হবে বলে ! ( এই কথায়, তাঁর চক্ষে জল পড়তে লাগলো,—তিনি আবার বল্লেন ) কোনখানে একটু পোইট্রি—অন্ততঃ একটু সুন্দর হাসি না পেলো, মানুষ বাঁচতে পারে বলে আমার বিশ্বাস হয় না । মেয়েদের কাজ মরদ দিয়ে—শোভনও নয়—সম্ভবও নয় । তা যদি হ’ত ত রেজিমেন্ট-গুলোও সংসার নামের দাবী করতে পারত । স্ত্রীলোকদের কি কেউ তাল গাছে উঠে তাড়ি পাড়তে বলে ? যার যা । আমায় পান দেখে চামোকাঁ, ব্যজন করবেন কাটুরী, আহা করাবেন—উড়ুম্বর ! আরে ছাঃ ! ছেলেদের এম-এ পড়িয়েছিলুম কিনা, দ-বেটাই দেখছি Master of Arts দাঁড়িয়ে গেছে,—বেটাদের বাচায়ের্ তারিফ আছে ! ইউনিভার্সিটিরও যেমন দৈন্যদশা—এক ফোঁটা ময়েন্‌ জোটেই—একবারে কাটখোলায় ভেজে ছেড়ে দিয়েছে । আমাকে খুসী করবার জন্যে ঐ মালকোচা-মারা সালস্কারা মুরোদ ক’বেটাকে কোন দিন ‘মা’ বলে না ডাকে !!—হাসির একটা হারিকেন্‌ বহিতে লাগিল ।

[ ১০ ]

কি আশ্চর্য, ঠিক সঙ্গে সঙ্গে বাহিরে ঝড়ের গোঁ গোঁ শব্দ আরম্ভ হইল, সকলে সভয়ে উঠিয়া পড়িলাম । সম্মুখে পাইয়া সারেংজিকে সেলাম করিয়া জিজ্ঞাসা করিলাম,—‘সারেংজি, ভয় নাই ত ?’ তিনি মনোমত সেলাম ও সম্ভাষণ পাইয়া, নিজের গুরুত্ব উপলব্ধি করতঃ গম্ভীরভাবে বলিলেন—‘টাইফুন অতি ভয়ংকর জিনিস, সমুদ্রের মাঝে থাকলে কোন ভয় ছিল না,—বন্দরে বড়ই বিপদের কথা ! এই লহমায় চেন্‌ ছিঁড়ে, জাহাজে জাহাজে, কি পাহাড়ে লেগে গর্দভে হয়ে ডুবে যাওয়াই সম্ভব ;—কিম্বা বন্দর থেকে বেরিয়ে অজানা দরিয়ায় গিয়ে খতম্‌ হতে পারে ;—এ সম্মুখ খোদাই মালিক ।’ পরে একটু উদাসভাবে—‘আল্লা তু’হি সব্‌কুছ্‌’ বলিয়া সরিয়া পড়িলেন ।

এতক্ষণ আমরা যে অংশটুকুর উপর নির্ভর করিয়া নিশ্চিত ছিলাম,—সংক্ষিপ্ত বক্তৃতায় সারেঞ্জি তাহাতে সজোরে কোপ মারিয়া সেটুকু সাফ—নিম্ন করিয়া দিলেন ;—তাহার কথা শুনিয়া আমরা একদম বসিয়া পড়িলাম । আমার টাইফুন্ দেখিবার সাধ ও আমার সঙ্গীদের সাহস,—সমূলে শুকাইয়া গেল ।

সারেঞ্জির কথা শুনিয়া পণ্ডানন কিন্তু চাটিয়া বলিল—‘মশাই, লোকটা কি বেয়াড়া-খোদার গড়ন ! আপনিও যেমন—ওকে মর্দুর্দ্বিধ ধরতে গেছেন,—বেটা ড্রেক্ না নেল্‌সন্ ?’ যাহা হউক,—পণ্ডাননের এই সময়োচিত রিমার্কটা খুব কাজ করিল । আমাদের ‘পারা’ normal point-এর নীচে যে-রকম নামিয়া পড়িয়াছিল, তাহার এই কথায় সেটা চন্‌চন্‌ করিয়া উধ্বর্‌মুখে ছুটিতে আরম্ভ করিল ;—সত্যি তাহা সকলকে একটু চাঙ্গা করিয়া দিল । চাটুয্যে কিন্তু ভীতকণ্ঠে বলিল—‘হ্যাঁ বাঁড়ুয্যে মশাই, বড়ো লোকটা তবে অমন কথা বললে কেন ?’ আমাকে তাহার উত্তর দিতে হইল না, পণ্ডাননই বলিয়া উঠিল,—‘অমন ঢের রোগকুব্‌ বড়ো আমি দেখেছি,—বড়ো হলেই বুদ্ধি তাঁকে ‘বিক্রমাদিত্যের বরাহ’ ঠাওরাতে হবে ?’

ঝড় উত্তরোত্তর ভীষণ ভাব ধারণ করিল । তাহাতে আবার রাত্রিকালে বিপদ-গুলার বহর বাস্তব অপেক্ষা বহুগুণ বেশী বলিয়াই বোধ হয়,—সহায় সম্পত্তি সন্তোকে আপনাকে অসহায় বোধ করে । বন্দরে বন্ধ থাকিলেও আমাদের সেদিনকার রাত্‌টি যেন জীবনব্যাপী পাট্টা লইয়াই উপস্থিত হইয়াছিল । সে রাতে ঘাড়ের কাঁটা যেন এক ঘন্টায় পাঁচ মিনিটের ঘরাট পার হইতেছিল । রজনীর নিশ্চিন্ততায় ঝড়ের সোঁ-সোঁ, গোঁ-গোঁ শব্দ বিকটতর হইয়া সারেঞ্জির কথা স্মরণ করাইয়া মর্দুর্‌মর্দু ভয়ের সৃষ্টি করিতেছিল !

সেই ঝড়ে আমরা জড়ের মত একস্থানে জড়-সড় হইয়া প্রভাতের প্রতীক্ষা করিতে লাগিলাম । চাটুয্যে আমাকে ঘেসিয়া বসিয়াছিল । এক একটা দূর্‌জয় দমকায় কাহারো মুখে দুর্‌গা নাম, কাহারো মুখে ‘নারায়ণ’, কাহারো মুখে ‘মধুসূদন’—ঠেলিয়া বাহির করিতেছিল, কেবল চাটুয্যে তাহার পূর্ব‌সংস্কার মত—জয় হনুমান, জয় হনুমান—করিয়া উঠিতেছিল । প্রত্যেক দমকায়, বোধ হয় সে আমাকে আসন্ন বিপদটা স্মরণ করাইয়া দিবার বা আমাকে সজাগ রাখিবার এমন এক মারাত্মক উদ্‌গত উপায় অবলম্বন করিয়াছিল যে, ক্রমে তাহা আমার পক্ষে উপস্থিত বিপদ অপেক্ষা বিকট হইয়া উঠিতে লাগিল । প্রত্যেক ঝাপটার সঙ্গে সঙ্গে সে আমার উরুদেশ এমন সজোরে টিপ দিয়া ধরিতেছিল যে, তার সাংঘাতিক সাড়া আমার আত্মা পর্যন্ত পেঁচিতেছিল । আমি তাহার তাড়নে প্রত্যেক বারই একটু করিয়া সরিয়া বসিতে ছিলাম ;—কিন্তু সে-



হাঁকটুকু ফি-বারেই পানাপুকুরের পানা সরার মতই তখনি অলক্ষ্যে পদরিয়া যাইতেছিল ; —আবার সেই বিদকুটে টিপনি। উরুতে আউরে উঠলো। একবার চকিতে মনে হইল—যদি বা ঝড়ে রক্ষা পাই, কিন্তু বিদেশে উরুশুভ হইলে আর বাঁচোয়া নাই। উঠিয়া পড়িলাম। চাটুষ্যে অমনি তাড়াতাড়ি আমার কাপড় ধরিয়া কাতর দৃষ্টিতে বলিল—‘কোথা যান বাঁড়ুষ্যে মশাই!’ আমি বলিলাম—‘একটু দাঁড়াই, পা ধরে গেছে।’ মজুমদার ভায়া দাঁড়াইয়াছিল, সে বলিল—‘তবে আমি একটু বসি।’ আমি তাহাকে স্থান ছাড়িয়া দিয়া সরিয়া দাঁড়াইলাম।

মিনিট্ তিনেকের মধ্যেই, একটা দমকার সঙ্গে সঙ্গে, আচমকা—‘ওরে বাবারে—উহুহু’ করিয়া মজুমদার ভায়া লাফাইয়া ওঠায়, বিপদ বৃদ্ধি আসন্ন ভাবিয়া, চাটুষ্যেও সতীংকারে ‘হনুমান রক্ষা কর’ বলিয়া শশব্যস্তে, আলুথালু উঠিয়া পড়িল। ভায়া ভয়ানক চটিয়াছিল, সে এক অপূর্ব মুখভঙ্গী করিয়া বলিল—‘কচুপোড়া খাও, তুমি কোথাকার লোক হ্যা!’ সকলে অবাক, বোস্ জা জিজ্ঞাসা করিলেন—‘কি হে, ব্যাপারটা কি!’ মজুমদার—‘ব্যাপার এই দেখুন না,—একবারে হাফ-খুন’ বলিয়া কটি পর্যন্ত কাপড় তুলিয়া উরুত দেখাইল। ভায়ার বর্ণটা কাল নয়, বাস্তবিকই তাহার উপর চাটুষ্যের বক্র তর্জনী ও বৃদ্ধাঙ্গুষ্ঠ সুস্পষ্ট হইয়া রক্তাভায় দেখা দিয়াছে।

আজিকার দুর্যোগে আমাদের পণ্ডাননের মূখও বন্ধ হইয়া গিয়াছিল ; সে এতক্ষণ বড়ই বিমর্ষভাবে অস্বস্তিতে কাটাইতেছিল। এই আকস্মিক ঘটনাটা বামালশুদ্ধ পাওয়ায়, উৎসাহে তাহার দীর্ঘদন্তগুলি ঘরবার করিতে লাগিল। মজুমদার ভায়ার উরুতটায় উঁকি মারিয়াই বলিয়া উঠিল—‘উঃ—কি ভীষণ! দয়াময় দ্বাপরে উপস্থিত থাকলে ভীমকে আর হিমসিম খেতে হ’ত না, দুর্যোধনের উরুতটা উনিই মড়াং করে ভেঙ্গে দিতে পারতেন!’ মজুমদার বলিল—‘তাই বটে, রত্নাকরের improved edition—বিড়িয়া সংস্করণ, লাঠি ছুঁতে হয় না!’

আমি আর হাসি চাপিতে পারিতেছিলাম না। দু’পা অন্তরালে গেলাম। বোস্ জা বলিলেন—‘একটু দাঁড়ান বাঁড়ুষ্যে মশাই—একসঙ্গে যাই, আমারও বড় পীড়া উপস্থিত।’ একটু সামলাইয়া আসিয়া—তখনো চাটুষ্যেকে সেই অপ্রতুত অবস্থায় নীরব থাকিতে দেখিয়া বলিলাম—‘কি এতবড় ব্যাপারটা ঘটেছে যে, তোমরা এখনো সেই নিয়ে রয়েছ?’ শুনিয়া মজুমদার বলিল,—‘ভায়া ত এর স্বাদ পাওনি, একেবারে কছপের কামড়—মাথা পর্যন্ত বনঝনিয়ে গেছে।’ পণ্ডানন অমনি পোঁ ধরিল—‘ভগবানের কৃপায় আজ ঘন ঘন মেঘ ডাকছে তাই, তা না হলে, জ্যান্তো শাঁড়াসীর চাপ সেন্টে ধোরতো!’ চাটুষ্যে মজুমদারের দিকে কাতর দৃষ্টিতে চাহিয়া বলিল—‘আমি বৃদ্ধে

পারিনি, আমি ভেবেছিলুম—বাঁড়ুয়ে মশাই—’ তাহার অবস্থা দেখিয়া আমার বড়ই কষ্ট হইল ; মজুমদার কিন্তু আমার দিকে ফিরিয়া বসিল—‘তোমরা দেখাচি তিলকে তাল করতে ভালবাস, আমিও ত ওখানে বসেছিলুম, বোধ হয় ছাপ্পান্নবার ওরকম হয়ে গিয়ে থাকবে, কি এমন মারাত্মক তা ত বুঝতে পারিনি । বিপদের সময় ভীরুলোক মাত্রই সামনে একটা অবলম্বন পেলে সেটা জোরেই ধরে থাকে ।’ মজুমদার—‘তুমি বল কি বাঁড়ুয়ে ! তুমি যদি এ যুগের জরাসন্ধ না হও, আর সত্যি যদি তোমার উরুতের ওপর ঐ অস্তিটপূর্নীর এনকোর চ’লে থাকে, ত’ পা খানি am utate করতে ( বাদ দিতে ) হবে জেনো ।’

এমন সময় পণ্ডানন Eureka ( পেয়েছি ) বলিয়া লাফাইয়া উঠিল । বোসজা বলিলেন—‘কিহে—তুমি আবার কি পেলে ? তোমরা যে দেখাচি আবার একখানা ‘পণ্ডাঙ্ক’ ফাঁদলে !’

পণ্ডানন বিকশিত দন্তে আরম্ভ করিল—‘ঠাকুরদের নাম কিনা, তাই বিপদকালে মনে আসছিল না মশাই । গাঙ্গুলী মশাই তাঁর blue-lotusটি ( নীল-পদ্মটি ) মতের ছেড়ে দিয়ে স্বর্গে সরে গেছেন । তা তাঁকে দোষ দেওয়াও যায় না,—বিধুভূষণকে দিয়ে খোঁজ করতে কসর করেননি ;—সে দলভ শর্মাটি যে বেয়লা ফেলে সাগর লম্বে একদম বর্মায় গা-ঢাকা হয়েছে, এ কারুর আক্কেলে আসতে পারে না ।’

বোসজা—‘কি মাথামুন্ড বোকচ পণ্ডানন, তোমার গাঙ্গুলী মশাইটি কে ?’

পণ্ডানন—‘এ দেখুন, আবার ভুল করছি ; আমার আর গতি হবে না, ভূতই হতে হবে দেখাচি ।’

আমি বলিলাম—‘হতে হবে কিহে ?’ পণ্ডানন একগাল হাসিয়া বলিল—‘একটু আস্তে বলুন, সবাই আজও সেটা ধরতে পারেননি ! দেখুননা ফের ঠাকুরদের নামটা ভুলেছি,—তারকনাথ গাঙ্গুলী, যিনি ‘স্বর্ণলতা’ উপন্যাসখানির রচয়িতা ।’

বোসজা হো হো করিয়া হাসিয়া বলিলেন—‘সেই পদ্ম-আঁখি ! ওরে বা-বা, তোমার imagination-এর ( কল্পনার দৌড়ের ) তারিফ আছে ! মজুমদার—‘টিপূর্নীরও মিল আছে ! তার টিপূর্নিও মোক্ষম ছিল ।’

এই কথায়, কালীঘাটের সেই গোবিন্দ অধিকারীর যাত্রার আসরটা যুগপৎ সকলের মনে হওয়ায়, হাসির একটা হল্লা পড়িয়া গেল !—হাসিল না কেবল চাটুয্যে, আর আমাদের সুপরিচিত ও সুশিক্ষিত স্কলার—দত্তজা । তিনিও উপস্থিত ছিলেন, বিপদের সময় প্রাণিমায়েই বিরুদ্ধভাব ভুলিয়া যায়, বাঘে ঘোগে এক স্থানেই আশ্রয় লয় । তাঁহার না হাসিবার অনেকগুলি কারণের মধ্যে—বঙ্গভাষায় লিখিত পদ্যের

সহিত অপরিচয় প্রকাশের গৌরবটাও অন্যতম। আর চাটুয্যের অবস্থাও ক্রমশ pitiable (কৃপার যোগ্য) হইয়াই দাঁড়াইয়াছিল। তথাপি রেহাই নাই; বোসজা বলিলেন—‘ও বড় বড় লেখকদের ধারাই ঐ, তাঁরা লেলিয়ে দিয়ে সরে পড়েন। দেখ না,—বিশ্বকম বাবুই কি তাঁর বিদ্যাদিগ্গজকে সঙ্গে নেন্গেছেন, না, তোমার ঐ গাঙ্গুলী মশায়-ই তাঁর গদাধরচন্দ্রকে সাথী করেছেন, আর রায় মশাই তাঁর নন্দলালকে নড়িয়েছেন কি? ঐ ক’রেই ত দুনিয়াটা দ’পড়ে যাচ্ছে—’ হায়—বেচারি চাটুয্যের হইয়া বড়বাবুকে কেহই বলিল না—You too Brutus (আপনিও লাগলেন)। মানুষের মজা দেখা স্বভাব।

পঞ্চানন উন্মুখ হইয়াছিল, সে বোসজাকে সমান্ত করিতে না দিয়াই বলিল—‘দ’পড়ে কি মশাই! ভরাট হয়ে গেল—তারা এন্ডাবাচ্ছা ছাড়ছে না?’

এই সময় হরিপদ বলিয়া উঠিল—‘সকাল হ’ল যে মশাই।’ চাহিয়া দেখি—তাই বটে।

আমি চাটুয্যেকে একটু চাস্পা করিবার পথ খুঁজিতেছিলাম, ফাঁক পাইয়া বলিলাম—‘তোমাদের মতলব হাসিল হয়েছে ত’: ফর্সা হ’লে ফার্স ফিকে মেরে যায়, আর নয়, এখন দুর্গা দুর্গা বল।’ চাটুয্যেকে বলিলাম—‘চাটুয্যে, এঁদের মতলবটা এখন বুঝতে পেরেছ ত? ঝড়ের আতঙ্কটা ভুলে থাকবার জন্যে আর তোমাকেও ভুলিয়ে রাখবার তরে একটা উপলক্ষ্য করে এই অভিনয় চলছিল। ছেলেপুলেদের হেঁচকি ওঠা থামাতে হলে তাদের মিথ্যে একটা দোষ কি অপবাদ দিয়ে চটিয়ে অন্যমনস্ক বা আশ্চর্য করে দিতে হয়, তা হলেই তাদের মন হেঁচকির দিকে না থেকে রাগের দিকে পড়ে, অর্মান হেঁচকিও বন্ধ হয়ে যায়,—এধা জান ত? আজকের এ ব্যাপারটাও তাই,—তোমাকে হতভম্ব বানিয়ে দিয়ে অন্যমনস্ক ক’রে রাখা।’ শূনিয়া চাটুয্যে আর সে চাটুয্যে রহিল না, মূহূর্তেই প্রকৃতস্থ হইয়া একটা নিশ্বাস ফেলিয়া বলিল—‘তাই বলুন, আমি ত কিছই বুঝতে পারিনি; আপনারা সব করতে পারেন! এখন বুঝেছি—তানা ত’ বড়বাবু পর্যন্ত যোগ দেন!’

বাস্তবিক সেই ভৈরব টিপুর্নির পাগ্লায় পড়িয়া ঘণ্টা দেড়েক অতবড় টাইফুন ঝড় যে কোথায় রড়্ দিয়া একদম গা ঢাকা হইয়াছিল, সে সংবাদ আমাদের কেহই রাখে নাই। মনই সুখ-দুঃখের সৃষ্টি করে, তাহাকে স্থানান্তরিত করিতে পারিলেই ফাঁকি দেওয়া যায়,—এই কথাটা পূর্নাথতেই পড়া ছিল, তার সাক্ষাৎ প্রমাণ আজ পাওয়া গেল।

চট্কা ভাঙ্গিবার সঙ্গে সঙ্গেই ঝড়ের হুঙ্কার, জাহাজের ঝাঁকুনি, মূহূর্তেই আমাদের চিন্তাকর্ষণ করিয়া আবার ভয়ের সঞ্চার করিয়া দিল; আবার সেই দুর্গা দুর্গা। ঝড়-

বৃষ্টি তখনও পূর্ববৎই চলিতেছে। বিপদের দিনে সূর্যাস্তের সঙ্গে সঙ্গে একটা অসহায় ভাব আসিয়া মনটাকে যেমন ভীত ও অবসন্ন করে, আবার অরুণোদয়ে তেমনি তাহাকে একটা নূতন আশা, নব বল দিয়া থাকে। আমরাও সেটা পাইলাম। সারেংজির গত রাত্রে সূর্যাস্ত বাণীটা সকলের স্মরণ থাকিলেও প্রাতের আলোকে তাহার বিষদাঁত ভাঙ্গিয়া দিল। লোকে সাধারণতঃ বলিয়া থাকে ‘কুল’ পেলো বাঁচি।’—আমরা সেই বহুবাক্তিত ‘কুল’ তখন বন্ধুকে পিঠে দেখিতে পাইলাম।

ঝড়-বৃষ্টির প্রচণ্ডভাব সমানেই চলিতে লাগিল ; বন্দরে থাকায় কেবল জাহাজের রোলিংটা তেমন মনের মত হিন্দোলরাগ আলাপ করিবার অবকাশ পায় নাই। তাই আমাদের কাজ-কর্মে,—কি না—স্নানাহার ও গল্প গুজবে বিশেষ ব্যাঘাত হইল না। ইতিমধ্যে একবার আমার পরিচিত ইউরেশিয়ান মিস্টারটি আসিয়া হাসিতে হাসিতে গ্রীবাটা ফণা-ধরার ফ্যাশনে আন্দোলিত করিয়া বলিলেন—‘হ্যালো—আমি ভেবেছিলাম দেখব—তোমরা কাঁদচো!’ বলিলাম—‘সে কি কথা,—তোমাদের মত সহৃদয় সহযাত্রী বেঁচে থাকতে আমাদের কান্নার কোন কারণই ত আমি ভেবে পাই না ; তোমার এরূপ আশা করাই ভুল হয়েছে।’ শুনিয়া তিনি হাসির সাহায্যে ও-পথটা ছাড়িয়া, গত বিভীষিকাময়ী রজনীর ঘাড়ে horrible, terrible, awful প্রভৃতি বিশেষণ চাপাইয়া চলিয়া গেলেন।

[ ১৪ ]

আমাদের আড্ডাটা অধিকাংশ সময়েই উপরের ডেকে জমিত। সারারাত্রি জাগরণের পর, আহরাস্তে সকলেরই ঢুলুনি দেখা দিল। পণ্ডান বেষ্টে ঠেস দিয়া উর্ধ্বমুখ হইয়া ঘুমাইয়া পড়িয়াছিল। বন্ধ থাকিতে কেহই চায় না, স্বাধীনভাবে থাকিবার ইচ্ছা সকলেরই স্বাভাবিক। জাগ্রতাবস্থায় যে-দাঁতকে অনেক কষ্টে ও অনেক কষ্টে বদনমধ্যে বন্দী করিয়া রাখিতে হইত,—বেহুঁস অবস্থায় তাহারা প্রস্ফুটিত কুমুদের (হেলা ফুলের) মত বাহিরে আসিয়া তখন সহাস্যে দেখা দিয়াছে ! পাছে তাহা পদচারণা-প্রিয় ইউরোপীয়ান ও ইউরেশিয়ানদের দৃষ্টি আকর্ষণ করে ও হাস্য পরিহাসের কারণ হয়, তাই পণ্ডানকে শয্যায় পাঠাইয়া দিলাম। এইবার একটু ফাঁক পাইয়া জাহাজের ডাক্তারকে ধরিয়া উরুতটার উপায় করিয়া লইলাম ; তিনি টিংচার-আয়োডিন লাগাইয়া দিলেন।

কৈদার রচনাবলী (১ম খণ্ড)—৪

একটু পরেই খাঁ-সাহেব আসিয়া উপস্থিত হইলেন। তিনি বিশেষ করিয়া বড়বাবুকে (বোসজাকে) একটি প্রমাণ সেলাম ঠুকিলেন ও আমাদের উপর সেটা সাপটাভাব এক-ঝোঁকেই ব্দুলাইয়া শেষ করিয়া দিলেন এবং ঐ সঙ্গে মেজাজ ও তাঁবয়ং সম্বন্ধেও তত্বটা লইলেন। এটি তাঁহার নিত্য কর্ম ছিল;—কারণ তিনি পলটনে রসদ (ration) প্রভৃতি যাবতীয় প্রয়োজনীয়ের Purchasing Agent (খরিদ-কর্তা) হইয়া চলিয়াছিলেন এবং সে ক্ষেত্রে বড়বাবুরাই যে বঙ্গ-বিজয়ের বখতিয়ারের মত চীন-বিজয়ের চৌঙ্গজ খাঁ, সেটা তাঁহার সাতাশ বৎসরের চাকুরীর অভিজ্ঞতা তাঁহাকে বিশেষ করিয়াই শিখাইয়া রাখিয়াছিল। লোকটি বয়সেও বড়, বিজ্ঞতাতেও বিশিষ্ট;—পণ্ডাশের উপর বোধ হয় পাঁচ কদম ফেলিয়াছিলেন। স্বধর্ম্মানুরাগী ও নেমাজী। তাঁহার হাতে পিড়িয়া চাল বা চলম, কোনটিই বেগড়াইবার বাগ পায় নাই। ফল কথা, তাঁহাতে বাহুল্যদোষ মাত্র ছিল না। সেটা নাকি পারচেজিং এজেন্টের পক্ষে, অর্থাৎ তাঁহার পদাভিষিক্তের পক্ষে শোভন নয়, বা গুণবাচক নয়। কারণ একটা বড় রকম অভিযানের (যাহার খরচের খাতাটা ভূতের বাপের শ্রাদ্ধের হিসাবের সামিল বলিয়াই অনেকের ধারণা) ক্রয়-কর্তা হইয়া যাওয়া মানে—নাকি লক্ষপতি হইয়া ফেরা, আর সেই সঙ্গে মিস্টার্স ইতরেজনাাদের বিতরণ করা। তবে বড়লোক হবার যেটা রাজপথ, সে পথে চলিবার সাহস সকলের থাকে না, এবং তাহারাই নাকি নিবোধ ও লক্ষ্মীছাড়া। আমাদের খাঁ-সাহেবের সেটা না থাকাই সম্ভব;—এই কথা লইয়া ইতিমধ্যেই আলোচনা চলিয়াছে। তাঁহার বয়স ও তাঁহার কপালে নেমাজের কালশিরাই কালস্বরূপ হইয়া এই সন্দেহটা তুলিয়াছে, এবং 'খোরাকিদের' একটু নিরুৎসাহও করিয়াছে।

কিন্তু প্রত্যহ আহারের সময় যখন ডেকের উপর জাজিম পাতা হইত ও তাহার উপর বড় বড় পরাতে মোটারুটীর মহানৈবেদ্য ও প্রকান্ড প্রকান্ড হাণ্ডায় দাল ও সুন্দর আঁসিয়া পড়িত, এবং খাঁ-সাহেব, গুণ, অবস্থা ও পদনির্বিশেষে তাঁহার সহচর ও সহধর্ম্মীদের লইয়া একত্রে আহারে বসিতেন, তাহা অপর সকল যাদু ও জাতিরই দর্শনীয় ও শিক্ষণীয় ছিল। সান্সোপাদদের মধ্যে অধিকাংশই Menials and Followers (ছোটলোক মজুর); কেহ ভিস্তি, কেহ সইস, কেহ কসাই, কেহ বাহক, কেহ baker (রুটিকর), কেহ খচ্চর চালক, কেহ বয়েল চালক ইত্যাদি ইত্যাদি; তাহারা ৯ টাকা বেতনে চীনে চলিয়াছে। সকলেই বিভিন্ন প্রদেশাগত। সে শ্রীক্ষেত্রে পরিচিত-অপরিচিতের বাধা ছিল না—মুসলমান মাদ্রেই welcome (স্বাগত); সকলকেই ডাক দেওয়া হইত। রোগী, বিকলাঙ্গ, নোংরা—সকলেই একাসনে বসিয়া একই পাত্র হইতে স্বহস্তে ভোজ্য বস্তু লইয়া বেশ সহজে ও সানন্দে গল্পাদির মধ্যে

সকলের একত্রাহার সমাধা হইত। পরে একই বদনা সকলেরই বদনে প্রবেশ করিয়া তাহাদের পিপাসা মিটাইত ; পরিশেষে একই গড়গড়ার নল, পর্যায়ক্রমে সকলকে এক এক টানের আরাম দিয়া, অর্ধ-ঘণ্টাকাল ঘুরপাক খাইয়া খাইয়া, এই নিত্য উৎসবের উপসংহার করিত। মহাপুরুষ মহম্মদোক্ত এই যে ধর্ম-মূলক mandate ( আদেশ ), ইহাই আজ পৃথিবীর এক-তৃতীয়াংশ লোককে এক মহাজাতিতে, এক মহাপ্রাণে পরিণত করিয়া রাখিয়াছে। এই একাসনে একই পাত্র হইতে—আহুত অনাহুত রবাহুত, ধনী দরিদ্র রোগী ভোগী, মলিন ও সৌখিনের একত্র ভোজন,—অপর কোন সুসভ্য শক্তিশালী জাতির মধ্যে আছে কি না জানিনা। অনেকে জাতিভেদকে বিদ্রূপ করিয়া থাকেন বটে, কিন্তু অবস্থাভেদ ও ঐশ্বর্যভেদকে বিলক্ষণ আঁকুড়িয়া থাকেন। আমাদের খাঁ-সাহেবের মজলিসে তাহা পাইলাম না ; এই ভীষণ টাইফুনের দিনেও সেই নিত্য-নিয়মিত প্রথা অক্ষুণ্ণই রহিল। তথাকথিত হিন্দুরা কে কাহার খোঁজ রাখে ! কেহ জাহাজের খানা, কেহ কাঁচা চানা খাইয়া এই দুর্যোগের দিনে জাতি রক্ষা করিল। সাহিত্যসম্রাট রবীন্দ্রনাথ আমাদের অভিসম্পাত করিয়া বলিয়াছেন :—

‘মানুষের অধিকারে বণ্ডনা করেছ যারে’—ইত্যাদি।

আর আজ মহাত্মা গান্ধী বলিতেছেন :—

‘The existence of untouchability must remain an impassable barrier in the path of our progress, which we must break down with supreme effort.’

উভয়েই মহাপুরুষ,—বিপ্র সাবধান ! ✓

[ ১৫ ]

ঝড়ের বেগটা পূর্ব-বৎ থাকিলেও আমাদের ভয়ের বেগটা শ্রান্ত হইয়া পড়িয়াছিল। গল্পাদির মধ্যে এক একবার সেদিকে নজর পড়িতেছিল মাত্র। কিন্তু অকালে সন্ধ্যার আয়োজন দেখিয়া প্রাণটা কিছ্র দমিয়া গেল। ঠিক এই সময় মজুমদার ভায়ার ভৃত্য ‘মহাদেব’ একখানি গামলি হাতে করিয়া আসিয়া বলিল,—‘বাবু খাচ্ছি, গরম গরম বি আছে, কুড়-কুড়া বি আছে।’ আমি বলিলাম—‘কি খাচ্ছিসরে মহাদেব?’ সে উত্তর করিল—‘আপনি খাচ্ছে,’—এই বলিয়া পাত্রটি আমাদের সম্মুখে ধরিয়া দিল।

এই মহাদেবটিকে দেখিয়া আমার বড়ই দঃখ হইত। বেচারী মজুমদার-সংসারে

একাদশ বর্ষ চাকুরী করিয়া, দু'কূল খোয়াইয়া বসিয়াছিল। তাহার বাড়ী গয়া জেলায়, কিন্তু দীর্ঘকাল বাঙ্গালীর বাড়ী থাকিয়া বাংলা বুলির প্রতি বিশেষ প্রীতি-পরায়ণ হইয়া পড়ে। তাহাতে গয়ার বুলিও কতকটা বেহাত হইয়া গিয়াছে, এবং বাংলাটাও বাগে আসে নাই; কাজেই সে গয়ার ভূত হইয়া দাঁড়াইয়াছিল।

যাহা হউক, গার্মলিতে হাত দিয়া দেখি,—বেসমের গরম গরম বড়া বা পশ্চিমাঞ্চলের পকুড়ি। সকলকে বণ্টন করিয়া দিলাম, দত্তকেও কতকগুলি দিয়া আসিলাম : কারণ আহার সম্বন্ধে কস্মিন্ কালে তাঁহার আপত্তি বা অর্দ্রাচি দেখি নাই। লক্ষা জিরে পলাশ্চু প্রভৃতি সহযোগে বস্তুটা এমন প্রস্তুত হইয়াছিল ও এমন সময়মত আসিয়া উপস্থিত হইয়াছিল যে, সকলেই তাহা ইমন-কল্যাণের মত উপভোগ করিতে আরম্ভ করিল, পণ্ডানন পশ্চমুখে তাহা পাচার করিতে লাগিল—তাহার অস্ত্রও সর্বাংশে ও সর্বাপেক্ষা উন্নত ছিল, সুতরাং তাহার ক্ষিপ্ৰকারিতার পুরস্কার দিতে সকলকেই কিছু কিছু ত্যাগস্বীকার করিতে হইল। কেবল চাটুয্যো এই শেষ ফলটা অনুমান করিয়া লইয়া নীচে সরিয়া গিয়াছিল। পকুড়ির মহিমাও মন্দ নয়, দেখিলাম। কিছুক্ষণ বেশ নিরুদ্ধেগে কাটাইয়া দিল, টাইফুনের টু° শব্দটি পর্যন্ত কেহ কানে করিবার অবসর পান নাই।

সকলেই নিদ্রাতুর ছিলেন, রাত্রি আটটার পর চা খাইয়া শয্যা লইলেন—আহারের দিকে ঘেঁসিলেন না; কেবল দত্তজা ও চাটুয্যো নিয়ম ভঙ্গ করিলেন না। মজুমদার ভায়া বলিল—‘বাঁড়ুয্যে তুমি ত ঘুমুচ্চনা, তেমন তেমন দেখ ত সময় থাকতে ডেকে দিও।’ ঘণ্টা দেড়েক পরে চাটুয্যো আসিয়া বলিল, ‘ভয় নেই ত বাঁড়ুয্যে মশাই, শূদ্রে পারি?—ঘুমুচ্চনা।’ আমি বলিলাম—‘তবে আর কি, জগদম্বা মালিক, শূদ্রে পড়!’ দেখিতে দেখিতে টাইফুনের তর্জন ভেদ করিয়া, বোসজা, দত্তজা ও চাটুয্যোর নাসিকা গর্জন শ্রুত হইতে লাগিল। রাত্রি একটার পর ঝড় প্রবলতর মূর্তিতে দেখা দিল, এক একবার প্রাণ কাঁপিয়া উঠিতে লাগিল; কিন্তু যাহারা নির্দ্রুত, তাহারা এই দ্বারস্থ মৃত্যুদূতের কোন সংবাদই রাখেন নাই। দুর্গা দুর্গা করিয়া তিনটা বাজিল : কাপ্তেন সাহেব ও মাষ্টার সাহেব সজাগ, সকলেই ব্যস্ত। রাত্রি সাড়ে তিনটা আন্দাজ,—সে ভাবটা যেন সহসা সরিয়া গেল, তাহার পর ঝড় ক্রমশই দুর্বল হইয়া পড়িতে লাগিল। নিদ্রায় সর্বশরীর কাতর ও অভিভূত ত ছিলই। একটু উদ্বেগমুক্ত হইতেই, সে যে কখন আমাকে আপন অধিকারের মধ্যে টানিয়া লইয়াছে, তাহা জানিতেও পারি নাই।

নিদ্রাভঙ্গে দেখি, সূর্যদেব প্রতিরোধে উর্কি মারিতেছেন,—উপরে মহা কোলাহল।

অপার-ডেকে গিয়া দেখি, সব মূর্তিই সেখানে উপস্থিত ; আকাশ মেঘমন্ড, সেই প্রবল বাত্যা সমীরণে দাঁড়াইয়াছে । জলের সে উন্মত্ত মাতুনি নাই,—অপ্প আপ্পানি আছে মাত্র । ঝড়ের ভৈরব মূর্তি দেখিয়া জাহাজের যে-সব যন্ত্র, আসবাব ও তোড়জোড় খুলিয়া রাখা হইয়াছিল, এখন তাহাদের যথাস্থানে ফিট ( সংযুক্ত ) করা হইতেছে ; পালগদুলি শূন্য হইবার জন্য তাহাদের স্ব স্ব স্থানেই প্রলম্বভাবে মেলিয়া দেওয়া হইতেছে । কলকন্ডায় চরবি লাগান চলিয়াছে ; হড়্ হড়্ বন্ বন্ শব্দে নঙ্গর উঠিতেছে :—হুলস্থলে পড়িয়া গিয়াছে । কাপ্তেন, চিফ্ ও সহকারীরা খুবই ব্যস্ত ;—আটটা বাজিলেই জাহাজ ছাড়বে ।

জাহাজের বাহিরে চাহিয়া শ্রুতিত হইয়া গেলাম । সেই দুর্যোগে কখন যে কয়েকখানি ঝড়-নড়া জাহাজ, আমাদের আশে-পাশে গা-ঘেসিয়া আশ্রয় লইয়াছে, তাহা জানিতে পারি নাই । একই অবস্থাপীড়িত Strange bed companions দেখিয়া ভয় বিস্ময় ও দুঃখ হইল । কি ভয়ঙ্কর বিপদের মধ্যে গ্রাহি গ্রাহি করিতে করিতে তাহারা যে বন্দরের মধ্যে প্রবেশ করিয়া প্রাণ বাঁচাইয়াছে, তাহা তাহাদের শোচনীয় অবস্থা দেখিলেই অনুমান করিয়া লওয়া যায় । কাহারো উপরের ছাদ উড়িয়া গিয়াছে ; কাহারো মাঝুল,—কে যেন মাঝখানে মোড় দিয়া ভাঙ্গিয়া দিয়াছে ; কাহারো চিমনি সটান শূন্য হইয়া পড়িয়াছে । কাহারো পার্শ্বসংলগ্ন জলিবাট কক্ষচ্যুত হইয়া গিয়াছে । একখানি ফরাসী জাহাজের হালের দিকটা—হাল ও পতাকা সমেত নিশানদন্ড, এবং মূল জাহাজের খানিকটা,—উপযুক্ত পুত্রের গন্ধমাদন উৎপাটনের পাল্টা জবাব হিসাবে স্বয়ং প্রভঞ্জন টানিয়া ছিঁড়িয়া লইয়া গিয়াছেন ! এত বড় প্রলয় শক্তি যে প্রকৃতির কোন প্রকোষ্ঠে প্রচ্ছন্নাবস্থায় থাকে, তাহা মানুষ্যের ধারণার অতীত । সকল জাহাজেরই যেন ঝোড়োকাকের চেহারা,—সব সরঞ্জামই ওলটপালট হইয়া গিয়াছে । এই দেখিয়া—দূর মহাসাগরস্থিত জাহাজগুলির পরিণাম ভাবিয়া সকলেই ভীত হইলাম । সকলের মনে হইল—‘ভাগ্যে জাহাজ বন্দরে ছিল ।’ এবং সেই সঙ্গে সারেথাজির পার্শ্বতীর প্রশংসাটা শত মূখেই চলিল ! পণ্ডানন বলিল—‘আমি তখনই বলেছিলুম—বেটা বকেয়া বয়ার !’

জাহাজগুলির ত’ এই দশা ; নাবিক ও আরোহীদের হৃৎপিণ্ডের উপর দিয়া যে ধাক্কাগুলা গিয়াছে, তাহাতে তাহাদের হাত-পা ছড়াইয়া সপ্তাহখানেক শয্যা শূন্য সামলান ও বিশ্রাম লওয়াই উচিত ছিল । আশ্চর্য এই যে আমাদের শয্যাত্যাগের পূর্বেই, নিকষানন্দনেরা দাঁড়ি ভারী ঝুলাইয়া, কেহ জাহাজে রং লাগাইতে, কেহ চরবি ঘষিতে, কেহ করাত হাতুড়ি লইয়া মেরামতের কাজে লাগিয়া গিয়াছে !



শুনিতে পাই, আমাদেরও একদিন ছিল, আমরাও ঐরূপ ছিলাম ;—বহুত আচ্ছা ।  
কবি বলিতেছেন :—

‘আসিবে সেদিন আসিবে,’—

বোধ হয়—রক্তভেদান্তে । অধুনা কিন্তু শুনিতে পাই,—শিক্ষানবিসীরও স্থানাভাব,—  
বর্ণে বাধে !

[ ১৬ ]

বেলা সাতটা হইতেই চেষ্টা চলিতেছিল, পরে অনেক ঘুরিয়া ফিরিয়া, নানা প্রকার  
সুর ভাঁজিয়া, বেলা আটটার সময় জাহাজ ছাড়িল । আমরা দুর্গা দুর্গা বলিলাম ;  
আমার ইউরেনসিয়ান বন্দুটি সদলে ও সবলে তিনবার হিপ হিপ হুররে হাঁকিলেন ।  
জাহাজ মন্হর গতিতে পূর্বমুখে চলিল । পনের মিনিটের মধ্যেই হংকং সহর পশ্চাতে  
পাড়িয়া গেল : কেবল তৎ-সংলগ্ন ক্ষুদ্র ক্ষুদ্র বসতি-বিরল পর্বতমালা, দুই দিনের  
অতিথিদের সঙ্গে সঙ্গে কিয়দ্দূর পথ দেখাইয়া চলিল ।

বন্দরের অপর পারটা ইংরাজ-সেনা-নিবাস, সে দিকটায় মাঝে মাঝে ও দূরে দূরে  
ইতব সাধারণের বসতি দেখিলাম । এই পারটাই চীনের দক্ষিণ সীমা, এখান হইতে  
সোজা উত্তরেই চীনের ক্যান্টন সহর । পণ্ডান বলিল—‘মশাই, এখানে একটা ‘ভায়া  
রিভিডিস’ থাকলে কি মজাই হ’ত,—চায়না সি’তে ( চীন সমুদ্র ) প্রাণ হাতে ক’রে পাড়ি  
মারতে হ’ত না ।’ মজুমদার বলিল,—‘এখানে ‘ভায়া’-টায়ার সম্পর্ক’ নেই পণ্ডান,  
এই খুড়ো ‘ক্রাইভ’ ( জাহাজই ) যা করেন ।’

ঘণ্টাখানেকের মধ্যেই মহাসমুদ্রের সম্মুখীন হওয়া গেল । তাহাতে সোজাসুজি  
ঝাঁপ দিবার উপায় কাহারও নাই । মোহানার মূখেই একটি ছোটখাটো পাষাণ-স্তূপ  
বা পাহাড়, মাথা তুলিয়া পথটিকে দুই ভাগে বিভক্ত করিয়া বিরাজ করিতেছে ।  
দেখিলেই বোধ হয় যেন—কোন এক অজ্ঞাত যুগে, মহাদেশ হইতে মহাদেশান্তরে শত্রু-  
প্রবেশের এই পথে, কোন এক দৈত্যকে প্রহরায় নিযুক্ত করা হইয়াছিল । পরে কোন  
এক অপরাধে অভিশপ্ত দৈত্য পাষাণে পরিণত হইয়া মন্স্তির প্রতীক্ষায় রহিয়াছে ।  
অহোরাত্র অনবরত তরঙ্গাঘাতে সেই পাষাণ-পঞ্জরে কয়েকটি রন্ধ্রপথ ও একটি গহ্বর  
সৃষ্টি করিয়া তাহাতে উত্তাল তরঙ্গের তান্ডব লীলা চলিয়াছে । তাহারা রন্ধ্রপথে  
প্রবেশ করিয়া গহ্বর-মুখ দিয়া খলখল মধুর হাস্যে মহাসাগরেই অনন্তকাল—

‘তোহে জনমি পদনঃ তোহে সমায়ত’

বলিতে বলিতে মহোপায়ে কাঁপাইয়া পড়িতেছে ! আনন্দময়ের এই আনন্দ-খেলার  
মুণ্টাও যিনি, মুণ্টাও তিনি !

খানিক অগ্রসর হইয়াই মাটির জগৎ হারাইয়া ফেলিলাম ! আবার সেই তরল  
বিশ্ব, সীমাহীন বিপুল জলরাশি। ভূগোল-পরিচয়েই পৃথিবীর পরিচয়টা পাই—  
তিনভাগ জল ও একভাগ স্থল। কিন্তু চক্ষে দেখিয়া মনে হয়—আমাদের পৃথিবীটি  
ইহার সমক্ষে বালকদের খেলিবার একটি বস্তুনের মত এবং তাহা সহজেই সমুদ্র-গর্ভে  
নিরুদ্দেশ হইয়া যাইতে পারে। এইটিই নাকি প্রশান্ত মহাসাগরের প্রারম্ভ। শান্ত  
বটে, কিন্তু তাহা দেখিয়া উদরস্থ প্রীতি শূন্য হইয়া যায় ও চিত্ত উদ্ভ্রান্ত হইয়া উঠে।  
তাহাতে বঙ্গোপসাগরের দুর্দান্ত দাপট, লক্ষ্যবাহু—তাড়কাবৃত্তি নাই ; কিন্তু তাহার  
গদরগাভীর্ষই শোণিত শূন্যিয়া লয়। আমরা হলান—বকুল-গন্ধামোদিত কোকিল-  
ডাকা ছায়াশীতল দেশের লোক,—আমাদের ফুরফুরে হাওয়া, ভুরভুরে গন্ধ, ফিনফিনে  
কাপড়, মিনিমিনে সুর, ফিকফিকে হাসি, ধুকধুক বুক লইয়া কারবার ; এ গাভীর্ষ  
আমাদের মূহূর্ত্তকে যেন চাপিয়া আড়ষ্ট করিয়া দেয়। এখানে প্রত্যেক তরঙ্গটি  
দীর্ঘ-প্রস্থে ‘উপেনের সেই দুই বিঘা !’ কিন্তু কোনটিই মাথা উঁচু করিয়া চলে না,  
মহা বিনীত, পরম ভক্তের মত মেরুদণ্ড দেখাইয়া বেড়ায়। বোসজা দেখিয়া বলিলেন—  
‘যেন সব অতিকায় কচ্ছপ ভাসছে।’ পশ্চানন আর চুপ করিয়া থাকিতে পারিল না,  
বলিল—‘যে-সে কচ্ছপ নয় বড় বাবু, বোধ হয় স্বয়ং কুমারতীর এই পানিতেই ডিম  
ছেড়ে গিচ্ছলেন।’ বাস্তবিক সেইরূপই বটে।

যাহা হউক, প্রশান্ত মহাসাগরের এই ভীম-গভীর ভাব সত্যিই প্রাণে ঘ্রাসের সঞ্চার  
করিয়া আমাদের অশান্ত করিয়া তুলিতেছিল। মনে হইতেছিল, এই বিরাট ময়াল  
ক্ষুধা-ক্ষিপ্ত হইলে ব্রহ্মাণ্ড কবলিত করিতে পারেন। ভাবিলাম, এ-সব ভাবের মূলে  
আমার নার্ভাসনেসই (দুর্বলতাই) কাজ করিতেছে ! এমন সময় চাটুয্যে বলিয়া  
উঠিল—‘বাঁড়ুয্যে মশাই, আপনার ভয় করচে না ? এ সমুদ্ররটার দিকে চাইতে  
ভয় করে।’ আমে বলিলাম—‘চেয়ে কাজ কি।’ বোসজা বলিলেন,—‘গাভীর্ষটাও যে  
এত বড় awful (ভয়নাক) জিনিস তা জানতুম না।’ আমি বলিলাম—‘জানতেন  
বই কি, মনে পড়ছে না।’ বোসজা বলিলেন—‘আপনাদের কথা বুঝতে দুনিয়া  
খুঁজতে হয়।’

এই সময় আহারের ঘণ্টা পড়িল, ক্রমে পেটেও কিছুর পড়িল ; সঙ্গে সঙ্গে পূর্বভাবের  
পরিবর্তনও দেখা দিল। যত বিভীষিকার বীজ এই পেটে ; পেট খালি থাকিলে সে

খেলাইবার স্থান পায়। স্বদেশী আমলের বড়লাট কার্জন সাহেব তর্জন করিয়া সার রাসবিহারী ঘোষ মহোদয়কে বলিয়াছিলেন—তোমাদের জন্য আমি এত করি, তবু দেশের লোক সন্তুষ্ট নয়! তাহাতে সার ঘোষ মহোদয় বলেন—My Lord, hunger is the worst counsellor—হুজুর পেটে যে অন্ন নেই! ক্ষুধাই কুমন্ত্রণা দেবার ভাঙ্গা-মঙ্গলচণ্ডী! দেখিলাম—পেটে কিছুর পড়ায় প্রশান্ত মহাসাগরের বিভীষিকাময় প্রকোপ অনেকটা পাতলা হইয়া পড়িল। তখন অন্যান্য প্রসঙ্গ সহজেই পথ পাইল। দিনটা মামুলি ভাবেই কাটিয়া চলিল ✓

[ ১৭ ]

এই অবকাশে একটা অন্য বিষয় সারিয়া রাখি। এই যে Follower ( ফলোয়ার ) বা সহচর-প্রািমিক নামক জীবগুলি চীন-অভিযানের সঙ্গী হইয়াছে, ইহাদের একটু পরিচয় দেওয়া দরকার। সকলেই জানেন—ভূতেরাই বড়লোকদের হাত-পা। একদিন যদি পাচক, চাকর, দাসী, কোচম্যান, খানসামা, কি মেথর না আসে, ত সংসার অচল, আর বাবুয়ানা কানা হইয়া পড়ে। যুদ্ধাদি অভিযানক্ষেত্রে ফলোয়ারেরাই সেই হাত-পা। যুদ্ধ করাটি ছাড়া অফিসার ও গোরাবাদের আহ্বারের আয়োজন হইতে আনুষ্ঠানিক সকল ব্যবস্থাই ইহাদের অপেক্ষা করিয়া থাকে। ইহার না থাকিলে গোরাদের হাতের হাতিয়ার অচল হইত। আমাদের গ্রামের জনৈক বিশিষ্ট বড় লোকের বাড়ীতে বোসকে হাড়ী বলিয়া একজন মাইনে-করা মেথর নিযুক্ত ছিল। পান-দোষটা রসিকের বরাবরই অভ্যাস। একবার কোঁকের মাথায় সে তিন তিন দিন পানেই মত্ত থাকে। বড় লোকের বড়-সংসার—অতিষ্ঠ হইয়া উঠিল। কিন্তু রসিক রসোন্মত্ত; দরোয়ানের ধমক ভাঙ্গাইতে পারিল না। চতুর্থ দিন যথাসময়ে রসিক আসিয়া হাজির। বাবু চাটিয়া এই মারেন ত এই মারেন। রসিক তখনো সরস; সে হাত জোড় করিয়া বলিল,—‘রসিককে ছোঁয়া যার তার কাজ নয় প্রভু, এমন ভদ্রলোক ত’ দেখতে পাই না; কেন মিছে মাখন-খেগো মাথাটা গরম করচেন? আমি ত’ বারমাস তিরিশ দিন ময়লা সাফ করে আসছি, হুজুর দয়া করে তিনটে দিন আর চালিয়ে নিতে পারেননি! যান তামাক খানগে।—যার জোড়া মেলে না, তার কি অপরাধ নিতে আছে প্রভু,—বড়লাট একজনই থাকে!’ গ্রামের মিউনিসিপালিটি তখনো এ জিনিসটি মাথায় করেন নাই।

ফলোয়ারগুলিও, স্বভাবে ও সামর্থ্যে সেই রসিক। ইহাদের মধ্যে মেথর, মদ্রিচ,

ধোপা, ছুতার, কামার, কসাই, বাবুর্চি, রুটিকার ( বেকার ), Muleteer ( খচ্চর-সওয়ার ), টেন্ট লশকর, ভিস্তি, মায় ব্রাহ্মণ বর্তমান । ইহাদের কাজকর্ম বা জাতির কথাটাই বড় কথা নয় ; বিশেষত্বটাই বলি । ইহাদের মধ্যে Permanent servant (পাকা চাকর ) কেহই নয় : বুদ্ধের গল্প পাইলেই ইহারা হাজারে হাজারে আসিয়া জমায়েৎ হয় । কাজ পড়িলেই ইহাদের ডাক পড়ে ; কারণ বারমাস এত কুপোষ্য পোষা সরকারের পক্ষে সহজ নয় । এ ছাড়া, Normal বা Peace condition-এর ( শান্তির অবস্থার ) বারমাসে লোকও আছে । এই যে জীবগুলি, ইহাদের মধ্যে অধিকাংশই Second Kabul War ( দ্বিতীয় কাবুল অভিযান ) হইতে, বংশাবলীক্রমে লড়ায়ের লোভে লালায়িত হইয়া আছে । তাহার কারণ, ইহাদের বাপ খুদারা সম্ভবতঃ নিজেদের পক্ষের হতাহতদের পকেট মারিয়া মানদ্রু হইয়া ফিরিয়াছিল । ডুলিবাহক, স্ট্রেচারবাহক ও ভিস্তিদের লড়াই-লাইনের খুব নিকটেই থাকিতে হয় । হতাহতদের তৎক্ষণাৎ সরানো বা হাঁসপাতালে লইয়া যাওয়া এবং পিপাসিতদের জলখাওয়ানই ইহাদের কাজ । কোন কোন ‘কাহার’কে বা ডুলিবাহককে গল্প করিতে শুনিয়াছি—তাহার বাপ ‘চিহ্নাল’ অভিযান হইতে আংটি, ঘাড়, চেন, গিনি, টাকা ও নোটো দশ-বার সের লইয়া ফিরিয়াছিল । খুড়ো বিশ্বাসঘাতকতা না করিলে সে আজ তালুকদার হইয়া বসিত । কেহ বলিতেছে—তাহার বাপ ‘টেরা’ অভিযানে গুলি লাগিয়া মারা যায় ! মৃত্যুকালে সম্বন্ধী উপস্থিত ছিল : গলা হইতে গিনি-ভরা বটুয়া, আর কোমর হইতে আংটি আর চেন ভরা গেঁজে খুলিয়া তাহার হাতে দিয়া, আমাকে দিবার জন্য শপথ করাইয়া লয় । বেইমান আমাকে তিনখানি গিনি আর দুইটি আংটি মাত্র দিয়াছিল । তাহাদের সে ঝগড়া এখনো চলিতেছে । পঞ্চায়ৎ মিরাট হইতে বুদ্ধ-কাহারকে তলব করিয়াছে,—সে সে-সময় উপস্থিত ছিল ; ইত্যাদি ।

ফল কথা,—হতাহতদের পকেট পরিষ্কার আর লুটে লক্ষপতি হইবার পরোক্ষ প্রত্যাশা ছাড়া প্রত্যক্ষ লাভটাও ইহাদের পক্ষে কম লোভনীয় নহে । বিনা ব্যয়ে পর্যাপ্ত আহার, সরকারী উদ্রী ( অর্থাৎ—কোট, কামিজ, পাজামা, পাগড়ি, টুপি, ওভারকোট, কম্ফটার, জুতা, মোজা, দ্রুখানা কম্বল ইত্যাদি ) ; তদ্ব্যতীত দেড়া মাইনে,—সেটা সম্পূর্ণই জমার খাতে থাকিবার কথা,—কারণ বাজার না থাকায় বাজে ব্যয়ের বালাই নাই । কাজের সময় খাটুনি আছে বটে, সেটা নিত্য নয় ; অধিকাংশ সময়টা গান, গল্প, গুড়ুক আর সুবিধামত নেশা-ভাং !

কেহ বলিতে পারেন,—প্রাণাপেক্ষা প্রিয় বস্তু আর কি আছে, সেই প্রাণহিত সর্বক্ষণ শমনকে উৎসর্গ করিয়া রাখিতে হয় । সে চিন্তাটা তাহাদের নাই বলিলেই হয় ;

তাহার তিনটি কারণ আছে। প্রথম, ফলোয়ারমাত্রকেই যুদ্ধক্ষেত্রে উপস্থিত থাকিতে হয় না ; তাহাদের অধিকাংশকেই পাঁচ সাত মাইল পশ্চাতে base-এ ( প্রধান আশ্রয় ) থাকিতে হয়। দ্বিতীয়, সৈন্য নিম্নলিখিত সহচর-সাফাই, এমন সমর তাহাদের জ্ঞানে ইংরেজের আমলে ঘটে নাই ; Doctor Brydon ( ডাক্তার ব্রাইডন্ ) মৃৎ-নিঃসৃত doleful ( খেদাঙ্ক ) কাহিনীও তাহারা ইতিহাসে পড়ে নাই। আর তৃতীয়, অভাবে স্বভাব নষ্ট, কি ঘটিবে না ঘটিবে, বা কি ঘটিতে পারে, সে-সব চিন্তা সম্বন্ধে তাহারা বেজায় বে-পরোয়া। তাহারা প্রত্যেকেই এক একটি অবতার বিশেষ, এমন মন্দ কাজ নাই, যাহা করিতে তাহারা পশ্চাৎপদ,—কেহ জেলখালাসী, কেহ গাঁয়ের terror- ( আতঙ্ক ) স্বরূপ। সকলেই মোড়ল, সবাই সবজাস্তা, প্রত্যেকেই ওস্তাদ ;—লড়িয়ে যাওয়াটা তাহাদের সখ বা নেশা এবং বড়ায়ের বস্তু।

অভিযান হইতে প্রত্যাবর্তনান্তে ইহারা দিনকতক ভাল খায়-দায়, কাঁসি বাজায়, আর মাতৃস্বরী করিয়া বেড়ায় ; তখন বেশ দিল্দারিয়া মেজাজ। ক্রমে প্রাপ্ত পোশাক পরিচ্ছদ বিরক্তান্তে ঋণগ্রস্ত হইয়া পুনর্মর্ষিক হয়। কিন্তু প্রাণটা ষোল আনাই লড়ায়ের প্রত্যাশায় পড়িয়া থাকে। শকুনীর সন্মুখ আকাশ হইতে একবার ভাগাড়গুলা দেখিয়া লয়—কোথাও কিছু আছে কিনা ; ইহারাও সেইরূপ সন্মুখ হইতে, প্রতি মাসে অন্ততঃ একবার কোন cantonment-এর ( সেনা-নিবাসের ) আপিসে, লাইনে বা রেজিমেন্টে সংবাদ লইতে আসে—কোথাও লড়ায়ের সম্ভাবনা আছে কিনা, অন্ততঃ কতিদিনে সম্ভব। সামান্য একটু আশ্বাস পাইলে আনন্দের পরিসীমা থাকে না। নিজেরাই তখন বলে—‘কোই না আওয়ে তো—রুশ তো জরুর আওয়েগা ; জার্মানী ভি তৈয়ার হো রহা হয়। আরে ভাই,—আফ্রিদি জিতা রহে তো—জলসা লাগাই রহেগা ;’...ইত্যাদি। ইহাদের মধ্যে এই আলোচনাই সর্বক্ষণ চলিয়া থাকে এবং ইহাতেই পরম আশ্বসাদ অনুরূপ করে।

হুজুগ, রগড় আর মজায় মস্গুদল থাকাই ইহাদের জীবনের চরম লক্ষ্য। পেটে অন্ন নাই, কিন্তু পাগাড়ির মধ্যে ও কানে সর্বদাই রেড-ল্যাম্প সিগারেট গোঁজা আছে ; তাহা নেশার ফাউ হিসাবে চলে ! ইহাদের মধ্যে শতকরা পাঁচ-সাত জন মাত্র—সতাই পেটের দায়ে, আর সংসার প্রতিপালনার্থ, যুদ্ধযাত্রার সঙ্গী হয়। তাহারা প্রায়ই নিরীহ ব্রাহ্মণ বা বৈশ্য এবং তাহাদের লাঞ্ছনার অর্ধি থাকে না। সরকারী কাজ ছাড়া ঐ-সব জাল-ছেঁড়া পোলো-ভাস্কাদের খিদমত খাটিতে ও তাঁবেদারী করিতে, আর মন জোগাইয়া চলিতে তাহাদের প্রাণান্ত হয়। ফলোয়ার-রূপী জীবগুণির পরিচয়—সংক্ষেপতঃ এই।

কিন্তু চীনযাত্রা সংশ্লিষ্টে এবার তাহাদের বহু নূতনত্ব আছে ; কারণ এবার লীলাঞ্জেট্টা ভারতের বাহিরে,—কাজেই তাহাদের প্রচুর সরঞ্জামে পা বাড়াইতে হইয়াছে। অন্যান্য ব্যবস্থার সহিত সরকার বাহাদুর কেবল মামুলি তামাকের ব্যবস্থাই করিয়াছেন,—চরস্, গাঁজা ও ভাংয়ের কথাটা সরকারী সুবুদ্ধিতে জোগায় নাই ! ইহার স্বে-ভুলটা সম্যক্রূপেই সুধরাইয়া চলিয়াছে। এবার—গাইয়ে, বাজিয়ে, নাচিয়ে, ভাঁড় ( রহস্যকার ) জমায়েতভুক্ত করিয়া লওয়া হইয়াছে। মন্দিরা, খজনি, ঢোলক, তবলা, বাঁয়া, হুড়ুদ, ঘুড়ুদ, সারেঙ্গী,—কিছুরই অসম্ভাব দেখিলাম না,—রামরাজ্য বলিলে হয় !

জাহাজের নাবিক ও ভৃত্যদের মধ্যে চাটগাঁয়ের মুসলমান ও গোয়ানিজ এই দুই জাতিই ছিল। দেখি—এই শ্রীমান ফলোয়ারেরা ডেক-প্যাসেঞ্জার হইলেও এক আদ পাপড়ি গাঁজা ছাড়িয়া সকল সুবিধাই করিয়া লইয়াছে,—বরফ্ লিমেনড, এমন কি বিয়ারও চলিয়াছে। গাঁজার মহিমা অতলস্পর্শের বক্ষেও ফুটিয়া উঠিয়াছে !

সরকার-নিযুক্ত এই রণযাত্রার রংমহলের এক প্রকার প্রধান পাত্র ছিলেন ‘আবদুল্লা’ ; ইনি খাস্ লঞ্চেয়াঁয়ের আমদানী—চতুর-চুড়ামণি, রহস্যরসিক ও অনুকরণ-বিদ্যা-বিশারদ। আকার-প্রকার ভাবভঙ্গীতে, ছিপ্‌ছিপে ও ছুঁচোলো—খাঁটি-রজার্-মেকার ! এক দিনেই সে একটা সহরশুদ্ধ লোকের পরিচিত হইবার ক্ষমতা রাখে।

[ ১৮ ]

সন্ধ্যার পর আমাদের চায়ের বৈঠক্ বসিয়াছে, দস্তজাও উপস্থিত আছেন। তিনি যে কেবল বস্তুতঃ চা’পানের বিরোধী ছিলেন তাহাই নহে, বাড়ীতে চায়ের চিহ্নমাত্রও রাখিতেন না। পরের ধন বলিয়াই হউক বা যে কারণেই হউক,—অধুনা জাহাজে ওটা আহার হিসাবেই গ্রহণ করেন—পরিমাণও ভোজনানুরূপ। ( তখন দেশে—‘চা পান করিলে হয় তৃষ্ণা নিবারণ’ ইত্যাদি লিপটন্ সাহেবের চতুর্দশপদীর পদাৰ্পণ ঘটে নাই, নচেৎ দস্তজা কখনই বাড়ীতে সাহেবের কথার অবমাননা করিতে পারিতেন না। )—আমাদের চায়ের মজলিস চলিয়াছে, এমন সময় আবদুল্লা আসিয়া খুব আদব-কায়দা-দরুস্ত অভিনব অভিবাদন নিবেদন করিয়া বড়বাবুকে বলিল—‘হুজুর কদরদান হায়, গুস্তাকি মাফ কিজিয়ে—হুকুম্ হোয়ে তো আজ কুছ দেখায়ে’—শুনায়ে’। ‘আবদুল্লার উপর দস্তজার বিষদৃষ্টি ছিল। আবদুল্লার কথায় হাড়ে চটিয়া চাপা গলায় ‘রাস্কেল্’

বলিয়াই তিনি মুখ ফিঁরিয়া বসিলেন। আবদুল্লাহর এই অশ্রুত অপ্রত্যাশিত প্রস্থাবে বোসজা বড়ই ফাঁপরে পড়িয়া তাড়াতাড়ি খুব মোলায়েম সুরে বলিলেন—‘আবদুল্লাহ, আজ আমার শরীফ ভাল নেই, এখনি শোব ভাবছি, আজকে থাক বাবা। তুমি দ্বিধিত হইয়োনা, চীনে পৌঁছে যত পারো শুনিয়ে;—আমার এসব শোনবার খুব সখ আছে।’ ইত্যাদি বলিয়া আবদুল্লাহর নিকট রেহাই পাইলেন ও তাহাকে বিদায় করিয়া বাঁচিলেন। বন্ধুবিলাম—বোসজার যেন ঘাম দিয়া জ্বর ছাড়িল। আমিও চণ্ডল হইয়া উঠিয়াছিলাম, বাঁচলাম। বোসজা তখন হাসিয়া বলিলেন—‘আমাকে আজ সকাল সকাল শুনতেই হবে!’ শুনিয়া দত্তজা উত্তোজিতভাবে বলিলেন—‘আপনি ঐ beastকে ( পশুটাকে ) ভয় করেন নাকি? বেটাকে হাঁকিয়ে দেওয়া উচিত ছিল।’ বোসজা বলিলেন—‘শুধু আমরা নয় দত্ত, স্বয়ং যম ভয় করেন, ওদের ঘাঁটাতে নেই।’

যাহা হউক এই শ্রেণীর জীব বাংলা দেশে বিরল। গোরব কি অগোরবের কথা—ঠিক বলিতে পারি না,—কিন্তু বঙ্গদেশ হইতে আজও কেহ ফলোয়ার বা কুলি হইয়া, কোন অভিযানের সহিত গিয়াছে বলিয়া শুনিন নাই। হইতে পারে—তাহাদের তেমন অল্প-কষ্ট নাই; হইতে পারে—তাহারা তেমন adventurous ( ডান্‌পিটে ) নহে, বা অপেক্ষাকৃত ভীরু; হইতেও পারে—বঙ্গদেশের ইতর সাধারণের আত্ম-সম্মান জ্ঞানটা একটু সজাগ, কারণ বাংলাদেশের মদুটে-মজদুরকেও ইহাদের ‘মেডো’ বলিয়া উপেক্ষা ও উপহাস করিতে শুনিতে পাই। যে কারণেই হউক, বাংলার ইতর-সাধারণ ও শ্রমিকেরা আজও অতটা চরিত্রহীন হইবার সুযোগ পায় নাই।—বাস্তবালী-রেজিমেন্ট থাকিলে সম্ভবতঃ ইহাদেরও ফলোয়াররূপে দেখিতে পাইতাম। উনপঞ্চাশের উমেদারি-উপসর্গটা উবিয়া গিয়া সে বালাই ঘুঁচিয়া গিয়াছে।\*

গত জার্মান-যুদ্ধে উক্ত মূর্তিমানেরা নিশ্চয়ই ফলোয়াররূপে গিয়া থাকিবে। এই ফক্কড়েরা ফ্রান্সে যে কি ফার্স অভিনয় করিয়াছে, ও ভারতের কি পরিচয় রাখিয়া আসিয়াছে, তাহা অবশ্যই কেহ না কেহ লিপিবদ্ধ করিবেন। তবে এটা নিঃসন্দেহে বলিতে পারি যে, ফরাসী ফলোয়ারদের মধ্যে ইহারা অন্ততঃ দশ-বিশজনকেও গেঁজেল না বানাইয়া ফেরে নাই।

কখন যে সেই প্রলয়-পয়োধি—বিশ্বের বিরাট ঐশ্বর্য—প্রশান্ত মহাসাগর সরিয়া গিয়াছেন, তাহা জানিতেও পারি নাই ! প্রাতে দেখি—ইনি ত তিনি নন, এ-যে দেখি শ্যামা সুনীলবরণা ! সে বিশ্বগ্রাসী বারিধির চিত্ত-বিহ্বলকারী গাভীর কোথায় ! এ-যে গায় পাড়িয়া ঝগড়া করিতে আসে ! তরঙ্গগুলি বঙ্গোপসাগরের অনুরণণেচ্ছন্দ, কতকটা তাহারই cheap edition ( সস্তা সংস্করণ ) ; - ইনিই Chinese Sea বা চীন সমুদ্র ।

আজ আকাশ বেশ পরিষ্কার । অনুকূল বায়ু পাইয়া পাল তুলিয়া দেওয়া হইয়াছে । বায়ু ও বাষ্প সাহায্যে জাহাজও দ্রুতবেগে চলিয়াছে, দূরন্ত তরঙ্গ তাহার গতিভঙ্গ করিতে পারিতেছে না । কলের জাহাজে (Steamship-এ পাল তোলাটা নিত্য কর্মের মধ্যে নহে, তাহা অনুকূল বায়ুর অপেক্ষা করে ; এই ২২।২৩ দিনের মধ্যে ৫।৭ দিন মাত্র পালের সাহায্য পাওয়া গিয়াছে ।

প্রকৃতির প্রভাব এত সুস্পষ্ট যে, আকাশটা স্বচ্ছ পাইয়া সকলের মনগুলোও আজ যেন স্বাচ্ছন্দ্যের পরিচয় দিতেছে । ইউরেশিয়ান group ( দল ) শিস্ দিয়া বেড়াইতেছে ; মাঝে মাঝে পেটেলুনের পকেটে হাত পুঁরিয়া ডিঙ্গি মারিয়া মোড় ফিরিতেছে—কেহ সূর তুলিয়া দূ'পা নাচিয়াও ফেলিতেছে, সকলের মুখেই হাসি ফুটিয়াছে : অনেকেই গুন্ গুন্ রব তুলিয়াছে , জাহাজ যেন আজ মধুচক্র ! আমাদের লক্ষ্যায়ের আবদুল্লা ভৈরবী ধরিয়াছে—‘মো-রি নেইয়া পা-রে লাগা’ । সময় সূর ও ভাবের সন্মিলনে অনেকের কানে ও প্রাণে টান পড়িয়াছে । এই—মেঘ বৃষ্টি, বজ্র বায়ু ও কুয়াসার রাজ্যে, বাস্তবিকই এমন দিন অল্পই আসে ।

স্নানান্তে জলযোগ ও চা-পান সারিয়া উপরের ডেকে বসিয়া কথাবার্তা চলিয়াছে ; এমন সময় চাটুয্যে আসিয়া তাহার হাত দেখিবার জন্য মজুমদারকে ধরিয়া বসিল । মজুমদার বদ্বিল, এ পণ্ডাননের কান্ড । সে কোনরূপ প্রশ্ন বা ইতস্ততঃ বা ওজর না করিয়া অতি সহজ-গভীর ভাবেই বলিল,—‘দেখ চাটুয্যে, যদি হাসি-তামাসার কথা না হয়—যথার্থই কিছ্ জানতে চাও ত’ বাড়ুয্যেকে হাত দেখাও । আমি ও’রই কাছে দূ’চারটে রেখা সম্বন্ধে কিছ্ শুনেনি মাত্র,—সে বিদ্যোতে কারকে কিছ্ বলা চলেনা ভাই, উঁচতও নয় ।’ কথাগুলি মজুমদার এমনভাবে বলিল যে তাহার উপর চাটুয্যেরও কথা চলে না, আমারও অব্যাহতি মেলে না, কাজেই অবস্থাটা অনুমান করিয়া লইয়া, চাটুয্যে কিছ্ বলিবার পূর্বেই তাহার হাতটা টানিয়া লইয়া বলিলাম—‘দেখি’ ।



চাটুয্যে মহা খুসী হইয়া বলিল—‘বাঁড়ুয্যে মশাই জানেন—তবে আর কি !’ পণ্ডানন বলিল—‘কেন ? উনি কি বলবেন—তুমি রাজা হবে !’ চাটুয্যে বলিল—‘না, তা কেন, তাহলে যখন তখন’—কথা শেষ করিতে না দিয়াই, পণ্ডানন বলিল—‘হ্যাঁ, তা বটে, আয়েসার হাত কিনা, উনি যখন-তখন না-দেখে থাকতেই পারবেন না। ‘হাত ত নয়’—কর-বৃষ্টকমল, যেন এক ছড়া কাঁচ-কলা পোড়া !’

পণ্ডাননের জন্য মধ্যে মধ্যে সকলকেই মহা অশোভন অবস্থায় পড়িতে হইত, এ ক্ষেত্রেও তাহাই ঘটিল,—বড়বাবু পর্যন্ত বেসামাল হইয়া পড়িলেন। চালা ঘরে আগুন লাগিলে বাঁশের গাঁটগুলো যেমন মাঝে মাঝে সশব্দে ফাটে, হাসিটাকে চাপিতে গিয়া সেটোও মধ্যে মধ্যে নানা সুরে ফাটিয়া বাহির হইতে লাগিল। আমার অবস্থাটা বলিতে চেষ্টা করা অপেক্ষা বৃষ্টিয়া লইতে বলাই ভাল। একটু ক্রুদ্ধভাবে পণ্ডাননকে বলিলাম—‘তুমি উঠে যাও ত’, সামুদ্রিকটা ঠাট্টা-তামাসার সামগ্রী নয়।’ সে বলিল—‘মাপ করুন, আর আমি একটি কথাও কইব না।’ পণ্ডাননের বিদ্রূপটা চাটুয্যেকে বড়ই বাজিয়াছিল, সে একটু চুপ করিয়া থাকিয়া বলিল—‘উঃ, নিজে কি কাম্মীরী কানাই !’ চাটুয্যের মুখে এই অপ্রত্যাশিত পদটি পাইয়া আমরা সকলে আশ্চর্য ত’ হইলামই, পরন্তু, অবস্থাটা সামলাইয়া লইবার জন্য ততোধিক হাসিলাম ও বাহবা দিলাম এবং বলিলাম—‘খুব বলেচ চাটুয্যে,—‘বিলিতী বলরাম’ বলতেও পার।’ তাহাতে চাটুয্যের নির্বাণোন্মুখ উৎসাহটাকে ফিরিয়া পাওয়া গেল ; নচেৎ আমার সামুদ্রিক বিদ্যাটা আজিকার মত সমুদ্রেই ডুবিয়াছিল। আর অধিক বাড়াবাড়ির অবসর না দিয়া বলিলাম—‘আহারের পব বারবেলা পড়ে যাবে, এখন অমৃত যোগ যাচ্ছে—তার গা ঘেঁশে রয়েছেন সূতাহিবুক, শূক্রেও গোচরে আছেন, এই সময় দেখাই ভাল।’ চাটুয্যে তাড়াতাড়ি বাঁ-হাতটা বাড়াইয়া দিল ! তার বহুভাগ্য যে পণ্ডানন সেটা লক্ষ্য করে নাই।

একটা কথা পূর্বে বলা হয় নাই ; মূর্তিটা সম্পূর্ণ বিরোধী হইলেও চাটুয্যের কথাবার্তা ও স্বভাবে কতকটা মেয়েলিভাব ছিল। ‘ওমা !...‘কি হবে মা !’ ‘মুখপোড়া’, প্রভৃতি মহিলাসুলভ শব্দ সে সর্বদাই ব্যবহার করিত। আমি সত্তর তার ডান হাতটা টানিয়া লইয়া নিবিষ্ট হইয়া পড়িলাম। দেখার ত’ কোন প্রয়োজনই ছিলনা, প্রয়োজন ছিল নিজের ফাঁড়া কাটানোটা। চাটুয্যের ‘চেটোর’ প্রতি চাহিয়া, চক্ষু দেখিল—কোম্পানির আমলের সেই সিংহাদির আশ্ফালিত লাস্কুল আর পদাদি পল্লবিত একটি ডবল পয়সার মন্ত ! জমিটা তাম্রবর্ণ, আর রেখাগুলি কৃষ্ণাভ। কখন একাগ্র, কখন তীব্র দৃষ্টির পর, ভ্রূদ্বয় কপালে তুলিয়া বলিলাম—‘একি, মস্ত বড় জলে ডোবার ফাঁড়া যে ! কেটে গেছে ত !’ চাটুয্যে আশ্চর্য হইয়া বলিল—‘সে—পূর্নজন্ম বলে হয়,—

ঘোষালদের পুরুরের ওপারে একটা শজনেগাছ বঁকে পড়েছিল ; শজনে খাড়া পাড়তে গিয়ে ডাল ভেঙ্গে গভীর জলে একদম তলিয়ে গিছিলুম। সাঁতার জানি না, একেবারে পাকে গিয়ে ঠেকি !’ পণ্ডানন ব্যগ্রভাবে প্রশ্ন করিল—‘কেউ আবার তুলে নাকি ?’ শুনিয়া ভাবিলাম—আবার কি ঘটায়। চাটুয্যে কিন্তু সহজ ভাবেই উত্তর করিল,—‘নিমে কাণ্ডার বউ ভাগিঙ্গ দেখতে পেয়েছিল, সে ছুটে এসে অনেক কণ্টে তোলে।’ এই পর্যন্ত শুনিয়াই নিতান্ত নারাজ ভাবে ‘হা—রাম্জাদি !’ বলিয়াই পণ্ডানন উঠিয়া গেল। কথাটার ভাবগ্রহণে বাধা দিয়া আমি তাড়াতাড়ি বলিলাম—‘দেখে আমি বড় ভয় পেয়েছিলুম চাটুয্যে ; ও মারাত্মক ফাঁড়াটা যদি পুরুরেই কাটিয়ে না আসতে, তা হলে সকলকেই আজ ফাঁশিয়েছিলে আর কি ; এই অকূল সমুদ্রে ওটা সকলকেই মাথা পেতে নিতে হ’ত। সূর্যসিকান্ত-মতে—সঙ্গের প্রভাব বড়ই প্রচণ্ড, ওতে ‘সম্ভারীগ্রহ সঙ্গম’ অনিবার্য ; তখন বিপদটার সম্ভার সকলের মধ্যেই সমান ভাবে হয়। যেমন নিজে চুরি না করলেও, চোরের সঙ্গে থাকলেই সমান সাজা ভোগ করতে হয়,—যাক্ ভগবান রক্ষা করেছে।’ এই সময় মধ্যাহ্ন-ভোজনের ঘণ্টা পড়িল, আমি বাঁচিলাম। কেবল চাটুয্যের প্রীত্যর্থ বলিলাম—‘এসব বিষয়ের আলোচনা প্রাতে শূদ্ধাচিন্তে করাই প্রশস্ত, পণ্ডাননের মত অবিশ্বাসীর সামনে একেবারেই নিষিদ্ধ। চীনে না পেঁছলে একান্ত হতে পারব না, সেই সময় দেখিও।’ চাটুয্যে আমার বিদ্যাবত্তায় আশ্চর্য ত’ হইয়াইছিল, এখন সন্তুষ্ট হইয়া বলিল—‘সেই ভাল বাঁড়ুয্যে মশাই, ও অনামুকোর সামনে আর নয়।’ বড়বাবু গম্ভীরভারে কথাটা অনুমোদন করিয়া বলিলেন—‘শাস্ত্রীয় বিষয়ে তা’ করাও উচিত নয়।’ তখনকার মত আসর ভাঙ্গিল। দত্ত কিন্তু আমাকে একান্তে পাইয়া বলিল—‘তোমার যে Chiromancy জানা আছে তা জানতুম না—আমার হাতটাও একদিন দেখতে হবে, কারুর সামনে কিন্তু নয়। ও সায়েন্সটায় আমার বিশ্বাস আছে।’ আমি একটু হাসিলাম মাত্র। দত্তর মত লোকের কাছে আমি এটা আদৌ আশা করি নাই।

[ ২০ ]

জাহাজে পদার্পণ করিয়া পর্যন্ত রাজনীতি চর্চাটাও চলিয়াছিল ; মধ্যাহ্ন-ভোজনান্তে ঘণ্টা দুই শয্যা লওয়া যাইত, আজও তাহার ব্যতিক্রম ঘটে নাই। বেলা তিনটার পর পণ্ডানন ব্যস্তভাবে আসিয়া সংবাদ দিল—‘সুবিধে নয়, উঠে পড়ুন ; আকাশ আর বাতাসের আয়োজন দেখে বোধ হচ্ছে একটা বড় রকম কিছ্র আসছে ; ওপরে হৈ চৈ পড়ে গেছে।’

পঞ্চাননের কথায় হঠাৎ কেহ প্রত্যয় করিয়া ঠকিতে প্রস্তুত ছিল না। কিন্তু চাহিয়া দেখি যেন সন্ধ্যা উপস্থিত : জাহাজও গা-নাড়ার রিহার্সেল্ আরম্ভ করিয়াছে। এই ভাবটা নিদ্রোপ্ততের প্রাণে সহসা ও সহজেই একটা ভয়ের ছায়াপাত করিল। সেই অসংযত অবস্থাতেই সকলে সত্বর উপরের ডেকে গিয়া উপস্থিত হইলাম। যাহা দেখিলাম তাহাতে ত্রাসে তটস্থবৎ হইয়া দাঁড়াইয়া রহিলাম। মাথার উপর স্তরে স্তরে, স্তবকে স্তবকে

‘দানবী এলায় তার মেঘময় বেণী।’

চপলা ছুটাছুটি করিয়া আকাশকে ফালা-ফালা করিয়া চিরিতেছে, আর মৃদু-মৃদু-গদু-গদু গর্জন! বায়ুর গতির মর্তিস্থির নাই, প্রবল ঘূর্ণণীর মত এক একবার সাড়া ও নাড়া দিয়া যাইতেছে; বৃষ্টি আসন্ন। নীচে সমুদ্র রুদ্ধমর্দিত-তে সাজিতেছেন। জাহাজের উপর মানুষের শিক্ষা ও সামর্থ্য মত সময়োচিত সাবধানতা অবলম্বিত হইতেছে। উপরের ক্যাম্বিসের ছাত তুলিয়া ফেলা হইয়াছে, কল-কঙ্জা ভাল করিয়া কসা হইতেছে, কোথাও শক্ত বাঁধন দেওয়া হইতেছে। ইঞ্জিনিয়ার সাহেব স্বয়ং পরীক্ষায় ও পরিদর্শনে ব্যস্ত।

সকালে স্বচ্ছ আকাশ ও অনুকূল বায়ু পাইয়া যে পাল তুলিয়া দেওয়া হইয়াছিল, বৈকালে সহসা বিপৎসংকুল প্রতিকূল বায়ুর আবির্ভাবে সত্বর সেই পাল গুটাইবার জন্য সকলেই শশব্যস্ত। এ-ত আর পান্সির পাল নয় যে, যে-কেহ তাহা একাই মান্ডুল সমেত তুলিয়া সামলাইয়া নিশ্চিন্ত হইবে। যিনি যত বড়, তাঁর বিপদ আর ঝঞ্ঝাটও তত বড়। এঁরা একখানি যেন জটায়ুর ডানা। দেখি, সেই ঝড় ও আসন্ন বিপদের মুখে বোধ হয় বিশ জন লোক—কেহ দড়ির সিঁড়ি বাহিয়া, কেহ রশি ধরিয়া, কেহ অভ্রভেদী মহাদ্রুমে যাত্রা করিয়াছে,—মহাযাত্রা বলিলেই ভাল হয়। এই সংকটসংকুল কার্জার্টের জন্য boyএরাই (ছেলে ছোকরারাই) অধিক উপযোগী। ‘ডান্‌পিতে’ আখ্যাটা এস্থলে পুরো প্রশংসাচক ও গৌরবান্বিত! জাহাজ ঘন ঘন পাশমোড়া লইতে আরম্ভ করিয়াছে; মান্ডুলগদুল এক মৃদু-মৃদু ও আর যথারীতি সমকোণের উপর থাকিতেছে না,—স্থূল ও সূক্ষ্ম কোণই টানিতেছে। ভাব দেখিয়া মনে হয়, ক্রমে সমুদ্র-চন্দ্রবনের চেষ্টা পাইতে পারে। এই অবস্থায় নাবিকেরা কিন্তু মান্ডুলের বাহুর উপর উঠিয়া পা ঝুলাইয়া বসিয়াছে ও দড়ি টানিয়া ভাঁজে ভাঁজে সেই অতিকায় পাল-গদুলিকে ধীরে ধীরে গুটাইয়া সংক্ষেপ করিয়া আনিতেছে! সন্নিহিতে পাইবামাত্র সেই বাহুদণ্ডে বৃক এবং শূন্যে হস্তপদ, এই অবস্থায় প্রবল ঝঞ্ঝার মধ্যে, জল হইতে ন্যূনাদিক ৬০ ফিট উর্ধ্বে, সেই ভীষণ পালগদুলিকে,—যথাসম্ভব নয়, যথারীতি

সদৃশ্যত ও শোভন করিয়া গুটাইয়া বাঁধা আরম্ভ হইল। এই ব্যাপার অতিবড় সাহসীর পক্ষেও স্থিরচিত্তে দেখা সম্ভব নয়। এমন সময় 'বেয়নেট চার্জ' বা শর-নিষ্ক্ষেপের মত সবেগে বৃষ্টিধারা আসিয়া পড়িল। একে ত মানুষুলের উপর মানদুশ-গুলিকে মর্কট পরিমাণ দেখাইতেছিল, এখন বৃষ্টির মধ্যে তাহাদের লক্ষ্য করাই দৃষ্কর হইল। ভাবিলাম, এ-ঝড়ে তাহারা স্থলিত ও স্থানচ্যুত হইবেই ; যদি জলে পড়ে ত তুলিবার চেষ্টা চলিতেও পারে ; জাহাজের উপর পড়িলে মাত্র পাজামাটির পাত্তা পাওয়া যাইবে। এই কথা মনে হইতেই মাথাটা বোঁ করিয়া উঠিল, উধেঁ চাহিবার আর সামর্থ্য রহিল না। পণ্ডানন বলিল,—‘বেটোরা কি মদুদ্য, হুস্ ক’রে টেনে নিয়ে পর্টলি পাকিয়ে রেখে নেবে আসনা বাপদু !’

আমরাও সামরিক বিভাগে কাজ করি, সে-বিভাগের আদেশ আর নিয়মানুবর্তিতা যে কিরূপ কড়া তাহাও জানি ; কিন্তু নৌ-বিভাগ নাকি এ-সম্বন্ধে অধিকতর সজাগ—‘তেকার বাপদু !’ শমনের সন্মিকটবর্তী এই মানুষুল-মর্কটগুলির এমন ক্ষমতা বা সাহস নাই যে, পালগুলিকে রীতিমত সৌষ্ঠব-দুরন্ত চোস্ত ও শোভন করিয়া না-বাঁধিয়া নামিয়া আসে। এই আসন্ন মৃত্যুমুখেও পালের কোনখানে একটু কোঁচ বা ঝুল রাখিয়া অর্থাৎ অশোভন অবস্থায় রাখিয়া নামিবার যো নাই। যে জাতের মৃত-দেহ গোরস্থ করিবার পূর্বে প্রসাধন অপরিহার্য, চুল ফেরানো চাই, কামিজের বক্ষু কলার না মোচড় খায় সে বিষয়ে লক্ষ্য রাখা চাই, তাহাদেরই এই ভীষণ ভব্যতা সাজে ;—ইহাতে আশ্চর্য হইবার কিছুই নাই। ক্রিপেট্টো মৃত্যুমুহুর্তেও তাঁহার মৃকুট না তিলমাত্র স্থানচ্যুত হয় বা বে-মানান ভাবে একচুল বাঁকে, সে-সম্বন্ধে সম্যক সজাগ ছিলেন। আর আমাদের ? পরম জ্ঞানীয় ও সর্বাঙ্গিক প্রিয়তমই আমাদের গ্রীমুখে খড়ের নুড়ো জ্বালিয়া দিয়া এবং শ্মশান-পক পিণ্ড, (যাহা বোধ হয় কুন্ধুরেরও অভক্ষ্য) তাহাই বদনে দিয়া বিদায় করে। নিশ্চয়ই ইহার শাস্ত্রীয় তাৎপর্যের এবং তারিফের অভাব নাই—তর্কচূড়ামণি মহাশয়ের বৈজ্ঞানিক ব্যাখ্যাও থাকিতে পারে। মিথ্যা স্বপ্নের আবার এত রোশনাই, এত সৌষ্ঠবসাধন কেন ? কিন্তু “পোড়ারমুখে দেবতার ঘর্টের ছাই নৈবিদ্যই শোভন,”—এই প্রবচনটাই বোধ হয় সুপ্রয়োগ। ক্ষমা করবেন,—না হয় একটা সত্য ঘটনা শুনুন :—

জমিদার বাড়ির সম্মুখ প্রান্তে মতি রায়ের ঘাটা । ক্ষুদ্র গ্রামখানি আনন্দোদ্ভাসিত । আসর দেখিলে চক্ষু জুড়ায় । সুন্দর সামিয়ানামোড়া ম্যারাপ, ম্যারাপের থামগুলিতে সালুর উপর দেবদারু পাতার বেড়, তাহাতে জোড়া-সেজের দেলিগিরি,—তন্মধ্যে পুষ্প-মাল্য বেণ্টনে সুন্দর চিত্র সকল । আসরের মধ্যে ষোলটি ঝাড় ও তাহাদের ফাঁকে ফাঁকে বিবিধ বর্ণের বেল-ল্যান্থান । মাথার উপর বেল-ফুলের মালারজাল ( net-work ) । নীচে মেঝের ৪৫ মণ ওজনের প্রকাণ্ড একখানি মূল্যবান গালিচা পাতা । গ্রামস্থ ইতর ভদ্রেরা খুবই হামরাই ;—পান গড়ুক্ আতর গোলাপের ছড়াছড়ি । চারিদিকেই প্রফুল্লতা, কেবল গ্রামের দেবদারুগাছগুলি যেন প্রয়াগে মাথা মুড়াইয়া ফিরিয়াছে ।

অভিনয়—‘রাবণবধ’ । অনিন্দ্যসুন্দর আসর আর সমঝদার শ্রোতা পাইয়া, মতি রায় মহাখুসী হইয়া অষ্টাদশ পুরানের কোন কথাই বাদ দিলেন না ! লম্বা লম্বা উপদেশ ও ‘সাম’নে যুবকদের সুধরাইয়া বৃদ্ধদের কাঁদাইয়া, বালকদের বিরক্ত করিয়া, বাহবা আর বায়নার টাকা লইয়া বিদায় হইলেন ।

কোন বিষয়ে দৃষ্টি রাখা, বা কোন কাজের কথা কওয়া বা শোনা, জমিদারদের রীতি নহে ; তাহা লজ্জার কথা, তাহাতে সম্মান সম্ভ্রম খাটো হয় । তিনি সাক্ষোপাঙ্গ লইয়া উঠিয়া গেলেন । তাঁহার সঙ্গে সঙ্গে যখন জরিজড়ানো বৃহৎসাল সদৃশ ফুর্শির নল লোকের দৃষ্টিবাহিত হইয়া গেল, আসরে তখন বেলফুলের মালা ছেঁড়া ছেঁড়ি ও কাড়াকাড়ি আরম্ভ হইল । তাহাতে দু’তিনটা ঝাড়ের অঙ্গহানি ঘটিল, কয়েকটা ল্যান্থান ভাঙ্গিল, দু’চারখানা ছবি অস্তিত্ব হইল । পরে পাইক, ভূতা, ইতর ভদ্র অন্যান্য পণ্ডাশ জন মিলিয়া যে-যেখানে পাইল, সেই মহা-গালিচাখানি ধরিয়া, একটা প্রকাণ্ড পাহাড়ের পিণ্ড পাকাইয়া ফেলিল, এবং হৈ হৈ শব্দে তাহাকে টানিয়া আসর-সংলগ্ন নহবৎখানার নীচে তাহার মহাযাত্রা সমাধা করিল । সদগতির উপায়গুলি তাহার মধ্যেই রহিয়া গেল, যথা ছেঁড়া মালা, টাকপড়া ফুলের তোড়া, সশাখা দেবদারু পত্র, গুড়কের গুল, টিকের ছাই, আর সহস্রাধিক লোকের জাতি-সম্বন্ধানুকূল পদ-রজ ইত্যাদি ইত্যাদি । ফরাশেরা ঝাড়-ল্যান্থান প্রভৃতি খুলিয়া গুদামে পুরিল, —বিকলাঙ্গগুলির কোন ব্যবস্থাই হইল না,—কখন হইবার আশাও নাই, কারণ তাহা বাতিল হওয়াই গৌরবাত্মক । সপ্তাহখানেক রোদবৃষ্টি হিমে পার্কবার পর দশভূতে টানাটানি করিয়া, সামিয়ানাখানায় লম্বা লম্বা ফালা দিয়া নামাইয়া সেই নহবৎখানার নিম্নতলেই সমাধি দিয়া আসিল ।

গ্রামের লোকের ক্রিয়াকর্মে জমিদার বাড়ীর জিনিসপত্রই আসিত ; এ-সম্বন্ধে তাঁহাদের ঢালা হুকুম ছিল। মাস পাঁচছয় পরে একটা বিবাহ উপলক্ষে আবশ্যক হওয়ায়, গালিচা ও সামিয়ানার খোঁজ পড়িল। কবর হইতে টানিয়া বাহির করিবার পর, (resurrection-এ) দেখা গেল, উভয়েরই প্রায় তৃতীয়াংশ উই-এর উদরস্থ হইয়াছে। তদুপরি ফালার লম্বা লম্বা দৌড় দেখিয়া, সামিয়ানাখানিকে ফাজিল গদুদামে ফেলিবার হুকুম হইল। গালিচাখানির গভে' উনিশ অক্ষোঁহণী উই ; পদ-রজ ও উইমাটিতে মণদেড়েক্ ; আদমগটাক্ জজাল ; সর্বোপরি রাজজোটক—একটি আন্ত সচর্মক কুকুর-কম্বাল পাওয়া গেল। মতি রায়ের যাত্রায় মদ্র হইয়া কুকুরটি বোধ হয় গালিচার উপরই গা-ঢালিয়া দিয়াছিল। সেখানি গুটাইবার সময় কোন হামুরাই রসিক একটা মন্ত মজা হিসাবে সেই ভীম-গালিচার কতকটা বোধ করি তাহার উপর চাপা দেয়, অন্যান্য রথীরাও সত্তর এই পুণ্যকার্যে যোগদান করিয়া নিজ নিজ অঞ্জলি দিয়া থাকিবেন। অসহায় নিরপরাধ জীবটি তাহার মধ্যেই জীবলীলা সমাপ্ত করিতে বাধ্য হয় ;—তাহার কাতর নিবেদন সেই ইরাণী-বদ্ব হেদ করিয়া বিজয়ী বীরগণের আনন্দ-কোলাহলের মধ্যে অপর কাহারও কণ্ঠগোচর হয় নাই।

এই বীভৎস দৃশ্য প্রকাশ হওয়ায় অশিক্ষিতে 'আহা'ও বলিল, 'ছি-ছি' ও করিল। শূনিয়া একজন ভদ্রপণ্ডিত বলিলেন—'ভগবানের কার্যকলাপ মনুষ্যবুদ্ধির অনধিগম্য ; হইতে পারে—পরম্পরী-হরণরূপ মহাপাতকের জন্য রাবণ কুরুদ্রবোনি প্রাপ্ত হইয়া বিচরণ করিতে করিতে এখানে উপস্থিত হইয়াছিল। মহাভক্ত মতি রায় তাহা জানিতে পারিয়া রাবণ-বধের ছলে এই কুরুদ্রটি বধের পথ করিয়া দিয়া রাবণের উদ্ধারোপায় করিয়া গিয়াছিলেন'—ইত্যাদি। যাহা হউক, পরিশেষে গালিচাখানি গো-শকটারোহণে যাত্রা করিয়া গঙ্গাগর্ভে সদ-গতিলাভ করে। মহত্তের সঙ্গে থাকায় কুরুদ্রটিও যে অক্ষয় স্বর্গের অধিকারী হইয়াছিল, সে সম্বন্ধে হিন্দু মাত্রেরই সন্দেহের অবকাশ থাকিতে পারেনা।

শূন্যে প্রবল ঝঞ্জামুখে, মৃত্যুদোলায়, নাবিকদের পাল গুটাইবার পারিপাট্য, আর ভূপৃষ্ঠে দাঁড়াইয়া আমাদের গালিচা গুটাইবার দূর্দশাটা আমাদের কর্তব্যনিষ্ঠার অনন্মান সৌকর্যার্থে পাশাপাশিই দিলাম। এটা আমাদের অসীম ঔদাস্য, কি অযোগ্যতা ও অক্ষমতা, বা প্রকৃতির পরিচয় তাহা পন্ডিতেরাই বলিতে পারেন।

যাহা হউক, এসব কথা সে-সময় মনে আসে নাই। বিপদটাও সারা বুকটা অধিকার করিয়া বসিবার সুযোগ পায় নাই ; আমি কেবলই ভাবিতেছিলাম—'এরা নেবে এলে বাঁচি'। ইতিমধ্যে ঝড়বৃষ্টি এতই প্রবল হইয়া দাঁড়াইয়াছিল, ও সমুদ্র এমন উন্মত্ত হইয়া উঠিয়াছিল যে, চাটুযোকে সামলাইয়া লইয়া বোসজা ও মজুমদার নীচে চলিয়া

গিয়াছেন। বিশেষ কোন উৎসব-রজনীর মত, বৈদ্যুতিক আলোগদালিকে উজ্জ্বলতর ও সংখ্যায় অধিক করা হইয়াছে। চিফ্ সাহেব ও কাপ্তেন সাহেবের সহকারী যুবকদ্বয় হাঁটুর উপর পেণ্টালুন গুটাইয়া খালি-পায়ে ছুটাছুটি করিতেছেন। ঝড় ও বৃষ্টির সমগ্র বেগটা তাহাদের শরীরের উপর দিয়া যাইতেছে, দ্রুক্ষেপও নাই। পণ্ডানন ছুটিয়া আসিয়া এইরূপ জানাইল—কাপ্তেন সাহেব এতক্ষণ নিজেকে লোহার খুঁটির সহিত, চামড়ার বেল্ট দিয়া বাঁধিয়া এই ঝঞ্জার মধ্যে ‘টাওয়ারে’ দাঁড়াইয়া দূরবীণ কসিতোঁছিলেন ও মধ্যে মধ্যে ড্রুম-পাইপে মৃদু দিয়া সহকারীদের কি বলিতেছিলেন। দূরবীক্ষণ আর কাজ করিল না, সার্চ-লাইটের অর্ডার দিয়া যে কোথায় গেলেন, দেখিতে পাইতোঁছি না। চিফ্ সাহেবও দেখিতেছি মানুষের উপর হইতে মাষ্টারদের স্বর কাজ সারিয়া নামিয়া আসিবার জন্য ঘন ঘন বলিতেছেন।

ঠিক এই সময় মাষ্টারা আদমরার মত অবস্থায় নামিয়া আসিল; চিফ্ সাহেব তাহাদের সঙ্গে লইয়া নীচে গেলেন। আমার বৃকের উপর হইতে যেন একখানা পাথর সরিয়া গেল; চমক ভাঙ্গিয়া পরমুহুর্তেই সমস্ত দৃশ্যটা আপাদমস্তক কাঁপাইয়া দিল, আর দাঁড়াইতে পারিলাম না। সঙ্গীদের সান্নিধ্য পাইবার জন্য প্রাণটা ব্যাকুল হইয়া উঠিল। লোকে বিপদের সময় আপনজন খোঁজে; এই স্বজনহীন সূদূর সমুদ্রবক্ষে সঙ্গীরাই পরমাত্মীয়। লোকে যখন তখন বলিয়া থাকে, ‘আমরা কি জলে প’ড়ে আছি?’ হায় রে মানুষের দর্প! সেদিন আমরা যে কতখানি জলে পড়িয়াছিলাম, তাহা অন্যের অনুমানের বহু উর্ধ্বে। আমার নিজের স্মৃতিই আজ তাহা ভুলিয়া গিয়াছে।

[ ২২ ]

তখন আর কাহারো ওঠা-নামার সাধ্য ছিল না; বহু কণ্ট সিঁড়ির রেলিং ধরিয়া নীচে নামিলাম, পণ্ডানন আমার আগেই নামিয়া গেল। সিঁড়ির নীচেই একজন নাবিককে পাইয়া জিজ্ঞাসা করিলাম—‘কি রকম বৃষ্টিচো,—এটা গোলমেলে ঝড় নয় ত?’ উত্তর পাইলাম,—‘এই ত আসল টাইফুন, চীন সমুদ্র ত এই দৃশ্যমানের জনোই মসূর; এখানে টাইফুন হামেশাই লেগে আছে। জানের মাস্তা রেখে এ-সব দরিয়ায় আসা চলে না।’ আমাকে পশ্চাতে না পাইয়া এই সময় পণ্ডানন ফিরিয়া আসিল। সে ফিরিবার সময় দোঁখিয়াছিল,—আমাদের কথা হইতেছে; তাই আসিয়াই বলিল—‘কি আপদ, করেছেন কি? পালিয়ে আসুন—পালিয়ে আসুন; এ যে সেই আপনার

হংকং-এর কলম্বাস !’ লোকটা পণ্ডানরের কথা বদ্বিতে পারে নাই ; আলো-আঁধারে লাগায় আমিও লোকটাকে প্রথমে চিনিতে পারি নাই । যাহা হউক, এবার মিশ্রা নিজেই বলিয়া চলিল,—‘আমাদের কাপ্তেন সাহেব খুব পাকা লোক, এই ‘ক্লাইভ’কে তিন-তিনবার সাংঘাতিক ঝড় থেকে বাঁচিয়েছেন, সে-সব ঝড়ের একটা আওয়াজেই লোক অজ্ঞান হয়ে যায় । ‘ক্লাইভ’ নিজেও খুব লক্ষ্মীমন্ড—ডুবতে জানে না ; তানা ত আজ ৪৫ বছর আগে আরব-দরিয়ায় সে ঝড় থেকে বেঁচে এসেছে, সে এক আজব কথা । সে-দিনের কথা মনে হ’লে আজো বৃকের পাঁজর কেঁপে উঠে ।’

এই সময় একটা ঝাপ্টায়, রেলিং ধরিয়া কোন প্রকারে সামলাইয়া গেলাম, পণ্ডানন পড়িয়া গেল । সারেংজি থামিল না, বলিল—‘ঝড়টা মামূলী রকমের হ’লে এ-সময় কাপ্তেন সাহেব গির্জাঘরে ঢুকতেন না, এটা আমরা বরাবরই লক্ষ্য ক’রে আসছি ।’ পুনরায় একটা গোঁ গোঁ শব্দে জাহাজকে মিনিট দুই একপেশে করিয়া রাখিল, আমরা কাঠ হইয়া রহিলাম ; জাহাজ সোজা হইবার সঙ্গে সঙ্গে নিশ্বাস পড়িল ! সারেংজি গভীরভাবে বলিল—‘হুঁ, সেই জাতেরই বটে ।’ পণ্ডানন আমাকে আর দাঁড়াইতে দিল না, যাইতে যাইতে বলিল,—‘বত দাঁড়াবেন, ও বড়ো ততই অন্তরটিপুনী দেবে, ওর স্বভাবই ঐ । আমি ওর কথায় বিশ্বাস করি না ; সে-দিন ও-ই না বলেছিল—ঝড়ের সময় বন্দরে থাকটাই বেশী বিপজ্জনক ! বেটা জাহাজী দুর্বাসা !’ ভয় পাইলেও পণ্ডানন তখন তার ভাষা বদলায় নাই ।

আত্মীয়ের আসন্নকাল উপস্থিত হইলে যেমন তাহাকে ঘরের বাহির করিয়া দালানে বা রোয়াকে আনা এবং সকলে বিমর্ষমুখে ঘিরিয়া বসটাই নির্বাণ-পর্বের প্রথম চ্যাপ্টার, নীচে আসিয়া দেখি, আমার সঙ্গীরা চাটুষ্যকে ঘিরিয়া কেবিনের বাইরে সেইভাবে জমায়েত ! আমরা উপস্থিত হইতেই, সকলে যেন একটু সাহস পাইলেন ; আমিও দল পাইয়া বল পাইলাম । বোসজা বলিলেন,—‘খুব যাহোক্ চাটুষ্যকে আমাদের উপর চাপিয়ে দিয়ে কোথায় ছিলেন বলুন দিকি ? এখন নিন্ আপনার Charge,—কেঁদেই অস্থির, বলে—আমার যে পাঁচটি মেয়ে ! হরিপদ সবার ছোট, সেও স্থির রয়েছে । বিপদ ত অস্বীকার করবার যো নেই, কিন্তু কেঁদে কি কোরব ।’

আমার অপেক্ষা ভীতুলোক এক চাটুষ্য ছাড়া জাহাজে আর কেহ ছিল কি না জানি না । লোকের অন্তরের কথা অনুমান করিবার স্পর্শ আমার নাই ; হইতে পারে চাটুষ্যও আমার চেয়ে সাহসী Strong nerve-এর লোক । যাহা হউক, অবস্থাটা অনুমান করিয়া লইয়া বোসজাকে বলিলাম,—‘বিপদ, কে বলছে ? ঝড়জল্ ত সমুদ্রে লেগে থাকবারই কথা, চিরকাল লেগেও আছে,—সেটাকে বিপদ বলে বোঝা নিজের নিজের



দুর্বলতা ভিন্ন আর কিছুই নয়। মন তাকে যতবড় ইচ্ছে ভাবতে পারে, আবার কিছুই নয় বলে অগ্রাহ্যও করতে পারে। সমুদ্রের চরম বিপদ ত কেবল একটা, ডাঙ্গায় যে আমরা সহস্র বিপদের মধ্যে বাস কোরে থাকি ! সেগুলো ভাবি না বলে কি বিপদ নয় ? ছিমিকম্প, ঝড়, বন্যা, বাড়ীচাপা, শ্লেগ, কলেরা, দর্ভাক্ষ, দস্যু, সাপ, বাঘ, ভালুক, চোর, ডাকাত, বরের বাপ—ইত্যাদি ইত্যাদি কোনটা বিপদ নয় ! যাক্—আমিও খুব ভয় পেয়েছিলুম, কাপ্তেন সাহেবকে না জিজ্ঞাসা কোরে স্থির হ'তে পারাছিলুম না, তাই তাঁর অপেক্ষা কোরে দাঁড়িয়ে ছিলুম।' আমার প্রশ্ন শুনে তিনি হেসে বল্লেন—'ভয়ের কথা তোমাকে কে বল্লেন ? এসব ঝড় কেবল খানিকক্ষণ জ্বালাতন কোরে চ'লে যায় ;—যাও, এক পেগ্ হুইস্কাই, না হয় এক কাপ চা খেয়ে শুয়ে থাক্গে।' এই বলে চলে গেলেন ; আমি তাঁর সহাস্য ভাব দেখে আর সহজ কথা শুনে নিজেকে যেন ফিরে পেলুম। আমার বক্তৃতাটা সকলকেই একটু সজীব করিয়া দিল। ভাবিলাম হায়রে 'মিথ্যা কথা' তুমি না থাকিলে সংসার, সমাজ, এমন কি শাসনযন্ত্র অচল হইত ;—কিন্তু শেষরক্ষার তুমি কেহ নও। চাট্‌ব্যো কাতরকণ্ঠে বলিল—'তা হলে কোন ভয় নেই বাঁড়্‌ব্যো মশাই ?' আমি বলিলাম—'কাপ্তেনের চেয়ে আর এ-সব বিষয় কে বেশী বোঝে।' যখন এই সব কথা হইতেছিল, তখন বাহিরের গোঁ গোঁ শব্দে আমার নিজেরই প্রাণটা বৃকের মধ্যে বোঁ বোঁ শব্দে ছুটোছুটি করিয়া নিরাপদ স্থান খঁজিতেছিল।

কাপড় জামা সবই ভিজিয়া গিয়াছিল, পরিবর্তন করিতে গেলাম, পণ্ডানও সঙ্গে আসিল। সে এত ভিজিয়াছিল যেন অবগাহন করিয়া আসিয়াছে, ভয়ে বা ঠাণ্ডায় কাঁপিতেছিল। সে বলিল—'ওঁদের ত যা হয় বুঝিয়ে এলেন, কিন্তু ও-কথায় আমার প্রাণ ত বুঝবে না।' আমি বলিলাম—'আমারি কি বুঝেছে পণ্ডান ? তা ছাড়া, ও বোঝায় ফল কি ? প্রাণ যে সত্যটা প্রতিপলেই অনুভব করচে। সেবার সারেংজিই সার কথাটা শুনিয়েছিল—'খোদা মালিক।' এই প্রলয়ের মুখে, এই কুলহীন বিপুল সমুদ্রে, একমাত্র সেই অসহায়ের সহায়, সদাজাগ্রত ভগবানেই ভরসা। এ-সময়ে কোন নেল্‌সনই হলে পানি পান না।' পণ্ডান একটু নীরব থাকিয়া বলিল—'এমন জানলে কল্‌কেতায় কুলপীর বরফ বেচতুম, না হয় চায়ের দোকান খুলতুম ; কি ভুলই করোচি !' বুঝিলাম, এতক্ষণে পণ্ডান পেছিয়েছে, কিন্তু ভাষা বদলায়নি। বলিলাম—'ভয় কিহে, সত্যই কি এগুলো লোকের ভাগ্য এক কলমে লেখা ! সেখানে আজ ফাউণ্টেনপেন্ পেঁছয়নি ;—ও-সব ভাবতে নেই, চল।' চলিবে কি, জাহাজ তখন মত্ত মাতঙ্গের চাল খরিয়াছে, শব্দে প্রাণ স্তম্ভ হইয়া যাইতেছে ; প্রভঞ্জনও মধ্যে মধ্যে ভীষণ হুঙ্কারে

জাহাজকে উৎক্ষিপ্ত করিবার প্রয়াস পাইতেছে। সেই দু'এক মিনিট সকলকে তটস্থ করিয়া রাখিতেছে ; সকলেই 'অটোমেটিকেল' কলের পদতুলের মত দাঁড়াইয়া উঠিতেছে। সে সময়টা কাহারো নিশ্বাস পড়িতেছে না !

এই অবস্থায় ২১৩ জন লোক 'Cooper' যন্ত্রাদি লইয়া আসিয়া জাহাজের গবাক্ষ-গর্দল আরোহীরা কেহ না খুলিতে পারে এমন ভাবে আঁটিয়া বন্ধ করিয়া দিয়া গেল। আবার তাহাদের উপরে ঘাইবার সঙ্গে সঙ্গেই সিঁড়ির পথ বা ফাঁক, উপরের ডেকের মেঝের সঙ্গে এক হইয়া বন্ধ হইয়া গেল ! অর্থাৎ আমাদের বেশ মোড়ম্বা করিয়া (Hermetically sealed) মোড়া হইল। কোন ছিদ্রাশ্বেষীয় জন্য আর অবকাশ মাত্র রহিল না, কেবল উপর হইতে নিম্নতল পর্যন্ত প্রলম্ব বায়ুনালি (Ventilator) গর্দলির কণ্ঠরোধ করা হইল না ; আলোটাকেও কালো করা হইল না। আমরা বাঁধা-রোশনায়েঁর মধ্যে বন্ধ হইলেও যেন ফাঁসীর আসামীর মত বোধ করিতে লাগিলাম। আলিবারার গম্ভীর গদ্যায় একটা 'Open Sesame' বলিয়া উপায় ছিল, এখানে শত 'সিসেমো' সাড়া পাইবার সম্ভাবনা রহিল না। এইবার প্রকৃতই একটা ভীতের সুস্পষ্ট ছায়া সকলের মুখেই দেখা দিল ; সকল সম্প্রদায় মধ্যেই হৈ চৈ পড়িয়া গেল, পড়িবারই কথা। স্বাধীন ভাবটা আমাদের বহুদিন হইতেই অসাড় ও অর্থহীন, তথাপি এই বন্ধন দশায় প্রাণটা একটু ফাঁক পাইবার জন্য আঁকু-পাঁকু করিতে লাগিল। কিন্তু ইউফ্রেটিসের এপারের জন্ম-পাট্যধারী ইউরেনিয়ানরা অনেকেই পুরো স্বাধীনতার স্বাদ না জানিয়াও, ফ্রিডমের ফয়তা দিতে Forward ( তৎপর ) ; তাঁহাদের এই বন্দী অবস্থার অপমান অসহ্য হইয়া উঠিল এবং অভিমানটা অনবরত আঘাত করিয়া তাঁহাদের উন্মত্ত করিয়া তুলিল। আমার পরিচিত মিস্টারটি রাগে মেটে-সিঁড়ির হইয়া আমাদের শুনাইয়া বলিলেন—I must walk up with impunity ( কার সাধ্য রোধে মোর গতি ) ; কিন্তু অগ্রসর হইয়া সিঁড়ি আর খাঁজিয়া পান না ; তাহা উপরের ছাদের সহিত শয়ান অবস্থায় সংলগ্ন হইয়া গিয়াছিল ! সুতরাং দুই চারিবার হাঁক-ডাক করিয়া গালিবর্ষণ করিতে করিতে ও শাসাইতে শাসাইতে ফিরিলেন।

উঃ, প্রাণটা কি প্রিয় বস্তু, এবং আসন্ন অপঘাত মৃত্যুর অপেক্ষা করাটা কি ভীষণ ! চাটুষ্যে আর স্থির থাকিতে না পারিয়া বলিল,—'বাঁড়ুষ্যে মশাই, সব বন্ধ ক'রে দিলে কেন ?' উঃ, সে কি কাতর দৃষ্টি ! তাহা যেন আমার বক্ষ ভেদ করিয়া মর্মে গিয়া আশ্রয় খঁজিল। আমি তখন নিজে যে কোথায় তাহা জানি না,—কিন্তু সে-দৃষ্টি আমাকে মূহুর্তের জন্য টানিয়া আনিল ; বোধ হয় বলিলাম—'বন্ধ করাই ত উচিত, তানা ত এতক্ষণ জলে যে জাহাজ ভরে যেত। এ-সময় অপর ডেকের উপরেও এক

একটা ঢেউ উঠে পড়ে, উপরে গেলে হঠাৎ ভাসিয়ে নে' যেতে পারে ;' ইত্যাদি কি যে বলিয়াছিলাম নিজের কান তাহা শোনে নাই। সকলের তখন এক অবস্থা ; বড় বাবু বলিলেন—'সুবিধে পেলো একটা (Sleeping draught) নিদ্রাকর্ষক ঔষধ খেয়ে ফেলি, না হয় Morphia injection নি।'

এখন রাগি বোধ হয় দশটা, ঝড়েরও রুদ্ধাবস্থা। এই সময় হঠাৎ 'Sir-John-Lawrence' জাহাজের কথা আমার মাথায় ঢুকিয়া বসিল। প্রায় ১৫১৬ বৎসর পূর্বে উক্ত 'সার-জন-লরেন্সের' আট শত আরোহী এইরূপ বন্ধাবস্থায় বঙ্গোপসাগর-তলে অন্তিম-শয্যা লইতে বাধ্য হইয়াছিল। এই বিপদের সময়, আমার মাথার মধ্যে কবি-সুন্দর কল্পনাস্রোত বিদ্যুৎবেগে সেই আটশত নরনারীর অসহায় অবস্থা—চাঞ্চল্য, কম্পন, ক্রন্দনরোল, ছুটাছুটি, জননী-অঙ্কে শিশু, কণ্ঠ-সংলগ্ন স্বামী-স্ত্রী, প্রভৃতি নিদারুণ চিত্র সকল (Panorama র মত) প্রকট করিতে লাগিল। সর্বশরীর শিহরিয়া কাঁপিয়া উঠিল। কিছু পূর্বে পণ্ডাননকে বলিয়াছিলাম—'সকলের ভাগ্যই কি ভগবান এক কলমে লিখেছেন!' এরি মধ্যেই 'Sir-John-Lawrence' বৈকট পরিহাস করিয়া গেল।

ফলোয়ারদের দৃশ্য অন্যরূপ। দেখি তাহাদের কেহ বমন করিতেছে, একজন ব্রাহ্মণ 'আরে রামজি বাচাও' বলিয়া বালকের মত কাঁদিতেছে। আবদুল্লা এক ছিলিম তয়েরি গাঁজা লইয়া তাহাকে বলিতেছে—'লেঃ—পি-লে, ক্যা তুহি একেলা মরেগা? আল্লা মালিক ;—লেঃ, খিঁচুকে পি-লে।' সকলেই জড়সড় ; তবু তাহাদের মণ্ডলী মধ্যে তিন-চার ছিলিম গাঁজা, মাঝে মাঝে দপ্ দপ্ করিয়া জ্বলিয়া উঠিতেছে। তাহাদের লোটা বালতি লইয়া জাহাজ যেন ভাঁটা খেলিতেছে ; rolling এর সঙ্গে সঙ্গে সেগুনি জাহাজের এক প্রান্ত হইতে অন্য প্রান্তে সশব্দে যাতায়াত করিতেছে। প্রথম প্রথম সকলেই তাহাদের ধরিবার ও সামলাইবার চেষ্টা করিয়াছিল ; বাড়াবাড়ি আরম্ভ হওয়ায়—'যাঃ শরৌ,—জান্ বচে তো দেখা জায়গা' বলিয়া তাহাদের ছাড়িয়া নিজেরা গাঁজা লইয়া পড়িয়াছে।

ক্রমে বোধ হইতে লাগিল,—এই অসম সমরে, জাহাজ আর যেন যুদ্ধিতে পারিতেছে না,—জখম হইয়া পড়িয়াছে। মহিষাসুর বধের সময় মহামায়া যেমন—'তিষ্ঠ তিষ্ঠ ক্ষণং মৃত্যু যাবন্মধু পিবাম্যহম্' বলিয়া ক্ষণকাল বিরত ছিলেন, প্রভঞ্জনও সেইরূপ শাসাইয়া, যেন এক একবার সরিয়া যায়, পরে দ্বিগুণ বেশে আসিয়া আক্রমণ করে। ঐ সময়টুকু জাহাজ থরথর করিয়া সুস্পষ্টই কাঁপিতে থাকে। আমাদেরও ক্ষণে ক্ষণে শিহরণ হইতে ক্রমশঃ বক্ষ কম্পন আরম্ভ হইয়াছিল, এখন সর্বশরীর কাঁপিতে লাগিল।

হস্ত-পদ অধর-ওষ্ঠ শীতল, কপাল স্বেদ-সিক্ত, বদন বিবর্ণ হইয়া উঠিল। কাহারো মূখে কথা ত ছিলই না ; কেহ কহিলেও তাহা জড়তাপূর্ণ, কানেও পৌঁছায় না। মৃত্যুর ছায়া ভিন্ন চক্ষুর সম্মুখে তখন কিছুই স্পষ্ট উপলব্ধি হইতেছিল না। সে ছায়া নীলাভ, হইতে পীতাভ, পরেই ধূম্র, এইভাবে আসে-যায়। এইটাই আমাদের জীবন-মরণের সন্ধিক্ষণ ছিল।

নানা নামে ভগবানকে সকলেই ডাকিতেছিলাম, শরণ লইবার সামর্থ্য ছিল না, কারণ মন ভয়ের কাছেই বন্দী ছিল। বোধ হয় ডাকিতে ডাকিতে না কাঁদিলে একাগ্রতা আসেনা সমর্পণও সম্পূর্ণ হয় না। সকলেই কাঁদিলাম, বৃঝিয়া নয়,—ভয়ে, প্রাণের জন্য ; তবে তাঁহার নাম করিয়া ও তাঁহার নিকট বটে। তাহাই যথেষ্ট হইল ! যাহার কিছুই অভাব নাই, যিনি স্বয়ং ষড়ৈশ্বর্যপতি ত্রিভুবনেশ, তাঁহাকে মানুষ আবার কি দিবে ? কিন্তু যিনি পূর্ণ, তাঁহাতে 'চাওয়াটা'ও থাকা চাই, নচেৎ তাঁহাতে অভাব থাকিয়া যায়। সেইটুকু পরেণের জন্যই বোধ হয় এই অশ্রুটুকুই তিনি চান। কিন্তু এ অশ্রু মেলা বড় কঠিন, তাই তাঁহাকে এত অল্পেই তৃপ্ত হইতে হয়, (Beggars have no choice) ভিক্ষকের ভালমন্দ বা কম বেশী বলিবার অধিকার নাই।

হঠাৎ একটা অস্বাভাবিক ও অপ্রত্যাশিত হাসির শব্দ সকলকে সেইদিকে আকৃষ্ট করিল। চাহিয়া দেখি,—ইউরেনিয়ান দলের একজন উদ্ভট নৃত্য আরম্ভ করিয়াছে, মধ্যে মধ্যে অশ্রুত হাস্য ;—বাহিরে যেমন উন্মত্ত উর্মি, তাহারও তেমন উন্মাদ নৃত্য ! পড়িতেছে, উঠিতেছে, কিন্তু কামাই নাই,—সুর বজায় আছে। আবার গাহিতে গাহিতে নানা ভঙ্গিতে সঙ্গীদের মূখের কাছে হাত নাড়িতে নাড়িতে যেন আরতি করিতেছে। সঙ্গীরা যতই রুষ্ট হইতেছে ও বিরক্ত হইয়া পিছাইতেছে, সে ততই তাহাদের ঘিরিতেছে—তঁতই উৎসাহে সুর চড়াইতেছে। ঘন ঘন আছাড় খাইতেছে, কিন্তু তাহার আনন্দের বিরাম নাই। কখন পোল্কা, কখন ওয়াল্ট্‌জ্—অর্থাৎ সবটাই ওলট পালট ! ভাবিয়া-ছিলাম 'হিস্টেরিয়া' (Hysteria) ; কিন্তু বেহুশ নয়, গানের অর্থেই সেটা ধরা পড়ে। ভাবটা এইরূপ :—

কেঁদনা আমার শিথু ছেলে,—

খাও টানো মজা করে নাও,

কি লাভ আর টুক্ক রেখে,

বোতলটা বার করে দাও।

হাস্তরে তার স্বাদ বোঝে না,

বা বোঝে তা মাছে,

সদ্যবহার করে' ফ্যালো—

যাঁর যা পদাঁজ আছে ।

যেতেই যখন হবে দেখাচি,

করতে নেই তার অপমান,

খাঁটি মাল্‌টা পেটে পুঁরে

লোনা জলের কমাও স্থান !

এই বাদামী রংয়ের যদুবা ইউরোসিয়ানটিকে নিতাই দেখিতাম, এটি একটি সিলোনী ক্রিস্টান ; সঙ্গীরা ইহাকে মিস্টার সিঙ্গালী ( সিংহলী ) বলিয়া ডাকিত । দুর্বল ফ্যাকাশে রুগ্ম বলিয়াই মনে হইত । তাহাকে লইয়া দলের সকলেই রহস্য করিত, সে নিজেও রঙ্গ-রহস্য লইয়া থাকিতে ভালবাসিত । ইতিপূর্বে আমাদের মধ্যে এমন কথাও হইয়াছে, 'ওটি ওদের দলের পণ্ডানন' । আজ তাহার বৈপরোয়া ভাব দেখিয়া, ও Strong nerve-এর পরিচয় পাইয়া, অবাক্ হইয়া গেলাম । যে-ঝড়ের এক ঝাপ্টায় বেহুঁশ মাতালের নেশা ছুটিয়া যায়, সেই ঝড়ের প্রচণ্ডতাই যেন ইহাকে উৎসাহ জোগাইতেছিল ! এই অবরুদ্ধ মরণ-মন্দিরে আসন্ন অপঘাতের মুখে, তাহার এই আনন্দাভিনয়, অনূ্যন অর্ধ-ঘণ্টাকাল, আমাদের আকৃষ্ট ও অনামনস্ক করিয়া রাখিয়াছিল । ইতিমধ্যে প্রভঞ্নের সেই প্রচণ্ড তাড়না ও ভৈরব হুংকার যে কোন্ ঐন্দ্রজালিকের ইঙ্গিতে কখন কমিয়া গিয়াছে তাহা বুদ্ধিতেই পারি নাই, কেবল সমুদ্রের আশ্ফালন ও ভীম জলকল্লোল মাত্র অবশিষ্ট রহিয়া গিয়াছে ! জাহাজ এখন যেন হাঁপাইতেছে আর সামলাইতেছে ।

রাতি দুইটা আন্দাজ অনেকটা সাম্যভাব আসিল । অত বড় প্রলয়-তান্ডবের পর সকলে সহজেই সেটা লক্ষ্য করিয়া একটু প্রকৃতিস্থ হইল ; দু'একটা কথা ফুটিল,— ভগবান রক্ষা করিলেন । ঐ যে মিস্টার সিঙ্গালীর অভিনয়, আমার আজিও দৃঢ় বিশ্বাস—সেই সন্ধিক্ষণে আমাদের দ্বাসিত মূমূর্ষু চিত্তকে তন্দ্বারা সত্ত্বর ভাবান্তরে আকৃষ্ট করাই তাঁহার উদ্দেশ্য ছিল ; নচেৎ একটা বিষম অনর্থপাত হইত, এবং আমরা ঠিক তাহার পূর্ব-মুহূর্তে উপস্থিতও হইয়াছিলাম । মান্দ্রাজীদের মধ্যে একজন অজ্ঞান হইয়া যায় ; আমাদের চাটুয্যের ফিটের মত হয় ।

আমাদের গোয়ানিজ্ স্টুয়ার্ডটি বড় ভদ্রলোক ছিলেন ; ঝড় থামিতেই আসিয়া বলিলেন—‘আজ সব কি খাবেন, রান্নার ত সুবিধা হয় নাই।’ আমরা বলিলাম—‘যা থাক্কা খেয়েছি আজ আর কিছুই আবশ্যক নেই।’ তিনি হাসিয়া বলিলেন—‘এ থাক্কা অনুমান কাল রাতে থামতো ; মনে করবেন না ঝড় থেমেছে। কাপ্তেন সাহেব প্রায় ৭।৮ ঘণ্টা জাহাজকে পিছর হাঁটিয়ে Safe water এ ( নিরাপদ জলে ) এনে ফেলেছেন। তিনি বলছিলেন—তাঁর ধারণা ছিল, স্থির সমুদ্র পেতে রাত তিনটে বেজে যাবে, কিন্তু অপ্রত্যাশিতভাবেই এত সঘর পাওয়া গেছে। ঝড়টা বাঁকা গোছেরই ছিল। যাক্ তাকে ত এড়ানো গেছে, এখন দু’চার স্লাইস্ ( টুকরা ) রুটী কি খান-কতক বিস্কুট আর এক কাপ্ করে চা খেয়ে শুয়ে পড়ুন। নিশ্চয়ই শরীর-মন দুইই অবসন্ন হ’য়ে থাকবে, এক বোতল ক’রে বীয়ারেও (Beer) খুব উপকার পাবেন,—নিদ্রাও ভাল হবে, কি বলেন?’ আমরা এক কাপের স্থলে দু’কাপ করে চাটাই চাইলুম। রাতে এক বোতল করিয়া বীয়ার আমাদের প্রত্যেকের প্রাপ্যের মধ্যেই ছিল,—পরিবর্তে সোডা। বীয়ারটাই লইতাম, তাহাতে বহু উপকার ছিল ;—ম্যাথর ও ফলোয়াররা তাহার জন্য ও তাহার প্রত্যাশায় বিশেষ বাধ্য ছিল, অনেক কাজ পাইতাম।

সকলেই আধ-মরা হইয়া পড়িয়াছিলাম, চা-পানাস্তে সতাই যেন শরীরটা ফিরিয়া পাইলাম। রাত্রি সাড়ে তিনটা আন্দাজ সকলে শয্যা লইলাম। ঘটনাগুলো তখনো মাথায় ঘুরিতেছিল, কিছুতেই নিদ্রা আর আসে না। সারেঞ্জির সেই ‘খোদা মালিক’ কথাটাই বারবার স্মরণ হইতে লাগিল, ঐ সঙ্গে তাহার সেই সার্থক উক্তি ‘ক্লাইভ’ খুব লক্ষ্যমিস্ত ‘ডুবতে জানে না’ মনে পড়িল। ‘ক্লাইভ যে লক্ষ্যমিস্ত—ডুবতে জানে না’—সেটা আমাদের কাছে নতুন কথা নয় ; কিন্তু দুই শতাব্দী পরে, লৌহ-পরিচ্ছদে কাস্টের ক্লাইভ যে আজ এতটা মেহেরবানী করিবেন তাহা ভাবিতে পারি নাই ; কারণ অনেকই নিজে ডুবতে জানে না,—কিন্তু ডোবাতে মজবুৎ। তাহার পর মনে হইল স্টুয়ার্ড্ বলিতেছিলেন, জাহাজ ৭।৮ ঘণ্টা পাছর হাঁটিয়া জান্ বাঁচাইয়াছে ;—এটা আমরা বন্ধাবস্থায় বুঝিতেই পারি নাই। সে বিশাল বারিবেষ্টনের মধ্যে অগ্রপশ্চাৎ বুঝিতে যাওয়াও বিড়ম্বনা ; সেখানে এগুলেও যা, পেছলেও তাই। জমি নাই,—আছে কেবল জল আর জাহাজ।

নস্য লইবার জন্য উঠিলাম। পণ্ডান বলিল—‘আমারো ঘুম হচ্ছেনা মশাই ;

পদনর্জন্মের পর যেন কেমন ভোম্‌লা মেয়ে গিছি ! চাকরীতে নমস্কার মশাই ; ডাঙ্গা দিয়ে পথ থাকে ত পায়ে পায়ে ফিরি !’ আমি বলিলাম—‘এ রকম বড় ত নিত্য লেগে নেই, আমাদের পেঁছতে আর ৪৫ টা দিন,—কোন রকমে কেটেই যাবে !’ পণ্ডানন পদনরায় বলিল—‘এদিকে যে চারমিনিটে চৌঘাড়ি মাং হয়ে যায় মশাই ! কি ভুলই করেছে, এ-পথে যে আবার ফিরতে পারি এমন ত বোধ হয় না !’ আমি তাহাকে বদ্বাইয়া বলিলাম,—‘যত সাবধানই হই আর যে পথেই যাই, মানুষ ভগবানকে ঠকাতে পারে না ; ভয় কি ! তাঁর জিনিস তিনিই আগ্‌লাবেন, যাঁর মাল তিনিই সাম্‌লাবেন ; এখন ঘুমিয়ে পড়—কাল আর্‌ এ ভাব থাক্‌বেনা !’ সে আর কথা না কাঁহিয়া পাশ ফিরিয়া শুইল, আর সাড়া-শব্দ পাইলাম না । আমার একই অবস্থা পাঁচটা পৰ্বন্ত চলিয়াছিল ; যখন উঠিলাম তখন আটটা বাজিয়া গিয়াছে, মজুমদার ভায়া তখনো নির্দ্রুত ।

উপরে গিয়া দেখি, সবই পূর্ব-বৎ মামুলিভাবেই চলিয়াছে ; বেশীর মধ্যে মাঝে মাঝে এক একবার horrible, terrible, awful ; কোথাও ভীষণ, ভয়ঙ্কর, ভৈরব প্রভৃতি শব্দ কানে আসিতেছে মাত্র । অভিধান তাহার অধিক আয়োজন রাখেন না । স্নানাহারের পর সেটাও থামিয়া গেল, অনেকেই শয্যা লইল । চাটুষ্যে ও পণ্ডানন কিন্তু তখনো অন্যমনস্ক । আমরা পাকা খাতায় নাম-লেখানো নকোর, আমাদের আড়াই পা অন্তর, বিভীষিকাগুলা ভুলিয়া যাওয়াই আদত ( অভ্যাস ), কারণ উপায়ান্তর নাই । বাল্যকালে ভূতের ভয়টাই জানিতাম ; বয়সে সাপের ভয়ে বাঘের ভয়ে সাবধান হইতে শিখাইয়াছে ; কিন্তু সংসারে অনটন ভয় হইতে রক্ষা পাইবার জন্য যেখানে আশ্রয় লইয়াছি সে-ই যথার্থ ভয় ( dread ) কাহাকে বলে তাহা শিখাইয়াছে,—ভয়ের প্রকট মূর্তি সেইখানেই দেখিয়াছি । তাহাতে এই ধারণাই দৃঢ় হইয়াছে—কোন ভয়ই এত ভয়ঙ্কর নয়,—বোধ করি মৃত্যু-ভয়ও নয় । লোকবিশেষে ও প্রবৃত্তি-বিশেষে—চাকুরী অপেক্ষা বড়ও কিছ্র নাই, গুর চেয়ে ভয়েরও কিছ্র নাই, ছোট কাজও কিছ্র নাই,—ব্যাত্যা নিষ্প্রয়োজন ।

আমাদের এই জাহাজী জীবন-সঙ্কটটার দশ বৎসর পরে সুবিখ্যাত ‘White Star Line’ কোম্পানীর অভিনব সৃষ্টি, একাধারে দুর্গ ও প্রাসাদ,—সুদৃঢ়, দুর্ভেদ্য, বিপুলকায়, অদ্বিতীয় ও অমর আখ্যাপ্রাপ্ত, স্ননামখ্যাত Titanic (টাইটানিক) জাহাজ, প্রায় তিনকোটি টাকায় তৈয়ার হইয়া, বিপুল সোয়-সমারোহে সমুদ্রবন্ধ আলোকিত করিয়া ভাসে, এবং সাউদামটন্ বন্দর হইতে নিউইয়র্ক অভিমুখে যাত্রা করে । জগতের শ্রেষ্ঠ অভিযন্তা ও মাতব্বরের সার্টিফিকেট দিলেন,—ইহা জলে ডুবিবে না, আগুনে

পদ্মিবে না, অর্থাৎ ব্রহ্মসূত্র বা হিরণ্যকশিপুত্র একজন ! সপ্তম দিবসের রাতে, এই তার প্রথম সফরেই,—পাষণ নয়, তুষার-শৈলের সংঘর্ষে পড়িয়া অতর্কিত বিশেষণের বোঝা আর ২১৯৬টি নরনারী লইয়া, তিন ঘণ্টার ভিতরেই আটলান্টিক মহাসাগর মধ্যে আত্মসমর্পণ করে। মানবের গর্বের মূল্য এই ! শূন্যে পাই যখন আর প্রাণরক্ষার কোন পথই ছিল না তখন কেহ কেহ নিজেকে নিজেই গুলি করিয়া আত্মহত্যা করেন। এটার অর্থ বৃদ্ধিতে পারি। কিন্তু, বাকি সব নাকি নিরুদ্বেগে মৃত্যুকে আলিঙ্গন করিয়াছিলেন,—এটা বোঝা কঠিন। আবার কাপ্তেন স্মিথ শেষ মূহুর্তে সকলের সহিত অপার ডেকে দাঁড়াইয়া ব্যান্ডের সুরে সুর মিলাইয়া ‘Nearer to Thee O God’ গাহিতে গাহিতে একত্রেই নাকি ইহ জগতের শেষ অবলম্বন ছাড়িয়া দিয়াছিলেন। ইহা যেমন করুণ, তেমন বীরোচিত ও দুঃশো বাহবার জিনিস।

দশ বৎসর পরে ভাবিয়া দেখিলাম, গুরুপ স্থলে processটা ( পদ্ধতিটা ) এক না হইলেও আমাদেরও শেষ ফলটা সমানই দাঁড়াইত,—অর্থাৎ—মরা। অবশ্য process-এর জন্য কিছু নম্বর কাটা যাইত বটে। কারণ ব্যান্ডও ভাল লাগিত না, বিদ্রূপের মত বোধ হইত। ভূপালী ভাঁজিতেও পারিতাম না, স্বর বন্ধ হইয়া যাইত। যাহা হউক, সে-সময় উক্ত ঘটনা সম্বন্ধে আমাদের প্রধানতম চিহ্নশিল্পী যিনি কম্পনাকে যথাসম্ভব রূপ দেন, শ্রদ্ধাস্পদ শ্রীযুক্ত অবনীন্দ্রনাথ ঠাকুর C. I. E. মহাশয় ‘প্রবাসী’তে যাহা লিখিয়াছিলেন, তাহাতেই টেরাসই রহিল।

বৈকালিক চায়ের মজলিসে বোঝা গেল, সকলের ঝড়ের ঝোঁক্ কাটিয়া গিয়াছে—স্বাভাবিক অবস্থা ফিরিয়া আসিয়াছে—সকলেই পূর্ববৎ কথাবার্তায় ও হাস্যপরিহাসে যোগ দিয়াছে।

মজুমদার-ভায়া কি কারণে নীচে গিয়াছিল, উপরে আসিয়াই বলিল—হরিপদর এমন গলা, তা’ত জানতাম না ! নীচে এমন গান লাগিয়েছে—লোক জমা হয়ে গেছে ; —দেখিছি—এদের দু’টিকে ( পণ্ডানন ও হরিপদকে ) পেয়ে রক্তলাভ করা গেছে।’

আমাদের বড়বাবু ( বোসজা ) বড়-জোর তিন চার বৎসর হইবে—চল্লিশ পার হইয়া থাকিবেন,—সুতরাং সকল সখই বর্তমান,—আবার নিজে গাইয়ে। ‘তবে চল হে একটু শূনে আসা যাক্,’—বলিয়াই তিনি উঠিয়া পড়িলেন ;—আমরা ত প্রস্তুতই ছিলাম। কেবল আমাদের প্রোজেইক্-প্রবর দণ্ডজা উঠিল না।

মজুমদার বলিল,—‘সিঁড়ির নীচে থেকেই শূন্যে হবে,—হরিপদ আমাদের দেখতে পেলেনই থেমে যাবে।’ তাহাই করা হইল,—উঁকি মারিয়া দেখি—মজলিস্ বটে ! প্রায় পঞ্চাশজন উপস্থিত,—মধ্যস্থলে হরিপদ, পণ্ডানন ও চাটুয্যো ; আর সকলে তাহাদের



ঘিরিয়া বসিয়াছে। আবদুল্লাহ সাহাস্যবদনে ঘন ঘন মাথা নাড়িয়া সারেক্সী বাজাইতেছে ; খুব মৃদু ঠেকাও চলিয়াছে। গত রজনীর ঝড়ের উপযুক্ত retort (পাল্টা জবাব) বটে। গান এমন জমিয়াছে যে, কাহারও মুখে টুং-শব্দটি নাই। ধাতুময়-বস্তু-বহুল জাহাজের মধ্যে,—হরিপদর স্নকশ্ঠ,—ভানুসিংহের—‘কো তুঁহু বোলবি মোয়’ ; —এমন সুমধুর লাগিল যে, আমরা মুগ্ধ হইয়া গেলাম। ফলোয়ারদের সঙ্গে বসিয়া এরূপভাবে ভদ্র সন্তানের গান গাওয়াটা যে কতটা অভ্যাস ও অশোভন, তাহা ভাবিবার অবকাশই রহিল না। কিছুক্ষণ পরে ‘বাঃ বাঃ, বাহবা বাহবা, আর—ওহো ওহো’-র মধ্যে সঙ্গীত শেষ হইল। গীতিটির সুন্দর ভাব ও ভাষা, সকল শ্রেণীর শ্রোতারই সম্যক উপলব্ধি হওয়ায় উপভোগে কাহারও বাধে নাই। ‘আহারের সময় সন্মিকট, —বড় বাবু এখানি নীচে আসিবেন,’—এই বলিয়া হরিপদ নীরব হইল। সকলেই অনিচ্ছায় উঠিল ও তারিফ করিতে করিতে স্ব স্ব স্থানে চলিল। আবদুল্লাহ জোর-সেলাম ঠুকিয়া—‘আচ্ছা বাবু চান পহঁছকে ছোড়্জে নোঁহ,’ বলিয়া গেল।

আমরা সিঁড়িতে উঠিতেছি, পশ্চাৎ হইতে পণ্ডান ছুটিয়া আসিয়া বলিল—‘এই-যে আপনারাও এসেছিলেন দেখিচি ! ফার্স না দেখে ফিরবেন না,—চাটুয্যেকে অনেক ক’রে গাইতে রাজি করেছি। হরিপদ না গাইলে সে গাইবে না, তাই হরিপদকে গাইতে হ’ল। গানটা হিন্দি-ঘেঁশা ব’লে ভিড় হয়ে পড়েছিল। যা হ’ক তাদের তাড়ানো গেছে, এইবার চাটুয্যের পালা। আপনাদের কিন্তু শুনতেই হবে, আমি চল্লম, একটু গা-ঢাকা থাকবেন।’ এই বলিয়া পণ্ডান দ্রুত চলিয়া গেল। এ ব্যাপারটা শ্রদ্ধা শুনিলার নয়—দেখিবারও জিনিস ; তাই আমরা যতটা সম্ভব আগ্রসর হইয়া দাঁড়াইলাম।

পণ্ডানের অনেক সাধ্য-সাধনায় এবং হরিপদ যখন স্মরণ করাইয়া দিল—‘এই বড় গঙ্গার উপর কথাটা স্বীকার করেছেন,—একটা যা হয় গেয়ে সেরে দিন,’—চাটুয্যে মহাসঙ্কটে পড়িল। পণ্ডান পুনরায় বলিল—‘উনি একটা ঠাকুর-বিষয় গাইবেন বলেছেন।’ রেহাই কোন প্রকারেই নাই দেখিয়া চাটুয্যে তখন কয়েকবার কাসিয়া—‘কার সাধ্য’ হুঁ ‘কার সাধ্য’, দু’ চার বার বলিতেই, পণ্ডান বলিল—‘ও কি কথা ! কার সাধ্য আবার কি ! যখন বলেছেন,—একটা গাইতেই হবে। আপনার কথায় হরিপদ আঘণ্টা কষ্ট ক’রেচে ;—এখন ‘কার সাধ্য’—কি রকম কথা ?’ চাটুয্যে বলিল—‘কলকাতার ম্যাড়া কিনা,—গান বোঝ না কথা কও ;—আমি ত গান আরম্ভই করে দি’। এই বলিয়া পুনরায়—‘কার সাধ্য’ হুঁ—‘কার সাধ্য ও মা’ হুঁ ‘কার সাধ্য ও মা সীতে’ হুঁ—‘তব রত্নন দৃষিতে’ হুঁ—হুঁ’ ইত্যাদি। পূর্বেই বলিয়াছি চাটুয্যে একটু লাজুক—মেয়েলি ভাবাপন্ন মানুষ ; তাহার সহিত কাসি ঘড়ঘড়ানি ও হরদম্

হুঁ মিশিয়া, একদম্ চমৎকার চচ্চড়ি দাঁড়াইয়া গেল। পণ্ডান উৎসাহ দিবার জন্য প্রথম দৃষ্টির বার 'বাঃ বেশ্' বলিয়াছিল,—শেষ থামাইতে পারিলে বাঁচে,—বিশেষ করিয়া নিজের হাসিটা। সেটা ঘেরূপ রুক্মি আসিতোছিল, তাহাকে না রুদ্ধিলে, একটা রপ্‌চারের সম্ভাবনা। তাই নিজেকে সামলাইবার জন্য পণ্ডান উত্তেজিতভাবে বলিল—‘এই বুদ্ধি আপনার ঠাকরুণ-বিষয়?’ চাটুষ্যোও খুব উত্তেজিত হইয়া বলিল—‘আইরিটেলার আহাম্মুক কিনা, বোঝ না আবার গান শুনতে চাও! এর চেয়ে একটা খাঁটি ঠাকরুণ-বিষয় শোনাতে পার ত নাক্ কেটে ফেলে দেব। দাশদুরায় রম্বনের কথাটি পর্যন্ত খুলেই ব’লে দিয়েছেন,—যাতে মধুখুতেও বন্ধিতে পারে।’ পণ্ডান বলিল—‘রম্বনের কথা বলেছেন ত কি হয়েছে! তা’হলেই বুদ্ধি ঠাকরুণ-বিষয় হ’ল?’ চাটুষ্য এইবার রাগ করিয়াই বলিল—‘ঠাকরুণদের কাজটা তবে কি শুনি? লোকে তাদের কি করতে রাখে? কলকেতার মধুখু কিনা—সকল কথাতেই ঠাকরু মারতে আসেন!’

ঠাকরুণ-বিষয়ের এই গভীর গদ্যতত্ত্বের মধ্যে আমরা কেহই ঢুকিতে পারি নাই,—শুনিনাই যাইতেছিলাম। এতক্ষণে মাহেন্দ্রক্ষণ উপস্থিত হইল,—এখন অর্থটা সকলের কাছেই হাত-পা বার করে দেখা দিলে! ভিতরে পণ্ডান ও বাহিরে মজুমদার—এক সঙ্গেই,—‘ওরে বাবা রে!’ বলিয়া হাসির ফোয়ারা ছাড়িয়া দিল। পরে মজুমদার ভায়া হাঁকিয়া বলিল—‘পণ্ডান পালিয়ে এস,—পালিয়ে এস। ইনিই সেই ভারবী,—মরেননি,—আমাদেরই মারতে এসেছেন!’ পণ্ডান বলিল—‘না মশাই,—ইনিই সেই আমাদের হাতীবাগানের পণ্ডিত মশাই;—তিনি সহজ আর সোজাসুজি অর্থই করতেন। ‘সিংহনাদ’ মানে বলে দিয়েছিলেন—‘সিংহের মল্’,—যেমন হাতীর নাদ, ষাঁড়ের নাদ, অর্থাৎ বড় বড়দের মল্‌কে ‘নাদ’ বলে।’

মজলিস্ ভাঙ্গিয়া চার টুকরা হইয়া গেল; হরিপদ হাসিতে হাসিতে গিয়া শয্যা লইল। পণ্ডান—চাটুষ্যের পদধূলি লইয়া পলাইল! চাটুষ্য বসিয়া বসিয়া ‘যত সব চ্যাংড়ার দল্’,—এই পাঠ আবৃত্তি করিতে লাগিল। আমি জাহাজের এক প্রান্তে গিয়া ‘ঠাকরুণ-বিষয়ের’ অর্থগৌরবটা উপভোগ করিতে লাগিলাম। কেবল বড়বাবু খীরে ধীরে উপরে গিয়া মাথান্ন হাত দিয়া বসিলেন।

রাত্রে গরম বোধ হওয়ায় অপার ডেকে গিয়া একথানা ছোট সতরঞ্চি পাতিয়া শুলেলাম—তখন রাত দুইটা। ঘুম ভাঙ্গিয়া দেখি—উষার উল্লেখ ;—জাহাজ তখন একটি সুন্দর দ্বীপের নিকট দিয়া চলিয়াছে। আমরা দ্বীপটি হইতে আন্দাজ পনের গজ দূরে। সমুদ্রবক্ষে অন্যান্য ক্ষুদ্র দ্বীপ বা পাহাড়,—পাথর আর গুল্মাদি লইয়া মাঝে মাঝে দেখা দিয়াছে। এটি যেন বড় লোকের একটি সখের ( *tastefully* ) সাজানো বাগান ;—বৃক্ষ, লতা, গুল্ম, নানা বর্ণের পুষ্প ও ফলে, এবং মনোমুগ্ধকর পারিপাট্যে পরিশোভিত। উষার রঙ্গিন আভা তাহার উপর এক অপূর্ব আলোকপাত করিয়াছে। উঠিয়া বসিলাম ;—সে কি অনির্বচনীয় দৃশ্য ! মনে হইতে লাগিল—এ সেই রূপ-কথার রাজ্য ! কিন্তু সূর্যোদয়ে কুয়াশার মত, অরুণালোকের আভাস মাঝেই—তাহা নভে বিলীন হইয়া গেল ! আমি অবাক হইয়া সেই দিকে চাহিয়া রহিলাম ; সমস্তটা স্বপ্নের মত বোধ হইতে লাগিল। জাগ্রত অবস্থায় দেখা, এতটা শৃঙ্খলাময় সুস্পষ্ট দৃশ্য যে অলীক, তাহা আজিও মনকে বদ্বাইতে পারি নাই।

সেই দিনই সন্ধ্যার প্রাক্কালে অপর একটি ঘটনায় সন্দেহটা বাড়াইয়া দিয়া গেল। তখন একটি জনপদের নিকট দিয়া চলিয়াছি। এটিও একটি দ্বীপ। ততক্ষণ হইতে আরম্ভ করিয়া বিস্তৃত সুন্দর সুহরিৎ ক্ষেত্র, মাঝে মাঝে ক্ষুদ্র ক্ষুদ্র কুটার ; কিনারায় ছোট ছোট ডিঙ্গি। কৃষক ও ধীবর জাতীয় লোকই এ ক্ষুদ্র দ্বীপটির অধিবাসী বলিয়া বোধ হইল। সামান্য-গাম্ভীর্যে স্থানটি আমার নিকট ক্রমেই ভাবময় হইয়া উঠিতেছিল,—আমি কেবিনে বসিয়া তন্ময় হইয়া দেখিতেছিলাম। এমন সময় দেখি—সহযাত্রীরা দ্রুতপদে উপরের ডেকে ছুটিয়াছে। ব্যাপারটা কি তাহা জানিবার জন্য আমিও উপরে গেলাম। দেখি—জাহাজের স্থানে স্থানে কে-যেন হিংস্র লু ছড়াইয়া দিয়াছে। সকলেই দেখি, পশ্চিমের ডেকে দাঁড়াইয়া আকাশের পানে চাহিয়া আছে। আমিও চাহিলাম,—যাহা দেখিলাম তাহা কখনও ভুলিতে পারিব না ; সে এক বর্ণনাতীত দৃশ্য ! সমুদ্র হইতে আরম্ভ করিয়া ঐ ক্রমোচ্চ পার্বত্য জনপদটি যেন সোপানের মত উঠিয়া গগন স্পর্শ করিয়াছে ! উপরে—ঠিক তাহার দুই পার্শ্বে উচ্চ অট্টালিকা সকল ( দেব-ভবন সকল ) নানা বর্ণে ও স্বর্ণচ্ছটায় শোভা পাইতেছে। আবার দুই পার্শ্বের অট্টালিকাগুলির পাদদেশ হইতে দুইটি প্রশস্ত পথ সমরেখায় নামিয়া আসিয়া সমুদ্র স্পর্শ করিয়াছে। পথ দুইটিতে আবিরের ছড়াছড়ি,—

দেবাস্ত্রনারা এই মাত্র যেন 'হোলি' খেলিয়া গিয়াছেন ! তাহারই আভা—জলে ও জাহাজে প্রতিবিম্বিত হইতেছে ।

যিনি এদৃশ্য না দেখিয়াছেন, তিনি যেন সহজেই বলিবেন—‘ওটা মেঘের মেলা।’ যিনি দেখিয়াছেন, এমন কেহ ও-কথাটা বলিলে—শ্রুত-সংস্কার বশেই বিজ্ঞতাটা করিবেন । কিন্তু আমি তাহা পারিতেছি কই ! আমরা যে এই দৃশ্যটা প্রায় ঘণ্টাখানেক ধরিয়া দেখিয়াছি ; আর এই দীর্ঘ সময়-মধ্যে তাহার তিলমাত্র পরিবর্তনও ঘটিতে দেখি নাই ; তাই এই নিখুঁত সূক্ষ্মত্বল ব্যাপারটা প্রহেলিকার মতই রহিয়া গিয়াছে । নিসর্গালীলা ত বটেই, অথচ হাসির কথা হইবে যদি বলি,—বোধ হয় গগনের স্বচ্ছ আবরণ ভেদ করিয়া, এই নিভৃত নিকুঞ্জে, দেব-সম্পদের কণামাত্র আভাস দেখা দিয়াছিল । পূর্বে পূর্বে অনেক কথাই ত আভার আবিষ্কার বলিয়া হাসিয়া উড়াইয়া দিয়াছি ;—পরে যখন অচেতন গ্রামোফোন গান শুনাইল, টেলিফোনে বাক্য-বিনিময় চলিল, বে-তার বার্তাবহ সংবাদ বহন করিল, মানু্য আকাশে উড়িল,—তখন আবার অবনত মস্তকে সে-সব স্বীকার করিয়া লইতেও বিলম্ব হয় নাই । যাহা হউক, যে-দেশে ‘বিটিশ্’ ছাপ্ মারা—পায়ের জিনিসটাও যোল আনা সম্মান পায়, সে-দেশে একজন ব্রিটিশ বিদুষীর কথা, অসম্মান না পাওয়াই সম্ভব । তাই একটু উদ্ধৃত করিলাম ;—

‘....You, absorbed in the gathering together of such perishable trash as you conceive good for your self on this planet, you dare, in the puny reach of your mortal intelligence to dispute and question the everlasting things invisible ! You, by the Creator’s will are permitted to see the Natural Universe,—but in mercy to you the veil is drawn across the Supernatural ! For such things as exist there, would break your puny earth-brain as a frail shell is broken by passing wheel—and because you cannot see, you doubt !—’

পণ্ডান আসিয়া বলিল—‘কি বলুন দিক মশাই ?’ আমি অন্যান্যমস্তকভাবেই বলিলাম—‘তোমার কি বোধ হয় ।’ পণ্ডান উত্তর করিল—‘এই অকূল সমুদ্রের মাঝখানে পরীর-দেশ নয় ত ?’ আমি হাসিয়া বলিলাম—‘ঐরূপই কিছ্ হবে,—চাটুষ্যেকে সাবধান !’ ভাবিলাম,—কেবল আমারই নয়,—দৃশ্যটা সকলেরই মনে প্রগ্ন তুলেছে ।

এক জাতের কথাগুলো এক জায়গায় শেষ করাই ভাল। কলিকাতা ছাড়িয়া ক্রমে সাত-সমুদ্রের জল দেখিলাম। কখন বাদামী, কখন ফিকে নীল, কখন গাঢ় নীল—পরেই কালো, আবার আশমানী,—কখন সবুজ, কখন গৈরিক! আশ্চর্য এই—যখন যখন জলের রং বদল হইয়াছে, তখন লক্ষ্য করিয়াছি—এক জল অন্য জলের সীমা-রেখা কোথাও এক চুল অতিক্রম করে নাই! যতদূর দৃষ্টি চলে, দেখিয়াছি সেই সদৃশ্য বিভাগ, সদা-চঞ্চল উত্তাল-তরঙ্গ-তাড়নে কোথাও বাঁকে না; এত যুদ্ধেও কেহ কাহাকে আপনার সূচ্যগ্র অংশ ছাড়ে না! যখন কেহ কাহারও উপর চড়াও হইয়াছে, অর্মানি trespasser-কে (অনধিকার প্রবেশকারীকে) অপরটির রংয়ে পরিণত হইতে হইয়াছে, মূহুর্তের জন্যও সীমারেখার নড়চড় হয় নাই। সে যেন রুল্টোনা লাইন বা আইন। দেখিলে বড় বড় বিস্মাকের বাক্রোধ হয়।

সে-দিনকার সন্ধ্যাটা ঐ-সব কথা লইয়াই কাটিল।

[ ২৫ ]

পাড়িটা খুব লম্বা হ'লেও হংকং ছাড়ার পর আমাদের সরাসরি উত্তর চীনে—অর্থাৎ নির্দিষ্ট মোকামে পৌঁছবার কথা ছিল। টাইফুন—মাঝে পড়িয়া প্রাণটা লইল না বটে, কিন্তু ১০।১২ ঘণ্টার কয়লা লইয়া যায়;—জান্ বাঁচিল, কিন্তু হিসাবের কয়লায় টান্ খরিল। কাজেই তাহার জন্য জাহাজকে চীফ বন্দরে যাইয়া নঙ্গর করিতে হইল। বন্দরটি সহরে সম্মুখি ও সৌন্দর্যের বেড়া দিয়া ঘেরা নয়; জাহাজের ভিড় কম। Battle-ship-এর বালাই নাই man-of-war-এর মোড়লীও দেখিলাম না। যেন একটি শান্ত পল্লীর মধ্যে প্রবেশ করিলাম। সময়টাও সন্ধ্যার প্রাক্কাল ছিল,—বেশ উপভোগ্য বলিয়াই বোধ হইতে লাগিল।

কয়েকখানি ছোট গরিবী হালের ডিঙ্গী, আর দু'একখানি ছোট লণ্ড, আমাদের জাহাজের চারিদিকে আসিয়া উপস্থিত হইল। ডিঙ্গিগুলিতে বালক ও যুবকেরা পিচ, অ্যাপেল, আঙ্গুর, চীনের-বাদাম প্রভৃতি ফল আর দেশী মদ বেচিয়া বেড়াইতে লাগিল। পিচগুলি ভারতের পিচ অপেক্ষা তিনগুণ বড়, বর্ণও চিত্তাকর্ষক। অ্যাপেলগুলি ছোট—টকটকে লাল, যেন মোমের খেলনা, স্বাদও সুমিষ্ট। দশ পয়সায় (ten cent) পঁচিশটি হিসাবে অনেকেই কিনিল। দিশী-মদ দশ পয়সায় এক বোতল (pint)—আবদুল্লাহর দল বন্ধিয়া পড়িল। চীফ সাহেব হুকুম দিলেন—কেহ এক

বোতলের বেশী কিনিতে পারিবে না। আবদুল্লা বিনীতভাবে তথাস্থ বলিল এবং যাহারা মদ ছোঁয়না এমন সব I, thou, he, she, it, খাড়া করিয়া খরিদ আরম্ভ করিয়া দিল ও যন্ত্রের আয়োজন জড় করিয়া ফেলিল।

বিক্রেতার সমুদ্রকুলবর্তী জঙ্গলী বা অসভ্য চীনে বলিয়াই বোধ হইল,—তাহাদের মধ্যে অধিকাংশই উলঙ্গ, কাহারো কাহারো নাম মাত্র লেখিট আছে। মাল বেচা শেষ হইলে তাহারা ইঙ্গিত করিয়া বলিতে লাগিল—‘সমুদ্রে টাকা পয়সা ফ্যালো,—আমরা তোমাদের সাক্ষাতেই ডুব মারিয়া তাহা তুলিয়া দেখাইতেছি, অর্থাৎ তুলিয়া লইতেছি।’ তামাসা দেখিবার জন্য অনেকেই কিছু কিছু ফেলিতে লাগিলেন,—সঙ্গে সঙ্গে তাহারাও ডুব মারিয়া তাহা তুলিয়া দেখাইতে লাগিল ও নিজের নিজের ডিঙ্গিতে সেগুনি ফেলিতে লাগিল। হায়-রে পয়সা! যাহার জন্য আজ আমরা সমুদ্রে ভাসিতেছি, তাহারই জন্য এই বালকেরা সমুদ্রে ঝাঁপ দিতেছে! জগতে সর্বত্রই তোমার জয়। অন্যান্য বন্দরেও এই পয়সা তোলার অভিনয় ছিল; কিন্তু সহর দেখা আর পত্র পোস্ট করার ঝোঁকটা মাত্রায় বেশী থাকায়, এটা দেখার তেমন অবসর হয় নাই। আশ্চর্য বটে—ক্ষুদ্র দুয়ানিটি পর্যন্ত তাহাদের এড়াইয়া যাইতে পারে না।

যাহারা লগে আসিয়াছিল, তাহারা চীফুর সওদাগর শ্রেণীর লোক,—বেশ সভ্য, তাহাদের পোষাক-পরিচ্ছদও সুন্দর। লগে বিবিধ বিলাস-সামগ্রী—সাবান, বাতি, ছবি, সিগারেট, চা, চীনামাটির বাসন, চায়ের Set প্রভৃতি ত ছিলই,—কিন্তু তাহাদের পণ্যের মধ্যে রেশমী বস্ত্রই প্রধান;—নানা রংয়ের রেশমের থান, রুমাল, সুন্দর কারু-কার্য-করা টোবিল দর্পণ প্রভৃতির আচ্ছাদন, ইত্যাদি ইত্যাদি। সস্তাও বেশ;—যে রুমাল কলিকাতায় পাঁচ সিকে দেড় টাকা, এখানে অনেকেই তাহা চার পাঁচ আনা করিয়া কিনিলেন। সাধারণ ব্যবহারের বা কর্মস্থানে (আপিসে) ব্যবহারের সুট প্রস্তুত করিবার যে রেশম দেখিলাম, তাহা ash-colour-এর (ছায়ের রংয়ের)। চার পাঁচ টাকা হইতে দশ এগার টাকার এক থান পাওয়া যায়। সার্টিফিকেটের মত খোল, সার্জ বা রিবার বুনোন, খুব ট্যাঙ্কসই। এক থানে একটি সম্পূর্ণ সুট, অথবা দুইটি কোট ও একটি ওয়েস্ট-কোট হয়।

সুটের জন্য চার পাঁচ টাকা করিয়া থান—আমরা অনেকেই লইলাম; কারণ, পরিচ্ছদের আবশ্যকটা যে আমাদের কতখানি, তাহা যতই অগ্রসর হইতেছিলাম, ততই স্পষ্টতর হইয়া উঠিতেছিল ও পীড়া দিতেছিল। দামী রেশমের বয়ান, অনাবশ্যক বোধে বাদ দিলাম। ফল কথা—চীফু জায়গাটি রেশমী কাপড়ের জন্য ও রেশমের কারবারের জন্য প্রসিদ্ধ। ইতিপূর্বে যে, কাশু ও শ্যান-টুংএ (Kao-chiu-Shan-

(tongএ) জার্মানরা বেশ বাঁশগাড়ী করিয়া বসিয়াছিল ও বিগত জার্মান-যুদ্ধ আরম্ভ হইলে, জাপান বাহা অবরোধ ও অধিকার করে এবং যেখানে হইতে জার্মানীর জাহাজ 'এমডেন্' সরিয়া আসিয়া দিন কয়েক আমাদের হিম্‌সিম্ খাওয়ায়,—এই চীফু সহরটি তাহারই ঠিক উত্তর পার্শ্বে—পিচিল উপসাগরের তীরেই অবস্থিত।

পরদিন প্রাতেই জাহাজ ছাড়িল। এইবার আমাদের যাত্রাপথটা (Gulf of Pichili-র) পিচিল উপসাগরের উপর দিয়া এবং তখনকার রুশের অধিকারগত পোর্ট আর্থারের (Port Arthur-এর) ঠিক দক্ষিণ বা নীচে দিয়া। সিঙ্গাপুর পার হইয়া পর্যন্ত এক প্রকার চীনের জলেই চলিয়াছি। চীফুতে নামা ঘটে নাই, তবে পত্র পোস্টিংটা, সরকারী ডাকের সামিল করিয়া দিয়া সমাধা করা হইয়াছে। সুতরাং জলে জলেই আছি,—জল ছাড়া কথা নাই,—ঘুরিয়া ফিরিয়া সমুদ্রের উপরই তাল রাখিতে হয়। বাল্যকালে দেখিয়াছি—পোটো প্রতিমা চিত্র করিতেছে। কান্টন-কোর গায়ে রং দিতেছে, কিন্তু গণেশের পেটে তুলি মর্দুিতেছে,—লক্ষ্মীকে টিপ্ পরাইতেছে—গণেশের পেটে তুলি মর্দুিতেছে ; মা দুর্গার পায়ে আলতা পরাইল,—গণেশের পেটে তুলি মর্দুিল ; সরস্বতীর চোখ চান্‌কাইল,—গণেশের পেটে তুলি মর্দুিল ; সিঙ্গির জিহ্বায়, ময়ূরের ঠোঁটে, ইন্দুরের ল্যাজে রং দিল,—তুলি মর্দুিল গণেশের পেটে ! অথচ গণেশের পূজাই সর্বাগ্রে। দেখিতেছি আমারও এক্ষেত্রে সমুদ্রই গণেশের পেট হইয়া দাঁড়াইয়াছে। তবে—কুলের কাছাকাছি হইয়াছি ; আজ আর কাল,—এই দুইটা দিন কাটাইতে পারিলে, এই মহান্ ও বিরট বিভূতিকে প্রণাম করিয়া তীব্রস্থ হই।

চীন-সমুদ্রের হরিদ্রাংশ (Yellow-sea) উত্তীর্ণ হইয়া, পিচিল উপসাগরের (Gulf of Pichili-র) প্রবেশ-পথের কিঞ্চিৎ উত্তরেই উই-হাই-উই (Wei-hai-wei)। এটি একটি ক্ষুদ্র দ্বীপ। এই উই-হাই-উই দ্বীপটির এমন চোটের-জায়গায় স্থিতি যে, হাত বাড়াইলেই—উত্তরে পোর্ট আর্থার, পূর্বে কোরিয়া, আর পশ্চিমে চীন,—সকলগুলিই সন্নিহিত। এটি ইংরাজের ইজারা-মহল, কি চীনের নিকট হইতে খেসারৎ (Indemnity) আদায়ের চাপ্ দখল, তাহা নাকি খোলসা কেহ জানেন না। তাই প্রক্বে শ্রীযুক্ত বিপিনবিহারী গুপ্ত মহাশয় জৈষ্ঠ সংখ্যা 'মাসিক বসুমতী'তে—প্রশান্ত মহাসাগর শীর্ষক প্রবন্ধে—চীন-জাপান যুদ্ধে পরাজিত চীনের ১৮৯৫ খৃষ্টাব্দের সন্ধির সংস্বে ও তাহার পরবর্তী তিন বৎসর মধ্যে বিবিধ ঘটনার অন্যতম রূপে, উই-হাই-উই সম্বন্ধে এই মাত্র বলিয়াছেন—'ইংরাজও নিশ্চেষ্ট রহিলেন না। তিনি বাক্যব্যয় না করিয়াই উই-হাই-উই দখল করিয়া তথায় ব্টিশ পতাকা উড়াইলেন।' তাহার পরেই জার্মান সম্বন্ধে বাহা লিখিয়াছেন তাহার ভাবার্থ—'জার্মানীও দুইজন

মিশনারী হত্যার অজুহাতে ক্ষতিপূরণ হিসাবে গায়ের জোরে কিসাও-চাও বন্দরে ও সমগ্র শ্যান্-টং প্রদেশে আধিপত্য বিস্তার করিলেন।

কোথাও কোন দুই পক্ষে যুদ্ধ বাধিলে সভ্য শক্তিশালী প্রবল জাতিরা অনুগ্রহ করিয়া—নয় সালিশীরূপে, না হয় সাক্ষীরূপে, অযাচিত ভাবেই, শান্তিরক্ষার্থ আসিয়া উপস্থিত হন। পরে কষ্ট স্বীকার, সময় নষ্ট, প্রভৃতি খাতে কিঞ্চিৎ লাভ বা খরচা আদায় না করিয়া ফেরেন না। ইহার নাকি একটা মস্ত উপকারিতা আছে ;—কোন যুদ্ধমান পক্ষ বে-আইনী বা অন্যায় কিছু করিতে সাহস পান না। এই দয়ার কাজের জন্য পাঁচ হাজার মাইলের পাল্লা মারা অল্প উদারতা নহে, ত্যাগস্বীকারটাও ততোধিক।

চীন বোধ হয় মিনাতি জানাইয়া জার্মানী হইতে মিশনারী আমদানী করে নাই। যাহা হউক, এই সব ব্যাপারে কাশীর এক সম্প্রদায় দালালদের কথা মনে পড়ে। কেহ কাশীর চকে কোন দোকানে কিছু কিনিতেছেন তাহার অলক্ষ্যে ও অজ্ঞাতে কোন দালাল, দোকানদারকে একবার দেখা দিয়া বা একটা সেলাম দিয়া চলিয়া গেল। তাহার অর্থ আমার প্রাপ্যটা যেন তোলা থাকে ! দোকানদারও তাহা তামিল করিতে বাধ্য। তবে দোকানদার দালালিটা নিজের ঘর হইতে দেয় না—খরিস্দারের মুণ্ডেই চাপাইয়া লয়।—আর এসব ক্ষেত্রে দুর্বলকেই সব চাপটা সহিতে হয়,—প্রভেদ এই।

শুনিয়াছি, কোন কোন নামী এটর্নী মহোদয় যখন মোটরে যান, পথে বে-আক্কেল মক্কেল যদি নমস্কার করিয়া সাধারণ-সৌজন্য হিসাবে কুশলটা জিজ্ঞাসা করিয়া ফেলে এবং তিনি চলন্ত-গাড়ী হইতে দ্রুত হাস্য-সংযুক্ত মুখ ও মাথাটা নাড়া-না-নাড়ার মধ্যেই অদৃশ্য হইয়া যান, পরদিন এটর্নীর সেই অর্থহীন অনুগ্রহ,—তজ্জনিত শ্রম,—সময় নষ্ট,—চোষা-চিস্তা-প্রোতে বাধা প্রভৃতি দৈনিক মানসিক ও শৌখিক ত্যাগ-স্বীকারের জন্য, একখানি অন্ততঃ পঁচিশটাকার পরোয়ানা ( bill ) মক্কেলের সেই সৌজন্যরূপ অপরাধে আক্কেল-সেলামী আদায় করিতে উপস্থিত হইয়া থাকে। এসকল বর্তমান শিক্ষা ও সভ্যতা অনুমোদিত, সুতরাং অবশ্যস্বীকার্য।

[ ২৬ ]

আজ শয্যা ত্যাগ করিতে আমার একটু বেলা হওয়ায়, উপরের ডেকে গিয়া দেখি—বড়বাবু ( বোসজা ) জাহাজের এক প্রান্তে, রেলিং-এর উপর ঝুঁকিয়া উদাসভাবে শুয়ে চাহিয়া দাঁড়াইয়া আছেন। তাঁহাকে এরূপ স্থানচ্যুত হইতে এক দিনও দেখি নাই,—নিজের ক্যাম্বিসের চেয়ার খানিতে অচল বিগ্রহের মতই প্রতিষ্ঠিত থাকেন। তাই



নিকটে গিয়া বলিলাম,—‘অকস্মাৎ আজ আপনার আসন টোল্ল য়ে?’ তিনি উদাস-ভাবেই উত্তর দিলেন,—‘যখন বন্ধুতেই পারিচি—চেয়ারে বসা চুক্তে আর বেশী দিন নয়, তখন দিন থাক্তে ত্যাগের তালিম নেওয়াই ভাল।’ তাঁর কথার মধ্যে অনুরূপের অসম্ভাব না থাক্লেও আওয়াজে রহস্যের রসমাত্রও ছিলনা। ভাবলুম, জাহাজবাসের এই শেষ দুটো দিন mean করচেন। //

এই সময় মজুমদার ভায়া হারিসতে হারিসতে উপস্থিত, সঙ্গে দত্তজা। ভায়ার হারিস দেখিয়া বোসজা একটু বিরক্তির স্বরেই বলেন—‘আর হারিসর সময় নেই, আমিও তোমাদের সঙ্গে আজ একমাস হেসেই কাটিয়েছি, কোন কথাই গায়ে মাখিনি। কিন্তু কাল বাদে পরশু ষে-ষার সব কাজে বসতে হবে,—সাহেবরা ত আর আমাদের ঠাকরুণ-বিষয় শোনবার তরে তলব করেনি।’

বোসজার সহিত আমার এই পাড়িতেই প্রথম পরিচয়। তাঁকে বেশ আমুদে আর মিশুক বলেই জেনেছি। এইভাবে এই প্রথম পেলুম! অকস্মাৎ আপিসের আর সাহেবের নাম শুনে যেন চটকা ভাঙ্গলো; বন্ধুর ভিতরটা যেন ‘গিলে’ বুলিয়ে কে কুঁচকে দিলে! ভাবিলাম—এইবার বোধ হয় স্বরূপের সাড়া দিতেছেন,—বড় বাবুজের ভূমিকা ভাঁজা আরম্ভ করলেন।

আমাকে নীরব দেখিয়া তিনি একটু কড়ি-মধ্যমে নামিয়া বলিলেন—‘বাঁড়ুয্যে মশাই বন্ধু জানেন না,—আমার গোরের মাটি পর্যন্ত এসে গেছে!’ মজুমদার ভায়া বলিলেন,—‘বাঁড়ুয্যের ত এই ঘুম ভাঙ্গলো! আমরা ওঁর অপেক্ষায় subject (বিষয়টা) ফাঁশ্ করিনি; চায়ের মজলিসের জন্যে reserved (জীইয়ে) রাখা হয়েছে।’ আমি ত একদম বোকা ব’নে গেলুম।

চা এসে গেল,—কিন্তু চাটুয্যে আসে না। হরিপদ বলিল—‘তিনি ট্রঙ্ক্ গোছাচ্ছেন, এখন আসতে পারবেন না, পাঁচু-দা তাঁকে সাহায্য করছেন। আমি তাঁর চা নিয়ে যাই, আর পাঁচু-দাকে পাঠিয়েদি।’ বোসজা বলিলেন—‘সেই ভাল।’ পরক্ষণেই সহাস্য পণ্ডানন—তার দ্বিধ-রদ-লাঞ্ছিত বিকশিত দশনগুলি সামলাইতে সামলাইতে আসিয়া উপস্থিত হইল। বোসজা বলিলেন—‘আজ সকালের ব্যাপারটা বাঁড়ুয্যে মশাইকে একবার শুনিয়ে দাও পণ্ডানন।’ শুনিয়াই পণ্ডাননের দশনগুলি সহসা যেন শিমুলের কোষ ফাটিয়া শূদ্র সৌন্দর্যে বিকাশ পাইল। এখন তাহার পক্ষে একই সঙ্গে দাঁত সামলানো আর কথা কওয়া কঠিন হইয়া উঠিল;—ঈদ্বতবাদের ঐ দোষ।

উত্তেজনার তোড়ে সে যাহা বলিয়া গেল, তাহাতে বন্ধুলাম,—সে মধ্যে মধ্যে লক্ষ্য করিয়াছে, শয্যা ত্যাগান্তে চাটুয্যে তাড়াতাড়ি একবার নিজের ট্রঙ্কটা খোলে। আজ

বোধ হয় তার শোঁচের বেজায় জোর তলব আসিয়া পড়িয়াছিল, তাই ষ্ট্রক্‌টা বন্ধ করা ত হয়ই নাই, এমন কি তাহার ডালাটি পর্যন্ত ফেলিয়া যায় নাই। এ সুযোগ সামলাইবার মত সংযম না থাকায়, পণ্ডান উঁকি মারিয়া তন্মধ্যে অর্ধাধিক স্থান জুড়িয়া এক পদ্টলি মাটি ও তাহার উপর একটি দেয়ালির প্রদীপ আবিষ্কার করিয়া ফেলে। এই অসুীম অভলস্পর্শ সমুদ্র-বক্ষে এক পদ্টলি মাটির অস্তিত্ব বিস্ময়ের হইলেও, পণ্ডান স্থিরই করিতে পারে নাই—সেটা তুক্ কি যক্ ! আমাকে নিদ্রিত পাইয়া রহস্যভেদের জন্য পদ্টলি-সমেত তাই বড়বাবুর নিকট উপস্থিত হয়।

এইখানে পণ্ডানকে বিরাম দিয়া বোসজা স্বয়ংই সন্ধান করিলেন,—‘আমি ঘন্ম ভেঙ্গে সেইমাত্র বিছানায় উঠে বসেছি, আর পণ্ডান, তিরিশ সের আন্দাজ সেই স্বর্গাদীপ গরীয়সীর গর্দভে এনে হাজির করলে। আমাদের আনরপূর পরগনায় বাড়ী, অনেক লোকের অনেক কুট সমস্যা solve ( সমাধান ) করতে হয়েছে, কিন্তু এ মাটির খাঁটি তত্ত্ব মাথায় ঘেঁষা ছিল না। এমন সময় মূক্তকচ্ছ চাটুয্যো, ঝড়ের মত এসে পোড়ল। পণ্ডাননের প্রাণ নেয় আর কি ! অনেক ক’রে সে আগুন নেবালুম। পণ্ডান তখন বিনীতভাবে করজোড়ে চাটুয্যোকে বল্লে—‘আমাকে কেটে ফেলুন,—দুখ্‌খু নেই—আপনাকেই প্রাচীন্ডির করতে হবে ; কিন্তু আগে দয়া করে বলুন প্রভু—এ বিরোট বোঝার ব্যাপার ওটা কি ?’ চাটুয্যো তার কথার উত্তর না দিয়ে আমার দিকে ফিরে বল্লে,—‘আপনারাও ত এসেছেন ; এ দুখ্‌খুকে বন্ধিয়ে দিন্‌।’ সর্বনাশ ! আমার অবস্থাটা তখন বদলন ! ফশ্ ক’রে বলে ফেল্লুম,—‘কেন—বাঁড়ুয্যোর দ্যাখনি পণ্ডান ! তাঁর যে দটি ষ্ট্রক্‌ ঠাশা ! চাটুয্যো তুমিই ওকে ব’লে, কান মলে দাও।’ চাটুয্যো খুব খুসী হয়ে বল্লে—‘বাঁড়ুয্যো মশাই একটা গোটা মানুষ, আর কলাপোড়া-থেগো-বুদ্ধি নিয়ে, এটা বলে কি না,—ও’র কলকেতায় বাড়ী ! চীনে চলেছেন, আর খোঁজ নেই চীনের মাটি বস্তুটা কি ; দুখ্‌খু—হাতে মাটি দেবে কিসে !’ এই বলে, পণ্ডাননের হাত থেকে পদ্টলিটি কেড়ে নিয়ে বিজয়ীর মত চলে গেল।’

শুনিনা মজুমদার ভায়া—‘ওরে বাবারে মেরে ফেল্লে’—বলিয়া, উঠিয়াই লাফাইতে লাগিল ও বলিতে লাগিল—‘বাঁড়ুয্যো, আমাকে ধর—জলে পড়ে না জান্‌টা যায়। ওরে বাপ্—জার্মানীতে জন্মেছিলেন বিশ্‌মার্ক’ আর বঙ্গের ভাগ্য অশ্‌কার ক’রে চীনে চলেছেন আমাদের এই বিশ্‌মার্ক ! হায় বঙ্গমাতা—কি দুঃখে এই ওরেবাদ-বুদ্ধি সাগরে ভাসিয়ে দিলে মা !’ একটা হাসির ঝড় বয়ে গেল। পণ্ডাননের কবলে এক ঢোক্‌ চা থাকায়, তাহা সবলে ও সশব্দে এক ঝাপ্টা বৃষ্টির মত বর্ষিয়া গেল।

বোসজাকে বলিলাম—‘সেদিন এক ঠাকুরদুগ-বিষয় শুনলে, অক্ষয় দত্তের ‘বাহ্যবস্তুর সহিত মানবপ্রকৃতির সম্বন্ধ’ পর্যন্ত টান ধরেছিল, আর আজ?’

বোসজা বলিলেন—‘আর আজ আমার চাকরী পর্যন্ত টান ধরেছে; আর দ্বিতীয় দত্তটির কথাই স্মরণ হচ্ছে—

‘দৈত্যকুলদল ইন্দ্রে দমিন্দু সংগ্রামে

মরিতে কি তোর হাতে?’

বড় বড় বিলিভী কেউটেকে খুলোপড়া দিয়ে কেঁচো বানিয়ে এলুম কি চাটুয্যের জন্যে চাকরী খোয়াতে? তোমরা হেস না। পরশু না হয় তরশু, আমাকেই ত লোক বুঝে আর লোক বেছে কাজের ভার দিতে হবে! চাটুয্যে আবার store-keeper (গমস্তা বা ভাঁড়ারী); কেরানী নয় যে পাঁচজনের ভেতর চালিয়ে নেব। তার বোধ করি হাজার টাকা security-ও (জমানতও) আছে। field-এর (অভিযানের) সব দামী জিনিসই গদামে ঠাশা। শুনছি শীতের আয়োজন খুব বেশী; প্রায় সব পোশাক-পরিচ্ছদই ক্যানাডা হতে আমদানী। কোন গদামেই লাখটাকার জিনিসের কম নেই। তার কোন একটির ভার ত ঐ মাটির-মুরোদকে দিতেই হবে! তারপর? ঐ ব্রাহ্মণের জামানতের টাকা জল্ আর চাকরী খতম্,—হাতে দাঁড়ির আশাও দুরাশা নয়,—ঐ সঙ্গে আমারও চেয়ার-চুটি! এ অভিযানে বিলাতের সংপ্রবে (imperial connection-এ) কাজ-কর্ম, সাহেব-সুবোও অচেনা;—তার ওপর field-এর (যুদ্ধক্ষেত্রের) আইন-কানুন মানেই—মহাপুরুষদের মর্জি!//

বোসজার এক একটি কথা যেন (এক মাস ম্যানিন্জাইটিসের পর) ধাক্কা দিয়া দিয়া চাকরির পাক্সা মূর্তি প্রকট করিতে লাগিল ও পূর্বস্মৃতি জাগাইয়া দিতে লাগিল। ফাঁক পাইয়া জিজ্ঞাসা করিলাম—‘আপনি কি চাটুয্যের চাকরীর ভালমন্দ ভেবে চিন্তিত হছেন?’

বোসজা বলিলেন—‘ভাল ত আদৌ নয়, মন্দটা ভেবেই ভয় পাচ্ছি; আর কেবল চাটুয্যের নয়—নিজেরও।’

বিলিলাম—‘এ-চিন্তার জন্মটা কি ঠাকুরদুগ-বিষয়ের অর্থগৌরবের মধ্যে না—চীনে-মার্টি ফুঁড়ে এর অঙ্কুর দেখা দিলে?’

বোসজা সর্বিষ্ময়ে বলিলেন—‘আপনি কি তবে বলতে চান,—আমার ভাবনাটার ও-গুলো অন্যতম কারণও হ’তে পারে না!’

আমি বলিলাম—‘চাটুয্যে যদি ঐ ঠাকুরদুগ-বিষয় সত্ত্বেও সাত আট বছর চাকরী বজায় করে এসে থাকে ত আজ সেটাকে এত বড় ভয়ের কারণ ভাবছেন কেন?’

‘সরকারী কাম্ আপস্ চল্ তা হয়,—’ এ কথাটা অর্থহীন নয়। ঐ যে boiler room-এ ( তাপ্ কামরায় ) অগ্নিমূর্তিটি বসে থাকেন তাঁর তাতে কাজ সুধু চলে না—ছুটে চলে। তাঁর হৃদ্যকারে পঙ্গুও গিরি লঙ্ঘন করতে পথ পায় না।’

আমার কথা শুনিয়া বোসজা বলিলেন—‘আপনার কথায় চাটুষ্য-সম্বন্ধে বিশেষ আশ্বস্ত হ’তে না পারলেও, আপনার কৃষ্ণপক্ষ সমর্থনের পরিচয় পেলেম বটে। কিন্তু ঐ লোকের হাতে লাখ টাকার মাল, আর সেই অসংখ্য জিনিসের আদান-প্রদানের হিসাবের ভার দিয়ে যে কি করে নিশ্চিত থাকা যায়, তা এখনো আমি বুঝতে পারিচি না।’

বলিলাম—‘আপনি এত সম্বন্ধে fresh fruit-এর ( ফলের ) কথা ভুলে গেলেন নাকি? জাহাজে ব্যবহারের জন্য আমরা সকলেই কিছু কিছু ফল ( আঁব, ডাব, আনারস প্রভৃতি ) এনেছিলাম। পাঁচ দিনেই তার পনের-আনা চাটুষ্যের পেটেই পৌঁছে গেল! আমি বললাম,—‘অন্ততঃ সিঙ্গাপুর পর্যন্ত চলা উচিত ছিল, এর মাঝে ত কোথাও কিছু পাব না।’ তাতে চাটুষ্যে চট্ উত্তর করে,—‘ভাবচেন কেন, আমার fruits ( ফল ) সবই মজুদ রয়েছে।’ পর দিন পণ্ডান যখন সেই প্রপঞ্চের টুকরি মজলিসের মধ্যে এনে হাজির করলে, সকলেই দেখে নয়ন জুড়িয়েছিলেন,—একটা তাল, দুটো চাল্ তা, আর শুনিয়ে তেউড়ে যাওয়া কতকগুলো শিক্ড়ে-মুলো, বরবটি আর কাঁচা লুকা! অধিকন্তু গোটা ছয়েক গোঁড়া নেবু, আধপাকা কাঁচকলা, আর আদখানা পচা কাঁটাল! মনে পড়ে কি?’

শুনিয়াই পণ্ডান বলিয়া উঠিল—‘ওরে বাবারে, আবার সেই শৈবলিনীর নরক দর্শনের স্মৃতি!’ প্রথম দর্শনে পণ্ডানই বলিয়াছিল—‘If these be thy fresh-fruits, O Israel!’ etc

বোসজা বলিলেন—‘সেই দিনই ত ‘ফলেন পরিচীয়ে’ কথাটার গুঢ় অর্থ হৃদয়ঙ্গম করি, আর ফলের মধ্যেই ত চাটুষ্যের প্রথম পরিচয় পাই।’

বলিলাম—‘সবটা আগে শুনুন; তারপর এই দীর্ঘ এক মাসকাল চাটুষ্যের একটি পয়সাও খরচের খাতে দেখেছেন কি? এক দিন তার মোজা দেখবার সৌভাগ্য আমার ঘটেছিল, এক-পাটিরও তলা নেই! শুনলাম, সে-জোড়াটি এই সবে সাত বছরে পড়েছে। যে-লোক গদ্যদমে থাকে, তার ত মোজার অভাব হবার কথা নয়, অনায়াসে পুরাতন জোড়াটির বদলে নূতন একজোড়া নিতে পারে। কিন্তু পয়সা বা জিনিস সম্বন্ধে সে যক্ষ। তাকে ও-দুটিতে ফাঁকি দেবার লোক আজো জন্মানি জানবেন। আমি সে-সম্বন্ধে আপনাকে অভয় দিতে পারি, আপনি বোঁফাঁকির থাকুন।’

পণ্ডানন উত্তেজনার সহিত বলিয়া উঠিল—‘আমি স্বচক্ষে দেখেছি মশাই—মাছের কাঁটা ফেলে না, একদম হুলো-cat ( হুলো বেরাল ) ।’

এই কথায় ঐক্যতান হাস্যের মধ্যে চাটুষ্যে আসিয়া মৃদুভঙ্গীসহ পণ্ডাননকে বলিল—‘আর হাস্‌মার্তে হবে না, কলকেতার মৃদুখন্দ। আজ বিদ্যেবুদ্ধি বেরিয়ে পড়েছে। বাঁড়ুষ্যে মশাই শুনছেন ত?’

বলিলাম—‘আরে ছিঃ—ওটা অপদার্থ ! ও যে এতটা নিরেট—তা জানতুম না ।’

এই সময় জাহাজের স্টুয়ার্ড্‌ ‘গুড্‌মর্নিং’ করিলেন ও নিজেই চেয়ার টানিয়া লইয়া বসিলেন। এতদিন একদ্র বাসে পরস্পরের প্রতি যে একটা ভালবাসা জন্মিয়াছিল তাই লইয়া আলোচনা আরম্ভ করিলেন, ও বলিলেন—‘আমাদের জীবনটাই এইরূপ :—বিচ্ছেদের কষ্টটা প্রায়ই ভোগ করিতে হয়,—কত লোক আসেন, যান, কত চিহ্ন কত স্মৃতিই রাখিয়া যান ! তবে,—চাকুরী এমন Jealous জিনিস, যে চাবুকের মত সর্বক্ষণ উদ্যত থাকিয়া, মনকে ( তা ছাড়া ) অন্য চিন্তা করিবার অবকাশই দেয় না,—সব ভুলাইয়া দেয়’ ইত্যাদি। প্রায় ঘণ্টাখানেক এইরূপ আলাপ আপ্যায়নের পর, তিনি বলিলেন,—‘আমি আর আপনাদের কি সেবা করিতে পারি, আজ রাতে আপনারা আমার guest ( নিমন্ত্রিত অতিথি ), কাল রাতে আপনাদের আর পাইব কিনা সন্দেহ। আপনাদের ইচ্ছা ও আদেশ মত আজ রাত্রে আহাৰ্য প্রস্তুত করাইবার বাসনা করিয়াছি। আপনারা অস্কেচে আমাকে আপনাদের ফরমাজ্‌টা বেলা তিনটার মধ্যে জানাইলে সুখী হইব ।’ এই বলিয়া তিনি বিনয় ও সৌজন্য বিনিময়ের মধ্যে উঠিয়া গেলেন। আমাদের মনগড়াও যেন কেমন ভিজে-ভিজে হইয়া গেল। বিপদ-সঙ্কুল পথের সঙ্গীরা অগ্গেই আপনার হইয়া পড়ে।

ব্রেক্‌-ফাস্টের ঘণ্টার সঙ্গে সঙ্গে আমাদের বৈঠকও ভাঙ্গিল।

[ ২৭ ]

পিতৃনাশের পর সকলেই আবার উপরে আসিয়া উপস্থিত হওয়া গেল ; কিন্তু সেই সঙ্গে পূর্ব পূর্বদিনের ক্ষুধাটুকু আজ আর ফিরিয়া পাইলাম না। দেখিলাম, সকলেরি সদর যেন নাবিয়া গিয়াছে। কথাবার্তায় আগেকার সে উত্তেজনা নাই,—সবই ঢিলে-ঢিলে। মন জিনিসটার মত ভাঙতে গড়তে মজবুত আর কিছুই দেখি না ; সে তুলতেও যেমন, ফেলতেও তেমন ; ভাবাস্তর সৃষ্টিই তার কাজ। সকলে আসা

গেল, বসা গেল, কিন্তু তেমন হাসা গেল না। আজ আর যেন একটা কোন বিশেষ বিষয় কেহ খুঁজিয়া পাইল না—যাহা লইয়া সমবেত উৎসাহে সকলে তাহাতে যোগ দেয়! তাই সকলেই আপন আপন চিন্তায় মগ্ন হইল,—কেহ কাহারো মূখে দিকে তাকায় না। হরিপদ দু'পা আসে, কিন্তু কাহারো মূখে কথা নাই দেখিয়া অপরাধীর মত ধীরে ধীরে সরিয়া যায়। পণ্ডানন খানিকক্ষণ উস্খুন্স্ করিয়া চাটুয্যের স্থানে চলিয়া গেল। চাটুয্যে break-fast ( ব্রেক্‌ফাস্ট ) বৃদ্ধিত না, সে পুরাপুরি break-belly-র মত ( পেট্ ফাঁশার মত ) load ( বোঝাই ) লইত, ও আসন ছাড়িয়া শয্যাও লইত।

পূর্বোক্ত ভাবটা আমাকেও পাইয়া বসিয়াছিল। ভাবিলাম—এমন কি ঘটিয়াছে যে, অকস্মাৎ এই অবসাদের আমদানি করিয়া বসিলাম! 'ক্রাইভের' কবলে যখন আশ্রয় লইয়াছিলাম, তখন ত জানা ছিল—প্রভু স্বধর্ম ভুলিবেন না,—পরবাসীও করিতে পারেন, পরলোকেও পৌঁছাইয়া দিতে পারেন। ফল কথা—এতদিন যে বিক্রমাদিত্যের বৈঠক বসান হইয়াছিল, তাহার চৌহিন্দ্র মধ্যে চাকুরীর চিন্তা বা সাহেবের সংহার-মূর্তি প্রবেশ-পথ পায় নাই। কিন্তু আজিকার প্রভাত সেটাকে নানা রূপে বর্ণে ও ছন্দে বারবার প্রকট করিয়া প্রাণে একটা অব্যক্ত আতঙ্ক আঁকিয়া দিয়াছে। তাই—সময়ে অসময়ে, কাজে অকাজে, কারণে অকারণে, মন তাহারই উপর রং চড়াইতে আরম্ভ করিয়াছে;—কে কোথায় ও কোন্ কাজে posted হইবে, কার ভাগ্যে কিরূপ মর্দনব্ জুটবে; জাহাজ ছাড়িয়াই বোধ হয় ছত্রভঙ্গ হইয়া পড়িতে হইবে। মামুলী ( station duty ) কাজ হইতে সমরক্ষেত্রের ( active service-এর কাজ স্বতন্ত্র। আবার এ অভিযানটির সহিত বিলাতের সংস্রব Imperial connection ) থাকায়, কাজকর্মের ধারা ও নিয়ম-কানুন বিভিন্ন হওয়াই সম্ভব;—সেটা আমাদের পক্ষে বিলাতী বিস্ফোটক্ হইয়া না দাঁড়ায়,—ইত্যাদি ইত্যাদি—সত্য মিথ্যা, স্বাভাবিক ও অস্বাভাবিক ভাবনা, ভিতরে ভিতরে বিভীষিকার বীজ ছড়াইতেছিল। স্বজনহীন অপরিচিত দেশে, শত্রুপদ্রুমীমধ্যে পা বাড়াইতে বড় বড় সাহসী বীরেরও বুকটা কাঁপিয়া উঠে,—আর আমরা ত বাঙ্গালী কেরানী! পরাজয়ক্ষেত্রে পয়জার-প্রাপ্তি, না হয় মৃত্যু; আর বিজয়ে—বেতনটি ছাড়া লাভের বা আশার কিছুই নাই।

সম্ভবতঃ এই সব চিন্তাই, ভাগাভাগি করিয়া আজ সকলের মনকে অধিকার ও আচ্ছন্ন করিয়াছিল। কিন্তু যে দুইটি তরুণ যুব, চাকুরির আশায়—সখ্ করিয়া সঙ্গী হইয়াছিল, তাহারা ত এসব চিন্তার কারণও বোঝে না, স্বাদও জানে না, সুতরাং—সহসা সকলের এই ভাবান্তরটা তাহাদের আঘাত করিয়া মন্মরা করিয়া দিতেছিল।

তাহারা খোঁজে—হাসি খুসী, গান গল্প, আমোদ-প্রমোদ। তা' ছাড়া জীবনটাকে যে কত কাঁটাবন বাঁকা পথ অতিক্রম করিয়া শেষ-বোঝা নামাইতে হয়, সে-সংবাদ এখনো তারা পায়ও নাই, তাহার খোঁজেও রাখে না। তাহাদের পা ঘসিতে ঘসিতে মলিন মুখে নীচে নামিয়া যাঁতে দেখিয়া মনে হইল,—তাহারা আজ যেন প্রতিমা দেখিতে আসিয়া, শূন্য দালান দেখিয়া ফিরিল। প্রাণটায় বড় ব্যথা বোধ করিলাম ✓ মনে হইল—আজ ওয়া ভাবিতেছে—এঁদের কি এখন এই ভাবই চলিবে? তবে কেন আসিলাম? এর চেয়ে কলিকাতার পথে পথে ঘোরাও ভাল ছিল!

হায়—বালকেরা জানে না চাকুরী কি বস্তু। চাকুরেদের—কেতাদুরস্ত চুল ছাঁটা, বেশবিন্যাস, স্বহস্তে ব্যাংকা লাগানো ডেভেনপোর্ট শ্যু, কোটের home-cut (বিলাতী) ছাঁট্ আর সিল্কের রুমালে—পাঁচটি ন্যাংড়া বা ছয়টি কমলা বেঁধে, ছাঁখিল ছাঁচি পান্ আর কাঁচ সিগারেট্ মুখে দে' বাড়ী ফেরা—তারা এইটাই দেখিয়াছে ও বাবুদের বাহিরের বড় বড় বাঘ-মারা বাক্য আর হাস্য-পরিহাসই শুনিয়াছে। অতুল বাবুকে গোঁফ্ কামাইয়া গিরিজায়া সাজিতে দেখিয়া ও তাঁহার মুখে 'মথুরা-বাসিনী' শুনিয়া, ঠিক ঐরূপটি হইতে ও করিতে না পারিলে যে জীবনটাই একদম্ মাটি, সে-সম্বন্ধেও নিঃসন্দেহ হইয়া আছে। এগুলাঁ যে দিন-মজুরদের দাঁড়া-গ্লাস্ বা তাড়িরই রূপান্তর মাত্র, তরুণেরা তাহা বোঝে না। তাহারা জানে না যে, উহার ঠিক পশ্চাতেই—সর্বক্ষণ একটা ভয়মিশ্রিত ভাবনা, অশান্তি ও অনটন বাসা বাঁধিয়া আছে।

আমার চরিত্রের নানা দুর্বলতার মধ্যে—তরুণদের আশ্রয়, এমন কি তাহাদের আশ্রয় দেওয়া অন্যতম। তাহারাও তাই আমার কাছে অধিকতর স্বাধীনতা উপভোগ করিত। সেই কারণে আমার সমবয়স্ক সঙ্গীদের কাছে সময়ে সময়ে আমাকে অনেক কথা শুনিতে হইয়াছে, আর উপার্জনের মধ্যে চিরদিন 'উপদেশ' উপার্জনই ভাগ্যে ঘটিয়াছে। বিশেষ লক্ষ্য করিবার বিষয় না হইলেও, আজ তাই পণ্ডানন ও হরিপদর অবস্থা দেখিয়া কষ্ট বোধ করিতেছিলাম। তাহারা চাকুরী লইয়া চান চলে নাই; তবে কি লইয়া থাকিবে,—কিসের উপর দাঁড়াইবে? সমুদ্র-যাত্রা, জাহাজ-চড়া, বিদেশ দেখা,—এই সব আনন্দ লইয়া কাটানো, এইরূপ একটা তরুণ-সুলভ বাসনার ধাক্কাই, তাহাদের ঘরের বার করিয়াছে; চাকুরীটা গৌণ উদ্দেশ্য মাত্র। তাই, মজার বাজার মন্দা দেখিলেই, তাহারা ত মন্মরা হইয়া পড়িবেই। কিন্তু এ'তো বর্ধমান বেড়াইতে বাহির হওয়া হয় নাই যে, ভাল না লাগিলেই—তিন ঘণ্টায় পাড়ি জমাইয়া বাড়ী ঢোকা চলিবে।

মন্টা মিইয়ে থাকায়, আহায়াস্তে দেড়টার পর,—অভ্যাসমত উপরের ডেকে না গিয়া, আজ নিজের কেবিনে গিয়া শয্যা লইলাম। শুইয়া শুইয়া উদাসভাবে একটা সিগারেট টানিতেছি, পণ্ডানন আসিয়া বলিল—‘আপনাকে চারদিকে খুঁজে বেড়াচ্ছি,—আজ যে উপরে যাননি?’ বলিলাম—‘কি জানি আজ যেন ভূতে পেয়েছে, কিছুর ভাল লাগছে না।’ পণ্ডানন বলিল—‘আমরাই ত পেয়ে থাকি—পাবার জন্যে ছট্ ফট্ করে বেড়াচ্ছি—আবার নতুন কোন্ ভূত এল!’ বলিলাম—‘চাকরী জিনিসটাকে ছোটখাটো ভূত ঠাউরো না পণ্ডানন। বড়বাবু আজ সেই বিচিত্র চ্যাপ্টার (অধ্যায়) খুলে,—সকলকে চমকে দিয়েছেন!’ পণ্ডানন সভয়ে বলিল—‘এখন কি তবে আপনাদের এই ভাব-ই চলবে নাকি? তা হ’লে ত বাঁচব না মশাই। এ-তো তা’হলে আমাদের স্বীপাস্তরের রূপান্তর দাঁড়িয়ে যাবে! তার চেয়ে—ফির্তি জাহাজে ফিরিয়ে দিন।’

তার কথার সুরে অসত্য ত ছিলই না, বরং কাতরতাই বেশী। বুঝিলাম, আমার অনুমান মিথ্যা হয় নাই। বলিলাম—‘লোকের কত কারণে অমন অবসাদ আসতে পারে; এক আধ দিনের ভাবান্তরে অমন চণ্ডল হ’লে চলবে কেন? একটা কত বড় প্রাচীন দেশে চলেছ—দেখবার শোনবার শেখবার কত কি আছে; এমন সুযোগ ক’জনের ভাগ্যে ঘটে? জীবনটার মূল্য বাড়িয়ে নিয়ে ফেরা চাই।’ পণ্ডানন বলিল—‘তবে আপনি এখন ওপরে চলুন; সকলেই চুপ্-চাপ বসে আছেন, মনটা বড়ই খারাপ হয়ে যাচ্ছে, কিছুর বলবেন চলুন।’ জিজ্ঞাসা করিলাম—‘চাটুষ্যে নেই?’ পণ্ডানন বলিল—‘আছেন ত, কিন্তু নাড়া দিতে সাহস হচ্ছে না।’ বুঝিলাম—পণ্ডাননের ধাত ফির্চে। উঠিয়া পড়িলাম ও উভয়ে উপরে গেলাম। গিয়া দেখি—সব দিকে দিকে চাহিয়া, চুপ্-চাপ বসিয়া আছেন! আমরা একটু তফাতে আসন করায়, চাটুষ্যে আব হরিপদ আসিয়া হাজির হইল। চাটুষ্যে আসিয়াই বলিল—‘বাঁড়ুষ্যে মশাই কি রাগ করেছেন, কোন কথা কইচেন না!’ বলিলাম—‘পণ্ডাননের মৃৎখুমী আর পরাজয় নিয়ে সকালে এত কথা হয়ে গেছে যে, পাঁচ দিন এখন কথা না কইলেও চলে!’ চাটুষ্যে শুনিয়া খুমী হইল। বড়বাবু হাঁকিয়া বলিলেন—‘বাঁড়ুষ্যে মশাই কি মহেশ চক্রবর্তীর ভাঙ্গা-দল বানালেন, আমরা বাদ পড়লুম নাকি?’ বলিলাম—‘লোকসেনে মাল নিয়ে ব্যবসা চলে না; না করেন হাঁ, না আছেন দোয়ারকীতে, আছেন কেবল খোরা কীতে! না আছে সাজবার সুরং, না আছে চেহারার চটক। তয়েরি ছেলেরা তাই বিগড়ুতে বসেছে, তাদের সামলাতে হবে ত?’



জনার্দন নায়ডুকে ( মাদ্রাজী ক্রাক্ ) বটুয়া খুলিতে দেখিয়া, চিকি সুদপারির প্রত্যাশায় ‘আসচি’ বলিয়া চাটুষ্যে তাহার কাছে ছুটিল ।

বড়বাবু বলিলেন—‘চাটুষ্যে কি আমাদের চেয়ে বেশী খোলতাই-দার !’ আমি বলিলাম—‘অমন সাজসু চোহারা হাজারে একটা মেলে না । জাহাজে ত এত দেশের এত লোক রয়েছে, চাটুষ্যের মত অমন আকর্ষণবিস্তৃত ‘হাঁ’ একটা বার করুন দিকি ।’ বড়বাবু বলিলেন—‘কিন্তু ‘হাঁ’ হিসেবে চাটুষ্যেকে আপনি কি সার্টিফিকেট দিতে চান তা’ত বুঝলাম না যাহার দলেই বা তার সার্থকতা কি ?’

বলিলাম—‘লক্ষ্য ক’রে থাকবেন, অধুনা বড় রাস্তার মোড়ে মোড়ে রক্তবর্ণ বৃকোদর Letter Box-এর শৃঙ্গ-প্রতিষ্ঠা আরম্ভ হয়েছে । মা মঙ্গলচন্ডীর কৃপায়, স্বাধীশিক্ষা-বিস্তারের সঙ্গে সঙ্গে পত্রের প্রবল বন্যা দেখা দেবেই, তখন উক্ত বড় রাস্তার ব্যবস্থা বঙ্গের অনিতে গলিতে বাহাল করতে হবে ; ক্রমে চলন্ত Letter Box-এর ( চিঠি ফালা বাক্স ) দরকার স্বতঃসিদ্ধ । সে অবস্থায় নট-লাট্ অমৃতবাবু যে নাটক লিখবেন, তাতে চলন্ত লেটার বক্স অবশ্যই থাকবে এবং তার সাজবার লোক দরকার হবেই । গলা থেকে পা পর্যন্ত একটা লাল সালদুর গেলাপ্ আঁটা, মাথায় একটা টক্টকে কাবুলী কুল্লা পরা, আর কপালে সাদা অক্ষরে Letter Box ছাপা, একটি এমন লোক চাই—যে হা ক’রে আগন্তুক পত্রগুলিকে কবলে নেবে । আমাদের মধ্যে কে এমন বাহাদুর আছেন, যিনি এই পাট নিতে পারেন ?’

বড়বাবু বলিলেন—‘সর্বনাশ ! মাপ্ করুন মশাই ।’ একটা হাসি পড়িয়া গেল । চাটুষ্যেও ছুটিয়া আসিল । পশ্চানন হাত জোড় করিয়া বলিল—‘এমন স্টিটিছাড়া সংয়ের কথা ত কখন id : aতেই ( কল্পনাতেই ) আসেনি মশাই ?’

মজুমদার ভায়া সলক্ষ্যে বলিয়া উঠিলেন—‘It beggars imagination’,—কল্পনা এখানে ফতুর ।

চাটুষ্যে কিছু না বুঝিয়াই হাসিটায় যোগ দিয়াছিল ; প্রাবল্যাটা একটু কমিলে নিম্ন কণ্ঠে পশ্চাননকেই জিজ্ঞাসা করিল,—‘ব্যাপারটা কি ?’

পশ্চানন কিন্তু উচ্চকণ্ঠেই বলিল—‘এই আপনারই গুণের কথা হচ্ছিল, সেদিন যে-কথা বলিছিলেন,—বাল্যকালে আস্তো একটা চাল্ তা খেতে গিয়ে, দু’কস্ কেটে হাঁ-টা কি ক’রে অমন ফালাও হয়ে পোড়ল !’

চাটুষ্যে,—‘চ্যাংড়া কিনা, প্যাঁচাকে কোন কথা বলবার যো নেই ।’

পশ্চানন,—‘কেন, এতে নিষেধের কথা কি আছে ? জগতে যারা বড় হয়েছেন, বাল্যকালেই তাঁদের কাজে কর্মে সেটা প্রকাশ পেয়েছে । কেউ সুখদেবকে গিলতে

গিয়েছেন ; স্বয়ং শ্রীকৃষ্ণ কড়ে আগ্নুলে গিরিগোবর্ধন ধারণ করেছিলেন । কই—কেউ ত তাঁদের মন্দ বলে না । তবে কেষ্টের কাজটায় আমাদের একটা অনিষ্ট হয়েছে বটে । তাঁর বইবার আর সইবার শক্তিটা প্রমাণ হওয়ায়,—পৃথিবীর পাপের বোঝাটা বেপরোয়া বেড়ে চলেছে ।

মজদদার—Bravo ( বাহবা ) পণ্ডানন !

বোসজা এতক্ষণ ভাবী লেটার-বক্সের কথাই ভাবিওঁতেছিলেন, হঠাৎ জিজ্ঞাসা করিলেন—‘বাঁড়ুয্যে মশায়ের লেখাপড়াটা করা হয়েছিল কোন ইস্কুলে ?’

আমি আশ্চর্য হইলাম,—বলিলাম—‘তা হ’লে বদ্বতে হয়—আমি যে ইস্কুলে গিয়েছিলুম, আর লেখাপড়া করেছিলুম, সে-সম্বন্ধে আপনাদের সন্দেহ নেই । বদনামের কথা হলেও এটা আমি মেনে নিতে বাধ্য ; কারণ বাবার ভুল চুকে সে কুকাজ একবার হয়ে গিয়েছিল । কিন্তু অল্পদিনেই মাস্টারদের দয়া আর দূরদর্শিতা—সে ভুল সুধরে দেয় ।’

ঘটনাটা সর্বিস্তারে শুনিলেও ভায়া আড়্ হইয়া পড়িলেন, অন্য সকলেও সবগে বদ্বকিলেন ।

কোন বিষয়ের বাড়াবাড়িতে আমি নারাজ ; বিশেষতঃ ঐ ইস্কুলের সংশ্রবে একটু ভুল, সিঁদুরে মেঘের মত আমাকে সাবধান করে দেয় । আজ আবার সেই প্রসঙ্গ আসিয়া পড়িল ! কিন্তু সকাল থেকে যে মানসিক গদুমোট্টা জমাট বেঁধে সকলের বাক্রোধ করিয়া রাখিয়াছিল,—সেটা সবমাত্র শনৈঃশনৈঃ সরিতে আরম্ভ করিয়াছে । কত ডিগ্রি উত্তাপে যে সেটা একদম বাষ্প হইয়া বিদায় লইবে, তাহা জানা নাই । ভিজ়ে কাঠ ধরান হইয়াছে—ফুঁ থামিলেই আবার না শোল-পোড়া হয় ! তাই প্রসঙ্গটা কিছুক্ষণ বজায় রাখাই বিহিত ভাবিলাম ।

বলিলাম—‘ইস্কুলে পদার্পণ ক’রে পাঠ্যপুস্তকেই মন খিঁচড়ে গেল—প্রারম্ভেই অশুদ্ধ দর্শন ! One morn I met a lame man ! কেনরে বাপু—সরকার মহাশয়ের কি অন্য কোন man জোটে নি ? noble man, honest man,—অন্ততঃ bad manও ত জুটতে পারত,—দেশে তার ত অভাব নেই ! এ কিনা সঙ্কাল বেলা একেবারে মূখোমুখী বিকলাঙ্গ দর্শন,—ষায়া-ভঙ্গের দেবতা ! তখনই বদ্বলাম—সুবিধা নয়,—বড় এগুতে হবে না ! ঘটনাটা আবার গোলাবাড়ীর পাশে,—অথচ বিদ্যোটা হচ্ছে—গোলাবাড়ী ঘাঁটলে সাহেববাড়ী ঢোকবার ! আবার দেখাটা কিনা ঘোড়ায় চড়ে,—যে জাতের দেব-সেনাপতি চড়েন পক্ষীতে ! এই সব অশুভ অসামঞ্জস্যের মধ্যে আমার পড়াশুনো দোরকুচে উঠতে লাগল ।

এমন সময় আমাদের গোবর্ধন পন্ডিত মশায়ের গোহাটিতে বদলি হ'ল। তাঁকে Farewell (বিদায়) দেবার প্রস্তাব হওয়ায়, হুজুর্ক পেয়ে হাম্‌রাই হয়ে পড়লুম। পাছে পান্‌সে হয় তাই কবিতা রচনার ভারটা নিজেই নিলুম। উৎরেও গেল। একদম করুণ রসের কুষ্কাটিকা! তার মধ্যে এমন মড়াকান্না ফেঁদেছিলুম যে, কোন শ্রোতাই অশ্রু-সম্বরণ করতে পাবেননি। ছেলেরা হরিশ্চন্দ্র নাটক অভিনয়ের সময়—শমনানে শৈব্যার মূখে সেই কবিতাটি দেয়। কান্নার জন্যে এত এন্‌কোর্ বাৎলা দেশে নাকি ইতিপূর্বে কেউ আদায় করতে পারেনি। তাতে গোবর্ধন-গৃহিণী আমাদের বাড়ী পর্যন্ত তেড়ে এসে বলেছিলেন,—হতভাগা ছোঁড়া কোন কথাই বাদ দেয়নি,—একটা কথাও আমার তরে রাখেনি :—উনি ম'লে আমি যে কাঁদবার আর নতুন কথা খুঁজে পাব না !'

কবি নিরঙ্কুশ, তাই তোড়ের মূখে একটা সেরা (poetry) পোইট্রী প্রকট হয়ে পড়েছিল। সেটা গোবর্ধন মাস্টারের বদলির স্থাননির্বাচনে কর্তাদের সূক্ষ্ম রস-বোধের প্রশংসা করতে গিয়ে। সেইদিনই বৈকালে বাবা হেডমাস্টার পশুপতি বাবুর এক পত্র পেয়ে আমাকে বল্লেন—‘তোর আর ইস্কুলে গিয়ে কাজ নেই, তুই বাড়ীতে ব'সে হাতের লেখা পাকা।’

‘ভাবলুম,—সত্যিকার বিশ্বাস আর বড় হ'তে হলে, ইস্কুল-কলেজে যাবার কোন দরকারই দেখি না ;—‘জন্‌ স্টুয়ার্ট্‌ মিল্‌’—রস্কিন্‌, কালহিল ও-কারখানার গড়ন নন্‌। প্রোফে বুদ্ধলুম—মস্তিষ্কটা খুবই উর্বর ছিল,—ভাবাটায় ভুল করিনি,—দেশে কি বিদেশে রবীন্দ্রনাথ ক'জন?’

বহু উৎসাহ বাক্য ও আমার সর্বাঙ্গে পণ্ডাননের মুখ-নিঃসৃত হাস্য-রসামৃত সিগনের বাধার মধ্যে—মদীয় শিক্ষার ইতিহাস সংক্ষেপে সমাপ্ত করিলাম।

[ ২৯ ]

হায়—আজ ঠিক বিশ বৎসর পরে সন্দেহ হইতেছে, আমার সেই গোবর্ধন-গৃহিণী-প্রদত্ত পাট্টা বর্ষা খসিয়া পড়ে! তিনি কান্নার জন্য নতুন কথার অভাব অনুভব করিয়া ক্ষুব্ধ ও হতাশ হইয়াছিলেন। আর আজ দেখিতেছি বঙ্গ-সাহিত্য তাহা অপেক্ষা সঙ্গীন সমস্যার সম্মুখীন! যেমনি হউক না কেন—রঙ্গিন চিত্র-চার্কাচকো—সিঙ্কের মলাট মোড়া বই বাহির হইলেই, তাহার বাহাদুরীর বিজ্ঞাপনে, বিশেষণের

যেরূপ বৃষোৎসর্গ আরম্ভ হইয়াছে, যথার্থ একখানি ভাল বইয়ের ভাগ্যে যে কি জন্মটিবে, তাহা সত্যি ভাবনার কথা। বোধ হয় এরূপ অবস্থায় ভাল বইগদলি, বিশেষণের বিদ্রূপ হইতে রেহাই ও রক্ষা পাইলেই মঙ্গল। সেগদলি যেন বিদ্যাসাগর মহাশয়ের মত সাদা মলাটেই শোভা পায়; নচেৎ তাহাদের বাচাই বা কি করিয়া সম্ভব হইবে, ও কে তাহা করিয়া দিবে? যাঁহাদের নিকট বাংলা দেশ সে-আশা করিয়াছিল এবং যাঁহাদের তাহাতে ন্যায়-সঙ্গত অধিকার তাঁহারা অশোক আর আদিশ্বরের ইন্টু পাথর উদ্ধার করিতে এবং কোন্ মনসার ভাসানখানি থোদ্-বিভীষণের নিজের হাতের লেখা, তাহা নির্ণয় করিতে ব্যস্ত। একটি বন্ধু বলিতেছিলেন—‘শুনিয়াছি তাঁহাদের মজলিসে—একেবারে খাঁটি তিব্বতদেশীয় স্বর্ণঘটিত ষড়জাড়িত বিশুদ্ধ মকরধ্বজ বনিতোছে।’ আশার কথা।

চাটুষ্যে হঠাৎ প্রশ্ন করিয়া বসিল—‘হ্যাঁ মশাই, শুনোছি চীনে নাকি আমাদের মা কালী, শ্রীরাধা প্রভৃতি দেবীদের মূর্তি প্রতিষ্ঠিত আছে;—সত্যি কি?’

বলিলাম—‘আমিও শুনোছি—বিশিষ্টদেবের প্রতিষ্ঠিতা কালী নাকি সেখানে আছেন।’

কথাটায় বড়বাবুও যোগ দিয়া বলিলেন—‘লোক নিজের নিজের দেশের ঠাকুরগণদের চেহারা আর সাজসজ্জার অনুরূপ, দেবীদের মূর্তি গড়ে ও তাঁকে সাজায়। পুরুষেরা এর চেয়ে বড় model (আদর্শ) মাথায় আনতেই পারেন না। যা হোক—আমি কিন্তু শুনোছি—চীনে মেয়েদের পা লোহার জুতো দিয়ে আঁটা! তা হ’লে সেখানকার দেবীদের পায়েও লোহার জুতো জুটে থাকবে।’

বলিলাম—‘ডিং গুপ্ত ত প্রায় হাতের কাছেই এসে পড়েছেন,—ফলেন পরিচায়তে।’

পণ্ডানন মুখ চোখাচ্ছিল, সে বলিল,—‘কবিতা লেখবার পক্ষে—Subject-টা (বিষয়টা) খুব গ্র্যান্ড! লিখতে পারলে—বঙ্গ-সাহিত্যকে একটা নতুন জিনিস দেওয়া হয়।’

বড়বাবু বলিলেন—‘তা বটে। আজকাল বঙ্গ-কবি-কুঞ্জে বিষয়ের বড়ই অভাব;—ললিত-লবঙ্গলতা থেকে—পাহাড়ী ময়না,—স্থলপশু থেকে—জলহস্তী,—সবই তাঁরা ফুরিয়ে ফেলেছেন! প্রেমের পান্ দেওয়া আলনা আলমারী আলতা পর্যন্ত তাঁদের খাতায় পাওয়া যাবে। দেশটা প্রেমের পক্ষাঘাতে আড়ষ্ট। মূর্খ-মূর্খিকর কবিতাতেও ময়রাণীর মত্বে মধুর আলাপ গর্জে দিয়ে কবির প্রেমের পরোয়ানা জারি করেন। বিষয়টা দুর্লভ হ’লে কি হবে, যিনিই লিখুন—ঐ লোহার জুতোর মধ্যেই প্রেম তার পথ খুঁজে নেবে;—কি বলেন বাঁড়ুষ্যে মশাই?’

কেদার রচনাবলী (১ম খণ্ড)—৭

ভগ্নতা ভাঁজার ভাব দেখিয়া বদ্বিলাম—এঁদের একটা মতলব আছে। থাকুক,—আজ আমার কিছ্‌তেই ‘না’ ছিল না। বলিলাম—‘স্বীলোকের পায়ে লোহার জুতো বাস্তবিকই মহাকাব্যের বিষয়! কারণ, গদগে সেটা চামড়ার জুতোর চেয়ে শতগুণ ট্যাঙ্কসই,—আবার আবশ্যক হলে—উনুনে চাঁড়িয়ে তেল্ ছেড়ে দে’ মাছ ভাজাও চলতে পারে। তবে, বদ্রাগীর পক্ষে এর ব্যবহার নিষিদ্ধ হওয়াই উচিত। চীনেরা প্রাচীন পণ্ডিতের জাত, তাই ওটা মেয়েদের জন্যেই ব্যবস্থা করেচেন ;—তাতে আমার কিন্তু মনটা দমে গেল। এতে ক’রে প্রমাণ হ’য়ে পড়ে—হয় চীনেরা ভারতবাসী অপেক্ষা নির্ভীক, না হয় চীনা রমণীরা পাতিল্লিতে প্রধানা।’

মজুমদার ভায়া বলিল—‘না, তামাসা নয় বাঁড়ুঘো, আর ব্যাখ্যা বাড়িও না ; এখন এ-সম্বন্ধে তোমাকে একটা কবিতা লিখতেই হবে ; এটি আমাদের সকলেরই অনুরোধ।’

এইটিই ছিল খোলসা কথা,—বলিলাম—‘আপত্তি ছিল না, কিন্তু পূর্বেই দেখেছি ও জিনিসটে আমার সয়না, ওর ওপর এমন এক দেবতার দৃষ্টি আছে, যিনি একটা কিছ্‌ না নিয়ে নড়েন না। তিনি বরাবরই গোচরে আছেন,—এবার তা’হলে চাকরিটারই উপর তাঁর শূভদৃষ্টি পড়া সম্ভব।’

বোসজা হাতজোড় করিয়া বলিলেন—‘মাপ্ করুন,—তিনি কিন্তু আমি নই!’ হাসিটা একটু উচ্চগ্রামে উঠিয়া পড়িল।

মজুমদার বলিল—‘ইস—আজ যে তোমার চাকরির মায়ী মহীয়সী হ’য়ে দাঁড়াল! কই—এ অপবাদ ত তোমার কস্মিন্ কালে ছিল না।’

বলিলাম—‘জলধি আর যুদ্ধক্ষেত্র, দুই-ই যমের বারবাড়ী। সেখানে পা বাড়াতে হলে, মিথ্যা থেকে পা তুলতে হয়। ভদ্রলোকের সম্ভ্রম ব’লে জিনিসটে বজায় রেখে চলবার মিথ্যেটাই বোধ হয় সেরা আশ্রয়, চাকরিতে ঢুকে সেটার খরচ প্রচুর পরিমাণেই করা হয়েছে ; অশিক্ষিতের ও-বালাই নেই বলেই হয়।’

‘লোকের ধারণা—বাংলা দেশটা ডিস্‌পেন্‌সিয়ার ‘ডিপো’, সেটা চিরকালই অজীর্ণের আড়ৎ ;—বদ্বিজমের বদ্ব্যনাম তার বদ্ব্যপিন্‌টে। পাহাড়ী-কুঞ্জের কথা ছেড়ে দিলেও,—বাবুরা পশ্চিমে মধুপুর থেকে আরম্ভ করে ডিহিরি, মায় মসুরী, দক্ষিণে পুরী থেকে ওয়ালটোয়ার প্রভৃতির হাওয়া খেয়ে চোঁয়াটে’কুর চাপা দিতে বান। কিন্তু আমাদের এই কেরানী-ক্লাস্‌টি—হজমের হারাকিউলিস্‌, এরা বড় বড় বিলিভী জিনিস অবলীলাক্রমে হজম করে থাকে ;—নীলকণ্ঠও সে গরল গিলতে পারতেন না। ভায়া !—সেটা আমাদের চাকরির মায়ায় স্‌পাচা হয়েছে, কি মোহে স্‌মিষ্ট লেগেছে,

সেটা ভাববার কখন দরকারই বোধ করিনি। গিরিজায়ার ঝাঁটা না খেলে যেমন দীর্ঘজন্মের মনটা দোমে যেত, বোধ হয় এও ক্রমে সেই formulaরই (নিয়মেরই) অন্তর্গত হয়ে যায়। দেখাচি, বড়লাট-দপ্তরের একজন ক্লার্ক (‘Autobiography of a clerk’ শীর্ষক প্রবন্ধে) লিখছেন—‘It kills the soul in those who had it’। মূশকিল এই যে, এর মজাগত ভাবটা প্রকাশের একটা যত্ন মাফিক কথা মিলচে না।’

(আজ দেখতেছি আমাদের সে অভাব ঘুচিয়াছে। ‘Slave mentality’ কথাটি, মায় উপসর্গ—রোগটি প্রকাশ করিয়া দিয়াছে। ‘দাস্য-ভাব’ কথাটি, হাজার বৎসর হাতের কাছে হাজির থাকিলেও তার দুর্বলতার দোষে—পদাবলীতেই পড়িয়া রহিল! এখন অনেকের নাকি ধারণা, রোগটা যখন ধরা পড়িয়াছে, তখন আরোগ্যের আশা আছে। অভিজ্ঞেরা কিন্তু একমত নন;—তারা বলেন—এ যে রাজ-যক্ষ্মা!)

শুনছি রাজা রামমোহন রায়ও এই রোগের মূল্যকে গিয়ে পড়েছিলেন। কিন্তু ‘মানুষের জন্মগত অধিকার’ বলে কি একটা জিনিস নাকি আছে,—সেটা বাড়ীতে রেখে যেতে ভুলে গিছিলেন,—কাজেই কর্তার কাছে দাঁড়িয়ে কথা কইতে বা তাঁর কথা শুনতে, রাজি হননি—চেয়ার চেয়েছিলেন; তাই রোগের সূচনাতেই রেহাই পান।

ভায়া! ওটা একেবারে রাধার প্রেম,—নিধু বাবুর টপ্পা—‘ভাল বাসিবে বলে—ভাল বাসিনে!’

মজুমদার ভায়া বলিলেন—‘এমনটা কবে থেকে হ’ল! বরাবরইত দেখে এসেছি—তোমার বৈঠকী-চাক্রি।’

বলিলাম—‘সেটা শুনতে হলে একটু সাঁইফু হ’তে হবে।’

বোসজা বলিলেন—‘নিশ্চয়ই শুনতে হবে, auto-biography (স্বলিখিত আত্মজীবনী) বড় মিঠে জিনিস।’

বলিলাম—‘তথ্যসূত্র। আমার চাকরির উপর মায়াম্বন্ধে কি ক’রে যে অবহিত হলাম—সেই কথাটাই বলি। তবে সেটা সহজে হয়নি,—তাতেও তোপের দরকার হয়েছিল!’

পণ্ডান বলিল,—‘ওরে বাবা—তোপের? চাকরির পায়ে নমস্কার!’

বলিলাম—‘সব শুনলে—‘শত কোটি’ বলতে হবে, থাক্। গত বৃষোর বৃদ্ধের ব্যবস্থা আর পদ্ধতি দেখে, বড় বড় বাবাজীদের বুদ্ধি ঠিকানায় পৌঁছয়,—সকল মানুষ-মারা (যদুৎসদ) সভ্যদেশেই একটা সাড়া পড়ে যায়। তারপর বৃষোরদের অনেক কায়দা কানুন, সমরসঙ্গ জাতিরা নিজের নিজের দলে চালাবার জন্যে কড়াকড়ি

আরম্ভ করেন। ভারতের পলটনগুলি প্রাতঃকালে একবার খিঁদে বাড়াবার মত—সখের কুচকাওয়াজ্ (parade) সেরে, সারাদিন থস্-টাটির খাস-কামরায় পাখার হাওয়া খেয়ে কাটাতো। সদান-সদন কিচেনার সাহেব জঙ্গীলাট হয়ে এসে, সেই বিলাস-বাবুয়ানার বৈকুণ্ঠে বহি প্রয়োগ করলেন। সকাল-সন্ধ্যা লম্বা লম্বা কদম্-মার্চ, ছুট্-মার্চ (running march) প্রভৃতির চোটে, তাদের নাক্কে দম্ করে দিলেন। আজ ঝুটোলড়াই (mock fight), কাল অম্‌ক নদী পার হয়ে অম্‌ক জায়গা আক্রমণ,—পরশ্ অম্‌ক পাহাড় দখল ;—আবার এই সব ঝুটো ঝাটোর অভিনয়—অধিকাংশই রাখে ! উদ্দেশ্য—পলটনকে সর্বক্ষণই লড়াইয়ের তরে সতর্ক, অভ্যস্ত ও প্রস্তুত রাখা আর বিলাসের বদ-হাওয়াটা বার ক'রে দেওয়া।

ক্রমে তার খাল্লা আমাদের উপরেও এসে পৌঁছুলো ! দেখলুম—জেনারেল সাহেব হুকুম দিয়েছেন—কামান্ তিনবার দ্রুত দাগ্‌লেই (in quick succession) সামরিক বিভাগের সকল শাখার লোককেই, (৫-১০ মিনিটের মধ্যেই), তাদের নিজের নিজের নির্দিষ্ট স্থানে ও কাজে হাজির হয়ে, হুকুমের প্রতীক্ষা করতে হবে, অন্যথা—সাজা খুব কঠিন। ব্যাপারটা যে কবে কোন্ সময়ে ঘটবে তার স্থিরতা নেই !

কি সর্বনাশ ! একে ত ভাগ্যদোষে কেমনী হয়ে দেশের বুদ্ধিমান মানুষেরই বিরাগভাজন হ'য়েছি ;—বক্তৃতার বোলে, আর কলমের খোঁচায় 'জর-জর',—তায়, রাতকানার উপর এই 'রৌদের' ভার ! শূনেই রক্ত শুকিয়ে গেল। ভাবলুম—এতদিনের চাকরিটা দেখাচি—তিন আওয়াজেই ফর্সা হবে ! পথের দুধারে থাকে পেলুম তাকেই আর পাড়াপ্রতিবেশীদের অনুরোধ জানিয়ে বাসায় ফিরলুম—তিন তোপ্ দাগলেই যেন খবরটা দেয়, কি-চাকরকে হুঁসিয়ার থাকতে বজ্রম। শূনে ব্রাহ্মণী বজ্রেন—'অত ভাবনা কেন,—না যেতে পারলে কেউ ত আর ফাঁসী দেবে না !' যেন ফাঁসী ছাড়া আর সব সাজাই সহজ ও আমার তা' সহিতে পারা উচিত,—আর তাঁরও সেটা সহিবে ! যা'হক্—দুর্দীন রাতি মিথ্যা জাগরণের পর—চিন্তাটা ফিকে মেরে এল,—চর্চাও থেমে গেল।

সেটা কৃষ্ণাচ্যুতদর্শীর রাতি। মেঘ-ঝড়ের আয়োজন দেখে, বন্ধুরা তাস ফেলে বৈঠকখানা ছেড়ে উঠলেন। তখন রাতি দশটা বেজে গেছে। আমিও শূতে গেলুম। বাসাটা বে-মজবুত ; বাইরে ঝড়-বৃষ্টি, মেঘগর্জন ; ভিতরে দোর-জানালায় ফাঁক ব'য়ে বংশীধ্বনি আর বিদ্যুতের খেলা ! আবার সর্বোপরি নাসিকা-নির্নাদ ! সাত বছরের মেয়েটা ভয়ে আড়ষ্ট,—আমি বিপদাশঙ্কায় বিনীত। এমন সময় সেই তিন তোপ ! রাত তখন দুটো বেজে দশ মিনিট। বাসার লাগাও এক ঘর গয়লা থাকতো,

—তাদের ঘর তখন জলে ভেসে যাচ্ছে,—কাজেই কর্তা জেগে বসে ছিল। সে দেখি চেঁচাচ্ছে—‘বাবুজি,—বাবুজি,—সয়তান্ বোলা হ্যায়।’ বারান্দায় বেরিয়ে বঙ্কুম—‘শুনতে পেরেছি সদর।’

ব্রাহ্মণীর সেই ভাত-ঘুম—সহজে ভাঙতে চায়না,—ঠেলে তুলতে হ’ল। চাকরটা বাইরের ঘরে থাকত,—তাকে ডেকে, বারান্দায় থাকতে বঙ্কুম। জুতোটায় পা ঢোকাতে ঢোকাতে—কোটটা বগলে আর ছাতাটা হাতে নিতেই, ব্রাহ্মণী বলেন—‘চল্ল কোথায়?’ বঙ্কুম—‘রোদ্ পোয়াতে!’ বদলেন—কোন কথাই এখন চলবে না, বলেন—‘আমাদের কাছে থাকবে কে?’—‘সেটা জেনে আসব;—রামলাল (ভৃত্য) বাইরের দরজা দিয়ে নে,—বলতে বলতে একেবারে রাস্তায়;—মেয়েটা কেঁদে উঠলো।’

বাইরে তখন তুমুল ব্যাপার;—ঝড়ের ঝড়টি ধরে ধরে শত শত ঘোড়-সওয়ার (Cavalry) ছুটেছে; ব্রিশ বহিঃশাখা Ambulance Cart (চলতি হাসপাতাল), তোপখানার সঙ্গে সওয়ার শব্দে শতাধিক artillery horse (তোপটানা ঘোড়া), mule-cart, bullock-cart (খচ্চরের গাড়ী, বয়েল গাড়ী) পদাতিক পশ্টন, Followers প্রভৃতি, সেই ঝড় বৃষ্টি অশ্বকার ভেদ করে দ্রুত দৌড়েছে। যেন রাসের বের Procession (সমারোহ-যাত্রা),—কেবল জল ঝড়ে আলোটা নিবিয়ে দেছে। তাদের বন্ধনানি আর ঘড়ঘড়ানিতে ঝড়ও যেন ঝান্ খেয়ে। তখন ঝড় বৃষ্টি অশ্বকারটা যেন কারুর মনেও নেই, গায়েও ঠেকছে না।

বাইরে পা বাড়তেই—ছাতাটা উল্টে খাস্-গেলাস হয়ে গেল,—‘সখি উপলক্ষ্য মাত্র’—কেই বা সে দিকে মন দেয়! সেই অবস্থাতেই চোঁ-চা ছুট্। ভাগ্যে আপিসটা দূরে ছিল না,—দেড়-পো পথ হবে। পেঁছে দেখি—প্রায় সকলেই হাজির,—সাহেব সর্বাগ্রে। আলো জ্বালবার হুকুম নেই, সব—(শব্দ ভূতের মত নয়) ভিজে ভূতের মত বসা গেল। শীতকাল হ’লে বাঙ্গালীর সাব্ খাওয়া প্রাণটা বেরিয়ে যেত, জুলাই মাস বলেই কেবল কাঁপনি আর হাঁপানীর ওপর দিয়েই গেল। কেউ কারকে চিন্তে পারাছিলুম না, আওয়াজে বদলুম, তিনকাড়ি বল চে,—‘ছোটবার সময় জুতোর তলাটা বাজপাই বাবুর বাড়ীর সামনেই ছেড়ে গেল,—খোলটাই পায়ে রয়ে গেছে;—চাকরির চরম!’ নীরদ বলছে—‘অশ্বকারে টোবিলের পায়টা লেগে, হাঁটুটা ছেঁচে গেছে,—কত পাপেই যে লোকে চাকরি করে! লোকে জানে—কেরানীরা কেবল কলম চালায়,—মলমও যে লাগায়—তা’ মালুম নেই!’ এত কণ্ঠেও হাসতে হ’ল।

ঝড় বৃষ্টি কমে এল,—গায়ের কাপড়ও গায়ে শর্দকিয়ে এল; কিন্তু জেনারেল সাহেব স্বয়ং এসে হুকুম না দেওয়া পর্যন্ত কারুর সরবার যো নেই। তাঁর ঘোড়ার



খবরের শব্দ-প্রতীক্ষায় কান খাড়া করে,—হাই তুলতে আর ঢুলতে লাগলুম। শ্যামের বাঁশরী-রব শোনবার জন্যে ব্রজ-সুন্দরীদের চৌদানী আর বুমকো-পরা কান কখনই অতটা খাড়া থাকতে পারতনা। প্রভু তোপখানা (artillery), রেশালা (cavalry), পদাতিক পল্টন (infantry), হাঁসপাতাল, Godown (গুদাম্), Transport line (বাহন-কুঞ্জ) প্রভৃতির পরিদর্শন শেষ করে,—উষার আলোয় এই উপেক্ষিতদের সেলাম নিয়ে, বহ্নেন—‘disperse’ (সরে পড়)। বাঁচলুম।

তারপর বাইরে এসে—যে যার মুখ দেখে—দ্রোতায় হনুমানের first and successful Ceylon trip-এর, পাল্টা পাড়ির পর, কপি-কটক সহসা স্ব স্ব শ্রীমুখ দেখে যেমন চমকে উঠেছিল—আমরাও মনে মনে তেমনি আঁৎকে উঠলুম; আর ছাড়া পেয়ে তাদেরই মত মুখভঙ্গী সহকারে—তাদেরই ভদ্র ভাষায় আত্মফালন করতে করতে বাসায় ফিরলুম। সবার সম্মিলিত অভিভাষণের ভাবার্থ মোটামুটি এইরূপ ছিলঃ—‘ঢের হয়েছে আর নয়! বেটারা কোন্ দিন কাবুলে নে গে কুমোড্ বইতে, না হয় Trench কাটতে (খানা খুঁড়তে) বলবে নমস্কার চাকরির পায়,—কুতিয়া বোলালে বোপ;—বেলা থাকতে সরে পড়াই ভাল। পিসে মশাই কত সাধ্যসাধনা করেছিলেন,—সওদাগরী আপিস ব’লে গেলুম না। এতদিনে দেড়শ টাকা কেউ ঘোচাত না, আর উপরি ত ছিলই! হায় হায়,—কলা-পোড়া-থেগো কপাল কি না, তাই তখন মনে ওঠেনি। আজই চিঠি লিখছি।’ উমেশ বলে—‘সব নিজের নিজের পাপেরই প্রায়শ্চিত্ত, গুরুজনের বাক্য অমান্য করছি—আর কি ভালোই আছে! ইশা শ্বশুর মিলেছিল—তা এ শিলে-থেগো কপালে সহিবে কেন? পই পই করে বলিছিলেন—‘গিলেন্ডার-হাউসে’ গচিয়ে দি, পাঁচ বছরে মানুষ হয়ে যাবে।’ তখন শোনে কে? সেই ফাঁকে শনি এসে পাকড়ালে,—এই তিরিশ টাকার তালুক মিল্‌লো! ক্রমে সে বৃদ্ধগত হয়ে three hundred horse powerএ ঘুরতে লাগলো,—দুন্ করে মৃগুরের মত পরিবারটা মরে গেল,—সব ফর্সা! উমেশের ‘উ’ উড়ে গেল, কেবল ‘মেশ’ টুকু রেখে গেল! এখন পোছে কে?—চুলোয় যাক্—চাকরি আর নয়! শুনোছি সিধু খুড়ো চৌরঙ্গী-কোয়াটারে ‘সল্‌তের’ কন্‌ট্রাক্ট নিয়েছেন, তাঁকে ধরে কেব্লায় একখানা হাঁড়ির দোকান খোলবার চেষ্টাই চালাই;—রাজপুত্রের আসছেন,—বেশ দ্রুপয়সা ‘ফেচ’ করতে পারে।’ বিভূতি বলে—ভাগ্যে বাবা বেলাবেলি বে’ দিয়েছিলেন—রাত্রে আজো একা উঠতে পারি না। উঃ, মিলিটারী লাইনে এসে কি ভুলই করছি, পথে আজ রথের ভিড় না থাকলে—কি করে যে যেতুম কেবল তাই-ই ভাবছি। মামা শিবকন্ট দাঁর shopএ ধাঁ করে ঢুকিয়ে দিতে পারতেন,—মাইনেতে কি করে? নেটিবের চাকরি ব’লে মনে ধোরল না; আক্কেলে

এল না যে নামটারই মূল্য কত ? দিনের মধ্যে দশবারও নামটা করা হ'ত,—তা হবে কেন ? তা হ'লে রক্তচক্ষু মেজার হর্নের ঘুঁতুনি সামলাবে কে ? প্যারীচরণের পীরিতে প'ড়ে যে পরকাল ঝুঁকরে হয়ে গেছে ; শাস্ত্রবাক্যে শ্রদ্ধা থাকিলে 'হর্নের' গদ্বতো খাবে কে—তারা ত 'শৃঙ্গিণাং দশহস্তেন' সাফ্ কয়ে দিয়েছেন। যাক্—বড় ভগ্নীপতি ডিম্বষ্ট্রীক্ট বোর্ডের বড় বাবু,—horde ( ডাই ) করে ফেলেছেন। লিখলেই চাকরি ;—আজ পিটিশন্ ( দরখাস্ত ) পাঠিয়ে তবে চা গ্রহণ ।' ইত্যাদি ইত্যাদি ।

বাসায় ফিরে এসে দেখি—চাকরটা উঠেছে। মেয়েটা কেঁদে কেঁদে ঘুমিয়ে পড়েছে। দালানে একখানা খাটিয়ার ওপর ব্রাহ্মণী—গদ্ব্ হয়ে বসে আছেন,—বদনে বেশ থর্ নেবেছে। ডাবলুম—রাগের ঝড়ে ত রক্ষা পেয়েছি ; কিন্তু প্রাতে এ যে প্রলয়ের পরোয়ানা ! সকালের শিরঃপীড়া সুবিধের জিনিস নয়—বেলার সঙ্গে সঙ্গে তার শূলুনীও বাড়বে। কি করি, আপনা-আপনিই আরম্ভ করলুম—'উঃ—এখনো বুকটা ধড়াস্-ধড়াস্ করছে ;—মাথাটা বোঁ বোঁ করে ঘুরছে। পথে বাজপাইজী না ধরে ফেল্লে,—সে টাল্ সামলাতে পারতুম না,—কি ঘট'তো, তা' ভগবান জানেন। কে আর কবে এ সব দেখেছে ! পাঁচ মিনিটের দেরীর জন্যে—তিন তিনটে লোককে, চোকের সামনে তোপে উড়িয়ে দিলে ! পাঁটা কাটা দেখতে পারি না, আর এই নরহত্যা দেখতে হ'ল ! যেন মগের মল্লুক ! হাম্, হায়, হায়, জল্-জ্যান্তো গরিবরা ছুটতে ছুটতে এল—আর গোলার মুখে গেল ! একটা কথা পর্যন্ত কেউ শুনলে না। আহা হা ! মনে হচ্ছে আর মাথাটা ঘুরে যাচ্ছে।' এই বলে দেলটা ধ'রে ফেলতেই ব্রাহ্মণী ব্যস্ত হয়ে বল্লেন—'তুমি আগে বিছানায় বোসবে এস ।' বিছানায় বসে বল্লুম—'উঃ জাতটাকে চেনা দায়'—

ব্রাহ্মণী,—'আবার চেনা দায় কি রকম ! কাটোয়া জাত,—দাঁত। আর তোমার আপিসে যাওয়া হচ্ছে না,—চাকরিতে কাজ নেই ।'

বল্লুম—'সবটা শোনো, আবার দয়াও আছে, 'গরু মেরে জুতো দান' যাকে বলে। জেনারেল সাহেব যাবার সময় হুকুম দিয়ে গেলেন,—যারা সময়ে এসেছে, তাদের এমাস থেকে দশ টাকা করে মাইনে বাড়লো ।'

ব্রাহ্মণী একগাল হেসে বল্লেন—'পোড়ারমুখোরা সব পারে ! তা না ত আর রাঙ্জি আছে ;—ওদের কাছে অবিচারিট নেই। সে হতচ্ছাড়ারা দেরী ক'রে মোলো কেন ? তবে,—তোপের মুখে,—ওঃ মা—গ্যা শিউরে উঠে ! তা অদেণ্টের লেখা ত খণ্ডাবে না, সাহেবরা কি করবে। হাঁগা, বল্লে—'এ মাস থেকে—'আচ্ছা জুলাই মাসের আর ক'টা দিনই বা আছে, তাতেও পুরোপুরি বাড়তি দশ টাকা দেবে ?'

বল্লাম—‘তা দেবে—’

ব্রাহ্মণী—‘ওরা এক-কথার জাত কি না,—কথার নড়্ চড়্ হয় না। এখন তুমি একটু শূন্যে পড় ত দেখি।’

বল্লাম—‘আর এখন ঘুম হবে না, কাজ ত কিছুই করতে হয়নি,—টোঁবিলে মাথা রেখে দূ’ ঘণ্টার ওপর ঘুমিয়েছি। তোমারও যে-কষ্ট গেছে, বলতে প্রাণ চায় না,—কোন রকমে একটু চা’র জোগাড় হ’লে শরীরটা ঝরঝরে হয়ে যায়;—কেবলি সেই ভিনটে লোকের চেহারা মাথার মধ্যে ঘুরেছে—’

ব্রাহ্মণী—‘তোমার ও-সব ভাবতে হবে না, তাদের অদেটে ঐ লেখা ছিল; তা না ত হতচ্ছাড়ারা—দূ’ ঘণ্টা ঘুমুতে যাবে, তাও পারে না ত মরবে না ত কি? আমি এখন চা করে দিচ্ছি—’

বাঁচলুম,—চাকরটাকে ভাল ক’রে এক ছিলিম তামাক দিতে বলে বৈঠকখানায় গিয়ে বসলুম। চাকরির সম্বন্ধে অনেক চিন্তাই মাথায় জোগান দিতে লাগল। দশ মিনিটের মধ্যেই রামলাল (চাকর) চা এনে দিলে,—সঙ্গে সঙ্গেই তাওয়ারাদার গয়র পিঁন্ড।

দর্শনেই প্রাণটা যেন ফিরে পেলুম। মাথাটা নিরেট মেরে গিয়েছিল,—চায়ে চুমুক দিতেই খাজার মত তার পরদা খুলতে লাগল,—সট্‌কায় টান্ দিতেই যেন ভূত ছেড়ে গেল,—ধাতোদ্ধার হ’ল। আবার মানুষের মত হতেই—চিন্তাগুলো পুরো সাস্ত্রিক-পথ ধ’রে ঠেল্ মারতে লাগলো। ভাবতে বসলুম—রাহে যা করে এলুম, সেটা চাকর, না নকুরী, না কুকুরী? কলম পেসারই ত পেশা—কিন্তু আজ যার মওলা দেওয়া হ’ল, তার কওলা ত কেমনারীয়ে সব করেনি। তবে যাই কেন? আপত্তি উত্থাপন করি না কেন? চাকরির মায়ার করি না—না মোহে করি না? মায়ী-মোহটা এখানে জ্ঞান-ভক্তির মতই জড়াজড়ি ক’রে থাকে;—দূই-ই অবিচ্ছেদ্য আর sympathetic,—একদম্‌ চিনির পানা।

জ্ঞানেতে ক’রে পাচ্ছি,—চা-বাগানের recruit (নব-নিযুক্ত) কুলির,—কাজের পূর্বে পেশ্‌গি বা আগাম টাকা পাবার মত, আমাদের বাল্য-বিবাহের ফলটা, চাকর বা রোজগারের আগাম, ফলতে আরম্ভ হয়। পিঁন্ডতেরা স্থির করে গেছেন,—সংসার-বিষবৃক্ষের ‘মধুরে ফলে’—মাত্র দু’টি; কিন্তু বিবাহস্য ফলের সংখ্যাটা শাস্ত্রকারেরা ঠিক ক’রে দেননি এবং সেটা ‘মধুরে ফলে’ কি বিদ্যুটে ‘ফলে’—তাও বলে দেয়নি। বিষবৃক্ষস্য ফল দু’টি—না খায়, না পরে, না বায়না ধরে, অর্থাৎ—লোকশেনে নয়। কিন্তু বিবাহস্য ফলগুলির সংখ্যা ত নেই-ই,

উপরন্তু—খাবে, পরবে, ডাক্তার ডাকাবে ইত্যাদি। আবার মহাশ্বেতার মনোবাঙ্ক্কাটা, অব্যক্ত স্থলেও সুবাক্ত ঠাওরানই সমীচীন। অতএব দেখা যাচ্ছে,—মায়া-মোহটার জড় ভিটেতেই মজ্জদ,—বাড়ীতেই বাড়ছে। চাকরির উপর তার চাপ্টা sympathetic, যেহেতু চাকরিটাই direct feeder ( প্রত্যক্ষ-পোষক ), বোধ হয় তাই সেইটার উপরই মায়াটা জড়ায়,—যেমন আত্মটাকে অন্তরালে ঠেলে,—দেহ-বুদ্ধিটাই বাড়তে থাকে। কিন্তু মাইনে ত অধিকাংশেরই ডাইনে আনতে বাঁয়ে কুলোয় না, তখন উপরির উপায় উদ্ভাবনে অনেকেরই মস্তিষ্ক ক্রমে উর্বর হয়ে উঠে। সেই রোজগারটাই নাকি বড় মিঠে,—কারণ সেইটাই বারিহাক সম্প্রদায় আর বাবুয়ানা রক্ষার বাহন—চাকরির চারপেয়ে মায়ামৃগ।

দরজি মরজিমত সুট জোগায় ; ময়দা নিয়েই মহোদয় মৃদু দয়া ক'রে ঘি-টাও লিখে রাখেন,—কারণ কেরানীদের ঋণই লক্ষ্মী ; তাঁরা তাই মাথা-কেনা মৃদুর উপর সন্দেহ করা বা তাঁর হিসাব দেখা অকৃতজ্ঞতা বলেই ভাবেন। মেওয়াওলা মেওয়া, ময়রা মিষ্টান্ন গাচিয়ে দেয় ; গয়লা তাঁদের প্রীত্যর্থ নৈত্য কলসী উচ্ছৃঙ্খল করে ; স্বর্ণকার বউ-বাহার হার দিয়ে যায়, মণিহার ল্যাভেন্ডার মাথায়,—কেউ দাম চায় না ! এই মোহের মণ্ডা সাম্‌লানোই শক্ত। তারা কেবল মাসকাবারে সেলামটা জানায়,—আর সেই সেলামেই গোলামের গায়ের মাস কাবার করতে থাকে ! যেমন তিথি-জ্বর, পালা-জ্বর আছে, তেমনই কেরানী-জ্বরের পালা—প্রতি মাসের প্রথম সপ্তাটা। সেটা কাটাতে পারলেই—কেরানী গা-ঝাড়া দে' আবার জবাকুসুম মাথে !

বস্ত্যটা বেজায় বেড়ে যাচ্ছে—থাক্, শূনে—সেকলে 'Human Understanding'-এর লক্ সাহেব, কবরে কেঁপে উঠতে পারেন। ফল কথা—গুড়ুকের টানে টানে গবেষণা ঘোরালো হ'য়ে, শেষ এমন একটা সত্য আবিষ্কার ক'রে ফেল্লো,—যার বিরুদ্ধে কারুর কথাটি কওয়া চলে না। প্রারম্ভেই নিবেদন করেছি—সম্প্রদায় রক্ষার্থে লাগজাল বিস্তার চলতে পারে,—চলেও থাকে ; কিন্তু চাকরের কাছে চাকরির আসন—মনিব ছাড়া সবার ওপর।

মহাত্মা Job ( যোব ) বলেছিলেন—‘আমার কিছুই হয়নি,—আমি এখনো ঐ কুকুরটার মতও নিরাভিমান সহিষ্ণু হতে পারিনি ! ওকে শতবার দূর দূর করে তাড়ালে, এমন কি আঘাত করলেও, ও তখনই এসে প্রভুর পায়ের কাছে ল্যাঙ্গ নাড়ে, আর কাতর চক্ষে ক্ষমা চায়। আমি তেমনটি হতে পেরেছি কই ?’ মহাত্মাকে কোন প্রভুত্ব-পরায়ণ ( imperious ) মনিবের চাকরী করতে হয়নি ; তা'হলে বোধ হয় উক্ত ক্ষোভের কারণ থাকত না। আমাদের অনেকেরই সে ক্ষোভটা ত নেই-ই ; বরং সর্গোবে বলতে পারি,—‘তবু ল্যাঙ্গ নেই !’

মজুমদার ভায়া করজোড়ে বলিলেন—‘আমার ঘাট হয়েছে বাঁড়ুয্যে, এ bitter pill ( তিস্ত বিটকা ) আর গিলিও না,—have mercy ( দয়া কর )’।

বলিলাম—‘আর দুটো কথা মাত্র। সংক্ষেপেই বলি,—তখন সট্কা থেমে গেছে, চিন্তা থামেন ; ভাবচি,—গতরায়ে যে-দুর্যোগের মধ্যে ছুটে বেরুনো হয়েছিল, বাপ্ মা বন্ধে ( যদিও তাঁরা কখন এমন কথা বলতেন না )—এই মিছে কাজে, বা অনিশ্চিত ভাবী বিপদের বিরুদ্ধে তয়ের থাকবার তালিম্ নৈবার জন্যে, ঐ সঙ্কট অবস্থায় কোন ছেলে বেরুতেন কি ? আমার ত মনে হয় এমন ব্যক্তিত্ব আমাদের মধ্যে বিরল। আত্মসম্মান রক্ষার্থে স্বয়ং ভগবানও এমন আদেশ করতে ভয় পেতেন, কারণ সে আদেশ অমান্য হবার আশঙ্কাই ষোল আনা। সকলেই বেশ জানেন—এঁদের কাছে ক্ষমা আছে। যে কারণেই হোক, ও-ক্ষেত্রে কারুর কথাই যে থাকত না, সে-সম্বন্ধে লুকোচুরি থাকতে পারে না, মনকে চোখ-ঠাৱাও চলে না। চাকরি যার জাত মেরেছে,—খাত্ মেরেছে, তার কাছে ও-জিনিসটা যে, ভগবান কি বাপ-মায়ের ওপর, সে-কথাটা দ্বয়ীর মুখে না শুনলেও তোপের মুখে শুনেন নিয়োছি।

ভাবনাটা আরো কত এগুতো জানি না ; কিন্তু ব্রাহ্মণী বলে পাঠালেন—‘পউনে দশটা।’ ও-সংবাদে বাপ-মার শ্রদ্ধা থেমে যায়। ভাবনাটা যেন স্প্রিং ছিঁড়ে কোথায় ছট্কে পড়ল। উঠে পড়লুম।

আপিসে গিয়ে দেখি সকলেই হাজির ! কারুর আর পূর্ব্ভাব নেই ! আলোচনা আরম্ভ হয়েছে—তোপের আওয়াজটা কার কণ্-কুহর সর্বাগ্রে পবিত্র করেছিল, কে সর্বাগ্রে এসে হাজির হয়েছিল ;—আর সেই বাহাদুরিতে নিয়ে, উঁচু সুরে কাড়াকাড়ি চলেছে। এ-কাজের আধ্যাত্মিকভাবই এই। কিম্বিকম্-ইতি—

আমাদের বড়বাবু ছিলেন গৌরবর্ণ পুরুষ। হাসির মধ্যেও তাঁহার বদনমণ্ডলে মাঝে মাঝে নীলের আভাষিত দীর্ঘ লোহিত ফুটিয়া উঠিতছিল। তিনি বলিলেন—‘খুব বলে নিলেন বাঁড়ুয্যে মশাই ;—আমরা কিন্তু hide-bound ( ছালপুরু ) হয়ে গিছি। সম্ভা না হয়ে গেলে মুক্তিমানের চেণ্টা পেতুম, এখন তার আর সময় নেই, too late !’

পণ্ডান বিনীতভাবে জানাইল—এঁরা যে এটাকে ট্রাজিডির দিকেই টানছেন ! কলকাতায় ফিরতে পারলে, এই ফলহারি ঠাকুরের ( চাটুয্যের ) পায়ের ধুলো নৈ ফলের দোকান খুলব। আপনার পা ছুঁয়ে বলচি—চাকরী কোরব না। এখন দয়া ক’রে সেই কবিতাটা—

মজুমদার ভায়া সোৎসাহে বলিল—‘Thank you পণ্ডান ; আমাদের আসল

কথা ত সেইটেই ছিল। উঃ—বাঁড়ুয্যে এতক্ষণ কি হিপ্পোটাউজ্‌ই ক'রে রেখেছিল ! না—তা হচ্ছে না ভায়া ! কি জানি কোথায় ঠেলে দেবে, এমন দিন আর পাব না ।'

দত্তজা বলিলেন—'সেটা ঠিক বটে। আর সকলের যখন ইচ্ছে সেটাকে snub করা (দমিয়ে দেওয়া) তোমার nature-এর (প্রকৃতির) অনুরূপ কাজ হবে না বাঁড়ুয্যে ।'

দত্তজাকে একথায় যোগ দিতে দেখিয়া আমি ত অবাক ! বোসজা এত বড় pleaটা (ওঁছিলে) পেয়ে বস্লে, —'নাঃ—আর আপনার 'না' বলা উচিত হবে না। দত্তজার এই অনুরোধটিকে তাঁর maiden speech (লজ্জাভাঙ্গা লেক্‌চার) বলা চলে। এটা আপনার প্রতি সম্মান প্রদর্শন বলে নেওয়াই উচিত ।'

কথাটা মিথ্যা নয়। দত্তজাকে হাসিতে বা কথা কহিতে কদাচ কোন ভাগ্যবান দেখিয়াছেন। আর দ্বিরুক্তি করা যুক্তিযুক্ত নয় ভাবিয়া বলিলাম—'বেশ, আজ স্টুয়ার্ড সাহেব আমাদের ভোজ দিচ্ছেন, সেই আসরেই এক টুকরো পেশ করা যাবে ;—কিন্তু শেষ রক্ষার ভার বোসজা মশায়ের ।'

মহোজ্জ্বল মজলিস্ ভাঙ্গিল। পণ্ডানন আর হরিপদকে কি একটা ইঙ্গিত করিয়া চাটুয্যে চট্ করিয়া নীচে চলিয়া গেল। তাহারাও অবিলম্বে অনুসরণ করিল। তখন বেলা প্রায় পাঁচটা। আমি আজ এই অসময়েই নিজের কোবনে ঢুকিলাম।

[ ৩০ ]

আজ আমরা স্টুয়ার্ড সাহেবের guest (অতিথি)। রাত্রি নয়টার সময় সেই বিশেষ ভোজে হাজির হওয়া গেল। আজ সকল বন্দোবস্তই first class (প্রথম শ্রেণীর), সাজসজ্জা সবই সুন্দর,—table-cloth (টোঁবলে ঢাকা কাপড়) খানা যেন বড় বাড়ীর বরাসন ;—একেবারে রাজস্বি ! বেজায় অনভ্যাসের ফোঁটা,—না আছে পিঁড়ে যে, উঁবু হয়ে বসি, না আছে উলঙ্গ-ছেলেমেয়ের পাল যে, পাতের স্নিকটেই কোনরূপ ত্যাগের দ্বারা ভোগের বাহার বাড়ায় ; মাথার উপর বাঁশের আল্‌নায় না আছে নিশি-গন্ধা কল্যাণ, স্বস্তি আহার সমাপ্তির পল্লা করিয়া দেয়। এই সময় ফ্রাইডের মত চাটুয্যের প্রবেশ ও তৎপশ্চাতে প্রকাশিতদন্ত পণ্ডানন—অনেকটা relief (স্বস্তি) দিল, একটু স্বচ্ছন্দ বোধ করিলাম।

এখানে একটা কথা বলিয়া রাখা বিশেষ আবশ্যিক। আজিকার রাত্রিটি, আমাদের

এ-যাত্রার জাহাজ-বাসের শেষ রাত্রি ;—কাল কুল পাইবার দিন,—এ বিভীষিকাময় সুখের রাজ্য খসিয়া যাইবে। তাই আজিকার রাত্রিটা তরুণদের কাছে যেন বিজয়ার রাত্রের মতই উপস্থিত হইয়াছে। তদুপরি এই জামাই-ভোজ ! কাজেই তাহাদের আনন্দ-বাহুল্যটা আজ একটু ক্ষমার চক্ষে ( charitably ) দেখিতে অনুরোধ করি।

পাকস্পর্শের সঙ্গে সঙ্গেই বিভিন্ন আকারে প্রকারে ও বর্ণে মৎস্য-মটনের মহোৎসব আরম্ভ হইল। তাহাদের বর্ণনাটা বাদ দেওয়াই ভাল, নচেৎ আবার একখানি পাশ্চাত্য পাকপ্রণালী ফাঁদিতে হয়। শ্রুত ছিলাম—আমাদের দত্তজা বাল্যকালে ‘খোরায়’ খাইতেন, অন্যথা তাঁহার খপ’র খালি থাকিত। জাহাজে পদার্পণের পর তাহার কিছু কিছু পরিচয়ও পাই। কিন্তু আজ এই ভোজ-সভায় দত্তজার খোরাকের বিপুল বহর দেখিয়া, সর্ববাদি-সম্মতিক্রমে তাঁহাকে খেতাব দেওয়া হইল ‘খোরাশানী’। তন্ময় চাটুষ্যে তখন আড়াই সের আন্দাজ উদরস্থ করিয়াছেন, চপ্ ছাড়িয়া ফ্রাই try করিতেছিলেন। এমন সময় ‘খোরাশানী’ খেতাবটা কর্ণে প্রবেশ লাভ করায়, তাহার চট্কা ভাঙ্গিল, সঙ্গে সঙ্গে হরদম ঐ কথার আবৃত্তি ও হাস্য আরম্ভ হইল। হরিপদও তাহাতে যোগ দিল। আমি অবাক হইয়া গেলাম, কারণ হরিপদ আদৌ বে-আদব ছিল না—বিশেষ আমাদের সমক্ষে।

দেখি, পণ্ডান বেশ গম্ভীরভাবে জ্যামের ( মোরবার ) পাত্রটা ধীরে ধীরে তাহাদের সম্মুখে ঠেলিয়া দিতেছে। তখন চাটুয্যের বৈকালিক ইঙ্গিত এবং পণ্ডান ও হরিপদের তাহাকে অনুসরণের কথাটা স্মরণ হইল ;—বুঝিলাম, নিশ্চয়ই আবদুল্লাহর আড্ডায় গিয়া ভোজপূরী ভাং খাইয়া মরিয়াছে। পণ্ডান তাহাদের আরো পাকাইয়া তুলিবার ইচ্ছায় জ্যামের পাত্রটি সহজলভ্য করিয়া দিতেছে। আমি পাত্রটি অন্যত্র চালান করিয়া দিলাম। কিন্তু ‘খোরাশানের’ অবসান নাই। অনেক করিয়া তাহাদের আবার আহারের দিকে মোড় ফেরান হইল। ইতিপূর্বেই চাটুয্যেকে ‘ভোজ-ভৈরব’ খেতাব দেওয়া হইয়াছিল ;—আজ বোধ হয় সেই উপাধির উপদেবতা তাহার উদরে আসন গাড়িয়াছিলেন। সে নিমেষমধ্যেই প্রচুর cake ( পিষ্টক ) ও pudding ( পায়স্ ) ধ্বংস করিয়া পুনরায় পাকিয়া দাঁড়াইল। কেবল হাসে আর বলে—‘আচ্ছা,—বাঁড়ুয্যে মশায় ‘পিনাং’ কি?’

পণ্ডান এতক্ষণ অতিকণ্ঠে আত্ম-সম্বরণ করিতেছিল ; ভিতরে ভাংয়ের টান-খরায়, Jockey-Cap-এর কার্ণিসের মত তাহার উপর পাটির দস্তগলি বদনের বহির্দর্শে হাজির হইয়াছিল। সে আর পারিল না ; টেবিলের নীচে মাথা গর্দজিয়া, হাসির খাঙ্কায় টেবিল কাঁপাইয়া তুলিল। ক্রমে লম্বা ময়দানব-হৃদয় আরম্ভ করিয়া দিল।

কেবল বলে—‘ওঃ বাবা, লিহংচং-এর প্রেতাঙ্ঘা গোর ফুঁড়ে বেরুল নাকি? বলে—‘পিনাং কি?’ চীনে পা না-দিয়েই চীনে বুলি চালিয়ে দিলে রে বাবা! সবাই ‘র্যাংচ্যাং’ বলুন—‘র্যাংচ্যাং’ বলুন;—চীনে ভূতে চেপেছে!’ আর বেদম্ হাসি।

মজদুমদার ভায়া না-দেয় তাহাদের করিতে, না-দেয় তাহাদের থামাইতে। তাহার ইচ্ছা—আনন্দ বা মজাটা পুরো মাত্রায় উপভোগ করা। কিন্তু শ্রান্ন বহুদূর গড়ায় দেখিয়া, বোসজার সাহায্যে সেটাকে দমন করিতেই হইল। তবুও এক একবার ভিজ়ে ছুঁচোবাজির মত, অকস্মাৎ দমকা-বেগে তাহা ফরফর ভরভর শব্দে উচ্ছ্বসিত হইয়া উঠিতে লাগিল। এ-সম্বন্ধে এই পর্যন্তই ভাল।

যাহা হউক, ভোজের কোন অঙ্গহানি হয় নাই। সে-সম্বন্ধে সকলেই প্রায় সমান সচেতন ছিলেন। টেবিল সাফ হইল; এইবার দ্বিতীয় চ্যাপ্টার চলবার কথা। আমোদের কোঁকে সকলেই সেই দিকে ঝাঁকিয়া পড়িলেন। আমি বলিলাম—‘আজ চুড়াস্ত হইয়া গিয়াছে, ইহার পর কোন subject-ই (বিষয়ই) জমিবে না।’

বড় বাবুর বক্তব্যে বুলিলাম,—বিষয়টা (কবিতাটা) সে-ক্ষেত্রে বিমলিন হইয়া মাধুর্য হারাইবে, কারণ, কাল চরণাপর্ণে চীনকে চরিতার্থ করিবার বন্দোবস্তে সকলকে বাস্তব থাকিতে হইবে। চীনে উপস্থিত হইলে, কিরূপ অবস্থা ও ব্যবস্থা আমাদের জন্য অপেক্ষা করিয়া আছে, তাহাও অনুমান করা কঠিন;—সুতরাং এ সুরলোকের সদর, যে গোলামলোকে কতটা বজায় থাকিবে, সে-সম্বন্ধে বিশেষ সন্দেহ। আজিকার এই অধীর আগ্রহটা মাটি হইয়া যাইলে,—কবিতাটাও তার যোগ্য সম্মান পাইবে না—ইত্যাদি। সম্মান সম্বন্ধে আমি এক প্রকার নির্ভয়ই ছিলাম।

দত্তজা খুব গম্ভীরভাবে, বড়বাবুর অভিমতটা অনুমোদন করিলেন। মজদুমদার ভায়া ত মূলগায়েন ছিলেনই, পণ্ডান ও চাটুষ্যে চিতেন ধরিলেন। ফল কথা—আমি রেহাই পাইলাম না। বলিলাম—‘একটু মুখবন্দ আছে; শুনছি পরকীয়া প্রেমের ক্ষেত্রে ইঙ্গিতই নাকি সব্বে মিটে; তেমনি কবিতার সারাংশ সঙ্গীতের ভিতর দিয়েই ইঙ্গিতের কাজ করে। সময়াভাবে, আমার বক্তব্যটাও তাই সঙ্গীতেই বন্ধ করিতে বাধ্য হয়েছি। দ্বিতীয় কথা, যখন দেবীদের পা নিয়ে আলোচনা, তখন বিষয়টা ‘মানভঞ্জনই’ নিতে হয়েছে। তিনের নম্বর,—বিষয়টা যখন রাধার প্রেমই দাঁড়িয়ে গেল, তখন পদকর্তা মহাজনদের সম্মানরক্ষার্থে, প্রথম লাইনটা তাঁদের পদাঙ্ক অনুসরণে স্তম্ভ বুলিতে আরম্ভ করেছি। ইতি—

এই বলিয়া, কাগজখানা মজদুমদার ভায়ার হাতে দিলাম। পণ্ডান তাহার



উপর বর্দ্ধকিয়া পড়িল। প্রথম লাইন পড়িতে গিয়া ভায়া নিজেই পড়িয়া গেলেন, কথটা অনুচ্চারিতই রহিল।

বোসজা গম্ভীরভাবে বলিলেন—‘কি সব ছেলেমানুষী কর, দাও, বাঁড়ুয্যে মশাই নিজেই পড়ুন।’ মজুমদার করজোড়ে বলিল,—‘মাপ করুন বড়বাবু, পড়াটা যেন উপরের ডেকে গিয়ে হয়, এখানে ডিগ্‌বাজি খাবার জায়গা পাব না।’ বোসজা বলিলেন,—‘না-না, তোমাদের এ-সব বাড়াবাড়ি ; একটু স্থির হয়ে শুনতে দাও।’ পণ্ডানন অতিষ্ঠ হইয়া উঠিয়াছিল, বলিল—‘দিন, আমিই পড়ি।’ দত্তজা বলিল—‘নাঃ বাঁড়ুয্যেই পড়ুক, তানা ত notion ঠিক হবে না।’ মজুমদার বলিল—‘সে-বিষয়ে আজ কারুর দ্বন্দ্ব থাকবে না।’

বোসজা বিরক্ত হইয়া কাগজখানা লইয়া আমার হাতে দিলেন। আমি বলিলাম—‘এটা ঠিক ঠাকুরদ্বন্দ্ব-বিষয় না হলেও, দেবী-বিষয় বটে ;—এতে হাসি-তামাসা চলতে পারে না। জানি না, মজুমদার ভায়া পূর্ব হ’তেই কেন আপনাদের prejudiced ক’রে দিচ্ছেন।’

শুনিয়া সকলেই গম্ভীর হইয়া বসিলেন। স্মরণ করিলাম—

‘একটু হঠকে বইঠো হরি !’

সর্বনাশ ! বড়বাবু হইতে ছোটবাবু পর্যন্ত হাসির একটা হুল্লোড় পড়িয়া গেল। বলিলাম—‘তবে মাপ করুন, এ রইল।’ চেষ্টা করিয়া সকলে একটু স্থির হইলেন।

‘একটু হঠকে বইঠো হরি !’

অত ঘেঁসে যেওনাকো,—মরিয়া এখন রাধা প্যারী ॥

চাঁনের রাধা পা’ চালালে,

চোটকে তোমার যাবে পীলে,

বেটকরে লেগে গেলে

এক্কেবারে যাবে মরি ॥

একটু হঠকে বইঠো হরি !

ও-নহে পদ-পল্লব,—

বিশুদ্ধ লৌহ ভৈরব ;

হাত বদলতে সাধ যদি হয়—

( হরি ) কর সে কাজ উকো ( file ) খরি ।

একটু হঠকে বইঠো হরি ॥

সমঝে কেষ্ট কর কাজ,  
 রাধার এখন পুরো ঝাঁজ,  
 ঐ steel frame-এর \*—প্রেমের গদ্বতো—  
 ( তোমার ) সহবে না হে বংশীধারী !  
 একটু হঠকে বইঠো হরি ॥

পড়াটা কোন প্রকারে শেষ করিলাম । সে-সময়টার ও তাহার পরবর্তী কিছুক্ষণের কথা বর্ণনা না করাই সভ্যতা-সম্মত । আমাদের দারুভূত দন্তও যে এতটা মন্ত হইতে পারে, তাহারও প্রমাণ পাইলাম । যাহা হউক, আজ সকাল হইতে যে উদাস ভাবটা সকলের বদকে ভারের মত চাপিয়াছিল, সেটা হট্টগোলের মধ্যে হার মানিয়া একদম হটিয়া গেল ।

জগতে সকল জিনিসের সারটাই টিকিয়া থাকে, যেমন সংসারের সার ‘যন্ত্রণা’ ;—  
 তের্মনি চাটুষ্যের ‘পিনাং’ ও মন্দঃ সাঁচ্চা কবির—‘একটু হঠকে বইঠো হরি,’—আমাদের  
 সুদীর্ঘ চীন-প্রবাসের অবসন্ন ও অবসাদিত মূহূত-গদ্বলির মকরধ্বজ হইয়াছিল ।

রাতি বারটার পর যে-যার শয্যা লওয়া গেল ; চাটুষ্যে তৎপূর্বেই লাশ হইয়া পড়িয়াছিল ।

[ ৩১ ]

রাতি আন্দাজ দুইটা হইবে ; রজনীর নিস্তব্ধতায় সহসা সদ্যোজাত শিশুর ক্রন্দন কানে আসিয়া, ভাসা-ভাসা ঘুমটা ভাঙ্গিয়া গেল । সর্বস্বাস্থ্যে বালিস হইতে মাথা তুলিতে হইল । জাহাজখানা স্বয়ং স্বর্দীলিঙ্গ-বাচক হইলেও, তাহার গর্ভমধ্যে কোনদিন কন্যারশির গম্ব পৰ্যন্ত পাই নাই ; —এ কেমন হইল ! তবে কি ইঞ্জিনিয়ার সাহেবের মেমসাহেব সঙ্গেই আছেন ! সম্ভবতঃ গর্ভবতী লজ্জায় নোতিভ্-নয়নের অন্তরালে বাস করিতেছিলেন ; কারণ ঐ কদর্য উপসর্গটা বিলক্ষণ সৌন্দর্য-হানিকরও বটে । ভগবানের এই অবিচারের বিরুদ্ধে আমেরিকায় নাকি মেয়েরা মরিয়া হইয়া উঠিয়াছেন । বোধ হয় সেকালে এইরূপ একটা বিভ্রাটের সূত্রপাত দেখিয়া, আমাদের দেবাদিদেব স্বয়ং ঐ-বিপদটি পেটে ধরিয়া, মামলাটা আপোসে মিটাইয়া লইয়াছিলেন । একালের প্রেসিডেন্ট তা পারিবেন কিনা জানি না ।

অবাক্ হইয়া ভাবিতোঁছে ;—বড়বাবু আসিয়া ডাকিলেন । দ্বার খুলিয়া দেখি—সঙ্গে আমাদের খাঁ-সাহেব ( Purchasing Agent ) । তবে ত মামলা সহজ নয় ! জিজ্ঞাসা করিলাম—‘ব্যাপার কি—এত রাগে !’ বড়বাবু বলিলেন—‘কিছু শোনেনি কি !’ ‘কিচি ছেলের কামার কথা বলচেন ! ও বোধ হয় ইঞ্জিনিয়ার সাহেব পদত্ নামক নরক হতে উদ্ধার হলেন,—আমাদের আর একটি মালিক বাড়লো ।—মুখ দেখতে হবে নাকি ?’

বড়বাবু—তামাসার কথা নয় বাঁড়ুয্যে মশাই—

আমি—না হয় আনন্দের কথা হল ; এখন করতে হবে কি ?

বড়বাবু—ওপরে হুলস্থূল পড়ে গেছে,—চারদিকে পাহারা মোতায়েন্ ! একজন একজন করে সাহেব সঙ্গে, খানাতল্লাসী খালাসির দল ( search party ) বেরিয়েছে ! খাঁ-সাহেব খুবই ভয় পেয়েছেন,—আমার কাছে ছুটে এসেছেন ।

আমি হাসিয়া বলিলাম—‘অত বড় দাড়ি—ও’র আবার ভয়ের কারণটা কি ?—সমুদ্রের হাওয়ায় এমন হয় নাকি ?’

খাঁ সাহেব অতি কাতরভাবে বলিলেন—‘হাসি মস্করার বাত নয় বাবু,—আমি বড়ই বিপদ বোধ করিচি ।’

তাঁর বলিবার ভঙ্গি ও কণ্ঠস্বর আমাকে থামাইয়া দিল ।

বড়বাবু—আপনি জানেন না ! ফলোয়ারদের ভার (charge) যে ও’র, উনি যে তাদের কাজ-কর্মের জন্য responsible ( দায়ী ) ।

আমি—তা ত জানি, তাঁর সঙ্গে ছেলে-কাঁদার সম্পর্কটা কি !

খাঁ-সাহেব—বাবু সাহেব, আপনি ও বেইমানদের চেনেন না, এমন কাজ দুনিয়ায় নেই যা ওদের অসাধ্য । কম্বত্তরা স্ট্রীলোককে পুরুষের পোশাকে ‘চিত্রাল’ অভিযানে পর্যন্ত ( Chitral Expedition-এ ) নিয়ে গিছিলো ! সে কি বিপদ ! শেষ, দুজন ফলোয়ারের Court-martial ( সামরিক আদালতে বিচার ) হয় । তাতে বদ্-মাইস্‌রা বল্লে কিনা—‘এজেন্ট অনন্তরামবাবুর জন্যে তাদের এ কাজ করতে হয়েছে, তানা ত চাকরী পায় না ।’ মাগীটাও তাতে সায় দিলে ! অনন্তরামবাবু বৃদ্ধ প্রাচীন লোক, অতি সজ্জন ; তিনি ছিলেন গমস্তা (agent), হুলস্থূল পড়ে গেল । কর্ণেল সাহেব তাঁকে ভাল রকম জানতেন, তাই অনেক করে বাঁচিয়ে দিলেন । কিন্তু বদনামের বাকি রইল না । তিনি retire করলেন ( পেন্সন্‌ নিলেন ) আর সেই আঘাতে এক বৎসরের মধ্যে মরেও গেলেন । বেইমানরা কিন্তু বেত খেয়ে, নাম বদলে, বরাবর বেশ বাহাল হচ্ছে । এ দলেও যে সে জালিমরা নেই, তা কে জানে । আল্লা-

মিণ্ডার কি মরজ্জি জানি না—’ বলিতে বলিতে তাঁহার চক্ষে জল ভরিয়৷ আসিল । তিনি স্বধর্ম-পরায়ণ নেমাজী মুসলমান, নির্বিরোধী এবং শাস্তপ্রকৃতির লোক ।

তাঁহার কথা শুনিয়া ও অবস্থা দেখিয়া, ছেলে-কাঁদার গুরুত্বটা উপলব্ধি করিয়া ভীত হইলাম । দেখি বড়বাবুর মুখও পাংশুবর্ণ হইয়া গিয়াছে । বুদ্ধিলাম—তিনিও ভয় পাইয়াছেন,—পাইবারই কথা ; কারণ, বড়দের ধরিয়াই লোক বাঁচিবার চেষ্টা করে । বদমাইসরা কাহার উপর কৃপা করিবে কে জানে ; এক্ষেত্রে তিনিই সবার বড় ।

বলিলাম—“আবদুল্লাকে একবার ডাকান্ ।” বুদ্ধিলাম,—কেহই সে সাহস পাইতেছেন না । জাহাজের লোক্ নোটিভ্দের উপর নজর রাখিয়াছে ; আবদুল্লাকে ডাকিয়া শেষে সন্দেহে না পড়িতে হয়, ফাসাদ না ডাকিয়া আনা হয় । একটু দৃঢ় ভাবেই বলিলাম—“আপনার নিজেরই ত তদন্ত করা উচিত ; আপনি হচ্ছেন এ-জাহাজের non-combatant যাত্রীদের মধ্যে সবার উপর, পাঁচশ’ টাকার অফিসার, আপনার authority ( অধিকার )-ও আছে, responsibility ( দায়িত্ব )-ও আছে—যান্ সরাসরি চীফ্ সাহেবের কাছে চলে যান্ ; তাঁকে সাহায্য করা ত আপনারই কাজ ।”

শুনিয়া বোসজা একটু যেন সামলাইলেন, বলিলেন—“তা আমি রাজি আছি, কিন্তু কি বলব !” বলিলাম—“বলবেন আমরা সকলেই অপ্রত্যাশিত শব্দে চম্কে গিছি, কিছু ঠাওরাতে পাচ্চিনা, তাই আপনার কাছে এলাম । কারণ এ সম্বন্ধে আমার দায়িত্ব সবার চেয়ে বেশী । আমি ফেলোয়ারদের মধ্যে একজনকে ডেকে private enquiry ( গোপন অনুসন্ধান ) করতে চাই ; আপনি কি বলেন ? এই রকম যা-হয় একটা বলবেন ; ছোট হবেন না । গোড়াগুড়ি ঐ সাত-সিকে জোড়ার খুতি পরেই ত সব মাটি করে রেখেছেন ।”

তাঁর মুখে একটু হাসি ফুটিল, বলিলেন—“তার পর ? আবদুল্লা যে কিছু বলবে, তার ঠিকানা কি ? তাকেই আপনি ডাকতে বলছেন কেন ? বরং একজন নির্বোধ গো-বেচারাকে ডাকা ভাল নয় কি ?”

বলিলাম—“আমার ধারণা—ধারালো অস্ত্র ছাড়া এ-সব মামলায় সুবিধে হয় না । ভোঁতা অস্ত্র মামলা থেতলে বিগড়ে যাবে ! এর মধ্যে যদি কিছু থাকে ত তা আবদুল্লার অগোচর থাকতেই পারে না । মাটির মুরোদগুলিকে সে তার পাত্তাও দেবে না ;—সে লোক চেনে ।”

বোসজা—তবে আমি যাই ?

আমি—নিশ্চয়ই, দেখছেন না চারদিকে কানাঘুসো চলছে—

বড়বাবু দুর্গা বলিয়া পা বাড়াইলেন । খাঁ-সাহেব ‘আল্লা মালিক’ বলিয়া নিশ্বাস ফেলিলেন ।

কোদার রচনাবলী (১ম খণ্ড)—৮

তখন জাহাজময় একটা বিস্ময় ও রহস্য-ভেদের আগ্রহ উপস্থিত হইয়াছে। ভয়-ভাবনার ভাবটা কেবল খাঁ-সাহেব আর বড়বাবু ভাগাভাগি করিয়াছেন। কোথাও কোথাও জমায়ৎ-মধ্যে হাসি-তামাসাও চলিয়াছে।

বড়বাবু যখন আপার-ডেকের সিঁড়িতে উঠিতেছেন, দেখি আমাদের পূর্বে পরিচিত ‘মউজী’ মিস্টার সিঙ্গালী, অসম-পদে উপর হইতে নামিতেছে।

কিছু পূর্বে প্রায় সকলেই কেবিনের বাহিরে আসিয়া ব্যাপারটা লইয়া নানা জল্পনা-কল্পনা আরম্ভ করিয়াছিল। আমার জাহাজে জোটা ইউরেনিয়ান মিস্টারটি আসিয়া হাসিতে হাসিতে বলিলেন—‘তোমাদের heroineটি ( নায়িকাটি ) কোথায় ? I have come to congratulate ( আমি আনন্দ জানাতে এসেছি )। New let me bless the child ( নবজাত শিশুটিকে আশীর্বাদ করতে দাও )।’ বলিলাম—Just come to the mirror and you will find her (আসি’র সামনে দাঁড়াইলেই তাঁকে দেখতে পাবে)।

মিস্টারটির বয়স বিশ বাইশের বেশী নয়, গোর্ফ গজায়নি, হাতটা কিন্তু সেইখানেই থাকে, সর্বক্ষণ টানটানিও চলে।

মিস্টার সিঙ্গালী সোজাসুজি আসিয়া, মদুখানা গম্ভীর করিয়া বলিল,—‘Be not afraid Mr.—Keep yourself ready and steady to meet the Chief. He will be here presently to examine you’—( চীফ সাহেব এখনই এখানে আসছেন তোমায় পরীক্ষা করতে, ভয় খেওনা )।

মিস্টার—( সবিস্ময়ে ) To examine me,—what for ? ( আমাকে পরীক্ষা করতে !—কারণ ! )

মিস্টার সিঙ্গালী—They have taken you for a—disgraceful indeed ! Cheer up, we are all with you. ( ছিঃ তাঁরা তোমাকে কি দেখে এমনটা ঠাওরালেন ! আমরা সব তোমার পক্ষে রইলুম, কিছু ভেব না )।

ঠিক এই সময় চীফ সাহেবকে সিঁড়ির উপর বড়বাবুর সাহিত কথা কহিতে দেখা গেল। কথায় কথায় চীফ সাহেব একবার নীচের দিকে অঙ্গুলীনির্দেশ করিলেন ; ইঙ্গিতটা ঠিক যেন আমার মিস্টারটির প্রতিই হইল ! মিস্টার সিঙ্গালী বলিল—‘Have you noticed ? I can swear’—( লক্ষ্য করোহ !—আমি শপথ করতে পারি—)

যেই এই পৰ্যন্ত শোনা, আমার মিস্টারটি কতকগুলি bloody ব্লাই উচ্চারণ

করিতে করিতে চীফ্ সাহেবের কাছে ছুটিল। মিস্টার সিঙ্গালীও ‘a funny fool’ (মজাদার নির্বোধ) বলিয়া, নিজের দলে গিয়া হাসি-তামাসা জুড়িয়া দিল। সে অধিকাংশ সময়টাই এই ভাবে কাটাইত !

বড়বাবু আসিয়া বলিলেন—‘আপনার ইউরেনিয়াম মিস্টারটি কি পাগল ! চীফ্ সাহেবকে বলে কিনা—‘আপনি কি নিজের আমাকে মেয়েমানুষ ঠাউরেছেন?’ শুনেন তিনি ত অবাক ! তাঁদের মধ্যে একটা হাসি পড়ে যাওয়ায়, পূর্বের দৃঢ় ভাবটা একটু শিথিল হয়ে আসতেই, সেই ফাঁকে আমি অনুমতিটা আদায় করে নিছি। এখন যা হয় করুন।’

[ ৩৩ ]

ফলোয়ারদের আস্তানায় বা আড্ডায় গিয়া দেখি, ক্ষুধার্তের উনিশ-বিশ ঘটিয়াছে। দু’ এক জন গাঁজা টিপিতেছে বটে কিন্তু উৎসাহ কম। আবদুল্লা আসিয়া সেলাম করিল, আমি হাসিয়া বলিলাম—‘কি সদার, খবর কি, সব খ্যায়ের (কুশল) ত?’ আবদুল্লা আমার সহাস্য স্বাভাবিক ভাব দেখিয়া, একটু যেন বল পাইল; বলিল—‘মামলা কেনা হয় হুজুর?’

আমি হাসিয়া বলিলাম—‘মামলা আবার কি? তোদের সে ভাবনা কেন?’

আবদুল্লা আশ্বস্ত হইয়া বলিল—‘তোঁভি বাত ক্যা হয় হুজুর?’

বলিলাম—‘ওরা ত আমাদের চেনে না, একটুতেই ভয় পায়। বাইরে বন্দুক নিয়ে হুটপাট করতে পারে, আর বাড়ীতে মেম সাহেবের গোলামী করতেই জানে! বলে—‘জাহাজে বাচ্চার কান্না এল কোথা থেকে,—ভূত্য নয় ত!’ এই বলিয়া আমি হাসিতেই, আবদুল্লা হাসিয়া বলিল—‘এই বাত্! বাচ্চাকে টে’ টে’ শুনুতোঁহি এঁহি,—আঁভি বড়ঢাকে নেঁহি শুনুনা! শুনুনে হুজুর?’

হঠাৎ আমার ভিতরে যেন একটা বিদ্যুৎ খেলিয়া গেল। ভাবনা উৎকণ্ঠার টান্‌গুলা সহসা শিথিল হইয়া পড়িল। তাই নাকি? আবদুল্লা ত সকল বিদ্যাতেই ওস্তাদ;—ব্যাপারটা কি তারই অনুকরণবিদ্যার ফল! এতবড় গুরুতর বিষয়টা কি তার ‘হরবোলামী’ ছাড়া আর কিছুর নয়?

বলিলাম—‘এখন নয় আবদুল্লা; কিন্তু কাগুতন সাহেবকে ঐ কান্নাটা না শোনাতে তাঁর ভয় ভাঙ্গবে না, লোকটা ভারি ভীতু আর কিছুর বাড়িয়া মাল থাকে ত, তারও দু’ একটা শূনিয়ে সকলকে খুস্ করে দিতে হবে। পারিব ত?’

আবদুল্লা বন্ধু ঠুকিয়া বলিল—‘ওস্তাদকে কুপাসে হাজ্জারো হায় হুজুর,—আপ হুকুম দিজিয়ে না।’

হাসিয়া বলিলাম—‘তোমার আবার ওস্তাদ আছে নাকি?’ আবদুল্লাও হাসিল। সকলকে উৎসাহ দিয়া ও ‘মউজ’ করিতে বলিয়া ফিরিলাম।

আসিয়া দেখি খাঁ-সাহেবের মূখ্য বিবর্ণ, বড়বাবুও বিশেষ চিন্তাকুল। সকলকে অভয় দিয়া রিপোর্ট দাখিল করিলাম। উভয়ে যেন বন্ধ-স্বাস ত্যাগ করিয়া বাঁচিলেন। খাঁ সাহেব আমার মস্তকে বাছাবাছা ফারসী ‘লফ্‌জের’ আশীর্বাদ বর্ষণ করিলেন ও খোদাকে বারবার স্মরণ করিয়া বাষ্পাকুলনেত্র হইলেন। ক্ষণিক স্তম্ভ-বিস্ময়ের পর বড়বাবুর মুখে হাসি দেখা দিল,—বলিলেন—‘বেটা ওস্তাদ বটে।’

বলিলাম—‘এখন আপনি যা হয় করুন ; চীফ সাহেবকে রিপোর্টটা দিয়ে আসুন। কিন্তু দেখবেন—আবদুল্লার উপর কোনরূপ কটাক্ষ না আসে। তাঁকে বদ্বাক্যে দেবেন—তারা গাঁজার নেশায়, নিজদের মধ্যে আমোদ-প্রমোদ করিচ্ছিল মাত্র, তাতে যে এতটা দাঁড়াতে পারে, তা তাদের মাথায় আসেনি। তা’ ছাড়া—জাহাজে আজকের রাইটাই শেষ রাইট, এ হাঙ্গাম আর তাঁদের পোহাতে হবে না।’

বড়বাবু এবার উৎসাহের সহিত যাত্রা করিলেন।

জাহাজে যাত্রীদের মধ্যে নেটিভ খ্রিস্টান ছাড়া সাহেববিশেষধারী ইহুদি, পার্শী প্রভৃতিও ছিলেন। সকলেই একটা বড় রকম development (বাড়াবাড়ি) ও finding-এর (ধরপাকড়ের) আশায় হাঁ করিয়া ছিলেন, এবং নেটিভদের নাকাল হইবার ও লাঞ্ছনার মজাটা উপভোগের জন্য উদ্গ্রীব হইয়াও উঠিয়াছিলেন। জানি না এমনটা কেন হয়। শাস্ত্রী মহাশয় বলিয়াছিলেন—‘আমরা এক আত্ম-বিস্মৃত জাতি।’ বোধ হয় পোশাকের মধ্য দিয়াই এই ভাবান্তরটা ঘটিয়া আসিতেছে, বেশান্তরই ভাবান্তর আনিয়াছে। //

বোসজা ফিরিয়া আসিয়া বলিলেন—‘কাপ্তেন সাহেব আর চীফ সাহেব কান্নাটার পুনরাবিত্ত না শুনে, বিশ্বাস করিতে প্রস্তুত নন ; তাঁরা সব দল বেঁধে আসছেন। আপনার আবদুল্লাকে ডাকুন।’

ভাবিয়াছিলাম, এরূপভাবে পরীক্ষা দিতে আবদুল্লা ভয় পাইবে। দেখি—সে যেন তাহাই চাহিতোঁছিল ; স্ফূর্তির সহিত আসিয়া হাজির হইল ; সাহেবেরাও উপস্থিত হইলেন। সে তখন এক মিলিটারি সেলাম ঠুকিয়া চীফ সাহেবকে বলিল—‘হুজুর, আমাকে একটু পদারি পেছনে থাকতে হুকুম দিন, সামনে ইয়ে কামকা মজা উড়্‌ যাতা।’ সাহেবেরা একটু ইতস্ততঃ করিয়া, বিশেষ পরীক্ষাশ্বে, একটা খালি কেবিন তাহাকে দিলেন।

আবদুল্লা পুরাতন পাপী। কাহারও নিকট তাহার শম্কা-সঙ্কোচ কমই ছিল। সে সেলাম করিয়া কেবিনে প্রবেশ করিবার সময় সাহেবদের বলিল—‘হুকুম হোয়ে তো আউর ভি কুছ শুনায়েন্গে হুজুর।’

\* \* \* \* \*

আবদুল্লা আসিবার সময় বোধ করি কেহ কেহ তাহার উপর আসামীর উপহাস বর্ষণের আনন্দ ও লোভ সম্বরণ করিতে পারেন নাই।

এইবার নেটিভদের nasty (নোংরা) রহস্য রাষ্ট্র হইবার ও তাহা উপভোগ করিবার সুযোগ উপস্থিত দেখিয়া, দু-একজন এক-এক পদ অগ্রসর হইতেছিলেন,—এতক্ষণ সাহস পান নাই। পরে আবদুল্লাকে কেবিনমধ্যে অবরুদ্ধ করায়, অনেকেই ‘ডবল্-মাচ’ করিয়া, আবদুল্লা-সম্বন্ধে নানা অভিমত প্রকাশ করিতে করিতে উপস্থিত হইলেন।

আবদুল্লার সদ্যোজাত শিশুর কান্না এতই স্বাভাবিক হইল যে, সকলেই এদিক ওদিক, উপর নীচে, পরে পরস্পরের মূখের প্রতি, নির্বাক্ বিস্ময়ে তাকাইতে লাগিলেন। এই অপ্রত্যাশিত আঘাতে, কোন কোন মিস্টারের মূখ ফ্যাকাশে, আর উৎসাহটা ফিকে মারিয়া গেল।

তাহার পর দু’ঘণ্টা, এক অভিনব অভিনয় আরম্ভ করিয়া দিল। বিষয়টা—‘মিস্টার ডি-মার্টিন ও বিবি—সুখীয়া খোবিন্।’ তাহা এতই উপভোগ্য হইয়াছিল যে, কড়া-মেজাজের কর্মচারীরা পর্যন্ত ছেলে-মানুষের মত হাসি ও হাততালি আরম্ভ করিয়া দিয়াছিলেন। বর্ণনাটা সকল বর্ণের সমান প্রীতিকর নহে বলিয়া বাদ দিলাম।

আবদুল্লা কিছু পুরস্কারও পাইল। একজন বলিলেন—In Europe he could have earned forty pounds a month (যুরোপে হলে লোকটা মাসে হাজার টাকা উপায় করতে পারত।)

যাহারা প্রহরায় নিযুক্ত ছিল, তাহাদের—‘হোগিয়া—যাও’ বলিতে বলিতে চীফ্ সাহেব উপরে চলিয়া গেলেন।

জগতে সকলেই একটা শাসালো কিছু চায়। এত বড় আয়োজন আর উৎসাহের পর, ব্যাপারটা যে এমন ফাঁকা দাঁড়াইবে, কেহ তাহা আশা করে নাই; তাই উপ-সংহারটা উপভোগ্য হইলেও, দেখা গেল—অধিকাংশের কাছেই সেটা যেন বাস্তবীয় ছিল না। তাহারা ক্ষুণ্ণও হইল।

খাঁ-সাহেব নিশ্চিন্ত মনে নেমাজে গেলেন; আমরা শয্যা লইলাম। তখন ভোর হয় হয়।



আমাদের চীন-যাত্রার শেষ রাত্রি কখন শেষ হইল জানি না। যখন অপার ডেকে আসিলাম তখন বেলা আটটা বাজিয়া গিয়াছে। ভাস্কের ভৈরবদের ঘুম ভাঙ্গিল সাড়ে আটটায়। আজ চায়ের মজলিস্ বসিল নয়টার পর।

রাত্রের ঘটনা লইয়া আলোচনা চলিল। এমন মজাটা উপভোগ করা হইল না বলিয়া মজুমদার ভায়া ক্ষতি বোধ করিলেন ও বলিলেন—‘হায় হায়—কাল্পাটা আমার কানে গিয়েছিল হে !’ পণ্ডানন পস্তাইতে লাগিল।

বলিলাম—‘খোদ্ কৰ্মকর্তা—আমাদের সঙ্গেই রহিল, কত শুনবে শুনো।’

আবদুল্লাহর উল্লেখ পর্যন্ত দত্তজার অরুচিকর ছিল। তাঁর এই অসার খলদু সংসার পার হইবার একমাত্র কণ্ঠধার যে, ‘ইক্সপ্লী-স্পেন্সার’ এইটাই তিনি সকল আলোচনার মধ্যে গর্দজিয়া দিবার প্রয়াস পাইতেন। তাই সাজপরা সাহেবদের প্রতি আবদুল্লাহর ইঙ্গিত সম্বন্ধে, তিনি বেজায় চটিয়া সেই সার্মন্ ( sermon ) সুরু করিতেই, যথা— ‘What is life but reputation and character’ ( চরিত্র আর খ্যাতিই জীবন ) মজুমদার ভায়া শুন্যে তাকাইয়া একটু নীচু গলায় উচ্চারণ করিলেন—‘শুধু একটা ‘ইঃ’ আর একটা ‘উঃ’ আর একটা ‘আঃ,’ এ ছাড়া জীবনটা কিছই নাঃ !’ ‘Nonsense’ বলিয়া দত্ত বড়-কথায় বর্ধকিতেই বোসজা বলিলেন—‘দত্ত, এখানে তোমার ও-সব বড়-কথা কেউ বুঝতে পারবে না ভাই, বৃথা অপব্যয় করোনা ; বরং ভারতচন্দ্রের ভাঁড়ার থেকে কিছ শোনাও। আবদুল্লাহ অশিক্ষিত লোক, শিক্ষাভিমানীরা তাকে না ঘাঁটালে—মেড়ার শিংয়ে হীরের ধার ভাসে না। ও হীরের কদর বুঝবে কি ?’

মজুমদার ভায়া মজা-লোলুপ লোক, সে বলিল,—‘তবে, শিক্ষিতমণ্ডলীর ভিতরে আমার একটা আবেদন আছে। গত রাত্রের দু’টো কথা এখনো লজ্জা দিচ্ছে, অর্থ ঠাণ্ডরাতে পারাচি না। লেখাপড়া শিখে, অর্থ বুঝলাম না অথচ হাসলুম, এটা আত্ম-প্রবণতা করা, আর অসত্যের প্রশ্রয় দেওয়া হ’ল না কি ? কথা দু’টো যখন কাজে লেগেছিল, তখন বাজে হতেই পারে না।’

বলিলাম—‘কি এমন কথা হয়েছিল ? কই কিছ ত মনে পড়ে না ভায়া।’

মজুমদার ভায়া বলিল—‘সে কি হে ? চাটুষ্যে ত তোমাকেই বার বার প্রশ্ন করেছিল—‘বাঁড়ুষ্যে মশায় ‘পিনাং’ কি ?’ কই, সে উত্তর পায়নি ত। আবার পণ্ডানন চীনে-ভূতের ভয় থেকে বাঁচবার রক্ষা-কবচ বাতলেছিল—‘র্যাংচ্যাং’ ! সবাই তখন হেসেছিলুম। লোকে অর্থ বোধান্তই হাসে। আমায় মদুখন্দ বল দখুখন্দ’

নেই, আমি কিন্তু না বুঝেই হেসেছিলুম। এখন অর্থটা কেউ দয়া করে বলে দিন্ ।’

শ্রবণান্তে ‘সাধু সাধু’ রব পড়িয়া গেল। ‘বলিলাম—বর্তমানে এরূপ বিনয় বড়ই বিরল ! ভায়ার মতলবটা—পুনরায় পিনাং আর র্যাংচ্যাং চর্চা !’

অনেক আলোচনা আর আঁচাআঁচির পর—‘হুজ্জলী’ হটিয়া গেলেন—দত্ত অশস্ত হইলেন। শেষে বলিলেন—rubbish (রাবিস্)।

‘পিনাং’ ও ‘র্যাংচ্যাং’ শব্দগুলি অনুস্বর লইয়া উপস্থিত হইলেও ‘শব্দকল্পদ্রুম’ ইহাদের অল্পই সংবাদ রাখেন।

গত রাত্রের শব্দগুলির প্রয়োগকর্তারা উপস্থিত থাকিলেও, নিদ্রান্তে এখন তাঁহারা সে প্রতিভা হারাইয়াছেন। মজুমদার ভায়াও মজলিস্ ভাঙ্গিতে নারাজ,—মহা মূশকিল !

অবস্থা, সময় ও স্মৃতি এই গ্রাহস্পর্শ সংঘর্ষে মস্তিস্ক মথন করিয়া, শেষ রোগীরাই অর্থোন্ধারে সাহায্য করিলেন।

বলিলাম—‘পিনাং’ শব্দটি ইংরাজি ‘oponion’ শব্দের অপভ্রংশরূপে তৎপরিবর্তেই উপস্থিত হইয়াছিল।

আর ‘র্যাংচ্যাং’ চীনের—‘রামচন্দ্র’-জ্ঞাপক ! (অবশ্য,—অনুমানসিদ্ধ)

তখন উচ্চ হাস্যে সভা ভঙ্গ হইল। বলিলাম—‘আমাদের ইতিহাসে নবাবী-আমলের আজ এই খতম্। এইবার আহাশান্তে—‘যে যার ঘটিবাটি সামলা’ !’

[ ৩৫ ]

মধ্যাহ্নিক আহালাদ সমাপনান্তে উপরের ডেকে আসিয়া দেখি,—চতুর্দিকেই একটা ব্যস্ততার হাওয়া বহিয়াছে, নাবিকেরা পাল গুটাইতেছে—মাল সামলাইতেছে ; একটা কেমন পরিবর্তনের ভাব ! ইউরোসিয়ান সাহেবরা সশব্দে সিঁড়ি ভাঙ্গিতেছেন ; —দেখি বুটে ব্রঙ্কা লাগাইয়া, কেশ আঁচড়াইয়া বেশ বদলাইয়া আসিলেন। ঘন ঘন কোটের-মুড়ো টানিয়া কোঁচ্ মারিতেছেন, আর পা’গুলো নানা angleএ ফাঁক করিয়া অস্বস্তির টান্গুলো শিথিল করিতেছেন।

আমাদের সব কাজই ‘কাল’ বলিয়া কথাটার আশ্রয়ে আরাম লাভ করে। ‘কাল’ আছে তাই ‘আজ’ কাটে। ‘কালের’ দোহাইটাই রেহাই পাবার রাজপথ ! সুতরাং

বিনা amendment-এই স্থির হইল—‘কাল কাপড় ছাড়া যাবে।’ অর্থাৎ কে আর নড়ে-চড়ে।

দেখি ফলোয়ারেরা যে-যার তল্‌পি-তল্‌পা বাঁধিয়া প্রস্তুত ! সেগদুলি শিবলিপ্সের মত সম্মুখে রাখিয়া, হরদম্‌ গাঁজা চড়াইতেছে।

যে দিকে চাই—দশমীর দশা, বিজয়ার ভাঙ্গা উৎসব। একটা ঘোলাটে ভাব। আনন্দ অপেক্ষা নিরুৎসাহের মাত্রাই অধিক। মধ্যে মধ্যে পক্ষীর সাক্ষাৎও পাইতেছি। ভূরাজ্য নিশ্চয়ই সন্নিকট।

আমরা সাতটি বাঙ্গালীতে, জাহাজে আজ মাসাবিধি কাল ঘরকরুনা করিতেছিলাম। আজ নড়িতে হইবে, এ আবার কি উৎপাত;—এইটাই যেন বোধ হইতেছিল। মানসিক অবস্থাটা এমন দাঁড়াইল, যেন আমাদের জাহাজ হইতে টানিয়া বাহির করিতে হইবে। ডাকিয়া থাওয়ায়,—বাকি সময়টা—বিচরণ, উপবেশন, গল্পগজব আর শয়নে ইচ্ছামত কাটে। এর মমতা কাটাইতে একটু ক্ষমতার খরচ হয়, বই কি। সংসার, সমাজ, বিষয়-কর্মাদি কিছুই ছিল না : ‘চাল নাই’—এ কথা কেহ বলে না ; মেয়েটার জ্বরও হয় না ! একেবারে পরমহংস অবস্থা।

ঘন ঘন বংশীধ্বনির পর, জাহাজের ক্রমে মন্‌হর গতি আরম্ভ হইল। জেলেরা দূরে-দূরে ডিঙ্গিতে পাল তুলিয়া, জাল ফেলিয়া বেড়াইতেছে। কয়েকখানি আধা-ইন্‌টিমার, ফ্ল্যাট, বোট—আমাদের দিকে আসিতেছে দেখিলাম। জাহাজের গতি মন্দ হইয়া জাহাজ থামিল, সেগদুলিও আসিয়া পেঁাছিল।

কিনারার চেহারা ত চক্ষু ঠেকিল না, কিন্তু হড়্‌ হড়্‌ শব্দে নোঙ্গর নামিয়া পড়িল। আগন্তুক স্টিমার হইতে একটি উচ্চ ইংরাজ কর্মচারী ও একটি কোট-প্যাণ্টের উপর Cap-ধারী, আমাদের জাহাজের উপর আসিয়া উঠিলেন। শেষেরটিকে বাংলাদেশের বন্ধু বলিয়াই বোধ হইল। চারি চক্ষু এক হইতেই অপাঙ্গে যেন একটু সাদর-আভাস পাইলাম। ভাবটা—‘আসুন, সুখ-দুঃখটা ভাগাভাগি করা যাক্‌।’ আমাদের অনুমান ভুল হয় নাই ; পরিচয়ে জানিলাম, ইনি লাইডী মশাই। ওজনে মোনটাক্‌ হইবেন। এই শরীরে—দাদখানির চাল আর রাজধানীর মাল ছাড়িয়া কি সাহসে যে চীনে মাল-সামাল করিতে Tally-Clerk হইয়া আসিয়াছেন, বুঝিলাম না। পাকা-চাকরীও নয়, বয়সও কম। পেটের জ্বালায় কালাপানী পার হইয়াছেন কি adventurous spirit-এ ( দেশ-বিদেশ মারা রোগে ) আসিয়াছেন, জানি না। যদি শেষেরটি হয় ত আশার কথা এবং ‘বাড়ম্‌’।

জাহাজের ক্যাপ্টেন আর চীফ্‌-সাহেবের সঙ্গে কিছুক্ষণ কথাবার্তার পর আগন্তুক

অফিসারটি একবার উপর-নীচে দ্রুত ঘুরিয়া যাত্রীদের বলিয়া গেলেন—‘জাহাজসে জলদি উতর পড়ো?’

কোথায় ‘উতর পোড়বো,’—জলে নাকি? জাহাজ ত সমুদ্রে, সীমারও সম্ভান নেই। এই অন্তমুখী সময়ে, উৎসাহহীন্য অবস্থায় একটা কথা মনে পড়িল, কিন্তু অনুচ্চারিতই রহিয়া গেল। ফতেপুরে এক ফিরিস্তি সাহেব কোন এক আপিসের সুপারিন্টেন্ডেন্ট ছিলেন। মেম সাহেবের সঙ্গে টিফিন করিতে রোজ বাংলায় যাইতেন। একদিন একটা জরুরি কাজ পড়ায় ক্রাক্ নীলকমল বাবু কাগজপত্র লইয়া টিফিনের সময় বাঙ্গলায় উপস্থিত হন। নীলকমল বাবু সরাসরি দ্বারে উপস্থিত হইতেই সাহেব হাঁকিয়া বলিলেন—‘নীলকমল, নীচু যাও।’ বাঙ্গলার দরজা রাস্তার সঙ্গে একই level-এ (সমক্ষেত্রে) ছিল;—নীলকমল ‘নীচু’ খুঁজিয়া পায় না; মহা মূর্খকিলে পড়িয়া বলিল,—‘এর চেয়ে নীচু যে খুঁজে পাচ্চিনা সার।’ সাহেব আগুন। ‘হাম দেখাতা হায়’ বলিয়া যেই ওঠা, নীলকমল—টেনে ছুট। এখানে সে সুযোগও নাই।

যাহা হউক, লাহিড়ী মশাই বলিলেন—‘ফলোয়ারের ফ্ল্যাটে নেবে পড়ুক। তারপর আপনারা junk-এ (চীনে-স্টিমারে) গিয়ে বসুন। আমি আপনাদের মালপত্র নাবিয়ে দিচ্ছি।’ বলিলাম,—‘আমাদের মালই বন্দন, আর মালের মালিকই বন্দন, এ চাটুয্যে মশাইটি; ওঁর ট্রাকটি একটু সাবধানে নাবিয়ে দেবেন, সেটিকে নমস্কারও করতে পারেন, সেটি আমাদের মাতৃ-মন্দির, খাঁটি মাতৃ-ভূমিতে ভরা।’ লাহিড়ী মশাই একটু অবাক থাকিয়া বলিলেন—‘আপনারা ভাববেন না, আমি খুব সাবধানে নাবিয়ে দেব,—কি ঠাকুর বজ্রেন?’ বলিলাম ‘সে ক্রমশঃ শুনবেন; আগে বন্দন ত এখন যেতে হবে কোথায়?’ লাহিড়ী মশাই বলিলেন—‘আপাততঃ Hsinho-এ (সিন্‌হোয়), সেটা আমাদের out-post (বাহিরের আড্ডা), তারপর কাল ট্রেনে Tienstin (টিয়েন্‌সিন্‌) যাবেন,—সেটাই Head Quarters (মূল আড্ডা)। বলা বাহুল্য, সিন্‌হোও যত বদ্বীপলাম, টিয়েন্‌সিন্‌ও ততই। তবে এটা বদ্বীপলাম বটে যে আপাততঃ টিয়েন্‌সিনে আমাদের ড্রপ-সিন্‌ (ঘবনিকা) পড়িবে।

দেখি ইতিমধ্যেই সরকারী-কুর্তি পরিয়া, ফুতি করিয়া Haver-sack (রসদের ঝুলি) সহ নবশাখ্ নামিতে আরম্ভ করিয়াছে। সে এক অপূর্ব দৃশ্য;—কাহারো হাতে, কাহারো কাঁধে, ঝোলা-ঝুলি, প্যাট্রা-পর্দটিল, সারোঙ্গি, বাঁয়া, তবলা, হুড়ুক, মাদল, গোপীযন্ত্র; আর সকলের হাতে হুঁকো-কল্‌কে,—এক একটি কণিক-অবতার। যেন বজ্রেশ্বর পাইনের যাত্রার দল গাওনা বায়না পাইয়া পশ্মা-পারে রওনা হইতেছে। জবর সমর-যাত্রা বটে! এই ভাবে ফলোয়ারেরা গিয়া ফ্ল্যাট ভরাট করিয়া ফেলিল।

এইবার আমাদের পালা। তার বিস্তৃত বর্ণনা অনাবশ্যক। জাহাজের স্টুয়ার্ড-বটলার হইতে অপরাপর কর্মচারী পর্যন্ত আপনার হইয়া দাঁড়াইয়াছিল। এক মাসের ঘরকন্না ও আলাপ-পরিচয়ের পর বিদায় লইতে উভয় পক্ষকেই কষ্ট অনুভব করিতে হইল। বাধা-বোধটাই সাধারণ বিদায়ের প্রধান অঙ্গ,—তাহা ক্ষুদ্র হইতে পাইল না। ‘কম্বাইভ’কে সাত সেলামান্তর আমরা জাহাজ ছাড়িয়া একে একে ‘জঙ্কে’ নামিলাম। এত দিনে বহিঃ সিংহাসন ভাঙ্গিল। কেবল,—খালি একখানা শূন্যগর্ভ লোহার-খোল ভাসিতে লাগিল।

[ ৩৬ ]

একমাস বাঁধা-খোরাকে থাকিয়া ও বিক্রমাদিত্যের বৈঠকখানা বজায় রাখিয়া, যখন জঙ্কে ও ফ্ল্যাটে নামিয়া নূতন ব্যবস্থায় যাত্রা করা গেল, তখন গদুড়ের নাগরীর অবস্থাই স্বীকার করিতে হইয়াছিল। তখনো ঘণ্টা খানেক বেলা আছে; কিন্তু কুলের কোন পাত্তা নাই,—তিনি কাছে কি গাছে তাহাও বলা কঠিন। শূন্যনাম, এখানে জল অগভীর বলিয়া বড় জাহাজ চলিতে নারাজ বা অচল; তাই সাত মাইল থাকিতেই আমাদের বিদায়ের এই ব্যবস্থা। এই সজল সাত মাইল জলমগ্ন কিনারাটিকে Taku Bar (টাকু বার) বলা হয়। ইনিই এখানে হারবারের (বন্দরের) কারবার করেন;—জাহাজকে অগ্রসর হইতে বাধা দেন বলিয়াই ‘Bar’ উপাধি পাইয়াছেন।

ফ্ল্যাট লইয়া জঙ্ক কখন বক্র কখন চক্ৰ গতিতে চলিতে লাগিল। ক্রমে সম্প্রা, পরে অন্ধকার,—সঙ্গে সঙ্গেই ফিকে মেঘ আর হাওয়া। এই নূতন যাত্রা একমাসের সূত্রপট শরীরে দৃঃখের মাত্রা ক্রমেই বাড়াইতে লাগিল; কখনও উঠা, কখনও বসা, অস্বস্তির একশেষ!

সূর্যাস্তের সঙ্গে সঙ্গে সকলের মনের তেজটাও যেন নিবিয়া গেল। সকলে অবসন্ন আর মনমরা হইয়া পড়িলাম। টুকরো টুকরো এলোমেলো চিন্তা, আর দুর্বল দুর্ভাবনা-গুলো আঁসিয়া অবস্থাটাকে অসহনীয় করিয়া তুলিল। সকলেরই মনে হইতে লাগিল—জাহাজে বেশ ছিলাম। অতবড় ভীষণ অতলস্পর্শ জলধির পারে পৌঁছবার আনন্দ একটুও অনুভব করিতে পারিলাম না। পুরো পাঁচ ঘণ্টা একটানা হাওয়া, একঘেয়ে জল-কল্লোল, আর ঘন কৃষ্ণ অন্ধকার, যম-পুত্রীর পথের আভাসই দিতে লাগিল।

এই অবস্থায়—সেই আকুল পারাবার, বিপুল ব্যবধান, পার হইয়া সকলেরই চিত্ত এক-একবার ক্ষিপ্তের মত, নিজ নিজ পল্লীভবনে স্ত্রী-পুত্রের মধ্যে ছুটিয়া গিয়া শান্তি

খঁড়িয়াছে ; আবার মনুহুতেই অসহায় মনুষ্যের মত হাত পা ছাড়িয়া শিথিল হইয়া পড়িয়াছে। এইখানেই দিনে আর রাতে তফাৎ। দিনের আলোটা যে মানুষ্যের কত বড় বল, মানুষ্যের মনে সে-যে কতটা শক্তি সঞ্চার করে, সেটা স্পষ্ট বোঝা যায়।

কবি সকলের ভাবনাই ভাবেন,—সহৃদয় সত্যেন্দ্রনাথ তাই আশ্বাস দিয়া বলিয়াছেন—

‘আশা রেখো মনে, দুর্দ্দিনে কভু

নিরাশ হ’য়োনা ভাই,

কোন দিনে যাহা পোহাবেনা হয়

তেমন রাত্রি নাই।’

কথাটা কাহারো অজানা কথা নয় ; কিন্তু কবির নিকট হইতে সেটা দৈববাণীর মত আসিয়া, সহস্র সহস্র হতাশ প্রাণে বীর-বাতাসের মত কাজ করিয়াছে।

ফল কথা—এটা লক্ষ্মীমন্ডের স্বইচ্ছায় সখের দেশভ্রমণ ছিল না। সময় তামিল করিতে চীনে চলা,—হুকুমের হায়রাণী।

[ ৩৭ ]

কখন যে সমুদ্র-সফর শেষ হইয়া গিয়াছে, কখন যে আমরা ‘পি-হো’ (Pi-ho) নদীতে আসিয়া পড়িয়াছি, কেহই তাহা বুঝিতে পারি নাই। কেবল বহুদূরে একটা ক্ষীণ আলো আমাদের যেন আকর্ষণ করিয়া লইয়া চলিয়াছে। সেটা ক্রমেই পাছ হাটিয়া চলিল। রাত্রি দশটার পর তাহার স্নিকট হইলাম। দেখি—দুর্দ্ধারে ক্ষেত, অদূরে পাঁচ-সাতখানা বড় বড় আটচালা ধরনের বাড়ী, আর আলোটা জ্বলিতেছে একটা জেটির উপর। জঙ্ক সেইখানে পেঁচিয়া যাত্রা-শেষের শঙ্খ-ধ্বনি করিল,—কয়েকটা নিশ্বাস ফেলিয়া নিশ্চিন্ত হইল। আমরা ‘দুর্দ্গা’ বলিয়া উঠিয়া দাঁড়াইলাম,—কোমরটা যেন ‘আঃ—’ বলিয়া উঠিল।

তল্‌পি-তল্‌পা লইয়া উচ্চকণ্ঠে ‘জয় কালীমাইকি জয়’ বলিয়া, ফলোয়ারেরা সবগে জেটির উপর উঠিয়া পড়িল। ফ্ল্যাটেও তাদের গান-গল্প-গজিকা বজায় ছিল, স্মৃতি ফিকে মারে নাই,—জিত তাহাদেরই।

আমরা যেন আধমরা-অবস্থায় উঠিলাম ; সম্পূর্ণ উদ্যম-উৎসাহ-শূন্য ! ক্ষুধা-তৃষ্ণা-অবসন্নতা মিশ্রিত একটা অবসাদ আমাদের এমনই করিয়া ফেলিয়াছিল। মনে হইল,—এতদিন পরে আমরা সর্বপ্রকারেই যেন ‘তীরস্থ’ হইলাম !

সহসা একটা দমকা হাওয়ায় জেটির আলোটাও নিবিয়া গেল। সকলে যেন একথানা বৃহৎ কাল কম্বল চাপা পড়িলাম। গর্দভুনি বৃষ্টিও গায়ে পড়িল। সবাই নিঃশব্দ—কেবল মজদুমদার ভায়া Corunna-র সেই করুণ কথাগুলি ধীরে ধীরে আবৃত্তি করিলেন :—

‘Not a drum was heard, not a funeral note,  
Not a soldier discharged his farewell shot’—

কথাগুলি সে-সময়ে বে-সুরো লাগে নাই। আমরাও অভিযানের আসামী এবং শত্রুপূরীর সীমানার মধ্যেও উপস্থিত। বোসজা বলিয়া উঠিলেন,—‘appropriate (উপযোগী) বটে,—বৃষ্টিও এসে গেছে। তবে এটাকে আমাদের চীনে পদার্পণে পদ্প-বৃষ্টি বলেও নেওয়া চলে।’ বলিলাম—‘এখন আমাদের ইন্দুমতীর শরীর দাঁড়িয়েছে, এ পদ্পের আঘাত সইলে বাঁচি !’

হঠাৎ কান্নার সুর কানে এলো, দেখি চাটুয্যে কাঁদিতেছে,—(এতক্ষণ বোধ হয় ভাঁজিতিছিল)—‘অন্দ-মা আর তোকে দেখতে পাব না,—তুই জেনেছিলা বলেই অত কেঁদেছিলা।’ চাটুয্যের ছোট মেয়েটির নাম অন্নপূর্ণা, তার জন্মদিনে চাটুয্যের দশ টাকা বেতন বৃদ্ধি হয়েছিল। মুখে বলিলাম—‘ওঁকি চাটুয্যে, ভগবান কৃপা করে এই অকূল সমুদ্র উত্তীর্ণ করে কূল দিলেন, এখন আবার ওঁকি?’ চাটুয্যে কাঁদিতে কাঁদিতে বলিল—‘আমি যে কেবলি তার সেই কান্না শুনতে পাচ্ছি। এ সমুদ্রের কি কেউ দু’বার পার হতে পারে!’ তার কথাটা আর ব্যথাটা দুই-ই সত্য।

কবির সর্বজ্ঞ ও দূরদর্শী। তাঁরা দুনিয়ার ভাবনা বেদনা পূর্বাঙ্কেই ভাষায় বুনিয়া রাখিয়াছেন। মনে পড়িল—

‘—চারিদিক হতে আজ

অবিশ্রাম কর্ণে মোর উঠিতেছে বাজি’

সেই বিশ্ব-মন্ম’ভেদী করুণ ক্রন্দন

মোর কন্যা-কণ্ঠস্বরে।’

চাটুয্যের মুখে ইহারই প্রতিধ্বনি পাইলাম। তাহাকে সামলানো বরাবরই আমার একটা বড় কাজ ছিল ;—বলিলাম—‘তুমি কি কোন খবরই রাখনা,—আবার সমুদ্র পার হতে হবে কেন? তা হলে এ শর্মিও আসতেন না। তিন মাসের মধ্যে ‘হোয়াংহো বর্মা রেলওয়ে’ খুলে যাবে, তখন রেক্সন পে’ছি’তে বড় জোর চারদিন নেবে। যখন এসে পড়া গেছে, মাস ছয়েক দেখে শুনেনে নেওয়া ষাক্ না। তারপর অন্নপূর্ণার তরে যত ইচ্ছে চীনের পদতুল, চীন-পটকা নিয়ে ফিরো।’ চাটুয্যের অনেকগুলি আগ্রহপূর্ণ

প্রশ্নোত্তরের পর, এ ভাল সামলানো গেল ; Ignorance is bliss, আর—অন্ধকারে কেহ কাহারো মূখের ভাব লক্ষ্য করিতেছিল না,—তাই রক্ষা ।

ফল কথা, জেটিতে উঠিবার পর-মুহূর্তেই involuntary shock-এর মত অনেকের প্রাণটা অনুভব করিয়াছিল—‘এতদিনে সত্যই স্বদেশ হইতে বিচ্যুত হইলাম, স্বদেশ এখন স্বপ্ন-কথা !’ সঙ্গে সঙ্গে বুকটাও কেমন করিয়া উঠিয়াছিল । যতক্ষণ সমুদ্রের উপর ছিলাম,—একটা যেন যোগ-সূত্র ছিল ;—ডাক্সায় পা দিতেই সেটা ছিন্ন হইয়া গেল । এই নাড়ী-ছেঁড়া আঘাতটা চাটুষ্যে চাপিতে পারে নাই ।

মৃত্যুর পূর্বে নাকি কাহারো কাহারো অস্বাভাবিক লক্ষণ সকল দেখা দেয় । স্মরণ-শক্তির সহিত কস্মিন্‌কালেই আমার সম্ভাব ছিল না, দেখি হঠাৎ আজ সে হাজির ! রবিবাবুর লেখা, আর বহুদিন দেখা—

“একদা নামিবে সন্ধ্যা,      বাজিবে আরতি-শব্দ  
 \*      অদূর মন্দিরে,  
 বিহঙ্গ নীরব হবে,      উঠিবে কিঙ্কর রব  
                                  অরণ্য গভীরে,  
 দিনান্তের শেষ আলো,      দিগন্তে মিশায়ে যাবে,  
                                  ধরণী আঁধার,  
 অনন্তের যাত্রা পথে,      সূর্য্যে জ্বলিবে শূন্য  
                                  প্রদীপ তারার”—ইত্যাদি

আমার মগজে কেবলি সাড়া দিয়া উঠিতেছিল, আর মনে হইতেছিল,—এতদিন পরে সেই ‘একদা’টা আজই নয় ত ! সমাবেশগুলি সবই ত তুঙ্গী হইয়া দাঁড়াইয়াছে !

মামীর লোকান্তর ঘটিলে, আমার মাইনর-পড়া মাতুলের মুখেও একদিন কবিতা কুহরিয়া উঠিয়াছিল । বোধহয় সাধারণ কথিতভাষা মথিত-প্রাণের ভাষা নয় । আবেগের ভাষার বেগবান হইবার দিকেই ঝোঁক্ । দেখি—পঙ্কী-বিরহ-বন্ধুর মাতুল আমার একাকী শয্যায় পড়িয়া আওড়াইতেছেন—

“হায় রে যেমতি বরজে সজারু পশি”—ইত্যাদি । আমাকেও তাই আজ পোইট্রিতে পাইয়া বসিয়াছে ।

বাস্তালীর ‘ঘরকুণো’ অপবাদটার বিপক্ষে আজকাল কেহ কেহ ব্রিফ্‌ লইয়াছেন দেখিতেছি । ভালমন্দ জানি না, তবে বাস্তালী যে ‘ছায়া-ঢাকা কোকিল-ডাকা’ দেশে, মায়ার শরীর লইয়া জন্মায়, আর চন্ডীমন্ডপের চৌকাঠ ছাড়িতে বেদনায় নিশ্বাস ফেলে, সে-কথাটা অস্বীকার করা কঠিন । এ জাতের নিকট ‘মনিষ্য না পক্ষী’ কথাটার



উদ্ভব, নিশ্চয়ই in anticipation (কাজের আগেই) হইয়াছিল। জাতটা জন্ম-ভাবদুক,—ভাবতে আর ভাঁজতে জন্ম কেটে যায়। কোন কিছু না ক’রে, কেবল ব’সে ব’সে ভাব-ভেঁজে—এত কান্না আর কোন জাত কাঁদেনি। Imagination-কে (কল্পনাকে) এমন সুস্কমুতম সীমায় টানিয়া লইয়া যাইতে, আর শরীরে ও মনে তার প্রভাব বা ফল ভোগ করিতে, জগতে এমন আর-একটি জাত আছে কিনা জানি না। দেশটি পর্বতবহুল না হলেও বরগাবহুল। কবি-সম্রাট্ বোধ হয় তাই আমাদের একটু সরমের গন্ডীর মধ্যে ফেলিয়া সুফল লাভের আশায় লিখিয়াছিলেন—

“যাহার ঢল ঢল নয়ন শতদল

তা’রেই আঁখিজল সাজে গো !”

চোখের নমনুনা নির্দেশ করিয়া দিলেও এক ‘যমনুনা’র নাম শুনিলেই আজো ছোটবড় অনেক আঁখিই সজল হইয়া উঠে ও সেই দ্বাপর যুগের যমনুনা যতটুকু জল ছিল, তার এক ফোঁটাও কমিতে দেয় না ; কদম্বমূল ঘেঁসিয়াই রাখিতে চায়।

যাহা হউক, চাটুষ্যের চোখের জলটা সশশ্বে পড়ায় সে ধরা পড়িয়াছিল মাত্র।

পরক্ষণেই পট-পরিবর্তন ! চাটুষ্যে বলিল “খিদেয় দাঁড়াতে পাচ্ছি না !” এই—‘ম্যায় ভুখা হই’ সূত্রটা তখন সকলের নাড়ীতেই সমান বাজিতেছিল।

\* \* \* \*

যেখানে জল ছাড়িয়া উঠিলাম—এইটিই সে লাহিড়ী মহাশয়ের নিকট শ্রুত ‘সিন্‌হো’,—কিন্তু অন্ধকারে রূপ দেখিলাম না। বিশ গজ তফাতেই কমিসেরিয়েট্ (রসদ্) গদুদাম ছিল। উক্ত গদুদামের ভারপ্রাপ্ত একটি পাশাঁ ভদ্রলোক এজেন্ট-রূপে পরিচারকবর্গ লইয়া তথায় থাকিতেন। তিনি লোক ও লাস্তান-সহ উপস্থিত হইয়া, মহা সমাদরে সকলকে আহ্বান করিয়া লইয়া গেলেন। এতদিনে জাহাজী মাল ঘরে উঠিল।

দেখি, চাটুষ্যের অন্নপূর্ণা, ছম্পর্-ফোঁড়া আয়োজন করিয়া রাখিয়াছেন। চা, চপ্, রুটী, লুচী, পোলাও, কালিয়া সবই প্রস্তুত ;—যেবা ইচ্ছা হয়। পেটে কিছু পড়িতেই, আমাদের দুর্ব্বহ অবস্থাটা কাটিয়া গেল, ক্লান্তিটা শান্তিলাভ করিল,—যাত্রাটাও ‘মধুরেণ’ শেষ হইল।

काशीर किष्कि९



## উৎসর্গ গত্র

## শ্রীশ্রীবাবা বিশ্বনাথ

## শ্রীপাদপদ্মেষু

কে নেবে আর এমন জিনিষ, কার্ চড়ে না হাঁড়ি,  
 কোপ্‌নি কাঁথাও জোটে'নিক'—চাল্-চুলো না বাড়ী ;  
 যা কিছু অস্পৃশ্য আর—যা কিছু জঞ্জাল,—  
 ছাই ভস্ম মড়ার মাথা, অস্থি হাড়-মাল,  
 গলায় ফণী, কণ্ঠে গরল—বেড়াও ঘুরে ফিরে,  
 গাঁজার গরম্' কাটবে বোলে গঙ্গা ধর' শিরে,  
 কপালেতে আগুন ধর'—দুর্নিয়ার বার,—  
 এমন পাত্র—মনে ধোরে ছিল শুধু মা'র ।  
 এতেই যদি বিশ্বনাথ, হর বিশ্ব হিত্,  
 পাত্র বটে পেতে ভূমি—“কাশীর-কিষ্কিণ্ণ” ।

চির-সেবক—

নন্দিনী শর্মা

## জমিকা

ভগবানকে দেওয়া যেমন, গুণের-সার্টিফিকেট,—  
“ব্রাহ্মণ” বোলে বশিষ্ঠের—ভালে মারা টিকিট,  
কাশীর গুণ ব্যাখা করাও—সেইরূপই শৃঙ্খতা,  
পরিহাস মাত্র সেটা,—বাহুলা শিষ্টতা ।

মহাজনে যে মহাত্ম্যের পান্নিক’ সীমা,—

“কাশী-খণ্ডে” যে ক্ষেত্রের প্রকাশে মহিমা,  
কি জানি শেষ আমার মত মূর্খ অকিঞ্চন—  
বড়-লাটকে বোলে বসে—“দারোগা-সাহেব হন,”  
কিস্বা পাছে শিব গোড়তে—বানর গোড়ে বসি,  
দুর্লভ মহাত্ম্যে পাছে—মাথাই শূদ্ধ মদী—  
তাই,—অমৃত “অমৃত” আর কৈবল্য “কৈবল্য”  
নতন কোরে বলবার কিছন্ন দেখনা সাফল্য ;  
চিরকালই আছেন কাশী,—ক্ষেত্র অবিনাশী,  
আমি সেটা বোলে কেন’—বাড়াই শূদ্ধ হাসি ।  
কাশী সেই কাশীই আছে—থাকবেও চিরদিন,  
মানুষই স্বভাব দোষে হ’চ্ছে ক্রমে হীন ।

সে দোশ কাশীর নয়—মানুষেরই সেটা,  
হেথাও সে “বিষয়” খুঁজে বাঁধিয়েছে এই লেঠা ।

বিশ্বনাথ, অন্নপূর্ণা, জাহ্নবী চরণে—

শ্রদ্ধার নিভ’র কর’—জীবনে মরণে ।

আমিও আজ এই সন্যোগে, করি তাঁদের প্রণাম্—

লিখতে দুচার অন্য কথা মঞ্জুরিটা নিলাম্ ।

## দোমোটের-দু' কথা

বিলিতি লংকাকাণ্ডের দাপটে কাগজের আড়তেও আগুন লেগে সেটার মূল্য ত' তিন গুণ বেড়েচেই—তায় মন্দ সময়টা সঙ্গী ছাড়া আসে না, পুস্তকের কলেবরও সময় বুঝে ফর্ম্মাখানেক এগিয়ে ব'সেছে। যজমানরা যতই কেন সিগারেট খান্না, দক্ষিণা বাড়লেই দোমে যাবেন। তবে, এক কাপ্ চা'য়ের দাম্ ত'ারা বিনা কৈফিয়তেই ফেলে দিতে পারেন। তাই দামটা সোজাসুজি ছ' আনা ক'রতে সহসী হ'লাম।

( ২ )

“কাশীর-কিণ্ডত” এর প্রথম প্রচারের সঙ্গে সঙ্গে অনেকেই তার “দ্বিতীয় খণ্ডের” জন্যে অনুরোধ ও অনুসন্ধান ক'রেছিলেন। আজও কারো কারো তাগিদ আসে। ভাবতাম,—অদ্বৈত-সিদ্ধির সাধনক্ষেত্রে, বেদান্ত-বিরুদ্ধ এই “দ্বিতীয়-খণ্ড”রূপ খণ্ড-প্রলয় আর ঘটাব না। কারণ,—একমাত্র “দার-পরিগ্রহ” ক্ষেত্রে “দ্বিতীয়” ছাড়া যাজ্ঞবল্ক্যাদি ঋষিগণ—“দ্বিতীয়ের” আর অন্য প্রমাণ রেখে যাননি। কিন্তু জবরদস্ত” যজমানেরা বলেন,—“হনুমানের চেয়ে কম্ নম্বর পেলেও আপনি সেবকশ্রেষ্ঠদের মধ্যে গণ্য—( স্বপ্নেও কখন' জ্ঞানের গোয়াল মাড়ান্নি; )—সেবকমাত্রই ত' “দ্বিতীয়ের” উপাসক। তা-ছাড়া, “বেদান্তে” আর “ভেদান্তে” যদি কিছ্ প্রভেদ থাকে ত'—সেটা আছে “পাণ্ডিত্যে,” খাঁটি খবরটা দেহান্তেই জ্ঞাতব্য। এই বোলে, একটা “অনুদ্বন্দ্বপ্” ক্রপ্ কোরে, আমায় চুপ করিয়ে দিলে :—

“যদীশ্বর বসোভক্ত স্তদীশ্বর বসো বৃধঃ।

অভাবৈক রসস্যোতৌ রসকাতরতাং গতৌ ॥”

আমিও বাঁচলুম; দ্বিতীয় খণ্ড প্রকাশের, একটা “নন্-অফিসিয়েল্” মীমাংসা হ'য়ে রইলো। যজমানদের সন্মতি বজায় থাকে ত' পরে সে চেষ্টা পাব।

কাশীধাম

১লা বৈশাখ, ১৩২৭

শ্রীমন্দি শঙ্কর

## জেরোস্ফা

“কাশীর-কিণ্ডং” দ্ব’দ্ববার কাশীতে জন্ম নিয়ে, শিবের রাজ্যে কোঁপিন সম্বলেই বে-পরোয়া কাটিয়েছিল। এবার তার কলিকাতায় উদ্ভব।

ঠাকুর বলতেন,—নারকোল গাছের বালুদো খসে গেলেও দাগটা বজায় থাকে। স্বয়ং সম্রাটও সে দিন বলে গেছেন,—খেতাবটা খসে গেলেও কল্‌কেতা চিরদিনই রাজধানীর সম্মান পাবে।

‘ক্যাপিটলে’ কিন্তু কোঁপীন অচল। কাজেই কাশীর-কিণ্ডংকে একটু ভাবাবেশে সভ্য সেজে কল্‌কেতায় দেখা দিতে হ’ল।

এই বাবুদয়ানার বিড়ম্বনায় দূর আনা সেলামী বেড়ে গেছে।

দক্ষিণেশ্বর

জন্মষ্টিমী, ১৩১৩

জন্মি শর্মা\*

---

\* ( নরদেহে শ্রীকেশবদেব নামে নামোপাধ্যায়, দক্ষিণেশ্বর )

## চতুর্থ-অথর্ব

“কাশীর-কিঞ্চৎ” নন্দিশর্ম্মার সেবক-জীবনের—দ্বিতীয় অধ্যায়ের প্রথম ফসল ।  
তিন চাষের পর রেহাই পাবার আশায়—১৬ বৎসর আর তাকে ঘাঁটাইনি । কিন্তু  
ষোড়শ বর্ষে মিত্রদের শাস্ত্রীয় বদ্-আচরণের তাড়ায় চতুষ্পদ হতেই হয়,—বলেন—  
“প্রথম ফলটি দেব-সেবার্থে যত্নে রেখে দিতে হয়, নচেৎ বেইমানী করা হয় ।”

বাল্যকালে শূন্যেছিলুম—দেখিনি, “কামাক্ষায়” গেলে, কেহ বড় আর ফেরেননা  
( মরেণ-না নিশ্চয়ই )—তবে কলকেতার ‘রস—দেহ মন একবার দখল করলে, বাঁধা-  
আয়ের লোক বড় একটা নড়তে চাননা—এটা দেখা আছে বটে ।

“কাশীর-কিঞ্চৎ” তৃতীয় ছাপ্টা কলকেতার নিয়ে, কাশী মূখে আর হতে চাননা,  
মুক্তির মায়া কাটিয়ে ফেলেছেন । মনোভাবটা “—এই তো খাঁটি বেদান্তভূমি,  
“একাকার” সাধনার এমন ক্ষেত্র কোথায় পাবো ।—ভেদের বালাই নেই ।”

এখন চতুর্থ-“অথর্ব” পেঁছে তিনি নড়তে নারাজ । তাই কলকেতাতেই পুনঃ  
প্রকাশ । তবে বয়েস হলে বহিঃশোভার সখটা বোধ হয় বাড়ে, অভাব মেটাতে  
কায়াকলপাদি অবাস্তবের সাহায্য খুঁজতে হয়, তাই ( গতর ) ওজন কিছু বেড়েও গেছে ।  
গো-বর্জনের পরিবর্তন ঘটেছে !

যাঁরা দয়া করে পড়বেন—পরিশিষ্টে তাঁদের জন্য কাশী সম্বন্ধে কতকগুলি সঙ্গীতও  
দেওয়া রইল ( ‘এপিটোম্’ কাজ দিতে পারে । ) ভক্তির তাড়নায় অ-গায়কও গদ্য গদ্য  
করে থাকেন ।

পূর্ণিমা

দোল পূর্ণিমা, ১৩৪৭

নন্দিশর্ম্মা



## অতিরিক্ত কয়েকটি কথা

তখন কাশীতেই থাকি। “কাশীর-কিঞ্চিত”এ আমার pen name—“নিন্দাশর্ম্মা”ই ব্যবহার করি। লেখকের প্রকৃত নাম গোপন থাকায়, অনেকেই নিজেদের ধারণা মত লেখকের নাম ঠিক করেন বা অনুমান করেন।—শ্রদ্ধেয় রসরাজ ৬/অমৃতলাল বসু তখন কাশীতে ছিলেন। কেহ কেহ বলেন—“তিনিই লিখেছেন।” অমৃতবাবু লেখককে জানতেন। আমাকে তাই নামটি প্রকাশ করতে অনুরোধ করেন। বলেন—“প্রকাশ যোগ্য না হ’লে আমি এ অনুরোধ করতাম না,—আমার খুবই ভালো লেগেছে—ইত্যাদি।”—“প্রবাসী” মন্তব্য করেন—“এ লেখা ললিতকুমার বন্দ্যোপাধ্যায়ের।” পরে ললিতবাবু—“কাশীর-কিঞ্চিত” এর একটি দীর্ঘ সমালোচনা “ভারতবর্ষ” পত্রিকায় প্রকাশ করেন, এবং তিনি যে উক্ত পুস্তিকার লেখক নহেন, সে কথাও জানিয়ে দেন।

সেই সময় আমার পরিচিত—কাশী-প্রবাসী জনৈক ধর্ম্মভীরু আলাপির মূখে শুনতে পাই—“কাশীর নিন্দা করাই লেখকের উদ্দেশ্য।” বদ্বলাম—বইখানি স্বয়ং তিনি পড়েন নাই, কারো কাছে শুনেই উক্ত ধারণা করে’ নিয়েছেন, এবং “নিন্দা” পাঠের পাপ হ’তে আত্মরক্ষা করেছেন। তা’তে একটু ক্ষুব্ধও হই। পরে কাশী সম্বন্ধে কয়েকটি গান লিখে—“কাশী সঙ্গীতাঞ্জলি” নামে প্রকাশার্থে, কাশীর “বিশ্বনাথ প্রিন্টিং ওয়ার্কসে” ছাপতে পাঠাই। ছাপাও হ’য়ে যায়। প্রেসের সত্বাধিকারী, আমার প্রীতিভাজন মণিভূষণ নাথ, এক সন্ধ্যায় আমাকে সে সংবাদ দ্বিগুণে যান,—খান-ছয়েক ছাপা “সঙ্গীতাঞ্জলি”ও দ্বিগুণে যান।—প্রাতে দ্বঃসংবাদ পাই—“গত রাতে সিনেমা দর্শনাশ্বে ফিরে, “রড্ প্রসারে” মণি-ভূষণ সহসা মারা গিয়াছে।”—বড়ই ব্যথা লাগে। কয়েকদিন পরে সংবাদ পেলাম,—ছাপা হাজার কপি সঙ্গীতাঞ্জলিগদুলির চিহ্নমাত্রও প্রেসে নাই, না আমার ‘ম্যানস্ক্রিপ্টের’। মণিভূষণের পত্নী অগ্নি-বল্লস্কা, ছেলেরা বালক। বিশ্বাসী স্বজাতি কোনো কর্ম্মচারী, কাশীতে ধর্ম্মরক্ষার বা সপ্তয়ের এমন সুযোগ ছাড়তে পারেননি।—মাত্র কয়েক পৃষ্ঠার চটি বই, আমি আর তা’ নিয়ে—অনুসন্ধান বা উল্লেখ পর্য্যন্ত করতে পারলুম না। তাদের ক্ষতির কথাতেই মন তখন আচ্ছন্ন। নিজের ক্ষতি—নগণ্য,—ক্ষতি বলেই মনে হয়নি।

মণিভূষণের দেওয়া কাপি কয়খানি তৎপক্ষেই বন্ধু বাম্ববদের পাঠিয়ে দেওয়ায়, নিজের হাতে নিজের লেখার চিহ্ন মাত্রও থাকল না,—ক্ষতি হয়েছিল ওইটুকু।—অত পাতলা কয়েক পৃষ্ঠার চটি বই কারো আলমারিতে রাখবার বা থাকবার মত জিনিষও নয়, সুতরাং তার এক-কাপি ফিরে পাবার আশাও রাখিনি।

আমার পরম শ্রদ্ধাভাজন, হিতৈষী বন্ধু লক্ষপ্রতিষ্ঠ সাহিত্যিক ললিতকুমার বন্দ্যোপাধ্যায় ছিলেন গ্রন্থকীট। বটতলার দ্দ'পয়সা দামের চাঁট বইও তাঁর আদরের বস্তু ছিল—প্রায়ই কণ্ঠস্থ ছিল। তাদের মার্জিনেও তাঁর correction ও note দেখতে পাওয়া যায়। এরূপ পুস্তক-নিষ্ঠা অন্য কারো দেখি নাই।

বিষ্ণুম শতবার্ষিকী বর্ষে কলকাতায় যাই। ললিতবাবুর পুত্র কল্যাণীশ ও প্রিয় সলিলকুমারের সহিত সাক্ষাৎ হয়। প্রসঙ্গক্রমে সলিলকুমার আমার “কাশী সঙ্গীতাজলি”র কথা উল্লেখ করেন ও বলেন—“সে খানিও বাবা যজ্ঞ রক্ষা ক'রে গেছেন,” ইত্যাদি। ইহা আমার অভাবনীয় প্রাপ্তি। প্রিয় সলিলকুমারের সাহায্যে আজ সেই “কাশী সঙ্গীতাজলি”র পুনর্জন্ম। ওরূপ চাঁট বই স্বতন্ত্র প্রকাশের আর বিশেষ সাধকতা নাই, তাই তাকে “কাশীর-কিঞ্চিৎ”এর অন্তরঙ্গ ক'রে রাখতে বাধ্য হলাম।

শেষ কথা।—“কাশীর-কিঞ্চিৎ”এর দ্বিতীয় সংস্করণ “দোমেটের দ্দ'কথা”র, দশের ইচ্ছায়, মনকে চোখ ঠেরে, “দ্বিতীয় খণ্ড” লেখবার সঙ্কল্প করি এবং লিখিও। কিন্তু প্রকাশ করি নাই,—সে সঙ্গে সঙ্গেই ফিরতো। সহসা “বোরবোর” দেখা দিয়ে জোর মড়ক আরম্ভ হয়। বাধ্যতঃ বাসা ছেড়ে তাঁদের একখানি ঘর নিয়ে সংসারের অনেক কিছুই তার মধ্যে বন্ধ কোরে সরে আসি। নানা কারণে ফেরা আর ঘটনি। সংবাদ পাই—সে সব উরে উদরস্থ করেছে—নষ্টও করেছে। নিজের শারীরিক অবস্থা ও অবহেলাই সে জন্য দায়ী। অন্য কিছুই জন্য না হলেও—ক্ষতি হ'ল ও কষ্টও হ'ল,—কতকগুলি বই আর নিজের লেখা অনেকগুলি খসড়া কাগজ পত্রাদি যাওয়ায় এবং সেই সঙ্গে—“দ্বিতীয় খণ্ড”র সম্পূর্ণ পাণ্ডুলিপিও।

এখন ভাবি—ভালই হ'য়েছে। “দ্বিতীয় খণ্ড” প্রকাশে বরাবর আমার মন সায় দেয় নাই। নচেৎ তার ‘নোট’ আমার হাতে যা আছে, তা থেকেকেই সে কাজ হ'তে পারে বা পারতো। কেবল আবশ্যক বিবেচনায়, এই “অথবদ” সংস্করণে, তার কয়েকটি বিষয় মাত্র, ভাষা বদলে, সন্নিবিষ্ট করলাম। বাজে গুলির বোঝা আর বাড়ালুম না।

ত্রিবেদ্যনাথ বন্দ্যোপাধ্যায়

পূরিয়া।

## সূচী

## প্রথম দফা

বিষয়	পৃষ্ঠা
সঙ্কল্পের কারণ	১
কাশী রওনা	১
রেলের কুলি'	২
কাশীর চুঙ্গী	২
একনজরে কাশীদৃশ্য	৩
রাস্তা ও গলি	৪
বিদেশ না বাংলা দেশ	৪
বাক্সালীর বিষয়কক্ষ	৬
পথে	৭
বাক্সালীর বাড়ী	৮
বোমার ব্যবস্থা ও বিচক্ষণতা	৯
দৈববানী	১০
বাক্সালীটোলা	১১
রুটিন্	১৩
মেয়ে মজলিস্	১৫
সাধুর হাট	১৫
ঘাটের দৃশ্য	১৬
ফেরারের সম্মান	১৯
অহল্যা-ঘাটের বহিঃ সিংহাসন	১৯
খেড়ে-রোগ	২২
পেন্সনার্ ও বিপজ্জীকের পিঁজরাপোল্	২৩
সংক্রামক বাই	২৩
গ্রহণেচ কাশী	২৫

বিষয়	দ্বিতীয় দফা		পৃষ্ঠা
শ্রীশ্রীরামকৃষ্ণ সেবাশ্রম	...	...	২৬
সারনাথ	...	...	২৭
মানমন্দির	.	...	২৯
হিন্দু ইউনিভার্সিটি	...	...	২৯
ভারত-মাতার মন্দির	...	...	৩০
ভারত-ধর্ম-মহামণ্ডল	...	...	৩১
শালগ্রামের কাশীবাস	..	...	৩২
মহাজন ( তুলসীদাস প্রতিতি )	...	...	৩২
ধর্মশালা	...	...	৩৩
অন্নকুট	...	...	৩৫
ছত্র	...	...	৩৬
শ্রীবাঁড় মহাশয়	..	...	৩৭
শ্রীমান্ বানর	...	...	৩৯
মহামান্য চাকর দাসী	..	...	৪১
হিতৈষী গোয়লা	.	...	৪২
অথ ধোপা	...	...	৪৩
বাছা ইন্দুর	...	...	৪৪
কাশীর মাটী	...	...	৪৪
বেলগাছের বেহাল্	...	...	৪৫
কালীতলায় নরবলি	.....	...	৪৬
গোয়েবী	.....	...	৪৬
স্মৃতি-মন্দির	.....	...	৪৭
সভা-সমিতি ও আড্ডা	...	...	৪৮
সাময়িক পত্রিকা	...	...	৪৯
অবধূতের অব্যর্থ মহৌষধ	...	...	৫০
কাশীর অন্যান্য উল্লেখযোগ্য জিনিস	....	...	৫১
জন্ম মঠ	...	...	৫২

## তৃতীয় দফা

আত্মীয় ও আলাপীর উপদ্রব	...	...	৫৪
“কন্সেসনে” কাশী	...	...	৫৯
গরজী মহাপ্রসাদ	...	...	৬০
বাবুদের খাতির	...	...	৬১
বাজারে বসন্ত-পাখী	...	...	৬১
বঙ্গনারীর বাহাদুরী	...	...	৬৩
বৌ-ঝিদের সখের বাজার	...	...	৬৫
বিশ্বনাথের আরতি দর্শনার্থিনী বঙ্গ-অবলা	...	...	৬৬
সাধু সাবধান	...	...	৬৭
জুতো কই ?	...	...	৬৮

## দফা—রফা

উপাধি না ব্যাধি	...	...	৬৯
“বাড়ী” বিসর্জন	...	...	৭০
ধর্মরক্ষা ও সমাজসংস্কার	...	...	৭১
শিব-বিবাহ	...	...	৭২
ফুটপাথের মন্মথ কথ্য	...	...	৭৩
মোংড়া-থেগো কাশীবাসী	...	...	৭৬
কাশীতে শিব-প্রতিষ্ঠা	...	...	৭৮
খালাস্-পাওয়া ডাক্তার	...	...	৭৯
স্যাকরার দোকান	...	...	৮০
লোক-লৌকিকতা, পূজা-পার্বণ	...	...	৮২
বিবাহোৎসব	...	...	৮৩
তত্ত্ব-তাবাস	...	...	৮৫
পাপের যাদুঘর	...	...	৮৬
যা-চাও পাবে	...	...	৮৭

বিষয়			পৃষ্ঠা
মা গঙ্গার নাভিশ্বাস	...	...	৮৯
কুইন্স্ কলেজ	...	..	৯০
অ্যাংলো-বেঙ্গলী হাইস্কুল	...	...	৯১
পদ্মের জন্ম		...	৯২
বিদায়	...	...	৯২

---



# কাশীর-কিঞ্চ

## ১ম দফা

সঙ্কল্পের কারণ

অনেক দিনের জড়ো করা অগাধ পাপের রাশি—  
নিষে ভাবলুম কোথা যাই,—মনে পোড়লো কাশী ।  
স্থানটা কিন্তু হওয়া চাই কিঞ্চিৎ স্বাস্থ্যকর,  
তার,—অকাটা নজীর মজদু—“তিলভাণ্ডেশ্বর” ।  
“কেদারনাথ”ও কাহিল নন ;—কেন ভাবি আমি ?  
সেদিনকার জ্যাস্তো সাক্ষী—“ট্রেলঙ্গ স্বামী” ।  
“হান্দোরের” আসামী যবাই—ওজন হন না “মোণে”,  
“ক্রেণেতে” কাৎ ফিরতে হয়—কেউবা চড়েন “টনে” !  
দুশো একশো তুচ্ছ কথা,—দু’দশ হাজার আয়ু,  
তাতেই বদখে নিলুম কেমন, কাশীর জল বায়ু ।  
ষাড়গলোও গৌসায়ের মত নিরামিশ খেয়ে—  
ফুল্চে,—বেশ্ প্জার ফুল আর বিল্লিপন্তর পেয়ে ।

---

কাশী রওনা

তাই, “দুগা” বোলে টিকিটখানা কিন্‌লুম্ কপাল ঠুকে,  
“মহিলা-প্রদত্ত পাস্” যজ্ঞে রাখ্‌লুম্ বদকে ।  
বাস্তালীর বিদেশযাত্রা বিচিত্র কেমন—  
সেই বোঝে—যে ক’রেছে “ট্রেনে” আরোহণ ।  
যে জাতের “ঘর হ’তে আঙ্গিনা বিদেশ”,  
আজ তার রহিল না সোয়ান্তির লেশ্ ।  
সঙ্গে ছিল হুকো-কোষেক, আর—গয়াধামের পিণ্ড,



হবে কিনা হবে ছেলে, আর হয় যদি কুস্মাণ্ড !  
 তাই, দিন থাকতে স্বপাক কোরে দিলাম নিজ মুখে,  
 দেখি, অনেক ভূতই লালায়িত্ গন্ধ তার শৃঙ্গে !  
 মাথার উপর শূন্যে ঝুলতেছিলো নারকোল,—  
 কি আশ্চর্য—নীচে পোড়ে হোলো হৃৎকোর খোল !  
 পায়ের নীচে ছিলো মাটি—কোন্সে হোয়ে উঠে—  
 নারকোলের মাথায় শেষে বোস্‌লো গিয়ে ছুটে !  
 আজ দেশ, কাল বিদেশ, আশ্চর্য কি তায় ?  
 “ইভলিউশন্ থিওরিটা” এতেই বোঝা যায় ।  
 এইরূপ দার্শনিক চিন্তাস্রোতে ভেসে—  
 উপনীত হইলাম কাশীধামে এসে ।

---

### রেলের কুলী

ইন্টিসনে নেবে দেখি—কুলীর জ্বলদম্ ভারি,—  
 এক এক ব্যাটা নবাবজাদা—মথুরার দ্বারী ।  
 কোম্পানীর কপদ্র সব—বেজায় তাদের বাড়ি,  
 দেড়-পয়সার বাজদ\* যেন—যাত্রী লোটবার ছাড়ি !  
 সন্দ্বীক্-ভদ্রে এরা বড়ই করে দিক,  
 যা চাইবে তাই নেবে, এমনি এদের “ক্রিক্” ।  
 গরজেতে দ্ব’চার টাকাও দিতে হয় তারে ।  
 কোম্পানী কি কপাদৃষ্টি কোরবেন্ এধারে ?

---

### কাশীর চুঙ্গী

ইন্টিসনের বাইরে এসে না ফেলতে শ্বাস—  
 দেখি, আর এক ক্ষুধার্ত জীব পেতে আছে গ্রাস !

---

\* নব্বয় লেখা পিতলের চাকতি, যাঁহা কুলীদের হাতে বা গলায় থাকে ।

“দুর্গা” বোলে পা বাড়াতেই—চৌকাট্ ধাঁ কোরে—  
 মাথায় লেগে চোম্কে দেয়,—তেমনি সে হাঁ কোরে—  
 লুঙ্গীপরা চুঙ্গীর-চর বলে কাছে এসে—  
 “দেখতে চাই বাস্ক প্যাটারায় কি এনেছো ঠেঁশে ।  
 সরকারকে মাশুল দিয়ে, ঘাঁটী হও-পার” ;  
 সস্ত্রীক ভদ্রেরা শুননি—দেখে অশ্চর্য ।  
 রেলের কষ্ট, অনিদ্রা আর অনাহারের উপর—  
 কাচ্চা বাচ্চা নিয়ে যখন—বেজে গেছে দুপর্,—  
 আচম্কা তাদের এই বিদ্যুৎ-বাধা—  
 গায়ের রক্ত জল্ কোরে দে’—লাগিয়ে দেয় ধাঁধা ।  
 প্রাণটা তখন বলে, দেখে লোলদুপ্ বাঘের থাবা—  
 “ঘাট্ হয়েছে বিশ্বনাথ—ছেড়ে দাও বাবা” !  
 পরে,—হৃদিস্ বদঝে ঝক্-ঝক্কার মাশুল দিলে কিছ্,—  
 হাসি মুখে সেলাম করে—হোয়ে বেজায় নীচু ।  
 মোর আসবাব্ হুকো কোল্কে, তাই ছিল’ রক্ষা,  
 নবাব ঘ্যানো,—কোন মিসার কোরতে হয়নি তক্ষা ।  
 পরে, এক্সায় বোসে থাক্কা থেয়ে, হিঁদুর মক্কায় আসি—  
 হেরিলাম বিশ্বনাথের পদরী অবিনাশী ।

### এক-নজরে কাশী-দৃশ্য

দেখি,—কাশী কি কাঁটালপাড়া বদঝে ওঠা ভার,  
 সর্বাস্ত্রে মন্দিরগদুলো কাঁটা যেন তার ।  
 বিচি চাও, তাও পাবে—প্রত্যেকের মাঝে,  
 শিবলিঙ্গ হোয়ে তারা ভিতরে বিরাজে ।

## রাস্তা ও গলি

বিশ্বনাথ কঁকড়া যেন—মধ্যে আছেন বোসে,  
 রাজা জুড়ে, ঘুরে ঘুরে, ডিম্ পেড়েছেন কোসে ।  
 দাড়া দ্বিটি বড় রাস্তা—গেছে দ্বিদিব্ চলি,  
 ঠ্যাংগুলো সব ছড়িয়ে পোড়ে হ'য়ে আছে গলি ।  
 স্ইজল্যাণ্ডের ম্যাপখানা ঠিক্ মনে হয় যেন,  
 হিলি বিলি কিলি কিলি, গলির গুলো হেন ।  
 ইঞ্জিনারের সাধা নাই “ডিজাইন্” তার দিতে,  
 ব'খা ঘুরবেন্ সারভেয়ার হাতে কোরে ফিতে ।  
 এক জনমে চিনে ওঠা, কারো সাধা নাই,  
 পুরো ওয়াকিফ হ'তে হোলে দ্বিচার জনম্ চাই ॥  
 সূর্য্যদেবের নাই ক্ষমতা পশেন সে সব স্থানে,  
 ছাতের উপর উঁকি মেরে, পালান্ মানে মানে ।  
 গলির মাঝে স্তূপাকার—চুণ সুরকী কাদা,  
 তার দ্বিধারেই ইমারৎ তুলেচে কেবল মাথা ।  
 পাশাপাশি চলা দায়, গাড়ির প্রবেশ বারণ,  
 মালমশলা নে'ষাবার গাধাই মাত্র বাহন ।  
 তার উপরে, ষা'ড়গুলোর অব্যাহত গতি—  
 গলির কণ্ঠরোধ করি—বাড়ায় দ্বিগতি ।

## বিদেশ না বাংলা দেশ

বাংলা কি বিদেশে এলাম্—কিছন্ বদ্বতে নারি,  
 যে দিকে চাই—বাংলা দেশের মেয়েমন্দের সারি ।  
 দোকানে চাই—নোড়ির মা ভেন্খোলা খুলেচে,  
 পাশেতেই পুঁটির পিসী—চরকা নে ব'সেছে ;  
 পাট কাট্চে মৌনির মাসী—পান বেচ্চে পাঁচি,  
 ছুণ বেচ্চে চাঁপাদাসী, কামার গিন্নী কাঁচি ;

হোটেল খুলে বোসে আছে হরিশেঠের শালী,  
 উল্টোভিঙ্গির ডোমের মেয়ে সাজায় পুজোর ডালি ;  
 পদ্ম বেচে পাথর বাটী, মণি ভাজে মৃদুড়ি,  
 ঢেঁকি পেতে কুট্চে থাকী, সেম্বো চালের গুঁড়ি ;  
 তিনকড়ি কড়ায়ের চাক্তি, পাটায় ফেলে কাটে,  
 মনোরম মৃদুড়ির মোয়া ব্যাচে বোসে হাটে !  
 বিলাসিনী সময় কাটান “বিষবৃক্ষ” পড়ি,  
 বরদা তাঁদের তরে—হাটে ব্যাচে বড়ি ।  
 দয়াবতী পাসকরা দাই—এসেছেন কাশী,  
 নিভাবিনায় তীর্থবাস—করুন সবাই আসি ।  
 “না বিইয়ে কানাইয়ের মা”—আছে বটে প্রবাদ,  
 “ভিল্লোমা” রয়েছে যখন,—ভাববেন না প্রমাদ ।  
 নানা-গুণের কম্পিটিসন্—বাড়ছে ঘেরূপ ফি-সন্,  
 এটাও মহাশয়ের মধ্যে, একটুও নয় ভীষণ ।  
 মনের দুখে অনেকেই অপদ্রব বোলে—  
 হতাশ হ’য়ে কাশী এসে,—পদ্রব করেন কোলে ।  
 এখানকার জল-বাতাসে—এগুণটাও আছে,—  
 বলতে হয়,—যদি কারুর লেগে যায় কাজে ।  
 ‘নারি’ হলেও দিয়ে থাকে—এই পদ্রব মদুখ,  
 বিষয় আর বংশ রক্ষার—সদুদ্বন্দ্বিত সদুখ ।

বিলাসী, সারদা, ক্ষ্যাস্তো, কাঞ্চন, গোলাপী—  
 বড় বাড়ির দাসী এরা—বড়ই আলাপী ।  
 নীরদা, ক্ষীরদা, শ্যামা—লক্ষ্মী, হরিমতী—  
 বারাগসীর গেজেট্ এরা—সব্বদই গতি ।  
 কি স্বপ্ন দিয়েছে কবে—কোন্ দেবতা করে,  
 কার বাড়িতে কি হয়েছে—সব বোলতে পারে ।  
 হেথাও নিস্তার নেই—নিস্তারিণী এসে—

বারাণ্ডা কোরেছে আলো বড়-রাস্তা ঘেঁশে ।  
মামার মোকাম, চাটের দোকান, সবই শোভা পায়,  
যাত্রীদের কষ্ট না হয়—এইটে অভিপ্রায় ।

### বাঙ্গালীর বিষয়কস্মৃ

পদ্রুশদের ব্যাসাতের অস্ত্র দেখি নাই,—  
সেতো, পাণ্ডা, চা, চপ্, সকল তাতেই পাই ।  
স্বর্ণকার, কস্মকার, ময়রা, মনিহার,  
ঘড়ি-সাজ, চিত্রকর—মায় ফটোগ্রাফার ;  
ডাক্তার, বৈদ্য, হোমিওপ্যাথ্, কেতাৰ-বিক্রেতা,  
বেনে, মদুদী, টেলার, কাটার,—ইন্সক্-অভিনেতা ।  
ঝুন্ডো নারকোল, খেজুরে গুড়, কেহবা পান তামাক,  
কেউ রুদ্রাক্ষ, খেলনা ব্যাচে—কেউবা শাখা শাখি ;  
লোহালঙ্কড়, চুণ সুরকী কেউবা ইট্ কাট্,  
কয়লা কেউ, পাথর কেহ, কেউবা ব্যাচে চাট্ ;  
কাপড়, কামিজ, কাটা-পোষাক, ঘটি, বাটি, থাল,  
কেউ,—ভাঙ্গা-বাসন, টিনের ট্রঙ্ক লাগাচ্ছে রাং-ঝাল ;  
গদরু উপগদরু কেউ—কেউ পুরোহিত,  
“অব্যয়” কারবারী এঁরা—এঁদের পুরো জিত্ ।  
হুঁকো, কোল্কে, খড়ম, মাদরু, বিড়ি সিগারেট,  
কেউ মদু, কেউবা যোগান গরম কাটলেট্,—  
আয়ুর্বেদ অস্থিভেদু কোরেছে কাশীর,  
বিজ্ঞাপনের বর্ণনায় সবাই অস্থির ।  
নানারূপ শক্তিবৃদ্ধির—ওষুধ থাকেন আগে,  
যেন,—কাশীবাসে ঐগরুলোরই আবশ্যক লাগে ।  
মিস্‌লেনিয়াস্ রাখেন কেউ, কেউবা চাল ডাল,  
দুধের যোগান, বিদ্যুৎ-আলো, কত দিব হাল ।

ডিস্পেনসারী, ছাপাখানা, বাইসিকেল্ ভাড়া,  
 আরো বা কত কি আছে এই সব ছাড়া ।  
 এ দেশের দোকানদারে ছেয়েছে কোল্কেতা,  
 ডেসিমেল্ অংশ তার আদায় হোচ্ছে হেথা ।  
 লাউ কুম্ভো ব্যাচে কেউ বাজারের মাঝে,  
 কথকতা করেন কেউ—কারো বাড়ী সাঁঝে ;  
 কদুষ্ঠী লিখে গদ্বিষ্ঠবর্গ করেন কেউ পালন,  
 ঠাকুর পূজা করেন কেউ, কেউবা রন্ধন ;  
 বাড়ী ভাড়া দেন কেউ—কেউবা জমীদার,  
 উকীল কেউ, মাষ্টার কেহ, কেউ অলস বেকার ;  
 কেউ মোস্তার, কেউ দোস্তার—হ'ন কারবারী,  
 রেশ্‌মী-রোজ্‌গারীর কাছে—সবাই আছে হারি ।  
 কেউ জ্যোতির্বিদ, কারুর বা—চশমা ব্যাচা ব্রত,  
 সাধারণের হিত চিন্তায়—সবাই বিব্রত ।  
 আছেন নাকি বড় বড়—গুস্তাদ আর গদ্বগী,  
 বশীকরণ উচাটনে—সিদ্ধহস্ত, শূনি ।  
 তা ছাড়া কত যে আছেন টাকা খাটান্ সন্দের,  
 মাসকাবারে গলা টিপে ধরেন চক্ষু মন্দের ।  
 বড় একটা নাইকো হেথা কেরাণী বেচারী,  
 দেশহিতৈষী নেতাদের চক্ষুশূল যারা ;—  
 বে-ওয়ারিস্ ভাঙ্গা-কুলো—বাংলা দেশের মাল,—  
 যাদের উপর—বস্তা, লেখক, ঝাড়েন যত ঝাল,—  
 চাক্রী ছেড়ে তারা যেন' কাস্তে নিলেই হাতে—  
 ভারতের সকল দ্বংস ঘুচবে এক রাতে !

পথে

পাকের, ঘাটে, রাস্তায়, বা যাও দশাবমেধ,  
 ইডেন্, বিডেন্, হেদোর তরে রবেইনাকো খেদ ।

সেই ফ্যাশানের চুল ছাঁটা,—সেই অলঙ্কার বন্ধে,—  
 টাই বাঁধা আর কলার আঁটা, সিগারেট মুখে,—  
 হাতে ছড়ি চশমা পরা, চোস্ত মোজা পায়—  
 যদুবা যত' চিম্নির মত' ধৌ ছেড়ে বেড়ায় ।  
 পাশ দিয়ে যাও শুনতে পাবে—তিন ভাগ ইংরাজী,  
 বন্ধতে হবে মানে তার—বহু ঘসি মাজি ।  
 “ব্যাকরণ-বিভাষিকার”—হরদম্ “বিষম্” লাগে,  
 ইংরাজের বীণাপাণি—“বেগ্‌পাড্‌ন্” মাগে ।  
 কাঁচা পাকা গেঁফে প্রৌঢ় আছেন তায় ঢের,  
 তাঁদেরি চটক্ বেশী—ঢাকিবারে জের্ ।  
 রিফ্রেস্‌মেন্ট, চায়ের আড্ডা, আশ্রম, হোটেল—  
 পথের দ্বাধারে তারা মেরে আছে ঠেল ।  
 চা খাও, চপ্ খাও, খাও কাট্‌লেট্ আর,—  
 এসেই হুকুম দাও—যেবা ইচ্ছা যার ;  
 দুবেলাই খোলা জ্বলে—সকালে বিকালে,  
 মান্ বাঁচাতে বিশ্বনাথ—থাকেন আড়ালে ।  
 পথে দেখি হেঁকে যাচ্ছে—কোরে উচ্চ রব—  
 “বিশুদ্ধ পবিত্র গরম—কাবাব্, কাট্‌লেট্, চপ্” ।  
 দ্যাঁলে ডালে হোটেল হলে—বিরাজে “লিপ্‌টন্”  
 অন্নপূর্ণা সবার তরেই রাখেন আয়োজন ।

### বাঙ্গালীর বাড়ী

পঞ্চকোশী কাশীর মাঝে রাস্তা কি গলিতে—  
 বাড়ী দেখে হয় না আর পরিচয় নিতে ।  
 যাইনা কেন অলি গলি কিম্বা সোনারপুরে,  
 শূকুচে বারান্ডা জুড়ে নক্সা পাড় আর ডুরে ।  
 কোথাও বা নামাবলী—সহস্র নাম বন্ধে,—

আলসে থেকে নিশ্চয় মদুখে, পোড়ে আছে বন্ধকে ;  
 কোথা বা ঢাকাই, কোথা শান্তিপন্থে সাড়ি,  
 চিন্তে না হয় দেরী কারো বাঙ্গালীর বাড়ী ।  
 আদখানা বেনারস অধিকার করি—  
 প্রাসাদ বা অন্ধকূপে আছে তারা ভরি ।  
 তার মধ্যে স্থান যেটী—নাম বাঙ্গালী-টোলা,  
 যে দেখেচে একবার—বড় শক্ত ভোলা ।  
 বাংলা দেশের সব নমুনো ঠাশাঠাশি কোরে—  
 এক মাইলের মধ্যে তারা সবাই আছে ভ'রে ।  
 জেলা, পল্লী, সহর, নগর যা আছে বাংলায়,—  
 সকল স্থানের মানুষ পাবে এইটুকু জায়গায় ।



### বৌমার ব্যবস্থা ও বিচক্ষণতা

মেয়ের ভাগই অধিকাংশ—প্রোঢ়া বন্ধাই বেশী,  
 খোপে যেন পায়রা আছে—কোরে ঘেঁষাঘেঁষী ।  
 গরীব থেকে আছেন হেথা লক্ষপতির মা,  
 পাঁচ, সাত, দশ, মাসোহারা—বৌ করেছেন যা ।  
 “বড় কষ্ট দিছলো মাগী—‘কোনে-বউ’ যবে,—  
 জান্তোনাকো দুদিন বাদে আমারো দিন হবে !”  
 কাশী গেলে বাঁচে বেশী—বউ জানেন হিসাব,—  
 “মোলে সেথা শ্রান্ত নাই—সেটাও তো লাভ” ।  
 “সাত টাকাটা বেজায় বেশী—চার টাকায় যায় চোলে,  
 মাগী কেবল সদুখাটাবে, ভূতে লুটবে মোলে ।  
 কুলে ত’ এই দেড়শো টাকা মাসিক তোমার আয়,—  
 টের পাবে এর পরে যখন ঠেকবে কোনো দায় ।  
 ভাগ্যে তোমার মতি আছে গয়না গড়াবার,  
 এ সদমতি থাকলে বাঁচি ভাগ্যেতে আমার ;



ঐ গদুলোই সেরা বিষয়,—সম্পত্তির পাকা—  
 আমার নামের কাগজগদুলো, বাড়ী আর টাকা ।  
 এই বেলা সব লিখে দাও—আর যা কিছদ্ আছে, ।  
 ভয় শৃঙ্খ—ভাই ভাইপো—পাঁচ ভূতে খায় পাছে  
 কবে আছো কবে নেই সেটাও ভাবতে হয়,  
 এক মিনিটে ঠাণ্ডা হাওয়া বেশী কথাও নয় ।  
 শুনছি “রড্-প্রেসার” বলে” কি-একটা রোগ্—  
 কথা কহিতেও দেয়না নাকি,—দেখায় পরলোক ।  
 শরীর যত পুষ্টি হয় ততই সেটার ভয়,  
 নইলে আর বলিচ কেনো, ভাগ্গি তেমন নয় ।  
 চিরকাল কি গদুলুতে হবে মায়ের গদুদোম ভাড়া ?  
 ওসব লক্ষণে হয়—হাড়-লক্ষ্মী-ছাড়া ।  
 কাশীর যদি পুণ্য চিহ্ন রাখতে চাও বাড়ী,  
 সেরা দেখে আনো বরং বেনারসী সাড়ি ।  
 সাঁচ্চা হ’লে অসময়ে দেবেনা সে ফাঁকি ;  
 ভেবে তখন বলবো যা যা রইলো আর বাকি ।”

---

### দৈববাণী

সাবধান,—তুমিও ত’ বউ এনেছ ঘরে,  
 এসব কথা তুলে তিনি রাখছেন তোমার তরে ।  
 তুমি যখন কাশী যাবে—বোঁ-ব্যবস্থা করি—  
 তিনটি টাকা মাসোহারা দিবেন তোমায় ধরি ।  
 দিন থাকতে বলি তাই—মনে কোরে রেখো—  
 এখনও সে পরের মেয়ে আপন কোরতে শেখো ।

---

## বাল্মীকীটোলা

বাল্মীকীটোলার পথে যেতে ভয় পাই,  
 ছড়াছড়ি বিল্বপত্র পোড়ে ঠাই ঠাই ।  
 সূক্ষ্ম আচারীর হেথা বড়ই দৃগতি,  
 পূজার পুষ্প মাড়িয়ে চলা সূকঠিন অতি ।  
 স্থান হ'তে স্থানান্তরে—পায়ে পায়ে সোরে—  
 পূজার ফুল আর বিল্বপত্র, বেড়ায় ভ্রমণ কোরে ।  
 ষাঁড়গুলো তার কতক খেয়ে করে উপকার,  
 না হ'লে এসব পথে চলা হোতো ভার ।  
 কাটান্ ছিড়েন্ আছে শূনি,—“পুষ্পদন্তেশ্বরে”—  
 দর্শনে পূজনে, এপাপ স্পর্শ নাহি করে ।  
 শাস্ত্রে বলে ফল্গু বাড়ি, রোদ আর বায়ু—  
 স্বাস্থ্য দেয়, আর তায় বেড়ে যায় আয়ু ।  
 তা'হলে বাল্মীকীটোলা শূন্য হ'য়ে আজ—  
 নিঃশব্দ শ্মশান সম করিত বিরাজ ।  
 ছাতে উঠলে দেখতে পাবে—“বিশ্বরূপে”র ছাপ,  
 দ্বাপরে যা দেখে পার্থ—ব'লেছিলেন “বাপ” !  
 পঞ্চভূত—চুণ সুরকী লোহা ইট্ কাট্—  
 মিলিয়ে, অখণ্ড রাজে—শ্রীমূর্তি' বিরোট ।  
 দশাশ্বমেধ থেকে দৌড়—ইস্কক “অসি” রোড্,  
 কাশীর কণ্ঠ চাপি যেন—করে শ্বাস রোধ ।  
 এ বিপুল দেহ মধ্যে—জন্ম মৃত্যু বিয়ে,  
 মারামারি কাটাকাটি ঝগড়া বিবাদ নিয়ে,—  
 নাওয়া শোয়া বেচা কেনা,—আহার বিহার রান্না,  
 গীত বাদ্য আমোদ প্রমোদ—হাসি খুঁসি কান্না,  
 দেব দেবী মসিদ মন্দির—জীব জন্তু, ভোগী,  
 শত পেসা, ছত্রিশ্ জাত—রোগ আর রোগী,  
 ইত্যাদি সকলি যেন একই দেহের অংশ,  
 গলিগদলি শিরারূপে —সুন্দর বংশ ।

তার মধ্যে সূর্য্যদেবের—নাইক কোথা দখল,  
 বজায় সেই ত্রেতাযুগের হনুমানের বগল !  
 সাক্ষাৎ অঁধার কুপ নিম্নতলগদুলো,—  
 দিনেতে প্রদীপ জ্বালি দেখতে হয় চুলো ।  
 গন্ধময়, স্যাঁৎসেঁতে, ছঁদুচো আর মশা—  
 সেৎখানার সহযোগে ঘটায় দন্দর্শা ।  
 উঠানেতে এঁটো কাঁটা মাছের পোঁটা আঁশ্  
 বাড়ীময় দৃগুগ্ধে দিচ্ছে ‘ফ্রু-পাস্’ ।  
 এক বাড়ী, তার মাঝে বাইশ উনুন,  
 একত্রে ধৌ ছাড়ে যবে—জ্যাস্ত করে খুন ।  
 নানা পক্ষী একই বৃক্ষে বাসা বেঁধে থাকে,  
 রাত দিন কোলাহল কে থামাবে কা’কে ?  
 সবগে জলের কল করে উপকার,  
 কলহ,—কদাচ কেহ বোঝে এ উহার !  
 “দ্বিতলে ত্রিতলে আছে—কলের বন্দোবস্ত”,—  
 শব্দন্তে ভাল,—ভাড়াটের আশার কথাও মস্ত ।  
 সেটা কিন্তু “কাটের বেড়াল”—ইন্দুর না ধরে,—  
 নীচের বাসিনী যদি—কৃপাটা না করে ।  
 ফি-হাত্ চীৎকারে চলে,—“খোলা” আর “বন্ধ”,  
 নিত্য-কৰ্ম্ম সকাল সন্ধ্যা—জলের তরে দ্বন্দ্ব ।  
 চার-তলার ছাত থেকে ছটাক্ খানেক উঠোন,—  
 দেখলে বোধহয় পাহাড়েতে—কুপ করেছে খনন ।

---

কুটিন্

চার্টে রাতে ওঠে সবে—থাকতে অন্ধকার,  
 দারুণ শীতেও দেখি সবাই বেশ্ 'রেগদলার্' ।  
 কি বৃদ্ধা কি প্রোটা—ল'য়ে সাজি নামাবলী—  
 ঘাটে ঘাটে গঙ্গান্নানে যায় সব চলি ।  
 ঘাট দেখলে জোয়ান লোকের বুক শুকিয়ে যায়,—  
 পইটে বৃকে পোড়ে আছে মৈনাকের প্রায় ।  
 কঠোর তপস্যা রত—প্রায় শতেক্ ধাপ্—  
 সদা লয় পদধূলি,—মুক্ত হ'তে শাপ ।  
 তাতে আবার পইটেগদুলো উঁচু উঁচু বেশ,  
 পাথরের মন্বন্তর কভু দেখেনি এ দেশ !  
 সোস্তর আশ্রী বয়েস যাঁদের—লাঠি আছে ঠেঙ্গে,  
 তারই ভরে ওঠা নাবা করেন ধাপ্ ভেঙ্গে ।  
 তারপরে, সব স্নান করে সেই বরফ-গলা জলে,  
 আমরা দেখে কেঁপে মরি—দাঁড়িয়ে থেকে স্থলে ।  
 সেইখানেতে ঘণ্টাখানেক সন্ধ্যা বন্দন সেরে—  
 রাজ্যশুদ্ধ দেবতার মাথায় জল ঢেলে শেষ ফেরে ।  
 বিশ্বনাথ থেকে সূর্য—এস্তোক হনুমান্জী,  
 নিত্য এ দ্ব' চোকো ব্রতর সংখ্যা দিব কি ।  
 কেউবা আরো দ্ব' তিন মাইল অধিক ঘোরার পরে—  
 দ্ব' পয়সার বাজার কোরে ফিরে আসে ঘরে ;  
 তার মধ্যে বেড়াল দ্ব'টোর মাছের অংশও আছে,  
 পাখীর তরেও প্যায়রা আসে—রাগ করে সে পাছে ।  
 তার পরেতে জপ আর শ্বহস্তে পাক চলে,  
 আহাৰাস্তে পাঠে কিম্বা কাটে কোলাহলে ।  
 উরি মধ্যে রুচিমত যার যেমন অভ্যাস,—  
 কেউবা করেন কারো নিন্দে, কেউবা খেলেন তাস ;  
 কেউবা আবার দেনা পাওনা বিষয়ে হন রত,  
 হিসেব করেন বোসে বোসে—সদুটো হোলো কত ।

সেইটেই তাঁর বল্ ভরসা—তাইতে কাশীবাস,—  
 উপযুক্ত ছেলের কাছে, নাইক কড়ির আশ ।  
 কেউ,—নাক ডাকিয়ে নিদ্রা দেন কে'পে ওঠে খাট,  
 কেউবা “কথা” শুনতে যান, কেউ ভাগবত পাঠ ।  
 অতি বুদ্ধি যাঁদের তাঁরা—জ্বরায় মেজে বাসন—  
 স্বামীজীদের কাছে ছোটেন—শিখতে যোগের আসন ।  
 নিজের সম্পত্তি যাঁর—আছে কোন' বাটী,  
 আহারান্তে ভাড়ার তরে করেন হাটাহাটি ।  
 ফুরসৎটুকু কাটে কারো স্বর্ণকারের বাড়ী,  
 নাতি নাত্নির গয়না গড়ান্, জপ্ তপ্ ছাড়ি ।  
 বিবাহের ঘটকালীটাও করেন কেহ কেহ,—  
 অভ্যাস না যাবে কভু—থাকতে এই দেহ ।  
 বৈকালেতে দশাশ্বমেধ কিম্বা “কেদার” ঘাটে—  
 সন্ধ্যা বন্দনেতে কারো সন্ধ্যা-বেলা কাটে ।  
 ফিরতি মদখে বিশ্বনাথের আরতি দর্শন,  
 ন'টার মধ্যে সকল সেরে—যে যার শয়ন ।  
 রাত চা'রটায় উঠে এই ন'টা রাতে শেষ,  
 এতটা শ্রমেও তারা মানেনাক' ক্লেশ ।  
 নাইকো তাদের ডিস্পেপ্সিয়া—নাইকো বৃদ্ধ জ্বালা,  
 খুঁজতে হয় না মধুপদর কিম্বা শিমূলতলা ;  
 শিরঃপীড়া, হিষ্টিরিয়া, না হয় তাদের বাত,  
 শৈলে কি সমুদ্রতীরে যাবার নাই উৎপাত ।  
 আমাদের লক্ষ্মীরা সব বোনেন বোসে উল্,  
 পরিশ্রমের মধ্যে শূদ্ধ বঁধেন নিজের চুল ;  
 নভেলে নিমগ্ন কেউ, কেউবা খেলেন তাস্,  
 কেউবা নিম্নে থাকেন শূদ্ধ নিম্জলা বিলাস ;  
 করেন বটে তাতে তাঁরা—একটা উপকার—  
 তুষ্ট আর পুষ্ট হন বন্দী ও ডাক্তার ।

মেয়ে মজ্‌লিস্

বৈকালেতে মজ্‌লিস্‌টা জমে গঙ্গাতীরে,  
 কেদারঘাটে, কিম্বা বসি শীতলা মন্দিরে ;—  
 কোন্‌ স্যাক্‌রা কেমন,—কত নতুন গদ্‌ড়ের দর,  
 পোড়ারমুখো ধোপা ছিঁড়ে দেছে নেপের ও'ড়  
 সোনারপদরের সাধুটিকে এলদ্রম আজ দেখে—  
 শরীরের তাঁর ছায়া নেই,—থাকেন মদুখ ঢেকে ;  
 কিবা ভুর, কিবা নাক্‌, কিবা তাঁর চোক্‌,  
 আকাশেতে উড়তে তাঁরে—দেখেচে কত লোক ;  
 দেখেচে ভুব দিতে তাঁরে—নেড়ির-মা নিজে,  
 কি আশ্চর্য্য—কোপ্‌নিটেও ঘায়নি জলে ভিজে !  
 মেচুনী হারামজাদী তার ভালোর মাথা খাবে—  
 তিন-আনা সের নিলে মাগী,—অধঃপাতে যাবে ।  
 ছেলেকে পর কোরলে আমার, সর্ব্বনাশী আসি,  
 কি বলিস্‌ লো, তানাত' আজ কে আস্তো কাশী ?  
 “মা” বোলতে অজ্ঞান মোর হোতো বাছা আগে,  
 পাঁচ টাকা পাঠাতে আজ—হাতে আগুন লাগে !  
 ইত্যাদি সব ধর্ম্মচর্চা—চলে সে আসোরে,  
 হাতে কিন্তু জপের মালা অবিশ্রান্ত ঘোরে !

সাধুর-হাট

বিশ্বনাথের দরবারেতে নাইক অভাব কিছ্‌,—  
 উঁচু থেকে নেবে এসো যত পারো নীচু ।  
 জটার বোড়া, কেউবা নেড়া, কারো লম্বা চুল,  
 কেউ দণ্ড, কেউ চিম্‌টে, কেউ ধরে ত্রিশূল ;  
 হাড়ের মালা মৃগছালা রক্ত ফোঁটা কা'রো,  
 ফটিক্‌ গলে “রগ্‌” বগলে, চশমাটা সোনারও ;

পটুবাস কেউ উলঙ্গ—কেউবা উজ্জ্বল বাহু,  
 রক্ত অঁখি ভস্ম মাখি—কেউবা যেন' রাহু ;  
 কেউ নেংটি কেউ সংটি, কেউবা জানেন যাদু,  
 কেউ মৌনীর কেউ বস্তা, হরেক রকম সাধু ।  
 কারো,—জুতো মোজা ওভারকোট—গেরদুয়া রং করা ,  
 কারো,—দাড়ি গোঁপ জটার মাঝে—এক-গা গয়না পরা  
 —শরশয্যায় শয়ন কারো, কেউ ঝোলে নিল্লিশিরে,  
 কারো হাতে মড়ার খুঁল—ওষুধ দিয়ে ফিরে ।  
 গ্রিশূল হাতে সিঁদুর মাথে—ভ্রমণ ভৈরবী,  
 কপালে ত্রিপুণ্ড্র কারো,—নানা ভক্তের ছবি ।  
 কেউবা আলেখ্, কানফাটা কেউ, কেউ “ম”কারে রত,  
 কবীর নানক সুদরদাস—পন্থী কবো কত !  
 বন্ধকী-কাজ করেন্ কেউ—কেউবা সাধক “চোটোর”  
 বৈকালে কেউ হাওয়া খান—চাড়ি নিজের “মোটোর্” ।  
 মোটা সদ্দে টাকা দেন—গেরদুয়া-কারবারী,—  
 ব্রহ্ম ব্যাখ্যা করেন মুখে,—কিছু বুঝতে নারি !  
 বিষয় প্রসঙ্গে এঁরা নহেন কেহ ব্যাজার,—  
 বাদ্ দেননা “টার্ফ”, ডার্বি কিম্বা সেন্ট্লেজার” ।  
 গিরি, পদুরী, পরমহংস—পরমার্থ-কামী—  
 সকলেই “মহারাজা”, অনেকেই “স্বামী” ;  
 এঁরাই প্রকৃত বটে—কাশীর অলঙ্কার,  
 সবারেই নত শিরে করি নমস্কার ।

### ঘাটের দৃশ্য

যদ্বিধিষ্ঠিরের নরক দেখা আর, বরের “কিসের” সরা,—  
 তার পরেতে স্বর্গ আর “কোণে” লাভ করা ;  
 দশাশ্বমেধ ঘাটে নাব্‌বার আগে নর নারী—

উপরেই দেখে যান—ময়লার ঝুড়ির সারি !  
 বিশ ত্রিশ টুকরির সেথা প্রাতে অখিষ্টান—  
 দর্শনান্তে স্নানলাভ করেন ভাগ্যবান ।  
 ময়লার গাড়ী এসে শেষ—পথটা মেরে দাঁড়ান্,  
 স্নানান্তে সব ফেরবার সময়, ঝর্ন্তি মাল্ মাড়ান্ ।  
 গাড়ীর মধ্যে ঢালে যখন—আবর্জনার ঝুড়ি—  
 স-গন্ধ ছাইপাশটা ঢোকে নাকে মূখে, উড়ি ।  
 মালিক বা মুন্সিপাল একটা উপায় কোরে দিলে,  
 থর্মক্ষেত্রে সহিতে হয় না এ বীভৎস লীলে ।

মণিকর্ণি দশাশ্বমেধ অহল্যার ঘাট—  
 কেদার,—রয়েছে যেন জুড়ি এক মাঠ ।  
 সকাল সন্ধ্যা নরনারী হাজার হাজার—  
 স্নান পূজা জপ্ তপ্ সন্ধ্যা করে আর ।  
 কেউ বেড়ায়, কেউবা বসি—শোভা তার দেখে,  
 ফটো নিয়ে “মাসিকে” কেউ বর্ণনা তার লেখে ;  
 কেউবা জাহবী বক্ষে করেন নৌ-বিহার,  
 উর্ধ্বে চন্দ্র তারা—নিম্নে প্রদীপের হার !  
 দশাশ্বমেধেতেই অধিক সাধু ভক্তের হাট,  
 বাবুদের তৃপ্তি দেয় অহল্যার ঘাট ;  
 দেবাজ্ টান্লেই হাতে পান চুল ফেরাবার বদরদুস্,  
 নবাগত বাবু তেমনি চান্, মহাপদ্রুস্ ।  
 যাকে তাকে জিজ্ঞাসেন—“কোথায় থাকেন তঁারা ?  
 এফুনি দেখাটা চাই”—যেন’ বাজার সারা ।  
 অত্যাশ্চর্য্য অলৌকিক—কার্ কি গুণ আছে,  
 তাক্ লাগিয়ে দেবেন—বালি বন্ধুদের কাছে ।  
 ‘তঁারা’ যেন’ ইটপাটকেল্, যেথা সেথা পড়ি—  
 সর্ব্বক্ষণ পথে ঘাটে যান গড়াগড়ি ।



অনুরাগী কিস্বা দেখি গ্রহগ্রস্ত যঁরা—  
 সাধু ঘেসে দৃষ্টি বেলা বসেছেন তাঁরা ;  
 কোন রূপে ফাঁকিতালে হয় অভীষ্ট পূরণ—  
 সেই আশে দৃষ্টি বেলা ঘাটে হাজির হন ।  
 কেউ চায় এক নিমেষে দেখবে ভগবান্,  
 সস্তায় মেরে দেবে কিঞ্চিৎ, এই তার জ্ঞান ।  
 কেউ চায়, দেখিয়ে দ্যান্ স্বর্গে যাবার সিঁড়ি,—  
 তুড়ি মেরে চ'লে যায়, খেতে খেতে বিঁড়ি ।  
 কারো চেষ্টা, সোনা করবার বকাল্‌গ্দুলো শোনে,  
 ভক্ত হ'য়ে গর্দাড়ে মেরে বসে এক কোণে ;  
 কেউ চায় পরেশ পাথর,—ফঁাসাদে যায় কে ?  
 বোসে বোসে ঠাকালেই সোনা পাবে সে ।  
 কারো বা দ্বিদ্বেশাশ্রুতি—করেন আনা গোনা,—  
 কিসে নাৎনির ছেলে হবে—ইহাই প্রার্থনা !  
 বয়স এগারো হল আজও গর্ভ নাই,—  
 আবার না বিয়ে কোরে বসে নাৎ-জামাই ।  
 বিষয়ের লোভে—কেহ ফাঁকি দিতে পারে—  
 “হোত্তে” দিয়ে ব'সে থাকে সাধুদের দ্বারে ।  
 স্বামী বশ্ হয় কিসে তারো আর্জি আছে,  
 রোগ মন্থ হইবারে—কেহ ফিরে পাছে ।  
 এইরূপই মতলবেতে অধিকাংশের ম্যালা,  
 স্থানে স্থানে সাধুকাজে লেগে থাকে র্যালা ।  
 কেউ,—কাজ জোটে না ভবঘুরে—সাধুর কৃপা খোঁজে,—  
 হঠাৎ ধনী হবার আশে গাঁজার পয়সা গোঁজে ।  
 রক্ষ্ম-কেশ গোঁফের রেখা মাত্র দেখা যায়,  
 বিরাগী উদাসী যেন—গেরুয়া চাদর গায় ;  
 আজই যদি ঐশ্বর্যের পায় সে সম্মান,  
 অথবা উপায় মেলে হোতে ধনবান,—  
 রবে,—কোথায় গৈরিক বাস্ কোথা দীর্ঘ কেশ,  
 শিশু দিয়ে বাবাজী যাবে পোরে রাজবেশ ।

হতাশ-বৈরাগ্য আর অনটন দায়—  
চোন্দানা অভাব-সাধু কাশীতে বেড়ায় ।  
কুড়েমির এমন কেহ্না বড় শস্ত ভোলা,  
যেথা,—অন্নপূর্ণার রান্নাঘর চম্বিশ ঘণ্টা খোলা ।  
ভাল' যীরা ভালই আছেন, তাই আজও কাশী—  
হ'য়ে আছেন মহাক্ষেত্র তীর্থ অবিনাশী ।

---

### ফেরারের সন্ধান

পালানো ছেলের যদি করতে হয় খোঁজ—  
গঙ্গাতীরে বৈকালেতে এলে তিনটি রোজ,  
অথবা চায়ের আড্ডা, কিম্বা বাজার বেলা,  
নিঃসন্দেহ বাবাজীকে যাবে ধরে ফেলা ।

---

### অহল্যা-ঘাটের বত্রিশ সিংহাসন

বৈকালে অহল্যাঘাটে বেজায় মজলিস্—  
সপ্তমেতে চ'ড়ে যেন লড়িছে মহিষ ।  
কোন' প্রোট উচ্চ কণ্ঠে পড়েন “রাজলক্ষ্মী”  
বৃদ্ধেরা শোনে বসি—হ'য়ে গরুড় পক্ষী !  
শ্রীশঙ্কর, রামানুজ কিম্বা শ্রীচৈতন্য—  
সর্বদাই শরশিকত ইহাদের জন্য ;  
কার্লাইল্, এমারসন্, হক্সলী, টলস্টয়—  
এ ঘাটেতেই সকলের মনুডপাৎ হয় ।  
গল্প গল্প মকোন্দমা—বিষয়ের কথা,—  
নিন্দা আর সমালোচন, এই শব্দনি তথা ।  
নিষ্কর্ম্মারা বৈঠকে কার্ প'ড়ে এসে “ডেলি”

তারি বক্তৃতায় ঘাট গরম ক'রে ফেলি,—  
 ওয়েডার'বরণ কি ক'য়েছে—বাঁড়ুয্যে কি বলে,  
 এরোপ্লেন কতখানি—ক'মিনিটে চলে ;  
 নবশাখে কোমোর বেঁধে—পোর্টে গলায় দড়ি,  
 চিহ্ন তরে ব্রাহ্মণেরা বাঁধবে কাণে কর্দি ;  
 আজকাল 'সায়েন্স'র্ চরম উন্নতি,  
 অত্যাশ্চর্য আবিষ্কার হয়েছে সম্প্রতি,—  
 কাপাস্ তুলোর গোটাগাছ কলে ফেলে দিন্,  
 তিন সেকেন্ডে বেরিয়ে আস্বে ঢাকাই মসলিন্ ।  
 দধি খেলে মানুষেরা অমর হবে সব,  
 চড্ চড্ বেড়ে যাবে গয়লার বিভব ;  
 গোবধ প্রথাটা তখন আপনি হবে ক্ষীণ,  
 আর কোন চিন্তা নাই, নিকট সে দিন ।  
 সিগ্জার্, ট্যাব্, থ্রীকাসেল্ আদি সিগারেট্,  
 বড়ই বেড়ে গেছে তাদের প্যাকেটের রেট্ ।  
 ভারতেতে এক ভাষা শীঘ্র হ'য়ে যাবে,  
 গালাগালি বন্ধুতে কেহ—কষ্ট নাহি পাবে ।  
 খাঁটি ও বিশুদ্ধ বাংলায়—“বীণাপাণি বধ”—  
 মহাকাব্য নিখবেন নাকি বঙ্গ-পরিষৎ ।  
 এলা'বাদ্ “এক্জিবিসনে” গিছলো গহ্বরজান,—  
 তাতে খুবই বেড়ে গেছে—বাংলা দেশের মান ।  
 ইত্যাদি ইত্যাদি যাহা পুঁজি যার আছে,  
 চতুর্দিকে বক্তারা কন্ শ্রোতাদের কাছে ।  
 ঘেটোকুমীর সম এ'দের নিত্য আবির্ভাব,  
 বিজ্ঞ সেজে' বোল্-চালেতে লোক জোটানই লাভ ।  
 বৈকালেতে আলো করেন বহিষ্-সিংহাসন,  
 মধ্যখানে বসেন—যিনি বেদব্যাস হন ।  
 অহল্যা ঘাটের এই আজব্-তক'বেদী—  
 কনাদ্ কপিলের দেয়—নাক্ কান ছেদি' !  
 অপড়া পণ্ডিতের মূখে শাস্ত্র নাড়া চাড়া,

যেন,—বেনের হাতে বেদান্ত আর ধোপার হাতে খাঁড়া ।  
 উকিমেরে যায় কেউ, কেউ শূনে হাসে,  
 বাস্তব হ'য়ে যোগ দিতে, কেউ ভালবাসে ।  
 কেউবা সহিতে নারি—তর্ক দেন জুড়ে,  
 উচ্চ কণ্ঠে বক্তা দেন—ইংরেজিতে তুড়ে ।  
 এরাই দেখি অনাহৃত কাশীর “রিফর্মার”,  
 জ্যেষ্ঠ বা সাধু পণ্ডিতের নানিক নিস্তার ।  
 যতই কেন ন্যায্য আর সত্য কথা হয়,—  
 অবাস্তুর আলোচনার কাশীর ঘাট নয় ।  
 জীবনটা কাটিয়েছে যারা—আফিসের কাজ ঘেঁটে,—  
 ঘাটে বোসে আজো তার—মরে জাব'র কেটে ।  
 কেউ বলে—“প'চিশখানা রিটার্ন—এক দিনে—  
 কর্নক্ দিকি পেশ্ কে পারে—এই শর্ম্মা বিনে ?  
 মদ'দেখে আর দেড়শো টাকা—দিত' নাক' সরকার,  
 সে কাজেতে তিনজন লোক—হয়েছে এখন দরকার ।”  
 কেউ বলে—“এক দিনেতে সাইন্টিশ হাজার কামাই,  
 সাহেবের ডানহাত ছিলদুর্ম,—কণ্ট্রাক্টর জামাই ।  
 যা ক'রেছি তাই হ'য়েছে,—পোল্কে পোল্ গাপ,—  
 পাস্ করিয়ে নিলদুর্ম বিল্—দেখিয়ে শূদ্ধ মাপ্ ।”  
 যার যেমন সংস্কার—তার তেমন টেকুর ;—  
 কাশীর ঘাটে বোসেও তাই—বোকে যায় বে-সুদর ।  
 নিরীহ ব্রাহ্মণে করে সম্বাদি বন্দন,  
 তাঁদের কিস্তু হ'তে হয় বড় জ্বালাতন ।  
 হিন্দুর ছেলে, বাজে কথায় তর্ক করে কিস,  
 ভক্ত মদসলমানেও ঘাটে—মালা জপে বসি ।  
 ফুলবাগানের মালিরাও সব, রুচি বদ্বন্ধে নেছে,—  
 ফুলের তোড়া, “বটন ফ্লাওয়ার” ঘাটে এসে বেছে ।  
 কুল্পির বরফ, চপ্ চেনাচুর—হেঁকে যায় ঘাটে,  
 বদ্বন্ধে নিতে হবে তায়,—তাদেরও মাল্ কাটে ।

## খেড়ে-রোগ

চিরকালটা বিলাসিতা ছিলেন যাঁরা ভুলে,—  
 মোরতে কাশী এসে—এখন কলপ্ লাগান্ চুলে !  
 না খেয়ে না পোরে যাঁরা—জমিয়ে ছিলেন টাকা,—  
 দেশ্ ছেড়ে এখানে এসে গজায় তাঁদের পাখা ।  
 দেখে শূনে, ডেঁচটট্ হাজির্—হ'চ্ছে দাঁত বাঁধা,  
 হাড় চিবিয়ে মাংস খাবার—নাইক' আর বাধা ।  
 হেয়ার-কাটার কাটছে চুল ইলেক্‌টিক্ লাইটে,  
 শেঁভিং, স্যাম্পুইং চলে, অনেকের “নাইটে” ।  
 কেউবা কোন' উপায়ে—পরের ধনের মালিক—  
 হঠাৎ দেখে নষ্ট চন্দ্র, দৃষ্ট হরিতালিক্ ।  
 দেশে ছিল সমাজ ভয়ে অসম্ভব যেটা,—  
 এখানেতে অনায়াস-সাধ্য হয় সেটা ।  
 কেবা খোঁজ রাখে হেথা—কাহার হিঁসালী,  
 দেশে হ'লে বালকেরা দিত করতালি ।  
 দেশের সৈন্য ভাবেনা কেউ একটি দিনের তরে,  
 ঘরের কড়ি এনে হেথা—লুটান্ অকাতরে ।  
 মদুখন্দ হ'লে দদুখন্দ তায় ছিলনাক' কিছদ,  
 অনেকেই তাঁদের মধ্যে শিক্ষায় নন্ নীচু ।  
 কারো আছে বাঁধা আয়, দেশ লাগেনা ভাল'  
 ধস্মের দোহাই দিয়ে হেথা, কাশী ক'রছেন আলো ।  
 হংস মধ্যে বক' যথা, থাকতে হয় সেথা,  
 বিদেশেতে অনায়াসে—হওয়া যায় নেতা ।  
 কেউ বা বলেন বিদ্যাসাগর—ছিলেন আমার অমদক,  
 কেহ বলেন মিথিলাতে—ভেসেছিলাম ধনদক,  
 ভাঙুন কিম্বা ডিঙুন—তাতে নাইকো কারো ক্ষতি,  
 অভাগা দেশের কেন বাড়ান্ দদুগতি ?  
 টাকা গুলোর সদ্যবহার করেন যদি দেশে—  
 আত্মীয়েরা ফেরে না আর—চোখের জলে ভেসে ।

## পেন্সনার ও বিপত্নীকের

### পিঁজরাপোল

পেন্সনার আর বিপত্নীকের পিঁজরাপোলের মত—  
 কাশীধামের অনেক অংশই—হ’চ্ছে পরিণত ।  
 বিপত্নীক কাশী এলে—থাকেন শূন্য বৈশ,—  
 অনেকেরই ভুগতে হয় না—অনেক রকম ক্লেশ ।  
 বেশ্যারাও এখন দেখি—বয়স গেলে পর—  
 দেশ ছেড়ে এখানে এসে, ক’র’তে ভরস্কার ।  
 অভাগা বাঙ্গালীর টাকা—আসছে হেথা ভেসে,  
 ন-দেবায় ন-ধর্ম্মায়—ভুবতেছে বিদেশে !  
 বিরাগ ভরে বিলাস ছেড়ে—আসেন কাশীধাম ;—  
 এমন ভক্তের করি সহস্র প্রণাম ।

---

### সংক্রামক বাই

সম্প্রতি এই দেখতে পাই—সংক্রামক হ’য়ে—  
 বাড়ী করা বাইটা ক্রমে, বোস্‌চে আসন ল’য়ে—  
 বাঙালীর মাথার মধ্যে,—প্রবল বেগ ধরি,—  
 বাপ পিতামোর ভিটেটার অন্তর্জ্বলি করি ।  
 বাইরে কিন্তু সবাই ভক্ত,—গোলে যান শূন্য—  
 গ্রামোফোনে ডি, এল, রায়ের—“আমার জন্মভূমি” ।  
 যে আসে এখানে, তারই চেগে ওঠে বাই,—  
 যত টাকা লাগুক্‌না—বাড়ী করা চাই ।  
 গন্ধ না পেতেই জোটে দালালের দল,  
 বাবু ঘোরেন সঙ্গে তার—ছেড়ে অন জল ।  
 যেখানে বেড়াতে যাই—যেদিকেই ভ্রমি,—  
 পাড়ার লোকে ডেকে সন্ধ্যায়—“বাড়ী চাই, না ভ্রমি ?”  
 বাঙালী পেলে যে তারা—আর কারেও না চায়,  
 বেশ বোঝে—চতুর্দর্শ হইবে আদায় ।

জানে তারা—এরা শব্দ বাড়ীর খোঁজেই আসে,—  
গলা বাড়িয়ে আমাদেরই ফাঁশ্ কলেতে ফাঁশে !

---

“কাশীর পথ্ না “ক্রাইভ ষ্ট্রীটে”—এসে প’ড়লুম ভুলে’ ?  
 থোম্কে লোক চোম্কে ভাবে,—সটান্ মাথা তুলে ।  
 সৌধ চুড়া দেখতে বড়ার—ভাংতে পারে খাড়্,  
 বৃক্ষদের মেরুদণ্ডে—পোড়বে বিষম্ চাড়্ ।  
 অনভ্যস্ত গে’ও লোক্—তীর্থ ক’রতে এসে—  
 একা চাপা, না হয় যাবে—ষাঁড়ের শিংয়ে ফেঁশে ।  
 বছরে এক আশ্ বার কেহ—আস্বেন হাওয়া খেতে,  
 পোশাকি-আসবাব্ একটা—রাখ্ছেন তাই গেঁথে ।  
 বড় বড় বোনেদ্ গেঁথে—তুলতেছে সব বাড়ী,—  
 উঠছে তারা বিশ্বনাথের স্বর্ণচুড়া ছাড়ি ।  
 ইঞ্জিনিয়ার কন্ট্রাক্টার—জুট্চেন্ সব এসে,  
 বাবু কেবল “অর্ডার” দিয়ে—চ’লে যাচ্ছেন দেশে ।  
 মাঝে মাঝে দেখতে পাবেন—প্রকাণ্ড সব বাটী,—  
 জায়গা জুড়ে পোড়ে আছে—দখল্ ক’রে মাটি ।  
 কর্তাদের আর খবর নেই,—কখন’ কেউ আসে,—  
 দরোয়ানটা বোসে বোসে—মাইনেটা নেয় মাসে ।  
 আয়েস্টা তার ভোগ করে সেই—ভাগ্যবান দ্বারী,  
 এমন চাকরী জ্যোটেঁন তার—মথুরাটা ছাড়ি ।  
 কাপ্তেন্ পেলৈ ভাড়াও দেয়,—মওকা যেমন দ্যাখে,—  
 বাবুদের তার খোঁজ নেই,—গোঁজে সেটা ট্যাঁকে ।  
 এত টাকার কবর্ গেঁথে—কোর্চেন কাশী পাকা,  
 নিজেদের জন্মভূমি—হ’য়ে পোড়্চে ফাঁকা ।  
 কলকাতাতেও রাখেন একটা সখের আস্থানা,  
 পল্লীবাসে কে যোগাবে “পেলোটর” থানা ।  
 “সুজলাং সুফলাং মলয়জ শীতলাং”—কেবল মন্থের কথা,  
 “বেশ্ লিখেচে” বলার বেশী—নাইক’ মাথা ব্যথা ।

---

গ্রহণেচ কাশী

চিরদিনই শোনা ছিল—“গ্রহণেচ কাশী”  
 স্বচক্ষে তার প্রভাব আজ দেখলাম হেথা আসি ।  
 বিস্ময়-স্তম্ভিত হয়ে সেই দৃশ্য দেখে,—  
 আপনি উচ্ছ্বসি উঠে—সুৰু প্রাণ থেকে—  
 —“একি কান্ড ওহে নাথ ব্রহ্মাণ্ডের স্বামী,  
 গ্রহণে করিতে ম্লান আসিয়াছ নামি ।  
 কত রূপে কত ভাবে, কত ক্লেশ সয়ে,—  
 একি মেলা একি খেলা, এত রূপ হয়ে ।  
 দখী ধনী, রোগী ভোগী, অন্ধ খঞ্জ রূপ,  
 এ লীলা কিসের লাগি ওহে বিশ্বভূপ ?  
 কারো দেহে সাধু, কাহে লম্পট তস্কর,  
 কারো মাঝে নরহত্যা নিষ্ঠুর শবর ।  
 কেবা চন্দ্র সূর্য্য গ্রহ, কেবা রাহু তার,  
 কে পুণ্য সলিলা গঙ্গে, এ ম্লানই বা কার ?  
 দাতা হয়ে কর দান, ভিক্ষু হয়ে লও,  
 ক্রেতা হয়ে কেনো সব, মদুটে হয়ে বও ।  
 জন্মাও আবার মর, মাতা হয়ে কাঁদো,  
 পত্নী হয়ে কত ক’রে এ সংসার বাঁধো ।  
 পুত্র হয়ে মাতৃকোলে কর স্তন পান,  
 মাতা হয়ে পুত্র লয়ে কর স্তন দান ।  
 পতি পত্নী সবই তুমি, তব এ সংসার,—  
 বিধবা হইয়া নিজে দেখগো আঁধার ।  
 একি লীলা কি প্রপঞ্চ হৃদয়ের ভূপ-  
 এই কি তোমার সেই মহা “বিশ্বরূপ ?”  
 সবেতেই আজ তোমা ওহে বিশ্বনাথ,  
 হৃদয় আমার করে শত প্রণিপাত ।



# কান্দীর-কিণীং

২য় দফা

শ্রীশ্রীরামকৃষ্ণ সেবাশ্রম

রামকৃষ্ণ সেবাশ্রম, পদ্য অনূষ্ঠান —  
অসহায় রোগীদের করে শান্তিদান ।  
ধন্য সে মহাপদ্রুষ, ধন্য সেবক যত—  
নিঃস্বার্থ ভাবেতে যাঁরা নর-সেবা-রত ।  
বিরাগী সেবক—আত্মসদৃখে “তুচ্ছ” বোলে—  
রোগী আর দ্রুমে তুলে নিয়েছেন কোলে ।  
ভিক্ষা করি অন্যে সদৃখ দিতে চান যাঁরা,  
অনাথের মাতৃসম হ’তেছেন তাঁরা ।  
দেশ কিন্তু মদন্তহস্ত আজও তাহে নন্,  
যক্ষ সম কপল্লদ’কও আঁকুড়িয়া রন্ ।  
ইচ্ছামত’ সেবা, তায়—সম্ভব নয় কভু ;  
এ কাজেও নিন্দা থেকে—রেহাই নাই তবু !  
প্রয়োজন মত’ “ওয়াড” —বাড়্চে ধীরে ধীরে ;  
সমর্থেরা যথাসাধ্য—চান্ যদি ফিরে,  
তবেই সার্থক হয়—এ সব প্রতিষ্ঠান,  
সাধারণের সাহায্যই—এ-সবার প্রাণ ।  
তীর্থ’ এসে, যৎকিণ্—এতেও দিয়ে গেলে,—  
সেবিতের আশীর্বাদ—নিশ্চয়ই তায় মেলে ;

কৈদারেশ্বর, চারুচন্দ্রের প্রাণান্ত চেষ্টায়,  
দ্রুস্দের আত্মজ্ঞানে একান্ত সেবায়,  
ধীরে ধীরে ঠাকুরের এই প্রতিষ্ঠান

তীর্থে আজ পরিণত—কীর্ত্তি সন্মহান ।  
 চন্দ্র মহারাজ এর ছিলেন ভার নিয়ে,—  
 বাতে পঙ্গু কস্মীবীর গেছেন প্রাণ দিয়ে ।  
 মহারাজের শেষ কাজ ঠাকুর মন্দির  
 সঙ্কল্প সম্পূর্ণ করি রাখেন শরীর ।  
 অবৈত আশ্রম আর সেবাশ্রম দুই  
 সবার নমস্য আজ করেছে এ ভূই ।

### সারনাথ

সদা আগমন হেথা, রাজ-রাজডার,—  
 সম্পাদক সাহিত্যিক নাট্যাচার্য আর ।  
 শিক্ষিতের হুড়াহুড়ি করিতে সাক্ষাৎ—  
 অশোকের মহাকীর্ত্তি—তীর্থ সারনাথ ।  
 সে অশ্রুত কীর্ত্তিস্তম্ভ—অতীতের স্মৃতি—  
 হৃদয়ে জাগায় আজ শত শোক গীতি ।  
 সরকারের শ্রুভদৃষ্টি আকর্ষণ করি—  
 পঙ্গু সম উঠিতেছে,—শ্বেত-হস্ত ধরি ।  
 ভূগর্ভ সমাধি ত্যজি—ভাবে, কোথা এন,—  
 হায়—কেন হই নাই ধূলি সাথে রেণু ।—  
 কুতূহলী দর্শকের ক্রীড়নক হ'য়ে—  
 তাহাদের মিথ্যাময়ী অনুমান সোয়ে—  
 মূর্খেরও বহিতে হবে অঙ্কুর নিম্বেদন,  
 হা অমিত ! ভাগ্যে কি গো এই ছিলো শেষ ?  
 কে বদ্বিবে সে যুগের—সে মহাপ্রাণতা,—  
 সে কি হ'তে পারে কভু—ইতিবৃত্ত কথা ?  
 বিদেশী “টুরিস্ট” কিম্বা—শাসালো কেউ এলে,—  
 দেখাবার বোঝাবার—‘গাইড’ তাঁদের মেলে ।  
 প্রায়ই তারা মদসলমান—কান্দাটা দরস্ত,

সার্টিফিকেটের তারা—তাড়াও রাখে মস্ত !  
 প্রশ্নের উত্তরে তারা—সাক্ষাৎ ‘জ্যাড্‌কীল্’,  
 অধিকাংশই অন্ধকারে—ছ’দুড়ে থাকে ঢিল্ !  
 ঐতিহ্যের পুরো ঐরি,—কুড়িয়ে পাওয়া এলেম্,  
 ইতিহাস শিউরে ভাবে—একেবারেই গেলেম্ !  
 ঘরে ফিরে, বই লেখেন কেউ—সেই সব ‘নোট্’ লয়ে,  
 ভারতের অভিজ্ঞতায়—‘অ্যারিস্টটল্’ হ’য়ে !  
 অভিজ্ঞ শিক্ষিতে যদি—করেন এই কাজ,  
 দেশ-বিদেশে ভারতের লাঘব হয় লাজ !  
 মাত্র কিছ্‌দু কিছ্‌দু তার হ’য়েছে উদ্ধার,—  
 ভূগর্ভে বিন্দুপু আজও—তেহাই তাহার ।  
 লব্ধ শিল্পাদি কিছ্‌দু প্রদর্শনী ঘরে—  
 রক্ষিত হয়েছে যত্নে—দর্শকের তরে ।

জাপাণির গদরুগৃহ—তাদের দৃষ্টি পড়ে  
 দেখিবার মত কীৰ্ত্তি উঠিতেছে গড়ে ।  
 এঁরাই যদি করেন কিছ্‌দু তবেই আশা হয়  
 “অতীত” ভূগর্ভে ত্যাজি হবেন উদয় ।  
 আমরা দেখে “বাহবা দেবো” যেটা মোদের প’দুজি,  
 অপরেতে কোরে দেবে সেইটাই বেশ বদুঝি ।  
 বহুদিন পরাধীন থাকলেই এটা হয়,  
 স্বর্ষ্যই এই নিয়ম দোষের কিছ্‌দু নয় ।  
 কতই এমন পোড়ে আছে ভারতবর্ষ জুড়ে  
 সমাধি-উদ্ধার তার কে করবে খ’দুড়ে ।  
 কার এতো মাথা ব্যাথা, অর্থ-ই বা কোথা,  
 বেশ আছেন সমাধিস্থ—থাকুন তাঁরা পোতা ।

## মানমন্দির

মানমন্দির—নাম মাত্রে হ'য়ে পরিণত—  
 সাক্ষ্য দিচ্ছে—কি ছিল আর, কি হয়েছে গত ।  
 মান হারিয়ে “মান-মন্দির” নামটি নিয়ে স্থিতি,  
 খেতাবী রাজার মত পোশাক পরেই প্রীতি ।  
 রাজাদের কীর্ত্তি এসব ছিলেন যাঁরা মহৎ  
 “ট্রিটর” দোহাই দিয়ে এখন কাটে তাঁদের বখৎ ।  
 হঠাৎ দেখলে মনে হয়—গুদোম্ আর বাসা,—  
 অমার্জিত অবজ্ঞাত—আবজ্ঞা না ঠাসা ।  
 কয়েকটি বিদ্যার্থী হেথা—থাক্তে পান স্থান,  
 লাভের মধ্যে এইটুকুই—দেখি বস্তুমান ।  
 থাকেন যদি অভিজ্ঞ কেউ—জ্যোতির্বিদ হেথা,  
 বোঝেন্ বোঝান্ হ'য়ে এই—রেখাক্ষের নেতা,  
 উল্কাঝুখে পাষণদ্রুদে—পোড়ে অর্থহীন—  
 নীরবে অবজ্ঞা বহি—কাটেনা এর দিন ।  
 এত বড় কীর্ত্তিটার—এই অসম্মান—  
 আমাদের অভাগোর—দৃষ্টান্ত মহান্ ।  
 কোনো যুগে যদি কভু ভক্ত এর জোটে,—  
 আবার সে সগোরবে খাড়া হ'য়ে ওঠে ।  
 মাত্র এখন পোড়ে আছে—অতীত গোরব,  
 কখনো কেউ দৃষ্টা জোটে—বোঝেনা সৌরভ ।  
 কল্জনের কেরামতি, নেক-নজরে আর—  
 হ'য়েছে সে পূর্ব্ব কীর্ত্তির কিছদ্ পঙ্কোদ্ধার ।

## হিন্দু ইউনিভার্সিটি

দেব-দেবী দর্শনাস্তে—পূণ্য ক্ষেত্রের পরিচয়—  
 পারেন, যদি দেখে আসেন “হিন্দু বিশ্ববিদ্যালয়” ।

জাহ্নবীর তটভূমে এই প্রতিষ্ঠান,  
 বীণাপাণির রাজ্য যেন হয়ে মূর্ত্তিমান  
 বিদ্যা বিতরণে সদা আনন্দ চঞ্চল,  
 অসংখ্য বিদ্যার্থী যথা লভে ইষ্টফল ।  
 বিরোট সব সৌধমালা—দৃশ্য কি সুন্দর !  
 জ্ঞানের ভাণ্ডার খুলি সদাই তৎপর  
 মানব গঠনে সুধী সাধনায় রত  
 বিবিধ বিভাগে বিদ্যা দানেন সতত ।  
 সাত মাইল স্থান জুড়ি সপ্ত স্বর্গ সম  
 বাণীর সদনগুণি মনে হয় মম ।  
 ভবিষ্য আশার বীজ হতেছে বপন,  
 ভারতের চিরারাম সর্ব শ্রেষ্ঠ ধন ।  
 এ বিরোট মহাকীর্তি একের চেষ্টায়  
 হতে যে পারে কখনো দুঃস্থ দেশটায়,—  
 স্বপ্ন সম ছিল যাহা, সত্যে পরিণত  
 করেছেন “মালবীজি” । এবে দিন গত,  
 সাধনে বিরাম নাই, কি অধ্যবসায়,  
 ব্রাহ্মণের চির বৃত্তি কেবলি ভিক্ষায় ।  
 এ আদর্শ স্বর্ণাঙ্করে সুউজ্জ্বল রবে  
 বিজয় পতাকা সম অসীম গৌরবে ।

### ভারত-মাতার মন্দির

উঠেছে “মাতৃ-মন্দির”, দেখে যেও গুণী,  
 সে এক অপূর্ব বস্তু,—দেখি নাই শূন্য ।  
 একটি মাত্র ভক্তের দীর্ঘ সাধনায়  
 বিজ্ঞান-সম্মত অভিনব প্রতিমায়  
 “ভারত মাতার” রূপ করি প্রতিষ্ঠিত

সাধনা সফল এবে ভক্তের চিত ।  
সহস্র শিক্ষিতে দেখি গদুণ গায় তার  
এমন কীর্ত্তির পদে করি নমস্কার ।

---

### ভারত-ধর্ম মহামণ্ডল

এটি একটি এমন ধারা বৃহত্তর কাণ্ড—  
ইচ্ছা আর উদ্দেশ্যেই—উব্চে গেছে ভাণ্ড ।  
“ভারত-ধর্ম্মে” বাঁচিয়ে রাখতে আছে এঁদের মন্টা,  
শূন্যতে পাই লোক নাই, গলায় বাঁধে ঘণ্টা ।  
সামর্থ্য আর সঙ্কল্পেতে খাটেনাক’ খাপ্,  
কাজেই সেগদুলো বিষম হয়েছে বদুচ্চাপ্ ।  
অতিকায় অজগর, কষ্টে নড়ন্ চড়ন্,—  
আপনার ভারেতেই আপনি জখম্ ।  
যে সন্ন্যাসী, এ বিপুল দেহমধ্যে, প্রাণ,  
ইচ্ছা, যত্ন, চেষ্টা তাঁর অবশ্য মহান্,  
ত্যাগ শ্রম উদ্যমের নাহি তাঁর সীমা—  
উজ্জীবিত করিবারে—হিন্দুর গরিমা ।  
কিন্তু এত বড় কাজ—একের সাধ্য নয়,—  
আরো এতে চাই বহু—যোগ্য মহোদয়,—  
কর্ম্মী ধর্ম্মী শাস্ত্রদর্শী মহা মহা রথী—  
প্রত্যেক শাখার ভার নিলে,—এর গতি—  
নিশ্চয় উদ্দেশ্য-পথে—চলে অবহেলে—  
বর্ত্তমান বাধা বিঘ্ন অন্তরায় ঠেলে ।  
তবু বহু শূন্যকার্য্য হ’ছে এঁদের দ্বারা,  
সঙ্কল্প প্রকাণ্ড ব’লে—অল্প ঠ্যাঁকে তারা ।

---

## শালগ্রামের কাশীবাস

ইংরিজি আর চাকরির চোটে, মোদের,

টাইটিক শালগ্রাম্—

পূজার নামে, ক্রমে যখন—ছোটালো কালঘাম্,—

সঁপি তাঁদের গঙ্গাগর্ভে—কিংবা দেবালয়ে,—

হাঁপটা ছেড়ে বাঁচলুম যেন—ঝাড়া হাত-পা হ'য়ে ;

গরুর মত পোষানি দে'—পূরত বাড়ী কেহ,—

ভদ্র-চালে পাপ তাড়িয়ে—শুদ্ধ ক'রলেন দেহ ।

হেন 'বয়কটে'র যুগে—ব্রাহ্মণ এক্ দেখি,

“শালগ্রামশিলা” গলায় বেঁধে উপস্থিত, একি !

পিতা মাতায় কাশীবাস করান্ ভাগ্যবান,

কেহবা পঙ্কীর রোষে, পেতে পরিচাণ ।

কিস্তু এই ব্রাহ্মণের—জ্বর দেখি নিষ্ঠা,

বিশ্বনাথের পথে তিনি করিলা প্রতিষ্ঠা,—

“লক্ষ্মীনারায়ণশিলা”—বাংলা থেকে এনে ;

ভক্তদের এ কথাটা—রাখা ভাল জেনে ।

এ খবরটা কাশীখণ্ডের—খ'তেনেতে নাই,

“নিউ এড্‌মিসন্” নোট্ করলুম্—প্রণাম ক'রে তাই

## মহাজন

## তুলসীদাস প্রভৃতি

কাশীতেই কতই কীর্তি কে করিবে সীমা,

কেহ সংগোপনে কেহ প্রকাশে মহিমা ।

চির পূজ্য তুলসীদাস যার 'রামায়ণ',

অতুল গৌরব যার বিদিত ভুবন,

চাষী, মদুটে হতে যাহা বাল বৃদ্ধ নারী

হিন্দুদের কণ্ঠে রাজে পশ্চিমে সবারি,

কাশীর জাহ্নবী কুলে যে ঘাটেতে বসি  
 গৌসায়ের প্রাণধারা প্রকাশে উচ্ছ্বসি,  
 সে কুটীর হস্বে আছে চির স্মরণীয়  
 স্মৃতি তাঁর আছে সেথা, ভক্তেরা দেখিয়ো ।  
 আজ কাল অনেকের—জন্মমৃত্যুর অন্তান  
 বর্ষে বর্ষে দেখতে পাই,—বড় দুঃখ সহিত প্রাণ  
 না পেয়ে এ মহাজনের কোনো সাড়া শব্দ,  
 এত দিনে আসছে কানে হয়েছে আরম্ভ  
 উৎসবের আয়োজন । “মেলা” বসাও চাই  
 এ দেশের প্রথা সেটা,—বোঝেও সবাই ।  
 কবীরের ‘চৌ’রা আছে, ‘ভাস্কর’ \* মন্দির,  
 গ্লৈলিঙ্গ স্বামীর মাত্র আছে গঙ্গাতীর ।  
 এঁরা হন সকলেই স্নানামেতে খন্য,  
 এঁদের তরে কিছুই দরকার নাই অন্য ।  
 তবু এটা বলতে হয়—যুগ যে সেটা চায়,  
 মার্কামারা ‘মেমোরিয়েল্’—মান্ নাকি বাড়ায় ।  
 বলি কেবল—ভক্তদেরও কষ্টব্য ত’ থাকে,  
 নব্য প্রথা রক্ষা হবে—সম্মান দিলে তাঁকে ।

রয়ে গেল বাঁদের কথা তাঁদের ক্ষমা চাই,  
 সবার কথা এ অধমের বিশেষ জানা নাই ।

### ধর্মশালা

ধর্মশালা প্রতিষ্ঠাটি মাড়োয়ারীদের প্রধান ধর্ম,  
 তীর্থ ক্ষেত্রে বিশেষ করি এইটি তাঁদের মহৎ কর্ম ।  
 তা ছাড়াও বহু স্থানে এটি তাঁরা করে থাকেন,

\* ভাস্করানন্দ স্বামীর মন্দির ।



বড় বড় ধনী তাঁদের—এ কাজে না কুণ্ঠা রাখেন ।  
 বিদেশে বিড়ুয়ে যাত্রীর কি অভাব যে মেটে তায়  
 সেই জানে ভালো মতে যে কভু ঠেকেছে দায় ।  
 তীর্থস্থানে বাঙালির বহু কীর্তি দেখতে পাই  
 ধর্মশালার নাম শুনিনি দেখেছি “চাঁট, সরাই” ।  
 বড় বড় জমিদারের ছিল দেশে সদাৱত,  
 থাকে যদি নামে আছে সে কীর্তিও ক্রমে গত ।  
 তাঁরাই ছিলেন দেশের রাজা—দেশের শোভা দেশের প্রাণ,  
 কলকেতার হাওয়া লেগে গ্রাহি গ্রাহি এখন জান ।  
 তবুও কি নেশা কাটে—চোরঙ্গ চেপেছে মাথায়,  
 ঠাট্ বজায় অনেকের চলে—খং লিখে আর কজ্জ খাতায় ।  
 কি ছিল আর কি হোলো দেশ পল্লীলক্ষ্মী ছেড়ে এসে,  
 কারে দুঃখ জানায় প্রজা,—মা-বাপ্ আর নাইকো দেশে !  
 তাইতো আজ রব উঠেছে—“বিদায় করো জমিদার,  
 মাঝখানেতে তাদের রেখে হতেছে কোন্ উপকার ?”  
 হেন কালে উদয় হয়ে বঙ্গবাসী মহাপ্রাণ  
 বাঙালির কণ্ঠ দেখে যাত্রীদের দিতে স্থান,  
 অসহায় বাঙালিদের মেটে যাতে বিপন্নতা  
 স্বেপার্জিত ধনের তাঁরা করি সার্থকতা  
 কাশীতে প্রতিষ্ঠা করি দেছেন ধর্মশালা,  
 তাতে এখন অনেকের ঘুচেছে সে জ্বালা ।  
 স্বনামধন্য মহেশ ভট্ট, পাঁড়ে মনমোহন  
 এসব কীর্তির কণ্ঠা তাঁরা—সবার আশীষ ভাজন ।

শুনিতোছি—ধর্মপ্রাণ—আর এক বাঙালী  
 ‘এড্‌ভোকেট্’ ছিলেন তিনি,—বৈরাগ্য কাঙালী ।—  
 সাধুসঙ্গ করেন, বেড়ান্ তীর্থে তীর্থে ঘুরি,  
 উপনীত হ’য়ে শেষে—শ্রীধ্বারকাপদুরী—  
 দেখি সেথা যাত্রীদের থাকার কণ্ঠ অতি,—  
 যথা সম্ভব যতটা হয়—ঘুচাতে দুর্গতি,

প্রশস্ত এক ধর্মশালা করে' বেছেন তিনি ;  
নমস্কার সে মহাপ্রাণে—দ্বাতা এর যিনি ।

### অন্নকুট

“অন্নকুট” মস্ত কথা—অন্নপূর্ণার ঐশ্বর্য্য,  
জীব-জগতের প্রাণ বীজ, যার তরে সব অধৈর্য্য ।  
উদরের যা প্রধান দাবী—জগৎ যাতে সচল,  
থেমে যেতো সকল কাজ—জড়ের মত অচল  
স্থানু হয়ে থাকতো সবাই । ক্ষুধাই তাকে নড়ায়,  
পেটের তরেই ঘোরে সব,—কর্ম্মসূত্রে জড়ায় ।  
মায়ের অন্নকুটে তাই—এতো লোক আসে,  
দর্শনে, গ্রহণে শ্রুতি—অন্নকষ্ট নাশে ।  
জীবন বীমা যেমন কতক শাস্তির উপায়,  
মায়ের স্থানে “অন্ন বীমা” সবাই কোরে যায় ।  
বিশ্বাসীর কাছে তার ফল থাকে বাঁধা,—  
মনে শাস্তি নিয়ে ফেরে,—দ্বিধা ক্ষেত্রেই ধাঁধা ।  
সহস্র নয় লক্ষ লোকের অঙ্গাঙ্গী জনতা  
ভিড়ের মাঝে পেষাপিষ, কুলবধু তথা  
অশীতিপর বৃদ্ধা আছেন—তরুণী ষোড়শী,  
কাঁধে কাঁধে শিশু লয়ে চলেছে রূপসী ।  
ঢুকে যে পড়েছে সেই স্রোতে একবার,—  
অঘটনে—ফেরবার পথ থাকেনাকো তার ।  
সঙ্গে কর্ত্তা পাইক লক্ষকর—থাকেন যে যেথায়  
সহায় হবার পথ নাই—সুধাই হয় হয় !  
সিদ্ধি-গম্বী, মূর্ছা কারো, কারো যায় গয়না,  
কাপড়খানা খসে গেলেও—কোনো উপায় হয়না ।  
তবু লক্ষ লোক আসে, অন্ন-দেবী টানে,  
বিশ্বাসী হিন্দুর প্রাণ—বাধা নাই মানে ।

## ছত্র

অনেক্ ছত্রই, ছত্র ধরেন আত্মীয় স্বজনে,—  
 বাজার গদজব এইরূপ,—অনেকেই ভণে ;  
 ভালবাসার-লোক আর বেকারের পেটে—  
 লোকে বলে—ছত্রের সার হয়েছে এক-চেটে ।  
 দেশ হ'তে আসে যখন—চেনা পঙ্কপাল,  
 মধুপদুরীর লোক আর আছে যার মাল্—  
 তখন ছত্রের অন্ন পায়না বাজে লোকে,  
 ধাল্ ধাল্ ক্রমে গিয়ে তাদের বাসায় ঢোকে ।  
 পরিচিত কেহ আছেন—পান্ পেনসন্,  
 ছত্রে কিন্তু বাঁধা তার নিত্য নিমন্ত্রণ ।  
 যাদের তরে ছত্র, তাদের অল্পই সাক্ষাৎ,  
 বেগতিক দেখে তারা—ফিরেচে পশ্চাৎ ।  
 মহতের প্রতিষ্ঠিত পদ্য-কীর্ত্তিধাম্—  
 ভূতে পেয়ে, এখন শূন্য এই পরিণাম ।  
 সম্পূর্ণ এ অপবাদ সত্য নাই হবে,  
 হয় না বিশ্বাস তাই এই জনরবে ।  
 বোধ হয়, থাকতে পারে সেথা এমন চাকর দাসী—  
 চোকে ধুলো দেয়,—এলে বোনপো কিম্বা মাসী ।  
 রাঁধে যারা, তাদেরও ত' আছে পাটরাগী,  
 সম্ভব তাদের বাড়ী—হয় কিছু আমদানী ;  
 বেচতেও পারে গোপনে,—আছে বাঁধা ঘর,  
 হাসেন মন্দিরে বসি একা বিশ্বেশ্বর ।  
 জালছেঁড়া আর পোলাভাঙ্গা, বকেয়া ঘুঘু-ঘারা,—  
 নাম-লেখান ভোক্তার মধ্যে প্রায়ই থাকে তারা ।  
 পয়সা ভিক্ষে করে আর ছত্রে তারা খায়,  
 আবগারী আর আরের নিলে সময়টা কাটায় ।  
 অনেকগুলি ছত্র হেথা পূর্ব্ববঙ্গবাসীর,  
 বারেন্দ্র-বংশের তাহা—মহাকীর্ত্তি কাশীর ।

পূবের লোকের প্রাধান্য তাই—স্বাভাবিক সেথা,  
 খেতে এসেও কুর্ভা সেজে—অনেকেই হন নেতা ।  
 অকারণ বিদ্বেষ আর—কোরে ঘোঁট্ গোল,  
 ক্ষুধার্ত “রাঢ়ীদের” শূনি—দেন্নাক’ আমোল্ ।  
 বোঝেন্ না পেটের জ্বালায়—তঁরাও সেথা হাজির,  
 সবারি সেই একই রোগ,—অন্নকষ্টই নজির ।  
 এই হীন্ বাহাদুরী,—মিথ্যা খয়েরখাই,—  
 বদ্বৈও কি বোঝেন্ না—ম্যানেজার মশাই ?  
 যেথায় বাঙ্গালী, সেথা—ধাক্বে কি এই গুণ ?  
 দেশের যে ফুরিয়ে এলো—বেবাক্ কালি চূণ ।  
 সকল্ কাজেই মহত্ত্বের—আছে অবকাশ,  
 ক্ষুধার্তকে বর্শি’ কেন—বীরত্ব প্রকাশ ?  
 এখন কিস্তি ক্রমে ক্রমে দেখিচি বছর বছর,  
 ধীরে ধীরে কুর্ভাদের পোড়ুচে কিছ্ নজর ।  
 গরীব বিদ্যার্থী’ আর অসমর্থ বঁারা,—  
 চেষ্টা হ’চ্ছে, সর্ব্বাঙ্গে যায় খেতে পান তঁরা ।

### শ্রীষাঁড় মহাশয়

হুণ্ট পুণ্ট ক্ষুদ্র হাতী,—ফির্তেছে ষাঁড়গুলো,  
 যার পেলৈ খেলে, আর যেথা পেলৈ শুলো ।  
 জমীদারের ছেলে যেন’, চিন্তা নাইক’ কিছ্,  
 বে-পরোয়া চলে যায়, চামনা আগ্ পিছ্ ;  
 অলি গলি রাস্তা ঘাটে—ভাগীরথী তীরে—  
 কেউ দাঁড়ানে কেউবা শূন্নে,—কেউবা বেড়ায় ফিরে ।  
 আদরে আহারে বেশ নাদদশ্ নদদশ্,  
 কে আসে কে যায়, তার নাহি কিছ্ হৃদস্ ।  
 কথা বাস্তব “ক্লেয়ার” নেই—চড়ে বা চাপড়ে,—  
 বাদশাহী চালে থাকে—কিছ্‌তে না নড়ে ।

দক্ষ ডিপ্লোম্যাট্ সম, ঘুতুতে চাহে না,  
 মতলব হাসিল্ তরে মাথাটি নাড়ে না ;  
 চোরেরাই পট্টলি সরায়,—পাণ্ডনাদারে টানে,  
 পদুর্বার্পর এই রীতি—সকলে বাথানে ।  
 এঁরা, কিন্তু বেমালদম—কামড় মেরে তাতে—  
 টেনে ছিঁড়ে খান, আর—ছড়ান্ রাস্তাতে ।  
 গরীবের কাপড় আর—কষ্টের ঢাল ডাল,  
 সপ্রতিভ ষণ্ডরাজ—করেন পয়মাল ।  
 ছোটোখাটো পট্টলিগল্লো—একেবারেই গেলে,  
 অগস্ত্যগমন তার,—পাস্তা নাই মেলে ।  
 গোল্ দারী আড়তের পাশে—যাঁদের সদা স্থিতি,  
 এ কাজেতে তাঁরাই হন—দক্ষুরমত কৃতী ।  
 পেটের জ্বালায় সবই সম্ভব,—কাজকি এঁদের দৃষ্টি,  
 অভাবে তো এ-কর্মটা কর্চেও মানুষে !  
 বাজারে ভিড়ের মাঝে ঘোরে শতবার,—  
 সেও যেন' একজন ব্যস্ত-খরিস্ দার !  
 আহাৰ্য্য দেখেই তারা অনায়াসে টানে,  
 দ্রুক্ষেপ নাইকি কিছু,—তাড়না না মানে !  
 ভক্তেরা কেউ স্পর্শ করি,—করে নমস্কার,  
 কেউ গায়ে হাত বুলায়, দেয় বা খাবার ।  
 বাবার-রাজ্য ব'লে তাদের, নাইক' কোন' গোল্  
 ঘেঁশ্ তে সেথা পারেনি তাই—মদুসীপালের জোল্ !  
 সে ভার্ এখন দেখি মহিষাসুরে বয়,  
 যদুগধর্ম দেখে শূনে মনে লাগে ভয় ।  
 কিন্তু তাঁদের ঠ্যালা ঠেলি—শিং ঘষাঘষি—  
 ঘাটে পথে দেখে,—সোরে যেও সাত রশি !  
 একটি কথা মনে রেখো—দেবদর্শনে গেলে,  
 পাণ্ডারা সব গাঁদার মালা গলায় দেয় ফেলে ।  
 মালা গলায় দিলে যেন বোরিয়ো নাকো রাস্তায়,  
 ষণ্ডরা সব তাড়া কোরে, গলা থেকে টেনে খায় !

দেখলেই তা ফেলে দিয়ো, পারবে নাকো রুদ্ধতে ।  
 ধাক্কা পড়ে গিয়ে শেষ, হবে কেবল ধ্বংসে ।  
 আদর কোরে ছেলের গলায় দিওনাকো ভাই,  
 বিপদ ঘটতে পারে তায়,—দিলাম জানাই ।  
 বৃষবর শ্রীশম্মার—চিরদিনই পূজ্য,  
 পৃষ্ঠে তাঁর, প্রভুর আসন—সদাই দেখি উহা ।  
 চৌচাপটে চার খুঁরে তাই—করি নমস্কার,—  
 বলি, “বাবার কাছে মন্দির কথা—পেস্ করো আমার” ।

### শ্রীমান্ বানর

দ্রোণপুত্র পোষ্যপুত্র নিলা রঘুমণি,—  
 অনিষ্টের অবতার—দৃষ্ট শিরোমণি !  
 অমর হইল সবে, সেতু বেঁধে তাঁর,  
 এখন সে কেতু হ'য়ে ভাঙে ঘর দ্বার ।  
 বাঙালীটোলার তারা নিয়েছে ইজারা,  
 যাত্রীদের শাস্তি নাই,—সশঙ্ক বেচারী ।  
 কেউ ছিঁচ্কে-চোর আর, কেহ বা ডাকাত,  
 কিছুরে এড়াতে নারি—তাহাদের হাত ।  
 ক্ষণমাত্র অসাবধান হই যদি তুলে,—  
 সাম্‌নে থেকে ভাতের থালা নিয়ে যায় তুলে !  
 বান্দরগুলো শোকোল্ খুলে ঘরে এসে ঢোকে,—  
 অতি-বড় চতুরের—খুলো দেয় চোখে ।  
 এমন অপকারী জীব অধিক আর নাই,  
 হিন্দুর দেশ বলেই যাদু পেয়েছে রেহাই ।  
 সহরের রস্ পেয়ে সব—গরীবের ছেলে,—  
 গ্রামেতে ফেরেনা যেমন—পীর পম্‌স্ ফেলে ;  
 না জুটুক অন্ন পেটে,—না থাকুক আয়,—

পাঁচ আঙুল ঘূরে তব্দ—চা সিগারেট্ পায় ।  
 ঘাড়্ ছেঁটে আর খালি পেটে—ক্রমে লম্বা মারে,  
 ধারে আর পরের মূণ্ডে—অর্কাসনেই সারে ।  
 সহর পেয়ে বানরগদুলার—ধরেচে সেই নেশা,  
 ছাতে উঠে যাচ্ছে ভুলে—গাছে ওঠার পেশা ।  
 ফাঁকের ঘরে হাতিয়ে কিছদ্—প্রাণটা করে ধারণ,  
 “মার্ মার্ দূর্ দূর্”,—সইচে শত তাড়ন্ ।  
 সত্যই আধপেটা জোটে—তার বেশী নয়,  
 বলিহারি সহর, তব্দ—মাটি কাম্ড়ে রয় ।  
 ঘেঁশেনা সে শ্বেতাস্কের বাংলা কি বাগানে,  
 সেটা যে যমের বাড়ী তাহা বেশ জানে ।  
 এঁরাই যদি “ডারউইনে”র্—ভবিষ্য মানক,  
 বিশ্বনাশই বিশ্বনাথের একান্ত মতলব ।  
 ছেলেটাকে দেখে কিস্তু সন্দ যায় চলি,  
 আর যেন’ আস্তে না হয়—বিশ্বনাথে বলি ।

“ডারউইনে”র্ প্রিয়দের ভক্তও বহু মেলে,  
 তাঁরা নাকি বেঁচে যান—‘রামরাজ্য’ পেলে ।  
 তাঁদের ‘অটোনমি’ হলে শতনমি তায়,  
 দিন থাকতে বুদ্ধিমানে ঘুচাতে সে দায়  
 বন্দী করি বাছাদের চালান দিচ্ছেন দূরে,  
 নিশ্চয়ই অনেকে তার আসবে না আর ঘূরে ।  
 ইংরাজি পড়েছে হিঁদু,—বাঁচোয়া আর নাই,—  
 উঁচুতে বসিবে তারা—তোমারে বিদাই ।

মহামাণ্ড চাকর দাসী

মদনসেফ্ ডেপুটি পাই সহজে এখানে,  
 দাসী চাকর মেলে কিস্তি অনেক সম্মানে ।  
 কানা গরু, নাড়ে পাত্‌লা, খেতে চায় খোল্,  
 তার চেয়ে শতবার ভাল শূন্য গো'ল্ ।  
 “কাহারে”ও গলায় পৈতে কোমোর বেঁধে নেছে ।  
 পৈতে নিম্নে বড় হবার—আপদ্ চুকিয়ে দেছে ।  
 এখন, গেঞ্জী পরে, গুড়ুদুক খায়, বাজার কোরে থাকে,  
 তামাক টেনে—পোড়া কোল্‌কে—বাবুর হুকুম রাখে ।  
 বাবুদের হাত-পা খোঁড়া, পঙ্ক তীরা সবাই,  
 পোড়ে পোড়ে এই দ্বিজদের হাতে হন্ জবাই ।  
 •নতুন “স্কীমে” অনেকেই হবেন্ তীরা ভোটর,  
 বাবুরা নে'যাবেন তখন চাড়িয়ে নিজের মোটার্ ।  
 কুঁদের মখে স্বরায় সোজা হতেই হবে ব্যাঁকে,  
 দেখি এই বাবুরানা ক'দিন আর টাঁকে ?  
 সকাল সন্ধ্যা চা খায় একটু, দুধ চিনি তায় চাই,  
 এঁটো নেওরা, বাসন মাজা—তাদের কাজ আর নাই ।  
 সে কাজ তরে—জুদো আবার চাই একটা ঝি,  
 এঁটো যদি খেতো মোদের,—পাতে চাইত' ঘি ।  
 সে মাগিও স'রে পড়ে—সন্ধ্যা ঘূপ জ্বলেই,—  
 কাজ তোমার পড়েই থাক, বা কাঁদুক্ তোমার ছেলেই ।  
 দু'দিন তরে আসেন যাঁরা—সিকন্দরী চালে,—  
 এসব কথা বুঝবেন না, তীরা কোন' কালে ।  
 সুখের-পাল্লারাদের কাছে—যা চায় তারা পায়,  
 লুচি, মাংস, রাবড়ী মেরে—বক্সিস্ দ্বিমে যায় ।  
 গোরীসেনের নবাবীতেই—এদের এত' গরম,  
 মধ্যবিত্ত কাশীবাসীর—সকল দিকেই মরণ ।



তবুও এখানে বড়—কল্—কারখানা নাই,  
স্বস্তি চাওত' সঙ্গে করে লোক এনো ভাই ।

### হিতৈষী গোয়ালী

দুধগুলা গয়লা,—পরম হিতৈষী মোদের,  
নাম-মাত্র জল দেয়—এক সেরে আদ'সের !  
কিম্বা দেয় পরিষ্কার মাঠা-তোলা দুধ,  
পরম দয়ালু আর ধার্মিক অশুভ ।  
খাঁটি দিলে,—পাছে মোদের হয় বদ'হজম্,  
রূপা কোরে তাই—এই নিঃস্বার্থ নিয়ম্ ।  
টাকায় পাঁচসের লও—কিম্বা আট সের,—  
ধর্মক্ষেত্রে নিয়মের হবে না হেরফের্ ।  
মহিষটাই গরজ বদ'ঝে—গাভী কড়ু হয়,  
বৈদ্যের যেমন একই ভাণ্ডে,—সকল তৈলই রয় ।  
বেদান্তচর্চার দেশে সবাই বৈদান্তিক,  
গরু আর মোষ একই, কোরে নেছে ঠিক্ ।  
যাহোক্, তবু গয়লা ভালো—গয়লানীর চেয়ে,  
তাদের যোগান্ নেওয়া মানে—মরাটা জল্ খেয়ে !  
পদরাণে এ কথাটা কেহ বলেননি মদ'খ ফুটে,—  
কেন' যে মথুরায় কৃষ্ণ—পালিয়ে ছিলেন ছুটে ।  
নিশ্চয় ব্রজ-গোপিনীদের—জ্বালো দুধের তাড়া,—  
শ্রীগোবিন্দে কোরেছিল বৃন্দাবন-ছাড়া !  
কণ্ট দেখে, কোর্তে একটা প্রতিকার এরি,  
ভদ্রলোকে ধীরে ধীরে—খুল্-তেছেন “ডেরি” ।  
দশশ্বমেধ বাজার পাশে, খুলেছেন দোকান,—  
সকাল সন্ধ্যা সেইখানেই, দেন সবারে যোগান্ ।  
সরবরাটা প্রচুর হ'লে,—পাবেন যখন সবাই,—  
জল-দোষটায় রেহাই দিতে—পারেন গয়লা মশাই ।

অথ ধোপা

পাছে দৃংখ করেন ধোপা, তাদের কথাও বলি,  
 তিন-ক্ষেপ কাপড় দিলেই,—একখানা যায় চলি !  
 ভাঁটি দিয়ে পাড় জালিয়ে, জীর্ণ ক’রে আনে,  
 সেরেফ্, চুণ আর সাজির ঠ্যালায়, ক’দিন ব’াচে প্রাণে ?  
 অধিকন্তু, প্রাণপণে আছাড়টা দেব তায়,  
 কাপড় মেরে—পাটা খানা, ভাংতে যেন চায় !  
 ওপারেতে পোড়ে আছে—সাজিমাটির মাঠ,—  
 দাম্ তার নাম মাত্র ;—ঘাটে পাষাণ পাট্ ;  
 কাপড়ের তায় হাড়গুঁড়ো হয়—দানবের দাপে,  
 সভয়ে কাপাসের গাছও—জড়্-সুন্ধ কাঁপে !  
 ভালো ভালো বোতাম্-গুঁলো, ফেরে না আর ঘরে,  
 যে কারণেই হোক্,—তারা ধোপার হাতেই মরে ।  
 যখন দেখে পেড়াপিড়ি,—সুবিধে নয় আর,—  
 দ্ তিন্-খানা নতুন কাপড় সেই ধোপেই পাচার ;  
 তার পরে আর দেখা নাই,—না আছে তাগাদা,  
 অতি শিষ্ট্ ছেলে,—তাদের এই নিয়মই বাঁধা ।  
 বিশেষ যাঁর ধোপানিদের সঙ্কেতে কারবার,—  
 উক্ত নিয়ম হ’তে কভু রক্ষা নাইক তাঁর ।  
 এ সব যা নিয়ম, তা বাঙ্গালীরই তরে,—  
 চিনেছে তায় এদেশের—এ’ডা বাচ্চা নরে ।  
 গঙ্গাতীরের ফাঁকা জমী,—মল-মূত্রের ময়দান্,  
 তাইতে কাপড় মেলিয়ে শুকোয়—এই সব সন্ন্যাসান্ ।  
 সাক্ষাৎ বিষ্ঠার তারা—সংঘর্ষেতে আসে,  
 কিছ্-তেই দ্বিধা নেই—এ জাতের পাশে ।  
 ধুয়ে এলে কাপড়গুঁলো—পোরো ঘরে কেচে,  
 বহু রোগ, আর, অনাচার থেকে যাবে বেঁচে ।  
 ঘরে কিন্তু ধুতে বলা—“কফ্ আর কলার্”  
 “টোঁরব্বল্” বটে সেটা,—একদম্ ফলার্ ।

## বাছা ইন্দুর

বানর আর ধোপা ছাড়া, আর এক প্রভু আছেন,—  
 অতিশয় নির্বিকার,—কিছুই না বাছেন ।  
 কি গুণে যে গণেশ দাদা, করেছিলেন বাহন,  
 গুণের মধ্যে দেখতে পাই—আগা গোড়াই দাহন ।  
 চেপে তারে থাকতেন বসি,—বোধ হয় ডিপ্লোমাসি,—  
 যাতে ইনি নড়াচড়া—না করেন বেশী ।  
 তানাতো, তালপাতার পদাধর—থাকতো নাক' পাতা,—  
 কুঁচি কুঁচি ক'রে তার—খেয়ে দিত মাথা ।  
 বাদর আর ধোপার হাতে—যদি কিছু বাঁচে,—  
 রক্ষা কিন্তু নাই তার ইঁহাদের কাছে ।  
 বিনা আবাহনে আর বিনা প্রয়োজনে—  
 সতত নিবিষ্ট ইনি অনিষ্ট সাধনে ।  
 এক একটা এমন ধারা—সদৃশ গতরে,—  
 বেড়াল, এদের ধরবে কি—এরাই বেড়াল ধরে ।  
 “পদ্যপাঠে”ই প্রথম এঁদের পাই পরিচয়,  
 এখন দেখি,—এদের জ্বালায়, কাশী ছাড়তেও হয় ।

---

## কাশীর মাটি

“কাশীখণ্ডে” দেখতে পাই—কাশীর মাটি স্বর্ণ,  
 দেখে শূনে বদ্বৈছ তা—মিথ্যা নয় একবর্ণ ।  
 এক বুড়িতে সের পনেরো মাটি মাত্র থাকে—  
 দু-তিন আনার কমে কেউ দেয় নাক' তাকে ।  
 সম্ভায় যদি এ দেশের তৈরী বাড়ী কেনেন—  
 ছাল্ ছাড়ালেই দেখতে পাবেন—কাদার গাথা খিলেন ।  
 দ্যাখগুলো সব—ইটের খাপ,—মধ্যে মাটি ঠাশা,  
 “কাদাকামে” চুণ ফিরিয়ে—মানিয়ে দেছে খাশা ।

বান্ধালীর মাথাটায় বেশ হাত বুল্‌বুলে বোলে—  
 তিনশো টাকার মধ্যে তারা—দ্বিতল বাড়ী তোলে,  
 ডালপালা আর নুড়িনাড়াই মাল মশলা তার,—  
 আর্ ঐ কাশীর সোনাটার—এন্তার ব্যাভার ।  
 সব ক্ষেত্রে এ নিয়ম—না থাক্‌তেও পারে,  
 ক্ষতি কি তায়—দেখে যদি লন্‌ খরিদারে ?  
 অনেক স্থলেই পাবেন এই খোলোশ্‌ ঢাকা সোনা,  
 ভাল নয় কি—পরীক্ষাস্তে টাকাগলো গোণা ?  
 কাচ্চা বাচ্চা নিয়ে তাতে থাক্‌তে যদি হয়,—  
 বর্ষায় গোরস্থ হবার থাকেনা আর ভয় ।

ফসল দেখে মনে হয় সোনাই বটে মাটি,  
 ফলের প্রাচুর্য্য তার প্রমাণ পাই খাঁটি !—  
 শাক থেকে আম জাম লেবু প্যারা কুল্  
 মূলো, বেগুন, কর্পি লীচু সকলি বিপুল ;  
 নাগপদুরী কমলার মত আমলকীর “সাইজ্‌”  
 পেস্‌ করলে,—প্রদর্শনী দেবেই দেবে “প্রাইজ্‌” !  
 দেখতে যেমন বাড়ুও তেমন, কোন্‌টার কথা কই,  
 মাটিতেও সোনা ফলে দেখে অবাক্‌ হই ।  
 এই সব আকর্ষণে টেনে আনে লোকে,  
 ছুটি পেলেই ছুটে আসে, কে তাদের রোকে ।  
 ভুলিয়ে দেয় বিশ্বনাথ দর্শনের কথা,  
**Back ground** এ পড়ে যান কাশীর দেবতা ।

---

বেলগাছের বেহাল্

বড়লোকের আওতা যেমন—সন্ন্যাসক' গরীব,—  
 একদিন—গ্রাসেতে তাঁর—নিশ্চয় মরিবে ;  
 মাথা তুলতে গেলেই হয়—অশেষ দুর্গতি,

ভিটে বেচে পালায় যে— সে বুদ্ধিমান অতি ।  
 পাড়াগাঁয়ে ঘোড়া পেলে—বালাম্‌চী তার ছেঁড়ে—  
 ছোঁড়াগুলো, করে দেয় দ্বাদশে তার বেঁড়ে ;  
 এখানে বেলগাছের দেখি, দ্বাদশশাও সেই,—  
 না গজাতে পাতা—তার একটিও নেই ।  
 যত দেখি তাদের,—যেন বাজপড়া সবাই,  
 তবু দিনেকের তরে—নাই কাহারো রেহাই ।  
 এক লক্ষ শিবতরে—শত লক্ষ পাত্—  
 দিতে পারে,—বিউতে সে পারলে দিন রাত !  
 চিরদিনই, এ রোগের নাইক' কোন' ঐ ষড়্ধ,  
 গরজেতে বলদ্‌ দ্বয়ে, দিতেই হবে দ্বুধ ।  
 জাপান, একবার যদি খোঁজ পায় আজ,—  
 বার্ষিক করা বেলপাতার পাঠাবে জাহাজ ।

---

### কালীতলায় নরবলি

বলিদানের, আধ্যাত্মিক ব্যাখ্যাটাও হাজির,—  
 কালীতলায় দাঁড়ালেই, পাবেন তার নজির্ ।  
 সেথা দেখি, ফলওলারা'—দিন রাত বোসে—  
 খরিশদার পেলেই তারে,—কোপ্‌ মার্চে কোসে ।  
 দু পয়সার জিনিসটারে—দু আনাতে ছাড়ে,  
 বাবু দেখলে, আরও একটু—উঁচিয়ে কোপ্‌ ঝাড়ে ।  
 শুনতাম্‌, নরবলি নাকি—ভারত ছেড়ে গেছে,  
 দেখি,—মহাত্মান্দিক্‌ ফলওলা তার সহজ করে নেছে

---

### গোয়েবী

কোশ্‌খানেক দূরে কুয়া—“গোয়েবী” নাম তার,  
 অজীর্ণাদি সারে,—জল ক'রলে ব্যাধহার ।

খোকার মায়ের “ডিস্পেপ্সিয়া” সারাবার তরে—  
 অনেকে বিশ্বনাথ ফেলে—তারই সেবা করে ।  
 লোক ধোরে মজদুরী দিয়ে—আনতে পাঠান জল,  
 দুদিন পরে, কৌৎসেপেড়ে কন্—“হোলোনাকো ফল” ।  
 দ্যাখেন না—সে মজদুর মিসেস—কোথাকার জল আনে,  
 ভাবেন—যখন পয়সা দিছি—ভয় নেই কি প্রাণে ।  
 বেশ কোরে আদ্যাব্যাপা ব্যাটা, কোসে গুড়ুক ফুঁকে—  
 কানাচের “কোর” জল নে এসে—দাঁড়ান সাধু ধুঁকে ।  
 জানেন না যে, কি জাত এরা কোন্ ধাতুতে গড়া,—  
 ডাইনের কোলে ছেলে, আর এদের হাতে ঘড়া ।  
 শূন্চি, এখন সেখানকার লোক, জল দিয়ে যায় নাকি,  
 আশাটা করা যায় তাতে,—ক’মতে পারে ফাঁকি ।

---

### স্মৃতি-মন্দির

কাশীর মধ্যে বড় বড় কীর্তি দেখি যাহা,—  
 দাতা বা দাত্রীদের—মহা পুণ্যসৌধ তাহা ।  
 দর্শকেরা দেখে শূনে গুণ গায় তার,—  
 একটি মাত্র দেখিলাম এ নিয়মের বার ।  
 “স্মৃতি-মন্দির” বোলে লেখা ফটকের গায়,  
 সাধ্য কি একটা পা কেহ অন্দরে বাড়ায় ;  
 বাঙ্গলা, ইংরাজি, উর্দু আর দেবনাগর,—  
 প্রচারে নিষেধবাক্য—ডাগর্ ডাগর্ ।  
 চারটি ভাষায় লেখা দেখে—“প্রবেশ বারণ”,—  
 না পায় দর্শকে ভেবে—ইহার কারণ ।  
 বদ্বতে নেরে চ’লে যায়, ভাবতে ভাবতে সবে ।  
 নিশ্চয় এ একটা কিছ—নূতন রকম হবে ।

---

## সভা-সমিতি ও আড্ডা

হরিসভা, ব্রাহ্মণসভা, চক্র, চতুষ্পাঠী,—  
 সম্বা হ'লে স্থানে স্থানে, বাঁয়ান পড়ে চাঁটি ;  
 হারমোনিয়ম্ গ্রামোফোন—বৈঠকেতে বাজে,  
 নব্য-নিয়ম সবই হেথা—অক্ষুন্ন বিরাজে ।  
 ইন্সকুল কলেজ আছে—আছে বোর্ডিং,—  
 ক্রিকেট্, ফুটবল্, হকি, আছে 'এম্প্রিথিং' ।  
 “সাহিত্য-সমাজ” আছে—আছে পাঠাগার,—  
 নাই শূদ্ধ লোক—করে ব্যবহার তার ।  
 দু পাঁচ জনের প্রাণটা বোধ হয় কাঁদে ব'লে তাই—  
 প্রতিষ্ঠানগুলি আজও কাশী পায় নাই ।  
 মহারাজ্জী আর এদেশবাসীর দেখি কিছু টান্,  
 “কারমাইকেল্” লাইব্রেরীতে তাঁরাই নিত্য যান্ ।  
 বাঙালিরা ক্ষীণ হয়ে আসছেন যেন ক্রমে,  
 ফুটবল কি হকির ম্যাচে থাকেন বটে জমে ।  
 নেশাটা ঝুঁকেছে এখন ‘স্পোর্টের’ দিকে,  
 খুবই ভালো, অন্যদিকটাও না মারে ভাই ফিকে ।  
 বান্ধবাঁদি সমিতিতে আছে কিছু প্রাণ,  
 এ অঞ্চলে বাদ্য গীতে—এঁরাই প্রধান ।  
 সত্তর হাজার, বাঙ্গালীর সংখ্যা শূন্যতে পাই,—  
 তাতে আবার ছেলেদের পালিয়ে আসার ঠাই ;  
 নাট্যশালে ঘটেছে তাই—গ্রাহস্পর্শ যোগ্,  
 লোক ভাঙ্গাভাঙ্গি আর—দলাদলি রোগ ।  
 মাঝে মাঝে দেন তাঁরা নানা অভিনয়,  
 মোটের উপর বোল্‌তে গেলে—কেহ মন্দ নয় ।  
 টিকিট্-কোরে কভু তাঁরা দর্শনীও নেন্,  
 শূভকারণ্য সাহায্যার্থে—“বেনিফিট্”ও দেন ।

সাময়িক পত্র

শিবের হাতে গ্রিশদুল ছিল—মহা বিষ্ণুভক্ত,  
 নিতাস্ত নিরীহ ছিল—দেখনি সে রক্ত ;  
 এখন তাহা গেছে দেখি, পণ্ডভূতে মিলে,—  
 “অম্লশদুল” নামে অংশ—বঙ্গনারী মিলে ;  
 একাংশ “দিক্‌শদুল” হ’য়ে—গেল’ পঞ্জিকাতে,  
 কতকাংশ “মাশদুল” হোলো চুঙ্গী আদায় খাতে ;  
 বউগদুলো “চক্ষদশদুল” হোলো শাশুড়ির—  
 আর, বঙ্গ-কেরাণীরা—আপিস্ কণ্ঠাটির ;  
 বাকি অংশের নিয়েছেন সম্পাদক ভার,—  
 “গ্রিশদুল” পত্রের তাতে, কাশীতে প্রচার ;  
 শিবের সেরিফ্ সম চারিবার মাসে,—  
 সনাতন ধর্ম আর টিম্পনী প্রকাশে ।  
 তবে কিনা,—জোগাড় কোরে সত্যযুগের রশি,—  
 তাই দিয়ে বাঁধতে গেলে, এ কালকে কিস,—  
 অনাদি কালের সেই রোদে জলে জীর্ণ,  
 অসমর্থ প্রায় রম্ভা,—হয় শত ছিন্ন ।  
 গত তরে গান্ধদাহ পত্রে যদি ফোটে,—  
 মনে হয় না, আহত কেউ হবে তার চোটে ।  
 গ্রিশদুল কেবল যদি, হুদলের ধর্ম পোবে—  
 আর, “খুব বিখেচে” ভেবে কেবল আপনাকেই তোষে,  
 এ যুগেতে সেটা বোধ হয় সাফ্ পণ্ডগ্রম,  
 গ্রিশদুল যেন চিত্তে তেমন রাখেন না সে ভ্রম ।  
 ক্ষুদ্র জীবই হুদলটা ধ’রে, থাকেও সে পশ্চাতে,  
 মূখ-ধর্মী \* গ্রিশদুল, যেন বয়না সে অখ্যাতে ।

\* বাহার ধার সম্মুখে বা ডগায় ।



## অবধূতের অব্যর্থ মহৌষধ

শব্দন্তে পাই আছেন হেথা, বড় বড় সব অবধূত,  
 বড় বড় রোগের জানেন, বড় বড় সব ওঔষধ ।  
 বড় বড় “ভস্ম” আর, আজব্ আজব্—“রস”,—  
 বড় বড় রাজা রাজড়া লক্ষপতি বশ ।  
 নিত্য তাঁদের এসে থাকে, লম্বা মণি-অর্ডার,  
 ঘেঁশবার্ পথ নাইক’ সেথা রামা শামা গদার ।  
 বড় লোকের বংশরক্ষা করেন দিলে পদত,  
 বড় বড় ভাগ্যবানের—সারেও বহুদ্রব্য ;  
 সে সকল লক্ষ্মী-পদতের—একাধিক রাণী,  
 তাঁরাও নাকি ওষুধ আর পান আশার বাণী ।  
 দুরারোগ্য রোগগুলোকে ক’রেছেন গোলাম,  
 গৌসাই একবার কৃপা করুন, ম্যালেরিয়ার মোলাম ।  
 বঙ্গের প্রতি নেক্‌নজর করেন যদি স্বামী,—  
 লক্ষ লক্ষ অনাথার কান্নাটা যায় থামি ।  
 ধর্ম আর পরের হিতই, আপনাদের ব্রত,  
 শ্রীপদে জানাই তাই, মাথা করি নত—  
 গরীব তারা, হাওয়া খাবার নাইক’ তাদের কড়ি,—  
 দাক্ষিণ্য নেই,—ডাক্তার যে আসবে মোটর চড়ি ।  
 নাইক’ যে সব মহাত্মার পার্থক্যের চাপ,—  
 তাঁরাই তাদের আশা ভরসা, তাঁরাইত’ মা বাপ ;  
 পাঁচ মহাপদ্রুঘে মিলি, দ্যান যদি নজর,—  
 বাংলা-দেশটা ছারে-খারে যায় না বছর বছর ।  
 কৃপাটা একচেটে ক’রে, আছে যে-সব কাতলা,—  
 টাকাল যাদের জোমে আছে, সাত-পদ্রুঘের ছাতলা—  
 ব্যবস্থা, বিতরণ, খরচ,—থাকুক সে-সবার,—  
 অব্যর্থ ওষুধটা দেবার, আপনারা নিন্‌ ভার ;  
 তা হ’লেই এ মহাব্রতের ফলে মহৎ ফল,  
 লক্ষ লক্ষ মা বাপের ঘোচে চোখের জল ।

আপনারা সব আদেশ আর উৎসাহ দেন যদি,—  
বহু-মূল্য পাথরদের, ফিরতে পারে মতি ।  
অব্যর্থ ওষুধটা যদি লক্ষপতিই পায়,—  
বর্ষে দশ লক্ষ—বঙ্গে মরে ম্যালেরিয়ায় ।—  
সে “অব্যর্থ”—অর্থশূন্য অসমর্থ কাছে,  
নিরুপায়, অসহায়, যদি না তায় বাঁচে ।

---

### কাশীর অশ্বাশ্ব উল্লেখযোগ্য জিনিস

এখানে বিখ্যাত বটে বেনারসী সাড়ি,  
হিন্দুদের দেয়না ভেদ, এম্নি শিল্পীর আড়ি ।  
সবাই হেথা কাঠের খেলনা ছেলের কিনে দেয়,  
মন্দ নয় তা,—ঠুকেঠাকেও ভাংতে দুর্দিন নেয় ।  
ভাল বটে হয় এখানে—জরি, পেতলের কাজ,  
বিলেতেও গিয়ে হয় তা, গৃহশোভার সাজ ।  
জর্মান্-সিল্ভারের বাসন, আসন্ নিচ্ছে কেড়ে,  
কাস্তে নেবে কাসারিরা জাত্-ব্যবসা ছেড়ে ।  
কাশীর চুড়ি, ল্যাংড়া আম, বেগুন, পেয়ারা,—  
আম্লকীর মোরোস্বাদি উল্লেখের তারা ।  
“ল্যাংড়া”র চেয়ে “গোদা” কিন্তু দেখি যথা তথা,—  
ডাক্তার বন্দীর এটা ভাবিবার কথা ।  
কাশীর চিনিটা বটে, নাম কিনেছে প্রচুর,  
মূলে সেটা,—জলশূন্য শুষ্ক তালপত্রুর ।  
দোস্তার্ ভোস্তা বেশী বিশ্বনাথের দেশে,  
তামাক, নাস্য, সদরতি, জরদা আছে দোকান্ ঠেঠে ।  
হুকো কোল্কে পান তামাক, এক পয়সা ফেলে—  
সস্তার মধ্যে দেখতে পাই,—একগ্রেতে মেলে ।  
তা ছাড়া, এ কাশী নয় মধ্যবিস্ত তরে,—

রেখেছে “বসন্ত-পাখী” সবই আক্লা ক’রে !  
 পোষায় এখানে বাস—যাঁহারা আমীর,—  
 অথবা যে সব ছেড়ে হ’য়েছে ফকির ।  
 এখানে সকলি প্রাপ্য, কিন্তু সোনার দরে,  
 সমস্তা ঠ্যাঁকে কোল্কেতার বাবুদের ঘরে ।  
 তিরিশ্ টাকায় বাড়ী পেয়ে বলেন “ড্যাম্ চীপ্”—  
 এত দিন দশ টাকায় তায় থাকিত গরীব ।  
 এক’ বড় হিঁদুর তীর্থ, ভূতে কর্চে মাটি,  
 তারাই মোলো—তীর্থবাস করে যারা খাঁটি ।  
 হয়েছে সব ক’ল্কেতার দর, বাকি ছিল বাড়ী,  
 তার ভাড়াটাও উঁচোয় বদ্বি—কোল্কেতারে ছাড়ি !  
 বড়’ জোর কয়েক বছর দেরী আছে তার,  
 তা হলেই বাবুদের একচেটে বিহার ।  
 গরীবদের তুলতে হবে কাশীবাসের পাট্,  
 কার্তিক্ আর কুবের মিলে ভাংবে শিবের হাট ।  
 “ইম্প্রভমেন্ট্ স্কীম্”টা তখন হবেই হবে পেস্,  
 হোটেল্ আর মামার দোকান—বেড়ে যাবে বেশ ।  
 সব চেয়ে তাই বলতে হয়—বিশ্বনাথই ভালো,—  
 অন্নপূর্ণা মা আমার কোরে আছেন আলো ।  
 চৌদিকে যখন ওঠে—সানায়ের সদর,—  
 প্রাণে মিষ্ট সাড়া দেয়, চিন্তা করে দূর ।

### জঙ্গম মঠ

কাশীতে জঙ্গম-মঠ—খ্যাত প্রতিষ্ঠান,  
 দক্ষিণের যাত্রীদের—এইখানেই স্থান ।  
 সন্ন্যাসী পরম্পরায়—মোহন্ত হনু হেথা,  
 প্রধান শিবাই গদি পান—এইরূপই কেতা ।

বাড়ী, জমি, জমিদারী আর তেজারতি,—  
 এই সব সম্পত্তিতে এঁরা কোটীপতি ।  
 শত্‌করা আট-আনা সুদে হেথায় রেখে টাকা—  
 অল্প-পুঁজির লোকেদের—হয় কাশী থাকা ।  
 “জঙ্গমে”র বাড়ী, জমি,—যেখানে যা আছে—  
 ক্রেতা পরম্পরা তাহা, যাক্ যার কাছে,—  
 দামের চতুর্থাংশে জেনো, জঙ্গমের দাবী—  
 বরাবরই আছে—পরে খেয়োনাক’ খাবী !

---

# কাশীর-কিঞ্চিৎ

## ৩য় দফা

আত্মীয় ও আলাপীর উপদ্রব

এখন ত' আর নয়ক' এটা পুস্ক'র কাশী আসা,  
আস'তে হয়না উইল্ কোরে—ভেঙ্গে চুরে বাসা ।  
এখন যদি কাশী আস'তে চায় একবার মন্টা,  
চাই কেবল পাঁচ' টাকা—আর, ষোল'টা মাত্র ঘণ্টা ।  
রেলের কুপায় নিত্য এখন যাত্রী আনা-গোনা,  
“কন্সেসন” যোগ'টা হ'য়ে, সোহাগায় সোনা ।  
বাংলার, সব পঙ্কীর লোকই—আছে কাশী জুড়ি,  
কার'র কেহ মাসী পিসী, কার'র খুড়'-শাশুড়ী ;  
কার'র বা কেউ পরিচিত, কিম্বা গ্রামবাসী,—  
আলাপী বা পুস্ক'-বন্ধু—বাস কর'চেন্ কাশী ।  
অবস্থাটা একাহার—কণ্টে বেঁচে থাকে,  
বন্ধু-মাতার কুপায় পান বজেটের চার টাকা ।  
এটাও দেখ'তে পাবেন হেথা—বিরল নয়ক' সেটা,  
পাপ এড়াতে, মা বাপকে কাশী পাঠিয়ে বেটা—  
দু-চার মাস দিলেই কিছ', তার পরেতেই ছপ',  
দেশে কিন্তু ফুলক'পি আর, ফজলী চলে খুব ।  
এখানেতে বড়ো বড়ী ভিক্ষে ক'রে খায়,  
সকাল-সন্ধ্যা ছেলের তবু—মজলটা চায় ।  
এক বাড়ীতে ষোল' জনে, করেন তাঁরা বাস,  
একটি ঘর তিন হাত দালান, দাঁড়িয়ে ফেরেন পাশ ।  
দুটী ঘর নেছেন, যাঁদের অবস্থাটা ভালো,  
আমরা যাঁদের দশ পনেরো, তাঁরাই শাশালো ।  
তা ছাড়া যা দেখ'তে পান বড় বড় বাবু,

মুখ বদলাতে আসেন তাঁরা, খেলে বেড়ান গ্রাব্দ ।  
 আজ আস্চে সম্বন্ধী, কাল ভায়রা-ভাই,  
 ওটা তাঁদের আদিখ্যেতা, কথায় কাজ নাই ।  
 কেউ আসে চশমা চোখে, বড় বাবুদর “কজিন্,”  
 শালী আসেন সেকেন্ড-ক্লাসে—খান “সেনাটোজিন্” ।  
 সে-সব বড় বড় কথা, লিখবেন যারা রথী,  
 মধ্যবিস্ত গরীব নিম্নেই কথাটা সম্প্রতি ।  
 রেল-কোম্পানী ক’রেছেন সবার উপকার,  
 কাশীবাস ওঠে কিন্তু গরীব বেচারার ।  
 দিনান্তে এক-বেলা খেয়ে মাথা গুঁজে থেকে—  
 আনন্দেতে আছে যারা বিশ্বনাথে ডেকে,—  
 তাদের উপর বেজায় জুলুম, বাড়ছে প্রবল বেগে,  
 আশ্রয়ের অত্যাচার, আছেই তাদের লেগে ।  
 তৃতীয় প্রহরে হঠাৎ এসে হাজির “পিসে”,  
 কোথায় বসায়, কিবা খাওয়ায়, লাগিয়ে দেয় দিশে !

অকস্মাৎ গাড়োয়ান এসে, পাড়া ক’রে মাথায়,—  
 মহা গরম হ’লে মিঞা চেঁচায় আর শাসায় ।  
 ছাতের উপর বাস প্যাটরা—বিছানার মোট,  
 গাড়ীর মথো, কল্গা গিম্বী—ছেলে মেয়ের ঘোঁট ।  
 “কোথায় থাকে ক্যান্সাদাসী—ছিঁচাখ মামার শালী” ?  
 গাড়োয়ান খোঁজ করে আর রেগে পাড়ে গালি ।  
 সাত পাড়া ঘুরে শেষ ফুটপাথেতে নাবিয়ে—  
 চ’লে যায় গাড়োয়ান—তিনটি টাকা হাতিয়ে ।  
 ( এদের জুলুমের কথা, লিখে মরা বৃথা,  
 কুলিদের জ্যেষ্ঠ ভ্রাতা, শ্রীসুগ্রীব মিতা । )  
 যে যায় তারে—সুধান বাবু, ক্যান্সাদাসীর পাস্তা,  
 “দেড় হাজার ক্যান্স আছেন” শুনে শুকার আশ্রা !  
 কেউ বলে, “কোথাকার পাগল” কেউ বলে “ন্যাকা”,  
 ভাগ্যে কোনো গেজেট-গিম্বীর সঙ্গে হ’লে দেখা—

জজের মত জেরা কোরে, চোক্ বদজে দেন রায়—  
 “ফরিদ্-পদরী ক্ষ্যাস্তো থাকে—এওর বট্‌তলায়—  
 ঠিক্-ঠিকানা জানা নেই—পদরু ত তুমি আছা,  
 তিন-পোর বেলা হোলো—মোলো কাচ্চা বাচ্চা,  
 চলো এখন আমার সঙ্গে” ;—মুটে ডেকে তখন,  
 পাঁচিসিকে সেলামী দিয়ে, বাবু করেন গমন ।  
 ভাতে-ভাত রেঁধে মাত্র, খাচ্ছিলো ক্ষ্যাস্তো !  
 খবর পেয়েই অঙ্গ-হিম্,—রইল’না সে জ্যান্তো ।  
 বলে,—“আমার তিনকুলে কেউ থাক্‌লে চরকা কেটে—  
 দিনান্তে এই ভাতে-ভাত দেবো কেনো পেটে ?  
 সাত পদরুয়ের কুটুম্ আমার—কে এলেন্ না জানি”  
 বোলে গরীব উঠে পড়ে—সরিয়ে খালা খানি ।  
 সাতটি প্রাণী, পাঁচটি মোট্—দেখেই চোম্‌কে যায়, •  
 এমন সময় বাবু এসে—প্রণাম করে পায় ।  
 “তুমি আছ, সেই ভরসায় এলুম মোরা কাশী,  
 অনেক খোঁজ কোরে তোমায় বার-করেছি মাসী,  
 হুপ্তা তিনেক থাক্‌বো মাত্র,—পারবোনা তার বেশী,—  
 তবে যদি আরাম বোধ করেন “এলোকেশী”—  
 তখন না হয় দেখা যাবে” ; বোলে, গৃহ প্রবেশ—  
 কোরে দেখেন্—পা বাড়াবার নাইক্ স্থান লেশ ।  
 বলাটা বাহুল্য মাত্র—ঘটে যা তার পর,  
 আড়ালেতে এ গুণ নিন্দা করে পরস্পর ।

“আপকারের” বড় বাবু উমেশ পেতো “আশী,”  
 খুবই তখন উদার ছিল এবং মিষ্টভাষী ;  
 নিত্য সন্ধ্যা বৈঠকে তঁার—উড়্‌ত’ চা আর পান্,—  
 গল্প গদ্যদ্বক পঞ্জা ছক্কা—বাজ্‌না আর গান ।  
 খুব আলাপী ভদ্র এবং মিশ্‌দক্ ছিল’ উমেশ,  
 পরের উপকারেও তার—চেষ্টা ছিল’ বিশেষ ।

“না” বোলতে জানত’না সে হাতে কিছ্ থাকতে,—  
 কাজেই—পারেনি কভু এক পয়সা রাখতে ।  
 বৃদ্ধ হ’লে, মাকে নিয়ে, কোর্লে কাশীবাস—  
 কুড়ি টাকা পেন্সনেতে—যতক্ষণ শ্বাস ।  
 বারো আনায় একখানি ঘর, ভাড়া নিয়ে থাকেন,  
 ঠাকুর চাকর নাইক’—নিজেই র’াধেন, বাসন মাজেন ।  
 তাতেই তাঁর বেশ আনন্দে—কেটে যেত’ সময়’—  
 আত্মীয় আর আলাপী না হ’তেন যদি উদয় ।  
 গ্রহের মত হঠাৎ তাঁদের কাছেই আবির্ভাব,  
 বোঝেনা কেউ—উমেশের যে কত’টা অভাব ।  
 কেউ বলে—“বুড়ো বয়সে হিসিবি হ’লে নাকি,—  
 ঠাকুর চাকর সবাইকে যে—দিচো বেশ ফাঁকি ?  
 এই ঘরে কি মানুষ থাকে—জুতো রাখি কোথা ?  
 টাকাগুলো ভূতেই থাকে—পোড়ে থাকবে পোতা ;  
 পান তামাক চা’র ব্যবস্থা কিছ্ হইত’ দেখি না,  
 আমার কিস্তু একটি দিনও—চোলবেনা তা বিনা ।  
 শুনছি নাকি মাছ মাংস—সস্তা হেথা খুব ?  
 বেশ’ ক’রে ঝোলটা রাধো—দিয়ে আসি ভুব ।  
 রাখে শুধু ক্ষীরের লাডু, রাবড়ী, বালুসাই—  
 এই খেয়েই থাকা যাবে, রেঁধে কাজ নাই ।  
 আর দ্যাখ,—মাংসের হাঙ্গাম্ কাল্ হবে তখন,  
 আজ কেবল আদ’পো খানেক—এনে রেখো মাখন ।  
 আর এক কথা—যা হয় কিছ্ ফলটা নিত্য খাই,  
 আঙ্গুর আর আপেল্ হ’লেই চ’লে যাবে ভাই ।  
 দেখলুম তখন বাজারেতে—কিছ্ যারনি বাদ ;—  
 এক একদিন এক এক রকম নিতে হবে শ্বাদ্” ।  
 উমেশের অঙ্গ জল, ভেবে কিছ্ না পায়,—  
 পুরাতন্ শাল্ জোড়াটি বাঁধা রাখতে যায় ।



কেউ বা আসেন দ্দপদর রাতে,—হাঁকাহাঁকির ধূম,  
 পাড়া-পোড়ুসী জ্বালাতন,—ভেঙে যায় ঘুম ।  
 এ'ন্ডা বাচ্চা শালী শালাজ্—গাড়ীর পা-দান্ ঠাশা,—  
 এক্টা রাতে খুঁজে বেড়ান—উমেশের বাসা ।  
 উমেশের আপিস-বন্ধুর নিম্নে এক চিঠি—  
 উদ্ধারিতে উমেশেরে,—এসেছেন ইটি !  
 বলেন্—“এই পত্র আছে—দেছেন রমেশ নাগ,”  
 উমেশ বলে,—“নেবে আসন্ পত্র এখন থাক্” ।  
 উমেশের দূরবস্থা—সবার নজর পড়ে,  
 কিন্তু এতই অনগ্রহ—কেউ তব্দ না নড়ে !  
 ভাবে তারা, আজো বদ্বি তেমনি আছে ঠাট্—  
 টাকা কড়ি লোক লস্কর—মজলিস্ জমাট,  
 আজো বদ্বি বৈঠকেতে—“জুয়েল্‌ল্যাম্প” জ্বলে,—  
 চা লিমন্ বরফের, ফাই ফরমাজ চলে ।  
 কি বদ্বি, যে ভাবেন এটা, পাই না খুঁজে কারণ,  
 যিনিই আসেন তাঁরই দেখি—একই ধরণ ধারণ ।  
 ভাবন্ বদ্বন্ ক্ষতি নাই,—ভদ্রতাটা থাকে—  
 আস্‌বার আগে জানান যদি পত্র লিখে তাকে—  
 “আসছেন কবে, কোন্‌ ষ্ট্রেণেতে, ক'জনই-বা তাঁরা,”  
 তব্দ কতক্ আসান পায়, উমেশ বেচারী ।  
 ভদ্রতর' হয়—আগে পত্র ব্যবহারে—  
 “সদ্বিধা কি অসদ্বিধা” জিজ্ঞাসিলে তাঁরে ;  
 পরে,—পদ্রোস্তর মত' করেন যদি যাত্রা,—  
 ভদ্রতম' হয়—বাড়ে আনন্দের মাত্রা ।  
 ভদ্রলোক সাধ্যমত করেই একটা ব্যবস্থা,  
 তা হ'লে আর কোন' পক্ষের হয় না এমন অবস্থা ।

“কনসেনে” কাশী

যেই দেবে আশ্বিনে হাওয়া রেলের কনসেনে,  
উপরি আগের অনেক বাবুই বাংলাতে না রন ।  
এমন বেগে নিত্য সবাই আসেন রাশি রাশি,  
তিলেক বিলম্ব যেন—উবে যাবে কাশী ।  
সে স্রোত কিছু কম প’ড়েছে—এসে কাল্ সমর,\*  
জগতের সব অনিত্য,—কিছুই নয় অমর ।  
অমন যে “খুদকির-মা”—সেও যায় চোলে,  
দুঃখ মিছে, কনসেনটা—তুলে দেছে বোলে ।  
শুধু গোর্ নয়, আবার—দেখ্চ গোর্-হরি,  
ভাড়াটাকেও চাড়া মেরে,—দেছে দেড়া করি ।

“মহৎ” “পবিত্র” আদি চার আশ্রমই মজুৎ,—  
সকাল সন্ধ্যা আবির্ভাব যার যেখানে যুৎ ।  
তা ছাড়া মেয়ে-হোটেল—তাও এখানে আছে,  
চক্ষুস্থানে খুঁজে নেন—আনাচে কানাচে ।  
তার উপরে সান্নিপাত—হ’লে ছুটি ছাটা—  
হাল্দারের হোটেল তখন—দোলে পড়ে প’টা ।  
বাংলার আদালত্গদুলো—বন্ধ হবে যেই—  
চোন্দআনা উকীল মোস্তার—বাংলাতে আর নেই !  
ঘরের কাড়ি লুটিয়ে তখন—কে যোগাবে “ফীজ্,”  
কাজেই কাশীতে আসা—পেতে একটু “সিঙ্গ্” ।  
যিনি যত’ সম্বৎসরে—মুড়িয়েছেন মাথা,—  
বিশ্বনাথের মাপ্ চেনে যান—খুলে খুলে খাতা ।  
বর্ষান্তে মড়ক ভরে,—এলে ম্যালেরিয়া,—  
কেউবা সারাতে আসেন “ক্লিক্‌ডিস্‌পেপ্‌সিরা” ;  
ছেলেরা অসদৃশ্ তাই বদলাতে “জল হাওয়া”—

এই বোলে,—সরেছেন নিজে ঞ্ড়া বাচ্চা বেওয়া ।  
 অনেকেই শ্রীমান্ তাঁরা—বেশ্ আমদানী আছে,  
 দ্দুর্গোৎসব কোরতে লোকে—বোলে বসে পাছে !  
 বাপ্ পিতাম্ কষ্ট ক'রে—কোরে গেছেন যা,  
 হাল শিক্ষায় প্রতিপন্ন—বাজে খরচ তা ।  
 হ'তেই হবে এখন মোদের—খুব উন্নতিশীল,  
 তাই, তাস খেলি, পশ্চিমে বেড়াই—সুধি সেক্‌রার বিল্,  
 আরো উঁচু হ'তে হলে—সম্ভ্রীক্ যাই হিল্,  
 কিম্বা টেবিলেতে চালাই—বিলাতী “বভ্রিল্” !

---

### গরজী মহাপ্রসাদ

বাবদ্রা কাশীতে এসে, সম্বাগ্রে সুধায়—  
 মাৎসের সের কত ক'রে কোথা পাওয়া যায় ?  
 ওরি মধ্যে চক্ষুঠেঁরে—ধর্ম্ম রাখেন যিনি,  
 উঁচু গলায়—“মহাপ্রসাদ”—খোঁজ করেন তিনি !  
 মাইল খানেক দূরে অবস্থিত—দুর্গাবাড়ী,  
 সেথা নাকি পাঁঠা কাটে—দু-এক ঘর হাড়ি ;  
 মা-দুর্গা আর যুপকাঠে—যে দূর সম্বন্ধ,  
 “বাড্ বাই লিমিটেসন্”—বোলে হয় সন্দ ।  
 কাট্‌তি বদ্বৈ কোপ্ হয়—পাঁঠার ওজন এঁচে,  
 খরিদ্দার জুট্‌লে—আবার কোপ্ করে কেঁচে ।  
 এ মহাপ্রসাদের অর্থ্ খুঁজে নাই পাই,  
 সুবিধাটা মন্দ নয়, তাতে সন্দ নাই ।  
 ব্যবসা বাণিজ্য কৃষি, এতে লক্ষ্যী যদি,—  
 এতেই আট্‌কে থাকে যদি ভারত উন্নতি,  
 তবে,—এই মহাপ্রসাদ অবশ্য মহান্,—  
 ব্যবসার বীজটা এতে আছে মূর্ত্তিমান্ ।

---

### বাবুদের খাতির

তর'বেতর' সাজ্ সজ্জা, চেনা বড় কঠিন্—  
 কোন্ দেশ্ থেকে এলেন্—সকোট্টা না কোচিন্ ?  
 কেউবা যেন' নবাব বংশ—মীরকাসিমের কেউ,—  
 এম্নি ভাবে চলেন্ আর—তুলে বেড়ান্ ডেউ !  
 দোকানী পসারী সবে—বেজায় মেরে ঝাঁকি—  
 “আইয়ে বাবুজী” বলে জানায় “বন্দিক” ।  
 বাবুর মেজাজ্ তখন—আড়কাটায় ঠ্যাকে,  
 দুদিন পরেই জোয়ার মোরে—ভাটা পড়ে টাঁকে ।  
 যেই বাবু ফিরেছেন পেছন্, অম্নি হেসে বলে—  
 “চিনে নিছি বাংলা দেশের—বেণ্ডুকের দলে” ।  
 \* দে'ড়ে-মুখে নেয় যারা—মাথায় বদলিয়ে হাত,—  
 আড়ালে “সম্বন্ধী” ছাড়া—কয়না তারা বাত্ ।  
 আপোসে আলাপ-কালে—মোদেরই প্রসঙ্গ,  
 পথে ঘাটে কোরে থাকে—ঠাট্টা আর রঙ্গ !  
 তারাই ভাবে সং আমাদের—যাদের ভরাই পেট্,  
 যেচে খোয়াই জাতের মান,—দেশের মাথা হেঁট ।  
 দিন থাক্তে পূজার আগে—চোকায় সবাই চাকু,  
 ফির্তি বেলায় হেসে বলে—“ভ'গ্য করতো বাপদু” ।

### বাজারে বসন্ত-পাখী

ছুটিতে ছেড়েছে যারা, বাংলার নীড়,—  
 হাজারে হাজারে করে বাজারেতে ভিড় ।  
 কাঁচা-তেঁতুল, সজ্নে খাড়া, ডেঙো আর ডুমুর,—  
 নিমেষে অদৃশ্য হয়—সম না তাদের সবদুর ।  
 থোড় মোচা শাক্ কছু—যা কিছ্ জঞ্জাল্,  
 লুঠে যেন ল'য়ে যায়—স্বাস্ত্য কাদাল্ ।

চিন্তা নাই—ওই ঝুড়িতেই থাকেও পাখীর ডিম্,  
 একদম্ ফাণ্টক্লাস্—ভরা ভিটামিন্ ।  
 মাছের বাজারে যাও—অপূৰ্ব্ সে হাট্,  
 মেচো বলে “ছ’ আনা সের”—বাবু দেন্ আট্ ।  
 বড় শক্তা এত সস্তা পাছে অন্যে নেয়,—  
 দূরে থাক্ দর—তারা বেশী ফেলে দেয় !—  
 ভিড়্ বাড়াতে দর চড়াতে, আছে আর এক জাত,—  
 বেকার মালগুজার গদ্বুষ্ঠী—আমলা থাকে সাথ ;  
 পরের মূণ্ডে কঁটাটাল ভোক্তা,—কাপ্তেন বাবুর “স্বক্ক্ষী” \*—  
 আর,—বেগুড়া-ছেলে বড় লোকের, নিষ্কৰ্ম্ম সম্বন্ধী ।  
 কারো বা পরসায় আছে—প্রজার রক্ত মাথা,  
 কাহারো বা মক্কেলের মাথা মূড়োনো টাকা ;  
 কেউ বা পরের ধনে—আমীর সেজেছে,  
 কেহ বা শব্দ-বস্তু—বিষয় পেয়েছে ;  
 পড়েনি মাথার ঘাম্—রোজগারেতে কারো,  
 সাধু-শ্রমে আসেনি যা,—ফ্যালো যত পারো !  
 কিন্তু ভাই করিতেছ—বড় শক্ত পাপ,  
 দরিদ্র দুঃখীর শব্দ—কুড়াইছ শাপ ।  
 দিনান্তের শ্রমে তারা, দশ পরসা পায়,—  
 তাহাতে সংসার পালে—পরে আর খায় ।  
 তাদেরও স্ত্রী পুত্র আছে, তারাও মানব,  
 গাড়ি ঘোড়া গয়না নাই—আর আছে সব,  
 ক্ষুধা আছে লজ্জা আছে—মৰ্ম্ম আছে তারো,  
 ভাই হ’লে কেন’ তার, অনাহারে মারো ?  
 তারা যা প্রচুর পেতো—কাড়ির দরেতে,  
 পরসা ফেলে, অংশ তার কেনো আদরেতে ।  
 কোথায় উপায় ভূমি, করিবে তাদের,—  
 না হ’লে,—হরিছ অন্ন নিরন্ন দীনের ।

\* বাহারি কাপ্তেনবাবুর স্বত্বের ভর করিয়া থাকে ।

ইতি “ভ্যাকরণ বিভীষিকা” ।

ধর্মক্ষেত্রে এই কর্ম তোমাদেরই সাজে,  
 কলঙ্ক ভারতে আর ভুবোন্মোনা লাজে ।  
 মধুপদর ওয়ালা-টোয়ার, আছে দেওঘর,—  
 দার্জিলিং দেবাদুন্, শিমলা শিখর,—  
 তোমাদের তরে সবই, রয়েছে ত' ভাই,  
 এটা শূদ্ধ তীর্থবাসী গরীবের ঠাই,  
 বৃদ্ধ আর বিধবার—শেষ আশা-স্থল,  
 ঐশ্বর্য্য আঘাতে তাহা—কোরো না অচল ;  
 পাঁচ সাত টাকা,—কারো, ভিক্ষাই ভরসা,  
 কামনা মরণ শূদ্ধ, মৃত্তিহি লালসা ।  
 এ পবিত্র ধামে আর এ উদাস হৃদে—  
 অনটন-শেল্ আর দিওনাক' বি'ধে ।

মোদের ধর্ম,—কথার কথা, বসন্তের পাখী,—  
 যে কদিন্ লাগে ভালো, আরাম কোরে থাকি ;  
 জমী কিনি বাড়ী করি—বিষয় আশয় বোধে,  
 তিলমাত্র নহে তাহা ধর্ম উপরোধে ।  
 তার সঙ্গে গঙ্গা স্নান—বিশ্বনাথ দেখা—  
 হোলো ভালই, হ'তেই হবে—নাইক' এমন লেখা ।  
 কাশীবাসীর অনুরাগ আর—নিষ্ঠা ভক্তি যা,—  
 মনকে চোখ্ ঠারলে কি ভাই—পেতে পারি তা ?  
 দর-বাড়িলে গরীব মেরে, নাইকো বাহাদুরী,  
 নির্দোষ নির্ধনের শূদ্ধ গলায় দেওয়া ছুরি ।  
 কোরলে কাশী বাবুদানার বিলাস ভবন,—  
 তীর্থবাসীদের হবে জীর্ণস্তে মরণ ।

### বঙ্গনারীর বাহাদুরী

ভারতের সকল জাতই, কাশীধামে আসে,—  
 সবাই কিন্তু হার্ন মেনেছে বাঙ্গালীর পাশে ;

সকল তাতেই দেখতে পাই এঁদের বাড়াবাড়ি,—  
 সবার কাছে জয়-পতাকা নিয়েছেন কাড়ি ।  
 চা, চপ্, চাট্ থেকে—কোরে এসে সদর,—  
 মকার বকার ফৌটা জটা, সব বিষয়েই গদর ।  
 মেয়েদেরও বাড়াবাড়ি, চোড়েছে সপ্তমে,—  
 বাসায় তাদের মন্ বসেনা, পথে পথেই ভ্রমে ।  
 রাস্তাই হ'য়েছে তাদের সখের বৈঠকখানা,—  
 দল্ বেঁধে সব—ডেউ তুলে যায়—মেলে সিলেকর ডানা ।  
 পান চিবিয়ে অটুহাসি, খোশ্ গল্প পথে,  
 ভদ্রেরা সব পাশ কাটিয়ে—সরেন্ কোন' মতে ।  
 সেলাই-সর্ব্বস্ব আর জমি-শূন্য জ্যাকেট,—  
 হাইকলার ঘরে হার—ঝুলচে তার লকেট,—  
 দুধারেতে হাতা দুটো—হাতীর কানের মত'—  
 লট্ পট্ কোরে শূন্য—দুল্চে ক্রমাগত ।  
 “নাতিদরশা” বেড়ান যেন দিল্লীর রাজপথে,—  
 বিজয়-গৌরব তাঁর—ঘোষিয়ে জগতে ।  
 কিম্বা যেন' কনুই থেকে, বাদুড় দুটো ঝোলে,  
 প্রমীলার মত' বেশে—বেড়ান সব চ'লে ।  
 যে দেশে এসেছ' দ্যাখ'—তাদের মহিলারা—  
 কি বেশে বাহির হয়,—কি তাদের ধারা ।  
 বেহায়ার মত সব পথে ঘাটে ফিরে—  
 পরিহাসের পাত্র হেথা—কোরলে বাঙ্গালীরে ।

“নাচিতে চামুড়ারূপে”—মিথিয়া অবনী—  
 “সাইকেলেতে” সাড়ি পরা—ছুটিছে রমণী ;  
 রাস্তা চিরে, মসীকৃষ্ণ—বিদ্যুতের ছটা—  
 প্রকাশি, চলেছে যেন—কলির ঠিঙ্গটা ।  
 “মোটারে”ও দেখিতেছি—সুভদ্রা সারথী,  
 কাশীতে অলীক্ আর—নহে এ ভারতী ।

কবির আশা—“না জাগিলে ভারত ললনা,—  
আজো কি অপূর্ণ আছে ?—তোমরাই বলনা ?”

### বৌ-ঝিদের সখের বাজার

পোড়া বাঙ্গলায় যত মিহি—তত তার খ্যাতি,  
কাপড়ে ক্রমে উলঙ্গ—হ’য়েছে এ জাতি !  
ভাগ্যে হরেছিল দেশে সৈমিজের চাল,—  
রক্ষাটা হ’য়েছে তায়—কতক জঞ্জাল ।  
ঘোমটা হীন; “পিন্”\*—পেয়ারী—আলতা পরা পায়,—  
হাল্ ফ্যাশানে বগল বেড়ে সিল্কের চাদর গায়,—  
অলঙ্কারের-আড়ৎ যেন’—চলেন ঘরের ঝি,  
পশ্চাতে রন্ পাকের মত—সঙ্গী কস্তুরীটি ।  
কস্তুরী দাঁদিকে যেন’—মোটর গাড়ির ঢাকা,—  
সাদা শব্দ সবই তাঁদের—গাড়ির শব্দ ঢাকা !  
পাথর বঁধানো গলি, আছে বৃক পেতে,—  
তানাত’ পাতালে যেত’—লাথি খেতে খেতে ।  
কাঠের খেল্‌না চুড়ির দোকান—বাসনের বাজার—  
দেখলেই দাঁড়াতে হবে,—বেচারারা নাচার !  
জার্মান-সিলভারের বাসন, নিকটস্থ হ’লে—  
কস্তুরী স্মরণে—“বিশ্বনাথ শূন্য হোলো থ’লে” !  
তিন-পদ্রুকের ফর্দ—মাগ্ন মাস্‌তুত’ মা’র মাসী,—  
তীরো তরে চাই একথানা, জার্মান-চাঁদরী কাঁসী !  
সিগারেট্‌ মদ্যে কস্তুরী, ভাবেন মনে মনে—  
“ঝক্‌মারীর মশল আজ দিতে হবে গ’লে” ।

\* “সেক্‌টি পিন্” ।



অপক্ক বোঁঝিরা সব, সাজেন্ ছাড়া পাখী,  
চোখ্-বুজ্জ কত্তারা ফেরেন—মান সম্ভ্রম ঢাকি ।

---

বিশ্বনাথের আরতি দর্শনার্থিনী বঙ্গ-অবলা

আট্টা রাতে বিশ্বনাথের—হয় যখন আরতি ।  
দেখ্বেন সেথা বেশীর ভাগই, বাঙ্গালী বদ্বতি ।  
অন্য রমণীরা আছেন—নাইক' এতো আটা,  
নাইক এমন ধম্মে' মতি—এতটা বুদ্ধের পাটা ।  
আদ্ মাইল্ গলির পথ, বোঁঝির দল মেলে,—  
সঙ্গে কারো ছোট ভাই—ন'বছরের ছেলে,  
কিম্বা তাঁদের বাসাউলী—বিখ্যাত আদ্-বুড়ি,—  
অথবা সে-পাড়ার কোন' নাম্জাদা এক খুড়ি,—  
চলেছে সব সৌখীন ভাবে বেশ বিন্যাস সারি,—  
পোদ্দারের দোকান্ যেন'—অলংকারে ভারি ।  
পদ্রুঘের ভিড়ে যখন, রাস্তা সরগরম্,—  
ঠাশা ঠাশি ঘেঁশাঘেঁশি,—সম্ভ্রম সরম—  
বিসম্ভিজ্জা চলে যেন—স্বাধীন জানানো,—  
আশায় বুদ্ধ দশ হাত হয়, দেখে ব্যাপারখানা ।  
এত নিষ্ঠা এমন শ্রদ্ধা । এইত হিন্দু ধম্ম,  
এ আরতি দেখা নয় যার তার কৰ্ম্ম !  
বাঙ্গালীর বোঁঝি ব'লেই—পার্চে এরা সেটা,  
এই তো এত' জ্ঞাত রয়েছে—পারুক্ দেখি কেটা ।  
ব্রাহ্ম বা আৰ্যসমাজী, কিম্বা হলে খৃষ্টান্—  
ছিলনাক' কোন' কথা,—জানেন্ তাঁরা সম্মান্—  
কি ক'রে বাঁচাতে হয়,—রাখেনও ক্ষমতা,  
পদ্দানসীন্ হ'য়ে একি সখের বস্বরতা ।

---

সাধু সাবধান

শুনতে পাই চঞ্জিশের পর, চুলটা কাটেন্ খাটো  
 রদ্রাক্ষ ধারণ করেন—কথাটা কন্ মাটো ;—  
 উপদেশটা দেন শ্রুত—লন্না সেটা কানে,—  
 মদ্থে মদ্থে শ্লোক আউড়ে শুনান গীতার মানে ;—  
 “রদ্রজামল্, পাতঞ্জল্—ডামর”, জানা আছে !  
 হঠযোগের আসন দেখান যদ্বিভিদের কাছে ;—  
 মাছ মাংস বেড়াল তরে, কিনে নে’যান নিত্য,—  
 ভৈরবেতে সদাই নাকি ভ্রমে এ’দের চিত্ত ;—  
 পরিধানে দেখতে পাবেন—গেরুয়া কিম্বা মট্কা,  
 আচ্ছাদন নামাবলী,—সেইখানেই খট্কা !  
 অনেকেই বাড়ী রাখেন—নিজের কিম্বা ভাড়ার,  
 ঞ্জন চালে চলেন, ঠিক কদ্বী’ যেন পাড়ার ;  
 মদ্বলিস্ যদ্বা কি প্রোঢ়—তাদের খোঁজ করে,  
 খাত্রীদেরও সমাদরে তোলেন নিজের ঘরে ;  
 সাবধান,—কভু এদের মিশ্র কথায় ভুলে—  
 নিশিচিন্তে বৌঝ রেখে বিশ্বাসের দ্বার খুলে—  
 গায়ে ফুঁদে বে-পরোরা—যাবেন নাক’ দূরে,—  
 বিশেষ রবেন খবরদার—সন্ধ্যা কি দূপদূরে ।  
 নানা রকম বিপদ্ আপদ্—শুনতে পাই ঘটে,  
 একেবারে মিথ্যা নয় যে কথাটা রটে ।  
 বড় বড় ওস্তাদের—কান্ কেটে দেয় এরা,  
 ক্ষতি, কি অপযশ নিয়ে, হয় শেষ ফেরা ।  
 অবশ্য—নয় সকল ক্ষেতের এক রকমই চাষ,  
 ভাল’ ক’রে তত্ত্ব নিয়ে—ক’রবেন বিশ্বাস ।  
 কেহ কেহ আছেন যাঁরা মায়ের মতই ঠিক্,—  
 সাহায্য যত্ন আদর সেথায় আন্তরিক ।  
 মন্দটার সংখ্যাধিক্য—কোথাই বা নয়,  
 হেথায় কিছদ্ বাড়াবাড়ি—বোলতে তাই হয় ।

## জুতো কই !

বড় দুঃখ দুঃখ রইল মনে, মোরে গেল সর্ব 'রিফর্মার'  
 চিরদিনই কেঁদে গেল—হ'ল না ভারত উদ্ধার ।  
 অনেকেরই দুঃখ ছিল—“বেড়ায় না কেউ ঘোমটা খুলে—  
 ঘোমটা হেথা অতীত কথা,—রাস্তায় এরা কুসোয় চলে !  
 আহা রাস্তা দূর-বেলা—এ-ওর বাড়ী খেলতে তাস্—  
 পথের মাঝে এলোচলে—যাত্রা এদের বারোমাস ।  
 মা আমাদের চিরকালটা—গায়'দে মোলেন্ মোটা চাদর,  
 শাল্ দোশালা দিইনি তাঁরে—এম্নি তখন ছিলুম বাদর ;  
 ভাগ্যে এখন মানুষ হ'য়ে—পরিবারকে দিচ্ছি সেটা,—  
 ভবিষ্যতে লজ্জাটা আর—পাবে নাক' মোদের বেটা !  
 জুতোটা পরালে আরও—হয় একটা উপকার,—  
 পথে ঘাটে পদজোর ফুলটা—ঠ্যাকে না চরণে তাঁর !

দুঃখটা মোর ঘুচে গেছে হয়ে গেছে সেটার চলন্  
 স্যান্ডেলে ছেয়েছে দেশ,—অভাবটা হয়েছে মোচন্ !  
 এটা কিন্তু হয়নি মন্দ ; আসছে স্বাধীন হবার দিন,  
 যখন, বিশ্বের কথা ভাবেনা বাপ—দস্তুর মত উদাসীন !  
 দর্শিচিন্তারো নাইক কিছ্, উঠে গেছে ঠাকুর ঘর,  
 ভাতের হাঁড়ির ভার নিয়েছে উড়িষ্যার বিজবর ।

---

# কান্দীর-কিঞ্চিৎ

## দফা—রফা

### উপাধি না ব্যাধি

উপাধিটা সর্বাপেক্ষা সস্তা হেথা অতি,  
অনেকেই শিরোমণি, বহুং বাচস্পতি,  
কেউ বা হেথা কবিরত্ন, কেহ সাংখ্যভূষণ,  
ন্যায়ালংকার, বিদ্যারত্ন, স্মার্ত, তর্ক-পণ্ডানন ;  
চুড়ীমণি, কেহ শাস্ত্রী, কেহ বেদান্তবাগীশ,  
অনেকেরই নামের ওটা, চটক্‌দার পালিস্ ।  
এইরূপ খেতাবের নাহিক অবধি,  
“রতনের” ছড়াছড়ি—বিপুল জলধি ।  
কার্‌ দত্ত উপাধি যে—পাইনাক’ খুঁজি !  
অনেকেরই “চাণক্য-শ্লোক” “সুবমালা” পুঁজি !  
“মনদুটো” যার দেখা আছে, কে পায় তাঁর নাগাল্,  
উঁচু গাছে জড়িয়ে উঠে—ঝোলেন্ যেন মাকাল্ ।  
তার উপরে ক্রিয়াকাণ্ড—কতক জানেন যিনি,—  
অস্থানে অনুস্বার দিয়ে—বাহবা ন্যান্ তিনি ।  
ইহাতেই “স্মৃতিরত্ন” বলেন তিনি নিজে,  
শোলা হয় কি রসগোল্লা—চিনির জলে ভিজে ?  
ঘুঁতিয়ে টোল্ ভেঙে কেউ—বেরিয়েছে রাস্তায়—  
বিধান্ দিতেও পরিপক্ক সৃষ্টিছাড়া অবস্থায় !  
জুতো মোজা র্যাপার কোট—সবই গুঠে অঙ্গে,  
একালের নিন্দা কিস্তু—আছে তার সঙ্গে ।  
পাণ্ডিত হ’লে রসিক হয়—সেটাও বেশ জানেন,—  
বে-তালেও “রসরাজের”—শ্লোকগুলো ঝাড়েণ্ ।

মাইকেল নামেতে এক সম্ভ্রান্ত সৃজনে—  
 জিজ্ঞাসে নামের অর্থ—জৈনিক ব্রাহ্মণে  
 তিনি ক'ন—“কিছু নয়, ওটা একটা টাইটেল,—  
 “কুস্তলীন” ব'লেই যেমন বদ্বায়—সুগন্ধী তেল ।  
 “মাইকেল” শুনিলে বদ্বো—“মধুসূদন দত্ত,”  
 “আকাশ” ব'লে বোঝায় যেমন—মস্ত একটা গত্ত ।  
 বিপ্র বলে—না বদ্বিন্দু এ বিচিৎর খেল,  
 “মাইকেল”ও বদ্বিন্দু যত—ততই টাইটেল” !  
 আমিও বদ্বিতে নারি—না পোড়ে কেতাব,  
 কেমনে মিলিছে এত—দুচোকো খেতাব !  
 সন্দ হয়,—এইগুলো উপাধি কি ব্যাধি,  
 অ-কৃত্রিম্ মৃগনাভি কিম্বা ইন্দুর-নাদি ।  
 যথার্থ পণ্ডিত যারা,—থাকেন নীরবে,  
 কাশীতে কৈবল্য চিন্তা করেন তাঁরা সবে ।  
 তাঁদের তরেই বিশ্বমান্য—বিদ্যা-কেন্দ্র কাশী,  
 দেশ দেশান্তরের লোক—মাথা নোয়ায় আসি ।

### “বাড়ী” বিসর্জন

বড়দের বাড়ী খুঁজতে বড়ই লাগে খৌকা,  
 অপমান না হও যদি, হবে কিন্তু বোকা ।  
 ছোটরাই বাসায় থাকে, বাজার করে খায়,  
 শশের তেল মাখে আর ভুব দেয় গঙ্গায় ।  
 সম্ভ্রান্তেরা সোধে থাকেন, কারো অট্টালিকা,  
 তাঁরা সবাই মার্কা-মারা, নহেন গজালিকা ।  
 পণ্ডিতদের মৃৎস্পর্শে—“হাওয়া” যেমন হন “পবন”  
 কোর্টের গন্ধ থাকলেই যেমন নোটিশগুলো হয় “সমন” ।  
 কাশীতে ইট্ গাড়লে তেমনি,—বোদলে গিয়ে নাম্,

কেউ “আশ্রম” কেউবা “ভবন্”—কেউ হয়ে যায় “ধাম” ।  
 কেউবা “নিবাস্” কেউ “নিকेतন,” হয় বা কেউ “কুটির”  
 এন্দিন্ পরে “বাড়ী” গুলোর—পালা প’ড়েছে ছুটির ।  
 শঙ্কিপত্র পেয়ে এখন বাড়ী আর নাই,  
 “ট্যাবলেট্” যা বলে এখন বলতে হবে তাই ।  
 বাঁকড়া জেলার যাত্রীরা ত’—রাখেনা এ খবর,  
 পাথরের-গায় লেখা দেখে জিজ্ঞাসে—“কাব্ কবর্” ?

---

### ধর্মরক্ষা ও সমাজসংস্কার

ধর্ম আর সমাজরক্ষার—সহস্র প্রস্তাব,—  
 বহুৎ মন্তব্য দেখি,—নাহিক’ অভাব ।  
 কণ্ঠে আর কাগজেতে, দেখতে তাদের পাই,  
 কেবল মাত্র কার্যক্ষেত্রে—সাক্ষাৎটা নাই ।  
 আছে বটে কতক্ গুলো—কছু আর ওল্,  
 “আচারে” প্রবেশ পেয়ে—বাধিয়ে দেছে গোল ।  
 কে কোথা বিদায় নেছে—চেপে ধরো তাকে,  
 অম্বকের পুত্র কেন’—টিঁকি নাহি রাখে ?  
 কে কার ব্যবস্থা দেছে—রাখো তাঁরে ঠেলে,  
 সে দিন অম্বক কেন’—হাঁসের ডিম খেলে ?  
 কোন্ রাক্ষস ভুলে গেছে—টপেতে দিতে কানে,  
 সপ্তরথী মিলে তায়—বোধতে হবে প্রাণে ।  
 এই সব অশ্বাভিষেক—ল’য়ে দিন রাত—  
 টিঁকি নেড়ে ঝাড়েন শব্দ—বকেয়া সব বাত ।  
 মাছি কেবল রণ খোঁজে—মধুকরে মধু,  
 স্বভাব দোষে শ্রীক্ষেত্রেও দ্যাখে কেউ কদু ।  
 ভাবেন তাঁরা এই উপায়ে—আনবেন সত্যযুগ,  
 যত আছে মাসকড়াই—হবে সোনাযুগ ।

সে আর হবে না প্রভু সৌদিন গেছে চলে  
 পারেন নিজে করে যান—প্রাণ যেটা বলে ।  
 নিছাক্ সেকালের কথা—একালেতে ছাপি,—  
 আচারের প্রভেদগুলো—প্রাচীন মাপে মাপি,  
 পাছ হ'টে ফিরে আবার—যেতে মনুর বাড়ী,  
 কোপনি প'রে হাতড়াতে—সেই পরাশরের হাঁড়ি ;  
 আসল ধর্ম চাপা দিয়ে, আচার নিয়ে থেকে—  
 শ্লোক তুলে যতই কেন'—মরিনাক' হেঁকে,  
 মনে মখে লুকোচুরি—কার্ষে ধরা পড়ে,  
 কাল-ধর্মের সঙ্গে সঙ্গে—মনটা আগে নড়ে ।  
 গভীর সমস্যাগুলো ঐ ছাঁচেতে ফেলে—  
 ঠাট্টা বা টিট্কিরির ভাষায়—হাজার লিখে গেলে,  
 হ'তে পারে তাম চরিতার্থ—লেখার ক'ড়ম্বন,  
 দ্বন্দ্ব কথা বলে নেবার—আনন্দ পোষণ,  
 কিন্তু তাতে নদীর স্রোতে—ফিরিয়ে বিপরীতে,  
 কথার জোরে হিমালয়ের—শিরে তুলে দিতে,—  
 হয় হোক্ সম্ভব তা—পশ্চিমতদের ঠাই,  
 আমার মত মূর্খের তা—বোঝবার জো নাই ।

### শিব-বিবাহ

গন্ধর্বাদি বিবাহটা—মন খুঁজলে পাই,  
 “শিব-বিবাহ” বোলে সংজ্ঞা বড় দোঁথ নাই ।  
 শিবের রাজ্যে সৃষ্টিছাড়া—হওয়াটা চাই সব,  
 “শিব-বিবাহ” প্রথারও তাই এখানে উদ্ভব ।  
 মন থাকলে অভিমানে—ডুবতেন্ গঙ্গা-জলে,  
 ফাঁকের ঘরে অনেক প্রথাই যাচ্ছে সটান্ চ'লে ।  
 কুল্ শীল্ করণ কারণ—ঘর দেখা নাই এতে—

ঘটকের কুলদুর্জী নাই—না মন্ত্র না পেতে ।  
 না আছে তার জাতি বিচার—বিধবা সধবা—  
 কুমারী স-পুত্রা কিম্বা—কোন বংশোদ্ভবা ।  
 “ম্যারেজ” কিম্বা ‘নিকের’ চেয়েও, দেখিচি এটা সোজা,  
 স্বেবিধাটাও ততোধিক, বওয়াও সহজ বোঝা ।  
 ঘর কিম্বা দালান উঠান—চাইনা কোন স্থান,  
 কন্যা কি বরবস্ত্র নাই—নাইক’ সম্প্রদান ।  
 শিবের মাথায় হাত দিয়ে—এই রাজিনামা হয়,  
 মন্দিরের দ্যালগুলো সব—সাক্ষী তার রয় ।  
 কোনো এক মন্দিরে ঢুকে, প্রেমিক প্রেমিকা—  
 মঞ্জুরটা কোরে ফ্যালেন্—সখের এই ঠিকা ।  
 “সুতহিবদ্ধক্” যোগাধির—নাইক’ পাজির ফার্সাদ,  
 পুরো মাত্রায় নয়ও এটা—প্রেমের পীড়ার ব্যাসাৎ ;  
 “এ” ভাবে “ওয়ে” অভিভাবক—আর, দোনোই ভাবে মনে  
 “ভাব্‌চো যা তা মোটেই নয়”—এই ভাবই দৃজনে ।  
 পত্নীর চেয়ে পয়সার দিকেই—বরের বেশী নজর,  
 পস্তান্ শেষ “শিব-পত্নী”—না ফির্তে বছর ।  
 সত্য প্রেম যে কোথাও নাই—কে বোল্‌তে পারে,  
 শর্মা ওতে চিরমুখ,—বিধাতাও হারে ।

### ফুট্পাতের মর্ম্মকথা

কিছু দিন পুর্বে হায় । ভাবিত ফুট্পাথ্—  
 উৎপাতের মধ্যে সহ্য—নয়-পদাঘাত ;  
 চিৎপাৎ হইয়া পড়ি—ভাবে সে এখন—  
 বৈশি টুল টেবিল্ চেয়ার—সবারই চরণ—  
 বৈকালী-বৈঠকে তার বন্ধুকে চেপে বসে,—  
 বাবদু তার সওয়ার হ’য়ে—পম্শ্ কেবল ঘসে ।  
 আয়েস্ পান্ ত’ ঘসদন্ বাবদু—তাতেও ক্ষতি নাই,



যে-সব কথা কন বসি সব—আঁক্‌ড়ে যদি পাই ।  
 দেশের বন্ধুকে কি যে ব্যথা—কত আঁখি ঝরে,  
 স্মরি আমার মাটির বন্ধু—ফাটি ফাটি করে ;  
 কিন্তু এদের হাসি ঠাট্টা—লম্বা চওড়া কথা—  
 পান সদুর্ভাগি সিগার সনে জাগায় শব্দ ব্যথা ।  
 কেউ বোধ হয়, এই সে দিন—ছেড়েছেন শ্রুণ,  
 আজ দেখি তাঁর পথে বসি—“৮প্” চিবোবার ধুম্ ।  
 এটাও যেন বাহাদুরী—মস্ত একটা কাজ,  
 বঙ্গমাতার মাথায় এঁরাই—পারিয়ে দেবেন তাজ ।  
 কাশীতে প্রকাশ্য পথে এ সব বাহাদুরী—  
 বাঙ্গালী আর বাংলার কি বাড়াবে মাধুরী ?  
 নিজের মাটি—ধর্ম আমার—মাটির খবর রাখি,  
 মানদ্ব্য কিন্তু শব্দে নাক—ভাই মোরচে ডাকি !  
 বাংলায় দর্ভিক্ষ-ক্লিষ্ট \*—লক্ষ নর নারী,  
 তোমারি যব ভাই বোন—অম্লের ভিখারী ;  
 কত' মা বাপ ছেলে মেয়ে ভীষণ অন্নভাবে—  
 ধড়ফড়িয়ে যাচ্ছে মোরে,—আরো কত যাবে !  
 তুমি হেথা ফুর্তি ক'রে—এসেছ বেড়াতে,  
 মদ্য বোদলে এক-ঘেয়েমী—কতকটা এড়াতে ।  
 আজ যদি কুপা ক'রে—সে সব দিকে যেতে,—  
 পূজোর ফুর্তির এই টাকাটা—ভাগ কোরে সব খেতে ।  
 বেশী নয়—রেল ভাড়াটার—অর্ধেকটাও দিলে—  
 দশ হাজারও বাঁচতো, যারা মোরচে তিলে তিলে ।  
 আজকাল দেখি ছেলেছোকরাই কাশী আসেন বেশী,  
 আর আসেন উকীল মোক্তার—প্রকৃত স্বদেশী !  
 দেখলে কিন্তু বাবুদের, হাওয়া খাবার বাই,—  
 কে বোলবে অন্নভাবে, দেশে মোরচে ভাই ?

\* ১৩২২ সালের পূর্ববঙ্গ, ঝাঁকুড়া প্রভৃতি স্থানের দুর্ভিক্ষ ।

কাশীর মাছ মাংস দূধ—রাব্‌ড়ী আর মালাই—  
 রাখেনি কি বাঙ্গালীর—দুয়া ধুস্মের বালাই ।  
 দদ'চার মদুটো মোটা ভাত,—যা হয় একটা ডাল,  
 এ টুকুও ত্যাগের আজও—আসেনি কি কাল ?  
 এই সব দেখে কেবল—অন্নপূর্ণা হাসেন,—  
 নিভুতে নীরবে কিন্তু—চোখের জলে ভাসেন ।  
 একটা বছর নাইবা এলেন—বাঁচান গিয়ে ভায়ে,  
 সেই খানেই নিয়ে যান—অন্নপূর্ণা মায়ে,  
 অন্নকুট্ অন্নমের—করুণ গিয়ে সেথা,  
 আপনি ছুটে যাবেন মাতা—ছেলে ডাক্‌বে যেথা ।  
 দেখবেন তায় কত তৃপ্তি—টাকার সার্থকতা,  
 নবদেশীর চরম সিদ্ধি—পরম সফলতা ।

বড়রাও বার্‌ দিয়ে—বসেছেন দেখি,—  
 কেহ বা বিশিষ্ট, কেহ—টেকি কিম্বা মেকি ।  
 “গদুড়ের সের পাঁচ আনা—গ্যালো এবার দেশটা,  
 বেশ কোরে টিকে দিয়ে—তামাক দেতো কেটা” ।  
 “চার আনা পালমের সের—শুদুনেছ’ কি বে’ই ?  
 বাজারে আর আমাদের—টোক্‌বার যো নেই” ।  
 “আমরাই দেখিচি ভাই—টাকায় এক মণ চাল,  
 কোথায়ই বা গ্যালো সে দিন,—হায় রে সে-কাল” ।  
 এই সব কথা—আর জোটে-বুড়ির ল্যাজ্—  
 কে কতটা ছিঁড়েছেন,—জি-পি-নোটের ব্যাজ্ ।  
 আজকাল কত কোরে ? প্রভৃতি প্রভৃতি,  
 সন্ধ্যা ছ’টা থেকে ন’টা,—পরেতে নিষ্কৃতি ।  
 বহু ভাগ্যে ঘটে ভালে কাশীক্ষেত্রে আসা,  
 সর্বপাপহন্ত্রী গঙ্গা—সর্ব তাপনাশা,  
 এ বয়েসে নিষ্ঠা সহ, সেখানে একবার  
 সন্ধ্যাকালে বোস্‌লে, পান আনন্দ অপার ;

সময়টা কাটাবার তরে—এই “কথা-বাজী,”  
 আরো কি ভাল দেখায়—এ বয়সে আজি ?  
 দূটো কথা একটু হাসি, গদ্‌দক্‌ দদ-এক কোল্‌কে,  
 এরি মোহে এখনও কি—প্রাণটা ওঠে চোল্‌কে ?  
 আমার তাতে নাইক’ ক্ষতি—পা’র্-ধূলো ত’ পাই,  
 বৃকটা পেতে পোড়ে থাকি,—ধম্ম’ আমার তাই ।

দেখে তাঁদের লজ্জা হয়,এ উল্লসিত যুগে,  
 মাটির রাস্তা ধূলোর কাঁড়ি, কাদায় যারা ভুগে ।  
 “৭ টাকার জুতো জোড়া—দুন্দর্শা তার ঐকি !  
 বৃকটা করে চড়্‌ চড়্‌—তার পানেতে দাঁখি !  
 তিন হাজারের মোটরখানা হোলো দেখা’ছি নষ্ট !”  
**Tarred Road** হবে কবে, ঘুচ্‌বে এঁদের কষ্ট !  
 দুর্ভাবনা ছাড়ো বাছা ব্যবস্থা হয়েছে তার,  
 মায়ের মূখে ‘টার’ মাথাতে বিলম্ব নাইক আর !  
 আরস্ত হয়েছে তার, সুপুত্র সব আছেন যখন,  
 থাকবে কেবল তাদের বাকি, অন্ন যারা যোগায় এখন ।  
 তারাই আমার পেটের ছেলে—মাটি যাদের আপন মা,  
 বেঁচে থাকুক ধূলোয় কাদায়,—না হ’লে দিন চলবে না !  
 ভাই বলে তাদেরও দেখো, ‘অটোনমির’ স্বপ্ন মিছে,  
 মনে মনে পুটুলি বাঁধা,—ফস্কা গেরো বদ্বাবে পিছে ।

### মোণ্ডা-খেগো কাশীবাসী

সম্বেদশাদি মিষ্টান্নের দোকানের সারি,  
 বাঙ্গালীটোলার পথে—শোভিছে দদ’ধারি ।  
 তিরিশ খানার কম নয়,—বিশ মণ মাল,—  
 কাটে নিত্য নিয়মিত,—সন্ধ্যা কি সকাল ।

কাশীবাসী কৃপা করি—চোয়ালেতে চূর্ণ—  
 করি তায়,—করেন্ তাঁর বৃকোদর পূর্ণ !  
 ক্ষীরমোহন চম্-চম্ রসগোল্লা আর—  
 রাবড়ি প্রভৃতি হয় সাত্ত্বিক আহার ;  
 কাজেই—এ ধর্মক্ষেত্রে—প্রাচুর্য্য তার চাই,  
 তানাত' চ'লেই যেত'—চানাটা চিবাই !  
 কি বহরের “বাসী” আছেন, কিরূপ তাঁদের ওজন,  
 বুদ্ধিমানের বুদ্ধি নিন্—দেখে এই ভোজন !  
 অনেক বিধবাস্য রাতে—তিন-পো মাত্র খান,  
 এইরূপ একাহারে—জীবনটা কাটান্ ।  
 “কি কঠোর” ! ভেবে—পেটে হাত্ পা যায় সে'দিয়ে,  
 লোভে পুত্ৰী স্বরা না দেন—ধরা থেকে মোয় খেদিয়ে !  
 দ্বাদশীর প্রাতে—কিন্তে গেলে রাবড়ি মালাই,—  
 দেখ্বে, যেন কাশী ছেড়ে—গেছে সে সব বালাই !  
 দশমীর দাপট্ দেশে—ভাবে আফিমখোর,—  
 “ব্রজ ছেড়ে কাশীতে কি—এলো ননী-চোর ?  
 যাঁরা আছেন বড়লোকের—বড়-পায়ার গদরু,  
 তাঁদের বরান্দ'গুলো “সের্” থেকে সদরু ;  
 সম্বন্ধী কি ম্যানেজার—স্টেটের চার্জ্ থাকেন,  
 তাঁরাও রীতিমত এই—সাত্ত্বিকতা রাখেন ;  
 বাকি খান—যাঁরা সব পরের মন্ডেই সারেন,  
 অবশিষ্ট যেটা—সেটা বাবু'রাই মারেন ।  
 এইরূপ কষ্টে হয়—সাত্ত্বিকতা রক্ষা,  
 কেউ খায় ম্যাওয়া ফল্—বেদানা মনক্কা ।  
 সন্দেশের বিজ্ঞাপনও—বিলি হয় হেথা,  
 ক'লকেতার ভীমনাগও—জানতো না সে কেতা ।  
 ‘অবাক্’ অবাক্ হসে—থাকে গুঁড়ি মেরে,  
 ‘নবাব্-ভোগ্’ ‘মোহনচুড়া’,—স্থান নিচ্ছে কেড়ে ।  
 ‘পানফলে’র আকার ক্রমে—ধ'রেছে ‘সিঙ্গাড়া’,  
 দেড়-টাকা সের হে'কে সেও—দ্বিতেছে শিং-নাড়া ।

বড় বড় যোগীদেরও—শব্দে পাবেন্ পতন,  
টেস্ক, বয়েস, বাজার-দরের,—উথান্ টাই চলন্ ।

### কাশীতে শিব-প্রতিষ্ঠা

কাশীতে শিব-প্রতিষ্ঠা—অনেক ভাগ্যে ঘটে,  
মহাপুণ্য-কীর্ত্তি ইহা—কাশীখণ্ডে রটে ।  
মহা মহা পুণ্যবান—পুণ্যবতী আর—  
মন্ত্রধামে ঐশ্বর্যের—যাঁরা অবতার ;  
তা ছাড়া অতীতের কত—সাধু মহাজন,  
এই মহাকীর্ত্তিস্তম্ভ—করিয়ে স্থাপন,—  
অর্চনার সুব্যবস্থা—ক’রে গেছেন সবে,  
নির্বিঘ্নে তা বস্তুমান—আছে সগোরবে ।  
প্রাতে পূজা, সান্নাহতে—শত্ৰু ঘণ্টারতি,  
ধূপ্ দীপ্ সজ্জ’রসে—শান্তিপ্রদ অতি ।  
দেখে শব্দে—রামা শামা পাচী, পুঁটি, চেগে—  
দু-চোখো শিব-প্রতিষ্ঠা—কোরেছে সবেগে !  
ভাড়ার আশায় বাড়ী কোরে,—কষ্টে সৃষ্টে অতি,  
একফুট স্থান শিবকে দিয়ে—বাড়িয়েছে দুর্গতি,  
ভাড়া আদায়, কাশীবাস, শিব-মন্দির দান,—  
এক জিলেতে তিন পাথরী—মারেন বুদ্ধিমান ।  
বাড়ীর ডাইনে শিবের কোটর—লাগানো তায় চাঁবি,  
অন্ধকূপে দিন রাত্তির—খাচ্ছেন্ তিনি খাবি ।  
মাকর্শা উইচিংড়ে মশা—ইন্দুর তাঁর সাথী,  
দিনান্তে চাকিতের ন্যায়—দেখেন্ কেহ বাতি ।  
এটা—যাঁর বহু ভাগ্য, তাঁরই ব’ল্চি কথা,  
দিনে দুটো চাল জল, এই সাধারণ প্রথা ।  
বহু আছেন পান্‌না যাঁরা—পূজারীর বার,  
পক্ষান্তে বা হস্তায় কেহ—থোলে একবার দ্বার ।

মাসিক এক টাকা—কার' আট আনা বরান্দ,  
তারির মধ্যে মাইনে আর মহাদেবের খাদ্য ।  
কাজেই এই আদ্য-শ্রাদ্ধ—এই ভাবেই চলে,  
জানি না উভয়ের ফল্—কার্ কতটা ফলে ।  
কর্তার এটা সদুরতি-খেলা—এক টাকা নয় যাবে,  
ভাগ্যে যদি লেগে যায়—সস্তায় স্বর্গ পাবে ।  
পক্ষান্তরে পাইখানাটা—বামদিকেতেই শোভে,—  
সেটার আছে মেরামত—মেথরাণী রোজ্ ধোবে ।  
সিঁড়ির নীচের ফাঁকটাই প্রায়—শিব দিয়ে হয় ভরাট্,  
কাঠ কয়লা ঘুটেও থাকে,—শিবের যেমন বরাত ।  
অষ্টপ্রহর পায়ের শব্দ—জুতোর মশ্‌মশানি—  
মাথার উপর চলে নিত্য,—নিম্নে শূলপাণি ।  
দেবতাদের সঙ্গে এই—নিষ্ঠুর বিদ্রুপ—  
সশঙ্ক হৃদয়ে দেখে,—থাক্তে হয় চূপ ।  
বিলাসে বিষয়ে ভুবে—মালিক থাকেন দেশে,  
শিবের দুর্গতি কেহ—দ্যাখে নাক' এসে ।  
ভক্তে যেন' ভবিষ্যতে, সদ্যাবস্থা করি—  
প্রতিষ্ঠা করেন শিব—এ সকল স্মরি ।

### খালাস্-পাওয়া ডাক্তার

চুল্ পাকিলে খালাস্ পেলে—বহু ডাক্তার আসি,—  
পুঁজি আর পেন্‌সন্‌ নিলে—বাস করেন কাশী ।  
সত্ত্ব কত্ত্ব থাক্তে কভু—ছাড়ে নাক' কেহ,  
রক্তটা জল কোরে দিয়ে—ভেঙে পোড়লে দেহ,—  
ওপার্ থেকে “ফাণ্ট্‌বেল্”—দ্বিচ্চে যখন শমন,—  
কস্ম' থেকে প্রায়ই দেখি—রেহাইটা-হয় তখন ।  
তবু হেথা পোষাক এঁটে—গলায় দিয়ে “কলার্”—  
কেঁচে আবার পুঁজেন যদি—“অলমাইটী ডলার্”

প্রবীনে নবীন সেজে—“প্যাণ্টে” দিবে তালি—  
 আবার তোলে “সাইন বোর্ড”—মাথিয়ে চুণ কালি,  
 কেমন্ কেমন্ দেখায় ;—বরং খালাস ক’জন জুটে—  
 খুল্লে একটা “গ্ৰাটিস্ হল্”,—গরীব, অনাথ, মূটে,—  
 সাহায্যটা পায় সেখানে—যতটা সম্ভব ;  
 সার্থকও হয় কাশীবাস,—সকলে গোরব—  
 সহস্র মুখেতে ঘোষে ;—এবং এ আদর্শ—  
 ভবিষ্যতে অন্যদেরও—করেই-করে স্পর্শ ;  
 কৃপা কোরে ক’জন মিলে—হন যদি অগ্রণী,—  
 ক্রমে সাহায্যও করে—হৃদয়বান ধনী ।  
 নেই-যে নয় তিন চারিটি—“দাতবোর স্থান”  
 অসহায় গরীব গেলে—ওষুধ সেথা পান ।  
 যতই তার আড়ম্বরে—থাকুক্ না দীনতা,  
 দ্রুত্বেই বোঝে তার—কতটা মিষ্টতা ।  
 মহাপ্রাণ লোকের এ সব—ক্ষুদ্র প্রতিষ্ঠান্,  
 বিদুরের খদ্ সম—চির মহীয়ান্ ।

### স্নাকরার দোকান

চাল্ডালের দোকান তবু, খুঁজে দেখতে হয়,  
 স্বর্ণকারের দোকান হেথা কোথাও বিরল নয় ।  
 যে গলিতে যাই আর যে ঘড়িতে ঢুকি,—  
 দিন্ রাত স্নাকরার দীপ—মার্চে সেথা উঁকি ।  
 শুনতে পাই—অষ্টপ্রহর খোলা রেখেও দোকান,—  
 তবু নাকি দিতে নারে—“বাসিনী”দের যোগান ।  
 আংটি অনন্ত বালা, মাকড়ী আর হার,  
 প্যাটেন দেখে মেয়ে মন্দে—দিতেছে অর্ডার ।

প্রজাপতিগদুলো আগে—মধু খেতো ফুলে,  
 আহার নিদ্রা ছেড়ে এখন—বোসে থাকে চুলে ।  
 চিকের বাইরে মাছিগদুলো—কোরতো জ্বালাতন,  
 এখন তারা নাক ছাবিতে—নিয়ছে আসন ।  
 চিরদিনই বিশ্বনাথের—“স্ট্রেশন” অপবাদ,  
 তীর্থক্ষেত্রেও গমনা জোটান্—মেটান্ সবার সাথ !

সার্বজনীন ‘বিশ্বকর্মা’র হয়নি আজো উদয়—  
 কেনো যে, তা বন্ধুতে নারি ! শীঘ্র হবে বোধহয় ।  
 উৎসাহী বেরবেই কেহ—এ প্রস্তাবটা নিয়ে,  
 বেইমানী আর করা কেনো—দেবতার ফাঁকি দিয়ে !  
 “একজীবিসন” \* দেখে এবার—এসেছে নিতাই,  
 পুরানো-যা বাতিল্ হবে,—সাবধান ভাই ।  
 নতুন “ইন্ডাস্ট্রী” শিখে—হয়েছে সে পাকা,  
 ভারতের ভাগ্যাকাশে—গুডাবে পতাকা ।  
 এমন হার গোড়্বে এবার—ক্ষ্যাস্তো দিবে গলে—  
 জ্যাস্তো না আর রাখবে কারেও—বন্ধুর উপর চোলে ।  
 বালার পাক্ দেখে তাক্, লাগবে দামিনীর,  
 সমগ্র ধরণী এসে—নত কোরবে শির ।  
 জড়োয়া চুড়ি পোরে বড়ী—লীভবে মৌবন,—  
 আর না ভারত-মাতা—করিবে রোদন ।  
 “ইন্ডাস্ট্রী”র মেডেল্ নেবে—বঙ্গদেশ তেড়ে,  
 বিলাতের বণিকেরা—যাবে দেশ ছেড়ে ।  
 প্রয়াগে এবার দেশ—মুড়ুলে যে মাথা,  
 সেই পুণ্যে ভ’রে যাবে—বৈকুণ্ঠের খাতা ।  
 কোমর বেঁধে “ফাইন আর্ট”—শিখ্চে ভারতবাসী,  
 দেশটাকে পরাবে নাকি—বিনি স্নাতোর ফাঁসী !

\* ১৯১০ সালের এলাহাবাদ শিল্পপ্রদর্শনী ।



## লোক-লৌকিকতা, পূজা-পার্বণ

তীর্থ-ধামে এসে দেখি—আগে আগে ছুটে—  
 যে ভরে পালাও তুমি—তারা আছে জুটে ।  
 লোক-লৌকিকতা তত্ত্ব-তাবাস—পৌষ-পার্বণ,  
 কোন'টারই অভাব নেই—সবই বিলক্ষণ ।  
 কি পাপ ! হেথাও দেখি, কুস্তকারের পোলা—  
 বেচ্চে বোসে হাজার হাজার—আস্ক-পিটের খোলা ।  
 খেজুর-গুড়ের নাগরী আর ঝুনো-নারকোলের ডাই—  
 বাবু, ব্যায়রা, বৃদ্ধা, বেওয়া, কিন্তেছে ঠাই ঠাই ।  
 সকল ছেড়ে কাশী এসে—মরণ প্রতীক্ষায়,—  
 সাধু-গুলো সব ষোলো আনা—রেখেছে বজ্রায় ।  
 এখনো র'য়েছে তাদের—বাউনী বাঁধার ধুম,  
 শাঁখের শব্দে ভেঙে যায়—পাড়াপোড়সীর ঘুম ।  
 উৎসাহে জ্বলেছে সব—চিতুসের খোলা,  
 পার্বণে জেগেছে যেন—বাঙ্গালীর-টোলা ।  
 ষষ্ঠী মাকাল্ মন্সা ইতু—ঘেটু অরন্ধ্যন্,  
 নাগাৎ সে দুর্গোৎসব—রটন্তী-নোটন্ ।  
 অনন্ত, সার্বদ্রী আদি—ব্রত দুর্বার্ণটমী ;  
 বাদ্ দেয় না রাস্ দোল—সারদা বধুমী ।  
 গন্ধেশ্বরী ইত্যাদি আর—সুবচনীর চটক্—  
 রথও আছে, বদ্ব'লাম না—নাইক' কেন “চড়ক্” ?  
 সতেরো টাকায় দুর্গোৎসব, সেরে ফেলে সাফ্,  
 জ্যাস্তে ফুরিয়ে ফেল'তেছে সব, স্বর্গের সিঁড়ির খাপ্ ।  
 ত্যাগ নয়, এ ভোগের রাজ্য—হ'চে ক্রমে ক্রমে,  
 কাশী এখন সখের তীর্থ—বিষয়ী লোক জোমে ।  
 “সম্ভ্রীকোষ্ম্মাচরেৎ”—পদ্রাগ দেছে ক'য়ে,  
 সে কথা কেউ ঠেল'তে পারে—হি'দ্রর ছেলে হ'য়ে ।  
 তাতে আবার স্বাস্থ্যকর—কাশীর জল বাতাস,  
 কাজেই আছে ষষ্ঠীর কৃপা,—অতুড় বারো মাস !

দেশ-ছাড়া বাঙ্গালীর আড্ডা—হ’লে পোড়ে শেষে,  
কাশী এখন পরিণত—বঙ্গোপনিবেশে ।

বেরিবার তাড়ান বটে লাগিয়ে ছিল গোল্ ।  
বছর দুই আসত’ কানে—পালাই পালাই বোল ।  
বাঙালী-টোলায় বাদ্ ছিলনাকো বাড়ী,  
কতই যে মদুস্তি পেলো—ইহলোক ছাড়ি ।  
আশ্চর্য্য সে বেছে বেছে বাঙালিকেই ধরে,  
কারো চক্ষু গেল—কেহ “হার্টফেলে” মরে ।  
কারণটা তার আজো নাকি পড়ে নাই ধরা,  
বাঙালির চাল্ আর তেলে—হোলো দোষী করা !  
টমেটো আর পালম শাকের পড়লো মন্বন্তর,  
সবাই খোঁজে, সময় বদলে হোলো সোনার দর,  
সখের “সফরী” আর হননা কাশী মদুখো,  
কাশীর বাজারে যেন ধরলো ক্রমে শূন্যকো ।  
সময় বদলে ঘাটশিলা হোলো গদুলজার,  
কাশীর ভোগ মিলবে কোথা—কোথা সে বাহার ।  
এখন সে-ভাব কেটে গেছে, আসছেনও সবাই  
বেরিবার সে দুর্যোগ শুনতে না আর পাই ।

### বিবাহোৎসব

তের্মিন্ কুটুম্ কুটুম্বিতা—ঘট্ কী আনাগোনা,  
মেয়ের বাপের সঙ্গীন্ বিপদ—ছেলের ওজ’ন্ সোনা !  
আগদ্ পিছদ্ সাত পদ্রবের—নমস্কারী চাই,  
পাছা-পেড়ে গরদ্ নেবে—নাড়ী কাটা দাই ।  
জড়োয়া কাজের সোনার রিংয়ে—আছে বেয়ানের দাবী,  
অ্যাকে তাঁর শেষের ফল্—ফ’লেছে তান্ নাবি ।

“বিলাত” বর্শ্ হ’লে আজ—নিতেন লিখে ভিটে,  
 “কাশী”—বর্শ্ বোলে গেল—ভিলকাঞ্জে মিটে !  
 বোধ হয় বিশেষ চক্ষু লজ্জা,—হয়নি তাই চলন্,  
 তা ব’লে কি ক’নের বাপের—করা উচিত্ ছলন্ ?  
 সোনার একটা গাঁজার কোল্কে, কিম্বা “কাক্ইস্কুর্দ্”  
 বরাভরণ সঙ্গে দেওয়া—নয়কি উচিত্ সদুর্দ্ ?  
 শব্দদৃষ্টির সোনার চশমাও—ভুল বাঁচাতে দরকার,  
 “বউ” দেখতে ঝাপ্ সায় না—দ্যাখে “নিমাই সরকার !”  
 ছেলেত’ নয়, পাপীয়া সব,—“চোখ্ গেল” এই বোল্,  
 কলেজ চোষ্তে তাইত’ নাকে—চাই সোনার জোল্ । \*

পথে ঘাটে শাক বাজিলে—জল-সওয়াটোও আছে,  
 নারায়ণী আর নয়নতারা—বাসর ঘরেও নাচে । \*  
 ক’নের বাড়ী গেটের মাথায়—“ওয়েল্ কন্” লেখে,  
 আসরে দেয় সোনার জলে—“হ্যাপী-ম্যাচ্” এঁকে ।  
 মেয়ের মাসী পদ্য লিখে—দেন উপহার,  
 নানা বর্ণে সিল্কে ছাপা—বিচিত্র বাহার ।  
 “ওয়েল্ কন্” “হ্যাপী-ম্যাচ্”—বাহিরের চাল্,  
 মনে মনে বলে—“ব্যাটা কোরলে হাড়ির হাল্ ।”  
 মেয়ে নিলে কসাই, আমার—টুকানি দিলে হাতে,  
 কুটুম্বতা কোরে এবার—মলুম মোরো ভাতে ।  
 “উপহার-লেখক”—কেহ—সাইন্ বোর্ড তুলে,—  
 বাঙ্গালীটোলায় যদি—বসে আড্ডা খুলে,  
 নিশ্চয়ই তার চোল্বে ভাল,—দেখাচ যেরূপ টান্  
 ( প্রেসে খবর নিতে পারেন,—প্রমাণ যদি চান্ । )  
 “সদুমা, সদুভাী, চারু—মলয়ের” খবর,—  
 “কৌমুদী, সীমন্ত, ইন্দু,”—থাকলেই হবে জবর ;—

“জোছনা আর মাধুরীটে,”—স্থানে বা অস্থানে—  
জুড়ে দিতে পারলে, লক্ষ্মী—চাইবেনই তার পানে ।

শূন্যে ছিঁ হুয়েছি নাকি—“স্বদেশী” আমরা,  
না লিখলে “ওয়েল্‌কাম্”—হয় না খাতির করা ।

### তত্ত্ব-তাবাস

তত্ত্ব-তাবাস্ লৌকিকতার—নাইক’ কোন’ খং,  
এলেই হেথা ঘাড়ে চাপে—বিশ্বনাথের ভূত ।  
ষষ্ঠী-বাটা, আম কাঠাল—ইলিসের সওগাদ,  
পূজার তত্ত্ব পোষের তত্ত্ব—দোল্ আর সাধ,—  
ইত্যাদি ইত্যাদি, নাই—কোনটাই ফাঁক্,  
তীর্থবাসের ত্যাগটা দেখে—লেগে যায় তাক্ ।  
রাস্তায় চ’লেছে দেখি—এক পাল্ দাসী,  
গাল্পোরা পান্ আর—এক-মুখ হাসি ।  
কারো হাতে দেখি মাত্র—একখানি থালা,  
কেউ বা নিয়েছে মাথায়—মাঝারি এক্ ডালা ;  
খোঁপোপোষ্ ঢাকা সব,—ইতি নব্য ঠাট্,  
আজকাল্ অন্দরের ওটা—প্রধান “ফাইন্‌ আর্ট” ।  
মেয়েদের প্রাচীন শিল্প—ছিল “চন্দ্রপদলি”,  
দোকানেতে অর্ডার্‌ দিয়ে,—দিচ্ছে সে-পাঠ তুলি ।  
মান্নেরা সব মন দিয়েছেন—কবিতার খাতায়,  
পদ্রুঘেরাই ক’রবে ক্রমে—বরণ-ডালা মাথায় ।

## পাপের যাত্নঘর

ভারত ঝেঁটিয়ে যত ছিল—সেরা সেরা পাপ—  
 শিবের রাজ্যে ছাই চাপা সব—হ'লে আছে গাপ ।  
 কেউ বা ঢাকেন্ শাল রুমালে—কেউ মর্দিয়ে মাথা,  
 কারুর খোলোস্ অলস্টার, কারুর বা কাঁথা ।  
 কেহ বা নিয়েছে মালা, কেউ বা ব্যাচে হাঁড়ি,  
 কেউ হয়েছে দোকানদার, কেউ রাঁধে কারুর বাড়ী ।  
 কেউ খায় ছন্তরে আর—কেউ খায় গাঁজা,  
 বাগ্ পেলেই চুল ফিরিয়ে—“বিদ্যে-সুন্দর” ভাঁজা ।  
 বস্তা বেঁধে পাপের বোঝা—এনেছে সব সাথে,  
 কোথায় চাপাবে,—চাপিয়ে দেছে বিশ্বনাথে ।  
 তিনও পাষণ প্রায়—বহন করেন সব,  
 লোকের যা ত্যজ্য তাই—তাহার বিভব ।  
 ব্রাহ্মণ বা ব্রাহ্মণের ভেকে আছে যারা,  
 দান দক্ষিণা নিমন্ত্রণ—নিত্য পায় তারা ।  
 একবার ছন্তরে কোন'—নাম লিখিয়ে দিয়ে—  
 নিশ্চিত হ'য়ে বেড়ায়—ছাড়পত্র নিয়ে ।  
 রাজভোগ খায় আর—পাপাচার পোষে,—  
 শীশালো কাপ্তেন পেলে—নানা মতে শোষে ।  
 ছত্র খুলে রাজা আর—রাণী পদ্মাবতী,  
 বহু মূর্থ নিষ্কর্মার—ক'রেছেন গতি ।  
 দঃখ নাই ;—ভাগ্যহীন বিদ্যার্থী যাহারা,  
 আর অসমর্থ বৃদ্ধ,—পান যদি তাঁরা ।  
 কোনো শ্রীমান—প্রতিবেশীর কোন্সে সর্বনাশ—  
 ফেরার হ'লে কাশীধামে—কোরেছেন বাস ।  
 ইয়ার্কি আর মদে কেউ, ফুঁকে পৈঠক বিষয়—  
 ইন্সল্ভেণ্ট্ দাঁড়িয়ে হেথা—নিয়েছেন আশ্রয় ;  
 স্বভাব কিন্তু যায় না মোলে—লুটিক্সে থাকে বুদ্ধে,  
 এখনও বেড়ায় তারা—এদিক্ ওদিক্ শব্দে ।

জাল-ছেঁড়া পোলোভাঙা, হরেক রকম জীব—  
 রুদ্রাক্ষ ধারণ কোরে—সেজে আছেন শিব ।  
 বসিয়েছে এখানে তারা—সকল পাপের হাট,  
 সহজে ঠাওরানো শস্ত—গেরদুয়া ঢাকা ঠাট ।  
 বলিহারি কাশীবাস—রেশ্মী নামাবলী ।  
 নিবৃত্তির নামটি নাই, প্রবৃত্তি কেবলি ।  
 বাহাদুর ছেলে বটে—বৃদ্ধ বিশ্বনাথ,—  
 সবারেই ক'রেছেন—কৃপা দৃষ্টিপাত ।  
 যে যা চায়, যেমন খোঁজে—মিটান্ সবার সাধ,  
 সাধু কিম্বা পাপী বোলে—নাইক' বিচার-বাদ ।  
 সবার তরে অন্নপূর্ণা—অন্ন বাঁটেন ভূরি,  
 তবু পাপী পাপ করে—চোর করে চুরি ।  
 সকাল থেকে সারাদিনটা—খেয়েছে যে মূলো,  
 সন্ধ্যায় কি এলাচের—উঠবে ঢেঁকুরগুলো ?  
 রাত্র জেগে পড়ে যেমন—পরীক্ষার পড়া,  
 মিথ্যা কথা তেমনি তাদের—আছে রপ্ত করা ।  
 পাঁচ-মিশদলি পাপের এরা—খুলে প্রদর্শনী !  
 প্রাধান্য ক'রতেছে যেন—রম্বগত শনি !  
 তক্কো নাইকো,—জানে তারা ম'লেই হেথা মদ্বিষ্টি,  
 “কাশীখণ্ডে” আছে লেখা, শিবের এই চুষ্টি !  
 এটাও জানে—পাবে তারা অখণ্ড প্রমাই,  
 পাপক্ষয়ের পূর্বে কারো—মৃত্যু হেথা নাই ।

### যা-চাও পাবে

দেখি,—শ্রাঙ্গ সভায় বোষ্টামেরা বেজায় টিকি নেড়ে—  
 খোল্ বাজাচ্ছে তেড়ে—আর গাচ্ছে গলা ছেড়ে !  
 কোথাও কথক্—হনুমানকে ক'রছেন সাগর পার,  
 নাকি সুরে সুপর্ণখার—শোনাচ্ছেন চীৎকার ।  
 মোট কথা—এই তীর্থে, কিছুর অভাব নাই,  
 বিশ্বনাথের দরবারের বলিহারি যাই ।

নষ্ট চাও, দুষ্ট চাও—সাধু কিম্বা শঠ,—  
 মূর্খ বা পণ্ডিত চাও, অথবা লম্পট,—  
 যোগী চাও ভোগী চাও, রোগী বা আতুর,  
 পাপী চাও তাপী চাও, চোর বা চতুর,—  
 ন্যায় চাও নীতি চাও, চাও নিখর টম্পা,  
 নেসা চাও নটী চাও, চাও গাঁজার গম্পা,  
 স্মৃতি শ্রুতি শাস্ত্র চাও, চাও ব্যাকরণ,—  
 কাব্য বা জ্যোতিষ চাও, চাও বা দর্শন,  
 আশুিক নাস্তিক চাও—অঘোরী কাপালী,  
 শৈব শাক্ত ভক্ত চাও, আছে ধনি জ্বালি !  
 কেহ কন বেদান্তের—লম্বা চণ্ডা কথা,  
 নিজে যেন শ্রীশঙ্কর,—মূর্খ সব শ্রোতা ;  
 একদম্ যে “সোহং” তিনি—তারি দেন প্রমাণ,  
 বিন্দু মাত্র দেহবদ্বীক—না রাখেন শ্রীমান !  
 গ্রহের-বশে কেহ যদি—প্রতিবাদ করে,  
 রেগে হন জ্ঞানশূন্য—দেহে আগুন ধরে !  
 ব্রহ্মচারী দণ্ডধারী—দেখিবে সিদ্ধাই,  
 ভেকী পাবে ভণ্ড পাবে—অভাব কারো নাই ।  
 সেবা ধর্ম্ কেহ কেহ, আছে প্রাণ সঁপি,  
 যোগাঙ্গ নিষ্পত্ত করে—নব্য থিওজফি ।  
 চক্রী আছে চক্র আছে—তন্ত্র মন্ত্র আর,  
 পরকীয়া সাধনার—রয়েছে বাহার ।  
 বড় বড় বীর,—কথায় বাঘ মারেন নিত্য,  
 বোঝা ভার শেরখাঁ কি প্রতাপআদিত্য ।  
 মাটির হুকোর মত’ হেথা বাক্যবীরও সস্তা,  
 মাল্ তাঁদের অফুরন্ত,—বাক্যের সব বস্তা ।  
 তেজস্বিতা ওজস্বিতা—সহ অঙ্গ ভঙ্গী—  
 বোলে যান, শ্রোতার ভাবে হবেন কোনো জঙ্গী !  
 যে যেমন চান আর যেমন—ম’নে আসা,  
 বিচিত্র এ ক্ষেত্র তার—মিটার পিপাসা ।

### মা গঙ্গার নাভিস্থান

অনেক হিন্দু রাজা রাণী—আলো করেন হিন্দুস্থান,  
 অনেকের অনেক কীর্ত্তি—কাশী ক্ষেত্রে বস্তুমান ।  
 কারো ঘাট কারো প্রাসাদ—মন্দির মঠ অতিথশালা,—  
 চারি দিকে সানাই বাজে,—পূৰ্ব্ব কীর্ত্তির যশোমালা ।  
 গ্রহণে বা যোগে যাগে—পূণ্য করতে আসেন তাঁরা,—  
 গরিব দুঃখী পায়ও কিছদু—আশা করি থাকে যারা ।  
 তাঁরাই আজো গৰ্ব্ব মোদের—মুখচাওয়া-ধন ভারতের,  
 ঋণ করেও দান করে' থাকেন—নাম রাখতে অতীতের ।  
 কি জানি কেউ দেখেন নাকি—“গঙ্গামায়ী”র বৃকের পানে,—  
 বালির স্তূপ পাষণ সম—স্বাস রোধ তাঁর কোরে আনে ।  
 চড়ায় যে মা ঢেকে গেলেন,—চলবার পথ পাননা খুঁজে,—  
 জমিদারের দীঘীর মত—ক্রমেই যে এলেন বৃজে ।  
 বিখ্যাত সব ঘাট যে তাঁদের—মাঠমুখো শেষ দাঁড়িয়ে রবে,  
 কেমন কোরে এ দুঃদশা দেখছেন তাঁরা বেশ নীরবে ?  
 কাশীতে গ্রহণের গদুমোর, মাও কি হলেন রাহুগ্রস্ত,  
 যে “স্থানে”র উঠেছে কথা—শেষ কি হবেন তায় গোরস্থ ?  
 ভাব দেখে সেই শঙ্কাই হয়—দ্রুত বাড় দেখে “চড়া”র—  
 অভিমানে ভাবেন দেবী—মানে মানে সরে' পড়ার ।  
 একদিনে তো পড়েনি চর, বেড়ে আসছে বছর পঞ্চাশ,  
 অশ্ব সম অবহেলা—সইবেন কতো মা বারমাস ?  
 আছেন আজো ‘মালবী’জি, ছিলেন মন্ত ‘এড্‌ভোকেট্’  
 ‘রিফ্টা’ নিলে কাজটা হয়, হয় না হিন্দুর মাথা হেঁট ।  
 বড় বড় সব মহাপুরুষ—স্বাধীনতা আনবেন শূন্য,—  
 ফুস্-মস্তুর জপ করছেন—তা-বড় সব মহাগুণী ;  
 নিদ্রা ভঞ্জে দেখবেন বৃদ্ধি—শ্বেত হস্ত সব জোড় করে—  
 সাধাসাধি করছে তাঁদের—রাজ্যটা দেবার তরে ।  
 ত্যাগের দেশের হরিণ তখন—গৰ্ব্ব বলবেন—“নেই মাংতা” ।  
 স্বাধীন পড়ে যাবে, থাকবে যখন—“কেলা রাংতা” ।



থাকলে গঙ্গা গরিবেরা—তব্দ একটু জল পেতো,  
 অন্ন তো গিয়েছেই-ঘুচে—“ফ্যাগ্” নিয়ে সব স্বর্গে যেতো ।  
 যাবার বেলা শুনবো বোধহয়—“একদম্ go —back to village”  
 কি আনন্দ ;—পেটের তরে—ঘরে ঘরে চলবে pillage ।  
 মা গঙ্গা জানতেন সবই,—তাই উত্তর বাহিনী—  
 আগে থেকেই হয়ে’ আছেন ;—রবে কেবল কাহিনী ।

### কুইন্স্ কলেজ্

চিরদিনই দিশী “অক্সফোর্ড্” ছিলেন মোদের কাশী,  
 ভিন্ন প্রদেশ হতেও বহু বিদ্যার্থীরা আসি—  
 নানা শাস্ত্রে “ফার্গ্-হ্যাণ্ড্” জ্ঞানার্জন করি—  
 দেশে ফিরি প্রার্থীদের দিতেন তা বিতরি ।  
 ছিলনা ঘরের মাপ্—লম্বা চওড়া কত’  
 জানালার কম্-ফাঁকে—শ্বাসরোধ না হ’ত ।  
 জ্ঞানার্জনই ছিল লক্ষ্য, আর সবই অবাস্তব্,  
 সীমার বেড়া ছিলনা যে ফুরিয়ে যাবে এম্-এর্ পর ।  
 এবে,—যদুগোচিত বিদ্যাস্থলী হয়েছেন কাশী,  
 তার কমে, পেতেন এখন অবজ্ঞার হাসি ।  
 সুন্দর সুদৃশ্য সৌধ—চক্ষু জুড়ায় দেখে,—  
 “জরাসন্ধের রাজবাড়ী”—কেহ কম্ হেঁকে !  
 ওটা একটা কথার কথা, ওর বেশী নাই মাথে,—  
 সোনার ‘কমিক্’ ল্যাট্—এদের ভিত-গাথে ।  
 কুইন্স্-কলেজ্ দেখে—চোরে থাকতে হয়,  
 ছবি যেন মাটি ফুঁড়ে হয়েছে উদয় ।  
 ঐতিহ্যের ঐরাবৎ—ভিন্-সেন্ট্ স্মিথ্  
 এই সোখেই বসি মোদের সেখেছেন হিত ।  
 ভারতের বহু তত্ত্ব দৌলতে তাঁর পাই,  
 বহু ক্রেশ করেছেন—খলী আছি তাই ।

অ্যাংলো-বেঙ্গলী হাই স্কুল

বড় কথা থাক্—দুটো ছোট কথা কই,—  
 স্মারিলে যা সমধিক অবাক হ'য়ে রই ।  
 শিক্ষা দানই ব্রত যার—তৃপ্তি ও সন্তোষ,—  
 আচির কুমার—প্রিয় “চিন্তামণি ঘোষ” ;—  
 বাঙালির ছেলেদের শিক্ষার ব্যাঘাৎ—  
 করেছিল প্রাণে তাঁর স্নাতীর আঘাৎ ।  
 এক ভাষা শিক্ষা তরে আর এক ভাষা শেখা,—  
 বাঙালী বালকের ভাগ্যে—এই কি ছিল লেখা !  
 ‘Kindness’ বদ্ব্যভিহাতি হবে—শিখে ‘মেহেরবাণী’,—  
 ভাঙতে দুটো ভিন্ন ভাষা ঘূরবে দেহের ঘানী  
 সময়, শ্রম, রক্ত দিয়ে সুকুমার সব ছেলে—  
 দু'দুটো পরের ভাষা—শিখছে, নিজের ফেলে ।  
 দু'দুখো সাপের সঙ্গে—যুদ্ধ কোরে তারা  
 যুদ্ধে যাচ্ছে আজো, কিন্তু হচ্ছে স্বাস্থ্যহার ।  
 বাংলা যেন ভাষাই নয়, ঠেলে ফেলে তায়—  
 দক্ষিণ-অয়ন পথে তাদের চলায় ।  
 এই দুঃখ নিবারণে—বিষম চিন্তায়—  
 সর্বদা ভাবেন কিসে হবে সে উপায় ।  
 নিজেই স্কুল খুলি—যথা সাধ্য তাঁর—  
 দিনে পড়ান্,—রাতে হ'ন ভিক্ষার বার ।  
 যে যা দেন্—স্বাগতম্, ‘এক-আনাই’ চান্,—  
 প্রায় অর্দ্ধ শতাব্দীর—সেই লক্ষ দান্—  
 চিন্তামণি চিন্তাহর—জীবনের আশ—  
 সাধনার সিদ্ধি আজ—স্বরূপে প্রকাশ ।  
 মৃত্তহস্তে কাশীরাজ করি ভূমি দান—  
 ভিতরীর এ কীর্ত্তিরে দেখেন সম্মান ।  
 বিদ্বন্মহোদয় মাঝে—অনেকের কণা—  
 সোনা হয়ে আছে, বার বারিক তুলনা ।

সার্থক সে চিন্তা তব, ধন্য 'চিন্তামণি',—  
 অসাধ্য সাধন বলি এ কীর্ত্তরে গণি ।  
 কাশীস্থ তোমার কীর্ত্ত মূর্ত্তি ধরি র'বে,  
 ব্যথার বারতা তব—ইতিহাস ক'বে ।

---

### পুণ্যের জয়

বেদান্তের ব্যাখ্যা ভূমি—পাণ্ডিত্যের পীঠ ;  
 বর্ণি তাহা,—আমি কোন্ কীটগন্ধ সে কীট ।  
 কত মহাত্মার হেথা—আছে পদধূলি,  
 দীনু আমি,—সম্ভ্রমে তা—শিরে লই তুলি ।

ভাল মন্দ চিরদিনই—কোন্ দেশে বা নাই,  
 কেমন কেমন ঠায়ে, মূর্ত্তিক্ষেপ বোলে তাই ।

অসাধু লম্পট মিথ্যা—মন্দ মতি আর,—  
 চোন্দো-আনা জুড়ে রাজ্য—ক'রেছে বিস্তার ।  
 পাপ ভাবে মোরই জয়—আমি বাহাদুর,  
 বোঝেনা পুণ্যের তাতে—করিছে মধুর ।  
 যতই সে দলে বেড়ে—ভাবে বলীমান,  
 অলক্ষ্যে ততই করে—পুণ্যে মূল্যবান ।

---

### বিদায়

রইল আর' যে-সব কথা—তাতে শৰ্ম্মা নাই,  
 ষার, মাথার উপর মাথা আছে,—লিখ'বে তারা তাই ।  
 এখন তাড়াতাড়ি প্রণাম করি, বিশ্বনাথের পায়,—  
 কানে আঙুল দিলে নন্দী—নিলেন বিদয় ।

# পরিশিষ্ট

## কাশী সঙ্গীতাজলি

### কাশী সঙ্গীতাজলি সম্বন্ধে

১৩২৩ সনে, কাশীর বিশ্বনাথ প্রিন্টিং ওয়াক'সে,—“কাশী সঙ্গীতাজলি” প্রথম ছাপা হয়, এবং উক্ত প্রেস্ হতেই তার সমগ্র ছাপা (সহস্রাধিক) সংখ্যা, বেমালদ্রম সরে' যায়। সে সম্বন্ধে—“কাশীর-কিণ্বে”-এর এই চতুর্থ সংস্করণের—“অতিরিক্ত কয়েকটি কথা” দ্রষ্টব্য। তাই—দ্বিতীয় জন্মে তাকে “কাশীর-কিণ্বে”-এর আশ্রয়ে রাখতে বাধ্য হলাম।

আমার প্রিয় পেণ্টার, কাশীবাসী শ্রীযুক্ত আশুতোষ কর্ম্মকার ভগ্না, সঙ্গীতগদ্যলির সদর—রাগ, রাগিণী, তাল্ ঠিক করে' দিয়েছেন। সে জন্য আমি তাঁর কাছে কৃতজ্ঞ।

রচয়িতা

## বিষয় সূচী

		সঙ্গীতের সংখ্যা
বিশ্বনাথ বন্দনা	...	১
বিশ্বনাথের প্রতি	...	২, ৩, ৪, ৫, ৬, ৭
কাশী মহিমা	...	৮, ৯
মা অন্নপূর্ণা	...	১০, ১১
অন্নদার অতিথি আবাহন	...	১২
অন্নপূর্ণার প্রতি বিশ্বনাথ	...	১৩
ভাগীরথী মহিমা	...	১৪
গ্রহণ সময়ে কাশী	...	১৫
সন্ধ্যা-আরতি	...	১৬
মণিকর্ণিকা মহাশ্মশান	...	১৭
হরিশচন্দ্র মহাশ্মশান	...	১৮
অন্নপূর্ণার নিকট প্রার্থনা	...	১৯
আপন মনের প্রতি	...	২০
বিষয়ীর প্রতি	...	২১
সবাই কি কাশীতে আসে	...	২২
কাশী মাহাত্ম্যে সন্দেহ	...	২৩
শিববাক্যে সান্ত্বনা লাভ	...	২৪

ভঁয়রো—কাণ্ডয়ালী

( ১ )

শিব শিব হর হর—দেব বিশেষেশ্বর,  
 ভব দিগম্বর শশশানচারী ;  
 বিকার রহিত—যোগ মগন চিত,  
 ভস্ম বিভূষিত—পিণাক-ধারী ।  
 শিখা ধক' ধক' ভালে, আসন নরকপালে,  
 কণ্ঠে ধর গরলে, ভোলা দ্বিপদারী ।  
 ধরেছে পিঙ্গল জটা বিষধর নৃত্য ঘটা,—  
 জাহ্নবী রজত ছটা,—দ্বিতাপহারী ।  
 হে দ্বিনেত্র দ্বিশূলী কপলদী' চন্দ্রকপালী,  
 প্রণামি রত্নাক্ষমালী শ্রীপদে তোমারি ।

সিঙ্কুড়া—ধামার

( ২ )

কোথা হে শঙ্কর ভোলা,—বেলা যে মোর চলে যায় ;  
 খেলাত' এসোঁছি ভেঙে ( এখন ) চরণ-ভেলা দাও আমায় ।  
 সময় হ'ল পারে যাবার,—সামনে' দেখি অকুল পাথার,  
 ঘনিষে আসে নিবিড় আঁধার,—সবাই মিলে আমায় শাসায় ।  
 নিয়োঁছি তাই তোমার শরণ—হে শিব অ-শিব হরণ,—  
 তুমি দিবে অভয় চরণ,—আসা আমার সেই আশায় ।

রামকেলী—কাণ্ডয়ালী

( ৩. )

অগতির গতি শিব—ওহে পতিত-পাবন,—  
 আমি যে এসোঁছি শূন্য—তুমি দ্বিতাপ-নাশন ।

দ্বিবিধ তাপ তাপিত—বিষয় বিষে জর্জরিত,  
 মায়া বশে মদুচ্চ চিত,—চরণে যাচি শরণ ।  
 যৌবন গেছে বিলাসে—প্রোঢ়ে সংসার পাশে,  
 ( এখন্ ) বান্ধক্যে ভাবি হতাশে—বিফলে গেছে জীবন ।  
 শেষের দন্দিদর্শনে যাবে—আঁখি তারা মলিন হবে,  
 কেহ না স্ববশে রবে,—ভরসা তুমি তখন ।

---

### ভৈরবী—পোস্তা

( ৪ )

বিশ্বনাথ হে, তুমি নাকি মদুচ্চ দাও সবে ?  
 সত্যাসত্য বদুব্ধ এবার—আমায় যদি তরাও হে তবে !  
 আমার সমান পাতকী—পাওনি তুমি হে পিণাকী,  
 আমার যদি কর উপায়—তবেই তোমার গরব রবে ।  
 তেমন পাপ করেনি তারা—তরে গেছে সরল যারা,  
 আমার মত কঠিন পাপী—কাশীতে কে আসে কবে ?  
 তাইত' তোমার শরণ নিলাম—আমাকে তোমারে দিলাম,  
 আজ হ'তে তোমারি হ'লাম—তুমিই আমার রইলে ভবে ।

---

### ভৈরবী—কাওয়ালী

( ৫ )

কোথা কাশীনাথ,  
 একবার দেখা দাও আমারে,—ক'রে যাব প্রণিপাত ।  
 আমার যদি হয় হে গতি,—তোমার তাতে কিবা কতি,  
 মোক্ষ পাবে মদুচ্চতি—বারেক পেলে সাক্ষাৎ ।

আমি যে এসেছি শূন্য—তুমি হে পরশ-মণি,  
 দরশে পরশি তোমা—ঘনুচাব চির বিষাদ ।  
 মলিন ব'লে তাইত' স্বামী—তোমার কাছে এলাম আমি,  
 স্বচ্ছ করি লওহে তুমি—দীনে বিতরি প্রসাদ ।

---

### কাফি—কাওয়ালী

( ৬ )

যদি—আসা হ'ল কাশীধাম,  
 কৃপা করি হে বিশ্বনাথ—পূরায়ো মোর মনস্কাম ।  
 চির সন্তাপিত আমি—আজন্ম হে জ্ঞানহীন,  
 পাপ-তাপিত তনু—হৃদয় অতি মলিন,  
 তুমি সে বিশ্বের নাথ—আমি সে বিশ্বের দীন,  
 এসেছি জুড়াতে তাই—শূন্যে তোমার নাম ।  
 আমি সে অতি দুরূহ—চরণে আশ্রয় চাই,  
 মোর সম পাতকীর—তোমা বিনা গতি নাই,  
 জগৎ ত্যজেছে মোরে—তুমি মাত্র মোর ঠাই,  
 ওহে বিশ্ব-দুঃখহর—পতিতে হ'য়োনো বাম ।

---

### কীর্তন

( ৭ )

আমি,—বহু আশা হয়ে', তব মূখ চেয়ে  
 এসেছি সকল ফেলি হে ;  
 আমার,—পূরাও গো আশা—মিটাও পিপাসা;  
 আমি,—দ্বিবিধ ছালায় জ্বলি হে ।



আমায় ভুলাবার তরে—দেঁছেলে যা তুমি,—  
 বন্ধু দারা স্নত গৃহ ধন ভূমি,  
 অলক্ষ্যে তা ল'য়ে—কেটে গেছে কাল,  
 এখন,—বেলা যে পড়েছে ঢলি হে ।  
 খেলার সময় নাহি যে গো আর,  
 পারের সময় হয়েছে আমার,  
 সন্ধ্যা দেখে ডাকি—কোথা কণ্ঠধার,  
 লায়েতে লহ গো তুলি হে ।  
 বালকের মত, সারা বেলা গেছে,  
 বেলা অবসানে, চমক্ ভেঙেছে,  
 তাই ঘাটে এসে, বসে আছি কাছে,  
 তুমি,—যেওনা আমায় ফেলি হে ।  
 শুনিয়ে তোমার প্রিয়ভূমি কাশী,  
 তাই বিশ্বনাথ পদাশ্রয়বাসী  
 হয়েছে তনয়, হে মঙ্গলময়  
 থেক'না আমায় ভুলি হে ।

খান্জাজ—যৎ

( ৮ )

অবিমুক্ত ক্ষেত্র কাশী—হেথা, ত্যজ্য ব'লে কিছদু নাই,  
 কি পাপী কি পুণ্যবানের, আছে হেথা সমান ঠাই ।  
 সত্য শিব নিষ্প্রকার, বহেন তিনি সবার ভার,  
 যে নেছে আশ্রয় তাঁর, সব জ্বালা গেছে জুড়াই ।  
 শূন্য বিশ্বনাথে ডাকি, তাঁরি চরণ হৃদে রাখি,—  
 সকল ভয়ে দেয় সে ফাঁকি, দেহান্তে যায় মোক্ষ পাই ॥  
 কৃপা মাত্র মোর ভরসা, সেই আশে অধমের আসা ;  
 শ্রীপদে বেঁধেছি বাসা, রয়েছি তাঁর মদ্য চাই ।

## বেহাগ খান্ধাজ—টিমে তেতালা

( ৯ )

কাশী যে কি—কজন জানে,—

ও ভাই,—কেই বা তাল ধারণায় আনে ?

কেউ বা তারে দেখে সহর—ভোজ্য পেয়ে করে আদর,

কেউ বলে সস্তা বাড়ীঘর—কেউ বা জল-হাওয়া বাখানে ।

কেউ বলে ভাই যা চাই তা পাই—মাছ মাংস মোড়া মেঠাই,

আরো যা যা ভক্ষ্য আর ছাই—যে যা রুচি রাখে প্রাণে ।

অবিমুক্ত ক্ষেত্র কাশী—দেবারাধ্যা অবিনাশী,

“জাহ্নবী বরণা অসি”—বিরাজে সদা এখানে ।

শ্রদ্ধাতে যে শরণ লয়—ভাগ্যবান সে সন্নিশ্চয়,

মুক্তি দেন শিব হ'য়ে সদয়—তারক-ব্রহ্ম মন্ত্র দানে ।

## ভৈরবী—কাওয়ালী

( ১০ )

অবিমুক্ত ক্ষেত্রে বাসি কে বিতরে অন্ন ঐ ?

করুণা-কোমল আঁখি, রূপেতে ভুবন-জয়ী ।

শ্রীকরে সদ্বর্ণ ধালে, অন্ন উর্ধ্বলি পড়ে,

মাৰ্জিত মৃকুতা সম, শিবাজলি-পরে ঝরে,

শ্রদ্ধায় শঙ্কর তায়, সম্ভ্রমে ধরেন করে,

স্বহস্তে পালন-ভার, নেছেন মা ব্রহ্মময়ী ।

কিরীট-কিরণে মা'র, ফণি ঝলসিত আঁখি,—

ঘন-গরজন ভুলি, অবনত ফণা ঢাকি,

নীরব-আনন্দে শূন্য, ভাবে নন্দী দূরে থাকি—

“এ শক্তি সম্ভবে কার, আমার জননী বই ।”

## টৌড়ি—ত্রিতালা

( ১১ )

বেলা হ'লে অন্নপূর্ণা, শ্রীকরে লন্ অন্ন-খালা,  
 পুণ্য ক্ষেত্র কাশী তখন—অন্নপূর্ণার যজ্ঞশালা ।  
 ( বলেন্ )—আতুরের অন্ন দেহ—অভুক্ত না থাকে কেহ,—  
 কাশীবাসী নর-নারী, কেউ পায় না যেন ক্ষুধার জ্বালা ।  
 আপনি লন্ সন্তানের ভার, সকলেরি যোগান আহার,  
 মঠে বা মন্দিরে তখন—অন্নসত্ত্ব থাকে খোলা ।  
 গৃহীরা সব যথাসাধ্য, অতিথিরে যোগায় খাদ্য,  
 তখন,—যন্ত্রীরূপে তাদের প্রাণে, আপনি বসেন বিমলা ।  
 কাশীশ্বরী কৃপা করি, ভার নেহ মা সকলেরই,  
 ওমা,—তোমার দৃষ্টি রাঙা চরণ, হয় যেন মোর জপমালা ।

---

## পিলু—পোস্তা

( ১২ )

দেখ না কে অন্ন যাচে—অপরাহে আমার কাছে,  
 ক্ষুধাত না হ'লে কেন—অঞ্জলি পাতিয়া আছে ।  
 মস্তকেতে জটাভার—ভস্ম লেপন তাঁর,  
 যোগ-অচঞ্চল-অখি—বিশ্ব যেন ছেড়ে গেছে ।  
 কে মহা উদাসী এই—“ভবতি ভিক্ষাং দেহি”—  
 মধুর ভাষেতে কহি—বিচলিত করিয়াছে ?  
 অন্ন উথলি পড়ে, হৃদি আবাহন করে,—  
 আদরে আন সত্ত্বরে,—বিলম্বে না ফেরে পাছে ।  
 বদ্বি ভব দঃখ-হর—ভবানী হৃদয়-হর,—  
 আপনি পাতিয়ে কর—মোরে উতলা ক'রেছে ।

---

পিলু—পোস্তা

( ১৩ )

কাশীতে অন্নদা হ'য়ে, অন্ন বিতর হাতে,  
বদ্বি না গো মহামায়া, নতুন কি আছে তাতে ।  
জগত-জননী হ'য়ে—জীব চির অনুকুল,  
প্রকৃতি রূপে প্রসব—ধন ধান্য ফল মূল,  
আকুল ক্ষুধিত তরে—কবে না ছিলে ব্যাকুল,  
নিরম্মে অরণ্যে তুমি—অন্ন দাও অর্দ্ধ রাতে ।  
আজন্ম ভিখারী আমি, ভিক্ষা চাব তব কাছে,—  
শ্মশান-বিহারী হরে, কি তায় সরম আছে ?  
নহি ত' নব-অুতিথি—আজিকে তোমার ঠাই,  
ভূমি বিনা কে পারে গো—এ ভব ক্ষুধা মিটাতে ।

---

খান্সাজ—কাওয়ালী

( ১৪ )

গঙ্গে—কাশীতল বাহিনী,  
স্বচ্ছ সুনিস্মল পুত প্রবাহিনী ।  
কত অতীত যুগান্ত গেছে—তোমারে দেখিয়ে,  
রাজ্য হ'য়েছে মরু, মরু গেছে ভাসিয়ে,  
কত সৃষ্টি কত লয়—কালে গেছে মুছিয়ে,  
সকলের সাক্ষ্য তুমি, অনাদি জননী ।  
পাপী বা সন্তাপ-দন্ধ তাপিতের—তুমি ঠাই,  
তপ্ত হৃদয় আমি জুড়াতে এনেছি তাই,  
শীতল অণেক তোমার আমি যে আশ্রয় চাই,  
সন্তানে কর মা কৃপা—সন্তাপহারিণী ।

---

মিশ্র খাঙ্গাজ—পোস্তা

( ১৫ )

বহু পদ্যফলে ঘটে ভালে—গ্রহণেচ কাশী, \*  
 প্রবাহে দ্বিধারা যথা—জাহ্নবী বরুণা অসি ।  
 কত সাজে কত রূপ—অরূপ ধরিয়ে রূপ—  
 কাশীতে রাজেন বিভু—আপনা বিকাশি ।  
 দাতারূপে করি দান—ভিক্ষু রূপেতে লন্,  
 পীড়িত রূপে রোদন,—ভোগীরূপে হাসি ।  
 মাতারূপে স্তন দান—শিশুরূপে স্তন পান,  
 কোথাও দরিদ্ররূপে—কোথা বা বিলাসী ।  
 ক্রেতারূপে পণ্য লন্—মুদ্রেরূপে তাই বন্,  
 পতিরূপে স্বামী হন্—পত্নীরূপে দাসী ।  
 নানা রূপে নানা রঙ্গ—কি মহা জীব তরঙ্গ ।  
 বন্দে সাধু ভক্ত যোগী—মহিমা প্রকাশি ।  
 কাশীতে গ্রহণ কালে—বিশ্বরূপের আভাস মেলে,  
 প্রণমামি বার বার—ধন্য অবিনাশী ।

ত্রিবণী—ত্রিতালী

( ১৬ )

সন্ধ্যা সমীরে—তোমারি মন্দিরে,  
 আকুল অন্তরে—ধায় হে প্রাণ,  
 তোমারি আরাতি—তোমারি বিভূতি,  
 কি শক্তি মোরে—করে হে দান ।  
 পশিলে শ্রবণে—শব্দ কাংসা ধ্বনি,  
 হৃদয় পরিশি টানে সে অমনি,  
 হর হর রব—সুখ হ'য়ে শ্বনি,  
 প্রাণ করি উঠে—শিব শিব গান ।

\* বিষয়টিকে “কাশীর-কিং” এর মধ্যেও—“গ্রহণেচ কাশী” নামে পড়াকারে বিষয়ভুক্ত করিয়াছি  
 —মলি

সদ্বাসিত ধূপ—কপূর প্রদীপ—  
 টানি লয় প্রাণ—তোমারি সমীপ,  
 ক্ষণেকের তবে—হে বিশ্ব অধীপ  
 ভুলি—লোভ মোহ বৃথা অভিমান ।  
 শত কণ্ঠে যবে—শম্ভু শিব হর—  
 নিনাদে আবেশে—শত নারী নর,  
 বম্ বম্ বম্ ধ্বনি নিরন্তর—  
 গভীর আরাবে—পরশে বিমান ।  
 সে শব্দ সময়ে—পাতকী নিষ্ঠুর,  
 শাস্তি ধারা সেও—পায় হে প্রচুর,  
 বিশুদ্ধ হৃদয়—হয় হে মধুর,  
 অবশে কপটী ভুলে যায় ভান ।  
 সে সময়ে যেন এ বিশ্ব পারসরি—  
 নিবেদি সকল চরণে তোমারি,—  
 সেই ভাব মোর—দেহ দৃঢ় করি,  
 প্রীপদে মিনতি—হে দেব-প্রধান ।

---

টৌড়ি—কাওয়ালী

( ১৭ )

হেথা,—ধূ ধূ ক'রে জ্বলে যায়—কত মানবের দেহ ।  
 ছিল,—রাজা কি ভিখারী যতি,—ধনী বা দরিদ্র কেহ ।  
 দম্ভী, বিষয়ী, দঃখী,—সরল, বিরাগী, স্নেহী,  
 সন্দর কুরূপ কিবা—অস্তিম্বে হেথা নিম্বাহ ।  
 শিক্ষিত, মূর্খ, বিজয়ী—আসে হেথা সকলেই,  
 এ মহা-শ্মশান ভূমে—বহিছে সম প্রবাহ ।  
 সত্য ভূমি সে এই—সম সবে দেখে যেই,  
 সবারে অকৈতে লহে—করেনা কারে সন্দেহ ।

আলো করি পদ্য ভূমি—আছ মণিকর্ণী' ভূমি,  
চিতা নহ,—সত্য মাতা—অস্ত্রে যদি কোলে লহ !

যোগিয়া—যৎ

( ১৮ )

গভীর বিলাপ ব্যথা, আজো হেথা প্রাণে ঠেকে,  
অতীত যদুগের কথা—ধরা দেয় আপনাকে ।  
দেখি যেন অঁখি পরে, মৃত পদ বদকে ধোরে—  
কাঁদে হরিশ-মহিবী, পড়িয়ে ঘোর বিপাকে ।  
পদ হারা পাগলিনী, অভিজুতা শৈব্যারণী,—  
শ্মশান ভূমেতে পড়ি, আত্মস্বরে কারে ডাকে ।  
বলে,—কোথা পাব কড়ি, লহ গো দিওঁছি ধরি—  
অমূল্য রতন বলি—অভাগী ভাবিত থাকে ।  
হরিশের কীর্তি কথা,—সে মহা দান বারতা,—  
কাশীতে কণকাক্ষরে—শ্মশান রেখেছে লিখে ।

মূলতান—যৎ

( ১৯ )

ভাগ্যে যদি এলাম কাশী, আবার কেন বাড়ীর কথা ?  
এখন আমার অন্নদা মা, বিশ্বনাথই আমার পিতা ।  
চির-দিন ত' বিষয় কুপে, মোহের ঘোরে ছিলাম ডুবে,  
বিধিমেতে জেনেছি'—বিষয়ের যে কত ব্যথা ।  
কি দিয়েছে বিষয় মোরে, বিষ দিয়েছে মদুখে ধোরে,  
সুখ ব'লে তায় নেশার ঘোরে, বৃথা দিন কেটেছে সেথা ।  
আর যেন মা দূরে দূরে, রাখিস্নে তোর এ দুঃখীরে,  
কৃপা ক'রে স্থান দে মোরে, থাক'ব' আমি মা বাপ' যথা ।

## খান্জা—মধ্যমান

( ২০ )

মন—এই কি তোমার কাশী আসা ?

তুমি, ভিটে ছেড়ে উঠে কেবল—দূরেতে বেঁধেছ বাসা ।

তোমার—সখ্ রয়েছে ষোলো আনা,

অন্তরে সে দিচ্ছে হানা,

ভুব্ দিয়ে জল খাইয়ে তুমি—আমারে কর তামাসা ।

বাইরে আমায় সাধু সাজাও, ভিতরে ভিতরে মজাও,

আবার হাতে নাতে ধোরে দেখাও,—

আমার ঘোচেনি কোনো পিপাসা ।

প্রবৃত্তিরে রাখ জাগাই, মুখে বলাও নিবৃত্তি চাই,

আমি হার মেনেছি তোমার কাছে,

তুমিই, আমার কন্ম'নাশা ।

এক ঘরের আসামী হ'য়ে, কাল কেটেছে বিরোধ ল'য়ে,

আর যেন মন অপ্রণয়ে—কোরোনা আমার নিরাশা ।

এখন—এস মন দ্ব'জনে মিলি,

দিন থাকতে করি বিলি,

আবার যেন ধরা পোড়ে, দেহের মঝে হয়না ফাঁপা ।

## ভৈরবী—যৎ

( ২১ )

যদি সকল ফেলে কাশী এলে, কেন বিষয়ের খোঁজ কোরে মর,

হেথা, চাই যদি ভাই বিষয় বিভব, পায়ের ধরি দেশে ফের' ।

আবার যদি পোক্তা পাকা—চাই, আস্তাবল আর অট্টালিকা,

মিছে কেন কাশী এসে—গরীব দ্বুখীর অন্ন মারো ।

দেশের কড়ি থাকলে দেশে, যাবে না বিফলে ভেসে,

তাতে,—আত্মীয় স্বজনের কত', নয়ন ধারা মদুহতে পার' ।



বিশ্বনাথের দোহাই দিয়ে, সাজ সজ্জার বোঝাই নিয়ে,—  
 আশ মেটেনা বিলাসেতে, তাস্ থেলে দিন কাবার কর' ।  
 প্রাণে যদি দেখ বদ্বৈ, অন্তরেতে দেখ খুঁজে,  
 মনে মদুখে লুকোচুরী—রবে না ভাই গোপন কারো ।

---

### রামপ্রসাদী—একতালা

( ২২ )

সবাই কি কাশীতে আসে,  
 সেকি সবার কাছে সুপ্রকাশে ?  
 কোঠা বাড়ী, রাস্তা ঘাট, পদতুল পট আর বাজার হাট,  
 হাঁড়ি-কুঁড়ি, ওড়না সাড়ী,—এই দেখে আনন্দে ভাসে ।  
 গলার চুড়ি, পেতল কাঁসা—এনে বোঝাই করে বাসা,  
 চাঁদির-বাসন কিনে তারা—হাতে যেন পায় আকাশে ।  
 সত্য যে এসেছে কাশী, জেনেছে তায় অবিনাশী,—  
 শিবময় সে হেরে সবই—মোক্ষ লভে অনান্বাসে ।

---

### রামপ্রসাদী—একতালা

( ২৩ )

( মোলে ) কাশীতেই, কি মনুজি হবে ?  
 এই বাদানুবাদ রয়েছে ভবে ।  
 নানা লোকের নানা উক্তি, পণ্ডিতেরা করেন যুক্তি,  
 শিব-বাক্যে বিনা ভক্তি, তর্কে না তার তত্ত্ব পাবে ।  
 মেনেছেন যা মহাজনে, ব্যাস বশিষ্ঠ যা সম্মানে,  
 মোদের বিদ্যা অভিমানে—সেটা কি আজ উড়ে যাবে ।  
 স্থান-মহাস্ব্য আছেই আছে, প্রভাব দেখ একই গাছে—  
 কোথাও বা তায় প্রচুর ফলে, কোথাও কেন বন্ধ্যা হবে ?

কেন সে চন্দ্রনের বাস—সকল কাষ্ঠে নয় প্রকাশ ?  
 সিন্ধুতে অসংখ্য শক্তি—সবাই কি মৃত্তা প্রসবে ?  
 প্রেত-মন্দির পিণ্ড দিতে, ( লোকে ) যায় না কেন বোম্বাইতে ?  
 সকল স্থানই সমান যদি—যায় কেন সব গয়ায় তবে ?  
 স্বাস্থ্যকর জল হাওয়ার আশে, যায় কেন লোক স্থান বিশেষে ?  
 দেহের রোগ তায় সারে যদি, ভবরোগের ভার কাশী লবে ।  
 সাধকে সাধনের জোরে, যেথা-সেথা গেছেন তোরে,  
 সেই নজিরে কাশীর 'পরে, সন্দ করি কোন্ হিসাবে ?

• সিঙ্কুড়া—একতালা

( ২৪ )

আর, ডরিনা মরণে, শঙ্কা কি শমনে,  
 আমি কাশীতে এখানে, লয়েছি আশ্রয়,  
 এয়ে অবিনাশী, মোক্ষধাম কাশী,  
 শিব-বাক্য মোরে দিয়েছে অভয় ।  
 মরিলে এখানে—মোক্ষ হয় তার,  
 পুনর্জন্ম ভয় থাকে নাক' আর,  
 তারক-ব্রহ্ম নামে করেন উদ্ধার,—  
 স্বয়ং শঙ্কর শিব কৃপাময় ।  
 এ কল্যাণ-বাণী মিথ্যা ভাবে যারা,—  
 বিদ্যা অভিমানী—অবিশ্বাসী তারা,  
 নিজ ক্ষুদ্র জ্ঞানে—হ'লে আত্মহারা,—  
 দেব-বাক্য বৃথা—প্রকাশ্যে সংশয় ।  
 ভিত্তারী শঙ্কর, কিতকের তরে,—  
 কৃপায় এ বিধি—রেখেছেন কোরে,  
 সমর্থ সে যারা—স্থিতি ভাব ধরে,—  
 হয় হৃদে তারা—হরনি উদয় ।

দেব-বাক্যে যদি মিথ্যা জ্ঞান হবে,

কার কথা তবে সত্য বলি লবে ?

অটুট শ্রদ্ধায় আমি যেন ভবে—

ভক্তি ভরে সেবি—শিব মৃত্যুঞ্জয় ।



ଜୀବନ କଥା



১। শ্রীকেন্দারনাথ বন্দ্যোপাধ্যায়ের জীবনের কয়েকটি কথা।

২। নিবাস ও বাড়ী—দক্ষিণেশ্বর, ২৪ পরগণা।

৩। জন্ম—৪ঠা ফাল্গুন ১২৬৯ সাল, রবিবার শিবপ্রয়োদশী (শিবরাত্রের পূর্বদিন) ইংরাজি ১৫ই ফেব্রুয়ারি, ১৮৬৩, রবিবার।

৪। পিতা—৬গঙ্গানারায়ণ বন্দ্যোপাধ্যায়। আগেকার ব্রাহ্মণ, পূজা পাঠ সম্ব্যাহিক নিয়ে থাকতেন। অবশিষ্ট সময় কাটত রামায়ণ মহাভারত দাশরায় আর ‘সংবাদ প্রভাকর’ নিয়ে।

শুনেছি—কাজ চালাবার মত (তখনকার) ইংরাজি লিখতে পড়তে জানতেন। তীর্থে বেঁচিয়ে লাহোরের সামিথ্যে আটকে যান। তখনকার দিনে ধর্মশালায় (চিঠিতে) ইংরাজি জানা বাঙালী এলে না-কি স্থানীয় সাহেবকে জানাতে হ’ত, সেই সূত্রে ধরা পড়ে—ফিরোজপুরে চাকরি স্বীকার করতে হয়েছিল।

অত্যধিক নেশা ছিল—কবির গানের, কবিসঙ্গীত রচনার চর্চাও রাখতেন। আমার বয়স যখন মাত্র ৯ বৎসর, তখন তাঁর পরলোকপ্রাপ্তি ঘটে। মৃত্যুর কয়েক দিন (সম্ভবতঃ ৫।৭ দিন) পূর্বে আমাকে ডেকে, হাতে লেখা একখানি কবিগানের খাতা আমার হাতে দিয়ে বলেন, “এখানি যত্ন করে রেখো, এর পর দেখে খুব আনন্দ পাবে।” তিনি যেন আসন্ন মৃত্যুর সাড়া পেয়েছিলেন।

তাঁর পরলোকগমনের পর—সংসারের নানা পরিবর্তন ও বিশৃঙ্খলায় সে খাতার কথা একদম ভুলে যাই। দীর্ঘকাল পরে (সাহিত্যের শব্দ পাবার পর) সে খাতার খোঁজ পড়ে। পেলুম না, কেবল অসহনীয় বেদনাই পেলুম। সেই মনোকষ্টে অপরাধের প্রায়শ্চিত্তস্বরূপ—বহু চেষ্টায় ও বহু কষ্টে প্রায় তিন শত প্রাচীন কবিসঙ্গীত সংগ্রহ করে প্রকাশ করি।

৫। প্রাতা—আমরা ছিলাম তিন ভাই—জ্যেষ্ঠ ৩গোপালচন্দ্র বন্দ্যোপাধ্যায় তখন মিস্সামিরে আচার্য্য কেশব সেনের ব্রাহ্মমিশনের উচ্চশিক্ষিত রামচন্দ্র সিংহের ছাত্ররূপে লেখাপড়া করতেন—এবং ক্লাসিক লিটারেচার প্রায় সবই তাঁর দেখা হয়েছিল। পড়ার বিশেষ অনুরাগ থাকায় ঐ সঙ্গে উদ্‌ভূত ভাল রকম শিখেছিলেন। তাঁর উপর কেশব-কেন্দার রচনাবলী—১ম খণ্ড

বাবুর বিশেষ টান থাকায় এ-সব সংযোগ ঘটে। কিন্তু সাংসারিক অবস্থার জন্য চাকরি স্বীকার করতে হয়। পড়ার নেশা কিন্তু ছাড়েন নি। সংস্কৃত না জানলে নিজেদের অমূল্য ভান্ডার সম্বন্ধে অন্ধ থাকা হবে, তাই তাঁকে ৩৮ বৎসর বয়সে চাকরি করতে করতে পশ্চিমতে রেখে রাত ২টা পর্যন্ত ব্যাকরণ মধুসূত্র করতে দেখেছি।

৬। শিক্ষা—দক্ষিণেশ্বর বঙ্গ-বিদ্যালয়ে ছাত্রবৃত্তি পরীক্ষা দেবার পূর্বেই দাদার আদেশমত উত্তরপাড়া এইচ. ই. স্কুলে ভর্তি হই।

নিত্য পারাপার থাকায়, মা এ ব্যবস্থা কোন দিনই সমর্থন করেন নি। তাই দু-বৎসর পরে কুটিঘাটা স্কুলে চ'লে আসি। সেখানে বছর আড়াই কাটে। এই সময় দাদা মিরাতে বদলি হওয়ার, সাংসারিক কারণে বাড়ীর সকলকেই মিরাতে চ'লে যেতে হয়।

তখন পশ্চিমাঞ্জে—বিশেষ পাঞ্জাবের সন্নিকটে, বাঙালীর ছেলেদের লেখাপড়ার কোন সুবিধাই ছিল না। স্কুল থাকলেও উর্দু বা হিন্দী অপরিহার্য থাকায় সহসা উচ্চশ্রেণীতে যোগ দেওয়া সম্ভবই ছিল না।

কোমলগর-নিবাসী কেদারনাথ দত্ত বাঙালীর ছেলেদের 'এই অভাব দূর করবার জন্যে একটি স্কুল খোলেন। ইংরেজ হেড মাস্টার, একটি বাঙালী শিক্ষক ও নিজে পড়াতে। সেই স্কুলেই ঢুকে পড়ি।

বৎসর দুই পরে দাদা আম্বালা বদলি হওয়ায় সেখানে যেতে হয়। সেখানে গোয়ার ছেলেদের জন্যে একটি কোচিং ইনষ্টিটিউট ছিল। অনেক চেষ্টা ও সুপারিশে আমি আর বেলঘর নিবাসী শ্যামাচরণ চট্টোপাধ্যায় নামে একটি ছেলে তাতে ঢুকতে পাই। সেখানে পড়বার ধারা রীতি যত্নে কতটা আন্তরিকতাপূর্ণ ছিল, আজও তা মনে হ'লে শিক্ষক দ্বুটির উদ্দেশ্যে মস্তক নত করতে হয়।

পথে পথে বিদ্যার্জন চলছিল। তার পূর্বেই তখনকার এন্ট্রেন্স দেওয়ার দরকার ছিল, নচেৎ পড়া বেকার হয়ে যায়। পরীক্ষায় যোগ দেবার আশায় তাই লক্ষ্মী ক্যানিং কলেজিয়েট স্কুলে গিয়ে ভর্তি হই। সংস্কৃত ছাড়া কিছুই বড় দেখতে হ'ত না। আর কয়েক মাস থাকলেই উদ্দেশ্য এগোয়। কিন্তু লেখাপড়ায় আরম্ভ থেকেই ব্যয়মাত সঙ্গ নিয়েছিলেন। বাড়ীতে আকস্মিক এক অভাবনীয় বিপদের টেলিগ্রাফ পেয়ে দক্ষিণেশ্বর রওনা হ'তে হয়।

দাদার এক বন্ধু আমার জন্য চাকরি স্থির করেই এ কাজ করছিলেন। বললেন, “গোপালের এই বিপদ, চাকরি থাকে ব'লে মনে হয় না, এখন তোমার চাকরি না করলে নয়। তোমার লেখাপড়ার উদ্দেশ্য তো জীবিকার্জন”—ইত্যাদি।

স্কুলে পড়ার এইখানেই শেষ।

( দাদা তখন ২৫০ টাকা বেতন পান। তাঁর নামে একটা চার্জ দিয়ে তাঁকে 'সস্পেন্ড' ক'রে রাখা হয়েছিল। ছয় মাস পরে অফিসারের ভুল ধরা পড়ায় দাদা আবার সেই কাজেই প্রতিষ্ঠিত হন। তখন তিনি আমাকে চাকরি ছেড়ে পড়তে বলেন। কেঁচে সে কাজ আর করা হয় নি। )

দাদা তখন 'ইন্ডিয়ান মিরার' পত্রিকায় নিয়মিত লিখতেন আর আমাকে দিয়ে কাপি করাতেন। কখন বা বিষয়টা বাংলায় ব'লে দিয়ে ইংরাজিতে সেটা লিখতে বলতেন, পরে কেটেকুটে ঠিক ক'রে দিতেন। ক্রমে নিজের লেখার ঝোঁক চাপে। কয়েকবার নিজেও লিখোঁছিলুম—তিনি অবশ্য দেখে দিতেন।

দাদা গোড়া থেকেই 'বঙ্গদর্শন' পত্রিকা নিতেন। বাংলা বই তখন অল্পই ছিল, এবং পশ্চিমে সে সব দেখবার উপায় বা সুবিধা ছিল না। 'বঙ্গদর্শন'ই আমার এক মাত্র বাংলা পাঠ্য হয়ে দাঁড়ায়। আমি তার প্রত্যেক লেখাটি বার বার পড়তুম। উল্লেখ নিম্নপ্রয়োজন যে, "বিশ্ববৃক্ষ" "চন্দ্রশেখর" "কমলাকান্ত" প্রভৃতি কন্ঠস্থ হয়ে গিয়েছিল।

তখনকার দিনে ইংরাজিতে লেখা শিক্ষিতদের অপরিহার্য ফ্যাশন ছিল, পত্রাদি লেখা তো বটেই। কিন্তু 'বঙ্গদর্শন' বিশেষ বস্কমচন্দ্রের লেখা আমাকে এতই মৃদুধ করেছিল, ইংরাজি লেখার মোহ একদম মূছে গেল। সেজন্য দাদা দণ্ডিত করেন, তিরস্কারও করেন। বলেন, "বাংলা লিখতে নিষেধ করি না, কিন্তু ইংরাজি আমাদের জীবিকার্জনের ভাষা, তার উপর কর্মজীবনের উন্নতি অনেকখানি নির্ভর করে, ওটা একেবারে ছেড়ে না।" কথা সত্য হ'লেও আমাকে তখন 'বঙ্গদর্শন' টেনেছে, বিশেষ 'কমলাকান্ত' স্মরণ।

#### আমার সাহিত্য-সম্রবের প্রথম অধ্যায়

তাই প্রারম্ভ-বোবনের অপরিণত অভিজ্ঞতা নিয়ে 'সংসারদর্পণ' নামে মাসিক পত্রিকা সম্পাদনে রতী হই। ছেলেখেলা হ'লেও 'সংসারদর্পণ' একাদশ শতাধিক গ্লাহক পেয়েছিল। দুই বৎসর চালিয়ে কঠিন রোগাক্রান্ত হয়ে সম্পাদন বন্ধ করতে বাধ্য হই। কারণ ছিল, তখনকার দিন ছিল লেখক-বিরল; সম্পাদকদের পত্রিকার প্রায় অর্ধেক পৃষ্ঠা পূরণের ভার নিতে হ'ত বা নেবার জন্য প্রস্তুত থাকতে হ'ত। তখন লেখক থাকলেও তাঁরা ছিলেন অল্পসংখ্যক, বোধ হয় এখনকার মত সাহসীও ছিলেন না (বে-পাল্লেকী বলছি না)। বর্তমান যুগকে পাঠক-বিরল না বললেও এটা লেখক-বিরল যুগ তো নয়ই।

রোগমুক্ত হ'লেও সাহিত্যচর্চা ছাড়ল না। সেইটাই রোগ হয়ে রইল।



কারণ পূর্বেই উল্লেখ করেছি কতকটা শাস্তির জন্য। 'গদুপ্তরস্বোস্থার' নাম দিয়ে আড়াই বৎসরের শ্রম ও চেষ্টায় প্রায় তিন শত প্রাচীন কবি-সঙ্গীত সংগ্রহ করে ১৩০১ সালে প্রকাশ করি। কবি হেমচন্দ্র তার বহু প্রশংসা করে পত্র লেখেন, এবং রবীন্দ্রনাথ তাঁর 'সাধনা'য় [ জ্যৈষ্ঠ ১৩০২ ] একটি দীর্ঘ নিবন্ধ লিখে তার প্রয়োজনীয়তা স্বীকার করেন।

অনুমান ১৩০২।৩ 'রঙ্গাকর' নামে একখানি ক্ষুদ্র নাটক লিখে প্রকাশ করি। অভিজ্ঞতা না থাকায় প্রকাশের পর পরম শ্রমেয় নাট্যসম্রাট গিরিশচন্দ্র ঘোষ মহাশয়কে দেখাই। তিনি দয়া করে দেখে দৃ-একটি দোষ সম্বন্ধে উপদেশ দেন এবং আনন্দ প্রকাশ করে উৎসাহও দেন। স্টেজে রক্ষহত্যাটি ছিল প্রধান দোষের এবং নিষিদ্ধও।

এই সময় 'বঙ্গবাসী' সাপ্তাহিক পত্রিকায় ব্যঙ্গরসিক শ্রদ্ধাশ্রুপদ ইন্দ্রনাথ বন্দ্যোপাধ্যায় "পঞ্চানন্দ" লিখতেন, এবং 'দৈনিক চন্দ্রিকা'য় ও মধ্যে মধ্যে 'বঙ্গবাসী'তে নন্দিশর্মার 'নোট' বা ডায়ারি নামে আমার হাস্যরসাত্মক 'চুটকি' প্রায় তিন বৎসর দেখা দেয়। ক্রোধের (সম্ভবতঃ সূত্বের) বিষয়, নিজের 'ফাইল কার্পি' নষ্ট হওয়ায়, সে সব আর পুস্তকাকারে প্রকাশ পায় নাই। নির্বাচনান্তে প্রকাশের ইচ্ছা ছিল, সে সম্ভাবনা আর নাই।

ওই সময় ঠাকুর-বাড়ী হ'তে 'বালক' নামে একখানি পত্রিকা দেখা দেয়। এক সংখ্যায় 'লাঠি' ব'লে একটি লেখা বাহির হয়। সেই সংস্রবে বোধ হয় মনীষী জ্যোতিরিন্দ্রনাথ [ রবীন্দ্রনাথ ] ঠাকুর "লাঠির উপর লাঠি" চালান। আমি "লাঠালাঠি" লিখে [ আষাঢ় ১২৯২ ] সেটা শেষ করে দি। পরে রবীন্দ্রনাথের "চিরঞ্জীববন্দু" ব'লে ইয়ং বেঙ্গলদের প্রতি ঠাকুরদার উপদেশ দেখা দেয়। আমি "শ্রীচরণেশ্ব" ব'লে তার উত্তর দি [ অগ্রহায়ণ ১২৯২ ]। বিষয়টি উভয়েই দৃ-তিন সংখ্যায় চালাই। তখন কে জানত যে, কার সঙ্গে এই বাচালতা করা হচ্ছে।

এখন দক্ষিণেশ্বরকে আমাদের সমস্রকার পঞ্জীগ্রাম বলা আর চলে না। তখন কলকাতায় চাকরি করতে যাওয়া মানে কাজ করতে যাওয়া অপেক্ষা যাতায়াতের চাকরিই ছিল বড় চাকরি। সে কাজে চার ঘণ্টা নিত, প্রস্তুত হবার হাঁপানি আর বিবিধ অসুবিধা বাদে। সুতরাং আমি ছিলাম তখনকার পাড়াগেয়ে, শহরের "চোখোলো মূখোলো" তীক্ষ্ণ বুদ্ধি বা অভিজ্ঞতা না থাকায় সহজেই আমার দুখানি পুস্তকের পাণ্ডুলিপি সূক্ষ্মদূর মিষ্ট ভাষার মোহে পরহস্তে অগন্তগমন করে। কিছু দিন পরে তাদের রূপান্তরে ও নামান্তরে দেখতে পাই। আবার দাদার এক পরিচিত লোকের হাতে একখানি ছাপানো গ্রন্থের পঞ্চশতাধিক কার্পি উই আর ই'দুয়ের গর্ভে না-কি লোপ পায়। অসম্ভব নয়, 'পদ্যপাঠে' তাঁদের পরিচয়ও পড়া ছিল।

এই সব আঘাতই আমার সাহিত্যচর্চা বা সাহিত্যসেবা খামিরে দেয়। ১৯০৫ ব্রিস্টলে আমি লিখে পড়ে স্বেচ্ছায় বদলি বরণ করে জব্বলপুর চলে যাই। ব্যাথাটা বড়ই লেগেছিল,—প্রিয়বস্তুর সঙ্গে বিচ্ছেদ অতি সামান্য কারণে, অকারণেও ঘটে থাকে। এ ক্ষেত্রেও তাই হয়েছিল।

জব্বলপুরে সাত বৎসর কাটে। মানুষ একটা কিছুর না নিয়ে থাকতে পারে না, পড়া-টাই বন্ধ হয়ে রইল। ক্যান্টনমেন্টে বাঙালীদের দুর্গোৎসব বা থিয়েটার ছিল না। দত্তপুত্র-নিবাসী শ্রুত্যাগোপাল লাহিড়ী ছিলেন কর্মী, উৎসাহী ও অভিনয়দক্ষ, তাঁকে অবলম্বন করে দুর্গাপূজা আরম্ভ করা হয় এবং উৎসবের দিক্‌টা সফল করা হয় থিয়েটারে।

চীনে ‘বক্সার’ হাঙ্গামা সম্পর্কে আদেশমত ১৯০২ খৃঃ জুলাই মাসে চীন যাত্রা করি। ইতিপূর্বে যুদ্ধ-সম্প্রবে উত্তর-পশ্চিম সীমান্তে যাবার আদেশ চার বার পাই। নানা ছলে সে-সব এড়িয়েছিলুম, কারণ মা তখন বেঁচে ছিলেন। বার বার যুদ্ধে যাবার আদেশ অমান্য করার তার কঠিন সাজাও স্বীকার করতে হয়েছিল, চাকরিতে আমার উন্নতির সকল পথই বন্ধ করা হয়। তা আমার গায়ে লাগেনি, মায়ের শাস্তিবিধানের জন্য চাকরির মায়া ত্যাগ করতেও আমি প্রস্তুত ছিলুম। এখন মা ও দাদা উভয়েই পরলোকে, তাই চীনযাত্রাটা স্বেচ্ছায় করি। তাতে জগতের সমস্ত সভ্য (?) জাতিকে এক ক্ষেত্রে দেখবার সুযোগ পাই। তাঁরা বজ্রার হাঙ্গামা উপলক্ষ্য করে যুদ্ধের জন্য প্রস্তুত হয়ে এসে চীনের বৃকে চেপে বসে ছিলেন।

লেখার উপর অভিমান করে দিন কাটানো কঠিন ছিল। তাই চীনেও একটা কিছুর নিয়ে থাকবার তরে অফিসারদের সাহায্য নিয়ে টিনসিন শহরে ইন্ডিয়ান রিক্রিয়েশন ক্লাব খোলা হয়। সেখানে নিত্য নিজেদের বসা, দাঁড়ানো, খেলা, বস্ত্রাদি ছাড়া ভারতের লোকেরা সেখানে guest হ’তে পারতেন, এবং হতেনও। তার মধ্যে মিঃ ছয়ে। ইনি তাঁর মহারাজার সার্কাস নিয়ে আসেন। তাঁকে নানা প্রকারে সাহায্য করা হয়েছিল। যা পূর্বে কোনও ‘ফরেনারের’ ভাগ্যে কোনও দিন ঘটে নাই, বোধ করি ভারতীয় বংশেই, পিকিন (Forbidden City) হ’তে তাঁদের সার্কাস দেখাবার জন্য ডাক পড়ে। রাজপরিবারের একজন বিশিষ্ট কর্মচারী উক্ত ক্লাবে এসে ব্যবস্থা করে যান। মিঃ ছয়ে ফেরবার সময় ক্লাবকে একটি বাড়ি ও একটি অর্গান উপহারস্বরূপ দিয়ে যান। আমরাও তাঁকে অভিনন্দনপত্র ও স্বর্ণপদক (মেডেল) দি।

১৯০৫ আগস্ট অর্থাৎ তিন বৎসর পরে ভারতে ফিরে কানপুরে টোমার অফিসের ভার গ্রহণ করতে হয় এবং ওই সঙ্গে স্থানীয় ভগ্নলোকদের ইচ্ছা ও অনুরোধে শেখানকার “বঙ্গ-সাহিত্য-সমাজ” লাইব্রেরির সম্পাদকত্ব স্বীকার করতেও হয়। স্থানীয় সর্বাঙ্গ

যশস্বী ভাস্কর শ্রীযুক্ত সুরেন্দ্রনাথ সেন ছিলেন উক্ত প্রতিষ্ঠানের প্রেসিডেন্ট। প্রবাসে—  
উৎসাহী, উদ্যমী, কর্মপ্রাণ, উদার, মৃদুহস্ত মনীষীদের মধ্যে তাঁকে অন্যতম বললেও যেন  
সবটা বলা হয় না।

আমাদের উভয়ের প্রীতির বন্ধন ঘনিষ্ঠতর হয়েছিল। বাঙালীদের জন্য তিনি একটা  
কাজের মত কাজ খুঁজছিলেন। ১৯০৮ খ্রীষ্টাব্দ থেকে চিন্তা-চর্চা চলছিল, পরে  
১৯০৯ খ্রীষ্টাব্দে প্রস্তাব করি—এ প্রদেশে বাঙালী যুবকদের মধ্যে বাংলা ভাষা ও  
বাংলা-সাহিত্যের প্রতি অনুরাগ উদ্দীপনের চেষ্টার আবশ্যক হয়েছে; কিন্তু অগ্রণী  
হয়ে সহসা নিজেরা কিছু করতে গেলে সকলের সহানুভূতি পাওয়া সহজ হবে না।  
সব শহরগুলির চিত্তাকর্ষণ করতে হ'লে তাঁদের সামনে একটা সম্মিলিত শক্তিমান  
প্রতিষ্ঠানের বলিষ্ঠ আদর্শ একবার ধরে দিতে হবে। এই বৎসর এলাহাবাদে  
কংগ্রেসের অধিবেশন, আমার প্রস্তাব ছিল সেই মন্ডপের সুযোগ নিয়ে প্রথমে কলিকাতার  
“বঙ্গীয়-সাহিত্য-পরিষৎ”কে এ প্রদেশে আহ্বান করে বাঙালীদের মধ্যে বাংলার  
অবধারা ও বঙ্গভাষার শক্তি-সামর্থ্য ও মাহাত্ম্য সংক্রামিত করা এবং তাঁদের  
চিন্তে বঙ্গভাষার প্রতি শ্রদ্ধা আকর্ষণ করা। প্রস্তাবটি ডাঃ সেন সোৎসাহে সমর্থন  
করেন।

পরে উদ্দেশ্যটি বিশদ ও বিস্তারিতভাবে এবং উদ্দেশ্যের কারণগুলি বিশেষ  
সতর্কতার সহিত সুগঠিত করে প্রধান প্রধান শহরগুলির লাইব্রেরি বা ক্লাবের  
সম্পাদকের নিকট পাঠাই ও তাঁদের অভিমত আহ্বান করি। বিশেষ শ্রমসাধ্য হ'লেও  
সে সুস্বোগ না নষ্ট হয় সেই চেষ্টাই পাই।

সকলের অভিমত সংগ্রহের পর পরম প্রমথ্যম্পদ আচার্য্য ত্রিবেদী মহাশয়ের নিকট  
আবেদন উপস্থিত করি। তাঁর আন্তরিক সমর্থনও পাই। কিন্তু তৎপূর্বে ময়মন-  
সিংকে কথা দেওয়া হয়েছিল, তাঁর চেষ্টা সত্ত্বেও ময়মনসিং অধিবেশন স্থগিত রাখতে  
রাজি হ'তে পারলেন না, যেহেতু তাঁরা বহু দূর অগ্রসর হয়েছিলেন।

এই আশাজঙ্গের সঙ্গে সঙ্গে আমি কলিকাতায় বদলি হওয়ায়, সকলেই, প্রধানতঃ  
ডাঃ সেন নিরুৎসাহ হয়ে পড়েন। আমি কথা দি—কলিকাতা অবস্থানকালে পরিষদের  
সহিত ঘনিষ্ঠভাবে মেলবার সুযোগ পাব। আমার তিন মাস ছুটি পাওনা আছে,  
সেই সাহায্যে এ কাজটি করে যাব।

তা আর করতে হয় নি। আন্তরিক আকাঙ্ক্ষা—উদ্দেশ্যের দিকে ধীরগতিতে  
আপনি রূপান্তরিত হয়ে থাকে। পূর্বচেষ্টার ফলে ও প্রভাবে প্রবাসী বাঙালীদের  
মধ্যেও একটা নীরব জাগরণ—সম্বন্ধ হবার দিকে অগ্রসর হচ্ছিল। কয়েক বৎসর পরে

সেই আকাঙ্ক্ষা প্রাচীন বিদ্যাকেন্দ্র কাশীধামে—“প্রবাসী বঙ্গ-সাহিত্য-সম্মিলনী” নামে প্রথম দেখা দেয়, এবং তাতে পৌরোহিত্য করেন স্বয়ং রবীন্দ্রনাথ।

চাকরি কোন দিনই আমার ভাল লাগে নি। অঞ্চ অফিসাররা সকলেই চাইতেন ও ভালবাসতেন। পদত্ব হয় নি। কন্যা একটি মাত্র, সে সদৃপায়েই পড়েছিল। জামাই ছিলেন এল. এম. এস ডাক্তার। ভাললদুম—কেন আর ভুতের ব্যাগার খাটা। এ ইচ্ছা কানপদর থেকেই প্রবল হয়। কিন্তু চীনের ও পশ্চিমের জলহাওয়ার গদুণে স্বাস্থ্য তখন নিখুঁত। নির্দিষ্ট কার্যকাল পূর্ণ হতেও বছর সাতেক বাকি। আমাকে চাকরি হ'তে অবসর দেবে কে? মন কিন্তু চাকরি-বিমুখ। আমার অফিসার মেজর স্মিথ ডি. এস. ও. বন্ধুর মত ভালবাসতেন। তাঁকে সব কথা খুলে বলি,—ছেলে নেই, কন্যাদায়মুদ্র হরেছি, জীবন কিন্তু নিষ্ফল। জীবিকার্জন করেছি মাত্র, নিজের কাজ কিছুই করা হয় নি। আমি ব্রাহ্মণসন্তান, পরমার্থচিন্তা আমার অবশ্যকরণীয় কাজ। সেটা র'য়ে গিয়েছে। সব সত্য কথা বললুম ও আমাকে কর্ম হ'তে অবসর নিতে সাহায্য করতে অনুরোধ করলুম। তিনি শুনে অবাক। পরে আমার প্রস্তাবের আন্তরিকতা ও দৃঢ়তা বদ্বতে পেয়ে বললেন—“পাঁচটা বছর থাকলে, এখন যা পাবে তার তিনগুণ পাবে, নির্বোধের মত এরূপ ত্যাগস্বীকার কেন?” বললুম—সারাজীবন comfort-seekingএ (আরাম খুঁজে) কেটেছে, এ কাজে ত্যাগই প্রথম সোপান.—আমি যদি অসুখে চালাতে না পারি, ত্যাগের আনন্দ আমাকে সাহায্য না করে, তবে বদ্বব—আমার এ সঙ্কল্পের মধ্যে সত্য নাই। বললেন—“আমার বদলি আসন্ন, সেই সময় মনে ক'রে দিও।” তাঁর সাহায্য ছাড়া কর্ম হ'তে অবসর লওয়া আমার সম্ভব ছিল না।

#### কাশীগমন

১৯০৯ এর নবেম্বরে ছুটি নিয়ে কাশী যাই, পরে ১৯১০ এর মে মাসে মেডিক্যাল সার্টিফিকেটের সাহায্যে রিটায়ার করি।

Habit is the second nature ব'লে একটা কথা আছে, আমরাও ব'লে থাকি “অভ্যাস যায় না ম'লে।” জোর ক'রে লেখার অভ্যাস ছেড়ে দিয়েছিলাম। যদিও বিশ বৎসরের মধ্যে চীন হ'তে “চীনপ্রবাসীর পত্র” নামে ‘ভারতী’ পত্রিকার দুই বার [ চৈত্র ১৩১০, বৈশাখ ১৩১১ ] মাত্র লিখি, প্রথমে দীনেশচন্দ্র সেন ডা থেকে নারীশিক্ষা সম্বন্ধে আমার প্রস্তাব উদ্ভূত ক'রে নব পর্বীর ‘বঙ্গদর্শনে’ লেখেন ও সেই অন্ত্যাবসানকাল

কথাগদ্যলিখে সকলের দৃষ্টি আকর্ষণ করেন। অন্যান্য কথার মধ্যে ছিল, মেয়েদের অর্থকরী বিদ্যাশিক্ষা করাই চাই, এমন কি compulsory হ'লে ভাল হয়।

তার বহরখানেকের মধ্যে তা নিয়ে দেশে সাড়া পড়ে, বোধ করি শ্রেয়শ্রী কৃষ্ণভাবিনী দাস উদ্‌যোগী হন।

অন্তরে কিন্তু সাহিত্য-প্রীতির আসন পাতাই ছিল। কোথাও না লিখলেও, বাড়ীতে একখানা খসড়া খাতা খোলা থাকত, অবসর-বিনোদনের উপায় ছিলে। দশাশ্বমেধে সাধু সন্ত দেখে বেড়াই, সুযোগ হ'লে সঙ্গও খুঁজি। তন্মিষ্ট বিশেষ কিছু চোখে পড়লে বাসায় ফিরে অন্তরকন্ডয়ননিবৃত্তি হিসেবে লিখে রাখি। খাতাখানি ক্রমে পুণ্ড হ'তে থাকে।

ইতিমধ্যে কলকাতার প্রেস তুলে এনে, মণিভূষণ নাথ ব'লে একটি ছেলে কাশীধামে প্রেস প্রতিষ্ঠা করে। আমার বৈঠকখানা চিরদিনই প্রিয় তরুণদের কাছে অব্যাহত থাকত। মণিভূষণও আসত যেত। সেই খসড়া খাতাখানির উপর তার নজর পড়ে ও আমার উপর তার আশ্রয় পড়ে। কোনও আপত্তিই কাজ দিলে না। শেষ সত' হ'ল আমার নাম ব্যবহার করতে পারবে না। মণিভূষণ আমার 'বঙ্গবাসী' ও 'দৈনিক চন্দ্রিকা'য় ব্যবহৃত pen-name—"নন্দিশর্মা" ব্যবহার করে, পুস্তকের নামকরণ হয় 'কাশীর-কিণ্ণ'।

শ্রেয়শ্রী রসরাজ অমৃতলাল বসু তখন কাশীধামে ছিলেন। লোকে তাঁকেই লেখক ব'লে ঠাওরায়। 'প্রবাসী' পত্রিকা লেখেন—এ লেখা হাস্যরসিক শ্রীধর ললিতকুমার বন্দ্যোপাধ্যায় ভিন্ন আর কাহারও নয়। তখন 'ভারতবর্ষ' পত্রিকায় 'কাশীর-কিণ্ণ'-এর একটি দীর্ঘ সমালোচনা ছিলে ললিতবাবু ব'লে দেন—লেখা তাঁর নয়। পরে বড়দিনের বন্ধে কাশী এসে আমাকে কেবল আশ্বাসই করেন না, বিশেষ ঘনিষ্ঠতাও স্থাপন করেন এবং বলেন, 'বন্ধুদের বিতরণের জন্য আমাকে আপনি 'কাশীর-কিণ্ণ'-এর ষোল কাপি কিনিয়েছেন।' পরে নাছোড়বান্দা হয়ে, ভবিষ্যতে লেখবার (নিম্) রাজিনামা নিয়ে কলকাতায় ফেরেন। তার পর যত দিন জীবিত ছিলেন, আমাদের মধ্যে নিয়মিত পত্র-ব্যবহার ছিল। এমন রসগ্রাহী শ্বেতার সুধী বহু ভাগ্যে মেলে। তাঁর অনুরোধ এড়ানো আমার সাধ্যাতীত হয়ে পড়ে। তাঁর তাগিদেই আমার সাহিত্যসেবার দ্বিতীয় অধ্যায় আরম্ভ।

নাট্যকার শ্রীধর মণিলাল বন্দ্যোপাধ্যায় কাশী হ'তে 'প্রবাস-জ্যোতিঃ' নামে একখানি মাসিক পত্রিকা প্রকাশ করেন। সম্পাদনভার আমার উপরই ন্যস্ত হয়। এক বৎসর পরে তা পারীক্ষিক কি সাপ্তাহিকে রূপান্তরিত হওয়ায় আমি সে সম্বন্ধে ত্যাগ করি।

এখনকার 'উত্তরা'-সম্পাদক শ্রীমান্ সুরেশ চক্রবর্তী হন সহকারী সম্পাদক। শ্রম্বেয় ললিত বাবুর বিশেষ আগ্রহে আমার সাহিত্যসেবার দ্বিতীয় অধ্যায় আরম্ভ হয়, কিন্তু শ্রীমান্ সুরেশের আন্তরিক চেষ্টা ও তাগিদ না থাকলে আমার এ কাজ দৃ-দিনেই থেমে যেত।

এই সময় আমাদের প্রিয় সাহিত্যশিষ্টপী লক্ষপ্রতিষ্ঠ ঔপন্যাসিক শ্রম্বেয় শরৎচন্দ্র কাশী আসেন। কাশীতেই তাঁর সাহিত্য সাক্ষাতের ও আলাপের সৌভাগ্য আমার ঘটে। পরে তা বন্ধুত্ব দাঁড়ায়। প্রেমিক দরদী একবার আমার কঠিন পীড়ার সংবাদ পেয়ে একটি চাকর সঙ্গে কাশী এসে উপস্থিত। পাঁচ দিন থাকেন, অনেক কথাই হয়, পরে আশ্বাস ও উৎসাহ দিয়ে ষষ্ঠ দিন প্রত্যাবর্তন করেন। সে কথা আজ কথা মাত্র বোধ হ'তে পারে, কিন্তু সে দিন তা ছিল না।

পরে রবীন্দ্র-জয়ন্তী উৎসবে দেখা। রূপনারায়ণ-তীরে তাঁর সামতাবেড় ভবনে ষাবার ইচ্ছা প্রকাশ করি।" নিজেই নিবেদন করেন, "পথ সূগম নয়—কষ্ট হবে।" পরে, উভয় কবির সঙ্গে দেখা করতে বাই জোড়াসাঁকোর বাড়ীতে। ৩০০ মাইল থেকে যেতে হ'লেও তাঁর "বন্দনা"-সভায় না গিয়ে থাকতে পারি নি। শেষ দেখা—প্রবাসী-বঙ্গ-সাহিত্য-সম্মিলনীর কলিকাতা-অধিবেশনে গিয়ে। সেই সময় একত্রে তাঁর 'বিজয়া' নাটকের অভিনয় দেখে আসি। তখন বলেছিলেন, "আর নয়, মাত্র দুখানি নাটক লিখে ছুটি নেব।" নিজে অত্যন্ত অপটু থাকায় তাঁর শেষ শয্যার পার্শ্বে উপস্থিত হ'তে পারি নি। বন্ধুত্বের নিদর্শনরূপে তাঁর কয়েকখানি পত্র রেখেছি মাত্র।

পেনশনের পর কাশীবাস ক'রে সাহিত্য নিয়ে থাকতে, মন মধ্যে মধ্যে বিদ্রোহ ক'রে উঠত, এ কি করছি! এ যে যেমন অশোভন, ততোধিক লজ্জার কথা। পূজনীয় কবি আহমদাবাদ ষাবার পথে শ্রম্বেয় অতুলপ্রসাদ সেন মহাশয়ের লক্ষ্যে নিবাসে বিশ্রাম করছিলেন। প্রবাসী-বঙ্গ-সাহিত্য-সম্মিলনীর নাগপুর-অধিবেশনে সাহিত্য-বিভাগে আমার অভিভাষণ অতুলপ্রসাদের না-কি বড় ভাল লেগেছিল। সে কথা শুনে কবি আমাকে দেখতে চান, আমি নাগপুর হ'তে কাশীতে ফিরেছি মাত্র—সহস্রা 'উত্তরা'-সম্পাদক শ্রীমান্ সুরেশ চক্রবর্তীর নামে জরুরি টেলিগ্রামে অতুলবাবু কবির ইচ্ছা জানিয়ে আমাকে নিয়ে যেতে বলেছেন। কবিসকাশে নানা আলোচনায় পাঁচ দিন মহানন্দে কাটে। সেই সূযোগে কাশীবাসান্তে সাহিত্যচর্চা সম্বন্ধে আমার মানসিক জ্বাচ্ছন্দ্যের কথা কবিকে জানাই। তিনি মৃদু হেসে বলেন, "মৃদু চাও,—না?" পরে এক কথার আমাকে নীরব করে দেন। কথাটি এই,—"মৃদু দিয়ে মৃদু পেতে হয়। মৃদু না দিয়ে কেউ মৃদু পায় না। তুমি যদি মৃদুকামী হও, আর তোমার

মধ্যে যদি এমন কিছু থাকে, যা তোমার আত্মীয় হয়ে তোমার অন্তরে আছে, যার কথা তোমার মধ্যে বিক্ষিপ্ত আনে, তোমার মনকে সহজভাবে জড়িয়ে থাকে ও টানে, তাকে মর্দুতি না দিলে তোমার মর্দুতি কোথায়? তাকে মর্দুতি দিলে তবে তোমার মর্দুতি।” ইত্যাদি। তার পর নাটক সম্বন্ধে কিছু জানতে চাওয়ায় খুব উৎসাহের সহিত অনেক কথা বলেন। “তোমরা (শরৎ, তুমি) সামাজিক নাটক লিখলে অনেক জিনিস পাওয়া যায়।” বিষয়টি সারাদিন তাঁকে ত্যাগ করে নি, মধ্যে মধ্যে সে সম্বন্ধে নিজেই বহু উপদেশ দেন। নানা কারণে আমার দ্বারা তা আর হয়ে ওঠে নি। প্রধান কারণ ৫৬।৫৭ বৎসর বয়সে সাহিত্যসেবার দ্বিতীয় অধ্যায় আরম্ভ হওয়া, আর পত্রিকাদিতে কন্ট্রিবিউশনের তাগাদা। প্রতিভাবান ও বিশেষ শক্তিসম্পন্ন লেখক ভিন্ন, তাগাদা তামিল ক’রে কেউ কোন ওয়াক্ষ রেখে যেতে পারেন কি না সন্দেহ। আমার স্বভাব ছিল স্বতন্ত্র। যতক্ষণ পেরেছি কাকেও ক্ষুণ্ণ করতে পারি নি, লিখতেই হয়েছে।

ললিতাবাবুর তাড়ায় তখন আমি কেবল ভাবছিলাম—কি লিখব? আমার লেখা পড়বেই বা কে এবং কেন? উপদেশাত্মক কথা—‘সাম্মান’ নিজেই ভাল লাগে না, দেশে তার সম্ভাব নেই। সে সব পৃষ্ঠাগুলি না দেখে বাদ দিয়ে যাওয়াই তো সাধারণ অভ্যাস। কি লিখি? শেষে অনেক ভেবে জীবন, সমাজ ও সংসারের বেদনাগুলি যথাসম্ভব হাস্যরসের আবরণে প্রকাশ করবার পথ খুঁজি, তাতে যদি পাঠক-পাঠিকার সহানুভূতি পাই। প্রায়সাটি আমার পক্ষে সহজ ছিল না, অথচ অন্য পথে পাঠকদের আকৃষ্ট করবার ক্ষমতাও আমার ছিল না।

মধ্যবিস্তৃত ভ্রূদের ও ভ্রূ পরিবারের কষ্টের জীবন আমাকে চিরদিনই বেদনা দিয়েছে ও দেয়, বিশেষ মহিলাদের দুঃখের জীবন, যা অন্তরে চেপে প্রসন্ন মুখে নীরবে তাঁরা বহন করে চলেছেন ও চলেন। দুঃসাহসের কাজ হ’লেও আমাকে তা হাসির আবরণে ব’লে যেতে হয়েছে। আমার অভিজ্ঞতা ৪০।৫০ বৎসর পূর্বের বলা চলে। তার পর বহু পরিবর্তন ঘটেছে, তাতে যে তাঁদের সংসারের বিশেষ সুখ-স্বাচ্ছন্দ্য বেড়েছে তা আমার জানা নাই। বাহ্যিক উন্নতিই চোখে পড়ে—তাও শহরে ও শহরতলিতে। তাই আমি আমার লেখার কোথাও বিশেষভাবে তাঁদের সম্বন্ধে আলোচনা করতে সাহস পাই নি। কম্পনার উপর নির্ভর করি নি। গরীবদের লোক গরীব ব’লে এবং ধনীদের ধনী ব’লে জানে, মধ্যবিস্তৃতদের সে আগ্রহ নাই, বাঁচোয়াও নাই। ‘দেনা’ আর ‘উঠনো’ই তাদের মা-বাপ।.....

প্যাটিন্

১। তরুণত্বের কোটায় স্যাটোরার সৃষ্টির সখ চেপেছিল। একেবারে না ছাড়লেও সেটা ত্যাগ হয় গ্রামস্থ একজন পদস্থ সম্মানিতকে ক্ষুণ্ণ করে। লর্ড রিপন আমাদের সংক্ষিপ্ত স্বায়ত্তশাসন দেওয়ায় গ্রামে গ্রামে ভোট সংগ্রহের সাড়া পড়ে যায়। কমিশনার-পদপ্রার্থীদের আহা-নিদ্রা ত্যাগ হয়। সেই সময় “ভোটভিক্ষা” নাম দিয়ে ‘বঙ্গবাসী’ পত্রিকায় একটি কবিতা লিখি। লেখাটি বোধ হয় সকলের হয়ে কথা কয়েছিল। তাই দেশময় তা নিয়ে সাড়া পড়ে যায় এবং বহু পত্রিকায় সেটি উদ্ধৃত হয়। শুনছি, প্রাথমিক অক্ষয়চন্দ্র সরকারের ‘সাধারণী’ পত্রিকাতেও তা উদ্ধৃত করে আলোচনাও হয়েছিল। আমাদের সম্মানিত সে-কালের রায় বাহাদুর, সেটিকে নিজের ব’লে গায়ে পেতে নেন। বস্তুতঃ সেটি সম্পূর্ণ সাধারণভাবে লেখা হয়েছিল। আঘাতটা তাঁকে অতিরিক্ত লাগে। তাই গুরুজনদের একান্ত অনুরোধে সে পথ ত্যাগ করি।

২। তার পর ‘ফ্রেনলিজ’ আর “সামুদ্রিক” নিয়ে কিছু দিন কাটে।

৩। পরে, সাধারণতঃ কারও কারও জীবনে যে ঝোঁকটা ধরে,—সাধুসঙ্গ, প্রায়াম-প্রীতি এস্তোক মিস্ট্র্যারিক্-সার্কল। যাক, কোনটাই স্থায়ী হয় নি।

N.B. শেষ দেখলুম—( প্যাটিন্ না বলতে পার ) সবার বড় সাহিত্যের নেশা—যা পল্লীর সতীন।

সাক্ষাতের সৌভাগ্য লাভ

জীবনে উল্লেখযোগ্য যদি কিছু থাকে, সেটি—

১। শ্রীশ্রীরামকৃষ্ণ পরমহংসদেবের শ্রীচরণ দর্শন।

২। ধর্ম ও কর্মবীর শ্রীবিবেকানন্দ স্বামীর দর্শন লাভ।

৩। শ্রীবিজয়কৃষ্ণ গোস্বামীজীর দর্শন লাভ।

৪। শ্রীবুদ্ধ আচার্য্য কেশবচন্দ্র সেনের দর্শন লাভ।

৫। বালগঙ্গাধর তিলক মহারাজের দর্শন।

পরলোকগত সাহিত্য-স্রষ্টা ও সাহিত্য-রথীদের সাক্ষাৎ লাভ।

১। সাহিত্য-স্রষ্টা বঙ্কিমচন্দ্র চট্টোপাধ্যায়—যাঁর লেখায় সর্বপ্রথম সাহিত্যের আশ্বাদ পাই।

২। প্রমথানন্দ ভূদেব মুনোপাধ্যায়।

৩। প্রমথানন্দ ‘সাধারণী’ ও ‘নবজীবন’ পত্রিকার সম্পাদক

অক্ষয়চন্দ্র সরকার।



- ৪। পূজনীয় ঈশ্বরচন্দ্র বিদ্যাসাগর।
- ৫। নাট্য-সন্নাট্ গিরিশচন্দ্র ঘোষ।
- ৬। রসরাজ অমৃতলাল বসু।
- ৭। আচার্য্য রামেন্দ্রসুন্দর ত্রিবেদী।
- ৮। সমাজ-শিক্কাপী শরৎচন্দ্র চট্টোপাধ্যায়।

### শির পাঠ

বিশ্বমচন্দ্রের ও রবীন্দ্রনাথের লেখা নির্বাচনসাপেক্ষ নয়। সবই আমার প্রস্থার বস্তু। তবে চর্যনিকা (এখন সঞ্জয়িতা), নৈবেদ্য, গীতাজলি, এগুলিকে “স্বাধ্যায়” বলা চলে। ছোট গল্প প্রবন্ধ ও সমালোচনা হাতের কাছে পেলে না পড়ে থাকতে পারি না। বিশ্বমচন্দ্রের ‘বিবিধ’ ও ‘সমালোচনা’ সম্বন্ধেও যথেষ্ট মোহ আছে। -

শরৎচন্দ্রের সব লেখাই আনন্দ দেয়। আগের দিকের লেখাগুলি তর্জিত আরও কিছুর দেয়। শেষের কয়েকখানির সঙ্গে মতের কিছুর কিছুর অমিল থাকলেও পাঠের আনন্দে তা বাধা দেয় না।

স্বামী বিবেকানন্দ্রের লেখা আমি সাগ্রহে ও প্রস্থার সহিত পড়ে থাকি।

এ সবার সঙ্গে গীতা, রামায়ণ, মহাভারত প্রভৃতি অবশ্যপাঠের উল্লেখ নিঃপ্রয়োজন।

তবে মহাপুরুষদের জীবনী আমার প্রস্থার বস্তু ও সুখপাঠ্য।

ইংরাজ গ্রন্থের প্রিয়পাঠ্যের উল্লেখ নির্বাচনান্তে দেওয়া সম্ভব নয়।

কলেজের অধ্যয়নে আমি বঞ্চিত। মেজর বেনেটের “ফেন্সারওয়েল” লিখেছিলুম, তিনি খুশি হয়ে তাঁর নিজের লাইব্রেরিটি আমাকে উপহারস্বরূপ দিয়ে যান, তাই আমার বিদ্যার পুঁজি। পরে বিংশ শতাব্দীর কন্টিনেন্টাল লিটারেচার আমার অঙ্গই দেখা হয়েছে। তাই প্রিয়পাঠ্য যা ছিল তার কয়েকখানির কথা আজও যা মনে আছে তারই উল্লেখ করছি—

এডিসনের Spectator-এ তাঁর নিজের লেখাগুলি এবং Mr. Stell ও Mr. Swift-এর লেখা।

Charles Dickens (not all his books) ও Chrls Lamb-এর গ্রন্থ। টলস্টয় ও টুরগানিভের গ্রন্থ। থ্যাকারে। অপেক্ষাকৃত আধুনিক Jerome K. Jerome এর humorous লেখাগুলি। Mark Twain Ruskin, Anatol France, Balzac-এর Atheist's Mass আর তার descriptive লেখা আমার বড় ভাল লাগে।

মনে ক'রে লিখতে গেলে detail বেড়ে যাবে। সব মনেও নেই।

শেষ এখন দাঁড়িয়েছে Amiel's Journals-এ। অর্থাৎ যাদের লেখা থেকে আমি সদর ও সাহায্য পেয়েছি তাঁদেরই নাম করলুম।...

আর বেশির দরকার কি? আজ (১৬.২.৪০) ৭৮ আরম্ভ হ'ল, জীবন-কথার কি শেষ আছে ভাই!

পন্নীবিয়োগ—২রা জুলাই ১৯৩৯। এই “মধুরেণ” পর্যন্ত থাকাই ভাল।

দম্কা, ১৫. ২. ৪০

কৈদারনাথ বন্দ্যোপাধ্যায়.











